

LIBERI ARBITRII

CUM

GRATIÆ DONIS, DIVINA PRÆSCIENTIA,
PROVIDENTIA, PRÆDESTINATIONE ET
REPROBATIONE,

CONCORDIA,

ALTERA SUI PARTE AUCTIOR:


D. LUDOVICO MOLINA,

PRIMARIO QUONDAM IN EBORENSI ACADEMIA THEOLOGIÆ
PROFESSORE E SOCIETATE JESU, AUCTORE.

ADJECTI INDICES, RERUM ALTER, ALTER SCRIPTURÆ LOCORUM,
AUCTORIS OPERA PRIORIBUS ACCURATIORES.

ACCEDIT NUNC

APPENDIX AD HANC CONCORDIAM.

*Juxta exemplar quod prodit*

ANTVERPIÆ,

EX OFFICINA TYP. JOACHIMI TROGNÆSII,
MDXCV.



Augustissimo ac Serenissimo Principi

ALBERTO AUSTRIACO,

S. R. E. Cardinali, Regni Lusitanie Gubernatori Maximo,

LUDOVICUS MOLINA,

e Societate Jesu.

SI nullæ rationes aliæ suppeterent cur hoc tibi opus nuncuparem, Princeps Serenissime, ipsa me libri inscriptio monuisset, nemini quam tuæ augustissimæ celsitudini convenientius dedicari potuisse. Nam cum in tuo isto animo tanquam in sereno cœlo, ac puro, non solum virtutum clarissimarum splendor longe lateque pelluceat, sed mirabilis etiam rerum inter se primo aspectu dissidentium concordia suavissimum concentum edat; nemini dubium esse debet, quin hæc tibi nostra de rebus abditissimis explicata Concordia suo quasi jure debeatur. Quod si, ut Pythagoras ille artificiose magis, atque ad hominum aures permulcendas accommodatius, quam ad veram Philosophiam convenientius dicere solebat, harmonia suavior nulla fingi potest, quam quæ cœlestium orbium conversione, ac tonorum inter se certis intervallis rata proportionem distantium concentu efficitur: cujus ita aures obsurderunt, quem non mirifice oblectet is, qui e tuarum virtutum

tutum suavitatem, & morum pervagata fama, tanquam a
 cœlestium sphærarum conversionibus concentus edi-
 tur? Etenim in hac summa generis claritate tam inu-
 sitata inauditaque modestia; in tanta rerum copia, &
 affluentia, tam constans assiduaque frugalitas; in hoc
 quotidiano æstu occupationum, atque in his negotio-
 rum fluctibus, tam solers divinarum rerum cura, tam
 vigilans in administratione Reipublicæ providentia,
 hæc inquam, tot quasi fidium numerorumque tam con-
 cors divisio, ac tam divisa concordia, divini numinis
 impulsu motibus, quid ni tuorum vel invitas etiam &
 repugnantes ad te voluntates alliciat? Tuorum dico,
 qui te in ore & oculis ferunt, ac mirifico amore prose-
 quuntur? Quid ni exterarum etiam nationes ad hoc com-
 mune orbis terrarum emporium confluentes, admira-
 tione defixas detineat? Quid ni apud extremas mundi
 oras, gentesque ultimas, audiatur? Sed quid ego tenui-
 tatis meæ oblitus in altum invehor, & in mari pene
 immenso, ac minime portuoso, navigo, ubi firmiora
 etiam ingenia periculo exalbescere, linguæ etiam Tul-
 lianæ titubare metu potuissent? Aliud tuæ res ingenii
 flumen, aliam dicendi vim, & copiam, longe nobilio-
 rem scribendi characterem requirunt. Unum tamen
 illud non possum quin dicam: quantum mea me tenui-
 tas a tuis laudibus persequendis revocat, tantum, atque
 eo amplius singularem tuam sapientiam, ac rerum di-
 vinarum

vinarum cognitionem impellere, ut hæc lucubrationes nostras, quales eæ cunque sint auctoris industria, ipso certe rerum momento, atq; argumenti difficultate gravissimas, jure patrocinii tuas esse, tibi que potissimum deberi non dubitem. Nam qui poterit Theologiæ studiis non favere is, qui in tanto fastigio dignitatis, atque in hoc regio administrationis splendore clarissimo, ut re vera est insignibus Theologiæ ornamentis præditus, ita rebus Theologicis insigniter capitur, & delectatur? Jam vero quod summi de Catholica fide Quæstoris in Lusitaniæ Regno summa cum laude munus obis, non poterit ejus tibi operis argumentum non probari vehementer, quod ad Christianæ pietatis defensionem, liberi arbitrii nostri cum divina præscientia, prædestinatione, & gratia mirabilem consensionem, quam nostra tempestate perdit quidam atque infeliciter nati homines penitus evertere moliuntur, vindicandam, non levibus meis laboribus, utinam aliquo Christianæ Reipublicæ emolumento, pertractatum est. Denique si librorum nuncupationes indices esse solent grati animi, atque acceptorum a magno aliquo Principe beneficiorum non immemoris, ipsa me Societas Jesu, in cujus ordinem sum ascriptus, hortatur, ac jubet, ut quoniam tuis immortalibus beneficiis in referenda gratia par esse non potest, certe in habenda & prædicanda

EPISTOLA DEDICATORIA.

non indiligens videri vehementer optat, hanc grati
animi significationem, qualis qualis ea sit, nullo
modo prætermittam. Accipe igitur, Princeps Sere-
nissime, placido hilarique vultu laboris nostri primi-
tias, non intempestivos Academiae Eborensis fructus:
qui dum tibi sacrorum ordinum præfidi ac Catholicæ
fidei tutori nuncupantur, quasi in templum ac Do-
mini aras inferuntur. Nostrum erit, Deum opti-
mum maximum orare & obsecrare, ut te, quem an-
nos florentis ætatis virtute morum, ac consiliorum
maturitate superantem suspicimus, augeat in dies,
cumuletque bonis omnibus, ac quam diutissime ad
tuorum communem lætitiā, & gloriam, atque ad
amplissima totius Christianæ Reipublicæ ornamenta
conseruet:

AD LECTO-

✠✠✠✠ ✠ ✠✠✠✠

AD LECTOREM.

Cum in primam partem D. Thomæ, quem veluti Scholasticæ Theologiæ Solem ac Principem sequi decernimus, commentarios ex obedientiæ præscriptione ordiremur, in eam curam sedulo incumbendum duximus, ut quoniam de divina præscientia, providentia, prædestinationeque esset agendum, cum his arbitrii nostri libertas quo pacto consentiat, quantum ingenii nostri tenuitas ferret, divinam inprimis facem Catholica fide præferente, explicaremus. At quoniam harum inter se rerum, & cum divina gratia, aliisque ad bene beateque vivendum præfidiis, cælesti munere hominum generi concessis, miranda est, ac nunquam satis pro dignitate explicata connexio; ut hoc totum Concordiæ corpus suis quasi membris & partibus omnibus compactum coagmentatumque absolveremus, non potuimus non multa de gratia, multa de divinis auxiliis, ac toto justificationis opere, ad hæc ipsa pacis fœderisque comitia devocare. Nam ut res una e difficillimis in toto Theologiæ campo (cujus omnes partes excurrere, Deo bene juvante, parabamus) semel a fundamentis explicata sub unum mentis aspectum subjiceretur, quid ea disputando contexere fugeremus, quæ Deus ipse prævidendo, efficiendo, atque ad suos fines accommodatissime quæque promovendo conjunxit? Verum enim vero dum hanc longe lateque patentem, atque in primis opacam sylvam ingressi, partim indagando venandoque veritatem, partim obstantes hinc inde difficultatum laqueos præcidendo, longius digredimur, quam videretur susceptum commentandi munus postulare, tum demum perfecto opere ac decursis scribendi spatiis, quam in ejusmodi concordia edenda consilii viam iniremus, diu multumque dubitare cœpimus. Nam & primæ partis commentarios peregrinis quæstionibus, hoc est, ad aliam Theologiæ partem attinentibus impedire, nullo pacto conve-

conveniebat instituto nostro: & diuturni laboris, ac minime, ut speramus, infructuosi operam perdere, multisque impensis conciliatam gratiam rescindere, id vero hominis non modo parum grati, sed etiam minus urbani videbatur. Illud igitur optimum factu visum est, ut quæ ad propositæ concordie seriem rationemque intelligendam attinerent, seorsim extra primam partem ederemus, eo tamen ipso facto fundamento doctrinæ ac questionum D. Thomæ, in quas illa commentabamur. Ita enim speramus fore, ut & commentarii in primam partem (quos una cum his, si typographi officina utrunque simul opus excudere posset, evulgaremus) magis apti legentibus sint, & expediti; & quæ in hoc opus conjicimus, multo facilius uno quasi fasce connexa, ac rerum inter se coherentium vinculo astricta intelligantur. Hæc fuit, Christiane Lector, ratio consilii & instituti mei, cui si quid forte aliud, hoc unum certe non defuit, studium bene juvandi studiosos Theologiæ, atque eos etiam alliciendi, qui hæresum morbis impediti, ac fastidio ab scholari Theologia alienati, quæ offerimus vitæ ac salutis pharmaca breviori poculo propinata horrebunt minus: utinam etiam hauriant libentius! Unum igitur illud est, quod a te pro tuo candore & humanitate impetrare magnopere velim, dum breve hoc volumen evolvis, paululum mentis judicium inhibeas, neque prius de tota re sententiam feras, quam prima cum mediis, media cum postremis conferens, totum opus legendo absolveris.

Χρῆμα θεόκτιστον πέλει αὐτεξέστιον ἀνδρῶν,
Ὁ τρίταλα ψυχῇ θῆκεν ἀγαλμα
Θεός.

Εἰκὼν γὰρ τε Θεῷ ἀνὴρ, λόγον ἐρθὼν ἔχουσα
βέλησιν δ' ἄμυδις πρόσθετος ἐλευθερίῃ.

Πῶς τόδε, πῶς βέλησιν ἐλευθερίῃ ἀπονέμω;
Εὐξεί Αἰρέσεως χάσμα διχορραγέος.

Εἰ μέλλοιθα Θεὸς προσεῖ τήλωπος ἀτρεπῆα,
Τῷ Θεῷ αἰλιάαν ἔδενός ἱς δυνάμει.

Οὐχὶ θέμις Προορισμὸν ἀκαμπτεῖα καμπέμεν
ἀνδρεί;

Τῷ μὴ μοι λῆξαι αὐτὸν ἐλευθερίον,
Ἄλλοι δ' ἐκ πειράς πανελυθερον ἀνδρα μα-
θόντες

(Μὴν γὰρ, ὅπως ἐθέλει, ἀμφοτέρωστε ἄγει)

Γλώσσαν ἐφωπλίσσαντο κακηγορέῃ· βε-
λέμω,

Ἡμῶν ἀπρεσὶδ' ἑρᾶνός ἐτιχε Θεόν.

Νέμω ἐπατα σοφώτεροι αὐτεξέστιον ἀνδρεί,

Πρόγνωσιν τε Θεῷ ευρυάχμων ὁμῶς.

Αὐτὰρ ἀνερμήνευσιν ἐφημερίοισι βροχίοισι

Ἀμφοτέρω ζεύγλῃν ὁππότε Φασί, τυφλοί.

Οὕτω ἀλλοπρόσαλλον ἔρις περὶ τῷδε εὐγυρε

Μῶλον ἐγερεσίμβου, μῶλον ἐγερεσίνοον.

Εὐθυβόλως καὶ Ἐτηλυμῆς ποδὸς ὁμματα πῆξε

ΜΩΛΙΝΑΣ θαρσύνει τεύχεσιν ἰδμοσύνης.

Οὐκ ἀθεεὶ κακὴν γλωσσάσπιδα κόμισ' ἰδρεῖ

ΜΩΛΙΝΑΣ ἐσίων μῶλον ἀεθλοφόρον.

Σαρῇ χρυσέῃ ἄρνευκα ζεύξεν, ἀσράπτον

Φάσει· δεχνύμενος Φέγγος Ἐτητυμῆς.

* * *

AD LECTOREM.

CONCORDI numero discordia nitimur
ora

Jungere : discordant scibi , parce,
tuum est.

IDEM.

Res dia, arbitrii neutro acclinata potestas!

Principio hoc anima dat Deusse decus.

Hinc species Dei homo recta ratione re-
fulget,

Atque voluntatis liberioris ope.

Quid? tantosne ausum dare libertatis ho-
nores?

Bubulat in geminas Haerefis acta vias.

Praesagit si certa Deus, quodcumque fu-
turi est,

Ecquae vis contra quae parei ire Deum?

Mentis an aeternae consilia inflectere fas est?

Ne mihi ne obtrudas sponte moveri ho-
mines.

At cui cognitior libertas nostra (videbat

Quo se cunque velint flectere perfaciles)

Linguam armat jaculo : Dominum gna-
rumque, hominumque

Securum caeli arx ambitiosa premit.

In facta imperium tribuit sapientior illis,

Perque vias omnes omnia nosse Deum :

Mortali tamen intrata haud mysteria
menti

Nec jungenda simul dum duo sature, hebet.

Certamen super hoc dubium variumque co-
ortum est

Fertile sudoris, sterile & ingenii.

Tandem oculo mentis Verum MOLINA
receptat,

Doctrinaeq; Virum mens bene plena facit.

Lingua scutatos, sed non sine Numine, sopit

Errores, pugnam Marte suo dirimens.

Copula inaurata sociavit dissociata,

Luminibus Veri praeadiante face.

M. D. J. S. A. C.

b

APPRO-

* * *

APPROBATIO.

EGO Frater Bartholomæus Ferreira, sacre Theologiæ Magister, & sanctæ Inquisitionis Deputatus, ac librorum Censor; de mandato Serenissimi Principis Alberti, Archiducis Austriae, sanctæ Romanæ Ecclesiæ Cardinalis, & Lusitanæ generalis Inquisitionis dignissimi, examinavi, quæ potui diligentia, hunc librum de Concordia liberi arbitrii cum prædestinatione, ad primæ partis D. Thomæ nonnullos articulos, (quæ quidem disputatio ex sua natura multis difficultatibus scatet, & Delio natatore indiget) Auctore admodum Reverendo Patre Doctore eruditissimo LUDOVICO de MOLINA, ex sacro ordine Societatis Jesu, viro in divinis scripturis studiosissimo juxta & religiosissimo, olim in alia Academia Eborensi Theologiæ primario Professore, doctrinæque D. Thomæ expositore. In quo opere nihil a me est animadvertum, quod nostræ religioni adversetur. Imo si quid est in sanctis Conciliis, quod prima fronte videatur obscurum & scopulosum, id ipsum dilucidatur, & quamplurimi loci sacre scripture, tam veteris quàm novi Testamenti, disertissimo stylo expendantur, & explanantur. Quapropter valde dignas arbitror has lucubrationes, quæ in publicam totius Ecclesiæ utilitatem excudantur.

Frater BARTHOLOMÆUS FERREIRA.

LICENTIA.

Vista a informação do Padre revedor pode-se imprimir este livro. Em Lisboa, *xxi. de Junio de 1588.*

Paulo Alfonso. Jorge Sarrão. Antonio de Mendoga.

Poder se ha imprimir. A. xxix. de Junio de 1588.

Christouão de Matos.

* * * * *

Hæc Concordia liberi arbitrii cum gratiæ donis, divina præscientia, providentia, prædestinatione, & reprobatione, edita a doctissimo Domino Doctore Ludovico Molina, quondam in Eborensi Academia S. Theologiæ Professore, e Societate Jesu, ab Inquisitione sanctæ in Hispaniis approbata, jamque denuo ab ipso Auctore recognita & aucta, eaque gravium doctorumque hominum judicio dictæ Societatis Jesu diligenter examinata ac approbata, nihil in se continens fidei Catholicæ contrarium, quinimo eandem in gravioribus difficultatibus dilucide enucleans ac explanans, dignissima est quæ typis mandetur. Datum Antverpiæ, xvii. Calend. Maji, anno M. D. XCV.

SILVESTER PARDO, S. Theolog. Licentiatu,
Cathedr. Ecclesiæ Antverpiensis Canonicus,
librorumque Censor.

De

✱ ✱ ✱ ✱ ✱

*De vita & scriptis Auctoris, e Nath. Sotvelli S. J. bibliotheca
Scriptorum Societatis Jesu p. 568. seq.*

LUDOVICUS MOLINA natione Hispanus, patria Concherstis, vix adolescentiam ingressus cum 13 esset annorum Christo nomen in Societate dedit, anno salutis 1553. die 10 Augusti, in qua philosophicas ac theologicas litteras feliciter didicit, & felicius docuit, in Eborensi Regni Lusitanæ Academia, ubi permultos annos primas inter theologos professores partes docendo tenuit, & Aquinatem Thomam est interpretatus, postea vero animum ad styllum convertit. Vir fuit satis, & ob virtutem, & ob eximiam litterarum peritiam, omnibus notus & in pretio habitus. Duæ in eo potissimum fulsere virtutes; Paupertas cum summa humilitate conjuncta. Nam cum ad 65 annos pervenisset ætatis, & assiduo studendi labore consumptus esset, nunquam est passus aliquid ultra communem victum, vestitumque sibi dari. In cubiculo præter imaginem depictam, & libros nihil habuit præ quolibet fratrum. Breviarium erat ita vetustate detritum, ut horæ minores vix in eo legi possent. Obedientia, & observantia in Superiores, promptitudine ad communem convictum; & consueta munera, nullus eum tiro prævisset. Nullo die prætermisit interruptis tantisper studiis, librum Thomæ de Kempis, de Imitatione Christi delibare. Rogatus in extremo vitæ, num quos relinqueret libros absolutos, & de illis quid fieri veller, quasi nihil ad se attinerent; faciat, inquit, de illis Societas pro suo arbitratu. Obiit vir religiosissimus, & doctissimus Pater Matrili, non multo postquam ex Lusitania redierat die 12. Octobris anno salutis 1600. ætatis 65. Mors ejus omnibus dolori fuit: nimirum lucubrationes ejus omnes Regii Auditores Concilii, Fidei censores, cæterique Consulti Juris plurimi faciebant, dolebantque ejus tam doctæ venæ caput præcidi. Cæterum cum non defuerint, qui Molinam acriore censura perstrinxerint, ejus doctrinam suo præjudicio damnatam in jus ad summum tribunal vocarint, ipsum acris ingenii novatorem, & nescio quibus aliis nominibus compellarint; operæ pretium quis de illo sensus sit doctissimorum ex uno alterove scriptore externo omisiss. Nostros Leonardo Lessio, Joanne Marcherentino, Andrea Eudæmonioanne, Petro Jarrico, Valentino de Herice, Hieronymo Fasolo, Francisco Garzia de Valle, Didaco de Baeza cognoscere: De illo sic ergo Sylvester Maurolycus lib. 5. Ocean. Relig. *Cujus eruditus, inquit, de Auxiliis partus, postus in fornace examinis pontificii, & sapius igne probatus, deprehensus est aurum omnibus numeris purgatissimum. Ipse vero Molina in theologia morali tantæ est auctoritatis, tantæque æstimationis in Tribunalibus, & apud Juristas, ut sine adminiculo, aut copia aliorum Auctorum, adferat lumen veritati, decisionem causis, terminum litigiis.* Laurentius Beyerlinck in opere Chronograph. ad A. C. 1599. tit. Viri Illustres. *Multiplce, ait, rerum scientia præcellens etiam doctissimos suæ ætatis, eam Theologiæ partem, quam majoribus difficultatum scopulis expositam longo usu didicerat, elegantioris doctrinæ lumine penitus illustravit.* Sunt qui existimant, & typis etiam nuper imprefferunt sententiam illam P. Molinæ de Scientia Media, non fuisse



approbatam a variis viris doctis, etiam de Societate, & nominatim, nec a Cardinali Bellarmino; nec a Gabriele Vasquez, magnis nostri Ordinis nominibus. Sed quod ad Bellarminum attinet, contrarium evidenter constat ex autographo ipsius Cardinalis, quod asservatur in tabulario generali Societatis Romæ, de opinione Molinæ, oblato Clementi VIII. Pont. Max. in quo disertè affirmat Cardinalis, opinionem Molinæ de Scientia Media, videri sibi veriore. Sed nec illam a Vasquez fuisse improbatam ostendi posset ex variis locis ejusdem, præsertim in I. parte S. Thomæ ad quæst. 14. Verum non est instituti mei hæc enucleatius prosequi; præstabunt id copiose alii. Scripsit Ludovicus Molina perdoctos *Commentarios in primam partem D. Thomæ*, tom. 2. Conchæ 1593. tum Lugduni, Venetiis & alibi reculos.

De concordia gratiæ, & liberi Arbitrii, librum singularem. Antverpiæ 1595. in 4.

Appendicem ad eandem concordiam.

De Justitia, & Jure, to. 6. partim Moguntiæ typis Lippii, partim Antverpiæ typis Nutii excusos. In iis tantum eminet Ludovici ingenium, tanta Juris Civilis comprehensio, & dispositio, ut mirum sit hominem, qui in theologicis studiis ab adolescentia totam pene ætatem contrivit, tantam consecutum fuisse juris scientiam, eamque tam exacte tradere potuisse. Reliquit etiam duos alios tomos ad Jurisprudentiam pertinentes, sed quos limare, & absolvere, morte interceptus, non poruit.

CONCORDIA LIBERI ARBITRII

CUM GRATIÆ DONIS, DIVINA PRÆSCIENTIÆ,
PROVIDENTIA, PRÆDESTINATIONE, ET REPRO-
BATIONE, AD NONNULLOS PRIMÆ PARTIS
D. THOMÆ ARTICULOS.

AD VIII ARTICULUM QUÆSTIONIS XIV

Utrum scientia Dei sit causa rerum.

*Scientia Dei
est causa
rerum, de-
terminata
per volun-
tatem.*

DUæ sunt conclusiones hujus articuli. Prior est: Scientia Dei est causa rerum. Posterior est: Nihil ab ea emanat, ac proinde non est causa actu, nisi determinata per voluntatem divinam, qua statuit Deus ac vult ut aliquid sit. Utrum autem in Deo, præter scientiam & voluntatem, concedenda sit potentia executrix, qua immediate res efficiat: quemadmodum in artifice, præter artem & voluntatem, datur potentia alia qua immediate exequitur opera artis, examinabitur quæstione 25.

Utraque conclusio colligitur aperte ex scripturis sacris; prior quidem ex illo Proverbiorum 3. Dominus sapientia fundavit terram, stabilivit cœlos prudentia, sapientia illius eruperunt abyssi, & nubes rore concreverunt. Psalm. 103. Quam magnificata sunt opera tua Domine, omnia in sapientia fecisti. Sapientia 7. Omnium artifex docuit me sapientia. Jerem. 51. Qui præparavit orbem in sapientia sua, & prudentia sua extendit cœlos. Posterior vero ex illo ad Ephes. 1. Operatur omnia secundum consilium voluntatis suæ. Apocal. 4. Tu creasti omnia, & propter voluntatem tuam erant, & creata sunt. Genes. 1. Dixit Deus, fiat lux, & facta est lux, &c. Psalm. 32. Ipse dixit, & facta sunt; ipse mandavit, & creata sunt: & cum non alicui alteri mandaverit, qui id exqueretur, plane dictum atque imperium illud non aliud significat, quam decretum & determinationem divinæ voluntatis, prævia cognitione, unde continuis prodierunt.

Deinde ratione probatur utraque conclusio, quoniam Deus agit per intellectum & voluntatem, ut superius demonstratum est,

scientia nimirum ostendente modum operandi, dirigenteque voluntatem, voluntate vero movente ad executionem: ergo sicut in artifice scientia est causa artefactorum quatenus ostendit modum operandi & dirigit ad opus, voluntas vero quatenus determinat scientiam & movet ad executionem: ita in Deo sese res habebit.

Hoc loco animadvertendum est, scientiam divinam, quod ad præsens institutum attinet, duobus modis comparatione creaturarum posse spectari. Uno, quatenus Deus ea cognoscit se posse illas facere, atque hoc aut illo modo esse faciendas, tum ut sint, tum etiam ut accommodatæ sint ad hunc aut ad illum finem. Scientia divina hoc modo spectata est naturalis in Deo, & non libera, anteceditque actum ac determinationem liberam voluntatis, qua Deus illas facere tali vel tali tempore decernit. Altero vero modo, quatenus Deus per eam cognoscit creaturas futuras esse tali vel tali tempore. Atque hoc modo spectata non est naturalis in Deo, sed libera, neque antecedit determinationem liberam voluntatis, qua Deus statuit ut sint tali vel tali tempore, sed potius eam sequitur.

Quia enim Deus libere vult mundum creare, & has aut illas res esse, scivit mundum cum his vel illis rebus tali vel tali tempore esse futurum: non vero e contrario, quia scivit mundum futurum, ideo vult ut esset: quin potius si nolisset ut esset, non scivisset eum esse futurum. Scientia ergo futurorum contingentium, hoc est, quod futura sint, pendet ex determinatione libera voluntatis Dei, qua statuit ut sint, ac proinde non eam antecedit, sed consequitur.

His positis facile intelliges, veram esse
A priorem

*Scientia
naturalis in
Deo ante-
cedit actum
liberum suæ
voluntatis.*

*Scientia
libera Dei,
qua cognos-
cit contin-
gentia fu-
tura, con-
sequitur
actum libe-
ræ volun-
tatis, ab ea
que pendet.*

*Scientia
naturalis
Dei est
causa ve-
rum, habet
que ratio-
nem artis,
non vero
scientia
libera.*

priorem conclusionem D. Thomæ de scientia divina, non posteriori, sed priori modo spectata. Priori namque modo spectata, dirigit voluntatem ad opus, & modum operandi præscribit, diciturque recta ratio factibiliū, ac proinde habet rationem artis, qua Deus cuncta fabricatur. Præterea antecedit determinationem liberam voluntatis divinæ, ab eaque determinatur ad opus. Spectata vero posteriori modo, neque dirigit voluntatem, neque modum operandi definit, sed intra limites meræ contemplationis continetur, neque actum liberum voluntatis antecedit, ut ab eo possit ad operationem determinari. His adde, quod si per impossibile hujusmodi cognitio non esset in Deo, prior cognitio, cum determinatione libera voluntatis, satis esset ut res creatæ a Deo, emanarent.

Dictum ergo illud Augustini 5 de Trinitate cap. 13, in argumento sed contrarium; Universas creaturas & spirituales & corpora-

les, non quia sunt, ideo novit Deus, sed ideo sunt, quia novit; intelligendum est de cognitione & scientia divina priori modo spectata. Illud vero aliud Origenis super epistolam ad Romanos citatum in primo argumento; Non propterea aliquid erit, quia id scit Deus futurum, sed quia futurum est, ideo scitur a Deo antiquam fiat; quoad priorem partem est quidem verissimum: quoniam scientia divina, qua Deus scit contingens aliquid esse futurum, non est causa rerum, ut ostensum est: quoad posteriorem vero, si sane intelligatur, falsum non est, ut art. 13 est ostendendum. Interim ex traditis in hoc articulo, illud solum ante oculos velim habere, scientiam liberam, qua Deus scit contingentia aliquid esse futura, non esse causam rerum, quod hoc loco a nobis satis aperte ostensum est: multi vero id non attendentes circa præscientiam divinam de futuris contingentibus periculose admodum hallucinati sunt.

AD ARTICULUM XIII EJUSDEM QUESTIONIS XIV.

De erroribus circa divinam præscientiam, ac nostrum liberum arbitrium, rerumque contingentiam.

DISPUTATIO I.

Res est, quæ non parum negotii hominibus semper facessit, nequam ratione libertas arbitrii nostri, rerumque futurarum in utramque partem contingentia, cum divina præscientia, providentia, prædestinatione, ac reprobatione coherere consentireque possint. Id autem pro nostra tenui parte divina freti ope explanaturi cum sumus, hoc quidem loco circa præscientiam, inferius vero quæst. 22 & 23 circa providentiam, prædestinationem, ac reprobationem, constituendum est ante omnia, in nobis libertatem esse arbitrii, & qualis, ac quanta ea sit, effeque multarum rerum futurarum in utramque partem contingentiam, & quantum ejusmodi contingentia radix constituenda sit, ut tandem mutuam coherenciam & consensum horum omnium, hoc quidem loco cum divina præscientia, questione vero 22 & 23 cum divina providentia, prædestinatione, ac reprobatione ostendamus atque explanemus.

Quamvis autem D. Thomas inferius qu. 83 de libero arbitrio ex instituto disputet,

hoc tamen loco non nihil ea de re differamus oportet: tum quod hos in primam partem commentarios ad eam usque questionem non extendemus: tum vel maxime quod opportunus hic locus sit, neque ea, quæ ad hunc locum spectant, plene cognosci valeant, nisi difficultates aliquot circa nostrum liberum arbitrium prius dissolvantur: reliquas autem de libero arbitrio quæstiones commodius in primam secundæ reservabimus. Boni autem consulat lector, si perstringendo nonnulla de gratia, quantum huic loco satis esse videbitur, miscuerimus: ita enim admirabilis consensio liberi arbitrii cum gratia, præscientia, providentia, prædestinatione, ac reprobatione conjuncta est, ut vix unum sine altero attingi, explanarique possit.

Porro ea sola ratio in libero arbitrio cum prædictis rebus concilianda probanda, amplectendaque erit, quæ (posita etiam æterna Dei præscientia, providentia, & prædestinatione, ac reprobatione, sicut re ipsa actu præexistunt) nulli horum sex præjudicium aliquid afferat. Atque is constituendus erit ante oculos lapis Lydius, per quem examinandum sit, quantum veritatis, vel salutaris ratio, quam quisque attulerit, contineat. Neque enim minus ex scripturis sanctis (ut videbi-

*Autoris
assensum.*

videbimus) constat, neque minus firma fide tenendum est, nihil divina præscientia, providentia, prædestinatione, reprobatione, aut gratia impediende, in nobis re ipsa esse libertatem arbitrii, quam ex eisdem scripturis sit manifestum, esse divinam præscientiam, providentiam, ac prædestinationem, necessariamque nobis esse gratiam ad amicitiam cum Deo conciliandam, ac vitam æternam consequendam. In hac autem prima disputatione solum afferemus varios errores, qui circa divinam præscientiam, libertatemque arbitrii nostri, ac rerum contingentiam hucusque extiter.

Error Tullii circa præscientiam & providentiam.

Uti Augustinus 5 de civitate Dei cap. 9 refert Marcus Tullius, cum ex una parte percipere non valeret, qua nam ratione libertas arbitrii, contingentiaque rerum cum immutabili, certaque Dei de futuris contingentibus cognitione coherere posset: ex alia vero parte experimento, tum in seipso, tum in aliis, libertatem arbitrii compeniret, ægavit in Deo esse præscientiam futurorum contingentium, ullamque de illis esse posse certam divinationem. Atque ita, ut Augustinus ibidem ait, dum homines vult facere liberos, facit sacrilegos: hic autem error disputatione penultima impugnabitur.

Error mathematicorum & Calvini quorundam, facto libertatem arbitrii asserentium.

Quod ad libertatem arbitrii, rerumque contingentiam attinet, ut Augustinus 5 de Civitate Dei cap. 1. & 4. confess. capite 3 refert, error fuit in primis multorum ex iis mathematicis, qui judicariæ facultati dediti fuerunt, atque quorundam philosophorum, qui illos sunt secuti, in astris esse vim quandam necessitatem inferentem voluntati humanæ, ut hoc, aut illud velit, omniaque in his rebus inferioribus, in quibus etiam actiones humanas tam studiosas quam vitiosas comprehendunt, necessario evenire, stellarumque sitibus, aspectibus, atque influentibus esse tribuenda. Licet autem cælo & astris, tanquam primæ causæ, tribuerent hanc necessitatem effectuum omnium; a cælo tamen dicebant derivari ordinem quandam, ac fieri causarum ad minimos usque effectus pertingentium, omnino inevitabilem, & ob eam causam omnia evenire naturali quadam necessitate affirmabant. Porro connexionem hanc atque ordinem causarum, cujus principium & origo ascribebatur situs cæli & stellarum, appellabant

fatum: naturalemque necessitatem, qua omnia necessario evenire credebant, necessitatem fatalem appellabant. Addebant deinde nonnulli, ut testis est Augustinus 5 de civit. Dei capite 1, vim illam astrorum, & connexarum causarum ordinem inde resultantem, non esse ex dispositione, atque voluntate Dei, atque ea ratione omnem Dei providentiam circa res humanas de medio tollebant. Alii vero dicebant, eam constitutionem atque dispositionem a Deo esse, pendereque a divina voluntate. Cæterum omnia, eo ipso quod mundus ita constitutus esset, fatali necessitate evenire, atque adeo effectus omnes, etiam si vitia & peccata essent, tribuenda esse Deo, qui talem rerum dispositionem constituerit. Error hic libertatem tollit arbitrii, omnemque a rebus contingentiam: quare manifeste contrarius est fidei Catholicae, magnamque in Deum blasphemiam evomit; cum eum nostrorum seclerum autorem impudenter constituat.

Usurpatio fati in hac significatione a Patribus merito & reprehendi & impugnari solet, (vide inter alios beatum Gregorium in homilia Epiphaniæ) & ab Ecclesia condemnatur. Si vero fatum sumeretur pro ordine causarum contingentium atque evitabilium ut subest immutabili certaque præcipienti divinæ, qua Deus, ob eminentiam suæ scientiæ, cognoscit aliquid ex eisdem causis re ipsa eventurum, Deo ipso interdum disponente, aut etiam permittente aliqua, ut id tandem eveniat, atque in ea significatione diceretur, quis, fato regna his vel illis evenire, sententiam, inquit Augustinus, teneat, linguam corrigat. Neque enim audito nomine fati, id homines intelligunt, sed quod priori loco explicatum est; ideoque nunquam fati nomen erit usurpandum, quin de significatione subijcti distinctio, ne forte aliis erroris aliqua occasio præbeatur. Fatum in hac posteriori significatione admittunt Boëtius de consolatione, & D. Thomas inferius quaest. 110, licet admovent, neque in ea significatione sanctos eo vocabulo uti voluisse.

Error de fato explicatus ab aliquibus tribuitur Stoicis: si tamen Ludovico Vivis in primum & decimum caput Aug. 5 de Civitate Dei credendum est, Plato a fatali necessitate exceptit voluntatem humanam, & ea quæ a libero arbitrio humano pendent: cætera sunt Stoici.

vero fatali necessitati subiecit. Eandemque sententiam secuti sunt Stoici, ut ex Plutarcho & aliis in caput decimum Aug. citatum idem Ludovicus refert. An vero præter liberum arbitrium, & ea quæ a libero arbitrio pendent, aliqua alia a naturali, fatalive necessitate excipienda sint, in quibus proinde ad utramque partem futuri eventus contingentia reperitur, explicabimus inferius, dum de radice contingentia erit sermo, partemque affirmantem veram esse offendemus.

*Fatum qui
alii heretici
asserunt,
arbitriique
libertatem
abstulerint.*

Præter apostatam illum Simonem Magum, qui, ut Beatus Clemens libro 3 recognitionum refert, liberum arbitrium negabat, omniaque fato fieri dicebat, ex hæreticis Bardesanes quidam aut (ut alii volunt) Bardesianus fato etiam contineri conversiones hominum asserere, ut Augustinus de hæresibus hæresi 35 refert: quamvis alii aliud de hoc Bardesane sentire videantur, de qua re vide, si placet, Alfonsum a Castro adversus hæreses, verbo fatum. Priscillianus etiam, autore Augustino loco citato hæresi 70, asseruit, homines fatalibus quibusdam stellis esse alligatos, atque cum Manichæis, de quibus statim erit sermo, liberum abstulit arbitrium. Plurimi quoque eorum, quos proxime libertatem arbitrii sustulisse referemus, fatum fatalemque necessitatem admittere videntur, si non quæ cælo & stellis sit affixa, quæque inde derivatur, certe in eo sensu, ut dicant, existente ea constitutione universi, quæ re ipsa est, singulis effectibus designatum esse certum ordinem seriemque causarum adeo indeclinabilem, ut nihil nisi necessitate naturæ eveniat. Dixi plurimos eorum fatalem necessitatem videri admittere; quoniam qui ex eo libertatem arbitrii tollunt quod censeant actus voluntatis nostræ pendere solum a libero influxu Dei, sive naturali, sive supernaturali gratiæ, ita ut non simul pendeant a nostra libera voluntate, non cogentur fatum asserere, fatalemve necessitatem; cum dicere possint, existente hac constitutione universi, quam habemus, posse quidem res hoc, aut contrario modo evenire, attamen ex solo libero concursu Dei id totum dependere.

*Error de
fato dam-
natus.*

Error iste de fato damnatus est adversus Priscillianum in Concilio Bracarensi 1 cap. 9 his verbis: Si quis animas & corpora humana fatalibus stellis credit adstringi, sicut Pagani

& Priscillianus dixerunt, anathema sit. Et cap. 10. Si qui duodecim signa, id est, sydera quæ Mathematici observare solent, per singula animæ vel corporis membra dissipata credunt, & nominibus Patriarcharum adscripta dicunt, ut Priscillianus dixit, anathema sit. Et Leo primus epistola 91, quæ est ad Turibium Austriacensem Episcopum capite 11, eundem errorem ita condemnat. Undecima, inquit, ipsorum blasphemiam est, quæ fatalibus stellis & animas hominum, & corpora opinantur astringi, per quam amentiam necesse est, ut homines paganorum erroribus implicati, & faventia sibi, ut putant, sydera colere, & adversantia studeant mitigare. Verum ista sectantibus nullus in Ecclesia Catholica locus est. Vide etiam caput 13 ejusdem epistolæ.

Manichæi ea ratione liberum hominis arbitrium abstulerant, quod negarent in homine ullam esse facultatem qua indifferenter bonum ac malum posset eligere, sed dicebant in eo duas animas esse permixtas. Unam a Deo bono principio, quam etiam partem quandam substantiæ Dei esse astruebant, quæ homo solum bonum, ex necessitate tamen, poterat velle ac operari. Alteram a malo principio, quæ solum, atque ex necessitate, poterat operari malum: ex varia vero permixtione harum animarum dicebant proficisci, ut alii aliis deteriores evaderent, atque ut unus & idem melius uno tempore, quam alio operaretur, prout magis, vel minus erat purgatus a permixtione animæ, quæ a malo principio obveniat, ita Aug. hæresi 46, & alii permulti graves autores.

In hoc eodem errore Manichæorum fuit Augustin. per aliquot annos, antequam ad Catholicam fidem converteretur, eo quod causam mali intelligere non valeret, falsisque promissionibus Manichæorum persuasus speraret, se per eos ab omni errore liberandum, atque in veram Dei cognitionem tandem perducendum, ut ipsemet in epistola ad Honoratum testatur. At Catholica fide illustratus scripsit adversus hunc errorem libros de libero arbitrio, in quibus demonstrat esse in homine liberum arbitrium, hominemque ipsum, dum pro sua libertate a recta ratione atque lege Dei deviat, suoque ad id, ad quod ab autore naturæ collatum non est, abucitur libero arbitrio, esse

*Manichæi
qua ratione
libertatem
arbitrii
abstulerint.*

*Augustinus
error autem
quam ad
fidem con-
verteretur.*

*Mali causa,
non
Deus, sed
nostrum ar-
bitrium.*

esse causam totius mali culpæ, quod sine voluntario, libertateve ad oppositum, neque esse, neque intelligi valet. Quare malum culpæ non in auctorem naturæ, qui non nisi ad bonum hominibus contulit liberum arbitrium, prohibuitque eis malum, neque in aliquod aliud externum principium, sed in hominem ipsum per suum liberum arbitrium, tanquam in propriam causam, referendum esse præclare offendit.

Pelagianorum error.

Error Pelagianorum oriri coepit tempore Augustini, postquam libros de libero arbitrio adversus Manichæos & multa alia præclara opera scripserat, ut ipse testatur primo retractationum cap. 9. Erat vero Pelagianorum error veritati ac fidei contrarius, ex altero extremo cum errore Manichæorum pugnans. Pelagius enim & sectatores ejus, in injuriæ gratiæ ad salutem nobis necessariæ, plus aquo vires liberi arbitrii extendebant. In primisque asserabant, primum parentem sibi soli peccando noxuisse, omnesque ejus posteros nati tales, absque ulla videlicet labe peccati, qualis primus parens ante peccatum a Deo conditus fuit. Asseverabant deinde, solum liberum arbitrium, absque alio auxilio gratiæ, esse satis, tum ad credenda ea quæ docet fides, ad vitanda omnia peccata, superandas passionis ac vincendas omnes tentationes toto decursu vite occurrentes, & ad vitam æternam promerendam: tum etiam ad obtinendam per poenitentiam, comparatam solis liberi arbitrii viribus, veniam peccatorum, si quæ essent jam commissa. Quare ad vitanda peccata, id solum gratiæ Dei tribuebant, quod condiderit nos libero arbitrio ac facultate non peccandi præditos, quodque legem suam mentibus nostris indiderit, aut etiam externis verbis vel scriptis proposuerit. Comparatione vero peccatorum, quæ a nobis jam commissa essent, tribuebant quidem ipsi gratiæ remissionem ac condonationem talium peccatorum: at eam nos promereri ac consequi per poenitentiam, solis viribus liberi arbitrii elicitam, credebant. Quare solum liberum arbitrium absque alio auxilio gratiæ arbitrabantur esse nobis satis ad salutem, ut testantur tum plerique alii, tum præcipue Augustinus hæres. 88, & epistola 100, quæ est ad Paulinum, & Patres Concilii Carthaginensis & Milevitani inepi-

stolis ad Innocentium primum Romanum Pontificem, quæ habentur primo tomo Conciliorum ante epistolam 15 & 16 ejusdem Pontificis, & apud Augustinum 2 tomo epistola 90 & 92. Adversus hunc errorem scripsit Augustinus librum de natura & gratia.

Solent vero Patres interdum, cum hæresim aliquam expugnare radicibusque evellexerint, ita omnes vires nervosque in eum finem intendere, ut ad alios errores, qui circa aliqua alia fidei dogmata possunt oriri, non adeo prospiciant, præsentibus duntaxat morbo remedium adhibere conantes. Quare ut ex iis, quæ Augustinus in libris de libero arbitrio (ut ipsemet primo retractationum cap. 9, & de natura & gratia cap. 27 testatur) aliquantiores Patres usque ad illa tempora adversus hæresim Manichæorum de libertate arbitrii scripserant, exiguum intorrem de auxilio gratiæ, ad actiones liberi arbitrii necessario, mentionem facientes, eo quod ea de re nulla esset controversia, contendebant Pelagiani, Patres illos in eandem secum sententiam de libero arbitrio consensisse: ita ex iis, quæ Augustinus in libro de natura & gratia ac alibi adversus Pelagianos de gratia ad salutem necessariâ scripserat, monachi quidam occasionem sumplerunt usque adeo gratiam extollendi, ut liberum arbitrium negarent, meritumque nostrum tollerent, dicentes Deum unicuique fidelium non secundum ipsorum opera, sed secundum solam gratiam, redditurum præmium.

Quarundam monachorum error.

Quæ occasione D.

Aug. lib. de gratia & libero arbitrio scripsit.

Adversus hunc errorem Augustinus librum de gratia & libero arbitrio conscripsit, atque epistola 146, quæ est ad Valentinum, ita ait: Venerunt ad nos duo juvenes de vestra congregatione, qui nobis retulerunt monasterium vestrum nonnulla dissensione turbatum, eo quod quidam in vobis sic gratiam prædicent, ut negent hominis liberum esse arbitrium & dicant, quod in die iudicii non sit redditurus Deus unicuique secundum opera ejus. Etiam nobis indicaverunt, quod plures vestrum non ita sentiant, sed liberum arbitrium adjuvari faciantur per Dei gratiam ut recta sapiamus atque faciamus, ut cum venerit Dominus reddere unicuique secundum opera ejus, inveniat opera nostra bona quæ præparavit Deus ut in illis ambulemus: hoc quæ sentiant, bene sentiant. Obsecro itaque vos fratres per

nomen Domini nostri Jesu Christi, ut id ipsum dicatis omnes. Primo enim Dominus noster Jesus Christus, sicut scriptum est in Evangelio Joannis, non venit ut judicet mundum, sed ut salvetur mundus per ipsum. Postea vero, cur scripsit Apostolus Paulus, judicabit Deus mundum, quando venturus est, sicut tota Ecclesia in Symbolo confitetur, judicare vivos & mortuos. Si igitur non est Dei gratia, quomodo salvat mundum? & si non est liberum arbitrium, quomodo judicat mundum? Proinde librum (de natura scilicet & gratia) vel epistolam meam, quam secum ad vos supradicti attulerunt, secundum hanc fidem intelligite, ut neque negetis Dei gratiam, neque liberum arbitrium sic defendatis, ut a Dei gratia separatis, tanquam sine illa vel cogitare aliquid, vel agere secundum Deum ulla ratione possimus, quod omnino non possumus. Hæc Augustinus. Lege etiam quæ in eadem & sequenti epistola sequuntur. Placuit autem hæc referre ut intelligas, quam immerito hæretici nostri temporis, errorem proxime relatum amplectentes atque extendentes, se Augustinum habere patronum atque auctorem sui erroris obtendant, ut interim innumera alia Augustini testimonia, quæ illis refragantur, prætermittant.

Alii errorum
monachorum
non error.

Ex errore proxime explicato emanavit error ille, alius eorundem monachorum: Non esse quandam corripiendum, quod non operetur bonum & male agat, sed orandum esse Deum, ut illi largiatur gratiam, qua bene operetur: quandoquidem, ut dicebant, bene operari est a Deo per auxilium gratiæ; ac proinde si Deus illud det, utique qui accipit, operabitur bene: si vero Deus id non det, non est in potestate ejus, qui id a Deo non accipit, bene operari. Adversus hunc errorem scripsit Augustinus librum de correptione & gratia. Hæc de erroribus circa liberum arbitrium nostrum usque ad Augustini tempora.

Augustinus
quæ occasione
librum de
correptione
& gratia
scripsit.
Petrus Abailardus
libri error.

Petrus Abailardus, ut Castrus adversus hæreses verbo Libertas, & verbo Futurum contingens refert, asseruit omnia absoluta necessitate rerum evenire, nec Deum, nedum hominem, posse efficere aliter res, quam faciat. Nicolaus Sanderus lib. 7 de visibili monar. Eccles. hæres. 146 ex Gabriele Præstolo solum refert illum asseruisse, Deum

agere ex necessitate nature. Forte inde Castrus colligit ulterius, cum negasse etiam libertatem voluntatis humanæ, credens cum Scoto, ex eo quod Deus constituitur agere ex necessitate nature, sequi omnia evenire ex necessitate nature, neque nobis libertatem arbitrii inesse, etiam si Deus non alio majori influxu concurreret cum causis secundis, quam sit is, quo re ipsa influit. Quod tamen in sequentibus esse falsum ostendemus.

Wicleffus, ut ex Concilio Constantiensi sess. 8 art. 27, ubi fuit damnatus, constat, asseruit omnia ex necessitate absoluta evenire. In eodem errore fertur, videturque fuisse Joannes Hus ab eodem Conc. sess. 15 damnatus, quibus cum hæreticis sensisse refertur Valla, ut auctor est Ruardus Decanus Lovaniensis in articulo de libero arbitrio. An vero hi omnes crediderint, Deum agere ex necessitate nature, neque potuisse ex æternitate constituere, ac disponere res aliter, quam re ipsa ab eo constitutæ sint, ut Abailardus affirmabat, vel potius crediderint, Deum quidem non agere ex necessitate nature, sed potuisse ex æternitate aliter res pro arbitratu disponere, verum ex immutabilitate voluntatis, certitudineque scientiæ divinæ, ac dispositione ipsa rerum omnia evenire necessitate absoluta, neque esse ullam in rebus contingentiam, non mihi certo constat. Castrus juxta priorem explicationem refert errorem Wicleffi: ait enim dixisse, voluntatem Dei & actualem creationem ejusdem fuisse mensuræ, neque potuisse Deum aliter facere aut velle res, quam fecerit. Multi vero alii errorem Wicleffi, Joannis Hus, Vallæ, atque Lutheri, qui tandem hæc in re Wicleffum, ut subjungam, est secutus, juxta posteriorem explicationem interpretantur.

Lutherus primum asseruit liberum arbitrium, comparationem volitionum interiorum, quibus aliquid boni vult, nullam habere efficientiam, sed a solo Deo eas omnes efficienter produci, voluntatemque humanam, cum bonum appetit, hunc se passive habere. Verum jam in hac prima parte q. 12 art. 2 ac alibi satis credo demonstravimus, actum per quem voluntas aut intellectus velle aut intelligere aliquid dicitur, operationem esse vitalem ab ipsismet potentius vitaliter emanantem, neque posse potentias

Lutheri de
libero arbitrio
error.

tias illas, suppositumve, ab actibus appetendi aut intelligendi denominari, nisi ab eisdem potentiis efficienter emanent. Quare error hic non solum cum fide Catholica, quatenus per eum Lutherus meritum molitur auferre ab operibus nostris gratia divina adjutus, sed etiam cum lumine naturali, veraque philosophia pugnat. Adjecit vero Lutherus, voluntatem nihilominus nostram, quatenus ulterius imperat quoad executionem ipsum bonum opus externum, dici cooperari, activitatemque in eodem efficiendo habere. Docebat deinde, liberum arbitrium post peccatum, seu ante gratiam, rem esse de solo titulo, qua de re damnatus a Leone X Pontifice Maximo ita respondit: Male dixi quod liberum arbitrium ante gratiam sit res de solo titulo, sed simpliciter debui dicere, liberum arbitrium esse figmentum in rebus, seu titulum sine re: quia nulli est in manu sua quippiam cogitare vel mali, vel boni, sed omnia (ut Wicleffi articulus Constantiæ damnatus recte docet) de necessitate absoluta eveniunt, quod & poeta voluit, quando dixit, certa constant omnia lege. Eo denique dementia pervenit ut diceret, liberum arbitrium nullum dominium habere in suos actus, malaque opera & peccata non minus esse a Deo quam bona opera: qua in re stultitiam atque impietatem Manichæorum plane superavit, qui peccata ipsa Deo tribuere minime sunt ausi. Mirandumque valde est, quod errorem suum non minus impium, quam stultum, alicui hominum persuadere potuerit. Lege, si placet, inter alios Ruardum in articulo de libero arbitrio, ubi verba Lutheri assert, & Rossenfi in art. 36 Lutheri.

Philippus Melancthon secutus primum eundem Lutheri errorem, suiique præceptoris mentem magis explicans, asseveravit omnia opera nostra, siue sint indifferentia, ut comedere & bibere, siue bona, ut vocatio ac conversio Pauli, siue mala, ut adulterium Davidis, esse opera propria Dei, quia omnia non permissive, sed potenter efficit in nobis, ita ut non minus proprium opus Dei sit proditio Judæ, quam vocatio Pauli. Postea vero turpitudinem sui erroris erubescens, intuensque innumera, quæ ex eo sequebantur, absurda, argue Catholicorum tractatibus, potissimum Joannis Coclei de libero

arbitrio, convictus, sum Lutherique rejectis errorem, affirmans libertatem arbitrii, Deumque non esse causam peccati, sed potius ipsum liberum hominis arbitrium, &c. Lege Ruardum ubi supra, qui hæc omnia late persequitur, simulque asserit, principes & civitates protestantes libertatem arbitrii admisisse.

Calvinus in errore persistit Lutheri, confiteturque philosophos contrarium docere, atque etiam Patres. Verum eo consilio Patres id fecisse ait, ne philosophis cachinnos moverent, si adversus tam receptam inter eos opinionem contrarium vellent docere. Sed quam frivole & inepte id dictum sit, quis non videt? Unum tamen Augustinum excipit, quem falso & impudenter contendit patronum esse sui erroris. Hæc de erroribus ad hæc usque nostra tempora circa Dei præscientiam, nostrum liberum arbitrium, ac rerum contingentiam.

Quid nomine liberi arbitrii intelligendum sit.

DISPUTATIO II.

ANTE omnia constituendum est, quid nomine liberi arbitrii intelligatur. Libertas duobus modis sumi potest. Uno, ut dicitur a verbo, libero, opponiturque servituti, quo pacto dicitur secundæ ad Corinth. 3. Ubi spiritus Domini, ibi libertas. Ad Rom. 6. Cum servi essetis peccati, liberi facti estis justitiæ, & ad Rom. 8. Quia & ipsa creatura liberabitur a servitute corruptionis, in libertatem gloriæ filiorum Dei. De libertate ita sumpta non est nobis hoc loco sermo.

Altero modo sumitur, ut dicitur a verbo, liber: quo pacto adhuc dupliciter usurpari solet. In primis enim sumi potest, ut opponitur coactioni, quo pacto quod sponte fit, siue fiat naturali necessitate, siue non, dicitur libere fieri. Hoc modo concedimus, Patrem in divinis libere, hoc est, non coacte sed sponte generare Filium, tamen necessario necessitate naturali a Patre generetur. Libertas hoc modo sumpta non est satis, ut quis liberum dicatur habere arbitrium, quicquid dicant Lutherani, qui ea sola ratione nobis liberum arbitrium esse volunt, quod sponte actiones humanas operemur. Verum hæc ratio non solum in pueris & amentibus, sed etiam in belluis concedendus esset

Calvini error.

Libertatis acceptio.

Libertatem arbitrii qualiter in nobis esse velint Lutherani.

utis

Philippus Melancthon error.

esset usus liberi arbitrii: cum ipsæ quoque sponte operentur.

*Librum
arbitrium
quid.*

Alio vero modo accipi potest, ut opponitur necessitati: quo pacto illud agens liberum dicitur, quod positis omnibus requisitis ad agendum, potest agere & non agere, aut ita agere unum, ut contrarium etiam agere possit. Atque ab hac libertate facultas, quæ talis agens potest ita operari, dicitur libera. Quoniam vero non ita operatur nisi prævio arbitrio, iudicioque rationis, inde est, quod quatenus ita præexigit iudicium rationis, liberum appelletur arbitrium. Quo fit, ut liberum arbitrium (sicuti concedendum fit) non sit aliud, quam voluntas, in qua formaliter sit libertas explicata, prævio iudicio rationis. Agens liberum in hac significatione distinguitur contra agens naturale, in cuius potestate non est agere, & non agere, sed positis omnibus requisitis ad agendum necessario agit, & ita agit unum, ut non possit contrarium efficere.

*Pueri, &
amentes
aliqua effi-
ciant libere.*

Quo loco duo animadvertenda sunt. Primum est, pueros & amentes non solum operari sponte, sed etiam multa efficere libere, ita ut in ipsorum potestate sit ea efficere, vel non efficere, aut etiam efficere contraria, ut cum Victoria diximus prima secundæ q. 1 art. 1. Verum ea ex eo neque ad culpam, neque ad meritum eis imputantur, quod non discernant ratione inter bonum & malum morale, quantum satis est ad culpam aut meritum. Quare licet aliquem usum habeant liberi arbitrii, non tamen habent eum, qui ad culpam ac meritum est necessarius. Atque hic usus est, quem, ut iura decernunt, pueri ut plurimum septimo ætatis suæ anno completo habere dicuntur.

*Voluntas
quoad com-
parationem suo-
rum omni-
um actuum
est libera.*

Secundum est, voluntatem non omnes suos actus posse elicere: etenim voluntas ejus, qui Deum intuetur in patria, non potest Deum non diligere, sæpe etiam dum sumus in via surripunt actus, quos voluntas non valuit impedire: atque hinc est ut voluntas non comparatione quorumcumque suorum actuum sortiatur rationem liberi arbitrii, sed comparatione eorum tantum, quos potest non elicere, in quo libertas quoad exercitium actus cernitur. Quod si simul possit elicere indifferenter vel hunc, vel contrarium actum cernitur etiam libertas quoad

*Libertas
quoad ex-
ercitium &
quoad speci-
em actus
quid.*

speciem actus, ut vocant, quæ plena & perfecta libertatis rationem habet.

Circa primum horum interrogatus sum, num quod pueri ante eum usum rationis, in quo aliquid ad culpam, aut ad meritum, vel virtutem, eis imputari possit, operari aliqua possunt libere ita ut in ipsorum potestate sit ea efficere, vel non efficere, aut etiam efficere contraria, proveniat ex eo quod eorum intellectus, antequam ex parte virium sentientium sit sufficienter dispositus ad discernendum ac deliberandum inter bonum & malum morale, quantum satis sit, ut volitio, aut nolitio, vel etiam continere actum circa objectum, eis imputeretur ad culpam, meritum, aut virtutem, est sufficienter dispositus, ad deliberandum de objecto quatenus utili, aut delectabili, atque ad appetendum diversas rationes mali, bono utili ac delectabili oppositas, ac proinde ad representandum rationes eas boni cum indifferentia. Cum enim tunc, neque ab objecto necessitetur voluntas, neque item ab intellectu; quippe qui indifferenter voluntati proponat rationem boni ac mali, itemque boni rationem in continendo actum, quæ sufficientia sane sunt ad libertatem, utique tunc voluntas indifferenter, atque adeo libere, poterit velle, aut nolle objectum, vel etiam continere actum.

Simul interrogatus sum, num in adultis esse similiter aliquando possint actus liberi, qui ex eo sint primo primi, & neque ad culpam, neque ad meritum, aut virtutem imputari valeant, quod cum adfuerit sufficiens dispositio, ac tempus, ad deliberandum de bonitate & malitia delectabili, aut utili, non tamen ad deliberandum de bonitate ac malitia morali, vel propter objecti ea in parte difficultatem, vel ob aliquam aliam causam.

Item interrogatus sum, num hoc ipsum evenire in iis solet, quia somno ad vigiliam transeunt, neque integre, neque perfecte ratione libera, sed eo modo partim libera, & partim ligata, quo per modum habitus est in pueris, & amentibus, ad actus aliquos.

Ad horum primum respondeo. Id utique (ut hoc loco satis aperte innui) ex eo provenit, quod antequam puerorum intellectus ex parte virium sentientium ad discernendum inter bonum & malum morale, quantum satis est, ut ipsorum volitio, nolitio, aut continere

*Dubium
primum.*

Secundum.

Tertium.

*Ad dubium
primum.*

Libertas in voluntate non in intellectu. Deliberatio ac notitia qualis ad liberos voluntatis actus.

continere actum, ad culpam, vel meritum, aut ad virtutem imputetur, habet dispositionem sufficientem ad cognoscendum, quantum satis est, ut voluntas libere operetur. Cæterum arbitror libertatem esse in voluntate, & non in intellectu, atque ad libertatem volendi, aut nolendi, vel continendi actum non volendo, quando velle possumus, & non nolendo, quando possumus nolle, non esse necessariam tantam deliberationem ex parte intellectus, quantum multi necessariam esse existimant, & multo minus imperium intellectus, quo voluntati imperet, ut velit, aut nolit, vel contineat actum: sed ad volendum satis esse notitiam bonitatis alicujus, quæ in objecto cluceat, rei delectabilis, vel utilis, aut honestæ: ea vero bonitas si tanta non sit, & tam perspicue cognita, quæ voluntati necessitatem inferat, ut nulla est talis præter Deum clare visum, integrum est voluntati non elicere actum; tamen regulariter illum eliceat, si magna sit, nihilque adsit, quod ab eo eliciendo retrahat: similiter existente notitia alicujus mali, integrum eidem voluntati est nolle ac respuere objectum; nec tamen necessitatur ad nolendum, sed potest non elicere nolitionem continendo actum; licet, quando objectum est vehemens, regulariter nolitionem eliciat, nisi adsit, quod aliunde moveat ad illam non eliciendam, aut etiam ad contristativum amplectendum propter bonum cum eo conjunctum. Itaque existente eadem dispositione ac notitia ex parte intellectus, qualis explicata est, potest voluntas sua innata libertate velle, aut nolle, vel neutrum elicere actum, ut ex iis, quæ prima secundæ q. 9. fuisse docuimus, & ex parte in hac prima parte, dum nobis de peccato Angelorum est sermo, exposuimus, atque ex propria cujusque nostrum experientia constat. Ab innata ergo voluntatis libertate provenit, quod cum pueri prius habere possint sufficientem notitiam intellectus bonitatis alicujus delectabilis, aut utilis, objectorum, vel etiam mali oppositi, quam deliberare sufficienter possint circa bonum ac malum moraliter, quantum necesse est, ut ipsis volitio, aut nolitio, aut continere actum, ad culpam, meritum, aut virtutem imputetur, multa libere velle aut nolle possint, antequam cum rationis usum habeant, qui ad culpam, aut meritum, est necessarius. Ex eadem innata

voluntatis libertate evenit, quod cum in amentibus morales maneat bonitatis ac malitiæ moralis rerum multarum, verumque judicium practicum circa illa forment, atque legitimos aliquos discursus circa eadem conficiant, ut experientia testatur, dum interrogati, aut etiam non interrogati, multa vera circa res morales respondent, ratiocinantur, ac loquuntur, legitimamque eorum rationem reddunt; multa quoque circa easdem res morales libere velint, ac nolint. Quia tamen propter virium internarum sententium perturbationem ac indispositionem integrum ac plenum judicium rationis non habent, quantum par est, ut liberi eorum actus ad meritum, aut demeritum illis imputentur, inde efficitur, ut neque virtutis, neque vitii rationem habeant, ac proinde ut nec poena nec præmium propter illos digni sint. Neque reputo improbabile, aliquando prudentes ac circumspectos viros merito dubitare posse, num aliqui eorum in multis sufficientem rationis usum habeant, ut peccent ac mereantur, atque ut peccata sua confiteantur, impendique illis beneficium absolutionis possit. Atque tunc auditis eorum confessionibus, impendi illis absolutio possit, ac deberet, sub conditione, Si capax es absolutionis: non secus ac quando dubitatur, an infans recentier natus mortuus sit, vel vivat, sub conditione baptizatur, Si tu es homo, ego te baptizo. In neutro enim horum ullum est periculum, aut ulla irreverentia fit Sacramento: cum tamen utrumque prodesse multum possit, si puer vivat, aut ille alius, dum confitetur, sit compos sui, saltem quoad culpam aliquam, quam confiteatur. Illud obiter circa eandem interrogationem admonuerim: Longe diversæ esse libere continere actum non volendo, quando velle possumus, aut non nolendo, quando nolle possumus, ut libere velle continere actum, eliciendo voluntatis actum, quo continere actum circa aliquod objectum volumus. Atque ad hoc quidem secundum necesse est præcedat in intellectu notitia alicujus bonitatis, quæ cluceat in eo, quod actus contineatur: quandoquidem debet id esse volitum actu voluntatis: volitio autem in nullam rem tendere potest nisi sub ratione boni. Ad illud vero primum necesse non est repræsentari intellectui sub boni ratione continere actum;

quippe cum voluntas circa id nullum elicere debeat actum: sed satis est, quando representatur aliquod objectum sub ratione boni, potestque voluntas illud velle, non esse tantam bonitatem illius evidentem cognitam, quæ voluntati ad eum actum eliciendum necessitatem inferat: eo enim ipso in potestate voluntatis est non elicere eum actum, ac proinde libere eum continere. Satis similiter est, quando voluntati objectum aliquod representatur sub ratione mali, potestque voluntas illud nolle, non necessitari ad illud nolendum: eo enim ipso in potestate ipsius est, non elicere eum nolendi actum, ac proinde libere illum continere.]

Ad secundum.

Ad secundum, quod interrogatur, respondeo. Esse posse in adultis actus liberos, non solum nec semiplene deliberatos, quod ad genus moris attinet (qui soli primo primi appellantur) aut tantum semiplene deliberatos, sed etiam plene deliberatos, qui propter ignorantiam invincibilem, aut inadvertentiam inculpabilem, a culpa excusentur, cum tamen aliquin essent culpabiles, ac proinde qui boni sint moraliter, ac meritorii, si ab existente in gratia eliciantur. Ut si quis circa rem obscuram, atque ex se illicitam, bona fide consultisque viris doctis, celebret contractum bono aliquo fine, quem iustum arbitretur. Aut si oblitus inculpabiliter esse diem jejunii, cibum bono fine atque temperate sumat.

Ad tertium.

Quod ad tertium attinet, exiis, quæ in me sum expertus, arbitror, actus a transeuntibus a somno in vigiliam illicitos, interim dum rationis usus perfecte non est solutus, torpore quodam membra ac sensus internos occupante, membrorumque motum impediante, omnino carere culpa propter defectum perfecti tunc usus rationis, idque sive illi intuitu solum rei delectabilis, sine ulla notitia boni aut mali moralis, sive pungente simul scrupulo, quod id sit malum contra legem Dei, elidit sint, ut solet sæpe in timoratis evenire ob consuetudinem Deum, culpamque in similibus eventibus timendi. Carere autem eos actus culpa vel ex eo liquet, quod si ipsi, qui in objectum malum eo modo affecti consenserunt, devenientes postea ad perfectum rationis usum ac libertatem, certi omnino sunt, si in statu, ad quem devenere, tunc fuissent, nullo modo in id fuisse consenturos.

Pungit vero, quando ad perfectam vigiliam, devenerunt, scrupulus ne forte Deum offenderint, quod propter innatam voluntati libertatem, attracti delectatione, aut quavis alia passione, sponte consenserint, ac timeant ne forte in ipsorum potestate tunc fuerit non consentire, sed cohibere actum ac passionem.

Hoc loco est observandum discrimen non leve, maximeque ante mentis oculos in re, de qua disputamus, habendum circa modum, quo pueri, amentes, atque dormientes ad perfectum rationis usum deveniunt. Pueri enim cum sine ulla rerum notitia in hunc mundum deveniant, nimiaque humiditate impeditos habeant sensus, internos præsertim, paulatim calore nature humiditatem consumente, consolidanteque membra, nervos, atque organa sensuum, deveniunt in meliorem ac meliorem sensuum usum subministrantium intellectui species ac notitias rerum: experientiaque, atque aliorum doctrina, ac educatione, comparant paulatim tantam boni ac mali moralis notitiam, quæ illis sufficiat, ut ipsorum actus rationem virtutis ac vitii sortiantur, digneque ob illos sint laude ac vituperio, poenæque & præmio. Neque enim quæcunque notitia boni ac mali moralis sufficit in pueris, ut dicantur usum rationis perfectum habere, sed certa: neque simul comparant perfectum rationis usum circa omnia objecta, sed citius circa pervia & faciliora, & tardius circa abstrusa ac difficilia, præsertim si circa ea non doceantur. Quo fit ut multum, ad citius usum perfectum rationis acquirendum, efficiat innata cuiusque complexio, atque etiam educatio: neque subito in pueris adveniat notitia tota boni ac mali moralis ad id necessaria, sed paulatim, temporisque progressu: tamen si, quod notitia circa aliquod objectum, aut objecta, jam comparata sufficiens ad id fit, in indivisibili consistat, Deo quidem noto, nobis vero omnino occulto dum in tenebricolo huius corporis ergastulo vitam decimus. Amentes autem quamvis ante amentiam, notitiam sufficientem boni ac mali moralis, perfectumque rationis usum obtinuerint, quia tamen læsa morbo habent organa sensuum interiorum, nimiaque ariditate ac pravis humoribus caput infectum, paulatim etiam ad perfectum usum rationis deveniunt, prout organa,

Discrimen notandum.

organa, vel medicamentis adhibitis, vel natura ipsa morbum expellente ac consumente, paulatim etiam ad suam naturalem dispositionem reducantur. Quo fit ut incertum nobis sit non solum indivisibile punctum, sed etiam vicinum illi tempus, in quo dicendi sint ad perfectum rationis devenisse usum, ut de pueris dicebamus. Fit etiam, ut certum nobis non sit, utrum simul ad perfectum rationis usum deveniant comparatione omnium obsectorum, quorum amentiam cum habebant; an vero prius quorundam illorum perfectum usum consequantur, postea vero aliorum. Dormientes autem, quoniam ante somnum perfectum usum rationis habebant, speciesque omnes ad eum necessarias in memoria conservant, solumque rationis usu sunt privati, cerebri humiditate opplente vias, quibus sensitivi spiritus in sensuum organa derivantur, ut ea ratione humanum corpus melius reficiatur, ac instauretur, subito a somno ad vigiliam, perfectumque rationis usum solent regulariter transire, ut experientia ipsa testatur, spiritibus sensitivis subito erumpentibus, atque occupantibus organa sensuum. Aliquando tamen dilabi solet pars modica spirituum sensitivorum manentibus viis repletis humoribus; hi vero spiritus inforniti efficiunt, eo notitiis dilucidioribus quo plures spiritus dilabuntur, minusque oppletæ sunt viæ humoribus, & quo humores minus impuri sunt. Atque aliquando tametsi raro tot spirituum copia dilabatur ac erumpit, & tam perspicuæ notitiæ inforniorum fiunt, modicis humoribus vigiliam perfectam impediuntibus, torporemque prædictum in membris & organis sensuum, tam internorum quam externorum, efficientibus, ut perturbare facile possint, tum eo modo effectum, tum eundemmet quando jam ad perfectam vigiliam transivit, numquæ ita circa veneret, appetitum vindictæ, aut aliam passionem acciderunt, ad culpam ipsi imputari debeant: cum tamen status ille non sit perfecti usus liberi arbitrii, atque adeo illa omnino careant culpa. Non tamen propter hæc negare intendimus, in eo, qui de proximo ad vigiliam transivit, esse posse actus liberos malos in se, qui propter inadvertentiam ad malum morale defectumque deliberationis circa illud, vel omnino, vel certe a lethali

culpa excusentur, ut de omnibus perfectum usum rationis habentibus in responsione ad dubium præcedens dictum est. Non item ob eandem doctrinam improbare intendimus laudabilem bonarum mentium usum, quæ cum timeant culpam, ubi culpa non est, de huiusmodi rebus ad cautelam consensunt. Sed quid ea de re sentiamus, quidque consensarii de ejusmodi rebus judicare debeant, exponimus.

De quadruplici humana natura, ejusdemque liberi arbitrii statu, & quod ad supernaturaliæ operæ humana libertas se extendat.

DISPUTATIO III.

Quamvis naturæ doctrinæque ordo postulare videbatur, explicata quæstione de natura & nomine liberi arbitrii, prætinus illud esse demonstrarem: quia tamen commodius id fiet, si eorum omnium, quæ tota hæc Concordia dicenda sunt, illud veluti fundamentum & basim posuerimus prius, quolibet nempe viribus ad naturalia ac supernaturalia opera prædictum a viris Catholicis constituitur; id autem omnia nonnullis disputationibus exequemur. Illis vero hanc tertiam præmittimus, in qua statim quatuor, secundum quos humana natura perspicuitur, gratia spectari solet, viresque arbitrii nostri consueverunt expendi, declarantur.

Natura humana quadrupliciter dicitur, Prædicta. Homo in quibus naturalibus constitutus qualis esset.

Primus est, status naturæ humanæ in puris naturalibus, sine peccato, & sine gratia, ac sine ullo alio dono supernaturali. Hunc statum nunquam homo habuit, neque unquam habebit: Philosophi tamen naturales in eo crediderunt hominem fuisse conditum, neque aliud sine lumine divinæ revelationis intelligere poterunt. Homini ita spectato, ut naturalis est vis intelligendi ac volendi facultas, quæ rationem sequitur: ita naturalis est pars sentiens, quæ irascibilem, & concupiscibilem complectitur, ut in hac prima parte, q. 2 art. 3 ratione 4 ostendimus. Quæ ratione ei naturales sunt motus virium sentientium, qui cum ratione pugnant, voluntatemque sollicitant, inclinant, ac pertrahere conantur ad id, quod turpe & contra rectam rationem est. Naturales eidem etiam sunt defectus omnes, qui constitutionem corporis, propter vires sentientes, a natura collatam, ut eadem ratione quarta

explicatum est, necessario consequuntur, nempe fames, sitis, fatigatio, adversa valetudines, mors, &c. Atque hæc omnia in causâ sunt, ut solus homo, qui quasi duabus naturis inter se contrariis consistat, a fine naturali secundum portionem superiore sibi proprio, hoc est, ab operatione secundum rectam rationem, quam sapissime deviet, maximeque cum difficultate illam exerceat, corporenimur, quod corrumpitur, portionem superiorem aggravante, viribusque sentientibus in contrariam partem eam sollicitantibus atque allicientibus; cum tamen cæteræ res naturales non solum suos fines ut plurimum assequantur, sed etiam prompte & suaviter in eos ferantur.

*Secundus
status.
Innocentia
status qua-
lit.*

Secundus status est, in quo re ipsa primus parens ante peccatum fuit constitutus, qui innocentia status appellatur. Cum enim Deus in Adamo totum genus humanum, ab eo per generationem propagandum, in finem supernaturalem condiderit, nempe in claram sui visionem ac fruitionem, volueritque, ut homines ad eum finem per propria merita eidem fini congruentia pervenirent, ut sic finis adeptus in maiorem ipsorum laudem ac honorem cederet, contulit primo parenti pro se, ac posteris suis non solum principia, quibus vitam æternam possent promereri, nempe fidem, gratiam, caritatem, & alias supernaturales virtutes, sed etiam dono iustitiæ originalis (sic nuncupata, quod ad posteros propagatione esset transfundenda) ita vires sentientes compefecit, ut adversus rationem non moverentur, bellumque illi nullum inferrent, eodemque dono atque sua assistentia corpus a fatigatione, morbis, aliisque arumnis omnino immune reddidit, ut homo ita ab innata virium sentientium rebellionem, molestiaque corporis liberatus, prompte summaque cum facilitate viam mandatorum omnium posset currere, vitam æternam promereri, & ad eam ita per propria merita (quæ quatenus a donis gratis homini collatis provenirent, simul essent dona Dei) pervenire, ut & homo præmio, laude atque honore esset dignus, & tandem omnia in laudem atque honorem ipsius conditoris, a quo velut e fonte emanarunt, cederent ac redundarent.

De hoc vero iustitiæ statu, sive rectitudine primi hominis, loquitur Salomon Ecclesi-

astes 7, cum ait: Fecit Deus hominem rectum, &c. & liber Ecclesiastici, dum cap. 17 habetur: Deus de terra creavit hominem, & secundum imaginem suam fecit illum, & secundum se vestivit illum virtute. Quam etiam rectitudinem totam aperte docent Concilium Arafricanum, & Tridentinum sess. 5 in decreto de peccato originali, dum definiunt, primum parentem amisisse per peccatum sanctitatem & iustitiam, in qua constitutus fuerat, fuisseque totum secundum corpus & animam in deterius commutatum. Addit præterea Concilium Tridentinum, non solum mortem, & penas corporis in omne genus humanum transfudisse Adamum, sed etiam peccatum; sanctitatemque & iustitiam & sibi, & posteris suis amisisse. Manere tamen ait in renatis concupiscentiam, vel fomitem relictum ad agnitionem, & cumulatus meritum. Rationes alias non contemnendas, quare expedientissimum fuerit, ut per Christum generi humano non fuerint in hac vita ea omnia restituta quæ illi in statu innocentia fuerunt collata, reddidimus tertia parte, q. 1. art. 2.

Tertius status est hominis post peccatum, ante gratiam tamen gratum facientem recuperatam. Cum enim dona status innocentia ea lege Adamo, & posteris tradiderit Deus, ut cum primum ille peccaret, toti generi humano omnino ea amitteret, atque propter rationes quas tertia parte loco citato confecimus, merito constituerit Deus, non prius reconciliare sibi genus humanum, quam pro delictis illius sibi esset satisfactum; neque illi iterum impertiri dona in finem supernaturalem, nisi aliquis id promeretur; utique eo ipso, quod primus parens peccavit, totum genus humanum ab eo propagandum donis omnibus supernaturalibus iuste fuit spoliatum, destitutumque sunt vires manifestæ, qualesque sunt sibi naturales eo vigore, quem a iustitia originali & ab aliis donis supernaturalibus erant recepturæ. At vires naturales tales secundum semanserunt, quales illas æternus habituri, si in puris naturalibus ad finem tantum naturalem a principio conditi fuisset. Peccatum namque primi parentis solum in gratuitis nobis nocuit, & ob id naturalia in nobis, & in Angelis, post peccatum integra remanserunt, qualia essent si apte natura, si nullo dono supernaturali fuissent affecta, ut

*Tertius
status.*

*Status ho-
minis post
peccatum,
ante gra-
tiam.*

*Ante
gratiam
in na-
ra lapsa
vires
manifestæ
quales
sunt sibi
naturales
esset condi-
tus.*

D. Thomas

D. Thomas prima parte, q. 95 art. 1 docet. Itaque hoc solum interest inter naturam humanam post peccatum ante illa dona gratiæ, & eandem, si in puris naturalibus fuisset condita, quod exclusio a gloria, carentia gratiæ, justitiæ originalis, & aliorum donorum supernaturalium, habent propriè rationem privationis, comparatione naturæ post peccatum, eo quod opposita dona, vel certe jus ad illa, fuerit illi in Adamo collatum; comparatione vero naturæ, in puris naturalibus spectatæ, minime; eo quod nullum omnino jus habuisset ad eadem dona. Quare natura humana post peccatum recte dicitur spoliata donis supernaturalibus quæ habebat in Adamo: condita vero in puris naturalibus non diceretur spoliata eisdem donis, cum ea nunquam antea habuisset. Inde etiam facile intelligitur tam, negationes proxime commemoratas, quam defectus, qui inde sunt secuti, nempe rebellionem passionum, mortem, & cæteras corporis ærumnas, habere quidem propriè ac verè rationem pœnæ comparatione naturæ humanæ post peccatum, non vero comparatione ejusdem naturæ, si in puris naturalibus esset condita.

Quia ergo genus humanum post peccatum indiguit redemptore, cujus meritis ab eo liberaretur, conferrenturque iterum illi media gratiæ ad finem supernaturalem: & qua ratione dictum est, expediens fuisse, ut in statu innocentie ita hominibus conferrentur media gratiæ, ut nihilominus ipsi propriis meritis, quæ simul essent dona Dei, pervenirent ad præmium majus, vel minus, prout plus vel minus cooperari vellent cum divina gratia; eadem quoque ratione non minus expediens fuit, ut res simili modo fieret per redemptorem post peccatum; simulque ratio postulabat, ut adulti post gratiam culpa amissam, non nisi cum labore, cooperantesque cum divino auxilio ad gratiam atque amicitiam divinam redirent (quorum omnium tertia parte loco citato ratio reddita est) inde est, quod post peccatum duos hominis status constituamus, qui dicuntur naturæ lapsum, a felici videlicet statu innocentie. Unus est, de quo modo agimus, nempe ante gratiam gratum facientem recuperatam, qui tertius est illorum quatuor, quos explicamus. Alter vero est post gratiam gratum facientem recuperatam, qui quartus est, & postremus.

Porro in tertio statu spectare possimus hominem, vel ante omnia omnino dona gratiæ, ut se habent infideles, quando primo vocantur ad fidem & gratiam; vel postquam habent aliqua dona gratiæ, ut fidem & spem, accedantque ad recuperandam gratiam gratum facientem, quam per peccatum amiserunt; quo pacto se habuit Adamus per peccatum, & multi fideles, qui quotidie per peccata, quæ neque cum fide neque cum spe pugnant, gratiam amittunt.

Illud vero animadvertendum est, justitiæ originalem præciè consideratam a gratia & virtutibus theologicis, solum intervise ad sanandum eos defectus, qui naturæ humanæ erant innati & proprii, atque adeo licet naturæ humanæ tribueret vigorem, ut sine ullo defectu posset exequi omnia, quæ ad finem naturalem erant accommodata: non tamen ut illa eo modo efficeret, ut transcenderent limites operum naturalium, accommodataque essent fini supernaturali. Hinc effectum est, ut comparatione naturæ humanæ interduam tam justitiæ ipsa, quam vigor, quem ex præsentia illius voluntas, & aliæ vires in statu innocentie consequebantur, inter naturalia hominis computetur, licet sit donum simpliciter supernaturale: dona vero quæ ulterius hominibus disponebant in finem supernaturalem, appellentur gratuita. Atque hinc etiam emanavit dictum illud, hominem per peccatum spoliatum esse gratuitis, & vulneratum fuisse in naturalibus, liberumque arbitrium per peccatum non fuisse quidem extinctum, at fuisse attenuatum & inclinatum, imminutamque fuisse libertatem illius, ut Concilium Trident. sess. 6. cap. 1. & Arausicanum canone primo affirmant. Loquuntur namque comparatione virium quas liberum arbitrium habebat in statu innocentie ex præsentia justitiæ originalis: non vero comparatione virium, quas habuisset, si homo in puris naturalibus esset conditus.

Illud etiam, antequam vires arbitrii humani in singulis statibus expendamus, summarim atque in genere est observandum: Patrum sententiam esse, eamque orthodoxam, voluntatem humanam, non solum comparatione actuum sibi connaturalium, quive limites naturæ non excedunt, esse suapte natura ad eum sensum liberam, quod in potestate ipsius esse eos exercere, aut non

Justitiæ originalis, gratiæ, & aliorum donorum carceris est vera privatio, & vera pœna in natura lapsi, sicut in condita in solis naturalibus.

Justitiæ originalis præciè a gratia & virtutibus theologicis, solum intervise ad sanandum eos defectus, qui naturæ humanæ erant innati & proprii, atque adeo licet naturæ humanæ tribueret vigorem, ut sine ullo defectu posset exequi omnia, quæ ad finem naturalem erant accommodata: non tamen ut illa eo modo efficeret, ut transcenderent limites operum naturalium, accommodataque essent fini supernaturali.

Justitiæ originalis eodem modo spectata, quæ ratione inter dona naturalia interduam computatur.

Voluntas etiam comparatione actuum sibi connaturalium, quive limites naturæ non excedunt, esse suapte natura ad eum sensum liberam, quod in potestate ipsius esse eos exercere, aut non

Statut quartus.

*rationem
liberi arbi-
trii habet.*

exercere, aut etiam circa idem obiectum exercere indifferenter actum volendi, aut nolendi, prout maluerit; sed etiam circa actus suos supernaturales, qui sine auxilio Dei esse non possunt, esse ita liberam, quod in potestate ipsius est, cooperari, aut non cooperari cum auxilio divino, vel etiam elicere actum repugnantem. Quare huiusmodi actus supernaturales, siue sint ex eorum numero, qui justificationem adulti antecedunt & ad illam disponunt, siue ex iis, qui justificationem sequuntur, meritorique jam sunt incrementi gratiæ & vitæ æternæ, utique quemadmodum ab auxilio supernaturali, divinæ gratiæ pendent ut sint, sic quoque pendent a libero concursu voluntatis. Quo fit, ut voluntas propriissime sortitur rationem liberi arbitrii, non solum comparatione volitionum indifferencium ex suo genere, quales sunt volitiones plantandi vineas, ac ædificandi domos; & earum, quæ malæ sunt, & a fine naturali, aut etiam supernaturali deviant, ut sunt volitiones vitiorum, atque etiam earum, quæ bonæ sunt, fini tamen naturali duntaxat commensurate, quales sunt volitiones virtutum moralium: sed etiam comparatione volitionum supernaturalium supernaturali fini accommodatarum: id quod Concilium Tridentinum sess. 6, præsertim a canone 4 definit, & in sequentibus fiet manifestum.

Quousque vires liberi arbitrii in statu innocentie se extenderint.

DISPUTATIO IV.

UT a secundo eorum statuum qui disputatione præcedente explicati sunt, ordiamur, Communis est D. Thom. 1. 2. q. 109. art. 2. 3. 4 & 8 atque art. 10 ad tertium, & doctorum sententia, in statu innocentie ratione iustitiæ originalis, quæ vires sentientes coercere ne bellum adversus rationem moverent, quæque in causa erat ne corpus fatigaretur, ullamve molestiam sustineret in executione operum virtutum, atque in parendo rectæ rationi & legi Dei, hominem persuum liberum arbitrium, cum solo concursu generali Dei, potuisse absque alio auxilio speciali implere, etiam ad longissimum tempus, totam legem quoad substantiam actus, quæ ad nihil supernaturale obligaret, atque adeo potuisse se continere ab

*Homines in
statu inno-
centie cum
solo concu-
su Dei gene-
rali implere
poterant
totam legem
naturalem.*

omni peccato tam veniali, quem lethali, per quodcunque tempus, licet longissimum. Cum enim ea omnia sine labore & tædio, summaque cum facilitate præstare posset, neque ullas alias tentationes haberet præter eas quæ extrinsecus inferrentur, & præter innatum appetitum excellentiæ ac laudis quoad voluntatem & intellectum, quæ omnia in tanta tranquillitate passionum, tamque præclaris donis præditus, facile poterat superare, utique nihil erat, quominus totam legem ad longissimum quodcunque tempus suo libero arbitrio posset servare, continereque se ab omni peccato lethali & veniali.

Communis præterea sententia doctorum est, hominem in eodem statu per dona supernaturalia fidei, spei, caritatis, ac gratiæ potuisse cum communi auxilio Dei operari suam salutem, vitamque æternam promereri, absque aliis auxiliis specialibus. Cum enim ejusmodi habitus accommodati sint ad eliciendum cum viribus naturalibus, & communi Dei influxu, actus ad quos ordinantur, nullaque esset difficultas in Adamo, vel in illis eliciendis, vel in continuandis & multiplicandis eisdem actibus, utique cum communi auxilio Dei poterat operari suam salutem, vitamque æternam promereri.

Quod ex eo confirmatur, quoniam nos, comparato habitu fidei, spei, aut caritatis supernaturalis, possumus cum communi auxilio Dei elicere unum, aut alterum actum fidei, spei, aut caritatis supernaturalis, elice-reque unum, aut alterum opus meritum, licet diu totam legem, propter rebellionem virium sentientium, & debilitatem corporis, ac molestiam, implere non possumus, ut præter alios affirmat Sotus tertio de natura & gratia cap. 4 cum ergo in Adamo nulla esset tunc debilitas, molestia, aut rebellio, consequens profecto est, ut cum communi auxilio Dei potuerit operari suam salutem, vitamque æternam promereri.

Quare primi parentes in statu innocentie plenissimam libertatem habebant, tum ad declinanda ea omnia, quibus a fine tam naturali, quam supernaturali averti poterant, tum etiam ad ea omnia executioni mandanda, quæ ad utrumque finem assequendum essent necessaria. Unde Augustinus de corrept. & grat. cap. 10, & duobus sequenti-

Cum habitibus fidei, spei, & caritatis, & communi Dei auxilio operari poterant suam salutem.

Plenissimam habebant libertatem ad declinandum ea omnia, quibus a naturali, & supernaturali fini se averti poterant.

bus

bus plenissimam eos habuisse libertatem affirmat, accepisseque gratiam & auxilium, non quidem quo non potuerint non perseverare in gratia; id enim ad statum sempiternæ felicitatis spectat; sed quo potuerunt perseverare, & non perseverare: per solum vero eorum liberum arbitrium stetit, quominus id opere impleverint. Eandem quoque plenitudinem libertatis affirmat eos accepisse Hypognoft. lib. 3 in principio ipse, aut quicumque alius ejus operis est autor.

Objeſtio.

Objeſcit nobis aliquis fortasse cap. 19 provincialis concilii ſecundi Arauſicani, quod ita haber: Natura humana, etiam ſi in illa integritate, in qua eſt condita, permaneret, nullo modo ſeipſam, creatore ſuo non adjuvante, ſervaret: unde cum ſine gratia Dei ſalutem non poſſit cuſtodire, quam accepit; quo modo ſine Dei gratia poterit reparare, quod perdidit? Ex qua definitione conſtare videtur, primos parentes ad vitanda lethalia peccata, ſine quibus ſalutem quam acceperant non amitterent, atque adeo ad perfeſverandum in originali juſtitia, & gratia, eguiſſe ſuperaddito auxilio particulari gratiæ, præter juſtitiam originale, donaque habitualia gratiæ ac virtutum theologialium: quemadmodum poſt gratiam habitualement amiffam indiget peculiari auxilio ad eam recuperandam.

D. Thom. prima ſecundæ q. 109. art. 2. 3 & 4 affirmat, ut homo nature integræ naturali dilectione Deum ſuper omnia diligere, ſervaretque præcepta omnia naturalia, etiam quæ ſub veniali culpa obligant, atque adeo ab omni peccato abſtineret, nullo gratuito Dei auxilio, ſed ſolo univerſali, quo cum omni cauſa ſecunda cooperatur, indiguiſſe. Articulo vero 8 ejusdem quæſtionis eguiſſe ait auxilio Dei in bono conſervantis, quo ſubſtracto, inquit, etiam ipſa natura in nihilum decideret. Nomine autem hujus auxilii non aliud videtur intelligere, quam influxum univerſalem quo cuncta in eſſe conſervat, a quo actiones, effectusque omnes cauſarum ſecundarum quamdiu in rerum natura exiſtunt pendunt; de quo dicitur inferius cum de conſurſu Dei univerſali ſermo erit. Difficultatem vero ex capite 19 Concilii Arauſicani nunc propoſitam, neque ſolutam, neque a quoquam in medium productam, hæcenus me legiſſe memini.

Solutio autem, veraque illius capitis intelligentia inde elucebit, ſi duo quædam ante mentis oculos habeamus. Primum eſt, Pelagianos, ut diſp. 1 dictum eſt, conſtabitque magis ex ſequentibus, aſſeruiſſe, ſolas vires naturales arbitrii noſtri præciſe ſpectatas a quocunque auxilio & dono Dei ſuperaddito, eſſe ſatis, tum ad conſervandam amicitiam cum Deo, tum etiam ad illam fedintegrandam, recuperandamve per poenitentiam, poſtquam per peccatum eſſet amiſſa. Secundum vero, Patres (ut ex dicendis in progreſſu hujus operis erit maniſeſtum) dum adverſus hujusmodi Pelagianorum errores loquebantur, quippiamve definiabant, nomine auxilii gratiæ, id omne intellexiſſe, quod ſuperadditum viribus arbitrii noſtri, has adjuvat ut non ſuccumbant; & ut ſupernaturalia opera exerceant, ſive id eſſet habitus ſupernaturalis influens cum potentia, ſive motio & influxus ſine habitu. Atque id totum comprehendebant nomine gratiæ, qua adverſus Pelagianos dicebant arbitrium noſtrum, ultra ſuas vires naturales, indigere.

Hoc jacto fundamento, dicendum eſt, Patres Concilii Arauſicani eo in capite hæc poſſimum concluſionem adverſus Pelagianos intendiſſe definire: Homo ſalutem ſpiritualem amiſſam recuperare non poſteſt ſuis viribus ſine gratia, hoc eſt, ſine Dei ſupernaturali adjutorio, modo paulo ante explicato. Ut vero eam definirent, præmiſerunt: Natura humana, etiam ſi in illa integritate, in qua eſt condita, permaneret, nullo modo ſeipſam (ſuis ſcilicet ſolis viribus naturalibus, ut Pelagiani dicebant) creatore ſuo non adjuvante (ſaltem per influxum habituum juſtitie originalis, gratiæ, & theologialium virtutum) ſervaret. Unde cum ſine gratia Dei (ſolo ſcilicet influxu ſuarum virium naturalium) ſalutem non poſſit cuſtodire, quam accepit: quomodo ſine Dei gratia (ſolis ſcilicet ſuis viribus) poterit recuperare quod perdidit? Quare nemo poſteſt ex ejusmodi definitione colligere, primos parentes in innocentie ſtatu ad vitanda lethalia peccata, perfeſverandumque in gratia, eguiſſe auxilio particulari ſuperaddito habitibus juſtitie originalis, gratiæ, theologialiumque virtutum.

Conſonat hæcenus dictis Auguſt. de natura & grat. c. 48 dum ait, Naturam humanam

*Dilectus
objeſtio.*

manam in presenti statu egere ad non peccandum, perseverandumve sine lethali culpa, adiutorio medicinæ Salvatoris. Sane medicina Salvatoris habituallem gratiam, qua sanamur, includit, ac proinde in adiutorio illo influxum habitualis gratiæ comprehendit.

Et de corrept. & grat. c. 11 & 12 procul dubio nomine adiutorii cum quo Adam in statu innocentie perseverare potuit sine peccato, non aliud intellexit, quam dona habitualia iustitiæ originalis gratiæ, & theologialium virtutum, aliorumque habituum supernaturalium, per quæ & continebatur pars inferior ne bellum adversus rationem moveret, & totus homo in naturale & supernaturale bonum per ejusmodi habitualia dona propendebat, facileque viam mandatorum poterat currere, resistereque illi ipsi tentationi, cui succubuit. Unde cap. 11 citato ait: Istant gratiam non habuit homo primus, qua nunquam vellet esse malus: sed sane habuit, in qua si permanere vellet, nunquam malus esset, & sine qua, etiam cum libero arbitrio, bonus esse non posset: sed eam tamen liberum arbitrium deserere posset. Neque ipsum ergo Deus esse voluit sine sua gratia, quam reliquit in ejus libero arbitrio; quoniam liberum arbitrium ad malum sufficit, ad bonum autem (supernaturale intellige, de quo est sermo) nihil est, nisi adjuvetur ab omnipotenti bono: quod adiutorium si homo ille per liberum non deseruisset arbitrium, semper esset bonus: sed deseruit, & desertus est. Tale quippe erat adiutorium, quod desereret cum vellet; & in quo permaneret, si vellet; non quo fieret ut non vellet. Hæc prima est gratia quæ data est primo Adam. Hactenus ibi Augustinus.

Et cap. 12 ait: Primo itaque homini, qui in eo bono, quo factus fuerat rectus, acceperat posse non peccare, posse non mori, posse ipsum bonum non deserere, datum est adiutorium perseverantiæ, non quo fieret, ut perseveraret, sed sine quo liberum arbitrium perseverare non posset. Et infra. Ut perseverare vel non perseverare in ejus relinqueretur arbitrio, tales vires ejus habebat voluntas, quæ sine ullo fuerat instituta peccato, & nihil illi ex seipsa concupiscentiabiliter resistebat, ut digne tantæ bonitati, & bene vivendi facultati, perseverandi concommicaretur arbi-

trium. Ecce, per eadem habitualia dona per quæ interna bella erant sublata ad bonumque propendebat, ait Adamum in innocentie statu consecutum fuisse arbitrium, facultatemve perseverandi, si vellet.

Et D. Thom. prima secundæ q. 109 art. 10 ad tertium, hoc ipsum cum Augustino locis citatis vult esse donum quod Adamus accepit, per quod perseverare potuit. Atque juxta ea, quæ ex ipso paulo ante retulimus, proculdubio est dicendum, id ex D. Thomæ sententia sufficere ut diu vitare posset, etiam omne veniale peccatum, nedum lethale, atque adeo ut perseverare posset in gratia. Non tamen existimes, sicut Adamo sufficiens fuit ad perseverandum in gratia habituale donum iustitiæ originalis & gratiæ; ita, ex D. Thomæ sententia, satis esse nobis ad perseverandum in gratia ipsum habituale donum gratiæ gratum facientis, quod, dum a peccato resurgimus, accipimus. Neque enim id Divus Thomas docet, neque est par utrobique ratio: cum primi parentes vires illas habuerint non tam a gratia gratum faciente, quam a dono iustitiæ originalis, quæ partem continebat inferiorem, ne bellum adversus superiorem moveret. Ac sane contrarium definit Concilium Tridentinum sessione 6 can. 22, nempe nos ad perseverandum in gratia, ultra ipsum habituale gratiæ donum, indigere quotidiano Dei auxilio superaddito, quod Deus nunquam iustis denegat quantum satis est, ut, si velint, in gratia perseverent, ut suo loco videbimus.

Quando autem Augustinus de corrept. & gratia, & cum eo D. Thom. loco citato asseverant, plus homines accepisse per Christi donum, quatenus multi acceperunt non solum id quo perseverare poterant, si vellet, sed etiam ut re ipsa perseverarent, quam fuerit quod accepit Adam, nempe donum quo perseverare potuit, non tamen perseveravit; in primis id intelligunt ex parte effectus, quia majorem effectum habuit gratia Christi in adultis, qui usque ad finem vitæ perseveraverunt (cooperante tamen ad perseverandum libero ipsorummet arbitrio) quam habuerit gratia Adamo collata, per quam, ex Adami defectu non volentis cum ea cooperari, non perseveravit. Non tamen negant, neque negare possunt, gratiam Adamo collatam, si per arbitrium Adami non

non stetit, potuisset re ipsa habere utrumque effectum, solaque culpa Adami illum non habuisset. Quod si Adamus, ut potuit, perseverasset, certe secundus effectus, hoc est, perseverantia ipsa in gratia, se ipsum ab omni lethali culpa continendo, non fuisset ex solis viribus Adami, sed præcipue ex cooperatione Dei per habitualia dona quæ ad perseverandum illi contulerat, per solumque Adamum stetit quo minus haberent eum effectum, ad quem, dependenter tamen ab ipsius arbitrio, fuerant eidem collata. Admonet vero optime D. Thom. in responsione ad tertium citata, multo facilius homines in statu innocentie potuisse per suum arbitrium perseverare cum æquali gratia, quam possumus modo. Atque hinc elicere possumus secundum modum exponendi doctrinam D. Augustini & D. Thomæ de qua agimus, nempe ut intelligatur etiam ex parte ipsiusmet gratiæ, & non solum ex parte effectus. Etenim cum iustitia originalis, ea ex parte qua sensualitatem continet ne adversus rationem bellaret, quodammodo computetur inter naturalia, ut disputatione præcedente dictum est, sane longe maior est gratia quæ per Christum data fuit martyribus, per quam non solum perseverare potuerunt, sed re ipsa diuturnum fortissimumque pro Christo bellum superaverunt, quam fuerit gratia Adamo collata, per quam licet perseverare potuerit, in summa tamen tranquillitate levi admodum tentatione superatus est. Etenim longe maiora auxilia gratiæ necessaria fuerunt martyribus, ut Laurentio, ac Vincentio, ad victorias adeo insignes, carne, mundo & diabolo tam acriter oppugnantibus, reportandas, quam fuerint Adamo ad perseverandum sine peccato in tam felici & tranquillo statu. Atque hoc est quod August. de corrept. & grat. locis citatis & vult & aperte docet.

Quid extra statum innocentie possit liberum arbitrium cum solo Dei concursu generali circa actiones singulas, quæ finem naturalem non transcendunt.

DISPUTATIO V.

UT ad vires liberi arbitrii in homine, sive in puris naturalibus, sive post naturam lapsam spectato accedamus, sit hæc conclusio: Cum solo concursu generali Dei absque alio dono vel auxilio gratiæ, potest homo efficere

MOLINA.

opus bonum morale, quod fini naturali hominis accommodatum, atque comparatione illius sit vere bonum, ac virtutis opus: non tamen quod fini supernaturali sit accommodatum, quodque comparatione illius bonum simpliciter, ac virtutis opus dici queat. Posterior pars dilucida fiet disputatione sequenti: prior vero communis est scholasticorum, si modo Gregorium Ariminensem, & Capreolum, paucosque alios excipias, qui existimant neque ad id liberum arbitrium habere vires in statu naturæ lapsæ sine speciali auxilio Dei. Est etiam doctrinæ Patrum consentanea, quicquid nonnulli dicant.

Ea vero probari potest, quoniam in homine est lumen naturale ad cognoscendum, quid honestum, decens, consentaneum rectæ rationi sit, ut experientia ipsa restatur; patetque ex Psalmo 4, ubi cum Propheta præmisisset, Multi dicunt, quis offendit nobis bona? subiungit, Signatum est super nos lumen vultus tui Domine, quia scilicet ad tui imaginem conditi sumus, quo quid bonum, atque honestum sit, cognoscimus, imo quia id ratione cognoscimus, deviatio a recta ratione culpa est atque peccatum, quo ea duntaxat ratione carent pueri & amentes dum turpe aliquid committunt, quod inter bonum & malum morale discernere nequeant: cum ergo in multis bonis, ut in honore parentibus exhibendo, in cleemosyna pauperi ex commiseratione tribuendo, in solvendo debito conjugali, & in plerisque aliis, quæ ad alias virtutes morales pertinent, non tantum difficultatis experiamur, quin id voluntate amplecti, executionique mandare facile possumus; consequens est, ut similia bona moralia solo concursu Dei generali, viribusque naturalibus liberi nostri arbitrii non solum velle, sed etiam efficere possumus. Mirum namque esset, quod ad agendum honeste, tanquam in finem naturalem, essemus conditi, nullum tamen actum honestum viribus propriis, soloque concursu generali Dei possemus efficere.

Verum responderi Gregorius: Ut ejusmodi opera sint bona moralia, necessarium esse, ut in Deum tanquam in ultimum finem referantur: quod tamen, ut ait, sine speciali auxilio Dei homo præstare non potest. Nihilominus cum unaquæque virtus ex suo

morale, quod naturali fini non vero supernaturali sit accommodatum.

Gregorii responsio.

Conclusio.

proprio

C

Conclusio. Homo cum solo concursu Dei generali esse creatus potest opus bonum

proprio objecto, atque sine immediato bonitatem moralem sibi propriam vendicet, sicut etiam distinctionem a quacunque alia virtute, non vero ex relatione per virtutem superiorem ad finem superiorem, quis non videat necessariam non esse talem relationem, ut actus aliquis bonitatem moralem virtutis verbi gratia misericordiae, aut iustitiae consequatur, sed satis esse, quod virtute ad Deum referatur? quo pacto quemadmodum bona cuncta stapte natura, atque ex praordinationatione divina sunt propter ultimum finem; ita eo ipso quod secundum se sunt volita, sunt virtute volita propter ultimum finem. Adde, cum Deus lumine naturali cognoscatur esse prima causa, & ultimus finis omnium rerum, ut ex Paulo ad Rom. I constat, liberum arbitrium ex virtutibus suis naturalibus, solo concursu Dei generali referre posse huiusmodi actus in Deum ita cognitum; quod satis erit, ut tales actus sint boni moraliter comparatione finis naturalis.

Confirmatur eadem conclusio ex illo ad Romanos 2: Cum gentes, quae legem non habent (scriptam scilicet) naturaliter, quae legis sunt, faciunt, ejusmodi legem non habentes, ipsi sibi sunt lex; qui ostendunt opus legis scriptum in cordibus suis. Ecce, Paulus naturaliter, hoc est, ex solis viribus naturae, ait gentes interdum efficere, quae legis naturalis sunt, quae plane sunt bona moralia fini naturali accommodata.

Conclusionem nostram aperte affirmat Augustinus seu alius ejus operis autor, Hypogn. lib. 3, ubi cum docuisset primum parentem in statu innocentiae habuisse plenam libertatem, etiam ad bonum supernaturale, vitamque aeternam promerendam & consequendam; hanc autem libertatem ad bonum sibi & nobis perdidisse; per Christumque nos consequi auxilia & dona gratiae ut hujusmodi bonum facere possimus, ita concludit. Esse fatemur liberum arbitrium in omnibus hominibus, habens quidem judicium rationis, non per quod sit idoneum, quae ad Deum pertinent, sine Deo, aut inchoare, aut certe peragere: sed tantum in operibus vitae praesentis tam bonis, quam etiam malis. Bonis dico, quae de bono naturae oriuntur; id est, velle laborare in agro; velle manducare, & bibere; velle habere

amicum; velle habere indumenta; velle fabricare domum; uxorem velle ducere, pecora nutrire, artem discere diversarum rerum bonarum, velle quicquid bonum ad praesentem pertinet vitam; quae omnia non sine gubernaculo divino subsistunt, imo ex ipso, & per ipsum sunt, vel esse coeperunt: malis dico, ut velle idola colere, velle homicidium, &c. Haec ille. Cum autem non neget hominem per liberum arbitrium sine speciali auxilio gratiae posse velle comedere, quantum recta ratio dicat, & prout dicat recta ratio, imo id aperte confiteatur: quandoquidem quandoque comestio limites rationis transgredere, inter mala esset computanda; plane confiteatur sine auxilio gratiae posse a nobis exerceri hoc opus temperantiae, & alia opera moraliter bona fini naturali solum accommodata, maxime cum dicat liberum arbitrium sine gratia posse velle quicquid bonum ad praesentem pertinet vitam, solumque excludat bonum, quod ad Deum (ut finis scilicet est supernaturalis) pertinet, quod plane bonum supernaturale esse debet, aut certe per bonum aliquod supernaturale ad ordinem bonorum supernaturalium elevatum. Eandem conclusionem apertius adhuc affirmat idem August. lib. de spiritu & litera cap. 28 junctis praecedentibus & sequentibus, ubi licet ostendat, nos per gratiam Christi justificari, efficereque bona opera, & neque per legem naturalem, neque per scriptam esse iustitiam, ait tamen per peccatum non usque adeo extinctam esse imaginem Dei in nobis, quin, etiam dum in peccato sumus & male vivimus, possimus efficere bona aliqua opera juxta testimonium ad Rom. 2 supra citatum. Unde ait: Sicut non impediunt a vita aeterna justum quaedam peccata venialia, sine quibus haec vita non ducitur; sic ad salutem aeternam nihil profunt impio aliqua bona opera, sine quibus diffillime via ejuslibet pessimi hominis invenitur. In eadem conclusionem videtur inclinare Concilium Trident. sess. 6 canone 1, ubi satis innuit, esse posse bona opera moralia, quae fiant per solam vim naturae humanae, vel per legis doctrinam: cum definiat; illa non satis esse ad justificationem, absque divina per Jesum Christum gratia.

Utrum liberum arbitrium cum solo concursu Dei generali aliquid possit quod ad supernaturalem finem conducat.

DISPUTATIO VI.

Disputatione precedente dictum est de viribus arbitrii nostri cum solo concursu Dei generali ad actiones bonas moraliter, quæ finem naturalem non transcendunt, idque sive in puris naturalibus, sive in statu naturæ lapsum consideretur. Quod vero ad actiones attinet quæ ad finem supernaturalem, tanquam illi in suo ordine & gradu proportionatæ, conducunt, sit sequens conclusio.

Liberum nostrum arbitrium cum solo concursu Dei generali nihil efficere potest, non solum quod vitam æternam, aut gratiæ incrementum promereatur, sed neque quod, tanquam ordinem ad finem naturalem transcendens, commensuratum cum fine supernaturali aliquo modo sit, etiam tanquam remota dispositio ad gratiam, tam ex parte voluntatis, quam intellectus: sed ad id omne indiget auxilio & ope supernaturali, vel per influxum Dei immediatum, vel per habitum supernaturalem ad eam rem collatum. Quare cum post peccatum primorum parentum statuerit Deus nihil horum, quæ ordinis sunt supernaturalis, atque ad finem supernaturalem peculiariter ordinantur, conferre hominibus, nisi meritis Christi, necessarius fuit nobis Christus, tanquam redemptor, ut hæc omnia nobis conferrentur, possemusque eorum Deo sempiternam felicitatem promereri.

Conclusio est de fide directo pugnans cum errore Pelagii, quam plurimis in locis demonstrat Augustinus, ex scripturis sanctis adversus Pelagianos, contendens primum parentem per peccatum amisisse toti generi humano omne bonum ordinis supernaturalis, & ob id libertatem operandi quicquid, tanquam transcendens limites boni naturalis, ad finem spectaret supernaturalem, etiam si sit dispositio remota, nisi dono aut auxilio supernaturali Dei ad id adjuvaretur; quemadmodum adjuvat auxiliis & donis, quæ nobis per Christum conferuntur.

Duo vero sunt propositæ conclusionis fundamenta. Primum est, pure naturalia non habere commensurationem & accommodationem ad sempiternam felicitatem; &

ob eam causam Deum ad illam exegisse, tam in Angelis quam in hominibus, media supernaturalia, tum ex parte intellectus, tum ex parte voluntatis, quæ proinde ex suis tantum viribus nullo modo poterunt habere, sed ex dono & auxilio Dei. Quo posito fundamento notissimum est, liberum arbitrium, non solum si spectetur in homine condito in puris naturalibus; aut in statu naturæ lapsum; sed etiam si spectetur in Adamo cum sola iustitia originali præcendendo a gratia & omni alio dono supernaturali, aut in Angelo condito in puris naturalibus cum solo concursu generali, nihil omnino eorum, de quibus sermo est, posse efficere. Cujus ratio est, quoniam liberum arbitrium ita spectatum nihil potest, quod limites operationis ac rei naturalis transcendat: ea autem, de quibus conclusio agit, res sunt supernaturales. Quare prior pars conclusionis propositæ vera est, intellecta tam de Angelis in puris naturalibus conditis, quam de Adamo condito cum sola iustitia originali absque gratia & aliis donis supernaturalibus. Licet enim iustitia originalis donum esset supernaturale, quia tamen eo solum spectabat, ut vires nostras sentientes cohiberet, nosque ab interitu, morbis, membrorum defatigatione, cæterisque hujus vitæ miseriis immunes redderet, ut sine ulla difficultate, & per quantumvis temporis spatium continere se posset homo in officio, sane non tribuebat vires ad faciendum opus aliquod, quod vires naturæ excederet, sed solum ad perseverandum sine ullo defectu in bono naturali rectæ rationi consentaneo. Unde Augustinus in Enchiridion cap. 105 ait, Quamvis sine gratia neque tunc (in statu scilicet innocentie) ullum meritum esse potuisset.

Secundum fundamentum est, Deum tam Angelis, quam primo parenti contulisse dona & media supernaturalia, quibus vitam æternam per suum liberum arbitrium potuerunt ulterius promereri, ut pro ratione meritum cuiusque ad maiorem vel minorem beatitudinem promoverentur, donoque iustitiæ originalis ita corroborasse debilitatem homini innatam ad perseverandum in operatione secundum rationem, ut penam Angelis ea in parte cum effecit: at vero Angelis ita dona & media supernaturalia ad vitam æternam promerendam contulisset,

Conclusio. Liberum arbitrium sine speciali auxilio aut dono supernaturali Dei, nihil potest nisi supernaturalem modo commensuratum. Redemptoris necessitas.

Primum conclusiōis fundamentum. Naturalia commensura-

Secundum conclusiōis fundamentum. Angelis & primis parentibus collata sunt supernaturalia quibus vitam æternam promerentur.

tulisse, ut quæ sua culpa semel ea amitterent, nunquam amplius possent eadem recuperare: primo autem parenti, & in illo posteris, ita hæc ipsa donasse, ut si peccando ea amitteret, nunquam deinceps posset ea recuperare, nisi per merita alicujus, qui ex condigno pro peccatis generis humani satisfaceret, & dona illa coram Deo vere ac proprie promeretur.

*Pelagii
errorum
prima
origo.*

Cum Pelagius a primo fundamento discesserit, dum arbitratus est solas vires naturales liberi arbitrii satis esse, tum ad promerendam vitam æternam, tum etiam ad obtinendam, & impetrandam per poenitentiam veniam peccatorum, si quæ homo sua culpa commisisset, necessarium illi etiam fuit a secundo fundamento atque a tota conclusione propofita discedere, asserereque nullum fuisse peccatum quod origine traduceretur ad posteros, Adamque simul fuisse moriturum, si non peccasset, & Christum non redemptorem generis humani, sed doctorem solum ac legislatorem extitisse, satisque esse vires naturales liberi arbitrii, tum ad credendum, ut oportet ad salutem, omnia quæ per Christum & alios a Deo nobis revelata sunt, tum etiam ad implendum ea omnia, quæ nobis præcepta sunt, & ad superandas ac vincendas tentationes & difficultates omnes quæ nobis impedimento esse solent ne eum finem assequamur, tum denique ad obtinendum vitam æternam: quæ omnia plane scripturas sacras, & fidem Catholicam magna ex parte evertunt, ut Augustinus, aliique patres variis in locis late præclareque demonstrant. Quia vero institutum nostrum hoc loco non est de his disserere, cum alibi suas proprias habeant sedes, sed solum ex iis ea perstringere, quæ necessaria videntur ut ostendamus, quam bene liberum arbitrium, gratia, præscientia, providentia, prædestinatio ac reprobatio inter se concordent, satis erit si priorem partem conclusionis propofitæ definitionibus Ecclesiæ comprobemus, maxime quia Lutherani, adversus quos potissimum libertatem arbitrii nostri demonstrare molimur, facile totam conclusionem propositam adversus Pelagianos nobis concedent.

In Concil. igitur Trident. sess. 6 can. 1 ita habetur: Si quis dixerit, hominem suis operibus, quæ vel per naturæ humanæ, vel per legis doctrinam fiant, absque divina per

Jesum Christum gratia posse justificari coram Deo, anathema sit. Et can. 3. Si quis dixerit sine præveniente Spiritus sancti inspiratione atque adjutorio, hominem credere, sperare, diligere, aut ponere posse, sicut oportet ut ei justificationis gratia conferatur, anathema sit. Et in Concilio Arausicano cap. 5 & sequentibus, etiam ipsum initium fidei definitur & ostenditur esse non posse absque speciali auxilio Dei, ut interim alias definitiones omittamus.

Cum autem in scripturis sanctis & in conciliis ordinarie sit sermo de operibus nostris, ut ad finem supernaturalem conducunt, ad quem instruere, effingereque nos intendunt, non vero ut conducunt præcisè ad finem naturalem (ea enim consideratio operum nostrorum ad philosophos morales potius spectat) utique quando docent, opera aliqua peculiariter fieri non posse a nobis absque speciali auxilio aut dono Dei, id intelligendum esse volunt, modo ita fiant, ut in suo ordine & gradu fini supernaturali deserviant, ad eumque proportionem habeant; ac proinde apud eos sermo est de operibus, quæ conclusione nostra continentur. Reliquorum namque operum, quæ a libero arbitrio emanant, nulla habetur ratio, quod ad finem supernaturalem attinet. Imo, ut in articulum 36 Lutheri recte docet Roffensis, aliquando ea sola opera aliquid in scripturis dici solent ac putantur, quæ vitæ æternæ meritoria sunt: reliqua vero, esto ope supernaturali fiant, nihil dicuntur, aut reputantur. Unde Joannis 15 ait Christus: Ego sum vitis, vos palmites: qui manet in me, & ego in eo, hic fert fructum multum, quia sine me nihil potestis facere; quod fructus scilicet meritive ad vitam æternam rationem habeat, & primæ ad Corinth. 13. Si linguis hominum loquar & Angelorum, & si habuero prophetiam, & noverim mysteria omnia, & omnem scientiam, & si habuero omnem fidem, ita ut montes transferam, caritatem autem non habuero, nihil sum.

Hinc Augustinus interdum nullum reputat bonum ac virtutem si conjunctam non habeat caritatem, quæ forma est virtutum comparatione finis supernaturalis: interdu vero nullum reputat bonum, si ad Deum, finemve supernaturalem non pertineat, aut cum eo non sit in suo ordine & gradu

*Opera
scripturæ
concilio
affirmari
fieri non
posse sine
speciali
auxilio
quæ sunt.*

*Virtutes
ac bona
quod soli
reputantur
Augustinus.*

gradu commensuratum. Degratia enim & libero arbitrio cap. 18 ait: Quicquid se putaverit homo facere bene, si fiat sine caritate, nullo modo fit bene, & lib. 4 adversus Julianum cap. 3 contendit, opera infidelium non esse veras virtutes, non solum quod saepe extrema aliqua vitia, quæ cum medio virtutis aliquam habent similitudinem, laudi eis tribuebantur, ut pertinacia, quasi esset constantia; & temeritas, ac si esset fortitudo, & quod medium virtutis adfectione sinistri finis infectum in vitium convertebant: sed etiam quod nihil habeat simpliciter rationem virtutis, quæ meritum aliquod habeat apud Deum, nisi per fidem & caritatem in ultimum finem supernaturalem referatur. Unde ad finem capitis concludit, nos illud dicere bonum opus hominum, quod ad æternum Dei regnum perducit, neque ejusmodi opus posse esse sine Dei gratia, quæ datur per unum mediatorem Dei & hominum. Et Hypog. lib. 3 c. 4, ut supra retulimus, ait; Esse fate-mur liberum arbitrium omnibus hominibus, habens quidem judicium rationis, non per quod sit idoneum, quæ ad Deum pertinent, sine Deo aut inchoare, aut certe per-agere, sed tantum in operibus vitæ præsen-tis tam bonis, quam etiam malis, & c. 5 sub-jungit; Vitiatum ergo libero arbitrio, totus homo est viciatus, per quod absque adjutorio gratiæ quod Deo placeat, nec valet incipere, neque perficere sufficit, & c. 10. Est (inquit) liberum arbitrium in homine, quod quisquis esse negaverit, Catholicus non est: & quis-quis sic esse dixerit, quod sine Deo bonum opus, id est, quod ad ejus sanctum propo-situm pertinet, nec incipere nec perficere pos-sit, Catholicus est. Atque ejusmodi opus epist. 146 in testimonio disputatione 1 relato appellavit opus secundum Deum. Denique Augustinus juxta scripturas sanctas, atque ut Theologus, nomine operis boni illud solum intelligit, quod vel vitæ æternæ meritum continet, vel certe sine supernaturali in suo ordine & gradu sit accommodatum, atque adeo quod sit ex numero eorum bonorum, de quibus in nostra conclusione est sermo; eaque bona sunt, quæ interdum appellat ope-ra secundum Deum, interdum vero dicit ad sanctum ejus propositum pertinere, inter quæ computantur fides, & ea quæ ad gratiam gra-tum facientem disponunt: atque ita inter

alios intelligunt, & interpretantur Augu-stinus Sotus primo de natura & gratia capite 21, & Ruardus Decanus Lovaniensis in articulo de libero arbitrio, fol. 289.

Quin Augustinus sumens bonum hoc modo, cernensque facultatem ac libertatem, quam primi parentes in statu innocentie ratione supernaturalium donorum, quæ acceperant, ad id exercendum habebant, simulque considerans per peccatum, quem-admodum supernaturalia dona, sic etiam facultatem & libertatem illud exercendi fuisse amissam, nisi dona per Christum resti-tuerentur, arbitriumque supernaturaliter adjuvaretur, docuit per peccatum amissam fuisse libertatem ad bonum, fuisseque per Christum instauratam, ut inferius multis ejusdem patris citandis testimoniis ostende-mus. Cum tamen manifestum sit, tum ex testimoniis disputatione præcedente relatis, tum ex aliis, quæ in progressu hujus operis referemus, Augustinum non negasse in nostro arbitrio supernaturalibus bonis per peccatum spoliato, quin potius apertissime affirmasse libertatem ad ea moralia bona, quæ finem naturalem non transcenderent.

De eisdem quoque operibus intelligenda sunt praeque alia scripturæ testimonia, ejusmodi est illud primæ ad Corinth. 12: Nemo potest dicere, Dominus Jesus, nisi in Spiritu sancto, & illud 2 ad Corinth. 3: Non quod sufficientes simus cogitare aliquid a nobis, quasi ex nobis, sed sufficientia nostra ex Deo est. Neque enim Paulus negat, etiam infideles cum solo concursu generali Dei posse proferre nomen Jesus, aut habere cogi-tationem aliquo modo bonam; sed solum docere intendit, neminem absque speciali auxilio ac dono Dei posse per veram fidem invocare Dominum Jesum, illumque consi-teri, aut cogitare aliquid, quod in suo ordine & gradu ad finem supernaturalem conferat. Porro Concilia huic etiam consonare doctri-næ, statim erit manifestum.

Utrum liberum arbitrium cum solo concursu Dei generali elicere possit assensum fidei quoad solam actus substantiam, seu mere naturalem.

DISPUTATIO VII.

PEculiariter explicandæ sunt vires liberi arbitrii quoad actus, qui ad justificationem

nem infidelis adulti sunt necessarii, nempe credendi, sperandi, diligendi ac poenitendi; sigillatimque circa eorum unumquemque examinandum est, quid liberum arbitrium quoad illius substantiam possit, hoc est, ut producat merum naturalis, non qualis ad justificationem est necessarius; & quid cooperetur ac possit, ut supernaturalis & qualis ad justificationem oportet eliciatur, quibusque divinis auxiliis ad id indigeat. Ne vero circa singulos actus eadem repetantur, in disputationibus, quas de credendi actu conficiemus, dum quippiam alius etiam actibus commune occurrerit, ad eos sermonem extendemus.

Rebus fidei, ut tanquam revelatis quocunque actu assequimur, necesse est docemur esse revelata.

Ut ergo ab actu credendi ordiamur, dubium in primis non est, præsertim si sermo sit de iis, in quorum cognitionem solo lumine naturali non possumus devenire, qualia sunt Deum esse trium in personis, Christum esse Deum, & similia, necesse esse ea prius nobis credenda proponi, quam eisdem assentiamur. Dubium etiam non est, si tanquam rebus a Deo revelatis assentiri eisdem debeamus, in quorum cognitionem solo lumine naturali possumus pervenire, cujusmodi sunt hæc Deum esse, esse unum &c. egere nos doctrina qua addiscamus prius ea a Deo esse revelata: neque enim id solo lumine naturali valemus assequi. Unde Paulus ad Rom. 10: Quomodo credent ei, quem non audierunt? quomodo autem audient sine prædicante? & infra. Ergo fides ex auditu. Quod itaque disputamus est, utrum propositis & explicatis iis quæ credenda sunt, adhibitis insuper argumentis, quæ afferri solent, ut homines merito sibi persuadeant, ea revelata esse a Deo, & iusta credi, & denique accedente externa vocatione ad fidem per concionatores, aliosque Ecclesiæ ministros, utrum, inquam, sit in facultate liberi arbitrii cum solo concursu generali Dei, rebus propositis assentiri tanquam a Deo revelatis, actu tamen qui sit mere naturalis, quique ex parte intellectus non sit satis ad justificationem: an vero interna vocatio, mentis illustratio, & attractio per auxilium supernaturale, de quibus disputatione sequenti erit sermo, ita necessaria sint ad assentiendum iis, quæ ad fidem spectant; ut non solum actu supernaturali, qualis ex parte intellectus ad justificationem requiritur, eis assentiri non

possimus, sed ne actu quidem mere naturali assensum ipsis præstare valeamus?

Pars affirmans quæst. propositæ semper mihi vera visa fuit cum doctoribus inferiori ^{Para} citandis. Adducor in primis, quia experientia ipsa testatur, quando sunt rationes & argumenta, quæ rem aliquam reddunt credibilem, hoc est, dignam cui propter tales rationes & argumenta assensus præbeatur, in facultate liberi arbitrii esse suum assensum præbere, voluntate imperante, captivanteque intellectum ad ejusmodi assensum: sed ea, quæ fide tenentur, ex miraculis in eorum confirmationem factis, ex vaticinio complurium prophetarum, novique ac veteris testamenti consensione, atque ex multis aliis, quæ suo loco exponemus, nimis credibilia facta sunt, ut Propheta ait, adeo ut a culpa lethali non sint excusandi, qui auditis iis, quæ fides docet, post adductas rationes, quæ afferri solent ad persuadendum a Deo esse revelata, assensum non præbuerint: ergo in facultate liberi arbitrii est cum solo concursu generali actu mere naturali illis tunc assensum præbere.

Confirmatur ex illo Joan. 5: Opera, quæ ego facio, testimonium perhibent de me, & cap. 10: Et si mihi non vultis credere, operibus credere, & cap. 15: Si non venissem, & locutus eis non fuisset, peccatum non haberent, nunc autem excusationem non habent de peccato suo, & rursus: Si opera non fecissem in eis, quæ nemo alius fecit, peccatum non haberent: ergo saltem qui Christum audierunt, & miracula illius viderunt, potuerunt cum solo concursu generali Dei assensum præbere doctrinæ Christi, quæ ex tot miraculis mirum in modum credibilis effecta est, atque ea ratione peccatum incredulitatis vitare potuerunt.

Secundo. Judæi hodie assentiuntur iis omnibus, quæ ex fide Catholica credebant veteres Judæi ante adventum Christi, cum tamen longe difficilior assentiantur eisdem rebus hoc tempore, cum videant Messiam adventum toto pene orbe divulgatum ac creditum, se vero post Hierosolymitanum templi excidium, sine propheta, sine sacerdote, sine sacrificio, sine lege, tum a Deo, tum ab omnibus nationibus despectos, & ludibrio habitos per tot pene secula, quot a Christi Domini passione hucusque efflue-

runt;

runr; quam foret eisdem Judæis ante adventum Christi, dum nihil de Messia adventu erat auditum, nihilque eorum, quæ de tempore Messia erant prædicta, videbant impletum. At non solum ridiculum, sed etiam impium esset affirmare, perfidos Judæos peculiari Dei auxilio adjuutos assentiri hodie iis, quibus præfci Judæi ante Christi adventum assentiebantur: cum ergo juxta Augustinum aut quemvis alium ejus libri autorem, Hypog. lib. 3 in fine, & alios Patres, imo & juxta Concilium Trident. sess. 6 cap. 2 & sequentibus, eadem sit fides Ecclesiæ tempore legis scriptæ & gratiæ, neque minus tempore legis scriptæ credere, ut oportet ad salutem, esset donum Dei, quam modo; consequens profecto est, ut licet neque tunc potuerint, neque modo possimus assentiri iis quæ docet fides, ut oportet ad salutem, sine speciali auxilio Dei, nihilominus & tunc poterint, & possimus modo assentiri illis eisdem rebus actu mere naturali, minimeque idoneo ad salutem, qui cum solo concursu generali Dei ex viribus liberi arbitrii eliciatur.

Possimus idem confirmare, quoniam eadem est fides, quæ post Adami peccatum fuit in lege naturæ, in lege scripta & gratiæ, tamen si uno tempore fuerit magis aucta quoad numerum credendorum explicite, quam alio; neque dicendum est actum credendi, ut ad salutem oportet, quem fideles legis naturæ eliciebant, non fuisse supernaturalem, Deique donum, atque adeo de eorum numero quos concilia negant viribus arbitrii elici posse absque speciali auxilio Dei: nemo autem dixerit in principio legis naturæ, quando nullæ adhuc erant fectæ, homines, qui de novo nascebantur, a suis parentibus doctos unum esse Deum omnium conditorem, remuneratoremque inquirentium se, & pauca alia quæ tunc erant de fide, non potuisse solis suis viribus eis quo ad actus substantiam assentiri, conformareque se in ea existimatione cum reliquo hominum cœtu, qui tunc erat in orbe, tamen si, nisi a Deo particulariter adjuvarentur, actum supernaturalem non elicerent, qualis ad salutem est necessarius.

Tertio. Qui cum pertinaciâ errat circa unum articulum fidei, amittit fidem supernaturalem, qua reliquos omnes credebat, neque deinceps elicit actum supernaturalem fidei, sed naturalem circa reliquos articulos,

in quibus non errat: cum ergo experientia constet hæreticos, amissa fide, assentiri reliquis rebus quæ sunt de fide, tanquam Dei revelationibus; neque credendum sit, eos peculiari Dei auxilio, quoties eliciunt assensum, adjuvari; sit, ut ex viribus liberi arbitrii, soloque concursu Dei generali assentiri possimus actu mere naturali iis quæ fide Catholica continentur.

Quarto. Lutherani, aut alii hæretici, adducere possunt hominem ethnicum ut amplectatur ipsorum sectam, & tanquam Dei revelationibus assentiat omnibus, quibus ipsi assentitur, in quibus ponimus præcipuos articulos fidei contineri, & errores aliquos non minus difficiles creditu, quam ea, quæ ad fidem pertinent: cum ergo ad assensum, quem hic ethnicus eliciet, sit satis concursus generalis Dei (neque enim credendum est, cum supernaturaliter ad talem actum adjuvari) sit, ut ad assensum mere naturalem eorum, quæ sub fidem cadunt, sit etiam satis generalis Dei concursus.

Quinto. Longe difficilior ii, qui judicio & ingenio pollent, mysterio Trinitatis, Incarnationis, atque Eucharistiæ assentiantur, quam rudes, qui levibus suasionibus, autoritateque aliorum potius, quam judicio & ratione adducuntur ad credendum, assentiantur in genere omnibus iis quæ fides credenda proponit, paucis quibusdam pro capto eorum duntaxat explicatis; unde, cæteris paribus, magis merentur apud Deum viri docti & ingeniosi, cum assentiantur iis, quæ ad fidem pertinent, quam rudes & imperiti: sed is hæreticus, qui circa illa tria mysteria non errat, assentitur tam ipsis, quam cæteris suis erroribus actu mere naturali, cum solo concursu Dei generali, sibi persuadens tria illa mysteria esse Dei revelationes: ergo qui tardi & rudes ingenio, vixque percipientes quæ dicuntur, suasionibus atque autoritate aliorum accedunt ad fidem; urique, ut divinitus adjuti eliciunt assensum eorum, quæ fides habet, qualis necessarius est ad salutem, ita eisdem suasionibus, autoritateque aliorum moti, cum solo concursu generali Dei assensum mere naturalem de eisdem objectis possent elicere: quandoquidem non aliunde negari potest facultas liberi arbitrii ad ejusmodi actum mere naturalem, quam ex difficultate ipsius.

Sexto. Denuſ puerum non baptizatum inter ſolos Chriſtianos educari, diligenterque morum, & fidei documentis imbui, nihilque unquam audire de contrario aliquo errore, & Deum inſuper ſtatueri non aliter cum eo concurrere, quam ſolo concurſu generali: tunc quis affirmare audeat, aſſenſum non præbiturum iis, quæ ad fidem pertinere cognofcit, aut aliorum hominum, quam Catholicorum cum quibus degit, regulam credendi ſecuturum? Quare cum ejusmodi aſſenſum eliciat ex ſolis viribus liberi arbitrii cum concurſu Dei generali, dicendum erit, vires eſſe in libero arbitrio ad eliciendum, cum ſolo concurſu generali Dei, aſſenſum mere naturalem circa ea, quæ ad fidem ſpectant, qui quidem ad juſtificationem minime ſit ſatis.

Accedit in confirmationem noſtræ ſententiæ, quia Concil. Trident. ſeſſ. 6 can. 3, dum inquit: Si quis dixerit, ſine præveniente Spiritus ſancti inſpiratione, atque ejus adjutorio, hominem credere, ſperare, diligere aut ponere poſſe, ſicut oportet ut ei juſtificationis gratia conferatur, anathema ſit; manifeſte innuit, ejusmodi actus mere naturales, ac proinde non ut oportet ad juſtificationem; elici poſſe viribus liberi arbitrii cum ſolo Dei concurſu generali: aut ſaltem non obſcure innuit, ſine ullo periculo id affirmari poſſe. Idem aperte innuit Concilium Araulicanum dum cap. 6 ait, ut credamus, velimus, vel hæc omnia, ſicut oportet, agere valeamus, & cap. 7: Si quis per naturæ vigorem bonum aliquod, quod ad ſalutem pertineat vitæ æternæ, cogitare, &c. & cap. 25: Per peccatum primi hominis ita inclinatum & attenuatum fuiſſe liberum arbitrium, ut nullus poſtea, aut diligere Deum, ſicut oportuit, aut credere in Deum, aut operari propter Deum, quod bonum eſt, poſſit. Quare Concil. ſolum negat, fieri poſſe ejusmodi opera per ſolum vigorem naturæ, abſque ſpeciali auxilio & dono Dei, ut oportet ad juſtificationem aut meritum, aut ita, ut pertineant ad ſalutem vitæ æternæ: non vero quoad ſubſtantiam actus, atque intra limites actuum mere naturalium, qui ad ſalutem vitæ æternæ minime conferant. Unde Miranda, in ſua ſumma Concilior. poſt caput 7 citatum hæc quæ ſequuntur ſubjungit. Recentiores, inquit, non nulli theologi interpretantur hæc

duo loca (caput videlicet illud, & præcedens) de auxilio Dei generali, ſine quo nihil omnino valeamus facere, neque opus aliquod naturæ: magis legitimum eſt, quod hic ſentitur a Concilio, & Pontifice; ut hic non negentur opera naturæ, ſed quæ pertinent ad ſalutem vitæ æternæ. Hæc ille.

Noſtram ſententiam, præter Mirandam, ſequuntur Cajetanus prima ſecundæ q. 109. articulo 1 & 4. Scotus in tertio d. 23 quæſt. 1. Gabriel eadem d. quæſtione 2 conſeſſione 2. Almain. quæſt. 3 conſeſſ. 4. Duran. in 2 diſt. 28 quæſt. 1. Capreol. in 3 d. 24 q. 1 ad primum & quartum Scoti contra 2 conſeſſionem. Palud. in quarto d. 14 q. 2. Sotus 2 de natura & gratia c. 8 & alii. D. Thom. etiam ſecunda ſecundæ q. 5. art. 3 in corpore articuli, & in reſponſione ad primum affirmat, hæreticum, errantem circa unum articulum, habere aſſenſum mere naturalem erga alios, circa quos non errat, qui nihil aliud eſt, inquit, quam quædam opinio elicit ex proprio judicio atque voluntate, & non ex habitu fidei ſupernaturali: ubi non negat, nec ſalva veritate negare poteſt, hæreticum eo aſſenſu & opinione perſuadere ſibi poſſe articulos circa quos non errat, non ſolum veros eſſe, ſed etiam revelatos a Deo; cum ea tantum ratione credat illos eſſe veros, quia ſibi perſuadet revelatos eſſe a Deo, ut ibidem latius oſtendimus: cum ergo additio unius articuli ſupra reliquos omnes, modicum aut nihil addat difficultatis, ſane qua ratione D. Thomas concedit, amiſſo habitu fidei propter hæreſim circa unum articulum, eſſe vires in libero arbitrio ad eliciendum cum ſolo concurſu generali Dei aſſenſum mere naturalem & opinativum circa reliquos omnes, concedere tenetur, eſſe etiam vires ad aſſentendum ſimili modo illi eidem articulo cum reliquis, facta hypotheſi quod Deus ad talem aſſenſum ſolum concurrere velit concurſu generali. Neque nos alium aſſenſum intendimus hoc loco probare poſſe elici viribus liberi arbitrii & concurſu generali Dei circa ea, quæ ad fidem pertinent, quam opinionem, fidemve humanam, quæ actus ſit mere naturalis ex proprio ſpiritu humano, & viribus humanis elicita, diſtinctusque ſpecie a Chriſtiano aſſenſu, qui circa eadem objecta per appallum Spiritus ſancti, Spiritumque fidei inſuſe elicitur.

Illā

Ille ergo loca Joan. 6: Hoc est opus Dei, ut credatis in eum, quem misit ille. & infra, Nemo potest venire ad me, nisi Pater, qui misit me, traxerit illum, (est autem sermo de adventu per fidem, ut ex antecedentibus & consequentibus patet) Matth. 16: Caro & sanguis non revelavit tibi, sed Pater meus, qui in cœlis est, item Pauli secunda ad Cor. 2: Non quod simus sufficientes cogitare aliquid ex nobis, quasi ex nobis, sed sufficientia nostra ex Deo est, & prima ad Cor. 12: Nemo potest dicere Dominus Jesus, nisi in Spiritu sancto, intelligenda sunt de assensu, & confessione fidei, ac invocatione Christi, qualis necessaria est ad justificationem & salutem.

Illud tamen animadvertendum est, licet auxilium supernaturale gratia non sit simpliciter necessarium, ut liberum arbitrium assentiatur actui mere naturali iis, quæ fides docet, sed solum ut assentiatur prout oportet ad salutem; nihilominus quam sæpissime non solum conferre, ut assensus eliciatur qualis oportet, sed etiam ut simpliciter eliciatur: eo quod liberum arbitrium neque supernaturalem, neque naturalem assensum tunc eliceret, nisi divinitus illustraretur intellectus, & supernaturaliter voluntas excitaretur, alliceretur, ac suaviter ad assensum traheretur. Atque id maxime evenire solet in prima vocatione adulti ad fidem, quando iudicio ducitur ad credendum, deferendique sunt inveterati errores, neque simul inducitur ad credendum ex affectu aliquo seculari, vel placendi alteri, vel timore offendendi, vel spe quippiam consequendi, vel vitandi damnum temporale. Cum enim homines afficiantur parum ad spiritualia, assensusque mysteriorum fidei difficilis sit propter eorum sublimitatem, pristinique errores difficile deferantur, si nullus secularis affectus simul interveniat & alliciat, difficile sola prædicatione Evangelii & explanatione rationum, quæ afferri solent ad credendum, inducentur infideles, tum ad expendendum quæ proponuntur, tum ad præbendum illis assensum, etiam si utrumque sit in eorum potestate. Quapropter quam sæpissime, qui consentiunt Evangelio, neque actu supernaturali, neque naturali illi assentiuntur, nisi prius divina gratia illustrarentur & excitarentur. Unde Actorum 16 de Lydia purpuraria dicitur: Cujus Dominus aperuit cor intendere

MOLINA.

iis, quæ dicebantur a Paulo. Atque hoc etiam innuunt simul scripturæ sacræ, quæ docent, fidem donum Dei esse, ad eamque homines tractu & appulsu Spiritus sancti perducere.

Quibus supernaturalibus subsidii liberum arbitrium indigeat ad eliciendum credendum qualis ad justificationem est necessarius.

DISPUTATIO VIII.

Dicendum nunc est de credendi actu, qualis ad justificationem exigitur, quibus videlicet subsidii (quantum præsens dispositio postulat) arbitrium nostrum ad eum eliciendum indigeat, & quousque cooperetur. Exactior namque auxiliorum omnium, quæ ad adulti justificationem necessaria sunt, explanatio, & quæ ratione cum ejusdem arbitrii libertate consentiant, inferius suo loco tradetur.

Ad ejusmodi itaque actum concurrat necesse est particulare auxilium gratiæ prævenientis atque excitantis, non solum ex parte intellectus, sed etiam ex parte voluntatis, ut secunda secunda q. 4 art. 2 & plenius quæst. 6 art. 1 ostendimus. Propositus namque & explicatus homini adulti pro captu ipsius iis, quæ ad fidem pertinent, utique ut talem assensum præbeat, qualis ad salutem necessarius est, opus est, ut saltem naturæ ordine præcedat illustratio supernaturalis in intellectu, & motio, seu affectio similiter supernaturalis ad illis assensum præbendum ex parte voluntatis: quæ duo interna vocatio Dei appellantur, illisque mediantibus, ut mox subiungam, dicitur Deus trahere credentes ad fidem. Deinde sequitur liberum imperium voluntatis, quo adultus imperat intellectui, ut assentiatur: ultimo vero præbetur assensus, qui fides nuncupari solet. Atque his duobus actibus dicitur adultus libere accedere ad fidem. Quoniam ergo ad illos actus (ut supernaturales sint, & quales oportet ad salutem) necessario influit, cooperaturque vocatio divina, dicitur Deus, dum sunt, trahere credentes ad fidem: neque enim antequam actus illi fiant trahuntur credentes, sed solum vocatione interna alliciuntur & invitantur ad credendum. Quia vero idem actus emanant a libero arbitrio (sine cujus concursu prorsus non essent) quatenus consensum

D

præbet

Auxilium speciale conferre ut fidei assensus etiam quoad subjectionem assensu eliciatur.

Fidei supernaturalis assensus exigit prævenientem gratiam ex parte intellectus & voluntatis.

*Tractio
& vocatio
divina ad
fidem neces-
saria, liber-
tasque ar-
bitrii quo-
modo non se
impediunt.*

** Fidei su-
pernatu-
ralis habi-
tus quem
dispositio-
nem conse-
quatur.
† Fidei ha-
bitus in in-
tellectu reso-
det, adju-
ctumque ha-
bet divinam
insusum ex
parte volun-
tatis.*

præbet vocationi divinæ, dicitur aditus iis-
dem actibus accedere ad fidem. Quare
neque tractio & vocatio divina tollunt liber-
tatem arbitrii, neque liberum arbitrium sine
attractione & vocatione divina posset eos
actus elicere, ad fidemve accedere. * Prac-
dictos actus (maxime si baptismus accedat)
consequitur tanquam dispositionem ulti-
mam insusio habitus fidei supernaturalis,
qui a solo Deo est † & in intellectu residet,
adjunctumque habet alium habitum insu-
sum voluntati, per quem ipsa imperat assen-
sum fidei, ut secunda secundæ locis citatis
ostendimus.

Consonant his omnibus verba illa ex libro
de Ecclesiasticis dogmatibus cap. 21: Manet
ad querendam salutem arbitrii, libertas, id
est, rationalis voluntas, sed admonente prius
Deo, & invitante ad salutem, ut vel eligat,
vel sequatur, vel agat occasione salutis, hoc
est, inspiratione Dei: ut autem consequatur
quod elegit, vel quod sequitur, vel quod
occasione agit, Dei esse, libere confitemur.
Initium ergo salutis nostræ Deo miserante
habemus: ut acquiescimus salutiferæ inspi-
rationi, nostræ potestatis est, ut adipiscamur,
quod acquiescendo admonitioni cupi-
mus (justificationem videlicet ipsam, habi-
tusve, ex quibus coalescit) divini est mune-
ris: ut non labamur in adepto salutis munere,
solicitudinis nostræ est, & cælestis pariter
adjutorii: ut labamur, potestatis nostræ est,
& ignaviæ. Sicut ergo initium salutis nostræ
Deo miserante, & inspirante, habere nos cre-
dimus; ita arbitrium naturæ nostræ sequax
esse divinæ inspirationis, libere confitemur.
Igitur ut non labamur a bono vel naturæ, vel
meriti, sollicitudinis nostræ est, & cælestis
pariter adjutorii: ut labamur, potestatis no-
stræ & ignaviæ. Hæc ibi. Eadem repetun-
tur de spiritu & anima cap. 48, quicunque
fuerit auctor ejus libri.

*Ab habitus su-
pernatu-
ralis insu-
sum sunt
cum concu-
su Dei gene-
rali.*

Porro habitus fidei insusum, spiritus fidei
inhabitantis solet ab aliquibus appellari, eoque
fideles, quoties postea volunt, eliciunt cum
solo concursu generali Dei actum fidei super-
naturalem. Quod idem, eadem quoque
ratione dicendum est de spe. Quare si fide-
lis peccato lethali aliquo, quod neque fidei,
neque spei repugnet, gratiam amittat, indi-
get quidem ad suam justificationem auxilio
particulari, quo vgl ex Dei dilectione de pec-

catis doleat, ut oportet, quo pacto sine sacra-
mento justificabitur, vel saltem ut ex timore
servili doleat etiam, sicut oportet, acceden-
teque sacramento iustitiam consequatur: at
ut ex fide atque spe in Deum ita doleat, non
indiget alio auxilio particulari præter con-
cursum habituum fidei & spei, qui in eo
remanerunt, quò tamen peculiari auxilio
ad credendum, ac sperandum indiget is, qui,
dum primo ad fidem accedit, justificatur:
eo quod nondum habitus illos supernaturales
habeat. Atque de hujusmodi justificatione,
quæ fit dum quis primo accedit ad fidem,
potissimum sermo est in Concilio Triden-
tino sess. 6.

Quod ergo ad eliciendum primum assen-
sum eorum, quæ fides tenet, talem, qualis ad
salutem opus est, prærequiratur divina voca-
tio, quæ auxilium illud duplex supra explica-
tum complectitur, docet satis aperte Conci-
lium Trid. sess. 6. Etenim cap. 5 sic ait: De-
clarat præterea ipsius justificationis exor-
dium in adultis a Dei per Christum Jesum
præveniente gratia sumendum esse, hoc est,
ab ejus vocatione, qua, nullis eorum existen-
tibus meritis, vocantur, ut qui per peccata a
Deo averſi erant, per ejus excitantem atque
adjuvantem gratiam ad convertendum se ad
suam ipsorum justificationem, eidem gratiæ
libere assentiendo & cooperando disponan-
tur, ut ita, tangente Deo cor hominis per
Spiritus sancti illuminationem, neque homo
ipse nihil agat inspirationem illam recipiens,
quippe qui illam & abjicere potest, neque
tamen sine gratia Dei movere se ad iustitiam
coram illo libera sua voluntate possit. Unde
in sacris literis cum dicitur: Convertimini
ad me, & ego convertar ad vos; libertatis
nostræ admonemur: cum respondemus;
Converte nos Domine ad te, & convertemur;
Dei nos gratia præveniri confitemur. Hæc
Concilium. Et cap. 6 subiungit: Dispo-
nuntur autem ad ipsam iustitiam, dum exci-
tati divina gratia & adjuti, fidem ex auditu
concipientes, libere moventur in Deum, cre-
dentes vera esse, quæ divinitus revelata &
promissa sunt, &c. Et canone 3: Si quis
dixerit sine præveniente Spiritus sancti inspi-
ratione atque adjutorio, hominem credere,
sicut oportet &c. Ecce, vocatio divina, de
qua loquitur Concilium, per intellectum
planè est, consonatque illud Christi Joan. 6:
Omnis, pertinet

*Vocatio
fidei, di-
minutio
spiritus
in intellectu
Omnis, pertinet*

Gratia praeveniens: atque excitans ad fidem qua voluntas indiget etiam praeveniente gratia ad fidem qua in ea recipiatur.

Omnis, qui audit a Patre & didicit, venit ad me. Ubi sermo est de adventu per fidem illuminatione item atque inspiratio, de qua in eo est sermo, & quam gratia praeveniens, atque excitans complectitur, ad intellectum pertinent. Cum vero voluntas non minus praeveniente gratia indigeat, quam intellectus, a liberoque imperio ipsius pendeat, quod intellectus assensum praebeat iis, quae ad fidem spectant, profecto non minus peculiari motu praevenitur, atque allicitur voluntas, ut imperet assensum fidei. Ejusmodi autem motum innuunt verba illa concilii Trident. cap. 5. Tangente Deo cor hominis per Spiritus sancti illuminationem: nomine enim cordis, non nudus intellectus, sed voluntas potissimum intelligitur: & illa cap. 6, dum excitati divina gratia & adjuvi, fidem ex auditu concipientes, libere moventur in Deum. Idem constat apertius ex Concilio Arausicano 2, cap. 5, ubi ita habetur: Si quis, sicut augmentum, ita etiam initium fidei, ipsum credulitatis affectum, quo in eum credimus, qui iustificat impium, non per gratiae donum, id est, per inspirationem Spiritus sancti corrigentem voluntatem nostram ab infidelitate ad fidem naturaliter nobis inesse dicit, Apostolicis dogmatibus adversarius probatur, beato Paulo dicente: Confidimus, quia qui cepit in vobis opus bonum, perficiet, & Vobis datum est pro Christo, non solum ut credatis, & Gratia salvi facti estis per fidem, non ex vobis, Dei enim donum est. Ecce, affectum credulitatis dicit Concilium Arausicanum conferri a Deo. Et Augustinus de praedestinatione Sanctorum cap. 5, & 1 Retractionum cap. 23, acalibi docet, Credere, aut non credere, in arbitrio esse voluntatis humanae, sed in electis praeparari voluntatem humanam a Domino, ut credant: quare ad fidem etiam pertinet illud: Quid habes, quod non accepisti? Quia ergo habitus fidei infusus non praededit primum actum credendi, sicut oportet ad salutem, quin potius per primum actum credendi disponimur ad infusionem habitus, inde est, quod gratia praeveniens primum actum non sit donum habituale, sed illustratio intellectus, & motio, atque affectio voluntatis per auxilia particularia, quae cessant elicito primo actu credendi. Postquam vero habitus est infusus, is, cum concursu generali Dei, satis est, ad eliciendos

actus credendi supernaturales, fini supernaturali accommodatos: quamvis negandum non sit, per illustrationes & auxilia particularia collata per dona Spiritus sancti, sapientiae, intellectus, consilii, pietatis, & timoris, &c. multum adjuvari habitum fidei, & ceterarum virtutum supernaturalium, ad eliciendos suos actus ferventiores, & praestantiores.

Hic etiam breviter recolendum est id quod latius secunda secunda, q. 4 art. 2 dicebamus. Sicut imperando actus alios intellectus, quando oportet, atque ut oportet, comparamus in voluntate habitum virtutis moralis ad similes actus imperandos, qui studiofitas dicitur: ita etiam, esto Deus nullum habitum supernaturalem infunderet voluntati ad imperandum actus fidei supernaturales, compararet voluntas habitum ad eodem prompte imperandum: praesertim cum in imperandis actibus fidei supernaturalis plus difficultatis insit, quam in imperandis aliis actibus intellectus. Quia tamen maxime congruum est, ut sicut Deus divinitus evehit intellectum ad eliciendum assensum fidei, ita eleveit supernaturaliter voluntatem ad imperandum eundem assensum, consequens est, ut quemadmodum evehit voluntatem per particulare auxilium ut primum fidei assensum imperet, ita dum intellectui infundit fidem, infundat etiam voluntati habitum supernaturalem, ad fidei assensum deinceps imperandos. Neque is est habitus caritatis, ut quidam obiebat caritatis habitum sufficere. Tum quia caritas solum inclinat ad diligendum Deum: hic vero habitus supernaturalis constituitur ad imperandum assensum fidei, sicut spes ad eliciendum actum sperandi. Tum etiam quia labente Christiano homine in eam culpam lethalem quae cum fide non pugnet, amittit caritatem: & nihilominus indiget ex parte voluntatis ejusmodi habitu supernaturali, qui praevenienti gratiae per auxilia particularia, qua voluntas ejus, dum ad fidem primo perductus est, fuit mota, respondeat, eamque suppleat, ut quotiescunque talis Christianus voluerit, fide assensum imperet.

Ex dictis jam facile intelligi poterit, quoniam sit necessitas constituendi habitum fidei supernaturalem, esto homo ex suis naturalibus assentiri possit revelatis actu mere naturali.

Fidei habitus cur constituitur ad imperandum actus fidei supernaturales.

Gratia praeveniens ad credendum, non habitus, sed illustratio intellectus & motio & affectio voluntatis per auxilia particularia.

Fidei habitus supernaturalis quoniam necessitate constituitur.

fali. Neque enim, ut secunda secunda q. 6 art. 1 dicebamus, ob eam causam necessario ponendus est, ut intellectus facile assentiatur, contra intellectus duritiem, & discrete, contra intellectus errores, ut Durandus in secundo d. 28 q. 1, multique alii affirmarunt: neque item ut actus assentiendi sit certus & firmus certitudine & firmitate ex parte credentis, ut Sotus 2 de natura & gratia cap. 3 voluit. Hæreticus namque potest firmus illo modo assentiri, non solum articulis fidei, sed etiam suis erroribus, quam multi fidelium assentiuntur per fidem infusam veritatibus Catholicis. Sed ideo necessariū constituendus est, quoniam ad illos actus eliciendos, ut fini supernaturali sint accommodati, & quales ad salutem sunt necessarij, requiritur ut vel per inspirationem, & auxilium particulare Spiritus sancti efficiantur, vel per concursum habitus supernaturalis. Expediit vero, ut postquam semel aliquis motione & auxilio particulari Spiritus sancti ad fidem perductus est, habeat habitum fidei infusum in se manentem, ut quoties voluerit, non solum elicere valeat similes actus, sed etiam prompte, solo concursu generali Dei adjutus eodem possit elicere.

Initium fidei, caterorumque actuum ad justificationem pertinentium, esse a Deo: quantum justificatio, collatioque ipsius initii ab arbitrio nostro, concursuque Ecclesie pendeat, explicatur.

DISPUTATIO IX.

*Credendi
initium a
Deo per
gratiam
prævenien-
tem.*

EX dictis disputatione præcedente intelligitur facile, initium actus credendi, ut ad salutem oportet, esse a solo Deo per gratiam prævenientem & excitantem. Etenim liberum nostrum arbitrium nisi a Deo, modo præcedente disputatione explicato, auxilio suæ gratiæ præveniatur & excitetur, non solum producere nequit eum actum, sed etiam quicquid ex solis suis naturalibus homo efficiat, sive ut actu mere naturali revelati assentiatur, sive ut, postquam edoctus fuerit supernaturalem assensum esse ad salutem necessariū, optet ita credere, aut etiam conetur ex dono & auxilio Dei supernaturali assentiri, sive denique auxilium illud sibi donari petat, aut ad illud recipiendum satagat se disponere, sane id totum nullius est meriti aut vigoris, ut ei gratia præveniens

*Gratia
præveniens
ex solis
Christi me-
ritis, & Dei
liberalitate
conferatur.*

propter ejus dispositiones impendatur; sed quoties confertur, ex solis Christi meritis, donoque Dei, ac proinde misericorditer omnino, non solum tanquam subiecto non digno, sed etiam tanquam indigno propter peccatum, originale saltem, in quo est, tribuitur, & mere gratis ea, quæ merito gratia dicitur, conferri solet, cuicunque datur. Quo fit ut jure optimo Augustinus de prædestinatione sanctorum cap. 3, & 1 Retract. cap. 23, tanquam errorem retractaverit id, quod antequam esset episcopus asseruerat, nempe propositis prius & explicatis credendis, initium fidei, id est, primum actum credendi ut ad salutem oportet, esse in facultate liberi arbitrii cum solo concursu generali Dei.

Quamvis hæc ita sint, quia tamen gratia non tollit, sed supponit ac perficit naturam, ad divinamque sapientiam ac providentiam spectat, ita creaturas libero arbitrio præditas donis gratiæ in finem supernaturalem perducere, ut & libero cujusque arbitrio, & conatui ac regimini Ecclesie suum relinquat locum; rationi, scripturis sanctis, quin & ipsi quodammodo experientiæ valde consentaneum judicio, ut licet Deus dona gratiæ, quæ nobis Christus promeruit, tanquam nulli debita, distribuat prout vult, leges tamen ordinarias, in eisdem donis gratis adultis distribuendis, magna ex parte usui arbitrii ipsorum, regimini, atque conatui Ecclesie accommodaverit, id quod sequentia magis dilucidum reddent.

Hinc, juxta illud Pauli ad Roman. 10: Quomodo credent ei, quem non audierunt? quomodo autem audient sine prædicante? Ergo fides est ex auditu, dicendum arbitror Deum optimum maximum ordinarie non tribuere auxilia gratiæ prævenientis & excitantis ad fidem, nisi prævia aliunde notitia & consideratione eorum, quæ fides habet. Neque enim consuevit immittere phantasmata, & notitias eorum; sed dum aliunde adultus eas accipit, vel prædicatione & instructione alterius, vel si, quæ fides continet, legat, vel in memoriam reducat, quæ Deus antea audivit ut legit, atque ea consideret, arbitrio solet Deus quasi se inferendo per gratuita dona, eis demum donis adjuvando atque eveniendo naturam ad effectum, quem sola non potest producere, solet, inquam, Deus illustrare intellectum adulti, non aliter, quam particulari

particulari supernaturali suo influxu cum illo pariter concurrendo, ut producat, eadem quidem notitias ex parte objecti, at supernaturales & tales, ut suo supernaturali lumine efficiant, alliciantque intellectum ad fidei assensum producendum. Simul etiam tangere solet peculiari aliquo suo influxu, afficereque voluntatem, notitia supernaturali intellectus jam excitatam, ut assensum fidei imperet. Quin etiam, quo rationes & persuasiones a ministro Ecclesiae adductae atque ad credendum propositae, vel sapientia ac dexteritate proponentis, vel gratia ad id ei in aliorum utilitatem gratis data, efficaciores fuerint, eo (Deo simul per illas se inferente ac illustrante intellectum, ut res magis penetret, & tangente voluntatem) solent homines efficacius, aut remissius moveri ad fidem, majorque aut minor fructus sequi consuevit, ut experientia ipsa testatur. Conducit autem ad id non parum inculcata vita ministrorum Evangelii, familiaritasque eorum cum Deo: non solum quoniam id multum permovet, tum ut, quae docent, vera esse credantur, tum etiam ut homines ad imitationem pertrahantur: sed etiam quoniam potentiori sapientia, & spiritu loqui consueverunt, majoraque auxilia gratiae audientibus soleant a Deo impetrare.

Ex dictis in primis patet, internam Dei vocationem ad fidem, licet donum Dei sit, multum tamen a ministris, & conatu Ecclesiae pendere. Id quod testatur etiam visio illa Actor. 16. Troade ostensa Paulo: Vir Macedo quidam erat stans, & deprecans eum, dicens, Transiens in Macedoniam adjuva nos: quasi ex praedicatione & industria Pauli vocatio eorum ad fidem, salusque penderet. Atque illud Christi Lucae cap. 7, cum septuaginta duos mitteret binos ante faciem suam, Messis quidem multa, operarii autem pauci: rogate ergo dominum messis, ut mittat operarios in messem suam.

Patet deinde ratio, tum quare regulariter fides ex auditu concipiatur, tum etiam quare, licet Deus facienti, quod in se est, non denegat gratiam, rari, aut nulli interius vocentur, ac convertantur ad fidem, ad quos praedicatio, & notitia exterius proposita eorum, quae ad fidem pertinent, nondum pervenit. Neque enim Deus consuevit vocare ad fidem, notitiam eorum, quae ad fidem spectant, sin-

gulis immittendo: sed facta promulgatione fidei secundum ordinem suae sapientiae diversis temporibus (qualis facta fuit primo sub lege naturae, deinde populo Israelitico per Moysen, ultimo sub gratia per Christum Iesum, & Apostolos universo orbi, ut ea ratione a prioribus in posteriores semper notitia eorum, quae ad fidem pertinent, derivaretur) relinquit suae naturae regimen, & cursum hujus universi, naturamque supponens, atque notitias rerum aliunde habitas, inserit se cogitationibus, naturamque evehit & perducit, quo sola pervenire non poterat, eamque adjuvat ac perficit. Quoniam vero tanta est debilitas & miseria naturae humanae post peccatum, ut regulariter nullus in Deo naturaliter cognoscendo, colendo, eique obtemperando faciat totum, quod potest; inde fit, ut vix ullus supra communem cursum aut praeter leges ordinarias a Deo institutas, supernaturaliter illuminetur.

Patet tertio, vocationem Dei internam multum etiam pendere a libero arbitrio ejus, qui vocatur. Tum quia potuit accedere, aut non accedere ad audiendum vel legendum verbum Dei, unde notitias compararet, quibus Deus se inferere & ad fidem vocare solet. Tum etiam quia, postquam accessit, potuit divertere aliò cogitationem, neque intendere iis, quae credenda proponebantur. Tum denique quia accedere potuit, vel animo addiscendi atque amplectendi quod verum bonumque esse judicaret, vel animo irridendi aut impugnandi quae dicerentur. Licet autem Deus non vocet ad fidem, propter merita aliqua ejus, qui vocatur, imo saepe eos etiam misericorditer vocet, qui pertinaciter resistunt & contradicunt: nihilominus magis indignus, ut supernaturaliter adjuvetur & vocetur, is est, qui sinistra intentione, quam qui paratus obedire veritati eamque amplecti ad audiendum accedit: rationique valde consentaneum est, ut hunc potius, quam illum, misericorditer adjuvet Deus, utpote minus ineptum, & minus indignum ad dona Dei recipienda. Experientiaque ipsa compertum est, multo plures ex iis, qui recta, quam ex iis, qui sinistra intentione ad Evangelium audiendum accedunt; & quo avidius, sinceriusque animo veritatem cognoscere volunt, eo plures a Deo & vocari ad fidem, & illuminari.

D 3 Quid

*Gratia
preveniens
ad poeniten-
tiam, quan-
tum ab ar-
bitrio ejus
qui iustifi-
catur &
ministriis
Ecclesie
procedunt.*

Quod hac & præcedente disputatione dictum est de interna vocatione ad fidem, intelligendum est etiam de excitatione interna fidelis ad poenitentiam per gratiam prævenientem, imo & illustrationibus & auxiliis quibus iustificari a Deo adiuvantur, tum ut majora spiritus incrementa percipiant, tum ne tentationibus succumbant. Pendet enim quam maxime a ministris & conatu Ecclesie, atque a libero cujusque arbitrio, quo libere ad audiendas conciones, ad lectionem scripturarum sacrarum, ad orationem ac meditationem rerum spiritualium, aut ad sacramentalem confessionem ex præcepto Ecclesie singulis annis, aut sæpius ex laudabili consuetudine libere faciendam, accedit, & ab aliis similibus. Ex his enim omnibus excitari solent cogitationes piæ, & supernaturales ex concursu habitus fidei, vel simul Deo per illustrationem atque auxilium particulare influente, quibus gravitas & ingratitudo peccatorum, pericula ac damna, quæ nobis attulerunt, expendantur. Dum vero similibus cogitationibus excitatur voluntas, quasi inserere se solet Deus, infundereque affectum amoris, aut timoris supernaturalis, quibus prævenit, allicit, & quasi invitat voluntatem ad contritionem, aut attritionem quæ cum sacramento sit satis ad veniam impetrandam.

*Contritio &
attritio ut
a Deo &
libero arbi-
trio simul
efficiantur.*

Accedente vero libero consensu, cooperatione voluntatis, quæ ex aliquo illorum affectuum influit in dolorem & poenitentiam, quod Deum ita offenderit, efficitur contritio aut attritio supernaturalis, quæ est a Deo influente in eum dolorem per affectum immissum gratiamve prævenientem, tanquam per principium efficiens, & a libero arbitrio libere cooperante atque influente ad eundem dolorem, eo modo quo disputatione præcedente explicatum est, assensum fidei supernaturalem esse simul efficienter a Deo per vocationem internam ac gratiam prævenientem, & a libero arbitrio libere etiam consentiente, seu cooperante eundem assensum. Quatenus ergo excitatio illarum cogitationum, sine quibus Deus non influit affectum timoris, aut amoris supernaturalis, pendet a ministris & conatu Ecclesie, atque a libero arbitrio ejus in quo excitantur, juxta ea quæ paulo ante explicata sunt de cogitationibus necessariis ut quis interior vocetur ad fidem, eatenus gratia præveniens volun-

tatem peccatoris ad attritionem, vel contritionem, pendet ab eisdem ministris conatuque Ecclesie, atque a libero arbitrio ejus cui confertur. Etenim quamvis Deus illam non conferat propter ea quæ antecedunt, sed mere gratis; nihilominus, nisi illa antecedant, conferre eam non solet. Quare licet alius sit literalis sensus illorum verborum regii vatis Psalmo 17: Cum sancto sanctus eris, & cum viro innocente innocens eris, & cum electo electus eris: sane quod primo aspectu sonant, verissimum est, quadratque in re proposita. Verbis enim atque exemplis aliorum mirum in modum adjuvamus, ut cogitationes sanctæ in nobis excitentur, quibus Deus se inferat, & adjuvemur, tum ut ad gratiam gratum facientem vocemur, Deoque cooperante ad eam disponamur: tum etiam ut in ea jam adepta crescamus & promoveamur.

Ut quæ hac disputatione dicta sunt quasi in epilogum redigamus, eaque scripturæ ac sanctorum testimoniis robaremus, illud ex dictis in primis constat. Licet initium fidei, quæ radix & fundamentum est justificationis, a Deo sit nullis præcedentibus nostris meritis, sed potius semeritis, reliquaque, quæ initium fidei sequuntur ordinisque sunt supernaturalis, a Deo sint, nihilque proinde habere justus, quo a peccatore, imo ab infideli discernatur, de quo ita gloriari possit quasi illud non acceperit, atque adeo Deus autor sit, ut vitæ nostræ spiritualis, ita etiam incrementi ipsius: eo tamen modo sua sapientia leges, quibus vitam spirituales atque ejus incrementum conferret, accommodasse, ut sicut per gratiam hominis naturam ex se liberam perficiebat, ita etiam ante receptionem gratiæ, & in ipsa gratiæ receptione, ac postea in augmento illius, suum locum libero relinqueret arbitrio, quatenus ita ipse autor esset omnium bonorum, omniaque ei accepta referrentur, ut nihilominus libero arbitrio propria industria & laus servaretur. Imo post peccatum actuale cujusque, Deus ita nostram cooperationem, industriam atque laborem, & liberum cujusque arbitrium ad justificationem exigit, ut Bernardus sermone de eo, quod legitur in Job, In sex tribulationibus, & cætera, dixerit, Quod in nobis minus est, ipse supplet; modicum tamen illud, quodcumque nostrum est, non patitur reservari. Atque prædicta omnia exigere videtur

decur Deus a peccatore illis verbis Zachar. 1: Convertimini ad me, & convertar ad vos. Unde Augustinus, sermone 15 de verbis Apostoli, exponens illa verba, Traditus est propter delicta nostra, & resurrexit propter justificationem nostram, id est, ut iustos nos faciat, ait: Eris opus Dei, non solum quia homo es, sed etiam quia iustus es: melius est enim iustum esse, quam te hominem esse. Si hominem te fecit Deus, & iustum tu te facis, melius aliquid facis, quam fecit Deus: sed sine te fecit te Deus, non enim adhibuisti aliquem consensum ut te faceret Deus: qui ergo fecit te sine te, non te iustificat sine te: ergo fecit nescientem, iustificat volentem.

Illud deinde constat, ita Deum voluisse esse gratiæ autorem, incrementique illius, ut regimini atque conatui Ecclesie suum locum reliquerit, ut ea ratione, & qui plantant, & qui rigant, & qui seminant, & qui metunt, mercedem accipiant, & simul gaudeant, fructumque congregent in vitam æternam. Unde Paulus inter dona, quæ a Christo ascendente in altum ad Ephesios 4 hominibus collata fuisse affirmat, sequentia enumerat. Quosdam quidem dedit Apostolos; quosdam autem Prophetas; alios vero Evangelistas; alios autem pastores, & doctores ad consummationem sanctorum, in opus ministerii in ædificationem corporis Christi, ut veritatem facientes in caritate, crescamus in illo per omnia, qui est caput Christus: ex quo totum corpus compactum, & connexum per omnem juncturam subministrætionis, secundum operationem in mensuram cuiusque membri, augmentum corporis facit, in ædificationem sui in caritate.

An facienti ex suis naturalibus, quod in se est, semper Deus conferat sufficientia auxilia ad fidem, & justificationem: an vero propter gravia peccata interdum ea aliquibus denegat?

DISPUTATIO X.

Illud etiam iis, quæ duabus præcedentibus disputationibus diximus, addendum est, quotiescunque liberum arbitrium ex suis viribus naturalibus conatur, præstare est ad conandum totum id, quod ex se se potest, tam circa ea, quæ fides habet, addiscenda & amplectenda, quam circa dolorem de peccatis ac justificationem, a Deo conscribi gratiam

prævenientem, auxiliave quibus id faciat ut oportet ad salutem: non quidem quasi eo conatu dignus efficiatur talibus auxiliis, ullaque ratione ea promeretur; sed quoniam id obtinuit nobis Christus ob sua merita, atque inter leges quas tam ipse, quam Pater æternus statuerunt de auxiliis & donis, quæ nobis Christus promeruit, mere gratis conferendis, una, eaque rationi maxime consentanea fuit, ut quoties ex nostris viribus naturalibus conaremur facere, quod in nobis est, præsto nobis essent auxilia gratiæ, quibus ea, ut oportet ad salutem, eliceremur, ut ea ratione, dum essemus in via, semper in manu liberi arbitrii nostri posita esset salus nostra, per nosque ipsos staret, quod ad Deum non converteremur. Quare sicut Deus semper præsto est per concursum generalem libero arbitrio, ut naturaliter velit, aut nolit, prout placeat: ita præsto illi est per auxilium gratiæ sufficiens, ut quoties ex suis viribus naturalibus aggredi voluerit opus aliquod ex iis, quæ ad justificationem spectant, illud exequatur prout ad salutem oportet: sæpe etiam liberum arbitrium quasi sopitum ac torpens excitat & pulsat, longeque maioribus auxiliis adjuvat: quamvis alia ex parte magnum cernatur discrimen. Nam per concursum generalem præsto est Deus libero arbitrio ad naturalia, lege quasi naturali ordinaria, qua agentibus omnibus statuit non denegare talem concursum. At vero libero arbitrio præsto adest per auxilium gratiæ saltem sufficiens, ob merita Christi, qui ut verus redemptor in nobis promeruit atque obtinuit, eamque legem subveniendi hominibus cum Patre constituit: quod plane satis innuunt multa scripturæ loca. Joan. enim 1 dicitur: Dedit eis potestatem (Christus scilicet suo adventu) filios Dei fieri. Quod, ut Rossensis in art. 36 Lutheri recte adnotavit, intelligendum non est de iis, qui per gratiam facti sunt jam filii, dignitatemque possident, sed de iis, qui ad eam nondum pervenerunt. His enim eatenus facta est potestas ut filii Dei fiant, quatenus, si, quantum in se est, conentur, præsto illis aderit Deus, ut fidem & gratiam consequantur, neque desiderio suo fraudentur: quare ea ratione in potestate eorum est ut filii Dei fiant. Primæ item ad Timotheum 2: Vult omnes homines salvos fieri, & ad agnitionem Dei venire. Quod si

conan-

alia
veniens
auxilia
fieri
no sem
conatus
suis ma
nibus
vere quod
se est.

conantibus ex suis naturalibus, facientibusque quod in se est, vel ut fidem amplectantur, vel ut de peccatis doleant, Deus non est semper præsto per auxilia & gratiam prævenientem, ut actus sint quales ad salutem oportet, quia nam ratione verum erit, Deum velle omnes homines salvos fieri? eaque ratione acceptum coram eo esse, ut obsecrationes, orationes, postulationes, & gratiarum actiones pro omnibus hominibus fiat, ut eo loco Paulus docet. Unde Ambrosius: Vult omnes homines salvos fieri, sed si accedant ad eum: non enim sic vult, ut nolentes salventur, sed vult illos salvari, si & ipsi volint: nam utique qui legem omnibus dedit, nullum exceptit a salute. Quædam alia addit in hanc sententiam. Et Oecumenius in eundem locum: Si ergo Deus vult, quare non fit, quod vult? Non fit, quia illi nolunt: nihil enim ex necessitate facit in nobis Deus. D. Thomas etiam tertio contra gentes cap. 159 Deus, quantum in se est, paratus est omnibus gratiam dare: vult enim omnes homines salvos fieri, & ad agnitionem veritatis venire, comparatque Deum soli, quantum ex se est, lumen conferre omnibus parato. Ezechiel. 18: Numquid voluntatis meæ est mors impij, dicit Dominus Deus, & non ut convertatur avius suis & vivat? & infra: Projicite a vobis omnes prævaricationes vestras, in quibus prævaricati estis, & facite vobis cor novum & spiritum novum: & quare moriemini? quia nolo mortem morientis, dicit Dominus Deus, revertimini & vivite. Profecto hæc omnia apertissime ostendunt, Deum semper paratum esse ad opitulandum, at per nos ipsos semper stare quod ad Deum non convertamur, fidemque & gratiam non consequamur. Apocal. 3: Sto ad ostium & pulso &c. Plane sine ulla intermissione ad ostium cordis stat, paratus semper conatus nostros adjuvare, desideransque ingressum: non tamen sine intermissione pulsar specialibus auxiliis, sed sæpe, non solum quando se apta occasio offert, sed etiam quando torpens ac pigrum liberum nostrum prospicit arbitrium. Mitto pleraque alia loca scripturæ.

De quibusdam insignibus peccatoribus, qui ob sua scelera in scripturis sanctis leguntur a Deo obdurati, excæcati, traditi in reprobum sensum, ac in desideria cordis sui, vel derelicti, dubium est, an Deus illis omnino

denegat supernaturale auxilium, ut quicquid ex naturalibus conentur, aut faciant, converti non possint ad Deum.

Partem affirmantem asserere videtur Augustinus in libro expositionis quarundam propositionum ex epist. ad Rom. in illa verba propositionis 62: Obduratum est cor Pharaonis. Ubi ita ait: Obduratum est cor Pharaonis, ut tam evidentibus signis non moveretur. Quod ergo tunc Pharo non obtemperabat præceptis Dei, jam de supplicio veniebat. Non autem quisquam potest dicere, obdurationem illam cordis immerito accidisse Pharaoni, sed judicio Dei retribuentis incredulitati ejus debitam poenam. Non ergo hoc illi imputabatur, quod tunc non obtemperaverit, quandoquidem obdurato corde obtemperare non poterat, sed quia dignum se præbuit, cui cor obduraretur priori infidelitate. Sicut enim in iis, quos elegit Deus, non opera, sed fides inchoat meritum, ut per munus Dei bene operentur; sic & iis, quos damnat, infidelitas & impietas inchoat poenæ meritum, ut per ipsam poenam etiam male operentur. Hæc Augustin. In eadem sententia est Rossensis in art. 36 Lutheri, & quidam alii quos Ruardus in art. de libero arbitrio citat.

Semper tamen vera mihi visa est contraria sententia, quæ cum aliorum Patrum doctrina magis congruit, eamque aliis in locis sequitur idem Augustinus, & communi consensu videntur asseverare, quotquot absolute affirmant, facienti quod in se est, Deum nunquam negare gratiam, pluribusque eam veram esse contendit Sotus primo de natura & gratia cap. 15 & 18. Ruardus vero ubi supra neutram improbabilem judicat.

Hæc ergo propositione continetur: Deus nunquam peccatori, quantumvis scelerato, denegat auxilium, quod licet perversi difficile corrigantur, si tamen, dum sui quisque compos est, usumque habet liberi arbitrii, efficere velit totum quod potest, justificabitur: per subtractionem vero majorum auxiliorum dicuntur peccatores obdurari, excæcari, tradi desiderijs cordis sui, ac derelinqui, dispicique a Deo, eo magis, quo magis auxilia subtrahuntur, atque in poenam suorum delictorum in graviore tentationes, atque occasiones peccandi devenire, iuste permittuntur: Deus tamen non obdurat, aut excæcat, duri-

*Insignibus
peccatori-
bus an
omnino de-
negentur
auxilia.*

ritiem

ritiem aut cæcitatem apponendo, sed quia propriam duritiam, cæcitatem, ac difficultatem peccatoris per auxilia ac dona sua non aufert.

Unde de prædestinatione & gratia cap. 4 tomo 7 operum Aug. illud, quem vult indurat, non ita intelligendum est, ait autor illius libri, quasi Deus in homine, ipsam, quæ non esset, duritiam cordis operetur: inducere enim Deus dicitur eum, quem mollire noluisset. Sic etiam excæcare dicitur eum, quem illuminare noluisset. Et in libro de essentia divinitatis ait August. Indurare dicitur Deus quorundam malorum corda, sicut de Pharaone scriptum est, non quod omnipotens Deus per potentiam suam corda eorum induret, quod est impium ita credere, sed exigentibus eorum culpis, cum duritiam cordis, quam ipsi sibi mala perpetrando nutriunt, non aufert, quasi eos induret, quia iusto iudicio indurari sinit. Hæc August. Idem affirmat Epistola 105 ad Xistum, & lib. 1 ad Simplicianum q. 2. & plerisque aliis in locis. Idem Hier. in Epist. ad Hedibiam q. 10 & 11, & Gregorius in lib. 11 Moralium cap. 5 in illa verba, Si incluserit hominem, nullus est, qui aperiat, & hom. 11 in Ezechielem.

Hanc sententiam mihi persuadeo, primo quoniam testimonia scripturæ supra citata, quæ affirmant Deum velle omnes homines salvos fieri, non velle mortem peccatoris, stare ad ostium, & dedisse eis potestatem filios Dei fieri, universim prolata sunt, nullumque excipiunt: ergo nemo in hac vita erit excipendus. Quamvis enim Deus iuste in poenam delictorum aggravet aliquando manum specialiora auxilia subtrahendo, & graviora mala, & occasiones majoris ruinæ, prout peccata committuntur, permittendo; semper tamen, dum peccator est in via, potiturque meritis Christi, utique ut demereri, fordescere amplius, Deo id ipsum in poenam permittente, in manu ejus positum est: ita etiam resurgere a peccatis, atque mereri, Deo ipso, quantum satis est, ob merita Christo opitulante: nec enim proclivior dicendus est ad puniendum, quam ad miserendum Deus. Quin imo vellet, si per peccatorem non staret, eum juvare, & ut cum ope divina talem se præberet, a quo tam graviter puniendo manum suam coerceret, idque totum

MOLINA.

Christus copiosa sua redemptione, ac meritis, quæ infinito intervallo demerita nostra superant, nobis promeruit & impetravit. Unde Christus Matth. 11. Venite ad me, inquit, omnes qui laboratis & onerati estis, & ego reficiam vos, ubi nullum prorsus peccatorem excipit. Incredibile namque videtur, & indignum infinita Dei clementia asserere, eum qui ita mundum dilexit, ut filium suum unigenitum daret, ut omnis qui credit in illum non pereat, sic propter multitudinem ac gravitatem criminum alicui, dum in hac vita est, atque a participatione meritorum Christi minime exclusus, clausisse viscera misericordie suæ, ut constitueret, quicquid talis peccator ex suis naturalibus facere attemptaret, nunquam se opem laturum ut a peccatis resurgeret. Præterea eo dato, concedendum esset, miserum illum hominem, antequam per egressum ex hac vita atque exclusionem a regno coelesti, habitu spei supernaturalis (si fidelis esset) una cum fide ipsa spoliaretur, carere omni spe vitæ æternæ: quod tamen nulla ratione videtur concedendum de homine in via constituto. Item non tantopere vituperanda esset desperatio Judæ, & blasphemia illius Cain Genes. 4. Major est iniquitas mea, quam ut veniam merear, si aliqua scelera sint propter quæ Deus in hac vita statuat denegare omne auxilium, quo homo ad poenitentiam possit adduci ac veniam consequi. Merito ergo Divus Thomas 3 par. quæst. 86 art. 1 affirmat, errorem esse credere, ullum posse dari peccatum quod per poenitentiam non possit deleri: quoniam, inquit, id libertati arbitrii nostri, gratiæ, benignitati, ac misericordie Dei, & efficacie passionis Christi derogat. Unde Hieronymus in illud Amos quinto: Super tribus sceleribus Moab, &c. Sola, inquit, impoenitentia est in causa, cur Deus iniquis non parcat. Et Chrysostomus homil. 23 ex viginti septem in varia loca Matth. late docet, poenitentiam cum Dei adiutorio in nostra esse potestate, nec esse ullam malitiam, quæ poenitentia non dissolvatur. Imo hoc ipsum, quod D. Thomas atque hi duo patres affirmant, aperte videtur definitum in Concilio Lateran. cap. Firmiter de sum. Trinit. & fide Catholica his verbis: Et si post susceptionem baptismi quisquam prolapsus fuerit in peccatum, per veram potestatem semper poenitentiam reparari.

E

Moveor

*Pharaonis
obduratio
qualis.*

Moyseor secundo, quoniam Pharaon, etiam post induratum cor, in libera potestate sua habebat populum dimittere, ut satis aperte scriptura innuit, lethaliterque peccabat, quod populum juxta præceptum Domini non dimitteret, atque in pœnam delictorum, quæ ea ratione accumulabat, pœnæ etiam multiplicatæ fuerunt, ad interfectionem usque primogenitorum, subversionemque ipsius Pharaonis cum exercitu suo. Exodi enim 7 cap. statim ante primum signum virgæ in colubrum verſæ, dixit Deus: Indurabo cor ejus, & multiplicabo signa & ostenta mea. Factoque eo signo dicitur, Induratum est cor Pharaonis, & non audivit eos, sicut præceperat Dominus. Et inferius ante comminationem aliorum flagellorum dicitur: Nisi dimiseris populum, hac aut illa plaga te percutiam, quasi in potestate illius esset dimittere populum, ideoque esset nova plaga percutiendus, quod populum non vellet dimittere. Et additur: Induravit Pharaon cor suum, quasi ipse se ipsum induraverit; Deus autem non aliter eum induravit, quam quod non tribuerit illi ea auxilia sine quibus prævidebat Pharaonem ex sua nequitia non dimissurum populum, cum tamen posset. Et cap. 9. Pharaonem objurando quod populum noller dimittere, ex persona Dei ait Moyses: Adhuc retines populum meum, & non vis eum dimittere? En pluam, &c. Atque in eodem cap. Pharaon ait, Peccavi etiam nunc. Dominus justus, & ego & populus meus impii. Et paulo inferius, non Pharaon, qui mentiri & decipi poterat, sed scriptura ipsa dicit: Videns autem Pharaon quod cessasset pluvia & grando & tonitrua, auxit peccatum & ingravatatum est cor ejus & servorum illius, & induratum nimis; nec dimisit filios Israel, sicut præceperat Dominus. Quid clarius ad probandum, Pharaonem, postquam induratum habebat cor, peccasse quod populum non dimitteret, in potestate proinde illius fuisse tunc dimittere eum, ut Deus præcipiebat? Et cap. 10 ex persona Dei dicitur illi, Usque quo non vis subijci mihi? Dimitte populum meum: sin autem resistis & non vis dimittere eum, Ecce ego inducam cras locustam, & cæter. quæ plane verba & objuraciones aperte innuunt, in potestate Pharaonis tunc fuisse dimittere populum, peccasseque quod eum non dimitteret, eaque de causa flagellari. Dicentibusque

servis Pharaonis, Usque quo patiemur hoc scandalum? Dimitte homines ut sacrificent Deo suo, nonne vides quod perierit Ægyptus? concessit facultatem, ut vin soli pergerent ad sacrificandum. Et infra ait Pharaon, Peccavi in Dominum Deum vestrum: sed nunc dimitte peccatum meum etiam hac vice, &c. Constat ergo per obdurationem illam non fuisse sublatam facultatem a Pharaone, faciendo id, circa quod obdurato persistebat corde, potuisseque duritiam illam vincere, si veller, per ipsumque sterisse quod eam re ipsa non vicerit; id quod Origenes tertio Periarcon cap. 1 docet, lateque ostendit.

De Judæis etiam, de quibus Isaïæ 6 dicitur, Excæca cor populi hujus, & aures ejus aggrava, & oculos ejus claudes, ne forte videat oculis suis, & auribus suis audiat, & corde suo intelligat, & convertatur, & sanem eum, constat credere potuisse, si vellent, & quod noluerint credere, peccasse lethaliter: quod sane sine facultate ad credendum nulla ratione esse potuit, eo quod peccatum esse, & voluntarium non esse, pugnantia omnino sint. Matth. etiam 11 dicitur, Væ tibi Corozain, væ tibi Bethsaida: quia si in Tyro & Sidone factæ essent virtutes, quæ factæ sunt in vobis, olim in cilicio & cinere penitentiam egissent. Veruntamen dico vobis, Tyri & Sidoni remissus erit in die judicii, quam vobis. Ubi manifeste innuitur peccatum lethale Judæorum, quod in Christum credere noluerint. Et Joan. 15: Si non venissem, & locutus non fuisset eis, peccatum non haberent. Sæpe alibi Christus peccati arguit populum illum, quod noluerit credere, neque ea de re est dubitandum. Hic enim est populus de quo, quod in Christum credere noluerit, Paulus ad Romanos 10 exponit illud Isaïæ 65: Tota die expandi manus meas ad populum non credentem, sed contradicentem mihi; quod sine peccato esse non potuit. Et primæ ad Thessalonicenses 2, de eisdem Judæis ait, Qui & Dominum occiderunt Jesum, & Prophetas, & nos persecuti sunt, & Deo non placent, & omnibus hominibus adversantur, prohibentes nos gentibus loqui, ut salvæ fiant, ut impleant peccata sua semper: pervenit enim ira Dei super illos usque in finem. Atque de eodem populo ait Christus Matth. 23: Quoties volui congregare filios tuos, quemadmodum gallina congregat pullos suos sub alas, & noluisse? Ecce relinquetur vobis

vobis domus vestra deserta; in pœnam scilicet tanti delicti.

Quando ergo Joannis 12 dicitur: Propterea non poterant credere, quia iterum dicitur Isaias, Excavavit oculos eorum, &c. sermo est de impotentia, quæ ortum habet ex necessitate consequentiæ; quatenus existente vaticinio illo, fieri non poterat ut crederent: eo quod si illi credituri fuissent, ut re vera poterant, Deus id præcivisset, neque prædixisset oppositum per Isaiam: non vero de impotentia, quæ ortum habeat ex necessitate consequentis, quasi in potestate eorum non esset, etiam existente vaticinio illo, credere, si vellent. Unde Augustinus tractatu 53 in Joannem edisserens verba illa ait, Non poterant credere, quia hoc Isaias propheta prædixerat: hoc autem propheta prædixit, quia Deus hoc futurum esse præcivit. Quare autem non poterant, si a me quærat, cito respondeo, quia nolebant: malam quippe eorum voluntatem prævidit Deus, & per prophetam prænuñciavit ille, cui abscondi futura non possunt. Illud idem quod Joannes eo loco docuit, clarius expressit Christus Matth. 13, his verbis: Ideo in parabolis loquor eis: quia videntes non vident, & audientes non audiunt, neque intelligunt, ut adimpleatur in eis prophetia Isaiæ dicentis: Auditum audietis, & non intelligetis; & videntes videbitis, & non videbitis: incrassatum est enim cor populi hujus, & auribus graviter audierunt, & oculos suos clausērunt, ne quando videant oculis, & auribus audiant, & corde intelligant, & convertantur, & sanem eos. Quibus verbis Christus Dominus Judæis culpæ tribuendum esse significat, quod auribus graviter audierint, & oculos suos clausērunt, ob eamque causam illis auxilia illa magis specialia denegaverit, sine quibus eos non credituros prævidebat: semper tamen illis præbuit ea auxilia, quibus cum credere possent, si vellent: imo vero adeo efficacia fuerunt, ut alii, non ita prave affecti, summa cum facilitate credidissent, poenitentiamque egissent, ut de Tyriis & Sidoniis Christus affirmavit.

Quia ergo eos ipsos peccatores, qui in scripturis sanctis leguntur obdurati & excæcati a Deo, ex eisdem scripturis constat, lethaliter peccasse non adimplendo ea, circa quæ leguntur obdurati & excæcati; mani-

festum est, Deum non denegasse eis auxilia, sine quibus nulla ratione obedire possent: alioquin nulla ratione eis imputaretur ad culpam, quod Deo tunc non obedirent, ut Augustinus concedit. Porro quod antea commiserint crimina aliqua, in quorum poenam iuste a Deo sint indurati ac obæcati, id plane non efficit, ut, quæ post indurationem & obæcationem committunt, peccata sint, illisque ad culpam imputentur, si jam tunc nulla ratione ea vitare possunt, ut prima secundæ de ebrio & aliis similibus late ostendimus: quare si aliqua fuit culpa, utique tota fuit in ea ipsa priori causâ & radice unde hi posteriores effectus evenerunt, quando is, qui eorum causam libere præbuit, animadvertere debebat tales effectus inde posse sequi: in appositione igitur ipsa causæ tunc, tota ratio culpæ consistit, quæ postea neque augetur, neque minuitur, sive sequantur effectus, quos in nostra potestate jam non est impedire, sive nulli sequantur.

Ad illud vero de Antiocho 2 Mach. 9: *Antiochus que patto induratus.* Orabat hic scelestus Dæum, a quo non esset misericordiam consecuturus, Respondet D. Thomas 3 p. loco citato, causam fuisse, quoniam non habebat veram poenitentiam propter Deum, sed dolebat solum propter gravitatem morbi, optans ab eo liberari. Adde, quod neque damna omnia, quæ injuste dederat, secum decreverat rescire: quod tamen ad veram poenitentiam erat illi necessarium. Possimus denique locum illum ita interpretari, Orabat Deum, pro salute videlicet obtinenda, a quo consecuturus non erat eam misericordiam, nempe sanitatem corporis, quam postulabat.

Ad dictum vero Augustini contra nostram sententiam dicendum est, multa ex iis, quæ in expositione illius propositionis docuit, nempe fidem esse ex nobis, illamque esse principium meritorum, & infidelitatem demeritorum, retractasse primo libro Retractionum cap. 23, & de prædestinatione sanctorum cap. 3, neque dictum illud esse recipiendum, cum ex scripturis ostensum sit, inobedientiam Pharaonis post obdurationem, imputatam illi fuisse ad culpam, & in ejus potestate fuisse tunc obedire Deo, si vellet. Quod idem August. satis aperte postea docuit de prædestinatione & gratia cap. 6, si August. ejus libri fuit autor, ubi ait: Qui pie

quærens aliquid, desiderat invenire, illū locum ejusdem scripturæ (Exodi scilicet) relegat, ubi primo Moyſi in rubo ignis apparuit, & ibi inveniet hoc totum, quod indurasse Deus cor Pharaonis præmittit, non ad operationem Dei, sed ad præscientiam pertinere: loquens enim Dominus de rubo sic dicit: Ego autem ſcio, quod non dimittet vos Pharaon rex Ægypti, niſi per manum magnam: sed extendens manum meam, percussit Ægyptios in omnibus mirabilibus quæ faciam, & postea dimittet vos. Hæc prima vox Dei est, qua futuram voluntatem Pharaonis, sicut prævidebat, indicabat. Postea jam inter ipsos miraculorum imbres dixisse legitur, Ego autem indurabo cor Pharaonis, ne dimittat populum. Ubi jam aperte intelligitur, primam interesse sententiam, quid est enim indurabo cor, niſi non emolliam? Hæc autor illius libri. Et cap. 14 ait: An forte, si pie de Deo, sicut expedit, sentiamus, etiam Pharaoni datam misericordiam reperimus? patientiam enim Dei valere ei debuit ad salutem, qua differens iustum, meritumque supplicium, miraculorum verbera crebra densabat. Nunquid non potuit, sicut flagellis cedens expulſit populum, ita miraculis credens Deum tantæ virtutis agnoscere? Et cap. 15 conferens Pharaonem cum Nabuchodonosor, cum ostendisset, pares eos fuisse in multis, ait: Quid ergo fines eorum fecit esse diversos, niſi quod unus manum Dei sentiens, in recordatione propriæ iniquitatis ingemuit: alter libero contra Dei misericordissimam veritatem pugnavit arbitrio? Legito Augustinum q. 24 in Exodum, quo loco idem sentit.

Infidelitatis peccatum posse incurri etiam dum gratia præveniens liberum arbitrium non tangit.

DISPUTATIO XL

Ut peccent, qui audiunt, nec sentiant
 EX hæcenus dictis patet, quid dicendum sit ad dubium illud: Si nullus credere valet, niſi gratia Dei præveniatur, atque interius a Deo vocetur, conſequens erit illos, quibus Evangelium promulgatur, & gratia Dei non præveniuntur, neque se sentiunt interius vocatos, illud non amplectuntur.

non consentiant fidem amplectendo, assensumve illius eliciendo, sed etiam si, antequam gratia præveniatur, sua nequitia Evangelio contradicant, aut attendere non velint ad ea quæ proponuntur, resque tanti momenti, ex quibus pendere ipsorum, cæterorumque hominum salutem edocentur, expendere non velint, ut veritate comperta, saltem ex suis naturalibus viribus conentur Evangelicæ doctrinæ assentiri: ad quæ omnia cum solo concursu Dei generali libertatem arbitrii habent, ut hæcenus explicatum est. Quod si ea sincero animo expendere velint, ut tenentur, utique gratia divina, interim dum docerentur, illaque expendere, prævenirentur, etiam antequam ex suis naturalibus, eo modo quo possunt, conarentur elicere assensum. Cumque Deus sua scientia prævideat, quinam ex iis, qui audituri sunt Evangelium, conaturi sint ex suis naturalibus ad assensum eliciendum ut tenentur, & qui non; sane ut a peccato non excusentur, qui assensum fidei supernaturalem non elicerint, satis est, Deum suo auxilio & gratia præsto esse ad præveniendum in eodem instanti quoscunque præviderit ex suis naturalibus ad assensum conatuos, ut ita, non quidem tempore, sed natura præventi, talem eliciant fidei assensum, qualis necessarius est ad salutem.

Num a sola præveniente gratia proveniat, quod e duobus alter convertatur, & alter non?

DISPUTATIO XII.

EX dictis etiam patet, quid dicendum sit ad illam quæſtionem, unde nam proveniat, quod ex iis, qui audiunt Evangelium, conspiciuntque eadem miracula in confirmationem illius effecta, quidam convertantur & amplectantur fidem, alii vero minime. Dicendum namque est, id non provenire præcise ex eo, quod illi, qui convertuntur, præveniatur a Deo gratia & vocatione interna, alii vero non. Licet enim nemo credere possit, ut ad salutem oportet, niſi præveniatur gratia divina, nihilominus auxilium gratiæ non est sola & integra causa, quod fidei assentiantur: quandoquidem de fide est, eum, qui prævenitur gratia & vocatur ad fidem, posse per suum liberum arbitrium non consentire & non converti, ut in Concilio Trid. sess. 6

Vocatorum
aquali au-
xilii fieri
potest, ut
quos con-
vertatur, &
alii non.

sess. 6 cap. 5, & canone 4 definitum est. Quare fieri potest, ut duorum, qui aequali auxilio interius a Deo vocantur, unus pro libertate sui arbitrii convertatur, & alter in infidelitate permaneat. Sape etiam accidit, ut cum quo auxilio unus non convertitur, alius convertatur: id quod satis aperte docuit Christus Dominus ex ea collatione incolarum Bethsaidæ & Corozain cum Tyriis & Sidoniis. Imo fieri potest, ut aliquis prævegitus & vocatus longe majori auxilio pro sua libertate non convertatur, & alius cum longe minori convertatur. Sape enim Deus vocat, & peccatores renunt, despiciuntque omne consilium Dei. Neminem enim Deus, vim necessitatemque inferendo, consuevit ad se adducere, sed sponte sua ac voluntate quisque adducitur. Unde Hieron. in epist. ad Hedibiam qu. 11 ad eandem questionem respondens ait: Quia homines suo arbitrio relictus sunt: neque enim bonum necessitate faciunt, sed voluntate, ut credentes coronam accipiant, increduli supplicis mancipentur: ideo odor non ster, qui per se bonus est, virtute eorum & vicio qui suscipiant sive non suscipiunt, in vicio transiit aut mortem, ut qui crediderint, salvi fiant; qui vero non crediderint, pereant. Et lib. 13 comm. in cap. 49 Isaïæ, Dei, inquit, vocare est, & nostrum credere: nec statim, si nos non credimus, impossibilis Deus est, sed potentiam suam nostro arbitrio derelinquit, ut iusti voluntas præmium consequatur: quia ergo voluerunt per me in te credere, iudicium meum apud te est, quod omnia fecerim, quæ eis facere debui, dicens in Evangelio: Ego te clarificavi super terram, opere completo quod dedisti mihi ut facerem. Hactenus Hieron. Et Aug. lib. 83 questionum q. 8. Ad coenam illam magnam, inquit, neque omnes, qui vocati sunt, venire voluerunt, neque illi, qui venerunt, venire possent nisi vocarentur. Itaque neque illi debent sibi tribuere, qui venerunt; quia vocati venerunt: neque illi, qui noluerunt venire, debent alteri tribuere, sed tantum sibi: quoniam, ut venirent, vocati erant in libera voluntate. Qui vocatus non venit, sicut non habuit meritum, ut vocaretur, sic inchoat meritum supplicii, cum vocatus venire neglexerit. Et 12 de civitate Dei cap. 6 docet: Si duo, æquales per omnia in omni-

bus conspiciant eandem mulierem pulchram, evenire possit a sola libertate arbitrii utriusque, ut unus consentiat in peccatum eam concupiscendo, alter non item. Eademque est ratio de eodem modo affectis, æqualiterque a Deo ad fidem vocatis: pro sola namque eorum libertate potest evenire, ut unus amplectatur fidem, alter vero eandem contemnat. Quo fit, ut non soli gratia prævenienti tribuendum sit, quod ex audientibus Evangelium quidam convertantur, quidam non convertantur: sed suus etiam locus relinquendus sit libero arbitrio cuiusque, a quo (præsto existente auxilio gratia) pendet, quod peccator convertatur, aut non convertatur: & ob id conversio laudi ipsimet peccatori tribuitur; imo etiam in meritum vite æternæ eidem cedit, si simul in gratia reponatur. Adde etiam quod, quamvis nullum omnino meritum antecedit auxilium gratiæ prævenientis, attamen quod peccator aptus reddatur, ut iuxta leges a Deo constitutas, illud recipiat, multum pendet a libero arbitrio ejus, qui illud est recepturus, & a conatu Ecclesiæ, ministrorumque illius, ut disputatione 9 explicatum est. Quare conversio ad fidem, non in solum influxum gratiæ prævenientis referenda est, sed etiam in liberum arbitrium, & in externa auxilia, circumstantiasque externas. Idem quoque dicendum est de conversione peccatoris jam fidelis ad poenitentiam. Neque Augustinus de prædestinatione sanctorum cap. 6, 8 & 9; & D. Thom. secunda secundæ q. 6 art. 2 interrogati quicquam horum negarent: si enim attente legantur, solum contendunt adversus Pelagianos, voluntque, ut nullum omnino meritum nostrum præcedat gratiam, qua ad fidem, aut poenitentiam prævenimur, ac vocamur; sed ut ex sola misericordia ac liberalitate divina ea nobis conferatur. Juxta ea quæ his disputationibus, nec non quarta & sexta dicta sunt, intelligendus est Augustinus epistola 107 ad Vitalem Carthaginensem.

Neque est cur quisquam adversus hæc tenenda nobis objiciat illud Joann. 6: Omnis qui audivit a Patre, & didicit, venit ad me; quasi ex vocatione & morione Dei ita pendeat accessus ad Christum per fidem, ut & qui non vocatur, venire nequeat; & qui vocatur, licet sponte veniat, ita tamen accedat, ut in ipsius potestate non sit tunc

non venire. Hoc namque postremum procubatio fidei Catholicae, definitionique Ecclesiae, tum alibi, tum in Concil. Trident. sess. 6 cap. 5 & can. 4, ut saepe dictum est, repugnat, ac libertatem arbitrii in momento consensus vocationi, & motioni divinae, accessusque per credendi actum ad Christum, prorsus evertit. Neque enim ad rationem libertatis satis est spontaneum, quod & bestis convenit, & Lutherani contra fidem Catholicam contendunt esse solum in operibus nostris, unde sane nihil virtutis aut vitii, ac proinde nec laude aut vituperio, praemioque aut poena dignum potest provenire; sed ulterius exigitur, ut qui ita operatur, possit in eodem temporis momento non operari, & in reposita requiritur, ut qui consensit vocationi divinae, cooperando cum auxiliis gratiae elicit actum credendi qualem oportet, simulque per eundem actum a patre tractus venit ad Christum, possit in eodem temporis momento non consentire, atque adeo non cooperari, ad Christumque per fidem non venire.

Sensus autem verborum Christi hic est. Praemiserat, Nemo potest venire ad me, (per fidem utique, quae per caritatem operatur, de qua ibi erat sermo) nisi pater, qui misit me, traxerit eum, auxiliis videlicet, praevientis gratiae, atque eo ipso, qui trahitur, cooperante. Ut vero id probaret, adduxit testimonium, quod de tempore adventus Messiae ac legis gratiae habetur, tum in aliis prophetis, tum praesertim Isaia 54. Est, inquit Christus, scriptum in prophetis, Erunt omnes docibiles Dei, id est, docti a Deo, ut transfert Syriacus interpres, habeturque aperte in Isaia. Quo in loco sermo est de filiis futuris Ecclesiae per fidem quae per caritatem operatur, ut legenti Isaiam erit perspicuum: Quare neque in hoc Evangelii loco, neque in illo Isaiae, sermo est de omnibus universum hominibus, sed de illis tantum, qui membra Christi, partesque Ecclesiae per fidem erant futuri. Quia vero fidem hanc habere non possunt ex illis viribus, sed illustrati, vocati, ac interius docti prius a Deo per auxilia gratiae praevientis ac excitantis, juxta eos modos quos disputationibus praecedentibus explicavimus, idcirco qui fidem recipiunt, ad Christumque per eam veniunt, dicuntur venire docti a Deo. Atque hoc est, quod

continuo explicat Christus dicens: Omnis qui audit a Patre, & didicit, venit ad me; quasi diceret, & nullus alius, quoniam id omnino est necessarium ut ad me veniat. Unde non intendit Christus docere, ejusmodi hominem, qui ita audit, ac didicit a patre, non venire ad Christum per credendi actum propria libertate, quasi in instanti, in quo actum credendi elicit, & venit ad Christum, in sua potestate situm non habeat, continere influxum liberi arbitrii in talem actum, efficereque ut non sit, ac proinde ad Christum non venire: id namque non dubito quin sit fidei Catholicae contrarium, arbitriique libertatem ad credendi actum de medio tollat. Neque item docere intendit Christus, credere in ipsum fide Catholica, ita esse opus Dei, ut simul in eo ipso instanti, in quo fit, non sit opus liberum ipsius credentis, pendens, ut sit, a libero ejusdem influxu: sicut etiam praecipue pendet ab influxu & cooperatione patris per auxilia gratiae. Quin potius, quatenus ille actus libere fit ab ipso credente per influxum, quem tunc potest continere, est accessus liber ipsius credentis ad Christum, opusque virtutis ejusdem credentis laude dignum: quatenus vero est praecipue a Deo, est Dei opus supernaturale, per quod pater aeternus sua misericordia simul trahit credentem ad Christum, servansque illi integre suam innatam libertatem cooperatur cum eo liberum illum ad Christum accessum, qui vere est opus virtutis. At sane Christus ipse illo eodem capite satis aperte docuerat, credere in ipsum simul esse opus Dei, & liberum ipsorum credentium, a libero eorundem influxu dependens. Dixerat enim: Amen, amen, dico vobis, qui creditis me, non quia vidistis signa (quae scilicet feci quando vos quinque panibus, ac duobus piscibus pavi, & explevi) idque illis permoti intendatis ad quod adhibita vobis sunt, sed quia manducaastis ex panibus, & saturati estis. Operamini non cibum qui perit, sed qui permanet in vitam aeternam. Quasi diceret: quaerite & operamini ea, quibus vitam aeternam habeatis. Quae sane non ab ipsis exigere, neque ad illa praestanda eos incitaret, nisi etiam ab ipsorum arbitrio penderent. Dixerunt ad eum: Quid faciemus, ut operemur opera Dei? Respondit Jesus & dixit eis: Hoc est opus Dei (a quo scilicet pendet

cetera,

cetera, quibus vitam æternam assequamini) ut credatis in eum, quem misit ille. Ecce, licet de hoc eodem opere, & tunc doceat, & postea probet ac explicet esse opus patris æterni, neque sine interna ope & auxilio patris præstari posse, prius tamen satis aperte docuerat, esse simul liberum ipsorum credentium opus, eaque ratione, tanquam in ipsorum potestate cum Dei adiutorio positum, ab eis illud exegit, ad illudque, prout in ipsorum erat potestate, præstandum eos invitavit.

Ne quem vero, quæ in eodem capite sequuntur, verba perturbent, exponenda a nobis sunt. Cum Christus (ut caput illud igitur facile patebit) sermonem cum Judæis conferret, tum de Eucharistiæ mysterio, tum de accessu ad Christum ipsum per fidem vivam, quæ, conservata usque ad extremum vitæ spiritum, vitam æternam tribuit, elurimque ac sitim in sempiternum ratione vitæ æternæ, quæ propter eam præstatur, extinguit, in eoque toto progressu ostendere intendat, adventum ad ipsum per fidem vivam ita ab arbitrio eorum, qui accedunt, pendere, ut nihilominus sit donum atque opus Dei; occasione sumpta a mentione, quam fecerant Judæi de manna patribus ipsorum præstito, dixit Christus: Ego sum panis vitæ; qui venit ad me, non eluriet, & qui credit in me, non sitiet in æternum. Sed dixi vobis quia & vidistis me, & non credidistis. Protinusque subiungit verba quæ dixi esse a nobis explicanda neque turbarent: eis autem docet, accessum ad Christum per fidem vivam, esse Dei donum, dicens: Omne quod dat mihi pater, ad me venit; & eum qui venit ad me, non ejiciam foras, quia descendi de cælo, non ut faciam voluntatem meam, sed voluntatem ejus qui misit me. Hæc est enim (seu potius, ut alii textus habent) Hæc est autem voluntas ejus qui misit me patris, ut omne quod dedit mihi, non perdam ex eo, sed resuscitem illud in novissimo die. Hæc est enim voluntas patris, qui misit me, ut omnis qui videt filium, & credit in eum (permanenter fide viva usque ad vitæ terminum: hic enim est, qui non secundum præsentem iustitiam solum, sed simpliciter datur Christo a patre) habeat vitam æternam, & ego resuscitabo eum in novissimo die.

Est autem animadvertendum, quod cum

accessus adulti ad Christum per fidem vivam sit patris æterni donum per internam illustrationem, vocationem, & cooperationem cum illius arbitrio, sane quicunque ad Christum accedit, datus Christo misericorditer a patre accedit, ac proinde valet hæc consequentia: accedit quis ad Christum, ergo datus a patre misericorditer per auxilia gratiæ accedit. Sicut autem accessus adulti ad Christum per fidem vivam (ut esse fidei dogma est ostensum) simul pendet, præcipue quidem ab auxiliis gratiæ, quibus, dum credit, misericorditer ac suaviter, sed libere a patre trahitur ad Christum; & minus præcipue a libero ipsius adulti in eundem credendi actum influxu, quem, nihil impediens auxiliis gratiæ, potest continere, ac proinde efficere ut actus credendi, accessusque ad Christum per fidem non sit: si etiam quod adultus aliquis rationem dati Christo a patre habeat, positum quidem est in auxiliis gratiæ, quæ, prævidendo illum pro sua libertate eis accedendum per fidem ad Christum, misericorditer ipsi dare statuit, in æternæque voluntate ea misericorditer illi conferendi: at sicut, si Deus non prævideret illum pro sua libertate ita esse cooperaturum ut crederet & ad Christum perveniret, voluntas conferendi illi ex sua parte ea auxilia, collatioque actualis eorumdem auxiliorum, non haberent rationem dandi illum Christo: ita nisi ipse adultus eodem pacto pro sua libertate esset cooperaturus, sane eadem voluntas, & collatio auxiliorum, rationem non haberent dandi illum Christo. Neque enim quia Deus prævidit illum cum eis auxiliis libere cooperaturum actum credendi, accessumve per eum ad Christum, ideoque adultus eum actum esse cooperaturus, sed e contrario, quia ita illum pro sua libertate esse cooperaturum, cum pro eadem libertate possit in eum non influere, ad Christumque non accedere, Deus altitudine & eminentia sui intellectus; supra id quod rei contingentia, liberrasque ad utrumlibet adulti habet, id prævidit, ut suo loco in sequentibus ostendamus.

Quod itaque contendimus est, nihil impediens auxiliis quibus adultus aliquis ideo datur Christo, quia illis mediantibus re ipsa sua libertate ad Christum fide viva deveniet, nihilque impediens voluntate æterna eadem illi conferendi, in potestate ejusdem adulti esse

Accessus ad Christum per fidem Dei donum.

esse ad Christum non devenire; neque a sola quantitate & qualitate ejusmodi auxiliorum pendere, quod talis adultus ad Christum accedat, rationemque habeat dati Christo a patre aeterno, sed simul etiam a libera cooperatione ejusdem adulti, quia semper integrum illi manet accedere, aut non accedere, eaque de causa accessus virtuti ac laudi, non accessus vero vitio & vituperio illi tribuitur, suntque hæc notissima ex doctrina Christi Matth. 11. Etenim cum quibus auxiliis habitatores Corozain & Bethsaida ad Christum non accesserunt, rationemque datorum Christo a patre aeterno non habuerunt, eo quod pro sua libertate & nequitia ad Christum accedere noluerunt, quod Christus ibidem illis exprobravit, cum eisdem pro eadem arbitrii libertate accessissent, rationemque datorum Christo per vivam fidem habuissent Tyrii & Sidonii: utrumque enim apertissime eo in loco docet Christus. Quare licet Deus dona sua gratiæ prævenientis, excitantis, & cooperantis ad accessum ad Christum, non distribuat pro qualitate usus liberi arbitrii & cooperationis adulti prævisæ, sed pro sua tantum voluntate; quod tamen adultus cum his vel illis auxiliis hic, & nunc ad Christum accedat, rationemque dati Christo a patre aeterno habeat, pendens est a libera cooperatione arbitrii ipsius, quam innatam habet, & quam, eo ipso quod viator est, exigit sibi relinqui, ut virtutis ac vitii, meriti & demeriti, laudis & vituperii, præmii ac supplicii capax sit. Quia ergo, quod adultus aliquis rationem habeat dati Christo a patre, pendens est ex eo, quod ipse ita pro sua libertate sit cooperaturus ut gratiæ auxiliis, quibus a patre prævenitur, excitatur, vocatur, & adjuvatur, ad Christum perveniat, idque pater æternus altitudine & eminentia sui intellectus prævideat, sane licet mutuo valeat consequentia; accedit quispian fide viva ad Christum, ergo misericorditer est illi datus a patre aeterno; & datus est Christo a patre aeterno, ergo ad Christum accedet: antecedens tamen hujus posterioris consequentiæ non tollit libertatem adulti ad consequens: quoniam sicut consequens a libero influxu adulti in actum credendi pendet; ita ratio antecedentis ab eodem libero influxu futuro, a Deoque altitudine sui intellectus prævisæ, est dependens, ut explicatum est,

patebitque ex iis quæ in sequentibus dicentur.

Christus itaque toto progressu illius capitatis a nobis hæcenus explicato, ut nos humiles, agnitores beneficiorum, gratosque erga Deum redderet, atque ut non nostris viribus superbe innixi, sed sub potenti manu Dei, a quo tantopere in initio progressuque toto justificationis nostræ pendemus, humiliati spem nostram in ipso collocamus, quotidianis precibus ad eum confugientes, docere intendit, fidem, accessumque per eam ad ipsum, donum esse æterni patris ab illo per illuminationem internam, vocationem & cooperationem præcipue pendens: non tamen negare intendit, eandem fidem, & accessum minus præcipue ita a libero nostro influxu pendere, ut in quo instanti credimus & accedimus: quin potestatem nostra sit continere eundem influxum, efficereque ut credendi actus, accessusque per eum ad ipsum omnino non sit: quin potius ex innumeris aliis scripturæ testimoniis, definitionibus Ecclesiæ, & ex ipsomet progressu ejusdem capitatis, ut ostensum est, pendere constat. Idcirco namque in eo ipso progressu Judæos ad eundem accessum invitabat, illosque arguebat, quod visis tot signis ad fidem accedere nollent, neque id ab eo quaererent, ad quod eadem signa illis erant exhibita.

Non injuria fortasse aliquis, ut exponat illum locum, Omnis qui audit a Patre & didicit, venit ad me, dicit: Audire a patre & discere, includere consensum liberi arbitrii adulti quo operatur actum credendi & venit ad Christum, quasi idem omnino sint audire a patre & discere, ac tractum a patre venire ad Christum: quo pacto dubium non est, omnem omnino, qui audit a patre & discit, venire ad Christum, quia nec prius, nec aliud est audire a patre & discere, quam venire ad Christum. Neque tunc ulla esse potest difficultas, an unum horum libertatem arbitrii circa alterum impediatur. Rem vero hanc totam in hunc modum explicabit. Sicut audire corporis, seu sensus externi, quempiam loquentem, dicit actum vitalem auditus, quo loquentis sermo ad eundem auditum perveniens percipitur: ita audire cordis, liberæ arbitrii, est assensum præbere illustrationi ac vocationi divinæ circa ea quæ sunt fidei, atque adeo est elicere assensum

fidei

fidei imperio voluntatis influxuque intellectu, cooperante illustratione & vocatione divina. Et ut res magis in aperto sit, est illud audire de quo Christus sæpe in Evangelio ait, Qui habet aures audiendi, audiat: habere namque audiendi aures, est arbitrium nostrum auxilii gratiæ, expulsiōneque prævæ affectionis ad ea quæ docentur & inspirantur, esse præparatum: audire vero est consentire & obedire, actumve credendi, Deo cooperante, elicere, ut ex verbis Evangelii cuique est manifestum. Et quoniam ejusmodi audire in nostra, Deo cooperante, est potestatem, ideo toties Christus illud a nobis in Evangelio exigit. Qui prædicto modo Evangelii testimonium, de quo loquimur, exponendum non immerito censuerit, addet. Discere a patre, licet illustrationem & inspirationem patris internam supponat, esse tamen actum ipsius adulti, quo, consensum illustrationi ac inspirationi divinæ per suum arbitrium adhibendo, a patre libere elicit: discere namque proculdubio actum significat addiscentis, posita magistri doctrina. Ac sane verba illa Christi, hoc modo exposita, Christi instituto mire inserviunt. Uremus probaret, neminem posse ad se venire, nisi tractum a patre, attulit testimonium illud Isaiæ, Erunt omnes docibiles Dei, seu docti a Deo, ea videlicet ipsa scientia, qua filii futuri erant Ecclesiæ, perventurique erant ad Christum: & hoc explicat Christus dicens, Omnis qui audit a patre, & didicit, venit ad me, eo sane ipso quod audit, & paruit ejus inspirationi & vocationi, didicitque ab eo, absque aliquo alio actu quo accedat.

Possumus confirmare hanc expositionem, quoniam Deum illustrare, atque inspirare, est sponsi vocem sonare in auribus sponsæ, eamque excitare, juxta illud Cant. 2: Vox dilecti mei. & infra: En dilectus loquitur mihi: at sponsa ipsa est quæ audit, consentit ac obsequitur, juxta illud, Audiam (ego ipse) quid loquatur in me Dominus Deus. Samuelque 1 Reg. 2: Loquere, ait, Domine: quia audit servus tuus. Atque ejusmodi audire sponsæ, est currere post sponsum, in odorem unguentorum illius, quæ unguenta illustrationibus, aliisque auxiliis spargit, fragrantque in interiori sponsæ, hoc est, in intellectu & voluntate, quæ sunt arbitrium, quo in sponsum tendit accurrit, ab ipso ea ratione post se sua-

MOLINA.

vider attrahit. Eandem expositionem confirmat illud Joan. 3: Spiritus ubi vult spirat, & vocem ejus audis: sic est omnis qui natus est ex spiritu. Proculdubio, qui ex spiritu nascitur, consentiendo per proprium arbitrium inspirationi & vocationi divinæ nascitur: ejusmodique consentire appellatur audire, & obedire voci Spiritus spirantis, quæ in ejus interioribus auribus sonat, quæ nascitur ex spiritu.

Illud postremo in hac disputatione addiderim, nostram sententiam esse (ut ex iis quæ hactenus dicta sunt intelligitur facile, & ex sequentibus in hoc opere erit magis manifestum) nullum omnino dari, non solum actum, sed neque rationem formalem actus nostri liberi arbitrii ex iis, qui ad credendum, sperandum, diligendum ac poenitendum ut ad salutem oportet, & denique ex iis qui ad justificationem tanquam dispositiones commensurate proximæ vel remotæ sunt necessarii, qui a solo libero arbitrio eliciantur, elicive possint, sed ad omnem talem actum, ad omnemque rationem formalem illius concurrere principaliter Deum, influereque & cooperari per auxilia gratiæ; ad ejusmodique influxu tam eos, quam rationes formales eorum habere, quod supernaturalæ sint, & quod in suo ordine & gradu proxime vel remote disponant commensurate ad justificationem. Atque hinc est, quod juxta doctrinam Pauli, nullum ejusmodi actum, nullamve illius rationem formalem habeat is, qui justificatur, ipsum ab eo, qui non justificatur, discernentem, quam non acceperit supernaturaliter a Deo, atque adeo de qua gloriari possit quasi eam non acceperit. Cum hoc tamen sit id, quod salva fide Catholica negari non potest, nempe, ad ejusmodi omnes actus necessariam esse cooperationem, liberumve influxum arbitrii nostri, sine quo influxu non erunt, & per quem vere sunt actus emanantes efficienter a libero nostro arbitrio, suntque opera virtutis laude digna, quin & vita æterna, si in eodem temporis momento gratia informetur; essentque digna augmento gratiæ, & gloriæ, si caritas & gratia præxisterent, elicerenturque proinde ab homine prius, saltem natura, grato Deo. De eo namque, qui hoc modo operatur, ait Christus Joan. 12: Si quis mihi ministraverit, honorificabit eum pater meus.

F

Et

Nullus liberi nostri arbitrii actus ad justificationem necessarius, nullumque illius ratione formalis est, que non sit supernaturaliter præcipue a Deo.

Et Paulus de se ipso sic operante ait, plus omnibus laboravi, non ego (solus scilicet) sed gratia Dei mecum. Propter ejusmodi actus reposita est corona justitiæ, laudis & honoris, quam reddet Dominus in illa die justus iudex. Quare esto justus de ejusmodi actibus, ea ex parte qua libere quidem, sed partialiter partialitate causæ, & non effectus, ab ipso emanarunt, gloriaretur, præcipue tamen gloriam & honorem in Deum referendo, a quo principaliter & tanquam ab origine prima fluxerunt, sane non esset insipiens, sed verum diceret: quoniam non gloriaretur de actu, rationeve aliqua formali actus quasi eam non acceperit, quod Paulus prohibet ac reprehendit, sed de sola cooperatione libera per suum arbitrium ad illam. Verum tamen tanta est infirmitas nostra dum in hac lacrymarum valle commoramur, ut nec sic quidem expediat gloriari, sed potius humiliter ac pavere sub oculis Dei iudicis, vererique omnia opera nostra, atque in solum gratiæ autorem gloriam & honorem refundere.

*Consensus
liberi arbitrii
Deo vocanti quia.*

Est tamen observandum, cooperationem nostram, influxumve arbitrii nostri in ejusmodi actus, neque esse rem aliam, neque rationem aliam formalem, quam ipsosmet actus, qui, spectati præcise ut emanant a libero arbitrio tanquam a parte minus principali unius integræ eorum efficientis causæ, dicuntur influxus liberi arbitrii, cooperatio liberi arbitrii cum auxiliis gratiæ, & consensus liberi arbitrii quo Deo consentit ad illos excitanti, moventi, & cooperanti: spectati vero præcise quatenus sunt a Deo efficienter, a quo habent ut supernaturales sint, & quales ad salutem sunt necessarii, dicuntur influxus, & cooperatio Dei cum libero nostro ad eodem actus arbitrio: in re tamen nullus effectus, nullaque actio, aut ratio formalis actionis vel effectus est, quæ sit a libero arbitrio, & non simul ac præcipue fit a Deo cooperante & coadiuvante, quin potius totus effectus, totaque actio, totalitate ut vocant effectus, & est a Deo, & ab arbitrio nostro, tanquam a duabus partibus unius integræ causæ, tam actionis quam effectus: non secus ac quando duo agentia movent mobile aliquod, quod neutrum eo influxu, quo actu influit, illud moveret nisi cooperante alio, unumque illorum agentium magis ac princi-

palius influit quam aliud. Quemadmodum enim tunc nihil est in eo motu, quod non sit ab uno quoque illorum moventium, sed partialiter partialitate causæ, & non effectus, quia totus effectus est ab illo, sed cooperante simul alio, influxusque major unius illorum moventium in eum motum non est aliud, quam motus ipse spectatus ut præcise ab illo majori vi emanat, sed cooperante simul alio; & influxus minor alterius moventium non est aliud, quam idem ipse motus spectatus præcise ut minori vi ab eo emanat, sed coadiuvante plus altero: ita res habet in proposito. Quo fit, ut quando cum Concilio Tridentino dicimus, arbitrium nostrum libere consentire Deo moventi, excitanti, & cooperanti ad ejusmodi supernaturales actus, vel (quod idem est) influere in illos, & cooperari ad illos, non excludamus adiutorium & cooperationem divinam, quin potius illam præsupponamus: sed explicamus solum modum, quo, Deo simul cooperante, arbitrium nostrum libere in eodem actus influat ac cooperetur, comparando præcise eodem actus cum arbitrio nostro, quatenus est partialis, minusque principalis efficiens causæ eorundem actuum. Eodemque modo spectamus usum liberi arbitrii nostri ad eodem actus. Atque in hunc modum in posterum accipiantur quæ a nobis his de rebus dicuntur. Licet enim conabimur semper caute loqui, superfluum tamen ac molestum esset, hæc eadem in singulis propositionibus inculcare. Multique ex iis, qui nos diligunt, & quibus nostra probantur, vitio nobis aliquando vertunt, quod dum plus iusto cauti esse volumus, nosque explicare satagimus, obscuram molestamque orationem reddamus. Aliquid tamen parcendum est, in explicandis præsertim adeo sublimibus & abditis mysteriis, & de quibus tanta semper fuit controversia, ac sunt quæ divino adiutorio freti, in hoc opere tradere intendimus.

De spe, & cur necesse non sit seorsim a contritione de dilectione Dei agere.

DISPUTATIO XIII.

DE spe & aliis actibus, qui ultra fidem ad justificationem adulti concurrunt, necesse non erit dicere modo, quibus auxiliis gratiæ prævenientis & excitantis evehantur ad supernaturale esse, quale ad justificationem est necessarium.

neccellarium. Tum quia ex iis, quæ de fide, & permixtum de contritione & attritione disputationibus præcedentibus dicta sunt, id facile intelligitur: tum præcipue, quoniam, ut disputatione octava dictum est, id copiose & exacte inferius suo loco est explicandum.

Spei actum, quoad substantiam, elicere potest homo cum solo concursu generalis Dei.
De spe, quod ad actus substantiam attinet, non erit opus, post ea quæ de fide dicta sunt, longam disputationem texere. Quivis enim facile concedet, præexistente in intellectu assensu, quo revelatis assentimur, in facultate liberi arbitrii cum solo concursu generali Dei esse, elicere actum, non quidem supernaturalem, & qualis ad salutem est necessarius, sed mere naturalem sperandi a Deo, quæ ab eo revelata ac promissa sunt nobis, atque adeo qui dicitur spes, non quidem Christiana, sed quoad substantiam actus. Etenim in eo actu non plus difficultatis est, quam in actu assentiendi revelatis, imo multo minus. Præexistente namque actu, quo assentimur vera esse quæ promittuntur, facilius circa ea ex nostris viribus elicere possumus actum sperandi, quam primum actum, quo, tum eadem, tum pleraque alia, vera esse nobis persuademus. Quod si, ut Concil. Trident. sess. 6 cap. 9 affirmat, in hæreticis & schismaticis esse potest, & nostra tempestate est fiducia, qua certo & sine dubitatione existimant remissa sibi esse peccata, quasi, qui hoc non credit, intrepideque sibi persuadet, de promissis, deque mortis & resurrectionis Christi efficacia dubiter (quam tamen nemo diceret supernaturali Dei auxilio eos elicere) quanto majori ratione concedendum est, solis liberi nostri arbitrii viribus & concursu Dei generali elici posse actum spei, non Christianæ, sed mere naturalem? Adde, Judæos & hæreticos idem a Deo sperare, quod nos speramus: cum tamen nemo dicere possit, supernaturaliter a Deo adjuvari eos ut id sperent. Jam vero de dilectione Dei non est quod seorsim a contritione differamus: cum contritio eam includat. Quare ex iis, quæ disputatione septima explicanda proposuimus, solum superest examinandum, quod questione sequenti proponitur.

Utrum liberum arbitrium cum solo concursu generali attritionem ac contritionem, quoad solam actus substantiam, elicere valeat.

DISPUTATIO XIV.

* Disputationem hanc, quo dilucidior sit, ac ne radium longitudine generet, in aliquod membrum parciemur.

Communem scholasticorum sententiam ad affirmantem partem accedere.

MEMBRUM I.

Negari non potest, complurium esse scholasticorum sententiam, liberum nostrum arbitrium cum solo concursu generali Dei elicere posse non solum actum attritionis naturalem, id est, dolorem de peccatis ex Dei timore cum proposito amplius non peccandi lethaliter, sed etiam actum contritionis naturalem, qui idem propositum non peccandi amplius lethaliter includat. Eam namque affirmant Sorus in 4 dist. 17 q. 2. art. 5 & 2 de natura & gratia sub finem cap. 14, ubi addit; Existentem in peccato lethali posse ex suis viribus naturalibus elicere, quoad substantiam actus, quemcumque actum, quem is valet elicere, qui in gratia est constitutus. Idemque affirmat primo de natura & gratia cap. 22. Canus item in relectione de poenit. fol. 121; juxta editionem Salmanticensem anni 1550. eam tamen appellat attritionem ex amore naturali Dei super omnia, solis verbis ab aliis differens, Cajetanus q. 1 de contritione. Scotus in 4 dist. 14 q. 2. Gabriel in 3 d. 27 q. 1, & in 4 distinct. 14 q. 1 art. 2, conclusiones 5 & art. 3 dubio 2. cum Ochamo & Petro de Aliaco, quos citat, Mars. in quarto q. 10 art. 1 parte 2. Palud. in 4 d. 14 q. 2. & Rich. eadem d. art. 4 q. 1.

In eadem sententia est Divus Thomas in quarto d. 17 q. 2 art. 1 quæstioncula prima ad sextum, quem eo consilio postremum intercos, qui hanc sententiam aperte docent, commemoro, quod ejus verba & doctrina sint paulo accuratius expendenda. Is loco citato in hunc modum scribit. Ad sextum, inquit, dicendum, quod contritio est a solo Deo quantum ad formam, qua informatur: sed quantum ad substantiam actus est ex libero arbitrio, & a Deo, qui operatur in omnibus operibus & naturæ, & voluntatis. Ecce, non aliter arbitrat D. Thomas Deum concurrere cum voluntate humana, libere arbitrio ad eliciendam contritionem quoad substantiam actus, quam concurrat cum agentibus naturalibus ad opera naturalia: constat

constat autem ex doctrina Divi Thomæ, & communi omnium sententia, Deum cum agentibus naturalibus ad opera naturalia concurrere solo concursu generali. Illud præterea meminisse oportet, ex sententia Divi Thomæ formam contritionis esse caritatem supernaturalem & gratiam, a qua dolor de peccatis meritorius est vitæ æternæ, & a qua idem dolor efficienter emanat: eoque caritatis influxu efficitur supernaturalis, non vero per aliud auxilium supernaturale prævium. Id quod aperte docet, tum prima secundæ q. 113 art. 8 & alias sæpe, tum etiam in quarto art. 1 citato, quasiuncula 3: Atque inde tertia illa quasiuncula in corpore, & in responsionibus ad argumenta vult: ideo actum attritionis, hoc est, dolorem de peccatis sine caritate supernaturali & gratia, fieri non posse contritionem, ita ut idem actus numero uno tempore sit attritio, & alio sequenti contritio, quia per adventum caritatis supernaturalis, qua informat & efficitur contritio, sortitur novam speciem actus distinctam a præcedente: eo quod præcedens actus attritionis esset naturalis, adveniente autem caritate, & influente cum libero arbitrio in illum, efficitur actus supernaturalis qui contritio dicitur: actus autem naturalis & supernaturalis esse nequeunt ejusdem speciei, & proinde nec idem numero. Atque hoc plane est quod docet aperte in responsione ad tertium ejusdem quasiunculæ: ubi actum a libero arbitrio cum solo concursu Dei generali profectum, atque adeo naturalem, appellat attritionem; adveniente autem caritate supernaturali & gratia, actum supernaturalem, qui (conante eodem modo ex parte sua libero arbitrio) resultat, appellat contritionem, affirmatque esse speciem distinctam a præcedente: eo quod supernaturalis sit ex concursu influxuve caritatis in illum in genere causæ efficientis. Qua in questione, si recte res expendatur, fere nunquam distinguit attritionem a contritione, quod contritio sit dolor de peccatis ex amore Dei, & attritio ex timore; sed ex eo, quod unus actus sit naturalis, alius vero supernaturalis ex influxu caritatis supernaturalis. Juxta quem loquendi modum Canus dolorem de peccatis propter Deum, ex solo amore naturali profectum, appellat attritionem. Unde

in secundo argumento sed contra, ejusdem quasiunculæ tertiæ in confirmationem opinionis, quam in corpore quasiunculæ amplectitur, argumentatur Divus Thomas in hunc modum: Naturalia non sunt gratuita: sed naturale dicitur quod est ante gratiam, & sic attritio inter naturalia computatur: ergo non potest fieri contritio, cum sit gratuitum bonum. Dixi, Divum Thomam in ea questione 2 fere nunquam distinguere attritionem a contritione, quod contritio sit dolor de peccatis ex amore Dei, & attritio ex timore: quoniam in primo argumento sed contra ejusdem quasiunculæ 3 citatæ meminit etiam illius speciei attritionis, quæ ex timore servili proficitur: argumentatur enim in hunc modum: Quorum principia sunt diversa omnino, eorum non potest fieri unum, id quod est alterum: sed attritionis principium est timor servilis, contritionis autem timor filialis: ergo attritio fieri non potest contritio. In eadem dist. & q. art. 2 quasiuncula 6 in corpore hæc verba scribit D. Thomas. Ad sextam questionem dicendum, quod contritio potest dupliciter considerari, scilicet quantum ad sui principium, & quantum ad terminum: dico principium contritionis, cogitationem qua quis cogitat de peccato & dolet, & si non dolore contritionis, saltem dolore attritionis: terminus autem contritionis est, quando dolor ille jam gratia informatur. Hactenus D. Thomas. Ex quibus omnibus luce clarius est manifestum, D. Thomam eo loco cum communi aliorum doctorum sententia consentire. Nec tertia parte quicquam scripsit, quod huic doctrinæ refragetur.

Eandem sententiam innuit D. Bonaventura in 4 d. 17 art. 2 q. 3. Eandem quoque innuit Vega super Concilium Trid. lib. 6 c. 33, dum affirmat, esse sæpe in hæreticis, & aliis infidelibus actum, quo in genere volunt Deo in omnibus placere, in nulloque displicere, atque eodem hoc ipsum statuunt in posterum præstare: eo tamen actu, ait, eos in gratia non reponi; eo quod non excusentur per ignorantiam a culpa lethali suorum errorum. Quare proculdubio censet, viribus naturæ esse posse actum, quo quis in genere doleat de peccatis, quæ in Deum commisit, & quo in genere statuat, eum amplius lethaliter non offendere: imo vero quo quasi habitualiter simul

simul paratus sit relinquere peccatum & errorem, in quo ob ignorantiam, quam tamen vincere valeat, perisistit; modo ei constaret id peccatum esse, Deoque displicere. Idem prorsus docet Victoria in relect. de potest. Ecclési. q. 2. n. 9. de contritione disserens.

Denique neminem hactenus me legisse memini, ex doctoribus Soto & Cano antiquioribus, qui huic communi opinioni adversetur, modo Majorem in quarto d. 14. q. 1. excipias, qui ex eo capite anceps est, an contritio sine speciali auxilio Dei elici valeat, quod cum Gregorio Ariminensi in eam partem propendeat, quæ astruit, actum moraliter bonum elici non posse absque speciali auxilio Dei; contritio autem, quæ dispositio ultima est ad gratiam, esse debeat actus moraliter bonus. At forte neque Major, neque Gregorius, neque Capreolus negabunt, elici posse quoad substantiam actus, dummodo aliqua careat circumstantia necessaria, ut sit actus bonus moralis. In eo tamen nonnulli ex doctoribus citatis, qui communem hanc doctorum sententiam affirmant, vehementer errant, meritoque ab aliis reprehenduntur, quod credant, dolorem ex solis naturalibus elicitorum sufficientem esse dispositionem ad gratiæ infusionem: cum tamen contrarium colligatur ex scripturis sanctis, definitumque sit in Concilio Trid. sess. 6 cap. 5 & can. 3.

Ratio vero, quæ communi doctorum sententiæ patrocinator, hæc est. Quia, præexistente maxime lumine fidei, quo agnoscimus Deum conditorem nostrum, innumeraque & maxima beneficia, tum naturæ, tum gratiæ, quæ in nos contulit usque ad proprii sanguinis in cruce effusionem, quo insuper cognoscimus iustis sempiternam felicitatem, impiis vero ignem sempiternum, extremamque miseriam esse propositam; lethale autem peccatum tam extremum esse malum, adeoque divinam maiestatem offendere, sit vel unum sit satis, ut qui illud commiserit, nisi de eo doleat, statuatque nihil tale deinceps committere, supremam amittat felicitatem in extremamque incidat miseriam; proculdubio tam potens est hæc cogitatio ad excitandam & permovendam voluntatem, ut liberum arbitrium ejus qui hæc sibi persuaserit, atque proprio acumine, aut alterius suggestionem & horratu rem attente consideraverit, cum solo concursu generali Dei elicere

valeat, intuitu quidem extremorum malorum, in quæ alias incidit, dolorem seu detestationem suorum scelerum cum proposito cavendi in posterum omnia peccata lethalia, in quo consistit attritio quoad substantiam actus; intuitu vero bonitatis ac beneficiorum Dei, similem detestationem ac propositum, in quibus posita est ratio contritionis, quoad substantiam actus, insufficientis ad salutem; eo quod peculiari impulsu Spiritus sancti excitata non sit, nec effecta. Et iis etiam quæ mox addemus, corroborabitur hæc complurium scholasticorum sententia.

Contraria sententia, ejusque fundamenta explicantur.

MEMBRUM II.

Non desunt hisce temporibus, qui periculosam, quin & errori proximam celestem hanc scholasticorum sententiam arbitrentur, etiam si sermo esset de viro Catholico, qui in eo esset lethali peccato, quod neque fidei, neque spei adversaretur, de quo sermo est in ratione proxime confecta. Ad hoc asserendum sequenti innituntur fundamenta.

Propositum in genere non peccandi deinceps lethaliter, quod ad rationem attritionis aut contritionis quoad substantiam actus requiritur, esse debet propositum efficax, quod plane inter opera difficilia computari debet: homo autem in statu naturæ lapsæ nihil difficile sine speciali auxilio Dei potest efficere: quare licet ad propositum inefficax satis sit concursus Dei generalis, ad efficax tamen omnino est necessarium auxilium Dei particulare.

Arbitrantur vero Sotum hujus esse sententiæ, eo quod primo de natura & gratia cap. 22 dicat; sicut Adam in statu innocentium cum solo concursu Dei generali poterat diu implere omnia præcepta: ita cum eodem solo concursu potuisse unico actu se & omnia sua vere referre in Deum: de homine vero naturæ lapsæ subjungat; sicut cum solo concursu generali Dei non potest diu servare omnia præcepta, quin aliquid transgrediat, ita neque cum eodem concursu posse unico actu mentis vere referre se in Deum: quippe cum sine speciali auxilio Dei non possit non incidere in lethalem culpam, quæ contra Dei sit amicitiam. Idem inferius re-

petit, nos videlicet cum eodem concursu non posse legitimè referre omnia in Deum.

*Bartholomæus Medina
sententia.
Efficax
dilectio natu-
ræ Dei
super omnia
exigit ob-
servatio-
nem man-
datorum
omnium na-
turalium.*

Bartholomæus Medina ad art. tertium quæstionis 109 primæ secundæ D. Thomæ videtur esse in hac sententia. In primis namque, cum Divus Thomas eo articulo doceat, hominem in statu naturæ integræ non indiguissè auxilio peculiari ad diligendum Deum naturaliter super omnia, hominem vero in statu naturæ lapsæ eo ad id egere, Bartholomæus Medina merito interpretatur Divum Thomam, ut intelligatur de dilectione, quæ includit observationem omnium mandatorum, quæ ad legem naturalem, finemque hominis naturalem spectant; idque non ad breve aliquod tempus, sed ad longum, per totamque periodum viæ a puncto quo quisque diligere incipit. Haud enim secus de dilectione naturali Dei super omnia loquendum est, quam de supernaturali: juxta morem autem loquendi scripturarum sanctarum, ea est supernaturalis dilectio Dei super omnia ad vitam æternam consequendam necessaria, quæ includit observationem mandatorum omnium usque ad finem viæ. Id quod satis constat ex illo Joannis 14: qui habet mandata mea & servat ea, illi est qui diligit me: qui autem diligit me, diligitur a Patre meo, & ego diligam eum, & manifestabo ei me ipsum. Et infra, Si quis diligit me, sermonem meum servabit. Ad Romanos 13, Qui diligit proximum, legem implevit. Et commemoratis mandatis, quæ ad proximi dilectionem spectant, addit: Et si quod est aliud mandatum in hoc verbo instauratur, Diliges proximum tuum sicut te ipsum. Et concludit: Plenitudo ergo legis est dilectio. 1 Joannis 2: Qui dicit se nosse Deum, & mandata ejus non custodit, mendax est, & in hoc veritas non est: qui autem servat verbum ejus, in hoc caritas Dei perfecta est. Et cap. 5: In hoc cognoscemus quoniam diligimus natos Dei, cum Deum diligamus, & mandata ejus faciamus: hæc est enim caritas Dei, ut mandata ejus custodiamus. Eodem modo interpretatur D. Thom. Cajetanus (tamen subobscure) ad eundem articulum, Sotus de natura & gratia locis citatis, & alii discipuli Divi Thomæ. Ac sane eam esse mentem Divi Thomæ eo loco, constat ex ratione, quam reddit, cur homo in statu naturæ lapsæ diligere nequeat naturali dilectione Deum super omnia absque

speciali auxilio Dei, ut poterat in statu naturæ integræ. Quoniam, inquit, deficit ab illa dilectione secundum appetitum voluntatis rationalis, quæ, propter corruptionem naturæ, sequitur bonum privatum, nisi sanetur per gratiam: voluntatem autem sequi bonum privatum contra legem Dei affirmat D. Thomas esse, non diligere Deum super omnia ea dilectione, quæ observationem mandatorum Dei naturalium includit. Cum vero constet voluntatem, quoties bonum privatum contra legem Dei sequitur, libere illud eligere, eaque ratione peccare dum a dilectione Dei super omnia desistit, integrumque illi suæ naturæ relicto esse, non eligere quodcumque privatum bonum in particulari sibi oblatum; sane Divus Thomas loquitur de dilectione naturali Dei super omnia, quæ includit observationem mandatorum Dei, non in uno aut altero temporis momento, sed ad longum tempus, ut prædicti doctores eum interpretantur.

Deinde Bartholomæus Medina, arbitrans se consentaneè loqui ad hanc doctrinam D. Thomæ, distinguit loco citato duplicem actum dilectionis Dei. Unum quo quis velit Deo placere in omnibus & super omnia voluntate inefficaci & imbecilla, quæ appellari consuevit velleitas, & explicatur his verbis, Vellem in omnibus & super omnia Deo placere. Alterum vero, quo quis vult Deo placere in omnibus & super omnia voluntate absoluta & efficaci, quæ proinde conjunctam habet impletionem omnium mandatorum. Prætermissa vero dilectione Dei supernaturali, quam constat viribus solis naturæ sine concursu Dei speciali elici non posse, de dilectione Dei naturali, quod attinet ad actus substantiam, affirmare videtur, priorem quidem actum voluntatis, qui solum est quædam velleitas placendi Deo in omnibus & super omnia, servandique proinde mandata omnia naturalia, elici posse viribus naturæ sine concursu speciali Dei: posteriore vero, qui voluntas est absoluta & efficax servandi omnia mandata, elici nulla ratione posse absque speciali Dei auxilio. Cum vero contritio, & attritio, quoad actus substantiam, includant propositum seu voluntatem servandi in posterum omnia mandata; neque sufficiat propositum illud esse velleitatem quandam, sed necessaria sit voluntas deter-
minata

minata & absoluta, qua peccator omnino statuatur non peccare deinceps lethaliter; negari profecto non potest, Bartholomæum Medinam in ea fuisse sententia. Quin ex dictis videtur constare, non minus periculosum, errorique proximum esse, asserere contritionem aut attritionem elici posse quoad actus substantiam absque speciali auxilio Dei, quam asserere, voluntatem naturalem absolutam & efficacem placendi Deo in omnibus & super omnia elici posse ex solis viribus naturæ absque speciali auxilio Dei.

In confirmationem ejusdem sententiæ adducitur definitio illa Concilii Trid. sess. 14 cap. 4, quæ ita habet: Illam vero contritionem aut attritionem esse, quæ attritio dicitur, quoniam vel ex turpitudinis peccati consideratione, vel ex gehennæ & poenarum metu communiter concipitur, si voluntatem peccandi excludat, cum spe veniæ, declarat, non solum non facere hominem hypocritam & magis peccatorem, verum etiam donum Dei esse, & Spiritus sancti impulsus, non adhuc quidem inhabitantis, sed tantum moventis, quo penitens adjutus viam sibi ad iustitiam parat: & quamvis sine sacramento poenitentiae per se ad justificationem perducere peccatorem nequeat, tamen eum ad Dei gratiam in sacramento poenitentiae impetrandam disponit. Hoc enim timore utiliter concussit Ninivita, ad Jonæ prædicationem plenam terroribus poenitentiam egerunt, & misericordiam a Domino impetraverunt. Quamobrem falso quidam calumniantur Catholicos scriptores, quasi tradiderint sacramentum poenitentiae, absque bono motu suscipientium, gratiam conferre: quod nunquam Ecclesia Dei docuit, nec sensit: sed & falso docent, contritionem esse extortam & coactam, non liberam & voluntariam. Hæc Concilium. Ex quibus hoc possumus concludere argumentum. Concilium definit attritionem, quæ ex consideratione turpitudinis peccatorum, vel ex gehennæ poenarum metu communiter concipitur, si voluntatem peccandi excludat, esse donum Dei, & Spiritus sancti impulsus: ergo censet voluntatem, ac propositum deinceps non peccandi, nulla ratione posse esse, etiam quoad substantiam actus, nisi ex impulsu & auxilio particulari Spiritus sancti.

Inter dilectionem Dei efficacem, & velleitatem, concedendam esse dilectionem absolutam inefficacem.

MEMBRUM III.

Illud in primis ponendum est, juxta doctrinam D. Thomæ membro præcedente relatam, literisque sacris valde consentaneam, quam doctores communiter amplectuntur, efficacem dilectionem Dei super omnia habere conjunctam observationem eorum mandatorum, quorum violatio cum Dei caritate pugnat. Hanc vero duplicem esse, unam, quæ dicitur efficax Dei dilectio super omnia per comparisonem ad finem supernaturalem, ac proinde includit observationem mandatorum qualis ad finem supernaturalem exigitur, utpote quæ actus fidei, spei, & caritatis supernaturalis includat; atque omnium, tam affirmantium, quam negantium præceptorum legis naturalis transgressionem excludat, pro tempore & loco, quo sub lethali culpa obligant. Atque de hac observatione mandatorum dixit Christus Matth. 19: Si vis ad vitam ingredi, serva mandata. Et Joannis 14: Qui habet mandata mea & servat ea, ille est, qui diligit me. De ea denique dilectione intelligenda sunt cætera scripturæ testimonia membro præcedente relata. Alteram vero esse, quæ efficax Dei dilectio dicitur per comparisonem ad finem tantum naturalem, solumque exigit notitiam Dei naturalem, & observationem pro loco & tempore eorum præceptorum legis mere naturalis, quæ obligant sub culpa lethali.

Ponendum deinde est, primos parentes in statu innocentie spectatos cum iustitia originali præcisa a theologalibus virtutibus & cæteris donis & auxiliis supernaturalibus (quo pacto in calce disputationis tertiæ dictum est, sanari solum ab ea defectus naturæ humanæ ingenitos, eaque ratione quodammodo inter hominis naturalia computari) potuisse cum solo concursu Dei generali servare ad longum tempus legem totam naturalem, ac proinde diligere Deum super omnia efficaci dilectione naturali, ut disputatione quarta ostensum est. Atque hoc est quod Divus Thomas articulo tertio citato docuit. Ad hæc, potuisse per dona supernaturalia fidei, spei, & caritatis eisdem insuper collata, servare absque alio speciali auxilio Dei mandata

Dilectio Dei efficax quæ duplex.

Homines status innocentia solo concursu generali potuerunt efficaciter diligere Deum naturalia & supernaturalia dilectione.

data

Adducitur Concil. Trid. sess. 14. cap. 4.

*Homines
naturæ
lapse nec
naturali
dilectione
posse effi-
caciter
Deum super
omnia abri-
que speciali
auxilio Dei
etiam sine
gratia suis
constituti.*

data omnia prout ad finem supernaturalem ea servari necesse est, atque adeo potuisse diligere Deum super omnia efficaci dilectione per comparationem ad eundem finem: id quod etiam disputatione quarta ostensum fuit. At vero homines naturæ lapsæ sine speciali auxilio Dei servare diu non posse totam legem naturalem, quæ sub culpa lethali obligat, ac proinde nec posse diligere Deum efficaci dilectione naturali, absque eodem speciali auxilio: id quod & Divus Thomas articulo 3 citato docuit, & inferius suo loco ostendetur ad fidei dogmata pertinere. Quin illud addendum est, homines naturæ lapsæ, neque postquam in gratia gratum faciente sunt constituti, posse absque speciali auxilio Dei servare diu totam legem, etiam naturalem sub lethali culpa obligantem, ac proinde, ut Deum diligant super omnia ea efficaci dilectione de qua loquimur, ultra gratiam gratum facientem, donumve justificationis, indigere peculiari Dei auxilio, quo a lethali-
bus peccatis præserventur, ut suo loco est ostendendum, aperteque colligitur ex illa Ecclesiæ definitione in Concilio Tridentino sess. 6 canone 22: Si quis dixerit justificatum, vel sine speciali auxilio Dei in accepta iustitia (atque adeo sine lethali peccato) perseverare posse, aut cum eo non posse, anathema sit.

*Auxilium
particulare,
quo homines
naturæ
lapse indi-
get ut effi-
caciter
Deum dili-
gat super
omnia, di-
ceretur ab
eo quo iusti-
ficatur.*

Ponendum est tertio, auxilium particulare, quo homines naturæ lapsæ indigent ut Deum efficaciter super omnia diligant, vel per comparationem ad solum finem naturalem servando legem totam mere naturalem quæ sub culpa lethali obligat, vel etiam per comparationem ad finem supernaturalem servando eandem legem ex gratia & insuper præcepta supernaturalia, esse longe diversum ab auxilio quo iustificatur ac reponuntur in gratia; quod in re de qua disputamus, magnopere est attendendum. Etenim cum de fide sit, justificatum sine auxilio Dei superaddito perseverare non posse in accepta iustitia, atque adeo servare non posse legem totam, quæ sub lethali peccato obligat; aperte constat, ut mandata servet, Deumque proinde efficaciter diligit, præter iustitiam ipsam, gratiamve gratum facientem, & auxilia quibus ad eam pervenit, indigere novo auxilio superaddito. Cujus rei hæc est ratio. Quoniam auxilia gratiæ prævenientis, excitantis ac

cooperantis ad justificationem, ea peracta, cessant: quamvis autem habitus caritatis & gratiæ ad bonum inclinent, amissa tamen iustitia originali, dissolutaque parte inferiori per peccatum, tanta mansit infirmitas in natura humana ad legem totam implendam, & tam parva est illa inclinatio habitus caritatis & gratiæ comparatione virum, quibus ad id natura nostra indiget, ut nisi sepius, pro ratione tot occasionum occurrence, quotidiano peculiarique auxilio Deus subveniat, nunc removendo tentationes & occasiones, nunc comprimendo hostem, nunc aliis variis modis vires suppeditando, præ sua debilitate, si non in uno, certe in alio, aut alijs eventibus tandem succumbat, ac misere in peccatum, libere tamen, prolabatur.

Unde Celestinus primus sua prima epistola decretali cap. 6 ait, Neminem, etiam baptisnatis gratia renovatum, idoneum esse ad superandas diaboli insidias, & ad vincendas carnis concupiscentias, nisi per quotidianum adiutorium Dei perseverantiam bonæ conversationis acceperit. Innocentius etiam primus in epistola ad Concil. Carthaginense, & in epist. ad Concil. Milevitanum, quæ sunt 25 & 26 inter suas decretales, idem auxilium quotidianum appellat: constat autem ejusmodi quotidianum auxilium longe diversum esse ab auxilio quo homo ad iustitiam perducitur atque in gratia reponitur. Jam vero si adultus justificatus quotidiano auxilio indiget, ut naturalem legem impleat, Deumque efficaciter diligit, quanto magis eo ad id ipsum indigebitis, qui nondum fuerit in gratia constitutus!

Quarto ponendum est, cum efficax Dei dilectio, de qua loquimur, siue sit per comparationem ad finem supernaturalem, siue ad solum naturalem, includat mandatorum observationem, non esse positam in solo simplici actu, quo quis ex Dei affectu & amore statuat ea omnia servare, sed pendere saltem tanquam a conditione sine qua actus ille non fortietur rationem dilectionis efficaciæ Dei super omnia, ab actuali observatione mandatorum, impletioneve ejus, quod eo actu, propositove, statutum est. Porro ejusmodi impletio ex duobus simul pendet capitibus, nempe ex eo, quod libero arbitrio ejus, qui id statuerit, vires adfint sufficientes, & quod pro sua innata libertate ita cooperetur, ut opere impleat

impleat quod statuit. Quia ergo in primis parentibus in innocentie statu per habitualia dona justitiæ originalis ad virtutum theologialium, quæ acceperunt, erant vires sufficientes absque alio Dei particulari auxilio ad diu servanda mandata omnia per comparationem ad utrumque finem; sane quemadmodum perseverantia in bono a solo eorum libero arbitrio, positis tamen illis donis, fuit dependens, ita quod Dei dilectionem redderent efficacem per comparationem ad utrumque finem, ab eodem solo arbitrio similiter dependebat. Quia vero amissa justitia originali, dissolutaque parte inferiori per peccatum, non manserunt vires in hominibus naturæ lapsæ ad diu servandum, vel sola præcepta legis naturalis, quæ sub culpa lethali obligant; inde est, quod sicut perseverantia eorum in bono, etiam naturali, pendet simul a libera ipsorum cooperatione, & a quotidiano particulari Dei auxilio, estque proinde illa Dei donum: sicut etiam reddere efficacem, vel solam dilectionem Dei super omnia naturalem, vel etiam supernaturalem, postquam justificationis donum fuerint assecuti, pendens simul sit a libera ipsorum cooperatione, & a quotidiano particulari auxilio divino.

Ex his jam facile intelligitur, præter velleitatem, qua quis ex dilectionis & amoris affectu vellet fervare mandata omnia, simpliciter tamen & absolute id non vult, & præter voluntatem absolutam & efficacem, qua ex eodem affectu idem vult atque opere compler, concedendam esse voluntatem absolutam & inefficacem, qua ex eodem affectu absolute idem vult, sed opere postea non complet: neque solum concedendam eam esse mere naturalem, & quoad solam actus substantiam, sed etiam supernaturalem, quæ ad justificationem adulti sit sufficiens, imo etiam quæ in jam justificato meritoria sit incrementi gratiæ ac vite æternæ. Etenim ostensum est, unum & eundem actum dilectionis Dei super omnia, propositumve ex amoris affectu servandi in posterum mandata omnia, esse posse indifferenter dilectionem Dei efficacem, aut inefficacem, prout postea pro libertate ejus, qui id proposuit, adjuvan- teque quotidiano Dei auxilio fuerit subsecuta, aut subsecuta non fuerit excurio legis, a qua pendet, tanquam a conditione sine qua non, quod propositum illud sit efficax aut inefficax.

MOLINA.

Dei dilectio, ac proinde comparatione cujus sumitur distinctio illa absoluta dilectionis Dei super omnia inefficacem, & efficacem, & non ex modo & qualitate actus, quo a principio elicitor.

Possimus vero hoc confirmare primo. Quoniam negari non potest, primos parentes antequam in peccatum corruerint, dilexisse Deum super omnia dilectione absoluta, statuisseque fervare, tum alia præcepta, tum illud positivum, Ne comederent de ligno scientiæ boni & mali, quod Deus sub interitus comminatione Genesim secundo illis imposuerat; id quod responsum mulieris Genesim tertio ad serpentem satis aperte indicat: at vero dilectio illa efficax non fuit; quandoquidem transgressione præcepti in lethale peccatum corruerunt: ergo datur dilectio Dei supernaturalis absoluta, & inefficax ad servandum præcepta; inefficacia proveniente ex sola libertate primorum parentum, qui cum vires acceperint, quibus absque alio speciali Dei auxilio efficacem eam efficere possent, pro sua tantum libertate, præceptum transgrediendo, inefficacem reddiderunt. Quod si supernaturalis absoluta Dei dilectio super omnia esse potuit, reque ipsa inefficax fuit in primis parentibus; multo magis potuit esse dilectio naturalis: quippe cum supernaturalia gratiæ dona, quæ illam ad esse supernaturale exegerunt, non tribuerunt ei inefficaciam, sed sola arbitrii libertas in primorum parentum potestate constituta. Potestque id corroborari, quoniam si primi parentes cum sola justitia originali fuissent conditi, neque acceperint habitus gratiæ & virtutum theologiarum ante peccatum, eadem prorsus dilectio quoad actus substantiam esse posset, idemque peccatum quæ re ipsa fuerunt, fuissetque proinde tunc dilectio naturalis Dei super omnia absoluta & inefficax.

Secundo. Quoniam in statu naturæ lapsæ quotquot adulti cum contritionis actu justificantur, diligunt Deum super omnia dilectione absoluta, ut ii ipsi, cum quibus disputamus, concedunt & affirmant: sed dilectio illa quam sæpissime est inefficax, corruentibus hominibus ita justificatis in lethale peccatum, nec implentibus quod affectu supernaturalis dilectionis tempore justificationis statuerunt: ergo datur in statu naturæ lapsæ

G

super-

Voluntas
absoluta
media inter
vellemus,
& dilectio-
nem effica-
cem proba-
tur.

supernaturalis dilectio Dei super omnia absoluta & inefficax; inefficacia proveniente ex sola libertate justificati: eo quod præsto sit Deus conferre illi quotidianum particulare auxilium, quod sufficiens sit, ut si justificatus ipse velit, in gratia & observatione mandatorum perleveret, ac proinde efficax sit ea dilectio. Quod si absoluta supernaturalis dilectio reddi potest inefficax in statu naturæ lapsæ, multo magis reddi poterit absoluta naturalis dilectio: quandoquidem, quod supernaturalis dilectio inefficax reddatur, non provenit ex supernaturalibus auxiliis quibus supernaturalis est effecta, sed ex libertate justificati, ut de dilectione elicita in statu naturæ integræ paulo antea dicebamus.

Tertio. Quoniam D. Petrus quando Matth. 26 dixit, Etsi omnes scandalizati fuerint in te, ego nunquam scandalizabor. Etsi oportuerit me mori tecum, non te negabo. Et Lucæ 22: Tecum paratus sum in carcerem & in mortem ire: profecto dilectionem habuit absolutam Christi & Dei super omnia, eaque promeruit: sed illa fuit inefficax; quandoquidem orta tentatione, imminenteque jam periculo succubuit, transgressusque est legem Dei: ergo datur actus dilectionis Dei super omnia absolutus & inefficax ad servandum postea præcepta, libertate ac culpa ejus qui succumbit. Neque enim negandum est Deum tunc præsto fuisse B. Petro cum tanto auxilio, quanto ne succumberet, si vellet, indigebat.

Duo quædam colligere licet ex dictis toto hoc membro. Primum est, immerito ex doctrina D. Thomæ art. 3 citato, adversus eundem in 4 loco membro 1 citato, communemque scholasticorum sententiam inferri, elici non posse solis viribus naturalibus arbitrii nostri, & concursu generali Dei actum absolutum mere naturalem dilectionis Dei super omnia, qui ad justificationem nequaquam sufficiat, & pari ratione propositum absolutum servandi in genere præcepta omnia, præsertim quando occasiones & difficultates omnes absumt, quod ad attritionem & contritionem quoad substantiam actus sit sufficiens. Etenim D. Thomas in eo articulo solum constituit discrimen inter hominem naturæ integræ & lapsæ, quod homo naturæ integræ ea dilectione naturali, quæ includit observationem in futurum mandatorum

omnium naturalium, poterat absque auxilio Dei speciali diligere Deum super omnia: eo quod dono justitiæ originalis coercente partem inferiorem, auferenteque laborem omnem & molestiam in operando consone ad rectam rationem, nullum impedimentum haberet ad omnem mandatorum viam percurrendam, idque opere implendum, quod semel absolute ea de re secum statueret: homo vero naturæ lapsæ eodem genere dilectionis non possit Deum absque speciali auxilio super omnia diligere, eo quod ob partis sentientis rebellionem, corporisque corruptibilitatem, defatigationem, ac molestiam, multa & varia impedimenta, difficultatesque maximas debeat superare, ut opere id compleat, quod secum ea in parte statuerit; quæ omnia simul sine quotidiano speciali Dei auxilio non potest ita superare, quin in uno, aut alio eventu, ex tam multiplicibus & frequentibus, sequatur bonum particulare contra legem Dei, tamen possit singula superare divisim. Itaque ex D. Thomæ & communi scholasticorum sententia, difficultas in diligendo Deo super omnia ea naturali dilectione, quæ includit observationem mandatorum omnium, non est in eliciendo a principio absoluto ac nudo proposito servandi omnia mandata, præsertim quando nullum bellum, nulla difficultas, nullaque peccandi occasio sese offert, sed difficultas tota est implendo postea quod ita a principio fuerit constitutum; eaque de causa ad hoc secundum affirmant nos indigere quotidiano particulari Dei auxilio, non vero ad illud primum.

Secundum est, liberum nostrum arbitrium per peccatum primi parentis mansisse adeo inclinatum & attenuatum ad dilectionem Dei naturalem, quæ includit impletionem naturalium omnium mandatorum, ut nequaquam eam absque speciali Dei auxilio possit habere: cum tamen homo in statu naturæ integræ ex suis viribus naturalibus cum solo concursu generali Dei potuerit eam habere. Ex communi tamen scholasticorum sententia non mansit arbitrium nostrum ita per peccatum inclinatum atque extenuatum, quin homo naturæ lapsæ possit suis viribus elicere nudum absolutumque actum placendi Deo in omnibus, servandique mandata omnia naturalia obligantia sub culpa lethali: tamen & hunc, & quemcumque alium virtutis

*D. Petri
dilectio
absoluta,
sed ineffi-
cax.*

virtutis moralis, multo facilius, & promptius
pouneri elicere homo naturæ integræ, quam
modo possit homo naturæ corruptæ.

*Quam dilectionem contritio includat, & quid
ad propositam questionem sit dicendum.*

MEMBRUM IV.

EX dictis membro precedente facile intelli-
getur, contritionem, non solum mere
naturalem & quoad solam actus substantiam,
sed etiam supernaturalem qualis ad iustifica-
tionem sine sacramento requiritur, nec in-
cludere nec exigere dilectionem Dei super
omnia efficacem, hoc est, quam mandato-
rum observatio re ipsa consequatur, sed satis
ad eam esse absolutam dilectionem Dei super
omnia, absolutumve propositum servandi
in posterum mandata, siue ea dilectio efficax
postea mandatorum observatio, siue in-
efficax alicujus transgressione reddatur: esse-
que hoc adeo certum, ut contrarium plus-
quam periculosum in fide sit censendum. Ut
enim membro precedente retulimus, in
Concil. Tridentino sess. 6 can. 22 scriptum
legimus: Si quis dixerit, iustificatum posse
sine speciali auxilio Dei perseverare in
accepta iustitia, anathema sit. Quibus verbis
de iustificato, nullo excepto, atque adeo de
quocunque supernaturaliter contrito, ac
proinde diligente Deum supernaturaliter,
habenteque propositum servandi mandata &
non peccandi lethaliter, definitur, nihil
horum esse efficax in se, ac sufficiens ad ser-
vanda mandata diu & per totam vitam, & ut
se contineat a lethali peccato, quo solo iustitia
accepta amittitur, sed efficaciam talis dile-
ctionis ac propositi pendere a particulari
quotidiano auxilio insuper impendendo,
una cum cooperatione liberi arbitrii hominis
iustificati. In posteriori namque parte ejus-
dem canonis definitur, iustificatum cum
speciali auxilio Dei posse perseverare in ac-
cepta iustitia, atque adeo servare mandata,
& continere se ab omni lethali peccato, idque
hæc verbis: Si quis dixerit, iustificatum cum
speciali auxilio Dei perseverare non posse in
accepta iustitia, anathema sit. Possimus con-
firmare ad rationem contritionis, etiam
supernaturalis, sufficere dilectionem Dei
super omnia absolutam, nec requiri esse ita
efficacem ut eam consequatur mandatorum
observatio: quoniam si talis efficacia esset

necessaria, sequeretur eum omnem, qui post
dolorem de peccatis relaberetur in lethals
peccatum, non fuisse antea contritum, nec
repositum in gratia: id autem asserere, quis
dubitat errorem esse in fide?

Addendum est, neque etiam ad contritio-
nem supernaturalem necessariam esse dilecti-
onem Dei super omnia in eo sensu efficacem,
propositumve non peccandi in eo sensu effi-
cax, quod si, dum quis conteritur aut atteri-
tur, occurrerent graves quæcunque tenta-
tiones & occasiones peccandi, persisteret in
eodem proposito, minimeque succumberet.
Contrarium namque affirmat communis
Theologorum sententia, rarissimique essent,
aut potius nulli, qui veram contritionem aut
attritionem de suis peccatis haberent, si tale
propositum ad contritionem aut attritionem
esset necessarium. Ac sane qui id affirmare
vellet, angustiam nimium redderet salutis
viam, adduceretque homines in desperatio-
nem, ac non levibus scrupulis Dei Ecclesiam
perturbaret. Adde, eo dato, salutare ac tutum
consilium esse, imo necessarium, ut qui de
peccatis dolet, statuitque deinceps non pec-
care, descenderet ad particulares appretiatio-
nes proponendo sibi gravissimas tentationes
ac difficultates potius subeundas, quam
Deum offendendum, ut ea ratione tentaret
an suum propositum efficax esset, ne si ad
eum gradum efficacæ non peringeret,
putans se habere legitimum propositum,
maneret in lethali peccato, penasque in-
curreret sempiternas. At vero contrarium
docent ac suadent sancti Patres, communis-
que Theologorum sententia, nempe satis esse
propositum in genere non peccandi deinceps
lethaliter, esto Deus conspiciat, si tentationes
& occasiones graves peccandi ingruerent,
fore, ut is, qui ejusmodi propositum animo
concepit, victus succumberet, atque ab illa
priori institutione desisteret. Quin docent,
non solum non esse necessarium, sed ne ex-
pediens quidem, descendere ad ejusmodi ap-
pretiationes, idque recepta Ecclesiæ praxis
observat. Imo Divus Bonaventura in 4
distinctione 16 articulo secundo, quæstione 1
ait, periculosum esse, & stultitiam (verbum
est sancti illius doctoris) vel sibi, vel alteri
proponere ejusmodi appretiationes, quo-
niam est gravem tentationem sibi aut alteri
obicere.

Illud præterea addendum est, ad contritionem, aut attritionem, etiam supernaturalem, sufficere tale propositum non peccandi deinceps lethaliter, quod licet ex parte proponentis absolutum sit, egrediaturque proinde limites solius velleitatis, nihilominus innitatur particulari quotidiano auxilio a Deo in posterum conferendo ad id quod proponitur opere exequendum, atque adeo quod conditionale sit per comparisonem ad ejusmodi auxilium. Tale propositum his verbis exprimi consuevit: Deo adjuvante statuo me in posterum non peccaturum lethaliter, hoc est, si Deus ad id opere implendum me adjuverit: aut certus de ipsius adjutorio, nec meis solis viribus innixus, id statuo. Cum enim fidei dogma sit, sine particulari quotidiano Dei auxilio id nos implere non posse, certe ad humilitatem & prudentiam, imo & ad debitum honorem Deo exhibendum spectat, ut qui de peccatis dolet, & statuit deinceps non peccare, id auxilio & protectione divina fretus constituat; non vero suis viribus indistritaque confidens.

Illud extremo loco subiiciendum est. Quamvis, qui modo proxime explicato Dei auxilio innixus statuit abstinere deinceps a lethalibus peccatis, fragilem admodum ac infirmum se sentiret, meritoque timeret, ac suspicaretur se relapsurum in peccata, idemque confessarius suspicaretur, modo tamen occasiones proximæ non haberet, statueretque pro sua fragilitate curaturum ne relaberetur; denegandam ei non esse sacramentalem absolutionem, ut praxis Ecclesiæ habet & doctores affirmant, ac proinde propositum illud est satis ad contritionem, aut attritionem, etiam supernaturalem, quæ saltem cum sacramento ad justificationem sufficiat. Quo fit, ut propositum non peccandi lethaliter ad contritionem & attritionem, etiam supernaturalem, sufficiens, non necessario esse debeat tam efficax, eaque ratione tam difficile, ut quoad solam actus substantiam viribus arbitrii naturalibus eliciatur, quam difficile, & quam efficax esse debere aliquibus sese offert.

His ita constitutis, confirmare possumus communem scholasticorum sententiam membro primo propositam. In primis, quoniam, in absentia saltem objectorum

atque occasionum peccandi, sane non est multum difficile, quin tanquam facile sese offert, elicere quoad solam actus substantiam tale absolutum propositum non peccandi deinceps lethaliter, quale ad contritionem & attritionem ostensum est sufficere: quis namque in se ipsis experietur, si fidei lumine ante mentis oculos proponat, sibi que persuadeat, excludendum se esse a sempiterna beatitudine, innumerisque aliis malis circumventum undique, sempiterno igne esse cruciandum, nisi statuat non peccare deinceps lethaliter, in facultate sui arbitrii cum solo concursu Dei generali esse, elicere in genere absolutum propositum non peccandi ulterius lethaliter, ut tantum malum efugiat. Est namque cunctis naturale, propositis duabus molestiis subeundis, saltem in utriusque absentia, eligere potius mihiorem, eamque statueret potius subire, ut majorem evitet. Quo fit, ut saltem qui fidei lumine fuerit illustratus, cum solo concursu Dei generali elicere quoad solam actus substantiam possit propositum, de quo disputamus.

Secundo. Quoniam propositum ejusmodi est extra totam latitudinem ordinis gratiæ, nihil proinde conduens ad finem supernaturalem, estque unicus actus in se mere naturalis, propriusque libero arbitrio: quare lumen ipsum naturale intellectus, moralisque ac naturalis philosophia docent, denegari non debere viribus naturalibus humani arbitrii, Deo cooperante solum tanquam causa universali per generalem solum concursum eo pacto, quo cum reliquis causis cooperatur. Ac sane ei, qui id negat, probare incumbit contrarium, quod non prius erit admittendum, quam legitimis fuerit rationibus comprobatum. Nec apparet, quod emolumentum ex eo sequatur, quod naturales vires humani arbitrii usque adeo extenuentur, ut hic, & similes actus naturales ac simplices, ab eo fieri posse negentur absque speciali auxilio Dei.

Tertio. Quoniam non minus difficile est assentiri mysterio Trinitatis, incarnationis, Eucharistiæ, & cæteris revelatis, quæ lumen naturale transcendunt, quam in absentia objectionum & occasionum omnium statuere, continere se ab omni lethali peccato: sed illud primum potest homo quoad actus substantiam

substantiam absque speciali auxilio, non quidem assensu Christiano, sed mere naturali, ut disputatione septima ostensum est: ergo, eo præsertim intuitu, ut pœnas æternas evadat, sempiternamque consequatur felicitatem, & Deo, cui tot rationibus est devinctus, obsequatur, poterit hoc secundum, quod rationi luminique naturalis est adeo consentaneum.

Quarto. Experientia compertum est, sæpe aliquos accedere ad confessionem cum voluntate perseverandi in uno aliquo peccato, sive illud sit concubinatus, sive odium, propositumve vindictæ, sive voluntas non resistendi alienum, aut quodvis aliud, attamen cum proposito vitandi simul cetera omnia lethalia peccata: sed nemo dixerit, propositum vitandi cetera peccata, præter illud unum, esse elicitum ex auxilio particulari Dei; quandoquidem non est integrum propositum abstinendi a lethalibus, adjunctumque habet propositum perseverandi in uno: cum ergo abstinere ab illo uno peccato, si cum devotione cæterorum omnium conjungatur, non multum addat difficultatis, præsertim quia si illud unum sit, verbi gratia, voluntas vindictæ, aut retinendi alienum, vel quodvis aliud, antequam in illud homo laboretur, nullam ejusmodi difficultatem in proposito declinandi omnia in genere pateatur; consequens profecto est, ut si quis viribus naturalibus statuere possit abstinere a reliquis, præter unum, possit etiam statuere eadem fere facilitate ab omnibus in genere in posito abstinere.

Sane negari non potest, quæ hoc membro & præcedente, atque etiam primo dicta sunt, hanc scholasticorum sententiam utcumque probabilem reddere. Utrum autem contraria, quæ hodie in scholis apud varias oïbis provincias communis assensit, sit nihilominus potius amplectenda, & ex quo capite, jactis prius necessariis ad id fundamentis, dicetur commodius inferius, cum examinabitur, an in humano arbitrio cum solo concursu generali, sint sufficientes vires naturales ad quamcunque gravem tentationem, ac difficultatem in quocunque temporis momento superandam. Interim videamus quonam pacto exposita scholasticorum sententia defendi possit.

Diluuntur objecta adversus communem scholasticorum sententiam.

MEMBRUM V.

Quod attinet ad fundamentum, cui contraria sententia innititur, satis ostensum est ad contritionem & attritionem, etiam supernaturalem, sufficere propositum absolutum in genere non peccandi lethaliter, neque requiri ut sit efficax, conjunctamque proinde habeat observationem mandatorum, ad quam indiget homo naturæ lapsæ quodidiano particulari Dei auxilio.

Quod ad Sotum attinet, certissimum est illum de numero eorum esse, qui explicatam scholasticorum sententiam sequuntur, ut apertissime constat ex 2 de natura & gratia, & 4 sententiarum locis citatis. Primo vero de natura & gratia hoc solum illis verbis citatis intendit: Hominem in statu naturæ lapsæ cum solo concursu generali Dei non posse habere actum, quo statuatur diligere Deum super omnia servando omnia mandata, ad hunc sensum verum ac legitimum, quod re ipsa postea omnia adimpleat, ut cuique Sotum legenti manifestum erit: hoc autem nihil ad rem de qua modo disputamus; cum ostensum sit, ad veram contritionem non esse necesse ejusmodi propositum quo opere postea impleatur, quod proponitur: id enim esset error in fide. Præterea, quæ Sotus eo loco docet, lima indigent. Etenim homo naturæ integræ, quemadmodum sola iustitia originali, & viribus naturalibus liberi arbitrii, atque concursu Dei generali, sine alio dono aut auxilio supernaturali, servare diu poterat omnia, præcepta naturalia; ita unico actu poterat apud se constituere eâ servare, idque postea opere implere: at cum hæc omnia non transcenderent limites operum: mere naturalium, quæ fini duntaxat naturali commensurantur, dispositiones non erant ad gratiam, ut in calce disputationis tertix, & disputatione 4 & 6 ostensum est, nisi ex peculiari impulsu Spiritus sancti fierent, evelerenturque ad supernaturale quoddam esse fini supernaturali aliquo modo commensuratum. Neque Adamo ex propriis dispositionibus collata est gratia gratum faciens, sed simul cum natura sunt ei infusa, ut supra dictum est. Quare esto homo, post naturam lapsam & contractum

Satis sit fundamentum contrarie opinionis.

Quid Sotus sentiat.

contractum peccatum, vires naturales haberet quibus posset in longissimum quodcumque tempus servare omnia mandata, & ob eam causam ita unico actu posset id statuere, ut viribus suis posset id postea implere, actus tamen ille non esset satis, ut liberaretur vel a solo originali peccato, nisi impulsu Spiritus sancti esset adjutus & evectus ad esse supernaturale. At si homo naturæ lapsæ, vel dum pervenit ad usum rationis statuat deservire Deo, servareque omnia ejus mandata, fretus divino auxilio, vel postquam in peccatum lethale proprio actu incidit, de eo doleat, & similiter statuat in posterum Deo in omnibus obedire, talisque actus impulsu Spiritus sancti evehatur ad esse supernaturale, esto tunc neque vires proprias habeat, neque eas recipiat ad præstandum postea, quod tunc proponit, vere dicitur diligere Deum super omnia supernaturaliter, sive ex impulsu motioneve Spiritus sancti, & est ultimo dispositus ad gratiam, eamque consequitur. Quare diferimus illud inter hominem naturæ integræ, & hominem naturæ lapsæ, quod a dono justitiæ originalis præcisè spectatæ ab omni alio dono proveniebat, nihil ad rem præsentem facit, hoc est, ut homo, quantum satis est, vel in statu naturæ integræ, vel in statu naturæ lapsæ disponatur ad gratiam, quod Sotus non satis eo loco animadvertit. Atque haud scio an satis penetraverit, distinctum esse supernaturale auxilium, quo homo naturæ lapsæ indiget, ut eliciat absolutam supernaturalem dilectionem Dei super omnia, qua reponatur in gratia, a quotidiano particulari auxilio quo postea indiget ut eam observationem mandatorum efficacem reddat.

Quod ad Bartholomæum Medinam attinet, ostensum est illius sententiam non esse veritatis consentaneam.

*Concilium
Trident.
expenditur.*

Ut vero ad Concilium Tridentinum veniamus, si argumentum illud efficax esset, eodem sane modo colligere posset, liberum nostrum arbitrium, etiam supposita fide supernaturali, sperare non posse ex suis naturalibus veniam a Deo, quoad substantiam actus. Quandoquidem Concilium attritioni, quam dixit esse donum Dei & Spiritus sancti impulsu, utramque conditionem adjunxit, nempe, quod voluntatem peccandi excluderet, & quod esset cum spe veniæ. Imo cum eo loco sermo sit de homine

fidei, quem Concilium ponit habere habitum fidei & spei supernaturalem, atque in eo, ad actum sperandi veniam, concurrat habitus spei, profecto si ratione alicujus illarum duarum conditionum censendum esset Concilium intendisse definire, attritionem esse donum Dei, potius censendum esset id voluisse definire ratione spei veniæ, quam ratione voluntatis ac propositi non peccandi. At quamvis præsentis habitus spei semper libero arbitrio, dum a Deo veniam sperat, eliciat, propter concursum habitus, actum supernaturalem; nemo tamen dixerit in libero arbitrio, maxime præexistente fide, non esse vires cum concursu generali Dei ad sperandum, quoad substantiam actus, veniam, aut etiam vitam æternam a Deo; cum contrarium doceat communis Theologorum sententia neque, præexistente fide, difficilius sit sperare a Deo, quam ante fidem comparatam assentiri rebus a Deo revelatis. Eodem ergo modo, quamvis concederetur propositum non peccandi, quod habere debet adjunctum ea attritio quæ accedente sacramento poenitentiae ad justificationem sufficit, debere esse supernaturale, cur negandum esset, in libero arbitrio facultatem inesse ad eliciendum quoad substantiam actus propositum mere naturale illi priori simile, quod ad justificationem non esse satis, ut de actu fidei, & spei doctores communiter concedunt.

Ut vero ad punctum difficultatis, accedamus, cum nulla unquam fuerit controversia, aut doctoribus Catholicis cum hæreticis, aut inter ipsosmet doctores Catholicos, utrum peccator quoad substantiam actus elicere valeat ex suis viribus naturalibus propositum, de quo loquimur, communisque sententia doctorum scholasticorum sit, illud a peccatore posse elici, neque scripturæ testimonium aut Concilium ullum, ante Tridentinum, sit unde oppositum colligatur, quis sibi persuadeat, Ecclesiam, quæ solum consuevit definire necessaria & controversa, quæque nihil temere sine fundamentis, firmis rationibus, præviaque discussione definit (utpote cui Spiritus sanctus assistit ad declarandum ea quæ ad fidem spectant, non vero ut per eam revelaret quæ antea neque secundum se, neque per aliqua priora principia fuerant revelata) quis, inquam, sibi persuadeat, Ecclesiam in eo capite

capite Concilii Tridentini intendisse definiri, attritionem, quæ ad justificationem cum sacramento poenitentiae sufficit, ex ea parte esse donum Dei & impulsus Spiritus sancti, quod propositum non peccandi, neque quoad substantiam actus, esse possit sine speciali auxilio Dei, intendisseque condemnare complurium scholasticorum sententiam? Profecto quando aliud argumentum non esset, hoc unum deberet esse satis, ut sibi persuaderent, Ecclesiam nihil tale intendisse eo loco definire, ridiculumque esse affirmare, post eam definitionem periculosam, errorique proximam esse prædictam opinionem doctorum; maxime cum verba Concilii, si attente legantur, nihil tale sonent, & cum idem Concilium sess. 6 can. 1 & 3 satis eadem opinioni doctorum favet, dum innuit, esse posse bona opera, quæ vel per solam vim naturæ, vel etiam adjuvante simul doctrina legis fiant, sed illa sine Jesu Christi gratia non satis esse ad justificandum. Et nos posse quidem credere, sperare, diligere, ac poenitere, quoad substantiam actus, sine speciali auxilio Dei; non tamen sicut oportet, ut justificationis gratiam consequamur.

Quod ergo Ecclesia in eo Concilii capite definit, hoc plane est, ut expendenti verba erit manifestum. In primis adversus quorundam apertum errorem, qui oppositum asserabant, præscribit, qualis esse debeat attritio, ut quis cum ea ad sacramentum Poenitentiae accedens donum justificationis consequatur. Nempe, docet cum ea debere esse conjunctam voluntatem non peccandi, cum spe veniæ: idemque paulo ante adversus eundem errorem exposuerat de contritione. Deinde adversus errorem Lutheranorum definit, Tantum abesse ut attritio, quæ ad gratiam in sacramento Poenitentiae suscipiendum disponit, ea ratione hypocritarum & magis peccatorem faciat quod ex Dei timore oriatur, ut Lutherani asseverabant, ut potius donum Dei sit & Spiritus sancti impulsus, non quidem jam per gratiam gratum facientem inhabitantis, sed moventis, &c. Quod confirmat Concilium, quoniam eodem timore, Deo autore, concussi Ninivitarum ad prædicationem Jonæ plenam terroribus poenitentiam egerunt, & misericordiam a Domino impetrarunt. Unde inferi ulterius Concilium, falso Lutheranos scri-

ptoribus Catholicis imponere, quasi traderint per sacramentum Poenitentiae absque bono motu suscipientium gratiam a Deo conferri; quandoquidem attritio, non malus, sed bonus motus peccatoris sit, ac Spiritus sancti donum. Ex eo ergo capite definit Concilium eam attritionem quæ cum sacramento Poenitentiae sufficit ad justificationem, esse donum Dei, quod oriatur ex dono timoris Dei ab Spiritu sancto peculiari influxu & auxilio immisso: non vero quod propositum amplius non peccandi esse non possit, etiam quoad substantiam actus sine speciali auxilio Dei.

Post hanc ergo definitionem, non securius tantum, sed omnino affirmandum judico, nullum adultum vel extra sacramentum, vel in sacramento justificari, nisi prævio bono motu liberi arbitrii elevato ad supernaturalem esse per gratiam prævenientem, auxiliumque Dei particulare, quasi Deus de lege ordinaria statuerit, neque extra sacramentum, neque in sacramento quenquam adultum justificare, nisi prævio motu liberi arbitrii qui supernaturalis sit, atque ad gratiam, & finem supernaturalem aliquo modo habeat proportionem. Quare sicut ad veram contritionem, præter motum fidei & spei supernaturalem, necessaria est gratia præveniens, hoc est, immissio affectus amoris supernaturalis, quæ liberum arbitrium ad dolendum de peccatis ex amore Dei supernaturali excitetur; ita etiam ad attritionem, quæ accedente sacramento sit satis ad justificationem, præter motum fidei & spei supernaturalem, necessaria est gratia præveniens, hoc est, immissio affectus timoris Dei servilis intuitu poenarum, qui Spiritus sancti sit donum, & quo liberum arbitrium excitetur atque adjuvetur ad dolendum de peccatis ex timore supernaturali. Quo fit, ut verum sit univèrsim dictum illud Fulgentii de fide ad Petrum c. 33 tertio tomo operum Augustini: Firmissime tene & nullatenus dubita, neminem hic posse hominum poenitentiam agere, nisi quem Deus illuminaverit. Hujus nostræ sententiæ videtur esse Canus in relatione de Poenitentia, parte 3 fol. 34, qui ad attritionem ex timore servili (qui donum Dei est) ait necessarium esse auxilium supernaturale. Concilium ergo de ea attritione loquens, quæ cum sacramento viam ad justificationem parat,

Attritio eadem evolvenda debet ad esse supernaturale, saltem per timorem Dei supernaturalem.

Gratia præveniens ad contritionem quæ.

Gratia præveniens ad attritionem quæ.

Attritio, quæ cum sacramento facta est ad justificationem, bonum est aliud & Dei donum.

parat, merito dixit esse donum Dei ex impulsu Spiritus sancti: non tamen proinde negavit, liberum nostrum arbitrium, maxime, præexistente fide & spe supernaturali, posse ex suis viribus naturalibus elicere, quoad substantiam, similem quandam actum, qui neque cum sacramento ad justificationem sit satis, ut explicata doctorum sententia posse elici affirmat. Quoniam vero facienti quod in se est Deus non denegat gratiam; Christusque nobis promeruit auxilia, non solum quæ, conantibus nobis ex nostris naturalibus efficere quod in nobis est, præsto essent ac prævenirent, ut sic illo eodem conatu eliceremus dispositionem supernaturalem ad gratiam, sed etiam quibus sæpe excitaremur omnino; inde est, quod quoties quis paratus fuerit ad conandum ex timore, efficiendumque totum quod potest circa detestanda peccata commissa & cavenda in posterum omnia lethalia, præveniatur a Deo affectu, donoque timoris supernaturalis, & eliciat attritionem supernaturalem qualis cum sacramento est necessaria ut peccata deleantur.

Timoris affectus antecedere solet contritionem.

Illud tamen est hoc loco animadvertendum, sæpe liberum nostrum arbitrium, excitatum ad dolendum, de peccatis dono timoris servilis, ob intuitum poenarum, solere conicere simul mentis oculum in Dei bonitatem & beneficia quæ ab eo accepti, recipereque affectum supernaturalem amoris Dei, quo simul de eisdem peccatis dolet propter Deum, comparatque contritionem per quam etiam sine sacramento, peccata remittuntur. Qua ratione, ut docent Theologi, innuitque Concilium Trident. sess. 6 cap. 6 motus timoris antecedere solet contritionem atque justificationem impii, esseque solet velut sēta, quæ, ut Augustinus tractatu 9 in primam canon. Joan. ait, introducit filium caritatis, quæ anima Deo unitur ac copulatur. Quod Ninivitis evenisse videtur, qui non videntur persistisse in dolore de peccatis ex solo timore Dei servili, sed in dolorem ex amore atque in veram contritionem transiisse. Plurimi namque eorum justitiam videntur consecuti, ut scriptura satis innuit, quam cum sola attritione consequi tunc minime potuerunt, eo quod sacramentis caruerint.

Soti de attritione

Queret aliquis, utrum post definitionem hanc Concilii Trident. condemnanda sit

erroris opinio Soti 2 de natura & gratia ad finem cap. 3 & in 4 d. 14 q. 1 art. 1 & q. 2 ^{aperte} ^{nitida} art. 5, quæ affirmat, attritionem ex solis viribus naturalibus elicitam, esse satis ad justificationem, si sacramentum accedat motus ratione, quod concursus supernaturalis sacramenti suppleat concursum supernaturalem, quo Deus evehere solet dolorem nostrum ad, esse supernaturale contritionis: eaque de causa sicut contritio, quæ ad gratiam est satis, est supernaturalis; ita attritio ex solis naturalibus elicita, una cum sacramento efficiet dispositionem supernaturalem, quæ contritioni aequipollat. Idem queri potest de opinione Cani de Pœnitentiæ parte 5 sol. supra citato, ubi idem affirmat de attritione ex amore naturali Dei profecta, tamen non sine formidine partis oppositæ.

Ego licet sententiam horum doctorum non satis tutam post eam definitionem esse credam, ante majorem tamen Ecclesiæ declarationem non eam auderem errorem appellare. Quoniam cum de peccatore fidei loquantur, qui fidem & spem supernaturales habet, quas ad attritionem de qua loquuntur, concurrere ut notum relinquunt, non negabunt attritionem illam propter concursum fidei & spei esse donum Dei, & quippiam supernaturale: neque item negabunt, attritionem ex timore servili sæpe a Deo excitari & adjuvari peculiari concursu, atque ita sæpe hac etiam ratione esse donum Dei: quæ satis esse instituto ac verbis Concilii dicere poterunt. Adde bona moralia, qualis est ea attritio, cum a Deo intendatur & adjuvetur, dona Dei atque Spiritus sancti posse appellari. Hæc non ita a me dicta esse accipiantur, quasi ulla ratione probandam censeam opinionem Soti; quam non solum falsam, sed etiam parum in fide tutam, præsertim post hanc Concil. Trident. definitionem, esse arbitror: sed eo tantum animo, quod ante expressiorem Ecclesiæ definitionem, nec erroris, nec acerbioris alterius notæ, quam parum tutæ in fide, condemnandam esse judicem.

Quædam Concilia antiqua circa hæc tenus dicta exponuntur, libertasque arbitrii ad singulas supernaturales actiones concluditur.

DISPUTATIO XV.

Evolventi tam antiqua Concilia adversus Pelagianos celebrata, Araficanum præsertim,

ferunt, quam Patres tempestatibus illius qui adversus hereticos eosdem scripsere, cum primis Augustinum, facile primo intuitu species quedam ac velut umbra sese offerret, communes scholasticorum sententias circa credendi, sperandi, diligendi, ac poenitendi actus quoad solam substantiam, quas a disputatione 7 retulimus atque explicavimus, ad Pelagii errores pertinere, & cum doctrina illorum Conciliorum ac patrum pugnare. Inde vero permotus progreditur ad vires arbitrii nostri circa singulos actus illos, aliosque similes, spectatos præcisè intra limites actionum mere naturalium in se, eidemque arbitrio, aliqui connaturalium, usque adeo extenuandas, ut & cum lumine naturæ ipsæque experientia quodammodo pugnet, naturalemque proinde ac moralem philosophiam evertat, & tam difficilem cooperationem liberam arbitrii nostri ad supernaturales actus, quibus justificamur, reddat, ut vix, aut ne vix quidem intelligi, & cum auxiliis gratiæ conciliari valeat. Hac de causâ operæ pretium me facturum existimavi, si ultra ea, quæ disputationibus præcedentibus, præsertim 5 & 6, de hac re dicta sunt, nonnulla addiderem ex quibus plenius constaret, umbram solam ac speciem illam esse, non vero rei veritatem: Conciliaque illa & Patres adversus Pelagianos de actibus illis loqui, ut dispositiones sunt ad gratiam, atque ad salutem necessariæ, ac proinde ut sunt in se supernaturales, & latitudinem ordinis gratiæ ingrediuntur; non vero ut sunt in se naturales atque ad justificationem omnino insufficientes. Id vero fiet, si quæ sequuntur expendantur, atque ante mentis oculos habeantur.

Primum est, detestandum Pelagii errorem, ut ex iis quæ disputatione prima, & sexta dicta sunt constat, fuisse, solas vires naturales arbitrii nostri, absque alio auxilio aut dono Dei esse satis ad ea omnia quæ ad sempiternam beatitudinem promerendam ac comparandam necessaria sunt; atque adeo, posita revelatione rerum supernaturalium, nempe Trinitatis; Incarnationis, & cæteris posse hominem solis suis viribus credere, sperare, diligere, servare totam legem, ac proinde abstinere ab omni culpa lethali & veniali, & perseverare in gratia seu amicitia Dei; ad quam ille nihil infusum & supernaturale suspicaba-

tur intervenire, sed positam arbitrabatur in sola Dei complacentia in eo homine, qui ex naturalibus suis viribus faceret quod in se est, & in voluntate ea de causâ eidem conferendi vitam æternam. Similiter asserbat, hominem, post lethalia peccata commissa, posse solis suis viribus poenitere de illis, atque adeo ab eisdem resurgere, amicitiamque cum Deo redintegrare. Auxilia vero & dona; viribus arbitrii ad hæc omnia superaddita, inferre dicebat, non quidem ut isthæc simpliciter fierent, sed ut melius, faciliusque fierent.

Secundum, his erroribus, tanquam Christi gratiæ & nostræ redemptionis mysterio, contrariis, se opposuisse Patres, præcipue vero Augustinum, ostendisseque ex scripturis sanctis, hæc omnia & singula esse supra vires liberi arbitrii, neminemque posse credere, sperare, diligere, poenitere de peccatis commissis, perseverare in gratia, præservareque se, non solum ab omni veniali, sed neque a lethali omni culpa, atque adeo nec posse vincere passionem, tentationes; ac difficultates, quas ad perseverandum sine culpa, etiam lethali, necessarium est vincere, absque speciali auxilio & dono Dei: atque ad hæc omnia stabienda, contrariosque Pelagii errores damnandos, in lucem prodisse omnes Ecclesiæ definitiones, de quibus in præsentia est sermo.

Tertium, præcisè illis temporibus fuisse quidem in Patribus ex scripturis sanctis lucem magnam, quousque vires arbitrii nostri ad ea se extenderent, quæ sunt ad salutem necessaria, sive tanquam vitæ æternæ merita, sive tanquam proximæ vel remotæ dispositiones ad iustitiam amicitiamque cum Deo comparandam, sive etiam ad perseverandum in gratia, legemque implendam, quoniam hæc sunt, quæ sacræ literæ docent: at vero utrum ejusmodi dispositiones rationes formales haberent supernaturales, ut re ipsa habent, an solum supernaturali ope essent elicite, in se vero essent res naturales, neque erat satis cognitum, neque forte in controversiam vocatum. Multo minus illis in mentem veniebat (quoniam scripturæ id non docent) an circa ejusmodi actus & dispositiones, præter rationes formales supernaturales secundum quas dispositiones sunt proximæ vel remotæ ad gratiam, distinguendi essent actus mere naturales, qui vel simul elicerentur, vel

certe seorsim: eo pacto quo Lutherani hodie actibus mere naturalibus assentiuntur, Deum esse trinum & unum, & a divino verbo carnem esse assumptam, quos ut ab iis, qui de eisdem rebus a fidelibus produciuntur, secer-namus, appellare consuevimus actus credendi illos articulos quoad solam actus substantiam. Doctores autem scholastici fuere, qui suis disputationibus, longaque perseruatione lucem hujuscemodi rebus attulerunt.

Hæc ita habere, satis pro comperto habebit, qui Patres antiquos, Conciliaque antiqua evolverit, atque Ecclesiæ decursum his mille centum ante actis annis considerant, perfectisque ejusque sæculi conciliis ac doctoribus attenta mentis acie perpexerit modum & tempora, in quibus variis ortis controversiis, continuis disputationibus harum rerum notitia creverit. Ut enim ex cap. majores causæ de baptismo, & ejus effectu constet, tempore Innocentii tertii adhuc inter Theologos erat res dubia & controversa, an parvulus per baptismum solum remitteretur peccatum, an vero eisdem infunderentur etiam gratia & habitus virtutum theologalium; atque Innocentius tertius utramque partem refert ibi tanquam probabilem.

Postea vero Clementina unica de summa Trinitate & fide Catholica, Clemens V, sacro approbante Concilio Viennensi, eam partem elegit, tanquam probabiliorē & dictis sanctorum ac doctorum recentiorum theologiae magis consonam & concordem, ut verba illius Clementinae habent. Novissime autem in Concil. Trident. res hæc definita est sess. 5 in decreto de peccato originali, & sexta cap. 7, ac septima can. 7 de sacramentis in genere. Quin Patres antiquos, antiquaque Concilia legenti perspicuum erit, parum admodum lucis fuisse circa ea, quæ ad gratiam spectant, parumque illa fuisse disputata ante Augustinum & ante ortam Pelagii hæresim, adeo ut Chrysostomus, absque ulla sua culpa, humano more lapsus fuerit in aliquibus, ut in progressu hujus operis videbimus; & August. ipse, antequam creatus fuerit episcopus, erraverit circa fidei initium, actumve credendi, existimans esse ex nostris naturalibus, ut supra dictum est.

Quartum, tam Pelagium, quam doctores Catholicos adversus illum disputantes, imo

& Patres ipsos in Conciliis, locutos fuisse de actibus credendi, sperandi, diligendi ac poenitendi, ut accommodati ac sufficientes sunt ad finem supernaturalem, atque ut de illis scripturæ sanctæ loquuntur, quarum non est naturalem, aut moralem tradere philosophiam: eaque quæ ad finem naturalem spectant, sed quæ ad sempiternam felicitatem, finemve supernaturalem sunt necessaria, ad quem mortales instruunt ac instituunt. Hoc ita se habere ex eo est manifestum, quod Pelagius de actibus illis loquebatur, ut accommodati ac sufficientes sunt ad amicitiam cum Deo ineundam, sempiternamque beatitudinem promerendam ac assequendam. Cum vero error illius in eo esset positus, quod existimaret ac assereret, elici posse solis arbitrii nostri viribus, ac proinde esse mere naturales; contendebat scripturas sacras non aliud, quam quod ipse dicebat, intendisse, perverisque expositionibus eas contorquendo, in suum errorem trahere conabatur. Contra vero Patres ex eisdem scripturis efficaciter ostendebant, elici illos non posse absque speciali dono & auxilio Dei, atque hoc ipsum est, quod Ecclesia in Conciliis, quæ adversus Pelagianos congregata sunt, definit. Quo fit, ut contentio ex utraque parte de eisdem fuerit actibus, quales ex scripturis ad sempiternam felicitatem sunt necessarii. Quod si Pelagius falsus fuisset ejusmodi actus, eo pacto quo ad salutem sunt necessarii, supernaturales esse, elicique proinde non posse absque divina ope; & nihilominus asseruisset, viribus arbitrii produci posse alios mere naturales illis similes quoad substantiam, sed ad salutem insufficientes omnino; fortasse nec ea de causa fuisset damnatus, nec ea de re quicquam curasset Ecclesia: eo quod id non ad fidei, sed ad philosophiæ naturalis ac moralis negotium attineret.

Quintum, cum, ut paulo antea dictum est, munus scripturarum sanctarum sit, ad supernaturalem finem nos instituere, atque adeo docere quæ ad sempiternam beatitudinem obtinendam spectant; quando in eis traditur, opus aliquod fieri non posse absque peculiari Dei auxilio, intelligendas eas esse, ut ad beatitudinem conducant, ac supernaturali fini in suo ordine & gradu accommodatum ac commensuratum sit. Quoniam vero

vero disputatione 6 ex scripturis ipsis id ostensum est, non est quod plura hac de re hoc loco dicamus.

Sextum Patres, præcipue Augustinum, juxta eundem scripturarum loquendi modum, atque ut Theologos, qui res comparatione finis supernaturalis considerant, sæpe eadem uti loquendi forma. Interdum namque Augustinus nihil reputat bonum ac virtutem, nisi conjunctam habeat caritatem, quæ comparatione finis supernaturalis virtutum omnium est forma & quasi vita. Interdum nihil etiam reputat bonum, nisi ad Deum, finemve supernaturalem pertineat, & cum eo in suo ordine & gradu sit commensuratum. Atque hoc est bonum, quod aliquando appellat secundum Deum, & aliquando pertinere dicit ad sanctum ejus propositum. Hoc eodem modo sumit bonum dum docet, per peccatum primi parentis amissam fuisse libertatem ad bonum, quatenus, dum amisimus supernaturalia dona in primo parente toti humano generi collata, eo ipso amisimus facultatem ad hoc bonum, quod solis liberi arbitrii viribus exerceri non valet: cum tamen idem Augustinus alibi sæpe doceat, solis arbitrii viribus fieri posse bona moralia, quæ finem naturalem non transcendunt. Libertatem vero illam per peccatum primorum parentum amissam, docet per Christum esse instauratam. Quia vero hæc etiam omnia disputatione 6, juncta quinta precedente, ostensa sunt, necesse non erit plura de hac re hoc loco adjicere.

Septimum, quamvis Spiritus sanctus adfuerit semper Ecclesie, ne in suis definitionibus erraret, omnesque proinde sint verissimæ, atque inter se consentientes; negandum tamen ideo non esse, Deum, quando aliqua sese offerunt definienda, exigere ab Ecclesia cooperationem ac investigationem eorum, quæ definienda sunt, & pro qualitate hominum, qui in Conciliis conveniunt, investigatione & industria quæ adhibetur, & pro majori vel minori peritia ac notitia rerum, quæ uno tempore, quam aliis habetur, confici definitiones magis, aut minus perspicuas, exactiusque ac plenius definiri res uno tempore, quam aliis. Etenim Spiritus sanctus, cum suaviter omnia disponat, ita Ecclesie, ne erret, assit, ut illius cooperationi & industria, temporumque opportunitatibus

ac circumstantiis suum locum relinquat. Neque propterea negare intendimus ad Spiritum sanctum pertinere, illustrationibus, aliisque auxiliis supernaturalibus, adjuvare congregatos in Conciliis ad res definiendas, solereque abundantius uno tempore, quam alio illa impertiri, juxta suæ sapientiæ ac providentiæ ordinem ac dispositionem, prout Ecclesia plus uno tempore, quam alio ad ea suscipienda se ipsam disponit, atque juxta suum beneplacitum, qui dona sua ut vult distribuit. Quare Ecclesia utrumque intelligens, simul curat, tum ut in Conciliis plurimi viri doctrina ac pietate præstantes congregentur, fiatque accurata ac diligens earum rerum discussio, quæ definiendæ sunt: tum etiam orationibus, jeuniis & aliis piis operibus a Deo lucem & alia supernaturalia auxilia ad res melius definiendas impetrare. Cum vero disputationibus, assidua lectione, meditatione ac investigatione rerum, augeri soleat temporum progressu earum notitia ac intelligentia, Patresque in posterioribus Conciliis investigatione ac definitionibus priorum adjuvantur; inde oritur, ut definitiones posteriorum Conciliorum esse soleant dilucidiores, pleniores magisque accurate & exactæ, quam priorum. Ad posteriora etiam Concilia spectat, interpretari, exactiusque ac plenius definire, quæ in prioribus Conciliis minus dilucide, & non tam plene & exacte definita fuerunt. His de causis temporum progressu crescit in Ecclesia notitia rerum definitarum, non solum, quoad numerum, sed etiam quoad perspicuitatem & exactiorem, ut in dogmate illo, an parvulus in baptismo gratia & virtutes theologice infundantur, & in plerisque aliis est manifestum.

Octavum, Concilia antiqua, etiam Africanum, pro luce illorum temporum satis expressisse se loqui de credendi, sperandi, diligendi ac penitendi actibus, ut ad salutem sunt necessarii. Etenim Africanum cap. 6 sic habet: Si quis sine gratia Dei credentibus, volentibus, desiderantibus, & pulsantibus nobis, misericordiam dicit conferri, non autem divinitus ut credamus, velimus, ut hæc omnia, sicut oportet, agere valeamus, per infusionem, & inspirationem nobis conferre consuevit, &c. Ecce, de his omnibus dixit, sicut oportet, proculdubio ad salutem: quo pacto de his actibus loquebantur Pelagiani, adversus

Posteriora conciliorum definitiones sunt exactiores & dilucidiores esse solent.

Assistit Spiritus sanctus concilio in definitionibus errantibus cooperationem tantam & industriam Ecclesie exigit.

adversus quos est illa definitio. Et cap. 7 : Si quis per naturæ vigorem bonum aliquod, quod ad salutem pertinet vitæ æternæ, cogitare, &c. Ecce, quod ad salutem pertinet vitæ æternæ dixit. Etc. 25. Prædicare debemus & credere, quod per peccatum primi hominis ita inclinatum & attenuatum fuerit liberum arbitrium, ut nullus postea aut diligere Deum, sicut oportuit, aut credere in Deum, aut operari propter Deum, quod bonum est, possit, nisi gratia eum & misericordia divina prævenierit. Sicut oportuit, dixit, utique ad salutem.

Nonum, Concilium Tridentinum omnium novissimum, cuius erat præcedentia omnia Concilia interpretari, & in quo dilucidius, accuratius, & plenius tam adversus Pelagianos, quam adversus Lutheranos definita sunt omnia, quæ ad gratiam, justificationem, vitamque æternam consequendam spectant, quam in quocunque alio, sess. 6 can. 1 ita definit, Si quis dixerit, hominem suis operibus, quæ vel per humanæ naturæ, vel per legis doctrinam fiant, absque divina per Jesum Christum gratia posse justificari coram Deo, anathema sit. Quibus verbis non negat, quin potius annuit, per vires naturæ legisque doctrinam fieri posse opera sine Jesu Christi gratia, legi naturæ & scriptæ consentanea (a Judæis namque hodie sunt quoad actus substantiam similia opera, eliciunturque similes actus credendi illis, qui ante adventum Christi eliciebantur a Judæis, qui tunc fideles erant, veraque membra Ecclesiæ) sed negat ejusmodi opera sufficere ad justificationem absque Jesu Christi gratia. Et canone 3 cum Patres illius Concilii non lateret vulgaris scholasticorum opinio de actibus credendi, sperandi, diligendi ac poenitendi quoad solam actus substantiam, neque Pelagianorum errores, neque antiquorum Conciliorum adversus eos definitiones, sequenter protulerunt. Si quis dixerit, sine præveniente Spiritus sancti inspiratione atque ejus adjutorio, hominem credere, sperare, diligere, aut poenitere posse, sicut oportet ut ei justificationis gratia conferatur, anathema sit. Sane si vel levissimam habuissent suspensionem, complurium scholasticorum sententiam ad Pelagianorum errores attinere, aut cum antiquis definitionibus Ecclesiæ pugnare, nunquam tam liberum reliquissent

eam amplecti, ne dicam argumento a contrario sensu eam veram esse significassent. Denique in toto Concilio Tridentino, in quo tam late, accurate ac dilucide omnia, quæ ad justificationem spectant, explicata ac definita sunt, neque vestigium reperitur, quod cum exposita scholasticorum sententia, vel primo aspectu, pugnare videatur : cum tamen multa sint, quæ illi favent, ac suffragentur.

Certe si quæ tota hac disputatione dicta sunt, ut par est, expendantur, nescio quis in posterum dicere audeat, dum in Concilio Arausicano, aut in quovis alio antiquo definitum legitur, neminem posse credere, sperare, diligere, poenitere, petere, aut cogitare absque gratia & speciali auxilio Dei, intelligendum id esse, etiam quoad solam actus substantiam, & non potius, ut ad justificationem, & ad salutem est necessarium ; aut quis in posterum dicere audeat, complurium scholasticorum sententiam de numero esse errorum Pelagii.

Ex dictis præcedentibus disputationibus satis constat, libertatem esse in arbitrio nostro, ad singulos supernaturales actus ad justificationem necessarios, eosque ab illa pendere. Licet enim ad credendum, sperandum, diligendum, & poenitendum, ut ad salutem oportet, necessaria sit gratia præveniens, & arbitrium excitans per illustrationem & affectum ad credendum, sperandum, diligendum, aut poenitendum, ut inde hi actus, quales oportet eliciantur, in potestate tamen arbitrii est, Deo ita excitanti parere, aut non parere, assensum fidei (cooperante & influente simul eodem auxilio gratiæ, ut in progressu videbimus) imperando, in spem sese erigendo, & de peccatis dolendo, aut ab his actibus abstinendo, vel etiam prurumpendo in actus his omnino repugnantes ac contrarios. Unde in Concil. Trident. sess. 6 can. 4 sic definitum est. Si quis dixerit liberum hominis arbitrium, a Deo motum & excitatum, nihil cooperari assentiendo Deo excitanti atque vocanti quo ad obtinendum justificationis gratiam se disponat ac præparet, neque posse dissentire, si velit, sed velut inanime quoddam nihil omnino agere, meretque passive se habere, anathema sit. Lege etiam cap. 5 & 14, & can. 5 & 7 ejusdem sessionis. Idem aperte sonant, tum invitationes omnes

Libe
in ar
nostre
lingu
per
les ab
justifi
nem
rius
ta po

omnes ad fidem & ad penitentiam peccato-
ribus propositae in scriptura, tum increpationi-
bus & oburgationes, quod accedere noluer-
int, de quarum numero sunt, quae sequuntur.
Zachar. 1: Convertimini ad me, & convertar
ad vos. Joelis 1: Convertimini ad me in toto
corde vestro. Ezechielis 18: Facite vobis cor
novum & spiritum novum, quare moriemini?
Psal. 94: Hodie fi vocem ejus audieritis,
nolite obdurare corda vestra. Matth. 11: 1:
Venite ad me omnes, qui laboratis & onerati
estis, & ego reficiam vos. Tollite jugum
meum super vos. Proverb. 1: Quia vocari, &
renuistis; extendi manum meam, & non
fuit, qui aspiceret; desepxistis omne consilium
meum, ego quoque in interitu vestro
ridebo; & plerumque aliae.

esse: similiter in nostro arbitrio, post justificationis donum comparatum, libertatem ad exercendum, mediantibus habitibus supernaturalibus jam susceptis, aliisque auxiliis divinis, meritoria opera augmenti gratiæ, & gloriæ, idemque arbitrium libere in ea perseverare, aut ab ea per lethale peccatum decidere, ex se, & ex dictis est satis manifestum, patebitque magis in sequentibus. Satis etiam aperte definitur in Concil. Tridentino sess. 6 a cap. 10, usque ad finem, multisque scripturæ testimoniis ibidem confirmatur, nec non can. 5, 6, 20, 22, 23, 26 & 32 ejusdem sessionis.

*De viribus liberi arbitrii ad implendam legem
universam, etiam sub veniali culpa obligan-
tem.*

DISPUTATIO XVI.

Disputatione quinta diximus de viribus
arbitrii nostri in statu naturæ corruptæ
ad singulos actus morales, tam naturales,
quam supernaturales eliciendos. Si quid vero
aliud deest, disputatione 19 dicetur com-
modius.

Explicandæ nunc sunt vires ejusdem, tum ad universam legem, tum ad partes illius implendas. Cum autem disputatione 3 ostensum sit, pares easdemque esse arbitrii vires, five spectetur in statu naturæ corruptæ, seculis auxiliis ac donis, five in puris naturalibus, necesse non erit miscere sermonem de eo in puris naturalibus, quoniam quæ dicuntur de statu naturæ corruptæ, seculo quocunque particulari auxilio, similiter intelligenda.

sunt de statu hominis in puris naturalibus considerati. Ut autem ab iis, quæ ampliora ac difficiliora sunt, ut fiant, ordiamur, primo loco dicendum est de viribus illius ad universam legem etiam sub culpa veniali obligantem.

De qua re sit prima conclusio. Homo in statu nature corrupte etiam si in gratia gratum faciente sit constitutus, imo etiam si adjuvetur iis auxiliis quibus sanctissimi ac perfectissimi quique viri a Deo adjuvari concessuerunt, non ita servare potest totam legem, ut peccata omnia, etiam venialia, evitet, nisi id singulari privilegio sit ei concessum, ut Beate Virgini divino munere collatum esse tenet Ecclesia. Conclusio ad fidem spectat. Contrariumque fuit error Pelagianorum asserentium, hominem per solas vires arbitrii posse vitam transigere sine omni profusus peccato.

Colligitur vero ex illo primæ Joan. 1: Si dixerimus quoniam peccatum non habemus, ipsi nos seducimus, & veritas in nobis non est. Ecclesiastes cap. 7: Non est homo iustus in terra, qui faciat bonum, & non peccet. 3 Regum 8: Non est homo qui non peccet. Ad Rom. 7: Video aliam legem in membris meis repugnantem legi mentis meæ, & captivantem me in lege peccati. Ecce, Joannes & Paulus confitentur se incidere in venialia peccata; cum tamen maximis, præclarissimisque auxiliis a Deo iuventur. Multa alia loca in confirmationem hujus conclusionis accumulunt Hieronymus in epistola ad Ctesiphontem, & i libro dialogorum adversus Pelagianos, & Augustinus in libro de perfectione iustitiæ.

Eadem conclusio definita est in Concilio Milevitano porrigimus cap. 6, 7 & 8, ubi varia testimonia scripturæ in ejusdem rei probationem adducuntur. Eadem definitiones habentur in Concilio Africano cap. 81, 82 & 83. Definita etiam est ab Innocentio I, in Epistola ad Concilium Carthaginensē, quæ est 25 Epistolarum Innocentii, & in Epistola ad Concilium Milevitaniū, quæ est 26, a quo Concilium Milevitaniū approbatur. A Celsi primo Episcopi. i. ad Episcopos Gallia, a quo eadem definitiones tanquam a Sede Apostolica approbata referuntur, & adduntur multa alia, quibus eadem conclusio definitur. Definita denique est in Concilio Trid-

sess. 6 cap. 11 & can. 23, cujus hæc sunt verba: Si quis dixerit, hominem justificationem posse in tota vita peccata omnia, etiam venialia, vitare, nisi ex speciali Dei privilegio, quemadmodum de Beata Virgine tenet Ecclesia, anathema sit. Ratio vero ejusmodi definitionis reddetur disputatione sequenti.

Secunda conclusio. peccata singula vitare possumus.

Secunda Conclusio. Potest nihilominus liberum arbitrium in statu naturæ corruptæ vitare singula venialia peccata. Hæc est communis omnium, facileque probatur. Quoniam si singula vitare non posset, sane in illa incidendo, non peccaret, quippe cum peccato adeo innatum sit esse voluntarium, posseque proinde vitari, ut si voluntarium non sit, continuo non sit peccatum: testimonia autem scripturæ citata, & definitiones Ecclesiæ de veris peccatis & culpis loquuntur, quæ peccatores, pœnaque dignos constituunt. Quo fit, ut cum libertate ad singula vitanda conjunctum esse possit, non posse diu vitare omnia. Quomodo autem hæc duo mutuo consentiant, disputat. 20 explicabitur.

De vivibus liberi arbitrii ad implendam legem totam quæ sub lethali culpa obligat, nec non partes universæ legis.

DISPUTATIO XVII.

Prima conclusio. Cuiusmodi particulari auxilio constrictus in gratia vitare in tota vita non potest peccata omnia lethalia.

UT ad legem sub culpa lethali obligantem, nec non ad partes universæ legis deveniamus, sit prima conclusio. Homo in statu naturæ corruptæ, si in gratia gratum faciente sit constitutus, quo quotidiano particulari auxilio, quod Deus conferre præsto est, potest diu, imo per totam vitam abstinere ab omni lethali culpa, atque adeo legem totam servare, quæ sub ea culpa obligat. Conclusio hæc salva fide Catholica negari non potest: definita namque est in Conllo Trident. sess. 6 ca. 11 hisce verbis: Nemo temeraria illa, & a patribus sub anathemate prohibita voce uti debet, Dei præcepta homini justificato ad observandum esse impossibilia. Nam Deus impossibilia non jubet, sed jubendo monet, & facere quod possis, & petere quod non possis, & adjuvat ut possis. Cujus mandata gravia non sunt, cujus jugum suave est, & onus leve. Qui enim sunt filii Dei, Christum diligunt, qui autem diligunt eum, ut ipsemet testatur, servant sermones ejus, quod utique cum divino auxilio præstare possunt. Et infra: Deus sua gratia semel justificatos non deserit,

nisi ab eis prius deseratur. Hæc Tridentina synodus. Quod vero sermo sit de præceptis obligantibus sub culpa lethali, patet apertissime ex eodem capite, ubi simul definitur: Neminem posse vitare diu peccata omnia venialia, neque propter illa desinere esse justum. Et cap. 13 de dono perseverantiæ in gratia gratum faciente dicitur, aliunde haberi non posse, nisi ab eo, qui potens est eum, qui stat, statuere. Atque in auxilio Dei firmissimam omnes spem collocare ac reponere debere. Cujus rei hæc redditur ratio. Deus enim, nisi ipsi illius gratiæ defuerint, sicut coepit opus bonum, ita perficere, operans velle & perficere. Et cap. 16 de justificatis dicitur: Sive acceptam gratiam perpetuo conservaverint, sive amissam recuperaverint. & can. 18: Si quis dixerit, Dei præcepta homini, etiam justificato & sub gratia constituto, esse ad observandum impossibilia, anathema sit. Et can. 21: Si quis dixerit, justificationem perseverare non posse in accepta iustitia cum speciali auxilio Dei, anathema sit.

Eadem conclusio colligitur ex Concilio Milevitano cap. 3, 4 & 5. & Africano cap. 78, 79 & 80, ex definitionibus Innocentii & Celestini disputatione precedente citatis, & ex Concilio Arausicano cap. 25, ubi ita habetur; Hoc etiam secundum fidem Catholicam credimus, quod accepta per baptismum gratia, omnes baptizati (Christo auxiliante & cooperante) quæ ad salutem pertinent, possint (si fideliter laborare voluerint) adimplere. Unde Hieronymus in expositione Symboli ad Damasum, Execramur, ait, eorum blasphemiam qui dicunt, impossibile aliquid a Deo præceptum esse, & mandata Dei, non a singulis, sed ab omnibus in communi posse servari. Et Augustinus serm. 61 de tempore ait, Deus neque impossibile aliquid potuit imperare, quia justus est; neque damnaturus est hominem pro eo, quod non potuit vitare, quia pius est.

Ratio vero quare, licet iusti, etiam cum præclaris quibusque auxiliis quæ majoribus Sanctis a Deo misericorditer impenduntur, vitare non possint peccata omnia venialia per longum tempus, abstinere tamen possint ab omni peccato lethali, etiam per totam vitam, cum ordinario auxilio particulari, quod Deus præsto est conferre quibusque iustis, ea est: Quod occasiones peccatorum venia-

venialium frequentissima sunt, possuntque venialia peccata ex surreptione absque plena deliberatione committi: mens vero non potest esse in tam exacta & continua vigilia adversus tam frequentes & multiplices occasiones, ut in singulis momentis magni aliusque temporis totum efficiat, quod potest ut ejusmodi omnia peccata evitet: præsertim cum mortales a tanto labore suscipiendo torquentur, eo quod intelligant, per ejusmodi peccata Dei gratiam non amitti, neque incurrere æternum interitum. Quo vero sanctior quisque est, eo plus invigilat, majoribusque auxiliis juvatur, pluraque proinde peccata venialia devitat. At cum occasiones lethaliū peccatorum neque tot, neque tam frequentes sint, in illisque superandis agatur de amicitia Dei amittenda, incurrendaque extrema miseria, plus homines invigilare solent, majoremque laborem assumere, ne succumbant, minorique auxilio (quale est quod iustis omnibus Deus præsto est impendere) possunt omnes eas ad longum etiam tempus superare. Id quod confirmat exhortatio illa Ecclesiastici 7: In omnibus operibus tuis memorare novissimam tuam, & in æternum non peccabis. Atque illud 2 Petri 1: Satagite ut per bona opera certam vestram vocationem & electionem faciat: hæc enim facientes non peccabitis aliquando. His accedit, quia quo quisque magis strenue a principio pugnat, eo robustius evadit, majoribusque auxiliis a Deo adjuvari solet, ut melius deinceps occasiones peccatorum possit superare. Acquissimum autem fuit ita per Christum libero arbitrio subveniri, ut licet vulnus naturæ corruptæ in eo sentiret, quod peccata omnia venialia diu non posset superare, vires nihilominus a Deo acciperet, quibus per totum vitæ cursum posset, si vellet, ea omnia vincere, quæ divinæ amicitia, propriæque salutis essent contraria, ejusmodi sunt lethalia peccata.

De eo vero homine status naturæ corruptæ, qui extra gratiam gratum facientem in forde jacet lethalis culpæ nondum per poenitentiam deletæ, neque Concilia, neque testimonia citata, ut vides, loquuntur: affirmanda tamen sunt, quæ sequuntur. Primum, nunquam illi denegari auxilium sufficiens, ut quoties voluerit, resurgat, & in gratia reponatur, ut disputatione 10 ostensum est. Se-

cundum, per consequens nunquam ei denegari auxilium sufficiens, ut quoties tempus occurrit servandi supernaturalis præceptum, diligendi, ac poenitendi, aut etiam credendi, & sperandi supernaturaliter (si talis homo infidelis sit) implere illud possit, si velit. Tertium, neque etiam illi denegari auxilium sufficiens ut vitare possit, si velit, quodcumque lethale peccatum, ac proinde, dum illud non vitat, peccare. Possremum, longe minores vires esse regulariter in eo ad perseverandum sine nova lethali culpa, quam fiat in eo, qui in gratia gratum faciente est constitutus. Tum quia gratia ipsa & caritas habitualis ad bonum inclinatur, adjumentoque per se ipsam est, ut homo a peccatis abstineat: tum etiam quia status lethalis culpæ indignum omnino reddit peccatorem quotidiano peculiari auxilio Dei, quin dignum eum efficiat cui Deus auxilia gratie minuat, tentationesque ac occasiones peccandi permittat, eo magis, quo fuerit magis ingratus, pluraque & graviora multiplicaverit peccata: his namque de causis indurare & obæscare solet Deus, tradereque in reprobum sensum, & in desideria cordis, ut ad Rom. 1 docet Paulus. Arque ita sequentes culpæ habere simul solent rationem culpæ & poenæ præcedentium delictorum propter quæ permittuntur: quin & præcedentia occasionem præbere sæpe solent sequentium, ut Gregorius Hom. 11 in Ezechielem egregie docet: quibus de causis recte etiam ibidem affirmat, peccatum, quod mox cum admittitur, per poenitentiam non deletur, suo pondere in aliud trahere.

Concinit præterea scriptura. Threnorum enim 1 Peccatum, ait Jeremias, peccavit Hierusalem, propterea instabilis facta est. Psalm. 1, cum de viro justo præmississet Prophetam, Erit tanquam lignum quod plantatum est secus decursus aquarum, quod proinde firmas radices habet, fructumque dabit in tempore suo; de iis, qui extra gratiam Dei sunt, continuo subiungit: Non sic impii, non sic, sed tanquam pulvis, quem projicit ventus a facie terræ. Adeo instabiles sunt, & tam facile tentationibus in peccata diſcuntur. Unde Petrus Apostolus cum primo Christum sine juramento negasset, gratiamque amisisset, secundo eum cum juramento negavit, & tertio detestari, jurare, & anathematizare coepit, quia hominem non novisset.

Secunda

lethalia,
minores
vires habet
ad perseverandum sine
novo peccato,
quoniam
existens in
gratia.

Homo extra
gratiam
existens,
breve tempore
posset lingu-
la peccata

*Secunda conclusio.
In statu
nature corruptæ, etiam
conscientia
in gratia,
non potest
diu servare
totam legem
obligatam
sub culpa
lethali absque speciali
auxilio Dei.*

Secunda conclusio. Homo in statu nature corruptæ, etiam si in gratia gratum faciente sit constitutus, non potest sine speciali auxilio Dei ita servare totam legem, quæ sub lethali culpa obligat, ut diu perseverare possit sine lethali peccato. Hæc etiam conclusio salva fide Catholica negari non potest.

In primis colligitur ex illo ad Philippenses 2: Cum metu & tremore vestram salutem operamini: Deus est enim qui operatur in vobis, & velle, & perficere pro bona voluntate. Non solum incipere, sed etiam perficere, hoc est, in bono perseverare, ait Paulus esse a Deo, utique per distinctum aliud auxilium a gratia gratum faciente jam accepta; alioquin non admoneret Philippenses, ut ea de causa cum metu & tremore suam operarentur salutem, tanquam qui tantopere a Deo penderent ad perseverandum in bono. Gratiam namque gratum facientem non auferit Deus, nisi propter lethale peccatum; auxilia vero particularia, a quibus perseverantia pendet, confert majora, vel minora iustis, prout cautius ac majori cum animi submissione se gerunt; quamvis nulli denegat quantum ad perseverandum sit satis. Ob eam igitur causam admonet Philippenses, ut cum metu & tremore suam salutem operentur, nihil de se presumentes, sed humiliter ac trepido animo coram Deo ambulent, in eoque suam omnem spem collocent. Porro dum Philippenses admonet, ut cum timore & tremore suam salutem operentur, satis aperte libertatem arbitrii innuit, neque solum Deum esse, qui velle & perficere operatur in nobis, sed nos etiam pro nostra libertate ad hæc eadem cooperari, juxta illud 1 ad Corinth. 15: Gratia ejus in me vacua non fuit, sed abundantius illis omnibus laboravi; non ego (solum videlicet) sed gratia Dei mecum. Id quod etiam satis innuntiat vehementes illæ exhortationes Pauli ad obedientiam, & ut omnes idem sapiant & dicant, nihilque per inanem gloriam faciant, &c. quas ante illa verba præmittit: nisi enim desipere quis velit, satis aperte conspiciet, Paulum ea omnia a Philippensibus, tanquam a libero ipsorum arbitrio pendentia, efflagitare. Hæc addidi, quoniam ex illis verbis, Deus est enim qui operatur in nobis & velle & perficere; contendunt Lutherani, in nobis non esse libertatem arbitrii.

Eadem conclusio colligitur, tum ex aliis, quæ in confirmationem conclusionis sequentis citabimus, & ex testimoniis, quæ disputatione sequente exponemus, tum etiam ex illo Psal. 126: Nisi Dominus edificaverit domum, in vanum laboraverunt qui ædificant eam. Nisi Dominus custodierit civitatem, frustra vigilat qui custodit eam: ubi sub illis metaphoris auxilium divinum necessarium asseritur, tum ad ædificium spirituale construendum, tum etiam ad illud jam constructum, ab incursum inimicorum defendendum, superandasque occasiones, & tentationes peccatorum lethaliun. Unde idem propheta Psal. 26 merito ad Deum clamabat: Adjutor meus esto, ne derelinquas me, neque despicias me Deus salutaris meus.

Eadem conclusio definita est in Concilio Milevitano cap. 3, 4 & 5, & in Africano cap. 78, 79 & 80 & ab Innocentio, & Celestino, episcopis disputatione præcedente citatis maxime cap. 6, 10 & 12 epistolæ Celestini. Illud circa eas admonuerim, cum adversus Pelagium & Celestium lata fuerint, qui affirmabant, nos per nostrum arbitrium absque dono gratiæ posse vitare omnia peccata, & ita implere posse divina præcepta, ut vitam æternam promereremur, contrarium utriusque adversus illos in eis definiti, nempe, nos gratia indigere, tum ut vincamus tentationes, impleamusque præcepta, atque ita lethalia omnia peccata vitemus: tum etiam ut per impletionem ipsam præceptorum, atque victoriam tentationum vitam æternam promeremur. De ea itaque impletione, quæ vitæ æternæ meritum continere debet, definitur illis in locis, nos non solum omnia, sed etiam nihil eorum posse efficere sine gratia, juxta illud Christi de fructibus operibusve meritoriiis, Sine me nihil potestis facere. Quare illis in locis non instituunt Patres definire, nos nihil præceptorum posse quoad substantiam actus implere, nullamque omnino tentationem posse superare absque auxilio & dono gratiæ, sed nihil prorsus horum absque dono gratiæ posse præstare, ita ut aliquid meriti comparatione vitæ æternæ contineat.

Eadem conclusio definita est in Concilio Trident. sess. 6 cap. 13 illis verbis: Donum perseverantiæ in gratia aliunde haberi non potest nisi ab eo, qui potens est eum, qui stat, statuere.

statuere. Et infra de pugna, quæ iustis superest cum carne, mundo, & diabolo, dicitur: In qua victores esse non possunt, nisi cum Dei gratia. Multo apertius definita est canone 22 his verbis: Si quis dixerit, iustificatum, vel sine speciali auxilio Dei in accepta iustitia, perseverare posse, vel cum eo non posse, anathema sit. Cum enim iustitia, gratiæ gratum faciens, non nisi per peccatum lethale amittatur, utique si iustus sine speciali auxilio Dei perseverare non potest in accepta iustitia, neque etiam perseverare poterit sine peccato lethali, atque adeo sine transgressionem legis quæ sub lethali culpa obligat.

Tertia conclusio.
Homo natura lapsus, etiam si in gratia gratum faciente sit constitutus, absque speciali auxilio Dei, non solum non potest diu servare totam legem, quæ sub reatu lethalis culpæ obligat, sed nec quicquid sapientis servandum occurrit, quod notabilem ad arbitrium prudentis difficultatem continet. Hæc aperte colligitur ex illo Sapientia 8: Scivi quoniam aliter non possem esse continens, nisi Deus det. Ex quo testimonio manifestum est, neque solum castitatem posse homines diu servare absque speciali Dei auxilio, propter frequentes carnis tentationes, quibus infelissime oppugnantur, quas omnes absque speciali Dei auxilio non potest homo diu superare. Unde Christus Matth. 19 inquit: Sunt eunuchi, qui seipsos castraverunt (per votum scilicet castitatis) propter regnum cælorum; qui potest capere, capiat: eo quod difficile admodum sit, strenuumque pugilem requirat, neque omnium sit hoc donum. Quamobrem Paulus I ad Corinth. 7: Volo omnes homines esse sicut meipsum, sed unusquisque proprium donum habet a Deo, alius quidem sic, alius vero sic. Dico autem non nuptis & viduis, bonum esse illis, si sic permanerint; sicut & ego: quod si non se continent, nubant, melius est enim nubere, quam uri.

Tertia conclusio. Homo naturæ lapsus, etiam si in gratia gratum faciente sit constitutus, absque speciali auxilio Dei, non solum non potest diu servare totam legem, quæ sub reatu lethalis culpæ obligat, sed nec quicquid sapientis servandum occurrit, quod notabilem ad arbitrium prudentis difficultatem continet. Hæc aperte colligitur ex illo Sapientia 8: Scivi quoniam aliter non possem esse continens, nisi Deus det. Ex quo testimonio manifestum est, neque solum castitatem posse homines diu servare absque speciali Dei auxilio, propter frequentes carnis tentationes, quibus infelissime oppugnantur, quas omnes absque speciali Dei auxilio non potest homo diu superare. Unde Christus Matth. 19 inquit: Sunt eunuchi, qui seipsos castraverunt (per votum scilicet castitatis) propter regnum cælorum; qui potest capere, capiat: eo quod difficile admodum sit, strenuumque pugilem requirat, neque omnium sit hoc donum. Quamobrem Paulus I ad Corinth. 7: Volo omnes homines esse sicut meipsum, sed unusquisque proprium donum habet a Deo, alius quidem sic, alius vero sic. Dico autem non nuptis & viduis, bonum esse illis, si sic permanerint; sicut & ego: quod si non se continent, nubant, melius est enim nubere, quam uri.

Illud tamen circa hæc, & præcedentem conclusionem animadvertendum est, eo minus temporis spatium constituendum esse, in quo toto aliquis sine speciali auxilio Dei perseverare non possit sine lethali peccato, quo tentationes & difficultates superandæ fuerint graviores & frequentiores, attentisque cæteris circumstantiis, quæ vel ex parte

MOLINA.

hominis, vel ex parte ipsarum tentationum ac difficultatum, pugnam difficiliorem, vel minus difficilem reddant.

Quarta conclusio. Homo in statu naturæ corruptæ extra gratiam gratum facientem, neque totam legem naturalem, quæ sub culpa lethali obligat, neque partem, quæ notabilem contineat difficultatem, potest diu servare absque speciali auxilio Dei, atque adeo nec potest dilectione naturali efficaciter diligere Deum super omnia absque speciali ipsius auxilio. Hæc ex duobus præcedentibus est manifesta. Si namque in gratia gratum faciente constitutus non potest illa præstare absque speciali auxilio Dei, multo minus poterit sine gratia, quæ ad legem naturalem servandam adjuvat.

Nonnulla scriptura testimonia, quæ cum arbitrii libertate pugnare videbantur, ex dictis exponuntur.

DISPUTATIO XVIII.

EX dictis duobus disputationibus præcedentibus facilis est expositio quorundam locorum scripturæ, quæ a Lutheranis contra arbitrii libertatem obijciuntur. In primis illorum verborum Proverb. 16: Cor hominis disponit viam suam, sed Domini est dirigere gressus ejus. Constitutus namque in gratia potest per suum liberum arbitrium absque alio speciali auxilio gratiæ secum statueret, vel in observatione præceptorum divinorum perpetuo permanere, Deumque nunquam lethaliter offendere, vel castitatem servare, aliquidve aliud difficile per longum tempus efficere, (quod sane confirmat, quæ disputatione 14 dicta sunt) at sine quotidiano speciali auxilio, quo Deus illi assistat, variisque modis cum juvando gressus illius dirigat, non poterit is, quod statuit, præstare, ad finemque viæ quam sibi constituit pervenire, ut ex conclusionibus præcedentibus disputationibus propositus est manifestum. Unde inquit Propheta Psal. 16: Perfice gressus meos in semitis tuis, ut non moveantur vestigia mea. Et Psal. 118: Tu mandasti mandata tua custodiri mihi: utinam dirigantur viæ meæ ad custodiendas justificationes tuas: tunc non confundar, cum perspexero in omnibus mandatis tuis, utpote in nullo comperiens me majestatem tuam offendisse, multisque aliis verbis ejusmodi divinum auxilium implorat.

Quarta conclusio.

Arbitrii libertas a Lutheri calumniis vindicatur.

*In quo posita sit difficultas explicatur, & prima
ea de re sententia refertur.*

MEMBRUM I.

TRIBUS disputationibus præcedentibus ostensum est, non esse vires in nostro arbitrio cum solo concursu Dei generali ad vincendas tentationes & difficultates, quas, ut servetur, per longum temporis spatium, non solum tota lex naturalis, sed etiam ejusdem pars notabilem continens difficultatem, necesse est vincere. Quod vero nunc disputamus est, an interim dum iudicium rationis non absorbetur, maneat nihilominus in eodem arbitrio cum solo concursu generali Dei libertas ad non consentiendum in quocunque temporis momento cuicunque gravi tentationi, & ad superandam quancunque magnam difficultatem, quam pro servanda in eo solo instanti lege naturali necesse sit vincere, etiam si ea de causa mors sit toleranda, ita videlicet, ut si consentiat, peccet, eo quod secluso quocunque alio majori auxilio in potestate ipsius, tamen si non sine ingenti difficultate, positum sit, non transgredi tunc legem: an vero non maneat in eo eventu libertas, ac proinde scilicet sciens & prudens transgrediatur legem, non peccet, quia in potestate ipsius non est eam tunc non transgredi. Ut enim primo Retract. cap. 9 August. est autor, malum quod caveri non potest, peccatum non est; malum vero quod caveri potest, peccatum est. Et in libro de duabus animabus cap. 12: Peccati inquit, reum teneri quenquam, quia non fecit, quod facere non potuit, summæ iniquitatis & insanæ est.

In partem negantem hujus difficultatis, nempe non manere libertatem in eo eventu, citare quis forte posset Gregorium Ariminensem in primo dist. 1 q. 2 art. 2 in responsione ad tertiam quandam probationem contra secundam conclusionem, ut Cajetanus & alii 1, 2 q. 10 art. 3 eum citant; eo quod eo in loco hæc sint Gregorii verba. Ad tertiam probationem dico primo, quod non omnem actum volendi voluntas elicit voluntarie, id est, libere libertate contradictionis; quia non actum nolendi, qui sequitur experientiam alicujus intensi sensibilis læsivi. Unde non puto quod aliquis absque miraculo posset uri ab igne, & non dolere, & per consequens nolle nolitione deliberata, & tali

tristitia non triftari. Hæc ille. Ut tamen ad eundem Divi Thomæ articulum dicebamus, si res recte expendatur, nihil cum doctrina D. Thomæ eo in loco (quam membro sequenti referemus) pugnat, Etenim Gregorius arbitrat, tristitiam voluntatis esse actum nolitionis, & lætitiæ seu gaudium esse actum volitionis; cum tamen non sint nisi affectus, & motus, qui in voluntate resultant ex noticia objecti nocivi præsentis aut imminuentis, vel objecti convenientis, quod adest aut speratur. Nomine ergo nolitionis tristitiam intelligens, ait, se credere fieri non posse sine miraculo, ut quis igne uratur, & non doleat, & per consequens nolit, odioque prosequatur se uri; nomine ejusmodi nolitionis & odii tristitiam ipsam intelligens. Statim vero subjungit, eundem hominem manere liberum ad nolitionem deliberatam combustionis, sumpta nolitione ut ab aliis doctoribus consuevit sumi, ac proinde posse illam elicere, & non clicere. Quamvis autem tristitia ex Augustino sit de iis, quæ nobis nolentibus accidunt, unde si libertas sit ad eliciendam & non eliciendam nolitionem combustionis, sequi videtur, esse etiam libertatem ad actum tristitiæ, qui nolitionem consequitur: nihilominus ut Scotus in 3 d. 15 q. unica, artic. 1 recte ait, ut in voluntate resultet tristitia, necessaria non est nolitio absoluta, sed satis est nolletas, conditionative voluntas, qua is, qui tristatur, id, unde tristatur, vellet non esse, nisi vel ad consequendam beatitudinem, vel ad quemcunque alium finem, quem sibi proponeret voluntas, esset necessarium, ut in projiciente merces in mare est manifestum, qui cum projectionem velit voluntate absoluta, de ea tamen tristatur, quatenus eandem nollet, si ad vitam tuendam non esset necessaria. Quin ut tristitia in voluntate resultet, satis est apprehensio præsentis objecti disconvenientis in se, quamvis alia ratione conveniens judicetur, voluntasque illud per absolutam volitionem amplectatur.

Majori cum probabilitate citari potest hujus sententiæ auctor Andreas a Vega de justificatione & gratia q. 12 & sequentibus, ubi affirmat, vires liberi arbitrii in statu naturæ corruptæ cum solo concursu Dei generali neque ad difficiles tentationes superandas se extendere, neque ad præstandum quodcum-

*Ad tristitiam satis est nolletas
quis ret
unde quis
tristatur.*

que aliud opus moraliter bonum, quod difficultatem contineat. Adhibet exempla, ut si proficienda sit aliqua religio, si magna aliqua a cibo abstinentia perferenda, si copiosa elemosyna largienda; aut quid aliud simile, vel difficilius sit faciendum. Vires vero liberi arbitrii cum concursu Dei generali solum sufficientes esse ait ad superandas eas tentationes, easque actiones studiosas præstandas, quæ nullius aut perexiguæ sunt difficultatis; cujusmodi, inquit, sunt, comedere, bibere, dormire, orare, facere opera servilia, reddere uxori debitum, decenter non induere, & similia. Utrum autem si occurrente difficili aliqua tentatione, aut laboriosa alia observatione præcepti obligantis sub culpa lethali, Deus relinqueret liberum arbitrium cum solo generali concursu, arbitrium consentiendo tentationi, & transgrediendo præceptum peccaret? Vega in quadam quæstione sequenti partem negantem innuere videtur, ex capite impotentia tunc adimplendum tale præceptum, esto sufficiens cognitio esset in intellectu, neque ex capite ignorantia ea transgressio excusaretur a culpa.

In eadem sententia videtur esse aperte Bartholomæus Medina, non solum dum, loco disputationis 14 citato, affirmat, peccatorem cum solo concursu Dei generali, etiam si nulla tentatio, nullaque peccandi occasio occurrat, non posse elicere actum absolutum naturalis dilectionis Dei super omnia, propositumve absolutum non transgrediendi præcepta legis naturalis sub culpa lethali obligantis, tamen si possit velleitatem quandam elicere, sed multo magis prima secundæ q. 10 art. 3, ubi a doctrina, qua D. Thomas eo loco asserit, passionem, quantumcunque accrescat, interim dum iudicium rationis non absorbet necessitate non posse voluntatem ad consensum, excipit ipse, nisi tentatio sit vehemens, liberumque arbitrium cum solo generali Dei concursu relinquatur: tunc enim necessitare illam arbitratur, & consequenter dicere tenetur non peccare, esto illi consentiat.

Ex auctoribus, quos hactenus legi, non recordor alium, qui in hac sit sententia. Nec possum non vehementer mirari, Andream a Vega non solum asseverare eam esse communem in scholis, sed etiam auctores illius citare, Magistrum, D. Thomam, Durandum,

Scotum, & Gabrielem: cum tamen in locis, in quibus ab eo citantur, nihil tale affirmant; apertissimumque sit D. Thomam in contraria esse sententia, ut membro sequenti erit manifestum. Durandum vero, Scotum, & Gabrielem usque adeo in oppositam partem inclinare, ut ipsammet hæresim Pelagianam, absque ulla pro ratione illorum temporum culpa, sequi videantur, dum in secundo dist. 28, ubi a Vega citantur, asserunt, hominem naturæ lapsum suis viribus naturalibus absque auxilio gratiæ servare posse præcepta omnia, continereque se non solum a singulari, sed etiam ab omnibus lethalibus peccatis ad longum tempus, quamvis difficili negotio id possit efficere.

Secunda de eadem re sententia refertur.

MEMBRUM II.

PARTem affirmantem propositæ difficultatis, nempe orta quacunque gravi tentatione aut difficultate, quæ humanam sollicitet ac inclinet voluntatem ad præcepti transgressionem, manere in homine naturæ lapsæ cum solo concursu generali Dei libertatem, interim dum rationis iudicium non absorbetur, ad non transgrediendum in quocunque temporis momento tale præceptum, ac proinde peccare, si illud transgrediatur, sequuntur aperte & sine ulla obscuritate, in primis D. Thomas, & cum eo Cajetanus prima secundæ quæst. 10 art. 2 & 3. Disputans namque Divus Thomas, in ea quæstione de voluntate in suis solis viribus naturalibus cum solo concursu Dei generali absque alio spectata, art. 2 docet, a nullo omnino obiecto necessitari posse quoad actus exercitum, sed semper manere liberam, ut eliciat, aut non eliciat actum. Loquitur vero in hac vita, siquidem de ea in suis viribus spectata est illi in eo articulo sermo. Articulo vero tertio docet a nulla omnino passione, atque adeo nec a timore mortis imminenti posse necessitari, interim dum iudicium rationis omnino non absorbetur. Quoniam passio movet allicitive voluntatem, tanquam obiectum, per notitiam intellectus quæ de illa habetur, & de obiecto quod illam concitavit; quandoquidem nihil corporum potest immediate movere voluntatem, sed solum per notitiam intellectus: at vero nullo obiectum cognitum, ut præcedente art. ostendat,

derat, potest in hac vita necessitate voluntatem, interim dum iudicium non ita obtinebratur perturbatione phantasiae, ut omnino absorbeatur: quamdiu enim in intellectu iudicium aliqua ex parte liberum manet, tamdiu in voluntate sua innata libertas perseverat. Unde ibidem in responsione ad secundum. Aliquando, inquit D. Thomas, & si ratio obnubilatur passione, remanet tamen aliquid rationis liberum, & secundum hoc potest aliquis, vel totaliter passionem repellere, vel saltem se continere ne passionem sequatur.

Et Cajetanus eodem art. 3 prae ter alia ait: Circa tertii articuli doctrinam adverte, quod inde habes, quam liberum sit, tam in delectabilibus, quam in contrariis secundum tactum, velle & nolle. Passiones enim huiusmodi, aut totaliter absorbent rationem, & sic nihil voluntatis restat; aut aliquid ejus relinquunt, & sic libertatis tantundem dimittunt. Et quamvis tunc propter dispositionem subiecti voluntas maxime inclinetur ad actum consonum appetitui sensitivo, quia tamen libera restat, miraculo non est opus ad non eliciendum ejusmodi actum, ut Gregorius de Arimino in primo sentent. dist. 1 q. 2 art. 2 putavit. Haec tamen Cajetanus. Neque credo in contraria esse sententia sectatores reliquos D. Thomae, si Medinam excipias.

Eandem sententiam sequitur idem D. Thomas eadem prima secundae q. 109 art. 8 & 9, dum docet, hominem in statu naturae lapsae suis viribus naturalibus vitare posse singula lethalia peccata, quemadmodum servare praeceptum quodcumque legis naturalis in quocumque eventu: ad longum tamen tempus vitare non posse peccata omnia lethalia. Quae verba affert & expendit Sotus 1 de natura & gratia cap. 22, conclusionibus 4 & 5, ad probandam sententiam, quam Divum Thomam sequi affirmamus.

Anselmus quoque, doctrinae Augustini sectator magnus, in eadem absque ullo dubio est sententia, in libro de libero arbitrio cap. 6, 7, 9 & 10. Et in libro de concordia praesentiae, praedestinationis & gratiae cum libero arbitrio cap. 1. Quibus in locis docet, dum iudicium rationis non absorbeatur, nullam passionem quantumvis vehementem, nullamque difficultatem auferre posse libertatem voluntatis ad non consentiendum,

illive necessitatem inferre, eaque de causa, in quocumque temporis momento consentiat praecepti transgressioni, peccare. Adhibensque exemplum in eo, qui mors immineret, nisi consentiret mendacio, docet: impotentiam ad resistendum tentationi, quam, quo gravior est tentatio, eo majorem in nobis experimur, non esse aliud, quam difficultatem perseverandi in rectitudine: difficultatem vero, quantumvis ea accrescat, non auferre a voluntate potestatem perseverandi in rectitudine, sed semper manere liberum, ut, si velit, non succumbat. Nescio quid apertius dici potuit & convenientius cum communi illo Theologorum pronuntiato; Infra Deum clare visum, propter objecti infinitatem, nihil omnino necessitare posse voluntatem quoad actus exercitium.

Præter Durandum, Scotum, & Gabrielem (quos, ut membro precedente relatum est, negare nemo potest esse in hac sententia, maxime cum Scotus in primo d. 1 q. 4 & in quarto d. 49 q. 9 asseveret, neque Deum clare visum necessitatem auferre posse voluntati quoad actus exercitium) in eadem sententia est Sotus primo de natura & gratia cap. 22 conclusionibus 2, quo loco affirmat: hominem naturae lapsae posse implere quodcumque genus praecepti quoad substantiam; non tamen posse implere omnia, id est, non posse diu stare, quin decidat, nisi Deus peculiare ferat auxilium. Haec ille. Et sub finem capitis coroll. 2 & 3 ait, Nullum prorsus actum unum singularem esse in viro iusto, cui similis, quoad substantiam actus non possit esse in eo, qui caret gratia. Ex antecedentibus vero & sequentibus constat, eum intelligendum esse de homine ex suis naturalibus absque speciali Dei ope spectato. Addit deinde, talem omnino amorem Dei in se experiri hominem infidelem & hereticum quoad substantiam actus, qualem experitur Catholicus, eodemque fervore & conatu mortem oppetere pro sua religione, tamen si falsa, ac Catholicum. Atque hinc colligit, neminem in hac vita sine speciali privilegio certum esse posse, se esse in gratia. Et conclusionibus 4 & 5 cum D. Thoma prima secundae q. 109 art. 8 & 9 affirmat, hominem in statu naturae lapsae ex suis viribus naturalibus vitare posse singula peccata lethalia, quemadmodum servare praeceptum quodcumque in

In potentia ad resistendum tentationibus vehementibus qualis ex Anselmo sententia.

quocunque eventu, non vero posse ad longum tempus omnia servare.

In eadem quoque sententia est Ruardus Tapper in art. de libero arbitrio, fol. 316, ubi ait, quædam esse quæ suapte natura superant, liberi arbitrii facultatem, eo quod ordinis sint supernaturalis, cujusmodi sunt conversio impij, credere, sperare & diligere, ut oportet ad salutem: atque hæc neque universum, neque sigillatim a libero arbitrio sine ope speciali Dei fieri posse. Quare si Deus quippiam horum imperaret, nec tamen suppediret auxilium, non peccaret homo talia præcepta non implendo; eo quod nemo peccet non præstando id, quod omnino præstare non potest. Alia vero esse, quæ ex suo genere & natura non superant vires liberi arbitrii, est tamen debile atque infirmum ad ea efficienda, qualia sunt omnia illa, ad quæ jure mere naturali adstringitur, atque horum singula posse ex suis viribus præstare, eo quod nulla passio, nulla mortis formido possit voluntati nostræ inducere necessitatem, ita ut in nostra potestate non manear velle & nolle, quamdiu non absorbetur, sed liberum manet mentis judicium. Quare necessitas peccandi, quæ ex nostra est infirmitate, est inevitabilitas quoad universa quæ præcipiuntur collective sumpta, non vero quoad singula. Hæc Ruardus.

Ejusdem sententiæ auctorem citat Ruardus Augustinum q. 24 super Numeros, & de spiritu & litera cap. 31, quibus in locis tam innuit, sed longe apertius sequentibus affirmat. De prædestinatione & gratia cap. 9 auctor illius libri ait: Liberum quod a Deo habemus arbitrium, prono ad nequitiam lapsu fuit: & cum ad virtutis indolem, Dei auxilio deferente, nihil possit, ad genus omne peccati idoneum solum virtute subsistit. Quibus verbis aperte docet, liberum arbitrium suis viribus relictum incidere posse in genus omne peccati; ita ut vere peccet consentiendo: quod auctores contrariæ sententiæ negant, quando gravis tentatio, aut difficultas occurrit ad præceptum implendum. Et 12 de civitate Dei, Si lex, inquit, jubens addit, & spiritus juvens desit, per ipsam prohibitionem desiderio crescente, atque vincente, peccati etiam reatus prævaricationis accedit. Ubi crescente & vincente passione affirmat, liberum arbitrium suis solis viribus

relictum in culpam veram & peccatum incidere: quod auctores contrariæ sententiæ negant, quando passio est gravis, & vel mediocriter difficilis. Et contra duas Epistolas Pelagii cap. 5. Peccato, inquit, Adæ liberum arbitrium de hominum natura perisse non dicimus, sed ad peccandum valere in hominibus subditis diabolo: ad bene autem pieque vivendum non valere, nisi ipsa voluntas hominis Dei gratia fuerit liberata, & ad omne bonum actionis, sermonis & cogitationis adjuta. Ecce, ut actio mala ad culpam, verumque peccatum homini naturæ lapsæ imputetur, nullum profecto auxilium Dei particulare præexigit Augustinus, sed satis arbitratur concurrere generalem, quo eandem elicere potest actionem, eo facilius & promptius, quo majori passione ac tentatione ad id incitatur & sollicitatur: ut vero bene pieque vivat, atque adeo ad vitam æternam vivat accommodata, gratia Dei indigere alleverat.

Fortè quis inde sibi persuadebit Augustinum in contraria fuisse sententia, quod Hypog. lib. 3 cap. 4 auctor ejus libri dicat: Esse fatemur liberum arbitrium omnibus hominibus, habens quidem judicium rationis, non per quod sit idoneum, quæ ad Deum pertinent, sine Deo aut inchoare, aut certe peragere, sed tantum in operibus vitæ præsentis, tam bonis, quam etiam malis. Bonis dico, quæ de bono naturæ oriuntur, id est, velle laborare in agro, velle manducare & bibere, velle habere amicum, velle habere indumenta, velle fabricare domum, uxorem velle ducere, pecora nutrire, artem discere diversarum rerum bonarum, velle quicquid bonum ad præsentem pertinet vitam, quæ omnia non sine gubernaculo divino subsistunt, imo ex ipso & per ipsum sunt, vel esse coeperunt. Malis vero dico, ut esse idolum colere, velle homicidium, &c. Ecce, inter opera bona, quæ liberum arbitrium suis viribus potest, solum computavit Augustinus (dicet aliquis) quæ nullam aut pene nullam continent difficultatem.

Hoc tamen testimonium sufficiens profecto ad id non est. In primis, quoniam tum ex proxime dictis, tum etiam ex iis, quæ quinta & sexta disputatione dicta sunt, constat, Augustinum docuisse contrarium. Deinde quoniam auctor illius libri illi eodem capite

capite præmiserat, primum parentem per peccatum amisisse libertatem ad bonum hæc verbis: Per velle bonum, recte perdidit posse bonum, qui per posse bonum potuit vincere velle malum, & infra: Per peccatum ergo liberum arbitrium hominis possibilitatis bonum perdidit, non nomen & rationem, liberi videlicet arbitrii. Et continuo subiunxit verba testimonii relati. Ut autem disputatione 6 & 15 dictum est, latiusque disputatione 22 est ostendendum, Augustinus nomine boni, ad quod amissam docet possibilitatem per peccatum, instaurari vero per Christum, non intelligit bonum morale mere naturale in se, sive facile sive difficile id fiat, sed scripturam sanctarum more, arque ut Theologus, intelligit bonum supernaturale ad finem conducent supernaturalem, atque adeo illi in suo ordine & gradu commensuratum. Atque hoc est bonum quod in testimonio relato dicitur ad Deum pertinere, doceturque idoneum non esse liberum nostrum arbitrium sine Deo ad id inchoandum, aut peragendum. Illud vero aliud bonum appellatur bonum operum vite præsentis, hoc est, non transcendens finem hominis naturalem. Licet autem in eo testimonio exemplum adhibeatur in quibusdam operibus bonis facilioribus, non proinde negatur possibilitas ad alia mere naturalia difficiliora, quin comprehenduntur illis verbis post exempla subiunctis, velle quicquid bonum ad præsentem pertinet vitam, id est, finem naturalem non transcendit. Ac sane sicut difficiliora bona moralia, si in caritate fiant, pertinent ad Deum, finemve supernaturalem promerendum, secus autem si fiant extra caritatem: sic faciliora bona quæ in eo testimonio commemorantur, ad Deum, finemve supernaturalem promerendum pertinent, si similiter fiant in caritate: quare non est, quod hæc potius, quam illa a numero bonorum, quæ in eodem testimonio ad Deum pertinere dicuntur, excludantur. Denique petam, vel nomine boni ad Deum pertinentis, de quo in eo testimonio est sermo, & ad quod docetur amissam esse libertatem per peccatum primorum parentum, intelligitur etiam bonum morale mere naturale, vel non, sed solum supernaturale fini supernaturali commensuratum. Si detur primum, incidis in opinionem Grego-

rii Ariminensis communiter reprobata, nullum videlicet opus bonum morale mere naturale fieri posse sine speciali auxilio Dei. Præterea posterior pars testimonii, quæ docet nos absque peccato posse sine speciali auxilio Dei velle ducere uxorem, & comedere, pugnaret cum priori: quandoquidem hæc duo, quando sine peccato eliguntur, opera sunt bona moraliter virtutum castitatis conjugalis, & temperantiæ, ad quæ proinde esset amissa libertas, atque adeo fieri non possent sine speciali auxilio Dei. Si vero de secundum, sequitur intentum, nempe nullum bonum morale mere naturale, sive facile id sit, sive difficile, esse de numero bonorum ad quæ in eo testimonio docetur amissam esse libertatem per peccatum primorum parentum, fierique proinde non posse absque speciali auxilio Dei: sed esse de numero bonorum præsentis vite, hoc est, quæ finem naturalem præsentis vite non transcendunt, de quibus sermo est in secunda parte testimonii. His omnibus adde, certum non esse auctorem librorum Hypognosticon esse Augustinum. Quare negandum non est Augustinum ejus fuisse sententiæ, quam illi tribuimus.

Eandem sententiam innuit aperte Hieronymus sub finem libri tertii dialogorum adversus Pelagianos, ubi sub persona Attici dicit Critobulo, qui Pelagii personam agit: Hoc est, quod tibi a principio dixeram, in nostra esse positum potestate, vel peccare, vel non peccare, & vel ad bonum, vel ad malum extendere manum, ut liberum servetur arbitrium, sed hoc pro modo, & tempore, & conditione fragilitatis humanæ, perpetuitatem autem impeccantiæ soli reservari Deo, & ei, qui verbum caro factus, carnis detrimenta & peccata non pertulit. Neque quia ad breve possum, coges me, ut possum jugiter. Possum jejunare, vigilare, ambulare, legere, pascere, sedere, dormire, numquid, in perpetuum? Hæc Hieronymus. Quibus aperte docet, libertatem esse in nostro arbitrio in se ipso spectato ad singulos peccati actus vitandos, eaque ratione, dum eos non virat, vere peccare, in culpæ proprie sumptam incidere, & supplicio esse dignum: impotentiam vero solum esse ad perseverandum sine peccato, quam satis dilucide Anselmus verbis supra relatis explicavit. Inaudiatumque

ditumque esse arbitror apud antiquos patres contrarium: quin omnes existimasse, idem omnino impotentia genus esse in hominibus naturæ lapsæ, spectatis in solis suis naturalibus, ad vitandum peccata lethalia, superandasque proinde tentationes, & difficultates, quas ad ea vitanda necesse est superare, cum eo impotentia genere ad vitanda peccata venialia, quod est in omnibus fidelibus adultis, infra Dominam nostram, cum auxilio omnibus, quæ Deus re ipsa illis tribuit, paratusque est ex sua parte illis conferre. Hanc vero nullus dubitat esse impotentiam ad vitanda omnia, perseverandumve sine peccato veniali: non vero ad vitanda singula, esto Deus statuerit majora auxilia non tribuere, ac proinde, dum singula non vitantur, vere peccari venialiter, eo quod in facultate arbitrii sit vitare eorum unumquodque. Auctores autem opinionis membro præcedente relaxat volunt, dum graves tentationes, aut difficultates sese offerrent hominibus naturæ lapsæ spectatis in solis suis naturalibus, esse aliud genus impotentia ad vitanda etiam peccata lethalia, quia nullum eorum in singulari possent vitare, ac proinde transgrediendo ita præcepta non peccarent.

Auctores hujus sententiæ consequenter affirmant, nullum esse in singulari opus bonum morale mere naturale, quod homo naturæ lapsæ cum solo concursu Dei generali non possit efficere, id quod Sotus & Kuardus expresse asserunt. Etenim si difficillimum, quale est mortem subire nemendacium proferat, Anselmi sententia potest præstare, majori cum ratione poterit cætera efficere, in quibus minor longe est difficultas, atque adeo in absentia occasionum & tentationum poterit elicere absolutum propositum non peccandi deinceps lethaliter, quod disputatione 14 in hunc locum examinandum relinquimus.

Quæ militent adversus priorem sententiam, posterioremque consentiant.

MEMBRUM III.

Membro sequenti proferemus in medium rationes, quæ pro priori sententia adversus secundam militat: nunc eas, quæ posterioris confirmatione priorem oppugnant, videamus. Et prima quidem ratio defumi potest ab auctoritate Augustini, Hic-

ronymi, Anselmi, ac D. Thomæ, tam aperte asserentium posteriorem sententiam, quam sunt expressa eorum verba, quæ membro præcedente citavimus.

Secunda, quoniam si prima sententia vera est, admittendum foret, causas secundas concitantibus vehementes passionibus, aut notabiles efficientes difficultates, passionibus ipsas ac difficultates auferre a voluntate innatam suam libertatem, non absorpto judicio rationis, eamque nisi auxilio peculiari supernaturaliter communicatur, necessitare ad actus exercitium, contra commune Theologorum pronuntiatum, quo affirmant, nihil, infra Deum clare visum propter sui infinitatem, posse quoad actus exercitium necessitatem asserere voluntati.

Tertia, quoniam liberum arbitrium, ut disputatione tertia est ostensum, easdem prorsus vires habet in statu naturæ lapsæ, quas habuisset, si homo esset conditus in statu mere naturali ad finem solum naturalem, Deusque statuisset nullum particulare auxilium illi conferre: denique easdem vires habet, quas haberet, si Deus talem illum condidisset, qualem Philosophi naturales esse crediderunt, qualemque sola naturalis & moralis philosophia considerat: quis autem sibi persuadeat, hominem a sapientissimo artifice in eo statu efformatum ejusmodi futurum fuisse suapte natura, ut quoties impuræ alicujus voluptatis, aut cædis, aut rapinæ, vel cujusvis alterius flagitii opportuna occasio incidisset, eo ipso quod vehemens passio incitaretur, aut insignis difficultas in cohibendo voluntatis consensu insurgeret, ne ad brevissimum quidem punctum temporis posset ejusmodi homo in rationis præsidio consistere, atque adeo voluntatis consensum inhibendo non peccare, dum scilicet mentis judicium perturbatione non absorberetur, quin videret potius propositum facinus naturali lege esse prohibitum, atque ita deformē, ut mors prius oppetenda sit, quam ipsium a viro bono, ac rationis lumen sequente perpetrandum? Profecto indignum est tale quippiam de sapientissimo rerum omnium conditore existimare: contrariumque docuit Aristoteles 3 Ethicorum cap. 1, ductus naturali lumine, nempe illum morte etiam imminente continere posse, atque ad cohibendum voluntatis consensum obligari, eaque ratione si consentiāt

si consentiat peccare, idemque suadent, tum experientia ipsa liberi arbitrii cujusque notitiam in similibus eventibus, tum etiam exempla multorum infidelium, qui pro bono honesto mortem subierunt, gravissimasque alias difficultates exanthlarunt: quos tamen credendum non est auxilio supernaturali ad ea fuisse adjuros.

Confirmatio.

Confirmari potest hæc tertia ratio, quoniam continere consensum in similibus eventibus singulis, vel elicere contrarium dissensum, sunt mere naturalia in se, & propria libero arbitrio, utpote ad quæ collata est homini ea facultas, non minus quam visus ad videndum, auditus ad audiendum, & intellectus ad intelligendum: quin ad continendum consensum non est necesse ut libero arbitrio, actum eliciat ad quem proinde concursu Dei generali, ne dum particulari, indigeat, sed satis est si se habeat mere negative, neque consensum, neque dissensum eliciendo: ergo sicut universim nulli cæterarum facultatum denegatur singuli actus cuique proprii sine peculiari concursu Dei, ita neque horum unumquodque denegari libero arbitrio debet: qui vero negandum censet, ipse est qui firmissima ratione tenetur id probare, neque aliter est audiendus.

Quarta.

Quarta, quoniam si insurgente vehementi passione non esset libertas in voluntate ad continendum consensum, sed necessario illum eliceret, sequeretur in homine in puris naturalibus constituto, suisque viribus cum solo concursu Dei generali perinde ac cæteris causis naturalibus relicto, partem superiorem non dominari inferiori, nisi quando leves essent motus inferioris, quin potius inferiorem dominari superiori, illam necessitando ad consensum juxta inferioris motum & passionem, id vero neque cum lumine naturali & experientia, neque cum scripturis sanctis cohereret, quæ & appetitum inferiorem subdi superiori docent, & hominem in suis naturalibus spectatum, eatenus ad imaginem & similitudinem Dei factum esse affirmant, quatenus libero est prædixit arbitrio, ac dominus suarum actionum.

Quinta.

Quinta, quia ex contraria opinione sequitur, condito homine in eo statu naturæ quem ratione tertia explicavimus, si ipse cum solo auxilio generali nullam peccandi graviolem occasionem declinare posset, neque volun-

tatis coercere consensum, fore, ut non peccaret, licet omnia facinora, oblati ejusmodi occasionibus, admitteret, & ex consequenti non esse dignum poenæ, neque a Reipublicæ moderatoribus justo supplicio affici posse: nam ubi culpa non adest, iusta poena infligi non potest. Hæc autem quoniam non videat longe a ratione, ac naturalis luminis norma exorbitare?

Sexta.

Sexta, quod dum auctores primæ sententiæ arbitrantur, se ea extollere mysterium redemptionis, donumque gratiæ Christi, certè utrumque quam maxime deprimunt ac extenuant. Etenim data eorum sententia, dicendum esset, post lapsum primorum parentum, si Deus non statuisset conferre generi humano redemptorem, sed relinquere illud perinde atque res cæteras in suis viribus naturalibus cum solo concursu generali, nullam transgressionem præcepti, sive illud sub veniali, sive sub lethali culpa obligaret, habituram fuisse rationem culpæ atque peccati, eo ipso quod contraria præcepti observatio vel ex vehementia passionis, vel aliunde notabilem contineret difficultatem, sed eas solas, quarum contrariæ observationes essent admodum faciles: hoc autem dato, quis non videat in primis sequi, longe pauciores culpas futuras fuisse in genere humano, quam si per Christum non fuisset redimendum, atque adeo si Christi meritis a lapsu primorum parentum non fuissent illi auxilia particularia præstita? quandoquidem præceptorum transgressionem, quarum contrariæ observationes notabilem continerent difficultatem, habituræ non fuissent tunc rationem culpæ. Quis item non videat sequi deinde, ab illis culpis, sicut tunc futuræ non erant, ita neque simpliciter hominem fuisse redimendum, imo neque redemptore ad easdem indiguissè, sed solum ex hypothesi, quod redemptor esset illi conferendus, cujus occasio ille futuræ, multiplicandæque erant? Quis præterea non videat tertio sequi non solum genus humanum a longe paucioribus peccatis & miseriis fuisse liberandum per Christum: quam re ipsa sit liberatum; sed etiam auxilia particularia, quæ per Christum generi humano ad præcepta implenda conferuntur, occasionem esse longe majoris miseriæ, & multo plurium peccatorum, tam fidelibus, qui in peccatorum sordibus jacent, quam infidelibus

K

bus

bus, iis præcipue, qui invincibiliter Christum ignorant? Etenim juxta sententiam quam impugnamus, si ejusmodi auxilia per Christum, interim dum in sorde peccati lethalis jacent, illis non impenderentur, transgressionibus præceptorum, quarum contrariæ observationes, vel mediocrem continerent difficultatem, non imputarentur illis ad culpam & poenam; facile vero se continerent dum observationes non essent cum notabili difficultate conjunctæ, cum tamen alia ex parte, interim dum infidelitatis, aut cujusvis alterius lethalis peccati sorde infecti manent, observationes præceptorum, etiam ex particulari Dei auxilio elicite, neque ad præmium, neque ad ullam satisfactionem eis proficiant. Hæc autem omnia quis non intelligat, gratiæ Christi, redemptionisque mysterio multum derogare, valdeque utrumque deprimere atque extenuare? Quis autem dicere audeat, particularia auxilia ad præcepta implenda, vel per Christum non conferri generi humano, vel conferenda fuisse, esto Christus in redemptorem non esset collatus, quasi aliunde, quam per Christum, obventura fuissent generi humano? Id enim neque auctores sententiae, quam impugnamus, intendunt, neque tuto potest affirmari, ut ex iis, quæ de prædestinatione inferius dicemus, facile colligatur.

Septimum.

Septima, quoniam admissa sententia, quam oppugnamus, concedendum esset, si futurus non fuisset redemptor, auxiliaque particularia generi humano non forent conferenda, homines naturæ lapsæ cum solo concursu Dei generali potuissent in eo statu continere se diu a nova culpa lethali; cum tamen, ut disputatione 17 ostensum est, de fide sit, etiam si in gratia gratum faciente sint constituti, non possent modo diu perseverare sine culpa lethali absque speciali auxilio Dei: id vero satis profecto videtur absurdum. Quod autem esset concedendum, ex eo probatur quia materia lethalium peccatorum non est adeo frequens, ut venialium: quando autem occurreret observatio præcepti obligantis sub culpa lethali, quæ admodum esset facilis, & de earum numero, quas solas doctores contrariæ opinionis dicunt posse homines naturæ lapsæ implere cum solo concursu Dei generali, minimo negotio præceptum implerent: quando autem aliqua, vel mediocriter difficilis, se offer-

ret, transgrediendo præceptum, ut dicunt, non peccarent, impotentia illos a culpa tunc exculante: ergo diu perseverare possent absque nova culpa lethali.

Octava, quoniam sequeretur, fideles modo in gratia gratum faciente constitutos posse sine speciali auxilio Dei perseverare diu sine culpa lethali, atque adeo in gratia & iustitia accepta, contra definitionem Concilii Tridentini sess. 6 can. 22. Etenim quivis eorum, dum facilis occurreret observatio præcepti obligantis sub culpa lethali de earum numero, quas solas auctores contrariæ sententiae affirmant, servari posse cum solo concursu Dei generali, utique ne interitum incurreret æternum (ut fides cum docet, ipseque sibi incurri propter quodcumque lethale peccatum persuadet) facile servaret præceptum, abstinereque a culpa lethali: dum vero aliquantulum difficilis observatio occurreret, non peccaret transgrediendo præceptum, nisi peculiari ope adjuvaretur: ergo sine peculiari auxilio Dei posset perseverare sine peccato lethali, atque adeo in gratia & iustitia accepta.

Postrema sit. Habitus gratiæ gratum facientis & caritatis, licet suo concursu opera, quæ ex ipso elicimus, efficiat supernaturalia, vitæque æternæ meritoria; sane solo suo momento & inclinatione non ita sensibilibiter nos juvat, quin ad vitia propensi inclinatique maneamus. Unde si Deus faciem suam a nobis avertat, cæteraque particularia sua auxilia a nobis auferat, fere tam facile conturbamur, & tam debiles ac expositi ad succumbendum temptationibus labendumque in peccata remanemus, ac si in gratia gratum faciente non essemus constituti. Atque hinc est, quod etiam iustus egeat auxiliis particularibus, ut se a peccatis contineat, sicut indiget is, qui gratia gratum faciente caret. Hoc ita constituto, in hunc modum conficio argumentum: In statu naturæ lapsæ ejusdem rationis est impotentia, quæ est in homine iusto ad servandum præcepta omnia obligantia sub culpa lethali, & ad non succumbendum temptationibus, cum ea, quæ in eodem statu est in iis qui extra gratiam sunt Dei, & cum ea quæ esset in homine, si in puris naturalibus fuisset conditus: sed impotentia illa sine speciali auxilio Dei, quæ est in homine iusto, conjuncta est cum potentia ad ita servandum

vandum singula præcepta & non succumbendum in quocunque temporis momento tentationibus occurrentibus, ut, si præcepta transgrediat, vere peccet, eaque ratione gratiam & iustitiam acceptam amittat: ergo universum homo naturæ lapsæ ita impotens est sine speciali auxilio Dei ad diu servanda præcepta obligantia sub culpa lethali, & resistendum tentationibus, quibus necesse ad id est resistere, ut nihilominus cum solo concursu Dei generali possit in quocunque temporis momento servare præcepta, quæ sub culpa lethali servanda occurrerent, & non consentire tentationibus quibuscunque tunc occurrentibus. Major ex iis, quæ præmissimus, est perspicua: minor vero aperte colligitur ex illa definitione Concilii Tridentini sess. 6 can. 22: Si quis dixerit iustificatum vel sine speciali auxilio Dei in accepta iustitia perseverare posse, aut cum eo non posse, anathema sit. Etenim de iustificato definitur, sine speciali auxilio Dei, atque adeo cum solo generali concursu, esse in eo impotentiam ad perseverandum in accepta iustitia & gratia: cum vero non desinat perseverare in gratia, nisi per transgressionem præcepti obligantis sub culpa lethali, impotens per consequens definitur ad diu servanda præcepta omnia, quæ obligant sub culpa lethali: & cum nulla præcepti transgressionem lethaliter peccet, & amittat iustitiam, nisi in quo instanti tale præceptum transgreditur, potens sit illud non transgredi, atque adeo non solum materialiter, sed etiam formaliter culpam lethalem committat; utique definitur, cum impotentia, quam sine particulari auxilio cum solo generali concursu habet ad servandum diu præcepta omnia obligantia sub culpa lethali, conjunctam habere potentiam cum solo concursu generali ad non transgrediendum præceptum, in quo instanti, & cum occasionibus & tentationibus cum quibus illud transgredietur. Quo fit, ut impotentia, de qua ibi loquitur Concilium ad vitanda peccata lethalia, servandaque proinde cum solo concursu generali præcepta obligantia sub culpa lethali, sit permixta ei, quæ est in omnibus iustis, infra Dei matrem, ad vitanda venialia peccata: est enim ad vitanda omnia, non vero ad vitanda singula, quibuscumque existentibus occasionibus & tentationibus. Quo-

modo autem impotentia ad omnia cohercet & consentiat cum potentia ad singula vitanda five venialia, five lethalia peccata, explicabitur disputatione sequenti.

Rationes pro priori sententia adversus posteriorem.

MEMBRUM IV.

IN confirmationem vero prioris sententiæ ^{Primum} obijci potest contra secundam, in primis ^{argumentum aduersus posterio-rem sententiam.} Augustinus Epist. 106 ad Paulinum, ubi inter objecta Pelagio in Concilio quodam Palæstino, quæ nisi Pelagius ipse propria confessione anathematizasset, ipse ab eodem Concilio fuisset anathematizatus, illud connumerat. Gratiam Dei, atque adiutorium non ad singulos actus dari, sed in libero arbitrio esse, vel in lege, & doctrina. Illud præterea refert, victoriam nostram non ex Dei adiutorio esse, sed ex libero arbitrio. Ex quorum damnatione & retractatione infert ulterius Augustinus unumquemque fidelem teneri fateri, quando contra tentationes, concupiscentiasque illicitas dimicamus, quamvis & illic habeamus propriam voluntatem, non tamen ex illa, sed ex adiutorio Dei nostram provenire victoriam.

Secundo obijciat aliquis Innocentium primum in Epistola ad Concilium Carthaginense, ubi ait: Pares nos ad resistendum, non liberum arbitrium, sed Dei solius potest facere auxilium. Et in Epistola ad Concilium Milevitanum: In omnibus, inquit, divinis paginis voluntati liberæ non nisi adiutorium Dei legimus esse necessarium, eamque nihil posse celestibus prædiis destitutam. Affert etiam Celestinum primum Epist. 1, ubi inter alia cap. 6 definit: Neminem, etiam baptismatis gratia renovatum, idoneum esse ad superandas diaboli insidias, & ad vincendas carnis concupiscentias, nisi per quotidianum Dei adiutorium perseverantiam bonæ conversationis acceperit. Et cap. 7 ait: Nemo, nisi per gratiam, bene utitur libero arbitrio.

Tertio obijciat illud Pauli primæ ad Corinth. 10: Fidelis Deus, qui non patietur vos tentari supra id quod potestis: ergo aliquæ sunt tentationes graves, quas homines viribus suis superare non possunt. Item illud secundæ ad Corinth. 1: Non volumus ignorare vos fratres de tribulatione nostra, quæ facta est in Asia, quoniam supra modum gravi-

vati sumus, supra virtutem, ita ut tæderet nos etiam vivere: ergo tentationes graves sunt supra virtutem & vires liberi arbitrii.

Quartum.

Quarto, objicit, si vera esset posterior sententia, sequeretur aliquem absque speciali auxilio Dei posse esse martyrem; consequens autem est falsum, eo quod martyrium esse non possit sine gratia gratum faciente, quam nullus solis viribus naturæ valet comparare: ergo tentatio, in qua mors imminet, nisi quis a fide discedat, aut in aliud flagitium consertiat, neque ad tempus brevissimum potest sine speciali Dei auxilio superari.

Ad rationes adversas posteriorem sententiam quid responderi possit.

MEMBRUM V.

*Ad primum argum-
entum adver-
sus posteri-
orem senten-
tiam res-
ponso.*

AD primum, quod Augustinus commemo- rat objectum fuisse Pelagio, ab eoque fuisse anathematizatum, responderi potest, sermonem esse de gratia & adjutorio ad singulos actus, si meritum vitæ æternæ continere debent: affirmabat enim Pelagius gratiam, quæ ad id satis esset, non esse aliud, quam liberum ipsum arbitrium a Deo gratis hominibus coitutum, vel legem ac doctrinam a Deo gratis derivatam, per quam hominibus innotesceret, quid facere deberent, neque necessarium esse aliud Dei auxilium. Atque id est, quod Pelagio objectum fuit, & quod anathematizavit.

Ad secundum, quod objectum fuit Pelagio, dicendum est, non esse sermonem de victoria adversus unam aut alteram tentationem vel concupiscentiam quantumvis gravem & molestam, dummodo non longo tempore duret: ad id enim satis sunt vires liberi arbitrii, quamvis multo facilius & melius comparetur, si peculiari aliquo Dei auxilio adjuvemur: sed esse sermonem de victoria adversus omnes tentationes & concupiscentias insurgentes, ne ab eis decursu temporis vincamur, a gratiaque excidamus. Ut enim oppositæ sententia auctores interpretari illud debent, de victoria, non adversus quasuncumque tentationes, eo quod fiantur leves viribus liberi arbitrii posse vinci, sed adversus graves: ita possumus illud idem accipere de victoria adversus omnes tentationes & concupiscentias occurrentes, quæ est victoria simpliciter, qualem verba ipsa Augustini & Patrum videntur innuere; non vero

de victoria adversus unam aut alteram tentationem. Atque hanc expositionem tradit Andreas ipse a Vega, q. 12 citata. Dominicus vero a Soto primo de natura & gratia cap. 21 in responsione ad secundum ait, Locum illum intelligendum etiam esse de victoria tentationum, per quam vitam æternam promereamur, juxta illud Augustini lib. 21 de Civitate Dei cap. 16: Tunc victa vitia deputanda sunt, cum Dei amore vincuntur, quem, nisi Deus ipse, non donat; neque aliter, nisi per mediatorem Dei & hominum. Simile quid docet D. Thomas in secundo d. 28 q. 1 ad ultimum, ubi ita ait: Aliud est resistere peccato, & aliud victoriam de peccato habere: quicumque enim vitæ peccatum, peccato resistit; unde hoc potest fieri etiam sine gratia, neque oportet quod tunc homo resistendo peccato mereatur præmium æternum: sed ille proprie vincit peccatum, qui potest perungere ad hoc, contra quod est pugna peccati: hoc autem non potest esse, nisi in eo, qui opus meritorium operatur. Unde talis victoria vitam æternam meretur, & sine gratia non fit. Hæc D. Thomas. Idem docet D. Bonav. eadem d. q. ultima. Quia ergo Pelagiani ita asserbant nos viribus liberi arbitrii posse comparare victoriam tentationum, ut illa absque alio auxilio & dono gratiæ meritum vitæ æternæ contineret, utrumque adversus illos constituitur, nimirum, nec absque auxilio gratiæ per longum tempus superari posse omnes insurgentes tentationes, neque aliquam earum ita, ut victoria apud Deum vitam æternam mereatur, ut de observatione præceptorum disputatione 17 etiam dicebamus.

Ad primum testimonium Innocentii in secunda objectione citatum dicendum est, affirmare adversus Pelagianos divinum auxilium efficere nos pares, tum ad resistendum omnibus tentationibus & incurfibus, ne succumbamus: tum etiam ad resistendum singulis, ita tamen ut certamen illud vitæ æternæ dignum sit.

Ad secundum dicendum est similiter, non aliud affirmare, quam voluntatem humanam auxilio gratiæ destitutam, nihil omnino posse, quod vitæ æternæ sit dignum.

Primum vero testimonium Celestini intelligendum est, de omnibus diaboli insidiis, & de omnibus carnis concupiscentiis, contra quas

Ad secundum.

quas indigemus quotidiano auxilio, quo in gratia perseveremus, ut ejus verba aperte docent; non tamen de singulis. Secundum vero intelligendum est, de bono usu liberi arbitrii, qui ad vitam eternam comparandam conducit.

Quo loco duo notanda sunt. Unum est, Patres adversus Pelagianos, ut disputatione 4 dictum est, nomine auxilii gratiæ, comprehendere etiam auxilium illud, quod median-
*Ab illis
gratiæ ap-
pelle quid
Patres
adversus
Pelagianos
intelligunt.*
tibus habitibus supernaturalibus impenditur, absque alio impulsu particulari Spiritus sancti: hoc enim modo adversus Pelagianos affirmant, nec ullam adimpletionem præceptorum, nec ullam victoriam tentationum, quantumvis levium, quæ apud Deum digna censetur vita æterna, sine auxilio gratiæ esse posse. Alterum est, testimonia omnia citata, quæ dicimus intelligenda esse non de singulis tentationibus, similiter ab opposita sententiæ auctoribus accipienda esse, non de singulis quibusque, sed de gravibus tantum ac difficilibus: ipsæ namque ipsi farentur sine auxilio speciali posse superari.

Ad primum locum Pauli dicendum est, ita esse intelligendum: non patietur vos tentari, pluribus videlicet & difficilioribus & diuturnioribus tentationibus, quam pro ratione auxilii, quod ipse Deus impenderit, positis commode sustinere: inde vero non sequitur, aliquam esse tentationem, quam in potestate nostra non sit ex nostris viribus in quocunque temporis puncto superare, si pro viribus pugnare voluerimus.

Ad secundum dicendum est, ob magnitudinem & diuturnitatem fuisse tentationem illam supra Pauli & sociorum vires, & idcirco auxilio Dei superatam fuisse: id vero non tollit, quominus in potestate virium naturalium liberi arbitrii eorum fuerit in quocunque temporis momento illi vel repugnare, vel succumbere. His adde, ejusmodi locutiones hyperbolicas esse solere in communi usu ad exaggerandam exprimentamque rei magnitudinem ac difficultatem.

Ad quartum neganda est sequela. Lutheranus namque, cui mors immineret, nisi Trinitatis articulum negaret, aut nisi in adulterium, aut parricidium consentiret, esto tentationem superaret, mortemque subiret, ut novam illam præcepti transgressionem vitaret, non proinde effert martyrem, aut reponere-

tur in gratia, cum sine fide supernaturali impossibile sit placere Deo. Fidelis etiam, esto mortem subiret, ut similes præcepti transgressionem peccataque vitaret, si tamen in proposito perseverandi in quovis alio lethali peccato peristeret, vel de peccatis præteritis dolere negligeret, cum commode posset & menti id occurreret, martyrem similiter non esset. At vero quicumque sordibus lethali peccatorum infectus, conaretur ex suis naturalibus mortem pro Deo subire, efficereque pro oblata occasione quod in se esset, ut formali vel virtuali suorum peccatorum poenitentia veniam consequeretur, sane cum Deus facienti, quod in se est, paratus de lege ordinaria sit subvenire supernaturali auxilio, responderetur in gratia, essetque vere martyr; non tamen solis suis viribus, sed supernaturali Dei auxilio præventus ac suffultus. Itaque ad martyrii rationem sat non est mortem subire, ne quis mandatum violat, & ut tentationem occurrentem superet. Paulus namque primæ ad Corinth. 13: Si distribuero, ait, in cibos pauperum omnes facultates meas, & si tradidero corpus meum ita ut ardeam, caritatem autem non habuero, nihil mihi prodest: sed necesse ulterius est, ut auxilio gratiæ id fiat quod Deus facienti quod in se est nunquam denegat. Eaque ratione Ecclesia, quos mortem pro Christo subiisse comperit, in martyrum catalogum merito refert, eo quod credendum non sit, quemquam tunc virtuali saltem poenitentia, quæ in perpeffione ipsa mortis propter Deum supernaturali Dei auxilio suffulta est posita, caruisse, etiam si brevissimo tempore mors prius fuisset proposita, quam illata, eamque ille transverberato corde pertulisset.

Quid de proposita difficultate sit sentiendum, solvunturque rationes adversus priorem sententiam proposita.

MEMBRUM VI.

Licet ex hæcenus dictis constet, posterio-
*Ad marty-
rii ratio-
nem satis
non est mor-
tem subire.*
rem sententiam non carere sua probabilitate, tum ob Patrum auctoritatem, quos eam affirmare restimus, & scholasticos qui eandem sequuntur: tum etiam propter rationes, quibus illam confirmavimus: quia tamen prior variis in provinciis communis censetur in scholis, minusque tutum propter antiquos Patres & Concilia reputatur asserere, in

re, in arbitrio spectato in statu naturæ lapsæ esse vires sine speciali auxilio Dei, vel ad quamcunque mediocriter difficilem vehementioreve tentationem in unico temporis momento superandam, vel ad eliciendum quemcunque difficiliorem actum naturalem moraliter bonum, eaque de causa neque contritionem, neque attritionem quoad solam actus substantiam posse elici sine speciali auxilio Dei propter difficultatem, quæ in absoluto proposito amplius non peccandi lethaliter cernitur, debilitatemque magnam, quæ in arbitrio nostro post peccatum primorum parentum mansit; Ego interim dum posterior vel ab Ecclesia non definitur, vel in scholis frequentior non sit, ab illa priori discedendum non censeo. Præsertim cum & rationes quibus illam confirmavimus multum ponderis habeant, & facile me multa possint latere, quæ illam certam efficiant. Quare quæ tam hac, quam 14 disputatione in favorem posterioris dicta sunt, ita accipiantur, ut propoſita potius, quam asserta a nobis sint. Illa namque eo animo in medium protulimus, ut intelligatur quanta eis opinionibus inſit probabilitas. Neque enim ſilere debuimus, quæ nobis de novo ea de re occurrerant, ſi forte temporis decurſu ab aliis probarentur.

Rationes, quas adverſus priorem ſententiam pro alterius opinionis confirmatione conſeci, ſi apud alios auctores inveniſſem propoſitas, libenter modum ſubjicerem, quo ab eiſdem ſolverentur. At, quia neque ea præſidii ratio, quæ ab alieno ingenio petitur, in hac parte ſuccurrit, neque ſolutiones, quæ tenuitati noſtræ ſeſe offerunt, omnino intellectionem expleant: dicam id quidem quod circa ſingulas accommodatius in præſentia occurrit: accuratiores tamen earundem rationum ſolutiones peritorum ingeniis committo.

Ad primum adverſus priorem ſententiam reſponſum. Ad primam, quicquid ſit de eorum, qui citantur, Patrum ſententia, dicendum eſt, Concilia & rationes, quibus prior ſententia confirmata eſt, eam perſuadere, atque adeo eſſe poſteriori anteferendam.

Ad ſecundam ſententiam. Ad ſecundam dicendum eſt, id nullum eſſe abſurdum: eo quod ingens admodum ſit humanæ voluntati innata infirmitas, ſi ſuis viribus cum ſolo concurſu Dei generali relinquantur, ut Concilia, juxta varia ſcripturarum

teſtimonia, ſonant. Ad Theologorum vero pronuntiandum, vel dicendum eſt, eſſe eorum duntaxat, qui poſteriorem ſententiam amplectuntur; vel intelligendum eſſe de humana voluntate, qualis eſt de lege ordinaria, eo quod concurſus Dei ſpecialis, quando eo ad libere operandum indiget, nunquam illi deſit.

Ad tertiam, conceſſa majori, ad minorem dicendum eſt, probare quidem non expedit, ut Deus optimus maximus cum viribus naturalibus & ſolo concurſu Dei generali (ut Philoſophi eſſormatum eum crediderunt) hominem conderet in ſolum finem naturalem, idque propter tam ingentem humanæ voluntatis cum eis ſolis viribus infirmitatem ad bonum, quæ ibi percerſetur, neque ſic fuiſſe effectum, ſed ſimul etiam ad finem ſupernaturalem, & ratione finis ſupernaturalis cum ſuppætiis ad utrumque finem accommodatis. Ad id vero, quod ex Ariſtotele adducitur, dicendum eſt, cum non cognoviſſe auxilia particularia, quæ Deus in ſtatu naturæ lapſæ impendit per Chriſtum hominibus, etiam peccatoribus, quantum ſatis eſt, ut interim dum rationis lumen non abſorbetur, libere operentur; neque ſolo lumine naturali cognoscere potuiſſe ea ad id eſſe neceſſaria, ut Scripturæ, & ex eis Concilia, neceſſaria eſſe docent. Experientia autem libertatis arbitrii in ſimilibus eventibus, ſane eſt, poſitis ejusmodi auxiliis, quæ Deus non negat, & quæ nequaquam ea ipſa experientia, qua arbitrii libertatem tunc experimur, deprehenduntur. Ad exempla vero de hominibus infidelibus, quæ adducuntur, dicendum eſt, nullum eorum quicquam difficile, quod vere eſſet bonum honeſtum, efficiſſe ſine ſpeciali auxilio Dei, quod Deus nemini denegat; eo quod neceſſarium ſit ad arbitrii libertatem tunc conſervandam.

Ad confirmationem negandum eſt, continere conſenſum in eo eventu, eſſe naturale libero arbitrio: quoniam non remanet libertas voluntatis, ac proinde nec ratio liberi arbitrii ad illum continendum, niſi Deus ſuppætiis veniat auxilio particulari: quin potius voluntas, qua natura, cum ſolo concurſu generali eum eliciet mere naturaliter, atque adeo ſine demerito. Ad probationem in contrarium dicendum eſt, liberum arbitrium collatum eſſe ad continendum conſenſum,

Ad tertiam

Ad confirmationem

sum, aut etiam eliciendum dissensum, modo vel non sit tanta difficultas, quæ sine speciali auxilio libertatem impediatur, atque adeo tollat rationem liberi arbitrii, vel particulari auxilio voluntati ad libertatem in ea tuendam subveniatur. Ad id autem quod subiungitur, nempe ad continendum assensum necesse non esse ut liberum arbitrium actum eliciat, ad quem vel generali, vel particulari Dei concursu indigeat, dicendum est, auxilium particulare tunc esse necessarium, ut libertas integra in voluntate maneat, ne cum solo concursu generali, tanquam natura, non libere, sed mere naturaliter consensum eliciat.

Ad quartam concedenda erit consecutio. Ad probationem vero falsitatis consequentis dicendum erit, experientiam, quæ experimur naturalique lumine cognoscimus, partem superiorem dominari inferiori etiam quando vehementes ac difficiles sunt inferioris motus, esse, posito concursu Dei particulari, quem Deus, ut dictum est, in similibus eventibus non denegat: secus autem si, ut antecedens supponit, illum denegaret. Posito etiam in eisdem eventibus eodem particulari auxilio loquuntur Scripturæ sacræ, atque dicitur homo liber, ad imaginemque Dei factus, ad ejusmodi etiam motus supprimendos.

Ad quintam concedendum est totum, ut ad tertiam dictum est. Illa autem pugnant cum ratione ac lumine naturali, posito, quod in similibus eventibus Deus paratus sit impendere auxilium particulare, ut modo re ipsa paratus est: secus autem facta contraria hypothesis, ut in ea ratione sit.

Sexta ratio plus difficultatis continet, quam præcedentes, libenterque illius solutionem ab aliis audirem. Neque aliter mihi dicendum occurrit, quam inter auxilia Dei particularia, quædam esse ordinis supernaturalis, quæ operationes nostras ad esse supernaturale evehunt: alia vero quæ non ita evehunt, neque in se sunt res supernaturales, sed adjuvant solum infirmitatem nostram ad legem naturalem implendam. Rursus hæc tam copiosa & efficacia posse conferri, ut sufficiant ad integram legem naturalem, quæ sub lethali peccato obligat, servandam; vel non adeo copiosa & efficacia quæ ad id sint satis, sed solum ut in quocunque eventu insurgente quæcunque difficili passione aut tentatio-

ne, in potestate arbitrii humani sit non succumbere, legemque per id temporis implere. Atque hæc sola tertii generis conferenda fuisse generi humano in statu naturæ lapsæ, etiam si per Christum non foret redimendum, utpote ad libere accommodateque ad finem naturalem operandum quodammodo illi debiti. Concesso autem redemptore, non solum primi & secundi generis auxilia conferri per solum Christum, sed etiam ea quæ tertii generis sunt, donari tum per Christum, tum etiam quia humanæ naturæ sunt quasi debita. Quia ergo absurda omnia, quæ sexta ratione inferuntur, supponunt ejusmodi auxilia sine Christo generi humano non fuisse conferenda, sane vis tota illius rationis cessat.

Ad septimam negari debet, concedendum id esse. Ad probationem dicendum, tam ingentem esse humanæ voluntati innatam infirmitatem, ut licet singulas illas tentationes & occasiones faciles peccati lethalis vitare possit cum solo concursu generali, omnes tamen eas vitare diu non possit sine auxilio particulari.

Ad octavam negandum est id sequi. Ad probationem similiter esse dicendum, adeo debilem & infirmam esse humanam voluntatem, ut esto adhiberetur fidei, quo sibi quis supernaturali actu persuadeat æternos cruciatu felicitatis sibi esse paratos, si in lethale peccatum consentiat, & simul adhiberetur gratiæ gratum facientis, nisi tamen superaddatur particulare quotidianum Dei auxilium, licet cum solo generali concursu vitare possit singula lethalia peccata dum faciles tentationes & occasiones occurrunt, omnia tamen, etiam dum eisdem faciles tentationes & occasiones duntaxat occurrunt, vitare diu non possit.

Illud etiam hoc loco dicam, simili modo esse satisfaciendum rationibus, quibus disputatione 14 membro 4 communem eorum scholasticorum sententiam confirmavimus, qui affirmant, attritionem & contritionem quoad solam actus substantiam elici posse cum solo concursu generali Dei. Dicendum namque est, tantam esse innatam humanæ voluntati infirmitatem, ut esto quis actum supernaturalem fidei habeat, quo sibi persuadeat bonitatem & beneficia, quibus Deo est devinctus, nec non paratos sibi esse cruciatu

ciatus æternos, nisi absolute statuat non peccare deinceps lethaliter (quod tam ad attritionem, quam ad contritionem, requiritur) nihilominus sine speciali auxilio Dei id statueri non possit, eo quod is actus, ut absolutus ac verus sit, non minorem difficultatem continet, quam superare quamcunque non leviem tentationem ac occasionem peccandi. Ad rem redeamus.

Ad novum.

Ad rationem postremam, concessa majori, ad minorem dicendum est, eam impotentiam esse talem, qualis ibi dicitur, si solum compareretur ad eventus, in quibus leves tentationes & occasiones transgrediendi præcepta occurrunt: secus autem si ad eos, in quibus occurrunt graves & difficiles: nam tunc neque in puncto temporis impleri possunt præcepta sine auxilio Dei particulari, ac proinde eo deficiente, transgressio non esset peccatum, eo quod non esset libera. Ad probationem, quæ ex definitione Concilii Tridentini adducitur, non video quid aliud responderi possit, quam, eam vim habere per comparisonem ad solas observationes mandatorum quæ parum difficultatis continent, quasi iustificatus licet in singulis servare possit præcepta cum solo concursu Dei generali, atque adeo si ea non servaret, peccaret lethaliter, & amitteret gratiam, in omnibus tamen servare diu ea non potest, nisi peculiari auxilio Dei ei subveniatur, ac proinde committit verum peccatum lethale, & amitter gratiam: per comparisonem vero ad observationes, quæ notabilem continent difficultatem, quoniam si particulare auxilium ad singulas non impenderetur, in quocunque temporis momento in præcepti transgressionem consentiret, excusaretur a culpa, nec gratiam amitteret, utique vim non haberet ea definitio, ut sufficiens probat argumentum. Quare, juxta hanc opinionem, sola impotentia cum concursu tantum generali, quæ est ad diu servanda præcepta, quando non continent notabilem difficultatem, est similis ei, quæ cum ordinariis auxiliis est in iustis ad diu peccandum venialiter: non vero ea, quæ est ad servandum præcepta, quando observatio continet notabilem difficultatem: quoniam hæc excusat a culpa in quocunque temporis momento. Semper tamen impotentia ad vitanda vera ac formalia peccata lethalia, quæ a culpe ratione non excusantur, est per similis

ei quæ est in iustis ad vitanda venialia: eo quod, qui vere sive lethaliter, sive venialiter peccat, vitare possit tunc peccatum, alioquin non peccaret.

Fortè mirabitur prudens lector, ut & multi lecta prima hujus nostri operis editione, datis, quæ ad nos literis mirati sunt, quid causæ fuerit, quod, cum tam hac quam & disputatione, adeo firmis rationibus communes gravissimorum doctorum sententias, in quas utrobique non obscure propendimus, corroboraverimus, contrariasque aliorum rationes tam perspicue dissolverimus, everterimusque, membro hoc ultimo utramque quæstionem, præter nostrum morem, isto definierimus modo, serio quidem excogitatis atque adhibitis solutionibus rationibus nostris, sed quæ, ut aliorum, sic nostrum nunquam expiere potuere intellectum. Id sane ad quorundam animos sedandos, pacemque quoad fieri posset servandam, factum a nobis fuit. Novit enim Dominus pro illorum temporum ratione aliud, nec mihi, nec ipsius obsequio expediens tunc fuisse: cum tamen facile quisvis, lectis quæ in utramque partem nobis occurrerant, iudex esse poterat, quid in se esset verum, quodque ea de re esset nostrum iudicium. Sequentem tamen non continendam rationem vir quidam doctissimus nostris addendam putabat. Non minus potenter voluntas humana in aliquibus viris sanctissimis, præsertim in Domina nostra, & Christo viatore, movebatur ad bonum, quam, exorta vehementi aliqua tentatione, in aliis moveatur ad malum: Sed motio illa vehemens ad bonum libertatem relinquebat voluntatem Domine nostræ, & Christi, ad non eliciendum actum circa illud objectum, nisi contra fidem Catholicam a Domina nostra, & a Christo viatore, meritum velis auferre: ergo voluntas aliorum, exorta quacunque vehementi tentatione, sibi quæ ipsi relicta, libera in quocunque instanti manet ad non consentiendum malo.

Potentia ad vitanda singula vel venialia, vel lethalia peccata, quæ ratione cohereat cum impotentia ad vitanda omnia.

DISPUTATIO XX.

POTERIT aliquis objicere, nulla ratione cum libertate ad vitandum singula peccata venialia coherere, hominem non posse diu per seve-

perseverare sine peccato veniali: & cum libertate ad vitandum ex viribus naturalibus liberi arbitrii singula lethalia peccata, superandasque singulas quasque tentationes, non convenire, hominem sine speciali auxilio Dei non posse per longum tempus tentationes omnes superare, & cavere peccata omnia lethalia, ac proinde pugnantia inter se esse quæ precedentibus disputationibus dicta sunt.

Conficiet vero ita argumentationem. Si homo viribus suis naturalibus non posset diu cum solo concursu generali Dei superare tentationes omnes, & continere se ab omni peccato lethali, plane concedendum esset, vel dari tantum tempus, in quo toto non posset se continere, & in quocunque minori posset, vel dari tantum in quo toto se posset continere, & in quocunque majori non posset. Id quod facile demonstrabitur sumpto tempore aliquo magno, ut triginta, aut quadraginta annorum, in quo inter omnes constet, non posse quenkumque absque speciali auxilio Dei perseverare sine peccato lethali: petet enim, vel ablata una hora ab eo tempore; poterit in reliquo perseverare sine peccato lethali, vel non. Si dicas non posse, iterum petet, an ablata insuper alia hora, in reliquo possit, & ita consequenter quousque vel consumatur totum tempus datum, vel deveniendum sit ad tam exiguum tempus, ut ablata ab eo tandem certa aliqua hora in reliquo perseverare possit absque peccato lethali. Tunc vero quæret, an si auferretur ex eo dimidium horæ, posset perseverare, & sive respondeas posse, sive respondeas non posse, plane vel dividendo dimidiam illam horam per partes proportionales, & addendo eas illi tempori, a quo ablata fuit, vel dividendo per partes proportionales alteram dimidiam horam, quæ ablata non fuit, succelliveque auferendo partes illas proportionales a tempore, tandem deveniendum erit, vel ad tantum tempus in quo non possit, & in quocunque minori possit; vel ad tantum in quo possit, & in quocunque majori non possit, quod erat probandum. Neque satisfacere qui diceret, neminem scire quantum sit tempus, in quo non possit: quoniam ex natura rei aliquid est certum & determinatum tempus, ut demonstrare videtur argumentum, quod quantum sit, Deum minime latet. Fingatur ergo

MOLINA.

esse tantum, vel tantum, ut vires argumenti innotescant, fiatque manifestum, potentiam ad singula non coherere cum impotentia ad longum tempus ad omnia. Quo dato ita res facile ostenditur. Si dicas dari tantum tempus, in quo non possit perseverare sine lethali peccato, & in quocunque minori possit. Poterit ergo usque ad postremam millestimam partem ultimi quadrantis, aut usque ad quancunque aliam minorem perseverare, quo dato necessarium erit, eum peccare lethaliter actione singulari, quam in illa brevissima particula temporis reliqui elicerit, ac proinde esse nequit necessitas peccandi lethaliter intra totum aliquod tempus certum, quin necessario peccandum sit per aliquam singularem actionem. Imo cum contradictionem implicet, quemquam necessario peccare singulari aliqua actione, eo quod pugnantia sint, aliquid opus singulare peccatum esse, & non esse in facultate liberi arbitrii illud tunc vitare; sit, ut neque ea actione peccet, ac proinde sit, ut non peccet intra totum illud tempus, in quo dicebas necessario eum lethaliter peccaturum. Si vero dicas, dari tantum tempus in quo toto possit non peccare lethaliter, & in quocunque majore non possit. Actio ergo singularis, quam immediate post illud tempus eliciet, necessario erit peccatum, recurritque idem argumentum. Sub actione vero comprehendente etiam omissionem: parum enim refert sive per actionem, sive per omissionem necessario peccet in p. n. to temporis certo & determinato, aut in brevissima mora temporis certa & determinata. Idem argumentum fieri potest de peccatis venialibus, quæ diximus, etiam cum auxilio speciali Dei per longum tempus vitari non posse.

Pro solutione propositæ difficultatis animæ advertendum est, quamvis homo natura lapsæ non possit viribus suis diu perseverare sine lethali peccato, neque item sine veniali, etiam si peculiaribus auxiliis adjuvetur: eo quod debilitatem patiatur innatam libero arbitrio, eo ipso quod iustitia originali spoliatum fuit, ut disputatione 3 explicatum est: exemplum tamen quod doctores explanare consueverunt, quare hæc omnia homo natura integræ, non item lapsæ, efficere possit, non esse omni ex parte accommodatum. Dicunt enim, hominem naturæ vitiatæ, collatum cum homine naturæ integræ non secus se habere

Exemplum, quo res proposita solet explicari, non omnino probatur.

L

habere ad operandum, ac homo imbecillus, agere se habet ad hominem sanum ac robustum: quare quemadmodum agrotus non potest efficere quæcunque potest sanus, sed aliqua: ita homo naturæ lapsæ non potest per longum tempus servare omnia mandata, ita ut omnia lethalia peccata evitet, bene tamen potest servare aliqua, imo etiam singula, quantum satis est, ut in eorum observatione singula lethalia peccata possit evitare: neque item potest diu continere se ab omni peccato veniali, licet possit abstinere a singulis, cum tamen homo naturæ integræ in longissimum quodcumque tempus possit mandata omnia servare, & ab omni peccato lethali & veniali abstinere.

Exemplum hoc non est omni ex parte accommodatum, sed latissimum est discrimen, maximeque in re proposita attendendum, inter hominem naturæ lapsæ circa observationem eorum, quæ homo naturæ integræ servare poterat, & hominem imbecillum sive agrotum comparatione eorum, quæ ipse, dum valet, præstare potest. Homo etenim imbecillus, quo diutius operando laborat, eo imbecillior redditur ad operandum, tantoque tempore persistere poterit in operatione, ut tandem omnino viribus deficiat, impotensque fiat ad ulterius persistendum in operatione: eaque de causâ diutius persistere potest in operatione homo sanus & robustus, quam is, qui ager est ac debilis. At vero homo naturæ lapsæ tantum abest, ut servando omnia mandata, beneque operando infirmior reddatur ad servandum deinceps mandata & recte agendum, ut indies ad idipsum robustior ac valentior evadat, ratione habitum qui ex actionibus studiosis oriuntur. Maxime cum observatio mandatorum, & in studiosis actionibus perseverantia, neque cessationem ab operationibus, neque cibi, potusve sumptionem, neque somnum, neque honestas recreationes, animique oblectationes excludat, quibus naturales corporis vires reparantur. Homo ergo naturæ lapsæ non ea ratione cum solo concursu generali Dei non potest longo tempore mandatis obsequi, continereque se ab omni peccato, quod observatione ipsa evadat imbecillior ad idem deinceps præstandum, progredique ulterius non valeat, aut quod per mandatorum observationem, & ab omni peccato abstinentiam,

minuatur in eo libertas ad ulterius progrediendum, quin potius indies reddatur valentior, potiorique jure diceremus, libertatem in eo accrescere, quam diminui. Legitima autem ratio, cur id non potest, hæc est. Quia spectata humanæ naturæ fragilitate, difficultate, ac molestia, quæ in vincendis tentationibus, frangendis cupiditatibus, atque implendis mandatis cernitur, fieri nequit, quin aliquando in hac, aut illa parte longi temporis, occurrente hac, aut illa occasione, vel difficultate in implendo hoc, aut illo præcepto, sua libertate atque sponte succumbat, atque adeo peccet, cum tamen, si vellet, posset tunc non succumbere. Itaque non datur tantum tempus, in quo cum solo concursu Dei generali possit non peccare, & in quocunque majori non possit; neque item in quo non possit non peccare, & in quocunque minori possit, ut argumentum supra propositum concludit, præsertim cum nemini id culpe tribui debeat, quod ex eo non possit jam vitare, quod usque ad illud temporis momentum strenue cum vitiis pugnaverit, continueritque se a peccatis, finitumque sit tempus, in quo viribus suis poterat vitare peccatum.

Quando ergo Ecclesia definit, hominem viribus suis naturalibus non posse diu perseverare sine peccato lethali, atque adeo quin sua sponte, & libertate transgrediat præceptum aliquod obligans sub culpa lethali, neque item posse longo tempore perseverare sine peccato veniali, etiam si auxiliis peculiaribus adjuvetur, quod idem affirmant doctores, non est sermo de impossibilitate mathematica, sed de physica ac morali, quæ similitudinem habet cum ea, quæ in rebus casui subjectis cerni solet, ut exemplo quam accommodatissimo statim ostendemus. Ortum vero habet hujusmodi impossibilitas ex difficultate, quod aliquid certo quodammodo contingat, quando facile non est rem eodem modo evenire. Aliquando vero tantum accrescit hujusmodi difficultas, quæ cernitur in talis rei eventu, ut merito in ea impossibilitas inesse dicatur, major, vel minor, prout ex circumstantiis major, vel minor fuerit difficultas. Quando ergo difficultas est tanta, ut arbitrio prudentis res nunquam omnino eveniat, appellatur impossibilitas simpliciter: quando vero solum est tanta, ut

Legitima ratio est homo naturæ lapsæ non posse diu vitare omnia peccata, & ab omni peccato persistere.

Peccatum non impossibile vitare non possit diu vitari.

Peccata quo longiori tempore vitantur ab homine naturæ lapsæ, eo robustior ille fit ad eadem in posterum vitanda.

licet

licet difficile admodum sit evenire, evenire nihilominus possit, tamen admodum raro, dicitur etiam impossibilitas, sed non tanta, neque ita simpliciter, ac prior. Id quod a doctrina Aristotelis alienum non est: primo enim de cœlo cap. 11 ita ait: Impossibile (ut scilicet aliquid oriatur) dupliciter dicitur: aut enim quia non verum est dicere, ortum esse posse, aut quia non facile, neque cito, neque bene oriri potest. Hæc ille. Est ergo impossibilitas, de qua loquimur, non aliud, quam difficultas tanta, quod res aliqua contingat, ut merito arbitrio prudentis, spectatis circumstantiis evenire non possit judicetur. Cum igitur spectata fragilitate hominis in statu naturæ lapsæ constituti, spectatisque tot occasionibus, tentationibus, difficultatibus, ac molestiis, quas subeat necesse est, ut lethalia omnia peccata evitet, nullumque transgrediatur præceptum, quod sub lethali culpa obliget, difficile sit eum suis viribus relictum aliquando pro sua libertate non succumbere; violareque aliquid præceptum, idque eo sit difficilius, quo longius tempus acceptum fuerit, quoque crebriores & difficiliore occurrerint tentationes, occasiones, ac difficultates superandæ; utique tam longum constitui potest tempus, ut merito arbitrio prudentis judicetur, evenire omnino non posse, quin in aliqua illius parte indeterminate, occurrente hac, vel illa tentatione, aut difficultate, adversus hoc, aut illud præceptum, pro sua libertate labatur: cum tamen is ipse, qui tale tempus prudenter constituerit, simul etiam judicabit, cæteris paribus, non plus difficultatis esse in medio, aut in fine illius temporis, quam in principio, tam liberumque hominem esse, & tam potentem, ut non peccet, ad quamcunque partem dati temporis pervenerit sine peccato, quam liber, & potens erat in principio. Porro pro qualitate, frequentia, & magnitudine occasionum, ac difficultatum, quæ sæpius uno tempore, quam alio, & uni quam alteri occurrunt, attentisque aliis circumstantiis concurrentibus, constituendum erit arbitrio prudentis tempus, non solum illud in quo omnino fieri non possit quin atiquis pro sua libertate in lethale aut veniale peccatum incidat, sed etiam illud in quo non, nisi admodum difficile & raro, peccatum possit evadere.

Accommodatissimum vero exemplum, ad

explanandam ejusmodi impossibilitatem, accipere possimus ex proverbio illo quo Aristoteles secundo de cœlo cap. 12 est usus. Recte, inquit, agere multa, aut sæpe, difficile est, ut talos Coëntes mille projicere impossibile est, sed unum vel duos facilius est. Quibus verbis aperte docet, ex repetitione, vel accessione eorum, quorum singula facile evenire possunt cetero quodam modo, oriri majorem difficultatem, ut simul omnia eodem modo eveniant, tantumque earundem rerum numerum posse accipi, ut impossibile sit omnia eodem modo evenire. Ut enim in proposito exemplo perscrutemur, facile est unius, vel alterius tali jactu reddere signum Veneris, sive Cœum, quo numerum septenarium significabant veteres, & sex lucrificabant: at quo plures tali projiciuntur simul, aut unus & idem sæpius, eo erit difficilius, omnes simul, aut unum & eundem toties sub eodem signo cadere: quod si mille jaciuntur simul, aut unus milies, impossibile omnino erit (ut patet, & experimento comperiri facile potest) quod idem semper ab omnibus signum reddatur. Atque hoc est, quod verba illa Aristotelis significant, agere multa recte, aut sæpius idem agere recte, difficile est, ut projicere talos mille Coëntes (quorum singuli, videlicet, sub Cœo signo stent, sive mille jaciuntur simul, sive unus & idem milies) impossibile est.

Quod ergo hoc loco nitimur docere, id ipsum plane Aristoteles suo exemplo loco supra citato intendit docere. Cernens quippe quam difficile propter partis sententias repugnantiam homines in officio contineantur, & in agendo rectam rationem sequantur, docet, non esse difficile cuique exercere singulas operationes juxta rectæ rationis præscriptum: at eo esse difficilius nunquam rectæ rationi adversari, quo per longius tempus agendum sit, pluresque actiones sint accessuræ; tantumque tempus posse constitui, totque actiones in eo fore exercendas, ut impossibile sit recte agere omnes, non difficile tamen singulas, quod exemplo proposito talorum luce clarius ostenditur.

Licet autem exemplum illud accommodatum sit, quando multi tali simul jaciuntur, quoniam quo plures projiciuntur, eo difficilius erit omnes casu sub eodem signo stare, totque poterunt simul projici, ut id sit impossibile,

possibile, cum tamen non possimus constituere certum talorum numerum, quos impossibile sit simul sub eodem signo cadere, quin impossibile etiam sit, minorem numerum proximum eodem modo cadere: accommodatius tamen multo est exemplum, quando idem talus sæpius projicitur. Si enim secludas casum fortuitum, qui in jactu tali hoc, vel illud signum reddentis cernitur, qui tamen in adimpletione vel transgressione præceptorum non intervenit, si quidem ex electione sunt, sane sicut fieri optime potest, ut idem talus semel aut bis projectus idem omnino signum reddat, quo vero sæpius jaciendus est, eo difficilius id continget, quod si millies projiciendus sit, aut (ne quis in numero vim faciat) si decies centies millies projiciendus sit, impossibile omnino sit casu semper idem prorsus signum reddi, cum tamen non detur certus jactuum numerus, a quo possit reddi, quin etiam a proximo majori numero reddi possit, imo vero ad quemcunque numerum jactuum devenieris, quibus redditum fuit idem signum, tam facile sit jactibus sequentibus reddi, ac si nunquam antea redditum fuisset, aut forte quodammodo sit facilius propter dexteritatem, quam ludens comparat ex repetito jactu si b ejusmodi signo: ita profecto res accidit in proposito; singulas namque observationes mandatorum potest optime suis viribus exhibere homo naturæ lapsæ, quantum satis est, ut peccatum evitet, & quo brevius constitutum fuerit tempus, in quo mandata servet, eo facilius ea poterit in eo toto servare; quo vero majus, eo poterit difficilius; tantumque constitui potest, ut fieri nequeat, quin in parte aliqua illius incerta, pro sua fragilitate, sponte ac libere aliquod transgrediatur; cum tamen ad quancunque partem illius temporis devenierit sine transgressione mandatorum, æque liber & potens sit, ut in reliquo tempore nullum transgrediatur, ac si illud esset initium totius temporis dari: imo quodammodo sit potentior propter habitum & dexteritatem, quam ex observatione præcedenti usque ad illud temporis punctum comparavit.

Ex quibus omnibus satis est manifestum, potentiam ad vitanda singula peccata in quocunque temporis momento coherere cum impotentia ad diu omnia vitanda: ejusmodique impotentiam non esse aliud, quam

impossibilitatem, non quidem physicam, sed moralem, ut res certo quodam modo diu ac sæpius eveniat. Quo fit, ut infirmitas, quæ post peccatum in libero arbitrio cernitur, & impossibilitas ex ea consequens ad servandum diu omnia mandata, abstinendumque ab omni peccato, non tollant, neque impediant libertatem arbitrii, quominus viribus suis naturalibus singula præcepta implere valeat, quantum satis est ad singula peccata tam lethalia, quam venialia vitanda.

Confirmari possunt hæc dicta ex illo Matth. 18: Necessè est, ut veniant scandala: quoniam scilicet posita fragilitate, pronitare ad malum & multitudine hominum, fieri nequit, ut ex tanta hominum multitudine hi, vel illi scandala non præbeant: verumtamen vix homini illi per quem scandalum venit. Ut enim Hieronymus ibidem ait, Cum necesse sit in isto mundo fieri scandala, unusquisque vitio suo scandalis patet. Ecce, cum necessitate in genere, ut eveniant scandala, stat absoluta libertas, ut quisque se contineat ab scandalis, quæ aliis præbet.

Ad argumentum ergo initio propositum negandum est illud sequi, nimirum, velandum esse tantum tempus, in quo toto non posset homo se continere a peccato lethali, & in quocunque minori posset, vel dari tantum, in quo toto se posset continere, & in quocunque majori non posset. Ad probationem vero dicendum est, diminutiones illas, & aditiones temporis quousque deveniatur ad minimum quod non, aut ad maximum quod sic, ut vocant, non habere locum, neque quicquam concludere in fortuitis eventibus, qui, quod semel, aut sæpius hoc vel illo modo eveniant, non habent ex tanta, vel tanta virtute causæ, ut ea ratione comparatione causæ certum ac mathematicè definitum terminum habeant, sed fortuito accidit, ut quandoque eodem modo eveniant in majori numero, indefinito tamen, quandoque in minori, atque interdum, ut neque semel eo modo res contingat, prout quasi forte quadam, atque fortuna acciderit: quibus nihil obstat, quod nonnunquam aliquid dexteritatis, atque artis admisceatur, a qua sola non pender effectus, ut in talorum jactu explicatum est. Quare ut nullus ejusmodi effectus est certus, sed omnes pendunt a fortuna: ita neque est certus aliquis determinatus eorum numerus

Ad argu-
mentum
initio pro-
positum
respondet.

numerus qui possit evenire, quasi nullus major evenire possit. Idem cernitur in effectibus, quorum singuli a libero arbitrio pendent, ita tamen quod ob suam infirmitatem necessario, sine certi temporis tamen praefinitione, deficiet, ne omne id in singulari efficiat, quod in singulari potest: quia enim quilibet defectus singularis a libertate arbitrii pender, non potest esse mathematice certus & determinatus, quando erit, aut in qua occasione & eventu continget, quoniam tunc continget, quando liberum ipsum arbitrium voluerit libere succumbere. Sicut ergo de fide est, neminem ad tantum gratiae incrementum pervenire posse in hac vita, quin possit pervenire ad majus, si per suum liberum arbitrium voluerit fortius agere; eo quod nullus sit, qui tanto semper conatu agat, quin majorem adhibere possit, si velit, quamdiu vitam humanam degit; ac certissimum est, nullum pervenire posse ad tantam gratiam, quantum habet Christus Dominus, aut sanctissima ejus mater: ita non datur tantum tempus, in quo toto possit quis perseverare sine peccato lethali, aut veniali, quin, si illud totum transierit sine peccato, possit in majore sine peccato perseverare: eo quod ideo unusquisque peccet, quod in potestate ipsius sit non peccare tunc, perseverareque ulterius sine peccato.

Ex his omnibus constat, neminem in hac vita posse per suum liberum arbitrium efficere collective in tota vita totum, quod divisive in ea potest facere. Sicut neque etiam ipsemet Deus efficere potest collective in quocunque temporis puncto totum, quod divisive in eo potest facere; alioquin efficeret infinita, suamque exhauriret potentiam, quod cum omnipotentia ipsius manifeste pugnat.

Quaedam alia scriptura loca explicantur, & cum arbitrii libertate consentire ostenduntur.

DISPUTATIO XXI.

Libertate arbitrii solus homo, ut a Deo in vitam aeternam efformetur, non alicuius in manu figuli, neque id cum libertate arbitrii ipsius pugnare. Cum enim offensum sit,

hominem solis suis viribus nihil eorum posse, quae ad vitam aeternam spectant, quin potius, si habitualia dona fidei, spei, caritatis, gratiae gratum facientis, quae a solo Deo habentur, & in quibus justificationis donum est possum, consequi debeat, praevenitur, attrahatur, ac supernaturaliter a Deo adjuvetur necesse sit, ut quantum ad ea dona recipienda sit satis, se disponat: cum item ostensum sit, hominem, postquam justificationis donum fuerit assecutus, a quotidiano Dei auxilio pendere, non solum ut in eo crescat, sed etiam ut in eodem perseveret, victorque adversus tot, ac tam difficiles incurfus hujus vitae evadat; plane licet homo per suum liberum arbitrium suam, quantum in superioribus est explicatum, salutem cooperetur, suumque illi locum relinquat Deus, ut ad quod voluerit porrigat manum, merito tamen ut ad vitam aeternam aptetur, luto in manu figuli ad Deum relatus comparatur. Non solum quod Deus praecipua sit causa, ac artifex eam formam pro suo benedictio supra illius naturam in eum inducens, sed etiam quod per aeternam praedestinationem ea dona, easque rerum circumstantias quibusdam ex sua misericordia preparaverit, atque in tempore re ipsa exhibeat, quibus praevidebat eos per suum liberum arbitrium, adjuutos tamen misericordia divina, evasuros vasa in honorem, hoc est dignos vitam aeternam, cum tamen in eorum potestate fuerit evadere vasa in contumeliam, apta in aeternum interitum: aliis vero justo quidem, at inscrutabili judicio; aeterna sua liberaque voluntate ea solum dona statuerit conferre, easque circumstantias rerum preparare, quibus, si per ipsos non staret, primumve parentem (quod addiderim propter parvulos, qui cum solo originali decedunt) essent quidem vasa in honorem; in quem finem una cum ceteris constituebant eos creare. At cernens eos sua propria culpa aut primi parentis, futuros vasa apta in interitum, nec finem omnibus hominibus communem assecuturos, non propterea eos creare destitit; quin potius eo ipso, quod eos ita creare decrevit, permittit statuens mala omnia, quae ipsorum culpa futura praevidebat, id totum infinita sua sapientia, ac bonitate in optimos alios fines ordinavit, ut inferius quaestione 23 explicabimus.

Hoc loco præter Scripturæ testimonia tam hac, quam 18 & aliis disputationibus exposita, explananda forent quædam alia, quæ cum libertate arbitrii nostri aliqua ex parte pugnare videntur. Quoniam vero commodius id fiet in progressu, jactis prius fundamentis, ex quibus dilucida erit eorum intelligentia, hoc loco præmittenda sunt.

Solum tamen exponam locum illum Proverbiorum 21: Cor Regis in manu Domini; quocumque voluerit, inclinabit illud: eo quod non exigit alia fundamenta, quam quæ hæcenus fecimus. Cor Regis (quod in terra, poenæ timore, præmii spe, alium non habet, a quo corceatur, eaque ratione difficilius, quam cor cuiusvis alterius in unam, aut alteram partem a quoquam alio inflectitur) dicitur esse in manu Dei, qui quocumque voluerit inclinabit illud, donis videlicet suis, & auxiliis in unam, aut alteram partem suaviter illud trahendo, quo Deus ipse voluerit, servato interim integro jure innate libertatis humanæ. Est etiam cor Regis in manu Domini, quoniam potest illi necessitatem inferre, ut id velit, quod placuerit Deo ipsum velle, ut prima secundæ q. 6 ostendimus: verum Deus non consuevit uti hac sua potestate, sed relinquere solet homines in manu consilii sui. Illud præterea est animadvertendum, a Deo inclinari non posse hominem ad id, quod malum atque peccatum est, quod hoc loco ipse Sapiens vult subintelligimus: tamen si permittere possit mala, tentationesque, & occasiones peccatorum, ut inde majora bona eliciat, ut suo loco inferius videbimus. Nihil ergo locus ille libertati arbitrii nostri adversatur.

Mens D. Augustini circa libertatem per peccatum primi parentis ad bonum amissum explicatur.

DISPUTATIO XXII.

EX hæcenus dictis, potissimum disputatione 5, 6, 15 & 19, facile intelligemus, quid sibi voluerit Augustinus de spiritu & litera cap. 3, cum ait: Liberum arbitrium nihil, nisi ad peccandum, valet, si lateat veritatis via: & cum id quod agendum, & quod nitendum est, coeperit non latere, nisi & deleat & ametur, non agitur, non suscipitur, non bene vivitur. Ut autem diligatur, cari-

tas Dei diffunditur in cordibus nostris, non per arbitrium liberum quod surgit ex nobis, sed per Spiritum sanctum, qui datus est nobis. Et in Enchiridion capite 30. Libero, inquit, arbitrio male utens homo, & se perdidit, & ipsum.

His etenim testimoniis hoc tantum voluit Augustinus, ut ex ipsis locis citatis, & ex aliis ejusdem auctoris, quæ citabimus, patet: Quod cum homo ex solis suis viribus naturalibus nihil possit eorum, quæ ad vitam sempiternam spectant, ut disput. 6 & aliis explicatum est: primus vero parens ante peccatum ratione justitiæ originalis gratiæ gratum facientis, ac aliorum supernaturalium donorum, quæ sibi & nobis accepit, habuerit plenissimam illam libertatem, qua non solum poterat perpetrare peccatum, quo a vita æterna averteretur, sed etiam præstare opera digna vitæ æternæ, in eisque sine peccato ad longissimum quocumque tempus perseverare, ut disput. 4 & sequentibus explicatum est: plane eo ipso quod per peccatum sibi, & nobis amisit supernaturalia dona, amisit etiam libertatem ad agendum bonum, quod ad vitam æternam conducit, illique sit in suo ordine & gradu commensuratum, quousque per dona gratiæ, quæ Christus nobis obtinuit, habiles iterum, ac proinde liberi, ad ejusmodi opera redderemur. Nihil ergo curans Augustinus illis in locis de actibus humanis indifferentibus, cujusmodi sunt plantare vineas, ædificare domos, neque item de actibus bonis moralibus mere naturalibus, utpote qui neque a sempiterna felicitate avertunt, aut retardant, neque ad eam conducunt, ulliusque apud Deum sunt ponderis aut valoris, in prædictis testimoniis solum retulit liberum nostrum arbitrium post peccatum ad ea, quæ ad sempiternam felicitatem conferunt, vel ab ea avocant, aut impediunt. Neque proinde negare voluit inesse nobis post peccatum libertatem arbitrii ad illos alios actus naturales indifferentes, aut bonos morali-ter, quin potius in eodem libro de spiritu & litera, atque alibi sæpe illorum mentionem fecit, docuitque eos in potestate nostri liberi arbitrii esse, ut disputationibus citatis ostensum est.

Sensus ergo testimonii ex libro de spiritu & litera, hic est. Si liberum nostrum arbitrium ad ea tantum referatur, quæ ad vitam æternam

æternam conducunt, vel ab ea avocant, nihil nisi ad peccandum valet, interim dum per fidem via ad vitam æternam non innotescit: neque solam fidem sufficere ad vitam æternam promerendam, nisi accedat supernaturalis caritas, quam non a nostro libero arbitrio, sed a Deo supra merita nostra accipere solemus.

In Enchiridio verò affirmat, primum parentem in statu innocentie constitutum male utendo suo libero arbitrio dum peccavit, & seipsum perdidisse, & liberum arbitrium, quoad potestatem videlicet, quam habebat, operandi bona quæ ad vitam æternam conferent. Agens enim de genere humano, quod per peccatum corruerat, ait: Numquid meritis operum suorum reparari potest? absit. Quid enim boni operis potest perditus nisi quantum fuerit a perditione liberatus? Numquid libero voluntatis arbitrio? Et hoc absit. Nam libero arbitrio male utens homo, & se perdidit, & ipsum. Sicut enim qui se occidit, utique vivendo se occidit: ita cum libero peccaretur arbitrio; victore peccato, amissum est & liberum arbitrium: a quo enim quis devictus est, huic & servus addictus est. Petri certe Apostoli est ista sententia, quæ cum vera sit, qualis quæso potest servi addicti esse libertas? Liberaliter enim servit, qui sui domini voluntatem libenter facit, ac per hoc ad peccandum liber est, qui peccati servus est. Unde ad iuste faciendum liber non erit, nisi a peccato liberatus, esse iustitiæ coeperit servus. Ipsa est vera libertas, per recte facti lætitiā, simul & pia servitus propter præcepti obedientiam. Sed ista libertas ad beneficiendum unde erit homini addicto & vendito, nisi redimat ille, cujus illa vox est: Si vos filius liberaverit, tunc vere liberi eritis? Quod antequam fieri in homine incipiat, quo modo quisque de libero arbitrio in bono gloriatur opere, qui nondum liber est ad operandum bene, nisi se vana superbia inflatus extollat, quam cohibet Apostolus dicens: Gratia salvi facti estis per fidem. Hæc August. illo cap. Ex quibus luce apertius constat, libertatem, quam asserit primum parentem sibi & nobis amisisse per peccatum, non esse eam, quæ nostro libero arbitrio est innata comparatione operum mere naturalium, sed esse libertatem, quam ex donis

supernaturalibus liberum ipsum arbitrium coadjuvantibus habebat ad operandum, supra suam naturam quidem, libere tamen omnino opera ea, quibus vitam æternam mereretur. Hanc ergo libertatem affirmat eo ipso, quod peccavit, amisisse sibi & nobis, neque virgibus suis potuisse illam recuperare: sed meritis Christi nobis restitui ratione gratiæ, & donorum supernaturalium, quæ per Christum nobis conferuntur.

Unde libro primo contra duas epistolas Pelagianorum cap. 2: Quis (inquit) nostrum dicat, quod primi hominis peccato perierit liberum arbitrium de humano genere? Libertas quidem perierit per peccatum, sed illa quæ in paradiso fuit habendi plenam cum immortalitate iustitiam, propter quod natura humana divina indiget gratia, dicente Domino: Si vos filius liberaverit, tunc vere liberi eritis: utique liberi ad bene iustque vivendum. Et infra: Cum itaque non vivant bene homines, nisi effecti filii Dei, quid est quod iste (Julianus nempe cum quo disputat) libero arbitrio vult bene vivendi tribuere potestatem, cum hæc potestas non detur, nisi gratia Dei per Jesum Christum Dominum nostrum. Et libro 2 cap. 5: Peccato Adæ liberum arbitrium de hominum natura perisse non dicimus; sed ad peccandum valere: ad bene autem pieque vivendum non valere, nisi ipsa voluntas hominis Dei gratia fuerit liberata, & ad omne bonum actionis, sermonis, cogitationis adjuta.

Et in expositione epistolæ ad Galatas circa medium expositionis capitis quinti: Quod autem ait: Caro concupiscit adversus spiritum, spiritus autem adversus carnem, hæc enim invicem adversantur, ut non quæ vultis faciat; putant hic homines liberum voluntatis arbitrium negare Apostolum nos habere. Nec intelligunt hoc eis dictum, si gratiam fidei susceptam habere nolunt, per quam solam possunt spiritu ambulare, & concupiscentias carnis non perficere. Si ergo nolunt eam tenere, non poterunt ea, quæ volunt, facere. Volunt enim operari opera iustitiæ, quæ sunt in lege, sed vincuntur concupiscentia carnis, quam sequendo deserunt gratiam fidei. Unde & ad Romanos dicit: Prudentia carnis inimica in Deum: legi enim Dei non est subiecta, neque enim potest. Cum enim caritas legem impleat, prudentia

Peccator
si liber, &
servus.

prudencia, vero carnis commoda temporalia consecrando spiritali caritati adverteretur, quomodo potest legi Dei esse subiecta?

*Liberty
arbitrium
unde dictum
sit.*

Et Hypognosticon lib. 3 ejus operis autor ita ait: Ipsum liberum arbitrium hominibus esse, certa fide credimus, & prædicamus indubitanter; sed cur dicatur liberum arbitrium, est paululum differendum. Arbitrium ab arbitrando rationali consideratione, vel discernendo quid eligat, quidve recuset, puto quod nomen accepit: vel ideo liberum arbitrium dictum, quod in sua positum sit potestare, habens agendi, quod velit possibilitatem, quod est vitalis & rationalis animi motus. Sed hujusmodi, ut antea jam dixi, fuit homini protoplasto, cum ante peccatum maneret illæsus. Non enim per aliud contraxit offensam, nisi per id, quod potuit, ne delinqueret, resistere suadenti. Per velle ergo malum, recte perdidit posse bonum, qui per posse bonum, potuit vincere velle malum. Et infra: Per peccatum ergo liberum arbitrium hominis possibilitatis bonum perdidit, non nomen & rationem. Esse fatemur liberum arbitrium omnibus hominibus, habens quidem judicium rationis, non per quod sit idoneum quæ ad Deum pertinent sine Deo, aut inchoare, aut certe peragere: sed tantum in operibus vitæ præsentis tam bonis, quam malis. Bonis dico, quæ de bono naturæ oriuntur, id est, velle laborare in agro, velle manducare, & bibere, &c. Malis dico, ut velle idolum colere, velle homicidium, &c. Ista sunt diaboli opera, quæ Christus in hunc mundum veniens ex virgine natus, de credentium libero arbitrio gratuita sua gratia amputat, idoneam in eisdem ad credendum præparans voluntatem, per quam possint tam Dei patris, quam suam, sanctique spiritus justam peragere voluntatem. Et infra: Vitiato ergo libero arbitrio, totus homo est vitiatiss, per quod absque adjutorio gratiæ, quod Deo placeat, nec valet incipere, nec perficere sufficit. Prævenitur autem medicina, id est, Christi gratia, ut sanetur & reparetur in eodem vitiata, atque præparetur voluntas, quæ semper indigens adjutorio, illuminante gratia Salvatoris, possit tam Deum cognoscere, quam secundum ejus vivere voluntatem. Et infra: Non ergo homo voluntate sua, adhuc in vitio liberi arbitrii claudicante, prævenit Deum,

ut cognoscat & quærat eum tanquam gratiam pro meritis accepturum, sed præcedit, ut jam dixi, misericordissima sua gratia Deus hominis ignorantis, & nondum sequentis voluntatem liberi arbitrii, ut eum scire & quærere faciat, &c. Et infra: Incidit in latrones, id est, in diabolum & angelos ejus. Per inobedientiam enim primi hominis diabolum humanum genus dispoliavit, & vulneravit, morum scilicet ornamenti, & bono possibilitatis liberi arbitrii perditio. Quid est autem, Relicto eo semivivo abierunt? Recte dictus est semivivus, habebat enim vitalem motum, id est, liberum arbitrium vulneratum, quod ei solum ad æternam vitam, quam perdidit, redire non sufficiebat, ideo & semivivus dicitur. Jacebat ergo humanum genus vulneratum in mundo, sed cur jacebat, dicite, si per se surgere poterat, vel sanari, nullius indigens adjutorio? Sed jacebat vulneratus, quia vires ei propriæ ad surgendum, quo ad sanandum se, medicum, id est, Deum requirere non sufficiebat. Et deinde late explicat, meritis Christi, gratiæ, & adjutoris illius, curaque Ecclesiæ, cui a Christo est commissus, adjutum, ipso simul per suum liberum arbitrium cooperante, curamque sui habente, sanari, perducique in vitam æternam. Unde post multa ait: Cum Dei misericordia se præveniente agit & ipse satis per liberum arbitrium: quod quisquis esse negaverit, Catholicus non est, & quisquis sic esse dixerit, quod sine Deo bonum opus, id est, quod ad ejus sanctum propositum pertineat, nec incipere, nec perficere possit, Catholicus est. Quibus enim dicitur in Psalmis nisi liberum arbitrium habentibus: Venite filii, audite me, timorem Domini docebo vos? Et infra: Quomodo autem unicuique secundum opera sua reddetur in die judicii, nisi liberum esset arbitrium? In omni itaque opere sancto prior est voluntas Dei, posterior liberi arbitrii, id est operatur Deus, cooperatur liberum arbitrium. Et infra: Nemo sit segnis & remissus ad serviendum Deo, nec sic de gratia confidat, tanquam Deus liberi arbitrii ejus, quod per mortem filii sui reparavit, & sibi præparavit, opera non requirat, imo declinet a malo & faciat bonum, vigilet, quærat, petat, contendat vincere sæculum, Deo placere sic, ut dum per mundi pelagus currit, anchoram gratiæ cervicibus

*Cir semivivus
reluctus
dicatur is
qui in latro-
nes incidit.*

cervicibus devinctam fiducia liberi arbitrii non solvat: quia sive in prospero, ne extollatur, sive in tempestate tentationum, ne mergatur, ejus gubernaculo, quoad usque ad portum paradisi perveniat, poterit permanere securus, & cum impleverit cursum fideliter, dicat cum Apostolo: Bonum certamen certavi, cursum consummavi, fidem servavi. Et infra: Itaque nec gratia sine libero arbitrio facit hominem habere vitam beatam, nec liberum arbitrium sine gratia. Et infra: Habet liberum arbitrium bonum meritum, cum in omnibus gratiæ Dei bona in se operanti non resistit, sed cooperator existit, & omnem spem suam habet in illum, cum aurem suam & cor Deo loquenti intus, hoc est, in interiori homine præbet, & non foris in malis seculo perstreptenti. Hæc eo libro.

Itaque cum ad libertatem ad rem aliquam efficiendam duo necessaria sint, nempe & posse eam efficere, & potestatem simul habere eandem non efficiendi, liberum sane humanum arbitrium ex donis supernaturalibus, auxiliisve, habet posse efficere ea, quæ supra facultatem humanæ naturæ sunt: a libertate vero innata habet abstinere posse ab eadem operatione. Quare negandum non est, primum parentem ratione donorum supernaturalium libertatem fuisse consecutum ad aliquid efficiendum, nempe ad id, quod supra ipsius vires naturales erat: atque hanc per peccatum amisisse, quousque per Christum dona gratuita & auxilia restituatur. Atque hoc est quod tam Augustinus adversus Pelagianos, quam Concilium Arausicum capite 13 docere contendunt.

Merito ergo idem August. de spiritu & littera cap. 30 ait: Liberum arbitrium evacuamus per gratiam? absit, sed magis liberum arbitrium statuimus. Sicut enim lex per fidem, sic liberum arbitrium per gratiam non evacuatur, sed statuitur. Neque enim lex impletur, nisi libero arbitrio: sed per legem cognitio peccati, per fidem impetratio gratiæ contra peccatum: per gratiam sanatio animæ a vicio peccati, per animæ sanitatem libertas arbitrii, per liberum arbitrium justitiæ dilectio, per justitiæ dilectionem legis operatio (subintellige, ut oportet ad salutem.) Ac per hoc sicut lex non evacuatur, sed statuitur per fidem, quia fides impetrat

gratiam, qua lex impletur: ita liberum arbitrium non evacuatur per gratiam, sed statuitur; quia gratia sanat voluntatem, qua justitiæ libere diligitur. Quæ omnia ex Scripturis ibidem egregie confirmat.

Ex iis omnibus multa in Augustino facile intelligas, quæ primo aspectu libertati arbitrii derogare videntur, dum juxta scripturas sacras locum suum gratiæ tribuere cōnataur.

Hucusque de viribus arbitrii nostri ad naturalia & supernaturalia opera, veluti in basim ac fundamentum cæterorum quæ dicenda sunt toto hoc opere fit dictum: in quibus explicandis necesse fuit conciliationem libertatis ipsius cum divina gratia magna ex parte conjungere. Nunc vero ipsum demonstramus, libertatemque illius tam cum generali Dei concursu, quam cum singulis divinæ gratiæ auxiliis & motibus coherere ac consentire ostendamus, siquæ primæ parti concordiæ hujus operis finem imponemus.

Libertas humani arbitrii demonstratur.

DISPUTATIO XXIII.

Ut sit hæc tota disputatio magis perspicua, & grata, in quatuor sequentia membra dividetur.

Rationes naturales asseruntur.

MEMBRUM I.

Demonstrandum jam nunc est, eam libertatem nobis inesse, quæ hæcenus constituta est, & cujus vires explanatæ sunt. Atque ut a rationibus luminis naturæ innitibus ordiamur, sane quando non aliud esset argumentum, quam experientia ipsa, qua quisvis in seipso deprehendit in potestate sua esse, stare vel sedere, deambulare potius in hanc quam in illam partem, oblati occasionibus consentire peccato, aut non consentire, vel etiam illud respuere, porrigere elemosynam pauperi perenti, aut eam non porrigere, dolere de peccatis quando divinitus emolliitur atque adjuvatur, aut a dolore cessare, cogitationemque ad alia divertere, insanæ mentis esset tollere ad hominibus libertatem arbitrii, de qua est sermo. Neque minus stultum esset fidem habere ei, qui contra experimentum ipsum libertatem arbitrii impugnare contenderet, quam si quis, alio persuadente

M

suadente

suadente papyrum ante oculos positam non esse candidam, id in animum induceret: cum non minus illud, quam hoc, evidens nobis sit, experientiaque ipsa compertum ac exploratum. Quare adversus negantes libertatem arbitrii, non rationibus, sed cruciatibus esset agendum, ut recte Scotus in primo d. 39 ait: Essent namque ejusmodi homines verberibus afficiendi, aut igne torquendi quousque confiterentur, non minus in nostra potestate esse a cruciatu cessare, quam cruciatum inferre. Conquerentibusque illis de nobis respondendum esset: Quid de nobis conquerimini? cum vos ipsi profiteamini, non esse aliud in potestate nostra, quam quod facimus.

Est præterea error hic, non solum in naturam humanam ignominiosus: quippe cum pares nos in ea parte bellus faciat, quæ liberum usum suarum actionum non habent: sed etiam in Deum ipsum blasphemus. Etenim si in nobis non est libertas arbitrii, & (quod pejus est) si Deus in nobis, sine nobis efficienter concurrentibus, operatur peccata (quam blasphemiam non horret Lutherus affirmare) quid quæro de nobis conqueritur Deus? aut qua ratione iuste punit in nobis, quod in nostra potestate situm non est aliter facere, quam faciamus? Conqueratur potius de seipso, qui ita res disposuit, ut necessario atque inevitabiliter eo modo essent eventuræ, neque in nos culpam rejiciat. Quis namque (ut Chrysostom. 6o in Matth. probe argumentatur) jure objurgat aut punit servum pro re, quam non potuit ulla ratione evitare? Ut enim nemo iuste improperat cæco nato, sed magis (ut Aristor. ait) miseretur, idque propterea quod in potestate illius non fuerit cæcitate impedire: ita nemo iuste vituperare, & multo minus punire potest opus, quod in potestate operantis non fuit declinare. Id quod Chrysostomus etiam loco citato de servo agroto, qui quod facere jubebatur, nulla ratione præstare poterat, affirmat. Unde Damasc. 2 lib. fidei orthodoxæ cap. 7: Quod ex necessitate, inquit, fit, neque vitium neque vitium est. Si autem neque vitium neque virtutem possidemus, neque laudibus & coronis, neque vituperationibus & punitionibus sumus digni. Invenietur autem Deus injustus his bona, illis vero tribulationes tri-

buens. Et Augustinus de vera religione c. 13: Defectus, inquit, qui peccatum vocatur, si tanquam febris invitum occuparet, recte injusta poena videretur quæ peccantem consequitur, & quæ damnatio nuncupatur. Et cap. 14: Si non voluntate (id est, non libere ita ut in potestate nostra fuerit illud vitare, ut paulo antea præmiserat) male faciamus, nemo objurgandus est omnino aut monendus. Quibus sublati, Christiana lex & disciplina omnis religionis auferatur necesse est. Voluntate ergo peccatur, & quoniam peccati non dubium est, neque hoc quidem dubitandum video, habere animas liberum voluntatis arbitrium. Tales enim servos suos meliores esse Deus judicavit, si ei servirent liberaliter: quod nullo modo fieri posset, si non voluntate, sed necessitate servirent. Et sermone 61 de tempore: Neque impossibile aliquid potuit Deus impetrare, quia iustus est; neque damnaturus est hominem pro eo quod non potuit vitare, quia pius est.

Adde contradictionem esse, opus a libero arbitrio non emanans peccatum nuncupare: ut enim Augustinus de vera religione cap. 14 & alibi sæpe affirmat, usque adeo peccatum voluntarium est malum, ut nullo modo sit peccatum, si non sit voluntarium. Et hoc quidem, inquit, manifestum est, ut nulla hinc doctorum paucitas, nulla indoctorum turba dissentiat. Quare aut negandum est peccatum committi, aut sciendum est voluntate committi. Hæc Augustinus. Et continuo subjungit verba quæ paulo ante ex eodem capite retulimus. Quare fit, ut ex doctorum indoctorumque sententia, communive hominum sensu, peccatum adeo suapte natura vendicet sibi rationem voluntarii, ut si voluntarium non sit, peccatum non sit. Sin minus opera dormientium, puerorum, amentium, & phreneticorum, imo & belluarum, ut crudelitas leonis aut lupi, peccata nuncupentur, & a Deo optimo maximo puniantur, quo quid stultius potest affirmari? Profecto si in nobis non est libertas arbitrii, in potestateque nostra non est vitare quæ facimus, nescio quam vere dixisset Christus Joannis 15: Si non venissem & locutus eis non fuisset, peccatum non haberent, nunc autem excusationem non habent de peccato suo: cum in promptu hanc habe-

rent

gent optimam & legitimam excusationem. Domine, penes me aliud non fuit, cum tu scias me hoc vitare non potuisse. Neque video qua ratione convicturus sit peccatores in die iudicii, si in eis non est libertas arbitrii: quin potius ipse crudelitatis & iniustitiæ cogaretur, quod ut culpam punire velit, quod in se nullam habet rationem culpæ. Si non est gratia, inquit D. Augustinus epist. 46, quomodo Deus salvat mundum? & si non est liberum arbitrium, quomodo Deus iudicat mundum? Tam manifestus est hic error, vel potius dementia Lutheri, ut vel ex hoc uno conicere liceat, quanta cæteris ipsius erroribus ipse crudelitatis & iniustitiæ cogaretur, quod ut culpam punire velit, quod in se nullam habet rationem culpæ. Si non est gratia, inquit D. Augustinus epist. 46, quomodo Deus salvat mundum? & si non est liberum arbitrium, quomodo Deus iudicat mundum? Tam manifestus est hic error, vel potius dementia Lutheri, ut vel ex hoc uno conicere liceat, quanta cæteris ipsius erroribus ipse crudelitatis & iniustitiæ cogaretur, quod ut culpam punire velit, quod in se nullam habet rationem culpæ.

D. Augustinus testimonio confirmanda.

Philosophorum testimonio confirmanda.

Liberum arbitrium nobis inesse præclari quique philosophi naturæ lumine, experientiaque ipsa ducti (ut etiam adversarii nostri consentunt) docuerunt. Ac præter Platonem & Stoicos, qui ea ratione actiones humanas fato subijci negaverunt, quod in potestate liberi arbitrii nostri esset eas exercere vel non exercere, aut hoc potius quam contrarium eligere, ut disputatione prima dictum est, & de Platone affirmat Gregorius Nyssenus lib. 6 Philosophiæ cap. 4, de Stoicis vero Augustinus 5 de Civitate Dei cap. 10. Aristoteles in libris Ethicorum passim liberum arbitrium astruit, eatenusque censet aliquod opus virtutis aut vitii esse, vituperioque aut laude dignum, quatenus in potestate nostra est illud efficere aut omittere. Eaque ratione primo Ethicorum virtutem definit esse habitum electivum. Et 3 Ethicorum cap. 1 & sequentibus usque ad quintum, de voluntario, & de electione disputat, electionemque docet esse eorum quæ eligere, aut non eligere possumus, unumque pro arbitrato præponere alteri. Et capite 5 docet opera virtutum ac vitiorum illo modo in nostra esse potestate, eaque ratione in nobis situm esse probos aut improbos fieri, & idcirco virtutem laudi, vitium vero vituperio nobis jure tribui.

Idem testimonio Scripturæ ostenditur.

MEMBRUM II.

Verum ad testimonia Scripturarum accedamus, compertumque erit hæreticos libertatem arbitrii negantes in media luce cæcutire, vel potius veritatem ab ipsis compertam & exploratam malitia, studique seditionis negari. Genesios 4 dixit Dominus ad Cain: Nonne si bene egeris, recipies? sin autem male, statim in foribus peccatum tuum aderit? Sed sub te erit appetitus ejus (peccati scilicet) & tu dominaberis illius (appetitus videlicet quo in peccatum propendes ac alliceris.) Nescio quod clarius testimonium desiderari possit in confirmationem liberi arbitrii.

Ecclesiastici 15: Deus ab initio constituit hominem, & reliquit illum in manu consilii sui; adiecit mandata & præcepta sua. Si volueris mandata servare, conservabunt te. Apposuit tibi aquam & ignem, ad quod volueris, porrige manum tuam. Ante hominem vita & mors, bonum & malum: quod placuerit ei, dabitur illi. Neque satis faciet, si quis dicat, testimonium hoc loqui de homine in statu innocentie. Tum quia facultas liberi arbitrii, si in homine concedenda sit, est facultas naturalis illi a natura insita: naturalia autem remanserunt in homine post lapsum, tametsi debilitata, & magis infirma ad operandum, quam essent dum iustitia originali erant suffulta, ut disputatione tertia ostensum est. Tum vel maxime, quoniam in eo testimonio sermo est cum homine post naturam lapsam, illisque verbis docetur, in ipso esse libertatem arbitrii, per ipsumque stare quominus Sapientiam, donum Spiritus sancti, comparet, ut ex antecedentibus, & ex ipsismet verbis citatis, satis est manifestum. Neque intuenti potest esse dubium eo in loco doceri homini post naturam lapsam inesse libertatem arbitrii.

Deuter. 30 filiis Israel dicitur: Mandatum quod ego præcipio tibi, non supra te est. Considera quod hodie proposuerim in conspectu tuo vitam & bonum, & e contrario mortem & malum, testes invoco hodie cælum, & terram, quod proposuerim vobis vitam & mortem, benedictionem & maledictionem: elige ergo vitam, ut vivas, &c.

M 2

Quibus

Quibus verbis apertissime docetur, libertatem arbitrii inesse hominibus post naturam lapsam: electio namque atque optio e duobus pro arbitratu ad libertatem arbitrii spectat.

Josue ult. Josue ultimo: Optio vobis datur, eligite hodie quod placeat, cui servire potissimum debeatis. 2 Regum 24 dictum est ad David per Gad prophetam: Trium tibi datur optio. Elige unum, quod volueris ex his, ut faciam tibi. Et infra: Nunc ergo delibera, & vide quem respondeam ei, qui me misit, sermonem. Ecclesiastici 31 inter laudes justii computatur: Qui potuit transgredi, & non est transgressus; & facere mala, & non fecit.

Jerem. 8. Jeremias 8: Eligent magis mortem quam vitam omnes, qui residui fuerint de cogitatione hac pessima. Et infra: Dices ad eos: Hæc dicit Dominus: Numquid qui cadit, non resurget? & qui aversus est, non revertetur? Quare ergo aversus est populus iste aversione contentiosa? Quibus verbis conqueritur Deus de filiis Israel, quod per ipsos stet ne convertantur. Et cap. 26: Sta in atrio domus Domini, & loqueris ad omnes civitates Juda universos sermones quos ego mandavi tibi, ut loquereris ad eos; noli subtrahere verbum. Si forte audiant & convertantur unusquisque a via sua mala, & poeniteat me mali quod cogito facere eis propter malitiam studiorum eorum. Quibus etiam verbis aperte libertas arbitrii statuitur, ut etiam vocante Deo & præsto existente ad opitulandum, peccatores convertantur.

Zachar. 1. Zacharias 1: Convertimini ad me, & convertar ad vos. Ne sitis sicut patres vestri ad quos clamabant prophetae priores dicentes, Hæc dicit Dominus: Convertimini de viis vestris malis: & non audierunt. Ubi clare idem habetur.

Ezech. 18. Ezechiel 18: Projicite a vobis omnes pravaricationes vestras, quibus pravaricati estis, & facite vobis cor novum, & spiritum novum: & quare moriemini domus Israel? quia nolo mortem morientis, dicit Dominus Deus, revertimini & vivite. Antea vero dixerat: Si impius egerit poenitentiam ab omnibus peccatis suis, &c. in justitia sua, quam operatus est, vivet. Ex quibus verbis manifestissime patet, in nobis esse libertatem ut ad Deum convertamur, per nosque

stare; Deumque paratum esse ad auxilium ad id necessarium præstandum.

Idemque patet ex cæteris admonitionibus & cohortationibus ad poenitentiam, quæ passim in Scriptura sacra habentur. Matth. 23: *Matth. 23.* Quoties volui congregare filios tuos quemadmodum gallina congregat pullos suos sub alas, & nolueris, id est, per te stetit, quæ, cum velle posses, nolueris. Primæ ad Timotheum 2: *1 ad Tim. 2.* Qui omnes homines vult salvos fieri, & ad agnitionem veritatis venire. Cujus legitima interpretatio est, secundum voluntatem Dei conditionatam, si scilicet per ipsos non steterit. Apocal. 3: Suadeo tibi emere a me aurum ignitum probatum, ut locuples fias. Suasio vero ad eum est in cujus potestate est emere (Deo adjuvante) aut non emere. Et infra: Ecce sto ad ostium & pulso. Si quis aperuerit mihi januam, intrabo ad illum. Ubi clare docetur, Deum præsto esse, tum ad intrandum in corda nostra, tum etiam ad ferendam operem sibi ostium aperientibus, sæpeque pulsare per inspirationes & moriones internas, in nostraque potestate situm esse aperire (ipso coadjuvante) aut non aperire.

Joannis 1: Dedit eis potestatem filios Dei fieri, Matth. 19: Si vis ad vitam ingredi, *Joan. 1. Matth. 19.* serva mandata. Ubi nostræ optioni relinquatur velle aut nolle ingredi, & servare aut non servare mandata. Primæ ad Corinthios 7: *1 Cor. 7.* Qui statuit in corde suo firmus, non habens necessitatem, potestatem autem habens suæ voluntatis. Ad Philem. Sine consilio tuo *Ad Philem.* nihil volui facere, uti ne velut ex necessitate bonum tuum esset, sed voluntarium. Ps. 118: *Psalm. 118.* Voluntaria oris mei beneplacita fac Domine. Et rursus: Anima mea in manibus meis semper, id est, in potestate mei liberi arbitrii, ut perdam eam, aut eandem a te adjutus servem. Exponi etiam optime potest de periculo vitæ corporis Davidis.

Isaie 5: De vinea domus Israel, & expe- *Isaie 5.* clavi ut faceret uvas, & fecit labruscas. Si omnia ex necessitate evenirent, neque ulla esset libertas arbitrii, quorum conquereretur Dominus ac diceret: Expectavi ut faceret uvas & fecit labruscas? Proverb. 1: Vocavi, *Proverb. 1.* & renuistis. Deliberatio etiam Susannæ in angustiis positæ, quæ secum deliberans elegit potius incidere in manus improborum senum,

senum, quam Deum offendere. ut Daniel. 13 habetur, luce clarius libertatem arbitrii ostendit.

Actorum 5 dixit Petrus ad Ananiam: Nonne manens tibi manebat, & venundatum in tua erat potestate? ut scilicet offerres aut non offerres pretium in communes usus. Apocal. 2: Dedit illi tempus ut poenitentiam ageret, & non vult poenitere a fornicatione sua. Marci 13 comparat se Christus homini, qui peregre profectus reliquit domum suam, & dedit servis suis potestatem cujusque operis.

Testimonia alia legito, si placet, apud Irenæum 4 libro adversus hæreses cap. 71 & 72, ubi doctissime ex scripturis & rationibus libertatem arbitrii demonstrat. Vide etiam Origenem 3 lib. Periarchon cap. 1. Augustinum de gratia & libero arbitrio cap. 2. & lib. 2 de actis cum Felice Manichæo cap. 4. & alios. Cui autem, quæ adducta sunt, non sufficient, quæ erunt satis? Vix enim video quæ alia veritas ex scripturis sacris apertius innoteat.

Ex sacris Conciliis eadem veritas confirmatur.

MEMBRUM III.

Definitiones deinde Ecclesiæ pro libertate arbitrii asserenda subjiciendæ sunt. In Concilio etenim Bracharensi 1 cap. 9 & 10 & a Leone I Epistola 91, quæ est ad Turibium Astoricensis episcopum, cap. 11 damnatur error Priscilliani negantis libertatem arbitrii, asserentisque animas, & corpora humana fatalibus stellis esse astricta. Definitiones disputatione prima, dum de fato esset sermo, allatæ sunt. Leo nonus in epist. decretali ad Petrum Antiochenum episcopum (quæ habetur in fine operum Leonis primi) in explanatione fidei Romanæ ita inquit: Credo Deum prædestinasse solummodo bona, præscripsisse autem bona malaque: gratiam Dei prævenire & sublequi hominem credo, & prævenire, ita tamen ut liberum arbitrium rationali creature non denegem. Inter alios etiam articulos Vuittelessi in Concilio Constantiensi sess. 8 damnatos 27 affirmabat: Omnia de necessitate absoluta evenire. Inter articulos item Lutheri a Leone decimo damnatos in Bulla quadam quæ habetur tertio tomo Conciliorum post Concilium Latera-

nense sub eodem Pontifice, trigessimus sextus habebat: Liberum arbitrium post peccatum esse rem de solo titulo: & dum facit, quod in se est, peccare mortaliter. In Concilio denique Trident. sess. 6 cap. 1 definitur, in hominibus post Adæ peccatum liberum arbitrium minime extinctum esse, licet viribus sit attenuatum & inclinatum. Et canone 5 habetur: Si quis liberum hominis arbitrium post Adæ peccatum amissum & extinctum esse dixerit, aut rem esse de solo titulo, imo titulum sine re, figmentum denique a Satana invecum in Ecclesiam, anathema sit. Eadem libertas arbitrii definitur canone 4 & 6.

Quod eadem circa liberum arbitrium concors fuerit Patrum sententia.

MEMBRUM IV.

Postremo ostendendum est, unanimum Patrum fuisse consensum circa liberum hominis arbitrium. In primis Clemens Petri discipulus tertio lib. Recogn. adversus Simonem Magum, qui asseruerat, nihil in nostra esse potestate, sed omnia fatali necessitate evenire, refert Beatum Petrum in hunc modum restitisse: Quomodo ergo Deus judicat secundum veritatem unumquemque pro actibus suis, si agere aliquid in potestate non habuit? Hoc si teneatur, convulsa sunt omnia, frustra erit studium sectandi meliora, sed & judices seculi frustra legibus præsumunt, & puniunt eos qui male agunt: non enim in sua potestate habuerunt, ut non peccarent. Vana erunt & jura populorum, quæ malis actibus poenas statuunt: miseri erunt & hi qui servant cum labore justitiam: beati vero illi, qui in deliciis positi, cum luxuria, & scelere viventes, tyrannidem tenent. Secundum hæc ergo, neque justitia erit, neque bonitas, neque ulla virtus. Et addit: Ego igitur dico, sui esse arbitrii hominem. Et infra: Arbitrii potestas est sensus animæ, habens virtutem, qua possit ad quos velit actus inclinari. Hæc Beatus Petrus loco citato. Quibus Clemens refert Simonem Magum D. Petro palmam victoriæ cum laude tribuisse: cum tamen hæretici nostri temporis obcæcati in tanta luce persistant. Idem Clemens epistola sua tertia, quæ habetur primo tomo Conciliorum; Si quis sane, inquit, audiens sermonem veri Prophætæ (id est Christi) velit recipere,

recipere, aut nolit, & amplecti onus ejus, id est, mandata vitæ, habet in sua potestate. Liberi enim sumus arbitrii. Nam si hoc esset, ut audientes ea jam non haberent in potestate aliud facere, quam audierant, vis erat quædam naturæ, per quam liberum non esset ad aliam migrare sententiam. Aut si rursus ex audientibus nullus omnino reciperet, & hoc naturæ vis erat, quæ unum aliquid fieri cogeret, & alteri parti non daret locum. Nunc autem, quia liberum est animo in quam velit partem declinare judicium suum, & quam probaverit eligere viam, constat evidenter inesse hominibus arbitrii libertatem. Hæc ille. Dionys. de coelest. Hierar. c. 9: Neque enim vita nobis data est, cui vis illata sit, aut imposita necessitas.

*Dionysius
Areopag.*

*D. Justinus
martyr.*

Justinus martyr in Dialogo cum Tryphone adversus Judæos. Verum (inquit) ut cognoscebat præclarum ac honestum fieri, fecit esse potestatis suæ ad bonas justasque actiones, & Angelos, & homines, constituitque tempus ad quod bonum esse illos esse sui arbitrii & potestatis intelligebat. Quodque honestum ac rectum esse cognoscebat, & generalia & privata judicia faciebat, ita tamen ut liberum arbitrium retineretur. Et ad finem dialogi ait: Illud quoque antea docui, Deum non esse causam, cur ii, quorum peccata antea cognita sunt, sive Angeli, sive homines, improbi efficiantur, sed sua quisque culpa tales sunt, qualis quisque videbitur. Sed ne occasionem haberetis hoc asserendi, Christum in crucem agi oportuisse, aut etiam in genere vestro esse legis violatores, neque aliter fieri potuisse, occupans paucis docui, Deum cum Angelos & homines suum consilium sequi vellet, eos sui juris, atque arbitrii recte facta, bonasque actiones facere voluisse, cum ratione qua scirent ipsi a quo effecti sint, cum antea non essent: & cum lege qua ab eo judicentur, si secus, atque recta ratio præscribit, se gerant. Quod si verbum Dei plane significat de nonnullis & Angelis & hominibus sumptum iri supplicium, ipse quod improbos obstinato animo futuros eos prænoverit, hæc prædixit, non quod tales efficerit. Itaque si omnes, qui misericordiam a Deo consequi volunt, superioris vitæ poeniteant, id præstare possunt, eosque beatos Scriptura appellat, &c. Et in Apologia prima pro Christianis ad Senatum Romanum. Quoniam a prin-

cipio, inquit, tam Angelorum genus, quam hominum, judicii sui, ac voluntatis Deus effecit, jure pro iis, quæ scelerate fecerint, poenas in æterno igne solvent. Omnium vero qui generati sunt, hæc natura est, vitium atque virtutem accipere posse. Neque enim quicquam horum laude dignum esset, nisi utramque in partem convertere, & quasi flectere se possent. Hoc vero etiam declarant ii homines qui ubique, & in ferendis legibus rationem rectam ducem secuti sunt, & in philosophia versati, quod hæc fieri, & illa permitti jubent. Et in responsionibus ad Christianos de quibusdam questionibus necessariis, in responsione ad octavam questionem ita ait: Deus non solum eam vim nobis dedit, ut essemus, bonumque & malum cognosceremus, atque faceremus, sed etiam liberum arbitrium nobis concessit, potestatemque fecit eligendi id quod videretur pro eorum quæ cognoscuntur propositione. Nec virtutem aut vitium nostrum in cognitione eorum, quæ cognoscuntur, posuit, sed in selectione eorum quæ diliguntur. Non igitur causa est Deus virtutis nostræ aut vitii, sed propositum nostrum, & voluntas. Ut enim qui scortum videt, ac scortum esse scit, ex scientia illa & cognitione scortator non est: quin ne si cognitio quidem illa appetitus motum exciter, scortator est. Si vero motui assentiatur voluntas, tum denique est scortator vel opere vel affectione: sic etiam causa non est cognitio cur boni & mali sint homines, sed voluntas quæ ex propositione rerum, id quod videtur secuta est.

Irenæus libro 4 adversus hæreses cap. 9 *D. Irenæus.* Homo, inquit, rationabilis, & secundum hoc similis Deo, liber in arbitrio factus, & suæ potestatis, ipse sibi causa est, ut aliquando quidem frumentum, aliquando autem palea fiat. Quapropter & iuste condemnabitur. Et cap. 71: Liberum eum fecit Deus ab initio. Et infra: Posuit in homine potestatem electionis, quemadmodum & in Angelis. Et infra: Qui operantur bonum & gloriam & honorem percipient: quoniam operati sunt bonum, cum possint non operari illud. Hi autem, qui illud non operantur, judicium justum recipient Dei, quoniam non sunt operati bonum, cum possint operari illud. Latissimeque & eruditissime eandem libertatem arbitrii demonstrat cap. 72 sequenti: quod,

quod, ne multus sim, prætermitto. Lege etiam, si placet, cap. 76.

Clemens Alexandrinus primo lib. Stromatum in hunc modum idem confirmat. Nec laudes, inquit, nec vituperationes, nec honores, nec supplicia iusta sunt, si anima non habet liberam potestatem, & appetendi, & aggrediendi, sed sit vitium involuntarium. Et infra: Libera electio, & appetitio peccata primum inchoat. Et infra: Liberari ab ignoratione, & a mala & delectabili electione, & ante omnia non assentiri fallacibus phantasiis & visis, situm est in nostra potestate.

Tertullianus in libro de exhortatione castitatis in principio, docens delicta non esse ex Dei voluntate, qui illa vetat, sed ex nostra, ait: Cum utrumque ex præceptis ejus didicerimus, quid velit, & quid nolit, jam nobis est voluntas eligendi alterum, sicut scriptum est: Ecce posui ante te bonum & malum, gustasti enim de arbore agnitionis, & ideo non debemus, quod nostro expositum est arbitrio, in Dei referre voluntatem, quos vult ipse & velle, qui malum non vult. Ita nostra est voluntas cum malum volumus adversus Dei voluntatem, qui bonum vult. Porro si quæris unde veniat ista voluntas, qua quid volumus adversus Dei voluntatem? ut dicam; ex nobis ipsis. Proinde & si tu non obaudieris Deo, qui te proposito præcepto liberæ potestatis instituit, per voluntatis libertatem volens devertis in id quod Deus noluit. Hæc ille. Et in fine libri de Monogamia. Ecce, inquit, posui ante te bonum & malum, elige quod bonum est: si non potes, quia non vis (posse enim te, si velis, ostendit) quia tuo arbitrio utrumque proposuit. Et lib. 2 adversus Marcionem prope principium. Liberum, inquit, & sui arbitrii & suæ potestatis invenio hominem a Deo institutum, nullam magis imaginem & similitudinem Dei in illo animadvertens, quam ejusmodi status formam. Neque enim facie & corporalibus lineis tam variis in genere humano ad uniformem Deum expressus est, sed in ea substantia, quam ab ipso Deo traxit, id est, animam ad formam Dei spondentis, & arbitrii sui libertate, & potestate signatus. Hunc statum ejus confirmavit etiam lex tunc a Deo posita. Non enim poneretur lex ei, qui non haberet obsequium debitum legi in sua

potestate, nec rursus comminatio mortis transgressioni adscriberetur, si non contemptus legis in arbitrii libertatem homini deputaretur. Sic & in posteris legibus creatoris invenias, proponentis ante hominem bonum & malum, vitam & mortem, sed nec alias totum ordinem disciplinæ per præcepta dispositum, advocante Deo & minante, exhortante nisi & ad obsequium, & ad contemptum libero & voluntario homine. Et infra: Tota ergo libertas arbitrii in utramque partem concessa est illi, ut sui dominus constanter occurreret, & bono sponte servando, & malo sponte vitando. Erpaulo post: Cæterum nec boni nec mali merces iuste pensareretur, qui aut bonus, aut malus necessitate fuisset inventus, non voluntate.

Origenes in præmio libri primi Periarthon. Est, inquit, & illud definitum in Ecclesiastica prædicatione, omnem animam rationabilem esse liberi arbitrii & voluntatis: esse quoque ei certamen adversus diabolum, & angelos ejus, contrariasque virtutes, ex eo quod illi peccatis cum onerare contendant, nos vero si recte consiliteque vivamus, ab hujusmodi nos exuere conemur. Unde & consequens est intelligere, non nos necessitati esse subjectos, ut omni modo, etiam si nolumus, vel bona, vel mala agere cogamur. Si enim nostri arbitrii sumus, instigare fortasse possunt aliqua virtutes ad peccandum, & aliæ juvare ad salutem, non tamen necessitate cogimur, vel agere recte, vel male: quod fieri arbitrantur, qui stellarum cursum & motus causam dicunt humanorum esse gestorum, non eorum quæ extra arbitrii accidunt libertatem, sed eorum quæ in nostra sunt posita potestate. Et lib. 3 cap. 1 Quoniam, inquit, in Ecclesiastica prædicatione inest etiam de futuro judicio fides, quæ judicii credulitas provocat homines, & suadet ad bene beatumque vivendum, & in omni genere fugere peccatum: & per hoc sine dubio indicatur, quod in nostra sit positum potestate, vel laudabili nos vita, vel culpabili degere: propterea necessarium reor pauca etiam de libertate arbitrii disserere. Docetque libertatem arbitrii esse facultatem eligendi inter bonum & malum, experientiaque ipsa, dum ex aspectu mulieris pulchræ insurgit turpitudinis illecebra, docet, in nostra esse potestate eam respicere, aut amplecti. Eodem fere exemplo

utitur

utitur August. 12 de Civit. Dei c. 6, ut disp. 12 dictum est. Deinde Origenes multis Scripturæ testimoniis libertatem arbitrii ostendit. Et Hom. 4 in Canticum canticorum. Per arbitrii, inquit, libertatem possibile est unumquemque ex parte alterius transire, vel ad partem Dei, si melius, ipso juvante, elegerit, vel si nequius ad demonum portionem. In illud etiam Matth. 13: Simile est regnum coelorum sagenæ, &c. redarguens eos, qui dicebant malitiam & bonitatem ex variis hominum naturis provenire, ait: Huic intellectui repugnant omnes Scripturæ declarantes esse liberum arbitrium, dum acculant eos, qui delinquant, & probant eos qui recte faciunt, haudquaquam merito in eos competente vel reprehensione qui ex mali generis natura tales sunt, vel laude in eos qui tales sunt ex genere meliore. Et lib. 4 contra Celsum: Si virtuti liberam voluntatem ademeris, mox ejus simul & substantiam sustulisti.

D. Cyprianus.

Cyprianus primo libro Epistolarum epistola 3 ad Cornelium, adducens illud Joan. 6: Nonquid & vos vultis abire? ait: Servans scilicet legem, qua homo libertati suæ relictus, & in arbitrio proprio constitutus, sibi met ipse vel mortem appetit, vel salutem. Petrus autem: Domine ad quem ibimus? verbum vitæ æternæ habes, & nos credimus & cognoscimus quoniam tu es filius Dei vivi: significans scilicet, & ostendens eos, qui a Christo recesserint, culpa sua perire. Et de unitate Ecclesiæ ita ait: Hinc hæreses & sectæ sunt frequenter, & sunt, dum perversa mens non habet pacem, dum perfidia discordans non tenet unitatem. Fieri vero hæc Dominus permittit, & patitur, manente propriæ libertatis arbitrio, ut dum corda, & mentes nostras veritatis discrimen examinat, probatorum fides integra manifesta luce clarescat. Sic probantur fideles; sic perfidi deteguntur; sic, & ante diem judicii hic quoque jam justorum, atque injustorum animæ dividuntur, & a frumento paleæ separantur.

D. Athanasius.

Athanasius 1 tomo in oratione contra Idola, agens de mente hominis, ait: Quæ cum liberum sui jus arbitriumque intuetur, & sentit se in utramque partem corporeis membris uti posse, tum ad ea quæ sunt, tum ad ea quæ non sunt. Ea autem, quæ sunt, appello bona; quæ non sunt, mala, &c.

Hilarius in illud Psal. 118: Fiat manus tua ut saluum me faciat, quoniam mandata tua elegi, inquit; Aliis gloriam seculi eligentibus, aliis venerationem elementorum ac demonum capessentibus, aliis terrenas opes expetentibus, sanctus iste mandata Dei elegit. Elegit autem non naturali necessitate, sed voluntate pietatis: quia unicuique ad id, quod volet, via est proposita vivendi, & appetendi, atque agendi permixta libertas. Et ob id uniuscujusque aut poena aut præmiis afficitur electio.

D. Hilarius.

Libertatem arbitrii egregie demonstrat Gregorius Nyssenus 7 libro Philosophiæ, in quo toto de libero arbitrio sapienter disserit. Atque inter alia cap. 1 ita argumentatur: Si nullius actionis ita est principium homo, ut in ipsius potestate sit eam facere aut non facere, ex superfluo habet, unde consulat: ad quid enim utetur consilio, nullius existens actionis dominus? optimum autem, & omnium quæ sunt in homine pretiosissimum, superfluum dicere, quam maxime utique erit inconueniens. Si enim consulat, propter actionem consulat; omne enim consilium actionis gratia, & propter actionem est. Item quoniam, ut probe etiam Aristoteles docet, virtutes assuefactione, nosque exercendo propria industria comparamus; continendo enim nos a voluptatibus sobrii sumus, & sobrii facti facilius a voluptate temperamus: quare actus virtutum, iustosque aut injustos nos esse, in nostra est potestate. Id quod admonitiones & exhortationes ad virtutem docent; nullus enim ea admonet, quæ in nostra non sunt potestate, ut non esurire, non sitire, neque volare. Idem etiam docent leges, quæ supervacaneæ essent, si libertas arbitrii nobis non inesset: naturaliter autem omnis gens legibus quibusdam utitur, sciens sibi agendi potestatem esse, quæ per leges statuta sunt. Et cap. 3 demonstrat eo ipso, quod aliquid ratione est præditum, atque adeo vim ad consultandum habet, præditum quoque esse libero arbitrio. Unde ait: Omnis qui consulat, quasi in ejus potestate existente electione, de operabilibus consulat, ut quod per consilium decernitur, eligat, & eligens faciat. Necessè est igitur eum, qui consulat, dominum esse actionum: si enim non fuerit dominus actionum, ex superfluo habet consulere: si vero hoc (id est, si qui consulat, dominus est sua-

in D. Greg. Nyssenus.

est suarum actionum ex necessitate assistit vi rationali liberum arbitrium. Aut enim non erit rationalis, aut rationalis existens, dominium suarum actionum obtinebit: dominari autem actionum omnino liberi arbitrii erit. Hæc Gregorius. Multo plura eo libro in eandem sententiam invenies.

Basilus in illud Esai 1: Si volueritis, & audieritis me, bona terræ comedetis, ait: Hoc maxime loco velut ob oculos exhibet libertatem arbitrii humanæ naturæ indulgentiam. Et rursus in illa verba, Si nolueritis, neque exaudieritis me. Ad eundem, inquit, modum beatitudo omnis, & quæ in supplicio, quæve inter molestias traducitur vita, utrumque a nostra pender voluntate. Et in illud Esai. 14: Semen reprobum præpara filios, &c. ait: Ex suo ipsius proposito, & libera voluntate unusquisque esse potest semen sanctum, aut certe in diversum abire.

Joannes Damascen. lib. 2 fidei orthodoxæ cap. 7. Cum liberi (inquit) arbitrii participes a summo illo opifice conditi simus, hinc efficitur ut actiones nostræ in nostra potestate sint. Alioquin si ex syderum motu cuncta facimus, sequitur ut ea quæ facimus, necessitate faciamus. Id porro quod necessitate fit, neque virtutis, neque vitii nomen obtinebit. Quod si nec virtutem nec vitium habemus, profecto nec laudibus & coronis, neque reprehensione atque supplicio digni sumus. Atque ita Deus quoque iniquus reperietur, dum aliis res secundas, aliis molestas & calamitosas tribuit. Imo vero nec gubernabit res a se conditas, nec earum cura tangeretur, siquidem omnia necessitate aguntur, ac feruntur: supervacaneaque in nobis erit pars ea animi, in qua ratio inest. Nam si nulla actio in nostro arbitrio & potestate sita est, nihil afferri potest, quin frustra consultemus. Vis enim ea qua ratiocinamur, consilii causa nobis tributa est. Ex quo conficitur, ut quicquid ratione utitur, arbitrii quoque libertatem habeat. Eundem etiam legito cap. 15, 16, 17 imo & 14 & 18 ejusdem libri, ubi rationibus naturalibus liberum arbitrium eodem fere modo, quo Gregor. Nyssenus, demonstrat. Tertio etiam libro cap. 14 docet libertatem arbitrii fuisse in Christo, ut homine, & esse in Deo, Angelis, & hominibus, diverso tamen modo. In dialogo vero adversus Manichæos ita ait: Liberi arbitrii præditum ideoque hominem

MOLINA.

condidit, quia quicquid ratione utitur, sui juris sit necesse est. Quotum etenim ratione utetur, si arbitrii libertate careat? Nam quod vel vi, vel naturæ necessitate fit, virtutis nomen haudquaquam obtinet. Ex quo efficitur, ut ne virtus quidem brutis inest. Et infra: Ut simus, nostri arbitrii non est, sed a Deo solo proficitur: ut autem boni simus, tum ex Deo, tum ex nobis emanat. Deus itaque, quod suarum partium est, dat ut bene simus: at nos id quod in potestate nostra situm est, nempe ut bona data conservemus, vel faciamus vel negligamus. Et infra: Cum ita conditi simus ut nobis arbitrii libertas inest, in nostra potestate hoc situm est, ut vel nos ipsos a foedissimis quibusque vitiis expurgemus, vel eisdem inquinemus. Atque ut nos quidem simus, non in nobis situm est accipere: ut autem beati simus, in nostro arbitrio consistit. Quocirca si velimus ac cupiamus, ipsius bonitatis participes erimus, atque in sempiterna luce versabimur, sin autem segnitie atque ignavia torpeamus, nosque ipsos exitate afficiamus, eumque minime expectamus, ejus expertes erimus. Et in opusculo de duabus Christi voluntatibus. Quoniam, inquit, a natura Dei servi sumus, & liberum arbitrium habemus, quod virtutis efficiens est, legem accipimus ut Dominum nos habere intelligamus, ne in tenebris ambulantes, in fossam incidamus (lucerna enim, ut ait David, pedibus meis lex tua, & lumen semitis meis) ut non minus boni, quod datum est, quam Dei, qui dedit semina, fiamus participes. Ipse enim & recte agendi potestatem dedit, & nostræ potestatis nos procreavit, ut tum ab ipso, tum a nobis præclaræ actiones oriantur. Multa etiam alia in ejusdem sententiæ confirmationem adjungit.

Epiphanius primo lib. adversus hæreses *D. Epiphanius*, cap. 16 adversus quosdam Judæos disputans, qui fatum asserbant, ait: Extrema autem eorum dementia, ac non vulgaris stultitia, quod cum resurrectionem confitentur, & judicium justum decernant, fatum esse dicunt. Quomodo enim potest judicium esse & fatum? Ex duobus enim necessarium est alterum. Propterea quod, qui facit, non a se ipso facit, sed secundum necessitatem domini ipsius fati: aut si judicium est, & re vera minæ nobis intentatæ sunt, & leges judicant, & qui malum fecerunt poenam dant, & legem

N

justam

iustum esse confitemur, & iudicium Dei verissimum, otiosum esse situm, & penitus nullam constitutionem habere. Quando propterea quod possit peccare, & non peccare, ab alio peccatorum supplicia fumantur, alius vero laudem ferat recti factorum, & in hoc utriusque differentia terminata sit. Confirmatur liberum arbitrium esse ex illo *Isaia* 1: Si volueritis, & audieritis me, &c. & 2. lib. cap. 64. §. Quæ quidem igitur, de demonibus ait: Spontaneam etiam ipsis habere ad utraque voluntatem Deus constituit, velut etiam in hominibus, ut aut obediētes essent, & acciperent beatitudinem, aut non obediētes iudicarentur. Et infra: Cum liberum arbitrium habeat & per se potens sit homo, & voluntatem per se dominantem ac deliberantem ad electionem boni acceperit, &c.

*D. Joan.
Chrysost.*

Chrysostomus homilia 19 in Genesim, de peccato Cain agens, docensque aliquando peccatori nullas admonitiones prodesse, ut respiciat, addit: Non quia non potest, sed quia non vult. Non enim sicut in corporalibus vulneribus videri solet, ita & in voluntate est. Nam in corporalibus naturæ affectiones sæpe immobiles sunt, in voluntate autem non ita feres habet. Sæpe enim si voluerit, etiam qui malus est, mutatur, & fit bonus; & qui bonus, per ignaviam excidit, & fit malus: quia liberi arbitrii esse nostram naturam fecit omnium Dominus. Et infra: Necessitatem utique non imponit, sed congruis mediis appositis totum jacere in ægrotantis sententia dimittit. Eandem libertatem docet homil. 20 sequenti. Et homil. 5 ex 27 in variis in Matthæum locis, in illud Matth. 4: Mitte te deorsum, ait: Non dicis, mitte te deorsum, sed ut ostenderet quod unusquisque nostrum libertate arbitrii voluntatis suæ culpa cadit in mortem. Illius est quidem suadere, sed nostrum est persuasiones ejus per legis observantiam superare. Et homilia 2 de Lazaro. Perspicuum, inquit, est, quod in nobis situm est, ut vel obtemperemus, vel non obtemperemus diaboli insidiis, neque ullam necessitatem neque tyrannidem patimur ab illo. Et homil. 9 in Joannem in illa verba; In propria venit, & sui cum non receperunt, ait: Unumquemque bonum esse vult, neminem tamen cogit. Propterea cum

veniret in mundum, alii eum receperunt, alii neglexerunt. Nullum enim servorum Deus vult invitum, nullum coactum, sed eos tantum qui sponte sua ipsum optant, ipsum amplectuntur, & gratiam se ei servitutis habere intelligunt. Et infra: Nos ipsos nostri arbitrii & juris esse libere permittit: idcirco cogit neminem, sed nostram tantummodo spectat utilitatem. Quod si nolentes ad serviendum traheret, non secus eis deberet, ac si nullum præstitissent servitium. Et nonnullis interjectis, super illa verba, Quotquot autem receperunt, &c. Quodnam majus supplicium esse posset, quam si in eorum ponatur arbitrio filios Dei fieri, & nolint, sed sponte sua tanta se nobilitate, tanto honore indignos efficiant? Et sermone de vanitate & brevitate vitæ, nec cum Deo confert, qui per liberum arbitrium præclatiora quædam per gratiam possimus operari, si velimus, quam quæ Deus in rebus corporis operatus est. Fingitque Deum quasi dicentem cuique nostrum: Creavi ego corpus decorum, concedo tibi meliora faciendi arbitrium, facito & tu animam formosior. Formavi draconem ad illudendum ei, id est, diabolum; neque tamen hanc tibi invideo potestatem, illud & illum si lubet: poteris enim quemadmodum passerem aliquem vincere eum. Et multa alia in eandem sententiam subjungit. Idemque docet homil. 15 in epist. 1 ad Timoth. Late etiam atque egregie homil. 60 in Matth. in illa verba Matth. 18: Necessè est ut veniant scandala, ostendit libertatem arbitrii nostri, esseque vim ac potestatem ad utrumlibet, comparatione istorum actuum, eaque ratione ab ipso esse mala quæ facit, eique imputari ad peccatum, ac poenam. Libertatem arbitrii nostri docet etiam in illud Psalm. 9: Cognoscetur Dominus iudicia faciens. In illud Psalm. 120: Non det in commotionem pedem tuum. In illud Psalm. 140: Non declines cor meum in verba malitiæ. Homil. 30 in Matth. Homil. 23 & 25 ex 27, in variis in Matthæum locis. Homil. 45 in illud Joan. 6: Nemo potest venire ad me, &c. Et sermone de prodicione Judæ, & in illud primæ ad Cor. 4: Quid vultis in virga veniam &c. In illud ad Philipp. primo: Vobis datum est pro Christo pati. Et homil. 12 in epistolam ad Hebræos, & homil. 8 in secundam epistolam ad Timoth.

Ambrosius, aut potius Prosper de vocatio- *D. Ambrosii*
ne Gen-

ne Gentium cap. i. Inter voluntatem humanam, inquit, & gratiam Dei quorundam non sana discretio est, existimantium, quod prædicatione gratiæ liberum negetur arbitrium, nec advertentium eadem regula sibi posse obijci, quod gratiam negent, cum eam humanæ voluntatis, non ducem volunt esse. Si enim tollitur voluntas (id est, liberum arbitrium) ubi ipsa est verarum origo virtutum? Si tollitur gratia, ubi ipsa est bonorum causa meritorum? Et cap. 3: Nec quia spiritu Dei agitur, ideo se putet liberum arbitrium non habere, quod ne tunc quidem perdidit, quando diabolo voluntate se dedit, a quo iudicium voluntatis depravatum est, non ablatum. Quod ergo non interfectum est per vulnerantem, non tollitur per medentem (hoc est, per gratiam, qua a Deo adjuvatur.)

Hieronymus in epistola ad Ctesiphontem. Cum ille (ut & cæteri Pelagiani) objiceret, nos liberum arbitrium tollere, atque damnare, eo quod auxilium gratiæ diceremus esse necessarium ad bene operandum, atque ad implendum præcepta legis, ait: Frustra blasphemias, & ignorantium auribus ingeris, nos liberum arbitrium condemnare. Damnetur ille, qui damnat: sed ipsum liberum arbitrium Dei nititur auxilio, illiusque per singula ope indiget, quod vos non vultis. Et lib. i dialogorum adversus Pelagianos. Si ideo, inquit, non peccat, quia peccare non potest, liberum tollitur arbitrium, & nequaquam nostrum fiet, sed naturæ bonum, quæ peccata non capiet. Et sub finem tertii libri eorundem dialogorum, in persona Attici ait Critobulo: Hoc est quod tibi a principio dixeram, in nostra esse positum potestate, vel peccare vel non peccare, & vel ad bonum vel ad malum extendere manum, ut liberum servetur arbitrium. Et tom. 3 epist. 147 ad Damasc. Qui divisit eis substantiam, id est, dedit eis liberum arbitrium, dedit mentis propriæ libertatem, & ut viveret unusquisque non ex imperio Dei, sed obsequio suo, id est, non ex necessitate, sed ex voluntate, ut virtus haberet locum, & ut a cæteris animantibus distaret, dum ad exemplum Dei, permissum est nobis facere, quod volumus, unde & in peccatores æquum iudicium; & in sanctos & iustos, iustum præmium retribuere. Et infra: Solus Deus est, in quem non cadit peccatum: cætera, quam sint liberi

arbitrii, juxta quod & homo ad imaginem & similitudinem Dei factus est, in utramque partem possunt suam flectere voluntatem. Et in fine Apologiæ ad Pammachium pro libris adversus Iovinianum. In nostro arbitrio, inquit, est, vel Lazarum sequi, vel dyabolum, qui in inferno fuit sepultus. Et libro secundo Apologiæ adversus Rufinum: Dicis (de diabolo scilicet) qui omnibus exitit causa peccati: & dum in illum refers crimina, homines culpa liberas, tollisque arbitrii libertatem. Et statim de Juda ait: Post buccellam introivit in eum Satanas, quia ante buccellam sponte peccaverat, & nec humilitate, nec clementia Salvatoris flexus est ad poenitentiam. Et in cap. 18 Jeremiæ, in principio ait: Ut liberum significaret arbitrium, dicit se, & mala nunciare genti, & regno illi, vel illi. Et rursum bonas ne tamen hoc evenire quod ipse prædixerit, sed e contrario fieri, ut bona malis eveniant, si egerint poenitentiam; & bonis mala, si post repromissiones fuerint ad peccata reversi. Et hoc dicimus, non quod ignoret Deus hoc vel illud gentem aut regnum esse facturum: sed quod dimittat hominem voluntati suæ, ut vel præmia vel poenas sua voluntate, & suo merito recipiat. Nec statim totum erit hominis quod eveniet, sed ejus gratiæ, qui cuncta largitus est: ita enim libertas arbitrii reservanda est, ut in omnibus excellat gratia largitoris, juxta illud propheticum: Nisi Dominus ædificaverit domum, &c. Et illud: Non volentis neque currentis, sed miserentis est Dei. Et in illud Ezech. 3: Domus Israel nolunt audire te, quia nolunt audire me, ait: In quo aperte liberum monstratur arbitrium. Et in illud Ezech. 16: Et egressum est, &c. cum exposuisset bona nostra a liberalitate & beneficentia Dei provenire, addit: Non quod ex beneficentia Dei liberum hominis tollatur arbitrium, sed quod ipsa libertas Dominum habere debeat adiutorem. Et in illud epistolæ ad Philemon. Sine consilio autem tuo, &c. Si Deus, inquit, voluntarie, & non ex necessitate bonus est, debuit hominem faciens, ad suam imaginem & similitudinem facere, hoc est, ut & ipse voluntarie, & non ex necessitate bonus esset. Qui autem asserunt ita eum debuisse fieri, ut malum recipere non posset, hoc dicunt: talis debuit fieri, qui necessitate bonus esset, & non voluntate. Legito alia, quibus eandem

sententiam eo loco confirmat. In illud Matth. 21: Et peregre protectus est; de Deo, qui nullum de'erit locum, ait: Abire videtur a vinea, ut vinitoribus liberum operandi arbitrium relinquat. Et in illud, Verebuntur filium meum, ait: Quid nesciat paterfamilias, qui hoc loco Deus Pater intelligitur? sed semper ambigere videtur Deus, ut libera voluntas homini referretur.

*D. Augusti-
nus.*

Quod ad Augustinum attinet, licet ex tam multis illius testimoniis, hac, & præcedentibus disputationibus citatis, luce clarius constet, eum liberum arbitrium in acceptione propriissima, de qua disputamus, constituisse, contrariumque, ut hæresim manifestam perpetuo rejectis, ex eisdemque testimoniis satis pateat (non dicam) imperitia, sed malitia & impudentia Lutheranorum, qui hac in parte patronum se habere Augustinum falso contendunt; ut tamen magis fiat manifestum, quædam alia ejusdem testimonia adijcienda sunt.

In primis igitur 3 de libero arbitrio cap. 1, ex eo docet motum voluntatis, quo ab incommutabili bono avertimur, & peccamus, culpam esse, quod necessarius non sit naturali necessitate, sed in nostra sit potestate, ut eum exercere, ita eum cohibere, id quod experientia ipsa docet. Alias, inquit, neque culpandus esset homo, dum ad inferiora se convertit, neque monendus ut istis neglectis æterna vellet adipisci, atque ut male noller vivere, vellet autem bene. Hoc autem monendum non esse hominem quisquis existimat, de hominum numero exterminandus est. Et capite tertio: Non possum aliud sentire esse in potestate nostra, nisi quod cum volumus facimus. Quapropter nihil tam in potestate nostra, quam ipsa voluntas. Et infra: Voluntas nostra nec voluntas esset, nisi esset in nostra potestate. Porro quia est in nostra potestate, libera est nobis: non enim esset nobis liberum, quod in potestate non esset. Et cap. 18 ostendens voluntatem ipsam, dum recedit a lege Dei, ab eo quod facere tenetur, cum tamen, si velit, possit non recedere, causam esse peccati, ait: Quis peccet in eo quod nullo modo caveri potest? peccatur autem: caveri igitur potest. Et cap. 25: Quid quisque vel sumat, vel respuat, est in potestate: sed quo viso tangatur, nulla potestas est. Denique sæpè August. in libris de libero

arbitrio est ostendere, voluntatem collatam nobis esse a Deo, ut honeste vivamus, recte rationi atque legi ipsius obtemperamus, eaque ratione beatitudinem comparemus: at collatam esse liberam, nempe cum facultate, non tantum recte, sed etiam contrario modo operandi, atque adeo capacem meriti & demeriti, beatitudinis ac miseriæ: nec aliam esse causam peccati, quam voluntatem ipsam, dum sua innata libertate ad id deflectit, ad quod a Deo collata non est, nempe ad vitia, leges Dei transgrediendo. Hæc docet secundo lib. cap. 1 & lib. 1 cap. ultimo. Nec 1 Retractionum cap. 9 quicquam eorum quæ dicta sunt retractat, sed eadem confirmat, solumque docet; liberum arbitrium ad bonum, quod ad vitam æternam conducit, non sufficere sine gratia. Quod licet ex parte in libris de libero arbitrio expresserat, non tamen quantum erat satis ad impugnandum errorem Pelagianorum: eo quod disputatio tunc esset suscepta adversus Manichæorum errores, quorum impugnatio id non postulabat.

De Genesi contra Manichæos lib. 1 cap. 3 ait: Pascit (lumen videlicet, de quo ibi est sermo) pura corda eorum, qui Deo credunt, & ab amore visibilium & temporalium se ad ejus præcepta servanda convertunt: quod omnes homines possunt, si velint.

Epist. 46 ad Valentinum: Eo ipso quod præceptum & imperatum nobis est ut intelligamus & sapiamus, obedientiam nostram requirit; quæ nulla potest esse sine libero arbitrio. Et epist. 89 ad Hilarium: Neque voluntatis arbitrium ideo tollitur, quia juvatur; sed ideo juvatur, quia non tollitur.

De spiritu & anima cap. 48 autor ejus operis ait: Dicimus unam eandemque esse animam in homine, quæ & corpus sua societate vivificet, & semetipsam sua ratione disponat, habens in se libertatem arbitrii, ut in suæ substantiæ eligat cognitione quod vult.

Lib. 83 quæstionum, q. 24 ait: August. Justus regens & gubernans universa nullam penam cuiquam sinit immerito infligi, nullum primum immerito dari: meritum autem poenæ peccatum est, & meritum præmii recte factum: nec peccatum autem, nec recte factum imputari cuiquam juste potest, qui nihil fecerit propria voluntate. Est igitur & peccatum, & recte factum in libero volun-

voluntatis arbitrio. Legito etiam quæstionem secundam & quintam.

Disputatione 2 contra Fortunatum ait, Mala esse voluntario peccato animæ, cui dedit Deus liberum arbitrium. Quod si non dedisset Deus, iudicium puniendi nullum iustum esse posset, nec meritum recte faciendi, nec præceptum divinum ut ageretur poenitentia de peccatis, nec ipsa indulgentia peccatorum, quam nobis Deus per Dominum nostrum Iesum Christum donavit. Quia qui non voluntate peccat, non peccat. Et infra: Peccata, ut dixi, nisi libera voluntas esset in nobis, peccata non essent. Si quis enim, verbi causa, ligaretur ab aliquo cæteris membris, & de manu ejus falso scriberetur sine ejus propria voluntate, quæro si hoc iudici parceret, posset hunc hominem falsitatis crimine damnare? Quare si manifestum est, peccatum non esse, ubi non est liberum voluntatis arbitrium, volo audire, &c.

De actis cum Felice Manichæo cap. 4. Aut facite arborem bonam, & fructum ejus bonum; aut facite arborem malam, & fructum ejus malum. Cum dicit, aut hoc facite, aut illud facite, potestatem indicat, non naturam. Nemo enim, nisi Deus, facere arborem potest, sed habet unusquisque voluntate, aut eligere quæ bona sunt, & esse arbor bona; aut eligere quæ mala, & esse arbor mala. Et nonnullis interjectis: Hoc ergo Dominus dicens ostendit esse in potestate quod facerent; & quasi si bonum eligerent, præmium ejus acciperent; si malum eligerent, poenam ejus sentirent. Et cap. 8 inter alia ait: Hodie libera voluntate faciunt homines consuetudinem, quam, cum fecerint, facile superare non possunt. Ipsi ergo sibi de seipsis fecerunt, quod contraria lex habitet in membris eorum: sed qui concipiunt timorem Dei, & per liberum arbitrium subdunt se sanandos optimo medico, & sicut bono curatori, ita & misericordii creatori, per humilitatem confessionis, & poenitentia sanantur. Et infra: Non est ergo indignum ut Deus dicat, Ire in ignem æternum, eis qui ejus misericordiam per liberum arbitrium respuerunt: Et dicat, Venite benedicti Patris mei, eis qui per liberum arbitrium fidem ejus susceperunt, peccata sua confessi sunt, poenitentiam egerunt, displicuerunt

sibi quales fuerint, & quales per eum facti sunt, illi placuerunt.

De fide contra Manichæos cap. 44. Clamat, inquit, veritas animam rationalem, quia potest recte factorum rationabilia præcepta percipere, & recte factis ad æternam beatitudinem pervenire: si hoc peccando noluerit, iuste ad infera damnari, quia inter ipsum & Deum non separatur nisi voluntas prava.

Tractatu 53 in Joannem: Tantum ne audeat quisquam liberum arbitrium sic defendere, ut nobis orationem qua dicimus, Ne nos inducas in tentationem, conetur auferre: rursus ne quisquam neget voluntatis arbitrium, & audeat excusare peccatum. Illi dicunt, Ut quid rogamus Deum ne vincamur tentatione, quod in nostra est potestate? Illi dicunt, Ut quid conamur bene vivere, quod in Dei est potestate? O Domine, ne nos inferas in quamlibet istarum tentationum. Et tractatu 71: Ita sine ista gratia non potest vivi (vita videlicet gratia, atque ita ut in operibus nostris fructus meriti sit apud Deum, de quo ibi erat sermo) ut & mors in potestate sit liberi arbitrii.

In lib. de Cantico novo cap. 8. Liberum inquit, arbitrium ad malum sufficit sibi, ad bonum non, nisi adjuvetur a Deo.

De verbis Apostoli ferm. 7 in illud, Peto vos non infirmari in tribulationibus. Petit quod non faceret, nisi eorum vellet excitare voluntatem. Si enim responderent, Quid nos petis, quod in potestate non habemus? numquid non viderentur sibi iustum reddidisse responsum? Et tamen Apostolus, nisi sciret esse in eis voluntatis propriæ consensionem, ubi & ipsi aliquid agerent, non diceret, peto. Sed rursus sciens sine Dei adiutorio infirmam esse hominis voluntatem, non solum ne diceret, voluntatis arbitrium non habemus, dixit, peto: verum etiam ne diceret, voluntatis arbitrium sufficit nobis: addit, Hujus rei gratia flecto genua mea, &c. Quia ergo voluntatis arbitrium habetis, peto. Quia vero vobis voluntatis non sufficit arbitrium ad implendum quod peto, hujus rei gratia flecto genua ad Patrem Domini nostri, ut det vobis quod a vobis peto, nempe corroborari virtute, quod est non infirmari. Peto a vobis, propter arbitrium voluntatis: rogo det vobis, propter auxilium maiestatis. Et infra: ut

Deus velit dare, debes & tu ad accipiendum accommodare voluntatem. Quomodo vis accipere gratiam divinæ bonitatis, qui sinum non aperis voluntatis?

Sermone 47 de Sanctis: In potestate, inquit, nostra posuit qualiter in die iudicii judicemur. Et infra: In te posuit quod a te requirit. Et homilia 16: In tuo arbitrio Deus posuit cui parares locum, Deo, an diabolo. Mitto alia Augustini testimonia.

Cyrrillus Alexandrin. libro quarto in Joannem capite septimo loquens de prodicione Judæ: Non possumus, inquit, secundum Ecclesiæ veritatisque dogmata liberam potestatem hominis (quod liberum arbitrium appellamus) negare. Ita iusti quidem præmiis propter iustitiam afficiuntur; qui vero male vixerunt, non injuria puniuntur. Et capite tertio: Liberum homo animal est, & potest sive dextrum, sive sinistrum velit iter (virtutem dico aut vitium) eligere. Eandem libertatem statuit lib. 9 cap. 10, & lib. 3 contra Julianum in principio, & ad finem libri 8, & libro de adoratione Spiritus sancti circa initium.

D. Gregor. Gregorius 13 Moralium cap. 9, alias cap. 6 in illud Job 16, Convulneravi lumbos meos, ait: Nequaquam lumbos nostros vulnerare, sed convulnerare dicitur, quia hoc, quod nobis ille male suggerit, nos sequentes ex voluntate propria implemus, & quasi cum ipso nos pariter vulneramus, qui ad perpetrandum malum ex libero simul arbitrio ducimur. Eandem libertatem arbitrii, & quam ratione cum gratia consentiat, docet 16 Moralium cap. 12, alias cap. 10 in expositione ad ultima verba cap. 22 Job, & lib. 24 cap. 12, alias cap. 6 in illa verba Job, cap. 33: Liberavit animam suam ne pergeret in interitum. Et lib. 33 cap. 26, alias 20, circa illa verba capite 41 Job: Non quasi crudelis, &c. & homilia 9 in Ezechielem.

D. Anselm. Anselmus in dialogo de libero arbitrio, & in lib. de Concord. præscientiæ, prædestinationis & gratiæ cum libero arbitrio, late libertatem arbitrii nostri offendit, nullaque tentationis vi necessitatem ei inferri posse, ut in eo quod cum recta ratione pugnat, consentiat. Libertatem arbitrii asserit etiam in illud Matth. 6: Fiat voluntas tua. In illud Joan. 4: Erat quidam regulus. Id illud ad Rom. 6: Cum enim servi essetis peccati. In

illud 1 ad Corinth. 15: Gratia autem Dei sum id quod sum. In illud ad Ephes. 2: Creati in Christo Jesu in operibus bonis. In illud ad Ephes. 6: De cætero fratres confortamini, &c. Atque in illud 2 ad Tim. 2: Recedat ab iniquitate, &c.

Eandem arbitrii libertatem affirmat Bernardus. D. Bernardus. in tract. de gratia & libero arbitrio, quo loco inter alia ait: Hac dignitatis prerogativa rationalem singulariter creaturam conditor insignivit: ut quemadmodum ipse sui juris erat, ita illa quoque sui quodammodo juris in hac parte existeret, quatenus non nisi sua voluntate, aut mala fieret, & iuste damneretur; aut bona maneret, & merito salvaretur. Non quod ei propria possit sufficere ad salutem voluntas, sed quod eam nullatenus sine sua voluntate consequeretur. Nemo quippe salvatur invitus. Nam quod legitur in Evangelio; Nemo venit ad me, nisi Pater meus traxerit eum; item in alio loco, Compelle intrare; nihil impedit. Quia profecto quantoscumque compellere vel trahere videatur ad salutem benignus Pater, qui omnes homines vult salvos fieri, nullum tamen judicat salute dignum, quem antea non probaverit voluntarium. Hoc quippe intendit cum terret aut percutit, ut faciat voluntarios, non salves invitos: quatenus dum de malo mutat voluntatem in bonum, transferat, non auferat libertatem. Et paulo post, probat non semper trahi aliquem invitum: nam cæcus volens trahitur, & Paulus ad manus trahebatur Damascum. Et sponsa petit, Trahe me post te. Et serm. 81 in Cantic. Arbitrii, inquit, libertas plane divinum quiddam præfulgens in anima tanquam gemma in auro. Ex hac nempe inest illi, inter bonum quidem & malum, nec non inter vitam & mortem, sed & nihilominus inter lucem & tenebras, & cognitio iudicii, & optio eligendi, & si qua sunt alia quæ similiter circa animi habitum sese e regione respicere videantur, nihilominus inter ipsa censorius quidam arbiter is animæ oculos judicet & discernit: sicut arbiter in discernendo, ita in eligendo liber. Unde liberum nominatur arbitrium, quod liceat versari in iis pro arbitrio voluntatis. Inde homo ad promerendum potis. Omne enim quod feceris bonum, malumve, quod quidem non facere liberum sit, merito ad meritum reputatur: & ut

& ut merito laudatur, non is tantum qui potuit facere mala, & non fecit, sed, & qui potuit non facere bona, & fecit: ita malo non caret merito tam is, qui potuit non facere mala, & fecit, quam qui potuit facere bona, & non fecit. Ubi autem non est liberum, nec meritum. Omitto complures alios Patres, quorum omnium testimonia, si afferenda essent, magnum volumen conficere possemus.

Utrum voluntas, in quo temporis puncto aliquid vult, libera sit ad illud idem volendum nolendumque, & e contrario.

DISPUTATIO XXIV.

Guillelmus Ochamus in primo d. 38 q. 1, quem sequuntur Gabriel ibidem, & quidam alii ex doctoribus nominalibus, asseverat, voluntatem, in quo instanti elicit volitionem, non esse liberam ad eam non eliciendam, aut ad eliciendum contrarium actum, & e converso, in quo instanti non vult, aut volitionem elicit, liberam non esse ad volendum idem objectum: sed solum ante illud instans fuisse in ea libertatem, ut cum ad illud idem instans perveniret, indifferenter veller, aut non veller, nolleve objectum: eo vero ipso quod ad illud instans pervenit, si ex libertate precedente vellet, esse liberam ut immediate post illud instans in volitione sua persistat, aut ab ea desistat, vel etiam, si velit, eliciat contrariam volitionem (in quo, ait, differt a causis agentibus ex necessitate naturæ, quæ existentibus eisdem circumstantiis desistere nequeunt ab operatione) non vero esse liberam ut in illo eodem instanti indifferenter unam & eandem rem velit, aut nolit.

Probat hanc sententiam, quoniam nulla potentia fieri potest ut voluntas, in quo instanti vult, non velit: ergo in instanti, in quo vult, non est in ea facultas ut non velit. Consequentia patet, quoniam non est potentia quam Deus deducere non valeat in actum. Antecedens probatur, quoniam implicat contradictionem, voluntatem, in quo instanti vult, non velle: vellet enim simul & non veller: ergo id nulla potentia fieri potest.

Confirmatur, quoniam vel potentia ad contrarium, aut contradictorium, solum

convenit voluntati antequam habeat actum volitionis, aut cum ipsam actum in se habet. Si solum illi conveniat aerea, jam fateris libertatem voluntatis ad oppositum, solum esse ante instans in quo aliquid vult, quod Ochamus contendit. Dici autem nequit, convenire illi dum jam est sub volitione: eo enim dato, posset velle & non velle simul, aut etiam nolle, quod contradictionem implicat.

Confirmatur rursus, quoniam id, quod est, quando est, non potest non esse, ut autor est Aristoteles primo de interpretatione cap. ultimo. Unde Boetius quinto de consolatione prosa ultima: Soloriens, & gradiens homo, quæ, dum fiunt, non fieri non possunt; eorum tamen unum prius quoque quam fieret (nempe ortus Solis) necesse erat existere: alterum vero (nempe gressus voluntarius hominis) non item.

Sententia hæc, meo iudicio, non solum falsa, sed & periculosa est ac temeraria. In primis, quoniam Deus optimus maximus libere voluit creare mundum: & tamen neque ante, quam id vellet, libertatem habuit, ut id non veller: eo quod ex æternitate id voluerit, & nihil sit ante æternitatem: neque postquam id voluit: eo quod mutatio aut vicissitudinis obumbratio in eum cadere non possit: ergo quando id voluit, potuit id non velle, quatenus prius natura in se ipso est liber, ut id velit aut non velit, quam alterum eorum apud se ex æternitate statuatur.

Secundo, quoniam ex communi Theologorum, atque ipsius Ochami sententia, Angeli in primo instanti suæ creationis apud Deum meruerunt: ergo tunc habuerunt libertatem arbitrii ad eliciendum, vel non eliciendum, operationem ob quam meruerunt. Consequentia est manifesta, quoniam sine libertate esse non potest meritum: ejusmodi autem libertatem habere non potuerunt antequam crearentur. Ridiculum autem est affirmare, libertatem, quam in primo instanti habuerunt ad cohibendam vel continuandam ulterius illam eandem operationem quam in primo instanti elicerunt, conferre, ut in primo instanti mereantur per operationem in eo elicam, ut velle videtur Ochamus. Tum quia libertas illa nihil confert ut in potestate liberi arbitrii fuerit elicere, aut non elicere operationem illam in primo

Confirm. 2.

Refellitur explicata sententia.

hæmi argumentum.

confirm. 1.

in primo instanti : quippe siue cohibeatur post illud instans, siue continuetur, non ideo non erit elicitā in primo instanti : meritum autem & demeritum esse nequeunt in operatione, quam in potestate liberi arbitrii non fuerit, ut elicere, ita etiam non elicere. Tum vel maxime, quoniam cessare post primum instans ab operatione ex se bona & digna præmio, quid conducere potest ut operatio illa meritum habuerit in primo instanti, cum id ad demeritum potius, quam ad meritum conferat? Quare libertas ad intermittendam operationem, si re ipsa intermittatur, ad Angelorum meritum in primo instanti nihil profusus efficit : at Doctores affirmant, eos etiam Angelos, qui post primum instans peccaverunt, in primo instanti meruisse.

Tertio. Data opinione Ochami, concedendum esset, neminem peccare quando vult aliquid contra legem Dei, sed immediate antea extitisse totam culpam : quandoquidem culpa esse nequit, nisi dum libertas adest ad culpam vitandam : id autem si admittatur, multa sequuntur absurda. In primis enim ab adversariis petam, an qui in instanti aliquo vult aliquid contra legem Dei, peccet immediate antea peccato omissionis, aut commissionis? Non dicent omissionis, quandoquidem nullum actum tenetur tunc elicere : neque item commissionis, eo quod nullum eliciat actum : ergo ejusmodi culpa neque omisso, neque commissio erit, quod est satis absurdum. Deinde petam, vel dum dicunt immediate antea extitisse culpam actus sequentis, intelligunt in tempore immediato, vel in instanti immediato? Non in instanti immediato, eo quod non datur in tempore instans immediatum instanti, ut Philosophi demonstrant : neque item in tempore, quandoquidem dato quocunque tempore, cum in ea dimidia parte illius, quæ est versus instans in quo voliturus est aliquid contra legem Dei, habeat libertatem ad illud item non volendum, nec in altera priori dimidia parte statuerit tale quid velle, nulla utique erit culpa in priori parte : ergo nec in toto tempore dato peccasse dicitur. Præterea moriatur homo ille in eo instanti, in quo, si viveret, voliturus erat aliquid contra legem Dei : tunc si culpa existeret in tempore immediate præcedente, sequeretur hominem illum damnari : cum tamen nihil

contra legem Dei omiserit, vel commiserit ; quo quid ineptius? Confirmatur ex Augustino epistola 107 ad Vitalem Pelagianum, ubi copiose & docte ex scripturis probat, neminem damnari pro re, quam gesturus esset, si viveret ; sed pro re, quam dum viveret gessit.

Dicendum itaque est cum Scoto in primo dist. 39, voluntatem, ad quodcunque temporis punctum deveniat, prioritate naturæ antecedere suum actum, ut quævis alia causa suum effectum præcedit : prius etenim natura est, voluntatem esse in quocunque temporis puncto, quam in eodem ab ea actus emanet : hæc autem naturæ prioritas veram fundamentum in re habet. Cum ergo voluntas suapte natura sit causa libera, hoc est, in cuius potestate est velle aut nolle, aut continere omnino actum & nihil velle, utique in quocunque temporis puncto existat, in eo priori ejusdem puncti in quo, cum fundamentum in re, concipitur ut naturæ ordine antecedens suum actum, in facultate ipsius est, vel nihil omnino agere, vel volitionem, aut nolitionem elicere, prout maluerit. Quo fit, ut ad quodcunque temporis momentum deveniat, prius natura, quam ad aliquid prædictorum pro innata sua libertate se determinet, facultatem habeat, non quidem ad volendum & non volendum in eodem puncto temporis unum & idem objectum simul, aut etiam successive, quasi in eodem puncto postquam se determinaverit ad unam partem contradictionis, alteri subjacere possit (utrumque enim contradictionem implicat, & id solum probant argumenta pro opinione Ochami) sed facultatem habet ut indifferenter velit, aut nolit, aut ab omni actu pro eodem instanti vacet. Hoc ipso vero, quod posterius natura libere se determinat ad unum illorum trium, nequit jam in eodem temporis momento ad aliud se determinare.

Ad argumentum ergo Ochami, si antecedens sumatur in sensu composito, ita ut sit sensus ; nulla potentia fieri posse, ut, si jam voluntas in instanti aliquo temporis eliceret volitionem, non possit non velle idem objectum, concedendum est. Nec pugnat nobiscum, qui non in eo sensu dicimus voluntatem, in quo instanti aliquid vult, liberam esse ad illud non volendum, ad nolendum in eodem instanti. Si vero sumatur in

Ad argu-
mentum
Ochami.

sensu

sensu diviso, ita ut sit sensus; nulla potentia fieri posse, ut voluntas, quæ in aliquo puncto temporis aliquid vult, non possit tunc non velle illud, vel vacando ab omni suo actu, vel per contrarium actum illud rejiciendo, si modo spectetur, ut existit in eodem temporis puncto prior naturæ ordine quam illud idem velit, negandum erit antecedens. Ad probationem vero dicendum est, implicare quidem contradictionem, voluntatem in sensu composito, in quo instanti aliquid vult, illud idem non velle: non vero in sensu diviso.

Ad confirmationem dicendum est, potentiam ad contradictorium convenire voluntati etiam simul tempore cum actu volitionis, sed prius natura quam in eodem puncto temporis ad illud eliciendum se libere determinet, ut explicatum est: neque inde sequi, voluntatem idem posse velle & non velle simul, ut supra diximus: sed solum sequi, prius natura, quam velit, esse indifferentem & liberam ut sub disjunctione velit aut nolit obiectum, vel omnino actum cohibeat.

Ad secundam confirmationem dicendum est: Id, quod est, quando est, necessario esse, ita intelligendum est, ut facta hypothesi quod res jam sit, extra suas causas necessario esse dicatur. At absolute ea, quæ a causa libera emanant, si in instanti, in quo sunt, considerentur prout prius naturæ ordine, quam sint, causa est libera & indifferens ut ab ea emanent aut non emanent, sane indifferenter & esse & non esse possunt in eo instanti, in quo a causa emanant, existereque in rerum natura incipiunt.

De concursu Dei cum causis secundis ad omnem earum actionem, & effectum.

DISPUTATIO XXV.

Constituta arbitrii nostri libertate dicendum est, tum de concursu Dei generali, quo cum causis omnibus secundis, atque adeo cum libero arbitrio, ad omnem actionem & effectum concurrat: tum etiam de particulari, quo insuper arbitrium nostrum ad supernaturalia opera divinitus adjuvatur. Sunt enim hæc duo concursus Dei generis longe inter se diversi, neque eodem modo ad nostrum arbitrium affecta. Ac sane nisi modum utriusque perspectum habeamus,

MOLINA.

neque scire poterimus quam ratione libertas arbitrii nostri ad naturalia & supernaturalia opera salva maneat, & consequenter rerum contingentia, quam una cum illa ostendere molimur; neque item qua ratione eadem arbitrii libertas cum divina gratia, præscientia, voluntate, providentia, prædestinatione, & reprobatione consentiat. Denique ex notitia modi utriusque concursus complurium gravissimarum difficultatum cognitio explicatioque dependet.

A primo itaque concursus genere ordinando, in primis dicemus de concursu Dei generali cum omnibus causis secundis. Deinde de eodem cum libero arbitrio ad actiones & effectus naturales. Inde ulterius ex modo ejusce concursus ostendemus, non Deum, sed nos per liberum nostrum arbitrium causam esse nostrorum peccatorum. Postremo examinabimus, Utrum si Deus ex necessitate naturæ ageret, & nihilominus eo præcisè concursus generalis modo, quo nunc influit, concurreret cum libero arbitrio & cæteris causis secundis, rerum contingentia salva maneret, an non.

Quod vero ad propositam disputationem attinet, præter quosdam, quos D. Thom. p. q. 105 art. 5 secundo Sententiarum, d. 1 q. 1 art. 4 de potentia, q. 3 art. 7, & tertio contra Gentiles cap. 69 refert, Gabriel in quarto, d. 1 q. 1 art. 1 & art. 3 dubio 2 & 3, secutus Petrum de Aliaco, in ea est sententia, ut dicat, causas secundas nihil omnino operari, sed Deum in illis, atque ad earum præsentiam se solo producere omnes effectus; ut ignem non calefacere, & solem non illuminare, sed Deum in illis, atque ad illorum præsentiam effectus illos producere. Unde dubio 3 citato ait, causas secundas non proprie esse causas, quasi influant in effectum: hoc namque modo solam causam primam affirmat esse causam, causas vero secundas dicit appellari causas, sine quibus non, quatenus constitutum habet Deus, non, nisi ad earum præsentiam, producere effectus. Art. etiam primo citato cum Petro de Aliaco asserit, Deum nihil minus concurrere, quando cum causa secunda producit effectum, ut calorem cum igne, quam concurreret, si solus eundem effectum produceret: Imo tunc plus efficere; quandoquidem non solum producit calorem æquali concursu, ac

O

signis

Gabriels & quorundam aliorum sententia.

si ignis non adesset, sed etiam facit ut ignis sit etiam causa suo modo ejusdem caloris.

Eam confirmat Gabr. 1.

Hanc suam sententiam (qua ex eo maxime commendari putat divinam potentiam, quod juxta eam effectus omnes, non ex parte, sed ex toto ac proprie sint a Deo) confirmat tum ex illo primæ ad Corinth. 12: Qui operatur omnia in omnibus: tum etiam ex illo 2 ad Corinth. 3: Non quod sufficientes simus cogitare aliquid a nobis, quasi ex nobis, sed sufficientia nostra ex Deo est.

Causa secundæ effectus suos cooperatur cum Deo. Liberum arbitrium non cooperari ad suos effectus evincitur in fide.

Sententiam hanc omnes nihilominus rejiciunt, meritoque D. Thomas secundo Sentent. & tertio contra Gentes loco citato stultam eam appellat. Quid enim magis stultum esse potest, quam ea negare, quæ experientia & sensu patent? Sensibus autem constat causas secundas suas operationes elicere ac exercere. Quod si de omnibus omnino causis, etiam de voluntate ac libero arbitrio ea opinio intelligatur, ut auctores illius velle videntur, utique non solum cum ea experientia pugnat, qua quis nostrum in se ipso experitur in sua esse potestate velle & nolle, sed plane error in fide est censenda: tollit namque de medio arbitrii nostri libertatem, & cum ea rationem omnem virtutis & vitii, meriti & demeriti, laudis ac vituperii, præmii & supplicii a nostris operibus. Etenim si voluntas non est, quæ operatur, sed Deus solus elicit in ea operationes bonas ac malas, quæ quæso libertas in ea manet? quæ ratione merito & laudi, aut peccato aut vituperio tribui illi potest, quod uno aut altero modo operetur? Esto autem ea sententia de solis causis secundis, quæ libero arbitrio prædite non sunt, intelligeretur, parum sanctæ tutæ esset in fide. Enimvero Scriptura sacra ejusmodi operationes causis secundis ita tribuit, ut vere eas a suis causis fieri significet. Marci 4: Ultro terra fructificat, primo herbam, deinde spicam, &c. Lucæ 21: Videte ficulneam & omnes arbores cum producunt jam ex se fructus. Unde Augustinus 7 de civitate Dei cap. 30: Sic Deus, inquit, administrat omnia, quæ creavit, ut etiam ipsa proprios exercere & agere motus sinat.

Deinde rationibus refutatur. Quoniam ea data, hæ propositiones essent falsæ, Sol illuminat, ignis calefacit, & cætera: quandoquidem causæ secundæ non essent, quæ hæc præstarent, sed Deus ad illarum præsentiam;

consequens autem tum contra communem loquendi usum, tum etiam contra communem sensum hominum est. Præterea cum auctore Aristotele 2 de celo, cap. 3, unumquodque sit propter suam operationem, sequeretur omnia esse frustra; eo quod non res ipsæ operarentur ea, ad quæ institutæ sunt, sed Deus, ad earum præsentiam. Item cum Deus æque possit rem aliquam frigidam reddere ad præsentiam ignis, & calefacere ad præsentiam aquæ, ac e contrario, æque ignis possit esse causa frigefactionis, & aqua calefactionis, ac e contrario. Imo cum Deus ad præsentiam lapidis creare possit Angelum, aut rem aliam, lapis esse posset causa creationis: quod licet Gabriel admittat, plane id maximum absurdum est. Adde, id quod experientia testatur, negandum non esse absque urgente ratione: nulla autem non solum urgens, sed neque probabilis ratio est, quæ suadeat res creatas non vere operari eas actiones, quas docet experientia ab eisdem causis provenire. Adde etiam, plus extollere potentiam Dei, quod possit, tum per se ipsum, tum per virtutes, quas causis secundis confert, efficere operationes omnium rerum, quam si solus ipse possit eas efficere.

Ad primum ergo testimonium Pauli in contrarium dicendum est, eo loco sermonem esse de operibus gratiæ, ut aperte patet, si antecedentia & sequentia considerentur: illæ autem a Deo sunt, nobis tamen cooperantibus.

Ad primum testimonium cfr. Gabriel 1.

Ad secundum simili modo dicendum est, sermonem esse de cogitatione sufficiente, ut dicitur. quis idoneus minister novi testamenti, ut Pauli contextum intuenti satis manifestum erit: ad id vero gratia & concursus Spiritus sancti necessaria sunt. Quamvis autem utroque in loco sermo esset de operibus naturalibus, nihil tamen inde colligeretur contra nos: quoniam omnes a Deo essent per concursum universalem, nobis simul cooperantibus.

Ad secundum dicitur.

Sententia Durandi in secundo dist. 1 q. 5 Durandi opposita omnino est sententiæ hactenus impositæ. Affirmat namque causas secundas ita operari, suosque effectus producere, ut Deus non alio influxu cum eis concurrat, quam conservando ipsarum naturas ac vires, quas eis contulit.

Ad primum testimonium cfr. Gabriel 1.

Probat vero id primo, quoniam effectus causarum primo.

Probat causas primo.

causarum secundarum dicuntur esse a Deo mediis causis secundis: ergo non sunt a Deo immediate, sed a solis causis secundis; a Deo vero mediate, quatenus tanquam prima causa contulit eis esse ac vires ad operandum, easque in eis conservat.

Secundo, si Deus operaretur immediate cum causis secundis ad earum effectus, verbi gratia, cum igne ad generationem ignis, vel ageret eadem numero actione, qua ignis, vel alia: non eadem; in primis, quia cum ea actio non excedat virtutem speciei ignis, illam poterit efficere ignis sine alio concursu Dei, supposita conservatione naturæ atque virtutis activæ ipsius: quare superflueret concursus Dei. Deinde quia eadem actio numero non potest esse a duobus, ita ut perfecte & immediate sit ab unoquoque eorum, nisi agant per eandem numero virtutem; quo pacto Pater & Filius perfecte & immediate spirant Spiritum sanctum, quoniam producant eum per eandem numero vim spirativam: sed generatio ignis perfecte & immediate est ab igne; eo quod non sit supra virtutem speciei ipsius ignis: ergo non potest esse simul a Deo immediate, cum Deus & ignis non agant per eandem vim, seu potentiam activam. Quod etiam non agat alia numero actione ab ea, qua agit ignis, probatur: tum quia altera earum redunderet: tum etiam quia cum actiones per terminos distinguantur, idemque sit terminus seu effectus productus, non poterit esse alia atque alia actio.

Tertio. Ordo agentium respondet ordini finium: sed unius rei non possunt esse duo fines immediati & perfecti: ergo neque esse possunt duo agentia, nisi forte supplerent vicem unius agentis perfecti; quo pacto duo trahentes navim efficiunt unum agens integrum ac sufficiens & perfectum: & eodem modo ejusdem rei possunt etiam esse plures fines partiales.

Plurimi censent sententiam hanc Durandi erroneam esse; & id innuit Sotus secundo Physicorum q. 4 conclusionem 1. Ego vero cum minimum falsam, & minus turam esse censeo. Dum enim Paulus Actorum 17 non solum ex eo ostendit Deum non longe esse ab unoquoque nostrum, quod in eo simus, sed etiam ex eo, quod in eo moveamur, aperte innuit Deum immediate con-

currere ad omnem motum nostrum; ex concursu namque & actione immediata non recte colligitur præsentia agentis secundum suam substantiam. Dum etiam regius Prophetæ Psal. 138 ostendit; quocunque quis abfcesserit, ibidem Deum forte præsentem; eo quod illuc Dei manu sit deducendus ac tenendus, aperte quoque indicat Deum ad morum localem immediate concurrere. Job. 10 Manus, inquit, tuæ fecerunt me, & plasnaverunt me totum in circulo. Et paucis interjectis: Nonne sicut lac mulsiisti me? &c. Ubi effectus causarum secundarum Deo etiam tanquam cooperatori tribuit. Item Isaia 26 habetur: Omnia opera nostra operatus es in nobis Domine. Sapient. 8: Attingit a fine usque ad finem fortiter, & disponit omnia suaviter. Joan. 5: Pater meus usque modo operatur, & ego operor. Vide Augustinum 4 super Genesim ad litteram cap. 12 & quinto lib. cap. 20, ubi juxta hunc Joannis locum egregie docet, ita Deum die septimo quiescisse ab omni opere creationis mundi, & a novis producendis speciebus, ut nihilominus nunquam cesset ab earundem rerum conservatione, & cooperatione cum causis secundis ad effectus earum.

Ratione etiam ostendi potest opinionem Durandi falsam esse. Primo, quoniam nullus omnino effectus esse potest in rerum natura, nisi Deus suo influxu eundem in genere causæ efficientis immediate conservet: mirum namque esset, quod Angelus cæteræque substantiæ illo modo à Deo, (ut q. 8 hujus primæ partis ostensum est) penderent, actiones vero & alia accidentia, quæ illis insunt, non item: inde enim sequeretur, si Deus, servatis substantiis, vellet actiones & accidentia destruere, non satis esse subtrahere influxum, quo ab eo conservarentur, sed opus illi esse adhibere contrariam aliquam actionem: quod tamen vere dici non potest. Quæ namque alia contraria actio fingi potest ad Solis lucem, verbi gratia, extinguendam, Solis substantia servata: quandoquidem nec luci, nec actioni, qua a Solis substantia emanat, quicquam contrarium existat? Profecto nisi dicas lucem sola divini influxus subtractione posse extinguí, fatearis necesse est eam a Deo, Solis substantia permanente, extinguí nulla ratione posse. Quare dicendum omnino est, creata omnia

ab immediato influxu fontis, a quo emanant, dependere. Cum vero id, quod ad conservationem est necessarium, majori eum ratione necessarium sit ad primam ejusdem rei productionem; consequens profecto est, ut nihil omnino a causis secundis valeat produci, nisi simul actualis immediatusque influxus causæ primæ interveniat. Quo fit, ut solius primæ causæ proprium sit, a nullius alterius causæ influxu pendere in productione & conservatione suorum effectuum: ceteræ vero tam in producendis, quam in conservandis suis effectibus, ab auxilio & generali influxu causæ primæ dependant.

Secundo, quoniam si Deus non cooperaretur cum causâ secundâ, sane efficere non potuisset ut Babylonicus ignis tres pueros non calefaceret, nisi fœ illi quasi opponendo impediendoque illius actionem, vel per actionem aliquam contrariam, vel rem aliquam pueris illis circumponendo, eosve qualitate aliqua resistentem afficiendo, quæ obstrueret, quo minus ignis actionem suam in eos imprimeret: cum ergo hoc deroger, tum divinæ potentie, tum etiam summæ subjectioni, quæ ei cuncta parent, atque obediunt, dicendum proculdubio est, Deum cooperari cum causis secundis, eaque sola ratione non fuisse pueros illos ab igne concrematos, quod Deus cum eo ad actionem non concurreret.

Ad primum
Durandi.

Ad primum argumentum Durandi dicendum est, effectus causarum secundarum dici esse a Deo mediis causis secundis, non quatenus Deus agit per concursum universalem, sed quatenus per ipsasmet, tanquam per ministras, ac velut instrumenta quæ ab ipso virtutem agendi acceperunt, effector existit.

Ad secundum.

Secundi argumenti solutio notior erit ex dicendis disputatione sequenti: interim dicendum est, Deum agere eadem numero actione, quæ, ut est a Deo, dicitur actio Dei & concursus universalis ipsius; ut vero est ab igne, dicitur actio & concursus ignis: ab igne tamen habet quod fit calefactio, a Deo vero non, nisi per determinationem ignis simul ad eam actionem concurrentis.

Ad primam probationem in contrarium negandum est actionem illam, ut fiat sine universali concursu Dei coadiuvante, non excedere virtutem ignis: agere namque nullo alio coadiuvante est proprium Dei, exceditque omnem virtutem creatam; eo

quod virtus omnis creata, ut pendet quoad naturam suam ab alio, ita etiam pendet quoad operationem, præsertim cum, ut ostensum est, effectus omnes ita a Deo pendeant, ut etiam postquam sunt producti, nisi Deus suo influxu eos conservet, nulla ratione existere possint.

Ad secundam probationem dicendum est ejusmodi actionem non esse perfectæ & totaliter ab igne, si sermo sit de causâ omnino totali, sed esse partim ab igne, partim a Deo: esse tamen integre & ex toto ab unoquoque eorum in suo ordine, ut ab igne in ordine causæ particularis, & a Deo in ordine causæ primæ universalis, ut disputatione sequenti explicabitur.

Ad tertiam dicendum est, Deum & causam secundam efficere unum agens perfectum omnino comparatione effectus producendi, licet unumquodque eorum sit perfectum in suo ordine, ut disputatione sequenti dicitur: quo pacto nullum est incommodum duo agentia concurrere simul ad eandem actionem, ut ipsi met Durandum fatetur.

Concursus Dei generalis an sit influxus in causas, quasi prius e motu agent, an immediatus cum illis in earum naturales actiones, & effectus.

DISPUTATIO XXVI.

Divus Thomas prima part. q. 105 art. 5 docet, Deum duplici ratione dici operari cum causis secundis. In primis, quia virtutes illis tribuit ad operandum, eaque actu conservat, ut Durandus dicebat. Deinde, quia ita eas ad agendum movet, ut quodammodo formas & virtutes earum applicet ad operationem: non secus atque artifex securim applicat ad scindendum. Hujus vero rei rationem reddit, quoniam semper quando sunt multa agentia inter se ordinata, secundum ita agit virtute primi, ut ab eo ad agendum moveatur.

Duo autem sunt, quæ mihi difficultatem pariunt circa doctrinam hanc D. Thomæ. Primum est, quod non videam, quidnam sit motus ille & applicatio in causis secundis, quæ Deus illas ad agendum moveat & applicet: quin potius existimem, ignem sine ulla sui mutatione calorem in aquam sibi adnotam inducere. Duo namque sunt instrumentorum

Primum
quod diffi-
cem reddit
opinionem
D. Thomæ.
Causa se-
cundæ
ignis, sunt

torum genera: quædam quæ non habent integram virtutem ad operationem, qualia sunt instrumenta artis. Atque hæc indigent motu & applicatione alterius agentis, ut aliquid efficiant: dolabra enim licet acumen & durtiem habeat, quibus ad sciendendum sit apta, quia tamen ea virtus non est sufficiens ad præstandum effectum, opus est motu superaddito, tum ut imprimatur ei vis & impulsus ad sciendendum necessarius: tum etiam ut admoveatur diversis partibus ligni, ad artefactum juxta regulas artis conficiendum. Alia vero sunt instrumenta, quæ vel habent integram virtutem ad agendum, ut semen decusum a generante, vel sunt ipsamet integra virtus, ut calor ignis, & cæteræ virtutes naturales. Atque ejusmodi instrumenta, si sint apte conjuncta, non indigent motione & applicatione superaddita a causis principalibus: semen namque, quando operatur, non movetur a generante, cujus est instrumentum; quippe cum fieri possit, ut generans jam non sit: calor item ignis, quando calefacit aquam, non movetur aut applicatur ad calefaciendum ab igne in quo est, & cujus est instrumentum, sed per seipsum sine alia motione calorem producit. Quare ingenue fateor, mihi valde difficilem esse ad intelligendum motionem & applicationem hanc, quam Divus Thomas in causis secundis exigit.

Ferrariensis 3 contra Gentes c. 70 ait, ejusmodi applicationem esse vim quandam in causis secundis, quæ est velut esse intentionale virtutis divinæ, eo modo, quo species colorum in medio dicuntur esse intentionale colorum; quæ quidem vis, ut inquit, est quippiam superadditum virtutibus causarum secundarum, & tamdiu in illis est, quamdiu ipsæ suas efficiunt operationes; quibus cessantibus, continuo vim illam definire arbitrat. Hoc tamen commentitium plane est, nullaque ratione fulcitur, & res frustra multiplicat.

Secundum, quod mihi difficultatem parit, est, quia juxta hanc Divi Thomæ doctrinam, Deus non concurrat immediate in causis secundis, quæ est velut esse intentionale virtutis divinæ, eo modo, quo species colorum in medio dicuntur esse intentionale colorum; quæ quidem vis, ut inquit, est quippiam superadditum virtutibus causarum secundarum, & tamdiu in illis est, quamdiu ipsæ suas efficiunt operationes; quibus cessantibus, continuo vim illam definire arbitrat. Hoc tamen commentitium plane est, nullaque ratione fulcitur, & res frustra multiplicat.

earum, in ipsismet causis secundis sunt: quare si Deus his tantum rationibus concurrat, profecto non influit immediate in causis secundis. Licet autem Ferrariensis loco citato id admittat, contrarium tamen probare videntur efficaciter, quæ hæc & præcedente disputatione adversus Durand sententiam dicta sunt, ut jam nunc patebit.

Dicendum itaque est, Deum immediate in causis secundis concurrere cum causis secundis ad earum operationes & effectus, ita videlicet, ut quemadmodum causa secunda immediate elicit suam operationem, & per eam terminum seu effectum producat; sic Deus concursu quodam generali immediate influat cum ea in eandem operationem, & per operationem seu actionem terminum illius atque effectum producat. Quo fit ut concursus Dei generalis non sit influxus Dei in causam secundam, quasi illa prius eo mota agat, & producat suum effectum, sed sit influxus immediate cum causa in illius actionem & effectum. Quicquid autem sit de loco illo paulo ante citato, forte neque Divus Thomas a nobis dissentit. Cajetanus namque, qui modum loquendi Divi Thomæ servat, ita ad hunc decimum tertium articulum suam ac Divi Thomæ sententiam interpretatur, ut prorsus nobiscum consentiat, ut disputatione trigesima quarta videbimus. Quin Scotus, qui apertius multo videtur nobis adversari, sane in quarto Sententiarum nobiscum prorsus consentit, ut ex verbis, quæ ex illo disputatione trigesima quarta referemus, erit manifestum. Qualis autem sit hic influxus, & cur neque hic, neque causæ secundæ influxus superfluous sit, explicabitur statim: nunc quod dictum est, ostendamus.

Probari autem potest primo, quoniam ignis, ut diximus, immotus prorsus in seipso, aquam sibi conjunctam calefacit, neque intelligi valet, quo motu de novo a Deo moveatur & applicetur ad agendum, dum aquam calefacit, neque is est necessarius. Cum vero per motum omnem, seu actionem, terminus aliquis producat ab ea re ipsa minime distinctus, neque motionis illius & applicationis alius terminus fingi possit, nisi qualitas, sane concedendum esset, quoties ignis calefacit, produci a Deo in ignem qualitatem

quandam una cum illo motu, quod improbabile videtur. Adde, si ignis ad omnem actionem prævio illo motu & applicatione indigeret, tunc quor essent passiva illi conjuncta, quæ simul calefaceret, tot utique motibus ipse a Deo moveretur & applicaretur simul ad distinctas numero calefactiones quæ ab eo emanarent, quod improbable videtur. Idem argumentum fieri potest in quacunque alia simili causa secunda.

Secundo, quoniam, ut prima ratione; qua disputatione præcedente sententiam Durandi impugnavimus, satis aperte ostensum est, concursus Dei generalis ideo necessarius est ad omnem actionem & effectum causæ secundæ, quia res omnis creata, quoad sui conservationem, pendet ab immediato influxu Dei; & quod ad conservationem requiritur, multo magis ad primam productionem necessarius est: itaque necessitas concursus generalis Dei cum causa secunda ad omnem suam actionem & effectum, ortum habet ab indigentia, qua actio & effectus egent perpetuo influxu Dei in ipsa quanto tempore persistere debent in rerum natura, etiam postquam cessaverit influxus causæ secundæ: ergo concursus Dei generalis cum causis secundis non est immediatus in causas ipsas, & mediarus per causas in ipsarum actiones & effectus, sed est immediatus immediate suppositi in actiones ipsas & effectus.

Tertio, quoniam cum negari non possit, effectum quemcumque causæ secundæ indigere immediato Dei influxu in ipsum ut conferretur, etiam postquam cessaverit influxus causæ secundæ, & multo magis ut de novo producat; utique vel dandum esset, concursus Dei generalem cum causis secundis ad earum actiones & effectus non esse influxum in causas, sed cum causis immediate in actiones & effectus, quod probare intendimus: vel affirmandum esset, Deum duplici generali concursu influere in productione cujusque effectus; uno, immediate in causam, & per causam mediate in effectum; & altero, immediate in effectum, quod nemo dixerit.

Quarto, si concursus Dei generalis cum causis secundis esset influxus in ipsamet causas, quo eas moveret, applicaret, ac potentiores redderet ad agendum, cum talis influxus in causam secundam, & quicquid in ea per illum produceretur, esset quippiam creatum,

coadjuvaretque vim propriam causæ, verbi gratia, ignis ad calorem in aquam producendum, utique non minus esset causa secunda, quam vis ipsa calefaciendi ignis: quare non minus indigeret concursu alio Dei, quam vis ignis: eo quod indigere concursu Dei generali ad agendum commune quippiam sit causis omnibus secundis, etiam supernaturalibus, nulla excepta. Unde vel concedendus esset infinitus processus in ejusmodi concursibus, nullumque proinde posse produci effectum; vel fatendum est, concursum Dei generalem non esse influxum in causam, sed immediate cum causa in actionem & effectum.

Postremo, quoniam scripturæ testimonia, quibus adversus Durandum disputatione præcedenti ostendimus concedendum esse concursum Dei generalem cum causis secundis, sane influxum Dei immediatum in actiones, effectusque earum sonant.

Neuter vero influxus generalis videlicet Dei & particularis causæ secundæ superfluit. Deus namque generali concursu influit ut causa universalis influxu quodam indifferenti ad varias actiones & effectus, determinatur vero ad species actionum & effectuum a particulari influxu causarum secundarum, qui pro diversitate virtutis cujusque ad agendum diversus est: aut, si causa libera sit, in ipsius potestate est ita influere ut producat potius hæc actio quam illa, puta velle, quam nolle, aut ambulare, quam sedere, & hic effectus potius, quam ille, nempe hoc artefactum potius, quam aliud, vel etiam suspendere omnino influxum ne ulla sit actio. Porro concursus Dei generalis determinatur a particulari concursu causarum secundarum, non secus ac influxus Solis, qui etiam universalis est, determinatur ab influxu hominis, ut producat homo; & ab influxu equi, ut oratur equus: Sol enim & homo generant hominem, ut secundo Physicorum habetur; eademque ratione Sol & equus generant equum.

Simili præterea modo, sicut ad generationem equi non satis est influxus Solis sine influxu equi, neque influxus equi sine influxu Solis: ita ad nullius effectus productionem satis est influxus Dei per solum concursum universalem, sine influxu causæ secundæ particularis, a qua determinetur: neque vicissim

Neque generalis Dei concursus, neque particularis causæ secundæ concursus, ad speciem actionis & effectus.

curfus
generis &
particularis
se
de ab
eum
dent ut
dant.

vicissim influxus causæ secundæ particularis sine influxu Dei per concursum universalem, quo adjuvetur, & quem Deus de lege ordinaria statuit nunquam denegare. Quin hi duo influxus mutuo ab invicem pendunt, ut in rerum natura existant: quia neuter sine altero est actio productiove cujuscumque effectus. Imo vero neque sunt duæ actiones, sed una numero actio, quæ, ut a Deo illo modo præcisè influente, dicitur concursus Dei generalis; ut vero a causâ secundâ, puta ab igne calefaciente, dicitur concursus seu influxus ignis: neque actio illa habet, quod sit hujus speciei, nempe calefactio potius, quam frigefactio, quia a Deo per concursum universalem, seu ut comparatione Dei est concursus ipsius universalis, sed quia est ab igne cum Deo cooperante per suam particularem virtutem, eamque determinante ad speciem calefactionis, atque ut comparatione ignis est influxus, concursusve particularis ipsius. Si namque Deo simili modo ex parte sua influente, sicut cum eo concurrat ignis, concurreret aqua, produceretur frigefactio, & non calefactio, atque pro diversitate cujusque alterius agentis particularis, quod concurreret, resisteret alia atque alia specie actio, semper agente particulari determinante concursum Dei universalem, particulari sua virtute ac influxu ad actionem & effectum sibi proprium & peculiarem. Simileque est in generatione, qua Sol & equus generant equum: una quippe & eadem numerò equi generatio, ut est a Sole, dicitur influxus Solis, atque actio, qua Sol, tanquam causâ universalis, equum generat: ut vero est ab equo per virtutem seminis a se decisi, dicitur influxus atque actio, qua, tanquam causâ particularis, equum suum filium generat: actio tamen illa, non ut a Sole, & ut influxus Solis habet, quod sit generatio equi: quia si Sole similiter ex ipsa parte influente, concurreret leo, & non equus, esset generatio leonis specie distincta; sed ut ab equo, atque ut influxus equi, habet, quod sit generatio equi: semper namque particularis causæ est determinare influxum causæ universalis ad speciem actionis & effectus, quando universalis causâ, non ut particularis, sed ut universalis causâ concurrunt. Quando enim Deus se solo effectum aliquem producit, aut per particularem suum concursum illum efficit alterius

speciei, ut efficere solet opera nostra supernaturalia quæ ad vitam æternam conducunt, non influit, ut universalis causâ, sed ut particularis eorum effectuum. Quia itaque concursus Dei generalis, & particularis causæ secundæ, mutuo a se invicem pendunt, ut in rerum natura existant, inde est, quod sicut cessante Deo influere per concursum suum universalem, ut cessavit cum igne Babylonico ne tres pueros exureret, & cum eorum oculis a quibus se abscondit & exivit de templo, cessat continuo influxus & actio causæ secundæ: ita cessante causâ secundâ influere per suum particularem concursum, cessat etiam influxus divinus, nullaque sequitur actio.

Est vero discrimen inter concursum generalem Dei & concursum generalem Solis, non solum quod ille, sicut proficitur a causâ maxime universali, sic multo est universalior, ad multoque plures effectus se extendit quam concursus Solis: sed etiam quod a Sole primum egreditur lumen, aut aliæ similes qualitates occultæ, quæ vel per seipsas, vel per calorem intervæntu luminis productum in generatione, verbi gratia, hominis aut equi, adjuvant virtutem seminis, & cum ea materiam pro ratione formæ introducendæ apte disponunt, tandemque & generatio, hoc est, introductio formæ substantialis, & prævia alteratio, simul sunt efficienter a virtute seminis & Solis, ut explicatum est: at vero concursus generalis Dei cum causis secundis, immediate emanant in singulas earum operationes, indifferens ex se ut pro diversitate causæ secundæ cooperantis varia actio, variusque effectus resultet.

Ut melius intelligatur qualis in se concursus Dei generalis sit, & quo pacto a Deo optimo & maximo emanet, ante mentis oculis habeamus oportet, Deum causam esse liberam, æternamque determinationem divinæ voluntatis, tam circa tempus & partem spatii, quam circa quantitatem & modum influxus, ut variis rebus producendis sit accommodatus, atque ut vel solus, si magnus sit, rebus producendis sufficiat, vel si tantus non sit, accommodatus solum sit causis secundis juvandis, ac proinde, sit talis, ut si illæ simul influant, emanet; si vero influere cessent, aut ad influendum nunquam accedant, neque ille emanet: ejusmodi, inquam, determinationem divinæ voluntatis, volun-

Concursus
generalis
Dei & Solis
in quo differ-
rant.

Concursus
Dei generalis
qualis, &
ut a Deo
emanet.

voluntatemve ipsam divinam libere eo pacto determinatam, causam atque principium esse rerum, a quo immediate emanat influxus seu actio divina, ut inferius in hac prima p. q. 25 ostendendum est. Et enim absque ulla mutatione in Deo, vicissitudinisve obumbratione adveniente tempore, in quo libera determinatione suæ voluntatis ex æternitate statuit res creare, atque hoc, vel illud, in tali vel tali parte spatii, uno aut alio modo efficere vel adjuvare, ex ipsomet actu voluntatis divinæ ita determinato, absque alio imperio, aut applicatione alterius virtutis executricis, quæ in Deo sit, sequitur, tanquam ex principio efficiente immediato, influxus atque actio Dei ad extra in hac potius parte spatii, quam in alia, ad hoc vel ad illud potius, quam aliud creandum, & ad uno vel alio modo res potius efficiendum, aut adjuvandum, quam alio. Ipse enim æterno suo decreto ac determinatione dixit, & facta sunt; mandavit, & creata sunt: eaque ratione omnia quæcunque voluit, atque eo modo, quo voluit, fecit in cœlo & in terra, in mari & in omnibus abyssis. Et enim mensura divinæ potentie est libera Dei voluntas, quæ non solum est immediatum divini influxus principium, sed etiam tempus & spatium in quo fluat, ac quantitatem & modum illius præscribit, atque ut illum præscribit ac determinat, sic fluit. Quomodo autem Deus, qui non solum infinite potentie, sed & omnipotens omnino est, non infinite, neque totum quod potest agit, quasi necessitate naturæ influat, quippe cum id contradictionem implicet, sed æterna liberaque determinatione suæ voluntatis pro suo arbitrio præscripsit influxum præfinitis temporibus communicandum, multiplicem quidem ac varium, semper tamen finitum, modo majorem, modo minorem, prout natura cujusque rei producendæ postulat, eo quod alium requirit Angelus, ut sit, alium cœlum, Sol, & diversa astra, alium homo, & diversæ animantes, alium aliarum res: si cum perspiceret causas secundas, quibus vires varias ad operandum statuebat conferre, nihil omnino posse efficere, nisi una cum illis operationes & effectus earum ipse influeretur, æterna sua voluntate statuit, ita accommodare & quasi attemperare suum influxum, atque eo modo auxilium ac juvamen illis conferre, ut non ipse solus ad earum

præsentiam actiones & effectus produceret, sed suum locum atque influxum sic illis relinqueret, ut operationes & effectus essent proprii earum, quod in creaturarum dignitatem redundabat. Ipse vero influxu quodam rebus omnibus communi, qui pro diversitate concursuum causarum secundarum ad varias operationes & effectus distrahi ac limitari posset (qua ratione concursus generalis Dei dicitur) suppleret earum imbecillitatem, tam quoad productionem, quam quoad conservationem suorum effectuum: eaque ratione æterna sua voluntate statuit, ita omnibus causis secundis præsto esse per ejusmodi generalem concursum, ut quoties causæ secundæ, vel naturæ necessitate, vel sponte sua ac libertate cooperarentur, perinde ejusmodi influxus ex determinatione liberæ suæ voluntatis perpetuo, ordinariaque statuta lege sequeretur, ac si ipse causa esset ex necessitate naturæ influens: paucis duntaxat eventibus exceptis, in quibus, futurorum omnium præcisi, eadem æterna suæ voluntatis determinatione statuit illum suspendere, causisquæ secundis ob altioreni quandam finem miraculose denegare.

Ex dictis intelligitur facile, si sermo sit de causa integra, ut comprehendit omnem ad actionem necessariam, sive ea universalis sit, sive particularis, Deum per concursum universalem cum causis secundis efficere unam integram causam coalescentem ex pluribus non integris comparatione cujusque effectus, ita ut neque Deus per solum concursum universalem sine causis secundis, neque causæ secundæ sine concursu universali Dei sufficiant ad effectum producendum. At cum dicimus, neque Deum per concursum universalem, neque causas secundas esse integras, sed partiales causas effectuum, intelligendum id est de partialitate causæ, ut vocant, non vero de partialitate effectus: totus quippe effectus & a Deo est, & a causis secundis; sed neque a Deo, neque a causis secundis, ut a tota causa, sed ut a parte causæ, quæ simul exigit concursum & influxum alterius: non secus ac cum duo trahunt navim totus motus proficiscitur ab unoquoque trahentium, sed non tanquam a tota causa motus, siquidem quivis eorum simul efficit cum altero omnes ac singulas partes ejusdem motus. Si vero sermo sit de integra, sive tota causa, non omnino, sed in aliquo

Causæ propriæ per concursum generalem, & secundas, quodammodo integra causæ sunt.

Causa prima & secundas partiales sunt partialitate causæ, non vero effectus.

aliquo gradu causæ, tunc Deus per concursum universalem est causa integra in gradu causæ maxime universalis, eo quod nulla alia cum eo concurrat in eo gradu causæ; eodemque modo variæ causæ secundæ possunt esse integræ ejusdem effectus, quævis in suo gradu, ut Sol & equus comparatione alterius equi generandi, Sol quidem ut causa universalis, equus ut causa particularis.

Ex dictis præterea intelligitur, quando causæ subordinatæ sunt inter se, ita ut aliæ sint magis, aliæ minus universales, aliæ particulares, necesse non esse, ut superior in eo ordine semper moveat inferiorem, etiam si essentialiter subordinatæ sint inter se, & a se mutuo pendeant in producendo aliquo effectum: sed satis esse si immediate influant in effectum.

Appendix ad præcedentem,

DISPUTATIO XXVII.

POst primam hujus Concordiæ editionem non desuit, qui cum nostram de hac re doctrinam magna ex parte transcripserit, & ad suum institutum accommodaverit, nonnulla tamen impugnet, atque in his, quæ subjungam, a nobis dissentiat.

In primis, ad omnem universam actionem naturalem quæ moraliter mala non sit, sive ea sit liberi arbitrii, sive alterius agentis naturalis, duplicem proculdubio concursum seu influxum Dei generalem constituit. Unum, quo immediate immediatione suppositi influit in actionem & effectum, v.g. in calefactionem qua ignis calefacit aquam, atque in calorem ipsum, quem in eam inducit; eo quod, ut inquit, Deus ubique sit præsens. Alterum vero, quo immediate influit in ipsum agentem, illudque applicat ad agendum, ut ignem ad calefaciendum. Ni autem fallor, tot concursus generales influxusque Dei immediatos præter omnium opinionem multiplicat, ut tales Dei præfinitiones circa actiones non malas invehat ac defendat, quæ libertati arbitrii non modicum præjudicium inferant, de qua re disputatione ultima sermo erit.

Dixi, ad omnem universam actionem naturalem, quæ mala non sit, constituere duplicem ejusmodi concursum aut influxum generalem: quoniam alibi in eodem opere,

MOLINA.

quemadmodum negat præfinitionem Dei ad actiones liberi arbitrii malas moraliter, seu peccata, sic, (nostra etiam transcribens) negat concursum Dei generalem, quo arbitrium nostrum applicatur & moveatur ad eas actiones eliciendas: nobiscumque consentit, peccatum, etiam materialiter sumptum, Deo non esse tribuendum tanquam causæ: quoniam non habet, quod sit materiale peccati, prout ad eam actionem influit, immediate concursu generali ex se indifferenti, ut ea, aut longe diversæ actio sequatur, sed solum id habet, ut arbitrium ipsum suo influxu particulari in eam influit, ipsamque determinat ad esse actionis contra legem Dei, atque adeo peccati materialiter sumpti: Deus autem neque applicat, neque movet liberum arbitrium, ut ita influat, neque id vult, sed solum permittit, ut Concilium Tridentinum Sess. 6 Can. 6 definit, velleque Deus, ut non ita influeret, si per arbitrium ipsum pro libertate sua non staret.

Quod autem generales concursus seu influxus, quos hic autor ad universas naturales actiones non malas constituit, diversi in se sint, distinctæque actiones a Deo immediate productæ, ex eo est manifestum: quod influxus Dei immediatus in actionem & effectum, ut in calefactionem, qua ignis calefacit aquam, & in calorem quem in aquam inducit, non est in igne tanquam in subiecto, sed in aqua, in qua recipitur calefactio, ut bene hic autor concedit, atque de ejusmodi influxu concursusque Dei universali recte nobiscum affirmat, non esse distinctam actionem ab actione causæ secundæ, sed unam & eandem, quæ, ut est a Deo, dicitur concursus generalis Dei, & ut est ab igne dicitur particularis concursus ignis; a quo determinatur ad speciem illam actionis: at vero ille alius influxus & concursus Dei universalis, quo ipse affirmat ignem non secus applicari & moveri immediate a Deo ad calefaciendum, quam instrumenta artis moveantur & applicentur ab artifice ad artefacta conficienda, sane est in igne tanquam in subiecto, neque ulla ratione affirmari potest esse eandem actionem cum actione ignis quæ recipitur in aquam, aut per influxum ignis determinari ad speciem actionis. Parum ergo sibi constat hic autor, dum respondens ad tertium nostrum argumentum, (quod ipse

P

conficit

Peccatum etiam materialiter sumptum, cur Deo non sit tribuendum.

se
valiter
sunt
semp
effice
, ut
prior
que in
ent.

coram
m fen
ind.

conficit secundum, nonnihil a nostro varium) negat juxta suam sententiam concedendum esse duplicem concursum sive influxum Dei universalem ad actionem causæ secundæ, unum immediatum in causam & per causam in actionem & effectum, & alterum immediatum in actionem & effectum.

Sententia hujus auctoris, præter ea quæ disputatione præcedente dicta sunt, satis ex eo impugnatur, quod contra omnium sententiam multiplicet concursus Dei generales atque influxus seu actiones Dei immediatas ad actiones non malas causarum secundarum, conjungereque velit, propter nostra argumenta, sententiam nostram de concursu Dei generali, cum illorum sententia, qui concursum generalem Dei esse volunt influxum Dei in causam quæ applicetur ac moveatur ad agendum.

Item, quoniam nomine concursus Dei generalis cum sane influxum Dei omnes intelligunt, qui necessarius omnino est ad omnem actionem causæ secundæ, etiam peccaminosam: quare cum ad actiones peccaminosas solum admittat influxum Dei immediatum in actionem & effectum illius, qui per concursum particularem liberi arbitrii determinetur ad speciem actionis & materiale peccati, neget vero illum alium influxum, quo causa moveatur & applicetur ad eam actionem, consequens profecto est, ut is solus sit concursus generalis, quem nos dicimus: ille vero alius, quo causæ applicentur & moveantur ad agendum, sit commentitius & minime necessarius.

Præterea, quoniam sicut liberum arbitrium, sine prævia motione & applicatione Dei, elicere potest consensum in concubitu cum aliqua, cum qua non præcessit contractus matrimonii, itemque consensum in intersectionem illius, cum quo non est bellum justum, ut hic autor admittit, eo quod ejusmodi actiones peccata sint: ita posset elicere eosdem numero consensum, si cum eadem muliere præcessisset contractus matrimonii, aut cum illo alio esset bellum justum, ac proinde si illi actus essent boni moraliter, ut infra in hoc opere ostendimus: quoniam actus illi in genere naturæ essent iidem numero, eademque vires sufficerent ad illos producendos variatis circumstantiis, quæ solum efficiunt diversitatem in genere moris, ut

ibidem dicitur: quare ut liberum arbitrium operetur bene moraliter, non indiget præmotione illa & applicatione per concursum prævium generalem, & multo minus illa indigent causæ naturales non liberæ, quæ suapte natura determinatæ sunt ad unum, id est, ad suas operationes eo modo exercendas quo illas efficiunt: commentitius ergo est, minimeque necessarius is modus concursus Dei generalis cum causis secundis, sufficitque ille alius noster, qui ad omnes universim actiones causarum secundarum est omnino necessarius.

Adde, præmotiones istas & applicationes causarum secundarum ad suas operationes multum præjudicare libertati arbitrii nostri, ut suo loco ostendemus, nunquamque assertores earum explicare posse quid sint, & quomodo fiant, neque satisfacere argumentis, quæ contra eas sunt, ut ex parte continuo subjungemus.

Sane quod arbitrium nostrum possit sine illis elicere operationes omnes reales malas, signum manifestum est, causas secundas creatas non pendere essentialiter in suis operationibus a præmotionibus & applicationibus ejusmodi, sicut pendet a concursu Dei generali per influxum immediatum in actionem, sine quo nullam omnino operationem exercere possunt: quando namque causa aliqua essentialiter pendet ab alia in suis operationibus, nullam omnino operationem exercere potest sine illa.

Neque vero (ut hic autor affirmat) naturales Philosophi naturæ opus idcirco intelligentiæ opus esse asseruerunt, quod Deus causas secundas moveret, & applicaret per generalem concursum ad suas operationes, quod & falsum est, & omnino ignoraverunt: sed quod vires naturales & media illis tribuerit tam accommodata ad fines cujusque rei particulares, & ad finem totius universi, ut nihil a sapientissimo artifice posset amplius desiderari, ut in hac prima parte quæst. 2 art. 3 fusè explicatum est, & infra dicitur.

Ad id quod nos diximus in primo nostro argumento, nempe ignem immotum prorsus in se ipso, aquam sibi conjunctam calefacere, neque intelligi valere, quo motu de novo a Deo moveatur, & applicetur ad agendum, dum aquam calefacit, respondet, meo iudicio, non satis constanter. Ait namque, *ignem sine ulla*

Impugnatur.

Qui
prim
aspe
gener
respo
tar.
Ref
refe

St
fo

Re

Natura
opus est in
reelligentia,
opus a
Philosophis
dictum.

illa sui mutatione producere calorem, ceterum non sine influxu Dei per modum transeuntis in ipso recepto: hunc tamen influxum semper esse in igne, quia semper actu operatur, neque hoc ponere ullam mutationem in igne.

In primis, cum ejusmodi influxus sit quippiam reale, imo actio immediata Dei in igne tanquam in subiecto recepta, qua ad agendum applicatur, negari non potest, secundum illam ignem aliter se habere nunc, quando illam recipit, & applicatur ad agendum, quam prius quam illam reciperet, & ageret: atque adeo probo illam mutari, præsertim cum dicatur, ignem recipere illam per modum transeuntis.

Nisi (ut in solutione videtur subungi) dicatur, quod quia ignis perpetuo agit, nunquamque ab actione desistit, semper recipit eundem influxum invariatur, eaque de causa nunquam se habet aliter ac prius, tamen si semper eodem influxu afficiatur atque mutetur, sed sine novitate essendi: eo modo quo de conservatione seu creatione Angeli sine novitate essendi consuevimus dicere, & questione 10 explicatum est.

Quod si hoc ita dicatur, in primis id non est Deum applicare ignem ad singulas actiones in particulari, eo modo quo artifex ad singula depingenda, singulasque picturæ partes applicat penicillum, sed est applicare solum ignem ad calefaciendum in commune, quod vero diversa calefactione numero hic & nunc calefaciat, provenit ex varia applicatione combustibilium, aut calefactibilium, facta per causas secundas, vel accessu calefactibilium ad ignem, vel ignis ad calefactibilia; non vero ex applicatione varia divina, quæ intelligi non potest, nisi variato influxu, quo ignis ad hanc vel illam actionem in particulari applicetur: & cum sit eadem ratio de igne, & de quocunque alio agente, aut applicante necessitate naturæ, sequetur per applicationem, qua Deus applicat ignem ad agendum, aut quodvis aliud agens naturale, non magis Deum intendere hanc numero actionem quam illam, neque dirigere plus ad hanc, quam ad illam, quod pugnat cum intento hujus auctoris de prædeterminationibus Dei, ea applicatione rerum omnium in singulari, & providentia Dei ea ratione rerum omnium in singulari, non in genere solum, aut in specie.

Deinde similiter est dicturus, si liberum arbitrium eliciat opus aliquod moraliter bonum, applicari quidem a Deo ad illud eliciendum: at vero si perseveret in eo opere, & simul eliciat aliud, aut extendat voluntatem ad alia objecta similiter bona, tunc quoad illam novam actionem, aut extensionem prioris actionis non applicari de novo a Deo, sed illo priori influxu minime variato, minimeque aucto, liberum arbitrium illa omnia exercere, quod ipse non admittet: tunc enim illa nova actio, aut extensio prioris actionis, non esset ex peculiari applicatione & directione Dei, atque adeo neque ex peculiari prædeterminatione, eo modo quo ipse intendit.

Præterea, quicumque concursus Dei generalem cum causis secundis consentitur, affirmant, ad singulas actiones numero necessarium esse distinctum numero concursum seu influxum Dei generalem: postque Deum illum suspendere circa unam actionem non suspendendo illum circa cæteras ejusdem agentis, ut convincunt argumenta quæ in calce sequentis disputationis confisimus: Si ergo is est influxus in causam, quo illam movet & applicat ad operandum, concedendum est, ad singulas calefactiones, quæ ab igne emanant, produci a Deo peculiarem influxum in igne in quo illum movet & applicat ad eam calefactionem in particulari hic & nunc producendam in tale passum eumque influxum cessare eo ipso, quod finitur ea actio, ac proinde, esto dicendum esset ignem perpetuo agere in hoc vel illud passum sibi approximatum, concedendum esset mutari, accedentibus & recedentibus ejusmodi particularibus influxibus.

Item, si ignis divina potentia collocetur in vacuo, cessabit ab omni actione, & cum influxus in ignem, quo ad agendum applicatur, sit in illo per modum transeuntis, tam diuque in ipso sit quamdiu ab eo emanat actio: utique tunc nullus in eo erit talis influxus: Si ergo Deus tunc relinquat aërem circumstantem suæ naturæ, ut accurrat ad replendum vacuum, sane accedente aëre ad ignem, ignis, usque ad instantem accessus aëris prorsus immotus, incipiet calefacere aërem. Si ergo indiget influxu Dei, quo immotus secundum locum applicetur, & incipiat calefacere, sane sui mutatione calefaciet.

Si item particula ignis, quæ est juxta concavum lunæ & nihil agit, inde extrahatur, & applicetur combustibili, aut illi juxta concavum applicetur ab Angelo combustibile, sane ut agar indigebit prius moveri influxu & motu, quo applicetur de novo ad calefaciendum.

Præterea cum aqua supra aquam non graviter, si quis aquam inferiorem subtrahat, superior gravitate incipiet: Si ergo indiget influxu Dei, quo applicetur ad gravitandum imprimendumque impulsu in rem suppositam, dicendum erit ad gravitandum & imprimendum talem impulsu, mutari ipsam prius a Deo: ejusmodi autem omnes mutationes neque explicari potest quid sint, quomodo fiant, & cujus speciei mutationes sint, ut mox subjungam.

Addimus nos in eodem primo argumento: cum vero per motum omnem seu mutationem terminus aliquis producat ab ea re ipsa minime distinctus, neque illius mutationis & applicationis alius terminus fingi possit, nisi qualitas: sane concedendum esset, quoties ignis calefacit, produci a Deo in ignem qualitatem quandam una cum illo motu, quod improbable videtur.

Ad hoc, explicat in primis hic autor influxum illum Dei in causam, ut in ignem ad calefaciendum, esse similem ei, quo artifex influit in penicillum, dum illud moveret, & applicat ad pingendum. Deinde respondet, necesse non esse quod influxus ille terminum habeat in causa secunda, v. g. in igne, sicut neque in actione, qua ignis calefacit, & cum qua concurrat, habet terminum, ut etiam nos ipsos ait fareri, sed satis esse, quod habeat terminum in effectu, qui intenditur per talem actionem, & influxum, nempe in calore in aquam producto.

Ut distinctius procedamus, explicandæ sunt mutationes, atque etiam termini earum, qui, dum pictor penicillo utitur ad pingendum, intervenire solent. Supponamus vero motum brachii, ac penicilli digitis delati, quo & penicillum defert ad locum atramenti, illudque atramento intingit, & iterum intinctum defert ad tabulam, in qua est depingendum, solumque loquamur de applicatione penicilli ad pingendum. Sane pictor per voluntatem, appetitumque sensitivum, imperat in primis motum manus & articulo-

rum, quibus penicillum tenet, aut simul etiam brachii, ut talis motus sit, qualis ad imaginem depingendam juxta regulas artis est necessarius. Ad eum vero efficiendum, mediante virtute motiva, & spiritibus sensitivis, contractioneque aut laxatione nervorum ac musculorum imprimi impulsu articulis, manui aut brachio, ut inde resisteret motus localis eorundem membrorum, qualis ad imaginem depingendam est necessarius. Impetus autem ille, seu impulsus articulis, manui, aut brachio ita impressus, qualitas quædam est, medianibus spiritibus sensitivis, contractioneque aut laxatione nervorum & musculorum impressa, haud dissimilis impulsui, qua lapidi, dum projicitur, imprimi solet, quo mediante lapis post digressum a manu solet ferri sursum, quo usque adeo deficiit, ut jam non superet gravitatem lapidis. Impressio autem impetus illius sane, licet in lapide mediante motu brachii ac manus fiat, & in digitis, manu, & brachio, fiat mediante motu, & applicatione spirituum sensitivorum, constrictioneque aut dilatatione nervorum & musculorum, alteratio quædam est, cum sit productio cujusdam qualitatis: neque est aliud quam qualitas ipsa impressa prout efficienter est a virtute motiva medianibus illis instrumentis & motu eorum, quibus efficienter est impressa. Quo fit ut illius alterationis proprius terminus detur per eam tanquam per actionem productus, nempe impetus ille & vis impressa. Ex ejusmodi autem vi impressa digitorum articulis, manu, & brachio, tanquam ex principio immediato efficiente, sequitur motus localis articularum & manus, aut etiam brachii qualis necessarius est ad imaginem penicillo efficiendam, qui sane motus suum etiam proprium terminum habet, nempe acquisitionem diversarum existentiarum articularum cum penicillo in spatio ad picturam accommodatarum. Porro ex impetu & motu articularum, manus, & brachii sequitur tanquam ex principio efficiente, impetus & motus in penicillo, qui articulis tenetur, ad picturam accommodatus. Impressio autem impetus illius in penicillo est alteratio, pro termino habens impetum ipsum: motus autem localis penicilli habet pro termino acquisitionem variorum locorum, & contactum tabulæ accommodatorum ad imaginem exprimendam. Ex contacti-

*Responsio
ad nostram
confirmationem.*

*Varie ad
notas & re-
sponsum ad
imaginem
depingendam.*

contactibus vero illis posita qualitate atramenti apti ad harendum tabula, sequitur expressio imaginis, pro termino habens imaginem ipsam, ad quam tanquam ad finem & terminum ultimum cetera actiones antecedentes ordinabuntur.

Nunc examinemus hujus auctoris responsionem. Sane cum influxus Dei in ignem, quo ipse ait a Deo moveri & applicari ad calefaciendum, in igne sit tanquam in subiecto, & non in aqua, in qua est calefactio & calor ab igne productus, sitque proinde distincta actio a calefactione, non solum re, subiecto, ac numero, sed etiam specie, eo quod non sit calefactio, sed applicatio & motio ignis ad calefaciendum: Mirum est quod pro termino immediate eo producto, & cum quo sit idem re tanquam actio cum suo termino, habeat calorem existentem in aqua: quare si per omnem actionem semper aliquid immediate producit, quod sit terminus illius, & cum quo actio sit idem re, sed ab eo formaliter distincta, concedendum erit in igne aliquid productum per eum influxum, & applicationem: & cum actio illa, & influxus, neque sit mutatio substantialis, neque secundum locum, neque augmentatio, non relinquitur, quæ alia actio sit, nisi alteratio latissime sumpta, per quam qualitas in igne producat immediate.

Ad id vero, quod dicit, concursum Dei generalem, etiam nostra sententia, non habere terminum in calefactione, sed solum in calore per calefactionem producto, dicendum est, concursum Dei generalem, nostra sententia, non esse influxum in ignem, sed cum igne ad actionem, qua producit calor, & quæ tanquam actio emanat immediate a Deo tanquam a causa universali, & ab igne tanquam a causa particulari, atque adeo ab utroque tanquam ab una integra omnino causa immediata: quare cum influxus generalis Dei, & particularis ignis, nostra sententia non sint due actiones, sed una omnino simplex calefactio, quæ ut a Deo est influxus Dei universalis, & ut ab igne est influxus ignis particularis, nec esse non est, ut is concursus generalis, quem nos asseruimus, terminum habeat in calefactione, eo quod actio non habeat terminum in seipsa, sed in re per eam producta: Longe vero diversa ratio est de influxu in ignem, quem ipse ponit, ut con-

cedendus sit terminus per eum tanquam per actionem immediate productus.

In eodem primo argumento adjecimus, si ignis ad omnem actionem indigeret prævio illo motu, & applicatione, tunc quod essent passa illi conjuncta, quæ simul calefaceret, tot utique motibus ipse a Deo moveretur, & applicaretur simul ad distinctas numero calefactiones quæ ab eo emanarent, quod improbabile videtur.

Ad hoc respondet, negando sequi, tot motibus moveri & applicari, quot essent calefactiones numero, quæ ab eo emanarent. *Ad secundam nostram confirmationem.* Nam, inquit, ex parte principii & influxus non respicitur, qui virtute multiplex est, solum una actio esset, & influxus unus virtute multiplex: ex parte autem terminorum & passibilium dicerentur plures actiones, sed non numero distinctæ: quia tantum esset una actio virtute multiplex, ut dictum est.

Voluntaria est hæc responsio: quoniam non explicat, unde & qua ratione influxus ille sit unica actio, virtute multiplex. Ut autem supra dictum est, quotquot concursus Dei generalem cum causis secundis admittunt, ad quæcumque numero actionem & effectum causa secunda constituunt peculiarem concursum Dei generalem, distinctum ab aliis, quibus ad reliquas actiones, & effectus concurreret, admittuntque posse Deum illum suspendere circa unam actionem, aut partem actionis, non suspendendo illum circa alias ejusdem agentis, ut etiam convincunt argumenta, quæ in calce sequentis disputationis conficiuntur.

Item, ut supra etiam dictum est, juxta hunc dicendi modum, Deus solum movet & applicat ignem ad calefaciendum in commune: quod vero hæc aut illa calefactio numero ex tali applicatione sequatur, non provenit ex applicatione ad illam in particulari, sed ex multiplicatione calefactibilium, quæ is ignis reperit sibi conjuncta: id quod auctoris intento, de præfinitionibus ex ejusmodi applicationibus agentium ad suas actiones, nihil inseruit, ut dictum est.

Item ostensum est influxum quo ignis ita moveretur & applicaretur ad calefaciendum, non habere pro termino sibi proprio calorem productum in passa, sed hunc terminum esse proprium calefactionis, quæ numero multiplicatur pro diversitate numerica talis ter-

mini : conflituendumque necessario esse proprium terminum in igne receptum illius applicationis & influxus penes quem unitas aut multiplicitas talis actionis attendatur : præsertim cum actio esse non soleat in uno subiecto, & terminus per eam, tanquam per actionem productus, in alio. Unde si talis influxus & motus in igne esset admittendus, sane, comparatione calefactionis, quæ inde ulterius emanaret in aquam, haberet sc. non ut actio, sed ut principium efficiens illius una cum calore ignis : eo pacto quo imperus & localis motus digitorum sunt principium efficiens impetus & motus quibus penicillum movetur, & applicatur ad pingendum : & eo modo quo actus virtutum, & scientiarum, principium sunt efficiens habituum, quia ex illis generantur, ut alibi ostendimus.

Interrogandus vero est hic autor, num influxus & applicatio ignis ad calefaciendum sit eadem actio cum calefactione quæ calor inducitur in passum. Si respondeat esse eandem, interrogandus iterum est, qui fieri possit ut una sit in igne tanquam in subiecto, & alia in aqua. Itemque qui fieri possit, ut calefactio pro diversitate terminorum, quæ in passu recipiuntur, numero multiplicetur, influxus vero ille non item. Si vero respondeat esse diversas actiones, sane diversæ etiam terminos habebunt, & penes eos numero, atque etiam specie distinguuntur.

Quantum nostrum argumentum (quod hic autor tertium conficit) sic habet : Si concursus Dei generalis cum causis secundis esset influxus in causas quæ eas moveret, applicaret, ac potentiores redderet ad agendum, cum talis influxus in causâ secundâ, & quicquid in ea per illum producit, esset quippiam creatum, coadiuvaretque viam propriam causæ, v. g. ignis ad calorem in aquam producendum, utique non minus esset causâ secundâ quam vis ipsa calefaciendi ignis : quare non minus indigeret concursu alio Dei quam vis ignis : eo quod indigere concursu Dei generali ad agendum, commune quippiam sit causis omnibus secundis, etiam supernaturalibus, nulla excepta : Unde vel concedendus esset infinitus processus in huiusmodi concursibus, nullumque proinde posse produci effectum ; vel fatendum esset, concursum Dei generalem non-

esse influxum in causam, sed immediate cum causâ in actionem & effectum.

Ad hoc argumentum negat, ejusmodi influxum debere appellari causam secundam : sicut actio, quæ agens agit, non appellatur causâ secundâ.

Nos vero paulo ante ostendimus : Si admittendus sit, non posse haberi rationem actionis comparatione calefactionis & caloris quæ ulterius sequuntur, & recipiuntur in aquam, sed habere rationem principii efficientis una cum calore ignis, qui eo applicatur ad agendum : Neque esse eandem rationem de actione ipsâ, ut principium efficiens appelletur comparatione sui termini cum quo est idem re, distincta solum ab eo formaliter.

Addit hic autor, eodem modo dicendum non esse ejusmodi influxum indigere alio concursu Dei, quo ait nos dicere, auxilium efficax supernaturale, quod recipitur in libero arbitrio, illudque præmoveret actus & opera supernaturalia, non indigere alio concursu Dei, aut abundum esse in infinitum in ejusmodi concursibus.

Non satis attente legit hic autor nostram Concordiam, dum id nobis tribuit. Apertissime namque, idque non semel docuimus, præter auxilium gratiæ prævenientis, quod efficienter cum libero arbitrio concurrat ad opera supernaturalia, fidei, spei, caritatis, aut contritionis, necessarium esse concursum Dei generalem, quo Deus immediate influat in eadem opera immediate suppositi : eo quod conjunctum ex libero arbitrio & gratiæ præveniente sit causâ secundâ, tamen ex altera parte supernaturalis, & omnis causâ secundâ, etiam si supernaturalis ea sit, nihil efficere possit, sine concursu Dei generali, quo simul Deus influat. Cum autem concursum Dei generalem nos dicamus esse influxum Dei in effectum causæ secundæ, & non in causam ipsam, sane ex nostra assertionem non sequitur processus in infinitum, sicut sequitur ex eorum assertionem qui affirmant, concursum generalem esse influxum in causam secundam quo Deus illam moveat & applicet ad agendum.

Ad reliqua nostra argumenta non respondet hic autor, quoniam simul cum concursu Dei generali in causam, quo eam moveat & applicet, concedit concursum generalem Dei immediate

*Prima pars
responsio-
nis ad na-
sturam qua-
rum argu-
mentum re-
fellitur.*

*Secunda
pars respo-
nsionis.*

Refellitur.

immediate cum causa in actionem & effectum, ut nostra argumenta convincent.

A nobis etiam hic autor dissentit, quoniam aegre fert; nos in calce disputationis præcedentis, & disputationis vigesimæ quintæ dixisse, si sit sermo de causa integra ut comprehendit omnem ad actionem necessariam, sive ea universalis sit, sive particularis, Deum per concursum generalem cum causis secundis efficere unam integram causam coalescentem ex pluribus non integris comparatione effectus, ita ut neque Deus per solum concursum universalem sine causis secundis, neque causæ secundæ sine concursu universali Dei sufficiant ad producendum effectum. Esse tamen causas parciales prædicto modo, non quidem partialitate effectus, quasi aliquid sit in effectu, quod sit ab una causa, & non ab alia, sed partialitate causæ, quia effectus a neutra earum est, nisi simul altera influente, tanquam parte integræ omnino causæ talis effectus. Addidimus vero: si sermo sit de integra seu tota causâ, non omnino, sed in aliquo gradu causæ; tunc Deum per concursum generalem esse integram causam in gradu causæ maxime universalis, eo quod nulla alia cum ea concurrat in eo gradu causæ, & similiter varias causas secundas esse integras ejusdem effectus in suo gradu & ordine. Hanc, inquam, doctrinam aegre fert hic autor, contendens, neque Deum, neque hujusmodi causas secundas esse prædicto modo parciales causas, sed unamquamque solum esse dicendam totalem, & idem alibi vult de intellectu, & specie intelligibili, concurrentibus ad intellectionem, de intellectu & lumine gloriæ concurrentibus ad visionem beatificam, de gratia præveniente, & libero arbitrio concurrentibus ad actus fidei, spei, contritionis, aut caritatis, & de aliis similibus.

Attende tamen, prudens Lector, inter causas concurrentes ad eundem effectum, quasdam esse, quæ eodem omnino influxu insunt in effectum: ut sunt ignis, forma substantialis ipsius, & calor in eo residens, comparatione calefactionis, quæ ab eis emanat: homo, anima, & intellectus, comparatione intellectionis: ignis, ferrum candens, & calor in ferro candente, comparatione calefactionis, quæ a ferro candente emanat: artifex & penicillum, comparatione

picturæ: & fere instrumenta omnia artificis, comparatione artefacti, quando in instrumento non est vis particularis ad agendum, sed solum aptitudo, ut eo artífex agat, suoque influxu per instrumentum inducat effectum artis. Alias vero esse causas concurrentes ad eundem numero effectum, quæ non eodem influxu influunt, sed unaquæque earum suum proprium & peculiarem ad eum effectum necessarium adhibet: ut sunt Deus concursu generali, & causæ secundæ ad quemcunque effectum causæ secundæ proprium: intellectus & species intelligibilis ad intellectionem: intellectus & lumen gloriæ ad visionem beatificam: liberum arbitrium & gratia præveniens ad actus fidei, spei, contritionis & alios caritatis, & sunt aliæ similes causæ. In his autem licet concedendum sit, unamquamque in suo ordine & gradu esse causam totalem, negari tamen non potest esse parciales, & non toto influxu ad effectum necessario influens, si de integra omnino causâ sit sermo. Male autem verissimus hic modus loquendi, atque ex ipsamet rerum & causarum natura desumptus ac ductus aliquibus sapit: quoniam argumenta apertissime dissolvit, quibus sibi tales præstationes ad actus supernaturales & naturales liberi arbitrii persuadent, quæ arbitrii libertatem de medio tollunt; & quibus tales sensus compositos & divisos confingunt, ut nostram libertatem rem faciant de solo titulo: & denique, quoniam veritatem in multis difficillimis quæstionibus, in quibus ipsi contrarium sibi persuadent, e tenebris eruit, mira que luce perfundit.

Videant, Num concedere audeant, vel Deum non concurrere concursu generali ad materiale peccati, vel esse totam causam illius, eo quod tanquam causâ universalis ad illud concurrat, nisi cum hoc addito, in genere & gradu universalissimæ causæ? Non recte etiam concederent causam secundam esse totam omnino causam ejus effectus, qui ab ipsa emanat: solum namque est concedendum, esse totam causam in gradu causæ particularis, quando ab illa sola emanat talis effectus tanquam a causâ particulari.

Hæc dixisse hoc loco sufficiat, neque expectetur, ut inutiliter hæc ipsa repetantur: ut enim hucusque ea tanquam verissima sup-

causarum
liberum
arbitrium
quædam
eodem
influxu
residens
in
lumen, alia
diverso
quædam
& a proprie
arbitrio
nisi possunt.

posuimus, sic etiam in sequentibus ubicunque se obtulerit occasio ea supponemus.

Diluuntur objectiones alie adversus nostram sententiam de concursu Dei generali.

DISPUTATIO XXVIII.

Non desuerunt qui adversus sententiam disputatione 26 explicatam in hunc modum argumentarentur. Si concursus generalis Dei cum igne ad calefaciendam aquam non esset influxus Dei in ignem, quo a Deo applicaretur ac potens redderetur ad calefaciendam aquam, sed esset influxus Dei cum igne in aquam, tunc licet, Deo concursu suo universalem denegante, ignis calefacere non posset aquam, posset nihilominus mittere in illam suum influxum & conatum, qui sine influxu Dei satis non esset ad calefaciendum. Quemadmodum (inquiunt) si ad aperiendum ostium, propter ostii resistantiam, necessarius sit conatus & influxus duorum, utique si unus tantum ostium impellat, & si solus aperire nequeat, immittit tamen influxum & conatum suum in illud. Neque enim si agens aliquod sine alterius ope nequit efficere aliquid, sequitur, ut neque influxum & conatum in passum immittat, ut in lucta est manifestum: qui enim alteri relucetur, a quo superari & deici non potest, in se tamen ipso experitur influxum & conatum sui adversarii. Simili ergo modo, licet ignis sine influxu Dei in aquam calefacere eam non posset, posset nihilominus influxum suum & conatum in eandem immittere, qui tamen non sufficeret sine influxu Dei ad calorem producendum: asserere autem ignem sine concursu generali Dei posse ex se quidquam immittere, periculosum in fide est: cum sine concursu generali Dei nihil omnino effici possit.

Ad hoc argumentum negandum est, facta ea hypothese, ignem posse mittere in aquam suum influxum & conatum: neque enim video quid aliud sit influxus ignis in aquam, quam calefactio, ut ab igne: neque item video, præter vim ipsam naturalem ignis ad calefaciendum, seu calorem ignis, qui inclinatio quædam ac momentum naturale est, ut, si cætera adfint conditiones requisite ad agendum, calefaciat, quid aliud sit conatus ignis in aquam, quam calefactio ipsa: quare

si calefactio, qua ignis aquam calefaciat, esse nequit sine cooperatione & concursu universali Dei in aquam, neque influxus ignis, neque conatus ignis ad calefaciendum esse poterit sine eodem Dei concursu. Qui vero illo modo argumentantur, velle videntur, influxum & conatum ignis ad calefaciendam aquam distinctum quid esse a calefactione, calefactionemque effectum esse illius, dum modo influxus & conatus ignis superent resistantiam aque, ut ex exemplis & probationibus, quæ subjungunt, videtur etiam colligi. Ridiculum autem videtur asserere, si res calida ex eo frigidam calefacere non possit, quia vincere nequeat frigoris resistantiam, aliquem nihilominus influxum & conatum in rem frigidam imprimere; aut quando res calida calefacit frigidam, vincitque resistantiam illius, prius natura in illam imprimere influxum & conatum, ex quo ulterius, propter maiorem vim talis conatus & influxus quam sit resistantia frigoris, sequatur calefactio, ut velle videntur propoliti argumenti autores. Eisto autem id gratis admitteremus, argumentum sane nullam vim haberet adversus nos: tunc enim conatus atque influxus ille præviis, esset actio ignis in aquam distincta a calefactione quæ sequitur, ea vero actio esse aliquando posset sine calefactione: cum autem ad unamquamque actionem & effectum peculiaris requiratur concursus universalis Dei, utique tunc, sicut calefactio, quæ post talem influxum & conatum sequeretur, indigeret peculiari concursu Dei ut esset: ita præviis ille influxus & conatus ignis in aquam egeret alio concursu generali Dei, ut ab igne in aquam imprimeretur. Ad probationes & exempla, quæ adducunt, dicendum est, longe diversam esse rationem, tam in lucta, quam in impulsione ostii. Etenim ibi plurimæ interveniunt distinctæ actiones, quarum quælibet, ut sit, indiget suo distincto concursu Dei universali cum ea causa secunda a qua proxime emanat. Præter actum enim voluntatis, quo quis vult aperire ostium, simul est actus sentientis appetitus, quo idem appetitur, atque imperatur motus membrorum & applicatio virtutis motive, interveniente motu spirituum vitalium seu animalium, nervorum, musculorum, &c. & tandem sequitur applicatio & compressio membrorum ab interna vi hominis ad ostium,

Argumentum primum.

Solvitur argumentum.

*Secunda
ars
ta*

quæ omnes actiones, ita peculiare distictosque concursus Dei universales requirunt, ut licet Deus concurrerit ad præcedentes actiones, si modo concursus suum ad sequentem deneget, nulla ratione sequatur. Porro ex compressione membrorum ad ostium, & impulsione illius, producit in ostium vis atque impressio in partem versus quam est aperiendum, illi similis, qua lapis projectus post egressum a manu fertur sursum; producit vero vis atque impressio major, vel minor, prout major, vel minor fuerit vis impellens; vis vero illa ostio impressa qualitas est, cujus productio, licet ortum habuerit ex locali motu & compressione membrorum, alteratio tamen est idem re cum qualitate producta, ad eamque productionem, tanquam ad actionem distinctam a præcedentibus, necessarius est alius concursus universalis Dei. Quod si ejusmodi qualitas ac impressio superet resistentiam, quæ impediēbat ne ostium aperiretur, resultat motus localis ostii ab illa vi, tanquam ab instrumento, efficiēter productus, ad quem motum constat necessarium esse alium distinctum concursum universalem Dei, quem si non impenderet, unice vis illa ostio impressa non efficeret apertionem. Simile quid certum in lucta, aut cum lapis superimponitur manui: a gravitate enim lapidis producit impulsio deorsum ac vis in manum, qua mediante, si manus resistentiam superet, deorsum a lapide movetur, motu distincto ab ipsa impressione. Licet autem ad motum localem, maxime violentum, præcedat necessarius vis ac impulsio per præviam actionem; ad alterationes tamen quæ per quatuor primas qualitates fiunt, nulla prævia actio requiritur, quæ alterationes ipsas, hoc est, calefactiones, frigectiones, &c. tempore vel natura antecedit: sed eo ipso quod major est activitas rei agentis, quam patientis resistentia, emanant ejusmodi alterationes ab agente in patientem; atque sine ullo prævio influxu, conatu, aut actione in eo recipiuntur.

In hunc etiam modum argumentantur. Principium est in Philosophia, causas secundas & quocunque creatum agens perfectius esse cum est in actu secundo, hoc est, in operatione, quam cum est in solo actu primo, hoc est, in sola virtute & potentia ad ope-

randum: ergo quando actu agit & operatur, acquirit rem aliquam seu perfectionem, per quam perficitur: hæc autem, in igne calefaciente aquam, esse nequit calefactio ipsa: eo quod actio non sit in agente, sed recipiatur in patiente, & agere non sit recipere in se perfectionem, sed potius effundere perfectionem suam, eamque communicare passivo: neque esse potest aliud, quam influxus divinus quo movetur, vigoremque accipit ut possit calefacere: ergo concursus Dei generalis cum igne ad calefaciendam aquam est influxus Dei in ignem, quo potens redditur secundum se, ut calefaciat, quique natura antecedit calefactionem.

Ad hoc argumentum dicendum est, *Solutio. Operatio immanens est, quæ dicitur actus secundus, non ita actio transiens.* principium illud, neque prolatum esse a Philosophis, neque intelligi de quocunque agente, sed solum de agentibus per actionem immanentem, quorum comparatione tam principium operandi, quam operatio ipsa, sunt actus, hoc est, formæ in ipsis agentibus repertæ: is vero actus, qui alterum antecedit, appellatur actus primus, id est, forma prior agentis a qua actuatur & informatur: is vero, qui sequitur, appellatur actus secundus; id est, forma posterior: inter ipsaque principia operationum, anima est actus primus comparatione intellectus, in intellectu est actus primus comparatione speciei intelligibilis, qua informatur ut intelligat, & species ipsa est actus primus comparatione intellectus, quæ, cum sit operatio immanens, est actus & forma posterior ipsius intellectus, & idcirco appellatur actus secundus illius. In agentibus vero actione transeunte inaudium est inter Philosophos, operationem, seu actionem illorum appellari actum ipsorum secundum. Quia ergo operatio immanens perfectio propria est agentis, per quam actuatur, informatur ac perficitur, atque unumquodque ejusmodi agentium, saltem quoad principium & potentiam qua ejusmodi operationem exercet, est in potentia passiva ut sit perfectum sua ea operatione, merito a Philosophis de ejusmodi agentibus dicitur, perfectiora ea esse dum sunt in actu secundo, quam dum sunt solum in actu primo. Agentia vero actione transeunte, licet (ut habetur primo de celo cap. 3) sunt propter naturales suas operationes, quia tamen non ideo sunt

MOLINA.

Q

sunt

sunt ut per eas perficiantur, sed potius ut res alias perficiant, & ad varios hominum usus inserviant, non dicuntur a Philosophis esse perfectiora in seipsis dum operantur, quam sint ante operationem, neque ipsorum operatio appellatur actus eorundem secundus. Ridiculum quippe est arbitrarî, Philosophos asseruisse, agentia perfectiora esse dum sunt in actu secundo, quam dum sunt in actu primo, propter vigorem & influxum quem a Deo tunc ad operandum recipiunt, de quo vigore & influxu Dei illis ne in mentem quidem unquam venit, & non potius propter operationem ipsam, quæ perfectio est agentium per actionem immanentem.

Possimus etiam argumentari primo, quoniam, ut autores contrariæ opinionis concedunt, motus atque vigor ille quippiam creatum est, atque principium calefaciendi proximum una cum virtute propria ignis cooperatur calefactionem & calorem in aqua: ergo est causa secunda, & non prima, ac proinde indiget novo concursu generali: neque enim efficere valet Deus causam secundam, sive naturalem, sive supernaturalem, sive proximam, sive remotam, quæ sine concursu generali Dei producere possit actionem aliquam vel effectum, quoniam id contradictionem implicat.

Secundo, quoniam conjunctum ex virtute innata ac propria ignis, atque ex illo influxu in motu & vigore immisso a Deo in ignem, vis quædam est ad operandum finita, certa, ac determinata: quandoquidem est quippiam creatum: quid ergo impedit quominus Deus tantam aut majorem vim ad operandum ita tribuat alicui agentî, ut eidem innata sit ac propria? Potest ergo tale agens naturale, sine concursu generali Dei cooperante, suum producere effectum, si concursus generalis Dei sit influxus in agens, & non potius una cum agente in patiens, ea ratione quia nihil omnino esse possit, quod, ut ad sui conservationem, ita ut primo fiat, non pendeat a Deo conferente illi immediate esse una cum causis secundis.

Tertio. Si concursus Dei generalis cum igne ad calefaciendam aquam esset vigor immissus a Deo in ignem, utique vigor ille, postquam semel esset immissus & perseveraret in igne, non minus esset agens naturale necessitate naturæ agens, quam calor ipse

ignis, atque adeo sine novo concursu generali Dei, ut calefaciat aquam, ita calefaceret quameunque aliam rem, quæ simul admove-retur; unde consequeretur Deum non posse subtrahere ab igne, aut a quocunque alio agente naturali suum concursum generalem ad agendum in unam rem, quin illum subtraheret ad agendum in omnes alias; quod tamen non videtur procedendum.

De concursu generali Dei cum libero arbitrio ad opera eidem naturalia.

DISPUTATIO XXIX.

UT de concursu generali Dei cum libero arbitrio creato peculiariter differamus, ex iis, quæ hæcenus de eodem concursu cum causis secundis in genere diximus, in primis illud intelligitur: Quod sicut concursus Dei generalis cum causa agente per actionem transeuntem, ut cum igne producente calorem in aquam non est influxus Dei in ignem, sed in aquam in quam recipitur effectus a Deo & ab igne simul productus: ita concursus generalis Dei cum causa operante per actionem immanentem, ut cum intellectu ad intellectionem, & voluntate ad appetitionem, non est influxus Dei in causam, ea ratione quæ agens est, quasi eo prius mota & excitata, agat, sed cum causa ea ratione quæ agens est, in ipsammet ea ratione quæ patiens est, atque in se suscipit effectum ab eadem causa, atque a Deo, partiali influxu utriusque simul productum.

In quo latissimum est discrimen inter concursum generalem Dei cum causis secundis ad actiones earum naturales, & auxilium particulare, gratiamve prævenientem, quæ Deus liberum arbitrium ad opera supernaturalia credendi, sperandi, diligendi, ac peccandi, ut ad salutem oportet, evehit & coadjuvat, quod pauci animadvertunt. Etenim auxilium particulare, quod præveniens gratia nuncupatur, motio quædam est, quæ liberum arbitrium excitatur & prævenitur, potensque redditur, ut ita adjutum libero suo influxu cooperetur ulterius ejusmodi supernaturales actus quibus proxime aut remote ad gratiam gratum facientem disponatur. Quare motio quædam est in ipsam causam, ut ea mediante in se habeat unde libere exercere ulterius possit, si velit, ejusmodi opera qualia

Nulla causa secunda, etiam supernaturalis, potest effectum perducere sine concursu generali Dei concursu. Concursus Dei generalis non est influxus in causam, ut motus, sed est immediatus effectus.

Latum discrimen inter generalem Dei concursum, & particulare auxilium.

qualia ad salutem sunt necessaria, ut a disputatione octava ex parte est explicatum, & copiosius in sequentibus dicitur.

Antoni
Cordubensis
in opusculo.

Ex eisdem præterea intelligitur, falsam esse opinionem Antonii Cordubensis libro 1 quæstionum Theologicarum q. 55 dubio 4 & 10 asserentis, concursum Dei universalem non solum esse influxum in causas ipsas agentes, quo motæ & applicatæ ad agendum operentur, sed etiam esse influxum efficacem & sufficientem, ut eo solo Deus sine concursu causarum secundarum efficere illos eosdem effectus. Sententiam vero oppositam, quæ asserit, Deum quidem concurrere immediate cum causis secundis ad earum effectus, at non concursu sufficienti ut sine concursu causarum secundarum producantur ipsi effectus, erroris damnat. Ac sane si Antonius Cordubensis erroris argueret eum qui affirmaret, ex ratione Deum concurrere cum causis secundis inefficaci influxu ad earum effectus, quod in Deo non esset potentia, ut solus efficaciori alio influxu, si vellet, illos eosdem produceret, quasi sine causis secundis producere non valeret effectus, neque aliter efficere res, constituereque hoc universum, quam re ipsa fecerit, non repugnare. Hic enim fuisse videtur error Petri Abailardi, & forte quorundam aliorum, ut disputatione prima retulimus. At longe aliud videtur velle, nempe concursum universalem, quo Deus cum causis secundis re ipsa concurrat, esse efficacem, non quidem ut sine causis secundis sint actiones causarum secundarum; quoniam implicat causas secundas aliquid efficere, & eas in illud idem non influere (in quo recte dicit) sed esse efficacem, tum ad producendos sine causis secundis illo eodem influxu eosdem effectus, quos mediantibus causis secundis producit: tum etiam, ut movendo eo influxu causas secundas, eas efficere secum faciat eosdem effectus. Quare erroris damnare videtur, quæ nos de concursu generali Dei satis dilucide hætenus ostendimus: cum tamen pro se neque testimonium, neque rationem adducat. Si quæ autem adduci poterant, ea nos disputatione 25 dissolvimus cum Aliaci & Gabrielis errorem impugnavimus.

Quæ asserit
in hac
mineria

Fateor sententiam Antonii Cordubensis quorundam esse nominalium, & eandem redolere aut potius affirmare Scotum juxta

ea quæ disputatione 35 ex ipsius sententia referemus. At plane ea est, quæ multis erroribus ansam præbuit, dum Aliacus & Gabriel ea permoti asseruerunt, causas secundas nihil omnino efficere, sed Deum solum ad earum præsentiam effectus & operationes producere. Quin etiam Lutherus sumpta inde occasione asseverare est ausus, voluntatem ad actus suos internos solum concurrere passive, proficiensque in pejus negare omnino libertatem arbitrii non formidavit, asseveravitque, flagitiosa nostra opera non minus esse a Deo, quam alia pia hominum opera, ut disputatione 1 diximus. Nec vero intelligere valgo, quam ratione admittit ea opinione, aut potius errore, libertas arbitrii, qualis disputatione 23 apertissime est demonstrata, consistere defendique possit. Quæ de causa Antonius ipse Cordubensis sub finem dubii decimi citati quædam philosophandi ratione, quæ vix intelligi valet, & in qua secum videtur ipse pugnare, compulsus est uti, ut libertatem arbitrii nostri, juxta eam sententiam, defenderet.

Meditatur enim tria signa naturæ in æterna determinatione libera voluntatis divinæ circa concursum universalem voluntati nostræ ad opera liberi arbitrii, cæterisque causis in tempore præstandum. Primum, in quo quasi in genere statuit voluntati opitulari, concursumque generalem illi exhibere. Secundum, in quo prævidit in quam partem pro sua libertate in tali vel tali puncto temporis nostræ voluntas deflectere deberet, quæ quasi modificat ac determinat voluntatem, ut influxus exhibeatur potius in hoc instanti temporis, in quo voluntas sese determinat, quam in alio, & ut sit ad volendum potius quam ad nolendum, aut e contrario, ad nolendum potius quam ad volendum. Tertium denique, in quo jam omnino ex æternitate statuit in tali vel in tali puncto temporis hoc vel illo modo voluntati nostræ opitulari, prout in secundo puncto naturæ ex eadem æternitate prævidet eam in eo temporis puncto pro sua libertate fore determinandam. Subjungitque hæc verba: Voluntas nostra ita ex æternitate in secundo puncto naturæ a Deo prævisa, non solum modificat prædictam voluntatem divinam universalem in primo signo naturæ spectatam, quoad modum, ut libere

cum ea concurrat : sed etiam determinat eam quoad speciem actuum, & quoad ipsos actus singulares voluntatis, ita ut non prius ordine naturæ voluntas divina, etiam ab æterno, velit aut se determinet ad concurrendum actualiter in tali tempore cum nostra voluntate in tertio signo ad hunc vel ad illum actum particularem producendum ; non, inquam, prius, sed postquam nostra voluntas prævisa aut præcognita est, quod se tali tempore determinabit ad volendum, vel volendum, vel ad producendum hunc vel illum actum, tunc & non antea divina voluntas se determinat ab æterno ad volendum in tertio signo concurrere pro tali tempore cum nostra voluntate ad eodem actus particulares, quoties & quando nostra voluntas voluerit, & a tali concursu cessare toties & quando prævisa est, quod libere cessabit. Et ratio hujus est, quia nisi sic Deus facere ab æterno decrevisset, utique non bene salvaretur libertas nostræ voluntatis simul cum concursu divino. Hæc ille.

Cæterum ut interim omittam, tum hanc Antonii Cordubensis commentationem ad intelligendum difficilem esse, tum opinioniones quæ non aliter defendi queunt, quam confictis ejusmodi distinctionibus, raro veras esse solere, adversus eum sic possumus argumentari. Primo, quia vel liberum arbitrium humanum ante concursum Dei generalem in tali vel tali puncto temporis impensum, potest se libere inclinare ad nolendum, atque ad volendum hoc potius quam illud, vel nulla ratione sine eo auxilio id potest. Si des primum : ergo aliquid potest in aliquo instanti sine concursu generali Dei, quod tu ipse errorem esse affirmabas. Consequenter patet, quoniam illa inclinatio & determinatio voluntatis, tum ad volendum aut nolendum, tum ad volendum potius hoc quam illud, effectus est voluntatis ; neque alius, quam volitio ipsa aut nolitio libera : quod si id non est, cedo quid aliud sit. Si vero des secundum : ergo neque Deus ipse ex æternitate præcognoscere valet ad quam partem pro sua libertate liberum arbitrium debeat inclinare, antequam statuat illi impendere concursum suum in eo instanti ; quandoquidem ante impensum concursum generalem in neutram partem inclinare & propendere potest, etiam prius natura quam

impendatur, maxime ex tua sententia, quæ affirmas liberum arbitrium nihil posse nisi motum & applicatum prius a Deo ut id efficiat : Deus autem præcognoscere nequit id esse futurum, quod nulla ratione esse potest.

Secundo. Vel quod liberum arbitrium in tali puncto temporis eliciat actum, atque ille potius sit volitio quam nolitio, & hujus objecti potius quam cujusvis alterius, pendet a certo quodam concursu Dei generali apto, ut hoc potius quam illud fiat ; vel non ita est, sed concursus Dei generalis, qui in quovis instanti impenditur, quantum est ex se, atque prout a Deo tunc emanat, indifferens est ut sequatur volitio aut nolitio, vel volitio potius hujus objecti quam illius, prout liberum arbitrium pro sua libertate hoc aut alio modo cum Deo concurrerit. Si des primum : ergo antea quam Deus statuat influere hoc aut illo singulari modo in tali vel tali instanti cum libero arbitrio Petri, prævidere non potest ad hanc partem inclinaturum, talemve actum in particulari eliciturem esse liberum arbitrium : quandoquidem sine tali determinatione Dei liberum arbitrium id præstare nequeat, Deusque præcognoscere non possit id futurum, quod nulla ratione esse potest. At tu contrarium asserelas, nempe Deum in secundo instanti naturæ, antequam statuat in tali vel tali instanti temporis hoc vel illo modo concurrere, præcognoscere in quam partem liberum arbitrium se se inflectere deberet. Præterea illo primo dato, manifeste per concursum Dei generalem tollitur libertas arbitrii nostri. Si vero des secundum : ergo præsentem concursu generali Dei potest liberum arbitrium indifferenter velle, aut nolle, & velle indifferenter hoc, aut illud, ac proinde concursus generalis Dei non est causa efficax hujus, aut illius effectus singularis, imo neque quod sit potius volitio, quam nolitio, idque, non solum sine concursu liberi arbitrii, sed etiam libero arbitrio simul concurrente atque influente ad actionem : quippe cum, quod producat volitio potius quam nolitio, & hujus potius objecti quam alterius, a concursu liberi arbitrii dependet, & non a concursu Dei generali cooperante una cum libero arbitrio.

Tertio. Vel quando Petrus eligit fornicationem, aut quodvis aliud flagitium, concursus Dei universalis, quo cum Petro tunc concurrat,

Impugnatur Antonii Cordubensis.

Concursus Dei generalis determinatur ad speciem actionis & affertur a causa secunda.

concurrit, est causa efficax talis volitionis fornicandi, qua volitio fornicandi est, vel non, sed influxus Dei universalis tunc impenſus, prout a Deo, indifferens est, ut, si aliter liberum arbitrium Petri pro innata sua libertate tunc influeret, sequeretur nolitio fornicandi. Si des primum: ergo Deus tunc est causa volitionis fornicandi, qua volitio fornicandi est, ita ut Deus causa sit, quare actus ille potius sit volitio fornicandi, quam nolitio: ex quo consequitur aperte, Deum esse causam peccati, qua peccatum est, hoc est, quatenus tanquam proprium fundamentum conjunctam habet aversionem a recta ratione & lege æterna. Si vero des secundum: ergo concursus Dei generalis tunc impenſus, non est causa efficax volitionis potius, quam nolitiois fornicandi, sed a solo concursu liberi arbitrii provenit, quod potius volitio, quam nolitio, & quod potius volitio hujus turpis objecti, quam alterius honesti eliciatur.

Postremo, concursus Dei particularis ad opera supernaturalia liberi arbitrii, hoc est, gratia liberum arbitrium præveniens, non est causa efficax ejusmodi operum: quin potius in potestate liberi arbitrii eadem gratia adjuti, est consentire aut non consentire, aut etiam dissentire Deo ita invitanti, & excitanti, id quod de fide est, ut ex Concilio Trid. sess. 6 can. 4 sæpe in superioribus est ostensum, & in sequentibus magis patebit: ergo neque concursus generalis Dei est causa efficax operum liberi arbitrii, sed a libero arbitrio pendet, tum ut sint, tum etiam ut non obstante influxu actuali Dei, sint potius hujus speciei, quam illius; atque hujus objecti potius, quam alterius. Rejicienda est ergo horum doctorum sententia, quæ ita libertatem arbitrii nostri, tenui meo judicio, tollit, ut non periculosam in fide solum, sed etiam errorem non vererem eam appellare, nisi consultius ducerem definitionem Ecclesiæ hac de re prius expectare.

Exemplum, quo nonnulli explicare solent modum operandi Dei per generalem concursum, excluditur, verusque modus apponitur.

DISPUTATIO XXX.

EX dictis circa generalem Dei concursum cum secundis causis in genere, illud etiam

facile intelligitur, non esse aptum exemplum ad explicandum modum, quo Deus per concursum generalem cum libero arbitrio concurrat, illud quo quidam utuntur. Dicunt enim liberum arbitrium, prius natura per concursum generalem a Deo motum & applicatum ad suas operationes exercendas, quasi ab ipso Deo deduci, non excluso tamen ipsius arbitrii influxu: non secus ac præceptor apprehensam manum discipuli, simul etiam cooperantis, movet ac deducit in depingendis characteribus. Unde dicunt, quemadmodum si discipulus magistri motum omnino sequatur, efformantur optimi characteres; si vero resistat, atque in aliam partem suo influxu nitatur, jam ex illa præceptoris deductione atque influxu depingentur vitiosi; vitium tamen, non a magistro, sed a discipulo oritur, etiam si magister ad descriptionem illam characterum, non quidem qua vitiosa est, sed qua descriptio est characterum cooperatus sit: ita pariter si unusquisque nostrum libero suo arbitrio sequatur motum atque ductum Dei generalem, actus liberi arbitrii erunt quales oportet; si vero per liberum suum influxum abutatur concursu generali Dei, aliquid volendo, aut nolendo contra rectam rationem ac legem Dei, operationes quidem erunt vitiosæ, cum tamen ad eas Deus concursu suo generali fuerit cooperatus; at vitium earum, non ex influxu & concursu generali Dei, sed ex influxu particulari liberi arbitrii oriatur, quod illo modo concursu Dei generali abuti voluit. Atque hac ratione explicant, quare cum Deus etiam ad operationes nostras vitiosas influat concursu suo generali, sine quo nulla ratione esse possent, nihilominus non sit causa peccati, sed homo per suum liberum arbitrium.

Cum ex dictis pateat, liberum arbitrium ^{Impugnatio.} agere, quin prius a Deo moveatur, neque concursum Dei generalem esse influxum in liberum arbitrium qua agens est, ut videlicet præparetur ac potens fiat ad operandum, sed esse influxum cum libero arbitrio ea ex parte qua agens est, in idem ea ratione qua patiens est, atque in se ipsum propriam operationem fulcipit, manifestum etiam est exemplum illud non esse aptum. Nam si illo modo prius moveretur arbitrium, ac deduceretur per concursum Dei generalem, sane aliqua ex parte

parte eam motionem & ductum in nobis esse experientur: quemadmodum illustrationes & auxilia gratiæ prævenientis aliqua ex parte solent interdum experiri, qui ad fidem & poenitentiam interius vocantur, & tandem ad generosam illustremque contritionem perducuntur, & multo magis aliqui iusti qui in virtutibus multum profecerunt, & peculiari Dei familiaritate perfruuntur, experiri solent huiusmodi motus gratiæ prævenientis ad præclara opera, ut inferius patebit: unde testimonium illis reddit Spiritus quod sunt filii Dei; cum tamen nullus experiat motum concursus Dei generalis, qui æqualis est & necessarius ad omnes omnino actiones, etiam mere naturales, quamvis vitiosæ sint.

Deinde interrogare libet eos, qui hoc utuntur exemplo, an quando voluntas eligit fornicationem, aut aliud flagitium, influxus proprius liberi arbitrii, per quem abutitur concursu Dei universali, & contra, aut præter ductum Dei, eligit fornicari, sit a ductu atque motu divino per concursum generalem, quo prius natura, ut dicunt, Deus movit liberum arbitrium ad operandum, ita ut concursus Dei moveat arbitrium ad talem singularem influxum: vel non? Primum dare non possunt: tum quia, ut in eorum similitudine persistamus, quemadmodum deflexio discipuli in aliam partem ab ea, ad quam a magistro movebatur, non est a magistro, sed a proprio ductu discipuli: ita influxus proprius liberi arbitrii per quem abutitur concursu generali Dei, aliquid contra aut præter divinum ductum eligendo, tribui nequit concursui generali Dei, quasi ad illum moveat, & ab eo sit: tum etiam quoniam si Deus suo concursu generali moveret arbitrium ad influxum illum singularem, moveret ad eligendam fornicationem, quæ fornicatio est, atque adeo ad peccatum, ut proxime fundat deviationem a recta ratione, & lege divina; quod tamen blasphemiam continere videtur. Adde quod, cum influxus ille liberi arbitrii esset tunc juxta motum & influxum Dei per concursum generalem, peccator non diceretur abuti concursu generali Dei, sed potius cum illo consentire. Si vero dent secundum, nempe influxum illum liberi arbitrii non esse a ductu & motu Dei per concursum generalem, quasi ad talem singularem influxum

prius natura moveat Deus liberum arbitrium, utique, cum influxus ille sit quid reale, ab eoque electio liberi arbitrii habeat, quod sit electio fornicationis, concedent aliquid reale esse a libero arbitrio, ad quod concursus Dei generalis non concurrerit illo suo modo.

Possimus etiam adversus idem exemplum ita argumentari. Si prius natura, quam liberum arbitrium operetur, movetur a Deo, & applicatur ad operandum, & quasi ducitur in suis operationibus: vel ergo semper movetur & applicatur ad illud idem, quod posterius natura operatur liberum arbitrium: vel aliquando movetur & applicatur ad unum, & liberum arbitrium contra divinam applicationem se applicat ad aliud longe diversum: vel movetur semper & applicatur a Deo solum motione indifferenti ad hoc vel ad illud, liberum vero arbitrium per se ipsum se applicat ad operandum potius hoc, quam illud. Primum dici non potest: tum quia tolleretur libertas arbitrii: tum etiam quia concedendum esset, quoties homines eligunt fornicationem, aut aliud peccatum, a Deo prius natura moveri & applicari ac inclinari liberum eorum arbitrium ut talia crimina eligat in particulari, quod manifestum continet errorem. Secundum etiam dici non potest: tum quia quando arbitrium eligit fornicationem, non sentit se moveri & applicari a Deo, ad volendum castitatem, aut ad fugiendam fornicationem: maxime cum homines vitio luxuriæ dediti, quando fornicationem volunt, neque de castitate; neque de nolenda fornicatione cogitent. Tum etiam quia applicatio illa ad aliud, cum tamen sit quid reale, jam non esset a Deo per concursum generalem, qui ad aliud longe diversum movebat, sed a solo libero arbitrio, neque in ea operatione duceretur liberum arbitrium a Deo per concursum generalem: ipsi vero ad omnem omnino operationem affirmant liberum arbitrium moveri prius natura a Deo, ac duci per concursum generalem. Tertium etiam dicere non possunt, maxime illi qui Deum affirmant causam esse efficacem per concursum generalem cujuscunque effectus. Neque etiam ii qui dicerent, non esse causam efficacem: quoniam illa applicatio ad hoc potius particulare, quam ad aliud, quæ a solo esset libero arbitrio, esset quid reale, &
non

non ex motu & applicatione Dei per concursum generalem, atque adeo aliquid, secundum aliquid reale sui non esset a Deo per concursum universalem, eo modo quo affirmant Deum causam esse effectuum omnium causarum secundarum per concursum universalem.

Dicendum ergo est, non prius Deum concurrere concursu universali ad effectus causarum secundarum, quam causas secundas, aut e contrario, neque prius existere unum influxum, quam alium; sed utrumque esse immediatum in actionem & effectum producendum, atque a se invicem dependere ut existant. In quo etiam est latissimum discrimen, & maxime notandum, inter concursum Dei universalem cum causis secundis ad agendum naturaliter, & auxilium particulare, gratiamve prævenientem, ad actus supernaturales quibus arbitrium ad gratiam disponitur. Etenim, ut ex iis quæ a disputatione octava dicta sunt, ex parte constat, & in sequentibus amplius explicabitur, omnino est dicendum, concursum Dei particularem, gratiamve prævenientem, semper vel tempore, vel natura antecedere influxum liberi arbitrii ad actiones suas supernaturales, quibus ad gratiam gratum facientem disponitur, tanquam causa principiumque efficiens in libero arbitrio immisissum, quo mediante Deus ulterius una cum libero influxu ejusdem arbitrii in hujusmodi operationes supernaturales influit. At vero cum Deus per concursum universalem & causa secunda immediate influant in effectum causæ secundæ, tanquam duæ partes unius integræ causæ, quarum neutra illis præcisè influxibus singularibus influit in alteram, sed utraque immediate in effectum; sit, ut neutra, illis præcisè influxibus singularibus, prius altera concurrat. Deus ergo, comparatione cujusque effectus causæ secundæ, dicitur causa prima, tum quia causa ipsa secunda habet totum suum esse, & vim operandi a Deo, atque ab actuali immediato influxu Dei pendente ea omnia, quæ in ea sunt: tum etiam quia concursus Dei generalis, quo cum causis secundis ad agendum concurrat, maxime universalis est, secundum rationem causæ efficientis: qua ratione, si in commune spectetur, poterit dici prior natura quocunque influxu causæ particularis,

quatenus ab eo ad concursum cujusque causæ secundæ non convertitur existentia consequentia, quippe recte sic liceat colligere: Datur influxus hujus causæ secundæ: ergo datur etiam concursus generalis causæ primæ: non vero e contrario bene colliges: Datur concursus generalis Dei: ergo datur etiam concursus hujus causæ secundæ. Dixi, si in commune spectetur, quoniam si concursus Dei generalis sumatur in singulari, pro concursu quo præcisè cum hac causâ secunda hic & nunc ad singularem aliquem effectum concurrat, concursus generalis Dei neque illo modo est prior concursu hujus causæ secundæ ad eundem effectum, sed a se mutuo pendente quoad existentiam, ut explicatum est.

Non Deum, sed solum liberum arbitrium creatum causam esse peccati ostenditur.

DISPUTATIO XXXI.

Quamvis Deus causa sit prima actionum omnium, quantumvis flagitiosarum, quæ a causis secundis efficiuntur, una cum libero arbitrio creato in easdem concursu suo generali influens immediate, ut disputationibus præcedentibus ostensum est: asserere tamen Deum causam esse peccati, ut non solum antiquiores quidam hæretici, quos Eusebius quinto libro Ecclesiasticæ historiæ c. 20 & Castrus adversus hæreses verbo, malum, referunt, sed etiam nostris temporibus Lutherus cum suis sectatoribus, ut disputatione prima vidimus, asseverant, profecto non solum immanis est blasphemia, ut vel ipsa cujusque hominis ratio per se docet, sed etiam hæresis manifesta. Atque id ostendamus nunc ex scripturis sacris, Ecclesiæ definitionibus, ac unanimi Patrum consensu: disputationibus vero sequentibus rationes ex naturæ principii deducemus, quibus dilucide videatur Deum non esse causam peccati.

In primis Jacobus primo capite suæ canonicæ, Nemo, inquit, cum tentatur dicat quoniam a Deo tentatur: Deus enim intimator malorum est, ipse autem neminem tentat, ad malum scilicet: si ergo Deus ad malum, peccatumve non tentat; eo quod cum infinita bonitate, natura, & clementia divina id pugnet; multo minus erit causa efficiens malum culpæ, quatenus tale est, aut ad illud,

Error Lutheri, & aliorum hæreticorum asserentium Deum esse causam peccati.

Impugnatio Jacobi. 1.

Ecclef. 15.

ad illud, qua tale est, inclinans & movens liberum arbitrium. Unde Ecclesiastici 15: Non dixeris, Per Deum abest (sapientia scilicet) quæ enim odit ne feceris. Non dicas, Ille me implanavit: non enim necessarij sunt ei homines impii. Omne excrementum erroris odit Dominus, & non erit amabile timentibus eum.

Psal. 5.

Psalmo 5: Mane astabo tibi, & videbo, quoniam non Deus volens iniquitatem tu es. Neque habitabit injusti ante oculos tuos, &c. Si Deus iniquitatem non vult fieri, neque placere illi ulla ratione potest, quin potius sanctissimis suis legibus eam prohibet, nec impunitam relinquit, quam ratione illam in peccatore ipse efficit, aut ut eam peccator efficiat, liberum illius arbitrium movebit, aut inclinabit? Psal. 10: Qui diligit iniquitatem, odit animam suam. Pluet super peccatores laqueus, ignis & sulphur & spiritus procellarum pars calicis eorum: quoniam justus Dominus & justitias dilexit, æquitatem vidit vultus ejus. Quasi dicat, iniquitatem approbationis scientia conspiceret nequit, nedum in peccatoribus illam efficere, ad eamve eos incitare, ac movere. Sapientie 11: Nihil odisti eorum, quæ fecisti: Sunt autem similiter odio Deo impius & impietas illius, ut habetur Sapientie 14: ergo Deus peccatoris impietatem & peccatum non efficit. Habac. 1: Mundi sunt oculi tui, ne videant malum, & respicere ad iniquitatem non poteris. Osee 13: Perditio tua Israel, tantummodo in me auxilium tuum. Id est, a nobis ipsis est quod peccemus & pereamus; a Deo autem est solum auxilium nostrum, qui semper ad ostium cordis nostri stat & misericorditer pulsat.

Psal. 10.

Sap. 11.

Sap. 14.

Habac. 1.

Osee 13.

Matth. 7.

ad Rom. 11.

ad Rom. 9.

D. Fulgentius.

Item Matth. 7: Non potest arbor bona malos fructus facere. Et ad Romanos 11: Si radix sancta, & rami: ad Deum per essentiam bonus est & sanctus, in quem nihil culpæ aut malitiæ cadere potest, juxta illud ad Romanos 9: Nunquid iniquitas est apud Deum? abest: ergo autor esse nequit malorum, quæ culpæ rationem habent.

Item est egregia & maxime rationi consentanea regula illa beati Fulgentii libro primo ad Monimum a Theologis receptissima: Deus non est auctor ejus, cujus est ultor. Quis enim, nisi crudelis & sceleratissimus, in alio uiscatur id, cujus ipse est autor? ad Deus

ulciscitur peccata nostra: ergo nullius eorum causa esse potest.

In Concilio Arausicano 2 cap. 25 ita habetur: Aliquos ad malum divina potestate prædestinatos esse, non solum non credimus, sed etiam si sunt, qui tantum malum credere velint, cum omni detestatione in illos anathema dicimus. Leo IX in epistola decretali ad Petrum Antiochenum Episcopum, quæ habetur in fine operis Leonis primi in explicatione fidei Romanæ ait: Credo Deum prædestinasse solum bona: præcivisse autem bona, malaque. Et in Concilio Tridentino sessio. 6 can. 6 ita habetur: Siquis dixerit, non esse in potestate hominis vias suas malas facere, sed mala opera, ita ut bona, Deum operari, non permissive solum, sed etiam propriè & per se, adeo ut sit proprium ejus opus, non minus proditio Judæ, quam vocatio Pauli, anathema sit.

Est etiam unanims Patrum de eadem re consensio. Dionysius 4 cap. de divinis nominibus versum finem: Quin ne ex Deo, inquit, est malum: aut enim bonus non est, aut bona facit. Et paucis interjectis: Non igitur Deus autor est mali, neque malum est in Deo, nec omnino, nec certo tempore. Et deinde explicat ex eo demones malos effectos, quod propria voluntate divina bona velle & perficere destituerunt. Idemque de animis nostris docet. Atque ad eos qui dicebant, oportere divinam providentiam invitos etiam nos ad virtutem impellere, responderet: Providentia non esse tollere naturam propriam cujusque rei, sed ei providere accommodate ad ipsius naturam, & idcirco oportuisse constitui a Deo hominem liberum, prout ipsius natura postulabat. Et ad finem capitis ait, se in libro de justo divinoque judicio rationes eas sophistarum ut stultas resellere, quæ iniquitatem ac mendacium in Deum dicunt.

Idem affirmat Justinus martyr ad finem dialogi cum Tryphone adversus Judæos, & in responsionibus ad Christianos de quibusdam questionibus responsione 8. verba illius retulimus disputatione 23 membro 4. Idem docet responsione 12. In eadem sententia sunt Clemens Alexandrinus lib. 1 pædagogici cap. 8. Et libro 1 stromatum circa medium. Tertullianus in libro de exhortatione castitatis, cujus verba ex parte disputatione 23 allata sunt. Et lib. 2 adversus Marcionem post

Concilium Arausicanum.

Leo nonus.

Concil. Trident.

Patrum sessio. 6. D. Leon.

D. Justin.

Clemens Alexandr.

Tertullian.

post medium. Origenes lib. 4 contra Celsum, post medium. Athanasius in oratione contra Idola paulo post principium. Idem habetur in testimonio ejusdem Athanasii quod in Concilio Constant. 6 actione 8 refertur. Athanasius etiam in vita beati Antonii, idem refert magnum Antonium docuisse. Idem affirmant Basiliius homil. 9, cui titulus, Quod Deus non sit autor malorum, Gregorius Nissen. 7 lib. philosophiæ cap. 4. Damascenus lib. 4 fidei orthodoxæ cap. 20. Legito illum etiam lib. 2 cap. 29 & 30. Ambrosius lib. 1 de Jacob, & vita beata, cap. 3, ubi ait: Non est quod cuius nostram ascribamus culpam, nisi nostræ voluntati. Hieronymus ad finem lib. 12 Commentariorum in Isaiam, & in illud Amos 3: Si erit malum in civitate, &c. Chrysostomus homil. 8 in epistolam 2 ad Timotheum, ubi præmittens atque suadens ne velimus omnia rimari, eo quod magna pars eorum quæ Dei sunt, occulta sint, addit: Hoc solum scito, quod Deus omnia providet, quod liberi arbitrii conditi sumus, quod alia quidem operatur, alia vero permittit, quod nihil mali vult fieri, quod non ex sola ipsius voluntate fiunt omnia, sed ex nostra quoque: mala omnia ex nostra tantummodo fiunt, bona omnia ex voluntate nostra & ipsius adiutorio: quod nihil ipsum latet: non tamen quia nihil ipsum latet, idcirco omnia operatur ipse. Hæc Chrysostomus.

Jam vero Augustinus passim idem affirmat. De libero arbitrio maxime lib. 2 cap. ultimo, & lib. 3 cap. 1, 6 & aliis, ex instituto docet, Deum non esse causam peccati, sed hominem dum suo libero arbitrio ad peccandum utitur, ad quod tamen a Deo collatum non est. 7 de Genesi ad litteram cap. 26: Natura hominis, inquit, ex Deo est, non iniquitas, qua se ipse involvit male utendo libero arbitrio. Et de spiritu & littera cap. 31 ait: Nusquam legimus in sanctis scripturis, Non est voluntas nisi a Deo. Et recte non scriptum est, quia verum non est: aliquin etiam peccatorum, quod absit, autor est Deus, si non est voluntas nisi ab illo; quoniam mala voluntas jam sola peccatum est, etiam si desit effectus. Et lib. 83 quæstionum q. 3 ex eo probat, Deum non esse causam peccati, quod nullo sapiente autore, hoc est, volente, sit homo deterior: Deus autem omni homine sapiente est præstantior: ergo Deo autore, id est, volente,

MOLINA.

homo non peccat. Et quæstione 4 concludit, causam peccati esse liberam voluntatem consentientis in peccatum. Idem probat 12 de civitate Dei cap. 6. Et de articulis falso sibi impositis, articulo 10, quicumque ejus operis fuit auctor, ita ait: Detestanda & abominanda opinio est, quæ Deum cujusquam male voluntatis, aut male actionis credit autorem, cujus prædestinatio nunquam extra bonitatem, nunquam extra justitiam est: universæ enim viæ Domini misericordia & veritas. Adulteria enim matronarum & corruptelas virginum, non instruere novit sancta divinitas, sed damnare; nec dissonare, sed punire. Et paucis interjectis: Non ergo casus ruentium, nec malignitatem ini- quorum, nec cupiditates peccantium prædestinatio Dei aut excitavit, aut suavit, aut impulit: sed plane prædestinavit judicium suum, quo unicuique retributurus est prout gessit, sive bonum, sive malum. Quod judicium futurum non esset, si homines Dei voluntate peccarent. Et omnis homo, quem discretio divinæ sententiæ in sinistra constituerit parte, damnabitur, quod, non Dei, sed suam executus est voluntatem. Et art. 13. Nefas est Deo adscribere causas talium ruinarum. Quia & si æterna scientia præcognitum habet quid unusquisque meritis retributurus sit, nemini tamen per hoc, quod falli non potest, aut necessitatem, aut voluntatem intulit delinquendi. Si ergo a justitia & pietate quis deficit, suo in præceptis fertur arbitrio, sua concupiscentia trahitur, sua persuasionem decipitur. Nihil ibi Pater, nihil Filius, nihil Spiritus sanctus, nec in tali negotio quicquam divinæ voluntatis intervenit, cujus ope scimus multos ne laberentur detentos, nullos autem ut laberentur impulsos. Et Hypognoticon lib. 6 ejus operis auctor ait: Mala Judæ, ut dixi, præcivit, non prædestinavit Deus, vel fecit: & tamen in quibus præcivit, judicio justo tradens eum in reprobum sensum, ut impleter permisset. Et post multa: Tenenda est inconcussa hujus disputationis regula, quæ divinis testimoniis claruit. Peccatores in peccatis propriis, antiquam essent in mundo, præcitos esse tantum, non prædestinatos, poenam autem eis esse prædestinatam secundum quod præciti sunt. Missa facio complura alia Augustini testimonia.

R

Idem

Fulgent. &
Prosop.

Idem affirmant Fulgentius & Prosper, quorum testimonia refert Gratianus c. Valis, 23 q. 4. Primum testimonium illius capitis est Fulgentii, reliqua usque ad illa verba, Ex nobis exierunt, &c. sunt Prosperi. Fulgentius autem toto lib. 1 ad Monimum copiosissime ac sapientissime demonstrat, Deum causam non esse peccati. Idem quoque testatur Gregorius homilia 9 in Ezechielem, ut complures alios Patres omittam.

Plato.

Non omittam tamen hac eadem de re sententiam Platonis lib. 31 dialogo 2 de Republica. Bonorum quidem, inquit, solus Deus causa est dicendus: malorum autem quamlibet aliam præter Deum causam querere decet. Et quibusdam interjectis addit: Malorum alicui causam esse Deum, cum bonus sit, refellendum est omnino, nec permittendum hoc quemquam dicere in sua civitate, si honis institui legibus civitas debet, nec insuper quemquam audire, siue sit ille junior siue senior, siue carminibus hæc inferantur; siue soluta oratione narrentur, tanquam quæ neque dictu sancta sunt, neque nobis utilis, neque inter se consona. Hæc ille.

Ratio cur non Deus, sed solum liberum arbitrium creatum sit causa peccati, exponitur.

DISPUTATIO XXXII.

DE re proposita dubium non est inter Catholicos: rationem vero inquirunt, quare cum Deus tanquam causa prima immediate efficienter influat in pravas actiones liberi arbitrii creati, ita ut tota illa actio sit a Deo, & tota a libero arbitrio, vitium tamen ac deformitas ipsius actionis, non Deo, sed libero arbitrio creato tribuatur.

Ratio a
pluribus
antiquorum
reddita.

Plerique antiquorum eam rationem reddunt, Quod cum peccatum formaliter sumptum in defectu conformitatis cum regula, quam operans tenetur sequi, sit positum, eaque ratione formaliter non sit aliud, quam defectus, privatio, & nihil, potius querenda est causa deficiens peccati, quam efficiens: quare cum liberum arbitrium creatum deficere possit a regula & lege sibi præscripta, reque ipsa deficiat cum actionem pravam exercet: Deus autem, qui nulli alteri regula est subiectus, sed sibi ipsi est lex, tribuendo eidem actioni esse una cum libero arbitrio, a regula non deficiat, sit, ut actio

(quæ quatenus est a libero arbitrio creato vitiosa, est & peccatum) quatenus est a Deo tanquam a prima causa & origine totius esse creati, neque vitiosa sit neque peccatum: quoniam a Deo solum habet esse, ac proinde bonitatem transcurrentem, quæ cum ente recurrit; non vero defectum a regula, in quo tota ratio peccati atque malitiae moralis posita est.

Ratio hæc, vel rem non explicat quantum est satis, vel certe nullius est momenti. Etenim licet compertissimum sit, Deum, qui summa est bonitas, nullo modo in suis operationibus posse deficere, neque alicui alteri, neque proprie sibi ipsi, esse subiectum: attamen in eo lex est æterna, quæ est ipsemet Deus, quæque ipsi dicat quid rectum sit, ut ab eo fiat, & quid turpe si ab eo fieret, ac proinde quid ex eo capite contradictionem implicet ab eo fieri, quod cum summa ipsius bonitate pugnet.

Atque hac ratione colligimus, Deum nulla ratione per se, vel per alium, posse mentiri, nec ulla ratione posse præcipere peccata, nec ad actiones, quæ peccati rationem retineant, posse movere atque inclinare, aut illas suadere, vel ad eas quemquam prædestinare: eo quod hæc, & his similia, rectæ rationi tam humanæ, quam divinæ, & infinitæ bonitati repugnent. Atque id sonant testimonia scripturæ, definitiones Ecclesiæ, ac dicta sanctorum Patrum, quæ disputatione præcedente retulimus. Quare non solum est contrarium fidei, Deum ad hunc sensum esse causam peccati, quod ipse etiam deficiat a sua regula cooperando nobiscum ad peccatum, ut nos a nostra regula deficiamus, sed etiam ad eum, quod vel præcipiat, vel suadeat actum pravum, aut ad illum prædestinet, moveat, & inclinet per suum influxum & operationem.

Quamvis si hoc posteriori modo causa esset peccati, esset etiam illo priori, eo quod a lege sua æterna ipse quoque tunc deficeret. Poterit quidem Deus, subtrahendo prius per appositionem alicuius circumstantiæ actionem aliquam a ratione peccati, id præcipere, aut ad id movere, quod seclusa tali circumstantia foret contra jus naturale, ac proinde peccatum; quæ ratione tanquam Dominus vitæ cuiusque hominis, præcepit parenti Abrahamo ut interficeret filium suum Isaac, quod licuit tunc Abrahamo, neque erat contra quintum præceptum decalogi, facta prius

Cur non sit
sufficiens
causa.

Peccatum non
potest Deus
præcipere,
neque ad
nullas actiones
inclinare,
vel suadere,
aut etiam
prædestinare.

Disputatio
in præ
dicta
sufficiens
causa

Quæ
dicitur
tunc
esse
cur
non
sit
causa

prius parenti in filium ea facultate: verum quod Deus præcipiat, ac moveat ad id, quod in causa secunda retineret rationem peccati, id plane contradictionem implicat: eo quod cum divina bonitate ac lege aeterna pugnet.

Ex eodem capite dicimus, Deum dispensatione proprie dicta dispensare non posse circa præcepta decalogi, reddendo licitum quod cadit sub talem legem, sublata vi obligandi ejusdem legis: posse tamen reddere licitum, quod alias esset contra talem legem, apponendo circumstantiam objecto per quam designat jam cadere sub talem legem: quod non est dispensare in lege, sed servato legis integro jure atque vi obligandi, subtrahere materiam aliquam a lege per appositionem circumstantiæ, ratione cujus objectum illud in legem jam omnino non cadat. Id quod causa etiam secunda interdum efficere solet: eam enim acceptionem rei alienæ, quæ alioquin esset contra septimum præceptum decalogi, potest dominus ipsius rei efficere ut non sit contra illud præceptum, si alicui facultatem eam accipiendi faciat, quod non est dispensare circa præceptum, sed appositione illius circumstantiæ efficere, ut jam non sit contra illud præceptum, quod alias eodem præcepto verebatur. Verum de hac re vi in loco.

Ex his omnibus patet, ut satisfiat dubio proposito, reddendam esse rationem, quare Deum concurrere immediate cum causa secunda per influxum universalem ad actionem peccati, non pugnet cum lege aeterna, ac proinde ex se malum non sit: quemadmodum cum eadem lege pugnet, essetque de se malum, si Deus præciperet, vel prædestinaret eandem actionem, vel ad eam moveret & inclinaret liberum arbitrium creatum: antiqui autem illa sua ratione hujus rei causam minime reddunt, & ideo rem hanc, quantum opus est, non explicant.

Salmanticenses, de quorum numero sunt Sotus primo de natura & gratia capite 18 & Canus 2 de locis cap. 4 in responsione ad octavum, hanc causam reddunt. Quod Deus concursu suo universali cooperatur cum omnibus causis secundis ad modum causæ naturalis lege constituta, ut, quasi necessitate naturæ & non libere agat, semper illis præsto sit auxilium laturus: qui concursus, cum sit causis naturalibus quasi debitus,

eo quod nulla earum sine eo agere possit, inter naturalia computatur, adeo ut miraculum sit, si aliquando desit, a Deoque subtrahatur. Quare, inquit, cum actiones male moraliter, quoad esse tantum naturale referantur in causas naturales; stultum autem sit esse earum morale, malitiamve & culpam, in causas naturales referre; sit, ut Deus per concursum suum generalem causa sit esse naturalis earum, non tamen culpæ & malitiæ annexæ. Aliqui ita hanc sententiam accipiunt, ut si Deus per illum eundem generalem concursum non cooperaretur ad modum naturæ, lege universali præscripta de eo nunquam denegando, eo quod necessarius & quasi debitus sit causis secundis, sed interdum solum illo modo concurreret, pugnaret cum lege aeterna, essetque ex se malum, atque adeo contradictionem implicaret illum impendere causis secundis quando elicerent actiones malas moraliter.

Hæc ratio, ita reddita ac explicata, mihi nunquam placuit. Primo, quoniam Deus mere libere ex aeternitate eam legem concurrendi cum causis secundis statuit, & mere libere confert concursum suum universalem quoties illum impendit: quare, quod ad libertatem in operando attinet, computari nequit inter causas naturales, ut naturalis causa distinguitur contra liberas & morales: quin potius vere, ita operando, causa est libera & moralis, digna proinde laude quoties concursus ita impendit; idque propter munificentiam quam exercet, liberumque beneficium, quo nos devincit, maxime dum eo concursu adjuti operamur bona, & dum rebus ratione carentibus hominum gratia illum impendit: cum ergo, quando operamur recte, concursus Dei universalis, quo Deus nobiscum concurrat, opus externum sit divini munificentis ac liberalitatis, reddenda est ratio, quare quando simili modo concurrat ad actionem malam moraliter, cum actio illa tota sit a Deo per concursum universalem, concursus ille non sit opus externum viri, voluntasque divina, qua tunc impenditur, non sortiatur rationem viri, maxime cum Deus in eandem libere omnino influat, sicut liberum arbitrium, quod ea de causa peccatum committit. Etenim quod solum esse naturale actionum moralium referendum sit in causas naturales, non vero bonitas aut

malitia moralis, ex eo provenit quod non libere agant, bonitasque & malitia moralis solum comparatione causæ liberæ cernatur: qua ratione neque homini virtuti, aut vitio tribuitur, nequid sine libertate operatur, five id objective bonum sit, five malum: quare cum Deus concursu generali libere operetur, utique, quod lege statuta operetur perinde ac si ex necessitate naturæ operaretur, non est sufficiens ratio, quare solum bonum naturale actionum moralium sit in Deum ipsum referendum, non vero esse morale virtutis, aut viti.

Secundo, possumus eandem sententiam ex eo impugnare, quod cum divina bonitate non recte consentiat, eam legem concurrendi universim cum libero arbitrio creato constituisse, quæ iniqua omnino esset, si ea non universim omnibus agentibus per modum naturæ fluens constitueretur, sed certis quibusdam atque ad certum tempus. Neque enim æqua esse potest ea lex, quæ eos eventus comprehendit, in quibus, si solos eos constitueret, injusta esset & iniqua: maxime quando ex aliis, quos simul comprehenderet, non compensaretur ea inæqualitas & iniquitas.

Tertio, demus per impossibile, Deum longe aliter concurrere cum causis secundis, & præter communem cum modum concurrendi, constituere concurrere semel cum homine aliquo, vel angelo eo modo, quo re ipsa nunc concurrat: Quis dicat, si homo ille pro libertate sui arbitrii eliceret pravam actionem, cum elicere posset honestam, malitiam tunc illius actionis adscribendam esse Deo ut auctori illius, quin simul fateatur similiter eidem adscribendam esse in hoc rerum statu quem habemus? Quod ergo Deus concursu universali perinde concurrat cum causis secundis, ac si causa esset naturalis necessitate naturæ agens, non est legitima ratio, quare malitia actionum moralium Deo auctori non tribuatur.

Legitima ergo atque dilucida ratio, nisi fallor, colligitur ex his, quæ de concursu Dei generali disputationibus præcedentibus dicta sunt. Etenim cum concursus Dei generalis non sit concursus Dei in causam secundam, sed in actionem ipsiusmet causæ: is vero de se indifferens sit, ut pro diversitate influxus causæ secundæ sequatur potius actio hujus

speciei, quam alterius, quippe qui non determinat influxum causæ secundæ, sed ab eo determinatur ad speciem actionis: quando vero cum eo concurrat liberum arbitrium, ex vario influxu arbitrii proveniat, quod sequatur potius volitio, quam nolitio, & volitio honesti potius, quam turpis objecti, fit, ut actiones liberi arbitrii (ut & cujusvis alterius causæ secundæ) a concursu generali Dei non habeant quod sint tales vel tales in particulari, ac proinde neque quod sint studiosæ vel vitiosæ, sed ab ipsomet libero arbitrio. Neque forte Sotus, & Canus, si expendantur, aliud voluerunt, quamvis nec quantum oportebat rem explicaverint, nec necesse illis fuerit recurrere ad illud, quod concursus Dei universalis fluat a Deo tanquam a causa naturali.

At non desistunt, qui adversus propositam *Objectionem* sententiam sic objicerent. Primo concursus Dei generalis cum causis secundis non propterea generalis dicitur, quod ipse in suo esse reali, quod extra Deum habet, sit unus & idem vel numero vel specie communis omnibus causis secundis, & indifferens ad quoscunque earum effectus; sed quia Deus communi & generali lege statuit concurrere cum omnibus diverso modo, & tamen prout natura cujusque postulat: etenim concursus, quo Deus concurrat cum igne, specie distinguitur a concursu, quo concurrat cum equo; quandoquidem concursus Dei cum igne nihil aliud est quam effectus ipse productus ut a Deo, sub qua consideratione sortitur rationem actionis Dei ad extra comparatione illius effectus: & concursus Dei cum equo, non est aliud, quam effectus etiam ipse productus, ut a Deo, sub qua consideratione sortitur quoque rationem alterius actionis Dei ad extra comparatione talis effectus: cumque effectus illi specie inter se distinguantur, & actiones pro diversitate terminorum specie distinguantur; fit, ut concursus illi generales Dei specie distinguantur; atque adeo fit, ut effectus specie distincti qui a causis secundis emanant, non solum ex diverso influxu causarum secundarum habeant esse tales vel tales, sed etiam ex diverso modo influendi Dei in eosdem effectus.

Secundo. Licet Deus determinetur a causa *Secunda* secunda ad concurrendum hoc concursus hujus speciei potius quam alio, attamen dato quod

*Legitima
redditur
ratio cur
Deus non
sit causa
peccati.*

quod concurrat hoc concursu numero, quo concurrat cum igne, necessario dicendum est effectum productum non habere ut sit talis numero ex solo concursu causae secundae, sed etiam ex hoc numero concursu Dei; quavis demps Deum non fuisse usurum hoc particulari concursu, nisi concurreret cum tali causa secunda.

Tertio.

Hic concursus Dei est causa totius entitatis quae cernitur in effectu, ut omnes admittunt, etiam illius per quam effectus ille est talis specie & numero: ergo effectus non solum a causa secunda, sed etiam a concursu generali Dei habet quod sit talis, & consequenter nihil est cur Deo concurrenti ad eum effectum concursu generali non tribuatur id, quod sequitur hunc effectum quatenus talis est.

Unde haec argumenta primum habent.

Argumenta haec ortum habent ex falsa adverbiorum existimatione. Cum enim nobiscum conveniant, concursum Dei generalem non esse influxum Dei in causam, sed cum causa in effectum cum quo concursum illum dicunt esse idem; existimant tamen, concursum Dei universalem distinctam numero actionem esse a concursu causae secundae: cum tamen non sit nisi una, quae, ut a Deo, dicitur concursus Dei; ut vero a causa secunda, dicitur concursus causae secundae: ut in superioribus est explicatum. Alioquin si essent distinctae actiones, cum concursus causae secundae solum sit a causa secunda, concedendum esset aliquam esse actionem, rationemve formalem realem actionis, quae non esset a Deo efficienter, sed a sola causa secunda, quod nulla ratione est concedendum.

Ad primum objectionem solutio. Concursus generalis, & particularis, unus est, sed concursus particularis habet speciem.

Ad primum ergo argumentum dicendum est, ponere falsum, nempe concursum Dei generalem habere aliquod esse reale a parte rei distinctum, vel numero, vel specie, a concursu causae secundae: nihil enim est a parte rei, neque actio, neque effectus actionis, quod sit a Deo influente per concursum generalem, & non sit a causa secunda simul influente per suum influxum particularem, neque esse potest: quoniam duae illae causae ita influentes uniant a parte rei tam effectum, quam actionem, mutuoque ea ratione a se pendunt in agendo illo modo, ita ut influxus praecitus unius esse nequeat, etiam divina potentia, sine influxu alterius: neque a parte

rei influxus illi distinguuntur, nisi comparando unam & eandem numero actionem ad diversas causas diverso modo in totam ipsam actionem influentes, quarum ea, quae causa universalis est, licet conferat actioni totum esse partialitate causae, actio tamen a modo influendi illius non habet, quod sit talis vel talis specie actio. Ab altera vero ut a causa particulari, similiter partialitate causae, habet actio totum suum esse. Verum ex modo influendi illius, sicut habet quod sit propria & peculiaris actio ejusdem causae, ita habet quod sit talis actio distincta specie a ceteris. Unde negandum est, Deum concursu generali concurrere diverso modo cum diversis causis secundis. Ad probationem vero, quae subjungitur, concedimus, concursum Dei cum igne distinctum esse specie a concursu Dei cum equo: negamus tamen id provenire ex eo quod Deus, quantum est ex se, diversimode influat cum igne & cum equo: provenit enim ex conjunctione influxus uniuscujusque illarum duarum causarum particularium in unam & eandem actionem numero & specie cum influxu Dei, a quibus particularibus causis concursus illi universales Dei habent, tanquam a causa efficiente, distinctionem illam specificam.

Ad secundum dicendum est, quod cum unitas numerica actionis & effectus varietur facta quacunque variatione in quacunque parte causae, & in quacunque alia circumstantia conducente ad effectum, ut quinto metaphys. ostensum est, utique quod effectus ille sit talis vel talis numero, ut pendet ex eo quod causa secunda hic & nunc influat: ita, naturaliter loquendo, pendet ab influxu Dei hic & nunc, & a reliquis circumstantiis: quare sicut si causa secunda alio tempore, intervenientibusque aliis circumstantiis influeret, sequeretur alia actio numero: ita, si Deus alio tempore, & sub aliis circumstantiis influeret, sequeretur alia actio numero, non est tamen hic & nunc alius numero concursus Dei, & alius concursus causae secundae, sed unus & idem numero, qui est illa ipsa actio quae resultat, & in qua uniantur & sunt unus concursus utriusque causae, ut explicatum est. Adde, actiones morales non habere suam bonitatem aut malitiam moralem a differentia individuante, sed ab specifica, & circumstantiis, quae, si essent

eiusdem prorsus rationis; quamvis diversæ numero, in quacunque alia actione eiusdem speciei in genere naturæ & moris, redderent actionem æque bonam aut malam moraliter.

Ad tertium. Ad tertium dicendum est, aliud esse effectum habere a Deo influente per concursum universalem etiam illud quo est talis tanquam a causa partiali, & aliud ex influxu Dei provenire quod sit talis. Primum concedimus; secundum vero negamus: ostensum tamenque est, non provenire nisi a modo influendi causæ particularis, cuius est effectus proprius & particularis. Cum vero deformitas culpæ sequatur actum comparatione solius causæ, quæ agendo deviat a sua regula: hæc autem sit sola causa secunda, inde est quod licet entitas actus simul sit a Deo tanquam a causa universali, deformitas consequatur actum tanquam culpa solius causæ particularis. Est enim magnopere notandum, eas rationes formales, quæ in sua intrinseca ratione includunt, ut sint a causa secunda, cuiusmodi sunt, peccatum, meritum, sentire &c. nullo modo denominare posse Deum ut causam earum, quasi Deus peccet, mereatur, aut sentiat, qua Deus. Et quando ejusmodi rationes formales omnino sunt, non solum præter influxum, sed etiam præter intentionem Dei conferentis concursum generalem & vires ad operandum causæ secundæ, ut sunt culpa & peccatum, neque Deus dicitur causa universalis earum licet dicatur universalis causa actionis, quæ materialiter peccatum denominatur: hanc enim suo influxu attingit tanquam causâ universalis, quod statim fiet magis manifestum.

Ex dictis solum habemus, Deo non tribui actiones nostras malas moraliter tanquam causæ positivæ in eas influenti. Ad quod accommodatum est exemplum de fabro gladios faciente: ut enim non imputantur fabro facinora quæ ab iis sunt, qui gladiis non recte utuntur; eo quod gladii indifferentes sint ad bonum & malum usum; sed imputantur libero arbitrio eorum, qui gladiis male utuntur: ita cum concursus Dei generalis indifferens sit ad bonas & ad malas actiones, malæ actiones, non Deo, sed abutentibus concursu Dei generali ad malum sunt tribuendæ.

At dicit aliquis: Sicut culpæ datur fabro

cum gladium tradit ei, quem probabiliter novit eo abuturum: ita cum Deus præstat quinam abuturi sint suo generali concursu, cur ei non imputabitur ad culpam, quod non subtrahat concursum, siquidem ea ratione impedire peccatum illud potest, nec tamen impedire vult? Dicendum tamen est, diversam esse rationem in hominibus ac in Deo: Deus namque cum dominus sit omnium, legitimæque de causâ examini & probationi exponat creaturas suas libero arbitrio pollentes, ut si bene suo arbitrio, gratia ipsius adjuto, fuerint usæ, propriis meritis vitam æternam consequantur, sin autem male, iusto supplicio afficiantur, non tenetur impedire peccata, sed ea potest legitime permittere; ad providentiamque ipsius spectat non denegare singulis rebus ea, quæ necessaria sunt ut accommodatæ ad suas naturas operentur, esto quædam talia sint quibus & bene & male uti possunt. At vero homines, qui Deo legibusque divinis sunt subiecti, lege divina naturali tenentur suorum proximorum peccata impedire, si commode possint, & ad damnum alterius non cooperari sicut enim lege naturali tenentur proximum, sicut seipsum diligere; ita Deus eadem naturali lege mandavit unicuique de proximo suo curam habere. Quo fit ut peccata nostra neque Deo tanquam causâ, quæ potuit ea impedire, & non impedivit, tribuenda sint; eo modo quo naufragium tribuitur nautæ, si illud declinare potuit, nec tamen declinavit. At hoc enim ut aliquid alicui tanquam causæ negativæ ascribatur, necessarium est, ut teneatur & possit id impedire, & non impediat: Deus autem non tenetur peccata nostra impedire.

Major dictorum explicatio, & an Deus autor sit dicendus actuum nostri arbitrii, & causâ, etiam materialis, peccati.

DISPUTATIO XXXIII.

UT, quæ hæcenus dicta sunt, melius intelligantur, nonnulla sunt addenda, quibus intelligatur quousque actus nostri arbitrii in Deum, tanquam in eorum autorem, primamque rerum causam, sint referendi, & quousque eos velle, aut non velle sit censendus. Sumpto vero altius principio, ab actibus & effectibus,

Peccati actionem malam Deo per concursum universalem indifferentem non imputantur, accommodato exemplo asseritur. Objectiones.

Sollicitus.

Peccata nostræque rationis causæ quæ potuit impedire Deo imputantur.

effectibus, quorum comparatione nulla causa secundis inest libertas, erit ordiendum.

*Non quatenus auctor
causa
effectuum
causarum
et effectuum
aut naturae
necessitate
sunt, &
causa se
ipsam producit
sunt.*

Primum eorum, quae addenda sunt, ejusmodi est. Eatenus Deus auctor, primaque causa est actionum omnium & effectuum causarum secundarum, qui natura sunt necessitate, atque adeo totius naturalis bonitatis eorum, quatenus ab eo mediate vel immediate ejusmodi omnes causae emanant, suaeque sapientia ad eas actiones & effectus accommodatas vires naturales illis contulit, omnibusque ad eundem finem generalem suum concursum impendit; eis quidem ad agendum necessarium, sed ex se ad varias actionum & effectuum species indifferentem: nihilominus determinatio actionum & effectuum ad speciem, eorumque diversitas specifica, a naturalibus viribus, causarum secundarum provenit immediate, ipsis a Deo collatis, ut eo pacto ad fines, ad quos per easdem vires illas, ipsas causas ordinavit, operarentur accommodate. Atque hinc est, quod ipsummet opus naturae proprium ut a causis secundis immediate emanat, ab Aristotele, aliisque Philosophis opus intelligentiae dicatur, quatenus videlicet non, nisi a prima causa intelligente, ac res per ipsarum vires ad suos proprios totiusque universi fines dirigente, potuerunt emanare causae secundae mere naturales tam accommodatis viribus ad eo pacto in suos fines agendum praeditae, quam accommodare eas perpetuae agere experientia magistra compertum habemus.

*Opus naturae, opus intelligentiae
est dicendum.*

Secundum, ut ad actus liberos, bonumque & malum eorum morale deveniamus, pono ex dictis disputatione 5 & 19, nos viribus naturalibus nostri arbitrii, solumque concursu Dei generali, efficere posse bonum aliquod opus morale ex objecto & omnibus suis circumstantiis, atque adeo quod undique ac simpliciter bonum sit morale per comparationem ad felicitatem naturalem, praesertim quando notabilem non continet difficultatem. Ut vero particulare aliquod asseramus exemplum his, quae dicenda sunt, accommodatum sit verbi gratia, quando oblato aspectu alicujus mulieris, levique admodum & prope nullo insurgente affectu ad illam, elicit quis nunc actum bonum moraliter,

nolo peccare cum hac, cum tamen elicere posset hunc contrarium malum moraliter ac lethale peccatum, volo fornicari.

Tertium, quo generali Dei concursu viribus liberi arbitrii producit materiale actus moraliter boni, hoc est, actus ille spectatus in genere naturae, producit etiam absque materiali alio Dei aut liberi arbitrii influxu, bonitas moralis ejusdem actus: & quo generali Dei concursu viribus liberi arbitrii producit materiale actus moraliter mali, resultat, absque alio Dei aut liberi arbitrii influxu, moralis malitia in eo atque ratio peccati. Utrumque probatur, quoniam si, ut multi volunt, praeter materiale utriusque actus, actusve illos spectatos in genere naturae, non datur in eis ratio aliqua formalis realis secundum quam sortiantur rationem virtutis, aut vitii, actusve boni moralis, aut peccati pertinentis ad avaritiam, injustitiam, aut alterius vitii speciem, sed ejusmodi rationes formales entitates sunt rationes per comparationem ad dictamina rationis ac legem Dei, cum quibus, existentibus his vel illis circumstantiis, consentiunt, aut a quibus dissentiunt, proculdubio non alio generali Dei concursu, aut particulari liberi arbitrii producantur, quam eo quo materiale eorum producit; entia quippe rationis non alia efficientia influxuve resultant, quam quo materiale, realeve eorum veluti fundamentum producit. Est autem ejusmodi rationes formales, cum Cajetano & aliis, asserantur esse reales, profecto non alia efficientia ac influxu resultant in actibus illis ab efficientia & influxu quo iidem actus in genere naturae producantur: non secus ac similitudo realis ejus candoris, qui de novo producit, ad alium candorem praesistentem, non alia efficientia & influxu producit ab eo, quo producit candor ipse. Si namque praeter efficientiam & influxum quo candor producit, similitudo in eo resultant indigeret alio generali concursu seu influxu Dei in ipsam, utique cum liber ille sit ex parte Dei, posset Deus, producto candore, denegare talem concursum atque adeo efficere, ut essent duo candores in rerum natura nequaquam similes inter se, quod contradictionem implicat, eaque de causa omnes negant posse fieri divina potentia. Eodemque modo posset Deus efficere,

Quo concursu generali viribus liberi arbitrii producit materiale actus moraliter boni, hoc est, actus ille spectatus in genere naturae, producit etiam absque materiali alio Dei aut liberi arbitrii influxu, bonitas moralis ejusdem actus: & quo generali Dei concursu viribus liberi arbitrii producit materiale actus moraliter mali, resultat, absque alio Dei aut liberi arbitrii influxu, moralis malitia in eo atque ratio peccati.

efficere, ut qui oblata occasione fornicari nollet ne legem Dei transgrediretur, non eliceret actum virtutis, eo ipso, quod influendo cum illo, ut nollet ea ratione fornicari, denegaret suum concursum generalem ne in eo actu resultaret ratio formalis virtutis castitatis, quæ ex rei natura eum actum concomitatur. Et similiter posset efficere, ut qui sciens & prudens vellet fornicari, non eliceret actum vitii moraliter malum, eo ipso quod denegaret suum concursum universalem ne in eo actu ratio vitii fornicationis resultaret: quæ profecto non modo absurdissima, sed etiam ridicula esse quis non videat?

Quantum, quod ex precedenti sequitur, est, Eodem numero concursu Dei generali, & particulari liberi arbitrii, quo producitur unus & idem numero actus in genere naturæ, posse indifferenter produci actum virtutis moraliter bonum, & vitii seu peccati, ac proinde interdum neque maiorem, neque alium Dei concursum requiri, ut producatur actus virtutis moraliter bonus, & ut producatur actus vitii ac peccati. Probatur aperte in exemplo supra proposito: voluntas namque rem habendi cum ea femina hic & nunc visui ablata proculdubio idem numero actus est in genere naturæ ac materialiter, sive cum illa præcesserit contractus matrimonii, sive non: at vero si præcessisset contractus matrimonii, actus ille esset virtutis castitatis conjugalis; si vero non præcessisset talis contractus, esset actus fornicationis moraliter malus atque peccatum lethale: cum ergo ostensum sit eodem generali Dei concursu, & particulari liberi arbitrii, quo producitur actus in genere naturæ, resultare in eo pro diversitate circumstantiarum concurrentium rationem virtutis & vitii absque alio concursu Dei & liberi arbitrii, consequens profecto est, ut interdum Deus neque majori, neque alio concursu concurrat ad actum virtutis, bonive moraliter, quam sit is, quo concurreret ad actum vitii malum moraliter.

Quintum, sicut Deus causis agentibus mere naturaliter vires contulit ad unum agendi ac influendi modum determinatas, quibus concursus Dei generalem, de se ad diversas actionum & effectuum species indifferenter, determinat ad suas peculiares actiones & effectus: sic hominibus & angeli-

lis facultatem tribuit arbitrii ad unum agendi modum indeterminatam, per quam domini sunt suarum actionum, in manu consilii sui sunt positi, ut ad bonum vel ad malum, ad vitam vel ad mortem porrigant dexteram, eaque ratione sicut per virtutum opera laudis ac præmii, ita per contrarias vitiorum actiones supplicii ac vituperationis sunt capaces. Quo fit, ut per arbitrii facultatem generalem Dei concursum non solum ad proprias voluntatis actiones determent, sed etiam pro illius facultatis innata libertate, vel omnino actionem contineant, vel illum determent ad volitionem potius, quam ad nolitionem ejusdem objecti, aut e contrario, & ad volitionem aut nolitionem unius potius objecti, quam alterius, atque adeo illum determinent, ut opus sit potius virtutis, quam vitii, aut e contrario, prout, qui ea facultate sunt præditi, maluerint: ea quippe ratione dicitur esse in eis libertas, tum ad exercitium, tum etiam ad speciem actus.

Sextum, nostra supernaturalia opera, licet nobis etiam, tanquam per arbitrium nostrum cooperantibus, tribuantur, a nostroque influxu speciem quoad actus substantiam obtineant, in Deum tamen non solum tanquam in causam primam, communemque omnium bonorum auctorem, sed etiam tanquam in particularem eorum effectorem, a quo habent suam supernaturalem speciem, referenda sunt. Verbi gratia, actus nostri supernaturaliter assentiendi revelatis & ut ad salutem oportet, licet eatenus sint nostri, quod sunt cooperantibus nobis per nostrum arbitrium, & quod sine libero nostro influxu omnino non essent, a nostroque influxu habeant, quod sint assensus, potius quam dissensus, aut quam actus alterius potentia, quod tamen sint supernaturales, alteriusque speciei a se ipsis, si solis viribus arbitrii elicerentur, habent a Deo tanquam a particulari eorum causa per se ipsum immediate, vel per supernaturalem habitum ab ipso infusum, tales eos efficiente. Licet etiam contrito eatenus sit actus noster, quod sine nostre voluntatis libero influxu omnino non esset, & quod ab influxu nostre voluntatis habeat quod sit dolor potius, quam alterius speciei; attamen quod sit supernaturalis dolor speciei distinctus a mere naturali, habet a Deo tanquam a particulari ejus actus causa.

Septimum

Liberum arbitrium facultas indeterminata ad unum, determinans proinde concursum genera-

idem ad u.s. rias species abut.

Supernaturales actus ab influxu arbitrii nostri habent speciem quoad actus substantiam, & a Deo speciem supernaturalem.

Septimum, Deo, tanquam auctori primæ-
que rerum omnium causæ, tribuuntur omnia
nostra opera bona moralia mere naturalia,
non vero mala nostra opera & peccata.
Hujus rei ratio non solum est, quod Deus
mala opera & peccata severe prohibuit, bona
vero moralia præcepit, & quod suis consiliis
& doctrina ad hæc, tanquam sibi grata, horta-
tur ac invitat, illaque dissuadet & execratur,
sæpeque particularia auxilia ad bona opera
mere naturalia præstat, nunquam vero ad
mala & peccata, quæ vellet ut non commit-
terentur, si & nos nostra libertate ita velle-
mus; sed etiam ac præcipue, quoniam ut
Augustinus 2 de libero arbitrio cap. ult.
& lib. 3 cap. 1 & 6: ac alibi egregie tradit,
facultatem arbitrii eo fine nobis contulit,
collatamque generali suo concursu adjuvat,
ut bene consentaneæque rectam rationem
ac legem suam operemur, sicque ad natura-
lem felicitatem, & insuper ad supernatura-
lem ipsius numinis divini ope pertingamus,
non vero ut his ad perniciem abutamur:
tamen si facultatem eis abutendi, eo ipso quod
liberos effinxit, nobis reliquit, ut ea ratione
in nostrum majus commodum actuum no-
strorum essemus domini, ac bene acceptam
libertatem impendentes, pro recte factis præ-
mium laudemque assequeremur. Quia ergo
nostra moralia bona opera, quæcunque ea
sint, finis sunt, ad quem naturæ autor arbi-
trii facultatem nobis contulit, & ad quem
concursum suum generalem nobis impen-
dit, inde est quod non minus, quam quæ-
cunque naturalia bona, ad quæ in causis
secundis nulla est libertas, in Deum, tanquam
in naturæ autorem, primamque rerum
omnium causam, referantur. At vero, quoni-
am opera nostra mor aliter mala extra finem
sunt, ad quem naturæ autor facultatem arbi-
trii nobis tribuit, suumque concursum gene-
ralem nobis impendit, a nobisque ipsis pro-
venit, quod hæc donis, ad alium finem no-
bis a Deo collatis, ita abutamur, inde efficitur,
ut nostra mala opera moraliter ac pec-
cata, non in Deum tanquam in naturæ auto-
rem, sed in nosmetipsos, tanquam in eorum
causam, referenda sint.

Quæren-
dum senten-
tia.

Non desuere, qui cum existimaverint
concursum Dei generalem non esse influxum
Dei cum causa secunda immediate in illius
actionem & effectum, sed immediate in cau-
MOLINA.

sam ipsam, & per causam prius eo motam
mediate in illius actionem & effectum, libe-
rumque nostrum arbitrium nullam omnino
posse elicere actionem, ad quam in particu-
lari non moveatur prius a Deo per concur-
sum suum generalem, consequenter asseren-
rent, opera nostra mala moraliter, quibus
præcepta transgredimur, verbi gratia, voli-
tionem qua quis rem habere statuit cum hac
non sua, & peccat lethali ter, referenda esse
in Deum tanquam in illius autorem & cau-
sam: solum vero deformitatem peccati, quæ
ens est rationis & deviatio a lege Dei, in no-
strum arbitrium, & non in Deum, tanquam
in causam, esse referendam.

Ut vero hæc explicent, ac defendant, duo
quædam asserunt. Unum est, Deum per
concursum generalem movere arbitrium
nostrum ad medium per comparisonem ad
rectam rationem ac legem suam, atque adeo
ad bonum: liberum vero nostrum arbi-
trium, dum legem Dei transgreditur ac pec-
cat, deflectere suo influxu a ductu illo, mo-
tione, ac directione Dei, in peccati actum:
non secus ac discipulus, cujus manus a magi-
stro movetur ac ducitur ad characteres opti-
mos depingendos, suo particulari influxu
deflectit, & est causa, ut pessimi depingantur:
& non secus, atque dum lapis suo pondere ac
motu recta via tendit deorsum, is, qui est in
summitate turris, suo influxu cum deflectit,
eoque utitur ad percuriendum ex turri illum,
qui separatus a turri in via sedet.

Alterum quod asserunt est, ex hypothesi
quod peccator suo arbitrio & influxu defle-
ctere vult a medio rationis in peccatum,
Deum suo generali concursu cum movere &
adjuvare ad actionem illam in particulari, ut
libertatem illi conservet: quemadmodum,
inquiunt, mercator, ut vitam in tempestate
conservet, projicit merces in mare, & inter-
dum voluntarie perdit duo negotiando, ne
perdat quatuor. Quia vero Deus, inquiunt,
moveret ad quamcunque actionem in particu-
lari liberi arbitrii quantumvis malam, non
solum vult permittere, ut illa sit per liberum
arbitrium creatum; sed etiam vult illam in
particulari esse quoad esse suum naturale,
licet non quoad deformitatem peccati, quam
habet adjunctam.

Opinio hæc satis, ni fallor, impugnata est
disputationibus præcedentibus, videreturque
S parum

parum consona, in primis verbis illis Concilii Tridentini sess. 6 canone 6: Si quis dixerit, mala opera, ita ut bona, Deum operari, non permissive solum, sed etiam proprie, anathema sit. Deinde testimoniis Scripturarum & sanctorum Patrum, quæ disputatione 31 retulimus, & præcipue illis verbis Augustini de spiritu & litera, cap. 31: Nusquam legimus in sanctis scripturis, non est voluntas nisi a Deo. Et recte non scriptum est, quia verum non est: alioquin etiam peccatorum, quod absit, auctor est Deus, si non est voluntas nisi ab illo: quoniam mala voluntas jam sola peccatum est, etiam si desit effectus. Item illis de articulis falso sibi impositis art. 10, quicumque ejus operis fuerit auctor. Detestanda & abominanda opinio est, quæ Deum cujusque malæ voluntatis, aut malæ actionis credit autorem, cujus prædestinationi nunquam extra bonitatem, nunquam extra justitiam est: universæ enim viæ Domini misericordia & veritas. Adulteria enim matronarum, & corruptelas virginum, non instruere novit sancta divinitas, sed damnare; nec disponere, sed punire. Et paucis interjectis: Non ergo casus ruentium, nec malignitatem iniquorum, nec cupiditates peccantium prædestinationi Dei aut excitavit, aut suscitavit, aut impulit. Ecce, non sola entia rationis, formalive peccatorum negat Augustinus, aut alius ejus operis auctor, esse a Deo, sed etiam volitiones ipsas, & actiones, quibus transgressio fit mandatorum, nempe adulteria matronarum, corruptelas virginum, &c. Ac certe cum Deus actus ipsos peccatorum directe suis præceptis prohibeat (præcipit namque non occidere, non fornicari, non furari, nihilque horum concupiscere) atque adeo voluntate signi (sic dicta, quod nobis per præcepta innotescat) hæc ipsa fieri nolit, dependenter tamen a nostra libertate, si & nos ipsi voluntati ipsius obsequi voluerimus, voluntas vero ipsius, nec mendax, nec fallax, fictive esse possit, sed vera, qua id ita fieri vellet, contrariosque actus desisteret, mirum sane est, quod vel ipsæ eorum in particulari sit causa, ad eos in particulari permovendo ac dirigendo nostrum arbitrium, vel eos esse velit, non solum permissive, sed etiam sua voluntate intendendo, ut sint in particulari.

Perfistendo autem in exemplo de eo, qui

oblato aspectu non suæ consentit in concubitu cum illa & peccat, libet percontari ab auctoribus contrariæ opinionis, an prius natura, quam is ita consentiat, recipiat concursus Dei generalem, quo inclinetur, dirigatur, ac moveatur in medium per comparisonem ad rectam rationem, atque adeo in nolitionem talis actionis, quæ ad virtutem pertinet; ipsæ vero retorquendo influxum ita acceptum declinet in volitionem ac peccet, eo modo, quo manus discipuli, dum magistri motum ac directionem ad bonos characteres recipit, suo peculiari influxu retorquet illum ad malos characteres, perseverantem adhuc ex parte magistri, atque inclinantem ad bonos characteres: an vero non recipiat illum generalem concursum, sed vel nullum, vel alium dirigentem ac moventem in particulari ad volitionem concubitus, quæ est actus moraliter malus ac peccatum.

Si detur primum, cum volitio illa sit actus distinctus non solum specie, sed etiam re, tamen genere nature, quam moris, a nolitione ejusdem objecti, quin & illi contraria, mirum profecto est, quod motio in particulari & inclinatio Dei per generalem concursum ad nolitionem tantum illius objecti, sit cooperatio & concursus generalis ejusdem Dei ad contrarium actum, volitionem scilicet moraliter malam & peccatum. Inclinatio quippe & motio ad unum contrarium in particulari esse nequit cooperatio, per motio, & adjutorium, quin potius necesse est, ut impedimentum sit ad alterum contrarium. Præterea cum Deus inclinatione, directione & cooperatione illa solum intenderet nolitionem concubitus moraliter bonam, ex particulari vero influxu liberi arbitrii deflectente ab ea cooperatione ac directione sequatur contraria volitio moraliter mala, perpetam ex cooperatione illa colligitur, Deum intendere ac velle volitionem illam prædicti actus, quæ est materiale peccati, & quam sua lege sub comminatione interitus æterni prohibet, nisi aliquo alio modo, aliove peculiari influxu velit ad eam concurrere, ex hypothesi quod, qui ita operatur, deflectere velit ab illo alio priori generali concursu, quod ad bonum solum dirigebat, inclinabat, ac permovebat, ut exempla de eo, qui tempestate coactus projicit merces in mare,

mare, & qui negotiando voluntarie amittit duo, ne perdat quatuor, videntur innuere. Etenim hi diversimode operantur ex hypothesi majoris mali imminuentis.

Secundum vero non dabunt, nempe neque illum, neque alium concursum generalem recipere. In primis, quoniam tunc concederent actionem realem causæ secundæ, volitionem videlicet illam concubitus, produci sine concursu generali Dei, quod est plus quam periculosum in fide. Deinde quia si nulla sit motio, inclinatio, & directio Dei per concursum generalem in contrariam ejusdem objecti volitionem, intelligi nequit defectio ab ea motione & directione Dei, eo pacto, quo discipulus suo proprio influxu a magistri motione & directione deflectit ad malos characteres, aut eo pacto, quo quis a summitate farris lapidem, suo pondere atque impetu recta deorsum tendentem, deflectit, eoque sua vi impressa utitur ad percutiendum illum, qui semperus a turri inferius fedit.

Si detur tertium, ut innuere videntur exempla de projiciente merces in mare, & de peridente voluntarie duo, ne perdat quatuor, nempe illum adjuvari novo concursu generali Dei dirigente ac movente in particulari ad volitionem concubitus cum non sua, quæ actus est moraliter malus ad peccatum, idque Deum efficere ex hypothesi, quod peccator uti non velit illo alio ad volitionem prædicti objecti, ut in majus ipsius bonum illi libertatem conservet eum ita adjuvando: tunc peto, vel ei, qui vult concubitus & peccat, Deus simul impendit duos concursus generales, unum, quo eum inclinet, dirigat & moveat ad nolendum ejusmodi objectum, eliciendumque proinde actum moraliter bonum, & alterum, quo, ex hypothesi quod non ita sed contrario modo vult operari, illum inclinet, dirigat & moveat ad illud idem volendum & peccandum: vel impendit illi tantum hunc secundum concursum generalem.

Primum nulla ratione videtur dicendum, tum quia ridiculum est, eum, qui consentit in actum peccati, simul moveri a Deo duobus concursibus generalibus, uno, quo inclinatur & dirigatur ad nolendum; & altero, quo dirigatur & adjuvetur ad volendum: tum etiam, quoniam in eo eventu daretur in rerum natura actio & concursus Dei genera-

lis sine effectu & actione causæ secundæ, ad quam est adiutorium & cooperatio, quod est contra communem omnium sententiam.

Secundum etiam affirmari non potest. Primo, quoniam tunc intelligi non potest defectio ab inclinatione, motione & directione Dei per concursum generalem, abususque talis concursus, eo modo, quo discipulus motione magistri abutitur, ab eaque ad malos characteres deflectit, si is, qui in concubitus consentit, nunquam a Deo accepit motum, inclinationem ac directionem in contrarium, sed solum in consensum in talem actum peccati. Secundo, quia si hic solum a Deo movetur, dirigetur & inclinatur ad volitionem concubitus in particulari malam moraliter, non video, quomodo Deus non sit causa peccati. Tercio, quoniam juxta opinionem eorum, cum quibus disputamus, homo ille neque volitionem prædicti actus, neque volitionem potest elicere, nisi a Deo præveniatur & permoveatur ac dirigatur per concursum generalem ad unum vel alterum eorum in particulari: quare si vult fornicari, præventus fuit a Deo concursu generali ad talem actum accommodato, nunquamque recepit contrarium motum & concursum. Unde non prius fuit hunc sua nequitia velle peccare, quam Deum illo modo eum movere & adjuvare, sed e contrario, ac proinde collatio talis concursus eo modo dirigentis, & adjuvantis, non fuit ex hypothesi, quod ille sua libertate & nequitia vellet peccare. Ut enim disputatione 29 adversus Antonium Cordubensem argumentabamur, determinatio voluntatis ad alteram partem contradictionis, cum actio & influxus sit voluntatis, esse nequit sine concursu generali Dei, ac proinde si a qualitate concursus generalis Dei pendet qualis futura ea sit, priusque est Deum movere per suum concursum voluntatem, eamque per illum determinari, quam ea seipsam determinet, profecto prius est Deum statuere conferre illi talem, vel talem modum concursus generalis, quam præscire ad quam partem illa sit determinanda, ac proinde modus conferendi illi generalem concursum non erit ex hypothesi & præscientia, quod voluntas sua libertate & nequitia se ipsam in actum moraliter malum sit determinatura, & quod uti non velit concursu Dei generali ad actum bonum. Quarto, ex eo

quod homo ille uti non velit concursu generali ad nolitionem actus mali, non sequitur eum velle illo abuti ad malam volitionem, cum suspendere possit omnem actionem, & neque velle, neque nolle: ergo ex sola prævisione, quod non velit eo uti ad nolitionem actus peccandi, non sequitur illum præveniri, permoveri, ac dirigia Deo per concursum generalem ad volitionem illam malam moraliter.

Hac itaque opinione impugnata, ut ad eorum seriem revertamur, quæ præcedentibus disputationibus addenda censebamus, octavum in ordine sit hoc. Licet ex capitibus explicatis bona opera nostra moralia, etiam mere naturalia, in Deum, tanquam in naturæ autorem, primamque rerum omnium causam, referenda sint, mala autem nostra opera non in Deum, tanquam in causam, sint referenda, sed in nos ipsos, qui nostra libertate & nequicia arbitrio nostræ & concursu Dei generali ad ea abutimur, ac quæ ab autore naturæ collata nobis non sunt; nihilominus si liberum arbitrium & concursus Dei generalis ea ratione spectentur, qua ad bonum & malum ipsorum usum, ad bonumque ac malum actum morale indifferencia sunt, simulque attendatur in nostra potestate situm esse, uno aut altero modo eis uti, ut ea ratione virtutis, laudis, ac præmii capaces simus, a nostroque libero influxu in unam aut alteram partem provenire, quod illis bene utamur, operaque eliciamus moraliter bona, vel illis abutimur & eliciamus opera moraliter mala & peccata; sane quod bene aut male ea opera exerceamus, quæ per solam arbitrii nostri facultatem, & concursum Dei generalem possumus efficere, in nos ipsos tanquam in causam particularem ac liberam, & non in Deum est referendum. Atque hoc est, quod tum alii patres docent interdum, tum Justinus martyr in responsionibus ad Christianos de necessariis quæstionibus in responsione ad octavam sequentibus verbis aperte docet. Quæstio octava erat: Si boni ac mali, itemque status notitiam a Deo accipimus, qui sit, ut utriusque causa non sit is, qui utriusque & notionem & vim illorum explendorum causa naturæ quasi inservit? Sequitur Justinus explanatio seu responsio: Deus non solum eam vim nobis dedit, ut essemus, bonumque & malum cognosceremus

atque faceremus, sed etiam liberam arbitrium nobis concessit, potestatemque fecit eligendi id quod videretur pro eorum quæ cognoscuntur præpositione: neque virtutem, aut vitium nostrum in cognitione eorum, quæ cognoscuntur, posuit, sed in electione eorum, quæ deliguntur. Non igitur causa est Deus virtutis nostræ ac vitii, sed propositum nostrum & voluntas. Ut enim qui scortum videt, ac scortum esse scit, ex scientia illa & cognitione scortorum non est; si vero motui assentiatur voluntas, tum denique est scortorum, vel opere, vel affectione: sic etiam non est cognitio cur boni & mali sint homines, sed voluntas, quæ ex præpositione eorum, id quod videtur secuta est. Hactenus Justinus. Quibus verbis virtutem nostram & vitium, non in Deum, quia vires, quibus ea exerceamus, notitiamque naturalem vitii ac virtutis nobis tribuit, sed in nostrum arbitrium nosque ipsos, qui libere in unam aut alteram partem illud flectimus, tanquam in particularem ac propriissimam eorum causam docet esse referenda.

Nonum est: Deus opera nostra bona moralia, quæ a cooperatione libera nostri arbitrii, & non a solo concursu Dei generalis pendent, ut existant, vult in primis voluntate conditionata, si & nos pro nostra libertate ea velimus; eo pacto quo vult omnes homines salvos fieri, si & ipsi velint. Prævidens vero, quæ eorum pro nostra libertate sint futura, complacet in illis, vultque absoluta voluntate ut sint.

Decimum: Opera nostra moraliter mala vellet Deus, ut non essent, si & nos pro nostra libertate ea vellemus, eaque prohibet & detestatur. Licet autem præstare velit suum generalem concursum indifferenter ex se ut sint vel illa, vel contraria opera bona, ut nos pro nostra libertate maluerimus, atque adeo indifferenter, & esse velit universalis causa quarumvis realium actionum & effectuum quasi in confuso, quos nos voluerimus, eo quod ita ad nostrum meritum ac libertatem expedit: quia tamen actiones inde non habent, quod sint ejus speciei realis, quam ipse prohibet, & quæ adjunctam habet rationem peccata, puta quod sint volitio accessus ad non suam, potius quam nostram, neque Deus per suum concursum universalem ad volitionem talis actus inclinat, aut dirigit, vel eam intendit,

Nostra bona opera quæ ab arbitrio nostro pendent, voluntas conditionata, si & nos pro nostra libertate ea velimus.

intendit, sed quod sit ea potius, quam nolito, provenit solum ex peculiari nostro libero influxu, quo & arbitrio nostro, & generali Dei concursu ad id volendum abutimur, ad quod non sunt nobis a Deo collata, inde efficitur, ut Deus malorum nostrorum operum in particulari non dicatur causa simpliciter, sed cum hoc addito diminvente, universalis, eam actionem causalitate sua & universali concursu minime intendens, minimeque ad eam speciem determinans, ac proinde cujus neque ullo modo esset universalis causa, si per arbitrium nostrum eam actionem intendens, & contra suam legem ac voluntatem conditionatam concursum Dei generalem ad eam speciem determinans, non obstaret. Atque inde etiam est, ut Concilium Trident. sess. 6 canon. 6 damnet assertionem quæ habet, Deum mala opera, ita ut bona, operari, non permissive solum, sed etiam proprie & per se. Etenim species actionis malæ non est a Deo per suum influxum, sed a particulari libero nostro influxu, Deo illum nobis permittente, ut insitam nobis libertatem, utpote ad meritum necessariam, actionumque nostrarum dominium conservet.

Undecimum. Naturalis bonitas actus mali moraliter ac materialiter peccati, eatenus in Deum tanquam in naturæ autorem, primamque rerum causam reducit, quatenus contulit facultatem arbitrii, a qua emanat, peccatore illam inficcientem ad id, ad quod collata non est, & quatenus non denegat peccatori concursum suum generalem ad eam naturalem bonitatem necessariam, quo etiam peccator ad id abutitur, ad quod ei a naturæ autore non impenditur. Licet autem Deus prævidens actum illum malum nequitia & abusu, peccatoris futurum, & arbitrium illi contulerit, & concursum suum generalem libere illi impendar, atque adeo esse velit causam universalis illius actus modo paulo ante explicato, quia tamen neque eo fine, ut sit talis actus, arbitrium illi contulit, concursumque generalem illi impendit, neque vellet ut esset actus ille, si & peccator ipse sua libertate ita vellet; consequens profecto est, ut Deus, neque ut naturæ autor, neque ut legislator, intendat, aut velit actum, in quo est naturalis illa bonitas, sed potius eum prohibeat, ac detestetur, cum de quocunque opere malo id vere dici possit, quod Deus ipse

Apoc. 2 dixit. Quia odisti facta Nicolaitarum, quæ & ego odi. Non ergo Deus vult ut actus ille sit, sed solum in majus bonum vult permittere, ut ex nequitia & abusu peccatoris ab arbitrio libero, quod ille contulit, emanet ac profluat.

Exponuntur nonnulla scripturæ testimonia, quæ sonare videntur, Deum esse causam peccati.

DISPUTATIO XXXIV.

Supereest exponamus nonnulla loca Scripturæ sacræ, quæ primo aspectu sonare videntur, Deum esse causam peccati. Ad quorum intelligentiam sciendum est, interdum culpam unam poenæ esse alterius præcedentis culpæ. Ad Romanos enim primo cum præmississet Paulus culpam idololatriæ Philosophorum, addidit: Propter quod tradidit illos Deus in desideria cordis eorum, in passionem ignominie, in reprobum sensum, ut faciant, quæ non conveniunt, repletos omni iniquitate, &c. Interdum etiam licet poenæ, qua aliquis a Deo puniatur non sit culpa, infligitur tamen interventu culpæ alterius peccatoris, qui injuste alium affligit. Quo pacto licet rebellio Absalonis, & ejusdem adulterium, cum uxoris patris commissum, gravissima fuerint crimina, ea tamen via punivit Deus adulterium Davidis cum Bersabee, & homicidium Uriæ, ut ex 2 Regum cap. 12 constat. Sæpe etiam permittit a tyrannis vastari regna propter peccata incolarum. Licet ergo justum sit & sanctum infligere peccantibus condignam poenam, eaque ratione Deus autor esse possit malorum poenæ, juxta illud Amos 3: Si erit malum in civitate, quod Dominus non fecerit? Et illud Isaïæ 45. Ego Dominus creans malum: attamen non solum quando una culpa est poena alterius culpæ ejusdem peccatoris, sed etiam quando poena infligitur interventu culpæ, Deus punit permittendo solum eas culpas, nec in eas influit, quam per concursum generalem, quo peccatores in suam, aut simul etiam aliorum permittit, suo proprio influxu Dei generalem concursum ad peccata determinando, abutuntur.

Canus 2 de locis eap. 4, in responsione ad quintum & ad septimum ait: Quando in eodem motu actio est mala, passio non item,

Culpa una interdum est poena alterius culpæ.

Deus quo poenâ poenat permittendo peccata.

Naturalis bonitas actus mali moraliter ac materialiter peccati, eatenus in Deum tanquam in naturæ autorem, primamque rerum causam reducit.

Deum tunc non esse quidem auctorem actionis, sed eam duntaxat permittere: esse tamen autorem passionis cum ea conjunctæ, ita ut passio non solum permittatur a Deo, sed vere ab eo sit. Sententia hæc non videtur vera. Passio namque non aliter efficitur, nec est ab

Refiliatur

Actio si non sit Deo auctore, neque passio. Cum actio mala non possit esse volita a Deo: passio non mala quo minus possit.

agente, quam per actionem: quare si actio tunc non est a Deo, neque passio, quæ per eam inferitur, & quæ cum ea actione conjuncta est in eodem motu, erit a Deo. Hoc illi libenter concederem, actionem moraliter malam non posse esse volitam a Deo, sed permittam duntaxat, volitamque illius permissionem: at vero passionem bonam, quæ actionem illam malam comitatur & sequitur, posse a Deo esse volitam patienti, posita actione mala, quæ ab agente inferitur. Quando enim Deus permittit, ut unus propter sua delicta interficiatur ab alio injuste, nulla ratione velle potest, ut occidens interficiatur, sed permittit id duntaxat potest: at posita nequitia injuste interficientis, velle potest, ut interfectus patiatur talem occisionem, ob sua crimina, eaque de causa eam actionem malam permittit.

Permissa duntaxat a Deo qua ratione dicantur in scripturis ab eo fieri.

Sciendum est deinde, phrasin consuetam Scripturæ sacræ esse, quæ Deus permittit, maxime si in poenam vel ejusdem, vel alterius ea permittat, aut in aliquem peculialem finem ac bonum, Deo quasi effectori tribui, non quidem positive & proprie, quasi in effectum influat, sed negative, tum quia cum impedire id possit conferendo alia, aut majora auxilia, id tamen justo judicio non facit: tum etiam, quia aliquando justo etiam judicio nobis sit de auxiliis, permittit occasiones ruinæ, & sunt demones acrius tentare, vel in poenam justam nostrorum peccatorum, & interdum simul alienorum, vel ad examen & probationem justam quorundam, quorum lapsus, dum prævidet libera ipsorum voluntate futurum, ordinat quoque in poenam justam aliorum, aut in alium optimum finem, gratia cujus illum permittit: adeo enim bonus est, ut nulla ratione permitteret mala, nisi inde elicere intenderet majora bona. Dum ergo Deus illis modis explicatis permittit aliqua mala in fines optimos, qui inde immediate resultant, interdum dicitur efficere fines ipsos, interdum vero mala & peccata unde resultant, non positive in hæc influendo, sed modis jam expli-

catis in eosdem fines ac effectus ea permitiendo. Quare non est autor peccatorum, quæ ita dicitur efficere, sed prævisor, permissor, & provisor, qui ea sua ineffabili atque infinita sapientia & providentia in optimos fines ordinat ac permittit.

Juxta hæc intelligenda sunt varia loca Scripturæ. In primis enim petio illa, quam Christus Matth. 6 nos docuit: Et ne nos inducas in tentationem; cum verbis Jacobi disputatione 31 relatis non pugnat: hunc quippe habet sensum: Ne nos inducas, id est, induci permittas, in tentationem, cui succumbamus, sed vel tentationes a demone, aut aliunde nobis imminentes, arce, vel eas vires suggere, quibus prævides nos non ruituros: quod innuunt verba, quæ subjungit: Sed libera nos a malo.

Illud secundum Regum 12: Ecce, ego suscitabo super te malum de domo tua, & tollam uxores tuas in oculis tuis, & dabo proximo tuo, & dormiet cum uxoribus tuis in oculis solis hujus; intelligitur permittendo Absaloni filio tuo, ut hæc omnia, tum a demone, tum a consiliario suo incitatus, opere complectatur, denegandoque illi majora auxilia, per quæ, si tribuerentur, talia peccata devitaret. Hac, inquam, via suscitabo illum, ut puniam te & affligam propter peccata tua. Præscius quippe sum, illum cupiditate regnandi accensum sua libertate & nequitia lus omnibus flagitiis contaminandum: quare in delictis tuis puniendis utar peccatis illius, quæ impedire poteram, & propter tua demerita non impediam. Quo loco obiter notandum est, solere Deum filiorum peccata, imo etiam eorum æternam damnationem permittit, ut parentum delicta puniantur. Nec enim minus Filiorum punitus a Deo fuisse videtur David per ruinam spirituales, & æternam damnationem, quam verisimile est Absalonem incurrisse, quam per injurias ab eo acceptas, ut ex planctu & lamentatione Davidis, ob miserandam Absalonis interitum, licet colligere.

Quod ad locum illum tertii Regum 12 attinet, Non acquievit rex populo: quoniam aversatus fuerat eum Dominus, ut suscitaret verbum suum, quod locutus fuerat, &c. In primis non videtur condemnandus peccati Roboam, quod nihil voluerit remittere populis de tributis, quæ Salomon pater ejus illis imposuerat. Quare esto Dominus positive cum

Filiorum peccata, & damnationem per meritum Dei ob parentum flagitia.

cum fuerit averſatus, ne veller remittere partem aliquam tributorum, ut ea ratione juſte puniret in filio delicta patris, ſicut antea promiſerat, non ſequitur, Roboam ad aliquod peccatum a Deo impulſum fuiſſe. Neque enim Scriptura narrat, a Deo motum fuiſſe Roboam, ut durum illud & imprudens ac contumelioſum reſponſum populo redderet, juxta conſilium ab adoleſcentibus datum, qua in re peccaſſe videtur: ſed ſolum quod iuſerit eum Dominus averſatus, ne petitioni populi conſentiret. Adde, averſionem illam Deo tribui negative, quatenus ut puniret juſte in filio delicta patris, noluit majoribus auxiliis emollire cor ejus, ut ſanum conſilium ſeniorum, ſicut poterat, amplecteretur: innataque cupiditas regibus, opum, potentia, ſplendoris domus, munificentia, tum etiam ut nulla in re inferiores ſint parentibus ſuis, per ſe ipſa Roboam poterant inducere, ut libere, nemine alio impellente, petitionem populi repelleret. Neque motionem aliam addidiſſe videtur Dominus, qua eum averſaretur, ſed tantum denegaſſe illi majora auxilia, quae minime denegaſſet, ſi delicta Salomonis non preceſſiſſent.

Illud Pſalmi 104: Convertit cor eorum (Aegyptiorum ſcilicet) ut odirent populum ejus, & dolum facerent in ſervos ejus; ſimili modo intelligendum eſt negative, non comprimendo videlicet damnum, ne Aegyptios contra filios Iſrael incitaret, neque Aegyptiis majora auxilia tribuendo, quibus ab injuriis inferendis eos contineret, ne pro ſua libertate innatum appetitum, emulationem atque odium in populum linguae ac ritus ſocietate maxime diſjunctum concitandi atque inſitam cupiditatem alios in ſuum commodum opprimendi, ſequerentur. Quia enim Deus optimo fine propoſito peccata Aegyptiorum permixtum ut exereceret & probaret patientiam populi ſui, tum vel maxime ut gravior ab Aegyptiis afflictus perciperet egreſſum, & pluriſ faceret beneficium liberationis de tam dura ſervitute in tantum eorum ſpirituale bonum, quantum in admirabili ſynagoga futura fundatione moliebatur, ideo convertiſſe dicitur cor eorum, ut odirent populum ejus, ut ea loquendi forma filii Iſrael intelligerent, divino conſilio in ſuum bonum id effectum eſſe, non quidem Deo Aegyptiorum peccata operante, ſed in illum duntaxat

finem ea permittente atque ordinante. Deſcantantur enim eo in Pſalmo eximia beneficia illi populo a Deo collata, ordoque divinae providentiae in eundem populum deſcribitur, quo in laudem Dei & gratiarum actiones magis excitantur.

Illud ad Romanos 1: Propter quod tradidit illos Deus in deſideria cordis eorum, in paſſiones ignominiae, & in reprobum ſenſum; maniſeſte patet non innuere actionem aliquam Dei, qua ad id moverentur aut impellerentur, ſed ſolum relictos fuiſſe deſideriis & pravis ſuis inclinationibus, permiſſosque eſſe incidere in reprobum ſenſum, Deo propter illorum demerita ſpecialius non opitulante. Praeterea peccatoris obdurationem aut excecationem, jam ſupra diſputatione 10 cum Auguſtino oſtenſum eſt, non fieri Deo duritiam aliquam aut cecitatem peccatori apponente, ſed eum majoribus auxiliis non emolliente atque illuminante. Id quod, quotquot Patres ea de re loquuntur, etiam docent.

Illud ergo Iſaiae 63: Quare errare nos feciſti de viis tuis, Domine? cum Propheta ipſe, nullis aliis interjectis verbis, ſubjungat, induraſti cor noſtrum, ne timeremus te; ſatis docet in eo ſenſu, Deum ſeciſſe eos errare de viis ſuis, quod majoribus potentioribusque auxiliis non emolliſſet corda eorum, ut timeretur ab eis. Qui locus Scripturae confirmat nonnullas expoſitiones ſimilium locutionum, quarum aliquas tradidimus, & nonnullas etiam ſubjiciemus.

Illud Jobi 12: Immutat cor principum populi terrae, & decipit eos, ut fruſtra incedant per invium. Paſpabunt quaſi in teſtebris & non in luce, & errare eos faciet quaſi ebrios; ſimilem cum ſuperioribus locis jam explicatis habet intelligentiam. Dum enim deſideriis noxiis pernicioſisque conſiliis principes duci ſinit ob ipſorum, aut populi peccata, aut alio occulto, juſto tamen judicio, neque majoribus illuſtrationibus & auxiliis ea mala impedire vult, dicitur corda eorum immutare, eos decipere, facereque eos errore quaſi ebrios.

Illud ſecundae ad Theſſalonic. 2: Eo quod caritatem veritatis non receperunt, ut ſalvi fierent, ideo mittet in illis Deus operationem erroris, ut credant mendacio; luce clariſ conſtat, intelligendum eſſe de immiſſione operationis erroris juſto Dei judicio in poenam

nam delictorum hujus seculi permiffa, non positive immiffa. Est enim ibi fermo de Antichristo, de quo dicitur: Cujus est adventus secundum operationem Satanæ, in omni virtute, & signis mendacibus, & in omni seductione iniquitatis iis, qui percutunt. Et protinus subjunguntur verba illa: Eo quod caritatem, &c. Quare operatio illa erroris, quam Deus immittet, non est alia, quam seductio, quæ futura est per Antichristum, cujus adventus non erit secundum operationem Dei, sed secundum operationem Satanæ, ut ibi dicitur, quam Deus propter delicta hujus seculi permittet. Quo fit, ut etiam locus hic Scripturæ, expositiones similium locorum hæcenus traditis confirmet. Justo vero judicio ob insolentiam, & alia crimina alijus peccatoris, & ob delicta, aut in examen & probationem aliorum, instigante simul Satana, permittit Deus similes operationes errorum, licet admodum raro in signis mendacibus, ut in variis hæresum incendiis toto decursu Ecclesiæ exortis manifestum est.

*Permissio
quo Deus
minus pec-
catum per-
mittit, ut
alterum
possit, in-
terdum in
modum
precepti ex-
primitur.*

Præter ea, quæ supra dicta sunt, illud etiam ad intelligenda quadam alia loca Scripturæ notandum est: Permissionem, qua Deus permittit peccatum unius, ut alterum puniat, interdum ad modum præcepti a Deo injuncti exprimi in sacris literis, cum tamen solum sit mera permissio. Ut enim habetur 3 Regum 22 interroganti Deo: Quis decipiet Achab? egressus spiritus dixit: Ego decipiam illum. Cui Dominus: In quo? Tunc ille: Egrediar, & ero spiritus mendax in ore omnium prophetarum ejus. Et dixit Dominus: Decipies, & prævalebis; egredere, & fac ita. Narrataque visione illa prophetica sibi ostensa, addidit Michæas: Nunc igitur ecce dedit Dominus spiritum mendacii in ore omnium prophetarum tuorum, qui hic sunt, & Dominus locutus est contra te malum. In quibus verbis, illud verbum, Egredere, & fac, quod effigiem habere videtur imperii, idem valet, quod, id tibi permitto, & liberum facio, in poenam peccatorum Achab. Et verba illa: Ecce dedit Dominus spiritum mendacii, intelliguntur, permittendo ut Satanas transfiguraret se in Angelum lucis, ad decipiendos prophetas: per visionem namque istam Michææ ostensam describitur, tum consilium divinum, non cum Angelis malis, sed apud ipsummet Deum habitum, tum Angelorum,

sive illi boni sive mali sint, obtemperatio atque servitus, qua ab arbitrio & voluntate Dei per omnia pendat, tum denique promptitudo diaboli transfigurantis se in Angelum lucis ad decipiendos homines, si ei permittatur, & promissio, qua eidem Deus in poenam Achab permittit, ut prophetas illos eluderet. Quando vero Michæas dixit Achab: Ascende & vade prospere, & trader Dominus in manus regis; ironice locutus est. Sicut & Dominus dum ad Adamum dixit: Ecce, Adam quasi unus ex nobis factus. Quod animadvertens Achab ex ipsa verborum pronuntiatione, addidit: Iterum atque iterum. adjuro te, &c.

Ad eum etiam modum, quo deceptio Achab per prophetas falsos solum fuit a Deo permittente, a demone autem suggerente, intelligendum est illud Ezechielis 14. Homo qui posuerit immunditias in corde suo, &c. venerit ad prophetam, interrogans per eum me: Ego Dominus respondebo ei in multitudine immundiciarum suarum, ut capiat &c. Et infra: Ego Dominus decepi prophetam illum, permittens nempe in poenam justam interrogantis, ut deciperetur.

Multo apertius permissio Dei exprimitur nomine præcepti 2 Regum cap. 16, ubi de Semei, conjiciente maledicta in Davidem, dum Absolonem fugeret, dixit David: Dominus præcepit ei, ut malediceret David, & quis est, qui audeat dicere, quare sic fecerit? Et infra: Dimitte eum, ut maledicat juxta præceptum Domini. Cernens enim David illud etiam permissum esse a Deo in poenam suorum delictorum, decretum divinum, quo permittere statuit peccatum Semei ad punitionem Davidis, appellat præceptum Domini. Quasi diceret, a Deo est illa maledictio ministerio Semei in poenam meorum delictorum, a Deo, inquam, non incitante, sed permittente, suaque providentia dirigente & utente maledictione illa in poenam meam. Unde satis reputavit se Deo subjicere, & contumeliam illam æquo animo ferre, quam contra Semei commoveri. Lege Bernardum Sermone 34 in Cantica.

Simili quoque expositione utendum est in explicandis quibusdam locis, quæ D. Augustinus recenset lib. 5 contra Julianum cap. 3. Et de gratia & libero arbitrio cap. 20 & 21. Ac licet Augustinus eisdem in locis satis aperte doceat,

*Sciti
tollent
ram e-
gentia
Deus
necessi
natur
agere.*

doceat, Deum non esse causam peccati: & præterea negandum non sit Deum solere interdum immittere peccatoribus timorem, aut alium motum, ne ea effugiant, quæ in eis, non culpæ, sed pœnæ rationem habent: contra vero iis, per quos ab eo puniuntur, solere tribuere vires & audaciam, quibus & bene & male uti possunt, cum tamen prævideat ejusmodi rebus eos abusu ad peccata atque in perniciem aliorum, quos Deus punire intendit: nunquam tamen concedendum erit, eos vel moveri vel impelli a Deo ad talium peccatorum actus, quod ex iis, quæ hæcenus docuimus, satis manifestum est. Nescio tamen, utrum Augustinus (qui aliis in locis, quæ partim hac disputatione, partim disputatione 10 citavimus, nobiscum omnino consentit) contra Julianum, & de natura & libero arbitrio locis citatis, aliquid amplius velit: quod plane vel admittendum non est, vel ex aliis locis ejusdem Patris pie erit exponendum.

Utrum si Deus ex necessitate naturæ eo præcise modo cum libero arbitrio & aliis causis secundis ad opera naturalia influeret, quo re ipsa nunc libere influit, tolleretur contingentia rerum.

DISPUTATIO XXXV.

Scotus in primo, dist. 2 q. 2 & d. 8 q. 5 & d. 39 & in secundo, d. 1 q. 3 ait: Si Deus ageret necessitate naturæ, nullum fore effectum contingentem, sed omnia eventura necessario. Unde in secundo sententiarum q. 3 citata affirmat, philosophos asserentes, Deum agere necessitate naturæ, & nihilominus esse effectus aliquos contingentes, latenter asseruisse contradictoria. Quo loco animadvertendum est, non id solum voluisse Scotum, quod si Deus ponatur omnipotens, hoc est, potens facere singula, quæ contradictionem non implicant, ut fides catholica docet, & simul ponatur agere necessitate naturæ, sequenter contradictoria: id enim verissimum est, quia darentur infinita actus, exhauriretur divina potentia, fierent pugnantia inter sese, cum ad singula, ut seorsum fiant, habeat potentiam; si vero ageret necessitate naturæ, efficeret omnia ea simul, &c. sed etiam voluisse, quod si universum hoc esset tale, quale modo est, eodemque influxu,

quo Deus re ipsa in eum libere modo influit, influeret necessitate naturæ, tolleretur omnino contingentia rerum, eaque de causa affirmat, Philosophos latenter asseverasse contradictoria, cum & Deum agere ex necessitate naturæ, & contingentiam multorum effectuum asseruerint. Porro hanc fuisse sententiam Scoti, tum ex verbis ipsius, tum ex rationibus quibus eam confirmat, est manifestum; in eoque sensu rejiciunt eam Cajetanus hoc loco, & infra q. 19 art. 8 & alii discipuli D. Thomæ, & in eodem sensu eam defendunt Antonius Cordubensis lib. 1 quaestionum Theologicarum q. 55 dubio 4. Lycherus & alii discipuli Scoti.

Probat Scotus suam sententiam primo, *Exat probat, si primo.* quoniam causa movens ut ab alia mota, si primo, necessario movetur, necessario movet: sed omnis causa secunda, etiam humana voluntas, movet ac operatur ut mota a prima, quippe quæ nihil nisi virtute primæ producat: ergo si necessario movetur a prima, necessario movet ac producit suum effectum. Si ergo ponamus causam primam, non libere, sed necessitate naturæ concurrere cum causis secundis, plane nullus effectus erit contingens, sed omnes evenient necessario.

Secundo, quoniam causa prima prius *Secundo.* natura respicit effectum, quam causa secunda: ergo si causa prima agit necessario & non libere, omnis effectus in eo priori habebit habitudinem effectus necessarii comparatione causæ primæ, a qua necessario producit, atque adeo nullus effectus erit contingens: quippe cum nulla ratione idem effectus simul habere possit habitudinem effectus necessarii, & contingentis, sive comparatione unius & ejusdem, sive comparatione alterius ac alterius causæ.

Tertio. Omnis effectus, qui producit *Tertio.* intervenientibus causis secundis, potest produci idem numero a solo Deo: sed tunc totam contingentiam habebit a solo Deo: ergo & modo, esto causæ secundæ simul concurrant, habet contingentiam suam a Deo: si autem ponamus, Deum agere necessitate naturæ, habere non poterit contingentiam comparatione Dei, a quo necessario producit: ergo si ponamus, Deum agere necessitate naturæ, contingentia rerum omnino de medio tolleretur.

Sententia hæc Scoti his tantum videtur *Scoti opinio* niti

quibus ni-
tatur fun-
damentis,
& quoniam sit
periculosa.

niti fundamentis, nempe, concursus Dei generalem cum causis secundis esse influxum, non immediate in effectum causarum secundarum, sed in ipsasmet causas, quo a Deo moveantur & applicentur ad producendum suos effectus. Influxumque illum esse causam efficacem, necessitatem imponentem causis secundis, etiam voluntati humanæ, ad operandum: & sufficientem ut etiam sine causis secundis produceretur idem effectus. Quæ omnia, ut Antonius Cordubensis dubio 4. citato ait, supponunt Scoti probationes. Quod si fundamenta hæc vera essent, plane radix & causa tota contingentia rerum esset sola libertas voluntatis divinæ ad operandum, ut locis citatis affirmat Scotus. Posito præterea, quod Deus necessitate naturæ concurreret cum causis secundis, eo ipso influxu quo re ipsa libere cum eisdem concurrat, tolleretur contingentia rerum, ut Scotus affirmat.

Cæterum datis his fundamentis, non video, quam ratione libertas arbitrii nostri salva maneat: quandoquidem, eis positis, a solo influxu Dei penderet quod operaretur, aut non operaretur hoc aut illo modo nostra voluntas. Neque etiam video, quam ratione concedi posset liberum arbitrium, saltem ex parte, seipsum agere: quod tamen ad rationem libertatis, dominive in proprias actiones, est necessarium. Imo neque video quem proprium influxum una cum causa prima haberent tunc causæ secundæ, sed vel Deus ad earum præsentiam efficeret ipsarum operationes, vel omnes, sive liberæ sive non liberæ, comparatione Dei haberent sese prorsus ut instrumenta artis, quæ solum habent aptitudinem ut artifex illis mediantibus operetur, totum tamen motum accipiunt ab artifice: quare opera omnia, cum aliarum causarum, tum etiam liberi arbitrii, tribuenda essent Deo tanquam illorum artifice: ipsis vero causis solum ut instrumentis ad id tandem a Deo aptatis, quod hæretici maxime contendunt. Unde plusquam periculosam existimo sententiam hanc Scoti ita explicatam, præsertim cum de fide sit liberum arbitrium nostrum, etiam a Deo motum & excitatum auxilio particulari gratia: prævenientis, posse pro sua libertate non sequi, sed repugnare motioni & ductui Dei. Verum ea satis impugnata relinquitur ex iis, quæ disputationibus præcedentibus dicta sunt.

Rerum con-
tingentia
salva man-
ret, licet
Deus eo
universali
concursu,
quoniam tunc
adhibet, ex
necessitate
naturæ in-
fluere.

Ad primum ergo Scoti, si solum agamus de concursu Dei generali, de quo solo videtur loqui, facilis est solutio ex his, quæ hæcenus dicta sunt. Quicquid enim sit de majori, neganda est minor. Concursus namque Dei generalis cum causa secundâ, non est influxus Dei in causam, sed in effectum una cum causa secundâ, ut explicatum est: quare causa secundâ non prius mota a Deo concursu generali producit effectum, sed influente simul Deo cum ipsa in effectum per concursum generalem, ut cum igne in calorem inducendum in aquam, producit effectum. Quæ solutio videtur esse de mente Cajetani hoc loco, & q. 19 art. 8. Quamvis enim videatur concedere Scoto, a causa prima moveri causam secundam per concursum generalem, ait tamen, motionem illam non esse propriam, quasi causa secundâ motionem aliquam præviam accipiat a prima: sed esse causam primam intime cooperari cum secundâ in effectum, quod non videtur esse aliud, quam intime, una cum illa, influere per concursum generalem immediate in effectum absque actione aliqua in causam. Quare solis verbis a nobis differre videtur. Imo & Scotus ipse in quarto, d. 1 q. 1 in responsione ad ultimum, nobiscum consentire videtur. Constituit enim discrimen inter instrumentum comparatione artificis, a quo movetur, & inter causam secundam comparatione primæ: quæ pender in productione sui effectus, quod instrumentum recipiat motum ab artifice, causa vero secundâ, quando producit suum effectum, nihil omnino de novo ab eo recipiat, sed solum Deus influit cum illa in effectum. Verba Scoti eo loco hæc sunt: Causam secundam agere in virtute alterius non est recipere tunc aliquid ab illo altero: sed tantum habere ordinem inferiorem ad illud alterum agens in suo ordine simul. Et paucis interjectis addit: Ex hoc patet, quod causæ primæ in causam secundam, quando simul agunt, non est influentia nova quæ sit creatio alicujus inharerentis causæ secundæ: sed influentia ibi est determinatus ordo istorum causarum in agendo effectum communem. Ad probationem minoris dicendum est, causam secundam dici nihil producere nisi virtute primæ: tum quoniam omnem vim, quam habet ad agendum, accepit mediate vel immediate a prima, atque ab ea immediate conser-

Ad primum
Scoti.

Gratia
preveniens
sic ac co-
munitis
motus
re arbitrii
necessitas
non impo-
nit, ut
ad Deum
concurrat

Ad
dum

Ad

conservatur: tum etiam quoniam, ut agat, indiget cooperatione causæ primæ per concursum generalem in eundem effectum.

Quoniam vero liberum nostrum arbitrium, motum prius tempore vel natura ac excitatum a Deo per auxilia gratiæ prævenientis & cooperantis, elicit opera naturalia quibus se ad gratiam gratum facientem disponit: atque quemadmodum libere a Deo sic motum, in potestate sua habet sequi motum Dei, elicereque ulterius, opera quibus se disponat ad gratiam, vel ea non elicere; ita esto a Deo agente ex necessitate naturæ eodem modo moveretur, liberum illi esset eadem opera elicere, aut non elicere, solvendum est argumentum Scoti quatenus confici posset ad probandum, quod si Deus necessitate naturæ conferret eadem auxilia gratiæ, quæ re ipsa libere confert, tolleretur contingentia operum, quibus nos ad gratiam gratum facientem disponimus. Atque ad maiorem illius argumenti dicendum tunc esset, causam, quæ movet ut ab alia motam; esto necessario moveatur, non tamen necessario movere, quando motus quem recipit, neque est tota, neque sufficiens causa ejus motus, qui ab ipsa emanare debet, sed adhuc ad eam necessaria est, tanquam pars causæ libera cooperatio & influxus causæ ita motæ, ut in re proposita cernitur. Quare, esto per impossibile Deus necessitate naturæ influeret eadem auxilia gratiæ, quæ re ipsa libere confert, maneret nihilominus libertas in voluntate nostra, ut auxiliis illis cooperaretur, aut non cooperaretur, atque adeo contingentia in operibus, quibus se ad gratiam disponderet.

Ad secundum neganda est major. Solum enim respicit effectum, ut causa universalior inter efficientes, cujus influxus indifferens est, ut sequatur effectus huius potius rationis, quam alterius pro ratione influxus causæ particularis qui accesserit. Neque effectus prius tempore, aut natura, a causa prima, quam a secunda emanat, sed ab utraque simul tanquam ab una integra causa simpliciter: cum neutra, per eum præcisè influxum quo re ipsa influat, sit satis ut sine altera effectum producat.

Ad tertium neganda est major, si velit, omnem effectum, qui producitur intervenientibus causis secundis, posse produci a solo Deo influente præcisè per eum influxum, quo

concurrit cum causis secundis, quasi ille solus, sine interventu causæ secundæ, ad productionem cujusque sufficiat. Si vero nihil aliud velit, quam posse produci a solo Deo, influente tamen per alium maiorem influxum, concessa majori & minori, neganda est prima consequentia, si in consequente velit, habere contingentiam illam a solo Deo. Habet namque illam comparatione etiam causarum secundarum, atque ita comparatione earum, ut etiam si per impossibile Deus ageret ex necessitate naturæ per solum concursum generalem, quo cum causis secundis influat, maneret nihilominus contingentia in rebus ratione causarum secundarum duntaxat. Cum enim Deus, solo concursu generali influens, & causa secunda sint una causa integra effectus causæ secundæ, neutraque sine altera ad ejusmodi effectus productionem sufficiat, utique sicut in syllogisticis ratiocinationibus, quoniam conclusio inferitur ex utraque præmissa, & non ex altera tantum, satis est alteram præmissarum non esse necessariam, ut conclusio esse possit non necessaria: ita quando duæ causæ concurrunt ad producendum eundem effectum, quarum neutra sine altera sufficit, satis est unam earum non agere ex necessitate naturæ, siue ea sit causa prima siue secunda, ut effectus non oriatur necessarius, sed contingens, ratione alterius partis causæ quæ non necessario agit.

De multiplicibus auxiliis particularibus, & quæ eorum peculiariter auxilia gratiæ dicantur.

DISPUTATIO XXXVI.

Explicavimus hætenus concursum Dei generalem, & quo pacto cum libertate arbitrii consentiat, idem deinceps circa particularia auxilia, quibus ad spirituales salutem vitamque æternam adjuvamus, præstandum est. Ea vero multiplicia sunt & varia: quamvis autem omnia, quatenus gratis a Deo impenduntur, æternæque ipsius providentiæ præordinantur & præparantur, nomen gratiæ sortiri possint; ea tamen sola auxilia gratiæ præcipue appellari consueverunt, a quibus opera nostra habent, quod ordinis sint supernaturalis, & quæ vel tanquam dispositiones ad gratiam gratum facientem, vel ad incrementum illius, meritumve

vitz æternæ, ad sempiternam conferunt felicitatem. Quo fit, ut neque externa prædicatio verbi Dei, promulgatioque Evangelii, neque oburgationes ac exhortationes, sive hæc omnia verbo, sive scripto fiant, neque denique conatus totus Ecclesiæ, quo vel in adducendis hominibus ad fidem, vel in eis permonendis ad poenitentiam, aut in conservandis, ac promovendis filiis suis laborat, nomine auxilii gratiæ, comparatione eorum qui talibus mediis ad spiritualem salutem adjuvantur, sint intelligenda, ut de auxiliis gratiæ in sequentibus disputationibus erit nobis sermo. Imo neque miracula ipsa, donum prophetiæ, genera linguarum, sermo scientiæ, sermo sapientiæ, & alia gratiæ aliquibus de Ecclesiæ gratis in aliorum utilitate collata, computanda sunt inter auxilia gratiæ, ut de eis nunc loquimur, comparatione eorum, qui ad fidem, vel ad poenitentiam per ea dona adjuvantur. Neque item inspirationes cogitationesve piæ, ab Angelis sanctis absque alio speciali auxilio Dei excitatæ, terroresque aut alii affectus ab eisdem commotione humorum corporis atque spirituum animalium similiter excitati, quibus ad bonum allicimur, & a malo deterremur, sunt inter auxilia gratiæ, ut modo loquimur, referenda: sicut neque compressio illa, quæ dæmonem coercent, ne nos impugnet, contrariasque cogitationes, atque affectus excitet. Etenim quamvis hæc omnia, & alia his similia, peculiararia auxilia sint, quæ liberum arbitrium adjuvant, tum ut in officio pro sua libertate se contineat, tum etiam ut præsentæ auxilio gratiæ pressè sumpto, coope- retur opera supernaturalia, quæ ad sempiternam felicitatem modo paulo ante explicato spectent: quia tamen, neque singula neque omnia simul sumpta, satis sunt, ut absque alio auxilio Dei aliquid efficiat, quod ordinem gratiæ ex eo attingat, quod supernaturalis sit prædicto modo, ad sempiternamque conferat felicitatem, appellari non merentur auxilia gratiæ pressè sumpta, quomodo ea hoc loco accipimus.

Advertendum tamen est, ejusmodi auxilia particularia comprehendendi in auxilio illo quotidiano, quo disputatione 14 membr. 3 disput. 17 & sequentibus dicebamus viros iustos indigere, ut diu in accepta iustitia perseverent. Etenim auxilium illud, ut eisdem

in locis dicebamus, non est simplex, quod semel tantum impendatur, sed multiplex, quo per temporis spatia varie nobis Deus subvenit, ne in lethale peccatum ruamus, nunc hostem comprimendo ne impugnet, nunc timorem aut alium pium affectum, variis modis excitando, nunc auxiliis gratiæ propriè dictæ liberi arbitrii vires augendo, variisque aliis modis opitulando. Quare quo auxilium quotidianum ex pluribus, potentioribus ejusmodi auxiliis coalescit, eo pauciora auxilia gratiæ in eo sufficient ad deum iustitiam semel acceptam conservandam.

Quia ergo facile cuique erit manifestum, quonam pacto libertas arbitrii nostri cum iis particularibus auxiliis consentiat, quæ inter gratiæ auxilia peculiariter non abnumerantur: eo quod talia auxilia fere solum sint, vel remotiones tentationum & impedimentorum, quo facilis libera nostra voluntate ad Deum accedamus, viamque mandatorum illius curramus, vel quasi suasiones, & invitationes ad id, quæ proinde auxilia liberum nostrum assensum, accessum, & cursum relinquunt, sequentibus disputationibus solum nobis erit sermo de iis auxiliis, a quibus actus credendi, sperandi, diligendi, aut penitendi, quibus adultus libere se ad gratiam gratum facientem disponit, habent, quod supernaturalis sint, & quales ad salutem oportet, tanquam dispositiones ipsi justificationis dono commensuratæ ac accommodatæ; nec non de iis auxiliis quibus similia opera post justificationis donum adeptum, exercentur. Quamvis autem magna ex parte disput. 8, 9 & 17 explicata sint, neque illa sint hoc loco repetenda, aliquid tamen est addendum, ut vis & qualitas horum auxiliorum, ordoque ac influxus totus Dei nobiscum ad eas actiones plenius intelligatur, fiatque magis perspicuum, quantum actiones illæ a libero arbitrii nostri influxu pendeant, eique tribuendæ sint, & quo pacto nostra libertas in illis exercendis cum ejusmodi gratiæ auxiliis, divinoque ad easdem actiones influxu consentiat. Lectorem autem precor, ut pendulum patiatur intellectum, quousque re hac difficili per partes variis disputationibus paulatim explicata, tandem seriem totam divini influxus ad has actiones, simulque cooperationem nostram, nec non quid ad unamquamque earum conferant in particulari auxilia

*Auxilium
quotidia-
num, quo
ad perseve-
randum in
gratia indi-
gemus, quæ
includat.*

*Grati-
æ
& li-
berii
arbitrii
una
causa
grati-
æ
qui ad
justiti-
am
requi-
tur.*

auxilia, quibus Deus nobiscum cooperatur, nosque ipsos praevenit, explicemus.

Quo pacto Deus ad supernaturales actus cum libero nostro arbitrio concurrat.

DISPUTATIO XXXVII.

Disputatione 8 & sequentibus satis dilucide ostendimus quatenus tum a libero nostro arbitrio, tum etiam a conatu Ecclesiae pendeat collatio ejusmodi gratiarum praevenientium, esto ex sola Dei misericordia, ac mere gratis, & non propter bonum aliquem usum liberi arbitrii a Deo conferantur, neque omnibus distribuuntur aequaliter. Ostendimus praeterea, Deum semper praesto esse, unicuique facere volenti quod in se est, tantum ut minimum harum gratiarum conferre, quantum ei sit satis ut justificationis donum vitamque aeternam consequatur. Ostendimus insuper de fide esse ejusmodi gratias praevenientes, etiam quando Deus per eas iam actu existentes liberum nostrum arbitrium excitat ad credendum, sperandum, diligendum, aut poenitendum ut oportet, nullam necessitatem libero arbitrio imponere, sed illi integrum esse gratiae ita excitanti non consentire, atque adeo nec credere, nec sperare, nec diligere, aut poenitere ut invitatur, casamque gratiam excitantem in suam ipsius perditionem relinquere, atque ita definitum esse in Concilio Trident. sess. 6 cap. 5 & canone 4.

His ita constitutis, cum tangente Deo ac excitante nostrum arbitrium per auxilium gratiae praevenientis, liberum illi sit consentire, aut non consentire, atque adeo elicere vel non elicere actum credendi, sperandi, aut poenitendi, constat profecto liberum nostrum arbitrium, & gratiam illam praevenientem, esse duas partes unius integræ causæ actus credendi, sperandi, aut poenitendi, prout ad salutem oportet, singulosque ejusmodi actus pendere ab influxu tam liberi arbitrii, quam gratiae praevenientis; atque a libero quidem arbitrio habere ut actus illi quoad substantiam sint credere, sperare, aut poenitere: ab influxu vero gratiae praevenientis habere, ut sint supernaturales, & quales ad salutem sunt necessarii. Quare quisvis illorum actuum totus est a libero arbitrio, & totus a gratia praeveniente; seu a Deo per eam tanquam

per supernaturale instrumentum in eundem actum influente; at a neutro est, ut a tota & integra causa, sed ut a parte integræ causæ.

Quando audis; esse a Deo per gratiam praevenientem tanquam supernaturale instrumentum in eundem actum influente, non intelligas ita gratiam praevenientem esse Dei instrumentum, quasi novo motu aut influxu a Deo evehatur ad cooperandum cum libero arbitrio & producendum effectum supernaturalem; eo modo, quo a multis Sacramenta dicuntur evehi a Deo supernaturaliter, ut insit naturalium causarum sint instrumenta gratiae: id quod non defuit, qui me hoc loco intendisse fuerit arbitratus. Sed intellige esse de numero instrumentorum ejus generis, quæ, ut disputat. 26 explanatum est, sunt integra virtus causæ principalis, per quam influit in effectum; eo modo, quo vis impressa semini est integra virtus, qua animal, a quo semen est decisum, generat; & calor est tota vis, qua ignis producit alterum ignem; quæ proinde instrumenta, ut ibidem dictum est, non indigent novo motu, aut applicatione a causa principali, ut agant. Quia vero gratia praeveniens accidens est, & non substantia, esse nequit causam principalem, neque agere potest ut quod, sed ut quo, ideoque est instrumentum: neque alterius tanquam causæ principalis, quam Dei, a quo est producta: & cum sit ordinis supernaturalis, atque adeo supernaturalis sit homini, in quo est, jure optimo instrumentum supernaturale est a nobis nuncupata.

Gratiam praevenientem rem esse distinctam ab actibus, ad quos liberum arbitrium a Deo per eam excitatur, tamen non defuerit, qui contrarium dixerit, satis est perspicuum. Actus namque illi a libero emanant arbitrio: gratia vero praeveniens minime. Item gratia illa causa est efficiens una cum libero arbitrio eorumdem actuum: causa vero efficiens res est distincta a suo effectu. Praeterea gratia illa potest causa reddi, libero arbitrio non consentiente; neque cooperante ad actus, ad quos hominem excitat, & a Deo confertur: ergo res est omnino ab eis distincta.

Cum autem tam liberum arbitrium, quam gratia praeveniens sint causæ secundæ actuum credendi, sperandi, & poenitendi, ut oportet: nulla vero causa secunda, etiam si supernaturalis

Gratia praeveniens res est distincta ab actibus ad quos excitat.

Etiā generaliter Dei concursus ad actus justificationis esse naturalis opus.

naturalis sit, efficere quicquam possit, nisi a Deo influente simul immediate per concursum generalem in effectum adjuvetur, idque propterea quod omnis universum effectus sicut a Deo pendet immediate ut conservetur, ita etiam ut fiat, ut disputatione 25 & sequentibus ostensum est, liquido sane constat, ut liberum arbitrium una cum gratia præveniente producat quemcunque illorum actuum, necessarium esse, ut Deus quoque una cum illis immediate in actum producendum per concursum suum universalem influat. Quo fit, ut quivis illorum trium actuum, licet sit unica actio (cui suus sit proprius assignandus terminus productus, ut q. 12 art. 12 huius primæ partis ostensum est) tres nihilominus habeat partes unius integræ causæ, a qua ita emanat totus, ut a singulis etiam partialitate, ut vocant, causæ totus etiam emanet, diverso tamen modo. Etenim a Deo influente, per solum concursum generalem emanat ut a causâ universali, a qua proinde non habet magis quod sit assensus credendi, aut dolor de peccatis, quam vel actus oppositus, vel actus cujusvis alterius potentie. Ab influxu vero liberi arbitrii, una cum notitiis & cæteris necessariis, ut quoad substantiam actus producatur, habet tanquam a causâ particulari, ut quoad substantiam actus, sit potius assensus fidei, aut dolor de peccatis, quam aliquis alius diversus actus. A gratia vero præveniente, seu a Deo ut per illam, tanquam per suum instrumentum, una cum libero arbitrio influit in eundem actum, habet ut sit actus supernaturalis specie distinctus ab actu pure naturali credendi, aut dolendi de peccatis, quem liberum arbitrium suis solis viribus tunc eliceret, si cum eo non influeret simul gratia præveniens: quare a concursu Dei per gratiam prævenientem habet actus ille ut sit dispositio congruam proportionem & accommodationem habens cum dono justificationis supernaturali.

Dubium.

Antequam hæc magis examinemus atque in lucem eruiamus, quaerit forte aliquis, an sine ejusmodi auxiliis gratiæ prævenientis ac excitantis, quibus prius moveatur, & quasi liberum invitet arbitrium, possit Deus de potentia sua absoluta producere cum libero arbitrio actus fidei, spei, & poenitentiae, quales ad justificationem sunt necessarii, influ-

endo quidem immediate in eos actus, eo modo, quo per concursum generalem influit in actus mere naturales ac peculiari alio longe majori influxu.

Cui quaestioni respondendum est, posse *Satis fit.* sine dubio Deum id efficere. Quemadmodum enim supra in hac prima parte q. 12 art. 5 disputatione 1 ostensum est, posse efficere, ut intellectus beati sine lumine gloriæ conspiciat divinam essentiam; eo quod contradictionem non implicet suo peculiari influxu immediato in visionem compensare influxum in genere causæ efficientis luminis gloriæ in eandem visionem: sic etiam, cum simili modo contradictionem non involvat compensare influxum quo gratia præveniens in genere causæ efficientis in illos actus influit, poterit Deus de potentia absoluta tanto ac tali influxu immediato in eosdem actus cum libero arbitrio cooperari, ut efficiantur tales, quales essent, si præveniens gratia antecederet, maxime si, ut non pauci doctores scholastici affirmant, liberum arbitrium sine auxilio gratiæ possit eos actus quoad ipsorum substantiam producere.

Quædam circa credendi, sperandi, diligendi, poenitendi, & alios supernaturales actus, diluuntur dubia. Appendix ad præcedentes.

DISPUTATIO XXXVIII.

Circa ea, quæ a disputatione 8 dicta sunt, & quæ a disputatione præcedente de supernaturalibus actibus, credendi præsertim, sperandi, diligendi, ac poenitendi a nobis dicuntur, atque in sequentibus addentur, vir quidam doctus, datis ad me literis nonnulla objecit, non quidem animo nostra impugnandi, quasi ea illi displicuerint, sed potius optans, ut res magis elucidaretur, atque ut enodatis, quoad fieri posset, difficultatibus, plus omnibus placeret. Hic autem locus opportunus magis ad ea proponenda ac diluenda mihi visus est, quam ullus unquam antea, & quam ea, quæ sequuntur, ne vel solum dicendis interrumperemus, vel intempestive ea infereremus.

Cum nobiscum conveniat actus illos circa idem objectum elici posse, vel solis viribus nostri arbitrii mere naturales, minimeque fini nostro naturali proportionatos, ut a

disputatione

disputatione 7 ostensum est; vel ope, auxiliis ac donis Dei supernaturales, at eisdem fini commensuratos, ut a disputatione 8 est explanatum, explanareque progredimur: non immerito contendit esse aliquid intrinsecum ac essentiali actibus illis, per quod specie inter se distinguantur, & ratione ejus quidam eorum fini supernaturali sunt commensurati, alii non item. Hoc autem, inquit, esse nequit influxus Dei supernaturalis: quoniam influxus ille est in genere actionis: intrinsecum autem illud esse debet differentia quædam in genere qualitaris, abstrahendo ab actione, per quam tam differentia illa, quam genus, quod illa contrahit ac determinat, a Deo producantur.

Addit in actu credendi supernaturali perspicuum esse quodnam sit intrinsecum, per quod ab actu credendi naturali de eodem objecto secernatur ac distinguatur specie, & per quod sit actus supernaturalis fini nostro supernaturali commensuratus, atque adeo cur excedat vim naturalem nostri intellectus. Summa quippe certitudo illius conjuncta cum obscuritate est ratio supernaturalis, seu differentia essentialis contrahens actum credendi in genere ad supernaturalem speciem ejus actus, eo quod intellectus sua vi naturali assentiri non possit tanta cum certitudine ac firmitate rei ab ipso non visæ. Quod si, inquit, simili aliquo modo explanari posset, in quo esset posita ratio supernaturalis actuum caritatis, spei, ac cæterarum supernaturalium virtutum, quæ proinde a solo Deo infunduntur, utique tanquam quidpiam nondum a quoquam sufficienter traditum summo cum applausu ab omnibus reciperetur.

Subjungit: Quemadmodum actus credendi supernaturalis habet hæc differentiam essentiali, qua ab actu credendi naturali distinguitur, per comparationem ad objectum sub ratione cognoscibilis obscuræ ac certo: ita cæteri actus supernaturales intellectus & voluntatis habere debent suas differentias essentiali, per quas ab actibus naturalibus de eodem materiali objecto, & a quibuscumque aliis actibus, intrinsece ac specie distinguantur: neque ad differentiam hanc specificam sufficiunt diversa principia efficientia, diversique influxus, quibus ab eis producantur: neque item sufficit, si unus horum actuum ab extrinseco ratione particularis

influxus sit supernaturalis, alter vero, ad cuius productionem non concurrat talis influxus, non sit supernaturalis, nisi in objecto dentur diversæ rationes, sub quibus, penes quas, atque in ordine ad quas intrinsece distinguantur specie: ejusmodi autem rationes in objecto actus amoris naturalis & supernaturalis erga eundem Deum neque explicantur, neque dari videntur. Neque enim una atque eadem ratio divinæ bonitatis cognita, diversam rationem appetibilitatis habet, ut diligatur amore naturali, ut diligatur amore supernaturali.

Denique objicit: Si divina potentia esse possit creatura, cui naturale sit videre divinam essentiam, ut nos q. 12 hujus primæ partis art. 3 disp. 2, non improbabile judicamus, tunc actus videndi divinam essentiam, eamque clare visam amandi, ejusdem rationis atque speciei essent in illa creatura, & in iis beatis, qui nunc Deo perficiuntur: cum tamen Deus diversimode influeret ad illos actus in ea creatura, atque influat modo, actusque illi essent naturales illi creaturæ, qui tamen supernaturales sunt beatis Deo nunc perficientibus: ergo quod ad actus aliquos Deus diversimode influat, speciali videlicet ac supernaturali influxu, aut solum concursu generali, itemque quod actus naturales sint, aut supernaturales, ex illo capite non inferi distinctionem specificam inter eos, nisi illi conjunctum hoc habeant, quod diversimode recipiant objectum spectatum penes diversas rationes sub quibus.

His dubiis ac objectionibus, non eo ordine est satisfaciendum, quo propositæ sunt, sed quo dilucidius ac melius res tota intelligatur. Quod ergo ad secundam attinet, observandum est: Certitudinem fidei circa non visam, ut 1 part. q. 1 art. 3 disp. 2 dictum a nobis est ortum tanquam a prima radice habere a veritate ac infallibilitate Dei, qui per Christum hominem per Angelos Dei personam sustentantes, per Prophetas, Apostolos, ac alios servos suos ea revelavit, credendaque Ecclesiæ proposuit: eo enim ipso objectis illis subesse non potest falsum. Cum autem circa objecta, in quibus Lutheranus non errat, illis adhibens assensum tanquam a Deo revelatis, & quia a Deo revelata sunt, nos supernaturalem assensum eliciamus, Lutheranus vero naturalem ex suis solis naturalibus,

Obiectio prima.

Secunda.

Tertia.

Quarta.

Ad secundam obiectum.

Certitudinis fidei prima radix qua.

Hæretici fides naturalis, quæ ratione certior, & quæ non.

bus, sine influxu mediato vel immediato supernaturali Dei, utique quoad infallibilitatem in objectis ex prima illa radice, quod vere Deus illa revelaverit Ecclesiae, per suos servos ac ministros, pares illi sunt nobiscum, nec plus tali assensui Lutherani potest subesse falsum, quam nostrum. In hoc autem assensus noster a Lutherani assensu in re proposita differt, quod assensus Lutherani ea ex parte, qua ex suis tantum viribus naturalibus est elicitus, ac proinde in suo esse non transcendit limites fidei humanæ, non repugnat subesse falsum, tametsi repugnet ea ex parte, qua eo assentitur rei vere a Deo Ecclesiae revelatae: nostro autem assensui, quia ex influxu supernaturali Dei immediato, vel mediato per habitum supernaturalem Dei infusæ, est elicitus supernaturalis, ac commensuratus fini supernaturali, atque etiam ut per eum Deo revelanti assentimur, sane ex utroque capite repugnat subesse falsum. Hinc constat rationem distinctionis unius illorum actuum ab alio, & commensurationis unius fini supernaturali, & non alterius, tandem reduci ad influxum supernaturalem Dei, quo Deus assensum nostrum (qui aliquin futurus fuisset circa idem objectum naturalis, nec plus ei ex ipsius natura repugnaret subesse falsum, quam assensus Lutherani circa idem objectum) evehit ad esse supernaturale alterius speciei ab assensu Lutherani, & ab assensu qui circa idem objectum futurus erat in nobis, nisi Deus ita supernaturaliter nobiscum influeret. Quare ad influxum & causalitatem Dei, quo actus nostri evehuntur ad esse supernaturale commensuratum fini nostro supernaturali, ac proinde quo evehuntur ad esse distinctum specie ab esse naturali actu, qui circa eadem objecta a nobis elicerentur, recurrendum sane est, non minus in actibus fidei, quam spei, & caritatis, ut distinctio eorum specifica & commensuratio quorundam eorum fini supernaturali & non aliorum explicetur. Inde enim provenit, quod certus in se sit supernaturalis assensus peculiari certitudine conjuncta cum invidentia objecti. Quæ quidem certitudo actus non minus nobis invidens est in hac vita, quam certitudo objecti invidentis, cui per actum assentimur. Atque ea de causa tam firmiter ex parte subiecti potest adhærere Lutheranus articulo Trinitatis per actum

suum naturalem, siveque supernaturali mini, me commensuratum, quam firmiter adherent multi Catholici per suos actus supernaturales fini supernaturali commensuratos, ut 1 par. q. 1 art. 5 dictum est.

Illud circa eandem objectionem est attendendum. In assensu quem Lutheranus Philosophos elicit circa ea, quæ sunt de fide, sibi tamen lumine naturali evidenter cognita, ut quod Deus sit, quod sit unus, & in eo, quem supernaturaliter elicit Theologus Catholicus, non esse eam rationem distinctionis, quod unus sit certus & invidens, ideoque elici non possit viribus naturalibus, atque penes id distinctus sit specie ab alio, qui certus non sit, quod prior ille conjunctam habeat certitudinem cum invidentia, posterior non item, sed necessario esse ad id recurrendum, quod unus sit supernaturalis, quia elicitus concurrente habitu fidei supernaturalis ad illius productionem, alter non item.

Quod in ea objectionem dicitur, summam videlicet certitudinem conjunctam cum obsecritate esse rationem supernaturalem seu differentiam essentialem contrahentem actum credendi in genere ad supernaturalem speciem actus credendi fidei virtutis Theologalis, eo quod intellectus, vi sui naturali, assentiri non possit tanta cum certitudine ac firmitate rei non visæ; ac proinde id esse, quod intrinsece distinguit actum illum ab actu naturali credendi de eodem objecto, & quod illum efficit commensuratum fini supernaturali, quod inquam ita dicitur, non est tam solidum, quam facile dicitur, & primo aspectu solidum apparere. Certitudo enim, ut 1 par. q. 1 art. 5 fuisse ostendimus, non est aliud, quam negatio quædam, atque, in re proposita, a certitudine divinæ revelationis derivatur in actum fidei, eaque certitudo non minus est ipsius actus, atque assensus qui ad genus actionis pertinet, quam termini seu verbi per eum actum producti; quo fit, ut constituere non possit speciem, neque supernaturalem, neque naturalem, illamque intrinsece distinguere, ac commensuratum efficitur fini nostro supernaturali, sed potius sit affectio quædam rationis actus fidei supernaturalis, non minus, quam divinæ ipsius revelationis, atque objecti revelati, quæ certa dicuntur eadem certitudine. Cum item certitudo in genere univoca sit certitudini conjunctæ

Fides supernaturalis unde distinguitur a naturali de eodem objecto.

Certitudo quid?

Non aliud, firmitas intrinseca fidei supernaturalis.

conjuncta cum evidētia, & certitudinē conjuncta cum invidētia, sane certitudo in genere contracta per hoc quod conjuncta sit cum invidētia, esse non potest differentia ultima intrinsece constitūens fidem supernaturalem. Illud insuper observa, quod illo modo obicit, videri confundere certitudinē ex parte subiecti, hoc est firmitatem in assentiendo cum certitudine, id est, infallibilitate actus in se. Et cum in hac secunda certitudine differat actus fidei supernaturalis, modo proxime a nobis explicato, sermo illius esse videtur de prima certitudine, in qua actus illi de eodem objecto non differunt: quippe, ut dictum est, & i par. loco citato iustus est explicatam, possit Lutheranus firmius adherere articulo Trinitatis, aut Incarnationis, quam Catholici aliqui eisdem adherant articulis. Hac quod attinet ad secundam objectionem. Quod enim in ea additur, ex dicendis ad tertiam intelligitur.

Quod ad primam objectionem attinet, ut i par. variis in locis explanamus, in actibus intellectus & voluntatis, sive naturales illi sint, sive supernaturales, tria spectari debent. In primis actus ipsi qui sunt in genere actionis. Deinde terminus actus, qui est in genere qualitatis, ut est verbum, quod terminat actum intellectus: similique modo quantitas alia producitur per actum voluntatis, eumque terminat. Hi autem termini in esse, & conservari, pendunt ab actibus, quos terminant, & quibus, tanquam termini eorum, producuntur: neque ab illis distinguuntur, sed solum formaliter, perinde atque ceteræ actiones distinguuntur solum formaliter a suis terminis. Tertio spectantur habitus qui qualitates etiam sunt, sive naturales illi sint, sive supernaturales. Habitus vero non pendunt in conservari ab actibus, sed permanent celsantibus actibus, reduntque promptam potentiam ad similes actus iterum producendos, atque efficienter cum iisdem potentiis concurrunt ad productionem similium actuum sequentium. Et quidem naturales habitus comparantur ad antecedentes actus tanquam effectus ad causas instrumentales, quibus producuntur. Potentiæ quippe, una cum ceteris, quæ ad actuum productionem simul cum ipsis concurrunt, causæ sunt principales actuum, & per actus habituum, qui ulterius producun-

tur: actus autem non comparantur ad habitus, quos producunt, tanquam actiones ad terminum, sed tanquam veræ causæ instrumentales productivæ eorum, re ab eis distinctæ, ut i par. q. 27 art. i disp. 8 membr. 2 dictum est. Supernaturales vero habitus fidei, spei, & caritatis a solo Deo infunduntur, neque attinguntur efficienter ab actibus fidei, spei, & caritatis supernaturalibus, etiam quoad ipsorum augmentum. Quia tamen actus illi eminenter continent naturales actus fidei, spei, & caritatis, eo quod ad ipsorum productionem concurrant causæ omnes, quæ producunt actus illos naturales, nisi a Deo per suum supernaturalem influxum evenirent, ut producerent eos supernaturales, superiorisque ejusdem speciei, inde evenit, quod producant naturales habitus fidei, spei, & caritatis, qui remanent in eo, qui per lethale peccatum amittit caritatem supernaturalem, atque etiam in eo, qui per infidelitatis peccatum amittit etiam fidem.

Illud deinde est observandum, ut supra in hoc opere non semel dictum est, atque in sequentibus repetemus, in actibus fidei, spei, & caritatis supernaturalibus non dari aliquid re aut formaliter distinctum, quod tanquam pars actus, etiam Metaphysice, dicatur ac sit influxus Dei: neque item ibi dari aliquid, quod sit naturale, & aliquid quod sit supernaturale, sed totum actum esse supernaturalem, quoad genus & differentiam, tamen si genus per accidens sit supernaturale, quia conjunctum in ea specie cum differentia speciei supernaturalis: sicut dicimus, gradus omnes superiores per accidens esse singulares in unoquoque individuo ex conjunctione cum differentia individuante. Itaque actus totus est supernaturalis, & totus totalitate effectus quoad omnes suos gradus est a causis naturalibus ad eum concurrentibus, & totus totalitate effectus est a Deo supernaturaliter concurrente ad illius productionem, vel per seipsum ad immediate, vel per influxum suorum donorum supernaturalium tanquam per causas secundas: est tamen partialiter partialitate causæ, tum a causis naturalibus, tanquam ab una parte totalis causæ illius, tum etiam a Deo supernaturaliter influente, tanquam ab altera parte ejusdem causæ totalis. Quare actio tota, ut præcise est a causis naturalibus, & ut sic a nobis consideratur, est influxus

*Ab influxu
supernaturalis
causæ naturalis de
eodem continent
concurrente
producentis
habitus natu-
rals.*

*Influxus
Dei, & non
sit in acti-
bus super-
naturalibus
quid.*

Actus supernaturaliter influente, est influxus Dei, solaque proinde consideratione nostra, cum fundamento in re distinguitur in ea actione influxus Dei ab influxu causarum secundarum. Actio tamen illa, sicut ab influxu voluntatis nostrae habet, quod sit libera, & non ab influxu habitus supernaturalis, qui ad illam concurrir: ita ab influxu habitus supernaturalis habet, quod sit supernaturalis, atque alterius speciei, ac esset, si nulla causa supernaturalis ad eam concurreret, & non ab influxu nostro. Nihil enim pugnat conditionem unam convenire actui alicui, quia est ab una parte causae, & aliam, quia est ab alia; cum tamen totus actus totalitate effectus sit ab unaquaque earum. Sol quippe, & equus generant equum, neque est aliquid in equo, quod generetur ab equo & non a sole; & tamen quod effectus sit potius equus quam alia species, non habet, quia est a sole, sed quia est ab equo.

Supernaturalis, & naturalis actus de eodem objecto unde distinguitur.

fluxus causarum naturalium: ut vero a Deo supernaturaliter influente, est influxus Dei, solaque proinde consideratione nostra, cum fundamento in re distinguitur in ea actione influxus Dei ab influxu causarum secundarum. Actio tamen illa, sicut ab influxu voluntatis nostrae habet, quod sit libera, & non ab influxu habitus supernaturalis, qui ad illam concurrir: ita ab influxu habitus supernaturalis habet, quod sit supernaturalis, atque alterius speciei, ac esset, si nulla causa supernaturalis ad eam concurreret, & non ab influxu nostro. Nihil enim pugnat conditionem unam convenire actui alicui, quia est ab una parte causae, & aliam, quia est ab alia; cum tamen totus actus totalitate effectus sit ab unaquaque earum. Sol quippe, & equus generant equum, neque est aliquid in equo, quod generetur ab equo & non a sole; & tamen quod effectus sit potius equus quam alia species, non habet, quia est a sole, sed quia est ab equo.

Hinc liquet, Dei influxum in actum supernaturalem fidei aut in quemcunque alium, nostra sententia, non esse differentiam essentialem, distinctivam, vel intrinsecam actus supernaturalis a naturali de eodem objecto, sed supernaturalem actum habere suam propriam differentiam intrinsecam & essentialem: eam vero partialitate causae & non effectus, esse efficienter totam a Deo supernaturaliter influente, & a nobis influentibus naturaliter: ceterum non habere, quod sit talis, quia est a nobis, sed quia mediate, vel immediate est a Deo nobiscum supernaturaliter influente. Liquet deinde, non in solis terminis horum supernaturalium actuum, qui ad genus qualitatis pertinent, constitutendam esse differentiam essentialem provenientem a Deo & a nobis totalitate effectus, tamen, non quia a nobis, sed quia a Deo, habentem quod sit supernaturalis, ac alterius rationis, quam esset, si Deus supernaturaliter non influeret; verum etiam constitutendam esse similem differentiam in actibus ipsis prout ad genus actionis spectant. Item liquet, non solam differentiam ejusmodi actuum & terminorum esse supernaturalem, sed etiam genera eorum, prout eorundem differentis conjunguntur, esse in actibus ipsis ac terminis supernaturalia, tamen per accedens modo explanato. Quamvis autem

differentiae illae actuum, terminorum, & habituum sint habitudines transcendentes ad eadem objecta mediate vel immediate, ut mox ostendetur, quia tamen sunt differentiae diversorum generum subalternatorum, vel etiam alterius predicamenti, diversae sane essentialiter in se sunt.

Quod ad tertiam objectionem attinet, observandum est: Quamvis potentiae cognoscentes & appetentes, ipsarumque actus distinguantur specie per transcendentes habitudines ipsis intrinsecas ad sua objecta spectata sub diversis rationibus sub quibus, ut Dialectici ac Methaphysici appellant; nihilominus radicem harum rationum sub quibus esse possibilitatem ipsarummet potentialium, atque quorundam aliorum principiorum efficientium, quibus potentiae ad actus specie distinctos determinantur, atque pro diversitate horum principiorum efficientium possibilem & in ordine ad ipsa, resultare diversas rationes formales, sub quibus in objectis: ut tandem haec omnia, tanquam ad primam radicem, seu originem unde pendunt, reducuntur ad possibilitatem, quam objecta naturaliter sumpta, divina potentia habent, eo quod eminenter in divina essentialitate continentur. Quo fit, ut excludenda non sit diversitas in principiiis efficientibus, seu cooperantibus actus virium cognoscentium ac appetentium: tum ut ipsorum comparatione intelligantur, ac resultent diversae rationes sub quibus in objectis in ordine ad quas actus intrinsece distinguantur specie: tum etiam ut ex illis efficienter proxime aut remote tanquam ex causis particularibus ad id determinatis resultent eadem habitudines intrinsecae actibus, atque adeo intrinsecae eorundem actuum specifica diversitas. Quando tamen duo principia efficientia ita sunt inter se affecta, quod unum tanquam eminenter continens alterum, supplensque influxum illius, cooperatur ad aliquem actum, tunc necesse non est, actus, qui ex diversis illis principiiis emanant, specie inter se distingui. Ut qui sol eminenter continet calorem ignis, & virtutem seminalem muris, necesse non est calores immediate a sole, & immediate ab igne productos, neque item mures, quorum altera a sole sine mure, alter a mure per virtutem seminalem producat, specie inter se distingui. Quando item principium

Ad tertiam objectionem.

Objectum rationis, quibus comparatione principiorum efficientium.

Nota.

cipium unum solum cooperatur cum alio tanquam virtus ab eo derivata, necesse non est, ut ex cooperatione hujus superaddita oriatur diversitas specifica in actu. Et quia habitus naturalis mediante actu producitur a potentia & a cæteris principiis, quæ cum potentia concurrunt ad productionem actus quo talis habitus a prioribus illis principiis dimanat, necesse non est, cooperationem postea habitus ad similes actus una cum cæteris principiis producendos ullam diversitatem specificam in actibus efficere. Explanemus, quæ dicta sunt. Quia possibiles divina potentia sunt intellectus & sensus, inde proficiuntur, quod cognoscibilia dividantur in intelligibilia, & sensibilia. Et quia ea omnia, quæ sentiri possunt, intelligi etiam valent, inde efficitur, unum atque idem objectum habere simul duas rationes sub quibus in esse cognoscibilibus: unam sensibilibus per comparisonem ad sensum: & aliam intelligibilibus per comparisonem ad intellectum. Quia item possibiles sunt sensus externi & interni, quæ externis sensibus cognoscuntur, sensibus quoque internis percipiuntur, inde provenit, quod objectum quodvis sensus externi duas habeat rationes formales sub quibus specie distinctas in esse sensibilibus: Unam comparisonem sensus externi, secundum quam est visibile, aut audibile: & aliam comparisonem sensuum interiorum, secundum quam est sensibile aliquo modo percipiendi sensuum interiorum. Quia etiam possibiles ac necessarii sunt quinque sensus externi, quibus diversæ qualitates percipiuntur, inde fit, quod in eis qualitatibus resultent diversæ rationes sub quibus sensibilibus, puta visibilis, audibilis, &c. per comparisonem ad varios sensus in ordine ad quas sensus illi speciei inter se distinguantur. Præterea quia unumquodque horum objectorum simul est vario modo percipibile variis interioribus sensibus, inde emanat, quod in eorum unoquoque simul sint variae rationes sub quibus sensibilibus per comparisonem ad varios internos sensus, quibus varie objecta illa ab eis percipiuntur. Et quia aliter intelligit Angelus, quam nos, inde etiam proficiuntur quod in intelligibilibus alia sit ratio intelligibilitatis per comparisonem ad intellectum nostrum, & alia per comparisonem ad angelicum. Denique quot vires cognoscences possibiles sunt

divina potentia ultra eas, quas produxit, tot species cognoscibilitatis sunt in objectis per comparisonem ad illas, tamen nos lateant, eo quod potentias illas ignoremus. Quod si sensus neque divina potentia esse possent, tunc nulla objecta rationem haberent sensibilibus.

Ut ad actus potentiarum deveniamus: Quoniam potentia ad actus ordinantur, & per illos versantur circa objecta, eaque attingunt, inde efficitur, quod immediate respiciant transcendentaliter actus, ab eisque proinde immediate specificentur, & mediate respiciant objecta, mediateque proinde ab eis specificentur. Cæterum quia actus, ut præcise emanant a suis potentis, non habent unde in plures species dividantur ac distinguantur, tamen id aliunde habeant, ut dicemus, sane potentia specificantur a suis actibus, quales essent, si præcise ab ipsis emanarent, non vero quales sunt aliunde in multis species divisi, ac multiplicati. Atque ut de nostris potentis loquamur, interimque angelicas omittamus, seorsumque de actibus apprehensivis & de iudiciis dicamus: Quia potentia cognoscences, ut 1 part. q. 1 art. 3 disp. 3 ac alibi dicebamus, indifferentes ex se specificantur. Quia actus eiusdem potentia unde se specificantur.

Actus quoque videndi intelligendi, aut quacunque alia potentia cognoscendi, itemque illorum termini, hoc est, species expressæ illis productæ, pro diversitate quoque objectorum materialium specie inter se distinguantur, ut disputatio 3 citata explanatum est, atque adeo, ut aliam rationem cognoscibilitatis specie distinctam habeat, candor ut visu percipiatur, nempe prout visus determinabilis est specie impressa candoris secum ad candorem videndum cooperantis, a ratione cognoscibilitatis, quam habet color niger,

nempe quatenus determinabilis est distincta specie impressa coloris nigri, & ita de cæteris objectis, quæ intellectu, vel sensu percipiuntur.

Affensus principiorum unde specie distinguuntur.

Eodem etiam modo, quia ad assensus principiorum determinatur intellectus in scientiis naturalibus a naturis extremorum, utique pro diversitate naturarum eorundem extremorum, concurrentium ad assensus, per notitias simplices, quibus apprehenduntur, aut etiam penetrantur, distinguuntur inter se specie assensus principiorum, & consequenter habitus qui inde ulterius generatur etiam in eadem scientia, ut in Geometria, aut Arithmetica, ut eadem disputatione explicatum est. Etenim principia non solum in genere, atque prout in diverso gradu sunt abstractionis, diversimode assensu sunt cognoscibilia, ac conclusiones inde deductæ, puta sive discursu, sed etiam eorum unumquodque diversimode est cognoscibile, ac aliud nempe per determinationem intellectus ex naturis diversorum extremorum, aut aliunde, ut disputatione citata est quoque explicatum.

Scientia & opiniones unde specie distinguuntur.

Quia item ad assensus conclusionum determinatur intellectus ex assensibus principiorum media aliqua consequentia, utique pro diversitate principiorum, quibus determinatur, & qualitate bonitatis consequentiæ generantur actus assentiendi per discursum specie distincti & consequenter habitus, qui inde ulterius generantur, etiam in eadem facultate ac disciplina unius atque ejusdem abstractionis seu ordinis. Quo fit, ut non solum conclusiones in genere, atque etiam ut in diverso gradu sunt abstractionis, diversimode sint cognoscibiles ac principia unde mediate vel immediate deducuntur, videlicet per discursum, sed etiam earum unaquæque diversimode sit cognoscibilis, quam alia, per determinationem scilicet intellectus ex diversis principiiis, atque ex diversitate qualitatis consequentiæ. Et quemadmodum earum unaquæque diversimode est cognoscibilis pro diversitate eorum, a quibus intellectus determinatur ad cognoscendum: ita quoque pro diversitate eorum quibus determinatur, generantur actus, & consequenter habitus cognoscendi per discursum specie distincti, aut etiam genere subalterno. Si enim principia omnia evidentia sunt, & similiter consequentia, tunc pro diversitate principiorum, aut unius

eorum, generantur scientiæ conclusionum specie distinctæ. Atque si una & eadem conclusio, ut hæc, Terra est rotunda, diversimode ex diversis principiiis Philosophiæ, naturæ ac gravitatis ipsius terræ, & ex principiiis Mathematicis, ut ex lunæ eclipsi, generatur circa unam & eandem conclusionem scientiæ specie distinctæ. Si autem aliquod principiorum, aut consequentiæ bonitas, in evidentiâ sint, neque assensus supernaturaliter comparatur divinæ innitendo revelationi, tunc generatur opinio, & pro diversitate principiorum, quibus intellectus determinatur, generantur opiniones specie distinctæ.

Concursus autem habitus naturalis in genere causæ efficientis, una cum aliis principiiis, quibus intellectus determinatur ad assentiendum, quemadmodum non est causa, quod generetur assensus distinctus specie ab eo, qui ex eisdem principiiis generaretur, si non adesset talis habitus, ut supra dictum est; eo quod vis illius tota ab eisdem principiiis dimanaverit; ita quoque insufficientis est, ut illius comparatione resultet diversa ratio cognoscibilitatis in objecto, cui ita assentimur. Habet autem hoc verum, etiam si habitus per accidens sit infusus a Deo, quales fuerunt habitus scientiarum rerum naturalium a Deo primis parentibus infusi. Quia enim naturales in se sunt, atque ejusdem virtutis & efficaciac cum acquisitis, solumque sunt supernaturales per accidens quoad modum, quo producti ac infusi sunt, utique non majorem diversitatem efficiunt in actu, ad quem concurrunt, quam si fuissent acquisiti.

Habitus vero infusi fidei Theologalis virtutis, quia supernaturalis per se, atque in se est, specieque distinctus ab eo, quem Lutheranus de rebus revelatis comparat, atque adeo quem nos compararemus, si nostris tantum naturis relictis assensum credendi, eisdem rebus elicereamus, atque superioris cujusdam efficaciac est, utique influendo simul cum cæteris principiiis naturalibus quibus nos assentimur revelatis, determinat nostrum intellectum ad eliciendum actum superioris naturæ & speciei ab eo, quem nostris solis viribus elicereamus: quare quia ita diversimode determinat intellectum nostrum ad assentiendum rebus a Deo revelatis, consequens

Concursus habitus naturalis, etiam per accidens infusus, non efficit diversitatem in actu.

Habitus per se infusus, eorum tam efficit.

quens profecto est, ut revelata diversimode cognoscibilia sint concurrente habitu fidei infusæ ac quando ex solis naturalibus quis, eisdem assentitur, atque adeo ut uno vel altero modo spectata diversam rationem cognoscibilitatis fortiantur per comparationem ad diversa principia, quibus intellectus noster ad eis assentiendum determinatur; idque non solum quando ineventitia subest, sed etiam quando concurrit simul scientia, ut circa assensum hujus, Deus est, elicium a Philosopho Catholico, & a Philosopho Lutheranorum, duabus disputationibus citatis dictum est.

Quod si Deus supernaturaliter sine habitu influat ad actum credendi revelata, ut reipsa per auxilia alia particularia influit ad primum credendi actum, qui quasi dispositio est ad infusionem habitus in adultis; tunc, si is actus ejusdem speciei in se sit cum actibus credendi, qui post acquisitum habitum fidei infusum producantur, utique diversitas illa determinandi intellectum ad actum credendi supernaturaliter revelata, vel per habitum, vel per auxilia particularia, ut non efficit diversitatem specificam in actu, ita neque per comparationem ad illum resultat diversa ratio cognoscibilitatis in objectis revelatis. Ratio autem est, quoniam Deus illo modo sine habitu influens ad primum actum credendi, influit tanquam causa eminenter continens in se habitum fidei infusum, supplensque causalitatem illius: ut autem supra dictum est, quando duo effluentia principia ita inter se sunt affecta quod unum cooperatur ad actum aliter tanquam eminenter continens aliud, supplensque cooperationem illius, tunc necesse non est pro diversitate talium principiorum produci actus speciei distinctos, ut exemplo adhibito in caloribus, qui a sole, & qui ab igne, & in muribus, qui a sole, & qui ab alio mure producantur, explanatum est. Dixi, Si actus illi sunt ejusdem speciei: quoniam saltem de actu contritionis, & amoris, quo adultus dispositivè justificatur, dicendum videtur esse alterius speciei ab eo, qui continuatur & elicitur comparata jam habituali caritate & gratia, habituque caritatis & gratiæ cooperante ad illum. Ille enim prior non est meritorius gratiæ, neque item gloriæ, nisi ut posterius natura spectatur informatus habitu caritatis & gratiæ: posterior vero, qui

cooperante caritate & gratia elicitur, meritorius est augmenti caritatis & gratiæ, atque item augmenti gloriæ: quæ certe sine distinctione specifica inter utrumque actum videtur esse non posse, quippe actus a caritate habituali elicitur visus, etiam præcise spectatus a caritate, a qua emanat videtur esse meritorius gratiæ & gloriæ.

Ut ad potentiam appetentes deveniamus: Appetentes similiter specificantur immediate per suos actus speciatos tamen, quales essent, si ab ipsismet nudis potentiis emanarent, & non quales sunt, prout multiplicantur ac dividuntur specie, ut potentia appetentes cooperante aliquo alio cum ipsis pariter influente, determinantur ad diversa objecta, aut ad prosecutionem, vel ad fugam unius & ejusdem rei, ut in eis elucet ratio boni aut mali, hoc est, ratio convenientis aut disconvenientis: mediate vero specificantur ab objectis. Ut autem interim potentias alias appetentes omittamus: Naturales actus liberi voluntatis, & Voluntas consequenter habitus, qui inde ulterius generantur, specie distinguuntur, non solum in genere moris pro diversitate objectorum diversarum virtutum moralium, ac vitiorum, consideratione habita recte rationis tanquam in eo genere regulæ ac mensuræ, sed etiam, meo iudicio, in genere naturæ, pro diversitate specifica objectorum in esse naturæ, ut in illis elucent diversæ bonitates, aut malitiæ naturales, quæ rationes sunt appetendi aut fugiendi ea objecta. Prout enim voluntas determinatur concurrente varia notitia appetibilis aut repugnabilis in objecto, res diversam rationem appetibilis habet, aut repugnabilis, comparatione voluntatis concurrente ac cooperante, cum illa tali notitia ad prosecutionem aut fugam talis objecti. Unde videas unum acquisivisse habitum temperantiæ circa unum saporum, aut circa unum objectum materialiter sub ea ratione considerationis & non circa aliud; quæ tamen objecta, & consequenter actus, & habitus circa illa, ejusdem sunt rationis per comparationem ad regulam rationis temperate edendi ac bibendi.

Concursum autem habituum naturalium ad similes actus voluntatis eliciendos non efficiunt diversitatem specificam in actibus, propter eam rationem, quam de habitibus naturalibus in genere supra reddidimus: id-

Quæ sunt
potentia
appetentes,
quæ
dispositio
ad habitum.

Ultimo
dispositio
ad gratiam
aut se ejus-
dem speciei
cum actu
eminenter
posita ab
habitu.

Appetentes
potentia
ut
immediate
per actus. Et
mediate per
objecta di-
stinguuntur.

Voluntas
aliis unde
specie di-
stinguuntur.

que, esto, habitus illi per accidens sint a Deo infusi, ut primis parentibus infusi fuerunt, ut ex dictis ibidem liquet.

*Caritatis
habitus in-
fusus cum
potentia
dispositivam
speciem ad
officiu a sa-
crali.*

Quia tamen habitus infusus caritatis Theologalis virtutis, qui a gratia gratum faciente nostra sententia minime distinguitur, & per se ipsum sanctum, qui datus est nobis, in cordibus nostris diffunditur, estque vestis illa nuptialis, quæ filios Dei adoptivos ab aliis, qui tales non sunt, distinguit, habitus est per se infusus superiorisque naturæ, essentia, atque speciei ab habitu caritatis naturalis, quem infidelis Deum lumine naturali (aut etiam, si hæreticus sit, ex revelatione ipsiusmet Dei quoad ea circa quæ is hæreticus non errat) cognitum diligendo suis viribus naturalibus comparat, & quem nos comparamus, si nostris solis viribus relictis Deum, prout a nobis cognoscitur, diligemus: utique concursus huius habitus in genere causæ efficientis cum nostra voluntate, & cæteris, quæ cum ea ad Deum diligendum concurrunt, actum dilectionis Dei efficit distinctæ ac superioris speciei ab eo, quem solæ vires nostræ naturales efficienter; ac proinde divina bonitas secundum unam & eandem rationem in se spectata, aliter diligitur, aliamque subinde rationem diligibilitatis habet per comparationem ad solas nostras vires naturales, aliam vero prout simul cum eis influit habitus caritatis virtutis theologalis infusus, aut quodcumque aliud peculiare divinum auxilium, quod nostrum dilectionis actum ad superiorem aliam speciem ac naturam evehit ab illa, quam haberet, si nostris solis viribus naturalibus eliceretur, ut de actu credendi revelatis nostris viribus elicito, atque elcito influente simul habitu fidei virtutis Theologalis, vel alio particulari Dei influxu, qui illum ad superiorem speciem credendi eveheret, dictum est.

Ex his jam constat cessare, quæ in tertia objectione proponuntur: explicatum quippe est quo pacto in eadem ratione bonitatis Dei a nobis apprehensa resultent diversæ rationes formales sub quibus in esse rei diligibilis per comparationem ad diversa principia, quibus actus illi efficiuntur in ordine ad quas illi actus specificentur, habeantque proinde differentias essentielles diversas quibus intrinsece distinguantur, & quarum ratione unus qui superioris naturæ est, atque essentia, pro-

portionatus sit fini nostro supernaturali, alter vero non item. Explanatum præterea est, quæ ratione id originem trahat a diversitate principiorum, quibus voluntas nostra determinatur, aut coadiuvatur ad ita diverso modo Deum sub ratione ejusdem bonitatis apprehensum diligendum. Ut simul viam muniamus ad quartam objectionem dissolvendam, ad id particulariter quod in tertia dicitur, videlicet non sufficere, ut actus illi specie distinguantur, si unus eorum ab extrinseco ratione particularis influxus sit supernaturalis, alter vero, ad cujus productionem non concurrat talis influxus, non sit supernaturalis, dicendum est: Si actus ille prior ex tali influxu solum sit supernaturalis quoad modum producendi, non vero quoad naturam ipsam actus producti, quemadmodum visus cæco nato a Christo restitutus supernaturalis erat solum quoad modum producendi, & non quoad rem productam, quia ejusdem rationis atque speciei erat cum aliis, qui naturaliter in aliis producebantur hominibus; id quidem est verum: cæterum longe aliter rem habere in re, de qua disputamus. Ut enim explanatum est, actus ille prior supernaturalis est ex illo influxu quoad rem ipsam productam, alteriusque superioris naturæ & speciei ab actu dilectionis, quem vires omnes naturales producere valent.

Ad quartam objectionem dicendum est nos non negare, actum unius speciei esse posse naturalem & supernaturalem comparatione diversorum. Quin potius dicimus diligere Deum commensurate ad finem nostrum supernaturalem, esse quidem supernaturalem comparatione nostræ voluntatis in se spectata, & cum cæteris, quæ illi connaturalia sunt: at vero si spectetur, ut jam est affecta habitu caritatis virtutis Theologalis, & ut cum illa habitus ille efficienter, naturæque necessitate influit, esse naturale: tamen, quia habitus ille supernaturalis est comparatione nostræ voluntatis, nobis quoque supernaturale sit diligere Deum commensurate ad finem supernaturalem, etiam quando habitum caritatis virtutis Theologalis habemus infusum. Simile quid etiam diximus 1. part. q. 12. art. 3. disp. 1. ad 3. Scoti argumentum de visione beatifica spectata, tum respectu intellectus nostri in se, tum ut est jam perfusus lumine gloriæ. Quod autem modo dicimus est:

Supernaturale aliqd dupliciter.

Ad quartam objectionem.

Res una naturalis & supernaturalis comparatione diversorum.

est: Si sint duo actus de eodem objecto elicit ab eadem potentia, quorum unus naturalis illi sit, alter vero supernaturalis, non ratione modi producendi, sed quia est eminentioris nature ac essentie, actus illos esse distinctos specie, eminentiamque ac distinctionem superioris ab inferiori provenire efficienter ac radicaliter ex influxu causæ superioris, quæ ad eum actum adjuvat potentiam comparatione cuius actus est supernaturalis. Ad argumentum vero in forma, concessa majori & minori, concedi simul potest consequentia: actus enim, de quibus loquimur, conjunctum habent respicere diversimode objectum spectatum penes diversas rationes sub quibus, ut dictum est.

Particularia Dei auxilia magis explicantur, & Soti ac Vega circa hæc opinio excluditur.

DISPUTATIO XXXIX.

Dominicus a Soto primo de natura & gratia, cap. 16 & Andreas a Vega, lib. 6 in Concilium Trid. cap. 6, 7, 8 & 9 affirmant, liberum arbitrium ad eliciendum quemcunque prædictorum actuum, præter auxilium particulare gratiæ prævenientis indigere auxilio alio particulari quo Deus cum libero arbitrio immediate concurrat, illudque moveat ad eosdem actus. Primum appellant gratiæ prævenientis ac excitantis auxilium, secundum vero gratiæ coadjuvantis. Primum dicunt frustrari interdum, dum liberum arbitrium motum & excitatum per gratiam prævenientem, non vult præbere assensum, nec conari ad eliciendum actum ad quem invitatur & excitatur: secundum vero dicunt nunquam frustrari, sed necessario agere liberum arbitrium quoties per illud a Deo moveatur. Cæterum cum ex una parte assint liberum arbitrium non, nisi prius motum secundo auxilio, elicere ejusmodi actus, ex alia vero dicant præsentem eo auxilio necessario liberum arbitrium producere tales actus, eo quod auxilium illud inane reddi nequeat, labor illis est defendere quamam ratione, admissa necessitate ejusmodi auxilii, salva maneat libertas arbitrii ad eos actus eliciendos vel non eliciendos, consurguntque ad sensum compositum & divisum, vixque intelligas quid sibi velint, & quo pacto ea ratione libertatem arbitrii tueantur: qua de

re legito Andream a Vega lib. 13 in Concil. Trid. cap. 13: Addunt præterea, pro ratione intentionis, quæ cernitur in ejusmodi auxilio particulari gratiæ coadjuvantis, accipiendam esse quantitatem intensiōis actus, quem liberum arbitrium tali auxilio adjutum producit, contritionis videlicet, fervoris assensus fidei, spei, aut dilectionis. Cum enim, inquit, movere & moveri correlativa sint, mutuoque sibi respondeant, neque fieri neque intelligi ulla ratione valet quod aliquis ferventius convertatur, intensioremque aliquem ejusmodi actuum eliceat, quin a Deo potentiori & majori auxilio gratiæ adjuvetur.

Verum multa sunt quæ mihi in hac doctrina non probantur. In primis non video, præter auxilium particulare gratiæ prævenientis, & concursum Dei generalem, necessarium esse auxilium aliud particulare gratiæ, ut liberum arbitrium aliquem illorum actuum possit elicere. Etenim illa tria unam integram & sufficientem causam illorum completere videntur, ut disputatione 37 satis a nobis explicatum est: quare, esse Deus quodcumque aliud particulare auxilium denegaret, ex illis solis sequeretur effectus. Neque Concilium Tridentinum sess. 6 cap. 5 & canone 4 aliud, quin potius hoc ipsum aperte innuit: cum ad eos actus, præter excitantem & prævenientem gratiam, solum dicat requiri liberum influxum nostri arbitrii quo assentiatur & cum illa cooperetur, defectuque illius dicat frustrari posse prævenientem gratiam ne actus, ad quem liberum arbitrium excitat, sequatur. Præterea præexistente illustratione intellectus, actu fidei supernaturalis, & actu spei etiam supernaturalis in voluntate, atque immisso in voluntatem affectu amoris Dei supernaturalis, quo tanquam præveniente gratia voluntas a Deo excitatur & invitatur, ut de peccatis suis doleat propter Deum, quo quasi alio auxilio supernaturali indiget voluntas, ut contritionem supernaturalium eliciat? plane satis illi sic adjuta tunc erit, si Deus solum concursum generalem, quo cum cæteris causis secundis concurrere solet, impendat.

Deinde falsum omnino videtur & discrepans a dictis patrum, & concilio Tridentino locis citatis, asserere gratiam coadjuvantem distinctam esse a gratia præveniente ac excitante,

Gratia præveniens cum solo libero arbitrio alioque alio speciali auxilio sufficit ad credendum, sperandum & penitendum.

Gratia præveniens & coadjuvans sunt una & eadem.

Intentio Soti, ac Vega de duplici auxilio supernaturali.

tante. Illa enim eadem gratia, quæ liberum arbitrium prævenit ac excitat ad actus, quibus se ad justificationem disponit, dicitur cooperans, si arbitrium cum ea consentiat, atque simul pro sua libertate influat, id quod non obscure significat Concilium Tridentinum. cap. 5 citato dum ait: Exordium justificationis in adultis a Dei præveniente gratia sumendum esse, hoc est, ab ejus vocatione, qua nullis eorum existentibus meritis, vocantur, ut qui per peccata a Deo averſi erant, per ejus excitantem atque adjuvantem gratiam ad convertendum se ad suam ipsorum justificationem, eidem gratiæ libere assentiendo, & cooperando, disponantur: ut ita tangente Deo cor hominis per Spiritus sancti illuminationem, neque homo ipse nihil agat, inspirationem illam recipiens, quippe qui illam & abicere potest, neque tamen sine gratia Dei movere se ad justitiam coram illo libera sua voluntate possit, &c. Ecce, Concilium Tridentinum eandem appellat prævenientem, excitantem, & adjuvantem gratiam, eidemque gratiam assentiendo & cooperando ait liberum arbitrium ad justificationem disponi. Dispositio ergo illa fit cooperante & consentiente libero arbitrio cum gratia præveniente ac excitante, ac proinde cooperante simul cum eodem gratia illa, quæ actum liberum prævenit, & ad ejusmodi actum excitavit. Non ergo sunt distinctæ gratiæ, præveniens & cooperans atque adjuvans, sed una & eadem, quæ spectata antequam liberum arbitrium cum ea cooperetur eliciatque actum liberum, per quem ad justificationem disponatur, dicitur præveniens: spectata vero prout, cooperante jam cum illa libero arbitrio, ipsa etiam cooperatur & influit in eundem actum, dicitur cooperans & adjuvans. Idem etiam aperte significant verba illa canonis quarti citati: Si quis dixerit, liberum hominis arbitrium a Deo motum & excitatum nihil cooperari assentiendo Deo excitanti, &c. Ubi vides Concilium affirmare, liberum arbitrium cooperari cum Deo excitante, dum assentitur, ac se ad gratiam justificantem disponit, ac proinde Deum per gratiam excitantem cooperari etiam cum illo ad eandem disposicionem: cooperans enim cooperanti dicitur cooperans.

Contrariis actus, &

Illud præterea vehementer displicet, quod

subjungunt, videlicet, pro quantitate auxilii gratiæ cooperantis spectandam esse quantitatem actus, quem liberum arbitrium tali auxilio adjutum producit, quasi existente aequali auxilio Dei, non possit esse intensior & ferventior actus contritionis aut dilectionis in homine uno quam in alio, quamdiu in via sunt; aut existente auxilio inæquali non possit esse æqualis actus in duobus, aut major in eo, qui minori auxilio adjuvatur. Etenim cum liberum arbitrium una cum auxilio Dei efficienter in actum, quo se ad justificationem disponit, influat, sique causa libera potens majori aut minori conatu pro sua libertate influere, utique ab inæquali conatu & influxu liberi arbitrii provenire potest, ut, conferente Deo duobus hominibus æquale auxilium gratiæ adjuvantis, unus eorum intensius operetur, meliusque se disponat ad gratiam justificantem, quam alius; & ut, conferente eisdem inæqualia auxilia, æque operentur, aut is interdum plus, qui minori suffultus est auxilio. Id quod & doctores passim affirmant, & aperte sonant verba illa Concilii Tridentini. sess. 6 cap. 7. Justitiam in nobis recipientes unusquisque suam secundum mensuram, quam Spiritus sanctus pariter singulis prout vult, & secundum propriam cujusque dispositionem & cooperationem; confirmantque parabola illa Matth. 25 & Luc. 19 de talentis & pecuniis servis traditis, ut propria industria illis negotiarentur. Auxilia quippe gratiæ talentorum & pecuniarum illarum nomine comprehendebantur a propria autem industria, conatave majori vel minori liberi arbitrii provenit, quod plus aut minus quisque lucretur. Atque ille, qui tepide segnitique se gerit, dignus est a quo auxilium impensum auferatur, & tribuatur ei, qui strenue se gerit, esto abundantiora habeat auxilia & dona. Idque sane est quod in illis parabolis subjungitur: Omni habenti dabitur & abundabit: ei autem qui non habet, & quod videtur habere auferetur ab eo.

Porro argumentum illud, quo Sotus & Vega suam sententiam confirmant, satis infirmum est. Licet enim quam intense aliquid movetur, tam intense rota causa illud moveat; imo & pars, quando totus effectus est ab ea tanquam a parte causæ: non tamen sequitur, ut quo intensius movetur, eo pars causæ

quod alius
superior
talis, ut
soli auxilio
gratiæ
operantis
respondet
quod in
sententia

Sobieski
argumentum
Sotus
Vega.

causæ majori influxu illud moveat: quandoquidem major intensio in motu evenire poterit ex majori influxu alterius partis totius causæ. Si ergo cætera sint paria (ut si sit æqualis resistentia ex parte mobilis, &c.) licet sequatur; hoc mobile velocius aut intensius moveretur, ergo tota causâ plus influit ad motum: non tamen sequitur, ergo hæc pars totius causæ plus influit: quoniam a majori influxu alterius partis causæ evenire poterit major illa velocitas aut intensio motus.

Juxta sententiam, quam sequimur, satis est manifestum, influxum Dei cum nostro arbitrio, neque tollere neque impedire libertatem ipsius ad producendos vel non producendos actus quibus se ad justificationem disponit. In primis namque gratia præveniens libertatem non impedit: quippe cum, etiam illa præsentē & pulsantē atque excitantē nostrum liberum arbitrium, integrum adhuc illi sit elicere vel non elicere eodem actus. Deinde neque concursus Dei universalis: quandoquidem eodem modo impenditur & cooperatur cum libero arbitrio & gratia præveniente ad ejusmodi actus, quo impenditur & cooperatur cum solo libero arbitrio ad actus mere naturales; disputatione autem 29 & sequentibus satis ostensum est per concursum generalem nec tolli nec impediri libertatem arbitrii ad actus suos naturales.

Quod si quis dicat, Sotum & Vegam non aliud intelligere nomine auxilii particularis gratiæ coadjuvantis, quam influxum illum immediatum Dei, quo nos dicimus Deum concurrere cum libero arbitrio & gratia præveniente ad actus credendi, sperandi, & prænitendi ut ad salutem oportet: recenseri vero ab eis inter auxilia particularia gratiæ, eo quod concursus ille sit ad effectum supernaturalem, atque adeo distinctus a concursu quo Deus concurrit ad res naturales. In primis non puto concursum illum, quantum est ex se, esse alterius rationis ab eo quo Deus concurrit ad effectus mere naturales: neque ab illo credo habere actus illos quod sint supernaturales, sicut neque id habent ab influxu liberi arbitrii; sed solum habere esse supernaturales ab influxu Dei per gratiam prævenientem. Univerſimque quoties causâ secunda est supernaturalis, atque eo modo apta nata ut effectum producat supernatura-

lem, quo causâ secunda apta nata est ut producat effectum naturalem, non puto influxum immediatum Dei cum illa in effectum producedum (ea nimirum generali ratione, quod sicut nihil creatum conservari potest, nisi Deo in illud ipsum immediate influente, ita neque produci) alterius rationis esse a concursu quo concurrit ad effectus naturales, aut ab illo effectus productos habere, quod sint supernaturales. Quare cum solo concursu generali Dei puto, post acquisitos habitus fidei, spei, & caritatis, supernaturales insulos, posse liberum arbitrium unum aut alterum actum fidei, spei, aut caritatis elicere, qui a concursu habituum supernaturalium habebunt, ut sint supernaturales. Atque id plerique affirmant, de quorum numero videtur esse Sotus tertio de natura & gratia c. 4 conc. 2. Eodem modo credo intellectum perfusum lumine gloriæ cum solo concursu generali Dei posse producere visionem beatificam, idemque existimo de cæteris supernaturalibus causis secundis, quæ suapte natura aptæ fuerint ad supernaturales effectus producendos.

Deinde esto admittendum esse Dominico a Soto atque Andreæ a Vega concursum ad illos actus esse alterius rationis a concursu generali ad effectus naturales, non tamen esse illis concedendum, esse concursum immediatum in liberum arbitrium ut in causam, quasi prius eo concursu motum ac a Deo ad agendum applicatum tales actus eliceret: sed esse influxum Dei immediatum in actus ipsos cum libero arbitrio, & gratia præveniente, idque propter rationes quibus disputatione 25 & sequentibus idem dictum est de concursu generali ad effectus naturales. Præterea neque illis esset admittendum, gratiam prævenientem non dici etiam cooperantem, sicut a Concilio Tridentino, & aliis patribus appellata est. Neque item quantitati talis concursus cum libero arbitrio & gratia præveniente respondere intensionem & fervorem actuum, quibus liberum arbitrium ad gratiam se disponit, quasi id non magis, tum à quantitate gratiæ prævenientis ac excitantis, tum etiam a libero influxu majori vel minori ipsius arbitrii spectandum sit.

Libertas
arbitrii per
concursum
Dei ad
res super-
naturales
nullitur.

Ad præcedentem appendix, in qua res magis adhuc explicatur.

DISPUTATIO XL.

Post præcedentem disputationem, quin & post totum hoc opus compositum nonnullis plus iusto Sori ac Andreæ a Vega opinioni adherere intellexi. Idcirco disputationem hanc præcedenti addendam censui: tum ut paucis nostra sententia radicitus intelligatur: tum ut in quo a contraria distet, præsertim ut a quibusdam hodie intelligitur ac defenditur, melius perspiciatur: tum deniq; ut, præter ea quæ præcedente disputatione dicta sunt, ex iis etiam, quæ in hac subiiciemus, possit facilius judicari quanam earum veritatem contineat.

Nos secuti, non solum vestigia, sed & verba, apertamque sententiam Concilii Tridentini sess. 6 cap. 5 & can. 4 junctis antecedentibus & sequentibus, ubi profecto dilucidius & exactius, quam in quocunque alio concilio, doctrina justificationis adversus Pelagianos & Lutheranos tradita est, asseveramus quæ sequuntur.

In primis nullum adultum posse credere, sperare, diligere, aut poenitere, ut ad salutem oportet, absque præveniente ac excitante Spiritus sancti gratia.

Deinde in potestate arbitrii adulti, eo pacto a Deo præventi & excitati, esse consentire, aut non consentire Deo ita per prævenientem gratiam excitanti ac vocanti, atque adeo in potestate ejusdem arbitrii esse, reddere cassam, aut non reddere, ejusmodi prævenientem Spiritus sancti gratiam. Neutrum horum negant oppositæ sententiæ auctores, quia utrumque apertissime in Concilio Tridentino locis citatis est definitum.

Tertio asseveramus, prævenientem gratiam, qua arbitrium adulti a Spiritu sancto prævenitur, excitatur, allicitur, ac invitatur ad prædictos credendi, sperandi, diligendi, ac poenitendi actus, esse instrumentum Spiritus sancti, quo ulterius efficienter concurrat ac influit cum arbitrio ipso ad eosdem actus producendos, quando arbitrium ipsum prædictæ gratiæ consentit, & cum ea influit & cooperatur eosdem actus. Quare ejusmodi actus simul sunt efficienter ab arbitrio ipso per suum in eos influxum, & a Deo qui novo influxu, novæ actione per prævenientem gratiam tanquam per instrumentum in

eosdem influit. Sicut enim habitus, tam naturales quam supernaturales virtutum, quia inclinant potentias ad actus, habilesque proinde ad illos eas reddunt, concurrunt cum eis efficienter ad actus suo partiali ac proprio influxu in eos influendo: ita cum gratia præveniens allicit, invitet, & inclinet potentias ad supernaturales illos actus eliciendos, utique quando potentia consentiunt gratiæ excitanti, in actusque influit, ad quos gratia allicit, & invitat, ipsamet etiam gratia influet & cooperabitur cum potentiis eosdem actus. Porro sicut, quod existat in rerum natura influxus habituum ad actus virtutum, quos potentia eliciunt, pendet ab influxu ipsarummet potentialium in eosdem actus; eo quod habitus sufficiens causa non sit sine potentialium concursu ad tales actus producendos: ita, quod in rerum natura existat novus ille influxus gratiæ prævenientis in actus credendi, sperandi, diligendi, ac poenitendi, pendet a cooperatione & influxu liberi nostri arbitrii in eosdem actus per intellectum & voluntatem; eo quod similiter gratia præveniens causa sufficiens non sit eorundem actuum sine nostri arbitrii in eos cooperatione ac influxu. Ex dictis intelligitur facile, unam & eandem numero gratiam, quatenus excitat, allicit & invitat arbitrium nostrum ad actus credendi, sperandi, diligendi, aut poenitendi, appellari prævenientem ac excitantem gratiam, eaque consideratione prævenire arbitrium nostrum ad ejusmodi actus: quatenus vero consentiente jam nostro arbitrio, & cooperante actus ad quos illa invitat, & allicit, ipsa quoque novo influxu & actione cooperatur eosdem actus, appellari adjuvantem ac cooperantem gratiam. Id quod non obscure significat Concilium Tridentinum sess. 6 cap. 5 verbis in his disputatione præcedente relatis, quæ libet paulo attentius expendere. Illa sic habent: Declarat sancta synodus justificationis exordium in adultis a Dei per Christum præveniente gratia sumendum esse, hoc est ab ejus vocatione, qua nullis eorum existentibus meritis, vocatur, ut, qui per peccata a Deo averſi erant, per ejus excitantem, atque adjuvantem gratiam ad convertendum se ad suam ipsorum justificationem, eidem gratiæ libere assentiendo & cooperando disponantur: ut ita, tangente Deo cor hominis per

Gratia præveniens, ut cooperetur ad allos quibus justificationis pendet a cooperatione liberi arbitrii.

Gratia præveniens & cooperans una & eadem diversimodè spectata.

Præveniens gratia instrumentum quo Spiritus sanctus cooperatur cum arbitrio actus quibus justificationis.

Spiritus

Spiritus sancti illuminationem, neque homo nihil omnino agat, inspirationem illam recipiens, quippe qui illam & abjicere potest, neque tamen sine gratia Dei movere se ad iustitiam coram illo libera sua voluntate possit. Ecce, gratiam, a qua dixit sumendum justificationis exordium, & quam appellavit prævenientem, vocantem, & excitantem, dixit esse adjuvantem adultum ad convertendum se ad suam justificationem, eidem gratiæ libere assentiendo & cooperando. Quo loco observa, eidem gratiæ dixisse, & non alteri numero, illique eidem assentiendo & cooperando. Cum autem cooperans cum coope-
rante secum sit cooperans, manifeste docuit, sicut arbitrium ipsum cooperatur cum gratia quando se disponit ac movet ad iustitiam: ita etiam gratiam ipsam cum arbitrio ipso cooperari eodem actus, quibus ad iustitiam disponitur ac movetur; qui sane non alii sunt, quam actus credendi, sperandi, diligendi, ac poenitendi, ut ad salutem oportet. Idem apertissime significant illa alia verba canonis 4. Si quis dixerit liberum hominis arbitrium a Deo motum & excitatum nihil cooperari assentiendo Deo excitanti, atque vocanti, quo ad obtinendam justificationis gratiam se disponat, ac præparet, neque posse dissentire, si velit, anathema sit. Ecce desinitur, liberum arbitrium a Deo motum, & excitatum (utique per gratiam prævenientem, & excitantem) cooperari cum Deo excitante, atque vocante, atque adeo Deum ipsum per eandem gratiam cum libero arbitrio consentiente cooperari dispositionem, qua ad justificationis gratiam se disponit ac præparat: posseque idem arbitrium dissentire, & non cooperari cum Deo, si velit.

*Effectus
supernatu-
rales, quos
Deus facere
potest per
causas se-
cundas, non
consuevit
efficere per
seipsum
solum.*

Illud ad pleniorum tertii nostri asserti intelligentiam addendum est. Deum, qui suavit omnia disponit, quod potest facere per causas secundas, non solere efficere per seipsum solum, etiam quando effectus supernaturales sunt. Hac ratione licet (juxta probabiliorem sententiam, quam quæst. 12 hujus primæ partis ostendimus) possit per seipsum immediate efficere cum intellectu beati visionem beatificam absque interventu luminis gloriæ, lumen tamen gloriæ per modum habitus infundit, quo perpetuo efficiatur. Hac etiam ratione iis, qui iustificantur, infundit supernaturales habitus vir-

tutum Theologicarum, quibus per suum arbitrium, eo ipso quod filii adoptivi Dei facti sunt, operari possint supernaturales actus earundem virtutum, promereri que augmentum gratiæ, & gloriæ, ut si habitus gratiæ & caritatis, cooperante ipsorum arbitrio, fiat in eis fons aquæ salientis in vitam æternam. Eodem modo, cum ad justificationem adulti cooperationem illius per suum liberum arbitrium exigat, idque postulet status viæ, licet solus efficere posset justificationem, necessitatemque ad actus supernaturales ad eam de lege ordinaria requisitos inferre voluntati, solam spontanei rationem eidem relinquendo; non tamen id ita efficit, sed supernaturaliter excitat suavitè, allicit, movet, ac vocat liberum arbitrium auxilio gratiæ prævenientis: tum vero ab arbitrio eo pacto excitato & moto exigit consensum, seu cooperationem ad actus ad quos gratia præveniens allicit, & vocat per idemque gratiæ prævenientis auxilium tanquam per instrumentum præsto est Deus cooperari cum eodem arbitrio eodem actus, si & arbitrium ipsum libere cooperari velit, ut ea ratione meritum vite æternæ ac laudem, prout viæ status efflagitat, illi relinquat; juvamenque ad actus supernaturales credendi, sperandi, diligendi ac poenitendi, quibus ad justificationem disponimur, suo modo respondeat juvamine ad actus quos post habitus virtutum Theologicarum comparatos elicimus, servata in eis omnibus arbitrii nostri libertate.

Quarto asseveramus, consensum arbitrii nostri Deo excitanti, allicienti, ac vocanti per auxilium gratiæ prævenientis, non esse aliud, quam liberum nostri arbitrii influxum & cooperationem cum eodem gratiæ auxilio ad supernaturales actus credendi, sperandi, diligendi, ac poenitendi, ad quos invitamur, & qui dispositiones sunt ad justificationem: Id sane satis dilucide sonant duæ definitiones Concilii Tridentini paulo ante propositæ. Ratione vero hujus consensus, quo cum gratia præveniente cooperamur, quique in nostra sitis est potestate, ait Concilium Tridentinum cap. 5 citato Zachariæ, 1 dictum esse, Convertimini ad me, & convertar ad vos; nosque libertatis nostræ ad conversionem nostram eo testimonio admovevi, quia videlicet, consentire illo modo, quod in nostra positum est libertate, est nos ipsos ad

*Consensus
noster gra-
tiæ præve-
nienti, est
cooperatio
cum illa
actus ad
quos illa
vocatur.*

Deum convertere: ratione autem gratiæ prævenientis ad id nobis necessaria, subiungit Concilium, nos Joëlis 2 respondere, Convertite nos Domine ad te, & convertemur: ea namque responsione ait Concilium nos confiteri, ut convertamur, Dei gratia præveniri nos, eaque ad id præventionem indigere.

Possimus confirmare consensum nostri arbitrii Deo excitanti, allicienti, ac vocanti per auxilium gratiæ prævenientis, non esse aliud, quam influxum liberum & cooperationem arbitrii nostri cum eodem auxilio gratiæ in prædictos actus: tum quia oppositæ sententiæ auctores non indicabunt quid aliud sit: tum etiam quia quivis in se ipso experitur, dum pondus & malitiam suorum peccatorum, Deique bonitatem mente pervolvit, aut hæc ipsa pro concione audit explicari, vel pii alicujus libri lectione tacitus secum expendit, subitoque interius lux circa eadem in intellectu affulget, affectusque displicentiæ peccatorum & dilectionis Dei cum teneritudine ac dulcedine quadam interdum conjunctus oboritur, quibus ad contritionem allicitur, & invitatur, experitur inquam quivis nostrum nihil aliud esse affectui huic prævenientis gratiæ consentire, quam opere cum libere sequi, influendo & cooperando: cum illo dolore de peccatis propter Deum quem eo ipso diligere incipit, ad quem actum affectus ille, luxque illa incitarunt. Porro ejusmodi consensus liberi arbitrii cum non aliud sit, quam liber influxus & cooperatio arbitrii nostri in actum contritionis, tanquam partis minus præcipuæ totius causæ integræ illius actus, atque adeo fiat cooperante Deo simul ac præcipue in eundem actum per auxilium gratiæ prævenientis, quæ jam tunc rationem etiam subit gratiæ cooperantis, & adjuvantis arbitrium ad eundem actum, sane talis consensus ad influxum arbitrii neque re, neque ratione formali distinguitur ab actu contritionis: quin neque sunt ibi duæ actiones, sed una numero tantum supernaturalis actio tam re, quam ratione formali, quæ spectata præcisè ut ab arbitrio nostro, tanquam a minus præcipua parte integræ ipsius causæ, emanat, dicitur consensus & influxus liberi arbitrii nostri in illam; quatenus verò emanat a Deo per auxilium gratiæ prævenientis, tanquam a præcipua parte integræ causæ a qua habet ut supernaturalis sit &

qualis ad salutem est necessaria, dicitur influxus, & actio Dei per gratiam coadjuvantem. Quo fit, ut consensus liberi arbitrii Deo excitanti ac vocanti per gratiam prævenientem, nihil in re sit quod non sit supernaturale, & quod non simul a Deo emanet, non solum tanquam ab alliciente, excitante, & invitante ad id arbitrium nostrum, sed etiam tanquam a cooperante per auxilium gratiæ; atque adeo fit ut nihil omnino habeat aditus ex iis, quæ ad justificationem sunt necessaria, & quibus a non justificato discernatur, de quo gloriari possit, ac si id a Deo non acceperit; tamen ad multa ex iis, quæ ad justificationem sunt necessaria, libere cooperetur ac influat, ita ut in ipsius potestate sit non cooperari, & non influere, atque adeo impedire ne in rerum natura exillat.

Nostra itaque sententia anathema censeri debet, qui affirmaverit consensum arbitrii nostri Deo excitanti & vocanti per auxilium gratiæ prævenientis esse actum naturalem, aut posse elici sine auxilio & cooperatione ejusdem prævenientis gratiæ: sed iterum esse etiam anathema, qui dixerit eundem consensum non esse in libera arbitrii nostri, ad modum explicatum, potestate, cooperatio nemque liberam arbitrii nostri non esse necessariam ad supernaturales actus quibus ad gratiam disponimur, & quibus ab iis discernimur, qui non justificantur. Verum hæc de re in materia de prædestinatione redibit sermo.

Antequam quantum assertum subjiciamus sciendum est, nos non negare communem illam distinctionem auxilii sufficientis, in efficacem & inefficacem: ita tamen ut efficacem libertatem arbitrii, ac proinde meritum & laudem ab eo non tollat, sed in potestate ipsius sit, nihil tali auxilio impediente, non converti, atque adeo casum inefficaxque illud reddere: & ita ut sufficiens inefficax auxilium, vere in se ipso sufficiens sit, per arbitriumque ipsum stet, quod illo non convertatur, atque adeo quod efficax non sit; ut eo pacto & ratio auxilii sufficientis integra in eo auxilio maneat, & arbitrii libertas, ut convertantur, perseveret in iis; qui, cum præsto sit Deus illis, quantum satis est ut convertantur, opitulari, quin & multis eorum longe majoribus auxiliis provideret, quam aliis qui convertuntur, per ipsos tamen stat quod non

conver-

*Consensus
arbitrii
nostri gra-
tiæ præve-
nientis actus
supernatu-
ralis.*

*Auxilii
sufficientis
in ineffica-
cem & effi-
cacem
divisum.*

convertantur. Quo fit, ut divisio sufficientis auxilii in efficacem & inefficacem, nostra sententia, ab effectu, qui simul ab arbitrii libertate pendet, sumatur; illudque auxilium sufficiens, sive majus sive minus in se sit, efficax dicatur, cum quo arbitrium pro sua libertate convertitur, cum tamen, nihil eo auxilio impediante, potuerit non converti: illud vero inefficax dicatur, cum quo arbitrium pro eadem sua libertate non convertitur, cum tamen potuerit converti, alioquin tale auxilium sufficiens non esset ad conversionem.

Hinc quinto loco asserimus, auxilia prævenientis atque adjuvantis gratiæ, quæ lege ordinaria viatoribus conferuntur, quod efficacia aut inefficacia ad conversionem seu justificationem sunt, pendere a libero consensu & cooperatione arbitrii nostri cum illis, atque adeo in libera potestate nostra esse, vel illa efficacia reddere consentiendo & cooperando cum illis adactus quibus ad justificationem disponimur, vel inefficacia illa reddere, continendo consensum & cooperationem nostram, aut etiam eliciendo contrarium dissentium. Hoc sane est, quod disertissimis verbis definit concilium Tridentinum duabus definitionibus relatis. Hoc ipsum est, quod postulat ratio viæ, & sine quo libertas arbitrii nostri ad justificationem in puncto, quo ad Deum a peccatis convertimur, non potest salva consistere. Hoc etiam sonat doctrina, quam contrariæ sententiæ auctores nobiscum docere solent, nunquam Deum viatori denegare auxilium sufficiens quo convertatur, & per peccatores, qui non convertuntur, stare quominus convertantur, & justificentur; eo quod suo arbitrio efficere nolunt id totum, quod possunt. Hoc ipsum item est, unde laudi, ac vitæ æternæ merito tribuitur peccatori quod convertatur ac justificetur, & vitio ac vituperio iis qui in suorum peccatorum sordibus perseverant, nec, ut possunt, convertuntur. Hoc ipsum præterea est, unde jure optimo de peccatoribus conqueritur Deus, quod vocaverit, & renuerint: atque unde justum judicium Dei pendet, quo malos ob sua demerita, & quod respicere noluierint, punit ac ignominia afficiet; bonos vero ob facta his contraria honore ac præmio cumulabit. Si non est Dei gratia, ait Augustinus epist. 146 ad Va-

lentinum, quomodo Christus salvat mundum? & si non esset liberum arbitrium, quomodo judicet mundum? Hoc ipsum denique est, quod vel ipsa experientia in unoquoque nostrum testatur quando ad Deum convertimur. Quivis enim in se ipso experitur, dum de peccatis propter Deum dolet, in sua potestate esse continere eum actum quod dolet, non solum divertendo ad alia, sed etiam dissentiendo, complacendoque tunc in iis ipsis peccatis de quibus dolet: & eaque ratione inter justis laudes computatur, quod potuerit transgredi, & non sit transgressus; facere mala, & non fecerit: id quod non video cur excipiendum sit in puncto ipso, momentove justificationis.

Illud observa, quamvis sine auxilio extantantis, prævenientis, ac cooperantis gratiæ, nullo modo converti possit peccator; quoniam si sine illo elicere non potest actus credendi, sperandi, diligendi ac poenitendi quales ad salutem sunt necessarii, nihilominus quatenus nostra conversio simul pendet a libero consensu nostri arbitrii ac cooperatione ad eosdem actus, utique id omne quod allicit, invitat, adjuvatque arbitrium nostrum ut facilius consensum præbeat, ac cooperetur conversionem, computatur inter auxilia, quæ ad conversionem præstantur. Ejusmodi sunt egregii concionatores, qui doctrina & exemplo conversionem nostram adjuvant, & sunt pleraque alia, inter quæ ad convertendum ad fidem, præcipuum locum tenent miracula, quippe quæ attestantur, Dei esse revelationes quæ ad fidem pertinent, atque adeo mirum in modum suadent præbendum illis esse assensum: qua ratione in longe majori culpa sunt qui visis miraculis non convertuntur, quam alii qui miracula non viderunt. Hac de causa, cum Deus semper sit ad ostium peccatoris præsto, ut sufficienti prævenientis gratiæ auxilio eum adjuvet, & sæpe cor illius pulset, per peccatoremque ipsum stet quod non convertatur; Christus Dominus Matth. 11, merito exprobrare coepit civitatibus, in quibus factæ sunt plurimæ virtutes ejus, quia non egissent poenitentiam, dicens: Væ tibi Corozain, væ tibi Bethsaida: quia si in Tyro & Sidone factæ essent virtutes quæ factæ sunt in vobis, olim in cilicio & cinere poenitentiam egissent.

Auxilium
sufficiens
dicitur aut
efficax
est, ab ar-
bitrio ejus,
qui præsta-
tur, pendet.

Præter au-
xilium gratiæ
alia adju-
vant ad
conversio-
nem.

Miracula
cur multum
adjuvant
conversionem
ad
fidem.

sent. Veruntamen dico vobis, Tyro & Sidoni remissus erit in die iudicii, quam vobis, &c. Propter vim hanc quæ est in miraculis ut eis visis plurimi ad fidem convertantur, Actorum 4, Apostoli & ceteri fideles oraverunt Deum, dicentes: Domine da servis tuis cum omni fiducia loqui verbum tuum, in eo quod manum tuam extendas ad sanitates, & signa, & prodigia fieri per nomen sancti filii tui Jesu. Et cum orassent, motus est locus in quo erant congregati. Eandem vim primæ ad Corinth. 14 tribuit Paulus dono prophetiæ dicens: Si conveniente universæ Ecclesiæ in unum, omnes prophetent, intret autem quis infidelis vel idiota, convincitur ab omnibus, dijudicatur ab omnibus, occulta enim cordis ejus manifestata fiunt; & ita cadens in faciem adorabit Deum, pronuntians, quod vere Deus in vobis sit.

In quo alii
dissentiant.

Ecce tibi nostram hac tota de re sententiam paulo accuratius explicatam paucis sub aspectu subjecimus: nunc in quo alii a nobis dissentiant, accipe. Affirmant, ad justificationem adulti duplex gratiæ auxilium esse necessarium, unum prævenientis atque excitantis, quod dicunt reddi posse casum arbitrio nostro non adhibente consensum: atque de hoc tantum consensu intelligendas esse definitiones concilii Tridentini supra relatas: aliud vero gratiæ coadjuvantis, quod dicunt ex se esse auxilium efficax, non vero ex libera determinatione & cooperatione voluntatis cum illo, ac proinde nulla ratione posse casum reddi, sed ita movere & determinare voluntatem ad credendum, sperandum, diligendum, & poenitendum, ut eo præsentem in facultate voluntatis non sit eos actus non elicere: solique quantitati ejusmodi auxilii dicunt respondere intensionem ac fervorem in credendo, sperando, diligendo, ac poenitendo. Addunt, sine tali auxilio ex se efficaci, quod voluntatem præveniat, ac moveat, neminem, quantumvis illo alio prævenientis ac excitantis gratiæ auxilio moveatur, posse elicere actus ad justificationem necessarios.

Primum
adversæ
paritæ argu-
mentum.
Primum pro-
batum.

Hæc sola ratione dicunt verum esse illud Pauli primæ ad Corinth. 4: Quis te discernit? quid habes, quod non accepisti? Si namque, inquit, dato auxilio cum quo re ipsa justificatur, a consensu & determinatione libera

voluntatis pendet, quod tale auxilium efficax sit, & quod ille convertatur, & non e contrario, quia auxilium efficax in se est, ita ab eo determinatur voluntas, ut sine eo determinari non possit, eo autem præsentem non possit non determinari; sane jam dabitur in justificatione aliquid ex parte arbitrii nostri quo is, qui justificatur, ab eo, qui non justificatur, discernatur, nempe liber ille consensus & cooperatio arbitrii nostri. Si item datis æqualibus auxiliis ex parte Dei, fieri potest ut unus pro sola sua libertate & consensu convertatur, alter vero non item, jam certe solus liber ille arbitrii nostri consensus eos discernit, cum cætera sint paria; quod tamen cum doctrina Pauli pugnat.

Si Secundo
probatum.

Eadem solum ratione affirmant verum esse, non dari causam prædestinationis & repro-
bationis adultorum, sed fuisse sola libera voluntate Dei. Quibus namque pro sola sua libera voluntate præbere statuit ejusmodi auxilium efficax, quo mediante ultimo converterentur, prædestinati sunt, eo quod eo præsentem non possint non converti: quibus vero pro eadem sua libera voluntate statuit non conferre ejusmodi auxilium efficax sine quo non poterant converti, sed solum alia inefficacia ad conversionem, illos non prædestinavit, manseruntque proinde in reprobationum numero.

Secundum
argumentum.

Multa sane sunt, quæ adversus hanc sententiam non modicam efficiunt difficultatem. In primis satis dilucide, ni fallor, ostensum est, concilium Tridentinum definiisse, auxilia omnia gratiæ, quæ ad actus credendi, sperandi, diligendi ad poenitendi, quibus ad justificationem disponimur, adultis viatoribus conferuntur, pendere ut efficacia sint, cassaque non reddantur, a libero ipsorum consensu & cooperatione cum illis, atque adeo non solum spontaneam, sed & liberam esse ipsorum ad Deum conversionem, ita ut pro sua libertate possint non converti, in eo ipso temporis momento in quo credendo, sperando, ac dolendo de peccatis ad Deum convertuntur: simulque perspicue ostensum est, gratiam cooperantem unam & eandem numero esse cum præveniente ac excitante, sortiri que rationem cooperantis, quatenus consentiente jam libero nostro arbitrio gratiæ prævenienti & cooperante per liberum consensum ad actus quibus convertimur

Impugnatur.

vertimur atque ad justificationem disponimur, ipsa quoque gratia cooperatur, ac influat in eodem actus. Quare non video quare ratione salva fide Catholica ea sententia possit defendi. Ac sine cum concilium Tridentinum illis definitionibus damnare intenderit pestiferum ineptumque Lutheri & ejusdem sequacium errorem, quo asserbant arbitrium nostrum rem esse de solo titulo, aut potius titulum sine re, explanareque intenderit fidelibus libertatem, ex scripturis satis perspicuam, ut disput. 23 ostensum est, quam ad nostram justificationem habemus; curtae admodum, insufficientesque omnino ad id essent illarum definitiones, si, ut adversae sententiae auctores volunt, in eis solum esset sermo de auxilio praeveniente, atque insufficiente ad justificationem, praeter illudque necessarium esset aliud, sine quo esse non posset conversio, & quo, ex solo Dei beneficio, praesente, in potestate nostri arbitrii non esset non converti: tunc enim libertas ad nostram justificationem maneret adhuc res de solo titulo, aut potius titulus sine re; cum ab arbitrio nostro non penderet quod converteremur, aut non converteremur, sed a solo auxilio Dei efficaci. Adde, concilium Tridentinum, cum can. 3 adversus Pelagianos definivisset, nos non posse credere, sperare, diligere, aut poenitere ut ad salutem oportet absque praeveniente Spiritus sancti inspiratione & adiutorio, protinus canone 4 adversus Lutheranos definire libertatem, quam ad illos eodem actus eliciendos habemus, non obstant quod a Spiritus sancti illuminatione & adiutorio praedicto modo pendeant. Quare de libertate ad illos actus, & non ad aliquid praeivium, ad eosque eliciendos insufficientis, est eo in loco sermo.

Deinde adversus eandem sententiam facit difficultatem, quod ejusdem sententiae defensores explicare nequeunt quid aliud sit liber ille consensus arbitrii nostri quo consentimus Deo praevenienti, excitanti, ac vocanti nos per suam gratiam ad nostram conversionem, atque adeo ad actus credendi, sperandi, diligendi, ac poenitendi, quam cooperatio & influxus liberi arbitrii nostri in eosdem actus. Ad haec, vel consensus ille liber, quem consentitur, est actus mere naturalis, vel supernaturalis; non dicent esse mere naturalem,

quandoquidem sit excitante & alliciente ad illum gratia praeveniente: ergo erit supernaturalis. Quare cum non sit supernaturalis aliunde quam ex influxu ad illum gratia praevenientis; consequens est, ut praeveniens gratia comparatione illius rationem habeat gratiae cooperantis, atque adeo ut unum & idem sit auxilium gratiae praevenientis, & cooperantis, diversorum comparatione spectatum.

Item postquam Deus nos praevenit, & excitavit auxilio gratiae praevenientis, vel quod conferat nobis auxilium efficax, pendet ex libero illo nostro consensu gratiae praevenientis, ita quod si consenserimus, praestabitur; si vero non consenserimus, praestabitur: vel nihil ab illo pendet. Si pendet, recurrunt argumenta quae hi ipsi auctores adversus nos conficiunt, nempe aliquid dari ex parte arbitrii nostri, quo ii, qui justificantur, ille scilicet consensus liber & supernaturalis, a quo auxilium efficax, & justificatio pendet. Praeterea, quod eo dato, praedestinatio & reprobatio non fuerint pro libera tantum voluntate Dei praedeterminantis, sed pro ratione illius usus, seu consensus liberi arbitrii praevisi, a quo pendet, quod conferatur aut non conferatur auxilium efficax, ac proinde quod adultus justificetur aut non justificetur. Si vero, quod efficax auxilium conferatur, aut non conferatur, non pendet ex illo consensu, sed aequae auxilium efficax conferetur aut non conferetur, siue adultus gratiae praevenienti consentiat, siue non consentiat; sane perit communis illa doctrina qua doctores asseverant, facienti, quod in se est, Deum non denegare gratiam, & auxilia ad justificationem & salutem sufficientia; atque omnino libertas nostra ad iustitiam & medio tolli videtur.

Tertio facit difficultatem, quod homo in quocunque temporis momento potest justificari, neque est necesse ut gratia praeveniens ac excitans tempore, sed sufficit si natura antecedit nostram justificationem: si ergo adultus in instanti justificetur, dicendum erit justificari sine praevio libero consensu quo ita gratiae praevenienti ac excitanti libere consentiat, ut in potestate ipsius sit tunc non consentire, atque adeo in tali justificatione locum non habere definitiones illas concilii Tridentini; quod nequaquam est tutum in fide.

fide. Consecutio probatur, quoniam si is iustificatur in eo instanti, utique in eo habet auxilium illud efficax, quò præsentem in facultate arbitrii non est non elicere ultimam dispositionem ad gratiam, atque adeo nec dissentire gratiæ prævenienti & excitanti: implicat enim contradictionem, quod quis in eodem tempore momento dissentiat Deo excitanti & vocanti per gratiam prævenientem, & simul eliciat dispositionem ultimam ad gratiam gratum facientem. Saltem argumentum probat auxilium illud efficax pendere, ut sit aut non sit, a prævio illo consensu quo quis ita gratiæ excitanti consentiat, ut possit non consentire, atque adeo aliquid esse a nostro arbitrio a quo ita iustificatio pendeat, ut in nostra potestate sit efficere, ut illa non sit in rerum natura, nec detur auxilium efficax.

Quarto difficultatem facit, quoniam vel huiusmodi efficax auxilium gratiæ cooperantis est influxus Dei immediatus cum nostra voluntate ad actum conterendi de peccatis, ultimamve dispositionem ad gratiam, vel est influxus prævi in voluntatem, quo a Deo mota ac præventa in potestate ipsius non est non conteri, ac disponi omnino ad gratiam. Primum non sonant ipsorum verba, quoniam dicunt præveniri & moveri voluntatem eo auxilio. Præterea influxus immediatus, non in voluntatem quatenus futura est principium actus, sed una cum voluntate in actum, non videtur qua ratione necessitatem inferat voluntati, ut cooperetur suo influxu alioquin libero. Si vero dent secundum, utique auxilium illud simul habet rationem gratiæ prævenientis, quatenus movet, & inclinatur, imo quatenus juxta eos necessitatem imponit voluntati ut influat in actum contritionis, atque etiam gratiæ cooperantis cum voluntate ulterius ad eundem actum: neque enim affirmare possunt, contritionem, dispositionemve ultimam ad gratiam, a sola voluntate elici immediate, quasi divinum auxilium non influat etiam immediate cum illa: cum ergo unam & eandem confiteantur esse gratiam prævenientem & cooperantem cum voluntate dispositionem ultimam ad gratiam, cur non potius stant definitioni concilii Tridentini, asseverantque influxum illum voluntatis nostræ in contritionem esse consensum quo gratiæ, a qua

movetur, consentit, fatenturque illum ita esse liberum, ut in facultate voluntatis sit non elicere illum, ut concilium definit, statusque noster viæ ac meritum nostrum efflagitant, ac proinde confitentur a libero nostro influxu & cooperatione cum illo pendere quod auxilium illud efficax sit, aut non sit?

Illud etiam attendant, cum tam ejusmodi auxilium quam voluntas causæ quædam secundæ sint, principiumque efficiens actum contritionis, simul requiri concursum Dei generalem quo cum ipsis immediate Deus influat in contritionis actum, alioquin nulla sequeretur actio: quippe cum causa omnis secundæ pendeat in agendo ab immediato Dei in actionem & effectum influxu.

Quinto difficultatem facit, quod juxta hanc sententiam licet salva maneat ratio spontanei, perit tamen libertas adutorum, ut convertantur, in eo ipso instanti in quo convertuntur, ac iustificantur: quod sane cum fide Catholica pugnat. Consecutio probatur, quoniam juxta hanc sententiam, ab arbitrio nostro non pendet quod conferatur, aut non conferatur auxilium efficax; eo autem ex solo Dei beneplacito præsentem non est in potestate nostra non converti: quare perit tunc facultas arbitrii ut convertamur.

Neque satisfacit responsio qua dicitur, ejusmodi adalium in sensu composito non posse non converti in illo instanti; posse tamen in sensu diviso, idque satis esse ad rationem libertatis. Hæc, inquam responsio non satisfacit, quoniam in reposita non video quid aliud sit compositus & divisus sensus, quam præsentem auxilio efficaci, non posse non converti, sine facultate tunc in arbitrio sic disposito ut non convertatur; & absente eo auxilio, posse non converti, imo non posse converti sine facultate in arbitrio tunc ut convertatur: hoc autem non est libertas in arbitrio ipso ut convertatur aut non convertatur; sed est libertas in Deo ut libera collatione auxilii efficacis illud convertat, aut ut, continendo idem auxilium, illud non convertat: non secus ac lapidem vi mea posse moveri in dexteram partem, & non moveri, si vim non adhibeant, non est libertas in lapide ut moveatur aut non moveatur, sed est libertas in me ut illum moveam aut non moveam.

Quod de sensu composito ac diviso dici aliquando merito consuevit, locum habet quando in arbitrio ipso vere adest facultas ad contrarium nihilominus impediens re quæ præexistit & coherere non potest cum tali contrario: at si contrarium, ut per arbitrium potest, esset futurum, nunquam res illa præexistisset. Verbi gratia: Præexistente scientia in Deo, quod Petrus in tali temporis puncto Christum sit negaturus, non potest Petrus in sensu composito Christum non negare; quia hæc duo coherere non possunt, quod Deus præcitat Petrum pro sua libertate negaturum Christum, & quod Petrus Christum non neget: verumtamen quia, etiam præexistente eadem scientia, tam integrum Petro est Christum non negare, ac si illa non præexistisset; eo quod non idcirco negaturus sit Christum, quia Deus id præcivit; sed idcirco Deus id altitudine sui intellectionis præcivit, quia ita erat futurum, præciturus contrarius, si quemadmodum pro eadem libertate esse potest, ita re ipsa esset futurum; inde est, quod posse Petrum in sensu diviso negare Christum, satis sit ad verissimam Petri libertatem quando adest talis præscientia. In re autem proposita, ex sententia autorum partis oppositæ, quando adest auxilium efficax, omnino non potest adultus non converti; quando vero illud non adest, omnino non potest converti, adeo ut quidam eorum affirmant, Tyrios & Sidonios, de quibus Matth. 11 est sermo, etiam si apud illos factæ fuissent virtutes & signa, quæ Corozain & Bethsaida sunt facta, non fuisset convertendos. Ratio vero eorum est, quoniam re ipsa non habuerunt auxilium gratiæ cooperantis efficax, alioquin sine ejusmodi signis & virtutibus fuissent conversi: signa autem & virtutes sine efficaci gratiæ auxilio nequaquam ad conversionem sufficiunt. Atque ut hanc suam tueantur sententiam, recurrunt ad violentas quasdam ac peregrinas illius loci expositiones, in quo Christus tam perspicue contrarium docet. Nos vero, ut effugium hoc everteremus, diximus supra, auxilium quo Deus (qui semper est ad ostium peccatoris, & sæpe pulsât) paratus est cuique opitulari, esse satis ad conversionem cujusque; & idcirco tam per Tyrios & Sidonios, quam per habitatores Corozain & Bethsaidæ stetit quominus converterentur, omnesque pro-

MOLINA.

inde in culpa fuisse. Quia tamen signa & virtutes multum adjuvant arbitrium nostrum ut cooperetur, ac præbeat consensum gratiæ qua Deus præsto est illi opitulari, & revera Tyrii & Sydonii consensum præbissent, si virtutes, quæ Corozain & Bethsaidæ sunt factæ, illis fuissent exhibitæ, ut Christus apertissime eo loco docet; idcirco in longe majori culpa fuerunt habitatores Corozain & Bethsaidæ pro sola sui arbitrii libertate, quam fuerint Tyrii & Sidonii, ut idem Evangelii locus aperte confirmat.

Ad primum vero eorum, quibus memorati autores ducuntur ut auxilium esse efficax constituant, negandum est id colligi ex illo Pauli testimonio, ut sæpe ostensum est. Ad primum vero probationem, neganda est conclusio, si intelligatur de consensu qui ita fit a libero nostro arbitrio, ut non simul ac præcipue sit a Deo, non solum ad id alliciente, vocante, & incitante per auxilium gratiæ prævenientis, sed etiam cooperante per idem auxilium gratiæ, ut explicatum est. Quare Deus est qui præcipue justificatum discernit a non justificato, sed cooperante ipsius adulti, qui justificatur, arbitrio, ut est de fide; ac proinde nihil habet justificatus, quo a non justificato discernatur, quod a Deo non acceperit, atque adeo de quo gloriarî possit quasi id non acceperit: id tamen non tollit, illud ipsum pendere simul a libera cooperatione, & influxu arbitrii talis justificati, sine quo illud ipsum non esset.

Ad secundam vero probationem, dicendum est, quando dicimus, datis duobus æqualibus auxiliis ex parte Dei, fieri posse ut unus pro sua libertate convertatur, & alter non, solum esse nobis sermonem de auxiliis gratiæ prævenientis & excitantis quæ gratiæ prævenientis & excitantis auxilia sunt: quia tamen auxilia gratiæ cooperantis distincta non sunt, quoad principium efficiens cooperationem, ab auxiliis gratiæ prævenientis & excitantis, sed unum & idem omnino cum illis ut ostensum est; quod vero cooperentur cum nostro arbitrio, tum dispositionem ad gratiam, hoc est, contritionem, & actus credendi & sperandi; tum etiam concomitantem consensum gratiæ prævenienti, influxumve nostri liberi arbitrii ad eosdem actus, pendens est a cooperatione ipsa arbitrii nostri cum eadem gratia præveniente: indeque

Y

Ad primam
partis ad-
versæ argu-
mentum.
Ad primam
probationem.

Ad secundam
probationem.

indeque est, quod non solus consensus liberi arbitri ejus qui justificatur, hoc est, contritio ut a libero ipsius arbitrio emanat, eum discernat a non justificato, sed etiam influxus ille gratiæ prævenientis a quo sortitur rationem gratiæ cooperantis, hoc est, contritio ipsa ut partialitate causæ emanat efficienter a gratia præveniente. Quare, si in summo rigore sit loquendum, quando in duobus adultis dantur æqualia auxilia gratiæ prævenientis, neque absolute est affirmandum, cum æqualibus auxiliis unum illorum converti, & alterum non converti, nisi addatur ac dicatur, gratiæ prævenientis; etenim quando unus illorum pro sua libertate convertitur, jam auxilium gratiæ prævenientis ipsi collatum habet in eo novum influxum gratiæ cooperantis cum ipsius arbitrio quem non habet in alio: neque item affirmandum est, existentibus in duobus adultis æqualibus auxiliis gratiæ prævenientis, unum eorum pro sola sua libertate converti, & alterum non: quoniam licet conversio illa a libertate pendeat, fiatque ab arbitrio pro sua libertate, non tamen fit pro sola sua libertate, sed cooperante simul auxilio gratiæ prævenientis per influxum a quo sortitur rationem gratiæ cooperantis; quamvis cum hic præsto sit, gratiamque prævenientem dependenter a cooperatione arbitrii comitetur, solum exigatur cooperatio libera arbitrii nostri. Quia tamen molestum esset loqui semper in illo summo rigore, obscuramque reddere orationem adhibendo restrictiones minime ad id, de quo agitur, intelligendum necessarias; quando in sequentibus dicitur, unum cum æqualibus, aut etiam cum minoribus auxiliis pro sua libertate converti aut salvari, quando alius neque convertitur neque salvatur, intelligendum, id est, de auxiliis gratiæ prævenientis, & de aliis quæ ad salutem conducunt: non vero de influxu illo gratiæ prævenientis a quo sortitur rationem gratiæ cooperantis justificationem ad salutem: quando enim hic adest, gratiæque præveniens rationem sortitur gratiæ cooperantis justificationem, semper peccator convertitur & justificatur; quod tamen influxus ille adest, pendens fuit a libera cooperatione arbitrii nostri, ut sæpeditum est.

Hinc patet merito affirmandum esse, in sensu composito fieri non posse ut adsit influ-

xus gratiæ cooperantis, seu (quod idem est) auxilium cooperantis gratiæ, quatenus est cooperans conversionem, quin peccator per suum arbitrium convertatur nihilominus tamen in sensu diviso, atque simpliciter, in eo ipso instanti, in quo peccator convertitur, esse in facultate arbitrii ipsius non converti, atque adeo ita libere adhibere consensum, influxum, & cooperationem ad credendum, sperandum, & poenitendum, ut possit tunc eam continere, & non converti, quin & dissentire. Ratio horum est, quoniam licet gratia præveniens, quæ præveniens est, antecedit consensum nostri arbitrii & cooperationem ipsius ad actus credendi, sperandi, & poenitendi quibus ad Deum convertimur; influxus tamen & cooperatio ejusdem gratiæ cum nostro arbitrio ad eosdem actus, a quo gratia præveniens rationem sortitur gratiæ cooperantis, non antecedit liberum nostrum consensum & cooperationem ad nostram conversionem, sed concomitatur & ab ea pendet: non secus atque concursus & influxus habituum virtutum ad nostras operationes pendet a cooperatione ipsarum potentiarum, ut supra fuit explicatum: id quod in causa est, ut habitibus utamur ad nostras operationes quando pro arbitrio nostro volumus operari, eisque non utamur quando ab operatione pro eodem arbitrio cessare volumus. Quare sicut in sensu composito implicat contradictionem eos habitus, qui in nostris potentis resident, operationem habere, quin & potentia cooperentur, & nihilominus in sensu diviso, ac simpliciter, potentia, quæ libero arbitrio subsunt, libere tunc operantur, possuntque non operari; quia non prius est habitus cum illis cooperari, quam ipsæ cum illis libere cooperentur: ita in re proposita, licet contradictionem involvat, esse influxum illum gratiæ prævenientis cum nostro arbitrio a quo gratia illa sortitur rationem gratiæ cooperantis conversionem nostram, quin arbitrium ipsam eandem cooperetur, ac convertatur; quia tamen influxus ille gratiæ cooperantis non antecedit consensum, determinationem, & cooperationem arbitrii nostri ad eandem conversionem, quin potius ab ea pendet ut sit in rerum natura, nullam omnino necessitatem, nisi tantum consequentiam, imponit arbitrio nostro, neque ab illo facultatem aufert

auferat non cooperandi, si velit, in eo ipso instanti, in quo conversionem ipsam cooperatur. Quo sit ut necessitas illa in sensu composito non proficiatur ex efficacia qua auxilium gratiæ cooperantis moveat ad conversionem arbitrium nostrum, ita ut in instanti, in quo convertitur, integrum illi non sit converti, aut ita ut existente equali influxu gratiæ cooperantis, non possit unus pro sua libertate majori conari, intensiorque actu converti quam alius.

Ad secundum arguendum. Secundum eorum, quibus prædicti autores ducuntur, nullam adversum nos vim habere liquido constabit in materia de prædestinatione.

Discrimina duo inter concursum generalem cum libero arbitrio ad actus naturales, & auxilium gratiæ prævenientis ad actus supernaturales, una cum majori prædictorum expositione.

DISPUTATIO XLI.

EX hæcenus dictis intelligentur facile duo illa discrimina quæ disputat. 29 & 30; constituimus inter concursum Dei generalem cum libero arbitrio ad actus naturales, & auxilium gratiæ prævenientis, ea ex parte qua gratia præveniens est, ad actus liberi arbitrii supernaturales, quibus ad gratiam se disponit. Primum erat, quod concursus Dei generalis ad actus naturales non est concursus Dei in liberum arbitrium ut causa est illorum actuum, quasi prius suscipiat in se cum motum, eoque applicetur & potens reddatur ad influendum in actum; sed est influxus immediatus una cum libero arbitrio in actum: at vero auxilium gratiæ prævenientis, ea ex parte qua gratia præveniens est, est influxus Dei in liberum arbitrium, quo illud movet & excitat, potensque reddit, ut eo pacto motum, tanquam habens jam in seipso principium efficiens actuum supernaturalium, simul influendo ulterius eos producat. Secundum discrimen, quod ex hoc primo oritur, erat. Quod influxus Dei cum libero arbitrio per concursum generalem ad actus naturales, nec tempore nec natura antecedit influxum liberi arbitrii in eosdem actus; sed a se mutuo pendent, simulque omnino sunt in rerum natura, & in eandem numero actionem & effectum uni-

untur, gratia vero præveniens, qua præveniens gratia est, tempore vel natura antecedere solet influxum liberi arbitrii ad actum supernaturalem, potestque frustrari, si arbitrium ipsum pro sua innata libertate non velit cum ea elicere actum, per quem ad justificationem disponatur.

Dixi toties, gratiam prævenientem, qua gratia præveniens est, tempore vel natura antecedere influxum liberi arbitrii: quoniam si sumatur ut posterius tempore vel natura fortitur rationem gratiæ cooperantis, videlicet dum, consentiente jam libero arbitrio influenteque in suum actum, ipsa quoque in eundem actum influit, cooperaturque simul cum libero arbitrio, tunc influxus ille, per quem fortitur rationem gratiæ cooperantis, neque tempore, neque natura antecedit influxum liberi arbitrii: quin potius perinde hi duo influxus, una cum concursu universalis, quo Deus influit etiam in eundem actum, sunt simul, atque a se mutuo pendent, uniunturque in eandem supernaturalem actionem ab omnibus iis tribus causis tanquam ab una integra effectam, ac influxus Dei generalis & influxus causæ secundæ in rerum natura simul ponuntur, ac tolluntur, & a se mutuo pendent, uniunturque in eandem actionem & effectum naturalem ab utraque causa productum.

Ruardus Tapper in articulo de libero arbitrio in dubium vertit, an Deus prius saltem natura concurrat cum libero arbitrio ad opera supernaturalia, an omnino simul. Dicitque idem ea de re esse dicendum, quod de concursu Dei cum eodem libero arbitrio ac cæteris causis secundis ad actiones naturales. Atque pro ea parte, quæ asserit concurrere simul, concursumque Dei non esse influxum in causam secundam, sed una cum causa secunda in operationem ac effectum illius, citat Andreæ a Castro novo, cuius opera ad manus meas nondum devenerunt, Gabrielem in secundo, dist. 1 q. 2 & d. 37 & Gregorium in primo, dist. 45 conclusionem 5: Pro contraria vero parte, nempe quod prius natura concurrat, concursusque ille sit influxus immediate in causam, & mediate in actionem & effectum causæ, citat ea quæ ex Scoto & Cajetano disputatione 35 retulimus, & tandem non terminatam questionem relinquit, quasi neutra pars sit improbabilis.

*Gratia
quoad id
unde præve-
nientis ra-
tionem for-
titur, præ-
venit influ-
xum liberi
arbitrii ad
actum su-
pernaturali-
tem; quoad
id vero unde
accipit rati-
onem, coope-
rantis, non
idem.*

Caterum ex dictis patet, si sit sermo de influxu Dei cum libero arbitrio tam per concursum generalem, quam per influxum illum gratiæ, a quo gratia præveniens fortitur rationem gratiæ cooperantis, Deum perinde concurrere simul cum libero arbitrio ad opera supernaturalia, ac cum eodem & cæteris causis secundis concurrat simul per concursum generalem ad opera naturalia. At vero si sit sermo de influxu illo, quo Deus in liberum arbitrium immittit gratiam prævenientem, per quam illud movet ac invitat ad actum supernaturalem, talis influxus & motus Dei, qui gratiæ prævenientis, qua gratia præveniens est, dicitur, natura, & inter-dum etiam tempore, antecedit concursum liberi arbitrii, idque adeo certum est, ut contrarium sit error in fide, ut ex definitione concilii Tridentini sess. 6 cap. 5 & canone 4 est manifestum. Quia enim influxus ille Dei influxum liberi arbitrii in actum supernaturalem antecedit, idgo gratia præveniens atque excitans liberum arbitrium ad eum actum appellari solet; ab illaque definit concilium sumendum esse exordium justificationis. Et in concilio Arausicano secundo, canone 14 ita habetur: Nullus miser de quacunque miseria liberatur, nisi qui Dei misericordia prævenitur, sicut dicit Psalmista, Cito anticipet *me* misericordia tua Domine; & illud, Deus meus misericordia ejus præveniet me. Idem sonant plerique alii canones ejusdem concilii. Unde Hypognosticon lib. 3 August. aut quicumque alius ejus operis autor, In omni, inquit, opere sancto prior est voluntas Dei posterior liberi arbitrii; id est, operatur Deus, cooperatur homo. Et de bono viduitatis cap. 17: Nostrum est velle, sed voluntas etiam ipsa movetur ut surgat.

Et Gregorius 16 Moralium, cap. 10 alias cap. 11 in expositione postremorum verborum capituli 22 Job, ait: Superna pietas prius agit in nobis aliquid sine nobis, ut subsequente quoque nostro libero arbitrio, bonum, quod jam appetimus, agat nobiscum. Quod tamen per impendat gratiam in extremo judicio ita remunerat in nobis, ac si solis præcessisset ex nobis. Quia enim divina nos bonitas, ut innocentes faciat, prævenit, Paulus ait, Gratia autem Dei sum id quod sum: & quia eandem gratiam nostrum liberum

arbitrium sequitur, adjungit, Et gratia ejus in me vacua non fuit, sed abundantius illis omnibus laboravi. Qui dum se, de se, nihil esse conficeret, ait: Non autem ego. Et tamen quia se esse aliquid cum gratia invenit, adjunxit, Sed gratia Dei mecum. Non enim diceret, mecum, si cum præveniente gratia subsquens liberum arbitrium non haberet: ut ergo se sine gratia nihil esse ostenderet, ait, Non ego: ut vero se cum gratia operatum esse per liberum arbitrium demonstraret, adjunxit, Sed gratia Dei mecum.

Et lib. 24 cap. 6, alias cap. 12 exponens illa verba Job 33: Liberavit animam suam ne pergeret in interitum. Quia, inquit, præveniente divina gratia in operatione bona nostrum liberum arbitrium sequimur, nosmetipsi nos liberare dicimur, qui liberanti nos Domino consentimus. Unde Paulus cum diceret, Abundantius illis omnibus laboravi; ne labores suos sibi tribuisse videretur, illico adjunxit: Non autem ego, sed gratia Dei mecum. Quia enim prævenientem Dei gratiam etiam ipse per liberum arbitrium fuerat secutus, apte subjunxit, mecum, ut & divino muneri non esset ingratus, & tamen a merito liberi arbitrii non remaneret extraneus. De hoc autem qui liberatori suo semetipsum cognoscendo consensit, recte dicit, liberavit animam suam ne pergeret in interitum. Idem Anselmus in illa verba 1 ad Corinth. 15: Gratia Dei sum id quod sum.

Occasione horum testimoniorum, illud addendum erit hoc loco quod & titulus *Gratiæ prævenientis rationem habent habentibus* disputatio 37 propositus postulare videbatur, & paulo post erat subjiciendum, *in fidei, nempe habitus fidei, spei, & caritatis comparationem* actuum qui ab illis & arbitrio emanant. Idem de moralibus dicitur Spiritus sancti, excitare solet justos post comparatum justificationis donum ac invitare, & coadjuvare ad ejusmodi actus producendos. Id quod facile erit intelligere ex iis quæ disputatione 8 & aliis dicta sunt. Gregorius ergo in testimoniis

in testimoniis illis loquitur de gratia præveniente tam ad actus quibus ad justificationem disponimur, quam ad actus meritorios quos post donum justificationis comparatum exercemus.

De variis acceptionibus gratia prævenientis, operantis, cooperantis, & subsequæntis.

DISPUTATIO XLII.

Hactenus dicta disputationem hanc postulare videntur, qua Patres & concilia intelligantur, ambiguitasque de medio tollatur. Gratia præveniens, gratia operans, gratia cooperans, & gratia subsequens, varie consueverunt usurpari. A concilio namque Tridentino & a Patribus sæpe gratia præveniens & gratia cooperans eo plane modo accipiuntur, quo a nobis hæctenus explicatae sunt. Estque propriissima illa usurpatio. Verum quia gratia præveniens, qua talis, siue sit habitus infusus, siue motus illi quibus excitatur & invitatur liberum arbitrium, sit a Deo nulla requisita cooperatione liberi arbitrii: sumptaque operatione late, ut comprehendit causalitatem causæ formalis, gratia præveniens sola efficit, vel justificationem, vel excitationes atque invitationes illas liberi arbitrii: appellari etiam consuevit gratia operans, collatione facta cum ipsamet dum posterius tempore vel natura suo influxu in genere causæ efficientis cooperatur cum libero arbitrio actus supernaturales quibus se disponit ad justificationem, vel actus promerentes incrementum gratiæ & gloriæ, quo pacto dicitur jam gratia cooperans eosdem actus una cum libero arbitrio. Quo fit, ut una & eadem gratia, comparatione effectus formalis quem formaliter efficit, dicatur gratia operans, maxime cum ita a Deo gratias ad eum finem sit producta, ut necessarius non fuerit concursus liberi arbitrii: comparatione vero influxus in genere causæ efficientis una cum libero arbitrio ad actum supernaturalem, dicatur gratia cooperans. Id quod cum doctrina Divi Thomæ prima secundæ, q. 111 art. 2 & tertio recte congruit.

Gratia operans, & cooperans, quo pacto ab Augustino sumantur.

Alio modo sumuntur gratia operans & cooperans ab Augustino, libro de gratia & libero arbitrio cap. 17 ac alibi videlicet, ut quicquid supernaturale Deus efficit in nobis quousque nos perducit ad donum justifica-

tionis, siue ad illud cooperemur nostro arbitrio siue non, dicatur gratia operans: id vero, quo deinceps nos adjuvat ut totam legem impleamus, perseveremus, & proficiamus in iustitia semel accepta (quod sine superaddito auxilio gratiæ, ut in præcedentibus ostensum est, præstare non possumus) appelletur gratia cooperans. Quia enim quicquid nobis tribuit usque ad justificationis donum, atque ipsa etiam prima gratia gratum faciens, qua justificatione completur, mere gratis nobis confertur, neque ante illam in nobis est unde vitam æternam promereamur, inde ortum habuit ut gratia illuc usque collata ab Augustino appellaretur operans. Quoniam vero, postquam gratia justificans gratuitus Dei beneficium nostra effecta est, & in nobis, instar fontis aquæ vivæ salientis in vitam æternam, scaturit, nos sumus qui ea nostram operamur salutem, legemque ita implemus, ut æterna retributione digni efficiamur, inde etiam effectum est, ut auxilium gratiæ, quo post illam acquisitam ad hoc ipsum nos adjuvat, ab eodem Augustino appelletur gratia salutem nostram nobiscum cooperans. Atque hic plane est sensus & mens Augustini eo loco in tradenda distinctione gratiæ operantis & cooperantis, ut expendent illud caput luce clarius erit manifestum. Tameñ aliter Augustinum intellexerint D. Thomas duobus articulis citatis, Sotus primo de natura & gratia cap. 16 & quidam alii. Gratiam enim quousque operari meritorie incipimus appellat Augustinus operantem: quia tamen illa, nisi auxiliis corroboraretur & augeatur, non est satis ad totam legem implendam, superandasque difficultates maximas, quæ decursu temporis occurrunt (ut exemplo debilis adhuc gratiæ, quam Petrus habebat, cum ad puellæ ostiariæ interrogationem Christum negavit, eo loco docet) id gratiæ, quod Deus iustus addit, ut legem toto vitæ tempore impleant, idque perfruant quod ipse per donum justificationis in eis incipit, appellat gratiam cooperantem cum illis ut perficiant, in acceptaque iustitia crescant, atque usque ad finem vitæ perseverent.

Juxta sensum explicatum docet eo loco Augustinus, Deum per gratiam operantem præparare nobis voluntatem, videlicet ut ea omnia velimus quæ ad justificationem sunt necessaria, nempe ut fidem amplectamur, de peccatis

peccatis doleamus, statuamus Deum nunquam lethaliter offendere, atque adeo legem totam implere: quæ omnia ad justificationem, & ut apud Deum mereri incipiamus, sunt necessaria. Atque hoc ipsum est quod appellat, Deum incipere operari in nobis opus bonum, juxta illud ad Philippens. 1. Qui coepit in vobis opus bonum, perficiet usque in diem Christi Jesu, hoc est; usque ad consummationem vitæ, quando unumquemque nostrum particulari judicio judicaturus & pro meritis cuique redditurus est. Id ipsum dicit esse velle illud, de quo Paulus ad Philippenses 2 ait: Deus est qui operatur in vobis velle & perficere: in eodemque sensu subiungit: Ut ergo velimus, sine nobis operatur Deus: cum autem volumus, & sic volumus ut faciamus, nobiscum cooperaretur. Neque enim asserere intendit, nos non cooperari ad velle, quo justificamur, illudve a nobis non effici, sed a solo Deo. Id quippe & fidei esset contrarium, & pugnaret cum doctrina ipsiusmet Augustini multis aliis in locis, quæ præcedentibus disputationibus attulimus; præterea nec instituto, nec doctrinæ illius capitis esset consentaneum. Neque item asserere intendit quodcumque velle nostrum mere internum non esse a nobis, sed a solo Deo, solumque imperium executionis, actumque externum, Deum nobiscum cooperari. Etenim id quoque tam fidei Catholice, quam doctrinæ ejusdem Augustini repugnaret, & nihil omnino ad illius capitis institutum conducere. Sed illud dicere conatur: Radicem meriti vitæ æternæ ejus velle, quo primo justificamur, non esse aliquid quod in nobis talem volendi actum antecedit, sed esse gratiam justificantem posterius natura mere gratis a Deo nobis collatam: eaque de causâ bonum illius actus esse a solo Deo per gratiam operantem, in sensu a nobis paulo ante explicato. At vero postea decursu temporis, quod opere impleamus quæ tunc statuimus, quod est perficere quod Deus per justificationem in nobis incepit, esse simul a nobis, & a Deo per gratiam cooperantem. Si ergo gratia operans sumatur, ut eo capite sumpsit Augustinus, omnis actus supernaturalis liberi arbitrii, quo se ad justificationem quisque disponit, dicitur esse a gratia operante, ad eamque pertinere: & ita passim loquuntur doctores, & Concilium Colo-

nienſe in tractatu de sacramentis novæ legis.

Gratia subsequens contra gratiam prævenientem distinguitur, colligiturque distinctio ex illo Psalmi 58 Misericordia ejus præveniet me, una cum illo Psalmi 22 Misericordia tua subsequetur me omnibus diebus vitæ meæ. Gratia subsequens sumitur a Concilio Coloniensi, ut idem est ac gratia cooperans, ut ab Augustino in acceptione proxime explicata sumpta est. Qua in re consentit aperte Augustinus ipse lib. 2 contra duas epistolas Pelagianorum cap. 9 ubi ita ait: Caritas ex Deo est, nec initium ejus ex nobis, & perfectio ejus ex Deo: sed si caritas ex Deo, tota nobis ex Deo est. Avertat enim Deus hanc amentiam, ut in donis ejus nos priores faciamus, posteriorem ipsum: quoniam misericordia ejus præveniet me, & ipse est cui fideliter veraciterque cantatur, quoniam prævenisti eum in benedictione dulcedinis. Et infra: Benedictio dulcedinis est gratia Dei, qua fit in nobis, ut nos delectet & cupiamus, hoc est, amemus quod præcepit nobis, in qua, si nos non prævenit Deus, non solum non perficitur, sed nec inchoatur ex nobis. Si enim sine illo nihil possumus facere, profecto nec incipere, nec perficere: quia; ut incipiamus, dictum est, Misericordia ejus præveniet me: ut perficiamus dictum est, Misericordia ejus subsequetur me. Et adversus Pelagianos qui dicebant, homines a seipsis sine Dei auxilio habere propositum bonum studiumque virtutis, quo tanquam merito præcedente digni sunt adjuvari gratia subsequente, paulo inferius addit: Hominis propositum bonum adjuvat quidem subsequens gratia, sed nec ipsum esset nisi præcederet gratia. Studium quoque hominis quod dicitur bonum, quamvis cum esse coeperit adjuvetur gratia, non tamen incipit sine gratia. Et de natura & gratia cap. 32 de justificatione nostra ait: Ubi quidem operamur & nos, sed illo operante cooperamur, quia misericordia ejus prævenit nos. Prævenit autem ut sanemur, quia & subsequetur ut etiam sanati vegetemur. Prævenit ut vocemur, subsequetur, ut glorificemur. Utrumque enim scriptum est, Deus meus misericordia ejus præveniet me, & misericordia ejus subsequetur me per omnes dies vitæ meæ. Quæ plane confirmant id quod de gratia operante & cooperante ex

Gratia subsequens
præveniens.

mente

mente Augustini dictum est. Contendit namque adversus Pelagianos, propositum recte vivendi, servandique legem, quod cum a peccato resurgimus & iustificamur concipimus, non esse a nobis, nec propter illud nos mereri adiutorium gratiæ ad idem propositum in decursu vitæ opere implendum, ut Pelagiani affirmabant; sed ad utrumque necessarium esse auxilium gratiæ: atque ut gratiam necessariam ad primum distingueret a gratia necessaria ad secundum, illam appellavit operantem & prævenientem, hanc vero cooperantem & subsequenter. Unde lib. 4. adversus Julianum cap. 3. Cum divinitus, inquit, adjuvatur homo, non tantum ad capeſſendam perfectionem adjuvatur, quod ipse posuisti, utique volens intelligi, cum per se incipere sine gratia, quod perficit gratia: sed potius quod Apostolus loquitur: Ut qui in vobis bonum opus cepit, perficiat usque in finem.

Interdum gratia subsequens sumitur, ut est idem quod gratia cooperans, sumpta in prima acceptione supra explicata. Imo interdum quæcunque gratia, quæ alteram sequitur, dicitur subsequens, comparatione ejus quæ antecedit; quo fit, ut una & eadem gratia comparatione præcedentis possit appellari subsequens, comparatione vero ejus, quæ sequitur, possit appellari præveniens: id quod Augustinus de natura & gratia cap. 32 satis innuit, & docet D. Thomas prima secundæ q. 111. art. 3.

Argumentum ex dictis D. August.

Ex proxime dictis facile erit intelligere, quid sibi voluerit Augustinus in Enchiridion cap. 32, unde posset aliquis hujusmodi argumentum fumere ad labefactanda ea quæ de auxiliis gratiæ constituta sunt. Si enim, ut hæcenus dictum est, ab influxu libero arbitrii nostri, & ab influxu gratiæ prævenientis & cooperantis pendent opera quibus ad justificationem meremur augmentum gloriæ, sane sicut, quæ pendent a gratia, vere dixit Paulus ad Romanos 9. Non est volentis neque currentis, sed Dei miserentis: ita, quia usque adeo pendent a nostro libero arbitrio, ut solus influxus gratiæ minime sufficiat, vere poterimus vicissim dicere, non est Dei miserentis, sed volentis & currentis est hominis: consequens autem est contra Augustinum in Enchiridion loco citato, & contra

veritatem: ergo opera, quibus a Deo præparatur ad gratiam, a sola gratia Dei pendent; non vero a nostro libero arbitrio. Totus enim hic discursus videtur esse Augustini capite citato, ubi ita ait: Si propterea dictum est, non volentis neque currentis, sed miserentis est Dei: quia ex utroque fit, id est, ex voluntate hominis, & misericordia Dei: ut sic dictum accipiamus, non volentis neque currentis, sed miserentis est Dei, tanquam diceretur, non sufficit sola voluntas hominis si non sit etiam misericordia Dei: non ergo sufficit sola misericordia Dei, si non sit etiam voluntas hominis; ac per hoc, si recte dictum est, non volentis hominis, sed miserentis est Dei, quia id voluntas hominis sola non implet, cur non e contrario recte dicitur, non miserentis est Dei, sed volentis est hominis, quia id misericordia Dei sola non implet? Porro si nullus Christianus dicere audebit, non miserentis est Dei, sed volentis est hominis, ne Apostolo aperissime contradicat: restat, ut propterea recte dictum intelligatur, non volentis, neque currentis, sed miserentis est Dei, ut totum Deo detur, qui hominis voluntatem bonam præparat adjuvandam, & adjuvat præparatam. Præcedit enim bona voluntas hominis multa Dei dona, sed non omnia: quæ autem non præcedit ipsa, in eis est & ipsa. Nam utrumque legitur in sanctis eloquiis, & misericordia ejus prævenit me, & misericordia ejus subsequetur me. Nolentem prævenit ut velit, volentem subsequitur ne frustra velit. Hæc Augustinus.

Quid sibi voluerit Augustinus, his verbis, *Subvenit*, satis apertum est ex iis quæ illo eodem capite ante præmiserat, ubi ita habetur: Iterum ne quisquam, & si non de operibus, de ipso gloriatur libero arbitrio voluntatis, tanquam ab ipso incipiat meritum, cui tanquam debitum reddatur præmium bene operandi, ipsa libertas audiat eundem gratiæ præconem dicentem: Deus est enim qui operatur in vobis & velle & operari pro bona voluntate. Et alio loco: Igitur non volentis neque currentis, sed miserentis est Dei. Cum proculdubio, si homo ejus ætatis est, ut ratione jam utatur, non possit credere, sperare, diligere, nisi velit nec pervenire ad palmam supernæ vocationis Dei, nisi voluntate concurrerit. Quomodo ergo non volentis neque currentis, sed miserentis est Dei, nisi quia & ipsa voluntas, sicut scriptum

scriptum est, a Deo præparatur? Alioquin si propterea, &c. Ubi subiungit verba quæ priori loco relata sunt.

Ex his luce clarius constat, Augustinum eo loco, ut & in plerique aliis, quæ proxime adducta sunt, impugnare dictum Pelagianorum contentum, assensum fidei, propositumque recte vivendi, servandique totam legem, quod dum a peccato resurgimus ac justificamur concipimus, esse a nobis absque ullo auxilio gratiæ, per illudque nos mereri gratiæ auxilium ad idem propositum in decursu vitæ opere implendum. Adversus hunc errorem argumentatur optime Augustinus; primo, quod ipsemet Paulus doceat, Deum non solum efficere in nobis pro sua bona voluntate operari & perficere, sed etiam ipsum velle & propositum primum, quo, dum credimus & justificamur, constitutum recte vivere, legemque opere implere. Secundo, quoniam si ejusmodi velle ac propositum primum, quo justus esse incipimus, est a nobis solis, sine ope gratiæ Dei, illoque meremur ut Deus in decursu vitæ nos adjuvet ut opere impleamus, quod tunc statuiamus, plane pars quædam voluntatum nostrarum & cursus nostri, quo ad vitam æternam pervenimus, eaque prima, & quæ pars reliqua, ut a merito nostro, penderet, esset solum a nobis: pars vero alia posterior simul esset a Deo per gratiam cooperantem, & a nobis: quare sicut, quia cursus & voluntates nostræ elicitæ, quo ad unam sui partem, essent a Deo, dictum esset a Paulo, Non est volentis neque currentis, sed Dei miserentis: ita propter aliam, quæ solum esset a nobis, quæque causa esset meritoria alterius, quæ simul esset a nobis & a Deo, vere dici posset, Non est Dei miserentis, sed hominis volentis & currentis, quod nullus Catholicorum audebit concedere. Id autem, ait optime Augustinus, non aliunde est, nisi quia omnes voluntates nostræ quæ ad vitam æternam conducunt, & totus cursus quo in vitam æternam tendimus, partim per gratiam prævenientem seu operantem, & subsequenter, est a Deo; at cooperantibus simul nobis per nostrum liberum arbitrium, tam ad velle, quam ad cursum totum, ut expresse illo eodem capite affirmat Augustinus. Quia ergo, licet nos ipsi simus, qui libere, nullaque necessitate acti, volumus, & currimus, ut oportet ad vitam æternam, nihilo-

minus, quod totum velle, & currere, & singulæ illius partes sint qualia oportet, habemus a Deo prævenientem & cooperante per suam gratiam pro sua libera voluntate, vere dictum est a Paulo; Non est volentis neque currentis, quod velit & currat ut ad salutem oportet, sed est Dei miserentis, qui sua gratia & misericordia tribuit nobis ut ita velimus & curramus. Contra vero, neque apte, neque vere diceretur, Non est Dei miserentis, sed hominis volentis & currentis, quod velit & currat ut ad salutem oportet, de quo velle & cursu loquebatur eo loco Paulus: nam quod in perditionem currat, ipsius hominis est tantum. Porro licet, quod velimus & curramus ut ad salutem oportet, non sit nostrum cum currimus, sed Dei miserentis, qui cursui nostro gratia & misericordia sua id tribuit: at quod is cursus sit, non solum pendet ab influxu Dei per gratiam, sed etiam a libero influxu nostri arbitrii, ut hæcenus est ostensum, & ibidem satis innuit ac alibi sæpe docet Augustinus.

Quid D. Chrysostomus de gratia præveniente senserit.

DISPUTATIO XLIII.

Illud hoc loco duximus advertendum, licet Chrysostomus de gratia eadem fere doceat, quæ ceteri Patres: nihilominus, sicut Augustinus, sine culpa, antequam esset Episcopus, re nondum bene perspecta & examinata, quam postea occasione Pelagianorum diligentius discussit, in eo fuit errore ut crederet, initium fidei, hoc est, primum actum credendi, esse a nobis: ita Chrysostomum, cum intelligere non valeret quam ratione libertas arbitrii nostri salva posset consistere, si Deus sua gratia nostram præveniret electionem, credidisse electionem, qua primo acceptamus bona, eaque facere decernimus, esse priorem ipsa Dei gratia: postea vero subsequi gratiam qua adjuvamus & cooperatur Deus. Unde homilia 12 in Epistolam ad Hebræos ait: Ecce, inquit, non dormiet, neque dormiscet, qui custodit Israël; &c, ne des in commotionem pedem tuum. Non dixit, non commovearis, sed, non des. Igitur in nostro arbitrio est non dare, & nullo alio. Si enim voluerimus stare firmi & immobiles, non commovebimur. Quid ergo? nihil deest?

est? omnia quidem Dei sunt, sed non ita ut liberum lœdatur arbitrium. Si igitur Dei sunt (inquit) omnia, quid ergo nos culpamur? Propterea dixi, ut liberum arbitrium non lœdatur. In nostro itaque arbitrio est, & in Deo: oportet quippe nos eligere primum quæ bona sunt, & tunc ipsæ, quæ sua sunt, introducit. Non antecedit nostras voluntates, ne lœdatur liberum arbitrium: cum autem nos elegerimus, multam tunc nobis affert auxiliationem. Et infra: Nostrum eligere tantum est & velle, Dei autem efficere & ad perfectionem perducere. Quia ergo illius est, quod amplius est, ejus dixit esse universum. Hæc ille. Eandem doctrinam innuit in illud Psalms 120. Non des in commotionem pedem tuum. Porro hæc cum errore esse conjuncta, ex iis quæ hæcenus diximus perspicuum est. Quia tamen res hæc difficillima erat illis temporibus, antequam toties fuisset disputata & examinata, errare potuit humano more absque ulla culpa Chrysostomus nesciens distinguere gratiam vocantem, prævenientem, ac excitantem ad bonam electionem liberum arbitrium, quam vel reddere potest causam liberum arbitrium, si ei non consentiat, vel ei consentiendo & cum illa cooperando per suum influxum liberum, potest efficere ut transeat in gratiam cooperantem & coadjuvantem nostras electiones. Porro Chrysostomus viginti quinque annis ante Augustinum, & ante Hieronymum defunctus est, concertationesque cum Pelagianis post illius mortem extiterunt.

Quod si homilia de Adam & Eva, quæ in primo tomo operum Chrysostomi habetur, ipsius sit, certe in ea correxit errorem illum, omninoque cum cæteris Patribus consensit. At merito non creditur esse illius: autor namque illius homiliæ, ut patet, legit opera Augustini, concertationesque patrum adversus Pelagianos, ad quas auditores remittit; homiliaque illa propter errorem Pelagianorum videtur conscripta. In ea vero, præmissis fere omnibus quæ de gratia cæteri patres docent, hæc verba subiunguntur: His ergo Ecclesiasticis regulis & divina sumptis auctoritate documentis, confirmati sumus, ut omnium bonorum effectuum atque operum, & omnium studiorum, omniumque virtutum, quibus ab initio fidei ad Deum tenditur, Deum proficemur autorem. Et non

dubitemus ab ipsius gratia omnia hominis merita provenire: per quem item fit, ut aliquid boni & velle inveniamur & facere. Quo utique auxilio & munere Dei, non auferitur liberum arbitrium, sed liberatur, ut de tenebrosos lucidum, de pravo rectum, de languido sanum, de imprudente sit providum. Tanta enim est erga omnes bonitas Dei, ut nostræ velit esse merita, quæ sunt ipsius dona, & pro his quæ largitus est, æterna præmia sit daturus. Agit quippe in nobis ut quod vult, & velimus & agamus. Nec otiosa in nobis esse patitur, quæ exercenda, non negligenda donavit, ut nos cooperatores gratiæ Dei simus. Et in iis, quæ in nobis ex nostra viderimus remissione languere, ad illum solícite recurramus, qui sanat omnes languores nostros, & redimit de interitu vitam nostram, qui quotidie dicimus: Ne inducas nos in tentationem, sed libera nos a malo. Profundiores vero difficiliioresque partes incurrentium quæstionum, quas latius pertractaverunt, qui hæreticis resisterunt, non necesse habemus astruere: quia ad confitendam gratiam Dei cujusque operis digni, nihil poenitus subtrahendam est. Satis sufficere credimus quicquid secundum prædictas regulas Apostolica scripta nos docuerunt, ut prorsus non opinemur Catholicum, quod apparuerit præfixis sententiis esse contrarium. Hæc ibi.

Num motus gratiæ experimento deprehendantur.

DISPUTATIO XLIV.

Hæc etiam disputatio a præsentis instituto non est aliena, ut gratiæ auxilia magis nota fiant. Præsertim quia disputatione 30 dixisse me recorder, illustrationes & auxilia gratiæ prævenientis interdum, non solum ab iis qui in virtute multum profecerunt, Deoque familiares sunt, sed etiam ab iis qui ad fidem vocantur, aut a peccatis illustri aliqua contritione resurgunt, solere experientia ipsa deprehendi. Ne quem ergo id forte conturbet, atque ut pateat in quo sensu id sit accipiendum, & quare non semper experientia deprehendantur, id in primis non solum multorum iustorum experientia, sed etiam sequentibus Scripturæ sacræ testimoniis potest confirmari.

Z

MOLINA.

Psalmo

*Sacra scri-
ptura testi-
monia.*

Psalmo 30 ait regius Propheta: Quam magna multitudo dulcedinis tuæ Domine, quam abscondisti timentibus te. Psalm. 33. Accedite ad eum, & illuminamini, & facies vestrae non confundentur. Et infra: Gustate & videre quoniam suavis est Dominus. Et prima Petri 2. Si tamen gustastis quia suavis est Dominus. Psalm. 88. Beatus populus qui scit jubilationem. Domine in lumine vultus tui ambulabunt. Psalm. 93. Consolationes tuæ lætificaverunt animam meam. Psalm. 118. Viam mandatorum tuorum cucurri cum dilatasti cor meum. Ejusmodi namque cordis dilationibus, illustrationibus, & consolationibus Spiritus sancti, quibus caritas fervet, qui sperant in Domino mutabunt fortitudinem, assument pennas sicut aquila, current & non laborabunt, ambulabunt & non deficient, ut Isa. 40 habetur Actor. 9. Ecclesia ædificabatur ambulans in timore Domini, & consolatione sancti Spiritus replebatur. Spiritus sanctus paracletus, id est, consolator dicitur. Et de eo canit Ecclesia: Consolator optime, dulcis hospes anime, dulce refrigerium, in labore requies, in æstu temperies, in fletu solatium. O lux beatissima, reple cordis intima tuorum fidelium, &c. Ad Rom 8. Spiritus testimonium perhibet spiritali nostro quod sumus filii. Et Bernar. in sermone ad milites templi, cap. 11. Spiritualis generatio non quidem in carne sentitur, sed in corde, ab iis duntaxat qui cum Paulo dicere possunt; nos autem sensum Christi habemus; & eatenus profecisse se sentiunt, ut & ipsi cum omni fiducia dicant: Ipse enim spiritus testimonium reddit spiritui nostro, quod sumus filii Dei. Nec minus Magdalena & Augustinus, dum illa a peccatis resistit, & hic ad fidem vocatus est, motus & auxilia gratiæ in seipsis experti sunt, mul-
tisque alii prodigi filii, qui per donum gratiæ devotionis sensibilibus, dulces patris celestis amplexus, quibus eos ad se attrahit, mentes eorum illustrans, corda inflammans, dulcesque amoris pariter & doloris lacrymas, quod tantum patrem offenderint, faciens eos effundere, quasi experiuntur. Vix enim invenietur Christianus, qui decursu vitæ, vel in concionibus & exhortationibus, vel dum se preparat, & accedit ad confessionem, aut communionem, vel in aliis similibus even-
tibus, non experiatur motum aliquem gratiæ

ac devotionis sensibilibus, quem si advertere velit, facile poterit in seipso agnoscere.

Explicandum tamen est, in primis quibus de causis, licet Christi fideles motus gratiæ recipiant, nihilominus quam fœpissime deprehendere eos nequeant, ex iisve, quæ in seipsis experiuntur, vel verisimiliter, judicare se eos recipere: deinde vero in quo sensu accipiendum sit, eos a fidelibus interdum experimento percipi.

Quod ad primum attinet, prima ratio est. Quoniam motus gratiæ prævenientis sæpe sunt admodum debiles, tum propter modicam preparationem & conatum nostrum, & præcedentia multa delicta, pravasque affectiones: tum etiam quoniam spiritus ubi vult spirat, nemini interim denegando quæ ad salutem opus sunt. Quia ergo, quando motus gratiæ prævenientis sunt admodum debiles, parum lucis & claritatis, modicumque affectus & fervoris superaddunt actibus intellectus & voluntatis, quos homines solis suis viribus naturalibus, quoad substantiam, possent elicere, solumque eos actus evehunt, ut supernaturales sunt, & quales ad finem supernaturalem sunt necessarii, inde est, quod experientia deprehendi & agnoscere nequeant.

Secunda ratio est, quoniam Deus interdum per gratiæ suæ dona, solum movet intellectum & voluntatem, & nihil illustrationis sensibus internis nihil affectus viribus sentientibus appetentibus communicat, sed totam partem sentientem omnino aridam in suis solis viribus relinquit: interdum vero non solum intellectum & voluntatem, sed etiam vires sentientes divina illustratione, atque affectu gratiæ etiam perfundit, ut cor & caro simul in Deum ipsum exultent: quod est donum sensibilibus gratiæ, ut vocant, una cum essentiali & præcipua gratia intellectus & voluntatis a Deo conferri. Quia ergo, dum sumus in corpore, nihil intellectus intelligit, nisi sensus interni simul circa idem objectum aliquo modo operatur, cum necessarium sit intelligentem phantasmata speculari; neque item voluntas quicquam appetit, nisi secum etiam trahat vim sentientem appetentem, quæ simul feratur in idem objectum aliquo modo sensu interno efformatur & apprehensum: ea vero, ad quæ motus gratiæ conferuntur, ut sunt Deus, & quæ de eo creduntur,

vel

vel ab eo sperantur, & cætera omnia quorum intuitu de peccatis est dolendum, a sensuum experientia longe distant; efficitur, ut quando motibus gratiæ solum intellectus & voluntas afficitur, nulla interim illustratione aut affectione supernaturali communicata viribus sentientibus, difficile a nobis deprehendantur: tum propter ariditatem partis sentientis, tardiumque ac molestiam, quam, dulcedine & suavitate spiritali destituta, solet experiri, dum simul cum intellectu & voluntate circa ea quæ a sensuum experientia remota sunt, & in quibus nihil jucunditatis suæ propriæ, commodive invenit, cooperatur; quod plane in causa est, ut neque suppositum ipsum tam libenter persiluit in operationibus intellectus & voluntatis, neque ad earum excellentiam, jucunditatem, ac propriam spiritalem consolationem attendat, eamve deprehendat: tum etiam quoniam dum sumus in corpore, plus afficimur & trahimur suavitate quam in parte sentiente experimur, propter illius vehementiorem vim, & quod sensuum cognitioni & affectibus multum assuefacti, parum promovemur & afficimur ea voluptate quæ operationibus intellectus & voluntatis inest. Atqui hinc est quod sæpe, qui longe excellentius contritionis donum habent, quam alii, qui ex eo facile in lacrymas prorumpunt, quod pars sentiens facile affectu amoris & doloris commovetur, imo etiam quam ipsimet antea habuerint, quando vel corpore aliter erant affecti, vel Deus simul illustrabat, donoque gratiæ sensibilis vires sentientes afficiebat, conquerantur quod ad contritionem, affectumque amoris & doloris, ut peroptant & conantur, non perveniant, neque eam contritionem in se ipsis experiantur, quam Dei misericordia aliquando experti sunt: cum tamen solo dono sensibilis devotionis careant, quod illis utiliter a Deo denegatur, ut dum ignorant se habere quod optant, quodque abundanter eis concessum est, conservent humilitatem, & plus conentur ad illud obtinendum, eaque ratione cumplacius meritum acquirant.

Est enim magnopere animadvertendum, illustrationem & affectum gratiæ essentialis prævenientis, non ex eo majora & præstantiora judicanda esse, quod vires organice internæ majori & clariori luce persuantur,

quæ interdum ex meliori dispositione capitis, majorique & puriori copia spirituum animalium provenire adjuvareque potest: neque item ex majori, magisque sensibili affectu partis sentientis, qui simili modo provenire adjuvareque potest, ex varia corporis habitudine, facilius lacrymas excitare solet: sed ex eo quod profundius penetret & expendat, quam digna sint ea, quæ credenda proponuntur, ut iis assensum præbeamus, quam bonus Deus secundum se sit, quot beneficiis illi simus devincti, quantum expediat supplicia evadere sempiterna, & æterna frui felicitate, quam fœda & turpia sint peccata, quantumque malum sit Deum lethaliter offendisse; tum etiam ex affectu ac proposito voluntatis, quo homo adherere statuit, tum iis quæ credenda proponuntur, tum etiam præceptis & consiliis divinis, eaque de causa subire quæcunque adversa: quæ plane, quo majora sunt, eo ex majori affectu timoris, aut amoris essentialis Dei proveniunt, ex majorique odio & detestatione peccatorum. Ex robore vero ac firmitate, qua quisque, intuitu Dei, in arctiori observatione præceptorum & consiliorum persiluit, vias duras ea de causa sustinens, judicandum est quantum in virtute & perfectione atque in caritate & amore Dei profecerit, juxta illud Joan. 14 Qui habet mandata mea, & servat ea, ille est qui diligit me.

Est namque quædam devotio quæ vera & essentialis nuncupatur, & in decreto firmo & præparatione animi Deo in omnibus per prospera & adversa obsequendi posita est: hæc eo major est, a majorique gratia essentiali emanat, quo firmiter intuitu Dei perseverat: ideoque ex illa majores vires internas gratiæ debemus conjicere. Est item alia devotio, quæ sensibilis nuncupatur, illustrationibus & affectibus in vires sentientes redundans, quæ mirum in modum animam recreat, tardium ac laborem in operando pellit, cor & carnem in Deum vivum exultare facit, ea dilatatur cor, fervet caritas, pennæ velut aquilæ, & vires assumuntur, quibus via mandatorum sine difficultate curritur, ut non immerito vir quidam divino spiritu plenus de ea agens dixerit: Satis suaviter eum equitare qui ab omnipotente portatur. A facie hujus olei computrescit & leve ac suave fit jugum mandatorum & consiliorum Christi; quod,

Contritio
cur inter-
dum minus
percipitur
ab eo qui
illam habet
illustratorem.

Gratiæ, ac
vires pro-
fectus unde
judicanda.

Devotio
essentialis
vera.

Devotio
sensibilis
quædam.

quod, eadem gratia absente, asperum & grave, imo & vera crux invenitur, quam, ut conglorificemur, portare post Christum jubemur.

Devotio hæc, si germana & vera sit, quasi illustratio quadam est divini vultus in servos suos; quam regius Propheta Psal. 30 illis verbis postulabat: Illustra faciem tuam super servum tuum. Per eam quasi præfens Deus ad protegendum & favendum sentitur, testimoniumque reddit spiritui nostro quod ab eo diligamur, & sumus filii. Ea quasi aditum aperire videtur, ut Deum, tanquam nobis propitium & præsentem, reverenter quidem, at audacter alloquamur. Denique hæc est illud absconditum, de quo idem Propheta ibidem dicebat: Abscondes eos in abscondito faciei tuæ a conturbatione hominum, proteges eos in tabernaculo tuo a contradictione linguarum. Dum enim per huiusmodi donum facies divina super servos suos irradiat, eosque protegit, tam facile perturbaciones ab hominibus excitatas, & contradictiones linguarum perferunt, ac si nihil ab his rebus læderentur. Ejusdem doni ratione idem Propheta ait: Gustate & videte quoniam suavis est Dominus. Et Petrus: Si tamen gustastis quoniam suavis est Dominus. Et Bernardus: Gustato spiritu desipit omnis caro.

Verum licet donum hoc non solum corroboret & custodiat spiritum nostrum juxta illud Job 10. Visitatio tua custodivit spiritum meum, sed etiam crescere mirum in modum nos faciat; non tamen semper adest, sed quam sæpissime, etiam iis, qui ad eum convertuntur & esuriunt ac sitiunt valde justitiam, abest: interdum ob culpam etiam levem (si levis appellanda sit, ut idem vir pius alibi ait, quæ tantum bonum abesse facit) interdum in eorum bonum, aut probationem. Hæc namque vita, non ad otium & fruicionem, sed in pugnam & probationem ac certamen instituta est. Unde Job 7. Visitas eum diluculo, & subito probas illum. Qua de causa potius dari solet iis, qui perfectionis viam aggrediuntur, lacteque adhuc indigent, ne labore & molestia succumbant, quam iis, qui in virtute multum profecerunt, quique jam solido cibo uti possunt. Hæc de primo.

Quod vero ad secundum attinet, cum sæpe

id, quod existimare quis posset effectum esse gratiæ, non nisi a naturali & ad pios tenerosque affectus apta corporis constitutione evenire possit: cum etiam Satanas sæpe transfiguret se in Angelum lucis, variasque cogitationes & affectus, tum corporis, tum spirituum commotione excitare possit, quæ tantam jucunditatem viribus sentientibus afferant, ut in admirationem hominem rapiant: & denique cum, quando illustrationes aliquæ & affectus ita a Deo immittuntur, ut ab anima deprehendantur, & verisimiliter a Deo immitti credantur, certum non sit hæc pertinere solum ad gratias gratis datas, nec utrum Deo per gratiam suam vocanti & excitanti respondeamus per nostrum liberum arbitrium quantum sit satis & donum justificationis consequamur, an vero aliquid adhuc in nobismetipsis existat & nos lateat, quod divinæ majestati displiceat; sit plane, ut licet sæpe justis in seipsis experiantur illustrationes & motus gratiæ, quos verisimiliter meritoque credunt esse a Deo, imo quibus in fide roborantur, adeoque caritate inflammantur, ut perfecta caritas foras mittat timorem, ac proinde qui non levia spiritus sint testimonia quod sint filii Dei per gratiam gratum facientem adoptati; nihilominus regulariter nunquam ita certi omnino sunt, vel motus illos esse immisos a Deo, vel se esse in gratia gratum faciente constitutos, quin falli interdum possint. Atque ita semper eos coram Deo humiliari oportet, & sub occultis Dei judiciis vereri, ne forte, etiam insistentibus tam verisimilibus indiciis, justitiam Dei non sint affecti. Unde Ecclesiastes 9. Sunt justis atque sapientes, & opera eorum in manu Dei, & tamen nescit homo utrum amore an odio dignus sit: sed omnia in futurum servantur incerta. Et Job 9. Si venerit ad me, non videbo eum; si aberit, non intelligam. Et paulo inferius: Si simplex fuero, hoc ipsum ignorabit anima mea. Et Paulus primæ ad Corinthios 4. Nihil mihi conscius sum, sed non in hoc justificatus sum. In sensu ergo explicato intelligendum est fideles sæpe in se ipsis motus gratiæ experiri.

Non duci certum a predictis affectibus devotionis, ut quis sciat se esse in gratia.

Devotionis sensibilis donum curdæpe etiam dilectis subtrahatur.

Utrum

Utrum ad motus gratiæ prævenientis intellectus & voluntas efficienter concurrant, & de ordine & modo quo generentur.

DISPUTATIO XLV.

SUPEREST examinemus an motus gratiæ prævenientis & excitantis a solo Deo efficiantur: an vero simul etiam intellectus efficienter concurrat ad illustrationes gratiæ quibus illustratur, & voluntas ad effectus & motus gratiæ excitantis, quos suscipit.

Andreas a Vega lib. 6 in concilium Tridentinum cap. 8 existimat, in primis ut intellectus intelligat, & voluntas velit, necessarium non esse, ut intellectus, qua formaliter intellectus intelligit, efficiatur ab illo saltem tanquam ab una parte totius causæ efficientis: sed per intellectionem a Deo solo, aut ab Angelo productam, & in eo receptam, posse formaliter intelligere. Eodem modo necessarium non esse, ut volitio, qua voluntas formaliter vult, sit ab ea saltem tanquam a parte causæ efficienter producta; sed recte posse velle per volitionem a solo Deo productam. Hanc putat esse communem Philosophorum sententiam. Deinde vero, quod ad quæstionem propositam attinet, probabilius existimat, illustrationes, & alios motus gratiæ prævenientis, quibus peccatores, tum ad fidem, tum ad justificationem vocantur, esse a solo Deo efficienter, interveniente aliquando ministerio alicujus Angeli inspirationis immittentis: intellectum vero & voluntatem nullo modo concurrere ad ejusmodi motus efficienter, sed solum eos in se suscipere.

Probat suam sententiam primo, quoniam id videtur definitum in concilio Arausicano secundo, canone 20 ubi ita habetur: Multa in homine bona sunt, quæ non facit homo: nulla vero facit homo bona, quæ non Deus præstet, ut faciat homo. Porro quæ ita sunt in homine, ut homo ea non faciat, non videntur esse alia, quam motus gratiæ prævenientis, quibus a Deo vocatur, attrahitur, & invitatur.

Secundo ex illo Apocal. 3: Sto ad ostium, & pulsio; si quis audierit vocem meam, & aperuerit mihi januam, &c. Quibus verbis se docet Christus habere instar pulsantis ad ostium, dum peccatores vocat: cum ergo

pulsatio fiat solum a pulsante, neque in habitatore domus sit libertas nisi ad audiendum, vel ad ocludendas aures ne sonitum percipiant; itemque ad aperiendum, vel non aperiendum, utique motus gratiæ prævenientis, quibus peccator vocatur, erunt solum a Deo: peccatoris vero solum erit illis consentire, vel dissentire, atque adeo januam cordis aperire, vel non aperire.

In contraria sententia est Dominicus a Soto primo de natura & gratia cap. 16 nempe, motus illos esse simul efficienter ab intellectu & voluntate. Quæ sententia est procul dubio amplectenda. Ratio est, quoniam ut disputatione 8, 9 & aliis explicatum est, illuminationes illæ nihil aliud sunt, quam cognitiones ab externo concionatore, aut ab Angelo interius, aut aliunde excitatæ, & a Deo peculiari supernaturalique influxu adjutæ, quibus homo conspicit, aut penetrat id quod sub talem cognitionem cadit, eo cognitionis genere quod ex tali supernaturali Dei influxu ad salutem sit jam aliquo modo accommodata. Neque Deus immitit novas species quibus cognitiones illæ fiant, sed inferens se per suum influxum cognitionibus, quæ per species acquisitas fiunt, & a concionatoribus, aut ab ipso met Deo, vel ab Angelo, aut aliqua alia ratione excitantur, efficit cognitiones illas ad salutem accommodatas, plus vel minus pro ratione majoris vel minoris influxus: quare Deum ita illuminare & vocare, non est aliud, quam suo influxu cooperari modo ad illas cognitiones quibus voluntas excitatur. Cum ergo cognitio non solum sit actio, sed etiam sit vitalis actio, quæ suapte natura postulat ut sit a principio interno ejus in quo est: nulla vero actio, etiam non vitalis, denominare possit nisi id, a quo efficienter emanat, ut in hac prima parte, q. 12 art. 5 ostensum est, (neque enim calefactio, quæ non fieret ab igne, sed a solo Deo in aquam, posset ulla ratione denominare ignem calefactientem) consequens est, ut prædictæ illuminationes, cognitionesve supernaturales, necessario sint ab intellectu tanquam ab una parte totius causæ efficientis: tamen si non intellectum ipsum, sed Deum, a quo est peculiaris ille supernaturalis influxus, denominent illuminantem, & vocantem: intellectum vero, a quo habent ut sint cognitiones, denomi-

*Contraria
Soti opinio
approbatur.
Ratio.*

*Opinio
Vegæ.*

*Probat
primo.*

Secundo.

nent cognoscentem; & simul etiam illuminatum, quatenus cognitiones ipsæ atque influxus Dei in eo recipiuntur.

Idem dicendum est de affectibus gratiæ, quibus prævia cognitione voluntas erigitur, & invitatur, tum ad elicendam spem, tum ad diligendum Deum, antequam actum spei, aut amoris, vel doloris ex dilectione ejus eliciat. Licet enim ad hujusmodi affectus & motus non cooperetur voluntas qua liberum arbitrium est, sed, velit nolit, præsentis cognitione insurgant, & patiantur illos supernaturales, rationemque habentes gratiæ prævenientis, si Deus simul in eosdem specialiter influat, nihilominus motus illi actiones quædam vitales sunt, quas in se ipsa experitur voluntas, ad quas proinde necesse est concurrat efficienter, non quidem qua liberum arbitrium est, sed qua voluntas, & natura quædam est: eo modo quo efficienter etiam concurrat ad motus primo primos, qui non affectus, atque excitationes voluntatis ad volendum aut nolendum sunt, sed volitiones aut nolitiones: rationem tamen virtutis ac vitii non habent, esto circa bonum aut malum objectum versentur, eo quod libere non sint.

Ut vero res hæc scitu dignissima plenius intelligatur, animadvertendum est: Ex contemplatione rei valde amabilis, & quam multum refert adipisci, naturaliter surgere in voluntate motum quendam, quo voluntas ad illam afficitur: qui motus non est volitio, sed affectio voluntatis ad illam rem, a cujus bonitate quasi tangitur & allicitur ad volendum eam. Neque hic motus solum in hominibus solet antecedere volitionem, sed etiam in Angelis. Prius namque tempore, vel natura fuit, Luciferum ad affici voluntate, quod per superbiam obtinere voluit, quam per voluntatem illud vellet contra legem Dei. Sicut prius etiam fuit, Evam affici ad pomum vetitum, id quod scriptura Genesios 3 fati innuit illis verbis; Vidit mulier quod bonum esset lignum ad vescendum, & pulchrum oculis aspectuque delectabile; quam illud comedere vellet contra legem Dei. Porro licet in contemplatione ejusmodi rerum integrum sit voluntati, eas velle aut nolle, vel continere volitionem ac nolitionem; attamen quod ad illas non afficiatur, non alia ratione impedire potest,

quam arcendo cogitationem, & divertendo ad alia, vel proponendo voluntati res alias quæ ad contraria omnino eam allicere solent: sublatis namque impediementis, ex contemplatione similium rerum confluent ejusmodi motus mere naturaliter in voluntate. Unde Augustinus 3 de libero arbitrio cap. 25: Voluntatem, inquit, non allicit ad faciendum quodlibet, nisi aliquid visum: quod autem quisque vel sumat, vel respuat, est in potestate; sed quo viso tangatur, nulla est potestas. Et subjungit, idem etiam cerni in Angelis. Quod si existente affectu ad aliquam ejusmodi rerum, menti occurrat via & aditus, quo obtineri posse credatur, naturaliter etiam confluit in voluntate motus quidam quasi erectionis illius ad sperandum, qui tempore, vel natura antecedit actum liberum spei. Porro motus ille a notitia bonitatis objecti, & notitia viæ qua obtineri posse creditur, aut non impossibile judicatur, cooperante voluntate, non ut libera, sed ut natura quædam est, efficitur; conflurgitque naturaliter in voluntate, eo major, quo notitia bonitatis objecti, & viæ qua obtineri posse creditur, major ac verisimilior est, ut de illo alio motu affectus voluntatis ad objectum bonum cognitum dictum est.

Ex his facile intelligi potest, motus gratiæ prævenientis actiones esse vitales, qui sunt, quomodo fiant, & an sint motus liberi arbitrii, qua liberum arbitrium est, vel non, atque quousque a libero arbitrio pendeant. Enitenim cum Deus per gratiam, quam nobis largitur, non tollat, sed ponat ac perficiat naturam, eamque adjuvet in suis motibus, ut unusquisque ex supernaturali auxilio & gratia talis sit, qualis ad salutem oportet: sane ad dignoscendos & explicandos motus gratiæ, necesse esse attendamus ad progressum ac ordinem, quem natura ipsa potentiæ cognoscences & appetentes servarent, si illos eosdem actus, quibus justificamur, suis solis viribus quoad substantiam actus producerent, ut ea ratione intelligatur quo pacto Deus per auxilia ad dona gratiæ se inserat & cooperetur cum natura, eamque adjuvet ut supra suas vires eos producat quales ad salutem sunt necessarii.

Disputatione 8, 9 & sequentibus ostensum est, Deum, cum aliquem illuminat & vocat ad fidem, non producere species atque notias

Gratiæ
prævenien-
tis effectus
quo pacto
concurrente
sensu vo-
luntatis
fiunt.

Gratiæ
prævenien-
tis motus
cuiusque ju-
stificationis
affectus ut
a Deo & a
vobis proce-
dit.

Gratiæ
prævenien-
tis motus
actiones
sunt vitales,
& quo pacto
fiunt.

tias rerum credendarum, sed haberi eas ex rebus ipsis antea cognititis, vel ministerio concionatoris, vel aliqua alia ratione, ut late ibi explicatum est; eaque de causa dictum ibidem est, illuminationem nostram, & internam vocationem, qua a Deo vocamur ad fidem, multum pendere a nostro libero arbitrio, & conatu Ecclesiæ. Cum enim sine ejusmodi notitiis non fiat, utique quantum illæ vel a nostro libero arbitrio, vel a conatu Ecclesiæ pendent, tantum, tanquam a conditione sine qua non illuminabimur, pendet regulariter & secundum communem cursum divinæ providentiæ, quod a Deo illuminemur, & vocemur. Idem dictum est ibidem de motibus gratiæ excitantis ad contritionem.

Ordo motuum gratiæ prævenientis.

Accipe ergo ordinem motuum gratiæ prævenientis, simulque cognosces quinam sint isti motus, & quomodo fiant. Dum homo, nondum ad fidem supernaturaliter interius vocatus, cogitat & expendit res credendas, per notitias concionatoris ministerio aut aliunde comparatas, influit Deus in easdem notitias influxu quodam particulari ac supernaturali, quo cognitionem illam adjuvat, tum ut res melius & dilucidius expendatur, & penetretur, tum etiam ut notitia illa jam limites notitiæ supernaturalis & ad finem supernaturalem, in suo ordine & gradu accommodatæ attingat. Influxus vero ille dicitur motus gratiæ prævenientis ad fidem supernaturalem & illuminatio: notitiaque illa & cognitio, effecta jam a Deo supernaturalis per talem influxum, appellatur gratia præveniens ex parte intellectus. Ex cognitione vero & penetratione earum rerum quæ ad fidem spectant, nempe cum expenditur quam dignæ sint quibus assensus adhibeatur, quantumque id expediat, oritur naturaliter in voluntate motus affectionis ad res ita cognitæ, quo allicitur, & quasi invitatur ad imperandum intellectui assensum, quo eis assentiatur. Cum hoc ergo motu quasi se inferit etiam Deus; influens in illum per auxilium particulare, illumque eo auxilio quasi acuit, ut magis urgeat & alliciat, efficitque illum supernaturalem ut in suo ordine & gradu sit etiam ad salutem accommodatus. Auxilium itaque particulare, quo Deus in illum motum influit, appellatur auxilium gratiæ prævenientis: motus vero ille, atque

affectus voluntatis circa ea quæ ad fidem spectant, quatenus a Deo supernaturalis efficitur per auxilium illud, dicitur gratia præveniens ad assensum fidei ex parte voluntatis. Disputatione namque octava explicatum est, vocationem ad fidem, idve quo ad credendum Deus nos trahit, duos illos motus gratiæ prævenientis, tam intellectus, quam voluntatis, comprehendere.

Ex his patet, hos duos motus gratiæ prævenientis actiones esse vitales intellectus & voluntatis, multumque pendere a libero arbitrio, imo & liberum arbitrium posse illos desiderare & petere a Deo, & quodammodo se ipsum aptare & disponere, ut, juxta communem cursum ac ordinem divinæ providentiæ, facilius sibi a Deo donentur: at proprie loquendo non sunt actus liberi arbitrii, non solum quoniam illustratio intellectus esse potest per cogitationes in quas absque ulla deliberatione, motuve liberi arbitrii inciderit homo, vel quas Angelus aut Deus in eum impresserit aut excitaverit, vel alius per sermonem suggerit ante omnem motum liberi arbitrii, sed etiam quoniam, quod cogitatio illa evadat illustratio & gratia præveniens, solum id habet ex influxu supernaturali Dei, & per comparationem ad Deum tanquam ad causam illuminantem, non vero per comparationem ad intellectum; quamvis, nisi simul cooperetur intellectus, cogitatio & illustratio illa non esset in rerum natura: quare talis illustratio, qua illustratio est & gratia præveniens, non est actus liberi arbitrii. Affectus vero supernaturalis voluntatis circa ea quæ ad fidem spectant, mere naturaliter oritur in voluntate existente illustratione intellectus, simulque influente Deo in illum per concursum particularem, neque cooperatio voluntatis ad illum est in libera potestate voluntatis, sed mere naturaliter ex ea resultat, quatenus natura est, non vero quatenus liberum arbitrium est, ut paulo antea fuit explicatum: tamen, ut liberum arbitrium est, arcendo cogitationem, aut adducendo rationes allicientes voluntatem in partem oppositam, possit impedire ne insurgat. Porro liberum arbitrium his duobus motibus gratiæ prævenientis adjutum & excitatum, liberam adhuc habet potestatem imperandi assensum fidei. Quid si voluntas fidem amplecti velit, actumque credendi imperet

imperet intellectui, influente simul motu gratiæ prævenientis, quem habet, elicit in seipsa actum supernaturalem, quo fidem amplecti vult, quoque assensum imperat intellectui: simulque intellectus motus imperio illo supernaturali voluntatis, illustrationeque divina adjutus, elicit actum supernaturalem assentiendi revelatis, hisque duobus actibus supernaturalibus intellectus & voluntatis homo rite dispositus suscipit habitum fidei supernaturalem, a Deo solo infusum, quo deinceps similes actus supernaturales valeat producere: completiturque is habitus duas partes, ut disputatione octava explicatum est: alteram quæ in voluntate residet ad imperandos assensus credendi intellectui: alteram quæ in intellectu, ad eliciendos eodem assensus imperatos a voluntate, sita est; hæc vero pars sola est, quæ habitus fidei supernaturalis proprie appellatur.

Motus gratiæ prævenientis assensum sperandi.

Reliqui motus gratiæ prævenientis, ad spem, & contritionem, aut attritionem supernaturalem necessarij, in hunc modum generantur. Dum intellectus, illustratus jam lumine fidei supernaturalis, sempiternam beatitudinem homini a Deo præparatam cogitat, bonitatem ac excellentiam illius, tum multa alia & præclara Dei opera, ac beneficia in hominem collata, de quorum numero sunt Christi incarnatio ac passio, consideratque reliqua media quæ sibi ad vitam æternam consequendam abundantissime suppeditata sunt, naturaliter oritur in voluntate non solum affectus ad beatitudinem, quo allicitur & invitatur ut eam amore concupiscentiæ velit, sed etiam motus erectionis quo attrahitur & allicitur ad eam ipsam a Deo sperandam. Quamvis autem hic motus a libero arbitrio pendeat, si a cogitatione ex qua motus oritur cesseret, vel si difficultates proponat quibus voluntas omnino deprimeretur, ac deterreatur; nihilominus, sublati impediementis, mere naturaliter in voluntate insurgit, eique quasi se ingerit Deus specialiter influendo, eumque acuit, & efficit supernaturalem, ut in suo ordine & gradu sit qualis ad salutem necessarius est, per eumque supernaturaliter erigit & quasi invitat voluntatem ut eliciat actum supernaturalem sperandi sempiternam beatitudinem, & media ad illam comparandam necessaria. Motio ergo illa, sive influxus super-

naturalis Dei appellatur auxilium gratiæ prævenientis ac excitans voluntatem ad sperandum ut ad salutem oportet. Ex quibus etiam patet ejusmodi motum operationem esse vitalem voluntatis, neque esse actum illius quæ liberum arbitrium est, sed quæ voluntas ac natura est: tamen si modis illis supra explicatis pendeat a voluntate ut liberum nostrum arbitrium, a Deo præventum & excitatum, elicit, si vult, primum actum spei supernaturalis liberum, quo rite dispositum consequitur a Deo habitum spei supernaturalis per quem in posterum elicere possit alios similes actus supernaturales quotiescunque voluerit.

Deinde cum intellectus lumine fidei illustratus, præexistenteque actu spei supernaturalis in voluntate, Dei bonitatem, tum secundum se, tum erga nos, considerat, & tam multa ac magna beneficia quibus tam suaviter nos prævenit, naturaliter excitatur in voluntate motio affectus amoris amicitiaæ erga Deum, quo ex potentia allicitur & ad Deum diligendum invitatur. Huic etiam motui (qui, licet eatenus pendeat a libero arbitrio, quatenus potest de Deo non cogitare, aliove cogitationem divertere, nihilominus, posita debita notitia ac lumine in intellectu, naturaliter oritur in voluntate) se inserit Deus, illumque suo supernaturali influxu non solum acuit & incendit, sed etiam efficit supernaturalem, qualis videlicet in suo ordine & gradu est ad salutem necessarius. Influxus ergo, quo Deus in illum influit, appellatur auxilium gratiæ prævenientis ad diligendum ut ad salutem oportet: motio vero ipsa & affectus, ut est a Deo per illum influxum, dicitur gratia præveniens & excitans liberum arbitrium ad diligendum Deum ut ad salutem oportet. Quod si simul accedat cognitio magnitudinis, multitudinis, atque ingratitudinis peccatorum, quibus Deum offendimus, liberum arbitrium gratia eadem præventum, ut elicere potest actum dilectionis Dei supernaturalis; ita poterit elicere actum veri doloris de peccatis propter Deum ex affectu amoris supernaturalis dilectum, qui est vera contritio, & ultima dispositio ad gratiam gratum facientem, quæ in eodem instanti, posterius tamen natura, contritionem ipsam consequitur.

Gratiæ prævenientis motus ad contritionem.

Contritio quæ alicuius est ad gratiam dispositio.

Quod

*Attritionis
mouet.*

Quod si quis intellectu per lumen fidei illustrato, cogitet se propter lethalia peccata jus ad sempiternam felicitatem amisisse, ignem, & cruciatus sempiternos, extremamque miseriam promeruisse, naturaliter ex tali cogitatione insurgere solet in voluntate motus timoris Dei, qui adeo peccata detestatur & acerbe punit. Huic autem motui solet se inferere Deus influxu supernaturali, eum acuendo ut plus stimulet ac pungat, tribuendoque illi esse supernaturale servilis timoris. Eo autem timore liberum arbitrium adjutum & excitatum, elicere potest dolorem supernaturalem de peccatis ex Dei timore ac gehennæ, qui dolor est attritio supernaturalis cum sacramento sufficiens ad gratiam justificationis comparandam.

*Ad primum
Vegæ argu-
mentum.*

Ad primum ergo argumentum Andræ a Vega dicendum est, ea quæ concilium Arausicanum dicit fieri in homine, quæ homo non efficit, esse tum habitus supernaturales infusos, quos solus Deus efficienter producit, tum etiam motus gratiæ prævenientis, qui, ut explicatum est, non sunt ab homine cooperante per intellectum & voluntatem, quatenus rationem liberi arbitrii sortiuntur. Porro eo loco illa solum censetur homo facere, quæ per liberum arbitrium, qua liberum arbitrium est, efficit. Est enim ibi sermo adversus Pelagianos de bonis quæ ad vitam æternam spectant: cum enim illi contenderent, hominem per suum liberum arbitrium absque auxilio gratiæ posse, imo re ipsa efficere, aliqua ejusmodi bona quibus auxilia gratiæ sibi deinceps conferenda promeretur, definiunt Concilii Patres, Deum quidem, sine homine cooperante per suum liberum arbitrium, efficere in homine aliqua de numero eorum bonorum; hominem vero per suum liberum arbitrium nullum eorum posse efficere, nisi Deus illi per suam gratiam præster, ut illud efficiat. Quare non negant Patres, vel intellectum, vel voluntatem, quatenus natura, cooperari ad motus gratiæ prævenientis.

*Ad secundum.
Christus ut
dicatur
pulsare ad
ostium pec-
catoris.*

Ad secundum dicendum est, Christum, dum peccatores vocat, non pulsare ostium quod vita careat, minimeque pulsationem percipiat: sed pulsare ostium cordis, hoc est, intellectum & voluntatem, quæ duo vocationem motumve, quo peccator a Deo vocatur, in seipsis experiuntur, neque aliter quam

MOLINA.

eliciendo simul operationes vitales, quibus peccator a Deo vocatur, & ad fidem, vel ad poenitentiam, vel ad aliquod aliud bonum allicitur, quas proinde in seipso experimentoprehendit homo, ut & cæteras virium, tam cognoscentium quam appetentium operationes. Imo sicut, qui pulsat ostium, ea ratione pulsatur ut qui intus est percipiat sonum, indeque moveatur ad aperiendum ostium: ita Deus ea ratione pulsatur ac movet cor, ut motus percipiat, indeque ulterius per liberum arbitrium moveatur homo ad consentiendum motioni, efficiendumque id ad quod per illam invitatur, ut ea ratione aditus Christo in animam concedatur: motio autem illa minime deprehenderetur, nisi ad eam vitaliter influerent potentia, in quibus recipitur. Interest ergo inter ostium ac cordis pulsationem, quod licet utraque, ex ea parte qua pulsatio præcise est, sit solum efficienter a pulsante (neque enim motus gratiæ prævenientis, ea ex parte qua sunt ab intellectu & voluntate, sunt pulsationes, neque per eas intellectus aut voluntas se ipsa pulsant; sed solus Deus est qui per eas intellectum pulsatur & voluntatem) nihilominus ad actionem pulsandi nullo modo concurrit efficienter ostium, sed solus is, qui pulsatur, interventu ejusmodi actionis efficit sonum, qui si ad aures perveniat existentis intra domum, auditu percipitur; integrum tamen illi manet aperire vel non aperire ostium: ad rem vero, quæ est pulsatio cordis, necesse est, ut efficienter concurret cor ipsum, ut & percipi valeat, & inde pro sua libertate, ad aperiendum cor Christo Domino, homo moveri possit. Porro in testimonio illo Apocalypsis 3, audire vocem Christi, non est illam percipere, sed ei consentire & obedire.

Utrum credendi, sperandi, diligendi, ac penitendi actus efficienter emanent a Theologicis habitibus in eo instanti, quo ad ipsos ultimo disponunt, & quid sit justificatio.

DISPUTATIO XLVI.

Superest finem primæ hujus Concordiæ parti examine propositæ difficultatis imponamus. Utrum scilicet supernaturales credendi, sperandi, diligendi, ac penitendi actus, quibus adulti ad justificationem disponuntur,

A a

nuntur,

nuntur, in quo instanti ultimo ad habitus Theologalium virtutum disponunt, illique a Deo infunduntur, efficienter emanant ab eisdem habitibus tunc primo infusis, ut quidam volunt: an vero, ut nos a disputatione octava, & rursus a 37 non obscure explicasse videmur, tunc non emanant ab habitibus, qui posterius natura in eodem temporis momento infunduntur, sed effecti sint supernaturales, ultimæque dispositiones ad eos habitus, per distincta auxilia ac motus gratiæ prævenientis ac excitantis hæcenus explicata: si autem post illud instans in eisdem actibus persistamus, tunc toto tempore sequenti emanant ab habitibus jam infusis, meritoque sint augmenti tum gloriæ tum etiam gratiæ in primo instanti omnino gratis acceptæ. Inde vero accepta occasione simul explicabimus, quid iustificatio sit, de qua toties in præcedentibus facta est mentio.

*D. Thomas
opinio.*

D. Thomas prima secundæ q. 113 art. 7 ad quartum, & art. 8 ad secundum, Cajet. & Bartholomæus Medina ad eundem art. octavum, Sotus 2 de natura & gratia cap. 18 & in quarto, d. 14 q. 2 art. 6 & Canus in relect. de poenitentia parte prima ad finem, in ea sunt sententia, ut dicant, ultimam dispositionem adulti ad gratiam efficienter emanare a gratia ipsa, in quo instanti gratia primo infunditur. Quin Sotus affirmat particulare auxilium, quo ille actus supernaturalis sit, ultimoque ad gratiam disponit, non esse aliud, quam ipsummet influxum gratiæ habitualis ad eundem actum in genere causæ efficientis.

*Probat
primo.*

Hæc sententia probatur primo: Quoniam actus, quo adultus ultimo disponitur ad gratiam, meritorius est vitæ æternæ in eo ipso instanti, in quo gratia infunditur: sed non potest esse meritorius, nisi emanet a gratia: ergo emanat a gratia in instanti, in quo gratia infunditur.

Secundo.

Secundo, gratia gratum faciens habitus est operativus, agens seu cooperans quantum est ex parte sua, ex necessitate naturæ, præsertim si instantanea agat actione, in quo instanti primo est, operatur, ut Sol, in quo instanti est productus, illuminavit: ergo gratia gratum faciens in quo instanti infunditur adulto, qui per suam operationem tunc ultimo ad eam disponitur, cooperabitur ad eundem actum, qui in eo ipso instanti producit.

Tertio.

Tertio, causæ in uno & eodem instanti possunt esse sibi invicem causæ, atque adeo possunt se mutuo præcedere in alio atque alio genere causæ, ut quando aer suo motu aperit fenestram & ingreditur aulam, in genere causæ efficientis prior est aeris ingressus, quam apertio fenestræ; ingrediendo quippe aperit fenestram: at vero in genere causæ dispositivæ, & quasi materialis, cum fenestræ apertio dispositio conditiove prærequisita sit, ut aer ingreditur, prior est, quam aeris ingressus item juxta eos, qui resolutionem fieri affirmant usque ad materiam primam, in quo instanti introducit forma substantialis ignis, ab ea efficienter emanat calor, quo conservetur in materia, atque adeo in genere causæ efficientis forma substantialis præcedit in materia suam requisitam dispositionem; tamen in genere causæ materialis, ac dispositivæ prior sit illa eadem dispositio in materia: exemplum etiam adhibet D. Thomas in aeris illuminatione, quæ in genere causæ efficientis antecedit expulsionem tenebrarum; cum tamen in genere causæ materialis prior sit tenebrarum expulsio, quam luminis receptio: eodem ergo modo in genere causæ efficientis prior erit gratiæ infusio, ulteriorque illius influxus in actum quo adultus ultimo se disponit ad gratiam, quam sit dispositio illa; cum tamen in genere causæ materialis prior sit ea dispositio, quam gratia animam informet, ad eumque actum influat.

Non desierunt, qui cum sentirent adulti justificationem complecti actibus virtutum infusarum, affirmaverint habitus Theologiarum virtutum efficienter concurrere ad adulti justificationem, eaque de causa actus credendi, sperandi, & diligendi, in quo instanti sunt ultimæ dispositiones ad habitus, & in quo ipsi primo infunduntur, efficienter ab eisdem habitibus produci. Atque id probabant ex verbis illis Concilii Tridentini, sess. 6 c. septimo: In justificatione cum remissione peccatorum hæc omnia simul infusa accipit homo per Jesum Christum cui inseritur, fidem, spem, & caritatem: nam fides, nisi ad eam spes accedat & caritas, neque unit perfecte cum Christo, neque corporis ejus vivum membrum efficit.

Hinc ejusmodi eliciebant argumentum, *Quarto.* quod ordine sit quartum. Unire & efficere membrum

membrum vivum, efficientiam proculdubio significat : cum ergo hæc efficientia posita non sit in habituum infusorum informatione, qua animam illiusque potentias informant, sed in eorundem habituum influxu ad actus affectuose diligendi, sperandi, & credendi, qui in eodem instanti eliciuntur, Christoque eum, qui justificatur, uniant; consequens est, ut infusi habitus efficienter concurrant ad actus illos, quando in primo justificationis momento eliciuntur. Confirmatur, quoniam justificatio vita est spiritualis ejus qui justificatur: vivere autem spirituale nec esse, nec intelligi valet sine operatione spiritualis vite.

Confirm.

Sotus in quarto loco citato non solum confitetur contrariam sententiam esse communem, sed etiam Divi Thomæ opinionem difficilem esse, quæ intelligatur & defendatur. Medina etiam contrariam sententiam satis probabilem judicat, atque affirmari posse liberum arbitrium non elicere cum gratia gratum faciente ultimam dispositionem ad eandem gratiam, sed cum motione distincta auxilii gratiæ prævenientis : atque divum Thomam locis citatis nomine gratiæ non intellexisse gratum facientem, sed ejusmodi particulare auxilium. Postea vero opinionem Divi Thomæ defendit. Licet enim negari non possit, Divum Thomam, præter gratiam habitualem, constituere etiam illud aliud particulare auxilium, ut patet prima secundæ q. 109 art. 7 & sequentibus, & quæst. 112 art. 2 : nihilominus locis aliis citatis manifeste affirmat, gratiam ipsam gratum facientem efficienter concurrere ad actum liberi arbitrii qui in instanti, in quo ipsa infunditur, elicitur. Ego etiam fateor, me nunquam valuisse intelligere, quoniam pacto gratia ipsa gratum faciens concurrere possit ad actum liberi arbitrii, qui ad eam dispositio est prærequisita : unde semper probabiliorem multo judicavi communem opinionem contrariam.

Justificationis variæ acceptiones.

Occasione vero quarti argumenti propositi, & ut res hæc tota dilucidior fiat, ante omnia explicandum nobis est, quid nomine justificationis, de qua nunc sermo est, intelligatur. Prætermisissis vero aliis ejus vocabuli acceptionibus, nec non ea justificatione, qua quis nullo in se præcedente peccato justus fit, quo pacto tam Angeli omnes, quam

primi parentes, in quo instanti conditi sunt, una cum natura justitiam gratiamve acceperunt; item ea, qua justus incrementum justitiæ accipit, de qua Apocalyp. ult. Qui justus est, justificetur adhuc : & Eccles. 8. Ne vereris usque ad mortem justificari; est enim merces operi tuo : & Jacobi 2. Videtis quoniam ex operibus justificatur homo : impii seu peccatoris justificatio, ex verbis Concilii Tridentini sessione 6 cap. 4 potest in hunc modum definiri. Est translatio ab statu lethalis culpæ in statum gratiæ & adoptionis filiorum Dei per Jesum Christum Salvatorem nostrum.

Justificatio quid?

Non attuli eandem prorsus definitionem Concilii eo in loco, sed eam quæ ex Concilii verbis elici poterat : quoniam dum Concilium eo in loco ita justificationem definit : *Trident.* Est translatio ab eo statu, in quo homo nascitur filius primi Adæ, in statum gratiæ & adoptionis filiorum Dei per secundum Adam Jesum Christum Salvatorem nostrum; non definit universum impii justificationem, sed eam solum, qua nondum fidelis nec originali labe mundatus, in gratiæ statum transfertur. A capite namque 14 ejusdem sessionis agere incipit Concilium de illa alia impii justificatione, qua vir fidelis, post justificationem primam in lethalem culpam prælapsus, iterum justificatur. Quin Concilium Tridentinum usque ad caput decimum quartum eam solum justificationem infidelis adulti, modumque quo fiat, potissimum explicat, quæ, dum cum solo eo dolore de peccatis accedit, qui cum baptismo sufficit, & attritio dicitur, justificatur, ut ex cap. 6 progressuque toto est manifestum : quod ante oculos est habendum. Progressu vero illius justificationis explicato, facile erat omnem aliam justificationem intelligere. Ut ergo ex eisdem Concilii verbis definitionem conficere-mus, quæ omnem universum impii justificationem comprehenderet, loco illorum verborum, est translatio ab statu in quo homo nascitur filius primi Adæ, diximus, est translatio ab statu lethalis culpæ.

Hanc justificationem, ait Concilium c. 7 : *Justificatio non est solum remissionem peccatorum sed & sanctificationem, ac renovationem per gratiam & dona, eaque ratione hominem per eam ex injusto fieri justum, & ex inimico amicum, & heredem vitæ æternæ. Eiusdem* *Justificatio non est sola peccatorum remissio. Justificationis causæ quæ.*

justificationis subjungit esse causam efficientem misericordem Deum, qui gratuito sanctificat, signans & ungens spiritu promissionis sancto, qui est pignus hereditatis nostræ. Meritoriam vero Christum redemptorem nostrum, qui sua sanctissima passione in ligno crucis nobis sanctificationem promeruit, & pro nobis Patri satisfecit. Formalem autem iustitiam Dei, non qua ipse justus est, sed qua nos justos facit, qua videlicet ab eo donati, renovamur spiritu mentis nostræ, & non modo reputamur, sed vere iusti nominamur & sumus, iustitiam in nobis recipientes, unusquisque suam. Quamquam enim nemo possit esse justus, nisi cui merita passionis Christi communicantur, id tamen in impii justificatione fit, dum ejusdem sanctissimæ passionis merito per Spiritum sanctum caritas Dei diffunditur in cordibus eorum qui justificantur, atque ipsis inhæret. Hæc Concilium ibi. Ex quibus profecto, & cæteris, quæ eodem capite, & cap. 8 ac 10 : & denique toto sessionis progressu subjungit, aperte constat, iustitiam qua formaliter iusti sumus, quaque misericorditer nos Deus justos facit, esse habituales caritatem & gratiam, quam Christi meritis nobis infundit, & qua, etiam dormientes & amentes, iusti sumus.

Observandum autem est, verbum, facio, & quæ ex illo componuntur, interdum sumi ad significandum solum influxum ac causalitatem efficientis causæ, atque adeo actionem, qua effectum attingit, & a qua formaliter efficere dicitur : interdum vero ad significandam causalitatem aliarum causarum. Dicimus namque candorem efficere candidum, non in genere causæ efficientis, sed formalis : & gratiam, quæ est terminus formalis justificationis, efficere gratum, ab eoque formali effectum nomen gratiæ gratum facientis accipit.

Juxta hæc ergo, si nomen verbale, justificatio, sumatur ut actionem significat, qua Deus nos efficienter justos facit, transfertque de statu lethalis culpæ in statum gratiæ & adoptionis filiorum Dei, sane justificatio non est aliud, quam infusio habitualis caritatis & gratiæ, qua, tanquam actione justificationis effectum attingere ac perficere dicitur. Si vero sumatur ut significat causalitatem causæ formalis, non est aliud, quam

actuatio, seu informatio, qua habitualis caritas & gratia, a Deo infusa, actuat & informat animam ejus qui justificatur : ea enim actuatione formaliter expellitur peccatum (non secus ac lumine repletur in aere formaliter excluduntur tenebræ, quæ in ipso erant) & justum efficit eum, quem actuat & informat ; ac proinde in genere causæ formalis ab statu peccati in statum iustitiæ & adoptionis filiorum Dei eundem transfert, atque convertit. Sumpta justificatione hoc modo, dicimus gratiam & caritatem justificare, Deumque eadem gratia & caritate, tanquam formali causâ, justificare ; tamen infusione ipsâ ejusdem gratiæ, tanquam actione, dicatur justificare.

Ratio justificationis a nobis definita & explicata communis proculdubio & univoca est omni universim impii justificationi quæ post Adæ peccatum fit, sive illa parvulorum sit & amentium interveniente sacramento, sive adultorum attritorum duntaxat interveniente similiter sacramento, sive contritorum habentium supernaturalem dolorem de peccatis propter Deum summe dilectum, qui eo ipso, esto nondum sacramentum adveniat, justificantur. Quin licet Tridentinum Concilium hanc quoque ultimam adultorum infidelium justificationem a capite quarto innuat, potissimum tamen explicationem justificationis adultorum infidelium attritorum duntaxat persequitur, ideoque hujus justificationis ait baptismum esse causam instrumentalem.

Hinc jam facile erit intelligere, nullam esse vim quarti argumenti propositi ; neque eum esse germanum sensum verborum Concilii Tridentini, quibus argumentum nititur, quem illius sententiæ autores intendunt. Enimvero nullus cum probabilitate, tutoque negare potest id, quod Concilium illis verbis docuit, convenire etiam justificationi parvulorum, per habitusque supernaturales fidei, spei, & caritatis, quos, dum baptizantur, uniri Christo, vivaque illius membra effici : cum tamen nullam vitalem operationem tunc habeant, nullumque omnino actum fidei, spei & caritatis exerceant : quare unio, de qua illis verbis est sermo, non est per influxum habituum in genere causæ efficientis in actus fidei, spei & caritatis, quos justificatus tunc exerceat.

Patet

*Iustitia quo
formaliter
iusti sumus,
est habitualis
caritas
& gratia.*

*Quartum
argumen-
tum solvi-
tur.*

Confirm.
faciunt.

Patet etiam nullam esse vim confirmationis eidem argumento additæ. Etenim in parvulis justificatis, & in nobis ipsis dormientibus, vita est spiritualis per caritatem & gratiam, qua formaliter iusti sumus, sine ulla operatione vite spiritualis, quæ ab eisdem habitibus tunc emanet. Neque intelligere valeo quonam pacto, juxta sententiam autorum quibus cum disputamus, defendi possit, actum qui a justificato in instanti, in quo primo gratiam accipit, elicitur, meritum non esse gratiæ, si, ut affirmant, a vita gratiæ & caritatis in eo ipso instanti efficienter emanat: idem namque actus ultra illud instans continuatus, aut quicumque alius post gratiam acceptam de novo elicitus, ea ratione non solum gloriæ, sed & gratiæ est meritorius, quia a gratia vitæ spirituali animæ efficienter emanat: nemo autem dicere audebit, actum illum in primo instanti, in quo gratia acquiritur, meritum esse gratiæ: quoniam eo dato, prima gratia caderet sub meritum, quod est erroneum.

Illud ad hæc est addendum, quamvis perperam, & plusquam periculose in fide negare quis vellet, quod Concilium verbis illis docet, justificationi parvulorum convenire, nulla tamen ratione negare posset, convenire justificationi eorum infidelium adultorum, qui ex solo servili timore attriti, baptismum accedente justificantur: quandoquidem illis capitibus de ea potissimum justificatione est sermo, cujus instrumentalis causa est baptismus, ut saltem negari non possit; de ea etiam ibi esse sermonem: at vero per caritatem & gratiam, quam ea justificatione accipiunt, ita Christo uniuntur, vivaque ipsius membra efficiuntur, ut tamen caritas nullum tunc eliciat actum: præsertim cum, si dormientes aut amentes baptizarentur, utpote qui ante somnum vel amentiam baptismum petiissent, gratiam similiter reciperent.

Sensus autem illorum verborum Concilii Tridentini intelligitur facile, si attendamus, universalem Ecclesiam, quæ est a lapsu primorum parentum, corpus quoddam esse mysticum, cujus caput est Christus qua homo. Per id vero homines mystice uniuntur Christo, per quod sunt de corpore Ecclesiæ: eo quod sint eo ipso membra Christi. Id autem fuit semper fides in Christum, sive implicita sive explicata, pro diversis mili-

tantis Ecclesiæ statibus: neque enim aliud nomen est sub celo datum hominibus, in quo oporteat nos salvos fieri; & hunc proposuit Pater propitiatorum per fidem, &c. At vero eo ipso, quod quis, sive in sacramento sive extra sacramentum, & sive parvulus sit sive adultus, habitum suscipit fidei supernaturalis, quemadmodum efficitur pars Ecclesiæ universalis, ita efficitur membrum Christi, suo capiti in eo corpore unitum, eamque unionem habet sive dormiat, sive vigilet, & sive fidei actum eliciat, sive non, sed impotens omnino tunc sit ad eum eliciendum, ut sunt parvuli & amentes. Licet autem fidei habitus mystice uniat Christo, membrumque illius in corpore Ecclesiæ efficiat, nisi tamen accedant habitus spei, & caritatis, quæ spiritualis vita est animæ, mortem peccati expellens, visque ad opera vitæ æternæ meritoria tribuens, unit imperfecte, solumque constituit membrum adhuc mortuum per lethale peccatum, nullum exercere valens opus æternæ vitæ meritum. Hinc constat habitus infusos fidei, spei & caritatis unire Christo quatenus homini, & quatenus caput est Ecclesiæ (de qua unionem sermo est aperte in eo loco Concilii) non in genere causæ efficientis, sed potius quasi formalis: eo pacto quo forma unit se materiæ dispositæ, & pars aquæ unit se alteri parti: is autem qui eos habitus nobis infundit, nempe Deus, est qui Christi meritis, suæque misericordiam nos unit eidem Christo efficienter per eosdem habitus, tanquam per causas formales, nos viva Christi membra efficiendo. Longe alia est unio, quæ caritati per suum actum tribuitur, quatenus amor, juxta Dionysium, unit amantem cum re amata, illumque in eam transformat, de qua est sermo in quarto argumento proposito: ejusmodi namque unio est cum proprio objecto caritatis, nempe cum Deo, quatenus Deus est, & non cum Christo quatenus homo est, & Ecclesiæ caput; de qua sane unionem sermo non est in eo Concilii loco.

Atque ut sacri Concilii mens plenius inspicatur, ratioque justificationis magis in aperto sit, observandum est, institutum Concilii ab illis verbis esse rejicere ac damnare pestiferum illum Lutheranorum errorem, quo asserbant solam fidem justificare, simulque explanare in quo sensu justificatio inter-

*Fide mystice uniat
Christo in
corpore
Ecclesiæ, &
membra it-
lins sanatus,
tamen si
caritate
perfecte.
Caritas
spiritualis
vita animæ.*

*Universa
Ecclesia a
lapsu pri-
morum pa-
rentum
anim corpus
mysti-
cum, cujus
caput
Christus
qua homo.*

dum in scripturis sacris fidei tribuatur. Hac de causa, cum totum justificationis progressum a quinto capite usque ad illa verbo explicasset, docuissetque ad justificationem concurrere fidem & spem, compleri vero per caritatem & gratiam cordibus eorum, qui justificantur, insulam, intulit: Unde in ipsa justificatione cum remissione peccatorum (subintellige non solam fidem) sed hæc omnia simul insula accipit homo per Jesum Christum cui inferitur, fidem, spem & caritatem. Ejus vero, quod subintelligendum dixi, subjungit continuo rationem, dicens: Nam fides, nisi ad eam spes accedat, & caritas, neque unit perfecte cum Christo, neque corporis ejus, hoc est Ecclesie, vivum membrum efficit. Qua ratione verissime dicitur, fidem sine operibus mortuam & otiosam esse, & in Christo Jesu neque circumcisionem aliquid valere, neque præputium, sed fidem, quæ per caritatem operatur. Atque hanc fidem ante baptismi sacramentum ex Apostolorum traditione petere catechumenos ab Ecclesia, cum petunt fidem vitam æternam præstantem, quam sine spe & caritate præstare non potest. Unde statim verbum Christi audiunt: Si vis ad vitam ingredi, serva mandata. Itaque veram & Christianam justitiam accipientes, eam ceu primam stolam pro illa, quam Adam sua inobedientia sibi & nobis perdidit, per Christum Jesum donatam, candidam & immaculatam jubentur statim renati conservare, ut eam proferant ante tribunal Christi, & habeant vitam æternam. Hactenus Concilium. Profecto justitia & stola, quam catechumeni pro ea, quam Adam sibi & nobis perdidit, in baptismo suscipiunt, & quam candidam & immaculatam servare jubentur, non est alia, quam habitualis caritas & gratia, quam Adamus suo peccato sibi & nobis perdidit, ejusdemque rationis est in parvulis & in adultis baptizatis, quam proinde parvulorum nomine petunt ab Ecclesia patrini ante eorum baptismum: ea autem, ut conservetur, indiget observatione mandatorum, quo tempore sub lethali culpa obligant, neque per solam infidelitatem, ut Lutherani asserbant, sed per quodeunque aliud lethale peccatum etiam amittitur; ob eamque rationem fides in adultis sine operibus mortua & otiosa dicitur.

Deinde Concilium cap. 8 sequenti expli-

cat, Paulum ad Romanos 3 in eo sensu dixisse, justificari hominem per fidem, & gratis, quia fides est humanæ salutis initium, fundamentum & radix omnis justificationis, sine qua impossibile est placere Deo, & ad filiorum ejus consortium pervenire. Gratis vero, quia nihil eorum, quæ justificationem præcedunt, sive fides, sive opera, ipsam justificationis gratiam promerentur: quia si gratia est, jam non est ex operibus; alioquin gratia, ut ibidem Apostolus ait, jam non est gratia. Hactenus Concilium. Ecce, fidem, quam dixit esse humanæ salutis initium, addidit esse fundamentum & radicem omnis justificationis, atque adeo etiam justificationis parvulorum: quod sane intelligi non potest nisi de fide habituali insula, quæ primo unit nos cum nostro capite (tametsi imperfecte, ut explicatum est) nosque illius membra efficit. Cum vero salus nostra in unione cum nostro capite in corpore Ecclesie sit posita, illaque sit prima unio, & radix ac fundamentum cæterorum, merito habitua-lem fidem insulam appellavit initium nostræ salutis, & basim ac fundamentum eorum, quæ ita ad justificationem pertinent, ut in justificato permanent, siveque capiti illum uniant, a quo vita caritatis & gratiæ, quæ est integra & perfecta ipsius salus, non, nisi posita unione per fidem, derivatur. Hoc vero non tollit quominus in adultis necessarium sit, natura saltem, præcedat supernaturalis credendi actus, quo ea, quæ sunt fidei, ex auditu concipientes, divinaque illustratione ac auxilio præventi & excitati, libere moveantur in Deum, credentes vera esse, quæ divinitus revelata ac promissa sunt, ut idem Concilium cap. 5 & 6 tradit, sicque divinitus adjuti ultimo seipsos disponant ad fidei habitum suscipiendum, quo Christo capiti suo inserti, membraque illius effecti, salutis initium, radicemque ac fundamentum justificationis in se ipsis habeant.

Hinc jam facile intelligetur, aliud esse salutis initium, & fundamentum justificationis, de quo sermo est in Concilio Tridentino cap. 8 citato: aliud vero exordium justificationis adultorum per prævenientem, excitantem ac vocantem gratiam, quæ auxiliis sit particularibus, nequaquam in justificato permanentibus, sed transeuntibus, de quibus sermo est cap. 5 & 6 præcedentibus.

Illud

Fidei justificationis quæ ratione tribuitur.

Salutis initium, & fundamentum dicitur in Concilio Tridentino ab exordio justificationis.

Illud quippe primum commune est omni universim justificationi: hoc vero secundum proprium esse justificationis adultorum, ac, natura saltem, illud aliud in eis antecedit.

Dicit aliquis fortasse, adulti justificationem posse etiam summi pro præviis dispositionibus actuum supernaturalium credendi, sperandi, diligendi ac poenitendi, quos de lege ordinaria exigit totius sanctitatis & iustitiæ parens Deus, ut iustitiam, habitualemve caritatem Christi meritis ipse solus infundat, quæ formaliter iustificet: eo pacto quo prævia alteratio, ad formæ substantialis introductionem necessaria, generatio substantialis dicitur, denominatione sumpta ab introductione substantialis formæ, ad quam alteratio illa ordinatur, & ad quam est via. Addet, ad justificationem adulti hoc modo sumptam, concurrere efficienter caritatis & gratiæ habitum in eo ipso temporis momento, in quo infunditur, non vero solum influxum auxilii supernaturalis transeuntis; atque influxu habitus caritatis & gratiæ evehi ad esse supernaturale dispositionis ultimæ ad eundem caritatis & gratiæ habitum requisitæ.

Qui hæc ita dixerit, in primis attendat, latum esse discrimen inter præviā alterationem comparatione introductionis formæ substantialis, in qua introductione posita est propriissima ac formalis ratio generationis substantialis, & inter prævias dispositiones adulti ad justificationem necessarias. Prævia namque illa alteratio attingit efficienter unionem formæ substantialis cum materia, isque qui ita alterando disponit materiam, vere dicitur generare substantialiter, ac proinde mirum non est, si alteratio illa, denominatione sumpta a termino, quem introducit ac efficit, generatio dicatur tanquam via ad illam: at vero præviæ supernaturales dispositiones, neque meritorie, nedum efficienter physice, attingunt introductionem caritatis & gratiæ, sed solum sunt conditiones sine quibus Deus meritis Christi, ex suaque misericordia non vult eam infundere: neque qui, Deo cooperante, sed ipsum eo pacto disponit, dicitur se ipsum iustificare, sed solus Deus est, qui illum iustificat: quare quidquid Canus 12 de locis cap. 13 ad 7 & Ruardus Tapper in articulo de justificatione pagina 3 §. Hunc sensum, in contrarium dixerint,

profecto non est quod introductio illarum dispositionum iustificatio appelleretur, sed appellanda solum est dispositio ad justificationem, solumque est concedendum talem adultum, Deo cooperante, se ipsum disponere ad justificationem, non vero se ipsum iustificare: imo neque ad justificationem cooperari, sed solum se disponere, & præparare. Quo fit, ut esto concedendum esset, caritatis & gratiæ habitum efficienter concurrere ad ultimam dispositionem ad eundem habitum, asserendum tamen non esset concurrere efficienter ad justificationem: eo quod ultima illa dispositio neque iustificatio sit, neque pars justificationis, sed dispositio ad justificationem, quæ in sola infusione habitus caritatis & gratiæ est posita.

Deinde attendat, saltem in ea adulti justificatione, quæ accedente sacramento fit cum sola attritione, affirmari non posse habitum caritatis & gratiæ efficienter concurrere ad ultimam dispositionem ad eundem habitum. Etenim neque actus liberi arbitrii tunc est ultima dispositio ad gratiam, sed sacramentum una cum illo complet ultimam dispositionem: ad sacramentum autem nemo dixerit concurrere efficienter habitum caritatis & gratiæ: neque in eo instanti est ullus actus dilectionis, vel elicitus, vel imperatus, ad cuius proinde productionem concurrere possit efficienter habitus caritatis & gratiæ, sed solum est dolor de peccatis ex solo timore servili per longe diversum influxum evectus ad esse supernaturalis timoris.

Esto autem admitteremus supernaturalem contritionis actum, qui est ultima dispositio ad gratiam, improprie (ne inepte dicam) ea ratione appellari posse justificationem, quia dispositio viæque est ad iustitiam, cetero non video posse cum probabilitate defendi ad illum, quatenus ultima dispositio est ad gratiam, efficienter concurrere habitum ipsum caritatis & gratiæ ad quem ultimo disponit, ut ea ratione posset consequenter dici, habitum gratiæ & caritatis concurrere efficienter ad impii justificationem.

Primo, quoniam si efficienter emanat ab habitu caritatis & gratiæ, non video quo pacto defendi possit non esse meritorium, non solum gloriæ, sed etiam gratiæ, ut supra deductum est: quod tamen plusquam periculose in fide concederetur. Hæc autem opinione

Iustificatio summe posse pro præviis dispositionibus supernaturalibus credendi, sperandi & poenitendi, quibus adultus disponitur.

Dispositiones ad justificationem dici nequeunt justificationem.

Qui Deo cooperante se ipsum ita disponit, non dicitur se iustificare sed Deum iustificat.

Caritatis & gratiæ habitus non efficiunt ad ultimam dispositionem ad gratiam.

nione data concedendum esset, etiam quatenus ultima dispositio est ad primam gratiam, esse meritorium gratiæ: quoniam, ut ultima dispositio est, asseritur emanare efficienter ab habitu gratiæ, imo per influxum ipsius habitus in genere causæ efficientis compleri in ratione ultimæ dispositionis ad eundem habitum.

Secundo, quoniam intelligere non valco quonam pacto ad actum, qui ita prærequisitus est ad habitum infusionem tanquam dispositio ad illum, ut a libero consensu & influxu arbitrii in illum pendeat ut sit aut non sit in rerum natura in eo ipso temporis momento in quo est ultima dispositio ad habitum, concurrat efficienter idem habitus præexistens, & informans animam ac potentiam, influensque in genere causæ efficientis prius natura, quam sit idem actus, qui ad ipsum disponit: præsertim cum de fide sit, liberum arbitrium, præventum & excitatum a Deo per auxilium gratiæ ad actum illum eliciendum, posse non consentire, & non elicere illum in eo ipso instanti, in quo eum elicit, & in quo est jam a Deo excitatum & præventum, cassam reddendo gratiam ita receptam, neque ulterius donum justificationis assequendo. Quo fit, ut gratia, qua arbitrium prævenitur, excitatur, & adjuvatur in eo ipso instanti, in quo elicit assensum, doloremve de peccatis quo ultimo se disponit ad justificationis donum, neque sit habitus ipse caritatis & gratiæ quo formaliter justificatur, neque influxus illius, sed auxilium & motio omnino distincta antecedens tum justificationem & influxum liberi arbitrii ad illam: neque satis intelligo quo pacto libera maneret voluntas ad eliciendum & non eliciendum actum contritionis, si prius in genere causæ efficientis acciperet habitum caritatis & gratiæ, influxuque illius juvaretur ad actum contritionis eliciendum. Etenim habitus gratiæ semel, priusque natura collatus, quam contritionis actus eliciatur, non potest non esse, ac proinde, vel concedendum esset voluntatem non manere tunc liberam ad non eliciendum actum contritionis, vel posse adultum recipere habitum caritatis & gratiæ, quin ad illam sit ultimo dispositus, quæ nullus concedet.

Tertio, quoniam Concilium Tridentinum, ut supra abunde est explicatum, auxilium gratiæ prævenientis & excitantis distinctis ab

habitu caritatis & gratiæ, & quæ, postquam a Deo collata sunt, possunt arbitrii libertate cassâ reddi, docet adultos disponi ultimo ad justificationis donum, habitumve caritatis & gratiæ: & tunc demum habitum infundi, quando illis auxiliis, liberoque arbitrii influxu adest ea dispositio. Ut enim omittam quæ hac de re aperte cap. 5 & 6 sess. 6 docet, tertius canon ejusdem sessionis sic habet: Si quis dixerit, sine præveniente Spiritus sancti inspiratione, atque ejus adjutorio; hominem credere, sperare, diligere, aut poenitere posse sicut oportet ut ei justificationis gratia conferatur, anathema sit. Ecce, Spiritus sancti inspiratione & adjutorio affirmat hominem elicere actus credendi, sperandi, diligendi & poenitendi sicut oportet (hoc est, ita ut sufficientes dispositiones sint) ut ei justificationis gratia conferatur, ac proinde affirmat, justificationis gratiam, quæ aliud non est quam caritatis & gratiæ habitus, conferri præexistentibus illis actibus tanquam dispositionibus ultimis, quæ a prædictis præviis particulatibus auxiliis, liberoque arbitrii influxu dependent. Et canon quartus ita habet: Si quis dixerit, liberum hominis arbitrium, a Deo motum & excitatum, nihil cooperari assentiendo Deo excitanti atque vocanti, quo ad obtinendam justificationis gratiam se disponat ac præparet, neque posse dissentire si velit, anathema sit. Ecce, liberum arbitrium ad eam supernaturalem dispositionem, quam cum habuerit, justificationis gratiam, atque adeo caritatis habitum posterius natura obtinebit, affirmat a Deo moveri & excitari, utique per distinctum auxilium & influxum; liberumque ipsum arbitrium sic cooperari Deo ita excitanti ac vocanti, ut dissentire possit post eam vocationem & excitationem, si velit, neque se ultimo ad justificationis gratiam præparare. Nescio quid apertius dici poterit, ut intelligeretur ultimam dispositionem ad justificationem, ad habitumve caritatis & gratiæ, non fieri efficienter ab habitu ipso caritatis & gratiæ, sed a præviis illis aliis auxiliis.

Ut vero hæc magis nota fiant, & argumenta contrariæ opinionis facilius dissolvantur, observandum est, habitus infusus fidei, spei & caritatis seu gratiæ, esse quidem non solum operativos, sed etiam, quantum est ex se, naturæ ex necessitate nature; attamen non ex se.

Fidei, spei, caritatis, & gratiæ habitus infusi operativi sunt, in quo necessitate nature ex se.

esse integras causas suorum actuum, ut est notissimum; sed in eis pendere a libero influxu potentialium, in quibus resident, in eodem actus. Præterea proprium eorum modum influendi in suos actus esse alliciendo potentias, facilesque reddendo ad suos actus producendos: hæc namque est propria cooperatio cum potentiis ad eorum actus, sive actus & habitus naturales sint, sive supernaturales.

*Habitus
cur utamur
quando
volumus.*

Hinc in primis efficitur, ut nobis vel dormientibus, vel libere ab actu exercitio cessantibus, habitus nullam prorsus eliciant actionem: atque per liberum influxum potentialium utamur habitibus ad operationes quando volumus.

Ex eodem etiam capite oritur; ut quamvis habitus, si, natura saltem, præcedat influxum potentia ad operationem, possit in eodem instanti, in quo primo existit, concurrere efficienter ad operationem potentia, eam alliciendo, facilioremque reddendo ad actum quem tunc producit: nihilominus, si aliunde potentia prius natura influat & producat actum, quam habitus adveniat, nequaquam habitus posterius natura adveniens concurrere possit in eodem instanti ad eandem operationem: eo quod quemadmodum non adjuvit potentiam eam alliciendo & promptiorem reddendo ad influxum prius natura in eum actum emissum, ita neque adjuvare eam possit ad eum actum, ut priori influxu est productus.

*Habitus
Angelis &
primis
parentibus
infusi in
primo in-
stanti actus
elicuerunt.*

Ex priori parte hujus illari ortum habuit, ut habitus fidei, spei & caritatis Angelis omnibus & primis parentibus in primo instanti in quo conditi sunt infusi, efficienter concurrerint ad actus credendi, sperandi, & diligendi, quos in eo ipso instanti elicuerunt. Etenim cum prius natura illos acceperint, quam eos actus elicuerint; eo quod, ut infra in hac primâ parte suo loco dicemus, nulla expectata eorum prævia dispositione eis fuerint collati, sed simul Deus, ut Augustinus ait, fuerit in eis condens naturam, & largiens gratiam; concurrere jure optimo potuerunt cum potentiis, eas alliciendo & promptiores reddendo ad influendum in eo ipso instanti in actus, quos primi parentes per infusionem una cum natura a Deo acceperunt, quales ipsi suis viribus poterant comparare. Habitus namque ejusmodi, quia prius natura illis

MOLINA.

collati sunt, quam actus exercerent, concurrere potuerunt efficienter ad actus scientiarum & virtutum, quos primi parentes in eo ipso instanti elicuerunt.

Ex posteriori vero parte ejusdem provenit, quod licet habitus naturales, qui solis nostris viribus comparantur, operativi sint; agentque ex parte sua necessitate naturæ; nihilominus, ut communis fert omnium sententia, in instanti in quo primo sunt, non influant eum potentia ad actum quo producuntur; cum tamen eodem temporis momento eliciatur ac existat. Quia enim potentia prius natura in eum actum influit, illumque producit, quam habitus per eundem actum in eodem temporis momento productus existat; utique allicere & adjuvare potentiam non potest ad influxum in eundem actum prius natura emissum, atque adeo neque ad productionem actus. Si tamen potentia perseveret in eodem actu, tunc habitus semel acquisitus eam allicit atque habilem reddit ad influendum in eundem actum eorum tempore sequenti, ac proinde actus ille deinceps simul est efficienter a potentia & ab habitu.

*Habitus
acquisiti
non coope-
rantur in
instanti in
quo prima
generantur,
sed in con-
tinuatione
actus.*

Hæc eadem est causa cur in re proposita habitus caritatis & gratia in instanti justificationis impii infusus non concurrat efficienter ad actum contritionis ac dilectionis supernaturalis tunc elicit. Cum enim actus ille, quatenus est dispositio ad habitum caritatis & gratia, natura antecedit habitum ipsum; sane prius natura a libero arbitrio auxiliis gratia prævenientis excitato, prævento, ac suffulto emanat influxus in eum actum, quam habitus impio sufficienter jam ad eum disposito infundatur, ac proinde adjuvare non potest liberum arbitrium in eo instanti ad ejusdem actus productionem efficienter tunc cum eo influendo. Licet ergo adultus per habitus fidei, spei, & caritatis, qui illi in justificatione infunduntur, vim accipiat ad supernaturaliter credendum, sperandum, & diligendum, ac proinde ad promerendum non solum beatitudinem, sed etiam augmentum gratia, nullam tamen efficientiam ejus facultatis exercent in actus, qui tanquam dispositiones eorundem infusionem antecedunt, sed in continuatione postea eorum & in actibus aliis, qui post ipsorum infusionem a potentiis de novo producuntur. Atque id plane satis aperte innuit Concil. Trid. sess. 6 si

B b

attente

attente legatur ac expendatur. Etenim usque ad c. 10 exclusive, dum totum justificationis progressum explicat, quæ usque infidelis adultus in iustitia constituitur, nullum omnino vestigium reperitur unde aliquis subodorari possit ex mente concilii iustitiam ipsam ad actus adulti efficienter concurrere, quin potius supernaturalem totam efficientiam & concursum distinctis auxiliis gratiæ prævenientis & excitantis attribui. Capite autem decimo explicata jam integre prima justificatione, subiungit concilium: Sic ergo iustificati & amici Dei ac domestici facti, cunctes de virtute in virtutem, renovemur, ut Apostolus inquit, de die in diem, hoc est, mortificando membra carnis suæ, & exhibendo ea arma iustitiæ in sanctificationem, per observationem mandatorum Dei & Ecclesiæ, in ipsa iustitia per Christi gratiam accepta, cooperante fide bonis operibus, crescunt, atque magis iustificantur, sicut scriptum est: Qui iustus est, iustificetur adhuc. Et rursus: Videtis quoniam ex operibus iustificatur homo, & non ex fide tantum? Hoc vero iustitiæ incrementum petit sancta Ecclesia, cum orat: Da nobis Domine fidei, spei, & caritatis augmentum. Hæc cap. 10. Tribus vero sequentibus agit de mandatorum observatione iustificatio necessaria, & de perseverantia in accepta iustitia dono.

Illud postremo est observandum, quamvis dispositio ultima ad gratiam incipere soleat in adulto per primum sui esse, in quo simul caritatis & gratiæ habitus infunditur; moraliter tamen loquendo actum illum non posse tunc definire per ultimum sui esse, sed semper continuari per tempus aliquod. Tempore ergo toto, quo actus ille post primum instans, in quo habitus infunditur, perseverat, concurrunt efficienter ad eum habitus caritatis & gratiæ, ut sæpe dictum est, ac proinde toto eo tempore est meritorius incrementi gloriæ & gratiæ.

Ad primum ergo argumentum in contrarium, concessa majori, neganda est minor. Ut enim actus ille (præsertim cum ex influxu prævenientis gratiæ cum libero arbitrio sit supernaturalis) meritorius sit vite æternæ, satis est si in eodem instanti posterius natura conjunctum habeat habitum caritatis & gratiæ, per quem redditur actus elicitus ab eo homine, qui in eodem instanti est filius

adoptivus Dei: quemadmodum enim adultus ipse per habitum, quem recipit, gratus Deo efficitur, acceptaturque in vitam æternam: sic etiam actus ille supernaturalis, prius natura efficienter elicitus, adventu ejusdem habitus gratus efficitur & acceptatur in vitam æternam tanquam dignus per conjunctionem habitus vite æternæ. Imo vero ratio cur actus ille meritorius sit solum vite æternæ, & non gratiæ, est: quoniam gratia nulla ratione illum antecessit, ut eum, tanquam semen præexistens & sors suapte natura saliens in vitam æternam, dignum incrementi gratiæ efficeret.

Ad secundum concessa etiam majori, ad minorem dicendum est, tunc solum esse veram, quando vis ad agendum natura antecedit influxum actionis: non vero quando vis ad agendum est solum causa coadjuvans, & ad actionem minime necessaria, atque advenit posterius natura, quam emanaverit influxus actionis, ut in re proposita accidere ostensum est.

Ad tertium negandum est antecessens, quando unum est dispositio prærequisita, ut alterum existat: talis enim prærequisita dispositio emanare nequit efficienter ab eo ipso, quod, ut existat, illam prærequirit in subiecto, in quo recipi debet, atque existere. Neque exempla, quæ in eo argumento afferuntur, id sufficienter probant.

Ad primum namque negandum est aëris ingressum priorem esse in genere causæ efficientis apertione fenestrationis. Aliud quippe est vis impressa aëri, qua movetur & comprimitur ad fenestram, aliud motus ipse aëris, quo ad fenestram accedit, ad eamque comprimitur, aliud vis impressa fenestrationi, qua fenestrationis aperitur, moveturque apertionis motu, & aliud ingressus aëris per fenestram, qui proculdubio ultimus est effectus in genere causæ efficientis. Etenim licet in genere causæ efficientis prior sit influxus in aërem quam in fenestram, & mediante influxu in aërem causæ efficientes influant in fenestram; effectus tamen in genere causæ efficientis illum ordinem habent, qui paulo ante commemoratus est, ultimusque est aëris ingressus per fenestram. Nam causæ primariæ illa omnia efficientes primo imprimunt vim aëri, qua illum movent versus fenestram: impressio vero, vis, impetussive illius, non est localis

Ad primum
argumentum
con-
trarium opi-
nionis.
Caritatis
& gratiæ
habitus car-
næ conser-
vatiorem red-
dunt vite

æterna, &
non gratiæ
in primis
iustificati-
onis instanti.

Ad secun-
dam.

Ad tertiam.

localis motus, sed alteratio aëris; vis autem illa eo ipso, quod aëris resistentiam superat, illum movet localiter versus fenestram, eumque ad illam clausam comprimit: aër autem ita localiter motus, & compressus ad fenestram, mediante vi, quam impressam habet, & motu compressionis sui ipsius ad fenestram, imprimit fenestram vim aliam in partem aulae interiorem: cum autem ea vis qualitas sit, impressio illa est alteratio fenestram, & non localis motus: instans vero in quo vis fenestram impressa tanta est, quanta resistentia fenestram, est ultimum non esse motus localis apertionis fenestram: quoniam tunc non est motus, & immediate post, quando vis illa resistentiam fenestram superabit, erit motus apertionis fenestram; cum vero motum consequitur motus ingressus aëris, in eodem quidem tempore, sed posterius natura, quatenus prius est per motum illum prævium auferri in genere causæ efficientis impedimentum fenestram prohibentis ingressum, quam sequi in eodem genere causæ aëris ingressum: neque enim aër suo ingressu aperit fenestram, sed vi quam fenestram imprimit, antequam illa aperiatur, aërque ipse ad fenestram apertionem ingrediatur. Idem accidit quando clavum clavo trudimus: prior namque in genere causæ efficientis est expulsio clavi qui truditur, quam ingressus alterius clavi; tamen vis in clavum, qui truditur, derivetur per clavum, quo eum truditur.

Ad secundum exemplum, admissio resolutionem fieri usque ad materiam primam, quamvis nisi id tam aperte docuisset Aristoteles, non sine probabilitate maxima defendi posset contrarium, cum & experimento ipso quasi tangi, ac videri oculis videatur, & non leves evitet difficultates: qua opinandi via insistentes diceremus, accidentia corporea subiectari quidem in materia prima prout facta est in actu primo per formam substantialem; attamen conditionem, sine qua non est subiectum huius numero accidentis, esse, quod forma substantialem sit informata, hac tamen, vel illa indifferenter. Admissio tamen, ut dixi, illo pronuntiato de resolutione usque ad materiam primam, dicendum est, a forma quidem substantialem ignis in instanti, in quo introducit in materiam, emanare calorem,

quo, postquam introducta est, conservatur in materia; illum tamen numero calorem neque prærequiri in materia, neque esse prius in materia, etiam in genere causæ materialis ac dispositivæ, quam forma ipsa substantialis existat. Aliud namque est loqui de dispositione requisita in materia, ut ea mediante producat forma substantialis ignis, & hæc non emanat a forma substantialem, quæ introducit, sed a generante, anteceditque in genere causæ efficientis ac materialis seu dispositivæ formam substantialem ignis geniti, ut omnes admittunt: aliud vero est loqui de conditione prærequisita in materia, ut non repugnet introductioni formæ geniti, nempe de expulsionem a materia contrariarum dispositionum, quæ secum non patiuntur formam ignis, & neque hæc dispositio, seu conditio prærequisita, sit a forma geniti, sed a generante, anteceditque tam in genere causæ efficientis, quam materialis introductionem formæ geniti: & aliud est loqui de dispositionibus connaturalibus formæ geniti, quæ per accidens emanant ab ea in instanti in quo introducit, quatenus per expulsionem formæ ligni sit resolutio usque ad materiam primam, atque ita quemadmodum delineant subiecto quoad actum primum, quo informabatur, per accidens definunt dispositiones præcedentes, ita per accidens in materiam, in qua nihil manet quod repugnet, a forma quæ introducit emanat tota latitudo suarum dispositionum, quibus in materia conservatur: ejusmodi namque dispositiones necesse non est præcedant in materia, sed satis est si concomitentur, formam substantialem, consequanturque illius introductionem in materiam omnibus accidentibus præcedentibus denudatam. Quare negandum est, ejusmodi dispositiones, etiam in genere causæ materialis ac dispositivæ, præcedere existentiam formæ a qua emanant.

Ad tertium exemplum negandum est in aère, qui illuminatur, priorem esse in genere causæ materialis expulsionem, seu non existentiam tenebrarum, introductione lucis. Cum enim tenebræ non aliud sint, quam lucis absentia in subiecto apto illam recipere, proculdubio contradictionem implicat concipere aërem sine tenebris, & non affectum

hæc: quare neque in genere causæ materialis est priori in aërem non existentia tenebrarum, quam introductio lucis.

Ad quartum. Ad quantum argumentum negandum est, unire & efficere membrum vivum significare in eo loco Concilii efficientiam, ut ostensum est.

Ad confirm. Similiter ad confirmationem negandum est, esse non posse vitam spirituales sine operatione vitæ, ut ex iis, quæ in explicatione quæstionis propositæ diximus, constat.

De radice contingentia.

DISPUTATIO XLVII.

Hucusque libertatem arbitrii nobis sub aspectum mentis subiecitimus, eandemque cum generali Dei concursu, & divina gratia pro nostra tenuitate conciliavimus, darique contingentiam, tum in naturæ, tum etiam in gratiæ operibus, quæ licuit perspicuitate ostendimus. Nunc ut ad Divi Thomæ explicationem redeamus, atque ea, quæ hujus articuli sunt propria, de radice contingentia primo est disputandum, ut ea ratione futurorum contingentia integre constituta, magisque in aperto sit. Ad hæc modum, quo Deus futura contingentia agnoscat, ostendimus, ac tandem divinam præscientiam cum nostri arbitrii libertate, rerumque contingentia componemus.

Quibus modis complexione aliquam dici possit contingentiam.

Ut radix origove contingentia intelligatur, sciendum est, complexionem aliquam duobus modis dici posse contingentem, quod ad præsens institutum attinet. Uno quia, si ad naturas extremorum præcise spectes, subiectum non magis vendicat sibi prædicatum, quod de ea affirmatur, quam oppositum, Ut Socratem sedere, est contingens: quoniam Socrates, quantum est ex se, non magis sibi vendicat sedere, quam stare, aut jacere. Contingentia hoc modo sumpta, non excludit fatalem necessitatem. Si namque agentia omnia agerent necessitate naturæ, proculdubio singula, quæ eveniunt, quamvis spectatis extremorum naturis, nihil pugnaret aliter evenire, comparatione tamen causarum, prout dispositæ & constitutæ sunt in hoc universo, fatali quadam atque infallibili necessitate eo modo evenirent, quo re ipsa eveniunt: quandoquidem quæ causa, juxta constitutionem & dispositionem hujus

mundi universi, impedire posset aliam causam, re vera eam impediret. Quare ea hypothesis data, quicunque causas omnes huius universi cognosceret, in illis certo atque infallibiliter omnia quæ sunt futura cognosceret. Altero vero modo complexio aliqua futura dicitur contingens, quia excludit non solum necessitatem quæ ex naturis extremorum proveniat, sed etiam fatalem atque extrinsecam necessitatem, quæ ex dispositione causarum eveniat, ita ut posita hac rerum universitate, quam cernimus, atque eo prorsus modo causis omnibus constitutis, quo nunc re ipsa sunt, indifferens sit talis complexio ut eveniat, vel non eveniat, ex eisdem causis ex quibus solet evenire. Atque hoc posteriori modo est nobis sermo de contingentia hoc loco, dum illius radicem inquiremus. Radix namque contingentia primo modo spectatæ, sunt ipsæmet naturæ complexionis extremorum.

Disputatione 35 retulimus sententiam Scoti asserentis, radicem totam contingentia esse solam voluntatem divinam, eamque ibidem impugnavimus, & ut periculosa, fideique Catholicæ parum congruentem, rejecimus. Ut ergo pateat quibus causis diversarum rerum contingentia, tanquam radici atque origini unde emanet, tribuenda sit, sciendum est: Rerum quasdam esse, quarum productio & conservatio ita a solo Deo pendet, ut vi agentium naturalium nulla ratione destrui possint, cujusmodi sunt Angeli, cœli, humanus animus, & materia prima: quasdam vero, quarum conservatio non pendet a solo Deo. Rursus, rerum quasdam esse, quæ continent ad ordinem naturæ: alias vero quæ ad ordinem gratiæ, sempiternæque felicitatis spectant; qualia sunt media supernaturalia quibus ad beatitudinem sempiternam disponimur, & præparamur.

Sit ergo prima conclusio: Cum nihil creatum necessarium sit comparatione primæ causæ, ut in hac prima part. q. 3 art. 4 singentia disputatione i demonstratum est, sed cuncta ita ab eo effecta sint, ut potuerint non esse radix totius contingentia quæ cernitur, tum in eo quod fuerint ea quæ primo a solo Deo producta sunt, qualis fuit prima constitutio hujus mundi universi quoad omnes suas partes atque ornatus illius, tum etiam in eo quod conserventur & perseverent ea, quorum confer-

Prima conclusio. Rerum creaturarum contingentia quæ cernitur ad Deum referenda sit.

conservatio a solo Deo pender, soli liberæ voluntati divinæ est tribuenda. Non est tamen Deus appellandus causa contingens, sed libera, comparatione hujusmodi effectuum: qui licet libere ab eo fuerint producti, utque adeo non sint in eo sensu effectus contingentes, quasi casu ac fortuito ex concursu duarum diversarum causarum & præter intentionem utriusque sint producti, sed sint effectus liberi, quatenus tamen & effici, & non effici, a sua causa potuerunt, ab eademque conservari, & non conservari in futurum possunt, dici jure optimo possunt, & fuisse & fore contingenter. Atque ita cum cæteris doctoribus deinceps loquimur, & in eo hoc loco radicem contingentiae eorum investigamus. Proposita conclusio notissima est, quoniam ejusmodi omnes effectus ex sola libera voluntate divina habent quod & esse, & non esse possunt, ac proinde illa sola radix & tota ratio contingentiae eorum dicenda est.

*Libertatis
vestigium in
brutis, non
libertas ad-
mittitur.*

Antequam subjiciamus sequentes conclusiones, notandum est: Satis verisimile videri, quamvis in brutis neque ea libertas sit admittenda, quam disputatione secunda diximus esse in amentibus & pueris antequam perveniant ad eum usum rationis qui ad culpam & meritum sufficiat, esse nihilominus in eis vestigium quoddam libertatis quoad aliquos motus, ita ut in eorum potestate sit, in unam aut in alteram partem moveri. Quando namque bellua fatigata ex diuturna fessione ambulare appetit, neque in aliquem peculiarem locum trahitur a notitia & appetitu alicujus objecti quod in eo loco sit, plane in potestate ipsius videtur esse situm, in unam aut in alteram partem moveri. Non tamen tantum vestigium libertatis concedam belluis, ut si ab appetitu, prævia cognitione alicujus objecti incitentur in objectum certum, nullaque existente causa qua retardentur, ut metu fustis, aut alterius rei, in potestate ipsarum sit non moveri in tale objectum. Qui tamen neque vestigium hoc libertatis bestii voluerit concedere, is nulla ratione appetitui brutorum radicem proximam alicujus contingentiae tribuere debet.

Objectis.

Verum objiciēs, quamvis libertas, aut illius vestigium (si constituendum sit) formaliter & tanquam in subiecto sit in appe-

ritu; attamen tanquam in radice est in cognitione & notitia indifferenti quæ liberum actum antecedere debet: hæc autem esse non potest in brutis; eo quod esse debeat cognitio collativa & comparativa unius objecti cum alio, & quæ inter unum & alterum objectum discernat; quæ tamen in brutis esse non potest. Imo vero, ut brutum indifferenter dirigere possit gressum in unam aut alteram partem, necesse est cognoscat finem quo tendit sub ratione finis, & singulas rationes convenientiæ aut disconvenientiæ; quæ sunt in dirigendo potius gressum per unam quam per alteram partem, & conferat illas inter se, atque ex collatione inferat & colligat, quæ convenientiæ aliis præponderent & fortiores sint: ut item indifferenter surgat vel adhuc se contineat & perseveret jacens, aut indifferenter gressum mittat, vel pedem contineat, necesse est cognoscat actus suos, & negationes eorum, & rationes bonitatis & convenientiæ quas habent, illasque conferat inter se; quæ omnia valde sunt aliena a brutis.

Dicendum tamen est, quamvis ut quis prædictis ea arbitrii libertate dicatur quæ ad lethalem culpam ac meritum sufficiat, vel opera artis atque humanæ prudentiæ vel mediocriter exercenda, necesse sit, non quidem ut, quoties libere quovis modo operatur, ea omnia cogitet, & de eis omnibus deliberet, quæ in argumento proposito continentur, sed ut potens sit, ea omnia cogitare, atque de eis omnibus deliberare, plus vel minus, prout majori ingenii perspicacitate ac naturali prudentia fuerit præditus, & prout plus in rebus agendis fuerit exercitatus, majoremque experientiam ac dexteritatem in consiliis ineundis fuerit consecutus; nihilominus necesse non esse, ut quoties homines quicquam vel quoad exercitium vel quoad speciem actus libere exercent, illæ omnes cognitiones & deliberationes antecendant. Si namque flagitiosissimi homines, qui nihil de sua salute, & de lege Dei curant, qui etiam cogitant, sed tanquam bruta animalia ad delectationes gustus & tactus feruntur, certe, quando oblata eis re turpi sub ratione delectabilis, statim in illam consentiunt, sine talibus collationibus & ratiociniis id efficiunt, fatisque est, si ea omnia poterint cogitare, & de eis deliberare, idque facere

*Responsio.
Libertas ad
lethalem
culpam &
meritum ne-
cessaria,
qualem eo-
dem ut
in intellectu
requiritur.*

omiserint, ut libere quoad exercitium & speciem actus id voluisse dicantur, & ut ad lethalem culpam eis imputetur. Quando item prudentes aut imprudentes homines aliquo tendunt, gressusque magis vel minus concitatos emittunt, & versus unam vel alteram partem itineris, aut invii loci eos emittunt, atque gressus aliquantulum continent, vel iter proficiuntur, libere sane hæc omnia efficiunt, neque ratiocinantur ac deliberant quæ in argumento proponuntur, ut experientia ipsa testatur, sed satis ad id est notitia amplii spatii, per quod gressus conficiunt, una cum innata libertate ad uno vel altero modo ambulandum, aut ad gressus continendum.

Eodemque modo, ut brutum, quando a quiere surgit, atque vel ambulare libet, vel ad querendum cibum qua parte se obtulerit pergit, sane ut hanc vel illam lineam gressuum conficiat ex infinitis, quas versus partem anteriorem potest conficere, itemque ut gressus magis aut minus concitatos emittat, & ut nunc primum gressum conficere incipiat, aut paulo post, atque ut interdum gradum contineat, aut ulterius progrediatur, satis videtur esse notitia totius spatii quo pergere potest una cum innato suo vestigio libertatis qui in appetitu ipso residet, seu (quod idem est) una cum innato suo vestigio domini eorandem actuum, ut penes se sit, unam vel alteram lineam conficere, aut tardius aut celerius illam absolvere, aut nunc vel paulo post illam incipere, & denique gradum interdum continere, aut ulterius progredi. Etenim quando libertas, vel libertatis vestigium ex parte appetitus adest, neque objectum tam vehementer promovet, vel appetitum pro sui qualitate necessitet, sola libertas, aut libertatis vestigium sufficit, ut eum motum non imperet, quem potest imperare, atque adeo necessaria non est notitia negationis motus, ut motum non imperet: neque enim, ut brutum aut homo motum non imperet, necesse est ut velit aut appetat non imperare eum, ad quod necessaria esset cognitio negationis motus, sed satis est, si mere negative se habeat, motum non imperando, ut potest, quod non satis ab aliquibus animadvertitur. Eodemque modo quando libertas aut libertatis vestigium adest, a sola libertate, aut libertatis vestigio provenit, quod existente eadem notitia objecti &

vix, motus concitatione aut minus concitatus imperetur. Porro singula quæ hæcenus dicta sunt a vestigio libertatis pendere, sufficientissima sunt ad radicem proximam: contingentie alicujus in bruti appetitu constitutendam, ut ex se est notissimum.

Ad objectionem ergo in primis dicendum est, nos neque constituere libertatem in cognitione potius, quam in appetitu, ut eam constituit Durandus; neque item constituere tot indicia & imperia potentie cognoscantis, quot alii constituunt: quin potius arbitrari, solam simplicem notitiam objecti in ratione delectabilis, aut in ratione alia appetibilis, sufficere ad appetendum, non solum sensitivo appetitu brutorum, sed etiam voluntate humana & Angelica, de qua re aliquid dicimus inferius in materia de peccato Angelorum, & diximus superius 1. 2. q. 9. art. 1: ubi Aristotelem ea de re exposuimus. Dicendum deinde est, ad vestigium libertatis brutorum satis esse notitiam amplii spatii per quod gradiendo, volando, aut natando possunt iter conficere; satis item esse, quod notitia objecti, ex cuius imaginatione ducuntur, non tam vehementer moveat, ut pro qualitate appetitus bruti illum necessitet ad actus exercitium, ut explicatum est; neque necessaria esse cognitiones, collationes, & demonstrationes quæ in argumento commemorantur, ut etiam explicatum est.

His ita constitutis, sit secunda conclusio. *Secunda conclusio. Rerum communiis singulis quæ ratione tolleretur.* Si secludas liberum arbitrium tam hominum quam Angelorum, atque appetitum sentientium bestiarum ad actus quosdam in quibus cernitur vestigium libertatis, posita constitutione mundi universi qua nunc est, Deumque nihil agere supra communem cursum, ordinemve inditum rebus, tollitur contingentia ab effectibus omnibus causarum secundarum, omniaque fatali quadam necessitate opus est evenire. Probatur conclusio, quia his omnibus positis, causæ omnes secundæ agent ex necessitate naturæ, & quæ, juxta constitutionem hujus universi, potuerit alteram impedire, re ipsa impeditur: ergo quæcunque evenerint, ita evenient, ut ex suis causis non possint, re ipsa impeditur: ergo quæcunque evenerint, ita evenient, ut ex suis causis non possint re ipsa aliter sese habere: atque adeo fatali atque extrinseca suarum causarum necessitate evenient.

Tertia

Ad libertatis vestigium qualis cognitio sufficit.

*Tertia cau-
clausa.
Contingen-
tia radix
proxima &
remota effe-
ctuum esse
causam se-
cundam
causarum
que.*

Tertia conclusio. Posita eadem constitutione universi, Deumque nihil agere supra communem cursum, ordinemve rerum, radix prima, remota tamen, contingentia effectuum omnium causarum secundarum ad ordinem nature spectantium est voluntas Dei, quæ liberum arbitrium hominum & Angelorum condidit, atque appetitum sentientium bestiarum, quæ circa aliquos actus quasi vestigio quodam libertatis prædita videntur: proxima vero & immediata radix est liberum arbitrium Angelicum, & humanum, & appetitus sentiens bestiarum, quoad eos actus in quibus bestia vestigium libertatis habere videntur. Prima pars, nempe quod voluntas divina sit prima radix, notissima est: quoniam cum, siquid aliud rationem habeat radices contingentia, necessarium sit illud tandem habere esse a voluntate divina, utique necessarium quoque est voluntatem divinam semper primam radicem consequere. Secunda vero pars ex eo probatur, quoniam cum ceteræ causæ secundæ ex necessitate nature agant, atque unaquæque non impedita existentibusque circumstantiis quæ re ipsa sunt, determinata sit ad id quod agit, ad idve quod positis eisdem circumstantiis ex ipsa sequitur; solum vero liberum arbitrium Angelicum & humanum in sua potestate habeant hoc aut illud uno vel altero modo agere, vel omnino abstinere ab operatione quæ ab ipsis sit nata emanare, nec non appetitus sentiens bestiarum qui ad aliquos actus vestigium habet libertatis, consequens est, ut contingentia cujuscunque effectus, qui a causis secundis proficiscitur, ex aliqua illarum trium causarum tanquam ex proxima radice proveniat.

*Non omnes
effectus
contingen-
tes immedi-
ate emana-
re a proxi-
ma radice
contingen-
tia.*

Quo loco animadvertendum est, aliud esse omnem effectum contingentem causarum secundarum emanare proxime ab aliqua illarum trium causarum: aliud vero radicem proximam contingentia cujuscunque eorum esse aliquam illarum trium causarum: primum namque est falsum, secundum verum. Etenim plurimi effectus contingentes emanant immediate a causis naturalibus, radix tamen immediata contingentia eorum non est causa ipsa naturalis a qua oriuntur necessitate nature, sed aliqua illarum aliarum trium. Ut quod hæc lucerna, ad quam literis operam navo, lumen modo ex se emittat,

effectus est contingens qui potuit non esse: & cum necessitate nature oriatur ab ipsamet lucerna tanquam a causa naturali, radix tamen contingentia illius, non lucerna, sed is fuit qui illam per suum liberum arbitrium accendit; tum etiam omnes causæ libere quæ concurrerunt ad confectionem hujus olei, & cæterarum rerum, quæ ad inflammandam lucernam necessariae sunt. Quo fit, ut non solum effectus, qui ab illis tribus causis immediate emanant, contingentes sint, sed etiam ex permixtione earum cum causis naturalibus in hoc universo, innumeri effectus causarum naturalium, sint etiam contingentes. Neque vero sola variata, quæ oritur in effectibus causarum naturalium ex immediato influxu alicujus illarum trium, efficit contingentiam in effectibus causarum naturalium, sed etiam quæcunque alia quæ ex hujusmodi effectibus oritur ulterius in quibuscunque aliis effectibus causarum naturalium, quos mutata quacunque circumstantia facile est variari, efficit in eis contingentiam.

Dictum est in conclusione proposita, Deo nihil operante supra communem cursum, ordinemve inditum rebus; quoniam si vel aliquid eo modo efficiat, vel subtrahat concursum causis naturalibus quodammodo debitum tunc contingentia effectum causarum naturalium in voluntatem divinam tanquam in immediatam radicem etiam reducitur. Quod enim ignis Babylonicus non combusserit tres illos pueros, quos si suæ nature relinqueretur, combussisset, in voluntatem divinam, quæ libere suum concursum generalem subtraxit, referendum est. Verum cum nihil horum soleat efficere, nisi propter ordinem gratiæ, nempe ut sic homines, vel ad fidem trahat, vel in fide magis confirmet, vel ad aliquid simile, hujusmodi effectus in iis, qui pertinent ad ordinem gratiæ, merito numerari possunt.

Non percensuimus hoc loco inter radices contingentia, effectus illos in quibus prima secunda q. 13 art. 2; & ad Aristotelem quarto Physicorum, dicebamus cerni contingentiam, qualis cerneretur in fractione vasis pleni aqua, si ea congelaretur, nec haberet aer externus qua ingrederetur ad replendum vacuum: tunc enim si vas omni ex parte fuerit uniforme, & æqualis omnino resistentia,

*An dari
possit pro-
xima alia
contingen-
tia ratio.*

cum

cum non sit major ratio quare hac parte potius quam illa frangatur necessario vero frangendum sit, ne detur vacuum, profecto qua parte fractio acciderit, dicitur casu & fortuna, ac proinde contingenter fieri. Quod siquis contendat, non bene inferri, ex simillima singularum partium vasis per omnia æquabiliter, non esse maiorem rationem quare in eo eventu hac potius parte, quam illa frangendum sit: præbeat Deus per specialem influxum æqualem resistendi vim ei parti vel partibus, quibus dicitur fractionem fieri debere; inde enim fiet jam, ut non sit major ratio quare hac potius parte, quam illa frangi debeat, cum æqualem resistendi vim singulæ partes a Deo acceperint. Idem eveniet in ruptione funis tenuissimi, omnique ex parte æquabiliter resistentis, si in contrarias partes maxima vi adhibita ejus extremitates distraherentur. Item si bellæ obijcerentur dua objecta, ita ejus appetitui consona, attemperata, ut æquabiliter a quovis eorum attraheretur, & simili modo non esset major ratio quare potius vi appetitus, atque objectorum, cæterarumque circumstantiarum concurrentium, moveretur in unam partem, quam in aliam. In his omnibus eventibus existimabamus, emanaturos esse effectus a suis causis, quoniam ridiculum esset asserere in propositis eventis nec vasis, aut funis fractionem, aut motum bellæ futurum. At cum non esset major ratio, quare in uno puncto vasis, aut funis, quam in aliis fieret fractio, aut quare potius sequeretur motus in unam partem, quam in aliam dicebamus contingenter effectus illos esse ita eventuros, ut tulisset casus. Quoniam ergo hi, & alii similes eventus, non videntur posse naturaliter contingere, nisi forte in bellæ, quæ, cum veltigium libertatis appetitus sentientis videatur habere, ratione illius, in quam partem libuerit, in tali eventu constituta moveri poterit, non curavimus eos inter radices alias contingentie immediatas recensere.

Quarta conclusio. Contingentia effectuum ad ordinem gratiæ spectantium, partim in humanam aut angelicam voluntatem, & partim in voluntatem divinam, tanquam in proximam & immediatam radicem, reducenda est, prout effectus libere emanaverit, vel a sola voluntate divina, ut fuit incarna-

tio filii Dei, & infusiones aliquorum habituum ac donorum, vel a voluntate creata, cooperante & coadjuvante divina per auxilium aliquod speciale. Conclusio hæc adeo nota est, ut probatione non indigeat.

Illud omnia, quæ in tempore sunt, fuerunt, ac erunt, sint ex æternitate Deo præsentia secundum suas proprias existentias.

DISPUTATIO XLVIII.

Confirmata rerum contingentia, explicandum est quonam pacto futura contingentia a Deo cognoscantur, & qua ratione præsentia, quam de illis habet, cum eorundem contingentia cohareat. Antequam autem quætionem hoc loco a D. Thoma propositam discutiamus, tribus sequentibus disputationibus varias eisdem de rebus doctorum sententias examinabimus. Atque ut expeditius disputatione sequente sententiam D. Thomæ discutere possimus, proposita difficultas est nobis ante omnia disputanda.

Uttam ex hoc articulo, quam ex multis D. Thoma aliis locis, quæ Capreolus in primo, dist. 36 q. 1. & d. 38 q. 1 refert, est apertissimum, Divus Thom. asseruit, omnia, quæ decursu temporis sunt, fuerunt, & erunt, esse ex æternitate præsentia Deo in sua æternitate secundum illud idem esse existentie, quod extra suas causas decursu temporis habent, habuerunt, & habebunt; ita ut, quæ in tempore successive fiunt, in æternitate sint simul quoad esse quo successive in tempore fiunt. Etenim cum æternitas, ut in hac prima parte q. 10 art. 1. disputatione 1, 2 & 4 ostensum est; sit secundum se duratio quædam indivisibilis tota simul unite habens latitudinem durativam infinitam, qua coexistit, & correspondet tota toti temporis, & tota singulis partibus ac punctis illius; non secus ac humanus animus totus est in toto corpore humano, & in singulis illius partibus; & essentia divina tota est in universo orbe, imo & in infinito spatio quod extra orbem quaquaversus diffusum imaginatione apprehendimus, & tota in singulis partibus & punctis illius; sit, ut totum tempus & quicquid in eo est, aut sit successive, coexistat & sit in indivisibili nunc æternitatis, ante quod nihil est, & post quod aliquid non est, in quo neque cernitur prius

Quarta
concl.
Contingentia effectuum ad ordinem gratiæ spectantium, partim in humanam aut angelicam voluntatem, & partim in voluntatem divinam, tanquam in proximam & immediatam radicem, reducenda est, prout effectus libere emanaverit, vel a sola voluntate divina, ut fuit incarna-

prius aut posterius, neque præteritum aut futurum, sed duratio indivisibilis tota simul, ut disputatione 2 citata ostensum est. In hoc sensu defenditur D. Thomæ sententia a Cajetano hoc loco, Capreolo locis citatis, & Ferrariensi primo contra Gentes capite 66 & 67 : & impugnatur a Scoto, Durando, & aliis. Quare rejiciendi sunt Sylvester in conflato, Hervæus in primo, d. 38 atque Hispanensis eadem d. q. 1 qui contendunt, Divum Thomam non esse intelligendum de esse existentie, quod res, quæ in tempore sunt successive, ex æternitate habeant in æternitate, sed de esse objectivo & cognito, quæ cognoscantur quoad illud idem esse existentie quod decursu temporis habebunt.

Sententiam hanc D. Thomæ impugnant Scotus in primo, d. 39. Durandus dist. 38 q. 3. Gregorius & Gabriel eadem dist. Aureolus apud Capreolum locis citatis, & plerique alii. Primo, quoniam quod non est, nulli rei potest coexistere: coexistentia namque requirit existentiam utriusque extremi : sed futura nondum sunt, neque fuerunt : ergo nec Deo, nec æternitati coexistunt ex æternitate, ac proinde non sunt præsentia Deo secundum esse existentie ex æternitate.

Secundo. Sicut in Deo æternitas complectitur omne tempus, ita immensitas divinæ essentie complectitur seu attingit omnem locum : sed Deus neque est præsens, neque coexistit alicui loco antequam locus existat, ut q. 8 & 10 hujus primæ partis explicatum est : ergo neque æternitas erit præsens, aut coexistet alicui tempori antequam tempus ipsum existat : quo fit, ut tempus futurum, quod nondum existit, nec modo, nec ex æternitate coexistat, præsens sit æternitati.

Tertio. Quæ non possunt coexistere inter se, nec poterunt cum uno tertio coexistere : sed præteritum tempus & futurum non possunt simul inter se coexistere : ergo non possunt ex æternitate esse præsentia Deo secundum suum esse existentie, aut æternitati coexistere.

Quarto. Si quæ successive sunt in tempore, ex æternitate essent simul in ipsa æternitate, cum contradictoria sunt successive vera in tempore ; quippe cum hæc propositio, Adamus est, quondam fuerit vera, & hæc, Adamus non est, modo sit vera ; contradictoria essent simul vera in æternitate, quod est absurdum.

MOLINA.

Quinto. Si quæ successive sunt in tempore, ex æternitate essent simul in ipsa æternitate, sequeretur non esse cujusque rei, quæ generatur, non precedere esse ejusdem rei : Sequeretur præterea, esse ejusdem rei esse productum antequam in tempore produceretur, atque ita vel bis produci, vel non posse produci in tempore ; quæ sunt valde absurda.

Ut intelligatur in quo sensu doctrina hæc D. Thomæ defendi possit, sciendum est. Verba, quibus in enunciationibus utimur tanquam copulis, præter suum significatum principale, adsignificare durationem aliquam tanquam mensuram veritatis earundem enuntiationum. Si namque verbum sit præsens temporis, durationem confignicat. Porro duratio præsens, quod ad rem attinet de qua modo agimus, duplex esse potest, nempe vel tempus aut punctum temporis præsens, vel æternitas, quæ semper est præsens. Duratio vero præterita, vel futura, esse nequit æternitas : quippe cum in ea secundum se sumpta, nec præteritum nec futurum esse possit. Quo fit, ut verba, tam præteriti, quam futuri temporis, nec adsignificent, nec adsignificare possint æternitatem tanquam mensuram veritatis propositionum, sed solum tempus, in quo ratio præteriti & futuri esse potest. Quare sensus harum propositionum, Adamus fuit, Antichristus erit, hic est : Adamus in tempore præterito fuit, Antichristus in tempore futuro erit. Verba vero præsentis adsignificare possunt, tanquam mensuram veritatis propositionum, tam tempus aut punctum temporis præsentis, quam æternitatem præsentem. Unde sensus hujus propositionis, Adamus est, duplex esse potest. Unus, Adamus in duratione temporis præsentis, aut momenti temporis præsentis, est : in quo sensu est falsa. Alter, in duratione præsentis, quæ est æternitas, est. In quo sensu propositio est vera : quoniam in nunc, indivisibili quidem, at infinito æternitatis, quod complectitur omne tempus, & in quo existit quicquid in tempore existit, est ; ratione tamen existentie quam habuit tempore quo fuit. Si namque singamus, Deum ipsum in indivisibili nunc suæ æternitatis, quod & est supra omne tempus, & complectitur totum tempus, formare hanc propositionem,

Cc

Adam

Quinto.

Existentia rerum omnium simul in æternitate quo pacto defendi possit.

Sententiam D. Thomæ ut varii quæstiones impugnet. Primo.

Secundo.

Tertio.

Quarto.

Adam in hoc meo nunc æternitatis est, perspicue intelligemus illam esse veram. Propositiones itaque de præfenti, licet in communi usu sumantur inter nos ut adsignificant differentiam temporis præfentis, in utroque tamen sensu possunt usurpari, præsertim quando sermo est de existentia rerum in æternitate, qualis modo nobis est.

Facto ergo hoc fundamento, Cajetanus hoc loco, Capreolus & Ferrariensis locis citatis dicunt, propositiones has, Omnia coexistunt Deo, Omnia sunt in æternitate, Omnia coexistunt simul Deo, aut æternitati, posse habere duplicem sensum. Unum, ita ut verba illa, coexistunt, & sunt, adsignificent differentiam temporis præfentis, sitque sensus, omnia in tempore præfenti, aut in momento temporis præfentis, coexistunt Deo, sunt in æternitate, coexistunt simul Deo, aut æternitati, & in hoc sensu dicunt illas esse falsas: quoniam ut unum vere dicatur coexistere cum alio, aut existere in alio, necessaria est existentia utriusque in duratione configurata per copulam propositionis in qua id affirmatur: quare cum futura nec in præfenti tempore, nec in momento temporis præfenti existant, sit, ut in eo neque coexistant Deo, aut æternitati, neque sint in æternitate, ut ex his quæ diximus q. 10 art. 1 disputatione 2 est satis manifestum. Vide etiam, si placet, rationes quibus idem hoc loco probat Cajetanus. In sensu explicato sumptis videntur propositiones illas, qui doctrinam D. Thomæ impugnant.

Alterum vero sensum possunt habere dictæ propositiones, ita ut verba illa confignificent, non tempus præfens, sed æternitatem semper præfentem, sensusque sit, omnia in nunc æternitatis coexistunt Deo, omnia in nunc æternitatis sunt in æternitate, omnia in nunc æternitatis coexistunt simul Deo, aut æternitati, hoc est, neque antea neque post (cum non detur antea aut post æternitatem) sed in ipso indivisibili ac infinito nunc æternitatis complectente totum tempus. In hoc sensu propositiones sunt veræ, & sumuntur a D. Thoma & a Boetio primo de consolatione prosa ultima, suntque frequentes apud sanctos, maxime apud Augustinum & Anselmum.

In eodem sensu interdum negant sancti Patres in Deo esse proprie præficientiam,

Etenim cum in indivisibili nunc æternitatis, quod est propria duratio scientiæ divinæ, omnia sint præfentia & coexistant, neque in eo sit prius & posterius, quasi in aliquo æternitatis possit scire res antea quam sint, sit ut, comparatione existentia rerum in æternitate, non sit præficientia in Deo: tamen si collatione facta ad tempus, sit in Deo propriissime præficientia, qui res seipie tempore infinito antea quam sint. Neque eo quod producantur postea res, variatio aliqua sit in scientia divina. Atque ita intelligendus est Augustinus de quæstionibus ad Simplicianum libro 2 q. 2 ubi ait: Dei scientiam, comparatione rerum quæ in tempore sunt futuræ, proprie non habere rationem præficientiæ. Et Anselmus de casu diaboli cap. 21 dum ait: Præficientia Dei non proprie dicitur præficientia: cum enim omnia semper sint præfentia, non habet futurorum præficientiam, sed præfentium scientiam. Et Boetius primo de consolatione prosa ultima cum affirmat, in Deo proprie non esse dicendum præficientiam esse, sed providentiam.

Miror Cajetanum hoc loco sibi, ut primo inventori, tribuere rationem hanc defendendi doctrinam D. Thomæ: cum ante eum eodem modo eam defenderit Capreolus locis citatis, eandemque distinctionem innuant Richardus quod lib. 3 q. 1 & alii Cajetano antiquiores.

Illud tamen admōnuerim, non videri concedendas has propositiones, Omnia ex æternitate fiunt in æternitate, aut coexistunt simul Deo, vel æternitati. Cum enim copulæ earum sint præteriti temporis, non possunt adsignificare, tanquam mensuram veritatis illarum, durationem æternitatis, in qua non est præteritum, sed tantum durationem temporis præteriti. Hæ tamen possunt concedi. Omnia ex æternitate coexistunt Deo, Omnia ex æternitate sunt præfentia Deo secundum suum esse existentia, Omnia ex æternitate simul coexistunt Deo, aut æternitati: quippe cum ex ipsa æternitate omnia in nunc æternitatis coexistant & sint præfentia Deo ac æternitati. Atque his propositionibus, & non illis aliis, utitur D. Thomas hoc loco. Hæc etiam potest concedi, ex æternitate semper verum fuit dicere, Omnia sunt præfentia Deo, aut coexistunt Deo: quoniam sensus est, in quocunque

cunque tempore præterito proferretur, hæc propositio, Omnia coexistunt Deo, esset vera: at verbo, coexistunt, consignificante nunc æternitatis.

*Ad primum
argumentum
sum propo-
situm.*

Ad primum ergo argumentum adversari-
orum, concessa majori atque etiam minori, si
sit sensus, quod futura nondum sunt in tem-
pore præsentis, nec fuerunt in præterito negan-
da est consequentia, si consequens intelligatur,
quod neque Deo, nec æternitati coexistunt ex
æternitate in ipsomet nunc æternitatis, quod
consignificetur per verbum illud, coexistunt:
licet enim futura neque sunt in tempore præ-
sentis, neque fuerint in præterito, sunt tamen
in nunc indivisibili æternitatis, quod com-
plectitur tempus futurum in quo erunt. Si
vero in consequente verbum coexistunt, ad-
significet durationem temporis, ita ut sit sen-
sus; quod neque Deo, neque æternitati
coexistunt in tempore vero vel imaginatio
quod ex æternitate usque ad præsens tempo-
ris punctum elapsum fuit, concedenda est
consequentia: quoniam cum in eo tempore
non existerint, neque Deo tunc, neque æter-
nitati potuerunt coexistere. Atque in eo
sensu videtur sumi ab adversariis; cum tamen
D. Thomas contrarium docuerit.

*Ad secun-
dam.*

Ad secundum, concessa majori, & minori,
concedenda est etiam prima consequentia.
Cum enim, ut duo aliqua coexistant, requi-
ratur existentia utriusque, sine dubio con-
tradictionem implicat, æternitatem præsen-
tem esse temporis, aut illi coexistere, vel tem-
pus æternitati, antequam tempus existat, vel
in seipso, si in tempore quis dicendus sit coexi-
stere æternitati, vel in æternitate ipsa, si in
nunc æternitatis, quod complectitur omne
tempus, dicatur coexistere, aut præsens esse
æternitati. Unde ad id quod ulterius infer-
tur, si in consequente verbum, coexistat,
adsignificet differentiam temporis præsentis,
in quo tempus futurum coexistat æternitati,
concedenda est etiam secunda consequentia:
neque contrarium voluit D. Thomas: si
vero adsignificet æternitatem ipsam, in qua
tempus, quod est futurum comparatione
puncti temporis præsentis, coexistat, & præ-
sens sit ipsimet æternitati, neganda est con-
sequentia; idque five consequens illud pro-
feratur modo, five in quocunque alio tem-
pore vero vel non vero versus æternitatem
in æternitate namque ita per copulam consi-

gnificata, prout complectitur tempus futu-
rum, tempus illud coexistit ac præsens est
eidem æternitati.

Ad tertium.

Ad tertium, si sensus majoris sit, quæ
non possunt coexistere inter se secun-
dum suas proprias durationes, non posse
coexistere cum quodam tertio in illis eis-
dem durationibus, si adsignificentur per copu-
lam propositionis qua dicantur cum illo
coexistere, concedenda est: neque enim
tempus præteritum & futurum in ea dura-
tione temporis, in qua non potest coexistere
unum cum alio, possunt coexistere simul Deo
aut æternitati, ut explicatum est. Si vero
sensus majoris sit, quæ non possunt coexistere
unum cum alio secundum suas proprias
durationes, non posse coexistere cum quo-
dam tertio in duratione ejusdem tertii, quæ
complectatur durationes utriusque illorum,
& adsignificetur per copulam propositionis
qua dicantur cum illo tertio coexistere, ne-
ganda est: tempus namque præteritum &
futurum, quæ in nullo tempore possunt
coexistere unum cum alio in æternitate, quæ
utrumque complectitur, possunt coexistere
cum Deo, cujus æternitas est propria ipsius
duratio, ut etiam cum æternitate ipsa.

*Ad quar-
tum.*

Circa quartum argumentum, atque ut
intelligatur quenam propositiones de præ-
dicatis oppositis veræ sint aut falsæ, copulis
significantibus ipsum nunc æternitatis, scien-
dum est: Propositionum quasdam consistere
prædicato contradictorio, quarum utraque
est affirmans; ut sunt istæ, Socrates est sedens,
Socrates est non sedens: alias vero esse pro-
priissime contradictorias, quarum una affir-
mat, altera negat, cujusmodi sunt hæc, Socra-
tes sedet, Socrates non sedet. In utriusque
vero ut & in quibuscunque aliis, in quibus
eidem rei tribuuntur prædicata opposita, ad
oppositionem, quando copula consignificat,
nunc temporis, necessarium est, ut consi-
gnificet idem nunc temporis: oppositio etenim
est circa idem, secundum idem, & eodem
tempore. Hæc ex Dialectica notissima
sunt.

His ita constitutis, sciendum est: Quando
oppositiones sunt affirmantes, constantque
prædicatis oppositis, hoc esse discrimen, quod
si copulæ consignificant idem nunc temporis,
non possunt esse ambæ veræ: at si consi-
gnificant idem nunc æternitatis, possunt esse
simul

simul veræ. Ratio est, quoniam cum omnia, quæ conveniunt alicui rei diversis temporibus, simul illi conveniant in nunc æternitatis; & Socrati diversis temporibus convenire possit, sedere & non sedere, videntem esse & esse cæcum, calidum esse & frigidum; sit, ut omnia illa vere illi possint tribui simul, si copulæ propositionum consignificent idem nunc æternitatis. Quare, copulis consignificantibus ipsum nunc æternitatis, propositiones affirmantes, quæ prædicatis oppositis constant, nullam habent oppositionem. Quando vero propositiones sunt de eodem subiecto & prædicato, & una affirmat, altera negat, tunc si copulæ adsignificent idem nunc temporis, siue idem nunc æternitatis, inter eas oppositio cernitur. Unde hæc sunt contradicentes, Socrates sedet, Socrates non sedet, siue copulæ adsignificent idem nunc temporis, siue nunc æternitatis. Ratio est, quia negatio habet vim distribuendi id quod negat, idemque est dicere, Socrates in æternitate non sedet, ac dicere, in ea nullo modo sedet, neque ut æternitas responderet huic temporis, neque ut responderet illi, aut cuiusque alteri. Quare, sedente Socrate in aliquo momento temporis, hæc est vera, Socrates in æternitate sedet; hæc vero falsa, Socrates in æternitate non sedet. Neque valet hæc consequentia, Socrates non sedet in tali parte temporis; ergo in æternitate non sedet.

Ex dictis facile intelliges, regulam illam Aristotelis secundo de interpretatione capite primo; ex affirmante infinita negantem finitam efficaci consequentia concludi; non habere locum in propositionibus, quarum copulæ consignificant nunc æternitatis: quem tamen habet in propositionibus adsignificantibus nunc temporis, de quibus Aristoteles eo loco locutus est. Cujus rei ea est ratio: Quoniam regula illa ex eo vim habet, quod cum prædicata contradicentia, ut sedens & non sedens, convenire non possint eidem subiecto in eodem instanti temporis; utique si non sedere vere affirmatur de Socrate in aliquo temporis momento, sedere de eo in eodem instanti vere negabitur: at cum prædicata contradicentia affirmari possint de Socrate in eodem nunc æternitatis, prout æternitas respondet diversis partibus temporis, non valet hæc consequentia; Socra-

tes in æternitate est non sedens, ergo non sedet in æternitate.

His ita explicatis, ad argumentum propositum dicendum est, propositiones illas successive veras in tempore, non esse contradicentes: eo quod copulæ earum non consignificant idem nunc temporis, sed aliud ac aliud: ad contradicentem vero necesse sit ut consignificetur idem tempus. Quod si consignificarent idem instans temporis, essent quidem contradicentes, sed tunc ambæ veræ esse non possent. Si ergo in argumento proposito sit sermo de propositionibus illis, quæ consignificant diversa momenta temporis, quo pacto non sunt contradicentes, & contendatur veritatem utriusque esse simul in nunc æternitatis, prout complexitur diversa tempora in quibus successive ambæ veræ reperiuntur, concedendum est totum, neque id aliquid absurdum continet. Atque in hoc tantum sensu verum esse potest quod hoc loco Cajetanus affirmat, videlicet nullum esse incommodum, duas enunciationes contradicentes secundum nunc temporis, esse in eodem nunc æternitatis: id tamen est improprie dictum. Si vero contendatur, copulis illarum propositionum consignificantibus idem nunc æternitatis, quo pacto essent contradicentes, propositiones illas posse in æternitate esse simul veras, tunc neganda esset conclusio illius argumenti. Propositio enim, quæ negat, esset falsa; eo quod sensus illius esset, quod Adamus nullo modo in æternitate, etiam ut æternitas responderet temporis in quo exstitit, exiit; quod constat esse falsum.

Ad quintum argumentum dicendum est. Ad quintum nullum esse absurdum, non esse rei, quæ generatur, non præcedere in nunc indivisibili æternitatis esse ejusdem rei, ut præcedit in tempore: eo quod æternitas careat priori & posteriori, & sit tota simul: ipsum tamen non esse rei, quæ generatur, est in æternitate, non adæquate, sed solum prout æternitas respondet temporis, quod est antequam res generetur: esse vero rei jam genitæ simili modo in eadem æternitate inadæquate existit, ut respondet temporis, in quo jam res genita dicitur. Ad secundum vero partem ejusdem argumenti neganda est sequela: neque enim esse rei, quæ generatur, prius existit in æternitate, quam in tempore, sed simul.

simul. Ut enim in duratione aternitatis non producit alia productione, neque per alias causas ab eis per quas producit in tempore: ita neque existit per aliam existentiam, aut prius in aternitate, quam in tempore, sed eo ipso quod producit & existit in tempore, coexistit in aternitate, cui coexistit tempus. Quare non est in aternitate adæquate, sed solum prout aternitas respondet tempori in quo talis res existit, illudque latitudine sui durativa, indivisibili quidem, at infinita & tota simul, completitur.

Utrum ideo res futura contingentes certo a Deo cognoscantur, quia ei sunt præsentis secundum suam existentiam: indeque contingentia earum cum divina præsentia recte concilietur.

DISPUTATIO XLIX.

D. Thomas sententia.

DIVUS Thomas hoc loco, vestigiis Boetii quinto de consolatione proâ ultima insistent, partem affirmantem amplectitur, quæ sequentibus fundamentis, licet non eodem ordine ab eo propositis, innuitur. Primum est: Cum aternitas, utpote indivisibilis ac infinita duratio, existat tota simul, ambiatque totum tempus, omnia quæ successive fiunt, & sunt in tempore, sunt ex aternitate præsentia Deo secundum illud idem esse extra suas causas, quod successive acquirunt in tempore: quare cum cognitio divina, ut & esse divinum, aternitate mensuretur; sit, ut cognitio divina simul ex aternitate feratur in omnia contingentia, ut in duratione aternitatis sibi sunt jam præsentia secundum illud idem esse existentia extra suas causas, quod decursu temporis sunt habitura.

Secundum.

Secundum fundamentum est. Quodvis contingens duobus modis spectari potest. Uno, ut est jam in seipso extra suas causas; quo pacto non consideratur ut futurum, nec ut in utramvis partem contingens, sed ut præsens, & determinatum ad unum. Atque hoc modo spectatum subdi potest certæ ac inaliabili cognitioni: certo namque oculis conspicio Soeratem sedere, dum ille jam actus sedet. Altero modo potest spectari, ut est adhuc in sua causa; quo pacto consideratur ut futurum & contingens nondum determinatum ad unum; quippe cum causa contingens indifferens sit ad opposita. Si hoc modo

spectetur, non subditur certæ, & quæ fallere nequeat, cognitioni; atque adeo, quicumque cognoscit effectum contingentem in sua tantum causa, non habet de eo certam, sed coniecturalem tantum cognitionem.

Ex his duobus fundamentis inferre D. Thomas, cum divinus intellectus cognoscat omnia futura contingentia, non solum, ut sunt in suis causis, sed etiam ut unumquodque eorum est actu in se ipso secundum suum esse existentia extra suas causas divino conspectui præsens, ut ex primo fundamento est manifestum, Deum certa noticia cognoscere omnia contingentia: cum nihilominus unumquodque sit in tempore contingens futurum, si cum suis causis comparetur. Atque hæc ratione vult contingentiam rerum in tempore, facta collatione cum ipsarum causis, cum infallibili ac certa præsentia Dei coherere. Idem docet q. 2 de veritate art. 12 & primo contra Gentes cap. 67.

Verum dubium est, utrum D. Thomas ex eo tantum capite voluerit in Deo esse certam ac immutabilem scientiam futurorum contingentium: an vero etiam ex eo quod in Deo sint idæ, quibus, saltem post determinationem liberam suæ voluntatis, certo cognoscat futura, etiam si non essent sibi præsentia secundum suas existentias, ut in disputatione sequenti, & disputatione penultima latius erit examinandum.

Cajetanus hoc loco, & quidam alii ex discipulis D. Thomæ affirmant, quibus favet D. Thomas hoc articulo cum inquit: Unde omnia quæ sunt in tempore, sunt Deo ab æterno præsentia, non solum ea ratione qua habet rationes rerum apud se præsentis, ut quidam dicunt; sed quia ejus intuitus fertur ab æterno supra omnia prout sunt in sua præsentialitate. Nomine namque rationum rerum quas Deus apud se habet præsentis, videtur intelligere D. Thomas idæ rerum, ut Cajetanus hoc loco, & quidam alii affirmant. Asserereque videtur, futura, quæ sunt in tempore, esse quidem præsentia Deo tanquam objecta certo cognita ea ratione qua habet rationes rerum apud se præsentis: at non sola ea ratione, sed quia ejus intuitus fertur in ea omnia ut sibi præsentia secundum esse existentia.

Nihilominus quod D. Thomas in contraria fuerit sententia, videtur primo suaderi, quia

An senserit D. Thomas etiam ex rationibus idealibus esse in Deo certam scientiam futurorum contingentium.

quia in secundo fundamento duplicem statum futuri contingentis distinguit, alterum ut est jam in actu extra suas causas, alterum ut est adhuc in sua causa; priorique modo dicit subdī posse certā cognitioni, posteriori vero non item. Et quæst. 2 de veritate art. 12 in corpore & ad sextum clare videtur asserere, nec comparatione divinæ cognitionis, posse rem contingentem ita spectatam cadere sub certam cognitionem. Qua ratione hoc loco subdit: Unde quicumque cognoscit effectum contingentem in sua tantum causa, non habet de eo certam, sed conjecturalem tantum cognitionem. Secundo, quoniam si D. Thomas crederet rationes solas idearum sufficere ut Deus futura certo cognosceret antequam vel in tempore vel in æternitate essent extra suas causas, id amplius explicasset, descendissetque ad explanandum modum, quo rationibus idearum posset Deus certo cognoscere quæ in facultate sui liberi arbitrii creati, declarassetque quonam pacto inde libertas arbitrii cum divina præsentia, ea ratione spectata, conciliaretur: neque tantopere fuisset sollicitus in explicanda certitudine divinæ præsentia, solum ex capite præsentia rerum secundum esse existentia in æternitate, atque in concilianda solum contingentia rerum cum certitudine præsentia ex illo tantum capite. Tertio, quoniam si D. Thomas verbis illis paulo antea relatis intendisset, Deum ex utrovis capite habere certam scientiam de futuris contingentibus, dicturus esset: Unde omnia quæ sunt in tempore, sunt Deo ab æterno præsentia, non solum ea ratione qua habet rationes rerum apud se præsentis, ut quidam dicunt, sed etiam quia ejus intuitus fertur, & cætera: id enim verisimilius innueret D. Thomam voluisse utramvis esse sufficientem rationem. At cum rationes idearum esse sufficientem rationem certo cognoscendi futura contingentia non cohereat cum doctrina, quam traderat in secundo fundamento, & non dixerit, sed etiam quia, &c. sed solum dixerit, sed quia, &c. & præterea sit legitima ratio ob quam in illis verbis non excluderit omnino rationes idearum: nempe, quod cum in illis verbis non esset sermo solum de præsentia futurorum contingentium, sed de præsentia omnium quæ sunt in tempore, inter quæ multa sunt necessaria, & multa quæ habent causas determinatas

ut producantur, quæ tamen impediri possunt: atque ut ea omnia, quæ necessaria sunt, causasve habent determinatas, certo essent præsentia Deo secundum esse objectivum, satis essent rationes idearum, maxime si omnia agerent ex necessitate nature; sane non erant tunc excludenda rationes idearum, eaque de causa D. Thomas dixit: Unde omnia, quæ sunt in tempore, sunt Deo ab æterno præsentia non solum ea ratione qua habet rationes rerum apud se præsentis (quasi diceret, ea enim sola ratio non esset sufficiens, ut omnia, etiam secundum esse objectivum, ita illi essent præsentia ut ea certo cognosceret) sed quia ejus intuitus, &c. quasi dicat, hæc est universalis ratio quare ita illi omnia sint præsentia, ut omnia, etiam contingentia futura, certo cognoscat. Cum, inquam, hæc omnia ita sint, verisimile est D. Thomam noluisse hoc loco affirmare, Deum, etiam ex capite rationum idealium, futura contingentia certo cognoscere.

Verum ut circa hanc rem totam dicam quod sentio, in primis rationibus paulo ante adductis nihil obstantibus, affirmare non ausim D. Thomam, quem in omnibus patrum potius quam adversarium habere percipio, credidisse, ex solo capite præsentia rerum secundum esse existentia Deum cognoscere certo futura contingentia; quin potius, ut credo, si ea de re consuleretur, contrariam sententiam affirmaret. Moveor primo, quoniam primo contra Gentes cap. 67 ratione 3 ex eo probat, Deum cognoscere futura contingentia, quod sicut ex causa necessaria certo cognoscitur effectus necessarius: ita ex causa contingente completa, si non impediatur, cognoscitur certo effectus contingens: quare cum Deus non solum sciat causas effectuum contingentium, sed etiam ea quibus possunt impediri; fit, inquit D. Thom. ut certo ex suis causis cognoscat futura contingentia. Verum est tamen Ferrariensem eo loco exponere rationem hanc, non quidem de futuris contingentibus quorum causa est liberum arbitrium; quippe cum liberum arbitrium etiam non impedire, in potestate sua habeat producere aut non producere effectum, vel hunc effectum potius quam alterum contrarium; sed de futuris contingentibus, quæ emanant a causis naturalibus suapte natura determinatis

natis ad certos effectus, cæterum ea ratione contingentibus, quod impediri possunt ne eos producant. Moveor secundo, quoniam id dignitati divinæ scientiæ derogaret, imo periculosum esset in fide, ne aliquid amplius dicam. Persuadere autem mihi non possum, D. Thomam id in animum suum induxisse, quod dignitati divinæ scientiæ aliqua ex parte derogaret, fideique Catholicæ minus esset consentaneum; maxime cum nihil sit quod omnino cogat, & indicia sint non levia pro contraria parte, totque viri docti affirmant, Divum Thomam ex capite etiam rationum ideatum asseruisse, Deum certam scientiam de futuris contingentibus habere.

Sit ergo prima conclusio in hac disputatione: Deus non ex eo solo capite, quod res existant extra suas causas in æternitate, cognoscit certo futura contingentia; sed ex altitudine suæ scientiæ, prius nostro modo intelligendi, cum fundamento tamen in re, quam quicquam statueret, comprehendit in seipso omnia, quæ contingenter, aut mere libere, per causas omnes secundas ex sua omnipotentia possibiles essent futura, ex hypothesi, quod hos vel illos rerum ordines, cum his vel illis circumstantiis vellet statuere; eo autem ipso quod libera sua voluntate fieri statuit eum ordinem rerum & causarum, quem reipsa statuit, prius, non solum quam quicquam esset in tempore, sed etiam nostro modo intelligendi cum fundamento in re, quam quicquam creatum existeret in duratione æternitatis; in se ipso atque in illo suo decreto comprehendit omnia, quæ per causas secundas contingeret aut libere reipsa erant, aut non erant futura.

Hæc conclusio quoad primam partem, imo & quoad reliquas, tam certa est, ut oppositum non dubitem esse periculosum in fide. Probatur primo, quoniam ex scripturis sanctis constat, Deum optimum maximum habere certam cognitionem aliquorum futurorum contingentium, quæ ex libero arbitrio humano pendent; quæ tamen nec fuerunt, nec erunt unquam in rerum natura, ac proinde nec existunt in æternitate: ergo non ex eo solo capite, quod futura contingentia extra suas causas in æternitate existant, Deus certo illa cognoscit. Consequentia est manifesta, antecedens vero probatur. Quoniam Deus scit futuram fuisse in Tyris & Sidonis pœni-

tentiam in cinere & cilicio, ex hypothesi, quod in Tyro & Sidone factæ fuissent virtutes, quæ Corozain & Bethsaida factæ sunt, ut constat ex illo Matth. 11: Si in Tyro & Sidone factæ essent virtutes, quæ factæ sunt in vobis, solim in cilicio & cinere pœnitentiam egissent: pœnitentia autem illa, cum hypothesi, ex qua erat futura, re vera data non fuerit, nunquam fuit, nec erit in rerum natura & tamen erat futurum contingens ex libero hominum arbitrio dependens. Item 1 Reg. cap. 23 Consultuit David Dominum, num Saul descenderet. Iterum, consultuit num viri Ceilæ, qui tantum beneficium a Davide acceperant, tradituri eum essent, & viros qui cum ipso erant, in manus Saul, & respondit Dominus: tradent. Ecce, Deus duo illa futura contingentia quæ ab humano arbitrio pendebant, agnovit, & revelavit Davidi; quæ tamen nunquam in rerum natura extiterunt aut existent, ac proinde neque in æternitate. Confirmatur præterea, quoniam Deus prævidens peccata in quæ laberentur iusti, si diu in hac vita perseverarent, sæpe eos misericorditer tollit de hoc mundo, juxta illud Sapientiæ 4: Raptus est, ne malitia mutaret intellectum ejus, aut ne fictio deciperet animam illius. Et paucis interjectis: Placita erat Deo anima illius; propter hoc præparavit educere illum de medio iniquitatum. Cum ergo peccata illa essent de numero futurorum contingentium, eaque præviderit Deus, nec unquam habitura sint existentiam in rerum natura; sit, ut non ex solo capite, quod res in æternitate existant, Deus certo futura contingentia cognoscat.

Scio Cornelium Janfenium cum Ambrosio exponere hunc locum de translatione Enoch. Communis tamen expositio cum Cypriano de immortalitate prope finem, & lib. 4 ad Quirinum, August. Epist. 105. & 107 & de præd. sanct. c. 14 est de translatione iustorum per mortem. Lege Lyranum & Dionysium Carthusianum ad eum locum. Et consentit ea expositio cum antecedentibus & sequentibus in eo capite, imo & cum capite præcedente & sequente. Qui vim ejus testimonii enervare vellet, exponere deberet, ne malitia, id est, ne forte malitia, mutaret intellectum illius; & ne fictio, id est, ne forte fictio, deciperet animam illius: quasi utrumque dubium atque

prima conclusio.
Futura contingentia ante omnem ipsarum existentiam quomodo Deus agnoverit.

atque incertum esset Deo: quam expositionem quis non videat duram, peregrinam, & absurdam esse loci illius? legitimam vero esse, quam Augustinus epist. 105 citata, & Doctores communiter tradunt, nempe, ut malitia non mutaret intellectum illius, & ut fictio non deciperet animam illius, ut Deus futurum prævidebat; & ideo properavit educere illum de medio iniquitatis, quia placita erat ei anima illius. Esto autem sermo esset de translatione Enoch, eodem etiam modo exponendus erat locus ille, confirmatque nostram sententiam.

Secundo, Deus per scientiam naturalem se ipsum comprehendit, & in se ipso omnia quæ in ipso eminenter sunt, atque adeo liberum arbitrium cuiuscunque creaturæ quam per suam omnipotentiam potest condere: ergo ante ullam liberam determinationem suæ voluntatis ex altitudine suæ scientiæ naturalis, qua infinitè superat singula quæ in seipso eminenter continent, penetrat quid liberum arbitrium cuiusque creaturæ, data hypothesi quod velit illud creare in hoc vel in illo ordine rerum cum his vel illis circumstantiis, aut auxiliis, pro sua innata libertate sit facturum; cum tamen, si vellet, posset continere actum, aut facere oppositum, & si esset id facturum, ut libere potest, Deus id ipsum prospiceret, non vero, quod re ipsa ab eo faciendum esse prospicit: indignum namque altitudine & perfectione divinæ scientiæ, imo & impium, minimeque coherens cum comprehensione liberi arbitrii singularum creaturarum, esset asserere, Deum ignorare quid ego pro libertate mei arbitrii essem facturum, si me constituisset in alio ordine rerum, vel si in hoc ipso, in quo me constituit, statuisset conferre mihi maiora aut minora auxilia, quam re ipsa donare statuit, vel si concessisset mihi longiorem vitam, aut graviores tentationes permisisset: sit ergo, ut, etiam antequam quicquam libera sua voluntate statueret, per scientiam naturalem cognoverit certo futura omnia contingentia, non quidem absolute esse aut non esse futura, sed ex hypothesi, si ipse hunc aut illum ordinem rerum cum his aut illis circumstantiis statueret creare; ac proinde fit, ut eo ipso, quod libere elegit eum ordinem rerum, quem re ipsa elegit, in ipsamet electione & decreto suæ voluntatis, prius, nostro saltem modo intelligendi cum

fundamento in re, quam quicquam vel in tempore, vel in æternitate inde secundum esse reale existentie emanaverit, cognoverit certo & absolute quamquam contingentia essent, aut non essent futura: non ergo indiget Deus existentia eorum in sua æternitate, ut ea certo cognoscat. Coacti sumus tangere radicem totam, unde credimus Deum certo cognoscere futura omnia contingentia, atque unde non obscure, ni fallimur, libertatem arbitrii & contingentiam rerum cum divina præscientia disputatione penultima componemus.

Tertio, Deus non accipit cognitionem a rebus, sed in seipso atque ex se ipso cognoscit omnia: ergo existentia rerum, sive in tempore, sive in æternitate, nihil confert, ut Deus certo sciat quid futurum aut non futurum sit. Quia enim Deus in se ipso ante omnem existentiam objectorum, habet unde omnia plene ac perfecte cognoscat, inde est quod existentia rerum creaturarum nihil perfectionis conferat cognitioni, quam de illis habet, neque in ea ullum efficiat variationem. Quare in Deo noticia intuitiva, & abstractiva, seu potius simplicis intelligentiæ, nullo modo differunt, sed solum ex conditione, si existat aut non existat objectum, una eademque noticia æque evidens, & æque perfecta secundum se, dicitur intuitiva, aut simplicis intelligentiæ, ut art. 9 ostensum est. In nobis vero & in Angelis quoniam evidens cognitio futurorum contingentium pendet ab eorum existentia, & experimento, quo cognitione deprehendimus ea in rerum natura secundum suam realem existentiam existere, inde est quod experimentalis intuitivaque cognitio, tum in Angelis, tum in nobis, specie distinguatur ab abstractiva, sitque multo perfectior quam abstractiva, atque adeo quod existentia objectorum conferat ad perfectionem notitiæ, quam Angeli vel homines efformant, ut illo eodem articulo & alibi explicatum est.

Quarto, In Deo est providentia, & prædestinatio circa futura contingentia: ergo est præcognitio certa, qua præcognoscit, antequam quicquam existat, quid futurum, aut non futurum sit, ex hypothesi ac conditione, quod hoc vel illud auxilium aut medium adhibeat, vel quod hoc aut alio modo res disponat. Sin minus, quam ratione præordinavit,

*Scientia
intuitiva
est perfectior
simplicis
intelligentiæ*

ordinavit, & disposuit res per suam providentiam, effectus quidem bonos contingentes per causas tam naturales, quam liberas intendendo, malos autem permittendo, ut inde majora eliceret bona? Quomodo item fuit prædestinatio quarundam causarum libere agentium ut ad effectus pervenirent? Ut enim artifex, nisi prius intelligeret modum, quem postea habere deberet artefactum ex eo quod uno aut altero modo in ejus confectio-
ne manus & instrumenta fabrilis admove-
rentur, nesciret hujusmodi media applicare, ut tale evaderet artefactum, quale illud esse vult: ita etiam nisi Deus, antequam decreto libero suæ voluntatis constitueret adhibere media, & disponere res eo modo, quo re ipsa ordinatæ sunt, prævideret quid ex tali dispo-
sitione & ordine esset futurum, nesciret pro-
fecto decreto illo res, ut ad fines oportet ordinare, quin potius quasi casu, & præter
antecedentem scientiam Dei, res secundum
esse existentia uno aut altero modo indiffe-
renter evaderent; ex earum vero existentia
deprehenderet quales evasissent; quæ plane
absurdissima atque impiissima ut sunt, ita &
judicari debent. Quo fit, ut, antequam quic-
quam existat, præcognoscat Deus certo futu-
ra contingentia, ante illud quidem decretum
liberum suæ voluntatis, per scientiam quo-
dammodo naturalem, atque ex hypothesi
quod hoc vel illo modo velit res creare, &
disponere; in illo vero decreto libero, quod
tanquam causa antecedit existentiam futu-
rum contingentium tam in æternitate, quam
in tempore, absolute, & absque ulla hypo-
thesi & conditione.

Potest confirmari præcedens ratio, quo-
niam Deus permittit peccata: id autem dicitur
quis permittere, quod prævidet futurum,
nisi ipse impediatur, & potest impedire, nec
tamen vult: cum ergo peccata de numero
sint futurorum contingentium; fit, ut futura
contingentia prius saltem magna, seu potius
nostro intelligendi more cum fundamento
in re, a Deo certo cognoscantur ex hypothesi
quod non velit ea impedire, quam vel in
tempore, vel æternitate sint. Conclusio
proposita ex iis quæ dicemus conclusione
sequenti magis adhuc corroborabitur.

Secunda conclusio. Licet in sensu disputa-
tione præcedente explicato, facile defendi
MOLINA.

possit, hanc propositionem; Omnia quæ in
quacunque differentia temporis sunt, fuerunt
& erunt, coexistunt Deo, aut sunt præsentia
Deo secundum suum esse existentia extra suas
causas; veram esse in quocunque instanti
versus æternitatem ea profertur, copulis
tamen illis, coexistunt, & sunt; consignifi-
cantibus, non quidem nunc temporis in quo
profertur, sed nunc æternitatis, non
sumptum inadæquate, ut responderet præcise
huic aut illi instanti, vel parti temporis, sed
adæquate, ut est duratio infinita complectens
universum tempus, tam præteritum, quam
futurum, etiam cognitione apprehensum,
arbitror nihilominus, neque esse conceden-
dum res, quæ in tempore sunt, prius existere
in æternitate, quam existant in tempore, aut
prius præsentem esse Deo in æternitate secun-
dum suas existentias, quam in tempore sint
re ipsa præsentem; neque Deum ex eo capite,
quod res existant in æternitate, præcognosce-
re certo futura contingentia antequam sint in
tempore. Quare propositio illa; Ex æterni-
tate omnia coexistunt Deo, aut sunt præsentia
Deo secundum suas existentias extra suas
causas; in sensu disputatione præcedente ex-
plicato, nihil, ut credo, conducit, vel ad
ostendendam certitudinem præscientia divi-
nae de futuris contingentibus, vel ad concili-
andam contingentiam rerum cum divina
præscientia.

Moveor ad hoc asserendum primo, quo-
niam præterquam quod ab existentia rerum
creatarum nihil omnino conferatur scientia,
quam de illis Deus habet, nec ab illa pendeat,
nec ullam perfectionem, ac proinde neque
certitudinem, ab ea recipiat, ut paulo ante
explicatum est: existimandum non est, res,
quæ successively sunt in tempore, existere
prius in æternitate, quam in tempore, ut ex
anticipatione aliqua, quam, quoad existen-
tiam extra suas causas, habeant in æternitate,
cognoscantur certo in æternitate, dum ad-
huc futurae sunt in tempore: quod tamen
verum esse oportebat, ut ex rerum existentia
in æternitate præcognosceret eas Deus certo,
antequam in tempore fierent. Quod si
Boetius, & D. Thomas, cæterique, qui ex illo
capite affirmant Deum cognoscere certo
futura contingentia, hoc voluerunt, ingenue
fateor, me id non intelligere, neque ulla
ratione verum esse posse existimo. Hac enim

*Existencia
rerum non
prius est in
æternitate,
quam in
tempore.*

opinione data, concedendum esset, copula, est, congnificante instans temporis presentis, hanc propositionem esse veram, Ea quæ toto decursu temporis erunt, sunt jam secundum suum esse existentia in æternitate: quoniam licet in instanti temporis, in quo ea propositio profertur, nondum ea existant in tempore, quæ adhuc sunt futura; in eo tamen ipso instanti temporis essent in æternitate, propter anticipatam illam existentiam, quæ res prius sunt in æternitate, quam in tempore fiant: quamvis autem multi id videantur concedere, eoque modo loquendi uti consueverint; ego tamen nec disputatione præcedente id concessi, nec credo esse verum. Etenim cum ea, quæ successive producantur in tempore, non alias causas habeant, a quibus producantur secundum esse existentia in æternitate, quam illas easdem a quibus producantur in tempore, neque tales causæ alia productione, aut secundum aliud esse existentia, producant ea in æternitate, quam ea ipsa productione, & secundum idem esse existentia, quo producant illa in tempore, neque item in eo sensu producant ea in æternitate, quasi intra æternitatem, hoc est, intra Deum ipsum, qui est sua æternitas, eis conferant esse existentia (id enim ridiculum & impium esset) sed in eo sensu, quod, dum producant ea in duratione temporis, simul efficiunt ea in duratione æternitatis existere; eo quod, cum æternitas indivisibilis sit & infinita, ac proinde ita tota coexistat toti tempori, ut tota coexistat singulis partibus & punctis illius, fieri nequit ut aliquid existat in tempore, quin in duratione æternitatis existat: Cum (inquam) hæc omnia ita sint, fit ut existimandum non sit, durationem infinitam æternitatis, quæ totum tempus complectitur, ad eum sensum esse totam simul, quasi attrahat, faciatque ut in ipsa res futuræ existant extra suas causas antequam in tempore efficiantur; id enim incredibile esset omnino, & absque ulla necessitate confictum, libertatemque arbitrii, & contingentiam rerum de medio tolleretur, ut statim ostendam: sed ad eum sensum, quod tota coexistit toti tempori, & singulis ejus partibus, quando tamen unaquæque pars secundum se ipsam existit, & non antea: non quidem propter ullum æternitatis defectum, sed quia talis temporis pars nondum secundum se & absolute existit.

Quod autem libertas arbitrii nostri rerumque contingentia omnino tollatur, si quis asserat, ex eo quod æternitas sit tota simul, prius res in ea, quam in tempore, existere, ita ut omnia quæ in tempore sunt futura, jam in hoc temporis puncto, imo ex æternitate sint extra suas causas secundum veras existentias in æternitate, idque tanta firmitate ut ex ea radice Deus certo cognoscat ea, quæ in tempore sunt contingenter futura, facile ostendi potest. Etenim neque liberum arbitrium, neque cæteræ causæ efficere possent in futurum, quin ipse eadem causæ idem, eodemque modo, eademque actione in tempore futuro efficerent, quod jam antea in æternitate effecerunt; vel si possent aliud efficere, non tanta profecto firmitate esset jam modo id in æternitate, quin possit non esse; atque adeo ex tali rerum existentia in æternitate provenire non posset certitudo divinæ scientiæ circa ea, quæ contingenter in tempore eveniunt.

Moveor secundo (& in idem forte recidit) quoniam quæ post hanc diem sunt in tempore contingenter futura, ad hanc usque diem indifferentia sunt ut sint aut non sint, tam in tempore quam in æternitate: actus enim mei liberi arbitrii, qui cras est futurus, potest adhuc non esse in tempore; alioquin non esset contingenter in tempore futurus: cum vero non sit in æternitate, nisi per esse quod habiturus est in tempore, utique potest re ipsa non esse in æternitate, alias neque in tempore esset futurus contingenter: ergo scientia, qua Deus scit actum illum cras esse futurum, non habet ad hodiernum usque diem certitudinem, nihil omnino dubitationis habentem, ex existentia illius actus in æternitate, quippe qui in ea possit non existere: non ergo existentia rerum in æternitate est radix quod Deus certo sciat ea quæ in tempore sunt adhuc contingenter futura. Quando namque, congnificantibus copulis nunc æternitatis, dicimus omnia, tam præsentia quam præterita & futura in tempore, habere esse simul in æternitate, intelligendum id est, de æternitate adæquare, hoc est, ut respondet toti tempori: quamvis autem æternitas usque ad præsentem diem sit, & fuerit, ut respondet instanti præsentis, & toti tempori præterito, nondum tamen est ut respondet tempori futuro; non quidem quod aliquid æterni-

*Libertas
arbitrii
quomodo
tollatur
si quis
dixerit
res prius
æternitate
quam in
tempore
existere.*

*Exemplum
æternitatis
explicans.*

æternitatis desit secundum quod respondeat tempori futuro, sed quod nondum adsit tempus futurum cui correspondeat. Exemplum est accommodatum in puncto medio comparatione circuli qui circa illud describitur, quibus similia esse dicuntur indivisibilis æternitas, & tempus quod circa illam labitur ac decurrit: ut enim dum describitur circulus, punctum centri nondum respondet parti adhuc describendæ, sed solum parti descriptæ; idque, non quod puncto centri aliquid desit ratione ejus respondere debet parti describendæ, sed quod pars ipsa desit, cui tale punctum existens jam secundum se totum respondeat; descripto vero integro circulo, centrum respondet toti circumferentiæ & singulis illius partibus: ita indivisibilis æternitas, interim dum totum tempus non est elapsum, non respondet toti tempori, sed parti quæ elapsa est. Quare sicut punctum centri potest nunquam respondere parti circumferentiæ nondum descriptæ, si illa in futurum non describatur: ita æternitas potest non respondere, vel partibus temporis veri adhuc futuris, vel rebus contingenter in eis futuris, si vel tempus verum cesset, vel eodem perdurante, tales res in illo non sint, ut re ipsa possint non esse. Ex quibus patet, quod licet, copulis consignificantibus nunc æternitatis, & sumpta æternitate adæquate, ut respondebit toti tempori etiam cogitatione apprehenso, hæc sit absolute vera, Quicquid futurum est in tempore, est præsens Deo, aut est in æternitate; eo quod quæcunque fuerint in tempore, sive plura sive pauciora, eo ipso necessario sint in æternitate, quæ totum tempus complectitur: nihilominus, si loquamur de aliqua re futura adhuc contingenter in tempore, verbi gratia, de peccato Petri futuro cras, hæc non est absolute vera, Hoc peccatum est præsens Deo, aut est in æternitate; sed solum ex suppositione quod futurum sit in tempore: ut enim potest adhuc non esse in tempore, ita potest non esse in æternitate adæquate sumpta.

Postremo moveor, quia si omnia, quæ futura sunt in tempore, ex æternitate essent extra suas causas præsentia Deo secundum suas existentias per anticipationem quandam in æternitate, unde præscientia divina certitudinem nancisceretur comparatione eorum, quæ contingenter sunt adhuc futura in

tempore, sequeretur in hoc nunc temporis nostri esse infinita actu extra suas causas, non quidem quæ existerent in eo tanquam in mensura suæ realis existentia, sed quæ existerent illo modo in nunc æternitatis, at in hoc nunc temporis nostri, tanquam in mensura existentia eorum illo modo in æternitate: omnino autem absurdum videtur concedere, in hoc nunc temporis nostri esse infinita actu in æternitate, contradictionemque involvere videtur.

Ex dictis patet id quod in calce articuli noni hujus decimæ quartæ quæstionis asseruimus. Nempe scientiam Dei, eorum, quæ adhuc in tempore sunt contingenter futura, nondum habere proprie rationem scientiæ visionis, quousque illa actu in tempore existant, sed simpliciter duntaxat intelligentiæ; eo quod res objectæ nondum existant. At quoniam duratio propria illius scientiæ est æternitas, & in æternitate, ut coexistet tempori futuro, illæ tandem erunt præsentēs, simpliciter scientia divina appellari potest scientia visionis comparatione omnium, quæ erunt in aliqua differentia temporis: atque ita eam cum communi Doctorum sententia passim appellamus.

Illud insuper admonebo, cum Hieronymus in prioribus commentariis in illud ad Ephesios primo; Sicut elegit nos in ipso; ait, Quod electos nos ut essemus sancti ante fabricam mundi testatus est, ad præscientiam Dei pertinet, cui omnia futura jam facta sunt, & antequam fiant, universa sunt nota: cum etiam in posterioribus commentariis in eundem locum ait, Quia nihil novum est ei apud quem omnia erant antequam fierent; Non ita hæc intelligere, quasi secundum realem existentiam præexistant, sed quod in esse objectivo præexistant evidenter cognita. Quemadmodum enim ea quæ non sunt, quodammodo dicuntur esse comparatione potentia divinæ, quæ ea quæ non sunt, tanquam ea quæ sunt vocat, facitve existere: ita quia ea, quæ non sunt, non latent Deum, sed perinde ab eo evidenter cognoscuntur, ac si existerent, dicuntur a Hieronymo præexistere in scientia divina. Unde post illa verba subiungit: Non (ut quidam hæretici somniant) animas antea in cælo fuisse segregatas. Et in illud Ecclesiasticis primo, Est ne verbum, &c. ait: Est dicendum, quod ex

præsentia & prædestinatione Dei jam ea facta sunt, quæ futura sunt. Idem affirmat Cyrillus lib. 7 thesauri cap. ultimo.

Argumentum Scoti contra D. Thomam opinionem.

Argumentatur præterea Scotus adversus eandem opinionem Divi Thomæ: Quoniam sicut æternitas est tota simul & coexistit temporis præterito & futuro, ita ævum Angeli est totum simul, & coexistit temporis præterito & futuro: ergo sicut existentia in æternitate, eorum quæ in tempore sunt adhuc contingenter futura, præcognoscit Deus ea certo futura antequam in tempore existant, ita ex existentia eorundem in ævo præcognoscet ea Angelus certo antequam in tempore existant.

Ubi solvatur a D. Thomæ scilicet rationes.

Ad hoc argumentum confueverunt discipuli D. Thomæ respondere: quia cognitio Angeli non mensuratur ævo, sed instante temporis discreti; cognitio vero divina mensuratur æternitate, in qua ea, quæ in tempore sunt contingenter futura, actu existunt; non esse parem rationem utrinque. Verum cum Angelus habere posset cognitionem totam simul, quæ omnino coexistat ævo, quæve per comparationem ad tempus nostrum duraret tantum, quantum durat ævum, non ea ratione recte argumentum dissolvere videntur, maxime quia si futura semper coexistant ævo secundum esse existentia extra suas causas, ut coexistunt æternitati, sane ea deprehenderet Angelus sua cognitione posita jam in ævo extra suas causas, atque adeo certo illa cognosceret antequam sint in tempore, esto ea non cognoscat per cognitionem cujus duratio sit ævum, sed nunc temporis discreti.

Maior solvendi ratio.

Melius tamen respondere possent, ævum ex se non habere latitudinem durativam, sed solum ex eo quod Angelus conservetur a Deo majori vel minori tempore: unde, quod Angelus coexistat temporis futuro, pendere, non solum ex existentia futura temporis, sed etiam ex eo quod Deus conferat esse Angelo, illumve conservet, in tempore futuro: æternitatem vero ex se esse durationem infinitam, ut questione decima utriusque explicatum est; atque inde fieri, ut non sit utrobique par ratio, quod ea, quæ adhuc futura sunt in tempore non coexistant in hoc temporis momento cum ævo, ut coexistunt cum æternitate. Hæc responsio solum habet locum, si dicamus, æternitatem ejus esse naturæ ut antecedere faciat secundum se ipsa ea, quæ in

tempore sunt futura, ut necessario est dicendum, si aliquo modo defendenda sit sententia Boetii & D. Thomæ: esto enim id æternitati tribueretur, nulla tamen ratione tribuendum esset ævo propter rationem quam proxime reddidimus.

Utrum per ideas futura contingentia Deus certo cognoscat, simulque examinantur opiniones Scoti & Durandi.

DISPUTATIO L.

Divus Bonaventura in primo, dist. 39 art. 2 qu. 3 affirmat, ideo Deum futura

D. Bonaventura opinio.

contingentia certo cognoscere, quia in se habet ideas omnium rerum per quas ita certo futura omnia cognoscit, ac si illa haberet præsentia secundum suas existentias. Eandem sententiam tribuunt Divo Thomæ Cajetanus hoc loco, & quidam alii ex discipulis D. Thomæ, propter illa verba hujus articuli quæ disputatione præcedente retulimus & expendimus. Imo Cajetanus affirmat, Scotum intellexisse eodem modo D. Thomam: nescio tamen an Scotus loco statim citando solum D. Bonaventuram, & alios, quos hoc loco D. Thomas suppressio nomine ejusdem sententia fuisse docet, intenderit impugnare.

Adversus hanc sententiam argumentatur Scotus in primo, dist. 38 primo: Quoniam idea in Deo non representat conjunctionem prædicati cum subiecto complexioniis contingentis, quæ eo ipso, quod est contingens, est indifferens ut sit aut non sit, sed representant solum extrema talis complexioniis: at ex notitia, quantumvis perfecta, extremorum complexioniis contingentis future nequit certo cognosci quæ pars contradictionis sit futura vera; eo quod neutrum extremum debeat, aut repugnet alteri, ut in eorum naturis conspici possit an prædicatum conveniat subiecto, ut cernere est quando complexio est necessaria: ergo solæ ideas divinæ non possunt esse Deo sufficiens ratio certo cognoscendi futura contingentia

Argumentatur Scotus contra hanc sententiam. Prima.

Secundo: Ideas sunt, & representant res Deo ante omnem actum liberum voluntatis divinæ: ergo quicquid representant, representant mere naturaliter: at complexiones contingentes non naturaliter, sed libere cognoscuntur a Deo; quippe cum, si nihil libera sua voluntate statuisset creare, nullam earum

Secundo.

earum complexionum contingentium, quæ sunt futura, cognosceret esse futuram: ergo ratio certo cognoscendi futura contingentia non possunt esse solæ idææ.

Tertio.

Tertio: Idææ eodem modo repræsentant futura contingentia possibilis quæ nunquam erunt, & futura, quæ in aliqua differentia temporis erunt; quandoquidem quod quædam contingentia sunt futura, & alia non, id non provenit ex idæis divinis, sed a libera voluntate Dei, quæ rebus contingenter futuris libere præparavit causas a quibus producerentur; aliis vero, quæ esse poterant, & non erunt, non præparavit causas: ergo idææ solæ divinæ non possunt esse sufficiens ratio, ut futura contingentia a Deo certo cognoscantur.

Quarto.

Quarto: Quod futura contingentia sint potius futura uno tempore quam alio, non provenit ab idæis, sed a libera voluntate divina, quæ statuit condere res potius uno tempore quam alio, & hoc potius modo quam alio ordinare: ergo solæ idææ divinæ non possunt esse Deo sufficiens ratio ut futura contingentia cognoscat.

*Scientia
Dei naturæ
volens ad que
se extendit.*

Consentit Scotus idæas, essentiamve divinam cognitam ut objectum primum, esse Deo rationem sufficientem cognoscendi per scientiam naturalem simplicia omnia, quæ ex divina omnipotentia esse possunt, & complexiones omnes, non solum necessarias, sed etiam contingentes, non quidem quod sint futura, sed quod esse possint, ita ut per scientiam naturalem cognoscat quamlibet, ut sit aut non sit indifferentem, atque adeo posse esse, & posse non esse. Etenim ex naturis extremorum intelligitur unum posse convenire alteri; non tamen utrum conveniat, nec ne. Præterea quamvis complexio sit contingens, eam tamen contingentem esse, ac proinde esse & posse non esse, est quid necessarium: Deus autem omnia necessaria cognoscit per scientiam naturalem.

Etiamsi Scotus in his conveniat cum aliis, per motus tamen argumentis propositis ait, Deum in sola determinatione suæ voluntatis cognoscere quænam pars contradictionis, cujusque in posterum debeat contingenter evenire, atque adeo in sola determinatione liberæ suæ voluntatis cognoscere certo futura contingentia. Et quidem si inter futura contingentia solum continerentur, tum ea

quæ a Deo sunt immediate, qualia sunt omnia ea quæ in prima constitutione mundi a solo Deo producta sunt, tum etiam ea quæ sunt a causis secundis agentibus ex necessitate naturæ, nulla esset difficultas in sententia Scoti: verum cum inter futura contingentia contineantur, etiam quæ a libero arbitrio creato emanant, & ea denique quæ proximè vel remote emanant aut pendunt a tribus illis radicibus contingentia effectuum causarum secundarum, quas disputatione 47 explicavimus; si Scotus solum veller omnia ejusmodi contingentia futura eatenus pendere a libera determinatione voluntatis divinæ, quatenus nullum tale esset futurum positivum contingens, nisi Deus libere statuisset creare hunc mundum cum eo ordine rerum cum quo conditus est, atque ea de causa veller, ut unumquodque eorum a Deo cognosceretur futurum simpliciter, necessarium esset eum præcognoscere determinationem illam liberam suæ voluntatis, in qua, tanquam in parte rationis id cognoscendi, illud cognosceret, nihil etiam esset quod in sententia Scoti improbandum sentitem. At vult, posita etiam constitutione mundi universi, atque ordine rerum & causarum quæ nunc sunt, determinationem liberi arbitrii Angelici & humani ad alteram partem cujusque contradictionis in quocunque temporis momento, verbi gratia, ad volendum vel non volendum hoc, aut volendum contrarium, esse ex determinatione libera voluntatis divinæ, quæ, tanquam causa prima, ex æternitate statuerit hoc vel illo modo concurrere sive per generalem, sive per specialem concursum cum libero arbitrio creato, illudque hoc vel illo modo determinare, quasi a sola libera determinatione Dei, & modo influendi cum causis secundis, pendeat, quod liberum arbitrium, & quæcunque alia causa secunda, hoc vel illud operetur aut non operetur, ut disputatione 35 late retulimus, & impugnavimus: quia ratione, sicut radicem totam contingentia in sola libera voluntate Dei collocavit, nulla vero ex parte in libero arbitrio Angelico & humano, quod tamen comparatione nonnullorum effectuum est proxima & immediata causa contingentia, ut disputatione 47 explicatum est; ita etiam rationem atque radicem integram, & unde Deus certo agnosceret, quæ absolute & simpliciter

pliciter essent contingenter futura, determinationem liberam voluntatis divinæ esse voluit. Ex dictis tamen disputatione 35, 47; & aliis arbitror satis esse manifestum, sententiam hanc Scoti plus quam periculosam esse in fide: tollit enim libertatem illam arbitrii, quam disputatione 23 ex scripturis sanctis atque ex ipsa experientia demonstravimus, Deumque efficit causam a qua liberum nostrum arbitrium flectitur & determinatur ad actus ipsos peccatorum, quibus ipsum offendimus, legemque ejus transgredimur, quæ omnia cum fide Catholica pugnant.

*Ux Scoti
sententia
Divo Tho-
ma attribui-
tur imma-
rito.*

Quidam D. Thomæ discipulus, solis verbis differens ab Scoto, hanc eandem sententiam tribuit Divo Thomæ: ait enim, causas omnes secundas futurorum contingentium, sub quibus etiam liberum arbitrium Angelicum & humanum comprehendit, subjectioni ac dispositioni divinæ voluntatis, quæ est prima causa cæteris causis tribuens non solum esse & virtutem, sed etiam determinationem ad suos particulares effectus: quia ergo effectus contingentes cognoscuntur certo in suis causis completis & determinatis ac non impeditis, non minus quam effectus necessarij certo in suis causis necessariis cognoscantur; fit, inquit, ut Deus in sua essentia, accedente determinatione libera suæ voluntatis, quæ causas omnes contingentes determinat ad effectus, cognoscat certo futura omnia contingentia, etiam si immediate emanent a libero arbitrio; quippe cum, eo ipso, non solum agnoscat determinationem omnium causarum, sed etiam quam earum ut ipsa determinatione impeditur, aut non impeditur sint effectus aliarum. Quoniam vero, ait, idea, complete & consummate sumpta, non dicit nudam essentiam divinam ut est exemplar in potentia ad cujus imitationem res produci possunt; quo pacto idea est etiam earum rerum quæ esse possunt per divinam potentiam, nunquam tamen erunt; sed dicit essentiam divinam ut est exemplar in actu ad cujus imitationem aliquid est re ipsa futurum: id vero habet ex adjuncta determinatione voluntatis divinæ, quæ ex æternitate decrevit effectus producendos in tempore, atque per comparisonem solum ad effectus, qui in aliqua temporis differentia sunt, fuerunt, & erunt: inde, inquit, est, quod D.

Thomas hoc loco nomine rationum rerum, hoc est, idearum, quas dixit Deum ex æternitate apud se habere, & in quibus certo cognoscere futura contingentia asseruit, intellexerit, non nudam essentiam divinam ut est exemplar ad cujus imitationem potest, si velit, res efficere, sed intellexerit essentiam una cum determinatione libera voluntatis a qua habet ut sit exemplar in actu & idea completa comparatione omnium quæ futura sunt.

Quia vero ex determinatione hac humanæ & Angelicæ voluntatis cæterarumque causarum secundarum a libera determinatione & influxu voluntatis divinæ, manifeste tollitur libertas arbitrii Angelici & humani ad suos actus, ut late adversus Scotum locis citatis ostendimus, confugit hic autor ad suffugium illud sensus compositi & divisi: ait enim, & si causæ contingentes, prout subduntur determinationi primæ causæ, sunt determinatæ & completæ ad operandum, atque adeo non possint in sensu composito non efficere suos effectus ad quos sunt determinatæ a voluntate divinæ; nihilominus simpliciter & in sensu diviso esse contingentes, indeterminatas, & incompletas, ac proinde earum effectus simpliciter esse appellandos contingentes. Hoc vero non satis intelligo. Si namque, nulla habita ratione ejus quod pro sua libertate liberum arbitrium creatum erat facturum. Deus æterna determinatione libera suæ voluntatis, influxuque suo illud determinat ad id quod vult, stanteque ea determinatione & influxu divino, liberum arbitrium nihil aliud potest, quam id ad quod ita determinatur, sane non video quam ratione liberum re ipsa maneat, ut ad quod voluerit porrigat manum; nec quæ ratione culpæ aut merito illi tribui possit, quod ita a Deo inclinatum & determinatum effecerit. Etenim quod posset oppositum efficere, si Deus oppositum libera sua voluntate voluisset, atque in oppositum suo influxu illud determinaret & inclinaret, non est arbitrium nostrum esse liberum, sed in Deo esse libertatem, ut, nostrum arbitrium movendo, eo indifferenter ad opposita utatur, ut disputatione 40 in simili alio pronuntiatio late ostendimus. Quare si autor hujus sententiæ id tantum vult, dum affirmat, manere nihilominus arbitrium in sensu diviso

diviso causam contingentem, indeterminatam, & incompletam comparatione suorum effectuum, plane licet rationem spontanei in eo relinquat, haud dissimilem ei quæ in iumento cernitur, quando capistro in unam aut alteram partem ducitur, libertatem tamen ab eo tollit, fatalemque necessitatem (posita præscientia & determinatione voluntatis divinæ, quæ ex æternitate existunt) in eo procul dubio inducit.

Obijcit deinde idem autor adversum se ipsum: Divina voluntas non determinat voluntatem creatam ad peccandum, imo eam relinquit indifferentem & liberam: sed per causam indifferentem & indeterminatam non potest haberi certa cognitio effectus futuri: ergo Deus non certo præcognoscit peccata futura. Hanc tamen objectionem se sufficienter diluere ex eo arbitratur; quia ut inquit, voluntas creata infallibiliter deficit circa quancunque materiam virtutis, nisi efficaciter determinetur a divina voluntate ad bene operandum: quocirca ex eo quod Deus cognoscit voluntatem suam non determinasse voluntatem creatam ad bene operandum in materia, verbi gratia, temperantia, cognoscit evidentem, quod voluntas creata peccabit, & deficit in materia illius virtutis. Itaque alia futura contingentia cognoscit Deus in suis causis, prout sunt determinata a prima causa: malum vero culpæ futurum cognoscit in sua causa, quatenus non est determinata a prima causa ad bene operandum. Hæc ille.

Verum multa sunt, quæ in hac responsione displicent. In primis admittit liberum arbitrium exercere posse actiones quibus peccat, non determinatum prius a voluntate & influxu divino: cum ergo illæ sint actiones naturales atque effectus reales, quare non poterit simili modo exercere actiones alias liberas mere naturales, ut velle sedere, aut surgere, velle ambulare in unam aut alteram partem, absque prævia determinatione & influxu voluntatis divinæ: quare cum Deus non confiteverit demere aut restringere libertatem innatam causis secundis; neque plus auxilii atque influxus conferre ad actiones naturales, quam ad id sit necessarium; consequens est, ut liberum arbitrium, non determinatum prius a voluntate divina, sed relictum omnino indifferens ad eliciendum vel

non eliciendum actum, aut ad operandum potius circa unum objectum, quam circa aliud, se ipsum determinet: determinationem ergo huiusmodi futurorum contingentium non cognoscit Deus in determinatione suæ voluntatis, quæ liberum arbitrium creatum ad suos effectus determinet. Non dicit hic autor, ut credo, Deum determinare liberum arbitrium creatum ad actionem qua peccat, licet illud non determinet ad formale peccati: tum quia verba ipsius id non innuunt; tum etiam quia neque liberum arbitrium aliter se determinat ad formale peccati, quam libere se determinando ad actionem quæ est peccatum, imo vellet, si fieri posset, ut actio illa non haberet rationem peccati: tum vel maxime quoniam illud esset error in fide, ut a disputatione 31 arbitror me satis ostendisse.

Deinde non videtur admittere indifferentiam in arbitrio nostro, ut continet, seu ut non exerceat actus studiosos quos exercet, sicut admittit indifferentiam ad exercendum & non exercendum actum peccati quando peccat: quare tollit meritum nostrum & libertatem, etiam quoad exercitium, comparatione illius.

Tertio, displicet vehementer id quod precipue docet. Licet enim id gratis admitteretur in hominibus post lapsum primorum parentum, eo quod eorum sensus prout sint ad malum ab adolescentia; quam ratione admittendum esset in Angelis, & in hominibus in statu innocentia, qui sine ulla difficultate continere se poterant ab omni peccato, & nihilominus pro sua innata libertate poterant peccare? Si ergo accessisset eos ex sua sponte peccare, ignorasset id Deus, posita hujus Doctoris sententia, quo quid potest dici absurdius? Deinde licet ex eo quod Deus non determinaret voluntatem creatam ad bene operandum, sequeretur certo illam peccare, nihilominus non esset Deo certum, an peccatura esset peccato omissionis, an commissionis, an uti deberet potius hoc medio, quam illo ad peccandum, an majori vel minori intentione ac conatu, an majori vel minori tempore in opere peccati peristitura foret, & ita de aliis circumstantiis quæ ad gravitatem culpæ pertinent, atque a libero arbitrio pendent, ac proinde ad quas Deus liberum arbitrium non determinaret

ignoraret

Impugnatio
propositæ
opinionis.

ignoraret ergo Deus hæc omnia contingentia futura.

Postremo, si liberum arbitrium creatum eo ipso, quod non determinatur a voluntate divina efficaciter ad bene operandum, ita necessario peccat, ut certum omnino atque evidens sit Deo illud peccatum; & Deus ex sua æternitate, prout voluit, statuit determinare illud, vel non determinare ad operandum, quæ quæso libertas fuit in Angelis quando peccaverunt, aut in nobis est quando peccamus, ut si non velimus non peccemus? Quanam ratione item verum est, Deum posuisse nos in manu consilii nostri, ut ad quod velimus porrigamus dexteram? Quanam item erit causa Dei in die iudicii adversus impios, cum non potuerint non peccare, si Deus eos ad bonum efficaciter non flecteret ac determinaret; ipsi vero pro sola sua libera voluntate ex æternitate statuerit non determinare? Profecto, hac sententia admitta, libertas arbitrii nostri omnino tollitur, perir iustitia Dei adversus impios, & crudelitas ac impietas manifesta in Deo conspicitur. Quare plusquam periculosa in fide arbitror hanc sententiam, ut de sententia etiam Scoti in Superioribus diximus.

Futura contingenta quomodo a Deo cognoscantur, tam ante, quam post determinationem divinæ voluntatis.

Juxta ac ergo, quæ disputatione præcedente conclusionē prima explicata a nobis sunt, dicendum est, per ideas divinas, essentiamve divinam cognitam ut objectum primum, certo representari Deo, qui, tum suam essentiam, tum singula, quæ in ea ipsa infinite perfectius quam in se ipsis continentur, altissimo ac eminentissimo modo comprehendit, representari, inquam, naturaliter ante omnem actum & determinationem liberam voluntatis divinæ, complexiones omnes contingentes, non solum secundum esse possibile, sed etiam secundum esse futurum, non absolute, sed sub conditione & ex hypothesi, quod Deus statuat hunc vel illum ordinem rerum & causarum cum his vel illis circumstantiis creare. Accedente vero determinatione libera voluntatis, non qua liberum arbitrium creatum determinet ad alteram partem contradictionis (ut Scotus & alii volunt) sed qua, relinquendo illud liberum & omnino indifferens ut ad quod voluerit porrigat manum, statuat creare hunc vel illum ordinem rerum & causarum ac circumstantiarum in quo sint hæc vel illæ causæ libe-

ra, certo cognoscit complexiones omnes contingentes secundum esse futurum absolute & simpliciter ac sine ulla jam hypothesi & conditione. Itaque eo differimus ab Scoto, quia arbitramur, rationem ob quam Deus certo cognoscat quænam pars contradictionis cujusque earum complexionum contingentium quæ pendet a libero arbitrio creato sit futuro, non esse determinationem voluntatis divinæ qua liberum arbitrium creatum inflectat & determinet ad unam aut alteram partem, sed esse determinationem liberam qua liberum arbitrium in hoc vel illo ordine rerum & circumstantiarum statuit creare: neque hanc solam determinationem arbitramur esse rationem sufficientem, quod certo cognoscat quæ pars contradictionis cujusque harum complexionum sit futura, sed hanc una cum comprehensione in sua essentia cujusque liberi arbitrii creati per scientiam naturalem, qua comprehensione ante illam determinationem voluntatis certo scit quid tale liberum arbitrium sit facturum pro sua libertate, ex hypothesi & conditione, quod illud creet & constituat in eo ordine rerum; cum tamen possit, si velit, facere oppositum; & si esset facturum, ut potest, Deus id illa eadem scientia & comprehensione liberi arbitrii in sua essentia scivisset, & non id quod res ipsa scit a libero arbitrio esse agendum. Itaque quia complexiones positivæ contingentes, quæ a libero arbitrio pendet, esse nequeunt in rerum natura nisi liberum arbitrium creetur, utique quod Deus absolute & sine hypothesi cognoscat eas esse futuras, pendet a libera determinatione voluntatis suæ, per quam tali vel tali tempore cum tali vel tali ordine rerum & circumstantiarum creare liberum arbitrium constituat. At quoniam arbitrium, eo pacto creatum & constitutum, in eo ordine rerum, liberum manet ut se in unam aut alteram partem inflectat, profecto nisi Deus altitudine, excellentia ac perfectione suæ scientiæ naturalis, qua omnia eminentissimo quodam modo in sua essentia comprehendit, ita illud penetraret, ut in eo inspiceret in quam partem pro sua innata libertate se esset influxurum, cum si veller, posset se inflectere in oppositam, & si id esset facturum, ut potest, Deus id cerneret, nesciret determinate quæ pars contradictionis ejusmodi

ejusmodi complexionum contingentium esset futura. Quare, ut id Deus certo cognoscat, utrumque est necessarium, & utrumque ei convenit ex sua, non solum infinita & immensa, sed etiam omni ex parte illimitata perfectione qua Deus est, ratione cujus quemadmodum sub ejus omnipotentiam cadit efficere posse creaturas libero arbitrio prædicas, suorumque actuum dominas, ut in nobismetipsis experientia ipsa deprehendimus: ita sub ipsius immensam, omnique ex parte illimitatam scientiam, qua quicquid sub suam omnipotentiam cadit altissimo ac eminentissimo quodam modo comprehendit, etiam cadit ut ita liberum arbitrium creatum penetret, ut in quam partem pro sua innata libertate se sit inflexurum certo deprehendat ac intueatur. Atque hæc est præscientia futurorum contingentium, quam Patres, lumenque ipsam naturæ docent Deo convenire, quia Deus est; ita ut si ei non conveniret, Deus non esset. Unde Hieronymus 3 lib. dialog. adversus Pelagianos persona Criti merito ait. Cui præscientiam tollis, tollis & divinitatem. Et August. 5 de civitate Dei cap. 9. Confiteri, inquit, esse Deum, & negare præcium futurorum, apertissima insania est.

In sensu explicato verissimum est, ideas, essentiamve divinam cognitam ut objectum primum, Deo, qui & seipsum, & quæ eminenter continet altissimo modo comprehendit, esse ratam ac certam rationem cognoscendi futura contingentia. Quare, præter D. Thomam hoc loco (si id affirmavit) D. Bonaventura, & universim quotquot eam loquendi formam usurparunt, in hac ipsa fuerunt sententia: tametsi non, quantum erat sapiens, rem hanc explicarunt. In hac eadem sententia est aperte Durand. in primo, dist. 38 q. 3 quo loco affirmat, Deum in sua quidem essentia tanquam in objecto primario, & causa omnium rerum (putat tamen non habere rationem ideæ) cognoscere certo futura omnia contingentia, quia ibi, altitudine & perfectione suæ scientiæ atque objecti, intuetur causas omnes eorum, & determinationem circa productionem effectuum, non solum earum quæ suapte natura sunt determinatæ, ut sunt quæ ex necessitate naturæ agunt, sed etiam earum quæ indifferentes sunt, & se ipsas in quam partem volunt libere

MOLINA.

inflexiunt, cujusmodi sunt liberum arbitrium Angelicum & humanum; cognoscit insuper quamam earum se impedire aut non impedire sine (hæc omnia intellige licet Durandus id non explicet, ex hypothesi quod hunc vel illum ordinem rerum & causarum velit creare.) Porro in causis & ex causis ita cognitis tam certo cognoscuntur futura contingentia, quam certo ex causis necessariis cognoscuntur effectus necessarij, Quo fit, ut Deus tanquam in objecto primario certo cognoscat in se ipso futura omnia contingentia, & tanquam in objecto secundario cognoscat etiam ea certo in propriis suis causis secundis.

Ad primum ergo argumentum Scoti neganda est major. Ex hypothesi namque & sub conditione quod Deus hunc vel illum ordinem rerum velit creare, ideæ divinæ naturaliter repræsentant Deo ante omnem determinationem liberam suæ voluntatis, omnem complexionem contingentem futuram sub illa hypothesi & conditione, idque propter altitudinem & excellentiam divini intellectus & divinæ scientiæ atque objecti primarii supra objecta omnia secundaria quæ in eo eminenter continentur.

Ad secundum concessio antecedente, concedenda etiam est prima consequentia. Ad minorem vero, quæ subjungitur, dicendum est, quamvis complexionones contingentes in esse futuro, simpliciter & absque ulla conditione & hypothesi, non naturaliter, sed libere a Deo cognoscantur, quod tamen sint futura, ex hypothesi quod hunc vel illum ordinem rerum & causarum velit creare, non libere, sed per scientiam quæ antecedit omnem actum liberum voluntatis divinæ cognoscit.

Ad tertium concessio antecedente, concedenda est quoque consequentia, si consequens intelligatur, ideas solas divinas non posse esse rationem sufficientem quod futura contingentia a Deo certo cognoscantur secundum esse futurum simpliciter: ad id namque simul requiritur præcognitio divina liberæ voluntatis, quæ hunc vel illum ordinem rerum Deus statuat creare. Si vero intelligatur, non esse sufficientem rationem quod futura contingentia certo cognoscantur, non quidem futura simpliciter, sed ex hypothesi ac conditione quod hunc vel illum ordinem rerum velit creare, neganda est

Ee

eit

In quo sensu verum sit ideas, essentiamve divinam esse rationem cognoscendi futura contingentia cognoscendi.

Ad primum Scoti argumentum.

Ad secundum.

Ad tertium.

est consequentia : neque in eo illa est differentia inter futura contingentia, quæ in aliqua differentia temporis erunt, ac inter ea, quæ esse poterant, nunquam tamen erunt : ea namque simili modo cognoscit Deus fuisse futura, aut non futura, ex hypothesi & sub conditione, quod alium talem vel talem ordinem rerum, diversum ab eo quem condidit, creare constitueret.

*Ad quæ-
runt.*

Ad quartum dicendum est, probare optime, solas ideas non esse sufficientem rationem quod futura contingentia cognoscantur a Deo, simpliciter & absque aliqua conditione futura in tali vel tali parte temporis ; sed ad id necessariam quoque esse notitiam determinationis voluntatis divinæ ad creandum ordinem rerum, quem creavit, in ea parte temporis in qua cum condidit, quod libenter concedimus.

Respondeo libertas arbitrii, & contingentia rerum cum divina præscientia conciliantur ex eo, quia quocumque, pro innata libertate arbitrii, evenierit, efficit Deus se non aliud, quam id ex sua aternitate præcivisse.

DISPUTATIO LI.

*Libertum
arbitrium
cum divina
præscientia
& prædesti-
natione qua
ratione
muli con-
ciliantur.*

EXaminanda est ea ratio qua plerique libertatem arbitrii nostri cum divina præscientia & prædestinatione conciliant, ac bene inter se coherere arbitrantur. Afferunt enim, si Petrus (verbi gratia) quem demus peccatum in aliquo momento temporis, non peccaverit in eo, quod pro sua libertate facere potest, Deum effecturum, se nunquam præcivisse Petrum peccatum, quin potius semper ex aternitate præcivisse eum non peccatum. Cum enim, inquit, eo modo sciat Deus unumquodque esse futurum, quo illud est eventurum, sane ea, quæ necessario sunt ex suis causis eventura, sciet ipse scientia necessaria ; quæ vero eventura sunt contingenter, sciet scientia contingenti, seu potius libera : & cum in contingentibus futuris eventibus qui a libero arbitrio creato pendent, quod una pars contradictionis potius quam alia sit eventura, non pendeat a scientia divina, quasi ex eo eventura sit, quia Deus præcivit illam eventuram ; sed pendeat a libertate arbitrii, qua se in unam aut alteram partem, ut maluerit, inflectit ; utique quanta contingentia est in eventu, interim dum est

in sua causa, tanta est in scientia divina, ut sit scientia unius partis contradictionis potius quam alterius. Quare, inquit, licet necessarium sit, quicquid eventurum est, id Deum præcivisse ; & quicquid Deus futurum præcivit, id ita evenire ; & ob id hæc propositiones in sensu composito sint necessarie ; omne præcivum a Deo eveniet ; quicquid eventurum est, præcivum est a Deo ita eventurum : nihilominus, inquit, sicut non est necessarium, sed omnino contingens, Petrum in futurum peccare, quia re ipsa potest non peccare, ita neque ad hanc usque diem est ulla ratio necessaria, quod Deus præcivat illum peccatum, sed omnino contingens & liberum, ita quod ut Petrus re ipsa potest non peccare, si Deus potest modo atque in futurum efficere ut ipse nunquam præciverit Petrum peccatum. Unde volunt necessitatem illarum propositionum in sensu composito fundari solum in necessitate mutue consequentie inter has duas propositiones ; aliquid præcivum est a Deo eventurum, ergo ita eveniet, & e contrario ; non vero quali usque ad hanc diem sit ulla necessitas, etiam immutabilitatis, in altero extremorum, tunc in præscientia divina ; quia sine ulla mutatione in scientia, si Petrus non peccaverit, efficit Deus se non aliud præcivisse quam Petrum non peccatum. Quare in sensu diviso, non solum ea ratione volunt hanc esse veram ; peccatum Petri præcivum a Deo potest non fore ; quia si Petrus re ipsa non esset peccaturus, quod bene potest, Deus peccatum illius nunquam præcivisset ; sed etiam ex eo, quia si ipse non peccet, ut potest, Deus modo efficit, se ex aternitate non aliud præcivisse, quam ipsum non peccatum. Adhibet exemplum in hac propositione ; quod curret, necessario movebitur ; quæ in sensu composito est vera, propter solam necessitatem hujus consequentie ; aliquid curret, ergo movebitur ; cum tamen in neutro extremo sit ulla necessitas, & ob id in sensu diviso, quod curret, possit non moveri : quia id, quod curret, potest in futurum nec currere nec moveri.

Eodem modo conciliavit libertatem arbitrii cum prædestinatione & reprobatione. Quia si reprobus pro sua libertate, ut re ipsa potest, effecerit quæ ut vitam æternam consequatur sunt necessaria, Deus efficit ut ex æternitate

æternitate fuerit prædestinatus, & non reprobis: & e contrario, si prædestinatus, ut potest efficere noluerit quæ pro adipiscenda æterna felicitate sunt necessaria, efficiet Deus ut ex æternitate fuerit reprobis, & non prædestinatus. Quare, inquit, simili modo hæ propositiones in sensu composito sunt veræ; reprobis necessario condemnabitur. Hæ vero in sensu diviso; prædestinatus potest condemnari, reprobis potest salvari; sunt veræ, non solum ea ratione, quia si is, qui est prædestinatus, pro sua libertate facturus esset ea (utre ipsa nihil impediante prædestinatione potest) quibus damnationem æternam incurreret, & is, qui est reprobis, acturus esset ea quibus vitam æternam consequeretur, Deus ex sua æternitate neque illum prædestinasset, neque hunc reprobasset, sed etiam ex eo, quia Deus efficit modo, ut ille nunquam fuerit prædestinatus, sed reprobis; & ut hic nunquam fuerit reprobis, sed prædestinatus.

Quam multi in hac sententia.

Miror, quam multi Doctores amplexati sint hanc sententiam, inter quos sunt in primis quotquot defendunt in Deo esse potentiam ad præteritum etiam comparatione effectuum, qui jam in tempore extra suas causas emanant. De horum numero sunt Altiſsidorensis, Gilbertus Porritanus, & quidam Angli, ut Gregorius in primo, d. 42 q. 1 a. 2 refert, qui etiam in eorum sententiam propendet. Verum cum his q. 25 art. 4; nobis futura erit disputatio. Eandem amplectantur D. Bonaventura in primo, d. 40, in secunda parte, art. 1 q. 1. Richard. d. 38 q. 6. Scot. dist. 40 q. unica, Ochamus & Gabriel d. 38 q. prima, Gregorius q. 2 conclusionē 4, & ceteri nominales communiter, Sylvester in conslato, q. 22 art. 5. Driedo de concordia liberi arbitrii, & prædestinationis, parte secunda, cap. 2 & 3. Albertus Pighius lib. 8 de libero arbitrio cap. 1. Andreas Vega lib. 2 in Concilium Trident. cap. 17 in responsione ad tertiam objectionem, & lib. 12 cap. 22: & Antonius Cordubensis libro primo questionum Theologicarum, q. 55 dub. 11 & 12.

Potentiam ad præteritum qui admittunt.

Sententia hæc a quibusdam ex Doctoribus citatis defenditur constituendo in Deo potentiam ad præteritum, comparatione etiam effectuum qui jam in tempore ex suis causis

egressi sunt. Ab Ochamo vero, Gabriele, Antonio Cordubensi, & quibusdam aliis Doctoribus nominalibus, concedendo ad præteritum potentiam in actu Dei æterni, nempe in scientia & volitione divina, non quidem qua scientia & volitio divina sunt absolute, aut comparatione effectuum qui jam in tempore egressi sunt a suis causis, sed ea præcisè ex parte qua futura contingentia respiciunt tanquam objecta cognita, & volita aut permilla, atque a futuris contingentibus, quoad ejusmodi respectus (qui in scientia & volitione divina respectus rationis sunt) pendunt. Neque enim quia Deus futura ea esse prævidet, ideo futura sunt; sed quia pro libertate arbitrii creati sunt futura, ideo futura, ideo futura a Deo prævidentur.

A Divo autem Bonavent. Scoto, & ceteris Doctoribus citatis, longe alia ratione, ac majori cum specie probabilitatis, defenditur. Dicunt namque, liberum actum voluntatis divinæ, & eadem ratione liberam Dei circa futura contingentia scientiam, secundum se ipsam non transire in præteritum, sed semper in egressu esse in ipso nunc indivisibili æternitatis, quod secundum se nunquam transit in præteritum, aut exspectatur, ut futurum, sed totum semper est præsens, totumque temporis præsentis, præterito ac futuro respondet. Quia ergo, inquit, actus liber voluntatis divinæ circa creaturas, & scientia libera circa contingentia, licet a nobis, facta collatione cum tempore in quo sumus, ut præterita concipiantur ac significantur, secundum se ipsa tamen sunt præsentia, & in egressu, atque in Deo libere egrediuntur, eaque ratione, dum egrediuntur, huic vel illi parti contradictionis pro arbitrio respondere possint; sit, ut si homo in tempore eligat certam hanc partem contradictionis, Deus in sua æternitate sic determinet actum suæ voluntatis & scientiæ, ut scientia ex æternitate, ita sit de illa eadem parte contradictionis, ut nunquam fuerit alterius, & e contrario, idque absque ulla mutatione ac variatione divinæ scientiæ, nec incipiendo cognoscere, sed semper ex æternitate præcognoscendo quicquid in tempore est futurum, prout hominis arbitrium pro sua innata libertate se voluerit determinare, atque dependenter ab ejusmodi determinatione. Quo fit, ut, absque ulla potentia ad præteritum,

Eæ 2

tanta

Ratio conciliandi liberum arbitrium cum divina præscientia ut ab aliis defendatur.

finasse, vel non prædestinasse: quia actus prædestinationis, cum mensuretur æternitate, nunquam cedit in præteritum, sicut nunquam est futurum; unde semper consideratur ut egrediens a voluntate per modum libertatis. Tamen ex suppositione hoc efficiatur impossibile: non enim potest non prædestinare, supposito quod prædestinaverit, vel e converso; quia mutabilis esse non potest: & ita non sequitur, quod prædestinatio non possit variari. Hæc D. Thom. Ex quibus aperte patet, solum docere, si Deus spectetur in nunc æternitatis, prius natura quam suam voluntatem ad alteram partem contradictionis determinet, posse prædestinare & non prædestinare Petrum; eaque ratione, absolute loquendo, verum esse dicere, posse prædestinare & non prædestinare, aut prædestinasse vel non prædestinasse Petrum; quia actus prædestinationis in æternitate non transit in præteritum: at ex suppositione, non quidem quæ fingatur esse sed quæ vere sit in eodem nunc æternitatis, nempe quod posterius natura determinet voluntatem ad prædestinandum, ut jam in æternitate quatenus correspondit toti temporis præterito eam determinavit, fieri non possit quin prædestinaverit: eo quod in Deum cadere non possit ulla mutatio. Nec alia plane expositio hujus responsionis D. Thomæ cum verbis ipsis, neque cum reliqua doctrina illius articuli quadrat.

Confirmatio
vera sen-
tentia.

D. Thomæ igitur, nostræque sententia probatur primo: Quoniam si actus liber voluntatis divinæ in æternitate, ut respondet cuicunque temporis momento, ita esset in libero egressu, ut modo efficere possit Deus se nihil ex æternitate voluisse, aut seivisse eorum, quæ libere voluit, ac libere scivit, sequeretur dari ad præteritum potentiam comparisonem etiam effectuum qui in tempore sunt jam extra suas causas: consequens autem neque adversarii ipsi cum quibus disputamus admittunt, & infra quæst. 23 ostenditur esse falsum: ergo falsum est etiam antecedens. Consecutio probatur, quoniam eo antecedente dato, volitio, qua Deus ex æternitate voluit creare mundum in eo temporis puncto in quo illum creavit, esset hodie ita in libero egressu, ut posset eam Deus determinare in partem oppositam, efficereque hodie ut ex æternitate voluerit nunquam creare mundum: eo

autem concessio, manifeste sequitur, dari ad præteritum potentiam in effectibus qui in tempore sunt jam extra suas causas. Etenim cum libera determinatio voluntatis divinæ ad creandum mundum in eo temporis puncto, in quo illum creavit, sit immediata & tota causa creandi illum tunc, si hodie Deus potest efficere, ut libera voluntas ipsius nunquam ex æternitate fuerit determinata ad creandum mundum, sed fuerit semper determinata ad illum non creandum, potest hodie efficere ut nunquam creatio mundi præcesserit: qui namque efficere potest ut nunquam fuerit tota & immediata causa alicujus effectus, efficere etiam poterit ut non fuerit ipse effectus: ablata namque causa priori, ita ut nunquam fuerit, continuo quoque aufertur fuisse effectum posteriorem, qui ex ea omnino pendet, eamque consequitur. Neque satisfaciet, qui responderit, voluntatem divinam in æternitate, ut respondet cuicunque temporis momento, esse quidem liberam ad determinandum actum suum in oppositam partem, dummodo tamen ab ea non sit aliquis effectus in tempore egressus; non, inquam, satisfaciet qui ita responderit. In primis, quia prius non pendet a posteriori: quare si ipsa secundum se, facta hypothesis quod ab ea non esset jam egressus effectus, libera maneret secundum se ad determinandum actum suum in partem oppositam, efficiendumque; ut ex eadem æternitate nunquam fuisset determinatus ad creandum mundum, idem quoque posset efficere etiam si effectus jam esset egressus, atque adeo efficere nunc posset ut mundus nunquam fuisset. Deinde, quoniam vel post egressum effectum voluntas divina in nunc æternitatis est magis determinata in se ipsa ad volendum creare mundum in eo puncto temporis in quo creavit, vel non. Si des hoc secundum: ergo sicut ante egressum poterat libere determinare actum suum ut esset volitio non creandi mundum, ita poterit post egressum. Si vero des primum: ergo per emanationem effectus variatur in se ipsa, suscipitque vicissitudinis obumbrationem, quod est absurdum. Præterea jam non erit semper in libero egressu in utramque partem in æternitate ut respondet cuicunque puncto & parti temporis, ut antea dicebas.

Hinc secundo ita licet argumentari: Sicut

de nostra voluntate disputatione 24 ostensum est, quod quamvis in eodem puncto temporis prius natura sit libera & indifferens ut se in alterutram partem inflectat ac determinet; nihilominus in eodem ipso temporis puncto est posterius natura in alteram partem libere determinata; postquam vero ita posterius natura est determinata, non potest, non solum in tempore sequenti, sed neque in eo ipso puncto temporis efficere, ut se in alteram partem inflexerit, quoniam postquam in alteram partem est determinata, non potest non esse determinata: ita de voluntate divina in nunc aternitatis est dicendum; quamvis prius natura, seu potius more intelligendi nostro cum fundamento in re, in nunc aternitatis quod totum amplectitur tempus, si indifferens, ut in utramvis partem determinet suum actum circa res quas libere statuit, eaque ratione actus ille liber egrediatur in aternitate; nihilominus in ea ipsa aternitate posterius, nostro intelligendi more cum fundamento itidem in re, est egressus determinatus in alteram contradictionis partem juxta divinum arbitrium; postquam vero ita, posterius quidem nostro intelligendi more, at simul in ipsa indivisibili duratione aternitatis est egressus determinatus, non potest non esse ita egressus, quia alioquin concederetur potentia ut res jam uno modo effecta, non eo modo esset effecta, postquam semel esset ita effecta, quod aperte contradictionem implicat. Atque hoc est quod D. Thomas docuit quæst. 6 de veritate in responsione ad ultimum citata, cum dixit: Ex suppositione, non quidem quæ fingatur, sed quod Deus in nunc aternitatis re ipsa determinaverit actum suum liberum ut esset prædestinatio Petri, ut cum re ipsa determinavit, non posse illum non prædestinasse, quia implicat contradictionem, nec jam esse posset sine mutatione Dei, vicissitudinisve obumbratione. Ita ergo licet conficere argumentum: Cum in his, quæ libere fiunt in indivisibilibus durationibus, simul sit fieri, & factum esse, egredi actum libere in utramvis contradictionis partem, & esse egressum determinatum in alteram; sane quamvis nostro intelligendi more cum fundamento in re, prius fuerit actum voluntatis aut scientiæ divinæ circa aliquod particulare contingens futurum cras, egredi libere, ita ut in utramvis

partem potuerit Deus illum determinare; simul tamen fuit esse egressum determinatum in alteram partem, maxime cum non aliter potuerit egredi, quam determinatus in alteram partem, pro arbitrio tamen ejus qui actum eliciebat: ergo in aternitate, ut respondet diei hesterni, temporique infinito quod diem hesternum præcessit, fuit actus voluntatis atque scientiæ divinæ determinatus in eam partem quæ futura est cras, ejusmodique contingens futurum cras, jam tunc habuit respectum tanquam cognitum actu compactione scientiæ divinæ, & scientia fuit jam scientia in actu cum peculiari respectu rationis ad illud objectum: ergo si, quando liberum arbitrium creatum se determinaret, posset voluntas & intellectus divinus determinare volitionem & scientiam in oppositam partem, efficereque ut nunquam pars altera contradictionis fuerit volita nec scita, daretur ad præteritum potentia, nempe ad tollendam determinationem volitionis & scientiæ, quæ jam antea fuerat, ac tollendum respectum ad tale objectum, qui etiam præcesserat; quod tamen contradictionem implicat, ut q. 25 est ostendendum.

Potest confirmari hæc eadem ratio, quoniam cum mundus sit jam a divina voluntate tanquam a sua propria causa egressus; neque ab ea potuerit egredi, nisi determinata jam ad mundi productionem; consequens profecto est, ut saltem in eo temporis puncto fuerit determinata, in quo mundus est conditus: cum ergo non fuerit tunc primo determinata, eo quod nihil Deus potuerit in tempore incipere velle; efficitur, ut ex aternitate fuerit eo pacto determinata: at Deus postquam semel libere suam voluntatem in alteram partem contradictionis determinavit, non potest jam efficere ut eam non ita determinaverit, alioquin posset facere, ut postquam res aliqua semel esset effecta, non esset effecta: ergo Deus in nullo puncto temporis ante creationem mundi efficere potuit, ut ex aternitate non statuerit in eo temporis puncto creare mundum, in quo illum creavit, & eadem ratione non potuit efficere, ut non sciverit mundum in eodem temporis puncto esse futurum: cum ergo eadem sit ratio de quocunque alio futuro contingente; sit, ut nullo temporis puncto possit Deus efficere, se ex aternitate contra-

rium

rium scivisse de quocunque futuro contingente, quam re ipsa modo scit.

Tertio: Quoniam vel Deus in aeternitate, ut respondet huic presenti, aut cuicunque praeterito temporis momento ex altitudine & perfectione suae scientiae penetrat certo in quam partem liberum arbitrium Petri se inflectet crastina die, vel non: non est dandum hoc secundum; quia tunc Deus non praecognoferet futura contingentia, quod est haereticum, contra aperitissima scripturae testimonia quae disputatione sequente citabimus: si vero detur primum, in illam, & non in partem oppositam, se inflectet; alioquin Deus non certo penetrabat Petrum in illam eandem pro sua libertate se esse flexurum; ergo nunquam est futurum, ut se flectat in partem oppositam, esto, si vellet, id posset; & consequenter nunquam Deus ea de causa efficiet, ut nunquam ex aeternitate sciverit id, quod nunc scit.

In quo ergo ab autoribus contrariae sententiae discrepamus, breviter dicam. Quamvis enim omnes conveniamus, etiam posita libera determinatione voluntatis divinae qua Deus creare decrevit hunc ordinem rerum quas creare constituit, non ideo liberum arbitrium creatum facturum esse hoc potius quam oppositum, quia Deus id praescivit, sed e contrario, ideo Deum id praescivisse, quia liberum arbitrium pro sua innata libertate id erat facturum, eum, si vellet, posset re ipsa facere oppositum: dissidemus tamen, quia, ut duabus praecedentibus disputationibus explicatum est, asserimus, Deum ex altitudine & perfectione sui intellectus atque suae essentiae, tanquam objecti primarii, certissime cognoscere in se ipso, & in causis secundis quid pro libertate earum contingenter sit futurum, ita tamen ut possit contingere oppositum, & si futurum esset, ut re vera potest, Deus ex aeternitate id certissime scivisset, & non id quod actu scit. Quare, servato integro jure libertatis arbitrii creati, illasque omnino persistentes contingentia rerum, non secus ac si in Deo nulla esset praescientia, Deus certissime cognoscit futura contingentia, non quidem certitudine quae proveniat ex objecto, quod in se est contingens, potestque aliter re ipsa evenire, sed certitudine quae proficiscitur ex altitudine atque infinita illimitataque perfectione cognoscentis, qui certo ex se ipso

cognoscit objectum, quod secundum se est incertum & fallax. Quo fit, ut rerum contingentia, atque liberae arbitrii in futurum, optime consentiant cum certa & non solum omnino immutabili Dei tam scientia, quam voluntate, sed etiam ita fixa ac stabili, ut jam modo contradictionem implicet, Deum ex aeternitate contrarium voluisse aut cognovisse eventurum. At vero adversarii ex eo capite docent libertatem arbitrii, & contingentiam rerum, cum divina praescientia convenire, ac recte consistere, quod si res aliter eveniat, quando id actu contigerit, Deus ipse efficiet, ut non aliud quam illudmet, quod evenit, ex omni aeternitate praesciverit. Quasi vero Deus scientiam futurorum contingentium acciperet ab ipso rerum eventu, & ante eum non major esset certitudo in divina scientia, quam in objecto quod est adhuc contingenter futurum, & quasi non prius in se ipsa haberet ex aeternitate certam determinationem ad alteram partem contradictionis rei contingenter futurae, quam res ipsa eandem determinationem ex tempore nanciscatur quando extra suas causas ponitur. Quae omnia plane cum omni ex parte absoluta divinae scientiae perfectione aperte pugnare, certitudinemque a divina scientia manifeste tollere, & Deum pendulum ac haerentem circa rerum eventus facere, quis est qui non videat, si rem paulo attentius mentis trutina expendat?

Unde quarto ita possumus argumentari, si ea ratione contingentia rerum concilianda esset cum divina praescientia, quod libero arbitrio faciente unum, Deus efficiet se nunquam praescivisse nisi illud idem, & libero arbitrio faciente, ut potest oppositum, Deus efficiet se nunquam aliud scivisse, sequeretur Deum non potuisse praedicere certo per Prophetas, vel per Christum hominem, quae contingenter erant eventura per liberum arbitrium humanum, quale fuit peccatum quo Petrus ter erat Christum negaturus, & pleraque alia, quod tamen est haereticum. Nisi forte admittatur ad praeteritum potentia, etiam postquam effectus jam ex tempore fuerit extra suas causas, ac dicatur, si Petrus, ut potuit, non peccaret, Deum effecturum, ut revelatio non foret, quae tamen jam antea fuerat facta. At manifeste implicat contradictionem dari ad praeteritum potentiam, maxime postquam effectus fuit jam in tempore

Librum arbitrium creatum non ideo efficit hoc est illud, quia Deus id praescivit: sed ideo Deus praescivit, quia ita libera erat futurum.

Quomodo liberum arbitrium sit cum divina praescientia.

pore extra suas causas; quæ etiam in re fere omnes auctores adversus quos disputamus consentiunt, demonstrandumque id est, q. 25: Præterea posita illa ad præteritum potentia; perire certitudo, tum scientiæ divinæ, tum etiam revelationum quas de rebus futuris habemus: quænamque certitudo esse potest in scientia, aut in revelatione, de qua vere possumus dicere, Deum efficere posse ut nihil tale scit scitum aut revelatum, atque utrum id effecturus sit nec ne, pendere ex eventu contingenti futuro qui æque esse, & non esse potest; eaque ratione tam contingens ac dubium modo sit, utrum Deus id sit effecturus, quam contingens ex natura rei est, ut liberum arbitrium creatum se in unam aut alteram partem pro sua libertate flectat? Perfecto admissa hac opinione, aut potius errore, neque Petro, neque cæteris Apostolis, post Christi de futura negatione acceptam revelationem, esset major certitudo ante peccatum Divi Petri, quod ita res esset eventura, quam si talis revelatio nunquam præcessisset: quandoquidem, utrum Deus in futurum effecturus esset ut non præcessisset ea revelatio, a libera & incerta determinatione arbitrii Divi Petri in utramque partem pendebat.

Postremo admissa horum Doctorem ratione conciliandi liberum arbitrium & contingentiam: rerum cum divina præscientia, non video qua ratione sit in Deo providentia circa futura contingentia quæ a libero arbitrio pendunt: si quidem prout fuerit eventus hujus aut alterius partis contradictionis pro innata libertate arbitrii, efficiet Deus se ex æternitate scivisse hoc vel illud futurum: unde non video quomodo Deus, tanquam præscius hujus partis determinatæ, ex hypothesi quod hæc aut illa media vel auxilia ipse adhiberet, illi ex æternitate providerit. Consequenter non relinquitur locus divinæ prædestinationis ac reprobationi, si omnia adhuc in futurum sunt Deo ita incerta, ut pro ratione partis contradictionis, quæ a libero arbitrio sit eventura, effecturus est adhuc ex æternitate hunc vel illum hominem præcognoverit hoc vel illud esse facturum, atque adeo ut hic vel ille fuerit prædestinatus aut reprobatus. Erit etiam ad hunc usque diem incertus numerus prædestinatorum & reprobatorum: quandoquidem pro ratione even-

tuum futurorum effecturus est adhuc Deus ut ex æternitate hos vel illos, plures aut pauciores, prædestinaverit. Quod si res ita habet, quam ratione dum ad punctum prædestinationis est eventum, & ad electionem quorundam, aliis non ita electis, exclamavit Paulus ad Rom. 11: O altitudo divitiarum sapientiæ & scientiæ Dei, quam incomprehensibilia sunt judicia ejus, & investigabiles viæ ejus! Denique ea opinione data, non video quomodo magis Deus poenitentiam Tyriorum & Sidoniorum, ex hypothesi quod in Tyro & Sidone factæ fuissent virtutes quæ Bethsaida & Corozain sunt effectæ, quam ejus oppositum præcivisset; quandoquidem utrumque a libero eorum arbitrio pendebat: prout vero in unam aut alteram partem se inflectere vellet, erat Deus effecturus ut unum aut alterum ex æternitate præcivisset. Longe aliter perfectio scripturæ de certitudine atque determinatione divinæ præscientiæ ac prædestinationis loquitur. Ait enim Paulus secundæ ad Timotheum secundo: Firmum fundamentum Dei stat, habens signaculum hoc, cognovit Dominus qui sunt ejus. Ut interim alia loca scripturæ omittamus. Unde etiam Augustinus lib. 3 de libero arbitrio cap. 5: Cum sit, inquit, præscius Deus voluntatis nostræ cujus est præscius ipsa erit: voluntas ergo erit, quia voluntatis est præscius: neque voluntas esse poterit, si in potestate non erit: ergo & potestatis est præscius: non ergo per ejus præscientiam potestas mihi adimitur, quæ propterea mihi adimitur, quæ propterea mihi certior adicit, quia ille, cujus est præscientia, non fallitur, asserturam mihi esse præcivit. Et de corruptione & gratia cap. 7: Illi electi, ut sæpe dictum est, qui secundum propositum vocati, qui etiam prædestinati atque præciti. Horum si quisquam perit, fallitur Deus: sed nemo eorum perit, quia non fallitur Deus: horum si quisquam perit vitio humano, vincitur Deus: sed nemo eorum perit, quia nulla re vincitur Deus. Et de fide ad Petrum cap. 35: Fulgentius, firmissime, inquit, tene, & nullatenus dubites, omnes quos vasa misericordiæ gratuita bonitate Deus fecit, ante constitutionem mundi in adoptionem filiorum Dei prædestinatos a Deo; nec perire posse quenquam eorum, quos non prædestinavit ad regnum cælorum: nec quenquam eorum, quos

quos non prædestinavit ad vitam, posse ulla ratione salvari. Mitto alia D. Augustini testimonia. Quare, salva tot gravissimorum virorum auctoritate, sententiam hanc parum in fide securam esse existimo.

Ad primum
Argumentum.

Ad primum ergo argumentum pro ea sententia initio propositum dicendum est, nihil tale reperiri in Augustin. Nonnulli tamen id volunt colligere ex ultimis verbis Hypognost. lib. 6 quo loco cum de prædestinatione multa dixisset, ait. In quantum possumus omnes homines ad bonum opus exhortemur, nulli desperationem demus, pro invicem oremus, in conspectu Dei nos humiliter dicentes; Fiat voluntas tua. Ipsi erit potestatis iudicium in nobis debitum mutare damnationis, gratiam prædestinationis indebitum prorogare. At perperam ex his verbis id colligitur, cum contrarium antea illo eodem libro ac alibi sæpe docuerit quicumque ejus operis fuit auctor. Sed solum voluit, ipsius erit prædestinationis gratiam (id est, quæ effectus est prædestinationis, qua nos ex æternitate prædestinaverit) indebitum prorogare, hoc est, dare, vel, juxta verbum, cum incremento, meritorum scilicet, præstare. Non vero vult nos orationibus nostris posse modo obtinere, ut, cum ex æternitate non essemus prædestinati, Deus efficiat, ut ex æternitate fuerimus prædestinati, ut adversarii contendunt; quod nunquam Augustino in mentem venit.

Ad secundum.

Ad secundum dicendum est, tam in eo, quam in aliis similibus locis scripturæ non esse sermonem de poenitentia accepta aliquo illorum duorum modorum, de quibus sermo est in argumento propositio; sed de poenitentia pro revocatione, seu potius pro non executione sententiæ ac voluntatis divinæ, non absolutæ, sed qua sub conditione, quam in potestate arbitrii nostri gratia ipsius adjuti posuit, hoc vel illud statuit. Sensus ergo est: Agam & ego poenitentiam, id est, non exequar malum poenæ, quod exequi decrevi, si non egerint poenitentiam.

Ad tertium.

Ad tertium neganda est conclusio. Ut enim creatio, & quicumque alius Dei effectus, simpliciter dicantur libere fieri a Deo quando in tempore fiunt, satis est quod fiant a voluntate libere in æternitate atque ex æternitate determinata ad producendum talem effectum in tali puncto temporis; esto jam tunc

immutabilitate Dei, cui omnis vicissitudinis obumbratio repugnat, necessario ex libero ac æterno decreto, quod re ipsa est in mente divina, producatur. Et hoc est quod D. Thomas docuit qu. 6 de veritate, art. 3 in responsione ad ultimum citata; neque aliud convincit probatio quæ in eo argumento subiungitur. Quare concedendum est, adveniente tempore in quo Deus ex æternitate statuit mundum creare, Deum simul, & libere, & necessario eum creare; alia tamen atque alia ratione. Libere enim creare mundum dicitur, quatenus libera voluntate æterna eum creat: necessario vero, propter necessitatem immutabilitatis suæ voluntatis ita libere ex æternitate determinata.

Ad quantum, concessio antecedente, nempe futura contingentia re ipsa posse non esse, neganda est consequentia, quia inferebatur re ipsa posse non esse scita a Deo. Solum enim sequitur potuisse non esse scita, & non fuisse scienda, si, ut possunt, non fuissent futura: Deus enim ex æternitate id certo penetraret, atque in eo eventu ex æternitate id de tali contingente scivisset, non vero id quod modo scit. At eo ipso quod certissime penetravit & præcivit id futurum esse quod re ipsa eveniet, efficere non potest ut ex æternitate contrarium sciverit. Neque in sensu composito, quod Deus id ita certissime penetraverit & præciverit, potest evenire oppositum: tamen in sensu diviso, nihil omnino impediens præscientia divina (qua non fuisset, nisi res ex libertate arbitrii humani ita esset futura) perinde possit simpliciter evenire oppositum, ac si nihil esset a Deo præscitum.

Ad quintum, concessio antecedente, concedenda quoque est consequentia de indivisibili nunc æternitatis absolute sumpto: secus autem de nunc æternitatis ut respondet cuicumque puncto temporis determinato, ante quod semper tempore infinito præcessit determinatio divinæ voluntatis & scientiæ ad alteram contradictionis partem: facta namque semel determinatione voluntatis ac scientiæ, implicat contradictionem Deum facere ut ex æternitate voluerit aut sciverit oppositum, ut ostensum est.

Utrum in Deo sit futurorum contingentium scientia: qua item ratione cum ea libertas arbitrii, rerumque contingentia consentiant.

DISPUTATIO LII.

Quamvis quæ in hac disputatione dicenda sunt, facile ex dictis poterant intelligi, ut tamen argumenta aliqua diluantur, clariusque consensio libertatis arbitrii, contingentiaque rerum cum divina præscientia intelligatur, hæc quoque disputatio erit instruenda.

*Pars neg.
fundatur.
Primo.*

In partem ergo, quæ negat esse in Deo scientiam futurorum contingentium, argumentatur D. Thomas hoc loco primo, quoniam a causa necessaria proficiscitur effectus necessarius: sed scientia Dei est causa futurorum quæ per eam sciuntur; eo quod, ut art. 8 ostensum est, Deus per suam scientiam sit causa rerum; insuper est necessaria: ergo omne, quod ab ea scitur futurum, eveniet necessario, ac proinde in Deo nullius rei contingentis scientia reperiri potest.

Secundo.

Secundo, si conditionalis aliqua est vera, & ejus antecedens est absolute necessarium, consequens est etiam absolute necessarium, alioquin in bona consequentia esse posset antecedens verum & consequens falsum, quod nulla ratione est admittendum: sed hæc conditionalis est vera, si Deus scivit hoc esse futurum, id ita eveniet; alioquin scientia Dei esset falsa: & antecedens est absolute necessarium, tum quia æternum, tum etiam quia præteritum, & ad præteritum non est potentia: ergo consequens erit etiam absolute necessarium, ac proinde nullum futurum præscitum a Deo erit contingens.

Tertio.

Tertio, quicquid scitur a Deo necesse est esse, quippe cum & omne id, quod scitur ab hominibus, necessario sit: Dei vero scientia certior sit quam humana: sed nullum contingens futurum necessario erit: ergo nullum contingens futurum a Deo sciri potest.

Quarto.

Quarto ita possumus argumentari: Nihil futurum præcognitum a Deo potest non evenire: ergo nihil præcognitum a Deo est futurum contingens. Consequentia est manifesta, quoniam futurum contingens non est aliud, quam id, quod evenire, & non evenire indifferenter potest. Antecedens vero probatur, quoniam si, quod a Deo est præcognitum evenitum, non eveniret, Deus reipsa

falleretur: ergo si stante scientia posset non evenire, Deus reipsa falli posset, quod tamen est impium, nullaque ratione esse potest.

Quinto, res significatæ per propositiones de futuro contingentem non minus necessariae sunt, si scientia divina quæ de ipsis habetur sit determinate vera, quam si propositiones ipsæ de futuro quæ easdem res significant sint determinate veræ: sed ex eo, quod propositiones de futuro contingentem sine determinate veræ, colligit Aristoteles primo de interpretatione cap. ultimo sequi res significatas esse necessario eventuras, & consequenter inanes esse nostras consultationes: ergo si scientia divina quæ de eisdem rebus habetur, sit determinate vera, sequitur omnia necessario & nihil contingenter evenire, inanes esse consultationes nostras, tollique prorsus nostri arbitrii libertatem.

Sexto, futurorum præscientia tollit libertatem arbitrii: ergo libertas arbitrii & præscientia Dei circa futura contingentia nulla ratione possunt coherere, ac proinde alterum necessarium negandum erit. Consequentia est manifesta, antecedens vero probatur, quoniam data præscientia futurorum, hæc est necessaria & optima consequentia; Deus ex æternitate præcivit Petrum peccaturum cras, ergo Petrus cras peccabit: nititur namque certitudini divinæ scientiæ, cui nulla ratione potest subesse falsum, ac proinde quam certum est Deum ea scientia falli non posse, tam necessaria est consequentia illa: at in cujus potestate non est tollere antecedens necessariæ consequentiæ, nec in ejus potestate est tollere consequens; alioquin efficere quis posset, ut in bona consequentia antecedens esset verum & consequens falsum, quod cum natura bonæ consequentiæ omnino pugnat: cum ergo in potestate Petri non sit efficere, ut Deus ex æternitate non præciverit peccatum ipsius crastina die futurum, neque id sit in potestate Dei, eo quod ad præteritum non sit potentia; sit ut in potestate etiam ipsius Petri situm non sit facere, quin peccet cras, ac proinde sit, ut, stante præscientia quam Deus re ipsa habet, nulla in Petro libertas arbitrii permaneat.

In Deo præscientiam esse futurorum contingentium ex literis sanctis est aperissimum, adeo ut contrarium non solum infans sit, ut Augustinus quinto de civitate Dei cap. 9 affirmat,

Futurum contingentium esse in Deo præscientiam.

affirmat, sed etiam manifestus error in fide. Plalm. 138: Intellexisti cogitationes meas de longe, semitam meam & funiculum meum investigasti, & omnes vias meas prævidisti. Tu cognovisti omnia novissima & antiqua. Sapientia 8 de divina sapientia dicitur: Signa & monstra scit antequam fiant, & eventus temporum, & seculorum Ecclesiastici 23: Oculi Domini lucidiores sunt super Solem, circumspicientes omnes vias hominis, & profundum abyssi, & hominum corda intuentes in absconditis partibus. Domino enim Deo, antequam crearentur, omnia sunt agnita. Et cap. 39: Opera omnis carnis coram illo, & non est quicquam absconditum ab oculis ejus. A seculo usque in seculum respicit, & non est mirabile in conspectu ejus; quasi scilicet aliquid eveniat, quod ipse antea non præviderit. Isaiæ 41: Annunciate quæ ventura sunt in futurum, & sciemus quia Dii estis vos. Et cap. 48: Prædixi tibi ex tunc, antequam evenirent indicavi tibi, ne forte diceret, idola mea fecerunt hæc, & sculptilia mea, & consilia mandaverunt ista. Joan. 14: Et nunc dixi vobis prius quam fiat, ut cum factum fuerit credatis. Præterea Deus scit contingentia omnia quando fiunt, & jam actu sunt, juxta illud ad Hebræos 4: Non est indivisibilis ulla creatura in conspectu ejus, omnia nuda & aperta sunt oculis ejus: sed non incipit illa scire quando sunt actu; id enim esset a non sciente in scientem mutari, caderetque in Deum aperte vicissitudinis obumbratio: ergo scit contingentia futura antequam sint. Postremo si in Deo non sit præscientia contingentium futurorum, perit prophetia, corrumpitur pars maxima scripturarum sanctarum, quod cum fide Catholica manifeste pugnat. Unde merito Tertullianus secundo libro adversus Marcionem, Præscientia, inquit, Dei tot habet testes, quot fecit Prophetas.

Triplitem scientiam oportet distinguamus in Deo, nisi periculose in concilianda libertate arbitrii nostri & contingentia rerum cum divina præscientia hallucinari velimus. Unam mere naturalem, quæ proinde nulla ratione potuit esse aliter in Deo, per quam omnia ea cognovit ad quæ divina potentia sive immediate sive interventu causarum secundarum sese extendit, tum quoad naturas singulorum, & complexiones eorum

necessarias, tum etiam quoad contingentes, non quidem quod futuræ essent, vel non essent determinate, sed quod indifferenter esse & non esse possent, quod eis necessario competit, atque adeo sub scientiam Dei naturalem etiam cadit. Aliam mere liberam, qua Deus post liberum actum suæ voluntatis absque hypothesi & conditione aliqua cognovit absolute & determinate ex complexionibus omnibus contingentibus, quænam re ipsa essent futuræ, quæ non item. Tertiam denique mediam scientiam, qua ex altissima & inscrutabili comprehensione cujusque liberi arbitrii in sua essentia intuitus est, quid pro sua innata libertate, si in hoc, vel illo, vel etiam infinitis rerum ordinibus collocaretur, acturum esset, cum tamen posset, si vellet, facere re ipsa oppositum, ut ex dictis disp. 47 & 48 manifestum est.

Sciscitabitur forte aliquis, an hujusmodi scientia media appellanda sit libera, an naturalis. Ad quod in primis respondendum est, eam nulla ratione esse dicendam liberam: tum quia antecedit omnem liberum actum voluntatis divinæ: tum etiam quia in potestate Dei non fuit scire per eam scientiam aliud quam re ipsa sciverit. Deinde dicendum, neque etiam in eo sensu esse naturalem, quasi ita innata sit Deo, ut non potuerit scire oppositum ejus, quod per eam cognoscit. Si namque liberum arbitrium creatum acturum esset oppositum, ut re vera potest, id ipsum scivisset per eandem scientiam, non autem quod re ipsa scit. Quare non est magis innatum Deo scire per eam scientiam hanc partem contradictionis ab arbitrio creato pendentem, quam oppositam. Dicendum ergo est partim habere conditionem scientiæ naturalis, quatenus prævenit actum liberum voluntatis divinæ, neque in potestate Dei fuit aliud scire, partim habere conditionem scientiæ liberæ, quatenus quod sit unus potius partis quam alterius, habet ex eo quod liberum arbitrium, ex hypothesi quod crearetur in uno aut altero ordine rerum, esset potius facturum unum quam aliud; cum utrumvis indifferenter posset facere. Atque hoc sane postulat libertas arbitrii creati, quæ, posita etiam præscientia divina, non minus est de fide, quam eadem præscientia & prædestinatio, ut disputatione 23 late ostensum est. Idem apertissime sonant testimonia

Triplex in Deo scientia consideranda.

Mere naturalis.

sanctorum quæ mox referemus. Consonat etiam communis Theologorum sententia, quam disputatione præcedente ex parte retulimus, & de qua paulo post dicemus. Ne vero primo suo aspectu te hæc doctrina perturbet, memento ista omnia, quæ sequuntur, apertissime inter se convenire & coherere: Nihil esse in potestate creaturæ, quod etiam non sit in potestate Dei; Deum suæ omnipotentia inflectere posse nostrum liberum arbitrium quocunque ipse voluerit, præter quam in peccatum; id enim contradictionem implicat, ut disputatione 31 demonstratum est; Deum, quicquid faciet interventu causæ secundæ, posse efficere se solo, nisi in effectum involvatur, ut sit a causâ secundâ; Deum permittere posse peccata, non vero præcipere, aut ad ea incitare vel inclinare; item quod res libero arbitrio prædita, si in certo ordine rerum & circumstantiarum collocetur, in unam aut alteram partem se flectat, non provenire ex præscientia Dei, quin potius ideo Deum id præscire, quia ipsa res libero arbitrio prædicta libere id ipsum agere debet, neque provenire ex eo quod Deus velit id ab ea fieri, sed ex eo quod ipsa libere id velit facere. Inde vero apertissime sequitur, scientiam, qua Deus, antequam statuatur eam creare, prævidet quid sit factura, ex hypothesi quod in eo rerum ordine collocetur, pendere ex eo quod ipsa pro sua libertate hoc vel illud sit factura, & non e contrario. Scientia vero qua Deus absque ulla hypothesi absolute scit quid per liberum arbitrium creatum sit re ipsa futurum, semper est in Deo libera, pendetque a determinatione libera suæ voluntatis, qua tale liberum arbitrium in tali vel tali ordine rerum creare statuit.

*Quæstio alia
circa scientiam
mediam.*

Solutio.

Quæret fortasse aliquis, utrum scientia illa media concedenda sit in aliquo beatorum, saltem in sacratissima Christi anima, ut sicut Deus, qua Deus, penetratione suæ essentiae intuetur quid libere futurum per arbitrium creatum, ex hypothesi quod in tali ordine rerum creetur; ita anima illa sacratissima, ex intuitu divinæ essentiae per scientiam beatam, quid futurum sit per liberum arbitrium, maxime hominis jam a Deo producti, intueatur. Dicendum est, neque etiam in ipsa anima Christi concedendam esse ejusmodi scientiam. Ratio est, quoniam non comprehendit divinam essentiam: Deo autem

a Hieronymo, Augustino, & aliis Patribus tribuitur hæc scientia comparatione rerum creaturarum, quia Deus est, eaque ratione altissimo quodam modo liberum quocunque arbitrium creatum comprehendit. Neque enim ad intueendum in re libera in quam partem se inflectet satis est illius comprehensio, neque quæcunque major comprehensio quam sit res comprehensa, sed necessaria est altissima atque eminentissima comprehensio, qualis in solo Deo comparatione creaturarum reperitur. Unde neque Deum concedimus per scientiam naturalem seu mediam (quam de hac re in eo negamus) intueri ante determinationem suæ voluntatis quam partem ipse sit electurus, eo quod intellectus in Deo ea altitudine & præstantia non superet essentiam ac voluntatem divinam, qua essentias ac voluntates creatas longe superat. Quare sicut homo & Angelus ante liberam determinationem suarum voluntatum non cognoscunt in quam partem se inflectere debeant, eo quod intellectus in eis essentiam ac voluntatem infinito illo excessu non superent: ita neque Deus, antequam voluntatem suam determinet, in quam partem ea sit inflectenda cognoscit. Nec satis percipio, quam ratione in Deo integra maneret libertas, si ante actum suæ voluntatis præcognosceret in quam partem esset inflectenda: etenim existente tali scientia, nulla ratione partem oppositam eligere posset: quare si ante determinationem præcognosceret in quam partem foret inflectenda, non video quando libertatem habuerit ad partem oppositam eligendam.

Ut vero hoc melius percipias, observa: Longe diversum esse, unum suppositum per scientiam mediam, ex emineutia sua supra aliud suppositum, scire quid ab illo alio supposito pro sua libertate sit eligendum, ac unum & idem suppositum per scientiam mediam præscire quid ipsummet libere sit electurum. Quod enim suppositum unum excessu infinito aliud comprehendens sciat per scientiam mediam, non libere sed quasi naturaliter, quid illud aliud suppositum pro sua libertate complectetur ex hypothesi quod in tali vel tali ordine rerum constituitur, sciturum etiam quicquid in contrariam partem eligeret illudmetipsum, si forte, ut re vera potest, in illam sese libere flecteret, nihil sane

*Scientia
mediam
est in
compar
atione
liberi
trii, in
solum
compara
tione
creati.*

fine mirum, neque ullum inde libertati alterius suppositi inferitur præjudicium: at vero quod unum & idem suppositum, non libere, sed quasi naturaliter, prius sciat quid ipsummet volet, quam in actu velit, non video qua ratione salva libertate ejusdem suppositi possit consistere: quandoquidem in illo priori, in quo id non libere, sed quasi naturaliter scivit, in potestate ipsius non fuit scire contrarium: quippe cum non libere, sed quasi naturaliter eam contradictionis partem sciverit; præexistente vero ejusmodi scientia, contradictionem implicet velle aut scivisse contrarium; quoniam aut Deus falleret, aut, postquam aliquid scivit, id non scivisset, quod contradictionem involvit. Id quod ex dicendis disputatione sequenti membro dilucidius reddetur. Neque mihi obijcias, Christum esse idem suppositum, & prius per scientiam beatam agnovisse certo, in quam partem suum arbitrium se esset libere inflexurum absque ullo præjudicio suæ libertatis. Neque mihi, inquam, id obijcias. Quoniam scientia illa non fuit a se, ut homine, sed a tota Trinitate animæ illi sacratissime communicata: ex eo, quod a divinitate humanitati manifestetur quid Christus, ut homo, libere sua voluntate sit voliturus, utique non magis impeditur libertas Christi, quam in Petro ideo libertas ad non peccandum fuerit impedita, quod Christus ei revelaverit suum peccatum futurum: in re enim propofita idem est, diversam naturam altitudine & eminentia sua aliquid cognoscere de alia natura, illudque ei manifestare; & unum suppositum aliquid similiter præcognoscere de alio, illudque ei manifestare. Adde, id, quod merito ob eminentiam infinitam Dei supra arbitrium creaturæ necessitate compulsi asserimus ad ejusdem arbitrii libertatem tuendam, quam experimur, & quæ non minus certa est ex scripturis sanctis, quam divina præscientia, extendendum non esse ad alia absque urgentissima ratione: quæ tamen in præfenti non datur.

Illud hoc loco est observandum. Aliud esse dicere, Deum vi scientiæ, quæ antecedit liberum suæ voluntatis actum, non cognoscere in quam partem sua voluntas, arbitriumve suum libere se sit determinaturum, cum tamen illa eadem scientia cognoscat in quam partem liberum quodcumque arbi-

trium creatum se sit determinaturum ex hypothesi quod collocetur in tali ordine rerum vel circumstantiarum ex infinitis, in quibus unumquodque eorum potest collocari; atque aliud longe diversum esse dicere, Deum non cognoscere in quam partem libera sua voluntas se fuisset determinatura ex quacunque hypothesi, quæ non fuit, & esse potuit, ut utrum voliturus esset Verbi incarnationem in humanitate impassibili ex hypothesi quod Adam non fuisset peccaturus. Hoc secundum ego, neque in hac disputatione, neque alibi unquam dixi, quin potius contrarium ex progressu meæ doctrinæ colligitur.

Etenim licet Deus vi scientiæ, quæ Deus cognoscit determinationem suam voluntatis ex quacunque hypothesi antecedit liberam determinationem suæ voluntatis, non cognoscat determinationes has scilicet non vi scientiæ, quæ antecedit suam voluntatis determinationem. suæ voluntatis, quæ fuissent ex ejusmodi hypothesibus, ac proinde in Deo non sit scientia media comparatione harum determinationum suæ voluntatis, sicut est comparatione determinationis cujuscunque liberi arbitrii creati data circa illud quacunque hypothesi, nihilominus eas cognoscit scientia libera, quæ consequitur liberum suæ voluntatis actum. Actus enim ille liber circa res a Deo facibiles, in se infinitus, illimitatus, & absque ulla vicissitudinis obumbratione, simul circa omnia objecta possibilis libere se in alteram contradictionis partem determinavit, non solum libere statuendo, quæ decrevit facere, aut permittere, libereque statuendo reliqua non facere, aut non permittere, sed etiam libere statuendo, quæ esset voliturus ex quacunque hypothesi, quæ esse potuit, & non fuit. Actus quippe ille respondet plenissimæ atque illimitatæ liberationi, tum per scientiam mere naturalem, tum per scientiam mediam inter liberam & mere naturalem, quæ in Deo ex parte intellectus nostro intelligendi modo cum fundamento in re antecessit suæ voluntatis actum, absurdumque esset, summæque Dei perfectioni repugnans, relinquere aliquid in alteram contradictionis partem indeliberatum ex iis omnibus, quæ tunc libere poterat deliberare: præsertim cum in eo locum non habeat deliberare postea, quod indeliberatum reliquerat; neque cum summa illimitataque ipsius perfectione consentiat, nunquam posse id deliberare. Quare per scientiam liberam, quæ actum suæ voluntatis con-

sequitur, in ea ipsa libera suæ voluntatis determinatione cognoscit quid ipse esset voliturus in quocunque eventu, & data quacunque hypothesi, quæ esse potuit, & non fuit. Primum vero est, quod ego assero, nempe Deum vi præcisæ scientiæ, quæ antecedit suæ voluntatis actum, non cognoscere in quam partem circa quodcunque objectum a se factibile se determinabit sua voluntas, cum tamen vi ejusdem scientiæ ex hypothesi quod sua voluntas in unum aut in alium ordinem rerum ac circumstantiarum se velit determinare, cognoscat quid quodcunque arbitrium creatum sub eo ordine pro sua libertate sit volitutum aut facturum. Ratio autem est, quod intellectus ac scientia illa divina non sicut infinito intervallo superant perfectione quodcunque arbitrium creatum, quod continent in se eminenter, eaque de causa infinite quodam eminentiori modo, quam illud sit cognoscibile, illud comprehendunt, sic superant perfectione voluntatem divinam, eminentiori modo illam comprehendunt, quam illa in se sit cognoscibilis, quod tamen est necessarium ad cognoscendum in libero arbitrio, antequam se ipsum determinet, in quam partem data quacunque hypothesi pro sua libertate se determinabit, ut dictum est. Neque inde sequitur, scientiam illam non comprehendere divinam voluntatem: quoniam ad comprehensionem satis est cognoscere omnia, ad quæ ea voluntas se potest determinare, & quæ velle potest, aut nolle: ea vero omnia cognoscit Deus illa scientia, ita præcisè spectata, de sua voluntate antequam intelligatur actum elicere. Neque item sequitur, scientiam illam esse imperfectam, eo quod illa, ita præcisè spectata, non cognoscat Deus determinationem suæ voluntatis: quoniam sicut non censetur imperfecta ex eo, quod nondum intelligatur forriri rationem scientiæ liberæ, quam rationem consequitur secuta determinatione divinæ voluntatis, & sicut voluntas ipsa, ac Deus ipse non censetur ex eo imperfecti; quod nondum in eis intelligatur actus divinæ voluntatis, imo & quod non intelligatur processio Spiritus sancti, quoniam non datur instans in quo in Deo invenitur unum sine alio, sed hæc sunt considerationes nostri intellectus in Deo, cum fundamento in re: ita neque ex illo capite judicari potest illa scientia

imperfecta: quippe cum in Deo non sint multæ scientiæ, sed una simplicissima, quæ semper habet adjunctam rationem scientiæ liberæ, qua cognoscat determinationes liberas suæ voluntatis. Neque valet hæc consequentia, Deus ea scientia, ita præcisè spectata, non cognoscit determinationes liberas suæ voluntatis, aut Deus non cognoscit determinationem liberam suæ voluntatis antequam libere eam determinet, ergo Deus non cognoscit easdem determinationes suæ voluntatis: quoniam, ut dictum est, cognoscit eas eo ipso, quod actum suæ voluntatis elicit, libereque eum determinat, quod simul est re, sed posteriori nostra consideratione cum fundamento in re. Sicut de nostra voluntate dicimus, in quo instanti elicit actum liberum ac se determinat ad alteram contradictionis partem, prius natura esse liberam ac indifferentem, ut se in unam aut alteram partem determinet, & posteriori natura esse determinatam, actumque determinatum elicere.

Quidam contententes in futuris contingentibus semper alteram partem antequam eveniat esse ex æternitate veram determinate, & alteram determinate falsam, eaque ratione ex natura rei unam esse cognoscibilem futuram determinate, & alteram non futuram determinate, ex eo capite, quod quicquid est ex rei natura cognoscibile, Deus ante omnem actum suæ voluntatis naturaliter cognoscat, arbitrantur, Deum ante omnem actum liberum suæ voluntatis scire, non solum quid per arbitrium creatum sit ex quacunque hypothesi futurum, sed etiam quid ipsemet Deus posterius natura, seu nostro intelligibili more cum fundamento in re sit libere voliturus, eo quod id similiter antequam a Deo statuatur sit determinate verum.

Veruntamen contingentia futura ex natura rei esse determinate vera, & cum Aristotelis doctrina communicare Doctorem sententia, & cum natura ipsa contingentium pugnat, quippe quæ eo ipso ex ipsamet eorum natura indifferentia sunt, ut eorum unumquodque sit, vel non sit, ut ad cap. ultimum primi de interpretatione ostendimus. Quare corruit profecto hoc eorum fundamentum: supra naturamque eorum futurorum contingentium quæ ab arbitrio creato pendent, est, quod Deus ea cognoscat, idque provenit

Futura contingentia non sunt determinata

nit ex infinita & illimitata Dei perfectione, qua altissimo eminentissimoque quodam modo unumquodque arbitrium creatum comprehendit, ut explicatum a nobis est. Quare cum nostrum hoc fundamentum locum non habeat in Deo comparatione libertate determinationis suae voluntatis, quam nulla ratione potest excedere perfectione, atque id quod in Deo comparatione arbitrii creati propter eminentissimam comprehensionem supra perfectionem objecti, necessitate compulsi concedimus, extendendum ad alia non sit, ut paulo antea dicebamus; sane dicendum non est, Deum ante determinationem liberam suae voluntatis cognoscere in quam partem se sit determinatura; sed divinum intellectum in eo priori solum illi ostendere cetera omnia universim, etiam quae per quodcunque creabile arbitrium sunt ex quacunque hypothese rerumque ordine futura, ut ea plenissima deliberatione existente ex parte intellectus, voluntas pro suo arbitratu omnia statuatur ac disponatur, servataque arbitrii creati libertate omnia provideat, & quos voluerit praedestinet, in sempiternamve felicitatem misericorditer perducere statuatur.

Obiectio.

Obijcit fortasse aliquis: Ad cognoscendum satis est proportio inter potentiam & obiectum, ita videlicet ut in potentia sit tanta vis ad cognoscendum, quanta est entitas seu cognoscibilitas objecti: ergo quicumque comprehendit voluntatem aliquam, in ea penetrabit in quam partem pro sua libertate se sit determinatura, ac proinde Deus praecognoscet in quam partem sua voluntas se sit libere determinatura, & praecipue anima Christi scientia beata praetelliget in quam partem tum sua voluntas humana, tum aliae aliorum hominum se sint libere determinaturae: quandoquidem altiori modo per eam scientiam easdem comprehendit, quam illae suapte natura sint cognoscibiles.

Dissolvitur.

Ad hoc argumentum dicendum est, antecedens esse verum de iis quae in objecto cognoscibilia sunt suapte natura, sive entitatis ipsorum: secus; autem de iis quae supra suam naturam ex sola cognoscentis eminentia illimitataque perfectione cognoscuntur, qualia sunt determinatio liberi arbitrii antequam sit, & universim futura omnia contingentia antequam existant: ad haec namque cognoscenda non satis est adequatio

potentiae cognoscentis cum radice contingentiae ipsorum, seu comprehensio talis radicis; sed necessaria est altissima & eminentissima comprehensio huiusce radicis, qualis est in solo Deo comparatione liberi arbitrii suarum omnium creaturarum. Quia ergo in beatis concedenda non est eiusmodi media scientia, dicebamus quaest. 12 art. 8 & aliis in locis, beatos esse solo intuitu divinae essentiae, & determinatione voluntatis divinae, de constituendo libero arbitrio cujusque in aliquo ordine rerum, non posse cognoscere certo futura contingentia quae a tali libero arbitrio dependent; & ideoque manifestationem earum rerum fieri beatis per ostensionem scientiae, quam Deus de eisdem rebus habet, vel aliqua alia ratione arbitrabamur.

His ita explicatis, cum rerum omnium creaturarum, ut saepe dictum est, aliae sint a Deo immediate; aliae intervenitu solum causarum secundarum, quae agunt ex necessitate naturae absque ulla dependentia a libero arbitrio creato; aliae denique quae a libero arbitrio creato emanant, aut ab eo variationem aliquam possunt suscipere; in primis Deus causa fuit, sive particularis, sive universalis rerum omnium primi & secundi generis, per solam scientiam mere naturalem primo loco explicatam, accedente libera determinatione suae voluntatis, qua scientia illa ad productionem illo modo eorum effectuum determinaretur, ut art. 8 explicatum ostensumque est. Scientia namque illa sola rationem habet artis, qua Deus modum atque rationem novit fabricandi res eas illo modo, & providendi singulis ut ad suos fines essent accommodatae; cum vero ars non operetur, nisi determinata per voluntatem artificis executioni mandantis quod arte praescribitur, accedente voluntate divina, qua Deus libere voluit ut illae res essent, scientia Dei naturalis fuit causa earum nostro intelligendi more remota, determinatio vero libera voluntatis divinae proxima ac sufficiens. At licet liberum arbitrium Angelicum & humanum res sint primi generis, quia tamen Deus utrumque condidit, ut in manu consilii sui constitutum, non solum in finem naturalem, sed etiam supernaturalem divina ope pervenire posset, aut ab utroque pro suo arbitratu descedere; plane ut rerum tertii generis,

Deus per scientiam mere naturalem rerum quorum causa fuerit.

Quæ scientia in Deo sit causa causarum rerum, quæ a libero arbitrio creata emanat.

generis quæ a libero arbitrio pendent, Deus causa esset, interdum solum universalis, interdum vero etiam particularis, atque ut circa liberum arbitrium debitam providentiam ad utrumque finem posset exercere, nunc hominem variis eventibus exercendo, nunc defectus illius tolerando & permitiendo nunc illum vocando, eique opitulando, atque illum in bonum promovendo; denique ut quosdam homines aut Angelos posset prædestinare, omniaque in debitos fines ordinare, præter scientiam mere naturalem primo loco explicatam, necessaria etiam fuit scientia illa media, quæ, ex hypothesi quod hunc vel illum ordinem rerum vellet efficere, certo prævideret ea omnia quæ pro libertate arbitrii, tam Angelici quam humani, in unoquoque eorum ordinum essent futura. Rerum ergo tertii generis causa est Deus, interdum universalis interdum particularis; remote quidem, nostro intelligendi more, per utramque scientiam explicatam, proxime vero per determinationem suæ voluntatis, quæ statuens collocare homines & Angelos in eo ordine rerum in quo eos collocavit, simul statuit hoc vel illo modo cum libero arbitrio illorum cooperari. Netamen intelligas causam ullo modo esse peccatorum: hæcenim, quoad culpam & defectum, in solum arbitrium creatam tanquam in causam reducuntur, ut a disputatione 31 ostensum est. Scientiam autem libera qua Deus post determinationem suæ voluntatis absolute & absque ulla hypothesi cognovit quæ eventura erant ex quolibet illorum trium generum effectuum, nullo modo est causa rerum: quoniam scientia illa est post liberam determinationem voluntatis Dei, quæ tota ratio causæ atque principii immediate operandi ex parte Dei completur.

Ex his facile intelligi potest, quamvis Deus nullam scientiam sumat a rebus, sed quicquid cognoscit, id in sua essentia & in determinatione libere suæ voluntatis cognoscat & comprehendat; attamen non quia cognoscit aliquid esse futurum, ideo illud futurum, sed e contrario, quia illud futurum est ex suis causis, ideo cognoscere illud esse futurum. Quia enim res primi generis ex sola libera voluntate Dei, tanquam ex immediata & tota causa, sunt futura, ideo Deus per scientiam

liberam, quæ determinationem illam voluntatis consequitur in Deo, in ea ipsa determinatione voluntatis tanquam in causa quod sunt futura, scit eas esse futuras: non vero e contrario, quia scit illas esse futuras, ideo sunt futura: quandoquidem prius, nostro intelligendi more cum fundamento in re, illæ sunt futura ex determinatione libera voluntatis divinæ, quam id a Deo ex eadem ipsa determinatione sciatur. Quia etiam res secundi generis, partim ex libera voluntate Dei, quæ causas secundas statuit immediate creare, & cum eisdem tanquam universalis causa concurrere, partim ex necessario influxu ipsarummet causarum secundarum ita sunt futura, ut nulla alia causa ejusmodi effectus valeat impedire, utique (præexistente scientia naturali quæ prævidet ejusmodi res necessario esse futuras, ex hypothesi quod causas earum velit creare) præscivit, in determinatione voluntatis quæ illas statuit creare, per scientiam liberam, quæ ejusmodi determinationem consequitur, tales effectus absolute & sine hypothesi esse futuros, quia ex dictis causis erant futuri; non vero e contrario, quia scivit illos esse futuros, ideo futuri sunt ex eisdem causis. Denique quia res tertii generis, cooperantibus tum aliis causis secundis, tum etiam Deo partim ut causa particulari, ex libero arbitrio creato, aut dependenter ab illo, ita sunt futura, ut possint non esse, prævidente Deo per scientiam naturalem & liberam, illas pro libertate arbitrii esse futuras, ex hypothesi quod creare vellet homines & Angelos in eo ordine rerum quo illos collocavit, in determinatione libera voluntatis quæ illos ita creare constituit, scivit per scientiam liberam, quæ determinationem illam consequitur, res illas esse futuras, quia illæ pro libertate arbitrii erant ita eventura: non vero e contrario, quia illas præscivit eventuras, ideo erunt vel fuerunt.

Hoc vero, quod ultimo loco diximus, affirmant etiam omnes illi doctores quos disputatione præcedente citavimus. Dum enim asseverant, libero arbitrio hoc, vel ejus oppositum, indifferenter pro innata sibi libertate in futurum eligente, Deum effecturum ut non aliud ipse ex æternitate præsciverit, manifeste docent, non ideo res esse futuras, quia Deus id præscit, sed e contrario.

In eadem

Scientiam liberam non esse causam rerum.

Futura contingencia non quia sciuntur a Deo quid cognoscit, id in sua essentia & in determinatione libere suæ voluntatis cognoscat & comprehendat; attamen non quia cognoscit aliquid esse futurum, ideo illud futurum, sed e contrario, quia illud futurum est ex suis causis, ideo cognoscere illud esse futurum.

In eadem sententia videntur esse ceteri Doctores scholastici, quamvis, ut verum fatear, contrarium innuere videatur D. Thomas supra art. 8 in responsione ad primum, dum exponit, atque in contrarium sensum reducere conatur, testimonium Origenis mox referendum, quo idem aperte docet.

Patrum testimonium explicita sententia D. Justini.

Idem perspicue asseruit communis sanctorum Patrum sententia. Justinus enim martyr in expositionibus questionum a Gentibus Christianis propositarum, in expositione questionis 58 : de prodicione Judæ & præscientia Dei agens ait : Non causa ejus, quod futurum est, prænotio; sed quod futurum est, prænotio. Neque enim prænotionem sequitur quod futurum est, sed quod futurum est prænotio. Ita fit ut non Christus prodicionis causa sit, sed prodicio causa est Domini prænotionis. Idem dicit esse de præscientia peccati Angelorum & primorum parentum. Quare non loquitur de sola prænotione Christi, qua homo est; hæc enim non antecessit peccata Angelorum & primorum parentum; sed etiam de prænotione Dei, qua Deus est. Non sumit tamen causam pro vera causa : res namque non sunt causæ præscientiæ Christi : neque enim increata præscientia, quam habet quatenus Deus est, nec creata futurorum contingentium, qua præditus est quatenus homo, a rebus ipsis desumitur : sed loquitur de ratione quare illa sit, quatenus respectus rationis, quem scientia divina habet ad res quas novit esse futuras ; pendet ex eo quod illæ ex suis causis sint futuræ, ut explicatum est.

Origen.

Origenes quoque libro 7 in epistolam ad Romanos in illud capitis 8. Quos præcivit & prædestinavit, ait : Non propterea erit aliquid, quia id scit Deus futurum : sed quia futurum est, scitur a Deo antequam fiat. Nam & si (verbi gratia) fingamus, Deum non præcivisse aliquid, futurum sine dubio erat, quod ita, ut puta Judas proditor factus est, & hoc ita futurum prophetæ prædixerunt. Non ergo quia prophetæ prædixerunt, idcirco prodidit Judas; sed quia futurus esset proditor, ea quæ ille propositi sui nequitia gesturus erat, prædixerunt prophetæ : cum utique Judas in potestate habuisset, ut esset similis Petro, aut Joanni, si voluisset; sed elegit pecunie cupiditatem

MOLINA.

magis quam apostolici consortii gloriam : & hanc ejus voluntatem prævidentes prophetæ, librorum tradiderunt monumentis. Ut autem scias non in præscientia Dei unicuique salutis causam poni, sed in proposito & actibus suis, vide Paulum verentem, ne forte cum aliis prædicaverit, ipse reprobus efficiatur, macerare corpus suum, & subicere servituti.

Damascenus in dialogo adversus Manichæos, Quod præscientia, inquit, diabolo minime causa fuerit cur malus fuerit, hinc constat. Nam nec medicus, dum futurum morbum prænoscit, morbo causam affert. Verum morbi quidem causa in præposita & immoderata vitæ ratione consistit : at medici prænotio eruditionis ipsius argumentum est : prænotionis autem causa hæc est, quod ita futurum erat.

D. Jac. Damascen.

Chrysostomus homilia 60 in Matth. super illud Matth. 18 : Vt mundo a scandalis. Non quia futura, inquit, scandala prædixit, idcirco eveniant : sed quod iam omnino ventura erant, idcirco prædixit. Non enim fierent, si nollet ea excogitare nequam homines, atque pestiferi : quod si ventura non fuissent, nec ipse futura prædixisset. Ventura vero erant, quia multi erant graviter ægrotantes qui noluerunt non agere maligne, & ipse quod futurum erat prædixit. Sed si illi curati fuissent, quispiam dicet, ac nemo esset qui scandala faceret, nonne hic sermo falsitatis crimine teneretur ? Certe si curari sanarique omnes voluissent, non dixisset, necesse est scandala venire. Sed quia sua sponte incurabiles futuros prospiciebat, ideo ventura omnino prædixit.

D. Jac. Chrysost.

Hieronymus in illud Isaiæ 16 : Hoc verbum quod locutus est Dominus ad Moab : Non, inquit, quod præscientia Dei causam vastitatis attulerit, sed quod fastitas futura Dei majestati prænota scit. Et in principio capitis 26 Hieremie : Non ex eo quod Deus scit futurum aliquid, idcirco futurum est : sed quia futurum est, Deus novit, quia præscius futurorum. Item in illud Ezechiel. 2 : Et dices ad eos, &c. sic ait : Non quia illa ventura cognoscit, necesse est nos facere quod ille præscit : sed quod nos propria voluntate sumus facturi, ille novit futurum, quia Deus est. Tertio quoque libro dialog. adversus Pelagianos : Non ideo peccavit Adam, quia

D. Hieron.

Gg

quia Deus hoc futurum noverat : sed præciv-
vit Deus quasi Deus, quod ille erat propria
voluntate facturus.

D. August. Augustinus 5 de civitate Dei cap. 10 :
Neque enim, inquit, ideo peccat homo quia
Deus illum peccatum præcivvit : imo ideo
non dubitatur ipsum peccare, cum peccat ;
quia ille, cuius præscientia falli non potest,
non fatum, non fortunam, non aliquid aliud,
sed ipsum peccatum esse præcivvit, qui si
nolit omnino, non peccat : sed si peccare
noluerit, etiam hoc ille præcivvit. Et de
prædestinatione & gratia cap. 15 : vel qui-
cunque autor illius operis erit : Si dicitur
jam Pharaonem non potuisse mutari, quia
eum præcivverat Deus non esse mutandum :
respondetur, Dei præscientiam non cogere
hominem ut talis sit, qualem præcivvit Deus :
sed præstare talem futurum, qualis futurus
est, quamvis eum non sic fecerit Deus.

D. Cyrill. Cyrillus lib. 9 in Joanne cap. 10 : Quo-
niam, inquit, ita nonnulli sponte facturi
erant, ideo præcius Spiritus sanctus futura
prædixit.

D. Leo Pont. max. Leo primus, sermone 16 : Non impius
furentium manus immisit in se Dominus, sed
admisit ; non præsciendo, quod faciendum
esset, egit ut fieret.

*Libertas
arbitrii
contingen-
tiaque ve-
rum cum
divina præ-
scientia qua
ratione co-
hærent.* Ex dictis, tam hac quam præcedentibus
disputationibus, satis, ut credo, est manife-
stum, quam ratione libertas arbitrii nostri,
contingentiaque rerum cum divina præscien-
tia coherant. Cum enim res, quæ a nostro
arbitrio emanant, aut ab eo pendent, non
ideo sint futurae, quia a Deo præcognoscun-
tur futurae ; sed e contrario, ideo a Deo præ-
cognoscantur hoc vel illo modo futurae, quia
ita pro libertate arbitrii sint futurae ; quod
si contrario modo, ut possunt, essent futu-
rae, contrario etiam modo, & non eo quo
re ipsa sciuntur, præcognoscerentur ex ater-
nitate futurae, imo vero cum scientia, qua
Deus absolute novit has vel illas res esse futu-
ras, non sit causa rerum, quin potius, posito
ex libera determinatione voluntatis divinæ
hoc ordine rerum quem cernimus, perinde
a suis causis (ut Origenes & alii Patres adno-
tarunt) effectus eveniant, a naturalibus qui-
dem naturaliter, a liberis libere & in utram-
vis partem contingenter, ac si in Deo nulla
esset præscientia circa eventus futuros ; sit
plane, ut præscientia Dei, per quam ob infi-

nitam omnique ex parte illimitatam perfe-
ctionem & acumen sui intellectus certo pene-
trat quid causæ liberæ posite in quocunque
ordine rerum sint futurae, cum re ipsa, si
velint, possint contrarium efficere, nullum
omnino præiudicium libertati arbitrii &
contingentiae rerum afferat ; sed perinde,
existente etiam eadem scientia, libertas arbi-
trii, rerumque in utramvis partem contin-
gentia salva maneant, ac si talis præscientia
non esset. Id quod præter Boetium quinto
de consolatione prosa ultima, & multos alios,
Augustinus tertio de libero arbitrio cap. 4 :
cum Evodio disputans egregie docet. Cum
enim Evodius ab Augustino peteret, qua-
nam ratione præscientia Dei & liberum arbi-
trium humanum consentirent ; quandoque
idem quod Deus futurum præscit, id utique
necessario fieri debeat, ait Augustinus : Unde

tibi videatur adversum esse liberum arbitrium
nostrum præscientia Dei ? quia præscientia
est, an quia Dei præscientia est ? Evodius :
Quia Dei potius ? Augustinus : Quid ergo,
si tu præcires peccatum esse aliquem, non
esset necesse ut peccaret ? Evodius : Imo
necesse esset ut peccaret. Non enim aliter
esset præscientia mea, nisi certa præciserem.
August. Non igitur quia Dei præscientia
est, necesse est fieri quæ præciserit, sed tan-
tummodo quia præscientia est : quæ si non
certa prænoſcit, utique nulla est. Evodius.
Consentio : sed quorsum ista ? Tunc August.
Quia, nisi fallor, non continuo tu peccare
cogeres quem peccatum esse præcires ;
neque ipsa præscientia tua peccare eum co-
geret, quamvis sine dubio peccaturus esset :
non enim aliter id futurum esse præcires.
Sicut itaque non sibi adversantur hæc duo,
ut tu præscientia tua noveris, quod alius sua
voluntate facturus est : ita Deis neminem ad
peccatum cogens, prævidet tamen eos qui
propria voluntate peccabunt. Cur ergo
non iudicet iustus quæ fieri non cogit præ-
scius ? Sicut enim tu memoria tua non cogis
facta esse quæ præterierunt : sic Deus præ-
scientia sua non cogit faciendæ quæ futura
sunt. Et sicut tu quædam quæ nosti memi-
nisti, nec tamen quæ meministi omnia fecisti :
ita Deus omnia, quorum ipse auctor est, præ-
scit, nec tamen omnium, quæ præscit, ipse
auctor est. Quorum autem non est malus
auctor, iustus est ultor. Hinc ergo jam
intellige,

intellige, quia iustitia Deus peccata puniat, quia, quæ novit futura, non fecit. Nam si propterea non debet retribuere supplicium peccantibus, quia prævidit peccaturos; nec recte facientibus debet præmia retribuere, quia & recte facturos nihilominus prævidet. Imo vero fateamur ad præscientiam ejus pertinere, ne quid cum fateat futurum; & ad iustitiam, ut peccatum, quia voluntate committitur, ita iudicio ejus impune non fiat, sicut præscientia non cogitur fieri. Hæc Augustinus.

Superest ex hæcenus dictis admoneamus, quamvis verissime a Theologis dicatur, stante scientia, quod Petrus crastina die sit peccaturus, Petrum in sensu diviso posse non peccare, non tamen in sensu composito; duos nihilominus extremos errores esse circa utrumque vitandos. Unum, circa sensum divisum, quem jam disputatione præcedente impugnavimus, videlicet, ne earatione credamus posse in sensu diviso non peccare, quasi quicquid indifferenter in futurum Petrus fecerit, Deus in futurum etiam indifferenter sit effecturus, se non aliquid, quam illud idem ex æternitate scivisse: id namque est tollere certitudinem & determinationem scientiæ divinæ circa futura contingentia antequam eveniant, quod cum nobilitate divinæ scientiæ aperte pugnat, indeque absurda maxima sequuntur, ut ibidem ostensum est. Quare concedendum est ex æternitate firmum fundamentum jam stare; novit Dominus qui sunt ejus. Alterum, circa sensum compositum, videlicet, ne affirmemus ex eo, quod jam præexistit scientia divina, Petrum re ipsa non posse non peccare, quasi aliquid libertatis & facultatis ad re ipsa non peccandum, si velit, ob præexistentem scientiam divinam amiserit. Ejusmodi enim sensum non dubitare appellare errorem in fide: etenim ita re ipsa in potestate ipsius esse collocatum; præexistente etiam ipsa scientia, non peccare, & ita potest continere re ipsa actum, per quem præcitus est peccaturus, ac si non extitisset ea scientia, ut explicatum est: quare sensus ille non est de mente Theologorum. Ea ergo ratione verissime dicunt, existente scientia divina non posse Petrum in sensu composito non peccare, quia illa duo, quod Petrus non peccet, & Deus sciat illum peccaturum, non

possunt simul coherere. At si, ut nunc re ipsa potest, non esset peccaturus, non extitisset scientia illa in Deo: atque ita, nihil omnino impediens scientia, quæ, si Petrus, ut potest, non esset peccaturus, non extitisset, potest modo in sensu diviso non peccare, non secus ac posset si talis scientia non præextitisset.

Ad primum ergo argumentum initio propositum, in primis, quod ad majorem attinet, dicendum, eam esse veram, si intelligatur tum de causa, tum simpliciter, non vero de tota in aliquo gradu causæ, nimirum universalis, ut disputatione 26 explicatum est, tum de causa necessaria, quæ non solum necessario existat, sed etiam necessario operetur: a tali namque causâ effectus necessarius proficiscitur. Quod vero ad priorem partem minoris attinet, si sit sermo de scientia libera Dei, quæ absolute & absque hypothese ab eo cognoscuntur futura contingentia, negandum est eam esse causam futurorum contingentium, ut ex dictis hoc articulo & art. octavo satis constet. Si vero sit sermo de scientia Dei, tam naturali, quam de illa alia media, quæ ante omnem suum actum liberum futura contingentia cognoscit, non secundum esse futurum simpliciter, sed secundum esse futurum ex hypothese quod velit condere hunc vel illum ordinem rerum in quo sint hæc vel illæ creaturæ libero arbitrio præditæ, concedendum erit esse causam futurorum contingentium, non tamen totam, quippe cum eorum futurorum contingentium, quæ ab arbitrio creato pendent, liberum etiam ipsum arbitrium sit pars integræ causæ, a quo non solum habent ut sint aut non sint, sed etiam ut sint potius hæc quam illa. Quod vero ad posteriorem partem minoris attinet, dicendum est: Quamvis ejusmodi scientia, tum quoad eam partem quæ naturalis est in Deo, tum quoad eam quæ aliter se haberet in Deo, sit liberum arbitrium creatum pro sua innata libertate, ut potest, in oppositam partem foret inflectendum, sit necessaria postquam semel concepta est, non tamen necessario producere futura contingentia, sed dependenter, tum a libera determinatione voluntatis divinæ, tum etiam a libera electione arbitrii creati, quia hanc potius quam aliam partem contradictionis amplectitur: a determinatione vero libera

Ad priorem
tamen initio
questionis
propositum.

Sensus
compositus
& divisus
explicatur.

hujusmodi partium unius integræ causæ possunt effectus sortiri contingentiam, non obstante necessitate prædictæ scientiæ, ut hoc loco in responsione ad primum D. Thomas docuit.

*Pro soluti-
one secundi
nonnulla
Necessari-
um ex sup-
positione.*

Pro solutione secundi argumenti sciendum est, propositionem aliquam, quæ spectatis naturis extremorum ac causis, seu Principio a quo conjunctio prædicati cum subiecto emanavit, est mere contingens, interdum fieri absolute necessariam ex conditione aliqua, non quidem quæ sitatur inesse, neque quæ, cum inesse & non inesse possit, ponatur tamen inesse, sed quæ ita jam re vera inest, ut contradictionem implicet conditionem tolli. Licet enim duo priora genera conditionum solum efficiant necessitatem secundum quid atque ex hypothesi, quo pacto & equum habere alas si volat, & omne quod est ex hypothesi quod sit, necessarium est esse: tertium tamen genus conditionis efficit necessitatem absolutam, a necessitate secundum quid si ex sola hypothesi distinctam. In hoc igitur sensu, licet Adamum fuisse, fuerit absolute contingens; eo quod libere a Deo fuerit productus; eo tamen ipso quod in rerum natura fuit, jam hodie ita necessarium est fuisse, ut contradictionem implicet non fuisse; cum nulla ratione jam tolli possit aut impediri quin fuerit. Eodem etiam modo, licet contingens fuerit, Deum præscire Antichristum tali puncto temporis peccaturum, quia si, ut poterit, non esset peccaturus, Deus id non præcivisset; eo tamen ipso quod ex æternitate id prævidit futurum, contradictionem implicat modo id non præcivisse: tum quod ad præteritum non sit potentia; tum etiam quod in Deum nulla possit cadere mutatio. De hoc genere absolute necessitatis intelligendus est D. Thomas hoc loco in responsione ad secundum, dum ait, nec & similes propositiones de præterito veras esse absolute necessarias.

*Scientia di-
vine certi-
tudo mod.*

Sciendum est deinde, quod etiam ex dictis satis aperte colligitur, peculiare quid esse scientiæ divinæ eorum contingentium quæ ab arbitrio creato pendent. Deum ex acumine quidem ac summa perfectione sui intellectus præcognovisse quid esset futurum, quia ita per arbitrium ipsum pro sua innata libertate esset futurum, & si, ut potest, futurum esset oppositum, id ipsum præcivisset: quare,

quod in se erat incertum, scivit certo, non certitudine quæ proveniret ex objecto, sed ex acumine & summa perfectione sui intellectus; dependenter tamen ex eo quod ita per arbitrium ipsum futurum esset.

His ita constitutis, ad argumentum neganda est major, quando antecedens sola necessitate proxime explicata est absolute necessarium, & conceptio formata est dependenter ex eo quod ita res libere contingenter esset futura, contrarioque modo efformanda foret, si res, ut potest, contrario modo esset futura; certitudinemque habet non ex objecto, sed ex solo acumine & immensa perfectione concipientis. Tunc enim esto conditionalis sit necessaria, quia in sensu composito coherere non possunt ista duo, quod Deus aliquid præsciat futurum, & illud non eo modo eveniat; & esto antecedens illo modo sit necessarium, quia præteritum, & quia in Deum nulla possit cadere vicissitudinis obumbratio; nihilominus consequens potest esse mere contingens. Ad illam vero probationem majoris qua infertur; alioquin in bona consequentia esse posset antecedens verum & consequens falsum; negandum est id sequi. Etenim, si, ut potest, futurum esset oppositum consequentis, nunquam præcivisset illud antecedens, quod ideo ita acumine & perfectione divini intellectus conceptum est, quia res, cum posset aliter evenire, ita erat eventura. Quare nunquam datur antecedens verum & consequens falsum. Quo fit, ut consequens illud, posito eo antecedente ut re vera est, solum sit necessarium necessitate consequentiae, qua optime ex eo infertur: non vero necessitate consequentis; quoniam conditio, illa non ut reddat antecedens illo modo absolute necessarium, ita reddit consequens, quod nullo modo afficit, sed & esse & non esse simpliciter potest: si tamen non esset futurum, ut potest, nunquam præcivisset antecedens illud, neque proinde in eo conditio illa reperiretur, quæ ex solo acumine & perfectione divina provenit.

Ad tertium, si in majori sit sermo de necessitate consequentia, quatenus consequentia hæc est necessaria; hoc vel illud Deus scit futurum, ergo futurum est, concedenda est. Si vero in ea sit sermo de necessitate consequentis, quasi necesse sit, rem scitam a Deo futuram, esse secundum seipsam necessariam

*Solutio
cuius
modi.*

*Ad
tertium.*

aut

aut certam, neganda est. Ad probationem vero, si ea intelligatur de necessitate consequentis, quasi sit sensus; omne quod ab hominibus scitur, est necessarium necessitate consequentis, aut saltem certum secundum se, (sumpto vocabulo scientiæ latius ut comprehendit etiam cognitionem certam de complexionibus contingentibus sensuum experimento comprobata) ergo omne quod a Deo scitur futurum, erit etiam necessarium necessitate consequentis, aut saltem secundum se certum, quippe cum scientia Dei sit multo certior quam nostra; neganda est consequentia. Ratio autem est, quoniam scientia nostra nullam habet certitudinem ex perspicacitate & altitudine cognoscens supra res cognitæ, quasi certius perspiciamus res quam res sint in seipsis & ex sua natura: quæ de causâ certitudinis scientiæ nostræ pendet ex necessitate, aut certitudine objectorum secundum se, neque potest esse maior in scientia nostra, quam in objectis secundum se reperitur. At vero scientia divina ex acumine ac altitudine cognoscens, qui in objecto secundum se incerto perspicit certo quid futurum sit, habet maiorem certitudinem secundum se quam sit certitudo objectorum. Atque hæc est ratio, quare in solo Deo, non in hominibus, scientiam futurorum contingentium ponamus, ut quæst. I hujus primæ partis dictum est. Pro nobis ergo pugnat, scientiam Dei esse certiorē nostrā: inde enim aperte infertur, non esse parem rationem, si nostra scientia non potest haberi nisi de objecto jam secundum se certo; ita nec Deus suam scientiam nisi de simili objecto habere possit. Quia enim ejusmodi contingentia futura incerta objecta in se sunt, Deus tamen altitudine & eminentia sui intellectus certissime ea cognoscit, ac proinde propriissime de eis, supra naturam ipsorum, scientiam habet; regius propheta, qui dono prophetiæ quorundam illorum revelationem acceperat, Psalm 50 cum Deo agens dicebat, Incerta & occulta scientiæ tuæ manifestasti mihi: incerta dixit, vim, naturamque revalorum exprimens; scientiæ vero tuæ addidit, propter certissimam, omnique ex parte infallibilem de illis, ex altitudine, eminentia, infinitaque perfectione divini intellectus cognitionem. Scio Hebræum textum non habere duo illa verba, sed unum solum quod

occulta atque abdita significat, ac proinde incerta hoc loco juxta Hebræum textum intelligenda esse nobis, five in se incerta etiam sint, five non. Ceterum doctrina a me hæc in re tradita, vera in se est. Atque illo modo transtulisse septuaginta interpretes, & juxta illos habere editionem vulgatam, non parum eandem doctrinam corroborat.

Ad quartum, si illud antecedens, nihil futurum præcognitum a Deo potest non evenire, intelligatur in sensu composito; concessio antecedente, neganda est consequentia. Ad probationem vero dicendum, ut aliquid simpliciter sit futurum contingens, satis esse quod in sensu diviso possit esse & non esse: quandoquidem si non esset futurum, ut, nihil impediens præscientia divina, re ipsa potest, non præcelsisset præscientia illa divina cum qua non coheret non evenire. Si vero antecedens illud intelligatur in sensu diviso, negandum est. Deinde ad probationem illam, si quod a Deo præcognitum est eventurum, non eveniret, Deus re ipsa falleretur, ergo si stante scientia posset non evenire, Deus re ipsa posset falli; respondendum est in primis, si tam antecedens quam consequens intelligantur in sensu composito, concedenda esse: neque enim deserviunt ad probandum illud aliud antecedens in sensu diviso, neque nos dicimus, stante scientia, posse in sensu composito non evenire. Quoniam vero dicimus, præscientiam, quæ actu existit, nihil omnino impedire quin possit aliter evenire, atque ita, nihil impediens scientia, posse in sensu diviso non evenire, quia si non esset eventurum, ut re ipsa potest, nunquam talis scientia præextitisset, admissio antecedente illius probationis, neganda est consequentia. Quoniam cum hoc, quod est posse actu non evenire, stat absque ulla fallentia eventurum esse, ut est præcognitum: quoniam si non ita esset eventurum, ut re ipsa potest, nunquam Deus præcognovisset illud eventurum. Cum præscientia ergo illa divina pugnat quidem esse aliter eventurum, sed stat optime posse simpliciter aliter evenire: veruntamen si esset aliter eventurum, non fuisset illa præscientia, quæ nullam necessitatem aut certitudinem consequentis ponit rebus futuris, sed tam incertas illas relinquit secundum se, & comparatione suarum causarum, ac si nulla esset talis præscientia.

Ad quartum.

Ad quintum.

Ad quintum neganda est major. Ratio est illa, quam in responsione ad tertium reddimus. Cum enim scientia & cognitio nostra non habeat maiorem certitudinem, quam sit certitudo objecti secundum se spectati, utique si haberemus certam scientiam de futuris contingentibus, propositionesque earundem rerum determinate essent veræ, id ex eo esset, quia ipsæ secundum se certo & determinate essent futuræ; quod non alia ratione esse posset, nisi quia res secundum se essent necessariæ necessitate consequentis. Cum vero scientia divina, ex acumine & perfectione scientis, de futuris etiam contingentibus, in quibus nulla est certitudo ex se & ex suis causis, sit certissima, ut sæpe explicatum est, sit, ut ex eo quod futura contingentia certo cognoscuntur a Deo, non sequatur, necessario ex natura rei esse eventura, ut sequeretur si cognitio nostra de iis rebus esset certa, aut propositiones, quas de eisdem formamus, essent determinate veræ.

Ad sextum.

Ad sextum negandum est antecedens. Ad probationem, concessa majori, nempe illam esse necessariam & optimam consequentiam; Deus ex æternitate præcivit Petrum peccaturum cras, ergo Petrus cras peccabit; ad minorem, si sensus illius sit, in cuius potestate non est tollere antecedens bonæ consequentiæ, non est tollere, hoc est, non ponere consequens quod ex tali antecedente sequitur ponendum esse (in hoc enim tantum sensu minor deseruit argumento, eo quod Petrum non peccare cras, ut est præcognitum a Deo, non sit Petrum tollere aliquid, sed non ponere peccatum quod ex illo antecedente necessario sequitur ponendum) neganda est, quando si non esset futura positio consequentis, ut potest non fore, nunquam Deus præcivisset Petrum peccaturum, atque adeo non fuisset antecedens. Quare licet neque in potestate Petri, neque ipsius Dei, sit jam nunc efficere ut in Deo non fuerit talis præscientia, est tamen in potestate Petri, etiam nunc, id efficere (hoc est, non peccare) quod si, ut potest, esset facturus, non fuisset unquam illud antecedens. Quo fit, ut, ex potentia Petri ad non peccandum, non sequatur posse dari in bona consequentia antecedens verum, & consequens falsum: quoniam si non esset peccaturus, ut potest, antecedens illud nunquam omnino fuisset.

Ex iis quæ hæcenus diximus, satis arbitror esse perspicuum, libertatem arbitrii nostri, & contingentiam rerum, cum divina præscientia apprimè convenire, nec eam aliquo modo in causa esse, quominus Deo optulante, qui quantum cuique opus erit semper præstabit auxilium, in potestate nostra sit peccata omnia lethalia vitare, ab eisdem post lapsum resurgere, vitam æternam consequi, vel amittere, per nos quemetipsos stare, si illam non consequamur: non secus ac si in Deo nulla esset præscientia futurorum. Quare cum non aliter Deus præsciat ea, quæ ad nostram salutem, aut condemnationem, quam quæ ad alios effectus contingentem futuros spectant, neque ex divina præscientia maiorem necessitatem illa quam hæc consequantur, profecto etiam insane mentis reputaretur agricola, qui de divina præscientia sollicitus segetis redderet ut semina terræ mandanda, eaque ratione ductus, quod Deus ex æternitate omnia præsciat, & ut illa præcivit ita eventura sint, vel semina terræ non mandaret, vel minus quam aliqui foret mandaturus, quoniam, nihil impediens aut conferens præscientia, ut sementem fecerit, ita metet; quo enim plus seminis terræ commiserit, eo plus metet; quod si nihil seminaverit, nihil colliget; quod postea non divine præscientiæ, sed suæ stultitiæ ac culpæ tribuere debet: sed etiam multo dementior censendus is est, qui de divina præscientia sollicitus, simili ratione ductus ad recte operandum, vim sibi inferendum, vincendas tentationes, præstandumque ea quæ ad majus beatitudinis præmii consequendum necessaria sunt, remissior ac segnior fuerit; neque postea præscientiam & prædestinationem divinam, sed se ipsum incusare debet. Maxime cum agricola vel adverso cæli sydere, vel fortuitis eventibus perdere laborem queat; ipse vero non alia ex causa, quam voluntate sua, laborum suorum fructu possit frustrari: quin potius semper Deum eo ad majora dona largienda paratiorem ac promptiorem experietur, quo se ipse magis strenue ad illius obsequium accinxerit. Quod de agricola adhiberi potest exemplum, accommodari etiam poterat, tum agro, qui, fretus Deum futura præscire, nollet morbo adhibere remedia; tum militi, qui eadem ratione ductus, procederet ad pugnam nullo armorum

*Concluditur
consequens
libertatis
arbitrii
& contingentie
rerum cum
divina præ
scientia.*

armorum praesidio munitis, tum infinitis aliis. Quare, nihil omnino de divina praesentia solliciti, juxta consilium Divi Petri, satagamus ut bonis operibus certam nostram vocationem faciamus. Quemadmodum enim diabolus, qui longe melius quam nos novit Deum omnia praescire, nihil de divina praesentia sollicitus, nullum non movet lapidem, diligentissime obambulat, & circuit terram, quarens quem devoret: ita & nos liberati omni cura de divina praesentia, Dei freti auxilio, nostram salutem diligentissime operemur; ita enim fiet, ut absque ullo dubio sempiternam felicitatem consequamur. Atque hac in re satis cuicunque esse deberet, ante mentis oculos constituere, Deum esse Deum, hoc est, infinitam sapientiam, bonitatem, &c. ut in his, quae supra multorum captum sunt, secure se ipsius bonitati ac providentiae committeret, satageretque pro sua virili parte quae ipsius sunt cum divina ope diligentissime praestare.

De praefinitionibus, & unde certitudo divina scientia circa futura contingentia oriatur.

APPENDIX.

DISPUTATIO LIII.

Ut dilucidior haec disputatio sit, ac ne longitudine fastidium pariat; secunda erit in quatuor Membra.

Aliorum de utraque re sententia.

MEMBRUM I.

Quidam, ut tales Dei praefinitiones ad omnes actus liberi arbitrii non malos inducant ac tueantur, quae arbitrii libertatem ad eodem actus de medio tollunt, scientiam illam mediam, quam disputatione praecedente, & aliis antecedentibus statuimus, atque ex suis principis deduximus, testimoniisque scripturarum ac sanctorum Patrum, imo & Scholasticorum corroboravimus (tamen non eo nomine eam appellant) impugnant, ac totis viribus dissuadere conantur.

Contendunt namque, ut omnia universim (exceptis actibus peccatorum) certo futura sint, aut certo non sint futura, pendere a sola libera praefinitione voluntatis divinae. Atque inde ulterius volunt, quemadmodum in Deo comparatione omnium, quae ab ipso solo immediate emanant, itemque comparatione

eorum, quae mere ex necessitate naturae inde ulterius proficiuntur, non datur, nisi scientia mere naturalis, quae antecedit liberum actum voluntatis divinae, & scientia mere libera, quae eundem actum consequitur, sic etiam rem habere in his futuris contingentibus, quorum radix contingentiae proxima est liberum arbitrium creatum, dummodo mala moralia non sint. Unde volunt, quod quemadmodum ea quae a solo Deo immediate producuntur, aut ulterius ex eis solis naturae necessitate proficiuntur ante liberum actum voluntatis divinae, solum cognoscuntur mere naturaliter in ratione tantum possibilem; accedente vero praefinitione divina, libero actu voluntatis divinae, quo Deus eas solas producere statuit, aut cum eis generali concursu in ea influere, quae inde ulterius proficiuntur, in ea ipsa praefinitione, actu libero voluntatis, libere cognoscuntur certo futura: sic etiam ea omnia, quae pendent a libero arbitrio creato, tam Angelico quam humano, & moraliter mala non sunt, sive ad illa cooperetur Deus peculiari ac supernaturali auxilio, sive solo generali, ante divinam praefinitionem, actu libero voluntatis divinae, quo statuit, & creare arbitrium, & illud in tali ordine rerum collocare, atque naturaliter, vel supernaturaliter, tali vel tali modo illud adjuvare, & cum eo concurrere, solum ea cognoscere scientia mere naturali, nulla vero ratione, etiam ex hypothesi, scientia illa nostra media quae potuerit non esse in Deo; eo vero ipso, quod omnia, quae commemorata sunt, praefinivit, certo libera scientia in sola atque ex sola illa praefinitione cognovisse ea futura: quoniam voluntas illa, seu praefinitio Dei ita cooperandi cum libero arbitrio creato, est voluntas Dei efficax, ut unumquodque eorum futurorum contingentium sequatur; & concursus, quo statuit ex parte sua eo modo cooperari in tempore, sive is naturalis sit, sive supernaturalis, est concursus efficax, ac proinde existente tali praefinitione divina non potest in sensu composito non sequi effectus; tamen subjungant, posse in sensu diviso non sequi. Unde hi auctores, non solum supernaturalia Dei auxilia dividunt in ea, quae efficacia ex se & ex natura sua sint ad movendum arbitrium creatum, & in ea, quae ex natura sua ad id sint inefficacia, sed etiam auxilia

auxilia & concursus Dei naturales ad actus non malos liberi arbitrii dividuntur similiter. Atque ita volunt, præsentem auxilio aut concursu Dei efficaci, certo sequi consensum, effectumque non malum liberi arbitrii, ad quem Deus arbitrium movet: illo autem absente, etiamsi adsit auxilium seu concursus ex se inefficax, certo non sequi. Immo volunt, sequi solum tam intensum actum liberi arbitrii, quam intensum fuerit auxilium, seu concursus efficax, quo a Deo ad talem actum arbitrium movetur, ita ut certitudo tota, tum quod hic & nunc sit actus, tum etiam, quod sit tam intensus aut remissus, proveniat ex qualitate concursus, quo a Deo arbitrium movetur, & cum illo cooperatur. Juxta hoc consequenter volunt, totam certitudinem scientiæ divinæ circa hæc futura contingentia, quod futura sint, aut non sint, pendere solum a prædefinitione illa, qua Deus statuit, hoc vel illo modo cooperari cum libero arbitrio, illudque movere ad actus non malos: quia si statuit illud movere auxilio ex se efficaci, certo & infallibiliter consentiet, & eliciet actum; eo quod voluntas illa divina sit efficax, ut sit talis actus, quæ proinde frustrari non potest. Si vero statuit non ita illud movere, esto decreverit movere auxilio ex se non efficaci, certo & infallibiliter non consentiet, neque eliciet actum; quippe voluntas illa inefficax sit, ut is actus sequatur. Quare existente sola scientia naturali Dei, qua Deus novit ea omnia, quæ possibilia erant per arbitrium creatum, eo ipso quod Deus prædefinivit, seu ex æternitate statuit, hoc vel illo modo in tempore cooperari, & movere seu determinare arbitrium efficaciter, hoc est, auxilio seu concursu ex seipso efficaci, novit certo & infallibiliter in ea ipsa atque ex ipsa præfinitione, qui actus liberi arbitrii non mali essent futuri, sine scientia media, qua prævideret ex hypothesi quod ita vellet illud movere & coadjuvare, quid esset futurum: quoniam in sensu composito, eo ipso, quod ita statuit illud movere & determinare ad actum, non potest liberum arbitrium non elicere talem actum; neque quod motio illa & concursus Dei, quem in tempore exhibebit, efficax sit, ullo modo pender a libero arbitrio, quasi in potestate arbitrii sit indifferenter illi consentiendo, aut non consentiendo, efficax aut inefficax illud reddere.

Consequenter ad ea quæ hæcenus dicta sunt, ulterius volunt, ante æternam Dei prædestinationem nostro intelligendi modo præcedere in Deo electionem quorundam ad æternam beatitudinem voluntate absoluta & efficaci, ante ullam prævisionem mediorum & usus liberi arbitrii, etiam ex hypothesi futuri; itemque præcedere rejectionem ceterorum voluntate similiter absoluta, prædestinationem vero adulti positam esse volunt in præfinitione seu vocatione conferendi auxilia efficacia, quibus ita arbitrium creatum determinetur, ut certo certitudine præveniente ex qualitate auxiliorum exequatur opera, in eisque perseveret, quibus ad vitam æternam deveniat, unde totam certitudinem, quod talis bonus usus liberi arbitrii sit futurus, & consequenter quod futura sint ea bona opera, in eisque perseverandum sit usque ad finem vitæ, reducant in efficacitatem auxiliorum, & per consequens in præfinitionem seu æternam Dei voluntatem absolutam & efficacem conferendi ea auxilia in tempore. Atque inde provenire affirmant totam certitudinem & infallibilitatem scientiæ liberæ, qua Deus post eam præfinitionem cognoscit futura esse ea opera, bonumque usum liberi arbitrii; non vero ex aliqua etiam scientia media, qua altitudine sui intellectus ante eam præfinitionem penetraverit quid futurum esset per arbitrium sub eis auxiliis, quasi statuente Deo ita ex sua parte opitulari, possit per arbitrium creatum esse oppositum, & si futurum esset, id præcivisset. Quia enim negant liberum arbitrium sub eis auxiliis, stanteve ea præfinitione Dei æterna, posse in sensu composito oppositum, consequenter negant scientiam mediam, qua indifferenter Deus cognoscere potuerit unum vel alterum esse futurum pro solo creati arbitrii libertate ex hypothesi quod ex sua parte vellet eo pacto auxiliari.

Juxta eadem fundamenta etiam docent, omnem actum seu effectum liberi arbitrii non malum, ita provissum esse a Deo in plurali, ut certo & infallibiliter sit futurus, ex solo ordine divinæ providentiæ seu præfinitionis, ut sit in singulari: stomachanturque adversus eos, qui contrarium affirmant. Censent namque hi auctores, nullum ejusmodi actum, etiamsi is mere naturalis sit, atque ex se indifferens, ut bonus sit moraliter, & facillimus ut exerceatur, esse posse sine concursu

concurſu Dei, ex natura ſua efficaci, quo arbitrium præmoveatur, atque ad eum producendum determinetur, præſenteque eo concurſu & præmotione Dei, non poſſe arbitrium in ſenſu compoſito non conſentire, & producere illum: eaque de cauſa volunt, quod quia Deus ad quemcunque ejuſmodi actum ſeu effectum liberi arbitrii providit ex æternitate de ejuſmodi præmotione efficaci, & determinatione liberi arbitrii, præſiniendo illam conferre, unusquiſque eorum eſt certus & inſallibilis ex tali præſinitione ordineve divinz providentiæ.

Movement iudem auctores quæſtionem, utrum Deus cognoſcat futura fuiſſe ea contingentia, quæ nunquam erunt, de quibus ſcriptura commemorat futura fuiſſe ex quadam conditione quæ neque exiſtit, neque exiſtet: eaque proinde hi auctores appellant futura contingentia conditionata. De horum numero ſunt illa, de quibus diſputatione 49. mentionem fecimus, nempe poenitentia Tyriorum & Sidoniorum, ſi apud eos factæ fuiſſent virtutes quæ Corozain & Bethſaida factæ ſunt: deſenſus Saulis in Ceilam: tradendumque Davidem in manus Saulis, niſi David inde auferret: & juſtos aliquos lapſuros in peccata leſthalia, niſi morte de hoc ſeculo nequam miſericorditer a Deo præriperentur.

Reſecta vero tanquam periculofa ſententia eorum, qui negant Deum cognoſcere futura ea fuiſſe ex hypotheſi ſeu conditione, merito hi auctores partem tumentur contrariam. Addunt tamen, quia nunquam futura erant, Deum ſolum cognoſcere ea, ut poſſibilia, perinde atque cætera quæ eſſe poſſunt & futura non ſunt. Renuunt namque concedere medium inter futurum ſimpliciter & poſſibile merum, idque ut medium ſcientiam effugiant: cum tamen in re propoſita, niſi incidere velint in periculofam aliorum ſententiam, quam rejiciunt, & manifeſte verbis Chriſti Matthæi 11 repugnare velint, medium illud ſit concedendum, nempe futurum ex illa conditione, quod proximus accedit ad futurum ſimpliciter, quam ſi futurum ex eadem conditione non eſſet, ſolumque ea hypotheſi data eſſet poſſibile. Etenim cum poſſibilis eſſet poenitentia tam Tyriorum & Sidoniorum quam habitatorum Corozain & Bethſaida, & ex hypotheſi

quod eadem virtutes utrobique fierent, aſſeruerit Chriſtus poenitentiam Tyriorum & Sidoniorum futuram fuiſſe: cum tamen poenitentia habitatorum Corozain & Bethſaida ex eadem hypotheſi non fuerit, ſed ſolum permanſerit intra limites rei poſſibilis; ſane concedendum eſt medium quod intendimus inter futurum ſimpliciter & mere poſſibile: quod quia in Tyriis & Sidoniis, data ea hypotheſi, proveniebat ex minore duritie & culpa proprii arbitrii, quam fuerit culpa & durities habitatorum Corozain & Bethſaida, idcirco Chriſtus ea in parte prætulit Tyrios & Sidonios habitatoribus Corozain & Bethſaida, tolerabilisquæ dixit futurum illis in iudicio, quam his aliis. Dixi, concedendum eſſe illud medium, niſi incidere velint in periculofam ſententiam, quam rejiciunt, quoniam aſſerentes periculofæ illius ſententiæ ſane non negabant Deum cognoſcere ut poſſibilia ejuſmodi futura conditionata, ſed ſolum ut media inter futura ſimpliciter, & mere poſſibilia per facultatem arbitrii, hoc eſt, ut futura, non ſimpliciter, ſed ſecundum quid, videlicet ex hypotheſi illa nunquam futura.

Quo loco obſerva, auctores, cum quibus diſputamus, cum certitudine totam, quod contingentia ſint futura, referant in concurſum ſeu auxilium efficac, atque in præſinitionem divinam illud conferendi; ſola autem virtutes, quæ Corozain & Bethſaida factæ ſunt, non ſunt ex ſe auxilium efficac, eo quod habitatores eorum locorum non fuerint illis converſi: utique conſent, atque, ſi eorum verba expendas, volunt ex illa ſola hypotheſi, neque habitatores Tyri & Sidonis fuiſſe convertendos, ſed ex eo fuiſſe convertendos, quia ſimul Deus præſiniviſſet conferre illis auxilium efficac; quod ſi ſimiliter conferre præſiniviſſet habitatoribus Corozain & Bethſaida, hi etiam converterentur. Unde vides, ut effugiant ſcientiam mediam, conſtituantque concurſum ſeu auxilia ex ſe efficaci, atque præſinitiones, quales exſpicatæ ſunt, deſendant, enervare atque pervertere verba illa Chriſti Matthæi 11: Si namque ex hypotheſi, quod virtutes illæ factæ fuiſſent in Tyro & Sidone, converſi non fuiſſent Tyrii & Sidonii, niſi ultra illas Deus conferre illis præſiniviſſet auxilium aliud ex ſe efficac, quod illis non fuit collatum, &

Hh

cum

Conditio
nata futu-
ra contin-
gentia quæ.

Cognoſcen-
tur a Deo.

Qualiter
ſolus quo-
rundam
ſententia.

MOLINA.

cum quo viri Corozain & Bethsaida converterentur, si ipsis similiter esset præfinitum: quid, quæso, est, quod Christus viris Corozain & Bethsaida improperat, cum Tyrri & Sidonii non minoribus auxiliis, quam ipsi, ad suam conversionem egerint? & utriusque quantum ex se est, juxta horum Doctorum sententiam, pares sint, ut convertantur, aut non convertantur, nec plus a quorundam arbitrio quam aliorum id pendeat? Legitimam vero illorum verborum expositionem tradimus disputatione 40 ubi ostendimus, auxilia gratiæ non habere ex sua natura quod efficacia sint aut non sint, sed id pendere ex eo, quod arbitrium eis motum & excitatum consentire & cooperari velit aut non velit, ut Concilium Tridentinum perspicue definit.

Quamvis autem ad conversionem nostram utrumque necessarium sit, nempe quod Deus auxilio gratiæ supervenientis exciret & moveat nostrum arbitrium, & quod arbitrium consentiat & cooperetur: quia tamen Deus semper est ad opus paratus, ut auxilio gratiæ pulset ac moveat, si per nos non steterit, & miracula in nostro conspectu facta vim maximam habent ad nos permovendum ad consensum, ut ibidem ostendimus: inde effectum est, ut Christus, qui omnes per auxilium gratiæ prævenientis & cooperantis paratus est adjuvare, merito habitantibus Corozain & Bethsaida improperet, quod cum tot signa & virtutes in ipsorum conspectu sint facta, noluerint ex parte sua præbere suum consensum ad prænitentiam & ad conversionem: quem tamen Tyrri & Sidonii præbuisse, si in illorum conspectu eadem signa fuissent facta.

Auctores, cum quibus disputamus, postquam nostra legerunt, præter viam hæcenus explicatam, qua Deus in particulari actus liberi arbitrii creati per concursum aut auxilium efficac præfinit, aliam quoque tradunt, per quam certo & infallibiliter Deus cognoscat, quæ contingentia futura sint aut non: tametsi in progressu sui operis ea non utantur, sed soli primæ adhareant, quam solam docuerant antea, & juxta quam cætera tradiderant.

Via alia correndenda, qua Deus conditionatus est.
Dicunt enim, Deum comprehensione suæ essentia, in qua tanquam in objecto primario eminentissimo, longèque excellentiori

modo quam in seipsum: sint, cætera omnia (ut nos dicebamus) comprehendit, cognoscere omnia, quæ per arbitrium creatum futura reipsa sunt, ex hypothesi quod illud statuat creare in tali ordine rerum & circumstantiarum, intendendo ut faciat hoc, & permittendo ut faciat illud in particulari. Quia Deus arbitrium ipsum determinet in particulari, sed potius liberum illud relinquat, ut vel contineat actum, vel seipsum in unam aut alteram partem flectat. Addunt tamen, Deum hoc cognoscere per scientiam naturalem in essentia & ideis, quæ naturaliter Deo repræsentant, non solum in esse possibili, sed etiam in esse futuro ea omnia, quæ per arbitrium creatum sunt futura. Cum enim, inquit, ex hypothesi quod arbitrium creetur & collocetur in hoc vel in illo ordine rerum & circumstantiarum, altera contradictionis pars cujusque futuri contingentis, quod sub ipsius est potestate, futura sit, neque ex tempore incipiat esse in Deo idea, qua naturaliter intellectui divino ea pars repræsentetur: fatendum est, esse in Deo ex æternitate ante actum liberum suæ voluntatis talem ideam, quatenus in ipsa essentia, ut nostro intelligendi more eum actum prævenit, sunt omnia eminenter, etiam futura contingentia in esse futuro.

Hæc omnia licet ex nostra doctrina paucis mutatis decreta sint, ut tamen eorum auctores recte asserant, longe ab ea distant. Quatenus vero ab ea discrepant, videntur excogitata, ut nostram scientiam mediam fugiant, eoque ipso de medio eam arbitrii libertatem tollant, quam asserere videbantur desistendo a præfinitionibus per concursum Dei efficacem, qui arbitrium in particulari determinaret, liberumque proinde linqueretur, ut sese in quam mallet flecteret partem.

In primis doctrina hæc ponere videtur alteram partem eorum futurorum contingentium, quæ a nostro arbitrio pendunt, determinate esse veram, antequam existant, ideoque naturaliter repræsentari deæternitate futuram in idea seu essentia divina: id quod nos disputatione præcedente rejecimus, tanquam doctrinæ Aristotelis communique Doctorum sententiæ contrarium, & cum ipsamet futurorum contingentium natura pugnant, quæ eo ipso indifferentia sunt, ut eorum unumquodque sit, aut non sit, ut ad cap. ultimum

*seraque
contingen-
tia cog-
nat.*

Resistit

ultimum primum de interpretatione ostendimus. Neque intelligi valet, quam ratione altera pars contradictionis determinate sit futura per comparationem ad liberum ipsum arbitrium, & arbitrium ipsum liberum sit, ut re ipsa utramvis indifferenter ponat.

Deinde sic libet argumentari: Vel idea divina idcirco repræsentat hanc partem contradictionis esse futuram per arbitrium creatum, ex hypothesi quod in tali ordine rerum & circumstantiarum creetur, quia arbitrium pro sua libertate in eam se flectet, repræsentatur oppositam, si arbitrium pro eadem sua libertate se esset flexurum in oppositam, ut potest vel non, sed idea illa omnino naturaliter id ita repræsentat, quasi nulla ratione potuerit repræsentare oppositum, ac proinde arbitrium ad id sit determinatum. Si des primum, cum eadem sit ratio de idea divina, & de scientia divina, quæ illi respondet, admittis profecto scientiam mediam, quam refugis, & toties negas, & sine qua arbitrii nostri libertas non potest salva consistere. Quemadmodum enim idea illa contrarium potest repræsentare, reque ipsa repræsentasset, si, ut potest, contrarium per arbitrium creatum esset futurum: sic etiam Deus scientia, quæ illi respondet, & antecedit actum liberum suæ voluntatis, contrarium scivisset, cum tamen sit naturalis in Deo, ut distinguitur contra liberam, licet non, ut distinguitur contra ita innatam Deo, ut per eam id cognoscat, quasi nulla omnino ratione potuerit, & fore contrarium, & contrarium per eam a Deo cognosci. Si vero des secundum, nempe ideam, v. g. consensus Petri in fornicatione, ita naturaliter repræsentare Deo consensum illum esse futurum, quasi innatum omnino sit Deo ita eum repræsentare, ut nulla ratione potuerit non esse talis repræsentatio, & per consequens arbitrium Petri sit ad eum consensum determinatum, nec possit non esse futurum, quæ, quæso, ratione libertatem ad non peccandum in Petro salvas? Idem vero omnino est de cæteris actibus in eo liberis.

Id præterea in hac opinione displicet, quod ideas in Deo constituat, quæ ante actum liberum divinæ voluntatis res in esse futuro repræsentent. Idea namque solum repræsentat rem, cuius est idea in esse possibili, & modum quo fieri possit, futuritio-

nemque ipsam, seu existentiam talis rei solum repræsentat ut possibilem, modumque quo in actu exercito poni in esse possit: per scientiam autem artificis determinatam per liberam ejusdem artificis voluntatem, ut res juxta ideam & scientiam executioni mandetur, consequuntur res esse existentie: atque adeo nulla earum cognoscitur futura, nisi in libera artificis voluntate: licet ante liberam artificis voluntatem cognoscatur futura ex hypothesi si artifex illas executioni mandare velit. Quando autem res aliqua a duobus artificibus liberis pendent, ut ea, quæ ab arbitrio creato Angelico vel humano sunt, pendent a Deo creante arbitrium in hoc aut illo ordine rerum, volenteque hoc vel illo modo cooperari cum illo, & simul ab influxu arbitrii creati: utique ut ex hypothesi cognoscantur futura, necesse est ut determinatio libera utriusque voluntatis ponatur: Deus autem determinationem arbitrii creati infinita illimitataque perfectione sui intellectus, eminentissimamque comprehensionem, qua illud in sua essentia longe altius quam in seipso sit, comprehendit, cognoscit, antequam sit, ac proinde ex hypothesi quod illud in tali vel tali ordine rerum & circumstantiarum velit collocare, cognoscit in quam partem pro sua libertate se flectet. Illud etiam admonuerim, cum entitates existentiaque earum idem omnino sint, sive apprehendantur ut possibles, siue ut actu existentes, ad comprehensionem rei necessarium non esse, ut id omne cognoscatur in esse futuro, quod sub illius potentiam cadit: sic enim Deus, non solum si nihil creare constituisset, sed etiam modo non comprehenderet se ipsum; quia non potest cognoscere in esse futuro omnia, quæ sub suam omnipotentiam cadunt: ad comprehensionem igitur rei satis est, si omnia quæ facere potest atque existentia singulorum cognoscantur in esse possibili, ut alibi in hac prima parte dictum est.

Tertiam quoque viam tradunt iidem auctores, unde Deus etiam ante liberum actum suæ voluntatis certo sciat quamam contingentia sint futura. Quia enim (inquiunt) in illo priori per scientiam, quæ actum voluntatis antecedit, comprehendit Deus suam essentiam, potentiam, & voluntatem, utique in eo priori cognoscit, ad quæ voluntas se

Ad comprehensionem rei non requiritur id in esse futuro cognosci, quod sub ipsius potentiam cadit.

Alia corrumdem via, qua Deus futura contingentia cognoscit etiam conditionata.

Idea quoque potest repræsentare.

fit determinatura, ac proinde cognoscit, quæ contingentia sint reipsa futura, & quæ forent ex hypothefi quod aliter vellet determinare: quod est cognoscere non solum contingentia reipsa futura, sed etiam conditionata, qualia erant poenitentia Tyrionum & Sidoniorum, & defensus Saulis in Ceilam, tradendumque fuisse Davidem in manus Saulis.

*Eorum argu-
mentum.*

Doctrinam hanc confirmant, quoniam divina voluntas quasi ducitur a divino intellectu, & a rationibus æternis suæ infinitæ sapientiæ, quatenus in ideis Dei supremi artificis continentur ac splendent omnia, etiam quoad esse futurum: quare licet, quæ contingentiter sunt futura, neque stabilitatem habeant, ut reipsa sint futura ante decretum liberum divinæ voluntatis, neque cognosci possunt, ut reipsa futura, nisi per ordinem ad tale decretum; nihilominus quatenus in illo priori continentur ac splendent in rationibus idealibus, comprehenditurque ac penetratur tale decretum nostro intelligendi modo posterius futurum, utique in illo priori cognoscitur, quæ contingentia vi illius ejusdem decreti, determinationisve liberæ divinæ voluntatis, sint reipsa futura. Si namque determinatio illius in eo priori non cognosceretur, atque adeo quæ contingentia vi talis determinationis reipsa essent futura, scientia Dei in eo priori non esset comprehensiva, universalissima ac perfectissima, quandoquidem Deum aliquid per ipsam tunc lateret, quod posterius sciret: hæc autem affirmanda non sunt de divina scientia in illo priori.

*Refellitur
eorum sen-
tentia.*

In primis qui ita loquuntur, negare non possunt in Deo scientiam mediam futurorum contingentium ratione decreti divinæ voluntatis, & quatenus contingentia futura ab eo pendent decreto, nisi arbitrii libertatem in Deo comparatione sui decreti negare velint. Etenim scientia, qua Deus ante decretum suæ voluntatis novit ad quæ decretum illud se esset determinaturum, ac proinde quæ contingentia vi illius determinationis essent futura, potuit sane non esse in Deo: quia decretum illud potuit ad alia se determinare, aut statuere nihil omnino creare; quod si futurum fuisset, ut potuit, talis scientia non fuisset in Deo, quo fit ut scientia illa tam determinationis sui decreti, quam

futurorum quæ ex illo pendent, licet naturalis fuerit in Deo, ut distinguitur contra liberam, eo quod liberum actum voluntatis divinæ antecedit, non tamen fuerit ita Deo innata, quasi non potuerit non fuisse, ac proinde fit scientia media, quam auctores, cum quibus disputamus, negant esse in Deo ante liberum actum suæ voluntatis. Et observa, quod cum scientia illa non solum antecedit omnem actum voluntatis divinæ, sed etiam fit cognitio, qua veluti illuminatur ac ducitur voluntas ad volendum, dum per eam objectum ei ostenditur, tum illud, in quod solum naturaliter, tum etiam illud, seu ea, in quæ libere potest ferri, nullo modo potest esse liber, sed omnino esse debet naturalis, ut distinguitur contra liberum.

Deinde displicet in ea sententia, quod in idea divina ponatur representatio futurorum contingentium in esse futuro: cum, ut supra dictum est, tam entitates illorum, quam eorundem existentie solum ex idea represententur & cognoscantur ut possibiles, & quo pacto poni in esse possint, non vero ut futura, quia id penderet a determinatione voluntatis artificis, quæ est posterior idea, idæque representatione. Neque determinatio divinæ voluntatis representari potest in idea: tum quia divinæ voluntatis determinationisque illius non datur idea, sed solum creaturarum: tum etiam quoniam divina voluntas in se est indifferens & libera, ut in quam partem maluerit, seipsam determinet, ac proinde ante eam determinationem neque est, neque esse potest in Deo aliquid, quod repræsentet in quam partem se debeat determinare. Et cum non detur natura superior Deo, quæ ipsum eminentissimo modo contineat, sicut ipse modo eminentissimo continet quodcumque arbitrium creatum: utique non sicut ipse, propter excessum infinitum suæ cognitionis supra entitatem & perfectionem cujusque arbitrii creati, eminentissimumque modum quo illud comprehendit, agnoscat in quam partem creatum arbitrium se flectere pro sua libertate debeat, sic vel ipse vel quicumque alius ante determinationem suæ voluntatis agnoscat in quam partem se flectere debeat. Neque id necessarium est, ut in illo priori dicatur seipsum comprehendere: quoniam ad seipsum comprehendendum satis est, quod penetret omnia

ad

ad quæ sua potentia, suus intellectus, & sua voluntas se possunt extendere, atque adeo sufficit, quod in sua voluntate circa quodcunque objectum penetret partes omnes, ad quas se potest determinare. Sicut enim ex eo, quod modo non cognoscat se habuisse multas determinationes circa varia objecta, quas potuit habere, & si habuisset, agnosceret eas, non definit seipsum comprehendere, quia cognoscit eas omnes fuisse possibiles & fuisse futuras si ipse ad eas se voluisset determinare: sic etiam in illo priori non definit seipsum comprehendere ex eo quod ante suam determinationem non agnoscat in quam partem se debeat determinare: quia penetrat omnes, in quas potest se determinare, et sequæ eas omnes in sua potestate seu arbitrio: quod ut liberum, minimeque tunc circa quodcunque objectum creabile ad unum determinatum agnoscitur.

Præterea, ut disputatione præcedente dicebamus, non video quomodo Deus ante determinationem suæ voluntatis agnoscere possit in quam partem ea se sit determinatura, & quod postea libere & non necessario in eam se determinet: quoniam cognitio illa esset infallibilis, & certa, quia Dei & naturalis, ut distinguitur contra liberam, ut supra ostensum est: quoniam antecederet omnem actum liberum divinæ voluntatis, essetque actus quo divina voluntas veluti illuminaretur, ac duceretur ad primo volendum, qui proinde actus esse non potest imperatus a voluntate, aut liber, sed necessarius: non autem intelligo quomodo stare possit, ut unum & idem suppositum prius cognoscat tali genere cognitionis certæ & naturalis determinationem futuram suæ voluntatis, & postea libere & non necessario in eam partem se determinet, ac proinde quomodo omnia necessitate naturæ non eveniant, ut a tali cognitione & determinatione voluntatis proficiantur ac pendent.

Ad argumentum contrariæ opinionis dicendum est, ut divina voluntas quasi ducatur a divino intellectu, & a rationibus idealibus ad volendum, necesse non esse velideas repræsentare res in esse futuro, vel notitiam divini intellectus in esse futuro eas agnoscere: sed satis esse si in esse possibili & quoad modum quo fieri possint ideæ illas repræsentent, & notitia intellectus eas agno-

scat: unde negandum est aliter res futuras splendere aut repræsentari in divinis ideis, vel cognosci a divina scientia in illo priori. Ad id vero quod de comprehensione illius decreti in illo priori, & de comprehensione, universalitate, & perfectione divinæ scientiæ in eodem priori, subiungitur, dicendum est: Vt aliquid comprehendatur, necesse non esse ut cognoscatur esse futurum: sic enim Deus non comprehenderet res quæ nunquam erunt; sed satis esse, si cognoscantur omnes modi possibiles illius: id quod de suo libero decreto cognoscit Deus in illo priori: cognoscit namque totam vim, entitatem, & perfectionem illius, omnesque modos quibus potest illud determinare, agnoscendo singulos futuros, aut non futuros in eodem nunc æternitatis, prout posterius nostro intelligendi modo cum fundamento in re, voluerit eos determinare, aut non determinare, quod satis est ad comprehensionem illius: præsertim pro illo statu, in quo consideratur prius nostro intelligendi modo, quam decretum illud ad intra in Deo emanet. Sicut enim nullum est absurdum, quod Deus ut in illo priori nostro modo intelligendi spectaret, nondum intelligatur habere decretum ipsum actumve suæ voluntatis, non solum prout habet rationem liberi, sed etiam ut habet rationem naturalis, quo seipsum diligit: sic majori cum ratione nullum est absurdum, quod sua licentia non intelligatur tunc habere rationem liberæ cognitionisve in quam partem decretum illud libere se determinabit, sed solum in quas partes se possit libere determinare: maxime cum, quod decretum illud se sit determinaturum in hanc partem, aut illam, solum addat supra seipsum respectum rationis, ut ex dicendis in progressu huius primæ partis patebit, qui etiam respectus tunc cognoscitur in ratione possibili & futuri, non simpliciter, sed si in eam partem se velit voluntas determinare. Quo loco observa, prioritatem nostro modo intelligendi cum fundamento in re, de qua est sermo, non esse prioritatem, quasi detur instans vel naturæ vel temporis, in quo sit unum, & non sit aliud, ut vult Scotus, falsumque esse in progressu huius primæ partis ostendetur: sed solum in eo esse positam, quod propter dependentiam actus voluntatis a notitia intellectus, & non e contra

Ad argumentum contrariæ opinionis dicendum est.

tratio, concipitur unum a nobis tanquam præsuppositum, quando nondum concipitur aliud, cum tamen in re sint semper conjuncta, imo actus intellectus divini & voluntatis cæteraque attributa se mutuo includant, ut in materia de sanctissima Trinitate dicitur. Quare sicut ex eo, quod attributa a nobis concipiuntur unum præcise ab alio, nequaquam unum caret in re perfectione alterius: sic in re propofita ex eo, quod scientia divina, ut prærequifita est ad actum voluntatis, concipiat a nobis, ut nondum habens adjunctam notitiam determinationis ejusdem actus, non proinde in re est aliquando sine ea notitia, quasi in re aliquando deit in Deo scientia naturalis, quin simul habeat adjunctam rationem scientiæ liberæ.

Illud addendum est, ut integre argumentato satishat: scientiam divinam non esse magis universalem aut magis perfectam ex eo, quod per eam cognoscatur aliquid futurum: alioquin aliqua perfectio deesset Deo, aut universalitas ipsius scientiæ ex eo, quod multa non sint futura, quæ statuere potuit ut essent, & si statuisset, cognosceret modo esse futura; cum tamen modo futura ea non agnoscat. Quia ergo Deus ea, quæ non sunt futura, cognoscit ut possibilia esse & ut futura, si ea ipse statuere voluisset, ut essent, neque major aut distincta perfectio est in Deo, cognoscere aliquid ut futurum quam ut possibile & futurum, si ipse statuere id velit, aut voluisset: inde efficitur, ut si Deus cognoscat aliquid futurum absolute, siue non, sed possibile ac futurum ex hypothesi, non minor perfectio & universalitas sit in sua scientia. Adde, semper divinam scientiam naturalem habere in re adjunctam scientiam liberam, ut dictum est: tamen si a nobis una concipi possit ante aliam & sine alia.

MEMBRUM II.

Præcedens sententia impugnatur.

Auctores sententiæ membro præcedente relata, neque possunt, neque videntur negare scientiam Dei mediam per comparationem ad actus arbitrii creati malos moraliter.

Inprimis, quia comparatione eorum non constituunt concursum Dei efficacem, sed, quod sequantur, merito tribuunt determi-

nationi influxuique proprio liberi arbitrii ipsius, quo sua libertate concursum Dei generalem, ex se indifferentem, ut illi, aut alii longe diverfi sequantur, ad eos actus determinat: eaque de causa peccata, etiam materialiter sumpta, non Deo concursu generali influenti, sed ipsi arbitrio tanquam propriæ & particulari eorum causæ nobiscum tribuunt, ut ex his quæ membro præcedente & disputatione 27 retulimus, est manifestum. Imo vero ad actus malos moraliter non constituunt concursum generalem Dei in causam, quo eam moveat & applicet ad operandum, sed solum concursum generalem cum causâ immediatam in effectum, ut disputatione 7 relatum est.

Deinde, quia comparatione eorundem actuum non constituunt Dei præfinitiones, ut membro præcedenti visum est, eo quod Deus non determinet ad eos actus arbitrium creatum, sed ipsum sua libertate & nequitia ad eos se determinet.

Tertio, quoniam testimonia Sanctorum, quibus disputatione præcedente confirmavimus scientiam mediam, dum docent, non ideo actus arbitrii nostri futuros fuisse, quia Deus præcivit eos futuros, sed e contrario, quia futuri erant pro arbitrii libertate, idcirco Deum eos præcivisse; exponunt hi auctores de actibus peccatorum, de quibus solis id verum esse censent, eo quod Deus illos non prædchinat, neque ad eos moveat & determinet arbitrium: secus autem de actibus arbitrii non malis, quia idcirco, inquirunt, sunt, quia præfinitione a Deo, ex solaque ea præfinitione certum est eos esse futuros, non vero ex media aliqua scientia, qua, ex hypothesi quod arbitrium creetur & collocetur in aliquo ordine rerum & circumstantiarum absque alia præfinitione, altitudine divini intellectus certo futuri prænoscantur.

Quia ergo scientia, qua Deus prævidit, quæ peccata per quodcumque arbitrium creatum sint futura, certa est; neque certitudinem illius referre hi auctores possunt in præfinitionem divinæ voluntatis ac determinationem, qua arbitrium creatum ad actus malos determinet, ut ex iis, quæ ex ipsorum sententia relata sunt, constat; neque sit aliud, in quod reduci possit, præter certitudinem scientiæ mediæ, qua altitudine sui intellectus, eminens.

eminentissimaque comprehensione arbitrii creati in sua essentia, certo id, quod in se erat incertum & contingens in utramvis partem cognovit, nempe in quam partem arbitrium pro sua libertate se esset flexurum, ex hypothefi quod in hoc, vel illo ordine rerum & circumstantiarum collocaretur, sciturus contrarium, si, ut potest, continere deberet consensum in peccatum, aut diffusum esset eliciturus; consequens profecto est, ut circa actus peccatorum videantur eam admittere, idque attestantur multa, quæ, quando de actibus peccatorum sermo est, docent.

Nisi forte cum iis, quos disput. 50 impugnavimus, certitudinem scientiæ, quæ Deus scit quæ peccata sint futura, reducere velint in certitudinem & infallibilitatem, quod voluntas creata eo ipso circa materiam cuiuscunque virtutis peccat, quod efficaciter a divina voluntate non determinetur ad bene operandum, quasi in prædefinitione ad quos actus non malos liberum arbitrium creatum concursu aut auxilio ex sua natura efficaci determinetur, certo, certitudine quæ ex ipsomet objecto proveniat, conspiciat Deus, tum qui actus non mali sint futuri, tum etiam quæ peccata & qua intensio aut remissione elicitæ, & in quo temporis puncto cum cæteris circumstantiis, tam per commissionem, quam per omissionem sint futura: quasi voluntas eo ipso non possit ea evitare, sed ex se, posita ea præfinitione circa solos actus non malos, determinata sit ad ea omnia eo pacto contra rectam rationem & legem Dei committenda ac omittenda: & quasi ea sit conditio insitaque natura cuiusque arbitrii creati, sive illud Angelicum sit, sive humanum, ut in quocunque temporis momento, & in quocunque rerum ordine sub quibuscunque circumstantiis collocetur, etiam si in gratia gratum faciente sit, ut in statu, in quo Angeli & primi parentes ante peccatum fuere, ea omnia contra rectam rationem & legem Dei tunc committat & omittat; & quam maxima intensio poterit ea committat, quæ tunc committere & omittere possit, nisi a Deo per determinationem efficaci concursu ad actus non malos inde retardetur ac retrahatur: ita ut dicendum sit, arbitrium omne creatum sponte quidem ac naturæ necessitate ferri in ea omnia peccata quæ valet committere, eatenusque solum in

ea non incidere, quatenus auxilio efficaci, ad actus non malos eliciendos, consequenter retrahitur & cohibetur a peccatis committendis. Hæc quippe omnia necessaria sunt ad ea via tuendam certitudinem in scientia Dei circa peccata futura. Si namque liberum arbitrium sua innata propensione non fertur naturæ necessitate in genus omne peccati, quod in quocunque instanti, & sub quibuscunque circumstantiis potest committere aut omittere, sed integrum illi est ab aliquo se continere, aut remissius vel intensius peccati actum elicere, aut quamvis aliam circumstantiam variare, certe Deus ea sola via non cognoscet certo & infallibiliter quæ peccata & qualia ac quantæ culpæ sint futura, ut ex se est notissimum. Lege quæ disput. 50, adversus hanc viam objecimus. Certe si ex una parte Deus omnes actus non malos arbitrii creati ex eo certo cognoscit futuros, quia in eo ordine rerum, quem creare statuit, pro sola libera sua voluntate prædefinivit conferre ad eos concursum ex se efficacem, sine quo arbitrium non potest eos elicere, & quo posito non potest eos non elicere; ex alia vero parte idecirco certo cognoscit peccata omnia futura, quia eo ipso, quod nec plures nec alios efficaces concursus ad actus non malos conferre statuit arbitrium ipsum certo & infallibiliter in ea incidit peccata, eo pacto & cum his circumstantiis, cum quibus decursu temporis fient, ita ut, data ea præfinitione ad actus non malos, in potestate arbitrii non sit ea peccata vitare, non video qua ratione arbitrii libertas sive ad bonum, sive ad malum, sive etiam ad actus indifferentes, possit salva consistere, & qua ratione fatalis necessitas quoad hæc omnia possit vitari, qua item ratione cætera absurda gravissima non sequantur, quæ disputat. 50, ex ea sententia deduximus, & per consequens cur sententia, adversus quam disputamus, error manifestus in fide non debeat appellari. Etenim licet ratio spontanei & voluntarii salva maneat, qualem Lutherani in nostro arbitrio admittunt, & qualis in iumento cernitur, quatenus arbitrium non invitum consentiet & cooperabitur ad actus non malos cum concursu ex se efficaci ad ipsum suaviter movendum, ut eos eliciat, & quatenus sua innata propensione incidit in peccata, dum non adeo concursus efficax ad actus non malos, quo a peccatis

peccatis retrahatur & contineatur: non video tamen quo modo in potestate ipsius situm tunc maneat, non consentire & non cooperari cum concursu efficaci ad actum non malum; quod ad rationem libertatis, ad bonum morale, ac meritum est necessarium: & quomodo absente concursu efficaci ad actum non malum, continere se possit a peccato, quod, tum ad rationem libertatis ad peccandum, tum etiam ad rationem ipsam peccati est necessarium, ac proinde contradictionem implicat, esse id tunc peccatum. Imo vero non video, quomodo peccata nostra Deo tanquam naturæ auctori non sint tribuenda, qui talem ad ea propensionem arbitrio creato contulerit. Sicut enim propter propensiones & vires, quas agentibus necessitate naturæ tribuit, actus & effectus ejusmodi agentium Deo tribuuntur, eaque de causa naturæ opus a Philosophis opus intelligentiæ, ac proinde Dei, appellatur: sic actus nostrorum peccatorum Deo tanquam naturæ auctori essent tribuendi, qui eam propensionem ad peccata committenda creato arbitrio indiderit. Dicere autem in sensu divisio manere potestatem arbitrio ad non eliciendum actum non malum, & ad non peccandum, quatenus si Deus non præfinivisset conferre concursum efficacem, arbitrium non eliceret actum non malum; & si efficacem concursum conferret ad actum non malum, arbitrium non peccaret: sane id non est libertatem constituere in arbitrio creato, sed in Deo, ut arbitrium moveat aut non moveat ad actum non malum, & ut illud cohibeat aut non cohibeat a peccato; non secus ac quando jumentum in unam aut alteram partem capistro ducitur, libertas non est in jumento, sed in homine, qui illud in unam aut alteram partem ducit, ut disput. 50. & alibi dictum est.

Quod si quis dicat, peccata omnia per arbitrium quodcumque creatum futura cognoscei certo a Deo in libera determinatione suæ voluntatis, quæ ea permittere statuit; quoniam in sensu composito non stat, Deum statuisse permittere aliquid peccatum, & illud non fore. Si quis, inquam, hoc dicat, attendat, permissionem peccati, ut in progressu hujus operis dicitur, supponere illud futurum esse per arbitrium creatum, si in tali ordine rerum & circumstantiarum colloce-

tur, Deumque prævidere futurum, nisi arbitrium majoribus aut aliis auxiliis adjuvetur, posseque illud impedire: voluntatem vero permittendi tale peccatum non aliud esse quam his omnibus præsuppositis non velle conferre alia auxilia, quibus impediatur: itemque permissionem ipsam non esse aliud quam in tempore non alia auxilia conferre quibus impediatur: id enim quis permittere dicitur, quod cum videat aliquin futurum & possit impedire, non impedit, sed finit ut fiat. Quia ergo voluntas permittendi peccatum supponit præscientiam quod per arbitrium libere sit futurum, nisi aliis auxiliis impediatur, ratione illius præscientiæ non stat in sensu composito Deum velle illud permittere, & illud non fore.

At vero inquirendum restat, de radice certitudinis illius præscientiæ, quæ liberam voluntatem Dei permittendi peccatum antecedit, utrum ea certitudo inde proveniat, quia arbitrium ipsum ex se est adeo propensum ad peccandum, ut nisi auxilio efficaci, quo distrahatur ad actum non malum, a peccando cohibeatur & retardetur, naturæ necessitate feretur in id peccatum, atque ideo ex natura ipsa objecti Deus certo id scire esse futurum, ut via, quam huc usque impugnavimus, cum apertissima libertatis arbitrii creati eversione contendebat; an non, sed quia Deus altitudine sui intellectus eminentissimæque arbitrii creati penetratione id supra naturam objecti scire pro arbitrii libertate futurum, sciturus contrarium, si pro eadem arbitrii libertate contrarium, ut potest, esset futurum: quod est scientiam mediam per comparationem ad ea contingentia futura, quæ ab arbitrio creato pendent, in Deo constituere.

Quia ergo auctores, cum quibus disputamus, neque cum Lutheranis & aliis hæreticis constituunt præfinitiones, & motiones, ac determinationes Dei, quibus efficaci concursu arbitrium creatum ad actus peccati moveat, ac determinet, ut in illis certo cognoscere valeat, quæ peccata per creatam arbitria sint futura; neque item certitudinem ejusdem præscientiæ reducere videntur in certitudinem & infallibilitatem, quod voluntas creata peccabit, nisi a Deo per concursum efficacem ad actus non malos a peccatis retrahatur ac cohibeatur, quasi ad peccata sit ita propensa, ut naturæ necessitate in ea feratur, nisi

nisi aliunde cohibeatur; quoniam id error esset in fide; neque aliud sit, ad quod reduci possit, quam ad certitudinem scientiæ mediæ quæ Deus altitudine sui intellectus, eminentissimaque comprehensione arbitrii creati in sua essentia certo cognovit, in quæ peccata pro sua libertate quodcumque creatum arbitrium laberetur, ex hypothefi quod in tali vel tali ordine rerum circumstantiarum collocaretur, cum posset ex eadem hypothefi in ea re ipsa non labi, & si ita esset futurum, hoc, & non illud, præscivisset Deus: affirmandum sane videtur, hos auctores non negare scientiam mediæ in Deo circa peccata futura; præsertim cum quando de peccatis sermo incidit, consentaneæ ad scientiam mediæ loquantur, eaque doceant, quæ sine mediâ scientiâ stare non possunt, ut supra ex parte dictum est. Quamvis, ut verum fatear, interdum redolere videantur opinionem, quam disputatione so impugnavimus, atque ad permissionem peccatorum confugiant, indeque solum certam esse velint præscientiam Dei erga peccata futura, absque ulla prævia scientia mediæ.

Illud tamen obiter admonuerim: si scientiam mediæ circa peccata concedant, immerito illam universim impugnavimus: Præterea, dum de futuris contingentibus conditionatis loquuntur, & in Deo certam de illis scientiam recte admittunt, immerito, ut certitudinem scientiæ omnium, quæ commemorant, salvent, recurrunt ad Dei præfinitiones quæ fuissent, si conditiones adimplerentur, quasi in eis præfinitionibus certo ex talibus conditionibus futura præcognoscerentur. Etenim descensus Saulis in Ceilam ad Davidem capiendum ac interficiendum si David in Ceila maneret, peccatum erat lethale Saulis: traditio item Davidis innocentis, a quo viri Ceilæ tantum beneficium acceperant, similiter videbatur lethale eorum peccatum: denique peccatum in quæ justii lapsuri erant, nisi morte præterperentur, lethalia etiam erant: quæ proinde omnia Deus præsciri non potuit, neque ad ea efficaciter movere & determinare arbitrium creatum, ut in talibus & ex talibus præfinitionibus certo scire posset ea futura: sed illa erat certitudi scientiæ mediæ circa peccata, ex hypothefi quod conditiones illæ impleverentur.

Membro etiam præcedente ostensum est, MOLINA.

recurso in poenitentia Tyriorum & Sidoriorum ad præfinitionem per auxilium ex se efficacem, quæ fuisset, si apud illos factæ fuissent virtutes, quæ Corozain & Bethsaida factæ sunt, & non potius ad certitudinem scientiæ mediæ, manifeste enervare & evertere verba Christi. Quo fit ut universum certitudo in Deo, quod futura essent contingentia omnia conditionata, sit certitudo scientiæ mediæ, non verò præfinitionis, quæ arbitrium creatum ad ea per concursum efficacem a Deo determinaretur, si tales conditiones futuræ fuissent.

Ut vero ad actus liberi arbitrii non malos deveniamus, certe si sine Dei præfinitione, concursus Dei ex se efficaci, potest creatum arbitrium exercere actus omnes peccatorum, quos re ipsa exercet, etiamsi in quibusdam eorum sit multum difficultatis, ut in aggreddendo hostem, & conscendendo muro, quando bellum est injustum & multum est periculi, valdeque reus natura, & in plerisque aliis: non video cur sine eodem efficaci auxilio & præfinitione, solo generali concursu immediate in actus & effectus, quali Deus ad peccatorum actus ex sententia eorum, quibuscumque disputamus, concurrat, non possit clicare actus indifferentes, aut etiam moraliter bonos, in quibus nulla est difficultas, sed potius jueunditas & delectatio, ut velle ire cubitum aut pransum, quando id sine peccato facit, & jucundum utrumque illi est, debitum reddere uxori, vel deambulare, aut ludere animi recreandi gratia, & pleraque alia similia facere. Ridiculus namque esset, qui id negaret: præsertim cum Deus innatam causis secundis libertatem non restringat & coarctet, quando, quod est faciendum, malum non est, sed potius bonum; & cum multiplicandi & augendi sine necessitate non sint concursus Dei, maxime ad ea, quæ mere naturalia sunt. Mirumque sane est, quando aliqui inter se pugnant, eos, ex quorum parte bellum est injustum, sine præfinitione & concursu Dei efficaci pugnare, eos vero, qui non illicite pugnant, ad resistendum & pugnandum egere præfinitione & concursu Dei efficaci. Si ergo arbitrium creatum exercere ejusmodi actus potest sine concursu Dei ex se efficaci, & præfinitione, eosque variare, quoad multas circumstantias, nempe, ut nunc potius incipiat aut

finiatur, quam antea aut post, ut intensiores vel remissiores eliciantur, ut ambulatio in unam vel alteram partem, & concitatio aut tardior fiat, & sic de aliis circumstantiis; sane quod certo Deus præsciat illos absolute esse futuros, & cum his potius quam cum aliis circumstantiis, reduci non potest in certitudinem prævisionis ac determinationis arbitrii per concursum Dei ex se efficacem, sed in certitudinem scientiæ mediæ, qua Deus altitudine sui intellectus certo cognovit in quam partem, & in quas circumstantias arbitrium creatum pro sua libertate se esset flexurum, ex hypothesi quod illud creare & collocare vellet in eo ordine rerum & circumstantiarum, reduci non potest in certitudinem non hoc, sed longe diversum, si pro eadem arbitrii libertate, ex eadem hypothesi, diversum esset futurum.

*Idem numero
est actus in
genere natura
indifferens
potest esse
bonus aut
malus moraliter.*

Confirmare hoc ipsum possumus, quoniam in disputatione trigesima tertia ostendimus, unum & eundem numero actum in genere naturæ hic & nunc elicatum, indifferenter posse esse bonum aut malum moraliter, variata una sola circumstantia, quæ nihil faciat ad diversitatem ejusdem actus in genere naturæ: ut eundem numero consensum hic & nunc in concubitu cum hac muliere esse indifferenter posse actum castitatis conjugalis, si cum ea præcessit aliquando contractus matrimonii; & actum fornicationis, & peccati, si talis contractus non præcessit. Ostendimus etiam quo influxu causæ secundæ & Dei producitur actus ille in genere naturæ, resultare, sine alio influxu Dei aut causæ secundæ, rationem formalem in genere moris, sive illa virtutis sit, sive vitii: si ergo, quando contractus matrimonii non præcessit, actus ille sine concursu efficaci Dei, quo arbitrium præmoveat & determinet, producitur cum solo influxu Dei generali in eum actum, indifferenter, ut is aut contrarius actus sequatur, eo quod actus ille sit peccati; sane sine concursu efficaci Dei produceretur, quando præcesserat contractus matrimonii, consensusque ille est actus castitatis conjugalis: non ergo ex prævisione & concursu efficaci certo præcognosceret Deus actum illum bonum esse futurum, sed certitudine scientiæ mediæ, proveniente ex altitudine & eminentia cognoscentis, qui, quod incertum in se est, certe penetrat.

Certe mirum est, quod prævisiones & concursus ex se efficaces ad omnes actus non malos etiam naturales ab his auctoribus extendantur. Quidam namque solum ad supernaturales actus, non quidem qui ab Angelis aut hominibus in statu innocentie fierent, constituuntur, sed solum ad eos, qui ab hominibus naturæ lapsi sunt, perperam asserentes hanc esse gratiam Christi.

Item si circa actus peccatorum auctores, cum quibus disputamus, scientiam mediam juxta ea quæ supra dicta sunt, admittant, utique cum a peccatorum actibus pendeant pleraque, quæ a principio mundi usque ad consummationem sæculi per arbitrium humanum facta sunt, & fient, Deus non certe cognovit illa absolute futura, nisi certitudine scientiæ mediæ, qua prævidit ex hypothesi quod talia vel talia peccata per arbitrium creatum fierent, talia vel talia esse futura, quæ alioquin non essent. Minor, nempe a peccatorum actibus pendere pleraque, quæ per arbitrium humanum fiunt, quæ non essent, nisi peccatorum actus præcessissent, probatur. Nam ab Angelorum peccato pendens fuit, quod Eva tentaretur & seduceretur: si namque Angeli non peccassent, non essent demones, qui Evam tentarent & seducerent. Item a tentatione & peccato Evæ pendens fuit, quod Adamus peccato illo corruerit, quod genus humanum in seipso ac perdidit. A peccato vero Adam pendens fuit, quod, amissa originali justitia, maxima variatio tam circa peccata, quam circa bona esset in toto genere humano: item, ut longe diversum cursum tenerent generationes hominum, neque iidem essent qui futuri fuissent in statu innocentie, ut suo loco dicetur, & ut mirum in modum circumstantiæ variarentur, quoad locum habitationis, periodum vitæ, & pleraque alia: unde pendet, quod longe diversa atque a diversis hominibus fiant, post lapsum generis humani usque ad consummationem sæculi, tam in bonum, quam in malum, quam fuissent. Item a peccatis posterorum Adam multa dependentia fuerunt, ut a peccatis Judæorum mors Christi, redemptio generis humani, & quæ illam consecuta sunt; a Tyrannorum peccatis, martyrum coronæ; ab adulteris, sacrilegiis, incestibus, & aliis fornicationibus, dependens fuit, quod ii omnes generarentur, qui ex talibus fornicationibus

tionibus geniti sunt, ac proinde ut fierent omnia tam bona quam mala, quæ per arbitrium ita genitorum futura erant: a bellis etiam iniustis, & aliis homicidiis dependens fuit, ut non fierent omnia, quæ per arbitrium sic interfectorum futura erant; item omnia quæ futura erant per arbitrium eorum, qui a sic interfectis fuissent geniti: & sic de multis aliis, quæ ab hominum peccatis dependentia erant, ut variarentur quoad multas circumstantias, atque ut essent vel non essent. Ex præliis namque, litibus iniustis, ludis inordinatis, & aliis sceleribus, ortum sæpe habet, ut multæ feminæ ob dotis defectum non maritentur, aut non cum iis, cum quibus alioquin contraxissent matrimonium, & ut multi migrent de loco in locum, unde circa generationes hominum multa varietas proficiscitur, multa etiam alia ex iis & aliis similibus circumstantiis variationem accipiunt. Fit ergo, ut pleraque bona, quæ per humanum arbitrium a principio mundi usque ad consummationem sæculi erant futura, certo non agnovit Deus absolute futura, nisi dependenter a scientia media, per quam futura novit peccata, a quibus pendebant, ex hypothesi quod is rerum ordo ab ipso produceretur, qui a principio productus fuit.

Verum expendamus universim præfinitiones, quales auctores, cum quibus disputamus, constituunt per concursum Dei efficacem, quo arbitrium moveat, applicet, ac determinet ad omnes suos actus non malos. Atque ut primam conciam argumentationem, pono: Ad rationem peccati non sufficere, si sit spontaneum, eo pacto quo belluarum actus spontanei sunt, sed necessarium esse, ut sit liberum libertate vel contrarietatis, vel contradictionis, ut vocant, ita ut in potestate arbitrii sit, quando in illud consentit, spectatis omnibus circumstantiis tunc concurrentibus non consentire: alioquin, si illis spectatis non posset non consentire, jam tunc consentiendo non peccaret: quandoquidem nullus in eo peccato poenave est dignus, quod vitare non potest. Quod si forte in potestate ipsius fuit, removere aliquam ex circumstantiis concurrentibus, ratione cujus in potestate ipsius jam non sit non consentire, ut si, sciens se in ebrietate solere interficere alios, seipsum libere inebriavit, peccavit

quidem quando se inebriavit, non solum quia per intemperantiam privavit se usui rationis, sed etiam peccato homicidii, ratione periculi cui se exposuit interficiendi iniuste alios; idque sive postea sequatur homicidium, sive non: at vero quando jam ebrius interfecit, non peccavit, quia in potestate ipsius non fuit jam tunc non interficere. Atque libertatem explicatam, quæ docente lumine rationis ad peccati rationem omnino est necessaria, appellavit Augustinus voluntarium, adeoque ad rationem peccati necessarium esse docuit, ut, si aliquid voluntarium non esset, continuo sine ulla controversia peccatum non esse affirmaverit.

Hoc posito, ita concio argumentationem: Quemadmodum ad rationem peccati non sufficit actum esse spontaneum, sed necesse est ut sit ita liber, ut in potestate arbitrii sit, quando in illo consentit, spectatis omnibus circumstantiis tunc concurrentibus non consentire: ita ad rationem meriti, aut ut actus sit bonus moraliter, imo etiam ut sit liber, indifferens ad bonum & malum moraliter, necesse est, ut quando ab arbitrio elicitur, in potestate ipsius sit, spectatis circumstantiis omnibus tunc concurrentibus illum non elicere: hæc quippe est libertas, quæ appellatur contradictionis, & quam necesse est ut minimum intervenire, ut actus liber esse dicatur, etiamsi solum indifferens sit ad bonum & ad malum moraliter, & sine qua nec boni moraliter, nec meritorii rationem habere potest, ut Catholici omnes admittunt: imo ratione cujus domini sumus nostrorum actuum, & digni pro eis, si meritorii sint, præmio, laude, atque honore illo sempiterno, quo æternus Pater honorificabit eos, qui Christo in hac vita ministraverint, sine ulla intermissione in æternum coram omnibus beatis actu suæ voluntatis, iudicioque sui intellectus complacendo & approbando, quod ita libere ea obsequia præstiterint, quæ in ipsorum situm erat potestate non præstare; imo vero hæc est libertas, a qua arbitrium nostrum liberum nuncupatur, ut disputat. 23 explicatum est: quando autem nostri actus ejusmodi carent libertate, licet spontanei sint, naturales tamen & non liberi nuncupantur, ut Catholici omnes consentiunt. Nunc vero post tam longam & tam late explicatam ac comprobata majorem, hanc subsumamus

*Meritum
quam liber-
tatem exi-
gat.*

*Ad pecca-
tum qua
libertas ne-
cessaria.*

minorem: sed si Deus ita præfinivit omnes actus non malos arbitrii creati, ut ad eos movere & determinare statuerit arbitrium per concursum ex se efficacem, sine quo arbitrium non potest illos elicere, & quo posito non potest eos non elicere, manifeste perit arbitrii libertas, explicata ad eos omnes actus: ergo periculosa est ea opinio in fide, ne manifestum errorem eam appellem. Minor probatur, quia in instanti in quo illos elicit, non potest eos non elicere: alioquin concursus, quo arbitrium ad eos moveretur, non esset ex se efficax, sed quod efficax esset, aut non esset, penderet ex eo, quod arbitrium tunc consentire & cooperari cum eo concursu vellet aut non vellet, ac proinde periret præfinitio, quam hi auctores involvere conantur, & cum illa certitudo ex capite præfinitionis in divina scientia, quod ejusmodi contingentia absolute essent futura, neque aliud caput certitudinis relinqueretur, quam certitudo medix scientiæ, quæ illam aliam absolutam antecedit, qua eminentia & altitudine sui intellectus prævidit Deus ex hypothesi quod ex sua parte collocare vellet tale arbitrium in eo ordine rerum, circumstantiarum, & auxiliorum, in quam partem pro sua libertate se esset flexurum, cum posset in oppositam; & si in eam se esset flexurum, id Deus præcivisset, & non illud aliud.

Neque in re proposita relinquitur recursus ad aliquam circumstantiam, quæ per creatum arbitrium potuerit non adesse, & ratione cujus impotens factum sit ad non eliciendum eum actum, ut de eo, qui ebrius interficit, supra dicebamus: tum quia motus per concursum Dei efficacem, ratione cujus impotens, ex horum auctorum sententia, efficitur ad non cooperandum, & non consentiendum. non pendet ab arbitrio creato ex eorundem auctorum sententia, sed a sola libera voluntate Dei, qua voluit eum conferre: tum etiam, quia meritum tunc aut libertas non esset, quando elicitur actus arbitrii non malus, aut meritorius, sed fuisset quando dependenter ab arbitrio creato, quod circumstantiam illam potuit non ponere, fuisset appposita.

Neque item in re proposita locum habet recursus ad sensum divisum, in quo hi auctores dicunt posse arbitrium non elicere eum

actum, idque satis esse ut liber sit & meritorius: quoniam in re proposita non aliter intelligere possunt sensum divisum, quam quod si Deus ex æternitate non statueret movere arbitrium concursu ex se efficaci, & in tempore, quando actus elicitur, non moveret illud eodem efficaci concursu, posset tunc non elicere eum actum. Veruntamen tunc ita posset illum non elicere, ut, ex ipsorum met sententia, non posset eum elicere, quoniam sine concursu efficaci asseverant, non posse illum elicere, atque ita nunquam dant eventum aut instans, in quo, positis circumstantiis omnibus tunc concurrentibus, in arbitrii potestate sit indifferenter elicere aut non elicere eum actum, quod tamen necessarium est ut liber sit & meritorius, ut explicatum est. Neque talis sensus divisus & compositus libertatem defendit in arbitrio ipso creato, ita ut in potestate ipsius situm indifferenter sit elicere aut non elicere eum actum, sed solum defendit libertatem in Deo, qua indifferenter & conferre arbitrio possit concursum efficacem, quo ita actum eliciet, ut integrum ei non relinquatur eum non elicere, & etiam possit eundem concursum efficacem ei non conferre; quo dato, ita arbitrium non eliciet actum, ut integrum illi non relinquatur eum elicere. Quod si id ad arbitrii libertatem esset satis, profecto in brutis esset arbitrii libertas: quoniam indifferenter potest Deus conferre illis & non conferre concursum efficacem ad suos spontaneos actus; & quando eis confert, & eliciunt actum, similiter in sensu diviso, si illum eis non conferret, possent non elicere talem actum; & quando eis illum non confert, actumque non eliciunt, in sensu similiter diviso, possent actum elicere, si ad eum eliciendum concursum efficacem eis conferret. Ut vero locum habeat talis sensus divisus & compositus, qui libertatem arbitrii non destruat, opus est, ut arbitrium ipsum in se potens revera sit elicere aut non elicere actum, etiam existente eo, cum quo non coheret altera pars contradictionis, ac proinde cum quo est impossibilis in sensu composito, quia videlicet idcirco illud præexistit, quia pro arbitrii libertate non existet ea pars contradictionis, cum qua non coheret: si autem futura esset, ut illo nihil impediante potest, nunquam illud aliud existisset,

sisset, ut de scientia Dei, comparatione contingentium quæ a nostro arbitrio pendent, disput. præcedente est explanatum.

Solent auctores, cum quibus disputamus, quando argumentis pressi facile intuentur arbitrii libertatem datis eorum præfinitionibus minime defendi, confugere ad minus tutam in re, de qua disputamus, ignorantiam anchoram, dicentes melius esse cum Cajetano confiteri nos ignorare quo pacto arbitrii libertas cum præscientia, providentia, prædestinatione, & reprobatione consentiat, quam præfinitiones negare. Veruntamen, cum ex una parte præfinitiones, quales ab ipsis confinguntur, neque in scripturis sacris aut traditionibus, neque conciliis aut sanctis Patribus fundamentum ullum habeant; quin potius arbitrii libertatem manifeste evertant, scripturis, Ecclesiæque definitionibus repugnent, & a paucissimis Scholasticis sint assertæ, imo sub eo nomine ante triginta annos sint inter Catholicos inauditæ; ex alia vero parte, si de præscientia, providentia, prædestinatione, & reprobatione sine ejusmodi præfinitionibus sincere loquamur, libertas arbitrii cum illis optime cohareat, non est profecto cur viri Catholici in tanta luce cum non parvo nostro dedecore, mino-rique de fidei dogmatibus apud infideles existimatione, ad ignorantiam confugiamus: præsertim cum neque sancti Patres, neque D. Thom. alique inter Scholasticos proceres, ad tale confugiant asylum.

Auctores præterea, cum quibus disputamus, ut in suis persistant præfinitionibus, libertatem explicatam, quam de fide esse constat, lateque id disput. 23 est demonstratum, per contemptum, nescio quam libertatem appellant; id vero quam tutum, & quanta cum reverentia ad ea quæ fides docet, fuerit dictum, aliorum sit judicium.

Parvi pendunt etiam, quod tam dilucide cum præscientia, providentia, prædestinatione, & reprobatione libertas eadem ex capite certitudinis scientiæ mediæ a nobis fuerit conciliata; imo inde rejiciendam censent mediæ scientiam, quod tam facile ac dilucide ex eo capite omnia consentiunt? cum tamen sancti Patres tantopere in illis conciliandis laboraverint, semperque exactam libertatis arbitrii cum illis quatuor, & cum divina gratia conciliationem, tanquam

unum e difficillimis existimaverint. At profecto cum verum vero consonet, a falso autem cito discrepet verum, quod tam facile ac perspicue illa quatuor ex capite præscientiæ mediæ cum arbitrii libertate cohereant, signum est manifestum nos integram legitimamque rationem conciliandi ea omnia tradidisse. Quod si a fidei dogmatibus, a sanctorum Patrum, Doctorumque Catholicorum intento, aut ab eorum indubitatis sententiis, vel tantillum in nostra hac via ea omnia conciliandi discreparemus, jure sane suspecta haberi posset. Cæterum quod in labores eorum introeuntes, totque concertationibus & egregiis aliorum dictis atque inventis illustrati, dilucidius aliquantulum radicem attigerimus, unde hæc omnia consentiant, & unde difficultates omnes facile enodantur, atque a triginta annis in privatis & publicis disputationibus, a viginti vero in nostris ad primam partem commentarii eam sub nomine scientiæ naturalis idcirco tradiderimus, quod libera in Deo non sit, omnemque divinæ voluntatis liberum actum antecedit, novissime autem exactius quam unquam antea sub nomine scientiæ mediæ eandem in hac nostra docuerimus Concordia; nemo sane potest id nobis vitio vertere, præsertim cum sancti Patres, quamvis neque distinctione scientiæ liberæ, & naturalis in Deo, quod recorder, sub eis verbis fuerint usi, neque item scientiæ mediæ inter liberam & mere naturalem, unanimi tamen consensu docuerint, ea contingentia futura, quæ a nostro arbitrio pendent, non idcirco futura esse, quia a Deo futura præsciuntur, sed idcirco Deum, quia Deus est, hoc est altitudine sui intellectus supra illorum naturam illa futura cognovisse, quia ita pro arbitrii libertate erant futura, ut disputatione præcedente a nobis relatum est: & cum iidem etiam Patres ex hoc ipso capite unanimi consensu nostri arbitrii libertatem cum divina præscientia coherere docuerint, si tam quæ disput. præcedente quam quæ disputatione 23 & alibi ex ipsismet Patribus relatæ sunt, consulas; quæ plane non aliud sunt, quam scientiam mediæ si non nostris verbis, re tamen ipsa affirmare.

Neque satisfacit auctorum, cum quibus disputamus, responsio, nempe ea testimonia intelligenda solum esse de actibus peccato-

Mediæ scientiæ nam ideo rejicienda, quia dilucide libertas arbitrii cum reliquis illis conciliatur.

rum arbitrii creati, non vero de actibus ejusdem arbitrii non malis. Imprimis, quoniam, si comparatione actuum peccatorum creati arbitrii admittenda est scientia media in Deo, nisi asserere velint arbitrium naturae necessitate ferri in peccata, ejusdemque arbitrii libertatem, ut supra dictum est, funditus evertere velint; cur eandem mediam scientiam, quam in Deo semel admittunt, non extendent, ut sit etiam comparatione omnium, quae ita libere ab eodem arbitrio producuntur, ut in ipsius scire sit potestate ea non producere? quandoquidem non aliter haec etiam in eo salvari potest libertas, ut ratione paulo antea facta ostensum est. Deinde, quoniam dum sancti Patres ita loquuntur, non solum sermo illis est in genere de futuris contingentibus (ut auctores, cum quibus disputamus, admittunt) tamen exempla idcirco adhibeant in peccatis, quia series orationis id postulabat, & quia facilius id in peccatis, quam in ceteris actibus, intelligitur & explanatur, sed etiam sermo illis interdum est de actibus bonis & meritoriis. Justinus namque Martyr in testimonio disp. praecedente relato, de futuris contingentibus in genere apte loquitur. Idem facit in testimonio disp. 23 relatis, ubi de actibus etiam bonis expresse illi est sermo: & in responsionibus ad Christianos de quibusdam quaestionibus necessariis, in responsione ad octavam quaestionem, inter alia sic dicit: Non igitur causa est Deus virtutis nostrae aut vitii, sed propositum nostrum & voluntas, ut ibidem a nobis relatum est. Ubi vides, quatenus virtutum actus ab arbitrio nostro libere pendent, Justinum Martyrem eos referre in arbitrium ipsum tanquam in causam liberam, quae producere & non producere eos potuit, non vero in praedestinationem divinam, qua praecogniti sunt futuri. Origenes etiam testimonio disp. praecedente relato perspicue loquitur de futuris contingentibus, ut se diffundunt ad actus malos & bonos ac meritorios; & sub finem ait: Ut autem scias, non in praesentia Dei unicuique salutis causam poni, sed in proposito & actibus suis, vide Paulum, &c. Sane propositum seu arbitrium non est causa salutis nisi per actus bonos, de quorum numero sunt, macerare corpus, & subicere illud servituti, qui ab Origene ibi ex Paulo commemorantur. In

genere item loquitur Origenes in aliis testimoniis disputat. 23 relatis, atque aequae de virtutibus & vitiis exempla ponit, quod in arbitrii sint potestate. Testimonium Damasceni disput. praecedente relatum, licet solum sit de diaboli peccato, idem tamen esse dicturum de actibus arbitrii bonis, satis constat ex aliis ejusdem Patris testimoniis disput. 23 relatis. Chrysostomi testimonium quamvis de peccatis loquatur, ex eodem tamen testimonio & ex aliis ejusdem Patris quae disp. 3 membr. 4 retulimus, liquet idem dicturum de actibus virtutum, nedum de indifferentibus. Hieronymus vero in 2 & 3 testimoniis disputat. praecedente relatis, in genere profecto loquitur, idemque constat ipsum sensisse de actibus virtutum ex aliis ejusdem testimoniis, quae disp. 3 membr. 4 citavimus. Cyrillus quoque Alexandrinus in genere etiam loquitur testimonio disp. praecedente relato, idemque sensisse de actibus virtutum & vitiorum, ex iis, quae membro 4 citato ex eodem Patre retulimus, manifestum est. Idem praeterea sensisse Augustinum de actibus virtutum & vitiorum, perspicuum est ex testimoniis disp. praecedente relatis. Nam eodem modo loquitur de praesentia consensus in peccato, & de praesentia dissensus, qui actus est bonus. Et in illo egregio testimonio ex 3 de libero arbitrio cap. 4 ubi ex eodem capite quo nos, conciliat arbitrii libertatem cum praesentia, eodem sane modo eam conciliat, quando actus, qui praescitur futurus, bonus est, & quando est malus. Unde tandem concludit: Si propterea non debet retribuere supplicium peccantibus, quia praevидit peccaturos; nec recte facientibus debet praemia retribuere, quia recte facturos nihilominus praevидit. Idem etiam liquet ex aliis testimoniis ejusdem Patris, quae membr. 4 citato & alias saepe retulimus. Idem constat ex ceteris aliorum Patrum testimoniis, quibus arbitrii libertatem tam ad bonum, quam ad malum membr. 4 citato late confirmavimus, si singula expendantur.

Nunc ad id, unde digressi sumus, redeamus, hancque secundam conficiamus argumentationem, ad praefinitiones, quales consinguntur, excludendas. Si ante praedestinationem praecessit electio quorundam ad beatitudinem voluntate Dei absoluta & efficaci ante
Prædestinatio non fit ex praefinitione consingendi auxilium ex se efficacia.
 ullam

ullam prævisionem mediorum, ususque liberi arbitrii, etiam ex hypothesi futuri, itemque rejectio cæterorum voluntate similiter efficaci; prædestinatio vero adulatorum posita fuit in prævisione conferendi eis auxilia efficacia, quibus ita arbitria eorum determinarentur, ut certo certitudine proveniente, ex qualitate auxiliorum, exequerentur opera, in eisque perseverarent, quibus tales adulti ad vitam æternam devenirent, cæteri vero, quibus Deus similia auxilia conferre non statuit, eo ipso extra numerum manserunt prædestinatorum: imprimis sequeretur in facultate arbitrii adulti prædestinati non esse relictum deflectere a beatitudine, neque item a singulari mediis in particulari, per quæ ad illam deveniet, quod non dubito errorem esse in fide.

Perit namque arbitrii libertas in prædestinato comparatione mediorum ad beatitudinem, & per consequens ratio propriorum meritum, per quæ in illam tendat, atque ad eam deveniat: quod constat esse hæreticum. Sequela vero probatur: quia si sumpto quocunque medio in singulari, per quod vel tanquam per dispositionem proximam aut remotam ad gratiam vel tanquam per meritum vitæ æternæ aut augmenti gratiæ devenitur sit in vitam æternam, dicas in facultate arbitrii talis prædestinati situm reipsa esse, vel in illud non consentire, vel illud impedire per peccatum præcedens, aut destruere per peccatum sequens, ita ut per illud ad vitam æternam non deveniat: sequitur auxilia, quæ Deus illi præparavit, conferreque statuit, non esse ex se efficacia ut medium illud sit & perseveret usque ad finem vitæ, ut intendebas & asserebas; sed quod efficacia ad utrumque sint, pendere ab arbitrio consentire volente aut non volente, itemque labi volente aut non volente in peccatum: sequitur præterea ex sola prævisione Dei conferendi ex parte sua ea auxilia, non esse certum ea media esse futura; sed quod certo futura sint, pendere simul a præscientia media, qua altitudine sui intellectus prævidit ex hypothesi quod ea auxilia præbere statueret, quid futurum esset pro talis arbitrii libertate; cum tamen potuerit contrarium esse; & si esset futurum, id Deus præcivisset, & non illud aliud; tu vero contrarium, tuis prævisionibus intendis atque affirmas: vel ergo dicturus es certitudinem mediorum

prædestinationis non esse ex sola prævisione & qualitate auxiliorum, sed pendere a certitudine scientiæ mediæ, vel daturus es in prædestinato non esse libertatem, ut a beatitudine & a mediis, per quæ in illam deveniet, possit deflectere. Neque recursus ad sensum divinum, quod scilicet ad eam libertatem satis sit deflectere posse in eventu quo Deus non statuisse talia auxilia ei conferre, locum in re proposita habet, ut ratione præcedente satis perspicue a nobis offensum est.

Deinde ex eadem ratione prædestinationis ac prævisionum sequeretur, in potestate eorum adulatorum, qui prædestinati non sunt, situm non esse pervenire ad beatitudinem, neque exequi quodcunque eorum bonorum quæ ad beatitudinem sunt necessaria, & reipsa executuri non sunt; imo neque exequi quocunque actum non malum, seu indifferenter, quem executuri non sunt, unde ulterius sequeretur circa peccata, quæ committent, non habere libertatem contrarietatis, sed solum contradictionis, nempe ad non consentiendum in illis, non vero ad dissentiendum & repugnandum: hæc autem quis dubitat errorem continere in fide?

Sequela probatur, quoniam ex sententia eorum, cum quibus disputamus, nullus ex eis, qui prædestinati non sunt, exequi potest actum ad beatitudinem necessarium, quem non est executurus, sine efficaci auxilio Dei; neque item actum alium quemcumque non malum, quem similiter non est executurus, sine concursu Dei ex se efficaci: sed data ea ratione prædestinationis ac prævisionum, Deus statuit nulli eorum conferre ad eos actus talia auxilia aut concursus: ergo in nullius eorum arbitrio & potestate situm reliquit exercere aliquem ejusmodi actum, quos non exercebunt, atque adeo neque relinquit in eorum potestate pervenire ad beatitudinem; quandoquidem sine talibus actibus ad eam neque devenient, nec possunt devenire: cum autem dissentire & repugnare peccato non solum sit actus arbitrii non malus, sed etiam sit actus bonus moraliter, sane quando consentiunt in peccatis, integrum illis, juxta eorundem auctorum sententiam, relictum non fuit, ab eis dissentire: quoniam sine concursu Dei efficaci dissentire non potuerunt; si autem illud habuissent, re ipsa dissentirent, & non peccarent, alioquin

alioquin non esset concursus efficax. Quare ex ratione prædestinationis & præfinitionum quas hi auctores invehere defendereque conantur, illa omnia, quæ dicta sunt, manifeste sequuntur.

Imo similiter sequitur, Deum non reliquisse in arbitrio & potestate prædestinatorum exercere plures aut alios actus non malos aut meritorios quam quos exercebunt, neque item libertatem contrarietatis ad dissentiendum & repugnandum peccatis in quæ incident, sed solam libertatem contradictionis: quoniam ad eos omnes actus non statuit illis conferre concursum ex se efficacem, sine quo non possunt illos elicere, & cum quo non possunt eos non elicere. Imo vero, data ea sententia, locus apertissime datur errori illorum montachorum qui dicebant, neminem corripendum esse, quod non operetur bonum, sed orandum esse Deum, ut illi largiatur gratiam, auxiliumve efficax, quò bene operetur; de quo errore disputatione 1 dictum est. Neque auctores, cum quibus disputamus, satisfaciunt, si dicant; per non prædestinatos stare, qui non se disponunt, ut recipiant concursum Dei efficacem, cum quo eos actus exercere valent, quibus beatitudinem assequerentur, & quibus dissentire ac repugnare possent peccatis in quæ incident; Deum autem semper esse paratum illos adjuvare efficaciter, si per ipsos non stet. Non, inquam, si hoc dicant, satisfaciunt. Primo, quoniam ex ipsorum sententia Deus, sine ulla prævisione aut ratione habita dispositionis aut usus liberi arbitrii futuri, ex æternitate statuit seu prædeterminat, his ad hæc in particulari opitulanti concursu ex se efficaci, illis vero non item: quare, ex ipsorum sententia, non relinquit id dependens ab arbitrio creato, a liberave in utramvis partem ejusdem arbitrii dispositione, nisi sibi ipsis repugnare hi auctores velint. Secundo, quoniam ejusmodi dispositio intelligi nequit, nisi per aliquem actum seu cooperationem liberi arbitrii: hanc autem, ex ipsorum sententia, non potest arbitrium habere sine prævio auxilio seu concursu Dei efficaci, quo præsentem non potest non elici, & quo absente elici non potest. Tertio, quoniam quidquid tandem sit ea dispositio, etiam si sit non consentire in peccato, nullum omnino eliciendo actum, sed se continendo & habendo nega-

tive, sane, si ab ea pender quod concursus Dei efficax conferatur aut non conferatur, tunc quemadmodum sine scientia media certum esse non potest, num ea dispositio futura sit, aut non sit per arbitrium creatum, ita, quod talis concursus efficax sit conferendus, & quod Deus illum conferre præfinerit, pendens quoque fuit a certitudine scientiæ mediæ antecedentis eam præfinitionem, & sine qua præfinitio ea non fuisset: atque ita incident hi auctores in scientiam mediæ, quam in Deo negant, tantopereque refugiant, tenenturque concedere, prædestinationem & reprobationem factam non fuisse sine prævia scientia mediæ ejus, quod tanquam dispositionem ipsi constituunt ad concursus Dei efficaces.

Certe si is suus modus prædestinandi quosdam ad alios, non item alios, qui ex horum auctorum sententia juxta suas præfinitiones relatus est, non video qua ratione verum sit, Deum velle omnes homines salvos fieri si per ipsos non steterit, omnesque universum vere, & non fide, in vitam æternam a Deo creatos esse: neque video, cur Deus juxta de non prædestinatis possit conqueri, quod pie & sancte non vivant, vitamque æternam non assequantur: imo neque video quo pacto verum sit, Deum posuisse homines in manu consilii sui, ut ad quod voluerint porrigant dexteram: quin potius, dato eo prædestinationis ac præfinitionum modo, perit arbitrii creati libertas, multumque Dei causa, justitia, ac bonitas erga reprobos, obtenebrescit ac obsecratur. Quare neque pia, neque ulla ratione tuta est in fide ea opinio.

Hanc quoque tertiam conficiamus rationem. Auxilia, quibus ad justificationem a Deo adjuvamur, ex se & ex natura sua non habent quod efficacia sint, sed id pender ex libero consensu arbitrii, quem, nihil illis impediens, potest non adhibere; imo quando consentit, potest dissentire, ut Concilium Tridentinum sess. 6 cap. 5 & can. 4 aperte definit, fuisseque satis, tum alibi, tum præcipue disputat. 4 & in Appendice, in responsione ad tertiam objectionem, a nobis ostensum est: itemque, quando auxiliis gratiæ consentit, potest intensius aut remissius, majorique vel minori conatu pro sua libertate cooperari, & consentire, ac proinde potest intensiorem aut remissiorem actum elicere,

elicere, ut disputatione 39. probatum est: ergo multo magis utrumque est concedendum de concursu, quo Deus ad actus naturales liberi arbitrii non malos concurrat, nempe non esse efficacem ex se, sed, nihil illo impediente, posse arbitrium, quando consentit, eosque actus elicere, non consentire, neque eos actus elicere, ut sua innata libertas Dei concursu & adiutorio ab arbitrio non auferatur; itemque quando actus elicit, posse majori vel minori conatu in eos influere, intensioresque proinde aut remissiores pro sua libertate illos producere, ut Doctores omnes de actibus naturalibus liberi arbitrii consentunt: quare pereunt præfinitiones quales auctores contrariæ sententiæ introducere conantur per concursum Dei ex se efficacem ad omnes, actus liberi arbitrii non malos, imo periculosissimæ sunt in fide, unaque cum illis perit ea certitudo divinæ præscientiæ circa contingentia futura pendencia ab arbitrio creato, quæ solis præfinitionibus innitatur, recurrendumque necessario est ad certitudinem scientiæ mediæ, qua Deus altitudine sui intellectus, eminentissimæque penetratione arbitrii creati, certo supra naturam objecti cognovit in quam partem, quantaque intensione se esset flexurum, ex hypothesi quod illis auxiliis in tali rerum & circumstantiarum ordine adjuvaretur.

Hæc ratio ad homines efficaciter, meo iudicio, ex definitionibus Concilii Tridentini citatis confirmatur: quoniam neque negant, nec negare possunt Concilium ibi definire, arbitrium nostrum, gratia præveniente motum & excitatum, ita elicere posse aliquem consensum, quo gratiæ illi consentiat, ut quando illum elicit, possit eundem non elicere, imo etiam possit dissentire tunc, si velit, sed dicunt, consensum illum antecedere conversionem ad quam necessarium affirmant auxilium aliud efficax gratiæ coadiuvantis, prævenienti gratiæ superadditum, quo conversio peragatur. Hinc vero sic conficio argumentum: Consensus ille prior est actus liberi arbitrii non malus; quandoquidem consentire ita gratiæ prævenienti, malum non est; ergo datur actus liberi arbitrii non malus, ita sine concursu efficaci elicitus, ut, quando elicitus fuit, potest non elici, imo poterit elici contrarius dissentus: hunc ergo non præcognovit Deus certo in

MOLINA.

sola præfinitione, qua illum concursu efficaci præfinitur, sed quia altitudine sui intellectus per scientiam mediam penetravit, in quam partem arbitrium se esset flexurum, ex hypothesi quod gratia præveniente illud eo pacto præmovere & excitare vellet: ac proinde falso hi auctores affirmant, certitudinem totam divinæ præscientiæ circa omnes universum actus liberi arbitrii non malos, a sola eorum præfinitione per concursum efficacem, non vero a scientia aliqua media, provenire. Et quoniam sæpe hi auctores, dum defendere volunt, per reprobos stare, quo minus convertantur, & vitam æternam assequantur; Deumve neminem ita deserere, quin semper paratus ex sua parte sit auxilium sufficiens illi conferre, per ipsumque peccatorem stare, quo minus illud recipiat; atque ad alia his similia solent recurrere ad aliquid prævium ad auxilium efficax quod ab arbitrio creato indifferenter pendeat, ut sit aut non sit: nemento ut tunc vigeas, quod illud sit aut non sit futurum non pendere ex aliqua præfinitione, neque habere certitudinem in quam partem per creatum arbitrium sit determinandum, nisi ex scientia Dei mediæ. Simul etiam memineris, auctores, cum quibus disputamus, certitudinem totam omnium universum actuum liberi arbitrii, qui mali non sint, reducere in certitudinem præfinitionum per concursum Dei ad eos omnes actus ex se efficacem, nihil omnino excipiendo. Attende ergo num consentaneè ad hanc doctrinam semper loquantur, an potius, quando ita opus est ad alia descendenda, aliquid latenter excipiant.

Quousque præfinitiones sint admittenda.

MEMBRUM III.

EXclusis auctorum, cum quibus disputamus, præfinitionibus, explicandum est, quæ Dei præfinitiones necessariae sunt, tum ut creata omnia existant, tum etiam ut universum divinæ ipsius providentiæ subdantur. Ut vero id melius fiat, observandum est, re-

Quæ arbitrium solam divinam radicem suam continentem habent.

rum creaturarum quasdam esse, quarum proxima contingentia radix est solum Dei arbitrium. Ejusmodi sunt, tum quæ a solo Deo immediate producuntur, neque ab alia ulla contingentia radice pendunt, ut fuerunt omnia quæ in prima rerum constitutione a

Kk

Deo

Deo producta sunt; tum etiam quæ ex his rebus sola naturæ necessitate, sine ulla dependentia ab alia contingentie radice, ulterius emanarunt.

Si de his omnibus futuris contingentibus, antequam in rerum natura existerent, sermo sit, convenimus omnes, pendere a sola præfinitione, qua Deus absoluta voluntate ex æternitate statuit quoddam eorum immediate producere, nec denegare solum necessarium concursum, ut cætera ex illis ulterius derivarentur. Convenimus etiam, totam certitudinem scientiæ, qua Deus antequam existerent futura illa novit, a sola illa præfinitione pendere. Præterea convenimus, comparatione horum futurorum contingentium duplicem tantum scientiam distinguendam esse in Deo: nempe liberam, qua post suam illam liberam præfinitionem futura ea absolute cognovit; & mere naturalem, qua ante eam determinationem, & possibilia ea cognovit per suam omnipotentiam, & insuper cognovit ea esse futura ex hypothesi quod producere quædam ex eis vellet, & rebus ita productis vellet non denegare concursum necessarium ut agerent. Sane nullus hanc scientiam ex hypothesi comparatione horum futurorum contingentium negare potest in Deo. Neque item potest negare esse mere naturalem: quoniam ex illa hypothesi necessarium est omnino ut ea existant. In hoc tamen ab auctoribus, cum quibus disputamus, dissentimus; quod concursum Dei generalem cum rebus, quas immediate produxit, ut inde aliæ derivarentur, non censemus esse influxum Dei in causam, ut prius eo mota & applicata agat; sed cum causâ immediate in effectum, ut disputatione vigesima quinta & sequentibus dictum est.

Operæ pretium autem erit, ut, perspicuiter gratis gratia, medium quoddam genus rerum inter præcedentes, & eas de quibus mox dicemus, distinguamus: nempe earum qui immediate quidem producuntur a Deo, etiam si ad quædam earum concurrant intellectus aut voluntas humana vel Angelica, non ut sint potentie liberæ, sed ut naturæ necessitate operantur, attamen quoad subiectum, vel aliud aliquid, pendent, præter Deum, a radice alia contingentie. Ejusmodi sunt suscitatio Lazari, collatio visus homini cæco na-

to, vocatio Pauli dum pergeret in Damascum, non solum externa, sed etiam interna, per præviat illuminationem, & motum voluntatis, antequam Paulus ullum liberum assensum eliceret, & sunt similia alia in internis aliorum vocationibus ad fidem, aut poenitentiam. Licet enim existentia Lazari in rerum natura, & cætera, quæ circa ipsum usque ad instans, in quo a Christo suscitatus est, acciderunt, habuerint præter Deum radices alias, quod contingenter ita extiterint, idemque est de cæco nato, & Paulo, usque ad instans, in quo alter visum recepit, alter vero ad fidem & poenitentiam vocatus est; nihilominus suscitatio Lazari, illuminatio cæci nati, & vocatio Pauli, illis omnibus præsuppositis, non aliam radicem suæ existentie habuerunt quam liberam voluntatem Dei, a qua sola productæ sunt. Quocirca si de his præcisè loquamur, antequam existerent, præsuppositis illis aliis, idem dicendum est, quod de futuris contingentibus primo loco explicatis, videlicet, pendere a sola Dei libera præfinitione, qua ex æternitate statuit eo pacto illas efficere in tempore. Certitudinem quoque scientiæ, qua illo ex capite futuras eas absolute novit, similiter dicendum est pendere ex sola eadem præfinitione, secus autem quatenus ad earum existentiam prærequiruntur illa alia quæ in multis a creato arbitrio pendebant: ex hoc namque capite idem de certitudine scientiæ qua Deus absolute eas futuras cognovit, dicendum est, quod de certitudine scientiæ rerum tertii generis statim subjungimus.

Tertium ergo genus est earum rerum, quarum proxima contingentie radix est liberum arbitrium creatum, sive proxime sive remote ab eo pendeant quoad existentiam. Quia vero, explicatis præfinitionibus divinis ad actiones humanas nostri arbitrii in statu naturæ lapsæ, facile intelligitur, tum quæ necessariæ fuerint ad actiones Angelorum & hominum in statu innocentie, quorum libertas major erat, quam nostra, tum etiam quousque a præfinitionibus divinis pendeant ea quæ ab arbitrio creato mediate pendunt; solum dicemus de divinis præfinitionibus ad nostras actiones humanas.

Uti in appendice, in responsione ad secundam objectionem dicebamus, quod ad præsens institutum attinet, triplex genus actio-

num

*Ad ea quæ
sola præfinitio
necessaria.*

*Medium
genus earum
rerum quæ
sola contingentia
propria est
arbitrii
creati, &
sola pendens ab
alio.*

*Res quarum
contingentia
radix præfinitio
est arbitrii
creati.*

*Triplex
generis
actio-*

num humanarum distinguere possumus. Primum indifferentium, aut quæ etiam bonæ sunt moraliter, tam modicam tamen continent difficultatem, ut cum concursu Dei generali effici possint. Secundum earum, quæ supernaturales sunt, aut tantam continent difficultatem, ut particulari indigeant Dei auxilio. Tertium earum, quæ peccaminosæ sunt. Omnium autem ibi adhibuimus exempla, in actu locutionis a libero arbitrio imperato, quæ & nunc perséquemur.

Ponendum tamen est, in quacunque præfinitionum divinarum opinione, negari non posse, ante omnem liberum actum divinæ voluntatis, atque adeo ante omnem præfinitionem præcessisse ex parte divini intellectus, scientiam minime liberam, qua cognovit, non solum omnia, quæ sua omnipotentia tam per se ipsum immediate, quam interventu causarum secundarum esse poterant, sed etiam quæ futura essent per quodcunque arbitrium creatum, & universum per quodcunque aliud agens, ex quacunque hypothefi, datave quacunque ipsa præfinitione. Licet enim controversia esse possit, vtrum hæc scientia ex hypothefi præfinitionum, comparatione omnium objectorum, sit mere naturalis Deo, ut de ea, quando est rerum creaturarum primi generis, supra dicebamus, an vero non, sed comparatione earum rerum, quæ ab arbitrio creato mediate vel immediate pendent, rationem habeat in Deo scientiæ medix, quæ potuerit non esse, si arbitrium pro sua libertate ex eadem hypothefi esset facturum oppositum, nullus tamen negare potest eam in Deo. Quin potius auctores, cum quibus disputamus, altruere videntur, illam esse mere naturalem, comparatione omnium rerum, quarum constituunt præfinitiones in Deo: quandoquidem dicunt præfinitionem ac concursum Dei determinare arbitrium ad eas res, neque arbitrium in sensu composito posse oppositum. Imo hæc videtur esse scientia quam circa futura contingentia conditionata in Deo constituunt, juxta ea quæ membro 1. ex eorum mente dicta sunt: quid autem censeant circa actus peccatorum, quorum comparatione negant in Deo præfinitiones, non explicant aperte, duobus vero membris præcedentibus conjecturis explicuimus quid sentire videantur.

Hoc ita constituto ad actiones humanas primi generis, qualis est locutio indifferens Petri futura cras, aut eadem jam moraliter bona ex relatione ad honestam recreationem juxta eutrapeliæ virtutem ac urbanitatis, necessarium est præcedat ex æternitate sequentes Dei præfinitiones, nempe, voluntas creandi totum ordinem rerum-usque ad Petrum, concurrentique cum singulis causis secundis, tam liberis quam naturalibus, quæ a principio mundi in ea serie fuerunt usque ad Petri productionem: voluntas creandi animam Petri, eamque infundendi in corpus, concurrentique simul tum omnibus causis quæ ad Petri generationem immediate concurrunt: atque adeo voluntas conferendi Petro, partim per se immediate, partim vero interventu causarum secundarum, liberum arbitrium, reliquasque potentias, tum ad loquendum, tum ad alia necessarias: voluntas item concurrenti ad ea omnia quæ necessaria erant, quousque Petrus ad instant locutionis esset devenurus, cum circumstantiis omnibus tunc præsentibus: denique voluntas non denegandi illi suum concursum generalem ad ita loquendum, si pro sua libertate ita loqui vellet, semper eo illi assistendo, ut si loqui, aut aliam operationem exercere vellet, illum eo pacto adjuvaret: atque adeo voluntas conferendi illi cum concursum, quia videbat eum pro sua libertate locuturum. Nostra tamen sententia, hic concursus non est motus Dei in arbitrium, quo illud moveat, applicet, & determinet, vel ad eam numero locutionem, vel etiam ad loquendum; sed est influxus cum arbitrio, pendens, ut sit, ab influxu & cooperatione ipsius arbitrii; eo modo quo disp. 40 explicatum est, influxum & cooperationem habitus cum potentia ad actum pendere a cooperatione potentie: in re tamen proposita sicut is concursus generalis pendet, ut sit; ab influxu & cooperatione arbitrii; ita vicissim influxus arbitrii pendet, ut sit, ab eo generali concursu, ut utrumque a disputatione 25. fuisse explicatum est: itemque generalis concursus indifferens est ex se, ut sequatur volitio aut nolitio locutionis, aut aliquid aliud arbitrii actus, ab arbitrioque ipso tanquam a particulari causa is concursus generalis determinatur ad speciem actus. Ecce a quibus Dei præfinitionibus pendeat locutio illa indifferens,

rens, aut moraliter bona, eras Petri futura. Quibus sane præfinitionibus concursusque Dei generali nihil impredientibus, liber manet Petrus, integrumque illi in eo instante constituto est, velle loqui aut non loqui, vel velle eo, pacto studiose loqui, aut arbitrio suo, concurrere generali, & cæteris Dei donis abutendo ad malum finem, pervertereque loqui, vel ad quippiam aliud longe diversum agendum seipsum applicare, nisi arbitrii libertatem a Petro, bonitatem moralem ab eo opere, & meritum si in gratia sit factum, cum aperto in fide errore negare velimus. Quia tamen studiose ea locutio continetur in fine, ad quem Deus liberum arbitrium, concursus generalem, & cætera omnia memorata dona Petro conferre præfinivit; sane, prævidens Deus pro libertate Petri illam futuram, ex hypothesi quod ea omnia præfinire vellet, eaispâ præfinitione, atque adeo providentia sua circa eum effectum, quæ per eam præfinitionem completur, itemque donis ipsis illam in particulari intendit, beneplacitique voluntate esse voluit, dependenter semper a libera Petri cooperatione, quam futuram prævidebat. Porro Deum prædicto modo suis præfinitionibus & providentia intendere ac velle omnia nostra opera in particulari, etiam si supernaturalia sint, imo & omnem effectum causarum secundarum non malum, appellant Patres Deum ea prædestinare ac præfinire. Sic Leo 9. Epist. decret. ad Petrum Antiochenum. Credo, inquit, Deum prædestinasse solum bona, præcivisse vero bona malaque. Et Augustinus, aut quivis alius ejus operis auctor, de articulis sibi falso impositis, art. 10: Detestanda, inquit, & abominanda opinio est, quæ Deum ejusquam malæ voluntatis, aut malæ actionis credit auctorem, cujus prædestinatio nusquam extra bonitatem, nusquam extra justitiam est: universæ enim viæ Domini, misericordia & veritas. Adulteria enim matronarum, & corruptelas virginum, non instruere novit sancta Divinitas, sed damnare; nec disponere, sed punire. Non ergo casus ruentium, nec malignitatem iniquorum, nec cupiditates peccantium, prædestinatio Dei aut excitavit, aut suavit, aut impulsit: sed plane prædestinavit judicium suum, quo unicuique retributurus est prout gessit, sive bonum sive malum.

Quod ad actiones humanas secundi generis attinet, adhibeamus in supernaturali ac difficillima, nempe in confessione fidei in tormentis usque ad finem vitæ, quæ martyrem efficit, ponamusque eam elici ab infidelibus, qui per eam justificetur. Sane ad ejusmodi actionem non solum necessariae sunt omnes Dei præfinitiones, de quibus ad præcedentem actionem indifferentem, aut moraliter bonam dictum est, sed etiam requiritur præfinitio vocandi, adjuvandi, & confortandi illum tunc egregiis gratiæ præventis & cooperantis auxiliis, sine quibus arbitrium hominis illius id præstare non potest: hæc tamen & præcedentes præfinitiones, atque auxilia, integrum illi relinquunt, in instanti, in quo convertitur, non solum non converti, sed etiam a fide dissentire, eamque negare, & postea, dum tormenta usque ad finem vitæ perseverant, succumbere, fidemque negare. Nec dubitamus, juxta ea, quæ membro præcedente ac alibi dicta sunt, hoc esse de fide: alioquin talis conversio ad fidem, & perseverantia in confessione, meritoria non essent, imo neque essent actus bonus moralis, eo quod sine libertate, vel contrarietatis, vel contradictionis ad oppositum; nec meritum, nec moralis bonitas in ullo actu esse possint. Quia vero Deus, prævidens pro libertate hominis illius futuram eam confessionem & perseverantiam usque ad finem vitæ, ex hypothesi quod præfinire vellet eo pacto illum adjuvare; sane præfinitione ipsa, ordineve suæ providentiæ, quæ per eam præfinitionem comparatione illius effectus completur, auxiliisque ipsis intendit in particulari, ut esset ea confessio & perseverantia, beneplacitique voluntate ipsam voluit, complacendo quod eo pacto simul ex suis donis & libera arbitrii voluntate esset futura, eaque ratione prædestinasse & præfinivisse illam dicitur, ut supra circa actionem bonam moraliter dictum est. Quod ad auxilium requiritur: præfinitio namque conferendi tale auxilium nequaquam libertatem ab arbitrio aufert non eliciendi eam actionem, aut etiam ab illa dissentendi, ut Concilium Trident. sess. 6 cap. 5. & can. 4. definiit.

Denique

*Propositio
qualis ad
peccaminosa
actiones
necessaria.*

Denique quod attinet ad peccaminosās actiones humanas, de quarum numero fuit trina Petri negatio, recte auctores, cum quibus disputamus, affirmant eas non fuisse præfinitas a Deo: ejus tamen rei non est ea reddenda ratio, quam ipsi reddunt, nempe, quia Deus non applicat nec determinat arbitrium ad eas actiones concursu efficaci, quasi ad bonas efficaci concursu illud determinet; sed quia dum Deus arbitrium, suumque concursum generalem, & cætera ad eas eliciendas necessaria conferre peccatori statuit, non eas intendit, sed ad longe diversum finem ea omnia conferre decrevit: peccator vero ipse est qui sua libertate illis omnibus ad eas exercendas abutitur. Licet autem dicendum non sit, Deum prædestinasse aut præfinitisse actiones malas: affirmandum tamen est, necessarias fuisse aliquas Dei præfinitiones, ut illæ per creatum arbitrium in rerum natura esse possint. Quare si de trina Petri negatione sit sermo, necessariae fuerunt præfinitiones omnes quas supra diximus necessariae esse ad actionem indifferentem in illo eodem instanti eliciendam, in quo Christum negavit, sub quibus comprehendendo præfinitionem non denegandi seu conferendi illi suum concursum generalem. Præterea necessaria fuit præfinitio permittendi illi ad optimum finem, quem Deus ipse ea permissione intendebat, actionem illam malam quam sub illis circumstantiis pro libertate arbitrii Petri futuram prævidebat, hoc est, non variandi circumstantias, conferendive illi alia subsidia, cum quibus pro eadem libertate arbitrii in eam negationem non incidere.

*Diferimen
inter nos &
auctores
contraria
sententia.*

Ecce explicavimus omnes præfinitiones necessariae ad omnia universum futura contingentia positiva. Nunc paucis accipe radicem totam discriminis inter nos & auctores cum quibus disputamus. Illi censent præfinitiones Dei æternas, & concursus, quibus per eas statuit concurrere in tempore cum quocunque arbitrio creato ad omnem actum non malum, ita determinare arbitrium ad eum actum, ut integrum illi non maneat eum non elicere, quia censet omnem talem concursum esse ex se efficacem, neque efficaciam illius ab arbitrio ullo pacto pendere. Unde consequenter censent, certitudinem totam præscientiæ Dei, qua omnes eos actus futuros absolute cognovit, pendere

solis præfinitionibus, ex quibus non solum infallibiliter; sed etiam inevitabiliter per arbitrium creatum actus illi eliciuntur. Inde etiam consequenter negant, admittendam esse ullam mediam scientiam in Deo comparatione eorumdem actuum, ut vere iuxta ea fundamenta est neganda: quia scientia, qua a Deo ante liberum suæ voluntatis actum futuri præcognoscerentur ex hypothese earum præfinitionum, esset omnino naturalis in Deo, ut supra dictum est. Atque ea ratione scientiam, qua Deus futura contingentia conditionata agnovit, ut quod futura fuisset penitentia Tyriorum & Sidoriorum ex hypothese quod apud illos facta fuissent virtutes quæ Corozain & Bethsaidæ factæ sunt, mere naturalem esse volunt in præfinitione quæ tunc fuisset. Nos vero censentes errorem esse in fide, tales constituere Dei præfinitiones, & concursus, qui integrum non relinquunt arbitrio in instanti, in quo elicit actum non malum, illum non elicere, imo & dissentire si velit, consequenter dicimus, certitudinem totam divinæ scientiæ, qua actus tam bonos quam malos arbitrii creati absolute futuros esse prænosceat, non provenire ex solis præfinitionibus conferendi auxilia & concursus; quoniam, eis nihil impediens, potest arbitrium se inflectere in partem contrariam; sed provenire ex scientia media, qua ante omnem actum suæ voluntatis cognovit in quam partem arbitrium pro sua libertate se esset flexurum, per eamque scientiam dicimus Deum certo cognoscere futura omnia, quæ auctores contrariæ sententiæ conditionata appellant. Certitudinem vero scientiæ illius mediæ provenire dicimus ex altitudine illimitataque perfectione intellectus divini, qua certo cognoscit quod in se est incertum, idque eminentissima comprehensione in divina essentia ejusque arbitrii, quod sua omnipotentia creare potest.

*Certitudo
scientiæ di-
vinæ circa
futura con-
tingentia
unde pro-
veniat.*

Illud postremo observa, scientiam mediam esse quidem in Deo ante omnem actum liberum suæ voluntatis, esseque omnium universum effectuum, non solum qui re ipsa futuri sunt per arbitria quæ statuit creare in eo ordine rerum & circumstantiarum, quæ condere decrevit, datoque quocunque alio ex infinitis infinitis, quos potuit creare: at tamen ita eam mediam scientiam esse

*Scientia
media est ex
hypothese
quod hoc vel
illo modo
velit Deus
præfinitur ut
providere.*

omnium horum effectuum, ut nullius sit nisi ex hypothesi præfinitionis divinæ voluntatis, quod hunc vel illum ordinem velit condere, atque hoc vel illo modo eo ipso ordine mediis & circumstantiis illius velit providere & adjuvare: cum autem per talem præfinitionem ratio divinæ providentiæ per comparationem eorum ad unumquemque eorum effectuum compleatur, consequens profecto est, ut nihil Deus per scientiam mediam ante actum suæ voluntatis præviderit, nisi ex hypothesi, & sub conditione, quod hoc vel illo modo vellet providere per comparationem ad eundem effectum. Non ergo ejusmodi scientia media tollit aut impedit divinam providentiam; quin potius est lumen & notitia prærequisita in Deo ex parte sui intellectus ad perfectissimam atque exactissimam providentiam, quoniam per eam scientiam ac notitiam antequam quicquam statuatur per voluntatem, atque adeo antequam quicquam circa arbitrium creatum accommodare ad liberam ejusdem arbitrii naturam provideat, prævidet quid per illud futurum sit, non absolute, sed ex hypothesi, & conditione, quod hoc vel illo modo velit illi providere. Sicut ergo in illo priori, antequam Deus quicquam præfinit & statuatur per suam voluntatem, non datur in Deo completa ratio providentiæ neque circa arbitrium creatum, neque circa aliquid aliud, eo quod desit adhuc id quod ex parte suæ voluntatis ad rationem providentiæ requiritur: sic etiam nihil tunc cognoscitur absolute ac simpliciter futurum, sed solum sub conditione, si Deus hoc vel illo modo velit definire ac providere circa res.

Nunc accipe discrimen inter nos & auctores cum quibus disputamus, circa divinam providentiam earum rerum quæ ab arbitrio creato immediate pendent. Illi recte quidem censent, Deum habere providentiam circa omnes actus in singulari liberi arbitrii creati non malos, eosque intendere, esseque effectus ejusdem providentiæ; attamen arbitrantur ea ratione eos intendere, esseque per suam providentiam illorum causam, quia & ex æternitate statuit ad eos movere & determinare arbitrium creatum auxilio seu concursu ex se efficaci, & in tempore eodem ipso efficaci concursu illud re ipsa movet, ita ut in potestate arbitrii sub ea præfinitione & con-

curso constitui situm non relinquit eos non exercere. Unde consequenter asserunt, eos ex solo ordine divinæ providentiæ esse certos & infallibiles.

Nos vero, non dubitantes, talem præfinitionis, concursusque ex se efficaci modum, arbitrii ad eosdem actus tollere libertatem, ac proinde errorem continere in fide, in primis dicimus: Deum per suam sapientiam providere unicuique rei accommodare ad illius naturam, eaque de causa rebus liberis providere ad effectus liberos, sive illi naturales sint, sive supernaturales, servata semper arbitrii libertate, hoc est, integrum illis relinquendo in instanti, in quo eos producant, nihil impediens circumstantiis omnibus tunc existentibus, eosdem non producere, quin, si ita velint, producere contrarios, ut ea ratione domini sui suarum actionum, virtutisque ac vitii, laudis ac vituperii, præmii ac supplicii sint capaces.

Deinde dicimus, ea ratione eos actus intendere, illosque in particulari esse effectus suæ providentiæ, quia causæ omnes a quibus in singulari producantur, & a quibus Deus per scientiam suam mediam producendos prævidet ex hypothesi quod eo pacto disponere hoc universum, in eoque eo pacto providere vellet, media profecto & effectus sunt suæ providentiæ, ad eos & alios similes actus producendos, peccandem suam æternam præfinitionem ac providentiam collata; inter eas tamen causas & media sane arbitrium ipsum comprehenditur ac computatur, a Deo per eandem suam providentiam homini aut Angelo ad eosdem actus collatum, cum facultate quidem ad illos non producendum, ceterum præexistente in Deo scientia, quia videbat, ex hypothesi quod illud in eo ordine rectum & auxiliorum atque circumstantiarum collocare vellet, fore illos producturum. Quia ergo inter ea media, quibus Deus sua providentia illos intendit, reque ipsa, quando fiunt, est illorum causa in particulari, computatur creatum arbitrium, in cuius potestate situm est, eos re ipsa, si ita velint, non producere; consequens profecto est, ut ex solis mediis divinæ providentiæ certi atque infallibiles non sint, si scientiam mediam secludas, qua Deus altitudine sui intellectus supra objecti naturam futuros illos pro arbitrii libertate

Non impedit providentiam, quia erigitur ad perfectissimam in Deo providentiam.

Discrimen inter nos & auctores circa divinam providentiam.

Providet Deus accommodatus ad naturam cuiusque rei, rebusque propriis, sive liberis, sive servatis libertate.

Actus non malos arbitrii intendit Deus, suntque in particulari effectus suæ providentiæ.

tate est iisdem mediis, ordineque suæ providentiæ prævidit.

Tertio dicimus, quoniam (ut hæcenus est explicatum) iisdem actus simul pendent, tum ab arbitrii libertate, tum etiam a Deo æterna sua præfinitione seu providentiâ conferre volente tam arbitrium quam cætera omnia media ad eos necessaria, aut etiam coadiuvantia; consequens profecto est, ut prævidente Deo per scientiam mediam futuros illos pro libertate arbitrii, ex hypothesi quod eo modo præfinire ac providere ad illos producendos vellet, eo ipso quod posterius nostro intelligendi modo cum fundamento in re ipsa præfinivit ac providit, voluerit absoluta voluntate eos esse quales futuros prævidebat, complacendo ut essent dependentes, tum ab ipsa sua præfinitione ac providentiâ, tum etiam ab arbitrii libertate, tanquam a duabus causis ita ad illorum existentiam-necessariis, ut, si earum altera, propter a libertate deficeret, tales actus non essent.

Quarto dicimus, quoniam non solum nostri actus boni pendent modo explicato a nostro arbitrio, sed etiam mali ab eadem pendent arbitrii libertate, Deus vero neque ad naturalia, neque ad supernaturalia singulis hominibus & Angelis eodem modo atque æqualiter providet, sed dona suæ misericordiæ distribuere statuit, prout vult, nemini interim deficiendo in necessariis; sane ad perfectissimam Dei providentiam (ut præcedente disputatione dicebamus) necessaria erat scientia media, per quam prævidens quæ per cujuscunque creaturæ arbitrium ex quacunque hypothesi, & in quocunque rerum eventu essent futura, salva illarum libertate, posset ex æternitate, atque absque ulla in seipso temporis decursu vicissitudinis obumbratione, ex iis, quas creare decerneret, prædestinare quas vellet, & omnibus ad singulos eventus juxta suam sapientiam ac beneplacitum suæ voluntatis providere, statuendo variis modis & auxiliis earum actus prævenire, eas diversimode exercere, defectus & peccata eorum permittere & tolerare, ad fidem & poenitentiam ipsas vocare, vocatas jam & justificatas in bono promovere, & pleaque alia circa illas exercere.

Ultimo dicimus, quia bona omnia, sive per causas naturæ necessitate agentes, sive per

liberas fiant, ita pendent a divina præfinitione (quali a nobis supra explicata fuit) ac providentiâ, ut in particulari perillam a Deo intendantur, actus autem mali arbitrii creati eatenus etiam divinæ præfinitioni ac providentiæ subduntur, quatenus causæ unde emanant concursusque Dei generalis ad eos eliciendos necessarius, per divinam præfinitionem ac providentiam conferuntur, licet non eo fine, ut illi ex eis emanent, sed ut alii longe diverſi fierent, rebusque arbitrio præditis sua innata libertas in earum maximum bonum servaretur, & insuper subduntur eidem divinæ præfinitioni & providentiæ, quatenus esse nequeunt in particulari, nisi Deo per suam providentiam in majus aliquod bonum eosdem in particulari permittente; consequens profecto est, ut omnia universim divinæ providentiæ ac voluntati in particulari subdantur, quædam eorum intendenti in particulari, & cætera permittenti in particulari. Quo fit ut neque folium de arbore pendens moveatur, neque ex passeribus duobus qui assidue veniunt unus cadat super terram, neque quicquam aliud omnino fiat sine voluntate ac providentiâ Dei circa id in particulari, vel intendente vel permittente illud in particulari: id quod fortissimum solatium est iustis, qui in Deo totam suam spem collocant, atque sub umbra alarum providentiæ ipsius suaviter requiescant, optantes ut tam in prosperis, quam in adversis, divina semper circa ipsos voluntas impleatur.

Ex dictis facile intelliges, quam falso mihi sæpe imponatur, me constituere solum providentiam in confuso & non in particulari circa ea quæ ab arbitrio creato pendent, ex eo quod constituam in Deo mediam scientiam, qua Deus præviderit quid arbitrium creatum esset facturum, ex hypothesi quod in hoc vel in illo ordine, rerum & circumstantiarum & auxiliorum collocaretur. Neque, qui mihi id imponit, attendunt, in ipsa re libero arbitrio prædito, & in ordine rerum ac circumstantiarum & auxiliorum contineri media omnia divinæ providentiæ, per quæ in particulari intendit bona omnia, quæ pro libertate talis creati arbitrii prævidet futura. Quia tamen sollicitus non sum, quid quis de me referat, eo quod facile legenti primam nostræ Concordiæ editionem, vel hanc secundam, constare potest quid ipse dixerim,

dixerim, multa, quæ tanquam mea falsò referuntur, consulto prætermitto; multis etiam aliis supervacaneum duco satisfacere.

Quædam objectiones diluuntur.

MEMBRUM IV.

Argumentum primum. Auctores contrariæ sententiæ primo in hunc modum argumentantur: Si Deus nihil omnino creare decrevisset, solum esset in Deo scientia naturalis, quæ seipsum comprehenderet, & in seipso omnia possibilia tam naturalia quam libera: sed ex decreto creandi res solum est in Deo scientia libera, quæ cognoscit, quæ ex illo libero decreta sunt futura: ergo in Deo non est tertium aliud illud genus scientiæ mediæ.

Confirmatio. Confirmatur, quoniam vel scientia Dei consideratur comparatione possibilium antequam determinarentur ad esse per actum divinæ voluntatis atque hoc pacto spectata est naturalis in Deo; vel consideratur comparatione rerum quæ post determinationem liberam voluntatis divinæ erunt in aliqua temporum differentia, & tunc est scientia libera: ergo non datur tertium genus scientiæ in Deo.

Responsio ad argumentum. Ad argumentum neganda est major: ultra scientiam enim mere naturalem, quæ illa omnia cognosceretur in ratione mere possibilem, esset etiam scientia mediæ, quæ Deus cujuscunque contradictionis futurorum contingentium, quæ ab arbitrio creato penderet, cognosceret, quæ pars esset futura, non simpliciter, sed ex hypothesi quod hunc vel illum ordinem rerum vellet condere, sciturus contradictoriam, si ex eadem hypothesi dependenter ab arbitrio creato contradictoria essent futura, ut hactenus ostensum est: adversarii quæ ipsi idem tenentur confiteri circa peccata, quæ, data ea hypothesi, futura essent per arbitrium creatum, nisi vel asserere velint Deum ignorare, quæ peccata, data ea hypothesi, essent futura; vel dicere velint, arbitrium, data ea hypothesi, naturæ necessitate ea peccata esse commissurum, quod membro secundo late impugnatum est. Observa: esto Deus nihil constituisse creare, futuram in eo scientiam liberam, quæ cognosceret nihil eorum esse futurum, quæ creare poterat: quemadmodum enim libere non constituisset creare, ita libere sciret nihil

eorum quæ constituere poterat, creare, & non constituit esse futurum. Adversarii tamen loquuntur de scientia libera rerum positiviarum.

Ad confirmationem dicendum est, dari tertiam considerationem divinæ scientiæ, nempe comparatione eorum quæ futura sunt non simpliciter, sed ex hypothesi quod Deus ipse hunc vel illum ordinem rerum creare vellet: futurum namque sic ex hypothesi medium quoddam est inter mere possibile & futurum simpliciter, ut membro primo explicatum est. Scientia vero Dei hoc modo spectata, comparatione eorum quæ dependenter ab arbitrio creato ex ea hypothesi essent futura, est scientia mediæ: quoniam licet non sit libera in Deo, scivisset tamen Deus contradictorium, si, ut ex eadem hypothesi esse poterat esse futurum.

Argumentum secundum. Secundo argumentantur: Si prædefinitio Dei conferendi concursus ex se efficacem ad actum bonum voluntatis, concursusque ipse ex se efficax, non essent constituendi, idcirco esset, quia determinandò efficaciter voluntatem ad unum, tollerent libertatem voluntatis ad oppositum, ac proinde voluntas non eliceret eum actum libere, sed necessario, quo dato, periret bonitas moralis ac meritum illius actus: sed ex eo quod voluntas, quando operatur, determinata sit ad unum, non sequitur non operari libere: ergo irrationabiliter illa de causa negantur præfinitio divinæ conferendi concursus ex se efficacem, concursusque ipse ex se efficax. Minor probatur, quia etiam in eorum opinione, qui hujusmodi præfinitiones & concursus efficaces non admittunt, quando voluntas libere operatur, jam se determinavit ad alteram contradictionis partem; imo idcirco operatur, quia se determinavit: sed id non tollit, quo minus libere operetur: ergo ex eo quod voluntas, quando operatur, determinata sit ad unum, non sequitur non libere operari.

Responsio. Ad majorem hujus argumenti dicendum est, idcirco præfinitiones illas & concursus ex se efficaces non esse admittendos, quoniam qui illos constituunt, affirmant sine illis voluntatem non posse elicere illum actum bonum, & illis præsentibus non posse illum non elicere; & præterea quod præsentibus aut absentes sint, non pendere a voluntate ipsa, quæ eum actum elicere debet, sed a solo Deo id libere

idlibere præfinitie, ex æternitate, aut non præfinitie, quibus datis nunquam in voluntate ipsa relinquatur facultas ad se indifferenter determinandum aut non determinandum, vel ad se determinandum in unam aut alteram partem, quod tamen ad veram libertatis rationem omnino est necessarium. Quod autem illis datis nunquam in voluntate relinquatur ea facultas, patet: quoniam in instanti in quo non adest ille concursus, non potest se voluntas determinare ad eum actum eliciendum, neque in ipsius potestate est tunc facere aliquid, quod si faceret, adestet concursus ille, quoniam tunc concursus & præfinitio penderent non solum a libera voluntate Dei, sed ab eo quod pro sua libertate factura esset voluntas, aut non esset factura, præcognito a Deo per scientiam medium. In instanti vero in quo concursus ille efficax adest, non potest voluntas non determinari ad eliciendum eum actum: quoniam si in potestate ipsius esset tunc non se determinare, posset reddere inefficacem talem concursum, ac proinde ab ipsa penderet quod efficax vel inefficax esset. Concessa ergo majori argumenti propositi, si in ea sit sermo de determinatione in sensu a me modo explicato, quæ libertatem aufert a voluntate ad eum actum, & cum ea bonitatem moralem & meritum ejusdem actus; neganda est minor, si in ea similiter sermo sit de eodem modo determinationis ad unum. Ad probationem vero negandum est, voluntatem quando libere operatur, prius natura se determinasse quam operetur: imo vero operando libere determinat se ad operationem; priusque natura in eodem instanti constituta est indifferens, ut se determinet ad operandum vel non operandum, & ad operandum potius circa hoc objectum quam circa illud, & potius volitionem quam nolitionem, quam determinate operetur, aut determinate non operetur, & quam determinate eliciat volitionem aut nolitionem, circa hoc aut illud objectum, ut disput. 24 ostensum est: quin potius idcirco libere operatur, libereve se determinat ad operandum, quia prius natura est indifferens, ut ita se determinet aut non determinet, atque adeo quando se determinat, potest se non determinare: postquam vero in aliquo instanti intelligitur jam ad unum determinata, impli-

cat contradictionem se non determinasse in eodem instanti, ac proinde non est jam libera ad non ita se determinandum, id quod Aristoteles & Boetius docuerunt vulgari illo pronuntiato: Quod est, quando est, non potest non esse: ut disputatione citata dictum est.

Tertio argumentantur: Quamvis existente volitione efficaci finis, voluntas non possit in sensu composito non velle medium ad eum finem necessarium, id tamen neque libertatem, neque moralem bonitatem, aut etiam meritum tollit a volitione talis medii: ut existente in viatore efficaci volitione semper beatitudinis, occurrenteque illi observatione alicujus præcepti, obligantis sub culpa lethali, quamvis in sensu composito non possit non velle eam observationem, eo quod medium omnino sit necessarium ad assequendam beatitudinem, id tamen non tollit ei volitionem esse liberam, bonam moraliter, ac meritoriam: ergo quod, existente divina præfinitione conferendi alicui concursum efficacem ad aliquem actum bonum, talis homo in sensu composito non possit non elicere eum actum, nihil omnino impedit, quo minus talis actus liber sit, & bonus moraliter, aut etiam meritorius si ab existente in gratia eliciatur.

Ad hoc argumentum, concessio antecedente, neganda est consequentia: quoniam in priori eventu utrumque eorum, quæ in sensu composito non possunt esse simul, est in libera voluntate viatoris illius, ita ut quando vult observationem occurrentem talis præcepti, possit & ipsam non velle, & eo ipso desistere simul a volitione efficaci finis, ac proinde veram libertatem seu indifferenciam ad utrumlibet retinet comparatione observationis talis præcepti; in posteriori vero eventu, admissio tali genere præfinitionis, atque concursus divini ex se efficax, eam libertatem non retinet ad eliciendum vel non eliciendum actum illum bonum, ut argumento precedente & sæpius in superioribus ostensum est.

Quarto argumentantur: Prudentissimus Dux vel Paterfamilias, si posset providere domui vel exercitui, providendo omnes & singulas res ac particularia media ad consecutionem victoriæ, vel ad rectam domus gubernationem, certe id faceret, in eoque splenderet maxima ejus providentia & sapientia; si vero

Voluntas prius natura est indifferens, ut si determinet, quam libere operetur, nec prius se determinat, quam operetur.

Argumentum tertium.

Responsio.

Argumentum quartum.

si vero id non facit, Idcirco est, quia non potest: sed Deus facillime potest providere hoc modo de omnibus rebus, neque ea de causa tollitur libertas ab arbitrio creato: ergo providet præfiniendo omnia in singulari.

Responsio.

Si hoc argumento solum intendatur, in Deo esse providentiam de omnibus in singulari, concedendum est totum: neque enim pugnat contra nos, qui de omnibus in singulari constitutum in Deo providentiam, bona intendendo in singulari, & mala in singulari permittendo, ut membro præcedente ostensum est. Si vero intendatur ita ut providere de rebus & mediis in singulari, ut præfinitione per concursum ex se efficacem singula intendat, tunc concessa majori & minori, quoad priorem ipsius partem, neganda est quoad posteriorem, nempe talem modum præfinitionis non tollere libertatem ab arbitrio creato: contrarium namque ostensum est. Deinde vero neganda est consequentia, est enim dispar admodum ratio: victoria namque & recta domus gubernatio, ita ut in ea nullus interveniat defectus, sunt fines Ducis & Patrisfamilias domus, quos intendunt, & semper assequuntur, si possint: at vero finis naturalis & supernaturalis, ad quos rebus liberis Deus providet, non sunt fines Dei, sed ipsarumque creaturarum, ita illis propositi, ut in ipsarum potestate Deus relinquat, pervenire ad eos, aut non pervenire, ut sic media cedant illis in meritum, laudem, & honorem, & fines ipsi in præmium: eaque de causa expediens non fuit, ut Deus illis provideret per concursus efficaces, sed per eos, quos reddere efficaces aut inefficaces ad opera, penderet ab ipsismet creaturis libero arbitrio præditis.

Argumentum quintum.

Quinto argumentatur: Multa sunt, quæ sine præfinitione illorum in particulari per efficacem Dei voluntatem esse non poterunt: ergo concedenda est Dei præfinitio. Consequentia est manifesta, antecedens vero patet in iis omnibus, quæ supra communem universi cursum everunt, ut fuerunt miraculosa vocatio & conversio Pauli in actu ipso persequendi Christum & Ecclesiam, ea quæ circa Josephum acciderunt, dum odio habitus, nudatus missus in cisternam, ac venditus fuit a fratribus, & postea innocenter in carcerem missus, ac tandem ad tantam gloriam erectus, cum cæteris quæ circa ipsum

acciderunt, præsertim cum in his omnibus typum Christi gesserit: sane ea omnia sine speciali Dei consilio & præfinitione efficaces suæ voluntatis esse non poterunt. Tale etiam fuit insigne illud factum duorum illorum fratrum, qui in ipsa nativitate effusione ita se gesserunt, ut unus manum protulerit, in quo obstetrix ligavit coccinum, dicens, Iste egredietur prior, eo vero retrahente manum, egressus est alter. Idem dicere possumus de Esau & Jacob, dum minor prælatus est majori, & non ex operibus, sed ex vocante dictum est, quia major serviet minori; atque ita in nonnullis aliis similibus eventibus.

Responsio.

Ad hoc argumentum concedendum est antecedens, non solum de iis quæ supra communem cursum sunt miraculose a Deo, sed etiam de iis quæ a solo Deo immediate sunt; ea tamen ex parte qua a solo Deo habent radicem suæ contingentie, ut in principio membri præcedentis explicatum est: circa ejusmodi enim res admittimus præfinitiones per voluntatem Dei efficacem, concursumque Dei efficacem, ad eas producendas, ut ibidem dictum est: unde si in consequente solum sit sermo de præfinitione ad ejusmodi res, concedenda est etiam consequentia: si vero sermo sit de præfinitione illo modo, etiam ad res quæ ab arbitrio creato pendent, eo modo quo membro præcedente est explicatum, neganda est consequentia. Quod vero attinet ad exempla, quibus antecedens probatur, circa primum dicendum est: Miraculosam quidem Pauli vocationem tam externam quam internam, præfinitam esse a Deo efficaci voluntate & concursu; consensum tamen Pauli eidem vocationi, & per consequens conversionem Pauli, quatenus a libero suo consensu pendeat, non fuisse illo modo præfinita, ut ex responsione ad sequens argumentum patebit. Circa secundum exemplum dicendum est, Josephi somnia, & adjutoria alia, quibus Deus peculiariter adjuvit, ut multa ex iis, quæ circa Josephum acciderunt, evenirent, esse quidem illo modo præfinita a Deo, odia tamen & persecutiones fratrum, missionem in cisternam, venditionem, falsum testimonium uxoris Phutipharis, & sollicitationem ad adulterium, cum lethalia fuerint peccata, non fuisse illo modo præfinita a Deo, ut ii ipsi, cum quibus

quibus disputamus, consentitur, sed cum prævideret Deus illa nequitia fratrum & uxoris Phitipharis esse futura, ex hypothesi quod eum totum ordinem rerum & circumstantiarum ex sua parte cōdere vellet, statuisse solum ea permittere. Alia etiā non mala, quæ circa Josephum acciderunt, quatenus ab arbitrio creato pendeant, non eo modo præfinivit Deus, quo auctores, cum quibus disputamus, intendunt; sed modo a nobis præcedente membro explicato. Circa tertium exemplum, quæ miraculose ibi acciderunt, eo modo præfinita fuerunt. Motio item interna, qua obstricta a Deo videtur inducta, coccinum ei ligaret, quia prior manum emisit, a Deo videtur præfinita. Circa quartum, prælatio seu electio æterna qua Jacob præ Esau fuit electus, ex sola libera Dei voluntate fuit. Licet autem non fuerit ex operibus prævisis, non fuit tamen sine prævisiōe operum quæ per utriusque arbitrium erant futura, ex hypothesi illius ordinis rerum, circumstantiarum, atque auxiliorum: ex iis vero, quæ in executione ipsa prælationis illius acciderunt, nonnulla eo modo, quo auctores, cum quibus disputamus, intendunt, præfinita fuerunt a Deo, alia vero, eo qui a nobis membro præcedente explicatus est, ut circa alia exempla dictum est.

Argumentum sextum.

Sexto argumentantur: Conversio Pauli, Mariæ Magdalenz, & Latronis in Cruce pendens, factæ sunt per concursum seu auxilium Dei ex se efficaci, & ex æternitate præfinitæ sunt a Deo, ut per tale auxilium fierent: atque cum ejusmodi præfinitionibus consentit libertas arbitrii Pauli, Magdalenz, & Latronis: ergo admittendæ sunt præfinitiones per Dei concursum ex se efficacem, simulque consentiendum est id libertati, nostri arbitrii nullum præjudicium asserre.

Responsio.

Ad hoc argumentum, negandum est, conversiones illas factas fuisse per auxilium Dei ita ex se efficaci, ut in potestate arbitrii Pauli, Magdalenz, & Latronis præventi jam, moti, ac excitati potentissimo eo auxilio, non fuerit, nihil tali auxilio impediēte, non consentire, ut concilium Tridentinum de auxiliis gratiæ ad conversionem peccatoris absque ulla exceptione definit: quare, quod ex eo auxilio lequeretur permoveri arbitria Pauli, Magdalenz, & Latronis ad consen-

suum cooperationemve cum eodem auxilio ad contritionem & conversionem, atque adeo quod ad id esset efficax aut non, pendens fuit a Pauli, Magdalenz, & Latronis libera voluntate, qui in potestate sua habebant reddere illud inefficax, non consentiendo & non cooperando cum illo, si ita vellent. Id vero ut melius intelligas, observa nihil inita Deum dare visum necessitare voluntatem, quoad exercitium actus, sed semper manere liberam ut actum exerceat, aut non exerceat, tametsi quod major boni ratio conspicitur in objecto, & magis ad illud afficitur voluntas, minorque sese offert ad id difficultas, eo ex sua propria libertate soleat voluntas facilius & frequentius determinare se ad appetitum seu actum circa tale objectum; semper tamen cum libertate ad continendum actum, quia nihil est quod illam necessitet quoad exercitium: atque hæc libertas sufficit ad meritum, si actus bonus in se sit moraliter, & eliciatur ab existente in gratia. Quemadmodum ergo quando homo rebus hujus sæculi est deditus, quo majus bonum temporale ei proponitur, & minori cum difficultate obtinendum, eo solet facilius & frequentius elicere sine ulla mora volitionem circa illud, adeo ut nullus prudens dubitet, si ei multa millia aureorum gratis accipiendi proponantur, aut regnum vel monarchia orbis, cum continuo eliciturum volitionem, & nihilominus libere quoad exercitium eam eliciat, ita ut si cum peccato, saltem veniali, id appetat, vere peccet; quod non esset, si actum non posset continere: ita tanta luce potest peccator intus a Deo illustrari ad cognoscendum, tum sua propria scelera, & tum damna quæ ei attulerunt, tum denique bonitatem Dei, atque ingratitudinem erga Deum commissam, tantoque affectu & suavitate perfundi ac excitari ad contritionem & dilectionem potest ipsius voluntas una comparte sentiente, ut credendum omnino sit, illum sine mora consensum eliciturum, semper tamen cum libertate ad illum continendum, si ita velit, quamvis raro, aut nunquam, in tanta luce, tam potentique adjutorio, illam continebit, præsertim si simul addit signum aliquod externum ad idem inducens, quale fuit circumfussisse Paulo lucem de celo, corruisse in terram, Christumque illi apparuisse dicentem:

Saule, Saule, quid me persequeris? durum est tibi contra stimulum calcitrare. Tales autem videntur conversiones Pauli, Magdalene, & Latronis pendentes in Cruce. Non tamen ad eorum exemplum admetiendæ sunt aliæ, quæ communibus auxiliis, longeque majori cum difficultate eorum qui convertuntur, quotidie fiunt in Ecclesia. Præterea conversiones Pauli, Magdalene, & Latronis, existente aequali auxilio ex parte Dei, esse potuerunt magis aut minus intensæ cooperante intensius aut minus intenso ipsorum arbitrio cum auxilio Dei: id quod laudasse in Magdalena videtur Christus dum dixit: Remittuntur ei peccata multa, quoniam dilexit multum. Illud etiam observa, ut 1. 2. q. 10 ostendimus, nullum objectum in particulari appeti in hac vita necessario quoad speciem actus necessitate omnimoda, ita ut ratione alicujus mali, quod habere potest adjunctum, non possit aliquando, licet raro, respici per nolitatem. Quare in potestate Pauli, Magdalene, & Latronis, nihil illo auxilio impediens, fuit nolle converti, ratione difficultatis quæ erat in continendo se a lethalibus peccatis per totam vitam, ut ad veram contritionem statuere tenebantur: tamen raro admodum, aut nunquam, cum tanto ac tali auxilio id eveniat. Quo fit, ut etiam in his conversionibus locum habeat definitio illa Concilii Trident. quæ statuit liberum hominis arbitrium a Deo per auxilia gratiæ motum ad justificationem ac excitatum, posse dissentire si velit.

Septimo argumentantur: Actus singuli meritorii BB. Virginis & aliorum qui in gratia fuerunt confirmati, illi præsertim, quibus præcepta adimplebant, & quos sub reatu lethalis culpæ, aut amissionis gratiæ elicere tenebantur, fuerunt præfinita a Deo per concursum seu auxilium ex se efficax: neque id illorum libertati derogabat, quia quamvis in sensu composito non potuerunt illos non elicere, eo quod contradictionem implicet, quempiam confirmatum esse in gratia, & non elicere actum quem sub reatu lethalis culpæ tenetur elicere, satis tamen quod in sensu diviso poterit illos non elicere, & ut libere dicerentur eosdem elicere, & ut illis possent mereri: ergo admittendæ sunt præfinitiones per concursum Dei ex se efficacem: neque quod in sensu composito stante tali

præfinitione non possit non elici actus præfinitus, derogat libertati arbitrii, quia satis est quod in sensu diviso possit non elici.

Ad hoc argumentum, quamvis confitendum sit, actus illos fuisse præfinitos in sensu a nobis membro præcedente explicato, negandum tamen est, præfinitos fuisse per auxilium ex se efficax, ut argumentum intendit. Semper namque integrum beatæ Virgini & aliis confirmatis in gratia fuit, nihil impediens auxilio gratiæ, aut Dei concursu, illos non elicere, cassumque reddere tale auxilium aut concursum etiam in instanti in quo illos elicerent, & sub auxilio quo illos elicerent, alioquin eis actibus in instanti, & sub eo auxilio, meriti non fuissent. Neque beatæ Virgini & aliis confirmatis in gratia denegari debet laus inter alias, hominis iusti, qui potuit transgredi, & non est transgressus; facere mala, & non fecit. Confirmatio autem in gratia in eo est posita, quod Deus statuerit tantam gratiam & talia auxilia alicui in toto vitæ decursu conferre, quibus prævidebat illum pro sua libertate nunquam esse lapsurum in culpam lethalem; cum tamen, nihil impediens ea gratia & auxiliis, labi possit. Posita etiam in eo est, quod Deus manifesta-
verit, statuisse eo pacto illum munire. Præservari item beatam Virginem ab omni culpa, etiam veniali, non aliud fuit, quam Deum tantam gratiam, talia dona, & talia auxilia ei in toto vitæ decursu conferre, eaque ex æternitate statuisse conferre, quibus prævidebat, illam neque in culpam venialem pro sua libertate esse lapsuram; cum tamen, eisdem auxiliis & donis nihil impredientibus, labi pro eadem libertate posset si vellet. Ita-
que certitudo quod confirmatus in gratia toto vitæ decursu a puncto, a quo confirmatus in gratia dicitur, non peccabit lethaliter, nec proinde admittet gratiam, reducitur ad certitudinem divinæ præscientiæ, quæ ad futurum cum ea gratia & iis auxiliis prævidit, pro libertate arbitrii hominis ita confirmari, non vero reducitur ad efficaciam ex se divinatorum auxiliorum, quasi homo ille, nihil auxiliis illis impredientibus, non possit labi in lethalia peccata, & quasi, quod ea auxilia efficaciam ad eum effectum futura sint aut non sint, non pendeat ab innata libertate hominis sic in gratia confirmati, consentire & cooperari cum illis volente aut nolente. Quia ergo

Respondeo.

Confirmatio in gratia quo fit posita.

Certitudo quod confirmatus in gratia non peccabit, ad certitudinem divinæ præscientiæ reducitur.

Argumentum spirituum.

ergo quod D. Petrus a die Pentecostes rationem habuerit hominis in gratia confirmati, pendens fuit tum ex eo, quod Deus conferre illi voluerit plenitudinem gratiæ, & auxiliorum, quæ ab eodem puncto conferre illi ex æternitate statuit, tum etiam ex eo, quod Deus præviderit D. Petrum cum ea gratia & auxilio pro sua libertate non esse lapsurum in reliquo vitæ decursu in lethale peccatum; hoc vero secundum non ideo futurum erat quia Deus id præcivit, sed e contrario idcirco fuit præcivitum, quia pro libertate Divi Petri eis donis muniti ita erat futurum: sane, quod confirmatus in gratia non possit in sensu composito non implere præcepta quæ obligant sub culpa lethali, nihil omnino libertatis tollit a confirmato in gratia, ut possit illa non implere, si velit: quoniam si eorum aliquid non esset impleturus, ut re ipsa nihil impediende esset divina præscientia potest, nunquam talis præscientia in Deo fuisset, atque adeo neque D. Petrus ex eo quod Deus eam plenitudinem gratiæ, eaque auxilia ex æternitate illi conferre statuisset, habet rationem confirmati in gratia.

Postremo argumentatur: Actus Christo Domini præfiniti fuerunt a Deo per auxilium efficax ex se, præsertim in, quo implevit Patris præceptum de redimendo per propriam mortem genere humano; quandoquidem Christus, quia simul erat Deus, nullo modo potuit peccare, atque adeo non potuit non elicere actum illum quo præceptum illud implevit, & tamen libere eundem actum elicit; alioquin neque eo meritis fuisset, neque per consequens illo redemisset genus humanum, quod est hæreticum: ergo necessitas in sensu composito eliciendi aliquem actum, vel quia præfinitus est per auxilium ex se efficax, vel quia per illum impletur præceptum, eliciturque ab eo, qui quatenus simul est Deus & homo, nulla ratione potest peccare, neque libertatem simpliciter, neque meritum tollit ab actu: quia sufficit quod in sensu diviso is actus sit liber ut erat in Christo. Quo fit, ut præfinitiones per auxilium ex se efficax non ideo sint excludendæ, quasi quæ ab actibus tollant libertatem, cum ad libertatem satis sit, si actus prædefinitus possit in sensu diviso non elici, ut de actu illo Christi necessarium est affirmare.

Hoc argumentum nos cogit, ut extra pro-

prium locum explicemus, qua ratione & contradictionem implicaverit, Christum, dum viator erat, peccare, & simul habuerit libertatem ad id omitendum, cujus omissionis culpa esset in Christo, atque adeo qua ratione meruerit implendo, tum præcepta reliqua, juxta illud Joannis 15: Sicut & ego Patris mei præcepta servavi, & maneo in ejus dilectione; tum in particulari illud Patris præceptum de morte in redemptionem generis subeunda, juxta illud Joan. 10 ubi de morte sua ait, Hoc mandatum accepi a Patre meo: & cap. 14 de eadem passione ac morte dicit: Sicut mandatum dedit mihi Pater, sic facio, surgite, eamus: & illud ad Philip. 2: Humiliavit semetipsum factus obediens usque ad mortem, mortem autem Crucis: atque illud ad Hebræos 5: Cum esset filius Dei, didicit ex iis, quæ passus est, obedientiam.

Id vero ut melius intelligatur, observandum est, longe diversum esse quid naturæ humanæ a verbo assumptæ ratione assumptionis gratiæ unionis debeat, & quid vi nuda assumptionis, secluso omni alio dono, quod ratione gratiæ unionis ei debeat, illi conveniat. Quia enim verbum, qua verbum est, nihil inluit in naturam humanam assumptam, sed absque omni prorsus causalitate terminat dependentiam illius: unio vero hypostatica facta est efficienter a tota Trinitate, qua unus Deus est, per influxum in humanitatem, quo supernaturaliter colatum quidem est illi idem suum esse, sed dependenter ad suppositum verbi, eaque ratione unita est verbo divino, sane natura assumpta, vi præcisæ hujus unionis, nullas alias vires habet, quam eas quas haberet, si sibi ipsi relicta, subsisteret in se ipsa, in suove proprio supposito.

Sicut enim in sacramento altaris, in quo temporis momento fit transsubstantiatio panis in corpus Christi per influxum supernaturalem totius Trinitatis in accidentia, quæ erant in substantia panis, existentia fiunt in seipsis, non quasi recipiant novum esse, sed illud idem inde pendens jam supra ipsorum naturam a subiecto per influxum novum in genere causæ efficientis quo in se ipsis vigorerant, & compensatur ac suppletur causalitas materialis subiecti, ipsis alioquin ad existendum necessaria: ita cum natura humana singularis habeat ex se subsistere in

Verbum, qua verbum, nihil inluit in naturam assumptam. Incausatio qualiter facta.

Accidentia in sacramento altaris qua ratione existentia in seipsis fiunt.

Argumentum ultimum.

Responsio.

se ipsa, esseve suppositum, si sibi ipsi relinquatur, utpote nullo alio indigens a quo susciatur & sustentetur; sane supra naturam suam per novum influxum in ipsam fit a tota Trinitate dependens ad alienum suppositum verbi, cui unitur, quasi in quo exsistit, & a quo sustentatur; fit tamen ita dependens, non quasi Trinitas per eum influxum conferat illi aliud esse, sed illud idem factum jam quasi infirmus in seipso, utpote indigens alieno supposito, a quo longe felicitas ac dignitas sustentetur, quam si in seipso, in suoque proprio subsisteret supposito.

Hinc jam facile intelligitur, naturam humanam per assumptionem a verbo divino consequi quidem gratiam unionis, hoc est verbum esse suppositum ipsius: ut autem natura humana eo ipso tribuit verbo esse huius hominis, qui simul est verus Deus, ita vicissim a verbo consequitur dignitatem infinitam, ratione cujus habent opera, quæ per eam fuerint exercita, ut sint meriti ac valoris infiniti. Cæterum licet natura humana per assumptionem assequatur eam gratiam unionis, gratiaque illa radix sit & origo, quod ei debita sint dona omnia, quæ habere decet eum hominem, qui simul est unigenitus a Patre; nihilominus, seclusis donis, non majores vires habet, quam haberet si sibi ipsi relictæ, subsisteret in seipso, in suove proprio supposito. Quare sicut, non obstante assumptione, mori possit suæ naturæ relictæ, ut mortua fuit in Christo, patique possit cæteras ærumnas & misérias quas mortales reliqui patiuntur: ita habere possit motus naturales sensualitatis, & passionēs ac rebelliones adversus rationem, quas cæteri patiuntur, majores vel minores, pro qualitate complexionis quæ illi fuisset collata, haberet etiam naturalem arbitrii libertatem, quæ & resistere & consentire posset, perinde ac si in seipso, in suove proprio proprio subsisteret. Sicut ergo natura humana in Christo lumine gloriæ eguit ut videret divinam essentiam, essetque beata quoad animam, eguit etiam gloria corporis, dotibusque quæ a puncto resurrectionis ex gloria animæ in corpus redundarunt, ut immortalis & impassibilis esset, haberetque reliqua quæ corporibus gloriosis competunt: sic etiam ut in ipsius parte sentiente, interim dum simul erat viator, passionēs & motus contra rationem non insurge-

rent, indiguit plenitudine gratiæ habitualis ac virtutum, donisque in parte sentiente, ut iustitia originali, quibus ea pars cohiberetur & contineretur in officio, & ita de aliis donis ad alias functiones ac fines necessariis.

Illud deinde observa, quamvis ex gratia unionis debita fuerint Christo, ipsiusve humanitati, ea omnia, quæ post resurrectionem habuit; quia tamen incarnatio simul instituta fuit a Deo, ut Christus per merita sua ac mortem redimeret genus humanum, & ut sanctissima ac perfectissima ipsius vita illustrissimum mortalibus præberet exemplum, quo & docerentur genus omne virtutum & perfectionis, & ad illius imitationem acriter stimularentur &urgerentur, quia item gloriosius erat Christo pervenire per merita propria ad gloriam corporis & exaltationem, quam si statim a principio illam haberet, inde effectum est, ut quamvis in puncto conceptionis, fabricante Spiritu sancto in utero virginis corpus illud sacratissimum, ascensus fuerit perfectissimam complexionem, anima-que illius viderit divinam essentiam, & totus Christus, quoad corpus & animam, repletus fuerit habitibus ac donis quæ cum fine incarnationis paulo ante explicato, statuque viatoris simul & comprehensoris non repugnabant; nihilominus gloriam corporis usque ad resurrectionem non acceperit, neque eam solus Deus miraculose resurgere impedierit ex gloria animæ, sed simul etiam ita visionem suæ essentia, beatificum amorem, ac fruitionem illi communicaverit, ut supra naturam horum bonorum, continendo effectus qui inde naturæ necessitate deberent resultare, reliquerit voluntatem Christi capacem doloris ac tristitiæ, ac perinde liberam ad implenda aut non implenda præcepta quæ sub culpa obligabant, ac si in Christo gloria animæ non fuisset; quoniam id ita erat necessarium, ut posset mereri, innocentissimæque sua vita & morte redimere genus humanum, tantoque cum suo honore & laude relinquere mortalibus illustrissimum suæ vitæ exemplum, atque ad corporis gloriam & exaltationem pervenire. Ratio quippe viatoris simul & comprehensoris in Christo, a puncto conceptionis ipsius in utero virginis usque ad animæ exhalationem in Cruce in eo fuit posita, quod anima gloria ita contineretur, ut voluntas Christi perinde esset libera

*Cur liber-
tas ad
transgre-
diendo
propterea
aliis non
fuerit
Christi
dum erat
viator.*

*Christi
voluntas
capax fuit
doloris &
tristitiæ.*

*Viatoris
simul &
comprehen-
soris ratio
in quo fuit
in Christo
posita.*

*Christi ope-
ra unde
meritum
habent in-
finitum.*

ad præcepta implenda, vel non implenda, ac si eam gloriam non haberet, sed esset purus viator.

Ut ad argumenti solutionem veniamus, juxta hæcenus explicata, si Christus spectetur quoad ea, quæ naturæ ipsius ratione gratiæ unionis sunt debita, dicendum est, Christum nulla ratione potuisse peccare, ut August. de prædestinat. sancti. cap. 15 in Enchiridio cap. 40 & alias sæpe, ac reliqui Patres communiter affirmant: quoniam debitum erat humanitati Christi, ut nulla ratione a Deo permitteretur peccare; & quoniam scdum indecensque omnino erat, verbum etiam per naturam assumptam peccare: quare sicut contradictionem implicat, Deum mentiri, non quidem quasi Deo deficiat potentia ad formandas eas voces, quæ, si proferrentur, essent mendacium, sed quia Deum dedecet, omninoque cum ipsius infinita bonitate pugnat mentiri: ita contradictionem implicat Christum peccare, non quod Christo, quatenus viator erat, facultas deesset ad transgredienda præcepta, sed quia Deo repugnat id permittere, cum infinitaque verbi divini bonitate peccare pugnat, etiam per naturam assumptam, atque adeo Deum id permittere: quare ad divinam providentiam pertinebat ita res disponere, ut servata in Christo libertate, quæ ad meritum & fines explicatos necessaria erat, omnino non peccaret; quod & factum est. Inde etiam in sensu composito, juxta ea quæ in responsione ad præcedens argumentum dicta sunt, non poterat Christus peccare, quoniam erat supremus confirmatorum in gratia & bono per longe excellentiora dona & subsidia, quam sanctissima ipsius mater: in sensu autem composito contradictionem implicat, confirmatum in gratia & bono peccare: licet non in sensu diviso & simpliciter: quoniam si peccaturus esset, ut nihil impediens donis potest, neque Deus præsciret eum cum eis donis pro sua libertate non peccaturum, neque proinde rationem haberet confirmati in gratia & bono, ut in responsione ad præcedens argumentum explicatum est. Si vero Christus spectetur quatenus erat viator, & gloria animæ ad fines explicatos suspendebatur ne libertatem auferret a Christo ad transgredienda præcepta, sicut eam auferret a cæteris beatis qui simul non sunt viatores; & spectetur quatenus maxima

cum difficultate ac tristitia mortem subibat, & laboriosa ac difficilia alia opera in salutem generis humani exercebat, ut probant illud Lucæ 12: Baptismo habeo baptizari, & quomodo coarctor usque dum perficiatur! & illud Matth. 26: Cœpit contristari & mæstus esse (Marcus ait, Cœpit pavere & tædere) & ait illis, Tristis est anima mea usque ad mortem, sustinete hic, & vigilate mecum. Et prociat in faciem suam orans & dicens: Pater mi, si possibile est, transeat a me calix iste: veruntamen non sicut ego volo, sed sicut tu: tantaque fuit agonia ejus & tristitia, ut factus fuerit sudor ejus sicut guttæ sanguinis decurrentis in terram, ut Lucas ait: probant istem illud ad Hebr. 4: Non enim habemus pontificem qui non possit compati infirmitatibus nostris, tentatum per omnia pro similitudine (id est, ac si esset unus ex nobis) absque peccato: & illud Matth. 27: Deus meus, Deus meus, ut quid dereliquisti me? si, inquam, hoc modo Christus spectetur; sane, nihil impediens capitibus aliis quæ commemorata sunt, libertatem reipla habebat, ad non faciendum ea, quæ facere ex præcepto tenebatur; certus tamen quod repugnante etiam validissime ipsius natura, ea omnia plenissime ac perfectissime pro sua libertate esset impleturus, suffultusque ad id potentissimis donis ac præsidis. Quo fit, ut mors Christi non solum spontanea, sed & liberrima fuerit libertate contradictionis; aut etiam contrarietatis, simulque fuerit illi præcepta; neque unum cum altero pugnat. Utrumque autem docuit Christus Joan. 10 dicens: Propterea me diligit Pater, quia ego pono animam meam. Nemo tollit eam a me, sed ego pono eam a me ipso. Potestatem habeo ponendi eam, & potestatem habeo iterum sumendi eam. Hoc mandatum accepi a Patre meo. Fit etiam, ut laboriosissima ac difficillima fuerit, natura Christi eam quam maxime exhorrescente ac repugnante, ut ex testimoniis citatis constat: atque ex illo ad Romanos 15. Etenim Christus sibi non placuit; sed, sicut scriptum est, impropria improprietatum tibi ceciderunt super me, & nihilominus propter dona ac subsidia, quibus Christus fulciebatur, incredibilemque caritatis magnitudinem ac fervorem qua Deum & proximos prosequeretur, fuerit simul promptissima, juxta illud Matth. 26: Spiritus quidem

*Christus
qua ratione
spectatus
nullo modo
posuit
peccare.*

*Mors Christi
non solum
spontanea,
libera ac
præcepta
illi fuit.*

quidem promptus est, caro autem infirma: atque illud Psalm 18: Exultavit ut gigas ad currendam viam, laborem scilicet passionis ac mortis, qua eam finivit. Fit denique, ut Christi mors, ceteraque ipsius opera omni ex parte fuerint perfectissima & consummatissima, qualia tum in nostrum commodum & exemplum, tum etiam in summam ipsius laudem & honorem, talem ac tantum decebant redemptorem.

Ad argumentum ergo in forma negandum est, Christi actus, etiam eum quo Patris implevit præceptum de genere humano morte sua redimendo, per auxilium ita ex se efficax fuisse a Deo præfinitis, quasi in præsentia ejus auxilii integrum non fuerit Christo illos non elicere, nihil tali auxilio impediens: id enim esset libertatem auferre a Christo in momento temporis quo illos eliciebat, & subinde meritum. Ad probationem vero jam explicatum est, non quidem ex capite efficacie auxilii, sed ex duobus aliis capitibus in sensu composito non potuisse Christum peccare, nec subinde non elicere eos actus,

idque libertatem in sensu diviso ac simpliciter non tollere a Christo, ut eos actus posset non elicere in eo ipso instanti in quo eos elicit. Reliqua autem quæ in eo argumento subjunguntur, satis ex dictis constat non probare concedendas esse Dei præfinitiones per auxilium ex se efficax; quoniam tale auxilium simpliciter tollit libertatem ab arbitrio ejus, cui impenderetur, in instanti in quo eliceret actum: neque sensus divisus qualis a constituentibus ejusmodi præfinitiones intelligitur, relinquit libertatem in eo arbitrio quod auxilio ex se efficaci juvaretur, sed solum ponit libertatem in Deo ad auxilium illud concedendum aut non concedendum, atque adeo ad efficiendum ut arbitrium eliciat aut non eliciat talem actum, ut supra explicatum fuit; non sic autem habet sensus divisus, qui distinguitur contra sensum compositum, in quo Christus ex illis aliis duobus capitibus non poterat peccare, neque desinere elicere actum, ad quem ex præcepto tenebatur, ut a nobis explicatum est.

AD ARTICULUM VI QUÆSTIONIS XIX.

De variis expositionibus illius testimonii prima ad Timotheum secundo: Deus vult omnes homines salvos fieri.

DISPUTATIO I.

Doctrina ad hunc articulum tradita inferenda quoque visa est huic Concordiæ, utpote quæ non parum conducet ad coherentiam libertatis arbitrii nostri cum divina providentia, prædestinatione, & reprobatione melius intelligendam.

Verum antequam examinemus quæstionem a D. Thoma hoc loco propositam, operæ pretium erit expendamus Doctorum interpretationes circa propositum Pauli testimonium, de qua re agit D. Thomas in responsione ad primum hujus articuli.

Prima est Augustini, epistola 107 ad Vitalem, in Enchiridio cap. 103 de prædestinatione Sanctorum cap. 8 & Hypognoft. lib. 6 sub finem, si is liber est August. quam amplectitur Anselmus in eundem locum Pauli. Credit enim August. iis in locis testimonium illud non esse intelligendum universim de omnibus hominibus, sed de iis

tantum qui salvantur; eo loquendi modo quo, ut de prædestinatione sanctorum cap. 8 ait, quando unus tantum magister docet pueros in aliqua civitate, dicere consuevimus, talem magistrum docere omnes pueros ejusdem civitatis; neque enim significare volumus eum docere omnes universim pueros illius civitatis, cum sint multi qui a nemine doceantur, sed docere omnes, qui in illa civitate docentur, per constructionem, aut distributionem, quam appellant accommo- dam. Eodem modo ait Augustinus in Enchiridio intelligi illud Joan. 1: Illuminat omnem hominem venientem in hunc mundum: cum enim multi sunt, qui non illuminantur, sensus est, Christum illuminare omnem qui illuminatur, ita ut nullus, nisi ab eo, illuminetur; atque eodem modo intelliguntur quædam alia loca Scripturæ.

Secunda est ejusdem Augustini in Enchir. cap. citato, & de correptione & gratia cap. 14 quod eo in loco distributio fiat, non pro singulis generum, quasi Deus velit omnes homines cujusque status salvos fieri, sed pro generibus singulorum, ita ut sensus: cujusque

cujusque status vult aliquos salvos fieri. Eodem modo exponit Augustinus illud Matt. 23. & Luca 11. Decimatis mentam & rutam, & omne olus, id est, quamlibet oleris speciem.

Tertia

Tertia est ejusdem etiam Augustini de correptione & gratia cap. 15. ut sit sensus: Vult omnes homines salvos fieri: id est, facit nos velle omnes homines salvos fieri: juxta illud ad Roman. 5. Misit spiritum filii sui clamantem, abba pater; id est, clamare nos facientem, abba pater. Interim namque dum nobis non constat quosnam Deus velit salvos fieri, justum, sanctum, gratumque Deo est, ut ab eo omnibus proximis posulemus salutem, illamque eis pro nostra virili parte curemus: quare desiderium hoc atque petitio a Deo est.

Quarta expositio ex D. Thom.

Quarta est D. Thomæ & Cajetani in eundem locum Pauli, Marfilii in primo, q. 45. ar. 1. & quorundam aliorum, asserentium, locum illum intelligendum esse, non de voluntate beneplaciti, hoc est, quæ formaliter sit in Deo, hanc enim affirmant semper impleri; sed de voluntate signi, qua Deus proponit omnibus hominibus præcepta salutis, doctrinamque Evangelii: qui tamen in culpa sunt quod ad agnitionem veritatis venire nolint, nec salvi esse. Porro voluntas signi non est formaliter in Deo, sed est effectus Dei, nempe promulgatio legis & Evangelii, redemptio generis humani facta per Christum, &c. Ejusmodi autem effectus dicuntur metaphorice voluntas Dei, quatenus indicia quædam sunt, Deo futurum esse gratum, non solum, si omnes salvi fiant, sed etiam si singuli pro omnium salute preces fundant. Eo autem pacto ejusmodi effectus metaphorice dicuntur voluntas Dei, quo testamentum, quia testatoris voluntatem exprimit, voluntas illius appellari consuevit.

Voluntas signi an aliquam voluntatem conditionatam significet in Deo.

Est vero mihi non leve dubium, utrum ex horum auctorum sententia voluntas signi aliquam voluntatem, saltem conditionatam, quæ formaliter sit in Deo, per quam reipsa velit omnes homines salvos fieri, significet: an vero quemadmodum punitio, voluntasque divina puniendi peccatores, dicuntur metaphorice ita, quatenus Deus talem effectum exhibet, qualem homo iratus consuevit facere, cum tamen nihil sit in Deo

MOLINA.

quod formaliter habeat rationem iræ, ita in Deo non sit alia voluntas quæ peccatores omnes velit salvos fieri, quam voluntas quæ exhibere vult signa quæ reipsa exhibet, quæ proinde voluntio comparatione signorum sit voluntas beneplaciti & efficax; signa vero ipsa externa, atque etiam voluntio Dei interna dicantur metaphorice voluntas ut omnes homines salvi fiant, quatenus Deus talia signa voluntate efficaci exhibet, qualia exhiberet is, qui sub conditione, si per homines non staret, vellet omnes homines salvos fieri; cum tamen nulla voluntio, etiam conditionata, sit in Deo, qua velit omnes homines salvos fieri. Certe D. Thomas loco citato hoc aperte innuere videtur. Nam primo exponit locum illum de sola voluntate signi, quasi in Deo nulla sit voluntas beneplaciti qua velit omnes homines salvos fieri. Deinde exponit eundem locum quatuor modis de voluntate beneplaciti: tres priores paulo ante ex Augustino allati sunt, quartum vero addit, quod intelligatur de voluntate antecedente, seu conditionata, si per homines non steterit, ut mox dicemus, quam voluntatem sine dubio comprehendit sub voluntate beneplaciti. Nisi forte dicamus D. Thomam eo in loco per eam signi voluntatem conditionatam in Deo existentem, qua velit omnes homines salvos fieri si per ipsos non steterit, ut inferius ad finem articuli 11. exponimus D. Thomam; dicamusque D. Thomam eo in loco sumpsisse voluntatem beneplaciti late, ut distinguitur contra voluntatem signi.

A sententia relata, meo judicio, parum aut nihil discrepant Scotus & Ochamus in primo, dist. 46. & quidam alii, qui omnino negant ullam in Deo voluntatem beneplaciti reperiri, quæ non impleatur, ac proinde nec eam qua velit omnes universim homines salvos fieri, neque item volunt concedere in Deo voluntatem conditionalem. Quare licet dicam Deum voluntate antecedente velle omnes homines salvos fieri, non vero voluntate consequente, nomine tamen voluntatis antecedentis intelligunt voluntatem efficacem, qua omnibus universim conferre voluit, reque ipsa confert dona naturalia, leges rectas, & auxilia sufficientia ad salutem: qua ratione dici potest velle ex parte sua

Mm

omnes

omnes homines salvos fieri. Itaque voluntatem illam efficacem, quatenus est quorundam antecedentium, quæ ad salutem conducunt, non tamen sunt satis, nisi cooperetur liberum arbitrium. Deo præsto existente ad adiuvandum, appellant voluntatem antecedentem, qua Deus vult omnes homines salvos fieri, quantum est ex se; non vero quasi in Deo sit aliqua volitio qua sub conditione vellet omnes universim fieri salvos. Merito ergo Marfilus loco citato voluntatem, de qua hi Doctores loquuntur, non esse aliam a voluntate signi affirmavit.

Voluntas antecedens & consequens ex D. Damasceni mente explicatur.

Postrema expositio ejusdem loci, est Damasceni secundo libro fidei orthodoxæ cap. 29. quo loco de divina providentia disputans docet: Interea ea quæ sub divinam providentiam ac voluntatem cadunt, ea, quæ a libero arbitrio creato minime pendent, sola divina providentia ac voluntate gubernari, ac proinde quæcunque eorum eveniunt, a Deo esse volita absoluta voluntate, qua, quæcunque voluit, fecit in cælo & in terra. Unde ait: Deus igitur est qui est factor, & provisor, & factiva ejus virtus, & contentiva, & provisa, bona ipsius voluntas est. Omnia enim quæcunque voluit Deus fecit, & in cælo & in terra, & voluntati ejus nullus resistit. Voluit cuncta fieri, & facta sunt: vult consistere mundum, & consistit. Et omnia, quæcunque vult, potest, & fiunt. Quibusdam vero interjectis addit: Omnia dico providentiæ opera, quæ non in nobis sunt (id est, quæ non a nostra pendent potestate) ea enim, quæ in nobis sunt, non providentiæ solum sunt, sed liberæ potestatis nostræ & arbitrii. Providentiæ vero, hæc quidem secundum acceptionem (hoc est, bona quæ a libero nostro arbitrio pendent) hæc autem secundum permissionem, nempe mala, tam culpæ quam afflictionis, ignominia, & pænæ, quæ interdum per liberum nostrum arbitrium, interdum per alienum, Deus sua providentia ob varios fines optimos nobis permittit, ut late exponit. Addit: Nolle oportet, electionem agendorum in nostra esse potestatem, finem autem bonorum, Dei cooperatione iuste cooperante, iis qui recta conscientia bonum eligunt secundum præscientiam ejus: malorum autem, derelictione Dei, rursus secundum præscientiam ejus iuste derelinquentes. At derelictionis duæ

sunt species. Est enim derelictio dispensativa, correctivaque, & eruditiva: & est derelictio finalis, & desperativa. Dispensativa quidem & eruditiva, ad correctionem, salutem, & gloriam patientis facta, aut ad aliorum zelum & imitationem, aut ad Dei gloriam. Finalis derelictio, cum, Deo cuncta quæ ad salutem sunt faciente, incorrigibilis, & immedicabilis, magis autem insanabilis ex proprio proposito permaneat homo. Tunc enim traditur in finalem perditionem, ut Judas, quod a nobis avertat Deus, & a tali derelictione defendat. Tacendum non est, omnia tristitia damna iis supervenientia, qui cum gratiarum actione suscipiunt, ad salutem induci, & omnino utilitatis causa effici, & Deum præsertim præcedenterque velle omnes salvari, & regnum ejus consequi. Non enim ad puniendos nos plasmavit, sed ut efficiat nos bonitatis suæ participes, ut bonus. Peccantes autem puniri vult ut iustus. Dicitur igitur prima præcedens voluntas & acceptatio, ex ipso existens: secunda vero, voluntas sequens & permissio, ex nostra causa existens. Et hæc duplex est. Hæc quidem dispensatoria, & eruditiva ad salutem: illa vero desperativa ad finalem punitionem, ceu jam diximus. Eorum autem quæ in nobis sunt, si bona quidem, præsertim antecedenterque vult & acceptat. Sin mala, & re vera mala, neque præsertim vult, neque consequenter vult: finit tamen arbitrium ad illa liberum. Nam quod per violentiam fieret, neque rationalis, neque virtutis esset opus, & car. Hactenus Damascenus. Cujus verba placuit referre, ut apertius ejus mens explicetur: siquidem primus egregiam illam distinctionem voluntatis divinæ, in antecedentem, & consequentem, inveniit, atque juxta eam locum Pauli citatum interpretatus est. Quicquid enim Gregor. Ariminensis in primo, d. 46 q. 1. dixerit, plane idem docuit quod D. Thomas hoc loco, alique Scholastici eum docuisse affirmant.

Ad cujus rei intelligentiam sciendum est, Damascenum non distinguere voluntatem antecedentem & consequentem comparatione omnium quæ a Deo sunt volita, sed solum comparatione eorum quæ a libero arbitrio creato pendent, quæ ait non esse solum divinæ providentiæ, sed liberæ etiam nostræ potestatis & arbitrii.

Scien-

*Deus vero
voluit om-
nes tum
Angelos tum
homines sal-
vos fieri, si
per ipsos
non staret.*

Sciendum est deinde, Deum optimum maxi-
mum, dum Angelos & primos parentes
condere in suam beatitudinem ex æternitate
statuit, utriusque mere, & absque ulla fictio-
ne, voluisse sempiternam beatitudinem, &
media ad illam consequendam necessaria, ad
quem finem illos effingere, constituebat. Si
namque sempiternam beatitudinem, & me-
dia ad eam obtinendam necessaria, omnibus
hominibus tunc non voluisset, profecto, ne-
que tunc constituisse, neque in tempore di-
ceretur condidisse omnes homines in suam
beatitudinem, sed solum aliquos: ex volun-
tate namque Dei, ut, si per ipsos non stete-
rit, illam assequantur, dicuntur conditi in
sempiternam beatitudinem: nullus autem
dicere audebit, neque salva fide Catholica
dicere potest, Deum ex æternitate non sta-
tuivisse condere in suam beatitudinem tan-
quam in finem omnes homines, quos in
tempore creavit. Ut vero finis, in quem
tam Angelos, quam homines statuebat con-
dere, illis redderetur honorificentior, si pro-
priis meritis compararetur, atque iustissimis
aliis de causis, licet dum eos in suam beati-
tudinem condere statuit, vere & absque ulla
fictione ipsis voluerit sempiternam beati-
tudinem, mediæque omnia necessaria, voluit
tamen illis hæc, non voluntate absoluta, sed
sub conditione, dependenter a libero arbi-
trio, tum proprio cuiusque, tum etiam pri-
mi parentis, quoad gratuita quædam dona,
quæ, ut in posteris derivarentur, illi statuit
conferre, ut quæst. 14 art. 13 disputatione 3.
dictum est.

*Deus ut vo-
luerit toti
generi hu-
mano suam
conferre
beatitudi-
nem, dum
eidem re-
demptorem
constituit.*

Sciendum est tertio, Deum optimum ma-
ximum ruinam generis humani præviden-
tem, dum eidem redemptorem universalem
conferre statuit, cuius merita sub certis qui-
busdam legibus omnibus hominibus, quan-
tum est ex parte redemptoris, applicarentur,
omnibus etiam voluisse sempiternam felici-
tatem, mediæque ad eam consequendam ne-
cessaria; non tamen voluntate absoluta, sed
dependenter, tum a libero arbitrio homi-
num, tum etiam a cursu, dispositione, &
eventibus hujus mundi. Neque enim post
ruinam, delictumque generis humani, ratio
postulabat, ut humanum genus ad felicem
illum statum, in quo primo fuerat condi-
tum, reduceretur, atque ut iustitiæ originalis
dono, esuque ligni vitæ, iterum adversus

casus ac misérias quibus ex dispositione ipsa
universi suapte natura subjacet, muniretur,
quin potius æquum erat, ut in poenam deli-
cti, hujus vitæ ærumnas deinceps experi-
retur. Ipse vero naturæ auctor, atque om-
nium rerum molitor Deus dispositionem
universi, ac liberum arbitrium humanum
præsupponeret, ut naturam humanam gra-
tia a redemptore promerita perficeret, quan-
tum opus erat ad eam in finem supernatu-
ralem perducendam, ut art. citato dictum
est.

Ex his constat, in Deo optimo maximo
constituendam esse volitionem, tum boni-
tate ac pietate ipsius dignissimam, tum libe-
ro arbitrio creato, probationique, qua ad
præmii palmam nos perducere constituebat,
maxime consentaneam, qua videlicet homi-
nes omnes, & Angelos, quos condere statue-
bat, ex æternitate voluerit salvos fieri, sem-
piternamque vitam, mediæque ad eum finem
necessaria, eis conferre; sub conditione ta-
men, si per ipsos, aut primum parentem non
staret. Unde cessat obiectio, quam sæpius
Augustinus repetit; quæque in causâ fuit,
ut testimonium Pauli non de omnibus uni-
versim hominibus exponeret, sed ad tres il-
las expositiones relatas confugeret. Sape
enim objicit, pueros in utero matris in-
terdum perire ante baptismum; neque ta-
men per pueros, neque per parentes, nec per
ministros Ecclesiæ stare, qui percuperent eis
subvenire & remedium baptismi ad salutem
adhibere, nec tamen possunt: non ergo
Deus vult omnes universim homines salvos
fieri, etiam sub conditione illa, si per ipsos,
aut per parentes, aut per ministros Ecclesiæ
non staret. Ad hanc enim difficultatem
respondendum est: Deum, spectata prima
conditione generis humani, velle omnes
homines, nemine excepto, salvos fieri, si per
ipsos, vel primum parentem, cui primo do-
na gratuita toti soboli per generationem
communicanda collata sunt, non stet. Po-
sita vero ruina generis humani, & beneficio
redemptionis, velle etiam omnes salvos fieri,
servata tamen constitutione cursuque causæ
universi, dependenterque a libero arbi-
trio hominum, ut explicatum est. Quare
Deo gratum est omnes salvos fieri, eaque de
causa, juxta testimonium Pauli, vult ut ab eo
id petamus, & pro viribus nostris omnibus

*Obiectio
que D. Au-
gustinus ad
superiores
explicatio-
nes impulit.*

Solutio.

proximis curemus. Quod autem quidam pereant, quibus neque alii, neque ipsi sibi meritis subvenire queant, effectus est atque poena peccati primi parentis, idque non per se, sed per accidens, ex ipsa dispositione causarum universi, ac primi parentis casu, præter Dei institutionem ac voluntatem evenit: ad id quoque interdum confert malitia aliquorum, quæ omnia Deus minime impedire tenetur.

*Voluntas
conditionata,
qua Deus
vult omnes
salvos fieri,
actus est li-
beri arbi-
trii divini.*

Porro volitio hæc conditionalis, quam in Deo constituimus, actus est liberi arbitrii divini ad eos tantum se extendens, quos concedere constituit. Neque renuam, sic horum nomine illos etiam comprehendas, qui posita ea constitutione universi, quæ a principio fuit, extitissent, vel si pro hominum arbitrio mundus hic, quoad generationes hominum alium cursum teneret, alique numero diversi gignerentur: hos enim omnes voluit etiam Deus salvos fieri, sub conditione, si, ut naturaliter esse potuit, re ipsa generarentur. Volitio autem, qua Deus ex æternitate eo modo voluit omnes homines salvos fieri, supra actum quo Deus se ipsum diligit, non aliud addit, quam respectum rationis ad singula objecta eo modo sub conditione volita. Cum vero nulla sit repugnantia Deum ita aliqua sub conditione vel se, imo id, ut videbimus, sonent scripturæ, consentiatque maxime, tum cum bonitate ac pietate divina, tum etiam cum libertate & probatione, in qua positi sumus, ut ad quod voverimus, sive vitam sive mortem, porrigamus manum; non video, qua ratione ejusmodi actus a Deo debeat excludi.

Hunc vero actum appellat Damascenus voluntatem Dei antecedentem, per camque ait Paulum affirmasse Deum velle omnes homines salvos fieri, & ad agnitionem veritatis venire. Quod si vult aliquos damnare, & punire, atque adeo non salvari, id, inquit, vult voluntate consequente. Ut vero mentem Damasceni intelligas, animadvertet: Tria ab eo distingui in nobis comparisone sempiternæ felicitatis, atque interitus æterni, quæ, ut pendunt ab arbitrio nostro, ita dixit, non esse solum providentiæ divinæ, sed etiam liberæ potestatis nostræ & arbitrii. Quædam enim non tantum sunt bona secundum se, sed etiam sunt bona nobis; cujusmodi sunt, sempiterna felicitas, observatio

*Voluntas
consequens.*

mandatorum & consiliorum, omnia denique media a nostro arbitrio aliqua ex parte pendencia, & sempiternæ felicitati accommodata. Quædam alia sunt, quæ tum secundum se mala sunt, nullaque ratione possunt esse bona, tum etiam nobis mala sunt; ut sunt transgressiones mandatorum. Alia denique sunt, quæ nobis quidem sunt mala, prærequiruntque culpam in nobis, ut a Deo sint nobis volita; ac posita culpa subeunt secundum se rationem boni, ut in poenam culpæ justæ a Deo sint nobis volita; ejusmodi sunt, damnatio atque interitus noster. Res ergo primi generis, ait Damascenus, omnibus universum hominibus esse a Deo volitas, quoniam ut nobis eas conferret, non vero ut nos puniret, ab eo creati sumus: at volitas omnibus esse, voluntate conditionalis, si per ipsos aut primum parentem non flaret: sunt enim res, quæ non solum sunt providentiæ divinæ, sed etiam potestatis atque libertatis arbitrii creati. Atque de ejusmodi volitione intelligit locum illum Pauli. Cum vero, qui ita vult omnes homines salvos fieri, neminem sub illa eadem conditione, persisteredoque in solo fine ac intuitu creationis generis humani, velit perire, quin potius habeat, ut ita dicam, nolletatem, qua nolit quinquam perire, si ipsius demerita contrarium non postulent, quandoquidem omnes salvari, & quinquam perire, pugnantia sint; fit, ut ea volitione, quæ, nostro intelligendi more cum fundamento in re, præcedit volitionem rerum tertii generis. Deus omnes universum homines velit salvos fieri, neminemque perire. Res vero secundi generis, ut ait Damascenus, neque antequam fiant, neque postquam prævidentur ex nequitia liberi arbitrii creati futuræ, aut jam effectæ fuerunt, sunt volitæ a Deo; eo quod nullam possint habere rationem boni ob quam illi placere possint; sed solum sunt ab eo in optimam finem permixtæ. Permissio autem, ponit ejusmodi res per libertatem arbitrii esse futuras, nisi impediatur: permittere namque id dicimus, quod cum aliquo futurum sit, possimusque impedire, non tamen impedimus. Nec vero id tribuitur culpæ non impediens, quando non tenetur impedire, sed solum culpæ illius qui libere tale quid perpetrat, ut quæst. 14 art. 13 disputatione 3a. ostensum est. Res vero tertii ge-

*Permissio
quid sit, &
quid supponat.*

neris, quoniam non sunt a Deo volita, nisi posita culpa ejus, cui in poenam iuste sunt volita, atque adeo ipso præbente prius causam, unde meretur ut aliud sit illi volitum, longe diversum ab eo, quod sine ipso creationis Deus illi conferre volebat, si per ipsum non staret, ideo ait Damascenus, voluntate quadam consequente, quæ comparatione illius alterius nostri intelligendi more posterior est, esse hominibus volitas. Hæc vero posterior voluntas prævisionem culpæ eorum ponit. Unde ait, utramque voluntatem a Deo proficisci; priorem quidem, quia bonus est; posteriorem vero, quia iustus est: prioremque ex bonitate, misericordia, ac clementia divina oriri; posterioris vero homines causam præbere.

Voluntas antecedens & consequens circa quæ a D. Damasceno constituitur.

Ex his patet in primis, Damascenum solum distinguere voluntatem consequentem, & antecedentem circa ea, quorum utrumque est bonum, atque adeo volitum voluntate divina, & quæ ita inter se affecta sunt, ut de contrario, ejus quod a Deo est volitum voluntate consequente, sit in Deo velleitas, atque adeo, nostro intelligendi more, præcesserit voluntas conditionata, nempe si demerita aliud non postularent; quo pacto se habent cujusque damnatio, & salus sempiternaque felicitas ejusdem. Quare licet Deus voluntate conditionata velit servari sua præcepta, & consilia, nempe si nos etiam velimus, non tamen dicitur velle contrarium voluntate consequente, quoniam peccata, & consiliorum violatio, non possunt habere rationem boni, ut per voluntatem consequentem sint a Deo volita, sed solum dicuntur a Deo permitti; quamvis voluntas id permittendi, quoniam ponit ita futurum esse per liberum arbitrium creatum nisi a Deo impediat, dici possit posterior voluntas nostro more intelligendi, quam voluntas conditionalis, ut eadem serventur.

Non omnem voluntatem Dei absolutam vocari a Damasceno consequentem.

Pater secundo apud Damascenum, non omnem voluntatem Dei absolutam appellari consequentem, sed eam solum de cujus contrario velleitas in Deo reperitur. Etenim voluntatem, qua Deus, prævidens Petrum pro libertate sui arbitrii servaturum præcepta & consilia, consecuturumque vitam æternam, id jam absolute vult, placetque sibi, non appellat voluntatem consequentem, sed ad antecedentem pertinere as-

firmat: quandoquidem per eam non aliud vult Deus, quam id ipsum, quod voluntate antecedente vult; cum tamen id ipsum velit absolute, atque ut sibi gratissimum acceptet.

Juxta hæc ergo, voluntas consequens est, qua aliquid ex adjunctione aliquarum circumstantiarum est absolute volitum, manente velleitate de opposito, quod proinde, præcisus talibus circumstantiis, secundum se spectatum est volitum: id vero quod spectatum sine ejusmodi circumstantiis est secundum se volitum, voluntate antecedente dicitur volitum. Ut projectio mercium in mare, ad evadendum vitæ periculum effecta, dicitur volita voluntate consequente, quia ita est absolute volita ex circumstantia supervenientis periculi, ut conjunctam habeat velleitatem eandem merces servandi, si id pateretur tempestas; quæ plane velleitas ex volitione conservationis mercium secundum se spectatarum ortum habet. Aliud exemplum accommodatissimum adducit D. Thomas hoc loco, de judice æquissimo & optimo, qui sicut vellet nulla esse scelera in Republica, ita nulum vellet capitis damnare, sed omnes vita & pace frui; at spectatis sceleribus reorum, bonoque Republicæ, quod postulat, ut, qui talia patrant, capite plectantur, vult voluntate absoluta & consequente eos extremo supplicio punire, manente in eodem velleitate de conservatione vitæ cujusque, si per leges liceret, bonumque commune id pateretur; quæ plane ex voluntate antecedente oritur, qua vellet omnes, ea ratione qua homines & proximi sunt, incolumes servare, cum leges, & commune bonum id permittunt. Quia ergo voluntas antecedens respicit priorem quandam rationem in objecto præcisam a circumstantiis supervenientibus, quarum ratione oppositum est absolute volitum voluntate consequente, voluntas vero consequens respicit posteriorem supervenientem rationem, ideo ait D. Thomas hoc loco, distinctionem hanc, voluntatis antecedentis & consequentis in Deo, non sumi ex parte Dei, quasi in eo detur una voluntas quæ antecedit, alia quæ sequatur, sed ex parte objecti spectati secundum diversas rationes, quarum una est prior, alia posterior. Negandum tamen non est, nostro intelligendi more cum fundamento in re, voluntatem antecedentem esse priorem in

Deo voluntate consequente, ut dictum est.

Sententia explicata, non solum est Damasceni, & D. Thomæ hoc loco, quam, ut reliquis anteponendam, ultimo loco in hoc articulo retulit, & copiosius quam alias explicavit, & Dominici a Soto in illa verba capituli noni Epistolæ ad Rom. Quod si Deus volens ostendere, &c. quo loco affirmat, salva reverentia quæ Augustino debetur maxima, sententiam expositionemque Damasceni præferendam esse expositionibus Augustini, itemque Catharini de prædestinatione ad sanctum Concilium Tridentinum, & complurium Scholasticorum, sed etiam multorum Patrum in eundem locum Pauli primæ ad Timoth. 2. quem de omnibus universum hominibus, sub conditione explicata, interpretantur, in quibus est Athanas. 3. lib. de assumptione hominis; Chrysostomus in eundem locum Pauli, & libro primo de providentia, paulo post medium; Ambros. in eundem locum Pauli, ubi ait: Si Deus; qui omnipotens dicitur, omnes homines salvos vult fieri, cur non impletur ejus voluntas? Deinde respondet: Condicio later, vult enim Deus salvos fieri, sed si accedant ad eum, si & ipsi velint, &c. Item Hieronymus in eundem locum, Si & ipsi (inquit) vocati Deo consentire velint. Atque inde dicit solvi objectiones de induratione Pharaonis. Hanc eandem expositionem amplectitur Augustinus, aut alius ejus operis auctor, in lib. ad articulos falso sibi impositos, art. 2. ubi ait: Sincerissime credendum esse atque profuturum, Deum velle, ut omnes homines salvi fiant: siquidem Apostolus, cujus ista est sententia, sollicite præcipit, quod in omnibus Ecclesiis piissime custodiatur, ut Deo pro omnibus hominibus supplicetur. Ex quibus, quod multi pereunt, pereuntium est meritum; quod multi salvantur, salvantis est donum: ut enim reus damnetur, inculpabilis est Dei justitia; ut autem reus justificetur, ineffabilis Dei gratia est. Hæc ibi. Eandem expositionem manifestius adhuc amplectitur Augustinus de spiritu & litera cap. 33.

Eandem sententia probari potest primo: Quoniam si Deus re vera non vult omnes homines salvos fieri, si per ipsos non steterit, sane intelligi non valet quam ratione vere dicatur omnes homines in vitam æternam

condidisse, posuisseque omnes in manu consilii sui, ut gratia divina adjuti, ad quam facientibus, quod in se est, conferendam paratissimus est, eam consequi possent; nec qua ratione, qui illam non consequerentur, sua, aut primi parentis culpa essent dicendi eam non fuisse consecuti: cum ergo hæc omnia cum scripturis sacris pugnent, amplectenda procul dubio est proposita sententia.

Secundo: Quoniam expositiones alia ad locum Pauli, præter Damasceni, & communem Patrum expositionem, omnes vel ipso primo adpectu peregrinae & extortæ apparent: obsecraverat enim Paulus fieri obsecrationes, orationes, postulationes, gratiarum actiones pro omnibus hominibus; adjecitque: Hoc enim bonum est, & acceptum coram salvatore nostro Deo, qui omnes homines vult salvos fieri, & ad agnitionem veritatis venire: unus enim Deus, unus & mediator Dei & hominum, homo Christus IESVS, qui dedit redemptionem semetipsum pro omnibus: sane Paulus de eisdem omnibus hominibus asseruit, Deum velle omnes salvos fieri, de quibus in eodem contextu præmiserat, ut pro omnibus fierent obsecrationes, orationes, &c. (id enim ut rationem attulit, quare fieri deberent) ac de quibus subiungit Christum dedisse semetipsum redemptionem pro omnibus; constat autem nullum viatorem excipiendum esse ab orationibus Ecclesiæ, (excommunicatum excipe, qui in poenam justam, ut resipiscat, præcepto ejusdem Ecclesiæ a communibus orationibus excluditur) sed universum pro omnibus esse orandum, idque gratum esse Deo, Christumque pro omnibus universum dedisse semetipsum redemptionem; ergo Paulus omnes universum asseruit Deum velle salvos fieri, si per homines ipsos non staret.

Tertio: In Deo est formaliter voluntas, qua vult ut impleamus præcepta & consilia quæ nobis tradidit, si nos quoque idem velimus: hanc enim verbis illis orationis Dominicæ; Fiat voluntas tua, sicut in celo, & in terra; petimus a nobis impleri. De eadem primæ ad Thessalon. 4. ait Paulus: Scitis quæ præcepta dederim vobis per Dominum IESVM. Hæc est enim voluntas Dei, sanctificatio vestra, ut abstineteis vos a fornicatione, &c. Præterea præcepta ipsa, & consilia ab universis Theologis,

Theologis comparatione Dei voluntas signi dicuntur, neque alia ratione, nisi quia voluntatem in Deo formaliter existentem expriment, quia id vult, si nos quoque pro nostra libertate idem velimus, eaque ratione id nobis praecepit. Ridiculum namque est, scripturisque sacris minime consonum, arbitrari, Deum quidem formaliter & proprie id non velle, sed solum metaphorice dici id velle, quia perinde exhibet praecepta & consilia, atque ea exhiberet qui id vellet, eo modo quo de eo israeli dicitur solum metaphorice, quia punit, ut punire solent homines irati.¹ Quare D. Thomas conspiciens expositionem illam, quam in Paulum retulerat, de voluntate signi, quasi in Deo nulla esset voluntas beneplaciti, nulla probabilitate fulciri, merito eam hoc loco non retulit, sed eas solum expositiones, quae locum illum interpretantur de voluntate beneplaciti, formaliter ac proprie in Deo existente. Denique voluntas illa nihil cum Deo pugnat, quin potius maxime concitans est, tum cum bonitate, pietate, ac veritate divina, tum etiam cum libertate nostra, & probatione, quia Deus nos ad palmam praemii statuit perducere: ergo est in Deo admittenda: sed illa eadem est, qua Damascenus, & alii Patres affirmant Deum velle omnes universim homines salvos fieri, mediaque ad vitam aeternam necessaria consequi, si per ipsos non stet: ergo vera est Damasceni, aliorumque Patrum opinio circa illius loci Pauli expositionem.

Ante quartam rationem obiter dicam, non defuisse, qui nostram illam propositionem initio praecedentis rationis propositam; in Deo est formaliter voluntas, quae vult ut impleamus praecepta & consilia quae nobis tradidit, si nos quoque idem velimus; redarguere tentaverunt, dicentes: Quamvis ut plurimum vera sit, non tamen semper esse veram, ut constat in praecepto illo Abrahamo imposito de immolando Isaac.

Obiectio.

Sensu fatis.

Est tamen rigorosa valde, nimisque scrupulosa ea redargutio. Primo, quoniam nos locuti sumus de praeceptis & consiliis Ecclesiae propositis, non vero de praecepto Abrahamo peculiariter imposito ad eum tentandum, mundoque ostendendam ac simul exercendam praecaram Abrahami fidem, spem, obedientiam, ac caritatem in Deum,

& ad typum exhibendum futurae passionis Christi, nimisque Patris aeterni caritatis, quae sic mundum dilexit, ut pro illius salute non dubitaverit filium suum unigenitum in acerbissimam tradere mortem. Secundo, quoniam nostra doctrina per se, ac de lege ordinaria, solida est ac vera: quod satis est, ut tuto ac simpliciter possit ac debeat affirmari, neque est necesse facere exceptionem eventus extraordinarii ac singularis ad particularem aliquem finem. Quin potius tantum plus iusto cautus merito is notaretur, qui propositione illa solida per se ac vera utens ad argumentationem quam nos confestim, recurrere vellet ad faciendam exceptionem extraordinarii illius eventus; idque profecto obscurum redderet orationem. Tertio, quoniam nostra propositio neque in praecepto Abrahamo imposito patitur instantiam, illud namque praeceptum haec omnia continebat: Tolle filium tuum unigenitum, quem diligis, Isaac, & vade in terram visionis, atque ibi offer eum in holocaustum super unum montium, quem monstraveram tibi. Abraham vero surrexit, tulit puerum, & omnia fidelissime est exequutus usque ad gladii erectionem, ut percuteret eum: id autem satis est, ut implevisse dicatur praeceptum Domini: quandoquidem tam multa illius praecepti est exequutus, neque per ipsum steterit, quo minus omnimodam impletionem completeret: unde scriptura ipsa ex Dei persona subiungit: Quia fecisti rem hanc, & non pepercisti filio tuo unigenito propter me, benedicam tibi. Et infra: Quia obedisti voci meae.

Atque haec Abrahami obedientia praecepto illi quoad executionem est, quae tantopere in sacris literis commendatur: & de qua Iacobus 2 cap. de operibus atque legis impletionem agens, sic ait: Abraham pater noster nonne ex operibus iustificatus est, offerens Isaac filium suum super altare? Sane is, cui praeceptum est impositum, dum id efficere statuit, quod sibi praecipitur, & per partes executioni id mandat, praeceptum dicitur implere: per accidensque est, quod vel morte praeventus, vel aliter impeditus, totum implere non potuerit, vel quod a legis datore aliquid sit ei remissum, aut etiam prohibitum, quod illi implendum supererat, implereque aggrediebatur. Adde, quando dicimus,

dicimus, in Deo esse formaliter voluntatem, qua vult ut impleamus præcepta & consilia quæ nobis tradidit, si nos quoque id velimus habere id hanc tacitam conditionem, si penes nos sit id implere aliquin si impossibile, vel de facto, vel de jure nobis sit, constat in Deo non esse talem voluntatem : at vero Abrahamo, tempore quo puerum erat percussurus, effectum erat impossibile juris impossibilitate, id præcepti antea sibi impositi implere, quod implendum restabat propter novum illud aliud præceptum, ne extendas manum in puerum. Possimus etiam dilucidius sic dicere : Doctrinam nostram manifeste esse in hunc modum intelligendam ; in Deo est voluntas, qua vult, ut si nos quoque velimus, impleamus præcepta quæ nobis tradidit ; pro tempore pro quo obligant. A nostra doctrina autem sic intellecta nihil omnino est excipiendum : quoniam licet præceptum illud affirmativum Abrahamo impositum, ipsum obligaverit ea omnia efficere, quæ usque ad gladii erectionem effecit, idque animo interficiendi Isaac ; attamen pro nullo instanti obligavit eum, filium suum interficere : quoniam in tempore, in quo filium juxta Dei præceptum erat percussurus, præveniendus erat a Deo, contrariumque ei erat præcipiendum. Nunc ad id regrediamur unde sumus digressi, quartamque rationem conficiamus.

Quarto, eadem sententia probatur multis aliis testimoniis scripturæ sacre, quæ aperte sonant in Deo esse ejusmodi voluntatem. Genes. enim 6 : Tactus dolore cordis intrinsecus, Delebo (inquit) hominem, quem creavi, a facie terræ. Isaie 1 : Hec vindicator de inimicis meis : si autem in Deo non esset velleitas, qua homines non punire cupe-ret, si ipsum peccata aliud non postula-rent, quid, quæso, dolor ille cordis intrinsecus, quo tactus dicitur, gemitusque ille in sumenda vindicta exprimerent ? Neque enim aliud significant, quam velleitatem qua vellet non punire, si peccata id non postularent. Item Sapientie primo habetur : Deus mortem non fecit, nec letatur in perditione vivo-rum. Creavit enim ; ut essent omnia ; & variabiles fecit nationes orbis terrarum. Injustitia, mortis est acquisitio. Impii autem manibus & verbis accersierunt illam. Eze-chiel. 18 : Nunquid voluntatis mex est mors

impii, & non ut convertatur a viis suis, & vivat ? Et infra : Quare moriemini domus Israel ? quia nolo mortem morientis, rever-timini, & vivite. Item Matth. 23 : Quoties volui congregare filios tuos, quemadmodum gallina congregat pullos suos sub alas, & no-luisti ! Denique si in Deo non esset voluntas conditionalis, de qua loquimur, sane invi-tationes ad poenitentiam, atque ad vitam æternam, quæ ex persona Dei in scripturis sanctis sunt, potius fictiones dicendæ essent, comparatione eorum qui non convertuntur. Veteratoris etenim esset præcepta subditis dare, nec velle ut ea implerent ; velle nihil-ominus transgressores punire : quare id Deo nulla ratione est tribuendum, quin potius dicendum est, re vera velle fieri, quæ præci-pit ; servata tamen libertate arbitrii creati, ac proinde sub conditione, si homines & Angeli id ipsum velint.

Dominicus a Soto loco citato, tamen si tan-
dem annuat, maxime dubius est, an volun-
tas hæc, quam in Deo esse ostendimus, appel-
landa sit velleitas voluntasque conditionalis :
quia, ut inquit, velleitas voluntasque condi-
tionalis est imperfecta, quæ non est, nisi ubi
deest facultas implendi quod volitum est ;
ut in eo cernere licet, qui vellet non projice-
re merces in mare, tempestate tamen coac-
tus, quia desperat se aliter posse servare
vitam, eas projicit : Deo autem nulla imper-
fectio, nullusque defectus facultatis est tri-
buendus.

At proculdubio appellenda est etiam D.
Thoma hoc loco velleitas, voluntasque condi-
tionalis, ut ex hæcenus dictis est manife-
stum. Præterea cum in Deo sit formaliter,
& non sit volitio efficax ac absoluta, non vi-
detur quæ alia esse possit, quam velleitas,
voluntasque conditionalis.

Ad rationem Soti dicendum est, velleita-
tem, voluntatemque sub conditione, inter-
dum esse propter defectum facultatis faciendi
aut obtinendi id quod ita est volitum, ut cer-
nitur in eo, qui vellet non projicere merces
suas in mare : interdum vero esse, non pro-
pter defectum potestatis, ut sit id quod ea
vellet, sed ut ea ratione finat res agere accom-
modate ad suas naturas, creaturæque arbitrio
præditæ propriis meritis, divina gratia adju-
tis, honorificentius ad præmii palamam per-
ducantur. Priori ergo modo conjuncta est
cum

Soti opinio.

Argumentum.

Voluntas
conditio-
nalis, quæ non
impletur, &
velleitas, &
nuncupan-
da.Dilectio
Soti argu-
mentum.

cum imperfectione, defectuque facultatis, neque ita cernitur in Deo: posteriori vero minime. Etenim libere vult Deus aliqua dependenter ab arbitrio creato, nempe beatitudinem damnatorum, quorum opposita, nempe damnationem, vult absolute propter malum usum ejusdem arbitrii. At illa eadem, nempe beatitudinem, quorum opposita absolute vult, potuit velle absolute, vel impediendo malum usum arbitrii creati, vel etiam absolute ea volendo, secluso quocunque usu arbitrii creati.

Gregorii opinio & argumentum.

Gregorius loco citato nititur probare, locum Pauli non esse intelligendum de voluntate antecedente, quæ sit velleitas salutis, si per peccatores non stare, idque in hunc modum: Quoniam si id esset verum, Paulus non dixisset: Deus vult omnes homines salvos fieri: velleitas namque non exprimi solet per verbum indicativi sed optativi modi.

Solutio.

Dicendum nihilominus est in primis, velleitatem interdum etiam verbo indicativi significari, ut constat ex illo Christi ad Patrem: Veruntamen non sicut ego volo, sed sicut tu. Dicendum est deinde, eam velleitatem, quæ est propter defectum facultatis faciendi aut consequendi aliquid, solere exprimi per verbum optativi modi; non vero eam, quæ ideo in Deo est, ut finat res agere libere accommodateque ad suas naturas: hæc etenim est voluntas conditionalis, dummodo per alium non stet; quæ ratione optime dicere possumus, Deum velle salutem omnium, dummodo per ipsos non stet.

Utrum voluntas Dei semper impleatur.

DISPUTATIO II.

Prima conclusio. Quicquid Deus vult voluntate absoluta, semper impletur.

Hæc est de fide. Ut vero melius intelligatur, dilucidiusque probetur, sciendum est, Deum duobus modis velle aliquid voluntate absoluta. Uno, sine ulla dependentia ab arbitrio creato, quæ liberum arbitrium est. Ejusmodi voluntas absoluta Dei est quæ præsertim appellatur voluntas Dei efficax, cui nulla creatura resistere valeat, idque sive Deus, quod ita vult, exequatur per seipsum solum, ut fuit creatio orbis; sive interveniu causæ secundæ, etiam si voluntas humana aut angelica ea sit, cui necessitatem potest inferre.

MOLINA.

Comparisonem tamen ejus, quod ita exequetur voluntas creata, non haberet rationem liberi arbitrii; eo quod in facultate ipsius non esset facere oppositum. Conclusio quoad hanc partem probatur, in primis testimonio scripturæ sacræ, Psalm. 113: Deus noster in cælo omnia quæcunque voluit fecit. Esther 13: Non est qui possit tuæ resistere voluntati. Il. 46: Consilium meum stabit, & omnis voluntas mea fiet. Ad Rom. 9: Voluntati ejus quis resistet? Deinde probatur ratione, quoniam causa volens ita aliquid absolute voluntate absque dependentia aliqua seu conditione ab arbitrio creato, quæ liberum arbitrium est, si non producat effectum, vel est quia non potest quod ita vult, aut quia impeditur, vel quia mutat voluntatem: primum & secundum nulla ratione esse possunt; quippe cum Deus omnipotens sit, omnisque causa secunda, tum ut sit, tum ut agat, pendeat a libero ipsius influxu ac concursu: neque item tertium; eo quod in Deum nulla vicissitudinis obumbratio cadere possit, nihilque a Deo non prævisum ac præcognitum accidere possit, ratione cujus consilium ac voluntas ipsius mutetur: ergo quicquid Deus ejusmodi absoluta voluntate vult, semper impletur.

Altero modo dicitur Deus velle aliquid, dependenter quidem ac arbitrio creato, quæ liberum est, atque adeo sub conditione, si creatum arbitrium id etiam velit; at ea ratione absolute, quod cum prævideat per arbitrium ipsum libere futurum, ex hypothesi quod cum ordinem rerum velit creare, quem re ipsa creare constituit, ei placet, absoluteque jam voluntate vult ut sit, quod libere futurum est, potestque non esse. Hæc ratione Deus optimus maximus vult omnia bona, quæ per arbitrium nostrum sunt futura, non solum voluntate conditionali, si nos quoque ea velimus, sed etiam voluntate absoluta, quatenus ipsi prævidenti ea futura placeant, eademque divina ejus ac singularis bonitas per arbitrium nostrum intendit ac vult. Quod autem hæc etiam absoluta Dei voluntas semper impleatur, ex eo est manifestum, quia nititur certitudini præscientiæ divinæ, quod ita res futura sit per nostrum arbitrium, consequiturque in Deo eandem præscientiam: quare cum in Deum nec mutatio nec vicissitudinis obumbratio cadere possit; quam

Quæ Dei voluntas absoluta non excludit conditionem, si creatum velit.

Nn

certum

Voluntas Dei efficax quæ.

certum est Deum per eam præscientiam non posse falli, tam certum est ejusmodi absolutam Dei voluntatem semper impleri. Quædam ex testimoniis scripturæ citatis ex parte confirmant conclusionem propositam intellectam etiam de ejusmodi absoluta Dei voluntate, quatenus Deus prævidens omnia, quæ per arbitrium creatum sunt futura, ita sua providentia novit omnia accommodare finibus a se præfinitis, ut salva libertate, tam eorum qui bene, quam eorum qui male suo arbitrio erant usuri, etiam malo eorum usu ad fines præfixos attingendos sæpe utatur, comprehendereque sæpe ita soleat sapientes in propria astutia, ut qua via illi consilium Dei invertere nituntur, eadem ipse id perficiat, ut in fratribus Joseph cernere licet, qui qua via consilium Dei somniis revelatum fugere moliti sunt fratre vendito, eadem Deus somnia vera reddidit. Hac ratione malo usu arbitrii tyrannorum usus est Deus ad coronam & palmam martyrum, Pontificum vero, Phariseorum, Herodis, ac Pilati, ad redemptionem generis humani, juxta illud Actuum 4: Convenierunt vere in civitate ista adversus sanctum puerum tuum Jesum, quem unxisti, Herodes, & Pontius Pilatus, cum Gentibus, & populis Israel, facere quæ manus tua & consilium tuum, decreverunt fieri. Unde a fine usque ad finem quem intendit, attingens fortiter Deus, disponit omnia suaviter, unumquodque ad suam naturam accommodate agere sinens.

Hinc intelligitur sensus illorum verborum Genes. 50 quæ Joseph trepidantibus fratribus ne post mortem patris vindictam sumere vellet de facinore quod in ipsum admiserant, ut timorem ab eis pelleret, protulit dicens: Nolite timere, num Dei possumus resistere voluntati? Vos cogitastis de me malum, sed Deus vertit illud in bonum, ut exaltaret me, sicut in præsentiarum cernitis, & salvos faceret multos populos. Sensus quippe est, Deum quidem voluntate absoluta voluisse exaltare Josephum, quæ proinde voluntas necessario erat implenda, si non illo modo, certe quovis alio, qui Deo non defuisset, vel mittendo Josephum in Ægyptum, vel quavis alia ratione. Deum tamen prævidente aptum ad id medium esse provisionem fratrum, quæ data hypothesi quod ipse eam nollet impedire, nequitia & libertate

eorum erat futura, permisisse illam, ut inde tantum bonum eliceret, eaque via sapientia ipsius splenderet, quæ de malis solet bona erui, sapientesque in astutia sua comprehendere; dum qua via fines ab ipso intentos fugere nituntur, eadem modo quodam admirabili in eosdem incurrunt.

Quo fit, ut verba illa, Num Dei possumus resistere voluntati? nequaquam significant Deum necessitatem fratribus ad peccandum intulisse, ut eventus ille ea via sequeretur: sed eventum a Deo volitum fuisse ac intentum voluntate absoluta, quæ omnino erat implenda, & Deum-tum fuisse peccato, pro illorum nequitia & arbitrio commissio, solumque a Deo permisso, ut felix ille eventus sequeretur. Atque id sane aperte significant verba illa subjuncta: Vos cogitastis de me malum, sed Deus vertit illud in bonum. Ut vero Josephus plus fratres sedaret, exaltationem suam a Deo absoluta voluntate ac efficaci volitam, atque adeo necessario futuram, prudenter illis ante mentis oculos posuit, nequitiamque ipsorum fuisse medium a Deo permissum, unde tantum sibi bonum obvenit, eaque ratione timendum ipsis non esse, ut de delicto, quod tantum sibi attulit commodum, Deo res eo pacto disponente ac permitte, ullam vellet sumere vindictam.

Illud vero est observandum, contextum Hebræum eo in loco in hunc modum de verbo ad verbum habere: Ex dixit ad eos Joseph: Ne timeatis, quoniam numquid pro Deo ego? & vos cogitastis adversum me malum, &c. Quæ verba, præter sensum quem editio vulgata reddidit, quasi idiotismo Hebræo significare intenderit Josephus, se non esse Deum, ut suo consilio, & non potius divino, cui nullus valet resistere, felix ille eventus ex fratrum maleficio fuerit consecutus, quandam alium habent, quem septuaginta interpretes expresserunt, dum ea verba in hunc modum vertunt: Ne timeatis, nam Dei sum ego. Vos cogitastis contra me, &c. Multoque apertius eundem expressit Chaldaicus paraphrastes his verbis: Ne timeatis, quoniam ego timeo a facie Dei. Porro ut hunc sensum melius intelligas, scito, verba illa præcedentia; Quo mortuo timentes fratres ejus, & mutuo colloquentes, Ne forte memor sit injuriæ quam passus est, & reddat nobis omne malum, quod fecimus; in

Hebræo

Hebræo de verbo ad verbum ita habere : Et viderunt fratres Joseph, quod mortuus est pater eorum, & dixerunt : Fortasse habebit odio nos Joseph, & reddendo reddet nobis omne malum, quod retribuimus ei. Juxta hæc ergo, sensus illorum verborum est : Cum intelligeret Joseph frater suspicari se odio illos prosequi, eaque de causa velle de eis sumere vindictam, dixit : Dei servus sum, Deumve timeo, proinde nolite cogitare me odio vos prosequi, eaque de causa velle de vobis vindictam sumere, quod longe alienum est a Dei servis & viris timoratis. Vos cogitastis de me malum, &c. Alii verba illa, Quoniam nunquid pro Deo ego? referunt quasi dicta fuerint a Josepho, ut increparet fratres, quod proni tunc in terram eum adorarent, ut proxime præmittitur. At vero verba illa manifeste reddunt rationem, cur non esset illis timendum, quod vindictam de is sumere veller. Neque adoratio illa erat cultus patriæ, sed reverentia debita Josepho tanquam terræ Ægypti moderatori, & tanquam fratri, a quo veniam delicti in eum commissi petebant. Neque tunc primo ejusmodi reverentia fuit ipsi ab eis exhibita, sed sæpius jam antea, Josepho id permittente; quin & longe antea prophetico spiritu fuerat a Josepho prædictum.

Secunda conclusio
Voluntatem
Dei conditionatam
non semper
impleri.

* Secunda conclusio : Non semper impletur quod Deus voluntate conditionali vult. Conclusio hæc ex dictis disputatione præcedente est manifesta. Vult enim ejusmodi volitione, omnes homines salvos fieri, nec tamen omnes salutem assequuntur. Vult item sua præcepta & consilia observari, quæ tamen passim contemnuntur. Peccator autem qui ab hoc ordine divinæ voluntatis recedit, relabitur in alium ordinem divinæ voluntatis, quo voluntate absoluta punire vult quos prævidet discessuros ex hac vita in peccato, ut D. Thomas hoc loco, cum Augustino de spiritu & litera cap. 33. affirmat.

Dubium.

Dubium tamen est, utrum Deus absoluta voluntate velit omnia universim quæ in rerum natura sunt. Pars quæ affirmat suaderi potest, quoniam Deus omnium, quæ sunt, est causa quoad eorum entitates : cum ergo sit eorum causa per suam voluntatem, consequens est, ut voluntate absoluta velit ea omnia esse.

Sit nihilominus tertia conclusio : Deus non habet voluntatem absolutam ut sint actus peccatorum, qui ab arbitrio creati sunt : habet tamen voluntatem absolutam eos permittendi : vultque absoluta voluntate concurrere generali influxu cum libero arbitrio creato ad illorum productionem. Prima pars est de fide, copioseque demonstrata est quæst. 14 art. 13 a disputatione 31. Secunda pars ex eo est manifesta, quod, nisi vellet eos permittere, non essent. Quia tamen permissio ponit eos ex libero ipso arbitrio futuros, nisi a Deo impediatur, additque, Deum posse, & non velle eos impedire, optima est hæc conclusio : Deus habet voluntatem absolutam permittendi hæc vel illa peccata : ergo erunt. Tertia pars probatur, quoniam nisi voluntate absoluta vellet concurrere influxu generali cum arbitrio creato ad actus peccatorum tanquam causa universalis, nulla ratione ab arbitrio creato producerentur : nec enim sublati ejusmodi concitui esse possunt, ut ex dictis q. 14 art. 13 a disputatione 25. est manifestum. Quo fit, ut Deus non omnes entitates reales quæ producuntur in rerum natura, velit esse voluntate absoluta, tamen ad omnes voluntate absoluta velit concurrere, saltem per concursum generalem, atque ut universalis omnium rerum causa, ut loco citato disputatione trigesima prima & sequentibus ostensum est.

Tertia conclusio
Dei voluntas
absoluta
respondet.

permissio
dubio quid
supponat, &
in qua se
posita.

Explanatur, Deum causam non esse peccati, etiam materialiter sumpti.

DISPUTATIO III.

Quidam in primis referunt nostra illa verba tertiæ conclusionis disputationis præcedentis : Deus non habet voluntatem absolutam, ut sint actus peccatorum, qui ab arbitrio creati sunt : habet tamen voluntatem absolutam eos permittendi : vultque absoluta voluntate concurrere generali influxu cum libero arbitrio creato ad illorum productionem. Prima pars est de fide, copioseque demonstrata est q. 14 art. 13 a dis. 31. Referunt item illa alia verba, quibus paulo inferius intuli : Quo fit, ut Deus non omnes entitates reales, quæ producuntur in rerum natura, velit esse voluntate absoluta, tamen ad omnes voluntate absoluta velit concurrere,

re, saltem per concursum generalem, atque ut universalis rerum causa.

*Obje-
ctio
prima.*

Deinde dicunt: Si in prima parte conclusionis fermo esset de actibus peccatorum, secundum quod actus peccatorum sunt, bene quidem: conclusio namque esset verissima. Cæterum cum ex iis quæ postea infero, constet me loqui de actibus peccatorum quatenus entitates quædam naturales sunt, præsciendando a malitia, & deformitate peccati, mirantur me asserere, primam nostræ conclusionis partem esse de fide, meque id ostendisse a disput. 31. citata: cum tamen solum ibi ostenderim, Deum non esse causam peccati. Addunt vero, tantum abesse conclusionem ita intellectam esse de fide, ut cum veritate communique Scholasticorum sententia pugnet. Subjungunt præterea, se arbitrari Deum velle entitatem naturalem, quæ est in peccato, si præcisa spectetur a malitia, absoluta voluntate, non quidem antecedente, sed consequente, aut etiam concomitante, entitatemque illam sic sumptam esse a Deo, ac proinde non odisse eam, ut sit: neque enim odit quicquam eorum quæ fecit. Hæc omnia confirmant ex August. ex illo Ioannis 1. omnia per ipsum facta sunt, & sine ipso factum est nihil: ubi solum nihil, id est, peccatum quæ tale, negat August. factum esse a Deo.

Id etiam alienum a communi loquendi ratione arbitrantur, quod quæst. 14 art. 13 d. 33. sub finem §. Decimum, dixi: Nempe, quamvis Deus præstare velit suum concursum generalem indifferenter, ut sint opera nostra mala moraliter, vel contraria, Deum tamen non debere dici causam simpliciter earum entitatum in particulari, sed cum hoc addito, causam universalem eas actiones sua causalitate minime intendentem. Dicunt namque eos Theologos, qui concursum Dei generalem cum causis secundis defendunt, simpliciter & sine addito affirmare, Deum causam esse earum actionum, quæ fundant rationem peccati, quantum ad ipsam entitatem. Addunt præterea, nonnullam repugnantiam implicare, quod dicam, Deum voluntate absoluta velle concurrere ad actionem peccati, qui concursus nihil aliud est quam productio, quæ dat esse actioni, & tamen Deum non velle esse ipsius actionis: præsertim si Deus ad actiones ad

extra concurrat, non per potentiam executivam a voluntate distinctam, sed immediate per ipsam voluntatem, ut multi docent, & ego ipse dixi in q. 14 art. 13 disp. 26. §. Ut melius. latiusque ostendam q. 25. Quod si, inquirunt, disp. præcedente, & disp. 33. solum asserere volui, Deum voluntate absoluta antecedente non velle actus peccatorum, etiam quoad eorum substantiam, neque illos præfinivisse, debui id apertius explicare.

Ad primam objectionem dicendum est, nos in prima parte conclusionis loqui de actibus peccatorum, secundum quod actus peccatorum sunt. Cæterum loqui de illis, non solum quoad rationis entitatem malitiæ & formalis peccati, sed etiam quoad materiale, & fundamentum illius formalis, quatenus fundamentum illius est, seu quoad id, unde habet, ut sit illius fundamentum, ut in q. 14 a. 13 d. 29. §. Tertio. & disput. 30. §. Denique, & §. Postumus, perspicue diximus. Atque ut nunc dilucidius rem explicemus, loquimur de actione ipsa peccati, ut efficienter habet suum esse contra legem Dei a nostro arbitrio per influxum illum ipsi arbitrio proprium, qui juxta August. est usus ad id, ad quod a Deo nobis collatum non est, & quo arbitrium ipsum tum seipso, tum etiam concursu Dei generali ad eum actum & finem abutitur, ad quem a Deo collata nobis non sunt. Iam vero sicut actio realis peccati ab arbitrio ita influente, ac seipsum libere determinante, habet quod sit hujus speciei in genere naturæ: ita ab eodem arbitrio, hic & nunc cum his circumstantiis eodem pacto influente, atque ex sua tantum parte contra legem Dei operante, habet, quod fundet rationem peccati quoad formale, de quo solo obijciens loquitur. Unde sit, ut realis causa peccati juxta Augustinum locis citatis, sit ipsum arbitrium eo pacto influens, & operans seu cooperans ad actum illum, non vero Deus ad eundem actum cum illo cooperans: quoniam cooperatio illa arbitrii est contra rectam rationem & legem Dei; cooperatio vero divina non item. Dicimus itaque, Deum optime maximum non solum non posse complacere in formali, seu in entitate rationis peccati, sed neque etiam complacere posse in actione ipsa peccati, prout ab arbitrio modo explicato per influxum ipsi peculiarem ac proprium contra legem Dei emanat,

*Ad primam
et secundam
objectionem
pertinentes
& simpliciter
non est
causa.*

*Obje-
ctio
secunda.*

emanat, neque posse præcipere arbitrio eam actionem seu influxum, neque ad illam movere, inclinare, aut eum influxum suadere, vel illum prædestinare, quia hæc omnia ex ipsamet rei natura intrinsece mala sunt, pugnantque cum ipsius infinita bonitate, legeque sua æterna, ut ab eo sint volita aut fiant. Unde disputat. 32 §. Hæc ratio, impugnantem tanquam insufficiens aut nullam rationem, quam plerique antiquorum reddebant, cur Deus, licet cooperaretur ad nostras actiones malas, non tamen esset causa peccati, sic diximus: Ratio hæc vel rem non explicat quantum est satis, vel certe nullius est momenti. Etenim licet compertissimum sit, Deum, qui summa est bonitas, nullo, modo in suis operibus posse deficere, neque proprie sibi ipsi esse subjectum: attramen in eo lex est æterna, quæ est ipseniet Deus, quæque ipsi dicitur, quid rectum sit, ut ab eo fiat, & quid turpe, si ab eo fieret, ac proinde quid ex eo capite contradictionem, implicet ab eo fieri, quod cum ipsius bonitate pugnet. Atque hac ratione colligimus, Deum nulla ratione per se, vel per alium, posse mentiri, neque ulla ratione posse præcipere peccata, neque ad actiones, quæ peccati rationem retinent, posse movere atque inclinare, aut illas suadere, vel ad eas quenquam prædestinare, eo quod hæc, & his similia, rectæ rationi tam humanæ quam divinæ, & infinitæ bonitati repugnent. Atque id sonant testimonia scripturæ, definitiones Ecclesiæ, ac dicta SS. Patrum, quæ disp. 31 retulimus. Quare non solum est contrarium fidei, Deum ad hunc sensum causam esse peccati, quod ipse etiam deficiat a sua regula, cooperando nobiscum ad peccatum, ut nos a nostra regula deficiamus, sed etiam ad eum, quod vel præcipiat vel suadeat actum pravum, aut ad illum prædestinet, moveat, & inclinet per suum influxum, & operationem. Quamvis, si hoc posteriori modo causa esset peccati, esset etiam illo priori: eo quod a lege sua æterna ipse quoque tunc deficeret. Poterit quidem Deus, detrahendo prius per appositionem alicujus circumstantiæ actionem aliquam a ratione peccati, id præcipere, aut ad id movere, quod seclusa tali circumstantia foret contra jus naturale, ac proinde peccatum, qua ratione, tanquam Dominus vitæ ejusque hominis, præcepit patri Abrahamo,

ut interficeret filium suum Isaac, quod licuit tunc Abrahamo, neque erat contra 5 præceptum decalogi, facta prius parenti in filium ea facultate: verum quod Deus præcipiat, aut moveat ad id quod in causa secunda retineat rationem peccati, id plane contradictionem implicat, eo quod cum divina bonitate ac lege æterna pugnet. Hæc ibi. Continuoque ibidem adjecimus, quo pacto proprie Deus dispensare non possit in præceptis decalogi, licet apponendo circumstantias posset multa subtrahere a præcepto decalogi, quod proprie non est in iis dispensare.

Eum qui adversus nos objecit, fessellisse sane videtur, quod non attenderit, actionem peccati quavis totum suum esse totalitatem effectus habere a Deo, habere etiam idem totum suum esse a libero arbitrio influente & cooperante contra legem Dei. Non quidem per aliam numero actionem aut per aliam numero rationem formalem actionis, sed per eandem prorsus, quæ, spectata præcise, ut emanat a libero arbitrio, dicitur influxus & actio liberi arbitrii, ac peccatum materialiter actioque contra legem Dei. Spectata vero præcise, ut immediate emanat a Deo, dicitur influxus & actio Dei; ut sit tamen, nec est peccatum etiam fundamentaliter, nec actio contra legem Dei: imo neque, quia ita a Deo emanat, habet quod sit hujus speciei in genere naturæ, sed solum quia emanat immediate a libero arbitrio, ut sæpe dictum est. Cum autem bonum sit ex integra causa, malum vero ex particularibus effectibus, sane hæc consequentia non valet: Hæc tota actio, quoad suam integram rationem realem ac formalem, est a Deo per concursum suum generalem, tanquam a parte causæ, & ut est a Deo, sibi non displicet; ergo hæc eadem actio, quoad eandem rationem realem & formalem, sibi non displicet: est namque argumentatio a secundum quid ad simpliciter: ut enim sibi simpliciter displiceat, contradictionemque implicet sibi placere simpliciter, satis est, si eadem tota actio, quatenus a libero arbitrio contra legem Dei emanat, sibi displiceat: implicat autem eam ita spectatam sibi placere: quemadmodum etiam implicat Deum illam eodem pacto spectatam præcipere, suadere, ad eam movere, aut quemquam ad eam prædestinare. Miror autem objicientem merito convenire mecum, Deum non

Actio materialiter peccati, ut præcise a libero arbitrio, collata esse non possit a Deo.

posse in eam complacere, seu illam velle, etiam quoad actus substantiam, voluntate antecedente; & tamen affirmare, in eam complacere, atque eam velle, consequente & concomitante voluntate: cum tamen in re, de qua disputamus, unum & idem obiectum sit antecedentis, concomitantis, & consequentis divinæ volitionis; nec minus ex se malum dissonumque a ratione & lege æterna sit, velle arbitrium agere contra legem Dei, & velle quod contra illam antea egerit: obiciensque reddere deberet rationem, quare, cum obiectum unum & idem omnino sit, contradictionem implicet esse voluntatem Dei circa illud, & non solum non implicet contradictionem esse voluntatem concomitantem & consequentem circa illud, sed etiam reipsa circa illud idem versari.

*Peccati,
etiam materialiter,
Deus non
est causa.*

Credo jam nobiscum consentiet, Deum causam non esse peccati, etiam materialiter ac fundamentaliter sumpti, in sensu a nobis explicato. Quod si revisat scripturæ ac sanctorum Patrum testimonia, itemque Ecclesiæ definitiones, quibus disputatione 31 citata id ostendimus, comperiet profecto de fide id esse in sensu in quo nos loquimur, præsertim si adjungat quæ diximus disput. 32. §. Ratio hæc, & disp. 33. §. Non desuere. & §. Opinio hæc, & quæ in appendice diximus ad secundam objectionem a §. Si autem sermo. Certe scripturæ sanctæ, Ecclesiæ definitiones, & SS. Patres, quando de hoc agunt, docentque Deum peccatorum non esse causam, ea non prædestinare, ea non velle, ea detestari ac punire, non tam loquuntur de metaphysicis entitatibus rationis, quæ nostras actiones consequuntur, quam de actionibus ipsis, quibus divina præcepta transgredimur, & de omissionibus actionum, quibus tenebamur præceptis affirmativis nos conformare; in his enim præcipue est ratio voluntarii, & iis præcepta transgredimur, quin ejusmodi actiones sunt, quæ divinis præceptis prohibentur, nempe, non occides, non mœchaberis, non furtum facies, non concupisces uxorem aut rem proximi tui: quia odisti facta Nicolaitarum, quæ & ego odi, habetur Apoc. 2: Sane si S. Jacobus neque tentationem, quæ in nostra excitatur sensualitate, & nos sollicitat & inclinat ad malum, Deo tribuit, multo minus tanquam causæ Deo ascribet quod per nostrum arbitrium ei ten-

tationi consentiamus, & contra legem Dei ad actum peccati cooperemur: Nemo, inquit ille cap. 1 cum tentatur, dicat quoniam a Deo tentatur. Deus enim intentator malorum est, ipse autem neminem tentat: unusquisque vero tentatur a concupiscentia sua abstractus & illectus. Deinde concupiscentia eum conceperit, parit peccatum; peccatum vero cum consummatum fuerit, generat mortem. Expendantur cætera scripturæ testimonia, quæ disputatione 31 adduximus.

Definitiones vero Ecclesiæ, quas ibidem & in appendice loco citato adduximus, profecto & de actibus peccatorum loquuntur, quos Deus neque prædestinasse, neque velle antecedente voluntate, fatetur obiciens ipse: nulla autem est ratio, cur Deus, quoad id, secūndum quod esse non possunt ab eo antecedenter voliti, possit eos velle concomitantem, aut consequenter. Definitio vero Concil. Tridentin. can. 6 ibi relata, apertissime de actibus peccatorum loquitur. Sic enim habet: Si quis dixerit, non esse in potestate hominis vias suas malas facere, sed mala opera, ita ut bona, Deum operari non permissive, sed etiam proprie & per se, adeo ut sit proprium ejus opus non minus proditio Judæ quam vocatio Pauli, anathema sit.

Idem constat de sequentibus Patrum testimoniis ibidem relatis. Chrysostr. Homil. 8 in Epist. 2 ad Timotheum. Hoc solum scito, quod Deus omnia providet, quod liberi arbitrii conditi sumus, quod alia quidem operatur, alia vero permittit, quod nihil mali vult fieri, quod non ex sola ipsius voluntate fiunt omnia; sed ex nostra quoque; mala quidem omnia ex nostra tantummodo fiunt, bona vero omnia ex nostra voluntate & ipsius adiutorio; quod nihil ipsum latet; non tamen quia nihil ipsum latet, idcirco omnia operatur ipse. Ecce de operibus loquitur. D. August. de Spir. & lit. cap. 31: Nusquam legimus in sanctis scripturis, Non est voluntas nisi a Deo: & recte non scriptum est, quia verum non est: alioquin etiam peccatorum, quod absit, auctor est Deus, si non est voluntas nisi ab illo, quoniam mala voluntas jam sola peccatum est, etiam si desit effectus. Ecce de actu voluntatis loquitur. Et de articulis sibi falso impositis, artic. 10: Detestanda & abominanda opinio est, quæ Deum cujusquam male voluntatis, aut male actionis credit auctorem, cujus

eius prædestinatio nusquam extra bonitatem, nusquam extra iustitiam est: universæ enim viæ Domini misericordia & veritas. Adulterium enim matronarum, & corruptelas virginum, non instruere novit sancta divinitas, sed damnare; nec disponere, sed punire. Non ergo casus reuentium, nec malignitatem iniquorum, nec cupiditates peccantium, prædestinatio Dei aut excitavit, aut suavit, aut impulit: sed plane prædestinavit iudicium suum, quo unicuique retributurus est prout gessit, sive bonum, sive malum. Quod iudicium futurum non esset, si homines Dei voluntate peccarent: & omnis homo, quem discretio divinæ sententiæ in sinistra colloca-verit parte, damnabitur, quod non Dei, sed suam executus est voluntatem, & artic. 13: Nescis est Deo ascribere causas talium ruinarum. Quia est æterna scientia præcognitum habet, quid uniuscuiusque meritis retributurus sit, nemini tamen per hoc, quod falli non potest, aut necessitatem, aut voluntatem intulit delinquendi. Si ergo a iustitia & pietate quis deficit, suo præceptis fertur arbitrio, sua concupiscentia trahitur, sua persuasionem decipitur. Nihil ibi Pater, nihil Filius, nihil Spiritus sanctus. Neque in tali negotio quicquam divinæ voluntatis intervenit, cuius ope scimus multos, ne laborentur, detentos; nullos autem, ut laborentur, impulsos. Hypog. lib. 6: Mala Judæ, ut dixi, præcivit, non prædestinavit Deus, vel fecit: & tamen in quibus præcivit, iudicio iusto tradens eum in reprobum sensum, ut impleret, permisit. & post multa: Tenenda est inconculsa hujus disputationis regula, quæ divinis testimoniis claruit: Peccatores in peccatis propriis, antequam essent in mundo, præcitos esse tantum, non prædestinatos, &c. Sane tam hi, quam cæteri Patres, de actibus ipsis peccatorum, prout a nostro arbitrio emanant, quo pacto contra legem Dei sunt, rationemque habent peccati materialiter & fundamentaliter, loquuntur. Sententia vero nostra non solum magis pia, divinaque majestate ac bonitate dignissima est, sed etiam de scripturarum visceribus, definitionibus Ecclesiæ, & SS. Patrum testimoniis deprompta: ut mirandum sit, post tantam lucem, tam debilibus fundamentis quemquam tam impug-nare fuisse ausum.

Et his jam patet, sententiam, quæ affirmamus, Deum non esse causam actuum peccatorum, prout materialiter ac fundamentaliter peccata sunt, hoc est, ut sunt actiones a nostro arbitrio contra legem Dei emanantes, non solum cum veritate non pugnare, sed etiam esse de fide. Itemque quamvis eadem actiones partialitate causæ simul emanent, totæ a Deo per concursum generalem, atque si eo pacto præcisè spectentur, non solum voluntate concomitante & consequente, sed etiam antecedente, Deo non displiceant, in eisve Deus complacere, absolute tamen ac simpliciter ei displicere, ac concomitante & consequente voluntate: quoniam ut simpliciter dicantur illi displicere, satis est si ex uno capite ei displiceant, & contra ipsius legem ac voluntatem signi, seu conditionatam, recipi exerceantur. Augustinus vero in testimonium illud Joannis sane non pugnat cum validissimis ac apertissimis testimoniis, quæ ex ipso met paulo antea retulimus: sed solum vult, Deum per verbum suum esse causam primam, etiam entitatis, & rationis formalis, quæ est in actu peccati, entitatemque & bonitatem naturalem illius actionis in Deum reduci tanquam in causam primam & auctorem eo modo, quo a nobis explicatum est.

Ad id vero quod dicitur, Scholasticos, qui ^{Ad secundam objectionem.} concursum Dei generalem cum causis secundis defendunt, simpliciter dicere Deum causam esse actionis peccati, dicendum est. Illos sane non negare quod dicimus: tamen si nostram doctrinam non expresserint, eo quod modus, quo nostrum concursum universalem constituimus, non fuerit tam exacte ab iis expressus, quam a nobis fuit explanatus; neque tam accurate, ut nos, rationem reddiderint, cur Deus non sit causa peccati. Cæterum non dubitamus, si doctrina nostra eis fuisset proposita, eam omnino probaturus, præsertim cum sit admodum pia & definitioni Concilii Tridentini. can. 6 citato plusquam consentanea, atque rationes peculiarias, quas hæctenus explicavimus, cur Deus simpliciter dicendus non sit causa peccati materialiter sumpti eam demonstrent. Certe D. Thomas & alii nec negant, nec negare possunt, concursum liberi arbitrii particularem ad actionem peccati una cum concursu generali Dei, ab arbi-

ab arbitrioque eo pacto realiter influente, tanquam a particulari causa determinante ad speciem actionis, provenire, quod actus ille sit contra legem Dei, ac materiale & fundamentum peccati: neque item negant, neque negare possunt, eundem arbitrii influxum ad actum peccati esse abusum arbitrii ad id, ad quod a Deo collatum non est, ut August. affirmat, atque adeo permixtum duntaxat a Deo esse, ut Concil. Tridentin. definit, ac proinde neque actionem, quæ illum consequitur, intentam esse a Deo per creatum arbitrium & concursum suum generalem, sed solum esse permixtam. Quare neque D. Thomas, neque alii hodie negarent, Deum solum esse causam universalem & primam actionis peccati, minime eam intendentem tam per nostrum arbitrium, quam per suum concursum generalem, sed solum eam permittentem, ut nos dicimus, & Concil. Trident. definit.

Ad id vero quod additur, de repugnantia, quæ in dictis nostris esse videtur, dicendum est: Si expendantur, quæ in eo §. diximus, nullam omnino esse repugnantiam, quin potius admodum esse infirmam consequentiam hanc, quæ adversus nos intenditur. Nempe: Deus voluntate absoluta vult influere hic & nunc cum libero arbitrio, concursu generali ex se indifferente, ut pro qualitate particularis influxus arbitrii sequatur potius volitio quam nolitio, & volitio aut nolitio potius huius objecti quam cuiusvis alterius, & denique actio potius bona moraliter quam mala, ergo Deus intendit, ut sit hæc actio peccati, quam ipse sua lege prohibet, & quæ, quod sit potius ea actio quam alia, habet ex influxu particulari arbitrii, & non ex concursu generali Dei indifferente ex se ad varias species actionis. Sane si liberum arbitrium per concursum generalem ita ageret motum, ut nullum haberet peculiarem suum influxum, sed præcisè ageret per motum & influxum quem a Deo recipit, eo

pacto quo aqua ab igne calefacta agit præcisè per calorem, quem ab igne recipit, tunc consequentia esset bona, sed periret arbitrii libertas, determinatioque ad actionem peccati esset a Deo, Deusque (juxta errorem Lutheri) non minus esset causa proditionis Judæ, quam cuiusvis actionis bonæ, & familia multa absurda sequerentur: at non ita res habet, sed determinatio ad speciem peccati est ab ipso arbitrio per influxum sibi proprium ac liberum, quo & se, & concursu Dei generali ad actum malum abutitur, a Deo minime per arbitrium, ac suum generalem concursum intentum, eaque de causa juxta verissimam August. doctrinam homo ipse & non Deus est causa realis ac positiva peccati.

Illa etiam alia consequentia, quam obijciens intendit, nulla profecto est. Videlicet: Concursus Dei generalis non est aliud quam productio, quæ dat esse actioni; ergo qui generaliter concurrere vult cum libero arbitrio, quando peccat, vult & intendit actionem peccati: concursus namque Dei generalis est influxus, hoc est, ipsamet actio tota peccati, sed ut partialitate causæ est præcisè a Deo tanquam a causa universali, a qua non habet quod sit potius illa actio quam longe diversæ, sed id habet a peculiari influxu arbitrii, eaque de causa non sequitur, quod si Deus absolute vult illo modo ex sua parte influere, velit aut intendat ut sit actio peccati.

Nunc obijciens attendat, ipsum esse qui secum apertissime pugnat. Si quid namque argumentum ejus probat, sane convincit, Deum velle actionem peccati voluntate antecedente: voluntas quippe concurrendi generali concursu ad actionem peccati, est voluntas antecedens comparisone actionis peccati: quare si ex illa sequitur Deum velle actionem peccati, sequitur illum velle voluntate antecedente: ipse autem merito negat voluntatem antecedentem in Deo comparisonem actionis peccati, etiam quoad actus substantiam.

IN QUESTIONEM XXII DE PROVIDENTIA
ARTICULUS I.

Quid sit providentia, & an Deo conveniat.

DISPUTATIO I.

Duplex in rebus ordo.

UT pateat quid providentia sit, sciendum est, duplicem ordinem cerni in rebus, quod ad præsens institutum attinet. Unum enim res ipsæ inter se servant non habita ratione finis, esto propter finem ita ordinentur. Ejusmodi est ordo quem partes domus inter se habent; fundamentum namque tenet infimum locum, tectum supremum, & parietes medium. Talis etiam est quem servant corpora simplicia in hoc universo quod ex eisdem coalescit: quæ enim perfectiora sunt, nobiliorem locum tenent. Alter vero ordo est, quem res habent comparatione finis; siue communis rebus omnibus finis sit, qualis est manifestatio bonitatis, sapientię, potentię, atque iustitię divinę, siue sit finis particularis. Conceptio prioris ordinis appellatur dispositio in mente artificis: ipsę vero ordo executioni mandatus, dispositio rerum inter se, aut partium in suo toto nuncupatur. Conceptio posterioris ordinis, cum proposito exequendi eum, appellatur providentia. Est ergo providentia divina non aliud, quam ratio seu conceptio ordinis rerum in suos fines in mente divina existens cum proposito eum per se, vel etiam interventu causarum secundarum, executioni mandandi. Aut, ut Boetius quarto de consolatione prosa 6 definit, est ipsa divina ratio in summo omnium principe constituta, qua cuncta disponit. Non intelligit vero (ut hoc loco interpretatur D. Thomas) eam dispositionem paulo ante explicatam, sed dispositionem ad suos fines. Vocabulum enim, dispositio, utroque modo usurari solet, ut ait D. Thomas.

Gubernatio quid sit.

Divina autem providentia mandat executioni per creationem, & gubernationem rerum creatarum. Est autem gubernatio directio rerum jam creatarum ad suos fines & perfectionem: unde præsupponit creationem, atque existentiam rerum. Conservatio vero earum, & reliqua, quibus in suos fines diriguntur perducunturque ad suam perfectionem, ad gubernationem spectant.

MOLINA.

Comparatur ergo providentia ad creationem & gubernationem, tanquam actus internus in Deo formaliter existens ad externos, quibus id, quod providentia præconceptum & statutum est, executioni mandatur. Hac de causa differt D. Thomas hoc loco de providentia, ubi de Deo, & de iis quæ formaliter in Deo sunt, disputat: de creatione vero a quæst. 44 & de gubernatione a quæst. 103 incipit discere. Quod autem non sola gubernatio, sed etiam creatio ipsa executio sit divinæ providentię, vel ex eo probari potest, adversus Durandum in primo, dist. 39 quæst. 3 quoniam a prima rerum productione in hominis utilitatem conditas fuisse tam accommodatas ceteras res corporeas a Deo, totumque universum tam congrue ad ostensionem divinæ bonitatis, sapientię, atque potentię fabricatum, & singulas illius partes, & non solum illius, sed etiam cujusque viventis tam aptas ad suas peculiarias functiones ac fines; quis non videt effecta esse atque executionem divinæ providentię, ut ex definitione providentię liquido constat?

Quod si petas, cujusnam potentię actus sit providentia; dicendum est, præcipue esse actum intellectus practici, cum sit ratio seu conceptio ordinis rerum in finem; addere vero propositum mandandi executioni talem ordinem, qui actus ad voluntatem pertinet, completque perfectam rationem providentię. Quando ergo Damascenus secundo libro fidei orthodoxę cap. 29 ait, Providentiam esse voluntatem Dei, per quam omnia quæ sunt, convenientem gubernationem suscipiunt; intelligendum est, esse voluntatem, seu actum ac determinationem voluntatis Dei, tanquam id quod rationem providentię complet; non tamen negandum est, præcipue includere rationem ipsam, conceptionemve taliter gubernandi res, quam determinatio voluntatis præxigit, ut compleatur ratio divinæ providentię. Ferrar. tertio contra Gentes cap. 64 ait, solum actum intellectus, sine proposito exequendi, posse etiam dici providentiam extenso vocabulo providentię, communiter tamen solum accipitur ut

Quomodo ad creati- nem & gubernationem providentia comparatur.

Providentia proprie est actus intellectus divini, completur vero per actum voluntatis.

O o

compre-

comprehendit propositum mandandi executioni ordinem conceptum. Hæc quod attinet ad primum eorum quæ proposita sunt.

Providentia monarchicam & regiam esse in Deo.

Quod vero attinet ad secundum, conclusio Divi Thomæ est; In Deo est providentia; non quæ se ordinat in finem suum, quod ad providentiam atque prudentiam monasticam spectat, sed quæ creaturas ordinat & dirigit in proprios ipsarum fines, quod ad providentiam atque prudentiam civilem, regiam, atque monarchicam pertinet. Prior pars est de fide, patetque ex illo Sapientiæ 14 Tua autem, pater, providentia ab initio cuncta gubernat. Et ex illo Matth. 6 Respicite volatilia cœli, quoniam non serunt, neque metunt, neque congregant in hœrea, & pater vester pascit illa. Considerate lilia agri, &c. Si ergo solum agri Deus sic vestit, quanto magis vos modica fidei! &c. atque ex multis aliis sacræ scripturæ testimoniis. Probatur vero a D. Thomæ, quoniam ordo rerum in suos fines particulares, atque in finem omnibus communem, est a Deo, ut in superioribus ostensum fuit: sed Deus est causa rerum per intellectum & voluntatem: ergo ratio & conceptio ordinis rerum in suos fines præexistit in mente divina: talis vero ratio & conceptio ordinis rerum in suos fines est providentia: est enim providentia præcipua pars prudentiæ, cuius proprium est ordinare res in finem, ut Aristoteles 6 Ethic. cap. 8 & 12 docet: ergo in Deo providentia constituenda est. Posterior vero pars probatur, quoniam Deus non habet finem ad quem ipse ordinetur, cum neque ipse, neque quæ in eo sunt formaliter, possint ulla ratione subire rationem effectus. Quo fit, ut providentia divina non sit monastica, sed qualis in rege atque monarcha reperitur, sitque comparatione creaturarum, quas in suos fines dirigit. Porro ratio illa quarta, quæ est. 2 art. 3 huius primæ partis, ex accommodatissimo ordine rerum omnium in suos fines, ac providentia, quæ tanquam in suo effectu mirum in modum in toto hoc mundo universo elucet, luce clarius ostendimus Deum esse, additis iis quæ post eandem rationem eo loco adiecimus, satis aperte tibi demonstrabit in Deo esse providentiam, quæ cunctas res creatas gubernet.

Utrum res semper assequantur finem, ad quem ex divina providentia ordinantur.

DISPUTATIO II.

Cajetanus hoc loco arbitrat, divinam providentiam non solum includere rationem ordinis rerum in finem, cum proposito mandandi executioni talem ordinem, quantum est ex parte Dei, sed etiam includere assecutionem finis. Atque ita vult semper res assequi fines, ad quos ex divina providentia diriguntur. Quod si res aliqua ejusmodi finem non assequatur, ait talem rem non esse ordinatam in eum finem a divina providentia.

Snaderi autem potest hæc sententia primo, quoniam prædestinatio est pars quædam divinæ providentiæ: prædestinatio vero non solum est de mediis ad finem ultimum, sed etiam de fine ipso assequendo, quippe cum nullus prædestinatus dicatur, qui sempiternam felicitatem non sit consecutus: ergo providentia divina assecutionem finis includit.

Secundo: Providentia divina præter rationem ordinis mediorum in finem includit propositum voluntatis mandandi executioni talem ordinem, quod quidem propositum pertinet ad voluntatem Dei absolutam: cum ergo voluntas Dei absoluta semper impleatur, fit ut providentia divina consecutionem finis includat.

Tertio: Si divina providentia non includeret assecutionem finis, fierique posset ut res cum finem non assequeretur, ad quem ex divina providentia ordinatur, sequeretur divinam providentiam posse frustrari, quod nulla ratione videtur concedendum. Unde D. Thomas art. 4 sequenti ad secundum, & tertio contra Gentes, cap. 49 ait, Ordinem divinæ providentiæ esse certum, immobilem & insolubilem quoad effectus consecutionem. Idem etiam innuit aperte Boetius quarto de consolatione, prola sexta.

Accedit in confirmationem huius sententiæ Ecclesiæ auctoritas, quæ in oratione dominicæ septimæ post Pentecosten ita Deum precatur: Deus, cuius providentia in sui dispositione non fallitur, te supplices exoramus, ut noxia cuncta submoveas, & omnia nobis profutura concedas.

Contraria

*Divinam
providentiam non
includere
suis affectu-
tionem.*

Contraria nihilominus sententia, nempe ad providentiam divinam necessarium non esse ut id, quod per eam in finem ordinatur, talem finem assequatur, est Durandi in primo, dist. 40 q. 1. Egidii disp. 39 secunda part. dist. q. 1. Maii. q. 41 art. 1. Ferrariensi. tertio contra Gentes c. 94. Sylv. in conslato q. 22 art. 1. Imo est expressa D. Thomae de veritate q. 6 art. 1. & in primo, disp. 40 art. 2: Ut enim eisdem in locis ait, In quolibet ordinatione ad finem duo possumus considerare, ipsum scilicet ordinem, & exitum vel eventum ordinis: non enim omnia, quae ad finem ordinantur, finem consequuntur. Providentia ergo ordinem in finem respicit tantum, unde per Dei providentiam omnes homines ad beatitudinem ordinantur, sed praedestinatio respicit etiam exitum vel eventum ordinis, unde non est nisi eorum qui gloriam consequuntur. Haecenus D. Thom. Cajetanus tamen ait, D. Thomam hoc loco, & tertio contra Gentes cap. 94 sententiam revocasse. At Sylvester ait, solum Cajetanum inter sectatores D. Thomae id de D. Thoma affirmare: Ferrariensis autem loco citato ita interpretari conatur locum, quae Cajetanus adducit, ut D. Thomam semper in eadem perstitisse sententia contendat. Quicquid ergo sit de mente D. Thomae, amplectenda est procul dubio sententia horum Doctorum.

Probari autem potest in primis, quia ad providentiam ducis, medici, atque diligentis agricolae, satis est si adhibeat accommodata & opportuna media ad finem, sive finis sequatur, sive aliunde impediatur, universimque ad providentiam humanam necessaria non est affectio finis: cum ergo sumere liceat argumentum ab humanis ad divina, fit ut neque ad providentiam divinam necessaria sit affectio finis.

Secundo, virtus a generantibus impressa seminibus ad producenda individua ejusdem speciei perfecta, conservandamque speciem, est effectus divinae providentiae ordinantis ejusmodi medium in cum finem: sed ejusdem rationis est haec virtus in eo semine, quod ex aliqua causa superveniente impeditur, vel ne omnino producat effectum, vel non talem, qualem produci oportebat, atque in eo quod non impeditur, eodemque modo est collata utrique ab auctore naturae interventu causarum secundarum: ergo utrobique est effectus

divinae providentiae tanquam medium ordinatum ad finem: non ergo de ratione divinae providentiae est consecutio finis.

Confirmatur praeterea haec ratio, quia quando semen impeditur ne producat effectum perfectum, sequiturque monstrum, monstrum, quod ita resultat, est effectus a casu respectu seminis, non alia ratione, nisi quia est praeter intentionem agentis; quod intendebat rem perfectam producere, ut secundo Physicorum ostendimus: cum ergo semen non dicatur intendere aut agere propter finem, nisi ex directione primae causae providentis, ordinantisque virtutem seminis ad producendum effectum perfectum; fit, ut ea virtus a divina providentia ordinata sit ad producendum effectum perfectum, ac proinde ut ad rationem divinae providentiae necessaria non sit affectio finis, ad quem media per eandem providentiam ordinantur. Deus namque in causis contingentibus ita media, quae consert, ordinat ad finem, ut eas suis naturis relinquat, permittatque alias ab aliis quoad effectum suorum productionem impediri: quare non semper voluntate efficaci vult eum finem, ad quem media & causas contingentes ordinavit, sed interdum voluntate conditionali, nempe si causa ipsa vellet, quando est libera: quando autem libera non est, si ab alia non impediatur.

Tertio: Si ad divinam providentiam requireretur affectio finis, sequeretur non omnes homines per divinam providentiam ordinatos esse in vitam aeternam, sed solum eos, qui salvi fiunt, neque mortem Christi, & alia media ad salutem ordinata, esse a Deo instituta ad salutem omnium hominum, si per ipsos non steterit: quod est plus quam durum, & contra communem sententiam sanctorum, imo etiam contra illud Pauli, Qui vult omnes homines salvos fieri.

Postremo dicendum esset, Deum per suam providentiam non ordinasse Adamum in statu innocentiae, & in Adamo totum genus humanum in vitam aeternam, quandoquidem per media, quae in eo statu accepit, ad beatitudinem non devenit. Dicendum etiam esset, Deum per suam providentiam non creasse omnes homines & omnes Angelos in supernaturalem finem beatitudinis, neque malos, tam homines quam Angelos deflexisse, a supernaturali fine, ad quem a Deo essent creati:

creati: cum non omnes beatitudinem assequantur. Item ut dicendum esset, Deum non habuisse providentiam ad beatitudinem circa reprobos, sed solum circa prædestinatos; ita dicendum esset, providentiam circa beatitudinem non latius patere, quam prædestinationem, contra D. Thomæ, communemque Doctorum sententiam. Denique dicendum esset, falsum continere celebre illud pronuntiatum, homines, dum peccando ordinem unum divinæ providentiæ egrediuntur, relabi in alium, quandoquidem juxta opinionem quam impugnamus, omnis divinæ providentiæ ordo, & omne medium illius, finem assequatur: cum autem nullus dubitare possit, hæc omnia absurda ex ea opinione evidenter sequi; ea vero plusquam periculosa in fide sint: consequens est, ut jam hodie opinio, quam impugnamus, minime in fide sit tuta, ne amplius dicam.

*Providentia divina
varii finet,
ordinesque.*

Pro solutione tamen argumentorum in oppositum, atque totius questionis intelligentia, ante oculos habendi sunt præcipui, tum fines, in quo res a divina providentia ordinantur, aut permittuntur, tum ipsarum rerum, diversorum finium comparatione, ordines. Ultimus autem, supremus, primusque, quoad intentionem, totius divinæ providentiæ finis, est Deus ipse, manifestatioque divinorum attributorum in operibus ad extra, quæ divinæ providentiæ subsunt, ad finemque ordinari possunt. Ad hunc finem, quasi ex primaria intentione, statuit Deus sempiterna sua providentia condere Angelos & homines, conferreque illis media omnia, cum naturalia, tum etiam supernaturalia, ad eum finem accommodata, ut re ipsa contulit. Quoniam vero homo non solum animo, sed etiam corpore constat, quæ ratione multis subsidis creaturarum corporarum ad vitam tuendam indigebat, illi hanc mundum universum in domicilium fabricavit, ut si in eo recte viveret, propriis meritis cum gratia divina conjunctis, ad majorem minoremque beatitudinem, prout ipse vellet, perveniret, aut etiam ab ea in summam miseriam deescendere posset, si rectum rationis iter tenere noller: idque quia honorificentius illi erat præmium propriis meritis & industria comparatum, justissimisque aliis de causis, ut sæpe dictum est. At tanta pulchritudine ac varietate distin-

ctum, tantaque rerum copia veluti suppellectili refertum, domicilium hoc, ad usum, oblectationem, & scientiam homini tradidit, ut inde non solum subsidia vitæ, ac oblectationem capere, sed etiam in cognitionem atque admirationem ipsius Dei posset aburgere, ejusque amore inflammari: quæ omnia quæst. 2 art. 3. ex parte sunt explicata. Quia vero, & naturæ ipsæ rerum, ex quibus hoc universum constat, id ex se habent, expediturque, ut mundus hic materiam laborum, ærumnarum, cruciatuumque, qualem experimur, in eum finem contineret, ut si homo in conditorem suum foret ingratus, eumque offenderet, id totum in condignam poenam illi cederet, atque ut ex pulchritudine & copia rerum ita subsidia vitæ acciperet, ut nihil in eo stabile, cui adherere posset, inveniret, sed omnia fluxa, caduca, ac cruciatuum plena experiretur, ut vel ea ratione conditorem suum ac celestia ardentius quaereret; inde effectum est, ut Deus talem hunc mundum a principio condiderit, qualem experimur. At quando primo genus humanum in eo collocavit, ita illud dono justitiae originalis, ligno vitæ, aliisque donis adversus miseras omnes communivit, ut omnium earum expers foret, si culpa quoque expers perstitisset; tandemque per merita vitæ, summa cum voluptate comparata, Deum religiose colendo, ad æternam felicitatem perveniret.

Quamvis autem, ut latius quæstione sequente explicandum erit, Deus non unum ante aliud, sed omnia simul, unico simplicissimo decreto, quo integratio providentiæ ipsius completeret, constituerit: nihilominus ea, quam hactenus explicavimus, concipienda est quasi prima intentio divinæ providentiæ, in Angelis, hominibusque in sempiternam beatitudinem condendis, mundoque hoc universo hominum gratia fabricando, atque in his omnibus propter Deum ipsum tanquam finem ultimum efficiendis, ut ei ad laudem, gloriam, ostensionemque suæ bonitatis, sapientiæ, potentis, reliquorumque attributorum deservirent. Cernens & permittens vero, ex hypothesi quod Angelos & homines in suam beatitudinem cum auxiliis & circumstantiis rerum, cum quibus eos in hoc mundo condidit, creare vellet, futurum lapsum quorundam Angelorum, totiusque generis

*Primo
quasi intentio
divinæ
providentiæ.*

*Præmissis
permissis
rationem qua
bona Deus
elicent.*

generis humani; eo ipso decreto, quo homines ita creare constituit, & consequenter ruinam generis humani permittit (quam tamen non foret permittitur, nisi remedium adhibere decerneret) quasi inde sumpta occasione, constituit longemajora bona, longeq; majorem bonitatis, misericordiae, sapientiae, potentiae, atque iustitiae suae ostensionem, per proprii filii incarnationem, quam ad reparationem generis humani decrevit. Simulque voluit ut miseriae omnes, quas amisso statu innocentiae experimur, in poenam peccati, ostensionemque iustitiae suae cederent, tum etiam ut eadem miseriae peccataque malorum, in cumulatus meritum, illustrioremque coronam iustorum redundarent; atque ita peccatis quorundam coronae martyrum fabricarentur, & redemptio generis humani perficeretur; tum denique ut sempiterna punitione impiorum apud inferos ob peccata, quae vitare, vel per poenitentiam delere potuerunt, in aeternum sua iustitia, sicut in praedestinati misericordia, splenderet. Adeo enim bonus est, ut nullo modo mala permitteret, nisi inde majora bona esset eliciturus, ut Augustinus in Enchir. cap. 11. est auctor.

Sunt vero plerumque alia bona quae Deus ex permissione malorum elicere novit, de quorum numero sunt, quae Damascenus lib. 2. fidei orthodoxae cap. 29. his verbis connumerat. Sunt quaedam, inquit, secundum permissionem. Nam finit frequenter iustum incidere in calamitates, ut virtutem, quae in illo latebat, aliis apertam manifestamque faciat, ut in Iob. Aliquando finit quippiam absurdum fieri, ut per operationem quae absurda videtur, magnum aliquid & admirabile dirigat & operetur, ut per Crucem salutem hominum. Alio etiam modo finit sanctum male affici, ut ex recta conscientia non excidat, aut ex indulta ei virtute gratiae in superbiam non extollatur, ut in Paulo. Interdum deseritur quis in malis, ad vitam aliorum in melius commutandam, ut alii videntes, quod apud illum est, emendentur, ut in Lazaro, & divite. Naturaliter enim ipsi videntes alios patientes, corripimur. Relinquitur & quis ad alterius gloriam, non per proprium, aut parentum peccatum, ut cæcus a natiuitate ad gloriam filii hominis. Rursus finitur quis pati in al-

terius zelum, ut gloria patientis magnificata, impiger aliis stimulis incitetur spe futuræ gloriae, & futurorum desiderio bonorum, ut in martyribus. Permittitur & quis quandoque in turpem incidere actionem, ad emendationem deterioris affectus. Verbi gratia: quis elatus in virtutibus & recte factis suis, hunc finit Deus in adulterium prolabi, ut per casum in cognitionem propriæ infirmitatis veniens, humiliter confiteatur Domino. Hæc Damascenus.

Porro quæ Deus non aliter vult esse nisi *Peccatorum passio veluti ad secundarium ordinem ut pertineant.* præexistente peccato, potissimum quæ vultur in poenam iustam peccatorum, esto ea per suam providentiam in ostensionem suæ iustitiae, aliorumque suorum attributorum ordinat; sicut tamen non sunt ab eo volita nisi per suam voluntate consequente, ut cum Damasceno quæst. 19 art. 6. est explicatum; eo quod, ut nollet peccata esse, si & homines, & Angeli idem vellent, sic etiam neque vellet ea punire: ita etiam pertinent quasi ad secundariam intentionem divinæ providentiæ, quæ prævidens quorundam Angelorum & hominum voluntariam defectionem a fine, ordine, atque primario instituto suæ providentiæ, defectionem ipsam, & peccata, quæ iustissimis de causis statuit permittit, quasi secundaria intentione in eundem quidem ultimum finem ostensionis suorum attributorum, at alio ordine & mediis dirigit. Atque hoc est quod dici consuevit, homines & Angelos dum per suum arbitrium peccando egrediuntur ordinem unum divinæ providentiæ, quo per suam misericordiam in sempiternam felicitatem dirigebantur, incidere in alium, quo quasi secundaria intentione peccata permittit, ut in eorum punitione splendeat divina iustitia, atque ob alios præclaros fines ad quos congruis mediis devenitur. Itaque cum decernit liberum voluntatis divinæ executioni mandandi ordinem præconceptum mediis ad fines, per quod completur ratio providentiæ divinæ, non aliud sit, quam volitio ipsa libera, qua Deus vult res ad suos fines, quasdam absolute, quasdam sub conditione, ut quæst. 19 art. 6. explicatum est: sit, ut quemadmodum in libera volitione divina distinguitur voluntas, absoluta videlicet, & conditionata, antecedens & consequens, ut ibidem cum Damasceno docuimus, ita, etiam in decreto

mandandi executioni, quantum est ex parte Dei, ordinem mediorum ad fines a Deo præconceptum, per quod completur ratio divinæ providentiæ, distinguenda sit intentio finium per media divinæ providentiæ, in conditionatam, & absolutam antecedentem seu primariam, aut quasi primariam, & consequentem seu secundariam, aut quasi secundariam.

*Voluntas
divina ex-
equendi or-
dinem sua
providentiæ
cujus finis
compara-
tione sit ab-
soluta, &
cujus non
sit.*

Ex his facile colligi possunt quæ sequuntur. Primum est, voluntatem divinam exequendi ex parte sua ordinem præconceptum mediorum ad finem, non comparatione cuiusque ordinis suæ providentiæ esse voluntatem absolutam finis, sed sæpe esse conditionatam, conditione pendente ex libero arbitrio creato, si scilicet uno aut altero modo cooperari velit. Quo fit, ut comparatione talis finis, sit quidem in Deo providentiæ, quæ homines omnes & Angelos in vitam æternam dirigit; quandoquidem est in eo voluntas exequendi ordinem mediorum, quo, si vellent, ad eum finem pervenirent: ea tamen providentiæ, non voluntatem absolutam, sed conditionatam finis includit, ac proinde iam multis ordo ille divinæ providentiæ frustrari potest, & frustratus est. Imo vero, cum omni adulto voluerit Deus beatitudinem dependenter a libero usu proprii cuiusque arbitrii, atque adeo sub conditione, si & ipse velit, ut quæst. sequenti explicabimus, nemini voluit absolute eum finem, nisi posita prævisione talis usus arbitrii, qualis ad salutem est necessarius, idque ex hypothefi quod in tali vel tali ordine rerum vellet eum collocare, ut quæst. 19 art. 6. ex parte explicatum est, & quæst. sequenti plenius dicemus.

*Permissio
peccatorum
quomodo in
divinam
providen-
tiam cadit.*

Secundum est, si loquamur de intentione quasi primariæ divinæ providentiæ, atque de præciso ordine quo res arbitrio prædictas dirigit in beatitudinem, peccata, quæ arbitrio creato fiunt, non cadere sub divinam providentiam tanquam media ad finem, quin potius ejusmodi creaturas peccando egredi ordinem illum, deficereque a fine ad quem divina providentiæ dirigebantur. Verum quia in dirigendis ejusmodi creaturis in sempiternam felicitatem, ad eandem quoque providentiam spectat, ut in manu consilii sui relinquuntur (id enim & naturæ rationali magis congruit, & honorificentius est) fit, ut eatenus permissio peccatorum ad divi-

nam providentiam pertinere dicatur, quatenus ex ejus quasi primariæ intentione constitutum est, ut liberi suam felicitatem consequantur, & consequenter peccare, permittantur. Quæ ratione Dionysius sub finem capituli quarti de divinis hominibus merito redarguit quosdam, qui dicebant, oportere providentiam invitos etiam nos ad virtutem impellere, dicens; Providentiæ non esse naturam interimere, sed unicuique rei providere ut operetur suæ naturæ accommodatæ. Pertinet etiam ad divinam providentiam, tum quasi secundariæ intentione permissio nem ipsam peccatorum dirigere, interdum in commodum ipsorummet peccantium, interdum in aliorum utilitatem, tum ut peccatorum occasione abundantius thesauros suæ misericordiæ & liberalitatis diffundat, tum etiam ut illorum occasione divina bonitas, misericordia, sapientia, potentia, atque iustitia clarius & illustrius in operibus suis manifestentur, ut superius explicatum est.

Tertium est, cum ex una parte divina providentiæ tam copiose ac dilucide splendeat in toto hoc universo, atque in singulis quibusque minutissimis illius partibus; ex alia vero tot miseris genus humanum sit oppressum, tot homines, tamque frequenter a recta ratione, sineque suo defleant, aliosque injuriis afficiant; mirandum non est, si absoluta fide, notumque primæ rerum constitutionis, atque originalis peccati in tam magna orbis parte, præclara Philosophorum ingenia circa Dei providentiam obæcata fuerint, quidamque, contra patentissima indicia, & argumenta, illam, aut omnino, aut magna ex parte, negaverint; alii vero, de quorum numero est Aristoteles, eam quidem fuerint confessi, at non ea firmitate ac constantia, quæ par erat. Quæ tamen de prima rerum constitutione, lapsi primorum parentum, peccato originis, quod totum genus humanum infecit, ac pœnis quæ inde subsécute fuerunt, fides docet, supraque in explicanda quasi prima divinæ providentiæ intentione adnotavimus, juncto decursu Ecclesiæ ab orbe condito, remediisque contra peccatum, quæ Deus variis temporibus exhibuit, ut scripturæ sacræ veteris ac novi testamenti testantur, tenebras omnes circa divinam providentiam depellunt, omniaque optime consentire faciunt; id quod inter argumenta, quibus

*Græci
videntiam
caritatis
Philosophi
aliam ex-
ponunt.*

quibus fides Catholica confirmari solet, merito numerari potest.

Divina providentia earum quæ sunt fallaces.

Postremo duo sunt animadvertenda. Unum est, ad perfectissimam providentiam necessarium esse, ut provisor certo antea intelligat, quid ex mediis, quæ ex sua parte ad finem per providentiam suam adhibere statuit, sit aut non sit eventurum. Quare hoc, præter alia, inter divinam providentiam & nostram interest: Quod Deus semper intelligit quid ex mediis, quæ providentia sua adhibere statuit, eventurum sit, ac proinde quæ media profutura aut nocitura sint rebus libero arbitrio præditis, propter unum aut alterum usum arbitrii futurum; cum tamen per arbitrium ipsum ster, quod non omnia in suum commodum vertat. Ratione vero huius certissimæ præintellectionis, quæ in Deo est, ipsa Dei providentia dicitur nunquam falli: quia sicut certissime prævidet quid ex suis mediis sit eventurum, ita id omnino eveniet. Cum vero nos quam sæpissime ignoremus qualem exitum habitura sint media quæ ad finem adhibemus, idque non solum quando per aliam rem, libero etiam arbitrio præditam, finem aliquem assequi volumus, sed etiam quando fines alios, non tamen per alienum arbitrium, intendimus; inde est quod sæpe providentia nostra fallatur, aliterque res, contrariumque ejus veniat, ac sperabamus. Atque hac ratione Sap. 9: cogitationes mortalium dicuntur timida, & incertæ providentiæ nostræ.

Providentia divina præcisa a præscientia, nullam affert liberi arbitrii effectibus necessitatem.

Alterum est, siue ordo divinæ providentiæ ad primariam siue secundariam intentionem spectet, semper effectum omnem, qui a libero arbitrio creato modo aliquo pendet, posse ipsa evenire, ac non evenire, ac proinde ordinem causarum ac mediorum, qui divina providentia constitutus est, nullam omnino necessitatem libero arbitrio asferre. Quod intelligendum est, non solum de necessitate consequentis, sed etiam consequentiæ. Quæ ratione Damascenus secundo libro fidei orthodoxæ cap. 29; ut quæst. 19 art. 6 disputatione prima relatum est, merito dixit, ea quæ ab arbitrio creato pendunt, non solum esse effectus divinæ providentiæ, sed etiam ipsius arbitrii. Etenim aliud est loqui de ordine ipso causarum ac mediorum divina providentia constitutorum, aliud de præscientia qua Deus prævidet, existente hoc ipso

ipso ordine rerum, causarum, ac mediorum, pro libertate arbitrii creati hos per illos effectus esse eventuros, cum possent re ipsa, non hi, sed contrarii evenire, si arbitrium ipsum, ut potest, id vellet. Si namque loquamur solum de ordine ipso causarum ac mediorum divina providentia constitutorum, sublata præscientia, quod futura sint, quæ nullo modo est causa rerum, ut quæstione 14 art. 8 & 13 late ostensum est, utique effectus neque necessitatem consequentiæ habent comparatione illius, nullumque omnino absurdum sequeretur, si, illis ita existentibus, eveniret contrarium ejus quod re ipsa eventurum est. Si vero loquamur de præscientia, contrahunt quidem necessitatem consequentiæ comparatione illius: at id non tollit quominus effectus re ipsa possit aliter evenire; quandoquidem, ut art. 13 citato ostensum est, non quia Deus præcivit effectum ita eventurum, eveniet; sed quia ita est eventurus, cum possit non evenire, Deus ex altitudine ac perfectione sui intellectus præcivit effectum eventurum: si autem contrario modo, ut potest, esset eventurus, contrarium præcivisset, & non id quod re vera præcivit.

Quando ergo D. Thomas & Boetius locis *D. Thom. & Boetius explicatur.* citatis, ac quidam alii affirmant, ordinem divinæ providentiæ esse certum, immobilem, & indissolubilem, quoad effectus assecutionem, ordinemque illum appellant fatum, (quæ ratione Boetius, & plerique alii asserunt, tantam certitudinem esse in fato, illo modo sumpto, quoad eventum effectus, quanta est in divina providentia) differreque fatum a divina providentia, quod providentia sit ordo causarum ac mediorum in finem mente ac voluntate divina præscriptus ac constitutus, formaliterque in ea existens; ac voluntate sit executio ordinis, qui mente ac voluntate divina præscriptus constitutusque est. Quando, inquam, hæc ita affirmant, si divina providentia; ac præcisa ratione spectetur, quæ ratio seu conceptio est ordinis mediorum in finem cum proposito talem ordinem quantum est ex parte Dei exquendi; in quo ratio divinæ providentiæ est posita, secludaturque divina præscientia, quæ quid inde per liberum arbitrium creatum sit aut non sit eventurum cognovit, quæ non tam ad providentiam, quam ad perfectionem providentiæ spectat; plane non solum

solum falsum affirmant, sed etiam id asserunt, quod non dubitare errorem in fide appellare. Quare neque in providentia ita sumpta, neque in executione illius, hoc est, in ordine causarum & mediorum executioni mandatorum, quem ipsi fatum appellant, ulla est certitudo comparatione effectuum qui ab arbitrio creato pendent. Si vero simul cum providentia spectetur præscientia, qua Deus, dum ordinem ipsum certo novit ita esse futurum, tum eo ordine dato, novit certo quid per arbitrium creatum esset futurum, cum re ipsa esse posset oppositum, concedendum est ordinem divinæ providentiæ, prout ita a Deo ex altitudine & perfectione sui intellectus prævisus est certo futurus, certum, immobilem, ac indissolubilem esse quoad effectus assecutionem, certitudine tamen quæ solum oritur ex necessitate consequentiæ, modo paulo ante explicato, atque immobilitate & indissolubilitate quæ in necessitate solum consequentiæ sit posita. Atque ad hunc sensum accipiendi sunt D. Thomas & Boetius locis citatis.

Arbitror tamen non esse ita loquendum. Primo, quoniam multi sunt ordines divinæ providentiæ comparatione finium, quos Deus dependenter ab arbitrio creato intendebat, voluntateque conditionata ac antecedente volebat; qui tamen ordines fines illos, ad quos ex divina providentia dirigebantur, culpa liberi arbitrii creati non assequuntur. Quare non omnis ordo divinæ providentiæ est certus, immobilis, & indissolubilis quoad effectus assecutionem. Secundo, quoniam etiam illi ordines divinæ providentiæ qui fines ab arbitrio creato pendentes assequuntur, secundum se spectati, non sunt certi, immobiles & indissolubiles; quin potius suapte natura, ac simpliciter, contrarium eis convenit: cum ergo necessitas consequentiæ, ex certitudine divinæ præscientiæ, quod fines assequuntur, naturas eorum non tollat, aut mutet; sit, ut simpliciter non sint appellandi certi, immobiles, ac indissolubiles, sed solum secundum quid, prout scilicet a divina scientia, supra id quod naturæ rerum ex se habent, ob altitudinem ac perfectionem divini intellectus, præcogniti sunt ita futuri, præcognitumque etiam est ex eis, concurrente simul arbitrio creato, ejusmodi effectus esse eventuros, cum re ipsa contrarii evenire possent, si arbi-

trium ipsum, ut potest, vellet. Non etiam placet ordinem illius causarum & mediorum divinæ providentiæ comparatione talium effectuum fatum, certum, immutabile, ac indissolubile appellare: tum quod nomen ipsum sati sanctis suspectum inivolumque sit, propter errorem multorum qui arbitrabantur esse ordinem quandam causarum ex se indissolubilem, & necessarium, comparatione effectuum: tum etiam quod ordo ille suapte natura incertus, mutabilis, ac dissolubilis sit, solumque ex divina præscientia necessitatem quandam consequentiæ contrahat.

Dixi paulo superius, præscientiam, qua Deus certo novit, quid eventurum aut non eventurum sit per arbitrium creatum, ex quocunque ordine causarum & mediorum divinæ providentiæ, comparatione effectuum qui ab arbitrio creato pendent, non tam ad providentiam, quam ad perfectionem providentiæ spectare; quoniam si per impossibile in Deo esset solum scientia, qua recte nosset adaptare ac ordinare media quibus arbitrium creatum ad fines & effectus sibi proprios dirigeret, sine præscientia, qua certo cognosceret quam partem arbitrium esset electurum, sane præconceptio ordinis mediorum ad talem finem, cum proposito, quantum est ex parte Dei, eundem exequendi, haberet rationem providentiæ divinæ comparatione talium finium, non tamen esset præscientia in Deo effectuum, qui per arbitrium creatum essent futuri, ac proinde neque ulla esset certitudo in providentia divina comparatione talium effectuum, neque ulla immutabilitas ac indissolubilitas in causis & mediis comparatione eorundem. Quare præscientia illa divina, ex qua ejusmodi necessitas consequentiæ, immutabilitas atque indissolubilitas mediorum divinæ providentiæ emanat, solum pertinet ad perfectionem divinæ providentiæ.

Ad primum ergo in oppositum, concessis omnibus quæ in eo assumuntur, negandum est inde sequi, providentiam divinam, quam divina providentiæ est, semper esse de mediis ac fine assequendis: non enim necesse est, ut, quod ad rationem partis subjectæ spectat, ad rationem quoque totius universalis pertineat: de ratione namque hominis est, quod sit ratione præditus; quod tamen de ratione animalis

Providentia non includit præscientiam eventuum.

Ad primum argumentum per Cajet. opinionem.

Predestinatio est pars subiecta providentiae et quid supra eam addat.

malis non est. Predestinatio autem non solum providentiam divinam includit, sed providentiam divinam circa beatitudinem: neque hanc solum dicit, quippe cum & non predestinatis eadem providentia provideat, sed dicit providentiam divinam circa beatitudinem comparationem eorum solum qui eam consecuturi sunt; ratione vero ejus, quod, præter rationem providentiæ circa beatitudinem, addit, includit affectuionem finis.

Ad secundum.

Ad secundum dicendum est, providentiam divinam, præter rationem mediorum in finem, includere quidem propositum voluntatis mandandi ordinem mediorum executioni quantum est ex parte Dei; propositumque ejusmodi esse voluntatem absolutam exequendi certa aliqua media: at non esse propositum assequendi efficaciter finem, sed dependenter a conditionibus sub quibus est volutus & intentus: quare licet divina providentia includat propositum efficac exequendi aliqua media, non tamen assequendi finem.

Ad tertium.

Ad tertium dicendum est, nullum esse absurdum, divinam providentiam frustrari comparatione finis, quem neque vult, neque intendit, nisi voluntate conditionata, dependenterque ab arbitrio creato, quod ordine suæ providentiæ sufficienter adjuvare intendit ad talis finis affectuionem, si eum assequi velit.

Ad confirmationem.

Ad confirmationem dicendum est, Ecclesiam in eo sensu asserere Deum quoad suam providentiam non falli, quod certo prævidet, quænam earum rerum, de quibus habet providentiam, prodesse aut obesse debent: unde continuo subjungit: Te supplices exoramus, ut noxia cuncta submoveas, & omnia nobis profutura concedas: itemque quod certo prævidet, ex quibus sequetur, aut non sequetur effectus, sub conditione voluntateque antecedente provisos ac intentus, in quibus divina providentia nostram superat: non vero quasi semper poni debeat affectuio finis, qui divina providentia intenditur.

Utrum omnia subiecta sint divinæ providentiæ.

ARTICULUS II.

Providentiæ divinæ subiacere

Conclusio est affirmans, eaque de fide, ut patet ex illo Sap. 8: Attingit a fine usque MOLINA.

ad finem fortiter, & disponit omnia suavitè. cap. 12: Non est alius quam tu, cui cura est de omnibus. Et cap. 14: Tu autem, pater, providentia ab initio cuncta gubernat. Probatur vero ratione, quoniam omnia a Deo propter aliquem finem vel fiunt, vel, cum ab eo impediri possint, permittuntur: ergo omnes res subiectæ sunt divinæ providentiæ, alias ordinanti in finem, alias permittendi, seu non impediendi propter aliquem finem.

Quod ergo ad peccata attinet, non ea peccata ratione sub divinam providentiam cadunt, quæque divina providentiæ subiacent. quasi effectus sint divinæ providentiæ: intenti aut voliti a Deo: id enim error esset in fide, sed quatenus ea permittit in fines optimos articulo præcedente explicatis. Interdum vero cernitur divina providentia in impediendis peccatis ne fiant; interdum etiam circa actus ipsos peccatorum, quatenus Deus causis liberis concursum suum generale impendit, non ut peccent, sed ut accomodate ad suam naturam eo ad bonum, & ad malum, prout maluerint, uti possint; quod quidem bonum est, atque ob optimum finem a Deo intentum: quando tamen tali concursu abutuntur, Deus causa est, non particularis, sed universalis actuum peccatorum. Licet ergo causalitas illa, influxusque Dei universalis, effectus sit divinæ providentiæ; actus tamen ipsi peccati, qui non causæ universali, sed particulari tribuntur, ut q. 14 art. 13 dist. 31, 32, 33; & q. 19. art. 6 dist. 3 explicatum est, non est effectus proprius divinæ providentiæ, nec ab ea intentus, sed est effectus causæ particularis, a Deo per suam providentiam in particulari in finem optimum permittus.

Circa effectus fortuitos optime notat D. Thomas in responsione ad primum, nullum esse fortuitum comparatione causæ primæ, sed omnes comparatione illius esse prævisos, effectumque divinæ providentiæ. Non tamen videtur proinde necessarium concedere omnes divinæ providentiæ esse intentos: tunc ab ea effectus fortuitos. ut enim fortuiti non sint, satis est si, omnes in particulari cum minimum sint prævisi, atque a divina providentiæ ob debitum finem permitti, ut partes videlicet hujus universi accomodate ad suas naturas agere sinat. Unde sequitur interdum quasdam earum deficere, interdum vero ob concursum diversarum causarum sequi effectum, qui præter Pp utriusque,

utriusque, aut alterius intentionem refultat: is vero, si raro sequitur, est fortuitus comparatione ejus causæ, a qua neque intendebatur, neque prævidebatur futurus. Hinc patet, necesse non esse concedere, mortem illius, qui præter ipsius intentionem, dum natum voluit, suffocatus est, esse intentam ac volitam a Deo, sed permissam duntaxat. De qua re redibit sermo art. 4 sequenti.

Divina providentia cur se extendat ad effectus naturaliter necessarios.

In responsione ad tertium nota causam quare providentia divina se extendat ad ea, quæ, posita constitutione universi, necessaria sunt, ut ad eclipses futuras, ortus & occasus astrorum, &c. humana vero non item. Etenim Deus, cum auctor sit naturæ, causæ est eorum per suum liberum arbitrium, neque illa comparatione Dei rationem habent effectuum necessariorum, sed contingentium, aut potius liberorum, ut q. 3. art. 4 disputatione prima ostensum est: homo vero neque ea efficere, neque ulla ratione impedire valet: quare cum providentia solum sit circa ea, quæ in potestate provisoris aliquo modo sunt, fit, ut divina providentia ad illa se extendat, humana non extendat.

Quorum rerum peculiariter effectus dicatur.

Circa responsionem ad ultimum animadvertendum est, quamvis divina providentia ad omnia se fundat; Deum tamen quarundam rerum dici peculiariter habere providentiam, quatenus per leges, & admonitiones, peculiariaque alia subsidia eas dirigit & adjuvat in finem supernaturalem, cæterisque rebus eorum gratia providet. Hac ratione Paulus primæ ad Corinthios 9 de legibus quibusdam agens, quibus, sub hominum typo, aliud, quod ad mores, regimenque Ecclesiæ spectabat, docere præcipereque intendebat Deus, ait: Numquid de bobus cura est Deo? In legibus scilicet quas in scripturis sacris tradit: quasi dicat, & non potius aliquid aliud sub typo illo tradere docereque voluit, quod ad homines, regimenque Ecclesiæ pertineret? Quorundam iustorum, & præsertim eorum quos ad peculiare fines eligit, dicitur Deus habere peculiarem providentiam, quatenus accuratius ab eis pericula & noxia removere, atque ad eximia opera eisdem efficacius opulari intendit, quam cæteris.

Utrum Deus immediate omnibus provideat.

ARTICULUS III.

Prior conclusio est: Si divina providentia spectetur quoad rationem ordinis rerum in suos fines, in quo formalis ratio providentiæ est posita, Deus immediate omnibus providet. Hæc est manifesta, quoniam in se habet rationem ordinis rerum omnium, etiam minimarum, in suos fines, quod ex summa atque immensa ipsius perfectione proficiscitur.

Deus quatenus rebus immediate provideat.

Posterior est: Si divina providentia spectetur quoad executionem hujus ordinis, quod jam ad gubernationem spectat, non ita immediate omnibus providet, quasi causas alias excludat; quin potius causarum secundarum interventu multa producit ac gubernat, ut inferiora per superiora; quod ad splendorem divinæ majestatis spectat, in eoque bonitas ac potentia ipsius magis elucet.

Utrum divina providentia rebus provisis necessitatem imponat.

ARTICULUS IV.

Conclusio est: Divina providentia quibusdam rebus necessitatem imposuit; aliis vero minime. Probatur, quoniam Deus, tum sua æterna rerum præordinatione in suos fines, quæ rationem habet providentiæ, tum etiam constitutione ipsa universi, quæ pars quædam est executionis illius, quibusdam rebus præparavit causas necessarias; cujusmodi sunt eclipses, aspectus, ortus & occasus astrorum, quæ, posita constitutione universi necessario ex suis causis eveniunt: multis vero aliis rebus causas contingentes aut liberas præscripsit, præsertim iis quæ ab arbitrio creato pendunt: ergo divina providentia quibusdam rebus seu effectibus necessitatem imposuit, aliis vero minime. Posterior conclusionis pars est de fide, ut ex iis, quæ quasi 14 art. 13 dicta sunt, de fide est manifestum; quo loco ostensum est, de fide esse, nobis libertatem arbitrii inesse, in omnibusque effectibus, qui ab arbitrio creato pendunt, cerni contingentiam, etiam constitutione universi posita, postoque eo causarum ordine, quem re ipsa cernimus.

Divina providentia quibus effectibus necessitatem imposuerit.

Cajetani
labor in
concilianda
arbitrii li-
bertate cum
divina pro-
videntia.

Cajetanus hoc loco valde torquetur, anxieque laborat in concilianda libertate arbitrii nostri cum divina providentia. Atque ut nodum difficultatis ante oculos ponat, tria considerat in effectibus causarum secundarum. Primum est contingentia, quæ, ut hoc loco docet D. Thomas, non omnibus effectibus convenit, sed aliquibus, idque comparatione suarum causarum, si scilicet nature considerentur. Qui enim effectus causas habent, a quibus, secundum se spectantis, producti, aut non produci possunt, dicuntur contingentes. Secundum est necessitas, quæ, ut etiam docet D. Thomas, non omnibus effectibus convenit, sed aliquibus comparatione etiam suarum causarum. Qui enim effectus causas habent, quæ suapte natura impediri nequeunt ab eorum productione, dicuntur necessarii. Tertium est inevitabilitas, ut unusquisque eorum ita eveniat, sicut a Deo provisum est, ut eveniat. Quod si, inquit Cajetanus, consequentia hæc bona est; hoc est provisum a Deo ut contingenter aut necessario eveniat, ergo inevitabiliter eodem modo evenit; ut a Doctoribus communiter concedi consuevit: utique conditio illa communis est omnibus effectibus comparatione providentiæ divinæ: quandoquidem omnes ex æternitate provisi a Deo sunt ut eo pacto eveniant, necessarii quidem ex causis necessariis, contingentes vero ex causis contingentibus.

Si autem, inquit Cajetanus, effectibus omnibus comparatione providentiæ divinæ ejusmodi inevitabilitas, ut eo modo eveniant, quo ipsa fiunt, convenire concedatur; licet salva maneat contingentia quorundam effectuum & necessitas aliorum, quæ ex natura rei rebus conveniunt comparatione suarum causarum si secundum se spectentur; sicut etiam aliqua ex parte salva maneat libertas arbitrii comparatione suarum actionum, quatenus voluntas, si secundum se consideretur, nulla habita ratione divinæ providentiæ, indifferens est, ut velit aut non velit, vel etiam nolit, id quod hic & nunc vult: nihilominus posita providentia divina, quæ jam ex æternitate est simpliciter, spectatisque omnibus quæ jam actu sunt, perit arbitrii libertas comparatione cujusque actionis quam voluntas actu exercebit: quandoquidem talis actio inevitabilis est a voluntate, existente,

ut revera exiit, providentia, qua ita a Deo, ut eveniret, provisum est. Ut enim, inquit, ea projectio mercium, quæ urgente tempestate fit, simpliciter & absolute est volita, quia, spectatis circumstantiis quæ tunc acta sunt, est volita, & solum secundum quid est nolita, quia projiciens noller eas projicere; si periculum id non postularet: ita voluntas nostra, spectata providentia quæ jam est, quæque ex æternitate præexistit, simpliciter & absolute talem actionem evitare non poterit, ac proinde simpliciter non erit libera ad eandem non eliciendam, sed solum secundum quid; si spectetur secundum se, & non existente ea determinatione divinæ voluntatis ac providentiæ quæ jam est. Quod si actiones voluntatis nostræ eo modo sunt omnes inevitabiles, inanis profecto est omnis consultatio nostra atque conatus, inanes quoque preces ad Deum fuisse pro vitandis peccatis, & aliis damnis; quandoquidem divina providentia ac voluntas omnino est immutabilis: ea vero existente, omnia perinde inevitabiliter evenient, ac si ex necessitate, & non contingenter evenirent. Neque satisfacit, inquit Cajetanus, responsio illa communis, quod in sensu diviso, præcisè comparatione nostræ voluntatis secundum se spectatæ, sunt inevitabilia; at in sensu composito, comparatione scilicet divinæ providentiæ, sunt inevitabilia. Non, inquam, ea responsio satisfacit; quoniam cum ex æternitate detur in Deo providentia, sane quemadmodum simpliciter, spectatisque omnibus quæ jam actu dantur, illa sunt inevitabilia, ita simpliciter, spectatisque omnibus quæ sunt actu, perit arbitrii libertas ad illa vitanda.

Cajetanus pondere hujus difficultatis pressus, ait: Quamvis a Doctoribus communiter dicatur, inevitabilitatem, ut aliquid eveniat, sequi ex eo quod sit provisum, volitum, aut prædestinatum a Deo (hæc enim tria pro eodem in re proposita accipi dicit) nihilominus trepidus; eo quod se communi Doctorum sententiæ opponere credat: ait, se suspicari, quod quemadmodum esse provisum, neque contingentiam, neque necessitatem ponit in eventu provisio; eo quod, cum Deus causa sit superexcedens causas omnes tam contingentes quam necessarias, tam per se quam per acciden- præhabens proinde in

se eminenter necessaria & contingentia, ad eum spectet producere tanquam effectus electos, non solum res, sed etiam omnes rerum & eventuum modos: sic etiam ex eo quod eventus provisorius sit a Deo, sequatur aliquid altius, quam esse evitabile vel inevitabile; ita ut ex passiva provisione eventus, neutrum illorum duorum oporteat sequi, sed aliquid utroque altius, idque propter altiorum atque excellentiorum modum quod Deus rebus eventibusque providet, quam cogitari intelligique a nobis in hac vita valeat. Atque ita, inquit, quiescit intellectus, non in evidentia veritatis perspectæ in particulari, sed in altitudine inaccessibili veritatis occultæ.

*Cajetani
sententia
paucis
com-
prehensa.*

Itaque duo affirmat Cajetanus. Unum est, consequentiam illam non esse bonam; hoc est provilum a Deo futurum, ergo inevitabiliter ita eveniet. Alterum est, se non penetrare causam, quare potius aliquid altius dandum sit, quam effectum esse evitabilem, aut inevitabilem, arbitratique illud esse de numero eorum, quæ in hac vita penetrari non valent, propter aliquid in hac re latens, ob cuius ignorantiam intelligi in hac vita nequit coherencia libertatis arbitrii, evitabilitatisque effectuum qui ab eo pendent, cum divina providentia ac prædestinatione. Satiisque (inquit) est, profiteri, nos non habere evidentiam huius rei, sed sola fide certo tenere duo illa coherere inter se; quemadmodum etiam ingenue fateamur nos non habere evidentiam de mysterio Trinitatis, quam tanquam evidens velle docere, quod evidens non est: scriptum namque est, Altiora te ne quaeris, plurima enim sunt tibi supra sensum hominum revelata. Recteque Gregorius dixit, Minus de Deo sentire, qui hoc tantum de illo credit, quod suo ingenio metiri potest. Hæc Cajet.

*Impugna-
tur Cajeta-
ni cohe-
rentiaque
liberi arbi-
trii cum
providentia
ostenditur.*

Nonnulla sunt hoc loco animadvertenda, ex quibus luce clarius constabit, tum coherencia libertatis arbitrii nostri, atque evitabilitatis effectuum qui ab eo pendent, cum divina providentia; tum etiam quibus in rebus deceptus sit Cajetanus, fallanturque multi alii, qui fundamentis Cajetani innitentes, in concilianda libertate arbitrii nostri, evitabilitateque effectuum ab eo pendentium, cum divina providentia, multum

laborant, atque ita hærent (ne dicam erant) ut oppositum prout res postulabat, non assequantur.

Illud igitur in primis nulla ratione admitendum est, effectus omnes, qui in hoc mundo eveniunt, provisos esse a Deo, ut ita ficerent, præparasseque illis causas ut ita evenirent, voluisseque voluntate, vel efficaci, vel absoluta, ut ex certis causis ita evenirent: quæ omnia Cajetanus hoc loco ponit tanquam certa, & indubitata. Etenim cum providentia non aliud sit, quam ratio ordinis mediorum in finem, in mente divina ex æternitate existens, cum proposito talem ordinem exequendi, ut art. 1. ex D. Thoma communique Doctorum sententia diximus; effectum aliquem provisorius esse a Deo, ut ex suis causis eo modo eveniat, quo re ipsa evenit, nihil aliud est, quam Deum sua providentia illum intendisse vel finem, atque, ut eo modo eveniret, præparasse illi media & causas ex quibus ita emanaret: id autem asserere de actibus peccatorum, quos inter effectus reales, qui in hoc mundo fiunt, computandos esse constat, plane blasphemum, errorque esset manifestus in fide, ut quest. 14 art. 13 a disputatione 31 aperte est demonstratum. Ubi cum Augustino dicebamus, ea ratione actus peccatorum non tribui Deo, quia licet ad eos cooperetur tanquam causa universalis, suaque providentia consulit homini liberum arbitrium a quo emanant, non tamen eo fine hominem liberum fecit, aut cum eo cooperatur, ut peccaret, sed ut studiosè ageret, manente tamen libertate ad peccandum: idque tum quia id natura ipsa rerum habebat, tum etiam ut studiosa operatio illi in laudem, honorem, & meritum cederet, ut sæpe dictum est. Unde quia actus peccatorum abusus sunt liberi arbitrii, deviatique ab eo fine, ad quem nobis Dei providentia collatum est, idcirco non Deo, sed nobis tanquam effectus proprii tribuuntur. Nullo ergo modo dicendum est, actus peccatorum effectus esse divinæ providentiæ, a Deo esse provisos ut ita ficerent, aut Deum præparasse illis causas, ut ita ficerent. Licet enim causam eorum præparaverit, nempe arbitrium ipsum a quo fiunt, non tamen ut ita ficerent, sed potius ut ficerent contrarii actus: nos vero iis abutimur causis.

*Deus non
preparavit
causam pec-
catis ut ita
ficerent.*

causis ad actiones, quæ nequitia nostra est, ad quas nobis a Deo non sunt collatæ, & ob eam causam peccamus.

Providentiam longe diversam esse a divina præscientia.

Quo loco illud notandum etiam est: Providentiam a providendo, quasi prævidentiam, idcirco videri nuncupatam; quia, qui providet, quasi prævideat futura, atque adeo media, vel ut res fiant, vel ut impediatur, prout magis expedire judicaverit, accommodata adhibeat: quare qui melius prævidet, aut conjectura prospicit quid futurum sit, quibusque mediis propositum assequetur, is melius providere novit, exactiorque in illo ac perfectior est providentia. Aliud ergo est unde providentia dicta est, quodque origo & fundamentum est providentiæ; aliud providentia significat. Illud namque est prævidentia seu præscientia, qua videtur quid futurum sit, & quæ media accommodata sint, ut inchoatum sequatur: hoc vero est ratio mediõrum in finem, cum proposito id ex parte providentis mandandi executioni. Quo fit, ut illa tantum inter effectus divinæ providentiæ computanda sint, quæ vel sunt fines a Deo intenti, quibus proinde præparavit media ut fierent, vel sunt ipsa media ab eodem præparata ad finem. Utrumque vero dicitur suo modo provisum, unum quidem tanquam ordinatum ut sit medium ad talem finem: alterum vero tanquam id, quod quasi passivè provisum est, ut per tale medium habeatur. Non ergo actus peccatorum effectus sunt divinæ providentiæ, sed sola eorum permissio, quam Deus in optimos fines ordinat, & vult. Neque aliter peccata sub divinam providentiam cadunt, nisi quatenus voluntate Dei permissa sunt, per quam tamen

Eandem esse difficultatem in concilianda libertate arbitrii cum providentia, quæ cum divina præscientia intercedit.

poterant impediri, si ipse vellet. Quia vero ad rationem permissionis peccatorum opus est, ut non solum peccata ipsa ex nostra mera libertate nascantur, sed etiam ut Deus ea futura præcognoscat, possitque impedire, nec tamen velit; efficitur, ut in concilianda, tam libertate arbitrii nostri circa actus peccatorum, quam evitabilitate eorum cum divina providentia, non alius labor sit, quam in eisdem conciliandis cum præscientia, qua Deus prævidet eos esse futuros, nisi impediatur. Quia etiam eos omnes effectus divinæ providentiæ, qui, quoad executionem, peccatis natura posteriores sunt, cujusmodi sunt ipse pœnæ peccatorum, non aliter Deus vult, aut

permittit, quam sub hac conditione, si per liberum arbitrium creatum ipsa peccata futura sint, atque adeo non aliter sunt a Deo absolute voliti, quam voluntate quadam consequente, ut cum Damasceno quæst. 19 art. 6 dictum est, postquam præscientia quod ex libertate ac nequitia arbitrii creati peccata futura sint (id quod Deus absolute cognoscit in libera determinatione voluntatis, qua ex æternitate statuit condere hunc ordinem rerum quem re ipsa condidit, ut quæst. 14 art. 13 ostensum est) idcirco in concilianda etiam evitabilitate horum omnium effectuum, quatenus a peccatis hominum, liberoque arbitrio creato pendent, non alia difficultas est, quam in eisdem conciliandis cum divina præscientia, qua non minus certo prævidentur futuri, quam peccata, cæteræque actiones liberæ, a quibus tales effectus dependent.

Hinc etiam patet, interfectiones, quibus aliqui interdum, præter ipsorum spem, a grassatoribus intereuntur, suffocationesque aliorum in fluminibus, & his similia, cum saltem a peccato primorum parentum tanquam pœnæ ex illo sublecuræ pendeant, nec futuræ essent, si peccatum illud non præcessisset, certitudini divinæ præscientiæ circa illud idem peccatum inniti; eaque sublata, non esse certos ejusmodi effectus. Imo vero nec dicendum esse eos a providentia divina fuisse intentos ut ita evenirent, aut nexum causarum, ex quibus proficiscuntur, præparatum, quod tamen nonnulli Doctores non satis considerate affirmare solent. Etenim neque id cum divina bonitate est consentiens, neque Deus arbitria grassatorum eo sine condidit, ut innocentem hic & nunc vellent interficere; neque arbitria eorum, qui in aquis suffocantur, eo sine, ut natando, vel aliquid aliud agendo, suffocarentur; sed ut rectè operando vitam æternam promererentur; at cum libertate ad peccandum, & ad alia opera indifferentia efficienda, unde tales eventus interdum, raro tamen, proficiscuntur. Nec vero negamus proinde, ejusmodi eventus a Deo ex causis unde oriuntur prævisos esse futuros, ipsiusque providentia esse permisos, tam in pœnam delicti primi parentis, tum ut causas sinat agere accommodatæ ad suas naturas, ob aliosque congruentes fines.

Divina providentia an includat affectionem finis.

Illud etiam Cajetano dandum non est, divinam providentiam, quia divina providentia est, includere affectionem finis ad quem media preparavit, semperque velle voluntate, vel efficaci, vel absoluta, finem ad quem media ordinavit, quasi nunquam, quoad ordinem mediorum ad fines, divina providentia frustraretur, sed semper finis sequatur. Omnia namque quae ab arbitrio creato pendent, sub quibus beatitudinem etiam & merita comprehendimus, solum voluit Deus voluntate conditionata, si scilicet homines & Angelis idem quoque vellent. Atque hoc genere volitionis omnibus universim hominibus, & Angelis voluit beatitudinem, & media ad beatitudinem necessaria, in eumque finem omnes sua providentia ordinavit, ut quæst. 19 art. 6 diximus; neque tamen omnes eum finem divinæ providentiæ assequuntur, idque defectu solum liberi arbitrii hominum & Angelorum. Voluntate vero absoluta nulli adulatorum voluit beatitudinem, & merita ad illam assequendam necessaria, nisi posita præscientia, qua ex hypothesi prævidit, eos, si collocarentur in ordine rerum & auxiliorum in quo positi sunt, pro sua libertate meritosos esse, venturosque in vitam æternam. Nostro namque intelligendi more cum fundamento in re, ante actum quo ex æternitate absolute statuit condere eum rerum ordinem, quem re ipsa condidit, cernens Deus per scientiam illam medium inter liberam & mere naturalem, de qua quæst. 14 art. 13 dictum est, qui tandem in vitæ termino ob præcedentia merita vitam æternam adepturi essent, si talem rerum ordinem vellent condere, dum posterius eundem ordinem absolute voluit condere, eo ipso volendi actu complacuit sibi per voluntatem absolutam, ut ii, quos providebat ob præcedentia merita perventuros in vitam æternam, ea posuerunt, atque eo ipso actu voluntatis divinæ fuerunt prædestinati ad vitam æternam per illa media, quæ ex ipsorum libertate prævisa sunt futura, ut questione sequenti plenius dicemus. Quo fit, ut in divina providentia & prædestinatione, comparatione etiam effectuum, qui & ab arbitrio creato pendent, & a providentia divina tanquam fines sunt intenti, vereque sunt effectus divinæ providentiæ & prædestinationis, nulla alia sit certitudo, quam cer-

Providentia, & prædestinationis non alia certitudo quam divina præscientia.

titudo præscientiæ quod ita ex talibus mediis sint eventuri; cum re ipsa, si arbitrium creatum, ut potest, veller, contrario modo essent eventuri. Nullus ergo alius labor est in concilianda libertate arbitrii nostri, evitabilitateque eventuum, qui ab illo aliquo modo pendent, cum divina providentia, quam in iis ipsis conciliandis cum certitudine divinæ præscientiæ.

Illud etiam non satis attendit Cajetanus, non idem esse effectum aliquem esse certo & absque ulla falsitate futurum, ac inevitabiliter esse eventurum. Inevitabilitas namque attenditur comparato effectui cum sua causa: nullus vero unquam concessit, effectum, si ab arbitrio creato pendet, esse inevitabilem, aut hanc esse bonam consequentiam; hic effectus est provisorius, prædestinatus, aut præscriptus a Deo eventurus; ergo inevitabiliter eveniet. Etenim cum præscientia stat a libero arbitrio posse evitari: quia autem non evitat, cum possit, peccat; si effectus vitiosus sit. Certitudo vero dicitur de effectu comparato cum cognitione, qua cognoscitur eventurus. Unde quia divina præscientia nullo modo potest falli, hæc est optima consequentia; hic effectus ab arbitrio creato pendens, præscriptus est a Deo eventurus; ergo sine ulla dubitatione, & absque ulla deceptione divinæ scientiæ, qua præcognitus est eventurus, eveniet. Atque hoc est quod merito concedunt Doctores.

Id etiam, quod Cajetanus hoc loco invehere conatur, dari videlicet medium inter evitabile & inevitabile, seu non evitabile, comparatione ejusdem effectus, nulla probabilitate potest defendi: si enim medium inter contradictoria concedendum esset, quo nihil magis absurdum fingi potest. Illud tamen affirmandum est, quemadmodum hæc consequentia ineptæ sunt; si hoc est animal, ergo est rationale; vel, si hoc est animal, ergo est non rationale, non ex eo quod detur medium inter contradictoria, aut quod detur animal quod neque rationale neque non rationale sit; sed quia animal in commune quædam ratione prædita, quædam rationis expertia sub se comprehendat, atque adeo ex eo, quod alicui rei ratio animalis in commune conveniat, neque sequitur, eam esse ratione præditam determinate, neque item rationis expertem, sed sub disjunctione necesse

Non idem esse effectum aliquem certo, & esse inevitabilem.

Evitabile & inevitabile medium non habet comparationem ejusdem effectus.

necesse est alterum illi conveniat: ita etiam has consequentias esse nullas; si hoc est proviſum, aut præſcitum futurum, contingenter eveniet; aut ſi tale eſt, neceſſario futurum eſt; item, hoc eſt proviſum, aut præſcitum futurum, ergo evitabiliter eventurum eſt; aut ſi ejusmodi eſt, inevitabiliter futurum eſt; idque non quod detur effectus, qui comparatione ſuæ cauſæ (ſtante etiam præſcientia & providentia) non ſit vel neceſſarius, vel contingens, hoc eſt, qui & evenire & non evenire poſſit (omnes namque, quatenus a Deo ratione creationis & conſervationis pendent, ſunt contingentes, quia & eſſe & non eſſe poſſunt, Deo libere conſerente & conſervante naturas eorum: comparatione vero cauſarum ſecundarum, ſinguli vel ſunt neceſſarii, vel ſunt contingentes) ſed quod, cum providentia & præſcientia ſe extendat ad effectus neceſſarios & contingentes, ex eo quod aliquid ſit proviſum, neque ſequitur determinate ex ſuis cauſis eventurum neceſſario, nec item contingenter. Idem dicendum eſt de illa alia conſequentia: neque enim ea de cauſa cenſenda eſt inepta, quod datur effectus in particulari, qui neque ſit evitabilis neque inevitabilis a ſua cauſa; ſed quod providentia & præſcientia tam ad effectus qui a ſuis cauſis poſſunt, quam ad eos qui non poſſunt evitari, ſe extendat: imo conſequentia illæ quodammodo diſparatæ cenſendæ ſunt, atque huic ſimiles; ſi lapis eſt, ergo eſt ex Africa, aut non eſt ex Africa; quod lapidi eſt impertinens.

His ita conſtitutis, cum in concilianda libertate arbitrii noſtri, evitabilitateque effectuum ab eo pendentium, cum providentia, non alia difficultas ſit, quam in iis iſtis cum divina præſcientia conciliandis; hoc autem ſecundum quæſt. 14 artic. 13 ſatis dilucide præſtiterimus: non eſt quod hoc loco amplius immoremur.

Porro, ut hoc loco aliquid ſummatim

propter Cajetanum dicatur, caput unde evitabilitatem eventuum, qui ab arbitrio creato pendent, cum divina præſcientia bene convenire oſtendimus, illud erat: Quia non ex eo quod Deus præſciret effectus ita eventuros eſſe, ideoq; evenirent; ſed e contrario, quia iſti pro libertate arbitrii ita ſunt eventuri, Deus id præſciret. Si vero contrario modo, ut vera poſſunt, fuiſſent eventuri, Deus non id quod præſcivit, ſed contrarium præſciſſet. Quia ratione dicebamus, certitudinem divinæ præſcientiæ circa ejusmodi eventus non proſiſci ex certitudine objecti, quod ſecundum ſe eſt incertum, poteſtque re ipſa contrario modo evenire, ſed ex altitudine, omnique ex parte illimitata perfectione divini intellectus, qua, ut altiſſimo modo eos comprehendit in ſua eſſentia, ita certiffime, quod ſecundum ſe eſt incertum præcognoscit. Quod ſi nulla omnino habita ratione ejus, quod pro libertate arbitrii creati futurum eſt, Deus pro arbitrio ſuo præſciret quicquid vellet, ideoque arbitrium creatum hoc potius, quam aliud, eſſet facturum, quia id præſcivit Deus, & non e contrario, quia arbitrium pro ſua libertate id eſſet facturum, ideo Deus ex illimitata ſua perfectione id prævideret futurum, præviſurus non idipſum, ſed contrarium, ſi contrarium a libero hominis arbitrio, ut poteſt, eſſet futurum, utique vim haberent quæ Cajetanum impulerunt ad medium inter contradicторia excogitandum, atque ad aſſerendum ignorari in hac vita modum quo libertas arbitrii, evitabilitasque effectuum illius, cum divina providentia, aut potius cum divina præſcientia cohereant. Eo enim dato, plane divina præſcientia fatalem quandam neceſſitatem imponeret effectibus omnibus, ſimpliciterque tolleretur arbitrii libertatem, ut Cajetanus bene argumentabatur. At res non illo modo ſeſe habet; quare nullam vim rationes Cajetani habent.

Providentia divina præſcientia nudi arbitrio conciliatur.

IN QUÆSTIONEM XXIII. DE PRÆDESTINATIONE. ARTICULUS I ET II.

Quid ſit prædeſtinatio.

DISPUTATIO I.

Cum prædeſtinatio, ut jam oſtendimus, ſit quali pars quædam divinæ providentiæ ſubjecta, merito D. Thomas cum tractatione

de providentia diſputationem prædeſtinationis conjungit. Fundamenta totius hujus de prædeſtinatione, & reprobatione, tractationis jacta ſunt, quæſt. 14 art. 8 & 13 quæſt. 19 art. 6 & quæſt. præcedente art. 1 & 4 quare ea omnia ante oculos ſunt habenda, ut legitima

tima prædeterminationis ac reprobationis ratio intelligi possit, quæ & divina maiestate ac bonitate sit digna, & cum sacris scripturis consentiat, neque eis, quæ vel de divina gratia, vel de libertate arbitrii nostri, art. 13 citatò demonstrata sunt, præiudicium aliquod inferre videatur. Quod si, ut divino freti auxilio speramus, ita divinam prædeterminationem, & reprobationem exposuerimus, ut cum prædictis omnibus consentire perspicatur, non alio, credo, egebimus testimonio, ut veritatem nos esse affectos intelligatur.

Prædeterminationem esse confirmatur

Prædeterminationem esse, qua ii, qui vitam æternam consequentur, ad id ipsum ex æternitate a Deo sunt destinati, ex sacris scripturis notissimum est. Ad Rom. 8: Quos præcivit & prædestinavit conformes fieri imaginis filii sui, ut sit ipse primogenitus in multis fratribus. Quos autem prædestinavit, hos & vocavit; & quos vocavit, hos & iustificavit, quos autem iustificavit, illos & glorificavit. Ad Ephesios primo: Elegit nos in ipso ante mundi constitutionem, ut essemus sancti & immaculati in conspectu ejus in caritate, qui prædestinavit nos in adoptionem filiorum per Jesum Christum. Utrò quid prædestinatione sit intelligatur, a nominis significatione exordium sumendum est.

Prædestinatio unde dicta.

Prædestino ex, præ, quod antecessorem quandam significat, & destino, componitur. Verbum autem, destino, non solum in scripturis sanctis, sed etiam apud præfatos Latinos, duobus modis accipi solet. Uno, pro eo quod est mittere: unde primo Machab. 1: Destinavit aliquos de populo, & abierunt ad regem. Suetonius in vita Galbæ cap. 16: Prætorianos cum mandatis ad Imperatorem destinavit. Altero vero modo, pro eo quod est, statuere, definire, & ordinare. Quæ acceptio apud Latinos auctores profana, & in divinis literis est frequentior. Unde secundo Machab. 6 de Eleazaro dicitur: Destinavit non admittere illicita propter vitæ amorem. Secundæ ad Corinthios 9: Prout unusquisque destinavit in corde suo. Tullius item de officiis: Cum eorum alteri Dionysius diem necis destinasset. Imò prior vocabuli acceptio ex posteriore derivata est; etenim, qui mittuntur, prius destinantur, ut cant.

Quomodo destinatur.

Divus ergo Thomas hoc loco, Durand. in

primo, disp. 40 qu. 1: Dico de concordia liberi arbitrii & prædeterminationis cap. 1 & alii, sumentes verbum destinare in prima acceptione, prædeterminationem dicunt esse, rationem transmissionis creaturæ rationalis in sempiternam beatitudinem. Dicunt namque, destinare, idem esse atque transmittere, destinationem idem atque transmissionem: quando autem res aliqua eo pervenire debet, quo ex solis suis viribus devenire non potest, necesse est ut directa ab alio eo transmittatur: quo pacto sagitta directa a sagittario pervenit ad scopum. Quia ergo simili modo creatura intellectu prædita solis suis viribus devenire nequit in sempiternam felicitatem, utpote finem supernaturalem, sed auxilio indiget supernaturali ac divino; deductio perducioque illius per auxilia divina in beatitudinem, dicitur in hac acceptione destinatio, hoc est; transmissio in beatitudinem. Ratio autem auxiliorum & mediorum, quibus transmittenda est, ex æternitate existens in Deo cum proposito mandandi eam executioni, propter antecessorem illam, appellatur prædestinatio ejusdem creaturæ in beatitudinem.

Alii vero, juxta posteriorem verbi, destinationem, acceptionem, volunt prædeterminationem significare præfinitionem ac præordinationem, qua Deus ex æternitate a quibusque creaturis intellectu præditis ea media conferre constituit, quibus in vitam æternam perveniant. Ita, præter Cajetanum in illud ad Romanos 8 Quos præcivit & prædestinavit, Albertum Pighium lib. 8 de libero arbitrio cap. 2 & plerosque alios, Hieronymus in prioribus commentariis in illud ad Ephes. 1 Qui prædestinavit nos in adoptionem, &c. ubi prædestinare ait esse prædefinire. Et August. aut quicumque alius ejus operis auctor, Hypogn. lib. 6 Prædestinatio (inquit) a prævidendo, vel præordinando futurum aliquid dicitur. Et infra: Quod ergo bonum est præscientia prædestinat, id est, prius quam sit in re præordinat. Consentit etiam scriptura sacra non solum Actorum 13, ubi prædestinati appellantur prædestinati in vitam æternam; Credi derunt, ait Lucas, quotquot erant præordinati in vitam æternam; sed etiam quoniam ubi ad Romanos 8 & ad Ephes. 1 interpres Latinus transfert præordinavit, Græcè habetur προῳρισται, a verbo προῳριζω, quod

quod est prædeterminatio, præstituto, prætermino.

*Prædeterminatio
sionis ac-
ceptiones
alia apud
Patres.*

Licet autem ex accommodatione usus, Dei prædeterminatio a Theologis, imo & a scriptura sacra usurpetur pro sola æterna Dei præordinatione, qua rebus mente præditis exhibere constituit media, quibus in vitam æternam perveiant, quo pacto etiam a nobis in frequentibus usurpabitur: vocabulum tamen secundum se satis patet. Unde a Patribus aliquando accipitur pro quacunque Dei præordinatione. Quo fit, ut August. Hypognost. lib. 6 & 15 de civitate Dei cap. 1 & lib. 21 cap. 24 Fulgentius lib. 1 ad Monimum, ac alii, præordinationem reproborum in supplicium æternum, præter ipsorum peccata prævisa, prædeterminationem ad supplicium appellent. De prædeterminatione etiam sanctorum cap. 10 præordinationem conferendi quancunque gratiam, aut donum, appellat Augustinus prædeterminationem, atque, hoc tantum inter gratiam & prædeterminationem interesse, quod prædeterminatio est gratiæ preparatio, gratia vero est iam ipsa donatio. Denique Hypogn. lib. 6 ejus operis auctor præordinationem cujusque boni appellat prædeterminationem. Et fere eodem modo loquitur Damascenus 2 lib. fidei orthodoxæ cap. 30 Tamest illud solum dicat Deum prædefinire ac prædestinare, quod vult sine ulla dependentia a libero arbitrio creato. Id namque, quod in potestate arbitrii creati Deus collocavit, ait eo loco, Deum præscire quidem an sit, vel non sit futurum; non tamen prædefinire ac prædestinare, quasi scilicet sine ulla dependentia a creato arbitrio id velit, ullamve arbitrio imponat necessitatem.

*Prædeterminatio
sionis præ-
sumpta
varia defini-
tiones.*

Prædeterminatio igitur presse sumpta varie definiri solet. A D. Thoma hoc loco art. 1 dicitur esse, ratio transmissionis creaturæ rationalis in vitam æternam. Transmissio- nem intellige quæ re ipsa implicatur, ad quod necessarium est, ut ratio illa adjunctum habeat propositum conferendi media quibus talis creatura beatitudinem consequetur. In secundo art. hanc aliam innuit definitionem: Est ratio ordinis creaturæ mente præditæ in vitam æternam: intellige similiter, assequendam. Ab August. lib. de bono perseverantiæ cap. 14 definitur esse præscientia & preparatio beneficiorum Dei, quibus certissime libe-

MOLINA.

rantur quicunque liberantur. Ab aliis vero definitur, preparatio gratiæ in præsentia, & gloriæ in futuro.

Aptius tamen, ut credo, ita definiri poterit: *Gervasio
definitio.*

Prædeterminatio, est ratio ordinis seu mediocrum in Deo, quibus prævidet creaturam rationalem perducendam in vitam æternam cum proposito eundem ordinem exequendi. Et enim prædeterminatio, ex D. Thoma hoc loco, & communi Theologorum sententia, quoad id quod habet tam ex parte intellectus quam voluntatis divinæ, quasi pars quædam est divinæ providentiæ subiecta; modo tamen

*Prædeterminatio
pars
subiecta
præ-
videntiæ.*

specietur ex parte objecti. Divina namque providentia circa omnes res versatur; prædeterminatio vero solum est circa mente præditas, quæ solæ beatitudinis sunt capaces. Providentia rursus comparatione quorumcunque finium cernitur; prædeterminatio vero solum comparatione beatitudinis supernaturalis. Quia vero Deus circa reprobos etiam suam habet providentiam, non solum quia ob fines congruos permittere velit peccata, quæ prævidet reproborum libertate & perveritate esse futura, eaque ut aquiras iustitiae ipsius postulari, vult etiam ob fines optimos punire, in quibus omnibus ratio providentiæ cernitur, sed etiam quia sicut voluntate conditionata, seu antecedente, vult creaturas omnes mente præditas salvas fieri, quem ob finem omnes conditæ sunt, ut q. 19 art. 6 ostensum est, ita quoque circa omnes providentiam exercet comparatione beatitudinis supernaturalis, ex sua parte executioni mandans media quibus ad beatitudinem pervenirent, si per ipsos, aut, quoad Adami posterios, per primum parentem, & cursum universi (maxime quoad eos qui ad usum rationis non perveniunt) non staret, ut quæst. præcedente art. 1 explicatum est. Quia, inquam, comparatione creaturarum omnium mente præditarum Deus habet providentiam circa beatitudinem, atque adeo apud se rationem habet mediocrum, quibus pervenire possint in vitam æternam, cum proposito talem ordinem quod ad se attinet, exequendi, contrahitur providentia ad rationem prædeterminationis, quæ solum est comparatione creaturarum quæ vitam æternam consequuntur, per particulam illam, quibus prævidet creaturam rationalem perducendam in vitam æternam. Commodius vero ea adhibetur, quoniam,

Qq

quoniam, ut videbimus, ex sola præscientia, qua Deus prævidet eum, cui ea media vult, quibus reddatur prædestinatus, perventurum in vitam æternam (qui tamen, si vellet, posset ea negligere, eis abuti, nec ad vitam pervenire) totam suam certitudinem habet divina prædestinatio. Atque ex hoc capite conciliabimus facile illius certitudinem cum nostri arbitrii libertate. Dixi prædestinationem, modo ex parte objecti spectetur, esse quasi partem subiectam divinæ providentiæ: quoniam prædestinatio & providentia in Deo idem prorsus actus est, tam ex parte intellectus, quam ex parte voluntatis; attamen actus ille, ut habet rationem prædestinationis, respicit pauciora objecta, quam respiciat ut habet rationem providentiæ; respectusque illi rationis sunt, ut ex dictis quæst. 14 art. 15, & quæst. 19, manifestum est.

Prædestinatio est in Deo executio illius in prædestinatis.

Ex dictis patet, prædestinationem formaliter esse in Deo, quæ adeo esse æternam: ab ea vero eos homines, & Angelos, qui prædestinati dicuntur, denominatione extrinseca dici tales; sicut denominatione etiam extrinseca a Deo cogniti & dilecti dicuntur. Executio vero, effectusque divinæ prædestinationis, ut vocatio, justificatio, &c. ex tempore fiunt, & vel in ipsis prædestinatis, vel in rebus aliis creatis existunt, qualia sunt miracula, & alia media extrinseca quibus prædestinatus ad vitam æternam consequendam juvatur. Quo fit, ut prædestinatio formaliter nihil in prædestinatis ponat, in quibus ponit effectus tempore a Deo præstituto.

Utrum prædestinatio præcipue sit actus intellectus, an voluntatis.

DISPUTATIO II.

DUO examinanda nobis restant circa prædestinationem. Unum, utrum ea potius in actu intellectus quam voluntatis constitutenda sit, quod hoc loco disputandum est. Alterum circa executionem, effectusque suos, quoniam illi sunt, id quod disputatione sequenti præstandum erit.

Prædestinatio actus intellectus, & voluntatis divinæ requirit.

Quod ergo ad primum attinet; licet Doctores conveniant, ad divinam prædestinationem necessarium esse, tam actum divini intellectus, quo præconciptat media quibus prævidet prædestinatum in vitam æternam

perventurum, quam actum voluntatis, quo eligat, statuatque conferre ei talia media; dubitant tamen, an prædestinatio significet utrumque actum, an alterum tantum: quod si utrumque, quem præcipue!

Scotus in primo, disp. 40. prædestinationis nomine affirmat significari solum actum voluntatis. Addit tamen, posse etiam dici, significari actum intellectus, innuendo actum voluntatis. D. Bonavent. eadem dist. art. 1 q. 2. præcipue significari ait actum voluntatis.

Scoti & D. Bonav. opinio.

Suaderi potest hæc opinio primo, quoniam in scripturis sanctis prædestinatio appellatur electio, propositum, ac dilectio: unde Matth. 22: Multi sunt vocati, pauci vero electi. Ad Ephes. 1: Elegit nos in ipso, prædestinavit nos secundum propositum voluntatis sue. Ad Rom. 9: Jacob dilexi, Esau autem odio habui: porro electio, propositum, ac dilectio, actus sunt voluntatis.

Secundo.

Secundo, quoniam prædestinatio includit finis allocationem, estque causa efficax mediolorum & finis: cum ergo causa proxima rerum sit divina voluntas, fit, ut prædestinatio in actu voluntatis divinæ posita sit.

Secundo.

Statuenda est nihilominus hæc conclusio: Prædestinatio utrumque actum conjunctum significat, præcipue tamen actum intellectus. Prior pars probatur ex definitione ipsa prædestinationis, quæ utrumque includit, rationem videlicet seu conceptionem mediolorum, quibus Deus prævidet perventurum aliquem in vitam æternam, & propositum seu voluntatem talia media conferendi, per quam ratio prædestinationis completur. Posterior vero pars probatur, quoniam præordinare sive præfinire, quod verbo, prædestino, significatur, actus est rationis, sive intellectus conjunctus, cum actu voluntatis per quem completur. Unde ab actu intellectus desumitur nomen: quippe cum ordo rerum in suos fines ab intellectu tanquam proprius effectus emanet; qua ratione a multis dicitur prædestinatio significare actum intellectus, & innuere actum voluntatis: quod non sic est accipiendum, quasi intrinsece eum non includat. Atque hoc modo intelligendus est D. Thomas hoc loco, dum definiens prædestinationem esse rationem transmissionis aut ordinis creaturæ rationalis in vitam æternam, docensque esse quasi

Prædestinatio cum actu intellectus & voluntatis conjunctum significat, præcipue tamen actum intellectus.

quasi partem divinæ providentiæ subiectam, affirmat prædestinationem actum esse præcipue intellectus. Id quod etiam docet quæst. 6. de verit. ar. 1. Durand. & Gab. in primo, d. 40 q. 1. & plerique alii. Confirmari potest eadem pars conclusionis, tum quia prædestinatio pars est divinæ providentiæ quasi subiecta: providere autem præcipue ad intellectum pertinet: tum etiam quia prædestinari alicui, & in libro vitæ conscribi, ad eandem pertinent potentiam; liber autem vitæ intellectum divinum præcipue significat.

Non desunt qui existiment, prædestinationem compleri quidem per actum voluntatis, quo, excogitata per intellectum ratione mediorum quibus aliquis prævidetur perventurus in vitam æternam (quem actum præcipue significat prædestinatio) Deus voluntate proponit ac statuit talia media conferre: at dicunt, tam ante hunc voluntatis actum, quam ante illum alium intellectus divini, extitisse alium actum voluntatis, quo Deus voluntate absoluta elegit quos voluit ad beatitudinem, volendoque eis ipsum beatitudinis bonum prius dilexisse eos, posterius vero, nostro intelligendi more, ad beatitudinem prædestinasse. Etenim volitio finis, ut putant, nostro intelligendi more præcedit excogitationem ac volitionem mediorum in finem: in his vero duobus posterioribus actibus ratio tota prædestinationis comparatione finis beatitudinis posita est.

Verum cum Deum prævidere media quibus quisque pervenit ad beatitudinem, ex hypothesi quod in hoc vel in illo ordine reum collocandus sit, non pertineat ad scientiam liberam, sed ad illam mediam inter liberam & mere naturalem, quæ omnem liberum actum voluntatis antecedit, ut quæst. 14 art. 13. ostensum est: sit ut ratio mediorum ad finem cuiusque prædestinati, atque adeo id quod prædestinatio cuiusque dicit ex parte intellectus divini, non sit posterior electione ejusdem ad beatitudinem, quæ in Deo libera omnino est. Quo loco animadvertendum est, Theologos ita, cum Scripturis sanctis, in Deo consilium constituere, ut imperfectionem omnem ab eo secludant: non secluditur vero, si dicamus, Deum, post liberam finis volitionem, media ad finem propositi assentionem quaerere & investigare.

Ex imperfectione namque nostri intellectus oritur, ut consultatio de mediis posterior sit volitione finis, quatenus neque media; neque mediorum exitus, ante volitionem finis comprehendimus. Apud Deum vero longe aliter sese res habet, in quo tota ratio, tam agibilia, quam factibilia, liberam omnem actum voluntatis antecedit. Quare ex eo quod homines post volitionem finis inquirere & consultare soleant de mediis ad finem comparandum, efficax argumentum non est ut idem de Deo philosophemur, idque, quod in nobis imperfectio est, illi tribuamus.

Præterea art. 5. ostendimus, Deum non alia ratione prædestinatos in vitam æternam elegisse, quam complacendo sibi in mediis ac sine ipso beatorum prævisis: præcognoscendo enim per quæ media perventuri essent, ipsa in vitam æternam, & beatitudinem ipsis, & non, nisi ut per talia media beati evaderent, exoptavit. Elegit nos, ait Paulus ad Ephes. 1. in ipso, hoc est, in Christo: Christus autem medium est prædestinationis nostræ; neque aliter in Christo nos elegit, quam experiendo nobis merita Christi, cæteraque dona inde perfecta, quibus prævidebat nos in vitam æternam perventuros. Enimvero, si cum Damasceno, & communi Patrum scientia, imo cum scripturis ipsis, indubitanter tenendam est, Deum omnes homines creasse in vitam æternam, vereque, & non fictè, omnibus beatitudinem voluntate antecedente, seu conditionata, si per eos non staret, exoptasse, ut quæst. 19 ar. 6. late ostensum est, non potest contrarium affirmari; quod art. 5. ostendimus. Imo neque, dato contrario, libertas arbitrii nostri potest salva consistere.

Alii affirmant, actum intellectus, quem divina prædestinatio includit, non esse iudicium, seu intuitum, quo Deus prævidet modum, & media quibus quisque prædestinatus perventurus est in vitam æternam; sed esse imperium divini intellectus per modum legis ac præcepti, quo præcipit ipsam prædestinati ordinationem in vitam æternam, qui actus liber est, & per verbum imperativi modi exprimitur, supponitque actum liberum voluntatis, a quo intellectus applicatur & movetur ad eum eliciendum. Quæ sententia videtur Divi Thomæ in hac q. art. 4.

Quarundam sententia.

Electio non antecedit prædestinationem.

Electio prædestinatio non antecedit rationem mediorum ad finem, quam prædestinatio ex parte divini intellectus dicit.

Aliorum quorundam sententia.

junctis iis quæ de imperio intellectus prima secundæ q. 17 art. 1. tradit.

Confirm.

Confirmant autem, illam quoniam providentia & prædestinatio, quoad id quod ex parte intellectus divini dicitur, est notitia perfecte practica: talis autem, inquit, non est intuitiville, atque judicium divinum, sed est imperium divini intellectus.

Prædestinatio ex parte divini intellectus non dicitur imperium, sed judicium & intuitum mediorum in finem.

Hæc tamen sententia mihi nunquam placuit. In primis enim, ut prima secundæ loco citato satis, ni fallor, ostendimus, necessarius non est imperandi actus a prudentia monastica elicitus, ut quis, vel propriæ voluntati, vel membris, facultative suæ executrici, imperet, sive electionem mediæ, sive usum illius ad finem præparandum: sed satis est judicium, quo intellectus cognoscit mediæ, aptitudinemque singulorum ad finem, quæve eorum magis expediant, ut voluntas, sine alio imperio intellectus, eligat quod maluerit, moveatque membra facultativæ executricem ad operationem: eodemque modo satis est ex arte cognoscere qualis modus tenendus sit in quaque re fabricanda, ut voluntas absque alio imperio intellectus moveat membra, ceteraque instrumenta ad conficiendum artefactum. Præter alias vero rationes, quibus ideo loco ostendimus adducebamur in hanc sententiam: tum quia superfluous est hujusmodi actus: tum vel maxime experientia ipsa propria cujusque nostrum. Ibidem quoque exposuimus testimonia Aristotelis sextæ Ethicorum cap. 9 & 10. unde D. Thomas videtur motus, ut ejusmodi actum constitueret. Dixi, non opus esse tali actu imperii a providentia monastica elicitio ad functionem propriorum membrorum ac facultatum, quia prudentia oconomica, ac politica, actum necessarius eliciunt, cum quid observandum exequendumve sit, aliis præcipitur. Etenim leges ac præcepta, quibus alios moderamur ac monemus, actus imperiaque sunt intellectus, quæ vocibus, ac scriptis, ut propriis signis, exprimuntur. Quod si mente vicissim (ut de Angelis a multis dicitur) confabulari possemus, in mente ipsa imperantis cerneretur.

Imperium intellectus, quod sit lex & præceptum aliis, ex civitatis & oconomica prædestinatio concedendum est.

Deinde vero quod ad Deum optimum maximum attinet, potest sententia illa impugnari. Primo, quoniam ut Deus efficaciter velit vel media quibus prævidet præde-

stinatum perventurum in vitam æternam, vel effectus alios suæ providentiæ, satis est judicium quo intuetur accommodationem eorum ad finem; ut item, quod ita efficaciter vult, fiat tempore pro quo volitum est ut fieret, satis est volitio divina efficax: ergo illis duobus actibus integre & perfecte completur ratio prædestinationis aut providentiæ, superflueque ponitur in Deo actus voluntatis, quo, post judicium illud, voluntas libere moveat intellectum ad elicendum actum imperandi, vel circa suam volitionem mediorum ad finem, vel circa executionem ac existentiam mediorum, ut ab ipso met Deo efficienter emanent: maxime cum eadem ratione, qua voluntas divina sine prævio alio imperio intellectus posset velle ipsum actum imperandi liberum (alioquin, vel Deus nihil omnino vellet, vel daretur infinitus processus, tum in voluntatibus quibus actus imperandi vellet, tum in ipsis imperandi actibus) possit etiam velle res alias. Secundo, quoniam, ut Divus Thomas q. 14 ar. 8. affirmat, docetque communis Theolog. sententia, notitia sola divini intellectus non est causa rerum, sed indiget determinatione libera voluntatis, qua id, quod intelligitur, fit volitum: ergo nostro intelligendi more cum fundamento in re, nec ars, nec ulla alia notitia divini intellectus, est proximum principium rerum, sed solum id habet divina volitio efficax, qua talis notitia determinatur; quo fit, ut imperium divini intellectus non sit proximum principium rerum, ac proinde neque rationem providentiæ, neque prædestinationis compleat. Cum ergo, ut Deus efficaciter possit velle res, satis esse videatur cognitio earum atque accommodationis quarundam ad alias; quandoquidem Deum cum ea sola notitia non posse velle ut res sint, derogare videatur divinæ potentiæ ac perfectioni; in eoque quod velle possit, nulla cernatur contradictio, sit, ut nec prædestinatio, nec providentia imperium divini intellectus includant. Quando ergo Genesios 1. Explicatur aliqua sacra scriptura loca.

dicit:

dire: perinde atque ille alius sermo ad Romanos 4: Vocat ea quæ non sunt, tanquam ea quæ sunt, metaphoricus etiam est.

*Confirmatio contra-
ria senten-
tia delinquitur.*

Ad confirmationem contraria sententia negandum est, iudicium ac intuitum, quo Deus prævidet modum & media quibus aliquis perducendus est in vitam æternam, vel aliquid aliud est faciendum, non esse notitiam perfectissime prædicam.

*Ad primum
Scoti re-
spondetur.*

Superest respondendum ad argumenta quibus opinio Scoti, & D. Bonaventurae confirmata est. Ad primum enim negandum est, prædestinationem in scripturis sanctis appellari electionem, propositum, aut dilectionem. Licet enim prædestinati dicantur electi, & dilecti; eo quod prædestinatio electionem in vitam æternam, atque dilectionem adjunctam habeat; inde tamen non sequitur, prædestinationem in scripturis sanctis appellari electionem, vel dilectionem. Fieri namque optime potest, ut quæ conjuncta sunt ad invicem, variis nominibus significantur, & singula, concrete sumpta, de eodem supposito prædicentur. Ex eo autem, quod prædestinati sumus secundum propositum voluntatis divinæ, non sequitur propositum illud esse integram prædestinationem, sed ad eam esse necessarium, eamque complere.

Ad secundum.

Secundum vero argumentum solum probat, in prædestinatione includi actum voluntatis divinæ, quo Deus efficaciter vult, quantum ex se est, conferre ea media quibus prævidet prædestinatum ad eam dependentem a libero suo arbitrio perventurum in vitam æternam. Quare actus ille voluntatis divinæ, neque tota causa est effectuum omnium prædestinationis, cum multi ab influxu libero arbitrii pendeant, neque necessitatem ullam creato arbitrio inferat, ut art. 5. ostendimus.

Quid nomine effectus prædestinationis comprehendatur.

DISPUTATIO III.

Quod ad executionem prædestinationis attinet, dubium est; Utrum nomine, effectuum prædestinationis, intelligantur solum illi, qui supernaturales, finique supernaturali in suo ordine & gradu congruentes sunt, atque adeo ad ordinem gratiæ dicuntur

pertinere; de quibus quæst. 14 art. 13 a disput. 8. & rursus a 36. late dictum est: an vero universum omnes qui ad vitam æternam consequendam, aut incrementum illius, aliquo modo conferunt.

Breviter dicendum est: In primis comprehendi eos omnes qui ad ordinem gratiæ pertinent, atque etiam vitam ipsam æternam, ad quam cætera dona gratiæ tanquam ad finem ordinantur. Hos vero omnes, ut & præcipuos, comprehendit Paulus ad Roman. 8. ubi effectus prædestinationis explicat illis verbis: Quos prædestinavit, hos & vocavit (per auxilia videlicet gratiæ prævenientis, & excitantis, de quibus disputationibus citatis dictum est; tamen vocationem externam per prædicationem, exempla, flagella, & alia, de qua vocatione ibidem dictum est, non videatur excludere) quos autem vocavit, hos & justificavit; quos autem justificavit, illos & glorificavit. Porro gloria licet finis sit, ad quem prædestinatio cætera omnia, quorum est ratio, dirigit; id tamen non tollit quin effectus sit prædestinationis. Providentia namque causa est ejus finis, quem per media intendit, ac efficit, licet sit ratio mediorum ad finem.

Dicendum est deinde, omnia universum nomine effectuum prædestinationis comprehendit, quæ ad vitam æternam, incrementumve illius, aliquo modo conferunt; de quorum numero sunt, complexio ad probitatem apta, bona educatio, aliorum orationes; imo & mors ipsa, cum potius uno tempore, quam alio contingit. Quod probari potest; tum quia, ut ad Rom. 8. auctor est Paulus, Diligentibus Deum omnia cooperantur in bonum: tum vel maxime, quoniam dona gratiæ pendent sepe ex ejusmodi aliis mediis. Quod item aliquis e vita decedat in gratia, atque adeo sit prædestinatus, interdum pender ex eo, quod ei citius vel tardius suprema dies adveniat, juxta illud Sap. 4: Raptus est ne malitia mutaret intellectum ejus, aut ne fictio deciperet animam illius: placita enim erat Deo anima illius, propter hoc propteravit educere illum de medio iniquitatum: ergo ea omnia inter effectus prædestinationis numeranda sunt.

Porro duo necessaria sunt ut aliquid effectus sit prædestinationis. Unum est, ut illud sit a Deo: quod enim a Deo non est, esse ne-

*Explicatio
questionis.*

*Ut aliquis
sit effectus
prædestina-
tionis, que*

requiran-
tur.
Peccata
non possunt
esse effectus
prædestina-
tionis, per-
missio patet.

quit effectus prædestinationis; quippe cum prædestinatio sit ipsimet Deus. Quo fit, ut peccata dici non possint effectus prædestinationis, cum a Deo esse non possint; tamen si occasio sæpe sint ut aliquis beatitudinem, incrementumve illius consequatur. Permissio vero peccatorum, cum a Deo sit, & interdum cedat in commodum ipsius peccantis, cum inde humilior, cautior, & ferventior resurgit, & interdum in aliorum utilitatem, bene potest esse effectus prædestinationis. Alterum est, ut conferat ad beatitudinem, incrementumve illius re ipsa affluendum, vel sit beatitudo ipsa. Cum enim prædestinatio solum sit comparatione eorum, qui vitam æternam consequentur, esto effectus aliquis sit a Deo, atque is sit gratia gratum faciens, si tamen eo quis perventurus non est in vitam æternam, poterit esse effectus providentiæ, qua a Deo in vitam æternam dirigatur, non tamen prædestinationis, quæ nulla est comparatione ejus, qui tali effectui a Deo adjuvatur, quandoquidem supremam felicitatem sua culpa non assequitur.

Quid sit reprobatio.

ARTICULUS III.

Reprobatio approbationi opponitur, non quocunque modo, sed tanquam rejectio rei minime aptæ, exclusiove illius ab eo, ad quod, dum res aliqua approbatur, quasi digna admittitur. Porro approbatio ad intellectum spectat: est enim judicium mentis, quo aliquid judicatur verum, bonum, dignum, aut aptum, accommodatumve ad aliquid. Quoniam vero dum alicui rei assensum præbamus, illam tanquam veram admittimus, acceptamus, ac approbamus, Augustinus lib. 1. contra Academicos cap. 4. & in Enchirid. cap. 17. definit errorem, esse falsi pro vero approbationem. Licet autem approbatio interdum in solo mentis judicio consistat; sæpe tamen includit etiam actum voluntatis, quo res aliqua ad id eligitur & acceptatur, ad quod mentis judicio approbatur. Idque præsertim quando approbatio est ad eum finem, qui non solum finis, sed etiam præmi, pro qualitate meritorum conferendi, rationem habet.

Quia ergo hoc loco solum nobis est sermo

de approbatione ac reprobatione creaturarum mente præditarum comparatione beatitudinis, finis ac præmiis eisdem propositi, ut pro qualitate meritorum aut demeritorum, vel illis, tanquam dignis, reddatur, vel, tanquam eo indignis, denegetur, ac proinde iusta sententia adiganter suppliciiis æternis; in hunc modum utramque possumus definire. Approbatio, est judicium æternum, quo creatura rationalis felicitate sempiterna a Deo digna judicatur, cum proposito absoluto ea de causa futuræ remunerationis. Reprobatio vero, judicium est æternum, quo creatura rationalis a Deo indigna judicatur vita æterna, dignaque quæ æterna poena puniatur, cum proposito eam perpetuo excludendi a regno cœlesti, aut simul etiam puniendi cruciatibus æternis, poenave sensus, prout fuerint illius peccata.

Hinc jam facile erit intelligere, reprobationem non opponi directo prædestinationi, sed approbationi, quæ nostro intelligendi more in Deo prædestinatione posterior est. Etenim, qui prædestinatur, non ponitur prius natura dignus vita æterna, ut prædestinetur; sed per prædestinationem constituitur Deus illi media conferre, quibus dignus fiat vita æterna; unde ante prædestinationem non prævidebatur futurus dignus vita æterna, nisi ex hypothesi, si Deus eum vellet ita prædestinare; eo autem ipso quod Deus illum prædestinat, constituitur illi conferre media quibus perveniet in vitam æternam, prævidet illum absolute, & absque ulla hypothesi, futurum dignum vita æterna, atque ut talem eum ad vitam æternam approbat.

Duplex ergo electio est in Deo meditando. Una, de qua loquitur Paulus ad Ephesios primo, qua ante mundi constitutionem elegit nos in Christo, non quia eramus sancti, sed ut essemus sancti & immaculati in conspectu ejus in caritate, quod non est aliud, quam ob merita Christi media nobis voluisse conferre, quibus sancti essemus & immaculati in conspectu ejus in caritate, talesque in fine vite reperiremur: at hoc nihil est aliud, quam prædestinasse nos in Christo. Unde continuo subiungit: Qui prædestinavit nos in adoptionem filiorum per JESUM Christum in ipsum, secundum propositum voluntatis suæ, in laudem gloriæ gratiæ suæ, in qua glorificavit nos in dilecto filio suo,

Approbatio
divina quid
sit.

Reprobatio.

Reprobatio non
opponi di-
recte prædes-
tinationi.

Electio du-
plex in Deo
conside-
randa.

in

in quo etiam nos sorte vocati sumus, prædestinati secundum propositum ejus, qui operatur omnia secundum consilium voluntatis suæ. Alia electio meditanda est, quæ tantquam jam ex misericordia ac donis suis dignos effectus vitæ æternæ, nos ut tales acceptat, eamque tantquam dignis nobis tribuere statuit. In judicio ergo, quo tales nos judicat, & in acceptatione ac proposito vitæ æternæ nobis ut dignis conferendi posita est ratio approbationis; quæ exprimitur sententia illa Christi in die judicii: Venite benedicti Patris mei, possidere paratum vobis regnum a constitutione mundi; elutivi enim, & dedistis mihi manducare, &c. Tanquam rationem enim quare prædestinatus potius, quam reprobus, regnum cœlestis expetierit, tribuatque; reddit Christus Dominus ipsa opera, quæ per divinam gratiam iusti præstiterunt; quæ tamen reprobi neglexerunt.

Rejicienda est ergo sententia Durandi in primo dis. 40 q. 2. qui cum nobiscum consentiat, reprobationem opponi approbationi, nihilominus existimet approbationem esse electionem; ait tamen, per electionem, et reprobatio opponitur, prædestinatos in vitam æternam a Deo eligi antequam prædestinentur. Putat enim Deus prius eligere ad beatitudinem, eosque voluntate absoluta beatitudine donare, indeque moveri ad inquirendum de mediis, quibus in finem propositum eos prædestinet. Quæ sententia, non solum quatenus constituit electionem in vitam æternam ante prædestinationem, sed etiam quatenus affirmat, tali electioni directo opponi reprobationem, quorundam aliorum etiam est, ut mox dicemus. Verum tamen, neque talis electio est admittenda, ut art. 5. ostendimus; neque si admittenda esset, illi directo opponeretur reprobatio, ut diximus, fietque jam magis manifestum.

Dices tamen, si prædestinationi non opponitur directo reprobatio, quid ergo illi opponitur? Respondendum est, contradictorie opponi ei, non prædestinationem, seu non esse prædestinatum; nec opus est reperiri actum in Deo, qui illi quasi contrarie opponatur. Ratio est, quoniam non sicut Deus per prædestinationem causa est nostræ salutis, ita per aliquem suum actum, aut aliqua

alia ratione, causa est nostri interitus, & perditionis; sed nos soli peccando perditionis nostræ causa sumus, juxta illud Olee 13: Perditio tua Israel: tantummodo in me auxilium tuum. Quia ergo media, per quæ in vitam æternam perducimur, a Deo per prædestinationem nobis sunt volita atque donata; peccata vero, propter quæ, ut videbimus, reprobamur, non sunt a Deo, sed a nobis: inde est, ut necesse non sit, vel reprobationem, vel aliquem alium actum divinum, prædestinationi quasi contrarie opponi.

Reprobationis autem effectus sunt, in primis exclusio actualis a regno cœlesti, quæ fit in tempore: hic vero effectus reprobis omnibus, etiam si cum solo originis peccato e vita decedant, communis est. Deinde additio cruciatuum, pœnæ sensus æternæ, cui ex tempore manciantur ii, qui ex hac vita cum culpa actuali discedunt. Peccata vero propter quæ quis reprobatur, non sunt effectus reprobationis: quoniam reprobatio est a Deo, imo est ipsemet Deus: peccata autem nulla ratione sunt effectus Dei, ac proinde neque reprobationis, sed solum sunt effectus peccatoris qui reprobatur.

Licet peccata, propter quæ quis reprobatur, neque reprobationis, neque Dei sint effectus: duo tamen sunt necessaria, ut propter illa quis reprobetur. Unum est, ut tandem sint futura. Ad hoc vero necessarium est, ut Deus illa fieri permittat; vel ab eo qui propter illa reprobatur, vel saltem a primo parente, si propter peccatum originis ex Adam contractum reprobetur. Quia vero permissio peccati, ut quæst. 19 art. 12. explicatum est, prærequirit peccatorem sua libertate & nequitia esse peccaturum, nisi impediat, Deumque id providere: posita vero in eo est, quod cum Deus sua omnipotentia peccatum valeat impedire, non tamen impediatur: fit, ut licet divina permissio non sit causa peccatorum, propter quæ quis reprobatur, fit tamen conditio sine qua, sicut peccata non essent, ita neque propter illa reprobatur.

Alterum ex necessariis, ut propter aliqua peccata quis reprobetur, est, ut ab eis reliquo vitæ cursu non resurgat, sed in eisdem vitam finiat. Quoniam vero ita posset Deus multiplicare sua specialia auxilia, ut, quantum vis peccator durus esset & obsecratus, emol-

quasi contrarie opponatur.

Reprobationis effectus qui.

Peccata cur non sint effectus reprobationis.

Permissio peccati quæ potest habere ad reprobationem.

Durandi sententia rejiciatur.

Obiectio.

Solvitur.

Prædestinationi cur nullus actus opponatur.

liretur

liretur tamen & illuminaretur, ac tandem relisiceret; utique quemadmodum, ut sint peccata propter quæ quis reproberetur, tanquam conditio sine qua non essent, requiritur ut Deus illa permittat; ita etiam, ut in illis finiat vitam tanquam conditio sine qua non, est necessarium, ut interim non denegando auxilia cum quibus si peccator vellet posset resurgere, non sic illa augeat, aut multiplicet, ut ad eum terminum perveniant, quo cum prævideret peccatorem emolliendum, illuminandum, ac convertendum. Porro denegatio huiusmodi majorum auxiliorum, cum quibus, si suppeditarentur, converterentur, induratio dicitur peccatoris, atque excecatio in peccatis commissis; non quasi ea via durities aliqua, aut cæcitas peccatori adhibeatur, sed quod ab eo propria durities & cæcitas vi majorum auxiliorum non auferatur, ut quæst. 14 art. 13 disputatione 10. dictum est, & art. 5. sequenti amplius est explicandum.

Quid sit induratio.

Reprobatio, juxta D. Thomam, includit coactus reprobationis numeranda sunt, utrumve ratio reprobationis posita sit in actu voluntatis divina, quo ex aternitate Deus statuit peccata permittere propter quæ peccator damnandus est. D. Thomas hoc loco, Driedo de concordia liberi arbitrii & prædestinationis cap. 1: & quidam alii affirmant in reprobatione includi voluntatem permittendi ut peccator incidat in culpam, simulque inferendi pro ea poenam damnationis æternæ: quemadmodum, inquirunt, prædestinatio includit voluntatem conferendi, tam media, quam finem ipsum vitæ æternæ. Unde volunt permisionem peccati, & obdurationem illius, esse effectus reprobationis, non minus quam illationem poenæ damni, aut etiam sensus.

Oppositum videri probabilius.

Crediderim tamen, si proprie est loquendum, voluntatem permittendi peccata, propter quæ aliquis reprobis damnatur, appellandum non esse reprobationem, neque includi in reprobatione. Reprobatio enim approbationi opponitur, refectionemque significat judicio mentis, actuque voluntatis firmatam, qua indignus excluditur a fine & præmio proposito, ut paulo superius expli-

catum est: sicut vero nulla indignitas ejus, qui erat in gratia, antecedit permissionem primi peccati, propter quam peccare permittatur, eaque de causa neque tale peccatum habet rationem poenæ; ita neque æterna voluntas illud permittendi est propter aliquam indignitatem in peccante repertam, atque adeo proprie non habet rationem reprobationis, exclusionisve a fine vitæ æternæ. Præterea non solum ut durum & a ratione alienum sese auribus statim offert, voluntatem permittendi peccata, propter quæ reprobis damnatur, appellare reprobationem; sed neque cum usurpatione ejusdem vocabuli, quæ in scripturis sanctis reperitur, consentit. Etenim pro refectione & refutatione rei prius secundum se indignæ, quæ acceptetur & admittatur, semper accipitur. Ad Hebr. 6: Terra sæpe venientem super se bibens imbrem, & germinans herbam opportunam illis a quibus colitur, accipit benedictionem a Deo; proferens autem spinas ac tribulos, reprobata est, & maledictio proxima. Item prima ad Corinth. 9: cum præmiserat Paulus, Omnis, qui in agone contendit, ab omnibus se abstinere; & illi quidem ut corruptibilem coronam accipiant, nos autem incorruptam; subiungit: Ego igitur sic curro, non quasi in incertum; sic pugno, non quasi ærem verborans; sed castigo corpus meum, & in servitutem redigo, ne forte, cum aliis prædicaverim, ipse reprobis efficiar, hoc est, dignus propter peccata mea, qui a corona propolita excludar ac rejiciar. Voluntas ergo Dei æterna permittendi peccata, propter quæ peccator reprobandus est, si proprie loquamur, neque appellanda est reprobatio, neque quasi pars illius, sed solum conditio requisita ut sit reprobatio: nec forte aliud voluit D. Thomas. Idem dicendum est de æterna Dei voluntate, qua reprobis usque ad finem vitæ obdurare statuit.

Reprobationis nomen quo sensu in scripturis usurpetur.

An vero permissio peccati appellanda sit effectus reprobationis, merito dubitari potest. Et sane videtur posse id aliquo modo concedi. Quoniam cum pars integri finis ob quem est a Deo volita, sit, ut detur justa impiorum damnatio & reprobatio, eaque ratione in illis splendeat in æternum divina iustitia, non secus ac in prædestinatis misericordia; sit, ut permissio peccati reprobi sit in

Permissio peccati quo pacto concessi possit effectus reprobationis.

in genere causæ finalis effectus damnationis ac reprobationis.

*Splendor
divinae ju-
stitiæ nec
integræ, nec
sufficiens, nec
causa per-
missionis
peccati in
reprobis.*

Advertendum tamen est, splendorem divinæ justitiæ in damnatis, non solum non fuisse totum atque integrum finem, ob quem Deus permittere statuerit peccata, sed neque ulla ratione videri concedendam, fuisse vel præcipuam, vel tantam totius finis partem, quæ sola sufficeret, ut Deus vellet peccata permittere. Absit namque a fidelium cordibus de totius bonitatis, pietatis, ac clementiæ fonte suspicari, vel solam, vel præcipuam rationem quare peccata permittere voluerit, fuisse; ut, cum tanta creaturarum iactura & damno, haberet quod puniret, & in quo justitia ipsius splenderet. Quamvis enim id sine cujusquam injuria Deus tantum rerum omnium Dominus efficere potuisset, bonitatem tamen ipsius id minime videtur decere, neque lumen naturæ, quod tantam participatio quædam increati luminis divini vultus in nobis consignatum est, id docet; quin potius ut quid præ se speciem crudelitatis ferens, minimeque cum divina bonitate consentiens, respuit. Neque sane id ulla ratione videtur Deo tribuendum, quod probus quisque & sapiens vir in quocunque alio Reipublicæ principe, etiam si apud illum summa rerum omnium esset potestas, merito vituperaret. Quis autem non vituperaret principem, si ea præcipue ex causa res taliter in Rep. disponderet, peccataque permitteret, quæ tamen possent impedire, ut ea ratione haberet, quid iuste puniret, & justitiam suam vindicativam commendaret? Certe nemo factum non reprehenderet. Licet ergo splendor divinæ justitiæ a Paulo ad Rom. 9 inter fines, ob quos Deus peccata permittere, reprobareque eos impios voluerit, quos ro ipsa reprobat, computetur; non tamen is est finis solus, neque præcipuus, nec sine aliis finibus apud benignum Patrem sufficiens censetur.

*Permissio
peccatorum,
multi alii
fines præci-
pui nume-
rantur.*

Multi igitur alii sunt fines, iique præcipui, in permittendis peccatis Deo propositi. Unus est, ut creaturas libertate præditas propriæ naturæ conformiter agere sinat, easque ad finem ultimum honorificentius per propria merita perducat; cum quo conjunctum est, ut eas libera relinquat, ab eoque sine aliquas, propria earum sponte ac libertate peccando, aberrare sinat. Atque hic est

MOLINA.

finis ob quem D. Thomas hoc loco docuit, Deum permisisse peccata, volendoque ea permittere, atque, ut erat dignum, ea punire, reprobasse eos qui vitam in eis finirent. Alius est, ut occasione peccatorum foret Christi incarnatio, redemptio generis humani, certamina, victoriæque iustorum, & præcipue martyrum coronæ; in quibus omnibus, cum tanto generis humani emolumento, bonitas, pietas, misericordia, liberalitas, clementia, potentia, sapientia, & justitia divina, una cum tam copiosa dilectione generis humani, tantopere enitescerent. Atque hi quidem præcipui fines, & quidam alii ex iis, qui cum splendore divinæ justitiæ unum integrum finem permissionis peccatorum constituunt, quæstione præcedente art. 1 explicati sunt.

Quia ergo splendor divinæ justitiæ, qui in damnatis relucet, neque est integra causæ finalis permissionis peccatorum, neque sufficiens, ut propter eam solam Deus peccata permitteret: tum etiam quia, ut q. 19 art. 6: cum Damasceno dictum est, damnatio non est effectus voluntatis Dei antecedentis, quæ creaturas omnes mente præditas in sempiternam beatitudinem condere decrevit, eisque de mediis sufficientibus, quibus, si vellent, eam consequerentur, providere voluit, sed est effectus voluntatis consequentis, quæ prævidens aliquas sua culpa & libertate de tali fine defluxuras, malitia earum prævisâ, statuit sempiternis suppliciis punire eas, quæ vitam in peccatis essent finituræ (quæ ratione quæ præcedente art. 1 dicebamus damnationem non pertinere ad ordinem quasi primarium divinæ providentiæ, sed ad quasi secundarium) quia, inquam, hæc omnia ita se habent, inde est, ut permissio peccatorum, propter quæ reprobis damnabitur, quamvis eatenus possit dici, in genere solum causæ finalis, effectus damnationis & reprobationis, quia est volita a Deo etiam in eum finem, non tamen simpliciter, neque eo modo, quò dona gratiæ dicuntur effectus prædestinationis, dicenda sit effectus reprobationis; sed cum addito, videlicet tanquam partis finis ob quem est volita, quæque minime foret sufficiens, ut propter eam solam esset volita.

Permissio ergo peccatorum, obduratio & damnatio reproborum, quia a Deo sunt volita propter debitos fines, effectus sim-

*Permissio
peccatorum,
Obduratio,
damna-
tio, simplici-*

Rr

placiter

citer quidem sunt effectus divinae providentiae, reprobationis vero non eodem pacto.

placiter sunt divinae providentiae; non tamen reprobationis, nisi eo modo quem paulo ante explicavimus: quandoquidem damnatio non est a Deo ita expetita, quasi voluerit perditionem & punishmentem reproborum, in eumque finem eos creaverit, vel ejus gratia media illa permissionis peccatorum & obdurationis quassaverit, non sicut ac vitam aeternam praedestinatis expropraverit, cujus gratia creati sunt, atque, ut eam consequerentur, dona gratiae illis preparaverit. Alienum namque tum a divina bonitate ac pietate, tum etiam a fide Catholica esset asseverare, ita Deum sua providentia reprobos praedestinasse ad interitum & supplicium aeternum, sicut eadem providentia eos, qui salvi sunt, ad gloriam praedestinaverit.

Qualis & quo ordine a quibusdam reprobatio consideratur.

Non desunt qui meditentur, Deum optimum maximum ex aeternitate, nostro intelligendi more, quasi in primo quodam instanti constituisse creare eos omnes homines, & Angelos, qui usque ad finem mundi creandi erunt. In secundo vero, antequam quicquam de peccatis, meritis ac demeritis eorum cogitaret, voluisse conferre beatitudinem iis duntaxat, quos ad eam perducit: circa ceteros vero non solum habuisse se negative, ut vult Scotus, sed etiam in illo eodem instanti constituisse, non conferre illis beatitudinem. Postea vero in aliis instantibus cogitasse, tum de mediis quibus eos, quos in secundo instanti ita elegerat, perduceret in vitam aeternam, tum etiam de permittendis peccatis aliorum, obdurandisque in peccatis iis, quibus in illo eodem secundo instanti constituerat non conferre beatitudinem, &c. Affirmantque reprobationem non aliud esse, quam illum actum, quo Deus in secundo instanti, antequam de peccatis, meritis, & demeritis cogitaret, constituit certos quosdam beatitudine non donare, sed eos ab illa excludere. Addunt praeterea, eum actum quasi contrarie opponi electioni, quia ceteri in illo eodem instanti electi sunt in beatitudinem, antequam ad eam insequentibus instantibus per accommodata media praedestinarentur.

Resiluitur proposita sententia.

Verum haec sententia videtur omnino explodenda: tum, quod constituit in Deo ejusmodi actum, indignum sit divina bonitate, & clementia, minimeque cum literis

sacris congruat, ut art. 5 videbimus: tum etiam quia, ut diximus, non dicitur reprobare aliquem is, qui apud se constituit non eligere eum ad praemium, certumve finem; sed qui tanquam indignum ineptumque eum rejicit, atque a tali praemio sineve excludit: is enim, cui diversa media ad finem accommodatissima occurrunt, non dicitur reprobare cetera, quae ea ratione non eligit, quod unum eorum sit satis ad finem assequendum, sed solum, vel ea non eligere, vel velle non eligere dicitur: quare cum ex horum Doctorum sententia in illo secundo instanti non plus aptitudinis, meritorum, & dignitatis, eluceat in iis qui ad vitam aeternam eliguntur, quam in iis qui ab ea excludendi decernuntur, neque in his aliqua adhuc ineptitudo, peccatum, ac demeritum praevideatur; fit, ut talis actus rationem reprobationis non habeat, esto foret admittendus.

Esse vero in Deo reprobationem ex scripturis sanctis adeo est manifestum, ut salva fide negari non possit. Dicitur enim Mal. 1, & ad Rom. 9 Jacob dilexi, Esau autem odio habui; ostendensque Paulus nullam iniquitatem esse in Deo, propterea quod quosdam praedestinaverit, alios vero reprobaverit, subjungit: Numquid dicit signum ei, qui se fingit, quid me fecisti sic? an non habet potestatem figulus luti; ex eadem massa facere aliud quidem vas in honorem, aliud vero in contumeliam? Quod si Deus volens ostendere iram, & notam facere potentiam suam, sustinuit in multa patientia vasa irae apta in interitum, ut ostenderet divitias gloriae suae in vasa misericordiae, quae preparavit in gloriam, &c. & secunda ad Timotheum 2: de praedestinatis & reprobis agens, In magna, inquit, domo, non solum sunt vasa aurea & argentea, sed & signea & fictilia: & quaedam quidem in honorem, quaedam autem in contumeliam. Denique ex sacris literis constat, multos propter sua peccata excludi a vita aeterna, & cruciatibus aeternis puniri: cum ergo id Deus non ex tempore, sed ex aeternitate constituerit; fit, ut sit apud Deum aeterna reprobatio quorundam: sicut etiam apud eundem est quorundam aliorum aeterna praedestinatio.

Reprobationem esse in Deo probatur.

ARTICULUS QUARTUS ET QUINTUS.

Utrum ex parte prædestinati detur causa prædestinationis.

DISPUTATIO I.

Disputatio hæc ob rei nimiam profunditatem, ac difficultatem, varietateque opinionum, non poterit non esse fusior aliquanto: ut vero dilucidior reddatur, in varia membra erit dissecanda.

Sensus questionis explanatur.

MEMBRUM I.

Cum prædestinatio divinæ voluntatis propositum conferendi prædestinato ea supernaturalia media, quibus prævidet Deus illum in vitam æternam perventurum, includat; eo modo prædestinationis querenda est causa, quo divinæ voluntatis quæri potest. Quæstione vero 19 art. 5 ostensum est, divinæ voluntatis, secundum se, nullam omnino posse dari causam: rei tamen voluntæ posse esse causam propter quam sit volita. Sensus ergo quæstionis non est, an prædestinationis secundum se detur aliqua causa, sed an, quoad effectum, sit causa aliqua ex parte prædestinati, propter quam potius illi, quam alteri, sit a Deo expetitus: an vero nulla alia constituenda sit, quam divina voluntas, qua Deus libere ea beneficentia in unum potius, quam in alium, uti voluit.

*Explicatur
sensus quæ-
stionis.*

*Dari præ-
destinationis
causam
quoad par-
tiales effe-
ctus.*

Quo loco illud in primis animadvertendum est: Nemini posse esse dubium, partes totius, integrique effectus prædestinationis, inter se mutuo comparatos posse esse vicissim causas, propter quas sint a Deo prædestinato volitæ. Gloria namque finis est, ob quem Deus illi vult gratiam, & merita, cæteraque supernaturalia dona quæ ad gratiam & gloriam consequendam disponunt: contra vero, gratia & merita causæ sunt dispositivæ, & meritoria, propter quas prædestinatus sit dignus, ut a Deo beatitudine donetur. Tota ergo difficultas est, utrum totius effectus prædestinationis, prout comprehendit gloriam, & media omnia supernaturalia, quibus Deus unumquemque prædestinatum disponit, adjuvat, atque in sempiternam beatitudinem perducit, detur causa aliqua, propter quam Deus voluerit illi hæc conferre; an

nulla prorsus, sed id ex sola libera Dei voluntate pendeat.

Illud deinde notandum est, quod si ex parte prædestinati, spectati antequam Deus effectum prædestinationis illi velit, daretur aliqua causa, ob quam ei veller tribuere, vel primam gratiam, vel eas supernaturales dispositiones, quæ ad primam gratiam de lege ordinaria exiguntur, utique ex parte prædestinati, in suis tantum naturalibus spectati, daretur causa quare effecta prædestinationis Deus illi velit tribuere. Prima enim gratia principium est & radix meritum subsequendum, illaque, ad finem usque vitæ perseverans, medium sufficiens est ad perducendum in vitam æternam, atque adeo causa quare Deus velit prædestinatum beatitudine donare.

De erroribus Lutheranorum, Origenis, & Pelagii, Quod item fides prævisa non sit ratio justificationis, ac prædestinationis.

MEMBRUM II.

Prætermissis Lutheranorum errore, qui arbitrii libertatem, ac merita de medio tollit, Deoque auctori, divinæque prædestinationi ac reprobationi, non minus reprobatorum peccata quam prædestinatorum bona opera tribuit, ut quæst. 14 art. 13 disputatione 1 & sequentibus vidimus, fuisseque impugnavimus. Error Origenis, ut hoc loco refert D. Thomas, fuit, animas omnium hominum simul fuisse creatas ab initio, & pro diversitate operum, quæ pro sua libertate tunc egerunt, varios status in corporibus fuisse sortitas, quasdamque fuisse prædestinatas, alias vero reprobatas, ita scilicet, ut omnis earum inæqualitas ex inæqualitate operum quæ ab initio gesserunt, antequam corporibus unirentur, habuerit ortum. Hunc errorem innuit lib. 2 Periarchon c. 1. juncto capite ultimo precedentis libri. Eandem errorem videtur illi tribuere Leo primus epist. 11 ad Julianum Coensem Episcopum, in qua agens de Eutychetis errore, qui asserere videbatur, Verbum, dum carnem humanam assumpsit, adduxisse de coelo animam Christi, quasi anima illa præexistisset assumptioni, ait: Unde quod in Origene merito

*Lutheranorum de præ-
destinatione, & re-
probatione
error.*

*Origenis &
prædicti
error circa
animas &
prædesti-
nationem.*

damnatum est, qui animarum, antequam corporibus inferrentur, non solum vitas, sed & diversas fuisse asseruit actiones, necesse est ut etiam in isto, nisi maluerit sententiam abdicare, plectatur. Ejusdem erroris, tamen si Origenis nomine suppresso, meminit Hieronymus in illud ad Galat. 1: Cum autem placuit ei qui me segregavit ex utero matris meæ. Et in illud ad Ephes. 1: Elegit nos in ipso ante mundi constitutionem. Et in Epist. ad Demetriadem virginem. Meminerunt etiam Epiphanius in epistola ad Joannem Hierosolymitanum Episcopum, & Theophilus Alexandrinus lib. 1 sui Paschalis. In eodem errore videtur fuisse Priscillianus damnatus in Concilio Bracharensi primo, can. 6 his verbis: Si quis animas humanas dicit prius in celesti habitatione peccasse, & pro hoc in corpora humana interjectas, sicut Priscillianus dicit, anathema sit. Apertius adhuc eundem errorem refert damnatque Leo primus epist. 91 ad Turibium Asturicensem Episcopum, cap. 1. Origenis error, quatenus astruit animas extitisse antequam corporibus unirentur, alio in loco est impugnandus. Quod ad præsens vero institutum attinet, aperte convincitur, tum ex illo ad Rom. 9: Cum nondum nati fuissent, aut aliquid boni egissent aut mali, non ex operibus, sed ex vocante dictum est, quia major serviet minori; & Jacob dilexi, Esau autem odio habui. Tum etiam ex illo secundæ ad Timoth. 1: Vocavit nos vocatione sua sancta, non secundum opera nostra, sed secundum propositum suum & gratiam, quæ data est nobis in Christo Jesu.

Error Pelagii astruebat, hominem ex solis viribus liberi arbitrii amicitiam cum Deo inire, vitam æternam promereri, a peccatis resurgere, implere omnia præcepta, atque adeo in amicitia & gratia Dei usque ad finem vitæ perseverare posse. Auxilia vero & dona gratiæ necessaria esse dicebat, non quidem ut homo hæc omnia præstaret, sed ut facilius ac melius & ea efficere, & vitam æternam consequeretur. Quare totum effectum prædestinationis libero arbitrio, propriisque nostris meritis ascribebat: affirmabatque Deum supernaturalia omnia dona gratiæ & gloriæ statuisse his potius hominibus quam aliis, sub hæc potius quam sub alia mensura conferre, propter prævisa merita

liberi arbitrii, quæ ante hujusmodi divina dona homines haberent. Quo fit, ut, hunc esse prædestinatum, illum reprobum, hunc esse prædestinatum ad majorem gloriam, illum ad minorem, totum ascriberet, non gratiæ & auxiliis Dei, sed propriis meritis & industriæ liberi arbitrii.

Error hic impugnatus copiose a nobis est quæst. 14 art. 13 ubi ostensum est, liberum nostrum arbitrium, non solum non posse amicitiam cum Deo inire, vitamque æternam promereri, sed neque quicquam, tam ex parte intellectus quam voluntatis, absque peculiari auxilio & dono Dei efficere, quoad gratiam, amicitiamque cum Deo conciliandam se disponat, neque post acceptam justitiam posse universam legem implere, vel vitare peccata omnia, etiam lethalia, vel in accepta justitia absque speciali auxilio & dono Dei perseverare. Quare cum Pelagii error circa prædestinationem contrariis fundamentis innitatur, nova alia non opus est impugnatione.

Ad hunc Pelagianorum errorem, tanquam pars quædam illius, is etiam revocari potest, in quo fuit Augustinus antequam creatus esset Episcopus. Arbitratus namque homines ex solis naturalibus viribus elicere posse actum credendi qualis ad salutem necessarius est, non vero posse exercere opera meritoria sine caritate, quæ est donum Dei, in libro expositionis quarundam propositionum ex epistola ad Romanos, in expositione propositionis 60, 61; 62 & 63 asseruit, præscientiam fidei futuræ, atque infidelitatis, esse rationem ex parte prædestinatorum & reproborum, quare illi electi ad opera meritoria, per eaque prædestinati fuerint in vitam æternam; hi vero propter incredulitatem reprobat. Merito tamen lib. 1 retractat. c. 23 & de prædest. sanctior. cap. 3: re maturius considerata sententiam retractavit, asserens fidem etiam donum Dei esse, & sub effectu prædestinationis comprehendere, ac proinde neque ex eo capite posse reddi rationem prædestinationis; id quod satis est manifestum ex iis, quæ quæst. 14 art. 13 dicta sunt. Adde ex fidelibus multos esse reprobos: si autem prædestinatos conferamus cum fidelibus reprobis, non potest ratio illa reddi, quare illi prædestinati, hi vero reprobi fuerint.

*D. August.
nondum
Episcopi
falsa existi-
matio circa
idem, quæ
postea revo-
cavit.*

*Pelagii er-
ror circa
prædest.*

Ambrosii

Ambrosii Catharini sententia examinatur.

MEMBRUM III.

UT ad Catholicorum sententias deveniamus, Ambrosii Catharini sententia ante omnes alias examinanda occurrit. In primis præmittit, Deum ita omnes homines in vitam æternam cōdere decrevisse, ut eam illis omnibus conferre vellet; at sub certis legibus & conditionibus, quæ ab eorum arbitrio & voluntate penderent. Quia ergo, juxta testimonium Pauli, Deus vere vult omnes salvos fieri, in eumque finem omnes condidit, ut, si vellent, salutem assequerentur, ita illis de mediis necessariis providit, ut singuli re ipsa ad eum finem pervenire possint, per eosque iter non perveniant.

Addit deinde, Deum, qui dona sua, utpote nulli debita, distribuire potest prout vult, absque cujusquam injuria, aut acceptione personarum, elegisse paucos quosdam ex universa hominum multitudine quos præcavit, hoc est, præ aliis dilexit, tantaque donorum & gratiæ copia, tam peculiarique protectione in vitam æternam destinavit, ut ejusmodi beneficiorum vi fieri non possit quin in vitam æternam perducantur: quia scilicet a lethalibus culpis vel eos præservabit, vel, si corrumpant, eriget, ut tandem e vita in gratia decedant. Neque tamen, inquit, propterea liberum ab eis auferit arbitrium, rationemque tollit meriti, quin potius per abundantioris gratiam illud statuit, potensque reddit, ut præclariora, ardentioraque opera exerceat, quibus cumulatus præmium consequantur.

Juxta hæc ergo, universam multitudinem in duos ordines distribuit. Unum dicit esse eorum, de quibus paulo ante diximus, quorum salutem dicit esse certam, non solum certitudine præscientiæ, qua Deus prævidet quinam his vel illis mediis in vitam æternam perveniant, cum tamen possint, si velint, non pervenire, sed etiam certitudine providentiæ, quatenus fieri nequit, quin tot ac tantis gratiæ præsidiiis muniti vitam æternam, ad quam præordinati sunt, assequantur. Atque hos solos ait in sacris literis dici prædestinatos, esseque certum, at non magnum, eorum numerum.

In altero ordine, quem non prædestinatorum appellat, comprehendit dicit reliquam

hominum multitudinem, singulosque salvos esse posse: quippe cum de mediis ad salutem necessariis, quantum opus est, sit cuique eorum provisum: posse etiam unumquemque eorum voluntate sua perire ac damnari, si gratia & mediis ad salutem uti negligat; multosque proinde re ipsa esse damnatos. Nullam vero ait esse ab æterna vita reprobationem, præter eam, quam sibi quisque ob propria crimina acquisiverit. Cum autem verisimile non sit, neminem saluum fieri ex tanta hominum multitudine quibus per divinam providentiam de mediis ad vitam æternam necessariis sufficienter est consultum, cum in eorum arbitrio ejusdem consecutio posita fuerit, quin potius quam probabilissimum sit, multos ad eam pro sui arbitrii libertate pervenire, duo ait affirmanda esse: Unum est, multos ex iis, qui in non prædestinatorum ordine continentur, vitam æternam consequi. Alterum vero, numerum eorum non esse certum in divina providentia: quippe cum media ad vitam æternam hominibus hujus ordinis a Deo provisa, neque tanta neque adeo efficacia sint, quin pro libertate sui arbitrii ea recusare ac rejicere valeant. Subjungit tamen, numerum eorum esse certum in divina præscientia, quatenus prævidet Deus, quinam talibus mediis utendo vitam in gratia finire, æternamque proinde felicitatem adipisci debeant: qui vero ita sint eisdem abuturi, ut extremam incurrant miseriam. Hæc est sententia Catharini in opusculo illo de prædestinatione ad sanctum Concilium Tridentinum. Nam opuscula alia, quorum ego loco meminit, nondum ad meas manus devenerunt, in quibus tamen nihil contrarium docuisse videtur.

Opinio hæc ea de causa in primis vehementer nobis displicet, quod non omnes, qui vitam æternam consequentur, in prædestinatorum numero comprehendat, allèveretque ab scripturis sacris non eos omnes prædestinatorum nomine comprehendendi, sed eos tantum qui certo, divina præscientia seclusa, salvi erunt, vi duntaxat mediorum de quibus divinitus illis provisum est.

Ult vero ab hoc ultimo ordiamur, in primis nomine eorum quos ita prædestinatos dicit, non intelligit eos tantum, qui in gratia sunt confirmati: quandoquidem de ejusmodi prædestinatis hæc adjicit: Ipsos insuper dici-

*Duplex
ordo a Cath.
ex opina-
tione: alter
prædestina-
torum, non
prædestina-
torum
alter.*

*Insurgit
tunc opinio
Catharini.*

mus salutem omnino adepturos, nec posse contingere quin salvi non fiant, propter excellentem Dei gratiam ac protectionem & assilientiam spiritus, qui vel præservabit a peccatis, vel ab ipsis incurtis eripiet & liberabit, quo tandem cum pace dormiant, & in Domino requiescant: porro confirmati in gratia lethalia peccata non incurunt, a quibus eripiantur.

*Confirmatio
eorum in
gratia con-
sistit quod
non pecca-
bunt, unde
prosequitur.*

Deinde, esto illos solos comprehenderet, profecto, sedula præscientia qua Deus certo prævidet eos cum gratia & auxiliis peculiaribus, quibus singulis eorum opitulari constituit, pro libertate sui arbitrii ita cooperaturos, ut ad vitam æternam pervenirent, non esset certa eorum salus. Etenim gratia & auxilia, licet quo maiora sunt, eo verisimiliorem probabilioremque salutem ejus efficiant, cui conferuntur, nunquam tamen libertatem ab arbitrio tollunt, ut eisdem, si velit, non consentiat; neque unquam laudem illam, quæ ad meritum etiam confert, auferunt ab unoquoque iusto, quod potuit transgredi, & non est transgressus; facere mala, & non fecit: quare etiam si de mediis divinæ providentiæ circa beatitudinem eorum, qui a Deo in gratia confirmati dicuntur, sit sermo, non est certa salus eorum ex solo ordine mediorum divinæ providentiæ, sicut nec cujusquam alterius prædestinati ex adultis, sed ex præscientia qua Deus prævidet eos pro libertate sui arbitrii eisdem mediis perverturnt in vitam æternam. De quocunque namque adulto prædestinato semper verum est dicere, positum esse in manu consilii sui, ut ad quodcunque voluerit, sive bonum sive malum, porrigat manum. Confirmarique hæc omnia possunt, quoniam Paulus de numero erat eorum prædestinatorum, qui in gratia erant confirmati: sciens nihilominus in manu consilii sui esse positum ad quodlibet porrigere manum, ad mortem scilicet vel vitam, primæ ad Corinth. 9 de seipso dicebat, Castigo corpus meum, & in servitutem redigo, ne forte, cum aliis prædicaverim, ipse reprobus efficiat. Ex quibus omnibus illud jam est manifestum, nullos esse ita prædestinatos, ut ex solo ordine mediorum divinæ providentiæ sit certa eorum salus, ut Catharinus dicebat.

Deinde vero probatur, quotquot vitam æternam consequuntur, ad eam ex æternitate

esse a Deo prædestinatos, prædestinatorumque nomine ab scripturis sacris comprehendi. Primo, quoniam nullus suis solum viribus, sed a Deo supernaturaliter adjutus, beatitudinem consequitur: Deus vero ex æternitate prævidit, si cuique eorum conferre vellet ea media per quæ beandus tandem est, cum beatitudinem illam consecuturus: cum ergo voluntas talia media conferendi non fuerit elicitæ ex tempore, sed ex æternitate; sit, ut comparatione cuiusque eorum, qui vitam æternam assequuntur, in Deo fuerit voluntas æterna conferendi media, per quæ unumquemque beandum prævidebat: at prædestinatio non est aliud, quam voluntas conferendi ejusmodi media, ut patet ex ipsa prædestinationis definitione: ergo quotquot vitam æternam assequuntur, ad eam sunt a Deo ex æternitate prædestinati.

Secundo, ex illo ad Rom. 8. Quos præcivit & prædestinavit conformes fieri imagini filii sui, ut sit ipse primogenitus in multis fratribus: quo loco, quotquot prævisi sunt futuri conformes Christo, atque ut ad id pervenirent, media ex præordinatione divina acceperunt, futurique sunt fratres Christi, appellantur prædestinati: sed quicunque consequuntur vitam æternam, conformes sunt Christo in gratia, sanctitate, & gloria, suntque de numero fratrum Christi, præciti ac prædestinati ut ope & auxiliis divinis tales evaderent: ergo omnes sunt in numero prædestinatorum de quibus ibi loquitur Paulus. Confirmatur ex illo ad Rom. 9. Ut ostenderet divitiis gloriæ suæ in vasa misericordiæ, quæ preparavit in gloriam, quos & vocavit, non solum ex Judæis, sed etiam ex Gentibus, sicut in Osee dicit: Vocabo non plebem meam, plebem meam; & non dilectam, dilectam; & non misericordiam consecutam, misericordiam consecutam, & erit in loco ubi dictum est, non plebs mea vos; ibi vocabuntur filii Dei. Quibus verbis plane omnes, qui vitam æternam consequuntur, appellat vasa misericordiæ a Deo preparata, atque adeo ex æternitate prædestinata in gloriam, vitamve æternam consequendam.

Tertio, ex illo Apocalypsis 20. Qui non est scriptus in libro vitæ, missus est in stagnum ignis: quicunque autem vitam æternam consequuntur, non mittuntur in stagnum ignis: ergo si omnes in libro vitæ conscripti sunt: at esse

at esse aliquem scriptum in libro vitæ (maxime quando sumitur ut distinctum quippiam ab eo, quod est damnatum, vel reprobum, ut eo loco fit) est esse prædestinatum: ergo quotquot vitam æternam consequuntur, sunt prædestinati.

Dominicus a Soto in commentariis super cap. 9 Epistolæ ad Rom. & quidam alii eo recentiores, Catharinum impugnant, quasi affirmaverit, Deum non prius reprobasse eos, qui damnantur, quam illi ex tempore peccata committant. Moti autem videntur verbis illis Catharini: Adeo, ut jam nulla sit alia ab æterna vita reprobatio, præter eam quam sibi quisque ob propria peccata & flagitia acquisiverit. Ex eo vero Catharinum refellere conantur, quoniam dubium non est, Deum eos omnes odio habere, vellego excludere a regno cœlesti, aut etiam mancipare cruciatibus æternis, qui propter originale peccatum, aut etiam propter alia peccata damnantur: cum ergo ratio reprobationis divinæ compleatur per ejusmodi actum divinæ voluntatis, neque eum Deus eliciat ex tempore (ut Sotus fateatur Catharinum concedere) alias Deus mutaretur; sit, ut in Deo sit ex æternitate, atque adeo ut quotquot vitam æternam non consequuntur, ex æternitate a Deo sint reprobat. Quidam etiam alius ita Catharinum refutat, quasi asseruerit, numerum eorum, qui vitam æternam sunt consecuturi, nullo modo Deo esse certum: qui plane apertus esset error in fide.

Credo tamen Catharinum neutrum horum affirmasse. Etenim, quod ad hoc secundum attinet, manifeste affirmat, non esse quidem in providentia Dei determinatum numerum eorum qui salutem consequentur; esse tamen determinatum in divina præscientia: quasi dicat; si ad auxilia gratiæ & media, quibus Deus sua providentia singulis circa vitam æternam providit, attendas, cum unusquisque ita per suum liberum arbitrium possit cooperari, ut ad vitam æternam perveniat, aut ab ea in extremam miseriam desceat, non est certus numerus eorum qui salutem consequentur. At cum Deus certissime prævideat, quinam pro sua libertate sint cooperaturi, ut assequantur vitam æternam, qui non item; certus & firmus est numerus in divina præscientia, tam eorum qui vitam æternam consequentur, quam eorum qui in interitum incident sempiternum.

Quod vero attinet ad primum, Catharinus solum videtur voluisse, Deum neminem reprobasse absque demeritis prævisis; ea scilicet de causa præcisè ut haberet in quo iustitiam suam vindictivam posset ostendere, ut multi volunt, quod tamen crudelitatem & quasi tyrannidem sapit, videturque indignum divina bonitate ac iustitia, & libertati arbitrii nostri derogare: sed reprobasse propter demerita prævisa, ita ut non alia sit ab æterna vita reprobatio, quam ea quam quisque ob sua peccata & flagitia propria voluntate patrata acquisiverit. Neque in mentem credo venisse Catharino, actum voluntatis divinæ, quo Deus impios propter peccata prævisa futura in tempore reprobavit, non esse æternum, firmum, ac stabilem.

Sententia eorum examinatur, qui bonum usum liberi arbitrii prævisum, ut prioritate saltem naturæ primam gratiam justificantem antecedit, rationem prædestinationis adultorum esse affirmant.

MEMBRUM IV.

Henricus quodlib. 4 quæst. 19 ait eo modo prædestinationis, quoad effectum reddendam esse, non quidem causam propriæ, sed rationem ex parte prædestinati, quare huic potius, quam illi, Deus ejusmodi donum conferre voluerit, atque adeo quare hic potius, quam ille, sit prædestinatus, quo datur ex parte adulti ratio quare potius ipse, quam alius, primam gratiam recipiat. Cum enim, inquit, Deus omnibus paratus sit subvenire, licet ex parte adulti nulla sit causa meriti, datur tamen causa congruitatis, non propter quam, sed sine qua non reciperet gratiam, quæ alteri, quod simili causa carcat, denegatur. Universim autem, quæ ex parte nostri sint ejusmodi congruitates, affirmat esse nobis omnino investigabile, opusque esse exclamare cum Paulo: O altitudo divitiarum, &c. Et: Quam incomprehensibilia sunt judicia ejus, &c. Esse tamen ait accommodatum exemplum in duobus peccatoribus adultis, quorum corda aliquo motu gratiæ prævenientis exciterent, unus tamen statim pro sua libertate & nequitia contradicatur, alter vero minime. Licet enim neuter mereatur primam gratiam, congruum tamen est, ut Deus potius hunc, quam illum alium, ulterius adjuvet,

Sotus & alii quid Catharinum scribunt.

Cathar. a calumniis vindicatur.

Henrici, D. Bonæ, & Alexan. sententia.

adjuvet, atque ad gratiam perducatur, quod & facit. In his ergo ratio, ob quam unus potius, quam alius, recipiat primam gratiam, est congruitas, quæ ex usu liberi arbitrii cernitur in uno, non in alio: illaque prævisa, est ratio quare Deus uni primam gratiam, potius quam alteri, ex æternitate voluerit; & quare, si in illa ad finem vitæ usque sit perseveraturus, ille potius, quam alius, sit prædestinatus. Eadem sententia fuit D. Bonavent. in primo, dist. 41 art. 1 quæst. 1 & 2 eandem innuit etiam Alexander Aletensis prima part. quæst. 23 membr. 3 art. 1 & 3.

Henricus quodlib. 8 quæst. 5 addit: Bonum usum liberi arbitrii prævisum esse causam, seu potius conditionem ex parte adultorum prædestinatorum, quare ipsi potius, quam alii, sint prædestinati; ita ut bonus usus liberi arbitrii, qui antecedit primam gratiam, sit eo modo, quem paulo antea explicavimus, causa seu conditio sine qua non fuissent prædestinati, hoc est, congruitas quædam quare ipsis potius, quam aliis, ex æternitate voluerit Deus conferre primam gratiam, quam in tempore tribuit: & bonus usus, qui sequitur primam gratiam justificantem, & quo in ea fine lethalibus peccatis usque ad finem vitæ perseverant, sit causa seu conditio sine qua Deus nunquam ex æternitate voluisset illis conferre incrementum gratiæ, & vitam æternam, quæ re ipsa confert, atque adeo quare eos potius voluerit prædestinare, quam alios, quos prævidebat sua culpa talem usum liberi arbitrii non habituros. Ait namque, quamvis nullus sit bonus usus liberi arbitrii, quo prædestinatus vel ad gratiam se disponit, vel post illam adeptam opera meritoria exerceat, qui non sit simul a gratia, vel præveniente, vel justificante; quia tamen ita est a gratia, ut simul sit a libero arbitrio cooperante, quod, si velit, poterit non cooperari; sit, ut usus ille spectari possit ea præcisâ ratione qua ab arbitrio creato pender: eo vero pacto spectatum ait totum collectivè sumptum esse veluti causam sine qua non, seu potius conditionem ex parte adultorum tanquam congruitatem quandam, quare prædestinatis potius, quam non prædestinatis, fuerit effectus totus prædestinationis a Deo exoptatus, atque adeo quare illi potius, quam hi, fuerint prædestinati. Partes vero totius illius boni usus ait esse cau-

sas seu conditiones partium totius effectus prædestinationis.

Gabriel in primo, dist. 41 quæst. unica, contra communem Doctorum sententiam affirmat, solam gloriam esse effectum prædestinationis propriè loquendo, eo quod prædestinatio sit de fine: cum vero in adultis meritum antecedit gloriæ præmium, præmiumque propter meritum eis conferatur, ait prædestinationis, quoad effectum, dari in eis causam meritoriam. Jam vero in superioribus ostendimus, prædestinationem respicere quidem beatitudinem tanquam finem ad quem prædestinati ordinantur; versari tamen circa media, quibus ad eam perveniunt: quare rejiciendus est Gabriel, quatenus affirmat, solam beatitudinem esse propriè effectum prædestinationis. Addit Gabriel, si dicamus cum Magistro Sententiarum, etiam primam gratiam esse effectum prædestinationis, dari rationem prædestinationis quoad hunc effectum in multis prædestinatis, nempe bonum usum liberi arbitrii, qui tanquam dispositio de congruo ita antecedit infusionem gratiæ, ut sine eo gratia non infunderetur. Atque in hoc consentit cum aliis Doctoribus citatis. Dicit vero dari in multis adultis, non tamen in omnibus: Quoniam, ut inquit, in Paulo non præcessit bonus usus liberi arbitrii; quin potius, dum fideles insequeretur, ex sola voluntate & misericordia Dei mirabiliter vocatus ad fidem, & ad gratiam perductus est. Addit: Sanctificati in utero, ut beata virgo & alii, etiam sine prævia aliqua dispositione gratiam consequuti sunt. Id quod D. Bonaventura etiam adnotavit.

Chrysostomus Javellus in explicationibus ad primam partem D. Thomæ, tractatu de prædestinatione, cap. 5 distinguit in primis triplex genus concursus seu auxilii, quo Deus cum libero arbitrio creato concurrit. Nempe generale, speciale naturale, & speciale supernaturale. Concursum generalem ait non esse satis ad bona opera moraliter faciendâ: sufficere tamen ad peccatum, malumve quodvis patrandum, & ad actiones indifferentes. Auxilium speciale naturale affirmat in statu naturæ lapsæ esse homini necessarium ad quodcunque opus bonum morale: bona autem opera moralia, quæ non transcendunt limites operum mete naturalium, eo quod ad illa

Gabrielis opinio.

Javelli opinio.

ad illa non concurrat auxilium supernaturale, sed solum speciale mere naturale, dicit esse dispositionem ad gratiam gratum facientem, non quidem quæ ex condignitate ipsam gratiam mereatur, sed solum ex congruitate; ea tamen existente, gratiam gratum facientem a Deo semper infundi. Auxilium vero speciale supernaturale putat conferri ad eliciendum actum meritorium condignum vita æterna, esseque gratiam ipsam gratum facientem, seu caritatem, quæ est principium efficiens talem actum.

Affirmat deinde bonum usum liberi arbitrii prævisum, non quidem eum qui ex auxilio speciali supernaturali emanat, sed qui ex auxilio speciali mere naturali proficiscitur, antecedente primam gratiam, ad quam solum ex quadam congruitate hominem disponit tanquam actus mere naturalis, esse causam seu rationem prædestinationis ex parte adulti prædestinati; quod explicat proposito exemplo Jacob & Esau, distinguensque nonnulla instantia in actu cognitionis ac voluntatis divinæ. In primo arbitratum Deum utrique beatitudinem voluisse voluntate antecedente, si per illos non flaret; cum in eo puncto nihil inæquale in duobus fratribus, sed ambos æque capaces sempiternæ felicitatis conspexerit. In secundo statuisse utrique conferre æquales leges. In tertio decrevisse utrique donare auxilium universale, & particulare naturale, quo bonum & malum morale, ut vellet, efficere possent. In quarto prævidisse acceptandum a Jacob auxilium speciale ad actiones studiosas, legique divinæ parendum: ab Esau autem acceptandum solum auxilium generale ad mala & peccata patrandum: voluisseque Jacob voluntate absoluta vitam æternam donare, Esau autem eam tribuere noluisse, sed propter peccata prævisa in eo suam iustitiam ostendere voluisse. In quinto denique statuisse conferre Jacob auxilium speciale supernaturale, hoc est, gratiam gratum facientem, qua promeretur vitam æternam, idque propter priorem bonum illum usum liberi arbitrii ex auxilio particulari mere naturali procedentem, quo ex congruitate dignus ea gratia prævisus est; atque in eo instanti totam rationem prædestinationis Jacob completam fuisse.

MOLINA.

Præter id quod opinio hæc commune habet cum opinionibus præcedentibus propter duo, inter alia, non parum displicet. Unum est, quia ad quodcumque opus bonum morale necessarium esse auxilium Dei speciale affirmat. Contrarium enim ostendimus quæst. 14 art. 13 disputatione 5. Alterum quod longe magis displicet est, quia asserit, dispositiones, quæ in adulto antecedunt primam gratiam, omnes esse mere naturales, nec ullam vel auxilio Dei supernaturali adjuvari, vel transcendere limites actuum mere naturalium. Quod tamen ex iis quæ art. 13. citato dicta sunt, satis, ut credo, constat fidei Catholice repugnare.

Si ad id in quo Doctores hæc citati conveniunt, attendas, in eadem sententia invenies Thomam de Argem. in primo, dist. 41 art. 2, quo loco affirmat, causam prædestinationis adultorum esse bonum usum liberi arbitrii ipsorum prævisum, dummodo, inquit, ad finem usque vitæ prævidetur perseveraturus. Hanc enim conditionem ceteri Doctores admitterent, præsertim Javelus, qui opinionem Argentinæ, ut suæ consonam, refert.

Eadem quoque est sententia Benedicti in scholiis in Chrysostomum ad cap. nonum epistolæ ad Romanos, quam ibidem impugnatur Sotus quasi errorem Pelagianum. Quantum vero ex commentariis Soti licet colligere (neque enim scholia Benedicti ad meas manus deveniunt) in eo sensu affirmasse videtur, bonum usum liberi arbitrii a Deo prævisum causam esse prædestinationis adultorum, quia cum Deus prævideret hos potius, quam alios, assensum præbituros, cooperaturosque ad opera, quæ de lege ordinaria voluit esse dispositiones ad primam gratiam, in eaque adepta pro sua libertate usque ad finem vitæ esse perseveraturos, eodem elegit ut ad primam gratiam, & gloriam perduceret: alios vero propter malum usum proprii liberi arbitrii, & peccata prævisa, rejecit ac reprobavit.

In eadem sententia est Albertus Pighius lib. 8. de libero arbitrio cap. 2, ubi docet, cum Deus prævideret bonum & malum usum singulorum, præstareque esset opitulari singulis ad gratiam & gloriam consequendam, pro qualitate usus liberi arbitrii cuiusque

SS

præ-

*Inprobatur
Favelli opi-
nio.*

*Sententia
Tho. Ar-
gentinæ.*

*Benedicti
opinio.*

*Alberti Pighi-
us opinio.*

prævisi, statuisse conferre quibusdam gratiam & gloriam; aliis vero minime.

Barth. Camerarii.

Bartholomæus item Camerarius in dialogis de prædestinatione, bonum usum liberi arbitrii prævisum, quo adultus, & ad suam justificationem, primamve gratiam consequendam cooperatur, & postea in ea ad finem usque vitæ perseverat, tanquam meritum quoddam de consensu, causam prædestinationis ex parte adulti esse asseruit, aut certe conditionem sine qua non esset prædestinatus, ita ut ex parte boni usus liberi arbitrii adultorum sit causa congruentiæ quare Deus iuste, verbi gratia, Petrum, potius quam Judam, voluerit prædestinare. Cum doctoribus citatis consensit Hieronymus Osorius Episcopus Sylvensis lib. 9. de iustitia.

Hicorum doctorum sententia a Pelagii errore quatuor differet.

Dominicus a Soto in cap. nonum epistola ad Roman. licet cum solo Benedicto disputet, contendit tamen sententiam horum doctorum errorem esse Pelagianum. Verum longe ab eo distat. Pelagius namque affirmabat, bonum usum liberi arbitrii ex solis viribus naturalibus elicitum, dignum esse vitæ æternæ, gratiæ, & amicitia Dei, atque adeo unumquemque suis tantum viribus posse resurgere a peccato, fieri iustum, dignumque vitæ æternæ: hanc autem Doctores consentiunt quidem, non usum liberi arbitrii mere naturalem, sed etiam ex auxilio supernaturali Dei effectum jam supernaturalem ac talem, qualis de lege ordinaria a Deo exigitur ut sit ultima dispositio ad primam gratiam, non esse ex condignitate meritum illius, sed mere gratis ex misericordia Dei sine nostris meritis nobis conferri. Quod ergo volunt, illud est, quod cum Deus gratis præstet auxilia, quibus adulti ad gratiam disponantur, eamque illis jam dispositis gratis, hoc est, nulla condignitate, & merito simpliciter ex parte eorum præcedente, conferat; voluisse tamen ex æternitate conferre potius ea auxilia & gratiam iis, quos prævidebat libere consensuros, atque ita cooperaturos ad suam justificationem prout in tempore a nobis exigit, quam aliis, quos prævidit non ita pro sua libertate cooperaturos: voluisse insuper vitam æternam iis conferre, quos pro eadem ipsorum libertate prævidit ad finem usque vitæ in gratia jam accepta perseveraturos; non aliis, quos pro sua culpa maloque usu sui arbitrii præ-

vidit sine ea in peccatis decessuros: ita ut ex parte hominum adultorum ratio quare ex æternitate quosdam prædestinaverit, quosdam minime, fuerit bonus usus liberi arbitrii, tum ad primam gratiam consequendam, tum etiam ad perseverandum in ea usque ad finem vitæ, prævisus futurus in illis, & non in his, pro utrorumque libertate. Non quidem quasi ex condignitate & merito simpliciter talis usus fuerit ratio prædestinationis quoad effectus illius, sed solum ex congruitate quadam, quatenus & Deum ob suam bonitatem, sapientiam, & iustitiam, ita velle decebat, & usus ipse prævisus, Dei bonitate, sapientia, & iustitia spectatis, id ipsum suum etiam modo postulabat. Neque argumenta Soti quicquam adversus meritum congrui ita acceptum, quod a cæteris Doctoribus jure optimo communiter admittitur, concludunt. Vim tamen habent, si meritum de condigno ex parte peccatoris, primam gratiam antecedere diceretur.

Licet sententia horum Doctorum primo ad spectu probabilis videatur, si tamen ita eam accipi volunt, quasi Deus usum liberi arbitrii prævisum tanquam mensuram, & velut regulam elegerit, ut pro ratione illius auxilia & media ad salutem conferre ex æternitate constituerit, ita scilicet ut ex parte Dei fuerit æqualitas in auxiliis & mediis ad salutem cuique homini exoptandis, inæqualitas vero tota ortum habuerit ex inæqualitate seu diversitate usus liberi arbitrii prævisi, & ob id tanquam ratio, radix, & origo quare hi, & non illi, fuerint prædestinati, reddi possit usus liberi arbitrii prævisus, non dubito eam sententiam non solum esse falsam, sed etiam cum scripturis sanctis, imo cum experimento ipso quodammodo minime consentire, & Dei gratiæ præjudicium asserre, atque adeo parum tutam in fide eam arbitror, ne aliquid amplius dicam.

Hoc autem probari potest primo: Quoniam licet Deus adultis, facientibus quod in se est, nunquam deneger auxilia sufficientia ad salutem, ut quæst. 14 art. 13 disput. 10. ostensum est; alia tamen auxilia, quæ conferunt ad justificationem, vitamque æternam facilius assequendam, non semper donat pro ratione futuri usus liberi arbitrii, quin potius interdum denegat aliqua iis, qui bene illis uterentur, & ad gratiam pervenirent; quæ tamen

Bonus usus liberi arbitrii primam gratiam antecedens neque causa est, neque ratio prædestinationis.

tamen conceditis, qui illis abutuntur, suntque deteriores, ut constat ex illo Mat. 11: Vae tibi Corozain, vae tibi Bethsaida: quia si in Tyro & Sidone factae essent virtutes, quae factae sunt in vobis, olim in cilicio & cinere poenitentiam egissent. Ecce, Tyrii & Sidonii denegavit auxilia quibus fuissent conversi, quae concessit habitatoribus Corozain & Bethsadae, in quorum maiorem damnationem cesserunt. Quis similiter dubitet, si Deus ea extraordinaria auxilia quae praestitit Paulo pergenti Damascum & deinceps, praebuisse multis ex iis, qui hodie apud inferos torquentur, quin olim conversi, & gratiam, & gloriam adepti fuissent? Non ergo auxilia & effectus praedestinationis confert Deus pro ratione usus liberi arbitrii futuri, sed pro suo beneplacito ex sua misericordia & liberalitate spirat ubi vult, aliis parcius, aliis abundantius, omnibus tamen sufficienter ad salutem: aliis ea dona quibus praevidet pro libertate sui arbitrii perventuros in vitam aeternam, aliis ea quibus pro eadem libertate vitam aeternam non adepturos praecognoscit; quam tamen, si vellent, consequi possent.

Patribus legit scripta: maiora auxilia collata quam patribus legis natura. Tempore legis gratia nulla insignita.

Secundo: Quis dubitet, nulla ratione habitata boni usus liberi arbitrii futuri, longe maiora auxilia ad salutem collata fuisse patribus legis scriptae, quam patribus legis naturae? id quod scripturae veteris testamenti saepe docent; Non fecit taliter omni nationi, ait regius Vates Psalm. 147. & iudicia sua non manifestavit eis. Quis item dubitet, longe adhuc maiora donata fuisse tempore gratiae quam legis scriptae, eaque de causa multo plures proportionem quadam, & ad multo maiorem gloriam, praedestinos esse ex Ecclesia Christiana quam ex synagoga, & ex synagoga quam ex Ecclesia legis naturae? Sane praeterquam quod praecleara & salutifera sacramenta, quae in lege gratiae a Christo instituta sunt, & pleraque alia id aperte testantur, satis perspicue idem docuit Christus in illa vineae parabola Mat. 20. Longe enim minorem laborem eorum, qui novissima hora, hoc est, tempore gratiae, vocati sunt, iussit paterfamilias remunerari aequali premio cum aliis, qui longe plus laboraverunt; quoniam propter subsidia sacramentorum, abundantiora auxilia & gratiam quae meritis & inspi-

tutione Christi in lege gratiae conferuntur, multo minor labor eorum qui ad legem gratiae pertinent, est aequae aut magis fructuosus, quam maior eorum labor, qui ante tempus gratiae extiterunt. Eaque de causa novissimi facti sunt primi, ab eisque iussit paterfamilias inciperet praemii retributio. Eiautem, qui conquestus fuit, & dixit; Hi novissimi una hora fecerunt, & pares illos nobis fecisti, qui portavimus pondus diei, & aestus; satis fecit paterfamilias, nihil in bonum usum & strenuitatem eorum, qui una tantum hora laboraverunt, sed in suam gratiam & liberalitatem referendo, dicens: Amice, non facio tibi injuriam: nonne ex denario convenisti mecum? tolle quod tuum est, & vade. Volo autem & huic novissimo dare sicut & tibi. Aut non licet mihi quod volo facere? an oculus tuus nequam est, quia ego bonus sum? Idem testatur benedictio illa mysteris plena, qua Jacob Genes. 48. in Ephraim & Manasse nepotes suos usus fuit. Cum enim Ioseph pater eorum, Ephraim minorem natu ad sinistram, Jacob collocasset, Manasse vero natu maiorem ad dexteram; Jacob commutatis manibus, atque in crucis modum extensis brachiis, dexteram super Ephraim, sinistram super Manasse, maiori minorem praefendo, collocavit, quo facto apertissime docuit ac praedixit, juniorem Ecclesiam, tempore Messiae futuram, praefendam esse synagoga, ac donis amplioribus locupletandam, quae ex meritis, passionibus, & Cruce Christi, utrique Ecclesiae erant obventura. Hac etiam de causa Christus Lucae 10. conversus ad discipulos dixit: Beati oculi qui vident quae vos videtis. Dico enim vobis, quod multi prophetae & reges voluerunt videre quae vos videtis, & non viderunt; & audire quae auditis, & non audierunt.

Tertio, & fere in idem recidit argumentum: Quis dubitet, si Gentibus, quae ante adventum Christi fuerunt, Evangelium tot signis & virtutibus fuisset praedicatum, quot in ejus confirmationem facta sunt; si sacramenta & cetera subsidia ad salutem, quibus Christianus populus abundat, habuissent; quin multi ex illis, qui hodie sunt apud inferos, melius usi fuissent talibus subsidiis liberoque arbitrio, quam multi Christiani de numero praedestinatorum, & ad aequalem,

aut etiam longe maiorem beatitudinem pervenissent? Ut enim Hieron. aut quicumque alius ejus epist. auctor in epist. ad Demetr. virginem affirmat, multa ex antiquis Philosophis meliorem multo liberi arbitrii usum habuerunt, quam plerique ex Christianis: cum tamen nemo dubitet, multo plures ex Christianis, qui inferiorem usum liberi arbitrii habuerunt, prædestinatos, vitamque æternam consecutos fuisse: non ergo pro ratione liberi arbitrii futuri constituit Deus tribuere auxilia effectusque prædestinationis. Idem quoque argumentum confici potest de Gentibus, ad quas post Christi adventum nondum ob locorum distantiam nuntii Evangelii sunt perlati. De quorum numero sunt Japonenses Insule, quæ nunc primum a Lusitanis repetæ, ac perlustratæ, summo cum gaudio, & incredibili fructu, Evangelii lucem susceperunt: quæ natio moribus, usque liberi arbitrii, a prima origine multis gentibus antecellere comperitur.

Quarto: Cui dubium esse potest, quin multi fuerint ad inferos detrusi, qui pauciora crimina, quam Maria Magdalena, quæ fuit mulier in civitate peccatrix, ac Latro cum Christo Domino crucifixus, commiserunt: cum tamen hi fuerint de numero prædestinatorum? non ergo Deus effectus prædestinationis pro ratione usus liberi arbitrii prævisi solet conferre. Adde, quod interdum nonnullos justos, quos Deus prævidet in posterum male usus libero arbitrio, si diutius vivant, sæpe misericorditer rapit e vita antequam a gratia excidant, juxta illud Sap. 4: Raptus est, inquit, ne malitia mutaret intellectum ejus, aut ne fictio deciperet animam illius, cum tamen Saullem, quem constat antea justum fuisse, multosque alios permisit postea in gravia peccata incidere, quibus cum e vita discescerent.

Quinto: Ex parvulis, qui ante usum rationis ex hac vita discedunt, quibusdam confert Deus misericorditer effectum prædestinationis, quibusdam negat: siquidem quidam eorum cum baptismo, quidam sine baptismo moriuntur: ergo pari ratione, licet nulli adultorum neget auxilium sufficiens ad salutem, quibusdam tamen conferet misericorditer talia auxilia, quibus prævidet eos perventuros in vitam æternam, atque adeo

eos prædestinavit; aliis vero similia denegavit, quæ si concessisset, vita æterna potenteretur.

Sexto: Idem testimoniis scripturæ sacræ probari potest; Paulus enim ad Ephes. 1. ait: Prædestinavit nos in adoptionem filiorum per JESUM Christum, secundum propositum voluntatis suæ, in laudem gloriæ gratiæ suæ. Addit: In quo etiam nos sorte vocati sumus, prædestinati secundum propositum ejus, qui operatur omnia secundum consilium voluntatis suæ; manifestum est, Deum non statuisse conferre nobis effectum totum prædestinationis pro qualitate usus liberi arbitrii prævisi, quasi ille fuerit velut mensura effectuum prædestinationis, aut ratio & origo nostræ prædestinationis: eo enim dato, nunquam Paulus nos sorte vocatos, prædestinatosque esse secundum propositum voluntatis divinæ asseruisset, sed potius pro qualitate usus liberi arbitrii prævisi. Item ad Colossenses 1. ait: Qui dignos nos fecit in partem sortis sanctorum: ubi effectum prædestinationis sortem vocavit. Et secundæ ad Timot. 1. Qui nos liberavit, & vocavit vocatione sua sancta, non secundum opera nostra, sed secundum propositum suum, & gratiam. Ad Rom. 9: Non ex operibus, inquit, sed ex vocante dictum est, quia major serviet minori, & Jacob dilexi: & miserebor, cujus misereor; & misericordiam præstabo, cui miserebor. Unde concludit: Igitur non volentis neque currentis, sed miserentis est Dei. Psalmographus, quoniam voluit me. Quæ omnia aperte sonant, Deum non pro qualitate usus liberi arbitrii prævisi, sed pro suo beneplacito ac voluntate effectum prædestinationis conferre statuisse.

An prævisi boni usus liberi arbitrii, qui gratiam justificantem consequuntur, sit ratio prædestinationis adulatorum. Quid item sentendum sit de iis, qui ad usum rationis non perveniunt.

MEMBRUM V.

DIVUS Thomas hoc loco refert quorundam aliorum sententiam, qui dicebant opera meritoria, cumve bonum usum liberi arbitrii prævisum, qui post comparatam primam gra-

Aliorum opinio.

gratiam in adultis cernitur, esse rationem quare Deus ex æternitate eisdem primam gratiam conferre voluerit, & beatitudine donare, quos in gratia ad finem usque vitæ perseveraturos conspexit, atque adeo quare quosdam prædestinaverit, reliquos vero, quos sua nequitia & libertate tales futuros non esse prævidit, reprobaverit. Dominicus

Us a Soto impugnetur

ad Romanos, ita impugnat hujus sententiæ auctores, quasi existimaverint, primam gratiam esse effectum operum quæ illam consequuntur, conferri-que adultis non secus ex suis meritis, tametsi futuris, ac gratiæ & gloriæ incrementum ex propriis meritis conferatur: quod plane esset error manifestus in fide. Etenim gratia illa, si ex operibus conferretur, jam non esset gratia, ut Paulus ad Romanos II ostendit. Quare supervacaneum duxi alias rationes ad illam in eo sensu impugnandum, quas Sotus, & alii accumulunt. Crædo tamen sententiam illam non ita esse exponendam, sed ut eam hoc loco D. Thomas interpretatur. Nempe, ut ille bonus usus prævisus non sit meritum ad gratiam antecedentem, sed tantum congruitas ob quam Deus gratiam donare voluerit potius bene usuris, quam male usuris suo beneficio. Non secus ac si Rex equos gratis donare vellet suis militibus, prævideretque quinam bene illis essent usuri, qui non item, rationi consentaneum judicaretur, ut equos, iis potius, qui bene illis forent usuri, quam aliis, donaret. Bonus namque ille usus equorum ex parte militum, prævisus a Rege, inæqualitatem illam in distributione donorum rationabilem reddit.

Prædestinatio non est propter bonum usum liberi arbitrii qui gratiam sequitur.

Sententia hæc, etiam hoc modo explicata, non minus falsa est, & a scripturis sacris aliena, quam quæ membro præcedente impugnata est: argumentaque, quibus illa refutata est, non minus hanc impugnant, ostenduntque satis esse in fide periculosam, ne aliquod amplius dixerim. Possimus etiam has addere rationes. Prima est, quia sæpe Deus confert gratiam reprobis, illisque qui continuo absque alio bono usu per peccata lethalia sunt eam amissuri: gratia namque Spiritus S. ut Ambrosius ait, nescit tarda molimina, sed statim ac quis ex auxilio Dei quod nunquam deest, ad eam vel per sacramentum, vel sine sacramento suscipiendam, sus-

scienter se disponit, illam recipit: ergo prima gratia non confertur ob prævisum bonum usum illius subsequenter. Secunda, Paulus ad Ephes. I. ait: Elegit nos in ipso ante mundi constitutionem, ut essetis sancti & immaculati in conspectu ejus in caritate: ubi non dixit, quia futuri eramus sancti & immaculati: non ergo Deus ex æternitate conferre nobis statuit primam gratiam, effectumve prædestinationis propter prævisum bonum usum illius subsequenter, sed ut illum haberemus. Et c. 2. ait: Gratia estis salvati per fidem, & hoc non ex vobis: Dei enim donum est, non ex operibus, ut ne quis gloriatur, non ergo prævisa bona opera subsequenter fuerunt ratio, ob quam Deus fidem, & gratiam nobis conferre voluerit. Ad Titum item tertio: Non ex operibus, inquit, iustitiæ, quæ fecimus nos, sed secundum suam misericordiam salvos nos fecit: ubi soli suæ misericordiæ, non operibus nostris prævisis, nostram tribuit justificationem. Tertia, quia in Latrone, qui simul cum Christo cruci fuit affixus, & in multis aliis, qui jam animam agentes, vel ad fidem convertuntur, suscipiuntque baptismum, vel alia ratione a peccatis resurgunt ac justificantur, parum admodum, aut nihil usque gratiæ futuri prævidet Deus: non ergo propter bonum usum subsequenter prævisum gratia donatur, & prædestinantur adulti.

Quod vero ad eos prædestinatos attinet, qui ante obitum nunquam ad usum rationis parvulorum perveniunt, ex quibus sumitur etiam evidens argumentum, gratiam non confertur propter bonum usum liberi arbitrii subsequentem prævisum, quidam, quos Prosper in epist. ad Augustinum, quæ habetur ante librum de prædestinatione sanctorum, refert, pericaciter contententes usum liberi arbitrii cujusque a Deo prævisum rationem esse ex qua prædestinatio aut reprobatio penderet, cum objiceretur de parvulis, quorum quidam suscepto baptismo absque ullo usu liberi arbitrii pervolant in cælum, alii vero discedentes sine remedio contra peccatum originis damnantur, respondebant: hos etiam salvari, aut damnari, pro qualitate usus liberi arbitrii quem Deus prævidit illos habituros, si ad usum rationis pervenissent.

Error circa parvulorum prædestinationem & reprobationem proponitur.

Refutatur.

Error hic, tum ob apertam absurditatem, tum quod gratis asslatur, impugnatione non indigebat: impugnari tamen potest, cum Hieron. lib. 3 Dialog. adversus Pelagianos, August. epist. 105 ad Sixtum, verius finem, & epist. 107 ad Vitalem, & de prædestinatione sanctorum c. 12, 13 & 14. & Greg. 27 Moral. c. 2: Primo, quoniam ut nullus damnatur propter demerita, quæ Deus conspiciat illum fuisse habiturum, si vel diutius vixisset, vel in alio ordine rerum fuisset collocatus, aut graviore tentatione, periculosioresve occasiones, incidendi in peccata, Deo permittente, habuisset: ita etiam nullus consequitur præmium, aut gratiam, propter merita quæ habuisset, si vel diutius viveret, vel in alio ordine rerum collocaretur, potentioribusque auxiliis juvaretur: ea enim ratione multi exiis, qui sunt apud inferos, essent in coelo, & e contrario, multi ex iis, qui beati sunt, in inferno cruciantur: non ergo, quod ex parvulis quidam discedant cum baptismo & iustificentur, alii vero minime, provenit ex meritis aut demeritis quæ habituri essent, si adolevisset: maxime cum in baptizatis conspiciat Deus, quod, si ad talem vel talem ætatem cum his vel illis auxiliis pervenirent, discederent in gratia: si vero ad quamdam aliam longiorē, vel breviorē, & cum aliis vel aliis auxiliis, & occasionibus, in peccato lethali discederent. Adde, quod si pro qualitate meritorum aut demeritorum, quæ essent habituri, iustificarentur, aut damnarentur, etiam pro quantitate illorum consecuturi essent maiorem gratiam & præmium, aut supplicium, quod est ridiculum. Secundo, quoniam, ut bene argumentatur Augustinus, merita aut demerita, quæ nunquam sunt futura, nullius sunt merita aut demerita, ut propter illa præmio vel poena iuste afficiatur: unde Paulus secundæ ad Cor. 5: Omnes nos, ait, præsentari oportet ante tribunal Christi, ut referat unusquisque propria corporis, prout gessit, sive bonum, sive malum: Prout gessit, dixit, & propria corporis, hoc est, dum in corpore vixit, quia illis tantum poena aut præmium respondet: Matth. enim 24 dicitur: Nisi breviari fuissent dies illi, non fieret salva omnis caro; sed propter electos breviabuntur. Et Sapient. 4 de iusto dicitur: Raptus est, nemali-

Meritis, aut demeritis, quæ nunquam erunt, neque præmium neque poena debetur.

tia mutaret intellectum ejus, aut ne fictio deciperet animam illius: placita enim erat Deo anima illius, propter hoc prosperavit educere illum de medio iniquitatum. Non ergo vel parvuli, vel adulti, gratiam, prænam, aut præmium consequuntur pro qualitate ius liberi arbitrii, quem habituri essent, si diutius viverent.

Divi Thomæ communiorque inter Scholasticos de prædestinatione sententia.

MEMBRUM VI.

Prima D. Thom. conclusio.
S^{ententia} D. Thomæ hoc loco, quæ communior est inter Scholasticos, his duabus conclusionibus continetur. Prior est: Prædestinationis, quoad effectus particulares ex quibus integer prædestinationis effectus consistat, nihil prohibet unum esse causam alterius: ut posteriorem esse causam prioris in genere causæ finalis: priorem vero esse causam posterioris in genere causæ meritorie, quam dicit D. Thomas reduci ad dispositionem materiæ. Verbi gratia, dicimus Deum præordinasse se datorum alicui gloriam ex meritis, tanquam ex dispositione illius prærequisita, causæ ex parte illius meritorie gloriæ: & præordinasse se datorum alicui gratiam, ut mereretur gloriam, quare gloria causa finalis est meritorum & gratiæ. Imo prima gratia causæ est finalis dispositionum antecedentium infusionem gratiæ. Et dispositiones illæ, licet non sint causæ meritorie, sunt tamen quasi materiales causæ primæ gratiæ, quatenus de lege ordinariæ a Deo constitutum est, ut sint dispositiones ad illam comparandam necessaria.

Secunda D. Thom. conclusio.
Posterior est: Prædestinationis, quoad integrum effectum, non datur causa ex parte prædestinati. Probat: quia quicquid est in homine, quo in vitam æternam dirigatur, id totum comprehenditur in integro effectu prædestinationis, etiam ipsa preparatio ad gratiam, quæ non fit nisi per auxilium particulare Dei: ergo nulla ratione fieri potest, ut integri effectus prædestinationis aliqua causæ ex parte nostri reperitur. Prædestinationo igitur, hoc modo spectata, ex parte effectus habet pro ratione divinam voluntatem, ad quam totus effectus prædestinationis ordinatur ut in finem, & ex qua, sicut ex principio primo movente, procedit. Hæc D. Thomas in corpore hujus articuli.

Eadem

Eadem sententia est Augustini multis in locis. Præter multa vero alia, est locus insignis lib. de prædestinatione sanctorum c. 15: ubi in prædestinatione illa Christi (qua, juxta Paulum ad Rom. 1 prædestinatus est filius Dei, & quæ, ut sions fuit & origo totius gratiæ generi humano post Adæ peccatum collata, ita prædestinationis cæterorum) ait, esse præclarissimum lumen prædestinationis & gratiæ Adami posterorum. Ut enim humanitas Christi assumpta est a Verbo divino, nullis omnino existentibus illius meritis, atque adeo Christus, quia homo est, ex æternitate, nullis prævisis ipsius meritis, prædestinatus est, ut esset filius Dei: ita prædestinatio sanctorum, quæ in sancto sanctorum maxime claruit, a quo tanquam a capite gratia, per quam singula membra ex æternitate prædestinata sunt, se diffundit, nullis fuit prævisis eorum meritis, sed ex sola misericordia, liberaque voluntate divina. Eadem sententia est Magistri Sentent. in primo, dist. 41. Scoti, Durand. Gregorii Ariminensis eadem dist. Marfil. q. 41. Driedonis de concordia liberi arbitrii & prædestinationis, Cajetani, & Soti in cap. nonum epistolæ ad Rom. & fere cæterorum sectatorum D. Thomæ, plurimumque aliorum.

D. Thomas in responsione ad tertium addit, ex parte hominum prædestinatorum & reproborum nullam esse causam seu rationem quare quidam eorum sint a Deo prædestinati, alii vero reprobi: sed rationem sumendam reddendamque esse ex parte Dei. Et quidem quod in genere quidam hominum ex æternitate fuerint a Deo electi, & prædestinati; alii vero fuerint reprobi, ratio, inquit, fuit, ut in prædestinatis divina bonitas per modum misericordiæ eluceret, clementer parcendo; in reprobis per modum justitiæ, illos juste puniendo. Hanc enim reddit Paulus illis verbis ad Rom. 9: Volens Deus ostendere iram suam, id est, justitiam vindictivam, & notam facere potentiam suam, sustinuit in multa patientia vasa iræ apta in interitum, ut ostenderet divitias gloriæ suæ in vasa misericordiæ, quæ præparavit in gloriam. Et secunda ad Timoth. 2 dum ait: In magna domo non solum sunt vasa aurea, & argentea, sed & lignea & fictilia, & quædam quidem in honorem, quæ-

dam autem in contumeliam. Quod vero hos determinate prædestinaverit, illos reproboverit, non est alia ratio, quam divina voluntas, qualibet id iati fieri voluit. Adhibet duo exempla. Quemadmodum, inquit, cum materia prima rerum sub lunarium tota sit ejusdem rationis, si quis petat, Cur Deus in prima rerum constitutione partem quandam posuerit sub forma ignis, partem aliam sub forma terræ? responderi optime potest, ut esset diversitas specierum in hoc mundo universo, quæ diversis modis divinam bonitatem, sapientiam, & potentiam repræsentarent, tum etiam ad alios congruos fines. Si vero petat, cur potius hanc partem formæ ignis subjecerit, quam eam, quæ formæ terræ subijcitur? non potest reddi alia ratio, nisi quia voluit. Quemadmodum etiam, cum ratio artis postulet ut ab artifice quidam lapides in una parte ædificii, alii in alia collocentur, non potest reddi alia ratio quare determinate hos posuerit in hac parte potius, quam in alia, nisi quia voluit artilex. Neque tamen (inquit D. Thomas) propterea est iniquitas apud Deum, si æqualibus inæqualia præparat: cum ex gratia hominibus effectum prædestinationis, & non ex debito conferat. In iis enim, quæ ex gratia conferuntur, potest quis pro arbitrio plus uni, quam alteri, absque ulla injustitia, vitiove acceptionis personarum donare, quod vitium solum potest habere locum in iis, quæ ex justitia conferuntur.

Hic obiter, quoniam fortasse in sequentibus non se offeret opportunus alius locus, dicam, non adversari huic ultimæ doctrinæ D. Thomæ illud Petri Actuum 10: In veritate comperi, quia non est personarum acceptor Deus, sed in omni gente, qui timet eum & operatur justitiam, acceptus est illi. Etenim eo in loco non erat Petro sermo de personarum acceptione, quæ est vitium, opponiturque justitiæ, sed de optione, electioneque populi Judæorum, præ Gentibus, reliquove orbe, cui Christi gratia peculiariter, tanquam populo cui erat Messias promissus, communicaretur, quasi Judæi post Christi mortem, genus humanum redemptum, & cæli janua apertam, futuri etiam essent peculiaris Ecclesiæ Christi & Dei, in quam aliter aut copiosius Dei dona per Christum descenderent, ut ante Christi adventum descende-

scenderant, erantque peculiaris Ecclesia præ cæteris gentibus: quin potius legem veterem cessasse omnino, destructamque esse macedonem legalium, quæ illucque synagogam a Gentium Ecclesia dividebat, factumque esse unum commune ovile sub uno pastore, unamque communem Ecclesiam, quæ æque complecteretur omnes, qui tam ex Judæis, quam ex Gentibus ad eam vellent accedere, sine ulla prorsus, vel prerogativa majori, vel divisione inter eos. Unde Paulus ad Ephes. 2: cum conversis ex Gentibus agens ait: Propter quod memores esstote, quod aliquando vos, qui eratis Gentes in carne, qui dicebamini præputium ab ea quæ dicitur circumcisio in carne manufacta, qui eratis illo tempore sine Christo, alienati a conversatione Israël, & hospites testamentorum (veteris scilicet quod Israël ita habebant, & novi quod sub Messia sperabant) promissionis spem non habentes, & sine Deo in hoc mundo: nunc autem in Christo Jesu vos, qui aliquando eratis longe, facti estis prope in sanguine Christi. Ipse enim est pax nostra, qui fecit utraque unum, & medium parietem maceræ solvens, inimicitias in carne sua, legem mandatorum decreta evacuans, ut duos conderet in semetipso in unum novum hominem, faciens pacem, ut conciliet ambos in uno corpore Deo per Crucem, interficiens inimicitias in semetipso, & veniens evangelizavit pacem vobis, qui longe fuistis, & pacem iis qui prope: quoniam per ipsum habemus accessum anibo in uno spiritu ad Patrem. Ergo jam non estis hospites & advenæ, sed estis cives sanctorum & domestici Dei, superædificati super fundamentum Apostolorum & Prophetarum (id est, in quo Apostoli & Prophetæ fundati sunt) ipso videlicet summo angulari lapide Christo Jesu: in quo omnis ædificatio constructa, crescit in templum sanctum in Domino, in quo & vos coedificamini in habitaculum Dei in Spiritu sancto. Hactenus Paulus. Quia ergo Petro; tanquam Ecclesiæ capiti, in visione illa lineæ submissi de caelo, in quo erant omnia quadrupedia, & serpentina terræ, & volatilia cæli, & in reliquis, quæ eo capite circa Cornelii conversionem accidisse narratur, primo omnium Apostolorum facta est revelatio aperta cessationis legalium, æqualitatisque Gentium

cum Judæis in participatione gratiæ Christi in uno & eodem corpore Ecclesiæ, quam Christus sanguine suo, evacuata lege veteri, fundavit; id admirans, conversusque ex Judæis, qui ipsum fuerant comitati, manifestans, dixit: In veritate comperi (nunc scilicet in iis, quæ circa hæc Cornelii vocationem ad finem acciderunt, mihi quæ illius occasione revelata sunt) quia non est personarum acceptor Deus, quasi Judæos præ Gentibus, sicut ad synagogam, ita ad Ecclesiam, quam Christus sanguine suo fundavit, elegerit: sed in omni genere, qui timet Deum, & operatur iustitiam, acceptus est illi, paratus scilicet omnes æque recipere. Unde Paulus ad Ephesios 3: statim post verba paulo ante relata, subiungit: Cujus rei gratia (quia scilicet id ita doceo) ego Paulus victus Christi Jesu pro vobis Gentibus (ea enim de causa interficere eum voluerunt Judæi, tanquam qui discessionem a lege Moysis doceret, comprehensusque fuit Hierosolymis, & victus Romæ detinebatur, quando hæc scripsit) si tamen audistis dispensationem gratiæ, quæ data est mihi in vobis, quoniam secundum revelationem notum mihi factum est sacramentum, quod aliis generationibus non est agnitus filiis hominum, sicut nunc revelatum est sanctis Apostolis & Prophetis (novi scilicet testamenti) in spiritu Gentes esse coheredes, & concorporales (id est, simul & æque partes in eodem corpore Ecclesiæ) & comparticipes promissionis in Christo Jesu per Evangelium, &c. His autem obiter annotatis ad rem propositam redeamus.

Nonnulli ita sententiam hanc defendunt, ut duplex auxilium divinum constituent, quoddam efficax, quoddam sufficiens, verumtamen inefficax. Quod vero auxilium efficax sit aut inefficax, consentent nulla ratione tribuendum esse libero arbitrio, quasi ex eo auxilium quodeunque, sive magnum sive parvum, efficax aut inefficax sit, quod cum arbitrium pro sua libertate possit consentire & non consentire, cooperari cum illo & non cooperari, si consentiat & cooperetur, ut potest, efficiet illud efficax; si vero non consentiat neque cooperetur, ut etiam potest, reddet illud inefficax: sed ipsi auxilio, sive Deo efficaciter, aut ineffaciter per illud moventi, tribuendum esse quod liberum arbitrium

*Quæ ratio
ne nonnulli
auxilium
efficax &
inefficax
constituunt.*

arbitrium consentiat, aut non consentiat : ita ut quoties Deus moverit per auxilium, quod ex modo motionis divinæ, atque ex Deo ipso habet quod sit efficax, liberum arbitrium consentiet, cooperabiturque ad salutem; quod si moverit per auxilium, quod ab eo non habet ut sit efficax, liberum arbitrium non consentiet, neque cooperabitur ad salutem. Ea vero ratione dicunt Deum ex adultis hos potius, quam illos, pro libera sua voluntate prædestinasse, quia libere voluit eis conferre auxilium efficax, cæteris vero solum inefficax. Quos namque (inquunt) vocare constituit auxilio usque ad finem vitæ conservare, eos prædestinavit : cæteros vero, cum quibus uti noluit ea libertate, reprobavit, dum permittere statuit ut laberentur in peccata, pro quibus iuste punirentur, dumque in peccatis jam commissis, denegatione auxilii efficacis, eos obdurare decrevit.

*Resolvitur
proposita
sententia.*

Certe non dubitarem sententiam hanc, hoc ultimo modo explicatam, errorem in fide appellare. Etenim ea data, non video qua ratione libertas illi arbitrii nostri salva possit consistere, quam quæst. 14 art. 13 disputat. 23 apertissime ostendimus, etiam posita divina gratia, præscientia, & prædestinatione, non minus, quam hæc ipsa esse de fide. Si namque arbitrium nostrum ab efficacia aut inefficacia auxilii divini habet quod consentiat aut non consentiat Deo vocanti, & cooperetur aut non cooperetur ad salutem, perseveretque aut non perseveret in gratia, certe non ab innata & propria libertate id pender, sed a qualitate auxilii & motionis divinæ, atque adeo neque est quod illi cedat in laudem & meritum, quin potius perit omnino libertas arbitrii ad salutem.

Præterea, vel auxilium illud, quod appellatur sufficiens & inefficax, est sufficiens ut arbitrium nostrum sine alio auxilio & motione divina possit consentire Deo vocanti, cooperari ad salutem, & perseverare in gratia, vel non est sufficiens. Si sufficiens sit, ergo arbitrium ipsum, sua cooperatione & innata libertate, potest illud idem efficax efficere. Si vero non sit sufficiens, ergo perperam illud dicunt esse sufficiens & inefficax. Si vero non sit sufficiens, ergo perperam illud dicunt esse sufficiens & inefficax. Adde,

MOLINA.

tunc nulla ratione vitio posse verti arbitrio nostro, quod Deo per tale auxilium vocanti non consentiat, & non cooperetur; quandoquidem sine alio auxilio & cooperatione divina, quæ ei denegatur, præstare id non potest.

Item multi damnati sunt eo, quod non perseveraverint in gratia, quam acceperunt; quod sane non est nisi propter peccatum lethale, ratione cuius gratiam amiserunt; vel ergo cum auxilio quod Deus paratus erat illis impendere, potuerunt vitare peccatum illud, vel non. Si non potuerunt, ergo non peccaverunt consentiendo in tale flagitium: quippe cum nullus in eo peccet, quod vitare non potest. Si vero potuerunt, ergo in potestate ipsorum fuit efficere efficax auxilium illud, perseverareque cum illo in gratia; ex propriaque ipsorum voluntate provenit ut auxilium illud non esset efficax.

Postremo, auctores hujus sententiæ nunquam satisfacere poterunt apertissimæ definitioni Ecclesiæ in Concilio Trident. sess. 6 cap. 5 & can. 4 quas quæst. 14 art. 13 expendimus, in appendice disp. 40: quam post hoc opus compositum eo loco adjecimus. Etenim aperte illis definitur, ab arbitrio nostro pendere, quod auxilia divina efficacia aut inefficacia ad nostram conversionem ac justificationem reddantur. Fateor quidem, Deum multiplicatione aut variatione auxiliorum efficere sæpe, ut liberum arbitrium id velit, quod minore aut alio auxilio pro sua libertate non vellet, cum tamen velle illud posset, atque adeo unum auxilium divinum comparatione liberi arbitrii hic & nunc spectati, esse efficax, aliud vero minime, dum unum omnino permoveret, & aliud non permoveret: verumtamen, interim dum arbitrii libertas in utramque partem salva manet (ut semper est confitendum manere) arbitrium ipsum efficere potest, ut auxilium, quod est efficax ad permovendum, sit inefficax, illi non consentiendo; & ut illud, quod est inefficax, fiat efficax, illi consentiendo, strenueque cum illo cooperando. Atque hoc est, homines in stadio hujus vitæ positos esse in manu consilii sui, ut, ad quod voluerint, porrigant manum. De hac re post hujus operis primam editionem dictum est copiose q. 14 art. 13 disp. ultima, & in appendice in responsione ad tert. objectionem.

Tt

Post

*Obiectis
primis.*

Post hoc nostrum opus compositum legi etiam doctum sane opus, in quo adversus hanc nostram sententiam obiciebatur, primo: Quod si ab influxu liberi nostri arbitrii cum auxilio, aut auxiliis divinis, penderet, quod divina auxilia essent aut non essent efficacia ad nostram conversionem, ultimamve dispositionem ad gratiam, sequeretur aliquid in conversione nostra & justificatione esse a nobis, quod non sit a Deo, nempe ejusmodi liberum influxum, quo auxilia omnia efficacia redduntur: quod tamen est contra illud ad Ephesios 2. Ipsi factura sumus, creati in Christo Jesu in operibus bonis, quæ præparatur ut in ipsis ambulemus.

Secunda.

Secundo: Sequeretur initium nostræ salutis, saltem quoad eum influxum a quo illa pendet, esse a nobis, & non a Deo.

Tertia.

Tertio: Sequeretur dari in justificationis aliquid ab ipsis, quo a non justificationis discernentur, illosque excederent, contra illud primæ ad Corin. 4: Quis enim te discernit? quid habes, quod non accepisti? Si autem accepisti, quid gloriaris quasi non acceperis? Quo fit, ut dicendum necessario sit, etiam influxum illum liberi arbitrii esse a Deo determinante ac movente arbitrium ipsum per auxilium efficax ad talem liberum influxum & consensum.

Ad primam.

Ad primam harum objectionum distinguendum est consequens: si enim dum in eo inferitur sequi, aliquid in nostra conversione esse a nobis quod non sit a Deo, sermo sit de opere aut actione, quæ sit a nobis, & non simul ac præcipue a Deo eam per influxum suum, auxilia, ac dona evehente ad supernaturale esse gratiæ facienti in suo ordine & gradu commensuratum, neganda est conclusio: omnia namque opera, quibus vel ad gratiam disponimur, vel comparata jam gratia in vitam æternam proficimus, præparavit nobis Deus in Christo, cujus meritis supernaturalia auxilia ac dona nobis confert, quibus illa exercere valeamus, ipseque est auctor ac præcipuus effector eorum operum in nobis. Cum vero Paulus dicat, Deum eam præparasse, ut in ipsis ambulemus; sane non excludit, quin potius expressit, liberum nostrum influxum in eadem opera, ratione cujus nostra etiam essent a nobis libere una cum Deo effecta, tanquam gressus nostri, quibus, cooperante Deo, nos ipsi in vitam æternam

tendimus. Porro liber noster influxus ad nostras supernaturales actiones, licet sit ipsæmet actiones ac operationes totæ totalitate effectus, ut vocant, quæ a Deo supernaturaliter influente, & a nobis tanquam a duabus partibus unius integræ causæ emanant; est tamen illæ actiones, ut præcisè spectantur quatenus ab arbitrio libere influente emanant, non vero quatenus simul proficiuntur totæ a Deo totalitate similiter effectus, ut quæst. 14 art. 13 & alias sæpe, explicatum est. Quo fit, ut non solum nulla res sit in illis actionibus, sed neque illa ratio formalis, quæ non sit efficiens tum ab arbitrio nostro, tum etiam a Deo supernaturaliter in eadem influente. Quemadmodum quando duo trahunt navim, nihil est in tractatione & motu, quod fit ab uno trahentium, & non sit simul ab alio: cum tamen totus ipse motus, totaque actio, quatenus spectatur ut præcisè emanat ab uno, dicatur influxus illius; & quatenus spectatur ut præcisè proficiatur ab alio, dicatur influxus alterius. Si vero in consequente sit sermo de aliquo, hoc est, de realitate aut formalitate aliqua, non quidem quæ spectetur simpliciter, sed præcisè ut emanat ab una parte integræ suæ causæ, quo pacto actiones nostræ supernaturales, quæ simul a Deo & a nobis fiunt, quatenus præcisè a nostro arbitrio procedunt, dicuntur influxus nostri arbitrii, concedendum est dari aliquid quod sit a nostro arbitrio, & non aliter, ea præcisè consideratione a Deo, nisi tanquam a naturæ, ipsiusque liberi arbitrii auctore, qui eam facultatem nobis contulit, ut eo pacto libere nostras actiones bonas cum eo cooperaremur, eaque ratione in laudem ac meritum nobis cederent, tanquam quæ eo modo in nostra essent potestate. Possunt etiam eadem actiones quatenus præcisè a nostro arbitrio emanare spectantur, tribui Deo, non solum tanquam invitanti & alliganti nostrum arbitrium per dona gratiæ prævenientis, ut ad eas influat, eaque ratione faciliorem reddenti influxum & cooperationem nostri arbitrii, sed etiam quatenus, nisi per eandem gratiam prævenientem cooperaretur in eandem actionem, in quam influit nostrum arbitrium, quemadmodum non esset ea actio, ita neque ille nostri arbitrii influxus in illam, ut quæst. 14 art. 13 explicatum est; semper tamen influxus nostri arbitrii liber manet,

*Actiones
supernatu-
rales liberi
arbitrii,
etiam spe-
ctate ut ab
eo præcisè
emanant,
quo pacto
in Deum
referantur.*

manet, ut actiones illæ sint, aut non sint, atque adeo ut auxilia, quibus prævenimur & coadjuvamur, efficacia aut inefficacia, cassaque reddantur: neque salva fide Catholica video quo pacto id possit negari.

Juxta hanc doctrinam; & ea quæ ad sequentes objectiones dicemus, intelligendum est etiam illud Ezechielis 36 Dabo vobis cor novum, & spiritum novum ponam in medio vestri; & auferam cor lapideum de carne vestra; & dabo vobis cor carneum; & Spiritum meum ponam in medio vestri, & faciam ut in præceptis meis ambuletis, & judicia mea custodiatis, & operemini, & illud Isai 29: Omnia opera nostra operatus es in nobis Domine.

Ad secundam dicendum est, cum arbitrii nostri influxum, de quo disputamus, antecedant dona gratiæ prævenientis, atque excitantis idem arbitrium ad consentiendum, & cum eis cooperandum ultimam dispositionem ad gratiam, manifestum esse non recte ex eo capite inferri, initium nostræ salutis (in sensu in quo id ab August. & Conciliis negatur) esse a nobis, quod influxus ille sit a libero arbitrio cooperante cum auxiliis gratiæ, eaque efficacia reddente. Neque enim influxus ille principium & origo est nostræ salutis: cum multa illum antecedant, quæ ad gratiam salutemque nostram spectant; neque is influxus a parte rei sit vel res, vel formalis aliqua ratio, quæ non sit simul a Deo cooperante per auxilia gratiæ; sed sit supernaturalis ipsa actio a Deo pariter & ab arbitrio emanans, comparata tamen cum solo libero nostro arbitrio tanquam cum parte integræ causæ ejusdem actionis, ut dictum est.

Quando audis consensum nostrum efficacia reddere auxilia gratiæ, non ita id intelligas, quasi arbitrium nostrum vim aliquam aut efficacitatem tribuat auxiliis ipsis: ut enim q. 14 art. 13 disp. 40 & in appen. in resp. ad 3 object. late explicatum est, arbitrium & influxus noster nullam vim conferunt gratiæ auxiliis, sed potius auxilia vim & propensionem arbitrio tribuunt ad consensum eliciendum, arbitrium ipsum ad id invitando, allaciendo, atque adjuvando: sed ut ex antecedentibus hoc loco, & ex dictis locis citatis, & alias sæpe constat, in hoc sensu id dicimus: Quod cum auxilium esse efficax non aliud sit, quam momento & invitatione sua, quam

naturæ necessitate, quatenus gratia præveniens est, habet, permovere arbitrium ad consensum seu cooperationem secum ad contritionem, aut actum alium, ad quem præveniens gratia invitet, permovere autem arbitrium, ut consentiat seu cooperetur cum gratia præveniente ad contritionem, ab innata arbitrii libertate pendeat, qua talem consensum & cooperationem elicere vult aut non vult, utique non auxilium gratiæ prævenientis efficax sit, hoc est, effectum illum habeat, ad quem arbitrium invitat, ab ipso arbitrio libere consentiente & cooperante secum pendet, tanquam a parte causæ, quæ secum producere debet talem effectum, comparatione cujus, si producatur, dicitur auxilium efficax; si vero non producatur, quia arbitrium non vult consentire, & cooperari, dicitur inefficax. Quo fit, ut arbitrium prius natura motum & excitatum per auxilium gratiæ prævenientis, consentire libere & cooperari cum eodem auxilio, non sit efficacitatem illi tribuere, sed adhibere conditionem, sine qua tale auxilium non habebit rationem efficacis per comparisonem ad talem effectum, neque item gratiæ adjuvantis arbitrium ad contritionem per novum ejusdem auxilii influxum in contritionem, quo tam cum arbitrio cooperetur, eo quod desit libera cooperatio arbitrii secum ad eandem contritionem, ut disp. 40 citata & in appendice loco citato copiose explanatum est. Hæc censui hoc loco addenda, tamen perspicua satis in nostra doctrina essent, quoniam non defuerunt, qui, ut auxilia gratiæ ex se efficacia tuerentur, doctrinam nostram hoc loco in sinistram sensum trahere conati sint, quasi nos docuerimus, arbitrium conferre efficaciam seu vim auxilio gratiæ, & quasi sit aliqua supernaturalis efficientia seu efficacia, quæ non sit ab auxilio gratiæ: tota namque supernaturalis efficientia, qua contritio producitur, est ab auxilio gratiæ, & totaliter tanquam a radice & causa quod ille actus supernaturalis sit. Licet enim arbitrium ad eundem cooperetur, cooperatur tamen per vim suam naturalem, a qua non habet actus ille, quod supernaturalis sit, sed solum a cooperatione auxilii gratiæ, quamvis, quod actus ille liber sit, non ab auxilio gratiæ, sed a solo arbitrio proveniat.

Ad tertiam, sicut ad primam, distinguendum.

dum est consequens: si enim intelligatur, sequi dari in iustificatis aliquid, hoc est, actionem aliquam, aut rem, vel rationem formalem supernaturalem, quæ ita sit ab eis, ut simul ac præcipue non sit a Deo, per quam discernantur a non iustificatis, eosque superent, neganda est consecutio: nihil enim talis sequitur esse in eis; fatemurque, quicquid ejusmodi in eis cernitur, totum esse supernaturale Dei donum sive cooperantibus ipsis ad illud per suum arbitrium, sive non: eaque ratione merito ait Paulus: *Quis te discernit?* tanquam auctor, videlicet, præcipuaque causa donorum, quibus alios superas, ab eisque differ? Unde protinus subjungit: *Quid habes quod non accepisti?* Si autem accepisti, quid gloriaris, quasi non acceperis? Si vero consequens intelligatur, sequi dari in iustificatis aliquid supernaturale, quod, non simpliciter, sed ut præcisè emanat a libero arbitrio tanquam a parte integræ causæ, spectatumque eo modo rationem habet concursus liberi arbitrii, sit ab ipso libero arbitrio, in eoque discernatur iustificatus a non iustificatis, seu potius in effectu ipso supernaturali, spectato similiter ut præcisè emanat a libero arbitrio, & ut in potestate arbitrii est consentire tunc, aut non consentire, ut Tridentinum Concilium definit, testaturque experientia interna cujusque nostrum, concedenda est consecutio, neque id negare intendit Paulus, neque a quoquam, salva fide Catholica, negari potest. Ea enim de causâ, qui iustificatur, & qui post acceptam iustitiam cooperatur cum gratia, mereturque incrementum illius, dignus est laude, honorificandusque est a Patre cælesti in sempiterna beatitudine. Concinir D. August. de spirit. & lit. cap. 33 & 34 sic enim cap. 33 ait: Consequens est paululum querere, utrum voluntas illa, qua credimus, etiam ipsa donum Dei sit; an ex illo naturali inuito libero adhibeatur arbitrio. Si enim dixerimus eam non esse donum Dei, metuendum est, ne existimeamus invenisse nos aliquid, quod Apostolo increpanti & dicenti, *Quid habes quod non accepisti?* Si autem accepisti, quid gloriaris, quasi non acceperis? respondere possimus: Ecce habemus voluntatem credendi, quam non accepimus. Si autem dixerimus, etiam ejusmodi voluntatem non esse nisi donum Dei, rursus metuendum est, ne

infideles atque impii non immerito se veluti juste excusare videantur ideo non credidisse, quod dare illis Deus istam noluit voluntatem. Et cap. 34 questionem dissolvens, cum prævenientem ac excitantem gratiam præmisisset, addit: His ergo modis quando Deus agit cum anima rationali ut ei credat (neque enim credere potest, quod libet libero arbitrio, si nulla sit suasio, vel vocatio, cui credat) profecto & ipsum velle credere Deus operatur in homine, & in omnibus misericordia ejus prævenit nos: consentire autem vocationi Dei, vel ab ea dissentire, sicut dixi, propria voluntatis est, quæ res non solum non infirmat quod dictum est. Quid enim habes quod non accepisti? verum etiam confirmat. Accipere quippe & habere anima non potest dona, de quibus hoc audit, nisi consentiendo: ac per hoc quid habeat, & quid accipiat, Dei est: accipere autem & habere, utique accipientis & habentis est. Sane, sicut præsentē tentatione, qui consensum illi præbet, & peccat, ac amittit gratiam, libere in talem consensum influit, utpote sponte sua se ipsum determinans per liberum arbitrium ad eum consensum, suoque arbitrio abutens ad actum, ad quem a Deo collatum illi non fuerat; neque Deus est, qui ad eum actum illius determinat aut inclinat per efficacem aliquem prævium motum & applicationem ad id volendum, sed solum cooperatur cum illo tanquam causâ universalis concursu indifferenti ad consensum vel dissentium: ita quando, præsto existente auxilio Dei sufficiente (quod Deus neque ei, qui in peccatum consentit, denegat) aliquis tentationi resistit, victoriamque comparat, & meretur gratiæ augmentum, ipse est, qui libere, minimeque a Deo prædeterminatus, sed solum adjutus, se ipsum determinat, & influit dissentium, potensque est tunc influere consensum in tentationem, & peccare, ut Concil. Trident. definit. Consensus ergo in tentationem, quia est abusus liberi arbitrii, neque est a Deo ad id inclinate, imo neque aliter adjuvante, quam per concursum universalem de se indifferenter ad bonum & ad malum, non tribuitur Deo, etiam ut naturæ auctori, sed solum libero arbitrio, nequitiaque peccatoris. Dissensus vero in tentationem, victoriamque illa tribuitur Deo, tum ut naturæ auctori, qui

qui ad id liberum arbitrium contulit, tum etiam ut inclinanti & adjuvanti per gratiam gratum facientem, atque alia auxilia ad eam victoriam, illamque intendenti: non vero tanquam eo pacto prædeterminanti & applicanti arbitrium, per motum & auxilium ex parte Dei solum, & non ex parte arbitrii creati efficax, ut in potestate arbitrii non fuerit in illo eodem temporis momento, in quo in dissensum influit, & comparavit victoriam, producere consensum, & tentationi succumbere. Neque intelligere ulla ratione valeo, quo pacto nostri arbitrii libertas salva maneat, si Deus est, qui per concursum & influxum ex parte ipsius solum, non vero ex parte arbitrii creati, efficacem, arbitrium ipsum prædeterminat ad omnes suos actus. Licet enim ratio spontanei, quam solum Lutherani admittunt, salva maneat; facultas tamen ipsius arbitrii ad non consentiendum, aut etiam dissentiendum, in eo temporis puncto in quo consentit, quam Concilium Trident. definit, & unusquisque in se ipso experitur, atque in qua ratio libertatis arbitrii est posita, non video quo pacto salva consistat.

Auctores contrariæ sententiæ pressi difficultate multorum argumentorum, quæ ipsi sententiæ faciunt, nec profecto satis dissolvunt, inter alia dicunt: Eum, qui prævenientis gratiæ accipit motus (quos Deum nulli peccatori denegare affirmant) neque tamen convertitur, eo quod efficax auxilium ei non conferatur, sine quo converti non potest, & quo oblato, nequit illi resistere, sed necessario convertitur; cum, inquam, in culpa esse, quod ulterius auxilium efficax non accipiat, eo quod non progrediatur ulterius utendo auxiliis gratiæ acceptis. Libenter autem ab his auctoribus peterem, an ille progressus ulterius ad usum gratiæ prævenientis, sit bonus usus liberi arbitrii ad justificationem conducentis: & an esse possit sine prævio alio auxilio Dei efficaci ad talem actum liberi arbitrii, & sine prævia motione & determinatione, qua Deus ad eum actum liberum arbitrium determinet. Arbitror non negabunt esse bonum actum liberi arbitrii, conducentem ad justificationem. Quod si concedant esse posse sine auxilio Dei efficaci, & sine prævia motione & determinatione Dei, quæ ex parte Dei, & non ex parte arbitrii, sit

efficax, jam concedunt influxum liberi arbitrii ad actum bonum conducentem ad justificationem, imo a quo pendeat quod conferatur aut non conferatur auxilium efficax quo justificatio compleatur, qui actus non prædeterminetur a Deo, sed emanet ab arbitrio creato se ipsum determinante, ac proinde militant adversus eos tres illæ objectiones, quas adversus nostram sententiam conficiunt. Præterea concedunt, non omnes actus bonos moraliter prædefiniri & prædeterminari a Deo per influxum suum & motionem efficacem, in qua prædeterminatione & prædefinitione, seu potius in voluntate absoluta divina eos ita prædeterminante, dicunt Deum certo præcognoscere actus omnes & effectus liberi arbitrii. Quod si dicant, actum illum esse non posse sine auxilio Dei efficaci, præsentemque auxilio & præmotione illa efficaci arbitrium nostrum necessario elicere eum actum, eo vero auxilio & præmotione absente elicere non posse eum actum; sane non est cur culpa ea ratione libero nostro arbitrio tribuatur, quod ulterius non fuerit progressum ad eum actum eliciendum: cum non magis fuerit in potestate ipsius, sine prævio alio auxilio efficaci & præmotione, eum actum elicere, quam sit actus ultimus, quo impij conversio completur.

Nunc ad Augustini, D. Thomæ, communioris ^{Communior sententia quousque vera.} Scholasticorum de prædestinatione opinionem, sine ejusmodi auxiliis ex se efficacibus, & sine præfinitionibus ad actus universum liberi arbitrii non malos per concursum Dei ex se efficacem regrediamur. Sane, ut ex hæcenus dictis constat, & ex iis quæ in hujus materiæ progressu subjungemus, erit manifestum, eam sententiam amplectimur, quatenus affirmat prædestinationis, quoad actum voluntatis divinæ, per quem in esse prædestinationis completur, nempe quo statuit his adultis, & non aliis, conferre ea media, per quæ prævidebat eos pro sua libertate perventuros in vitam æternam, nullam dari causam vel rationem, imo neque conditionem, sine qua non, ex parte usus liberi arbitrii ipsorum prævisi, sed quod hi fuerint prædestinati, & non alii, ex sola libera & misericordie voluntate Dei pendere, quæ sua dona distribuere voluit pro solo libero suo beneplacito, nemini denegando sufficientia

subsidia ad salutem: atque adeo eandem sententiam amplectimur, quatenus affirmat, prædeterminationem non esse secundum præscientiam usus liberi arbitrii, quasi pro qualitate usus prævisi statuerit prædestinare, suave dona adultis distribuere.

Multi tamen eam sententiam in hoc sensu amplectuntur, ac defendunt, quasi Deus ante illam præscientiam usus liberi arbitrii, etiam ex hypothesi futuri, atque adeo nulla omnino habita ratione talis usus, elegerit quosdam in particulari ex hominibus, & Angelis, quos voluit, quibus beatitudinem conferret, & reliquos, ab ea excluderet; utrumque vero eo fine, ut in electis bonitas ac misericordia sua splenderet, & in reliquis sua eniteret iustitia vindicativa. Tunc vero ulterius fuisse progressum ad eos, quos elegerat, prædestinandos, providendo illis de mediis, quibus eandem beatitudinem assequerentur, atque ad statuendum permittere aliis peccata, in eisque illos obdurare usque ad finem vite, ut iuste eos puniret, in eisque sua iustitia eluceret.

Utrum autem D. Thomas solum intenderit illud primum, in quo nos ejus, communiorumque Scholasticorum sententiam libenter amplectimur, an vero etiam hoc secundum, quod nostro judicio duram nimis, ut subjicimus, illam efficit, alii judicent. Quamvis autem ipsius verba tum alibi, tum hoc loco in responsione ad tertium, quæ nos supra retulimus, illam redolere videantur; fortasse tamen non tam dure de prædestinatione & reprobatione sensit, quam ab aliquibus existimatur; & mihi non est dubium, non tam dure de his sensit, quam dure sentiunt, qui auxilia ex se efficacia, præfinitionesque per concursum Dei ex se efficacem constituunt, ut constat ex quæst. 6 de veritate, art. 3 & ex aliis doctrinæ ipsius locis. Cum vero in omnibus cum Doctore sancto consentire percipiamus, gratum sane nobiserit, si quis ita eum exponat, ut solum illud primum, in quo convenimus, asseruerit. Nos autem quid de D. Thoma hac in parte censemus, addemus statim, Augustini mentem exponendo.

Quod ad Augustinum attinet, in primis constat eum causam reprobationis hominum constituisse peccatum originis, ut in progressu videbimus. Deinde cum communis

eorum Patrum, qui ipsum antecesserunt, sententia fuerit, prædeterminationem fuisse secundum præscientiam usus liberi arbitrii, ut inferius dicemus; Augustinus, re diligentius (occasione hæresis Pelagianæ) examinata, merito asseruit, non fuisse secundum eam præscientiam, quasi Deus dona gratiæ & prædestinationis pro qualitate usus liberi arbitrii prævisa statuerit conferre, sed fuisse pro sola sua libera voluntate: id quod D. Thomas & communior Scholasticorum sententia, atque nos cum illis amplexati sumus. Hæc vero sententia, tum ob sui eo tempore novitatem, tum etiam quod Augustinus non addiderit, fuisse nihilominus non sine præscientia quid pro arbitrii creati libertate esset futurum, ex hypothesi quod in hoc vel illo rerum ordine cum his vel illis auxiliis & occasionibus collocaretur, habitaque consideratione in prædestinandis ac reprobandis Angelis & hominibus talis usus futuri, tametsi non ut pro qualitate illius dona gratiæ & prædestinationis conferrentur, id quod, licet Augustinus non negaverit, non tamen expressit, multum sane eo tempore nonnullos ex fidelibus turbavit, ut inferius videbimus: ea quippe sententia continere videbatur illud secundum valde durum, quod multis hodie amplecti ac defendere paulo antea diximus. Utrum autem Augustinus, etiam secundum, quod duram eam facit, sua opinione intenderit, partem affirmantem suadere videtur, quod, ut quæst. 19 art. 6 disput. 1 visum est, inde videtur motus, ut illud 1 ad Timoth. 2 Vult omnes homines salvos fieri, in multis suorum operum locis interpretaretur, non de omnibus universim hominibus, sed de solis prædestinatis. Partem vero negantem non minus suadet, quod Augustinus non negavit præscientiam illam ante omnem actum liberum voluntatis divinx, atque adeo ante omnem prædeterminationem & reprobationem, qua Deus cognoverit quid per quodcumque creatum arbitrium pro sua libertate ex quacumque hypothesi, & in quocunque rerum eventu esset futurum, ut constat ex iis quæ ex Augustino, tum alibi, tum supra quæst. 14 art. 13 disput. 52 retulimus. Quare dubitandum non est, si ea de re vel Augustinus, vel D. Thomas consulerentur, continuo responsuros, fuisse nihilominus prædeterminationem & reprobationem non

non sine prævia illa scientia, habitaque consideratione usus liberi arbitrii futuri; tamen non, ut pro qualitate illius dona gratiæ & prædestinationis a Deo conferrentur: quod sane rigorem atque duritiam, quam aliquin sententia illa sonat ac continet, aufert, hominumque animos sedat. Quocirca, si meum hac de re iudicium quicquam ponderis habet, suspicor Augustinum, & D. Thomam (qui Augustini vestigia est secutus) sua opinione illud primum solum, quod cum communi Scholasticorum sententia nos libenter amplectimur, intendisse potissimum; neque advertisse quantum ad auferendam duritiam illam aliam, quam minime intenderunt, conduceret additio illa, quam nec negarunt, nec negassent, si de ea fuissent consulti; nempe fuisse nihilominus prædestinationem & reprobationem non sine præscientia qualitatibus usus liberi arbitrii, habitaque consideratione illius modo explicato, & in sequentibus suis explicando. Interim vero dum sub ea quasi caligine D. August. ad hoc non attendit, arbitratus primo aspectu cum sua de prædestinatione opinione esse conjunctum, Deum non velle omnes universum homines salvos fieri, sed solos prædestinatos, in multis suæ doctrinæ locis, ut quæst. 19 art. 6 disp. 1. relatum est, ita illum locum Pauli 1 ad Tim. 2, interpretatus est, ut de solis prædestinatis intelligeretur. Ceteri tamen Patres tam Aug. antiquiores, quam eo posteriores, Doctoresque Scholastici communiter eam expositionem non probarunt, ut disputatione citata dictum est, sed locum Pauli exposuerunt de omnibus universim hominibus, veruntamen de voluntate Dei conditionata, si per ipsosmet homines, primumque ipsorum parentem non stare. Imo D. Thomas, licet Augustini expositiones rerulerit, potius tamen Damasceni expositioni adhæsit, de voluntate Dei antecedente, seu conditionata. Quo fit, ut ex hoc capite, minus D. Thomæ, quam Augustino, illud secundum, quod duram reddit illam de prædestinatione opinionem, sit tribuendum. Quin & Augustinus ipse illam aliam expositionem loci Pauli de omnibus universim hominibus, & de voluntate Dei conditionata, interdum est amplexatus. In lib. enim ad articulos falso sibi impossitos, art. 2. ipse, aut quicumque alius ejus operis

auctor, ait: Sincerissime credendum est atque profitendum, Deum velle, ut omnes homines salvi fiant: siquidem Apostolus, cujus ea est sententia, sollicitè præcipit, quod in omnibus Ecclesiis piissime custoditur, ut Deo pro hominibus omnibus supplicetur. Ex quibus, quod multi pereant, pereuntium est meritum; quod multi salventur, salvantis est donum; ut enim reus damnetur, inculpabilis est Dei justitia; ut autem reus justificetur, ineffabilis Dei gratia est. Hæc ibi. Eandem expositionem amplectitur Augustinus de spiritu & litera, c. 33. Imo vero prædestinationem fuisse factam non sine præscientia usus liberi arbitrii futuri, habitaque illius consideratione, affirmat Augustinus, aut alius ejus operis auctor, ad art. 12. & refertur 23 quæst. 4. c. Nabuchodonosor, ubi ait: Illi, de quibus dicitur; Ex nobis exierunt, sed non fuerunt ex nobis; si enim fuissent ex nobis, mansissent utique nobiscum; voluntate exierunt, voluntate ceciderunt. Et quia præsciti sunt casuri, non sunt prædestinati; essent autem prædestinati, si essent reversuri, & in sanctitate ac virtute mansuri: ac per hoc prædestinationis Dei multis est causa standi, nemini labendi. Hæc ibi.

Ex his patet, opinionem de prædestinatione, quoad illud secundum, ut diximus supra, nonnullos eam amplecti ac defendere, tribuendam non esse Augustino, neque item D. Thomæ, qui Augustini solum est vestigia secutus, manifesteque affirmat, Deum velle omnes universim homines salvos fieri, si per ipsos non steterit. Imo vero, esto hi duo Patres in eam sententiam inclinassent, salva eorum reverentia, quæ illis debetur maxima, quoad illud secundum admittenda non esset. Neque enim miror, opinionem illam eo pacto intellectam a multis duram nimis, indignamque divina bonitate & clementia judicari: maxime cum quicumque adulti, eo ipso quod ex æternitate a Deo prædestinati non fuerint, permanserint reprobi, non solum ut a vita æterna excluderentur, donis que gratuitis spoliarentur, sed etiam ut æternis acerbissimis cruciatibus manciparentur. Quæ enim, non dicam bonitas & clementia, sed æquitas patitur, ut nulla omnino ratione usus liberi arbitrii habita, eo vel solo vel præcipuo sine Deus certos solum quosdam homi-

homines ex aternitate elegerit, & prædestinaverit, reliquos vero pene innumeros non electos, & non prædestinatos reliquerit, sciens continuo eo ipso futuros reprobos, ut haberet quos puniret, & in quibus iustitiam suam vindicativam commendaret? Quæ item æquitas, bonitas, & clementia postulat, ut pro sua tantum voluntate, absque ulla consideratione usus liberi arbitrii cuiusque, decreverit, ut hi in particulari essent prædestinati, illi reprobat? Certe id potius duri, feri, & crudelis, quam clementissimi principis, auctorisque totius consolationis, bonitatis, ac pietatis, esse videtur: eaque ratione potius obfcuraretur divina iustitia, quam commendabilis redderetur: id quod latius, circa permissionem peccatorum ad eundem finem, art. 3. sumus prosecuti.

Est præterea eadem sententia patrum consentanea scripturis sacris. Etenim si Deus ex aternitate pro sua tantum voluntate, ut haberet in quibus suam misericordiam & iustitiam vindicativam manifestaret, nulla habita ratione usus liberi arbitrii hominum & Angelorum, aut cuiusquam alterius rei, quæ ex parte eorum cerneretur, decrevit, ut hi soli ab eo designati consequerentur beatitudinem, & prædestinarentur; alii vero ab ea omnino excluderentur, & reprobat peristerent; ad eumque finem voluit homines & Angelos, totumque hoc universum creare; qua, quæso, ratione verum est, Deum velle omnes homines salvos fieri, in sempiternamque felicitatem omnes condidisse? Quæ etiam ratione vere sub iurejurando apud Ezechielem cap. 18. affirmat, non esse voluntatis suæ mortem impij, sed magis ut convertatur & vivat? Quæ item ratione in scripturis omnes universim homines, absque ulla exceptione, ad poenitentiam & vitam æternam invitat? Aut quo jure de non prædestinatis conqueritur, quod non, ut oportet, vivant, suamque salutem negligant? Profecto, si, quod impugnamus, verum est, fisiones potius, & irusiones, comparatione eorum qui vitam æternam non consequuntur, viderentur fise invitationes, atque oburgationes, quæ ex persona Dei factæ in scripturis sacris continentur, quam veri animi significationes: quod tamen assertum non solum esset indignum divina bonitate & ma-

jestate, sed etiam blasphemia plenum. Neque unquam adversarii adducta scripturæ loca juxta suam sententiam poterunt exponere, nisi eis maximam vim aperte inferre velint. Cum tamen locus ille Pauli ad Roman. 9. cui potissimum innituntur, nulla vi verbis illata, exponendus sit longe aliter ac ipsi volunt, ut disp. 4. commodius ostendimus. Denique præterquam quod hæc sententia occasionem præbet hominibus despondendi animo, ne dicam desperandi, segnius operandi, obtendendi excusationes, atque sentiendi de Deo, non ut oportet, in bonitate, atque ea de causâ minus hominum animos erga creatorem diligendum ac colendum excitare videatur, certe non video quam ratione patentissima libertas arbitrii nostri, quam experimur, quæque tam aperte in scripturis sanctis traditur, cum divina prædestinatione ita explicata coherere valeat. Nec miror, Cajetanum, hanc sententiam secutum, ingenue in cap. 9. epistolæ ad Romanos, fateri se nescire conciliare arbitrii nostri libertatem cum divina prædestinatione ita intellectâ, licet tam prædestinationem, quam arbitrii libertatem se firma fide tenere assereret. Hæc autem omnia multo magis vim habent, si prædestinatio facta affirmetur per auxilia ex se efficacia, aut per præfinitiones ad omnes actus non malos per concursum Dei ex se efficacem, ut ex se patet.

APPENDIX AD PRÆCEDENS.

Utrum Deus voluntatem nostram ad assensum vel dissensum determinet.

MEMBRUM VII.

Occasione eorum, quæ membro præcedente præsertim diluendo tres objectiones in eo propositas, dicta sunt, præsens quæstio est hoc loco dirimenda. In ea vero non solum est sermo de consensu, aut dissensu, ad actiones supernaturales, sed etiam ad naturales. Quamvis autem aliis in locis potuisset antea inferri, placuit in hunc locum eam differre, ut ex tam multis de hac re hætenus dictis facilius expediretur. Ne vero membrum præcedens longitudine tædio assiceret, ab eo illam sejunximus. Licet autem videam a multis superfluum eam post tota de re sæpius inculcata, non immerito fore judican-

judicandam; quia tamen post primam huius operis editionem accepi, quosdam adversus nostram doctrinam ita de sequentibus argumentis gloriari, quasi ea essent ineluctabilia, libuit eam addere: præsertim quoniam eorum occasione dici aliqua possunt, quæ majorem lucem hæcenus dictis afferant. Quidam itaque in partem affirmantem argumentantur.

Argumentum primum.

Primo, quoniam Deus convertit nostras voluntates: ergo multo magis eas determinat ad assensum, vel dissensum. Consequentia probatur, quoniam plus est convertere voluntates, quam eas determinare: quippe conversio sit ab extremo in extremum, determinatio vero ex eo quod est indifferens ac medium.

Secundum.

Secundo: Deus est causa determinationis quæ est in voluntate, eo quod sine ipso factum sit nihil: ergo determinat voluntatem, ejusque actum. Neque refert, si quis dicat, fallacem esse consequentiam: quemadmodum non recte sequitur, Deus facit actum merendi, comedendi, loquendi, aut blasphemandi, ergo meretur, comedit, aut blasphematur: quoniam non est par ratio; eo quod hæc involvant passionem & imperfectionem Deo repugnantem; determinare vero voluntatem nihil dicat Deo repugnans, qui voluntates creatas, beatorum saltem, determinat.

Tertium.

Tertio: Deus una cum voluntate producit effectum, influendo in illum simul cum voluntate: cur ergo dici non poterit similiter suo influxu simul, natura saltem prius, determinare ipsam voluntatem? Confirmatur quoniam nihil est incommodi, si Deus voluntatem, una cum ipsa, determinet: sicut voluntatis operationem, una cum ipsa, efficit.

Confirm.

Quartum.

Quarto: Vel est diversus influxus, quo voluntas se determinat, & producit effectum, vel unus atque idem. Si est diversus: cur sicut Deus cum voluntate simul natura dicitur producere effectum, non etiam dicitur cum voluntate seipsam determinante simul eam determinare? Si est unus atque idem: cur sicut per illum dicitur Deus simul cum voluntate producere effectum, non similiter dicitur simul cum voluntate eandem determinare?

Quintum.

Quinto: Sicut voluntas, absque præj-

MOLINA,

dicio suæ libertatis, seipsam libere determinat: sic nihil absurdi est, si dicamus, Deum una cum ipsa libere eandem determinare.

Confirm.

Confirmatur, quia quod potest Deus efficere per causas secundas, potest se solo facere.

Sextum.

Sexto: Qua, quæso, ratione fieri potest, ut concursus Dei universalis quo simul cum voluntate ad eundem effectum concurrat, causa sit determinationis voluntatis: cum potius determinari videatur per specialem concursum voluntatis: eo quod sit specialis determinare universale, & non e contrario?

Confirm.

Confirmatur, quia concursus universalis est ipsa volitio, ut pendet a prima causa: volitio autem juxta doctrinam nostram, est ipsa voluntatis determinatio: quare dicendum videtur, concursum illum esse voluntatis determinationem, non vero causam determinationis voluntatis. Unde fit, statuum esse, dari alium influxum Dei prævium, qui causa sit determinationis voluntatis, quique voluntatem cum ipsa voluntate determinet.

Pro eadem sententia citatur D. Thom. 3^a D. Thom. contra Gentes cap. 9. ad finem, & 1^a par. quæst. 23 art. 1. ad primum, quasi ejus sit sententiæ, Deum Opt. Max. determinare omnem actum voluntatis positivum, etiam malum.

Præter ea, quæ disputatione præcedente, *Per se respondendo* ad tres objectiones in ea pro-

positas vera.

positas, atque alias sæpe in præcedentibus, dicta sunt, solum admonuerim, quæ sequuntur. Primum est: Actum aliquem esse liberum, nullam novam rationem formalem dicere in ipso actu, sed dici liberum, quasi extrinseca denominatione a libertate, quæ est

Actus voluntatis si liber dicitur a libertate.

in potentia, a qua libere est productus. Potentiam quippe liberam esse non est aliud, quam posse indifferenter elicere hic & nunc, & non elicere actum, vel etiam posse elicere & non elicere contrarium, ut in ea ad actum sit libertas, non solum contradictionis, sed etiam contrarietatis. Itaque libertas voluntatis, quæ in ipsa est formaliter, non est aliud, quam cum voluntas ex se, atque ex sua essentia, sit potentia ad volendum ea in quibus ratio boni elucet, & ad respondendum ac nolendum ea in quibus apparet ratio mali, sicut visus est potentia ad videndum, & intellectus ad intelligendum, sic tamen esse potentiam ad volendum ac nolendum, ut si tum in

Libertas quæ est in voluntate formaliter.

Vv

ipsa

ipsa sit, quando vult aliqua bona, ea non velle, continendo seu non eliciendo actum, aut etiam eadem nolle, vel hunc quoque actum continere: id quod visui, intellectui, & cæteris non liberis potentiis denegatum est: quando enim suos actus eliciunt; in ipsis non est situm eos non elicere, quin potius naturæ necessitate eos tunc eliciunt. Quo fit, ut libertas voluntatis in eo sit posita, quod ita sit potentia ad volendum, & nolendum, ut non naturæ necessitate eos actus eliciat, sed possit eos non elicere: hoc autem, quod dico, non naturæ necessitate eos producere, postea proinde eos non elicere, negatio atque conditio est in natura voluntatis, comparatione fere omnium suorum objectorum, fundata, prout ab omni alia potentia, quæ libera non est, distinguitur. Hinc facile intelligitur, quemadmodum quando voluntas velle potest, & non vult, quia videlicet non elicit actum volitionis, quem potest elicere, dicitur libere non velle, ac proinde ea non volitio libera est denominatione a libertate voluntatis, quia ita non vult, ut potuerit velle: qua de causa peccatum meræ omissionis dicitur, vereque est liberum: sic quoque quando voluntas elicit actum, quem potuit non elicere, dici eum actum liberum, non a libertate aliqua, quæ in ipso sit, sed a libertate voluntatis, qua cum potuit non elicere, quando illum elicit. Itaque libertas actus libere eliciri, non est in ipso actu, sed in voluntate, quæ libere illum elicit, hoc est, cum facultate eum continendi, seu non eliciendi, a qua facultate denominatione quasi extrinseca liber dicitur, sine alia ratione formali in ipso actu, a qua liber dicatur. Cæterum esse actum sic libere elicatum, est conditio sine qua nec virtutis aut vitii, nec meriti aut demeriti, nec rei laude aut vituperio, præmioque aut pena digna, rationem habebit. Ex dictis etiam intelligitur, quamvis actus supernaturales liberi arbitrii emanent a voluntate, & a gratia præveniente, & subito iam rationem gratiæ cooperantis & coadiuvantis ad eorum arbitrium, quia tamen gratia illa, quantum est ex se, agit necessitate naturæ, neque in ea est ulla libertas, actus illos esse quidem supernaturales, quia ab ea gratia emanant, non vero esse ea ratione liberos: contra vero eosdem actus liberos esse, quia emanant a voluntate, quæ ad eos potuit

non influere, non vero esse earatione supernaturales.

Secundum est: Hoc esse discrimen, ut q. 14 art. 13 disp. 33. ex parte dicebamus, inter potentias naturales, & liberas, quod naturæ les ex se atque ex sua natura sunt determinatæ ad suas operationes, ut calor ad calefaciendum, frigus ad frige faciendum, visus ad videndum, &c. eaque de causa si adsint cætera ad agendum requisita, continere non possunt suas actiones. Determinatio vero illa est quidem a Deo, sed non aliter, quam per ipsasmet earundem potentiarum naturas sic a Deo fabricatas, ad agendum determinatas. At vero liberæ potentie, ut Angelica & humana voluntas, licet potentie sint ad volendum & nolendum, non tamen determinatæ suapte natura ad eas actiones sunt, quasi præsentibus assistentibusque omnibus requisitis ad volendum, aut nolendum, necessitate naturæ eas eliciant actiones, continereque proinde illas non possint: quin potius earum libertas dominiumve suorum actuum, & quod capaces virtutis ad vitii, meriti ac demeriti, laudis ac vituperii, præmii ac poenæ sint, in eo sunt posita, quod præsentibus atque assistentibus omnibus ad agendum requisitis, continere, seu non elicere, omnem actum possint, aut elicere circa unum & idem objectum volitionem potius, quam nolitionem, aut e contrario nolitionem potius, quam volitionem possint: quare ipsæ sunt, quæ, positis ac assistentibus omnibus ad agendum requisitis, se determinant ad eliciendam actionem, atque ad eliciendam potius volitionem quam nolitionem, vel e contrario, proveniente hoc ab ipsamet innata voluntatis natura, quæ sic a Deo libera est condita, ac domina suorum actuum ad imaginem & similitudinem divinæ ipsius voluntatis.

Illud vero est observandum, quando voluntas nostra ad supernaturales actus donis gratiæ adjuvatur, quamvis illis allicitur atque invitetur ad consensum seu influxum ex parte liberi arbitrii necessarium, non tamen ab eis determinari & applicari ad eum consensum, sed ipsam sic invitam, atque adiutam, seipsam innata sua libertate determinare, applicare, ac consentire, seu cooperari, potentem, non solum continere consensum, sed etiam dissentire, ut Concilium

Trident.

Actus supernaturales a nobis habent, quod liberi sunt a gratia, quod sunt supernaturales.

Potentie naturales ex se sunt determinatæ ad actiones.

Voluntas seipsam ad operandum determinat.

Tridentinura definit. Quia tamen consensus ille & cooperatio voluntatis, nisi simul adessent gratia dona, esset actio naturalis alterius speciei ab ea, quae producitur cooperantibus simul gratia donis, dici potest gratiae dona suo influxu & cooperatione determinare consensum voluntatis ad speciem aliam actionis supernaturalem, non quidem applicando ac determinando voluntatem ut influat ac consentiat, sed cooperando ac infundendo immediate cum illa ad distinctam supernaturalem speciem actionis.

Influxus gratiae determinat consensum nostrum ad aliam speciem actus.

Quo influxu Dei & liberi arbitrii produciuntur actus in genere naturae, produciuntur in genere moris.

Tertium est: Ut eadem disp. 33. dilucide comprobatur fuit, quo influxu Dei & liberi arbitrii produciuntur actus naturalis liberi arbitrii, eodem absque alio influxu resultare in eo rationem virtutis aut vitii, & meriti aut demeriti, siue haec omnia entia rationis sint, siue rationes virtutis ac vitii sint reales, formaliter solum distinctae ab eisdem actibus in genere naturae.

Voluntate regulariter non necessitant Deum, licet possit.

Quartum: Nos non negare in Deo esse potentiam ad applicandam ac necessitandam voluntatem nostram ad actum, quem ipse voluerit eam elicere: id quod 1. 2. q. 6. ostendimus, & supra in calce disp. 12. asseruimus: addendo ibidem ac alibi, implicare contradictionem, Deum ea potentia uti ad inclinandum nostrum arbitrium ad peccandum: quoniam id cum infinita ipsius bonitate pugnat. Addendo praeterea, Deum regulariter non necessitare voluntatem humanam, sed donis suis atque auxiliis suaviter illicere, inclinare, ac trahere illam, ut, servato integro jure libertatis, illius, id velit ac efficiat, quod Deus eam velle ac efficere voluerit. Atque ita Proverb. 21 dici: Cor Regis in manu Domini: quocumque voluerit, inclinabit illud.

Ad primum.

Ad primum argumentum propositum, concessio antecedente, nempe Deum nostras convertere voluntates, si intelligatur, donis suis gratiae praevientis & excitantis, ac aliis auxiliis eas alliciendo ac invitando ad conversionem, & quando Deo ita praevienti ac excitanti consentiunt, influendo simul eisdem gratiae donis una cum eisdem voluntatibus immediate ad actus conversionis, ut toto hoc opere a nobis explanatum est, neganda est consequentia. Quoniam id non est donis gratiae determinare voluntates nostras ad consensum, ut sepe est explanatum,

sed est solum invitare & allicere. Et multo minus ex eo antecedente, in sensu vero a nobis explicato, sequitur Deum determinare voluntates nostras ad consensum, aut dissensum, circa actus mere naturales. Multo etiam minus sequitur determinare illas ad actus peccatorum quoad influxum nostri arbitrii, a quo solo actus illi habent, quod sint contra legem Dei, & fundent rationem seu deformitatem peccati: quod sane asserere, error apertus esset in fide, blasphemiam adversus Deum Opt. Max. continens, ut ex dictis q. 14 art. 13 a disp. 31 ad disp. 53. & q. 19 art. 6 disp. 3. perspicue constat. Circa probationem vero consequentiae observandum est: Conversionem regulariter non esse ab actuali adhaesione voluntatis per actum aliquem positivum, qui perseveret, & quo voluntas inhaereat contrario objecto per consensum, aut dissensum, sed esse a culpa contracta per actum praeteritum, quae cessavit, & aliquando a culpa contracta per solum omissionem actus culpabilem lethaliter. Esto autem esset a culpa per actum, qui perseveraret usque ad instant conversionis exclusive, ut forte fuit in Paulo, qui iter peccaminosum exercebat, quousque subito circumfussit eum lux de caelo; tamen mora temporis videretur intercessisse ab illo puncto usque ad conversionem, in qua mora audivit vocem illam de caelo, ac respondit: Quis es Domine? &c. esto, inquam, esset a culpa per actum, qui perseverasset usque ad instant conversionis exclusive, ea tamen conversio solum esset per dona & auxilia invitantia & alliciencia potentius aut minus potenter voluntatem ad consensum, manente semper in ea libertate ad adhibendum aut continendum consensum, atque adeo ad se determinandum, aut non determinandum, ad consensum, ut de conversione Pauli disp. 53. citata dictum est. Unde ad probationem consequentiae dicendum est, quod quamvis plus sit conversio voluntatis, quam determinatio ejusdem voluntatis ad alios communes actus, determinatio tamen voluntatis quae utrobique fit, est ab ipsa voluntate, pro sua innata libertate se libere applicante ac determinante ad consensum, aut dissensum, ut dictum est; & non a Deo sua omnipotentia illam determinante, ut potest: quoniam tunc actus non esset liber, sed

necessarius ex parte nostræ voluntatis, ac proinde neque rationem virtutis aut vitii, neque meriti aut demeriti haberet, neque item esset actus humanus : argumentum autem supponit, conversionem fieri a Deo applicante & determinante voluntatem, ut præbeat consensum gratiæ excitanti ac vocanti, quod tamen est falsum.

Ad secundum.

Ad secundum, si in antecedente sit sermo etiam de determinatione voluntatis ad actum peccati, non solum est falsum, sed etiam continet errorem in fide, ut ex disputationibus argumento præcedente citatis constat. Ad probationem vero, quia videlicet sine ipso factum est nihil, dicendum est, id esse verum de quacunque entitate reali & actione, ratione formalis reali entitatis realis aut actionis :

Determinatio voluntatis ad actum quid.

at vero determinationem voluntatis ad actum peccati, esse quidem ipsummet actum, seu actionem peccati, quæ simul emanat a Deo influente in illum concursu generali, & ab arbitrio voluntate humana influente concursu particulari, tanquam a duobus partibus unius integræ causæ illius actionis, ut sæpe explanatum est ; determinationem vero voluntatis esse illam actionem, non simpliciter, sed ut spectatur quatenus præcise emanat a voluntate humana ; sic enim ratio nem habet influxus, cooperationis seu consensus voluntatis humanæ in eam actionem, actumve peccati ; & quia influxus ille ac consensus ita a voluntate emanat, ut in potestate illius fuerit continere illum, quin & elicere contrarium dissensum, dicitur determinatio libera voluntatis ad eam actionem peccati : quatenus vero eadem spectatur ut præcise emanat a Deo, dicitur influxus generalis & cooperatio Dei tanquam causæ universalis ejusdem actionis : quia ergo influxus generalis Dei ad illam actionem, & particularis liberi arbitrii, neque formaliter in ea distinguuntur, sed sola consideratione per habitudinem ad diversa principia, a quibus partialitate causæ diversimode ea actio emanat, ut sæpe explicatum est, consequens est, ex eo, quod voluntas humana seipsum determinet ad ita particulariter influendum & cooperandum ad eam actionem, non sequi dari actionem, aut rationem formalem actionis, quæ sit a voluntate humana, & non simul sit a Deo. Adde, illam quoque determinationem voluntatis humanæ sine Deo

non fieri, quatenus, ut existat, pendet, non quidem ab influxu Dei in voluntatem, quo illam applicet ac determinet ad consensum, sed ab influxu universalis Dei cum voluntate ad eandem actionem, ut q. 14 art. 13 disp. 26 ostensum est. Si autem in illo eodem antecedente non sit sermo de determinatione voluntatis ad actum peccati, sed solum ad cæteras actiones, idem quoque est respondendum, tum ad illud, tum etiam ad probationem illius, idque propter eandem rationem. Tamen si eatenus determinatio illa auctori naturæ possit aliquo modo tribui, quatenus emanat a facultate arbitrii ad ita libere se determinandum ab eodem naturæ auctore collata ; eo quod non sit abusus liberi arbitrii, sicut est determinatio ad actum peccati : & quatenus idem auctor naturæ sæpe ad eam determinationem adjuvat & invitat arbitrium peculiaribus suis donis & auxiliis : simpliciter tamen ea determinatio arbitrio ipsi est tribuenda, ut dictum est. Ad id vero, quod in fine ejus argumenti subsumitur, dicendum est, quamvis Deo non repugnet determinare voluntates creatas ad bonum, atque in patria visione beatifica illas determinet seu necessitet ad ipsum diligendum : quando tamen objectum non est bonum infinitum clare visum, illas non determinare, sed liberas eas relinquere, ut seipsas determinent ad actum, ut habet ac postulat ipsarum natura ac libertas.

Ad tertium.

Ad tertium, concessio antecedente, nemine effectus intelligendo tam actionem voluntatis, quam terminum illius, dicendum est, ideo consequens non esse verum, quoniam determinatio ab extrinseco voluntatis ad ipsius actus, seu ad cooperationem ad consensum, pugnat cum libertate voluntatis ad eosdem actus.

Ad confirm.

Ad confirmationem negandum est antecedens : quoniam efficere cum voluntate operationem illius, tanquam partialem causam ejus operationis, quæ sine voluntate ad eam operationem non sufficiat, nihil cum libertate voluntatis ad eam operationem pugnat : at vero determinare voluntatem ad illius consensum, pugnat cum libertate voluntatis. Quod si dicas, existente ea cooperatione Dei ad voluntatem simul cum ipsa mer voluntate determinandam, adhuc voluntas manet libera ad se determinandum, aut

aut non determinandum; quoniam cooperatio illa Dei non est integra causa ejus determinationis voluntatis, sed pars duntaxat: dicendum est, si existente ea cooperatione Dei priori natura ad voluntatem determinandam ad consensum, adhuc voluntas potest se non determinare, & non consentire; ergo per eam actionem, seu cooperationem, non determinatur, sed adhuc restat voluntatem seipsam determinare, aut non determinare; & consentire, aut non consentire: non ergo illa actio & cooperatio Dei, est determinatio voluntatis. Præterea superflue ponitur præter concursum Dei generalem immediate cum voluntate ad actionem, & præter influxum gratiæ prævenientis, & cooperantis cum voluntate ad actiones: maxime cum voluntas sit, quæ seipsam determinat. Item determinatio voluntatis non est actio voluntatis secundum omnem sui considerationem, sed est ipsa actio prout habet rationem influxus solius voluntatis, qui determinatio voluntatis dicitur, quatenus ita voluntas eo influit, cooperatur & consentit, ut in potestate ipsius situm sit non ita influere, non cooperari, & non consentire: ergo nihil aliud constituendum est, quod sit cooperatio Dei ad ita determinandam voluntatem una cum ipsamet voluntate.

In quarto argumento si sit sermo de influxu, quo voluntas se determinat, & quo producit effectum, & interrogetur, an sint unus & idem, vel diversus: dicendum est, esse unum & eundem; qui determinatio voluntatis dicitur, quatenus in facultate voluntatis est eum non elicere, sed continere illum, vel elicere influxum contrarium, ut dictum est. Cum autem sit argumentum; cur sicut per illum dicitur Deus simul cum voluntate producere effectum, non dicatur simul cum voluntate eandem determinare: negandum est Deum per illum influxum producere effectum una cum voluntate: influxus quippe Dei in actionem, & terminum illius, distinctus ratione est ab influxu voluntatis, ut sæpe dictum est. Præterea influxus Dei in actionem est immediatus in actionem ipsam, & non ipsam voluntatem, & per voluntatem eo motam in actionem: influxus vero Dei, si esset adhibendus ad determinandam voluntatem, esse deberet immediate in voluntatem, quo voluntas applicaretur ac moveretur

ad consentiendum, seu ad determinandum se ad consensum. Si autem in eo argumento sit sermo de influxu voluntatis ad illa duo, & influxu Dei, atque interrogetur, an influxus Dei & voluntatis sint unus & idem vel diversus: dicendum est, esse diversos: ceterum Deum habere eisdem influxum in actionem voluntatis, non vero quo voluntatem ad consensum seu cooperationem determinet. Quando autem quaritur; cur sicut Deus cum voluntate simul natura dicitur producere effectum, non etiam dicatur cum voluntate seipsam determinante simul eam determinare: dicendum est, quoniam, ut ad tertium argumentum, & ad illius confirmationem dictum est, primum nihil absurdum continet, neque tollit libertatem voluntatis ad eam actionem: secundum vero illam tolleretur, ut ibidem ostensum est.

Ad quintum jam dictum est, primam ejus antecedentis partem nihil continere absurdum; secundam vero tollere libertatem a voluntate.

Ad confirmationem dicendum est, nos non negare posse Deum per seipsam determinare voluntatem, sicut illa seipsam determinat: sed negamus id lege ordinaria efficere comparatione objectorum, circa quæ voluntas est libera: quoniam eo ipso, quod eam determinaret, auferret ab illa libertatem, nec suæ naturæ illam relinqueret.

Sextum argumentum supponere videtur, nos asserere, Deum per concursum universalem determinare voluntatem ad suum actum: qui vero argumentatur, contendere videtur, id fieri debere per alium concursum ac influxum Dei. Nos autem non dicimus, concursum Dei universalem determinare voluntatem ad consensum, sed potius per influxum particularem liberi arbitrii concursum Dei universalem determinari ad speciem actus voluntatis, prout voluntas potius influerit ad volendum, quam ad nolendum, vel e contrario; aut ad volendum potius hoc objectum, quam illud. Negamus præterea voluntatem determinari ad liberum suum consensum per quemcunque alium influxum Dei.

Ad confirmationem, concessa majori, si intelligatur, quod concursus Dei generalis ad volitionem sit ipsa actio voluntatis, præcisè tamen spectata, ut emanat a Deo illo modo influente;

influyente; ad minorem dicendum est, volitionem, nostra sententia, esse ipsam determinationem voluntatis ad eandem actionem, spectando tamen actionem volitionis præcisè per comparisonem ad voluntatem, & ut rationem subit influxus voluntatis ad eandem actionem, quo pacto ea actio ratione distinguitur a seipsa priori modo spectata, subique rationem distincti influxus per comparisonem ad distinctas partes unius integræ causæ ejus actionis, ut sæpe explanatum est: quare neganda est consequentia, qua inferitur, ex nostra sententia sequi, concursum Dei generalem esse determinationem voluntatis: committitur enim fallacia accidentis, quatenus ex eo quod concursus Dei generalis, & influxus particularis voluntatis ad eandem actionem volitionis, uniuntur in una realitate, imò & in una numero ratione formali actionis, inferitur unum influxum esse alium: dicuntur enim ac vere sunt diversi influxus, prout eadem numero ratio formalis actionis diversimode spectatur per comparisonem ad diversas partes integræ causæ, a qua emanat, ut sæpe ostensum est: quare ex eo, quod re, & ratione formali uniuntur in eadem numero actione, non sequitur, quod sint idem influxus inter se: quoniam in ratione influxus sunt diversi, non vero in ratione rei. Non secus atque attributa divina in ratione rei, quin & in ratione formalis rationis realis, sunt idem, in ratione tamen attributorum sunt diversa, fallaciaque accidentis committitur; si ex eo, quod unum attributum sit idem re, & ratione formali reali cum alio, inferatur unum attributum esse aliud attributum. Falsum itaque est, nostra sententia, concursum Dei generalem, quo concurret ad actum voluntatis, esse determinationem voluntatis: & verum, non esse causam determinationis voluntatis; quamvis argumentum, unde inferitur, fallax sit. Quando autem inde ulterius colligitur, dandum esse alium influxum Dei prævium, quo Deus determinet voluntatem, neganda est consequentia: quoniam, ut ostensum est, neque concursus Dei generali, neque aliquo alio concursu Deus illam determinat, sed liberam eam relinquit, ut, præsentibus & assistentibus omnibus ad agendum requisitis, ipsa seipsam determinet.

Ad id vero, quod ex D. Thoma citatur, dicendum est, nihil tale eis in locis affirmare. Sed, cum disputaret, an homines a Deo prædestinarentur, atque in contrarium citasset Damasceni testimonium lib. 2. hdei Orth. quo affirmat Deum non prædeterminare ea, quæ a nostro arbitrio pendent, sed merita & demerita humana esse in nobis, in quantum sumus nostrorum actuum domini per liberum arbitrium; respondet D. Thomas, Damascenum non negare prædestinationem per media supernaturalia a Deo præordinata, quibus prævidet, quæ prædestinat, pro sua libertate perventurum in vitam æternam: sed negare prædeterminationes, quibus necessitas ad hoc vel illud in particulari volendum ac sperandum inducatur, eo pacto quo causæ naturales a Deo sunt prædeterminatæ ad unum. In quo plane nobiscum sentit, explodendas videlicet esse præfinitiones, quales illas constituunt ii, adversus quos hoc opere disputamus, per determinationem & applicationem voluntatis nostræ a Deo, ut id velis, aut nolis, quod eam velle aut nolle ipse voluerit, quod plane libertatem a nostra voluntate excludit, ac necessitatem meo operandi modo inducit. Admittit vero D. Thomas præfinitiones in sensu, in quo a nobis quaest. 14 art. 13 disp. 53 memb. 2 constitutæ sunt, neque plus illis locis intendit.

Expenditur progressus, quem in prædestinandis reprobandisque hominibus nonnulli Deum habuisse conjungunt; num etiam prævisio peccatorum, vel electio aliqua, prædestinationem antecesserit.

MEMBRUM VIII.

SCOTUS in primo, dist. 41 quaest. unica, & in tertio, dist. 7 quaest. 3 & dist. 19 quaest. unica, §. In ista quaestione, explicat progressum, quem Deus in prædestinandis reprobandisque hominibus ex æternitate habuit, constituendo varia instantia, in quibus nostro intelligendi more, unum ante aliud voluerit, ac prævidit. Innititurque cuidam principio, quod multis etiam aliis in re, de qua disputamus, familiare est. Nempe eum, qui ordinate vult finem, & media ad finem, prius velle finem quam media ad finem. Quod ergo ad rem præsentem attinet, hoc modo sua instantia distinguit: Ob-

lati

*Scoti instantia circa prædestinationis & reprobationis progressum. Fundam. ex-
tremum Scoti.*

Iatis Deo creaturis omnibus futuris mente præditis, in primo, ut ait, instanti quibusdam voluit beatitudinem voluntate efficaci, & inter eas Christo ut homini, in cujus honorem & gloriam cæterorum hominum beatitudinem esse voluit; quem credidit Scotus futurum esse, etiam si Adam non peccasset. Circa aliquas vero creaturas, quæ ad beatitudinem non perveniunt, ait, Deum in eo instanti se negative habuisse. In secundo instanti ait voluisse gratiam voluntate efficaci creaturis, quas in primo instanti ad beatitudinem elegerat. Eodemque modo ait, habuisse se negative in secundo instanti circa reliquas creaturas. Porro voluntatem efficacem conferendi gratiam & gloriam creaturis ita electis, prædestinationem earundem appellat: unde ponit jam eas esse prædestinatas ante ea, quæ in reliquis instantibus Deus ordinavit, ut locis citatis, potissimum dist. 19 patet. In tertio deinde instanti dicit, voluisse permittere peccatum Adami, & cætera generis humani quæ inde secuta sunt, atque adeo prævidisse illa omnia esse futura. Scientia namque libera in Deo sequitur actum efficacem voluntatis divinæ, quo vult aliquid esse, aut permittere: quare quo ordine res vult voluntate efficaci, eodem eas prævidet esse futuras. Unde vult Scotus, non solum prædestinationem Christi, sed etiam cæterorum hominum, ad certam gratiam & gloriam, & præscientiam quod utramque essent habituri, priorem esse quam præscientiam peccati Adami, & quorumcumque aliorum peccatorum, ut aperte docet dist. 7 quæst. 3 citata. In quarto denique instanti, cognita ruina generis humani, ait voluisse, ut Christus (qui, esto Adam non peccasset, ut putat, erat futurus) veniret in carne passurus, ut sua passione & meritis efficaciter prædestinatis primam gratiam, & perseverantiam in ea usque ad finem vite obtineret. Atque in eodem instanti reliquos homines, prævisis jam eorum peccatis, in quibus ad finem usque vite erant perseveraturi, ait ea de causa a Deo fuisse reprobatos. Quare vult, nullam esse causam prædestinationis electorum præter divinam voluntatem: reprobationis vero dari causam ex parte reprobatorum, nempe, eorum peccata prævisa, propter quæ iuste reprobantur ac damnantur.

Dixi, quod ad rem præsentem attinet. Scotum quatuor instantia explicata distinguere: quoniam non negat, quin potius affirmat, singula distingui posse in multa alia. In primo enim quatuor alia distinguit. Primum, in quo Deus novit se. Secundum, in quo movit creaturas mente præditi. Tertium, in quo Christum prædestinavit tanquam finem & caput cæterorum prædestinatorum. Quartum denique in quo cæteros prædestinavit, ut patet dist. 7 & 19 citatis. Secundum etiam ait posse dividi in multo plura, prout ad gloriam esse possunt multa media, quorum unum sit propter aliud tanquam ob finem: semper enim prius expeditur finis, quam id quod est ad finem. Non negabit etiam in tertio, peccatum Adami prævisum esse ante cætera peccata generis humani, quæ ex illo tanquam ex radice ortum habuerunt. In quarto etiam concedet, prius fuisse expetita merita & passionem Christi, quam gratiam, quæ inde prædestinatis advenit, &c.

Alii vero existimant, præscientiam peccatorum in Deo, tum Christi, tum aliorum hominum prædestinatione priorem fuisse. Et quidem Augustinus multis in locis docere apertissime videtur, scientiam ruinæ generis humani, peccative originis, quod omnes infecit, in Deo fuisse ante prædestinationem & reprobationem hominum: Deum vero prævidentem totum genus humanum originis peccato infectum, dignumque ea ratione interitu æterno, ac proinde velut massam quandam perditionis propter peccatum, quo erat infecta, ex sua tantum misericordia & liberalitate, absque ullis præexistentibus meritis, aut ratione ex parte hominum, ex æternitate conferre voluisse quibusdam media efficacia per Christum, quibus ad beatitudinem perveniret, sique eos in Christo & per Christum mere gratis prædestinasse, ut in eis ostenderet divitiis gloriæ suæ, per modumque misericordiæ bonitas ipsius in eis splenderet: cum reliquis vero libere noluisse uti tali beneficentia, sed illos, nemini inferendo injuriam, iusto iudicio voluisse relinquere in massa perditionis, nolendo conferre per Christum media efficacia quibus ad vitam æternam pervenirent; atque adeo voluisse eos punire, vel propter solum peccatum originis, vel propter peccata alia actualia, in quibus

quibus praevidebat eos ex hac vita discessuros; idque in commendationem iustitiae suae vindicativae, quod est, eos in eum finem reprobasse.

Neutrum horum, ait Augustinus, fuisse ex operibus propriis eorum, qui vel praedestinantur, vel reprobantur, sed utrumque fuisse antequam quicquam boni aut mali egissent, ut adhibito exemplo in Jacob & Esau docet Paulus ad Rom. 9. Nihilominus licet praedestinatio fuerit ex sola misericordia Dei, quae mere gratis, nullaque existente ratione ex parte praedestinatorum separare illos voluerit de massa perditionis, reprobationem tamen dicit fuisse propter peccatum originis praevium tanquam praexistens, quando agebatur de remedio & gratia per Christum donanda, qua, quotquot praedestinati sunt, fuerunt praedestinati. Dum enim statuit Deus, non conferre reprobis ea media per Christum, quibus in vitam aeternam pervenirent, utpote illis minime debita, sed eos vel relinquere in peccato originis, vel, si ab eo resurgerent, permittere ut in alia peccata incidere, quae praevidebat sua libertate commissuros, in eisque vitam finituros, voluit eos reprobare: quo fit, ut origo & ratio reprobationis fuerit peccatum originis, statusque naturae corruptae, cum proposito non conferendi ea media per Christum, quibus a perditione omnino evaderent. Ita intelligo Augustinum, qui multis in locis hanc docet sententiam: tametsi non ita accurate explicet, quo modo intelligat peccatum originis esse ex parte reprobatorum rationem & causam reprobationis. Qua ratione a multis impugnatur, obicientibus, peccatum originis, cum in Esau per circumcisionem, & in multis aliis reprobis per baptismum, & alia remedia fuerit deletum; & semel remissum, redire nequiverit; nullo modo potuisse esse rationem reprobationis eorum. August. tamen in eo sensu intelligere videtur, fuisse causam reprobationis, quatenus fuit causa tum admittendi jus ad regnum coeleste, tum etiam status naturae corruptae, nolente Deo per Christum reprobis conferre eam gratiam & auxilia sine quibus praevidebat eos sua sponte & libertate aeternum interitum incursum: cum tamen, si vellent, eisdem auxiliis, & aliis quae per Christum paratus erat tribuere, si, quod in eis erat, facere voluissent, & interitum aeternum

evadere, & vitam aeternam, in quam conditi erant, consequi potuissent. Hanc totam doctrinam tradit aperte Augustin. lib. 1 ad Simplicianum quaest. 2 post medium, epistola 105 ad Sixtum, scire per totam, & 157 ad Optatum, in Enchiridio c. 94, 98 & 99 de praedestinatione & gratia a cap. 3 Hypognost. lib. 6 & alibi saepe, vel ipse vel quicumque alius duorum posteriorum operum auctor.

Aliqui volunt communiorem Scholasticorum sententiam, de qua superiori membro dictum est, non ita esse intelligendam, quasi Deus ante omnem praescientiam actionum liberi arbitrii creati, atque adeo ante praescientiam peccati originis, quosdam, quos voluit, elegerit, reliquos pro sua libera voluntate rejecerit ac reprobaverit, ad suae misericordiae & iustitiae vindicativae offensionem: sed quod id fecerit, post notitiam peccati, saltem originis, dum per Christum & in Christo (cujus incarnatio, si Adamus non peccasset, futura non esset) quotquot beandi erant, de statu perditionis in sempiternam felicitatem perducere statuit: ita ut praedestinatio & reprobatio postetorum Adami, talis ex aeternitate fuerit, qualis juxta August. sententiam paulo ante explicata est.

In quo in primis non cernitur illa, Deo indigna, inhumanitas, sive crudelitas, quod sine ulla ratione ex parte reprobatorum, & culpa, quae id mereretur, voluerit Deus tantam hominum multitudinem rejicere & reprobare, & quasi de industria quaelibet illis peccatorum occasiones, permiseritque peccata, ut eos juste punire posset. Cum enim originis peccatum, jam tunc praevium futurum, sufficiens fuerit causa meritoria ad juste damnandum, excludendumque a regno coelestium totum genus humanum; utique ex misericordia Dei infinita fuit, quod Christum redemptorem generi humano voluerit donare, & quod in Christo & per Christum quosdam hominum voluerit praedestinare; ex iusto vero, ac inscrutabili iudicio, reliquos reprobare, non conferendo illis per Christum auxilia, sine quibus praevidebat non perventuros in vitam aeternam, sed relinquendo eos in perditione, in qua, si Christus generi humano non fuisset concessus, permansissent; maxime cum multi reprobatorum fuerint per Christum

Prædestinationem fuisse sine ulla ratione ex parte prædestinatorum, reprobationem vero ob peccatum originis, asserit D. August.

Quomodo aliqui communem Scholasticorum sententiam explicent, ut cum D. Aug. omnia consintiat.

Christum a multis peccatis liberati, pro quibus poenas acriter persolvissent apud inferos, esto vitam æternam non sint consecuti.

Deinde, si ita explicetur communis sententia, auctores illius dicere possunt, ea ratione Deum voluisse omnes homines salvos fieri, & tamen noluisse prædestinare omnes in Christo, sed quosdam duntaxat, & alios de industria reprobare, in quibus iustitia ipsius vindicativa splenderet, quod quasi ex primaria intentione, qua (nihil interim cogitando de Christo, nondumque prævisio peccato futuro) creare constituit genus humanum in iustitia originali quæ ad posteros omnes derivaretur, voluit omnes homines salvos fieri, si per ipsos primumque parentem non staret: at prævisio jam peccato & perditione generis humani, dum in Christo & per Christum homines prædestinabat, noluit omnes salvos fieri, sed eos tantum quos prædestinavit.

In statu etiam naturæ corruptæ quo modo Deus vult omnes homines per Christum salvos fieri.

Veruntamen proculdubio dicendum est, etiam in statu naturæ corruptæ per Christum velle Deum omnes homines salvos fieri, si per ipsos, dispositionemque ipsam universi, non steterit, ut quæst. 19 art. 6 ostensum est. De statu namque naturæ corruptæ, positoque originis peccato, loquebatur Paulus, dum primæ ad Timotheum 2 dixit, Deum velle omnes homines salvos fieri. De eodem etiam statu sub iuramento affirmat Deus Ezech. 18 non esse voluntatis suæ mortem impij, sed ut convertatur, & vivat. Atque in eodem statu omnes sine exceptione invitantur a Deo ad vitam æternam. Christus præterea omnibus in redemptorem datus est, ut omnes, si per ipsos non staret, in vitam æternam pervenerent. Nec, juxta illam aliam explicationem, dicendus esset Deus velle omnes homines salvos fieri, sed voluisse in statu innocentie omnes homines salvos facere, si status ipse perseverasset, per primumque parentem non stetisset.

Prædestinatio aut præsupponat præscientiam futurorum contingentium atque adeo peccatorum expenditur.

D. Thom. 3 p. q. 1 art. 3 ad quartum, ait prædestinationem præsupponere in Deo præscientiam futurorum, & ob id, sicut Deus prædestinat salutem alicujus hominis implendam per orationes aliorum, ut salutem Pauli per orationes Stephani, ita prædestinasse opus incarnationis in remedium humani peccati, quod præcognoscebat futurum.

Propositio tamen illa, Præscientia futuro-

MOLINA.

rum antecedit in Deo prædestinationem, si intelligatur de omnibus universim futuris, & de præscientia quod absolute & absque ulla hypothesi sint futura, aperte est falsa. Etenim Dei præscientia quod Petrus habiturus sit gratiam & gloriam, posterior est decessu voluntatis divinæ, quo illum statuit creare, & conserte media quibus prævidet ipsam ad gratiam & gloriam perventurum: quandoquidem in Deo scientia libera cujusque effectus, posterior est actu libero voluntatis divinæ, quo facere aut permittere statuit talem effectum, vel conferre media quibus prævidet libertate arbitrii esse futurum, ut supra diximus: prædestinatio autem Petri completur per actum voluntatis divinæ, quo statuit conferre Petro auxilia & media quibus prævidit illum ad gratiam & gloriam esse perventurum.

Cajetanus eo loco, arbitratus sermonem D. Thomæ esse de præscientia futurorum, quoad esse eorum futurum absolute absque ulla hypothesi, ut propositum evadat difficultatem, distinguit tres ordines rerum, qui præordinationi divinæ per providentiam aut prædestinationem subjacent. Primum esse dicit, quo res omnes per divinam providentiam in fines suos naturales ordinantur. Hunc appellat ordinem naturæ. Secundum, quo res mente præditæ, insuper in finem supernaturalem gloriæ per gratiam & media supernaturalia diriguntur: quem vocat ordinem gratiæ. Tertium, quo creatura aliqua ordinatur ad summam unionem, quæ cum Deo esse potest; qualis est unio hypostatica. Hunc ordinem Dei & creature nominat: commodius ordo unionis hypostaticæ appellari poterit.

Cajetani sententia.

Hos tres ordines ita dicit esse inter se affectos, ut secundus supponat primum: quippe cum prius res per divinam providentiam ordinentur in suos fines naturales, quam per gratiam quædam earum ordinentur ulterius in finem supernaturalem. Quia ergo, inquit, prius Deus per suam providentiam creare constituit res omnes naturales, & eisdem conferre media propriis finibus naturalibus accommodata, quam ordinare decerneret creaturas mente præditas ad gloriam per gratiam & media supernaturalia; inde est, quod præviderit omnia futura contingentia spectantia ad ordinem naturæ, antequam quicquam

Xx

quicquam statueret & prævideret circa futura contingentia spectantia ad ordinem gratiæ. Quia vero ad ordinem naturæ non solum pertinent res naturales, media, operationes, & effectus earum, sed etiam defectus & peccata, tum ageatium ex necessitate naturæ, ut sunt monstra; tum etiam agentium libere, cuiusmodi sunt ea, quæ in genere moris peccata dicuntur, eo quod, juxta illud Osæ 13 Perditio, tua Israël, ex solis nostris viribus peccare valeamus: sit, ut ante prædestinationem & ordinem gratiæ, præviderit Deus peccata omnia generis humani, atque adeo ut illa etiam præcognoverit ante ordinem unionis hypostaticæ, qui utrumque ordinem supponit. Deus namque prius constituit ordinem naturæ: quia vero ille non pertinebat ad finem supernaturalem gloriæ, addidit ordinem gratiæ; & quia hic non pertinebat ad summam unionem, quæ cum Deo esse potest, ordinem unionis hypostaticæ superaddidit.

Juxta hæc ergo Cajetanus ait, Propositionem D. Thomæ intelligendam esse, non de omnibus universum futuris contingentibus, sed de illis, quæ non habent originem ex ordinibus divinæ prædestinationis, seu gratiæ & unionis hypostaticæ, ab illis tamen supponuntur; cuiusmodi sunt, futura contingentia spectantia ad ordinem naturæ, de quorum numero sunt peccata futura.

Hæc nihilominus conclusio constituenda est: Ante prædestinationem tam hominum, quam Christi Domini, quatenus homo est, ut scilicet simul esset filius Dei, atque adeo antequam Deus incarnationem decerneret, præcessit in mente divina cognitio omnium universum futurorum contingentium, non quidem quia ea absolute esse futura novit, sed ex hypothesi, si cum totum ordinem rerum, naturæ, gratiæ, & unionis hypostaticæ condere vellet, quem re ipsa condere statuit: non vero cognitio peccatorum, quia ea absolute & absque ulla hypothesi esse futura prænoverit. Prior pars satis confirmata est q. 14 art. 13 disp. 49 & sequentibus, ubi ostensum est, Deum ante omnem actum liberum suæ voluntatis, atque adeo ante omnem prædestinationem, & ante omnem scientiam liberam, partim per scientiam mere naturalem, partim per mediam illam

scientiam inter liberam & mere naturalem, de qua disputatione 51 & duobus sequentibus locuti sumus, cognovisse futura omnia contingentia, non solum quæ futura sunt in toto ordine rerum, quem condere decrevit, sed etiam quæ futura essent, tum in eo ipso, si cum quoad circumstantias & auxilia aliquo ex infinitis modis sua omnipotentia possibilibus variaret, tum etiam in quovis ex infinitis aliis ordinibus rerum, quos condere potuit: at cognovisse universum ea omnia futura contingentia, non secundum esse futurum absolute absque ulla hypothesi, sed sub conditione si hunc vel illum ordinem rerum cum his vel illis circumstantiis condere vellet. Atque hæc plane fuit omnino integra, ac plena, & qualis Deum decebat, ut ita dicam, deliberatio ex parte intellectus divini, ante omnem actum liberum suæ voluntatis, quæ quicquid velle poterat, omnemque habitudinem mediorum ad fines, & connexionem aliquorum finium inter se, eo simplicissimo intuitu, quo se ipsum atque omnia in se ipso naturaliter comprehendit, plenissime & perfectissime cognovit.

Quare, quod ad rem præsentem attinet, contemplari debemus Deum, antequam quicquam libere voluerit, intuentem infinitos ordines rerum, quos creare poterat, & quid in unoquoque, etiam per liberum arbitrium creatum, esset futurum, si talem ordinem cum his vel illis circumstantiis creare vellet; atque adeo intuentem quid futurum esset per arbitrium Angelorum, primorumque parentum, ex hypothesi quod utrosque in gratia, primosque parentes cum iustitia originali, ut vitam æternam propriis meritis obtinerent, in eo ordine rerum crearet, quem re ipsa creare constituit; intuentem præterea, non solum quam habitudinem hic ordo rerum, quoad hunc mundum universum, hominesque & Angelos prædicto modo creatos, habebat, ut in eis bonitas, liberalitas, sapientia, potentia, cæteraque divinæ naturæ perfectiones relucere, sed etiam quam habitudinem & congruentiam habebat Christus verus Deus & homo; tum ut hominum & Angelorum esset caput, atque adeo ut præstantioribus bonis, quam cæteri omnes, donaretur, in ejusque honorem & gloriam cætera omnia cederent; tum etiam

Quæ
deliberatio
præcessit
omnem
actum libe-
rum volun-
tatis divi-
nae.

Prædestina-
tionem
etiam Chri-
sti ut boni-
tis, ante-
cessit cogni-
tio futura-
rum omni-
um consi-
gentium ex
hypothesi
divinæ nat.

ut redi-

ut redimeret genus humanum, cujus ruinam ex eadem hypothefi futuram intuebatur, & ut in Christo & per Christum, quotquot homines forent salvandi, prædestinarentur; tum denique ut in generis humani redemptione, & in cæteris, quæ per Christum futura erant, omnia ipsa divina attributa multo magis quam in cæteris omnibus rebus, relucere: hæc, inquam, omnia, & infinita alia intuentem contemplari debemus Deum, antequam quicquam libere constitueret. Cum vero habitudines finium, rerumque omnium inter se, plenissime cognosceret, integrumque illi esset, non velle permittere ruinam generis humani, nisi per Christum felicissime vellet ei subvenire, neque item velle incarnationem, nisi tanquam partem sui finis integri adjunctam haberet reparationem generis humani; cum etiam, non solum ante ruinam generis humani, sed etiam post illam, nulli adulatorum voluerit sempiternam beatitudinem, nisi dependente a proprio usu liberi arbitrii cujusque eorum, imo neque parvulis, nisi dependente a remedio contra peccatum originis per usum liberi arbitrii aliorum exhibito, ut ex fide constat; denique cum unico simplicissimo actu suæ voluntatis, præviaque plenissima deliberatione seu cognitione circa res omnes, voluerit ex æternitate quicquid voluit: sane exterminanda omnino videntur instantia Scoti & aliorum, in quibus in statuenda incarnatione prædestinando Christo cum cæteris beatis, aut reprobando cæteris hominibus, Deus unum voluerit ante aliud, aut per scientiam, liberam præviderit unum ante aliud: quæ certe instantia adeo obscuram reddunt quæstionem hanc, ut vix, aut ne vix quidem, intelligi queat. Imo nec videtur admittenda scientia illa, qua secundum esse futurum absolute, & absque ulla hypothefi, præviderit Deus ruinam generis humani, antequam de incarnatione Christi ageret, & de prædestinando Adamo, Adamique posteris in Christo & per Christum, ut Augustinus, & multi alii docere videntur. Satis namque est cognitio, qua eam ipsam ruinam, & omnia contingentia per scientiam naturalem & mediam inter liberam & mere naturalem futura præviderit, ex hypothefi quod eum ipsum ordinem rerum condere decerneret: neque credo aliud voluisse Augustinum. Imo vero cum non

minus verisimile sit, quod nunquam Deus voluisset permissionem ruinæ generis humani, nisi simul subvenire illi per Christum decrevisset, quam verisimile sit quod noluisset omnino incarnationem, nisi conjunctam haberet reparationem generis humani: atque sicut ex sententia Augustini (& aliorum, qui, si Adam non peccasset, futuram non fuisse incarnationem affirmant) non fuit in Deo præcognitio futura incarnationis absolute, & absque ulla hypothefi, ante scientiam de ruina generis humani; ita neque fuit præcognitio futura ruinæ absolute, & absque ulla hypothefi, ante scientiam de futura incarnatione: quandoquidem, ut neutram vel esse vel permittere Deus voluit sine altera; ita neutrius cognitio fuit in Deo per scientiam liberam, atque adeo secundum esse futurum absolute, & sine hypothefi, ante aliam: quoad esse vero futurum ex hypothefi, si scilicet Deus condere vellet totum ordinem rerum, quem re ipsa condere statuit, utraque cognitio fuit simul ante omnem actum voluntatis divinæ, per scientiam naturalem, atque mediam inter liberam & mere naturalem.

Ad fundamentum ergo illud, cui Scotus & alii in ejusmodi instantium designatione inniuntur, dicendum est, si velint, eum qui ordinate, hoc est, ordine quodam unum post aliud, vult finem & media, prius debere velle finem quam media; verum quidem esse: Deum tamen non ita se habere, præsertim in re de qua disputamus, sed simul velle finem ac media. Si vero velle ordinate idem sit, ac non præpostere, sive indecenter, respondendum est, nihil indecens & præposterum in eo cerni, quod Deus, qui unico actu intellectus omnia comprehendit, unicoque actu voluntatis vult media omnia & fines, velit simul medium & finem, atque adeo per scientiam liberam non præcognoscit unum eorum ante aliud. Dicendum deinde est, eum qui vult quidem finem, non tamen suum, sed alterius, cui illum vult tanquam præmium, & sub conditione si ad illum per propria merita, gratiæ tamen innixa, pervenire voluerit, non prius velle alicui voluntate absoluta præmium quam prævideat futura, velitque eidem absoluta voluntate media quibus ad finem perveniet: beatitudo autem non est finis Dei, sed est creaturarum ratio-

Fundamentum Scoti diaboliarum.

Scoti instantia esse exterminanda.

Item prævisionem absolutam peccati originis ante prædestinationem.

nalium finis ac præmium per propria merita, cooperante gratia, ex ordinatione divina obtinendum, juxta illud Matth. 19: Si vis ad vitam ingredi, serva mandata; ut innumera alia scripturæ testimonia omittam. Quare neque prius vult Deus nobis voluntate absoluta finem, quam media, neque prius prævidet nos habituros finem, quam prævideat habituros media. Exemplum habemus accommodatum in eo, qui conducit operarium. Denarius enim diurnus non est finis patrisfamilias conducentis, sed est finis ac præmium laborum operarii conducti: cum vero paterfamilias non velit illi finem & præmium, nisi dependenter ab opera, quam ille præstiturus est, non prius illi voluntate absoluta vult, vel absolute videt adepturum præmium, quam videat laboraturum.

Quoniam vero Scotus eodem fundamento utitur, ad probandum, futuram fuisse incarnationem, esto Adamus non peccasset; eo quod Christus, prædestinatioque ipse, sit finis prædestinationis ac bonorum non solum cæterorum hominum, imo vero totius universi, volitio vero, & subinde præcognitio finis secundum esse absolute futurum, antecedit in Deo volitionem & præcognitionem eorum quæ sunt ad finem; atque adeo, esto Adamus non peccasset, futura fuisset incarnatio & prædestinatio Christi, quæ minime penderet ab iis quæ circa homines, qui ad ipsum tanquam ad finem ordinabantur, accidissent: quoniam, inquam, Scotus eodem utitur fundamento ad hoc ita probandum, dicendum est: quando Deus ita vult finem aliquem præcipuum, ut vicissim eundem ordinet in emolumentum mediorum, neque a Deo, nisi dependenter a commodo mediorum, expetatur, utique non prius velle finem, quam media, commodumve illud mediorum ex tali præcipuo sine profecturum; neque absolute præscire futurum præcipuum finem, antequam absolute futura media, commodumve mediorum ex tali sine prævideat: verisimile autem est; quod nunquam Deus vellet incarnari, nisi simul reparationem generis humani, & prædestinationem hominum per incarnationem perficere voluisset; tametsi incarnatio & prædestinatio Christi fuerit præstantior finis, ad quem cætera a Deo ordinata

sunt, quam ipsum genus humanum, & prædestinatio cæterorum; in quem tamen finem vicissim, tanquam in partem sui integri finis, incarnatio ordinata fuit.

Juxta priorem partem nostræ conclusionis intelligi doctrinam D. Thomæ in responsione ad quartum citata, ubi ait: Prædestinationem in Deo præsupponere præscientiam omnium universim futurorum contingentium, etiam eorum quæ originem erant habitura ex ordine prædestinationis & gratiæ atque unionis hypostaticæ; non tamen præsupponere præscientiam, quod futura essent absolute, sed ex hypothesi, ut paulo ante explicavimus: quæ sola præscientia instituto D. Thomæ interviebat. Ut enim Deus, actu libero prædestinationis, orationes iusti unius in medium salutis alterius ordinaret (ut de orationibus Stephani protomartyris comparatione Pauli Augustinus & alii affirmant) satis erat, ut dum Stephanum & Paulum prædestinabat, per scientiam mediam inter liberam & mere naturalem præcognosceret, si utrumque in eo ordine rerum & circumstantiarum creare vellet, in quo eos collocavit, futuras interitus & crepitus lapidum orationes Stephani pro suis persecutoribus, quas in medium prædestinationis & salutis Pauli præcipui persecutoris ordinaret, atque propter quas tam magnifice cum vocare & adjuvare decerneret. Ut item incarnationem in reparationem generis humani institueret, satis erat si ex hypothesi quod hunc ordinem rerum creare vellet, ruinam generis humani per eandem scientiam prævideret. Denique ut cætera omnia circa tres illos ordines naturæ, gratiæ, & unionis hypostaticæ constitueret, mutuoque effectus unius ordinis ad alterius ordinis effectus ordinaret, satis erat illa eadem præcognitio, ut explicatum est. Exemplum namque illud, de orationibus ab uno fuis ad prædestinationem alterius, testatur D. Thomas intelligendum esse de præscientia, etiam futurorum contingentium spectantium ad ordinem gratiæ: eas namque orationes unius ordinat Deus ad prædestinationem alterius, quæ a gratia emanant, per quam Deo gratæ redduntur.

Posterior pars conclusionis, quod prædestinationem, atque decretum divinum circa ordinem gratiæ & unionis hypostaticæ, non ante-

*Mens D.
Thomæ explicatur.*

Incarnationem futuram non fuisse si Adamus non peccasset, quæ ratione adversus Scotum defenditur.

Prædestinationem, & decretum circa ordinem gratiæ

*Et incarnati-
onem, non
anteceſſa
præviſio pec-
catorum in-
eſſe futura
absolute.*

anteceſſerit præcognitio peccatorum, quod futura eſſent absolute absque ulla hypotheſi, manifeſte probari poteſt. Primo, quoniam per ordinem gratiæ & divinæ prædeſtinationis impediuntur multa peccata: quo enim majora ſunt auxilia gratiæ, eo pauciora peccata ſiunt: ergo quod hæc aut illa peccata ſint, aut non ſint absolute futura, & quod id Deus prævideat, ex decreto voluntatis divinæ circa ordinem gratiæ & divinæ prædeſtinationis dependet: non ergo ante illum conſtitutum præcognoviſcit Deus quæ peccata absolute ſint futura, ſed ſolum ex hypotheſi, ſi talem vel talem ordinem gratiæ velit conſtituere.

Secundo, præviſio peccati originis, in cujus remedium Verbum aſſumpſit naturam humanam, ſupponit præviſionem juſtitie originalis & gratiæ Adamo ſibi & poſteris collatæ: etenim ſecluſo hoc dono, non eſſet peccatum originis, quod nobis ſolum nocuit in gratuitis; neque magis primum peccatum Adami in nos generatione tranſfunderetur, quam reliqua illius, aliorumque parentum peccata in nos tranſmittantur: cum ergo juſtitia originalis & gratia, non ad naturæ, ſed ad gratiæ ordinem ſpectent, fit, ut non omnium peccatorum præviſio antecedit in Deo ordinem gratiæ, præviſionemque futurorum contingentium ad eum ordinem ſpectantium.

Tertio, ſi in Adamo non præceſſiſſet peccatum originis, quod fuit poſt dona omnia gratiæ in ſtatu innocentie accepta, confeſcuta non fuiſſent tot peccata, quot, amiſſa juſtitia originali, patrata ſunt, ac proinde non fuiſſent a Deo præviſa: ſed primum Adami peccatum non fuit præviſum antequam juſtitia originalis & cætera dona, quibus nihil obſtantibus peccavit, Deoque fuit ingratus, eſſent in eo præviſa: ergo neque cætera Adami & poſteriorum peccata fuerunt præviſa, ante eorundem donorum ordinis gratiæ præviſionem: non ergo omnium peccatorum præviſio ſecundum eſſe futurum absolute præceſſit in Deo conſtitutionem liberam ordinis gratiæ, præviſionemque futurorum contingentium ad eundem ordinem ſpectantium.

Quarto, cum peccata eſſe non poſſint niſi Deo permitte[n]te, peccata Adami & poſteriorum non prius a Deo fuerunt præviſa

futura absolute, quam permittere ea decerneret: ſed ea non aliter permittere conſtituit quam ex æternitate ſtatuerit non conferre majora auxilia gratiæ quam re ipſa conferat (etenim nullum eſt peccatum, quod, multiplicatis auxiliis gratiæ, tandem non poſſit impedi) ergo non prius ex æternitate conſpexit, quæ peccata eſſent absolute futura, quam ordinem gratiæ ex eadem æternitate conſtitueret.

Quinto, ut ſupra dictum eſt, veriſimile eſt, divinam bonitatem permiſſuram non fuiſſe totius generis humani ruinam, niſi ſimul adhibere vellet feliciffime remedium per Chriſtum: ergo non prius ſtatuit permittere peccata generis humani, ac proinde neque illa prævidit absolute futura, antequam conſtitueret ordinem unionis hypſtaticæ, prævideritque incarnationem futuram.

Sexto, in iis quæ ita ſunt affecta, ut unum ſit propter aliud tanquam ob finem, ſi quid Deus prius vult aut cognoviſcit absolute futurum, potius eſt finis, quam id quod ad finem ordinatur: ſed gloria eſt finis gratiæ; gloria & gratia ſunt finis nature, & non e contrario: Deus namque hominem propter gratiam & gloriam, reliquas vero res corporales propter hominem condidit: ergo ſi inter futura contingentia, quæ ad ordinem nature & gratiæ pertinent, aliqua Deus prius vult aut cognovit absolute futura, certe ea potius ſunt futura contingentia ad ordinem nature & prædeſtinationis ſpectantia, quam quæ ad ordinem nature pertinent. Argumentum hoc tum ſecundum ſe vires habet, tum maxime adverſus Cajetanum, Scotum, & alios, qui ea argumentandi forma in re, de qua diſputamus, utuntur.

Id etiam, quod Cajetanus eodem in loco affirmare videtur, ab ordine ſcilicet unionis hypſtaticæ, atque adeo a decreto voluntatis divinæ de exhibenda incarnatione ſupponi in mente divina ordinem nature & ordinem gratiæ, cognitionemque futurorum contingentium utriusque ordinis in mente divina priorem eſſe cognitione future incarnationis, videtur aperte eſſe in fide periculoſum. Etenim cum prius (aut certe non poſterius) ſit, Deum conſtituere, ut Chriſtus, qua homo, ſit per incarnationem, quam Chriſtum eſſe prædeſtinatum ad tantam vel tantam gloriam, utique ſi ordo gratiæ & præde-

*Impugnatio
ſur Cajeta-
niano.*

*Christus
Dominus
prædestina-
torum pri-
mus.*

prædestinationis aliorum hominum antecederet in mente divina ordinem incarnationis, Christus non fuisset primus prædestinatorum; sed omnes alii prædestinati essent ante illum, atque adeo prædestinati non fuissent in illo & per illum, hoc est, ex meritis illius; quod pugnat aperte cum sacris scripturis. Ad Ephes. namque primo ait Paulus: Elegit nos in ipso ante mundi constitutionem, ut essemus sancti & immaculati in conspectu ejus in caritate; qui prædestinavit nos in adoptionem filiorum per JESUM Christum in ipsum. Non solum autem in Christo & per Christum, id est, ex meritis illius, nos prædestinavit, sed etiam ad imaginem & similitudinem illius tanquam capitis atque exemplaris prædestinatorum, juxta illud ad Rom. 8: Quos præfeciit & prædestinavit conformes fieri imaginis filii sui, ut sit ipse primogenitus in multis fratribus. Confirmari idem potest, quoniam omnes ex æternitate prædestinati sumus in laudem & honorem Christi capitis nostri, & per gratiam & merita illius; ut enim D. Thomas in argumento, sed contra, recte in hoc artic. docet, per quæ media ad beatitudinem pervenimus, per eadem ex æternitate a Deo prædestinati sumus ut ad illam perveniamus; cursusque noster in beatitudinem non est aliud, quam effectus executionis æternæ prædestinationis: nullus vero post Adæ peccatum ad beatitudinem, imo neque ad gratiam pervenit, nisi ex meritis Christi, atque ut id in laudem & honorem illius cederet, juxta illud ad Hebræos 2: Decebat eum, propter quem omnia, & per quem omnia, qui multos filios in gloriam adduxerat, auctorem salutis eorum per passionem consummari. Cum ergo ex æternitate minime potuerimus in laudem & honorem Christi, per meritaque illius prædestinari, nisi vel prius vel certe simul incarnatio constitueretur; fit, ut ordo gratiæ & prædestinationis, cognitioque futurorum contingentium ejusdem ordinis, præcedere non poterit in mente divina ordinem & decretum unionis hypostaticæ, cognitionemve Christi venturi.

Prædestinatio & reprobatio una cum reprobatione ca-
Ex his omnibus patet, meditandum esse Deum optimum maximum, ante omnem actum liberum suæ voluntatis, ea plenissima deliberatione, de qua dictum est, præviden-

tem, ex hypothesi quod, secluso Christo, eos Angelos & homines, ut in beatitudinem pro ipsorum libertate pervenirent, in eo auxiliorum ac rerum ordine collocare vellet, in quo eos creavit, futuram ruinam quorundam Angelorum ac totius generis humani; prævidentem item, ex sua infinita misericordia & bonitate posse donare Christum, cui, ut homini, gratiam unionis, longeque majora bona, quam ceteris rebus simul sumpris, conferret; quem hominum atque Angelorum caput, rerumque omnium Dominum constitueret; in quo totum universum nobilitaretur; per quem genus humanum redimeretur; atque a quo dona omnia, quibus genus humanum salutem consequeretur, derivarentur, &c. Tunc vero unico simplicissimo actu suæ voluntatis ita elegisse simul totum eum ordinem, qui speciales naturæ, gratiæ, & unionis hypostaticæ ordines complectitur, & a constitutione mundi ad finem usque sæculi futurus est, ut in eo admirabili sapientia, naturæ, gratiæ, atque unionis hypostaticæ ordines inter se miro quodam modo intexeret, eorumque nonnullos effectus in se mutuo ordinaret. At ita, propter plenissimam deliberationem, cognitionemve, qua futura omnia ex hypothesi prævidebat, meditandus est elegisse simul totum ordinem illum, partesque illius intexuisse, ut ex prævisione lapsus generis humani, tanquam ex conditione sine qua non ita fieret, ortum habuerit, ut (quod ad homines attinet) diversum ordinem gratiæ, ex unionis hypostaticæ & Christo resultantem, loco ejus ordinis gratiæ, qui, si Adam non peccasset, fuisset futurus, instituerit, & cum reliquis ordinibus complicaverit.

Quare in primis meditandus est, non fide, sed ex animo (quæ ipsius est veritas ac bonitas) eo ipso actu, quo totum ordinem, qui a principio mundi usque ad consummationem sæculi futurus est, elegit, proposuisse condere Angelos & homines in statu innocentia (Christo interim secluso) ut proprio arbitrio, per gratiam illius status abundantissime adjuto, in beatitudinem pervenirent, eamque ex animo veraci, si per ipsos non staret, omnibus promiscue conferre voluisset. Porro electio ordinis illius, quoad decursum Angelorum & hominum in statu innocentia, & quoad ordinem gratiæ illius status, licet

*utramque
rerum, quod
liter in Theo
sua conside-
randa.*

licet fuerit prædestinatio quoad eos Angelos, quos in eo ordine per talia auxilia pro ipsorum arbitrio perventuros in vitam æternam prævidebat; quoad homines tamen, & eos Angelos, quos pro suo etiam arbitrio & culpa prævidebat ad eam ex illo statu non perventuros, solum habuit rationem providentiæ circa beatitudinem, conjunctam habentis voluntatem permittendi peccata, propter quæ prævidebat eos ad eam non perventuros. Ratione vero peccatorum, quæ ita in Angelis prævidit futura; quoniam non statuebat eorum lapsum reparare; habuit ulterius adjunctam voluntatem eos excludendi a regno cœlesti, atque plectendi cruciatibus æternis, per quam ratio reprobationis illorum fuit completa.

Meditandus est deinde Deus, illo eodem actu, quo totum ordinem qui a principio usque ad finem sæculi futurus est elegit, quoad voluntatem donandi Christum redemptorem, atque ordinem gratiæ, qui per Christum (loco ejus quem Adamus amisit) successit, voluisse etiam ex animo promissæ omnes homines, jam in Adamo lapsos, in vitam æternam perducere, gratumque illi esse, tum ut singuli salutem suam diligenter curent, ad vitamque æternam perveniant, tum etiam ut a cæteris ad eum finem diligenter adjuventur, juxta illud primæ ad Thessal. 4: Voluntas Dei sanctificatio vestra: & illud primæ ad Timoth. 2 ubi, cum Paulus jussisset fieri orationes pro omnibus hominibus, addidit: Hoc enim bonum est, & acceptum coram Salvatore nostro Deo, qui omnes homines vult salvos fieri (ut multa alia scripturæ loca prætermittamus) ad ita voluisse omnes homines jam lapsos salvos fieri, ut propter rationes, quas quæst. 22 art. 1 & alibi reddidimus, in pœnamque peccati, voluerit id, non solum dependenter ab arbitrio cujusque adultorum, sed etiam cum longe majori eorum difficultate & periculo; quoad eos vero qui ad usum rationis non perveniunt, dependenter a causis naturalibus, cursuque universi, & ab arbitrio aliorum, qui eis remedium contra originis peccatum applicarent; denique quoad utrosque magna ex parte dependenter a conatu Ecclesiæ, parentum, cursuque universi quoad cæteras causas liberas, in quarum potestate situm est docere & informare alios de iis, quæ ad salutem sunt

necessaria, verboque & exemplo ad eum finem permovere, vel desides ea in parte esse, aut etiam eos pervertere; occasionemque ruinæ illis præbere.

Porro electio ordinis illius, quoad voluntatem donandi Christum, & ordinem gratiæ, quæ in statu naturæ corruptæ hominibus confertur, simul fuit, tum electio & prædestinatio Christi, quatenus hominis, ut per unionem hypostaticam simul esset filius Dei, primus prædestinatorum ad gloriæ, caput hominum atque Angelorum, universorumque Dominus, in cujus honorem & gloriæ cuncta creata redundarent; tum etiam electio in Christo & per Christum mortalium omnium, qui meritis & gratia ipsius in vitam æternam pervenient. Etenim voluntas donandi Christum hominibus lapsis, & per Christum totum ordinem gratiæ qui post lapsum primorum parentum a principio mundi usque ad consummationem sæculi in diversis Ecclesiæ militantis statibus multipliciter fluat, quique multo ubiorem haberet effectum, si per homines ipsos non flaret, rationem habuit divinæ providentiæ circa beatitudinem comparatione mortalium omnium, qua per Christum & in Christo omnibus ad beatitudinem denno provifum est: comparatione vero eorum, quos Deus ea via pro libertate arbitrii ipsorum, aut applicato illis remedio contra originale peccatum, si ad usum rationis non perveniunt, perventuros prævidit in vitam æternam, fuit prædestinatio in Christo & per Christum. Quare actu illo simul cætera omnia, quæ ad naturam & gratiam spectant, ordinavit in Christum tanquam in finem: & incarnationem ipsam atque Christum, licet expectaverit ut ideo essent quia in se ipsis sunt majus bonum quam cætera creata, vicissim tamen voluit ut forent in reparationem generis humani, tanquam in partem finis integri, sine qua, juxta verisimiliorem sententiam, non foret Christi incarnatio. Omnia tamen (etiam ordinem Angelorum atque hominum in statu innocentie) tandem in seipsam tanquam in finem retulit, atque in admirandam suorum omnium attributorum ostensionem & commendationem, ut sæpe dictum est.

Ex his omnibus quivis jam facile intelliget, nullam fuisse vel electionem vel prædestinationem

litationem hominum in vitam æternam, nisi in Christo & per Christum, hoc est, ex meritis & gratia illius, ut art. 1 disp. 2 & art. 3 ex parte dictum est.

Illud præterea animadvertendum est, quemadmodum supra dicebamus, electionem ordinis Angelorum atque hominum in statu innocentie ita habuisse rationem providentiæ circa vitam æternam comparatione hominum atque eorum Angelorum, quos Deus prævidebat ad eam proprio arbitrio & culpa non perventuros, ut adjunctam haberet voluntatem permittendi illorum lapsum in peccata, & ulterius voluntatem excludendi daemones a regno cœlesti, eosque æternis suppliciis cruciandi, per quam ratio æternæ reprobationis illorum completa fuit: ita etiam electionem Christi, & ordinis gratiæ, quæ per Christum in statu naturæ corruptæ hominibus confertur, ita habuisse rationem divinæ providentiæ circa vitam æternam comparatione eorum hominum quos Deus per illa auxilia prævidebat ad eam non perventuros, ut adjunctam haberet, tum voluntatem permittendi lapsum eorum in peccata lethalia, quæ propria, aut primi parentis libertate ac culpa prævidebat futura, atque perseverantiam in illis usque ad finem vitæ, tum etiam voluntatem excludendi illos propter ejusmodi peccata prævisa a beatitudine, per quam voluntatem ratio æternæ eorum reprobationis completa fuit.

APPENDIX MEMBRI OCTAVI.

Non desuere, qui arbitrati sint, me præcedenti Membro hanc confecisse argumentationem: Deus unico simplicissimo actu suæ voluntatis ex æternitate voluit, quicquid voluit, ergo videntur omnino exterminanda instantia Scoti, & aliorum, &c. quasi in ea sententia sim, in divina volitione, propter illius simplicitatem, nullam posse distinguere prioritatem & posterioritatem nostram intelligendi modo cum fundamento in re.

Tunc vero argumentantur, me repugnare mihi metipsi, qui alibi doceo, Deum prius voluntate antecedente seu conditionata voluisse omnes homines salvos fieri, & postea absolute voluntate quibusdam voluisse beatitudinem, aliis vero damnationem.

Item, qui Membro præcedente doceo, Christum primum esse prædestinatorum, &

contrarium cum Scriptura sacra pugnare: cum tamen id verum esse non possit, nisi in voluntate divina prioritas distinguatur, qua Christum ante alios prædestinaverit.

Quod si (inquiunt) in divina volitione necessario concedenda est prioritas & posterioritas nostro intelligendi modo; eo quod actus ille, licet sit simplicissimus, virtute tamen continet multos: sane nulla est causa cur in ea distinguere non possint aliqua instantia, si non qualia a Scoto, certe qualia ab aliis distinguuntur.

Si ea, quæ Membro præcedente dicta sunt, recte expendantur, simulque ea quæ in antecedentibus remisimus ad eum locum, facile comperietur, in tribus tantum eventibus, qui ad rem nostram spectabant, nos rejicere ibi instantia, seu prioritates nostro intelligendi modo, in quibus unum sit volitum a Deo, aut cognitum absolute futurum ante aliud.

Primus est, quando ordines aliqui ita sunt inter se complicati, ut quænam in uno determinate sint futura, mutuo pendeant ex iis, quæ in alio aut aliis futura sunt. Quatenus enim futura in uno ordine mutuo pendet ex futuris in aliis, admittenda non sunt instantia, in quibus, quæ pertinent ad unum ordinem, volita aut cognita a Deo sint absolute futura, antequam volita aut cognita sint, quæ pertinent ad alios. Hac ratione Membro præcedente rejecimus prioritatem, quam Cajetanus introducere tentavit, qua universim prius a Deo cognoscerentur absolute futura, quæ pertinent ad ordinem naturæ, quam quæ pertinent ad ordinem gratiæ; & prius quæ pertinent ad ordinem gratiæ quam quæ pertinent ad ordinem unionis hypostaticæ.

Quando fines aliqui voliti sunt, unus dependenter ab alio, aut non sine alio. Unde quia sicut credendum est, Deum permixturum non fuisse ruinam totius generis humani peccato Adami, nisi felicius reparaturus illud esset per Christum, sic, juxta communio-rem Patrum sententiam, futura non fuisset incarnatio, nisi simul in reparationem generis humani, tanquam in partialem & adjunctum finem, esset volita: consequens est, ut admittendum non sit instans, in quo prius incarnatio fuerit absolute volita, aut fuerit cognita absolute futura, quam volita & cognita fuerit absolute futura reparatio generis humani per Christum, ut Scotus volebat,

Objectio prima.

Objectio secunda.

In tribus eventibus instantia excludantur.

Præmissa.

Secundum.

bat, sed simul utrumque fuerit volitum : reparatio quidem in laudem & honorem Christi ; Christusque ipse atque incarnatio in reparationem generis humani tanquam in partem finis integri ad quem fuit volita, & sine quo volita non fuisset ; atque adeo fit, ut simul utrumque fuerit cognitum absolute futurum.

*Tertius.
Electio ad
beatitudi-
nem non est
in Deo ante
prædestina-
tionem.*

Tertius est, quando finis neque volitus ; neque proinde cognitus, est absolute futurus, nisi dependenter a mediis. Unde, quia Deus non voluit hominibus beatitudinem, nisi tanquam præmium, ad quod, si adulti essent, pervenirent per propria merita, quæ gratia ipsius (& meritis Christi post Adæ peccatum) niterentur : sane non prius absoluta voluntate voluit Deus eis præmium, ad illudque eos elegit, quam videret velletque illis media ad illud accommodata, atque adeo quam per illa media eos prædestinaret. Sicut præterfamilias non prius vult mercenario absoluta voluntate denarium diurnum, quem in præmium & finem suorum laborum illi proponit, quam prævideat labores & merita illius, eo quod dependenter ab illis eum illi velit.

Certe nostra hæc doctrina omnino consentit cum voluntate Dei antecedente, qua omnibus, quos creare statuit, sempiternam suam beatitudinem voluit, in eumque finem vere, & non fictæ, eos creavit. Quia enim omnes ad beatitudinem creabat, creareve statuebat, sed tanquam in finem & præmium, ad quod vel propria libertate, ac meritis gratiæ suæ innixis, vel Christi meritis (mediis quibusdam eis applicatis) pervenirent : omnibus sane eo ipso voluit beatitudinem, sed voluntate conditionata, si per ipsos aut primum parentem, vel post Adami peccatum per concursum universi, aut alios, qui media applicarent, non staret. Quare, cum is, qui in præmium & sub conditione mediiorum vult finem alicui, non prius absolute velit illi finem, quam videat, & (quatenus ab ipso pendent) voluntate absoluta velit illi media : consequens profecto est, ut ex antecedente & conditionata voluntate, qua Deus omnibus voluit beatitudinem, intelligatur, nemini absolute eam voluisse, ac proinde neminem ad illam absolute elegisse, nisi per absolutam etiam mediiorum voluntatem, ac prævisionem, quod conditio impleteretur,

MOLINA.

sine qua nemini beatitudinem voluit. Hoc autem nihil aliud sane est, quam neminem elegisse, nisi in Christo, ac per media, quæ ita ex Christo in illum derivari voluit, ut per ea (cooperante suo arbitrio, si adultus esset) perveniret in beatitudinem. Eligere vero hoc modo, idem omnino est, quod prædestinare in Christo, & per Christum : unde sequitur manifeste, admittendam non esse electionem ad beatitudinem, quæ prædestinationem antecedit. Cum autem, quamvis prædestinationis non detur causa, reprobationis tamen ac rejectionis a beatitudine causa sint peccata prævisa futura ; multo minus admittenda erit voluntas absoluta rejiciendi a beatitudine aliquos, quæ antecedit voluntatem permittendi peccata, in eis-que reprobi voluntate prævisis futuris, illum obdurandi usque in finem vitæ : de qua re diximus artic. 3 & dicemus disputatione ultima.

Ecce explicavimus instantia, quæ adversus Scotum, Cajetanum, ac Durandum supra art. 3 citatum, & quosdam alios, Membro præcedente, ratione, quam obijciens truncatam retulit, rejicere intendimus. Id quod facile poterat intelligere : tum ex serie ipsa nostræ doctrinæ, atque ex nostro instituto : tum etiam quia initio ejus paragraphi, in quo ratio illa continetur, manifeste indicavimus, nos non loqui universim, sed sermonem ad nostrum contrahere institutum, idque illis verbis : *Quare quod ad præsens institutum attinet contemplari, &c.* quasi dixerimus, interim alia non curamus, neque ad illa nostrum extendimus sermonem : tum denique ex ipsamet ratione. Neque enim antecedens integrum, unde conclusionem illam deduximus, sunt verba illa : *Denique cum unico simplicissimo actu sua voluntatis, præviaque plenissima deliberatione seu cognitione circa res omnes, voluerit ex æternitate, quicquid voluit ; sane, &c.* quasi ex simplicitate actus voluntatis divinæ intenderimus inferre universim, neque in ipsa volitione, neque in volitis esse quicquam nostro intelligendi modo, cum fundamento in re, volitum prius alio : sed ea verba solum sunt pars quædam antecedentis, eaque non præcipua, sed coadjuvans duntaxat integrum antecedens. Præmissa namque a principio illius paragraphi plenissima cognitione seu

Reprobatio non antecedit voluntatem permittendi peccata, & in eis obdurandi usque in finem vitæ.

Yy

deliberatione

deliberatione Dei ex parte ipsius intellectus ante actum suæ voluntatis, quæ ad nostrum institutum inferendum interviebat, rationem conficere incepimus ab illis verbis: *Cum vero habitudines, &c.* ut vel ex punctuatione ipsa luce clarius constet. Ea vero tota sic habet: *Cum vero habitudines sint, remanque omnium inter se, plenissime cognosceret, integrumque illi esset, non velle permittere ruinam generis humani, nisi per Christum felicissime vellet ei subvenire; neque item velle incarnationem, nisi tanquam partis suis integri adjunctum haberet reparationem generis humani: cum etiam non solum ante ruinam generis humani, sed etiam post illam, nulli adulatorum voluerit sempiternam beatitudinem, nisi dependenter a proprio usu liberi arbitrii eorumque eorum; imo neque parvulis, nisi dependenter a remedio contra peccatum originis per usum liberi arbitrii aliorum exhibito, ut de fide constat: denique cum unico simplicissimo actu suæ voluntatis, præviæque plenissima deliberatione seu cognitione circa res omnes, pluvieri ex æternitate, quicquid voluit; sine exterminanda videntur omnino instantia Scotti, & aliorum, in quibus in statuenda incarnatione, prædestinando Christo cum cæteris beatis, aut reprobandis cæteris hominibus, Deus unum voluerit ante aliud, aut per scientiam liberam præviderit unum ante aliud, &c.* Hoc autem non est negare omnem prioritatem nostro intelligendi modo in voluntate divinæ, quasi nobis ipsis repugnemus, qui quæstione 14 art. 13 disput. 16 §. Hinc secundo, diximus, actum divinæ voluntatis prius natura esse liberum & indeterminatum ad unum, & posterius in eodem nunc æternitatis esse determinandum ad unum, ut de nostra voluntate in instanti temporis eodem art. 13 disputat. 4 dixeramus: & qui, tum in locis quæ nobis obijciuntur, tum etiam in aliis in hac prima parte, prioritatem & posterioritatem in actu voluntatis divinæ comparatione diversorum objectorum constitimus.

Ad primum obijectionem. Hinc jam constat primum eorum, quæ nobis obijciuntur, nullius esse momenti.

Ad secundam. Quod ad secundum de Christi prædestinatione atinet, sane integrum relinquimus, si prædestinatio Christi cum prædestinatione singulorum hominum in particulari comparetur, priorem esse nostro intelligendi

modo prædestinationem Christi, quam prædestinationem singulorum, qui in ipso prædestinati sunt, tanquam causam & exemplar prædestinationis cæterorum, & tanquam finem, principium, ac fontem, unde media prædestinationis cæterorum derivata sunt, ut in eodem ipso membro subiungimus.

Etenim licet Christi prædestinatio non antecedit voluntatem absolutam redimendo genus humanum per Christum, & per consequens prædestinandi in genere homines aliquos in Christo, antecedit tamen singulorum prædestinationem, qui ab ipso sunt redempti. Neque enim sicut volitio, ut esset incarnatio & Christus, adjunctam habet redemptionem generis humani, tanquam conditionem sine qua non essent volita: ita prædestinatio Christi habet adjunctam prædestinationem huius vel illius in particulari, tanquam conditionem sine qua prædestinatio Christi non esset volita.

Ad ultimum, quod nobis obijcitur, jam dictum est quousque membro præcedente rejiciamus instantiam, seu prioritatem, & posterioritatem in divina volitione.

Quantum integer effectus prædestinationis a libero arbitrio pendeat.

MEMBRUM IX.

His omnibus ita examinatis ac constitutis, antequam subjiciamus nostram de prædestinatione sententiam (quam correctionis sanctæ matris Ecclesiæ, ut & cætera nostra, submittimus) illud in primis admonerimus multum interesse inter prædestinationem eorum qui ante usum rationis e vita decedunt, & eorum qui ad eam perveniunt (illos omnes parvulorum, hos verò adulatorum nomine, deinceps significabimus.) Etenim in prædestinatione & reprobatione parvulorum solum agebatur de gratuiti donis consequendis aut amittendis: parvuli namque reprobi in reliquis perinde se habebunt, ac si in solis naturalibus fuissent constituti. Imo post diem Judicii, cum ipsorum animæ suis fuerint corporibus restitute, ab omnibus molestiis, & ærumnis, quibus in hac mortali vita subiacemus, supernaturaliter liberabuntur, melioremque in naturalibus vitam, vitio omni mentis & corporis immu-

Prædestinatio Christi prior cæterorum hominum prædestinatione.

Ad tertium.

Prædestinationis parvulorum & adulatorum discrimen.

nem, in perpetuas aeternitates ducent, quam ullus unquam mortalium duxerit. Quia ergo in prædestinandis aut reprobandis parvulis, solum agebatur de gratuitis donis consequendis, aut amittendis; mirum non est, si quemadmodum per aliena tantum merita, Christi videlicet Servatoris nostri, prædestinantur, ita propter aliena tantum demerita ad ipsos derivata, nempe propter peccatum, non sua sed primi parentis voluntate commissum, ad ipsosque naturali propagatione transfusum, eisque inhaerens, reprobantur. Mirum item non est, si, post innocentie statum amissum, nec vitam æternam consequi, nec poenam damni æternam evadere, in eorum potestate collocatum sit, sed utrumque ex cursu universi, & causis potentibus, eos, vel antequam nascantur, vel baptismum suscipiant, interimere, atque ex aliena industria & voluntate libere eis applicante, aut non applicante, remedium contra originis peccatum, id totum pendat.

In prædestinatione vero & reprobatione adultorum, cum de sempiterna felicitate cum acerrimis æternisque cruciatibus committenda ageretur, ratio ipsa postulabat, ut (Deo ad merita vite æternæ, quæ solis adultorum viribus comparari non poterant, opitulanti parato) in manu consilii sui collocarentur, ut vel propriis meritis, vite saltem æternæ, vel certe interveniente propria industria quod dixerim propter eum, qui attritus solum, dum sui erat compos, & vita discedit, sacramento post amissum usum rationis suscepto) vel demeritis propriis, ad vitam aut ad mortem æternam, ut mallent, pervenirent: id quod re ipsa ita effectum esse scripturæ sacræ ubique testantur. Quo fit, ut omni prorsus dubio semoto affirmatum sit, nullum adultum prædestinatum esse in vitam æternam, nisi per propria merita, quæ, auxiliis & donis divinis nihil omnino impediuntibus, in potestate liberi arbitrii situm sit re ipsa habere, vel non habere, ut maluerit; quæ de causa laudi & merito illi tribuuntur. Intellige, vel certe interveniente propria industria: quod addo, propter adultum illum, de quo paulo ante locuti sumus. Simul observa, me non dixisse, adultos prædestinatos esse propter propria merita, sed per propria merita: illud enim esset falsum;

hoc autem est verum. Hinc etiam fit, ut nullus adultorum reprobatus sit ad cruciatum æternos; nisi propter propria demerita, quæ re ipsa habere, aut non habere, in potestate liberi arbitrii sit collocatum, eaque de causa vituperio, æterna punitione dignissimo, cuique tribuitur. Nullus ergo Catholicorum negare potest a quocunque adulto prædestinato propria merita, quæ, nihil omnino impediens divina prædestinatione, in ejus potestate est præstare, aut non præstare. Imo neque negare potest proprias dispositiones ad fidem, primam gratiam, & alia dona, quæ licet a gratia excitante & cooperante pendeant, atamen nihil omnino impediens divina prædestinatione, in potestate liberi arbitrii eas habere, aut non habere, situm est. Quare quantum quæst. 14 art. 13 multis disputationibus ostensum est, nihil impediens divina gratia a nobis pendere bonum usum arbitrii nostri, quo vel ad gratiam disponimur, vel ea jam adepta exercemus opera incrementi illius & gloriæ meritoria, in eaque perseveramus, tantundem, nihil omnino impediens divina præscientia & prædestinatione, dicendum est, a nobis ipsis, nostræque innata libertate, simili modo pendere, atque adeo, nihil vel prædestinatione vel reprobatione Dei æterna impediens, in potestate nostra esse, vel ita re ipsa operari, ut vitam æternam consequamur, vel etiam eo modo, ut ab ea in extremam miseriam deflectamus. Quæ omnia, & quamvis ratione cum æterna prædestinatione & reprobatione consentiant, ostendere proponimus. Neque dubito, quin ea, quæ a me modo paucis comprehensa sunt, de fide sint, si quæ toto art. 13 quæst. 14 & art. 6. q. 19 & quæ hac & præcedente quæstione dicta sunt, expendantur.

Duo deinde in prædestinatione adulti ante oculos habenda sunt. In primis adultus ipse, qui ex æternitate est a Deo prædestinatus, ut cum donis, quæ Deus ex æterna prædestinatione statuit illi conferre, per suum arbitrium cooperetur suam salutem, in vitamque æternam perveniat. Secundo loco dona ipsa, quibus Deus æterna sua prædestinatione statuit illum adjuvare, perducereque in vitam æternam, quæ dona, ut a Deo per prædestinationem æternam proficiuntur, effectus sunt prædestinationis.

Ut ergo interea solum loquamur de effectibus supernaturalibus, quos integer effectus prædestinationis adulti includit, exemplum, quo dilucidior res fiat, in eo adhibeamus, qui, adultus cum sit, ad fidem vocatur, ex infidelique fidelis ac iustus efficitur, & decursu temporis, ut fieri solet, sæpe a gratia decedit, illamque recuperat, tandemque per bona opera in gratia ultimo accepta fructificat & crescit, ad extremumque vitæ spiritum in ea perseverat, & vitam æternam pro meritorum ac gratiæ quantitate consequitur. Quod enim de integro effectû prædestinationis talis hominis dictum fuerit, facile effectui prædestinationis cuiusvis alterius adulti, paucis mutatis, accommodabitur.

Prædestinatio adulti supernaturalis effectus quantum a libero ipsius arbitrio pendet, et quantum a Deo.

Ex his igitur, quæ quæst. 14 art. 13 præsertim a disputat. 8 & a disputat. 36 explicata sunt, nemini dubia esse debent quæ sequuntur. Primum est, licet habitus fidei, spei, caritatis, primæ gratiæ gratum facientis quæ iustificamur, a solo Deo efficienter producantur, neque sub nostrum meritum cadant, pendere tamen de lege ordinaria a propria dispositione adultorum, quæ per liberam cooperationem proprii arbitrii, coadiuvante auxilio divinæ gratiæ prævenientis atque excitantis, se disponunt. Item licet incrementum gratiæ gratum facientis quod post justificationem in progressu vitæ adultis infunditur, & gloria quæ in termino vitæ adultis prædestinatis confertur, a solo Deo efficienter producantur, pendere tamen a proprio merito adultorum, quo per liberum sui arbitrii influxum, cooperante divina gratia, ejusmodi incrementum gratiæ gratum facientis & gloriam promerentur. Pendere item a positivo, aut negativo, libero usu sui arbitrii, quo a lethaliibus peccatis usque ad terminum vitæ libere, temptationibus resistendo, ac difficultates superando, abstinent, eaque ratione gratiam usque ad finem vitæ libere conservant. Quamvis non negandum sit, si partem aliquam gratiæ gratum facientis in progressu vitæ ex opere operato, ut vocent, virtute alicujus sacramenti recipiant, neque illam, neque gloriam quæ illi respondet, propriis meritis, sed Christi duntaxat recipere; utrumque tamen dependent ab usu proprii arbitrii, quo tale sacramentum libere suscipere voluerunt, atque a propria dispositione, qua ad illud suscipiendum se aptaverunt. Quo fit, ut

adulti, licet effectus supernaturales prædestinationis connumeratos a solo Deo efficienter recipiant, nihilominus eos dependentes a libero usu proprii arbitrii, modo paulo ante explicato, recipiant. Neque hac in re ullam video esse controversiam aut difficultatem.

Secundum est, actus supernaturales liberi arbitrii, quibus adultis infidelis, a Deo per auxilium gratiæ prævenientis excitatus, libere se primo disponit ad fidem, vel spem, vel gratiam suscipiendam, pendere tum a Deo per gratiam prævenientem, tum etiam a libero influxu adulti per proprium arbitrium influentis, qui indifferenter potest vel cooperari ad eos actus cum præveniente & excitante gratia, vel non cooperari, aut etiam ab ea dissentire, casumque illam reddere comparatione actuum ad quos Deus per illam liberum adulti arbitrium invitat. Qui autem sint ejusmodi actus, & qua ratione a nobis & a Deo fiant, imo quousque gratia etiam præveniens a conatu Ecclesiæ, atque a libero nostro arbitrio, juxta leges a Deo præscriptas, pendeat, locis superius citatis explicatum est. Ex eisdem etiam locis patet, supernaturales actus, quibus adultus, post adeptam primam gratiam, incrementum illius, & gloriæ promoretur, a libero adulti influxu in eos, atque a gratia gratum faciente jam adepta, aliisque interdum auxiliis divinis simul concurrentibus, pendere. Merita namque nostra ita sunt nostra propter liberum influxum quoad illa concurrimus, & a quo pendunt, ut simul sint dona Dei propter gratiam & dona per quæ nobiscum cooperatur, a quibus non minus, imo multo magis dependent. Usus denique liberi arbitrii, quo adultus justificationem in gratia semel accepta a lethaliibus peccatis abstinens omnes tentationes ac difficultates superando, diu perseverat, ut ex eisdem locis est manifestum, pendere tum ab arbitrio ipso, quod, & consentire aut non consentire in peccata, & temptationibus succumbere aut repugnare, prout maluerit, potest, tum etiam a divino auxilio, sine quo diu in gratia perseverare non potest, quin succumbat, atque in lethale peccatum devolvatur.

Ex his omnibus illud in primis non obscure deducitur, totum, & singulas partes ejus supernaturalis usus liberi arbitrii, qui in integro effectû prædestinationis adultis includitur, siue is sit usus quo adultus libere ad finem,

finem, spem, caritatem, & primam gratiam se disponit, live quo, post acceptam iustitiam, libere exerceat supernaturalia opera quibus incrementum gratiæ & vite æternæ promeretur, a peccatis abstinet, difficultates superat, tentationibusque resistit, habere duas causas liberas, & a qualibet earum tanquam a parte unius integræ causæ pendere. Prior ac præcipua Deus est, qui per sua dona, concursum, & auxilia cooperatur totum illum bonum usum, & singulas illius partes. Posterior ac minus præcipua, ipsum arbitrium, quod libero suo influxu ad eundem supernaturalem suum usum, & singulas illius partes, cooperatur. Quare quemadmodum totus, & singule illius partes, a Deo pendunt, & efficiuntur; ita etiam a libero ipso arbitrio. Sicut item si Deus supernaturaliter in illum, & in singulas illius partes, nollet influere, omnino non essent: ita si arbitrium ipsum, ut potest, in singulas illius partes non cooperaretur, penitus non essent. Quæ omnia late explicata sunt quæstione 14 art. 13 Si ergo bonus usus supernaturalis arbitrii & singulæ illius partes spectentur ut predicto modo a Deo tanquam a quadam parte totius causæ proficiuntur, bonus usus liberi arbitrii includitur in integro effectu prædestinationis adulti, tanquam pars quadam illius. Si vero spectetur ut præcisè ab arbitrio creato emanat tanquam ab altera parte integræ illius causæ, habet se ex parte prædestinati, estque id quod Deus ab eo exigit, ut cooperetur etiam ad suam salutem, dignusque præmio æterno per propria merita, quæ dona etiam sunt Dei, efficiatur. Atque hæc ratione diximus supra, in prædestinatione adulti duo esse ante oculos habenda: tum adultum ipsum, qui ex æternitate est a Deo prædestinatus, ut cum donis, quæ ex prædestinatione æterna statuit illi conferre, per suum arbitrium cooperetur suam salutem, vitamque æternam consequatur: tum dona quibus ex æterna prædestinatione statuit illum in tempore in vitam æternam perducere: eaque dona, ut a Deo per prædestinationem æternam proficiuntur, esse effectus prædestinationis. Etenim quemadmodum in destinatione sagittæ in scopum, aliud est sagitta quæ destinatur, aliud vis quæ illi a sagittario imprimitur, qua in scopum ab eo destinari dicitur: sic etiam in destinatione, qua adultus a Deo, ut per suum arbitrium

non solum propria sponte, sed etiam propria libertate & meritis in vitam æternam deveniat, eo modo destinatur, ut, si velit, deficiat ab ea possit, aliud est id quod ita destinatur, nempe adultus ipse sua innata libertate prædictus, in manuque consilii sui constitutus; aliud vero media quibus a Deo destinatur, adjuvari que constituitur, ut cooperando per suum liberum influxum in vitam æternam perveniat. Quo fit, ut ex parte adulti prædestinati non solum sese habeat adultus ipse, sed etiam ipsius innata libertas, atque adeo liber influxus & cooperatio, ut præcisè ab arbitrio ipso emanat: ex parte vero Dei prædestinantis, prædestinationisve divina, sese habeant omnia, quibus illum adjuvare, in vitamque æternam, tam per se immediate, quam per causas secundas, perducere constituit, quæ omnia ut a Deo (etiam bonus ipse usus liberi arbitrii, ut a Deo cooperante efficitur) effectus sunt prædestinationis. In partibus vero ejusmodi boni usus liberi arbitrii nihil omnino cernitur profectum a Deo, quod non item ab arbitrio creato emanet, & e contrario, quin potius quicquid in illo est, totalitate effectus, ut vocant, totum est a Deo, totumque ab arbitrio creato; ab unoquoque, ut a parte totius causæ; ab utroque simul, ut a causa integra: non exclusis interim aliis causis, si quæ simul concurrant.

Illud tamen animadvertendum est, quatenus ille bonus usus emanat ab arbitrio creato, in Deum etiam referri; tum ut in auctorem ipsius arbitrii, qui in similes bonos usus vim illam hominibus contulit; tum ut in eum, ex cuius generali concursu quicunque arbitrii influxus pendet; tum etiam tanquam in eum, qui suis supernaturalibus donis, auxiliisve prævenientis gratiæ, arbitrium ipsum invitat & allicit, ut consensum præbeat ad ejusmodi usus supernaturales (ut enim q. 14 art. 13 disp. 8 & aliis explicatum est, sæpe arbitrium neque quoad substantiam actus, hoc est, ad similes usus naturales influeret, nisi præveniente gratia alliceretur & invitaretur) tum denique tanquam in eum, qui cooperando per eadem gratiæ dona in actus ad quos arbitrium ipsum cooperatur, efficit ut usus ille, cooperatiove arbitrii, in re sit supernaturalis, ut sæpe explanatum est. Semper tamen Deus arbitrio innatum liberatem, ut consentiat aut non consentiat, influat aut non influat,

Liberi arbitrii bonus usus supernaturalis ratione includatur in effectu prædestinationis.

cooperetur aut non cooperetur, relinquit; quam ideo per liberum arbitrium homini institutum esse voluit, ut in manu consilii sui constitutus, dominus esset suarum actionum, eaque ratione, nihil prædestinatione impediens, virtutis ac vitii, meriti & demeriti, laudis ac vituperii, præmii & supplicii capax re ipsa esset: id quod Scripturæ & Concilia passim, ut videmus, testantur.

Illud deinde ex hæcenus dictis est manifestum, rem quæ est integer supernaturalis effectus prædestinationis adulti (saltem quoad ea, sine quibus, quemadmodum adultus in vitam æternam non perveniret, ita neque illa esset effectus prædestinationis ipsius) pendere a duabus causis liberis tanquam a duabus partibus unius integræ causæ, ita ut quavis earum libere, prout potest, non influente, aut contrario modo operante, res illa, quæ integer est effectus prædestinationis, non esset in rerum natura. Etenim, ut ostensum est, salvaque fide Catholica, arbitriique nostri libertate, negari non potest, quod infidelis adultus fidem, spem, caritatem, & primam gratiam assequatur, illam in vitæ decursu amissam recuperet, in ea crescat, in ea usque ad vitæ terminum perseveret, tandemque vitam æternam consequatur, a supernaturali usu arbitrii ipsius adulti dependet, quo libere se ad priora illa dona disponit, a peccatis abstinet, tentationes ac difficultates superat, & augmentum gratiæ & gloriæ promeretur, ut explicatum est: totus vero ille usus Deum ipsum & arbitrium creatum, tanquam duas partes unius causæ liberæ, habet, a quarum qualibet prædicto modo, ut explicatum etiam est, pendet. Quare cum infidelis adultus sine fide, spe, caritate, prima gratia, perseverantia ad finem usque vitæ in ea, & sine usu liberi arbitrii ad ea omnia necessario, non possit ad vitam æternam pervenire, fit, ut res quæ est integer supernaturalis effectus prædestinationis adulti, saltem quoad illa sine quibus non erit effectus prædestinationis, prædicto modo pendeat simul a Deo & ab arbitrio creato tanquam a duabus partibus unius integræ causæ liberæ.

Dixi, rem quæ est integer supernaturalis effectus prædestinationis adulti, saltem quoad ea sine quibus non esset effectus prædestinationis illius, pendere simul a Deo & ab arbitrio creato tanquam a duabus partibus unius

integræ causæ liberæ: quoniam licet motus prævenientis & excitantis gratiæ non sint supernaturales usus liberi arbitrii, sed supernaturalis usus liberi arbitrii eos sequatur; neque motus illi ab arbitrio creato, qualibet est, pendeant, nisi quatenus potest divertere ad alia cogitationem, aut non accedere ad audiendum verbum Dei, aut ad alia exercitia, in quibus, quasi inferendo se notitiis aliunde comparatis, solet Deus supernaturaliter movere & excitare arbitrium nostrum, atque ea ratione quatenus motus supernaturales sunt, a solo Deo, ut quæst. 14 artic. 13 præsertim disputat. 45 explicatum est, tanquam a causa libere eos producente proficiantur; nihilominus, cum illi nullam omnino necessitatem inferant arbitrio nostro ad reliqua quæ ab eo pendunt, & sine quibus res, quæ est integer supernaturalis effectus prædestinationis adulti, non erit in rerum natura, ac proinde neque rationem habebit effectus prædestinationis talis adulti; fit, ut licet res tota, quæ est integer supernaturalis effectus prædestinationis adulti, non pendeat quoad singulas suas partes ab arbitrio adulti, quia tamen pendet quoad eas sine quibus non habebit rationem effectus prædestinationis illius, simpliciter, atque ut rationem habeat effectus prædestinationis, ab arbitrio adulti pendere dicatur.

Hac eadem ratione, licet sumamus latius rem, quæ est integer effectus prædestinationis adulti, nempe ut comprehendit non solum effectus supernaturales ordinis gratiæ & gloriæ, quo pacto de ea hæcenus locuti sumus, sed etiam ut comprehendit omnes alios effectus, quibus adultus, ut vitam æternam consequatur, adjuvatur, videlicet conatum Ecclesiæ, complexionem ad virtutem propensam, natum educatumque esse inter eos, quorum consilii & exemplo mirum in modum adjuvetur, &c. dicere possumus, rem illam simpliciter, atque ut rationem habeat effectus prædestinationis, pendere a libero arbitrio ipsius adulti prædestinati. Etenim licet multas habeat partes, quæ ab arbitrio illius non pendeant, ut habere complexionem ad virtutem propensam, natum esse inter Christianos, &c. quia tamen, nihil omnino his omnibus partibus impediens, ab arbitrio illius pendunt illa alia, sine quibus neque res illa tota erit in rerum natura, neque

rationem

rationem habebit effectus prædestinationis; fit, ut res illa, simpliciter, atque ita ut rationem effectus prædestinationis talis adulti fortitur, a libero influxu arbitrii talis adulti pendere dicatur.

Merito usi sumus potius nomine rei quæ est effectus prædestinationis, quam nomine effectus prædestinationis: quoniam licet de realiqua, quæ effectus sit prædestinationis, ut de supernaturali bono usu arbitrii hominis prædestinati, concedendum sit habere Deum & hominem tanquam duas partes unius causæ liberæ, a quarum qualibet efficienter sit ac pendeat; nihilominus concedendum non est, eundem supernaturalem bonum usum, quatenus effectus prædestinationis est, habere aliam causam quam Deum. Etenim, ut solius Dei est in vitam æternam prædestinare, ita solum comparatione Dei dicitur aliquid effectus prædestinationis; quatenus videlicet ab eo per prædestinationem ac præordinationem æternam mediate vel immediate tanquam a causa emanat. Quemadmodum enim calor ab igne productus in aquam, licet simul sit effectus ipsius ignis tanquam causæ particularis, Dei tanquam causæ universalis, & aquæ tanquam causæ materialis, atque ab his tribus causis in diverso genere & gradu causæ simul sit ac pendeat; nihilominus non habet rationem effectus in genere & gradu causæ efficientis particularis, nisi solum comparatione ignis, quatenus præcisè illo modo ab eo emanat; quod vero in genere & gradu causæ efficientis maxime universalis sit effectus, habet solum comparatione Dei; & quod sit effectus in genere causæ materialis, habet solum comparatione aquæ: ita licet supernaturalis usus arbitrii simul habeat, quod sit effectus Dei & arbitrii creati, quod tamen sit effectus prædestinationis, non habet comparatione arbitrii creati; sed comparatione Dei, quatenus ab eo mediate vel immediate per prædestinationem æternam emanat; maxime cum, ut explicatum est, ut emanat ab arbitrio creato, habeat se ex parte rei prædestinatæ, non vero prædestinationis.

Ut quæ dicta sunt ad epilogum redigamus, quod hæcenus dictis contendimus, & salva fide Catholica, nostrique arbitrii libertate, arbitramur non posse negari, est: Rein quæ est totus effectus prædestinationis infidelis

adulti, quoad totum supernaturalem usum liberi arbitrii, quo in vitam æternam perducitur, pendere tanquam a causa illum producente, non solum a Deo, sed a libero influxu & cooperatione ipsius adulti, in cuius potestate, nihil impediens æterna Dei prædestinatione, est, non ita influere, atque adeo efficere, ut totus ille bonus usus non sit in rerum natura. Item eandem rem, quoad dona fidei, spei, caritatis, primæ gratiæ, quoad incrementum illius, perseverantiam usque ad vitæ terminum in ea, & denique quoad asserctionem vitæ æternæ, pendere ab eodem libero influxu arbitrii adulti in eundem supernaturalem suum bonum usum quo in vitam æternam perducitur. Etenim si ille bonus usus non sit, neque hæc alia dona erunt in rerum natura: at bonus usus pendet a libero arbitrio per suum influxum tanquam a vera & propriissima causa, ad modum causarum naturalium realiter ac efficienter in eum effectum propriissimè influente: illa vero alia dona pendent ab eo, partim tanquam a causa cooperante dispositiones sine quibus non insidentur; partim tanquam a causa meritoria, ut augmentum gratiæ & gloriæ; & partim tanquam a causa ita libere se gerente, ut non demereatur gratiam semel adeptam, eamque amittat. Quia ergo si a re, quæ est insit effectus prædestinationis adulti, absint ea omnia, quæ ab arbitrio talis adulti ostensum est pendere, unice sicut illum non perducet in vitam æternam, ita neque habebit rationem effectus prædestinationis illius; fit, ut licet res illa habeat quod sit effectus prædestinationis, prout est a Deo per prædestinationem æternam, atque comparatione Dei, & non ut est ab arbitrio creato; nihilominus ab arbitrio creato pendeat, non solum quod res ipsa in rerum natura sit, sed etiam consequenter quod rationem effectus prædestinationis in se habeat.

Appendix præcedentis.

MEMBRUM X.

Quidam adversus nostram sententiam membro præcedente contendunt, bonum usum liberi arbitrii, quo ad primam gratiam disponimus, etiam ut præcisè a nostro arbitrio procedat, effectum esse prædestinationis, & argumentantur in hunc modum:

Gratia

Comparatione Dei solum dicitur aliquid prædestinationis effectus, non ita comparatione alterius causæ.

Epilogus dictorum.

*Argumen-
tum.*

Gratia præveniens, quæ prædestinationis est effectus, non solum concurrit ad bonum, illum usum liberi arbitrii cooperando & influendo in eum actum una cum libero arbitrio, sed etiam movendo arbitrium, ut ad eligendum cum actum concurrat: ergo actus ille, etiam ut est a libero arbitrio, est effectus gratiæ prævenientis, & per consequens prædestinationis.

*Quod præ-
destinatur
quæd.*

Membro præcedente dixi, in adulti prædestinatione id, quod prædestinatur, esse hominem ipsum adultum cum sua innata ac naturali libertate, quam non ex prædestinationis dono, sed ex sua natura habet, communisque est reprobis cum prædestinationis. Prædestinati vero a Deo per dona ac subsidia omnia, quæ illi ex æternitate misericorditer conferre voluit, quibus prævidebat, cooperante tali adulto per suam innatam libertatem, perventurum illum in vitam æternam; cum tamen integrum illi esset, nihil impediens donis & subsidiis quæ ita illi ex sua parte conferre statuebat, non ita, sed alio modo operari, ad vitamque æternam non pervenire: quod Catholicorum nemo negare potest.

*Ratus usus
liberi arbi-
trii simul
est donum
Dei & dis-
positio ad
meritum
æternum.*

Propter hanc vero cooperationem liberam, quam Deus exigit a tali adulto, adultusque ipse adhibet, dixi ibi, & alibi, bonum usum liberi arbitrii, quo se ad justificationem disponit, & quo, dum vel justificatur, gloriam promeretur, vel post justificationem simul promeretur augmentum gratiæ, ita esse dona Dei, ut simul, propter illam liberam cooperationem, sint dispositiones & merita talis adulti, cedantque illi in laudem & honorem: quod similiter Catholicorum nullus negare audebit aut potest.

*Ratus usus
liberi arbi-
trii singula
partes a
Deo & a
nobis pen-
dunt.*

Item dixi, singulas partes totius boni usus liberi arbitrii talis adulti, a puncto, a quo primo ad fidem vocatur usque ad terminum vitæ, habere duas causas liberas, a quarum qualibet tanquam a parte unius integræ causæ ita pendet, ut si influere desinat, ut libere unaquæque earum potest, talis pars boni usus liberi arbitrii non sit. Priorem ac præcipuam esse Deum, qui per sua dona, concursus, & auxilia cooperatur totam illam partem boni usus liberi arbitrii. Posteriores vero ac minus præcipuam esse ipsum arbitrium, quod motum, adjectum, & excitatum a Deo, ita libere influit,

ut in potestate ipsius sit non influere, efficereque ut talis pars boni usus liberi arbitrii non sit, ut de fide in Concilio Tridentino est definitum, & quam sæpissime a nobis est demonstratum.

Præterea dixi, quamcumque ejusmodi partem boni usus liberi arbitrii, quæ modo explicato ab influxu Dei, & arbitrii adulti, tanquam a duabus partibus unius integræ causæ pendet, esse unicum simplicissimum actum, unicamque simplicissimam rationem formalem, quæ proinde tota totalitate effectus, & est a Deo per prædestinationem æternam, donaque, ac subsidia ipsius, quibus in tempore liberum arbitrium ad eam comproduendam adjuvatur, & tota est ab arbitrio ad illam cooperante: neque in ea posse designari unum reale, aut formale, quod sit a Deo, & non ab arbitrio; & aliud quod sit ab arbitrio, & non a Deo.

Hinc efficitur, ut de toto bono usu liberi arbitrii prædestinati, & de quavis illius parte, absolute & simpliciter dicendum sit, esse effectum prædestinationis: eo quod nihil omnino reale aut formale in ea sit, quod effectus non sit prædestinationis: tamen si non ex eo habeat, quod effectus sit prædestinationis, qui arbitrium & libertas humana ad illam cooperatur, sed quia Deus per prædestinationem, & illius effectus, ad eandem cooperatur. Quamvis Doctores non sic accurate hæc explicarint; verissime tamen semper dixerunt, totum bonum usum liberi arbitrii, quo prædestinatus justificatur, atque ad vitam æternam perducitur, singulasque illius partes, esse effectum prædestinationis; id quod perspicue a nobis modo explicatum est.

Examinandum tamen restat, utrum idem bonus usus, spectatus ut præcise emanat ab arbitrio ipso, suæque innata ac naturali libertate (ex quo capite habet ut usus liberi arbitrii dicatur: tamen quod supernaturalis sit, aliunde, ut explicatum est, habeat; & quod bonus usus sit, præcipue aliunde etiam habeat, a Deo videlicet per supernaturalia subsidia ac dona cooperante) dicendus sit effectus prædestinationis.

Nos diximus, ex eo capite non habere quod effectus sit prædestinationis, eoque modo præcise spectatum, computandum non esse inter effectus prædestinationis, sed esse id quod se tenet ex parte prædestinati, & quod

*Ratus usus
liberi arbi-
trii singula
partes totæ
sunt a Deo,
& totæ ab
arbitrio.*

*Singula
ejusmodi
partes effe-
ctus sunt
prædestina-
tionis.*

*Partes boni
usui arbi-
trii præcise
ut ab arbi-
trio emanant,
non*

*sunt effectus
prædestinationis.*

& quod Deus ab illo exigit, ut Deo ipso per suam æternam prædestinationem effectusque omnes temporales illius præcipue cooperante, perducenque illum in vitam æternam, adultus quoque ipse libere consentiat, & cooperetur, ut ea ratione, licet effectus totus prædestinationis, mediæque omnia universum, quibus in vitam æternam perducitur, dona sint Dei, ex infinita ipsius misericordia pro sola libera sua voluntate perfecta, multa tamen eorum sint merita ipsius prædestinati, & quædam eorum dispositiones ipsius, quibus sua libertate seipsum disponit ad gratiam.

*Donus usus
arbitrii,
etiam ut ab
arbitrio
emanat, in
Deum re-
fertur.*

Post hanc totam doctrinam, membro præcedente, §. Illud tamen, subjeci id, quod etiam dixeram membro 6. §. Ad primam: nempe eundem bonum usum liberi arbitrii, quatenus ab arbitrio ipso creato emanat, referri etiam in Deum; tum ut in arbitrii auctorem, qui ad similes bonos usus vim illam hominibus contulit; tum ut in eum, ex cuius generali concursu quicunque arbitrii influxus pendet; tum etiam tanquam in eum, qui suis supernaturalibus donis, auxiliis prævenientis gratiæ, arbitrium ipsum invitat & allicit, ut consensum præbeat ad ejusmodi usus supernaturales, quia, ut quæst. 14 art. 13. disputatione 8 & alibi explicatum fuerat, sæpe arbitrium, neque quoad substantiam actus, hoc est, ad similes usus naturales, influeret, nisi præveniente gratia alliceretur & invitaretur; tum denique tanquam in eum, qui cooperando per eadem gratiæ dona in actus, ad quos arbitrium ipsum cooperatur, efficit ut usus ille cooperatione arbitrii in re sit supernaturalis. His autem verbis sane non negavi, quin potius aperte indicavi, bonum usum liberi arbitrii, etiam ut ab arbitrio emanat, si spectetur quatenus duobus modis posteriore loco explicatis a Deo supernaturaliter juvatur, computari posse ac debere inter effectus prædestinationis: id enim omne, quod a Deo per effectus prædestinationis provenit, proculdubio inter effectus prædestinationis ea ex parte computari debet. Solum autem ante hanc doctrinam docui, si spectetur ut præcise emanat a libero arbitrio (quæ consideratio, ut videbimus, adhuc locum habet) computandum non esse inter effectus prædestinationis.

MOLINA,

Ut vero dilucidius argumentum propositum dissolvamus, pono: Influxum diversarum causarum partialium ad unam simplicissimam actionem re & ratione formali, ut effectum explanatum est, & prima parte explicatur, non esse ipsammet partialem causam, seu principium influens, sed esse actionem ipsam totam totalitate effectus, quæ partialitate causæ ab ipsa emanat, spectatam præcise ut esse habet a tali parte causæ.

*Influxus d.
versarum
causarum
ad unam
simplicissimam
actionem
quid.*

Deinde pono: Gratiam prævenientem esse motum liberi arbitrii, quo a Deo movetur, sollicitatur, & invitatur, ut concurrat ad eliciendum actum, bonumve usum liberi arbitrii de quo agimus, quo se ad gratiam disponat, ut paulo antea diximus, & copiose quæst. 14 art. 13 a disputatione 8, & rursus a disputatione 37, præsertim disputatione 45, ostendimus. Veruntamen esse talem motum, qui nullam necessitatem libero arbitrio imponit ad eum concurrere, sed integrum illi relinquit, non concurrere, cassumque eum motum reddere, atque adeo vel adhibere suum proprium & peculiarem influxum necessarium, ultra totam vim & influxum gratiæ prævenientis, ut actus ille, bonusve liberi arbitrii usus sequatur, vel illum suspendere, aut etiam contrario modo influere, quod Concil. Trident. sess. 6 can. 4 assentire vel dissentire appellat: estque hoc profecto de fide, ut can. 4 citato, & c. 5 ejusdem sessionis, definitum est.

*Gratia
præveniens
quid.*

Hinc jam facile patet, quam debiles vires argumentum propositum habeat ad nostram labefactandam doctrinam: laborat quippe in æquivoco. Quando enim aliquid ita movet aut agit motum, ut per nullam suam vim innatam cooperetur & influat, sed solum per vim extrinsecus sibi impressam, tunc non solum tota actio, quæ inde ulterius sequitur, est effectus virtutis sibi impressæ, agentisque qui illam impressit, sed etiam cum quacunque præcissione spectetur comparatione agentis a quo immediate emanat, est effectus talis virtutis atque agentis principalis. Ut quia aqua, aut ferrum, mota hoc modo & calefacta ab igne, calefaciunt, non solum calefactio, qua aqua calefacit, est effectus caloris sibi impressi ab igne, atque item ipsius ignis, sed etiam si spectetur ut emanat præcise ab aqua, est effectus ejusdem caloris & ignis: eo quod aqua per nullam vim sibi innatam

*Ad argu-
mentum.*

& propriam calefaciat. Quando tamen aliquid ita agit motum, ut non solum per vim & motum, quæ extrinsecus accipit, agat, sed etiam per suam vim & influxum proprium; tunc quamvis tota actio sit effectus virtutis ac motus, quæ illi impressa sunt, atque agentis principalis qui illa impressit, nihilominus, si præcisè spectetur quatenus emanat a propria virtute innata talis agentis, dici debet, ut sic, proprius effectus atque influxus illius: præsertim si cooperatio & influxus per suam propriam & innatam virtutem sit necessarius omnino ad talem actionem, ultra omnem aliam cooperationem & influxum causæ a qua movetur, sitque in potestate ipsius illam adhibere vel non adhibere, intensioremque aut remissiorem eam adhibere, cæteris omnibus existentibus equalibus.

Responsio
in forma.

Unde quando ita adversus nos conficitur argumentum: Gratia præveniens concurret movendo etiam liberum arbitrium, ut ad elicendum actum, qui est bonus suus usus, influat & concurret, distinguendum est antecedens. Si enim intelligatur ita ut per solum motum gratiæ prævenientis arbitrium influat & concurret, neque necessarius insuper sit proprius & peculiaris influxus seu concursus ipsius arbitrii, quem, nihil impediens tali motu gratiæ, possit suspendere, cassumque gratiæ motum reddere, negandum est antecedens: continet enim errorem in fide. Si vero intelligatur ita ut non per solum gratiæ motum arbitrium influat & concurret, sed necessarius insuper sit proprius ac peculiaris ipsius arbitrii influxus seu concursus, quem, nihil impediens motu gratiæ prævenientis, libere insuper adhibeat, concedendum est antecedens, sed tunc neganda est consequentia, qua inferitur. Ergo actus ille, etiam ut est a libero arbitrio, est effectus gratiæ prævenientis, & per consequens prædestinationis, si consequens intelligatur de eo actu præcisè spectato ut emanat a peculiari illo & proprio influxu liberi arbitrii insuper necessario: non enim eo modo spectatus effectus est gratiæ prævenientis, sed solius arbitrii: id quod sane ea, quæ sequuntur, manifeste confirmant.

Bono usu
liberi arbitrii quæ
conveniunt
propter in-

Quod enim actus a gratia præveniente & ab arbitrio elicited liber sit, eaque de causa capax rationis, virtutis, laudis, & honoris, quæ propter eum homini libere eo pacto

influenti tribuantur; profecto non est effectus gratiæ prævenientis, sed arbitrii per eum influxum. Gratia namque præveniens determinata est ad unum, eoque ipso, quod tunc in arbitrio prædestinatus recipitur, ex necessitate naturæ movet ac sollicitat: ipsum autem arbitrium est quod sua innata libertate per eum influxum sibi proprio libere agit, ex eoque solo influxu habet actus ille, quod libere ab homine prædestinato eliciatur, eaquatione in laudem & honorem ipsi cedit.

Quod item e duobus, qui æquali motu gratiæ præveniuntur ac moventur, unus consentiat, concurret cum gratia, eliciat actum, & convertatur, alter vero non, certe solum provenit ab innata & propria & intrinseca libertate utriusque, bonis & malis, reprobis & prædestinatis communi. Gratia namque præveniens ex parte sua æqualiter utrumque movet, naturæque necessitate ex parte sua agit: ex eo autem, quod unus eorum libere adhibere vult influxum illum sui arbitrii proprium, & alter non, unus eorum convertitur, alter non item.

Ex eodem capite affirmamus, quod auxilia prævenientis gratiæ efficacia sint aut inefficacia ad conversionem pendere ab eodem influxu arbitrio proprio.

Quod item unus cum æquali auxilio gratiæ prævenientis, aut cum æqualibus aliis donis, postquam est justificatus, intentius aut remissius operetur, ferventius aut tepidius, eaque de causa, is, qui intense ac fervide operatur, dignus efficiatur, cui plura peccata quoad poenam remittantur, & cui tribuantur dona, quæ a seignibus auferuntur; utique ab influxu ipsi arbitrio proprio emanat, rationeque illius dicuntur magis aut minus strenue uti gratia, itemque ea ipsis oblata velle uti, aut non uti, adhibendo aut suspendendo talem influxum ipsis proprium.

Ratione autem hujus influxus ipsis proprii Bernar. sermone de eo quod legitur in Job, In sex tribulationibus, &c. dixit: Quod in nobis minus est, ipse supplet (Deus scilicet) modicum tamen illud, quodcumque nostrum est, non patitur reservari. Et Concilium Tridentinum sess. 6 cap. 5. dixit: Ut ita tangente Deo cor hominis per Spiritum Sancti illuminationem, neque homo ipse nihil omnino agat, inspirationem illam recipiens, quippe qui illam & abjicere potest.

Auto-

Auctoris de prædeterminatione sententia.

MEMBRUM XI.

In isto fundamento circa effectum prædeterminationis, duobus membris præcedentibus constituto, sequentibus conclusionibus quid de æterna Dei prædeterminatione censendum videatur, explicemus.

*Prima conclusio.
Prædeterminatio quid sit.*

Sit ergo prima conclusio: Ratio ordinis ac mediorum, quibus Deus per scientiam naturalem, & mediam inter liberam & mere naturalem, prævidit creaturam aliquam mente præditam perventuram in vitam æternam, cum proposito determinationeque divinæ voluntatis ex parte sua id executioni mandandi, est prædeterminatio talis creaturæ. Hæc ex dictis, præsertim articulo primo, est manifesta.

Secunda.

Secunda conclusio: Licet adultus ita prædeterminatus, certo, hoc est, absque ulla Dei deceptione, vitam æternam consequetur; certitudo tamen non est ex parte mediorum, effectusque prædeterminationis, sed ex parte divinæ præscientiæ, qua Deus altitudine illimitatæ perfectione sui intellectus, supra id quod natura rei habet, certo cognoscit prædeterminatum taliter pro sua libertate cooperaturum per suum arbitrium, ut eisdem mediis in vitam æternam re ipsa debeat pervenire: cum tamen, si velit, possit re ipsa ita operari, ut neque ea media, effectusque prædeterminationis in rerum natura existant, neque ipse in vitam æternam perveniat. Itaque cum secundum se incertum sit, a libertateque proprii arbitrii creati pendeat, prædeterminatum in eo ordine rerum, in quo Deus eum statuit collocare, tali modo cooperaturum cum auxiliis quibus eum decrevit adjuvare, ut & effectus totus prædeterminationis existat, & ille per eum in vitam æternam perveniat; Deus altitudine sui intellectus, ante ullum actum suæ voluntatis, certo novit, quid pro libertate arbitrii illius esset futurum, cogniturus quidem contrarium, si, ut potest, contrarium esset re ipsa futurum: accedenteque determinatione divinæ voluntatis, qua in tali ordine rerum eum collocare, taliaque auxilia illi donare statuit, remansit eo ipso prædeterminatus. Hæc omnia tum ex fundamento duobus præcedentibus membris iacto, tum ex iis, quæ q. 14 art. 13. & quæst. hæc & præcedente fule

explicitata sunt, sunt notissima. Unde D. Paulus 2 ad Timoth. 2. ad hoc caput certitudinem divinæ prædeterminationis reduxit, dicens: Firmum fundamentum Dei stat, habens signaculum hoc: (quo videlicet certum ac firmum redditur) Novit Dominus qui sunt ejus. Dum vero addit: Discedat ab iniquitate omnis, qui invocat nomen Domini: in magna autem domo non solum sunt vasa aurea & argentea, sed & lignea & fictilia; & quædam quidem in honorem, quædam autem in contumeliam; subjungensque: Si quis ergo emundaverit se ab istis, erit vas in honorem, sanctificatum, & utile Domino ad omne opus bonum paratum: clare ostendit, nihil omni firmo prædeterminationis fundamento impediante, in potestate cujusque adulti, dum in militante Ecclesia versatur, esse positum, emundare se, fierique vas in honorem; aut se ipsum peccatis coquinare, & in contumeliam æternam vas aptum reddere.

Porro ex his facile quis intelliget, in sensu diviso prædeterminatum adultum ad eum sensum posse vitam æternam non consequi, quod nihil omnino impediante æterna prædeterminatione antecedente, nullamque omnino, vel donis, vel cooperatione divinæ (quæ illius sunt effectus) necessitatem arbitrio prædeterminati inferentibus; perinde sua iniuncta libertate ita agere potest, ut sempiternam incurrat miseriam, ac si nulla antecessisset prædeterminatio. In sensu vero composito ea quidem ratione non posse amittere sempiternam felicitatem, quia hæc duo coherere non possunt, nimirum, ut ille prædeterminatus sit, & sempiternam felicitatem amittat; & quia, si ille, ut potest, ita abusus esset suo arbitrio ut sempiternam amitteret felicitatem, neque Deus præsciret illum per media, quæ ex sua parte illi statuit conferre, perventurum in vitam æternam; nec proinde voluntas conferendi talia media compleret rationem prædeterminationis, sed solum providentiam, comparatione vitæ æternæ: non vero ea ratione, quasi vel præexistens prædeterminatio, vel dona & cooperatio divinæ, quæ illius sunt effectus, ullam arbitrio prædeterminati operandi eo modo, ut vitam æternam consequatur, inferat necessitatem. Id enim & cum fide Catholica, & cum libertate arbitrii, quæ, etiam præexistente æterna

Prædeterminatus in sensu diviso dicitur, nam quod in composito non potest, sub arbitrio libertate.

Dei prædeterminatione quorundam hominum, & reprobatione cæterorum, illæsa manet, proculdubio pugnaret, ut ex iis quæ qu. 14 art. 13 & tota hac & præcedente quæstione dicta sunt, erit manifestum.

Prædeterminatio & libertas arbitrii conciliantur.

Ex his omnibus ulterius patet, quam ratione cum æterna prædeterminatione adulti, libertas ejusdem, tum ut vitam æternam assequatur, tum ut in æternam deveniat miseriam, cohæreat. Et enim in concilianda libertate arbitrii cum æterna prædeterminatione, non alia difficultas est, quam in eadem libertate cum divina præscientia futurorum concilianda. Ut enim explicatum est, in æterna prædeterminatione non alia est certitudo, quod prædestinatus sempiternam sit beatitudinem consecuturus, quam quæ est in divina præscientia, qua Deus certo cognovit, eum, cui talia vel talia auxilia ac media ex æterna dispositione præparavit, perventurum in vitam æternam; esto, si velit, possit re ipsa ad eam non pervenire: porro libertatem arbitrii creati, contingentiamque rerum omnium, cohærere cum certitudine divinæ præsentis, fuisse, & ni fallimur, perspicue ostendimus quæst. 14 art. 13 disp. 49 & quatuor sequentibus.

Tertia conclusio. Prædeterminationis parvulorum certitudo non est ex certitudine mediolorum, sed præsentis divinitatis.

Tertia conclusio: Certitudo, quod parvuli prædestinati vitam æternam consequentur, non est ex certitudine mediolorum, effectusve prædeterminationis, qui in se non est certo futurus, sed ex certitudine divinæ præsentis, qua Deus altitudine sui intellectus, quod in se est incertum, potestque non esse, cognovit certo futurum. Probatur primo, quoniam si Adam in statu innocentiae, ut potuit, non peccasset, forte alia fuisset series hominum, qui nascerentur, ac nunc est, mutatis tot circumstantiis, quot propter casum primorum parentum quoad cursum naturæ, mutatae sunt, ut infra in tractatu de opere sex dierum dicemus. Atque esto fuissent iidem numero homines, nullus tamen sine uls rationis consequeretur vitam æternam, nullus item in Christo, & per Christum, hoc est, per dona quæ ille nobis promeruit, esset prædestinatus, sed per donum iustitiæ originalis, longeque alia diversa dona ab eis, per quæ parvuli prædestinati beatitudine potiuntur; cum ergo, quod Adamus fuisset peccaturus, non aliam habuerit certi-

tudinem, quam in divina præsentia, qua peccatum, quod ille vitare potuit, Deus certo cognovit; fit, ut certitudo, quod parvuli prædestinati salvi fiant per ea media, per quæ Deus ex æternitate eos salvos esse voluit, non sit ex certitudine mediolorum, effectusque prædeterminationis secundum se, sed ex certitudine divinæ præsentis. Secundo, quod parvuli prædestinati salutem per ea media consequantur, per quæ a Deo prædestinati sunt, pendet ex eo quod nascentur, nec moriantur antequam remedium contra originis peccatum ipsis applicetur, atque ex eo quod ad usum rationis non perveniant: at seclusa præsentia, qua Deus ex altitudine sui intellectus certo cognoscit hæc omnia futura, nihil horum est certum, quin potius, nihil impediens divina præsentia, singula secundum se sunt contingentia, potueruntque non evenire: quandoquidem potuerunt ejusmodi parvuli non nasci, parentibus, avis, proavis, & cæteris usque ad Adamum, non contrahentibus vel non concurrentibus ad generationem, variisque aliis de causis impediri potuit eorum conceptio & natiuitas in utero matris; potuerunt etiam mori antequam remedium contra peccatum applicaretur, orto bello, aut rixa, multisque aliis de causis; potuit item eis remedium contra peccatum non adhiberi, cum libere fuerit adhibitum; multi præterea eorum potuerunt ad usum rationis pervenire, qui propter varias causas, quæ impediri poterant, ad eum non pervenerunt: seclusa ergo certitudine divinæ præsentis, nulla est certitudo in mediis, effectusque prædeterminationis parvulorum, quod ad vitam æternam perveniant. Atque hæc eadem similiter confirmant, neque in effectibus prædeterminationis adultorum ullam esse certitudinem de consequenda beatitudine, seclusa certitudine divinæ præsentis.

Quarta conclusio: Prædeterminatio adulti, quoad suum integrum effectum, nullam habet causam ex parte ipsius prædestinati, sed tota ea in Dei voluntatem misericorditer prædestinantis tanquam in causam reducenda est. Sub integro effectu prædeterminationis comprehendimus volumus, non solum effectus omnes supernaturales ordinis gratiæ, incipiendi a prima vocatione interna ad fidem usque ad consecutionem vitæ æternæ, sed etiam

Quarta conclusio. Prædeterminatio adulti, quoad integrum effectum, nullam habet causam ex parte prædestinati, sed in sola Dei voluntatem reducenda est.

etiam media omnia alia, quibus in vitam æternam adjuvatur ac perducitur; ut vocationem externam, natum esse tali tempore, ex his atque inter hos potius quam inter alios, cum tali complexione, &c. denique collocatum esse potius in ea parte ordinis rerum & circumstantiarum, in qua Deus prævidebat illum libere in vitam æternam perventurum, quam in alia ejusdem ordinis; vel in eadem variatis taliter circumstantiis, ut res contrario modo accidisset; aut in quacunque alia infinitorum ordinum, quos Deus potuit creare, in qua, si poneretur, prævideret eum a sempiterna felicitate in extremam miseriam propria libertate declinaturum. Horum enim omnium effectuum nulla datur causa ex parte prædestinati.

Etenim si daretur causa, vel illa præcederet integrum hanc effectuum collectionem, vel concomitaretur eam, vel subsequeretur, saltem aliquam illius partem. In primis præcedere non potest: quippe cum ex parte prædestinari nihil possit designari, quod integrum hunc effectum antecedit. Usus namque liberi arbitrii, qui potissimum forte posset designari, advenit post ejusmodi prædestinati natiuitatem cum tali complexione, tali tempore, ex his parentibus, concurrentibus multis aliis circumstantiis; imo est non solum post collocationem illius in ordine rerum, sed etiam postquam in eo ad usum rationis pervenit. Præterea, ipse integer usus liberi arbitrii, ut est a Deo per hæc omnia dona & beneficia tam naturalia, quam supernaturalia, comprehenditur in integro effectu prædestinationis, tanquam pars quædam illius, ut supra dictum est: ergo non datur causa antecedens integrum effectum.

Deinde non potest esse concomitans totum effectum: cum ostensum sit, quicquid ex parte prædestinati posset designari, esse post multa alia ejusdem effectus. Deinde, quia membro 4 late ostensum est, bonum usum liberi arbitrii, etiam illum qui in adultis natura antecedit dona fidei, spei, caritatis, & primæ gratiæ, nulla ratione fuisse causam rationemve prædestinationis quoad illius integrum effectum, etiam supernaturalem, quasi pro ratione illius usus prævisi Deus conferre constituerit sua omnia dona & auxilia ad salutem, idemque fuerit velut mensura & regula ad quam hos potius quam alios

prædestinaverit: imo vero ostendimus, Deum, nemini interim statuendo denegare auxilia, quæ facienti totum quod in se est, essent satis ad salutem, distribuere constituisse prout voluit sua dona & auxilia, tam naturalia quam supernaturalia, copiosius quidem uno tempore, quam alio, nec solum diversis temporibus, sed etiam uno atque eodem tempore abundantius quibusdam, quam aliis ea elargitum fuisse, contrariumque probavimus derogare divinæ gratiæ, pugnareque aperte cum scripturis sacris, & quodammodo cum ipsa experientia, ut ibidem plenius diximus.

Quod denique non possit esse causa subsequens partem effectus prædestinationis, probatur: Quia si ulla esset, maxime totus bonus usus liberi arbitrii, tam is qui antecedit primam gratiam, quam qui consequitur: at supra membro 4 & 5 aperte comprobatum fuit, eum usum non fuisse causam seu rationem ex parte prædestinati, quare Deus ita constituerit distribuere sua dona, ut hi potius, quam ceteri, essent prædestinati, nec quare illis talia dona, tam naturalia quam supernaturalia, ejusmodi bonum usum prædentia, voluerit conferre, nec denique quare, decernendo creare has animas hoc potius tempore & loco, quam alio, in his potius corporibus, quam aliis, constituerit hos homines potius quam alios, in ea parte ordinis rerum & circumstantiarum collocare, in qua prævidebat eos vitam æternam consecuturos. Nihil ergo datur ex parte adulti prædestinati quod integri effectus prædestinationis causa sit, sed in Dei voluntatem, tanquam in causam, totum id reducendum est, qui misericorditer unicuique prædestinationis beneficium conferre voluit.

Quod si nomine effectus prædestinationis intelligantur ii, qui ad ordinem supernaturalem gratiæ pertinent, certa quoque esse debet proposita conclusio. Nec enim ulla ex parte prædestinati datur causa, quæ collectionem talium effectuum antecedit, excepta una liberrima Dei voluntate: Etenim si aliqua esset causa, maxime bonus usus liberi arbitrii prævisus: at auxilia gratiæ prævenientis & excitantis antecedit totum ejusmodi usum, qui ab illis, & a libero arbitrio pender, si ad vitam æternam, saltem tanquam dispositio, conferat. Præterea quod ejus-

modi auxilia majora sint, vel minora, ac denique talia qualia necessaria sunt ad efficaciter liberum arbitrium permovendum, & ad perseverandum in gratia ab ultima eius receptione usque ad finem vite, non nostri meriti est, sed solius voluntatis Dei, prævidentis quantum auxilii cuique ad utrumque opus sit necessarium, ac libere donantis: sæpe enim videmus, eum, qui longo tempore strenue se gessit, tandem decidere a gratia, & damnari: alios vero, qui neque ita præclare se gesserunt, neque ad tantam perfectionem pervenerunt, in gratia usque ad finem vite perseverare, aut subito resurgere a gravissimis & diuturnis admodum peccatis, subleuataque statim morte ad cælum pervolare, ut de latrone in crucem acto cum Christo Domino sacra scriptura testatur. Item quod ex duobus iustis unus misericorditer præveniatur morte, ne malitia ipsius mutet intellectum; alteri vero vita prorogetur, prævidente Deo illum ruiturum in peccata, & damnandum, ut contigit Sauli, de quo scriptura affirmat, non fuisse meliorem illo in Israhel; sub meritum hominis non cadit; neque pro ratione usus liberi arbitrii, qui antecedit, aut prævidetur futurus, unum potius, quam alterum, confertur, sed solum pro libera voluntate & dispositione Dei æterna: quæ omnia, tum ex sese, tum ex dictis quæst. 14 art. 13 sunt manifestæ: ergo integri effectus prædestinationis ad ordinem gratiæ pertinentis non datur causa ex parte prædestinati adulti, sed in liberam Dei voluntatem, tanquam in causam, est reducendus. Denique hoc ipsum probant aperte ea omnia, quibus membro 4 & 5 confirmavimus, neque cum bonum usum liberi arbitrii prævisum, qui primam gratiam saltem natura antecedit, neque eum qui illam sequitur, causam seu rationem fuisse prædestinationis adultorum. In conclusione hac, ut a nobis explicata est, convenimus cum D. Thoma, & communiori Scholasticorum sententia, quam membro 6 retulimus.

Ad ea omnia, quæ hac conclusione dicta sunt, & ad alia similia longe alius respiciens Paulus, quam a nobis explicari valeat, ad Eph. I atque aliis locis, quæ ad cælum membri 4 retulimus, prædestinationem, effectumque illius, in liberam voluntatem Dei refert, dicens: Qui prædestinavit nos in adoptio-

nem filiorum per Jesum Christum, secundum propositum voluntatis suæ, in laudem gloriæ gratiæ suæ, in quo nos forte vocati sumus, prædestinati secundum propositum ejus, qui operatur omnia secundum consilium voluntatis suæ, &c. Ut enim epistolam illam intuenti erit manifestum, admiratur Paulus magnitudinem beneficii, quod ita Deus æterna sua providentia res disposuerit, ut inter tot homines, qui & tunc in mundo erant, & ante adventum Christi fuerunt, se atque alios ministros Evangelii ex Judæis, qui Christum venturum sperabant, elegerit, quibus, cum tanta plenitudine gratiæ, & donorum, mysterium Christi, reconciliationisque generis humani revelaverit, ut nuntium Evangelii per orbem perferrent: simul etiam magnificat beneficium eadem providentia Ephesiis collatum, ut inter tantam hominum multitudinem doctrina Evangelii ad eos pervenerit, ab infidelitateque ac peccatis tot benedictionibus dulcedinis fuerint liberati. Itaque in principio epistolæ in gratiarum actionem prorumpit, quod tam ipse, quam cæteri Apostoli, quasi sorte in Christo prædestinati fuerint, & ad tantum munus cum tanta plenitudine sapientiæ, & donorum, fuerint electi. Deinde beneficium Ephesiis collatum commendat, nempe quod ad eos pervenerit Evangelium, credentesque signati fuerint spiritu promissionis sancto, qui est pignus hereditatis. Quæ de causa Ephesiorum loco gratias Deo agit, ac petit, ut cognoscant quæ sit spes vocationis eorum, &c. Deinde in progressu epistolæ exhortatur, ut digne ambulent vocatione qua vocati sunt, & a peccatis abstinant, ut in gratia accepta perseverent, ac crescant. Quo fit, ut se & alios Apostolos in ea epistola prædestinatos vocet; non vero Ephesios, quos solum affirmat ad fidem & gratiam vocatos.

Capite etiam 9 epistolæ ad Romanos & duobus sequentibus, admiratur ordinem divinæ providentiæ, æternumque Dei consilium in distribuendis suis donis prout voluit, in permittenda quorundam ruina, atque in erigendis aliis in toto decursu ejus Ecclesiæ, quæ incepit in Abrahamo, cui Deus promissit Christum ex ejus sobole fore nasciturum, & per Christum usque ad consummationem sæculi continuatur, effectum prædestinationis

*Alius D.
Pauli locus.*

*D. Pauli
locus ex-
ponitur.*

nis in divinam voluntatem, non in rationem aliquam ex parte liberi arbitrii creati desumptam, retulit. Suum vero locum, tum donis Dei, tum libero hominis arbitrio relinquens (ut tria illa capita expendenti erit manifestum) æternum Dei consilium demittratur; tum in eo potius ordine rerum, qui in Abrahamo cœpit, & usque ad consummationem sæculi futurus est, quam quocunque alio eligens; tum in permittendis ruinis, quas hominum libertate ac culpa prævidebat futuras, Judæorum præsertim ex Christi occasione, donec plenitudo Gentium intraret; tum denique in distribuendis suis donis prout ea sapientissime distribuere constituit; caput undecimum illa exclamatione tanto ac tam profundo consilio digna conclusit dicens: O altitudo divitiarum sapientiæ & scientiæ Dei, quam incomprehensibilia sunt judicia ejus, & investigabiles viæ ejus! Quis cognovit sensum Domini, aut quis consiliarius ejus fuit? Aut quis prior dedit illi, & retribuetur ei? quoniam ex ipso & per ipsum sunt omnia, ipsi gloria in sæcula, amen.

Ut vero, quod ad præsens institutum ex principio capitis noni attinet, intelligatur, sciendum est, Paulum illis verbis, Cum nondum nati fuissent, &c. nomine, Jacob & Esau, non intellexisse tantum duos illos fratres, sed præcipue populos ex eis propagandos, videlicet, ex una parte Ecclesiam synagogæ, simul cum progenitore suo Jacob, cui Deus tot subsidia in vitam æternam contulit; ex alia vero posteros Esau, una cum parente ipso, quibus similia subsidia denegavit, relinquendo eos cum communibus auxiliis, quæ reliquo gentilico populo non negavit. Quod autem populos illos cum suis progenitoribus D. Paul. intellexerit, non vero sola ipsa capita, manifeste potest probari. Primo quoniam Esau nunquam servivit fratri Jacob, sed Idumæi posterii Esau servierunt posteris Jacob: Paulus autem de iis loquitur, de quibus dictum est: Major serviet minori. Secundo, quoniam verbis illis; Ex vocante dictum est ei, quia major serviet minori; refert Paulus quæ Gen. 25: Rebecca matri consulenti respondit Dominus dicens: Duæ gentes sunt in utero tuo, & duo populi ex te: tuo dividetur, populusque populum superabit, & major serviet minori; ubi de populis est sermo: sicut autem eo loco

populi illi, in stipitibus suis, dicuntur esse in utero Rebecca; ita hoc loco, stipitum nomine a Paulo significantur. Tertio, quia verba etiam illa, Jacob dilexi, Esau odio habui, quæ ex Malachia 1. refert Paulus, de populis ipsis, non vero de stipitibus solis, sunt prolata. Loquens enim Malachias cum Israelitico populo, ait: Dilexi vos, dicit Dominus: & dixistis, In quo dilexit nos? Nonne frater erat Esau Jacob, dicit Dominus, & dilexi Jacob, Esau autem odio habui? & posui Scir montes ejus in solitudinem, & hæreditatem ejus in dracones deserti. Ubi vides, non de dilectione & odio stipitum esse sermonem, sed de dilectione & odio, quæ in stipitibus cœperant, atque ad posteros, qui suorum capitum nomine significantur, derivata sunt. Adde, quod Paulus capite illo nono & duobus sequentibus, de occultis Dei judiciis circa decursum Ecclesiæ ab Abrahamo usque ad consummationem sæculi differt. Nempè, quod Ecclesiam populumque sibi dilectum, in posteris Abrahami per lineam Isaac & Jacob, non vero per lineam Ismaelis ac Esau elegerit; quod in adventu Christi maxima pars filiorum Israel, ad quos peculiariter erat missus, corruerit, eorumque loco Gentēs subintraverint in Ecclesiam; quodque circa consummationem sæculi, post vocationem & ingressum Gentium in Ecclesiam Judæi etiam sint vocandi, & ad fidem convertendi.

His ita constitutis, intelligitur facile quid sibi voluerit Paulus in principio capitis noni verbis supra citatis. Docet namque, quod Deus æterno suo consilio elegerit Isaac, in quo semen vocaretur Abrahamo, atque adeo ex quo derivaretur synagoga & nasceretur Christus, non vero Ismaelem, sed tam eum, quam posteros illius, cum communibus auxiliis, quæ reliquo gentilico populo præstitit, reliquerit; quod item ex duobus filiis Isaac, uno eodemque concubitu genitis, elegerit Jacob natu minorem, ex quo similiter nasceretur Christus, & resisteret synagoga, quem itidem, non solum quoad se, sed etiam quoad posteros, dilexerit singularia alia subsidia tribuendo, quibus tam ipse, quam plurimi posterorum vitam æternam consequerentur; Esau autem, & posteros illius, ea ratione odio habuerit, (ut disput. 4 dilucide ostendemus) quod nihil tale illis voluerit, sed

Quid nomine duorum fratrum Jacob & Esau populos intelligimus? D. Esau, non intellexisse tantum duos illos fratres, sed præcipue populos ex eis propagandos, videlicet, ex una parte Ecclesiam synagogæ, simul cum progenitore suo Jacob, cui Deus tot subsidia in vitam æternam contulit; ex alia vero posteros Esau, una cum parente ipso, quibus similia subsidia denegavit, relinquendo eos cum communibus auxiliis, quæ reliquo gentilico populo non negavit. Quod autem populos illos cum suis progenitoribus D. Paul. intellexerit, non vero sola ipsa capita, manifeste potest probari. Primo quoniam Esau nunquam servivit fratri Jacob, sed Idumæi posterii Esau servierunt posteris Jacob: Paulus autem de iis loquitur, de quibus dictum est: Major serviet minori. Secundo, quoniam verbis illis; Ex vocante dictum est ei, quia major serviet minori; refert Paulus quæ Gen. 25: Rebecca matri consulenti respondit Dominus dicens: Duæ gentes sunt in utero tuo, & duo populi ex te: tuo dividetur, populusque populum superabit, & major serviet minori; ubi de populis est sermo: sicut autem eo loco

sed cum communibus reliqui gentilibus populi auxiliis eum reliquerit, prævidendo tam parentem ipsum, quam totam aut fere totam posteritatem propter ipsorum delicta damnanda, in regressuque filiorum Israel ex Ægypto servituti subjiciendam: hæc, inquam, omnia ait Paulus, ex neutrius operibus fuisse sed ex vocante, eligente, ac prædicente, quia major serviet minori, &c.

*Non pugnat
quarta con-
clusio cum
fundamen-
to duobus
præceden-
tibus mem-
bris jactis.*

Illuc hoc loco admonendum est, quartam conclusionem propositam minime pugnare cum fundamento duobus præcedentibus membris jacto. Etenim in illo fundamento dicebamus, liberum arbitrium adulti esse quidem partem quandam causæ liberæ a qua pendet, non quidem tota res, quæ est integer effectus prædestinationis, sed talis pars illius, sine qua neque res illa tota erit, neque rationem habebit effectus prædestinationis: nihilominus dicebamus rem illam non habere quod sit effectus prædestinationis, ut emanat a libero arbitrio creato, sed præcisè ut emanat a Deo per prædestinationem æternam. In quarta vero conclusione, cum eadem res tota, quæ est effectus prædestinationis, sit a Deo tanquam ab una parte totius causæ, a qua plus pendet ut sit in rerum natura, quam ab arbitrio prædestinati; atque ut præcisè est a Deo per prædestinationem æternam, sit effectus prædestinationis, quo ex parte sua prædestinatum cooperantem per suum arbitrium coadjuvat ac perducit in vitam æternam, dicimus, neque quod Deus præviderit, prædestinatum ita cooperaturum secum, ut per illum effectum pervenire debeat in vitam æternam, ex hypothesi quod eum ita vellet adjuvare, neque aliquid aliud ex parte prædestinati fuisse causam aut rationem propter quam Deus effectum illum totum, mediæ illa omnia ex parte sua, voluerit illi conferre, sed solam ipsius liberam voluntatem. Porro quia sicut mediæ, quibus adultus perventurus est in vitam æternam, simul pendet ab influxu Dei, & ab influxu libero prædestinati, ita quod re ipsa adepturus sit vitam æternam, simul pendet a Deo, & ab adulto, cooperantibus atque influentibus in eadem mediæ; utique nulla est repugnantia, ut id, quod Deus ex sua parte cooperaturus est, atque adeo effectum integrum prædestinationis, non statuerit conferre prædestinato, quia præviderit illum

etiam cooperaturum id, quod ab illo exigatur ut in vitam æternam perducatur, neque propter aliam rationem quæ se teneat ex parte prædestinati, sed ex sola sua libera voluntate, ut asserit quarta conclusio, & quod res ipsa, quæ est effectus prædestinationis, tam ut sit in rerum natura, quam ut rationem habeat effectus prædestinationis, tamen si minus præcipue, ut fundamentum a nobis jactum affirmat. Id quod ex his quæ post quintam conclusionem subjiciemus amplius clucidabitur.

Quinta conclusio: Prædestinationis parvulorum, quoad integrum illius effectum, non datur causæ seu ratio ex parte eorum, sed in Dei voluntatem tanquam in causam id totum reducendum est. Hæc satis est nota, & ex dictis membro 5 comprobata. Confirmari autem potest primo, quia quod Deus sacramenta, remediumve contra originis peccatum, constituere voluerit, ex libera voluntate Dei emanavit: cum ergo remedium contra originis peccatum pars sit integri effectus prædestinationis eorum, ac talis, ut sine ea vitam æternam non consequentur; sit, ut integri effectus prædestinationis illorum non detur causæ, seu ratio, ex parte eorum. Hinc confirmari potest, neque integri effectus prædestinationis adultorum dari causam ex parte eorum. Etenim nisi remedia, tum contra originis peccatum, tum contra peccata actualia fuissent a Deo instituta, nullus eorum beatitudinem assequi potuisset. Secundo, quia quod Deus parvulos prædestinatos in ea parte ordinis rerum ac circumstantiarum collocare voluerit, in qua prævidebat illos ex uteris matris pro libertate arbitrii suorum progenitorum tantum nascituros, finiturosque vitam ante usum rationis, & aliena insuper libertate futurum esse, ut remedium contra originis peccatum illis applicaretur, nulla alia fuit causæ, quam divina voluntas, ut conclusione præcedente circa effectum prædestinationis adultorum diximus: inde vero eorum prædestinatio pendebat.

Ut quæ hæcenus dicta sunt melius intelligantur, & quæ sunt addenda percipi facilius possint, in memoriam est revocandum: Prædestinationem Dei æternam perfici quidem & compleri in rationem prædestina-

*Prædestina-
tionis par-
vulorum,
quoad inte-
grum illius
effectum,
non dari
causam seu
rationem
ex parte
ipsorum.*

*Prædestina-
tio quæ ex
parte divi-
næ volun-*

ratio, &
quid ex
parte in-
tellectus
includat.

tionis per æternum liberum actum voluntatis divinx, quo Deus ex sua parte conferre adulto statuit ea media, quibus prævidebat illum pro sua libertate perventurum in vitam æternam, cum posset, si vellet, ab ea deflectere; & quo parvulus conferre statuit media, quibus prævidebat illos dependenter, modis hæcenus explicatis, a libero aliorum arbitrio, perventuros in vitam æternam, cum pro aliorum libertate possent nec nasci, nec in eam pervenire: attamen eandem prædestinationem præsupponere & includere ex parte divini intellectus cognitionem partim per scientiam mere naturalem, & partim per mediam inter liberam & mere naturalem, non solum quod utrique eis mediis pervenire possent in vitam æternam, sed etiam quod ipsa in eam essent eventuri, Deo altitudine & eminentia sui intellectus conspiciente hoc secundum in sua essentia, & in arbitriis suarum creaturarum supra id, quod natura ipsa ejusmodi rerum habet. Est enim prædestinatio ratio in Deo ordinis seu mediorum, quibus prævidit has vel illas creaturas mente præditas in vitam æternam eventuras cum proposito eundem ordinem per se, vel etiam intervenitu causarum secundarum, executioni mandandi.

Et quidem Deus optimus maximus per scientiam mere naturalem ante omnem actum liberum suæ voluntatis habuit plenissimam notitiam mediorum omnium accommodatorum, tum ad beatitudinem, tum etiam ad quoscunque alios fines, in qua ex parte divini intellectus posita est ratio providentiæ divinx in commune, tum ad omnes alios fines, tum ad beatitudinem sempiternam in particulari. Per scientiam vero mediam inter mere naturalem & liberam ante omnem etiam actum liberum suæ voluntatis habuit plenissimam notitiam in iis, quæ ab arbitrio creaturarum mediate vel immediate pendent, quibus mediis finium affectio sequeretur, ex hypothesi quod hunc vel illum ordinem suæ providentiæ vellet executioni mandari: quæ notitia licet ad rationem providentiæ communissime sumptæ necessaria non sit; ad rationem tamen perfectissimam providentiæ, qualis est divina, est omnino necessaria, ut quæst. 22 dictum est. Existente enim ea notitia, una cum notitia de mediis ex se ad fines accommodatis, melius multo ac plenius novit provisor ad eosdem fines

MOLINA.

provide, neque propter contingentiam ex ipsa rerum natura in hisce rebus circa quas provideri repertam, potest in sua providentia falli, quasi res aliter, atque ipse credebat ac sperabat, eveniant, neque comparatione ipsius potest incerta esse, ut providentiæ nostræ comparatione nostri incerte sunt. Eadem notitia, quatenus est prævisio, quod his mediis hæc creatura intellectu præditæ devenient in vitam æternam, ex hypothesi quod eis concedantur, est, quam ex parte divini intellectus addit prædestinatio harum creaturarum supra providentiam circa ipsasmet & circa cæteras intellectuales ad beatitudinem. Ratio quippe in Deo ordinis seu mediorum accommodatorum, ut creatura mente præditæ pervenire possint ad beatitudinem cum proposito eundem ordinem exequendi per se, aut etiam intervenitu causarum secundarum, est providentia divina circa creaturas ad beatitudinem, sive illæ prædestinatæ sint, atque adeo eventuræ per eum ordinem sint ad finem, sive non. Ratio vero ejusdem ordinis cum eodem proposito, prævidente Deo per scientiam mediam, quod per eam ad beatitudinem devenient, est prædestinatio comparatione earum quæ perventuræ prævidentur. Quo fit, ut quemadmodum ars divini intellectus, qua Deus modum novit fabricandi res omnes quæ sua omnipotentia esse poterant, antecessit determinationem liberam suæ voluntatis, qua has vel illas res decrevit facere: sic etiam ratio mediorum omnium, quibus providere poterat rebus omnibus ad fines tam naturales, quam supernaturales, & quibus prædestinare poterat quoscunque vellet, quia prævidebat per ea media perventuros illos in vitam æternam, antecessit determinationem liberam, propositumve divinx voluntatis, per quod eadem rationes divini intellectus complete sunt in esse rationum providentiæ & prædestinationis comparatione rerum circa quas id Deus executioni mandare constituit. Quia ergo ex iis omnibus, quæ prædestinatio Dei æterna in sua ratione formali includit, solum propositum voluntatis, per quod ultimo completur in rationem prædestinationis, liberum est in Deo; ratio vero mediorum & prævisio quod eis, si concedantur, re ipsa devenietur in vitam æternam, libera in eo non sunt, sed antecedunt omnem liberum actum

Providentiæ circa beatitudinem quid.

Prædestinatio quid.

Qualis providentia ex parte intellectus divini præcessit determinationem liberam suæ voluntatis.

Aaa

divinx

divina voluntatis: inde est, quod quando Doctores quarunt, utrum prædestinationis detur causa, ratio, aut conditio ex parte prædestinati, cur a Deo prædestinatus sit, id solum contravertere intendunt, an actus voluntatis divinae, quo prædestinato ea media conferre voluit, quibus in vitam æternam devenit, detur ex parte arbitrii illius causa, ratio, aut conditio, ob quam, vel illi, vel potius illi, quam alteri, sunt volita; an vero nihil tale detur, sed omnino id totum in liberam ac misericordem Dei voluntatem, qua solo suo beneplacito id ita voluit, sit referendum.

Sexta conclusio. His ita constitutis, sit sexta conclusio: Præexistente in Deo ante omnem liberum actum suæ voluntatis ratione ejus ordinis rerum, auxiliorum, & circumstantiarum, quem ex sua parte elegit, nec non infinitorum aliorum, qui sua omnipotentia esse poterant, providente item quid in unoquoque eorum pro libertate arbitrii creaturarum esset futurum, ex hypothesi quod ipse cum ex sua parte vellet eligere; utique neque quod Deus hunc potius ordinem elegerit, quam alium, cumque executioni ex parte sua mandare constituerit, neque proinde quod in Christo hos potius elegerit in vitam æternam, quam alios, neque item quod per Christum ea media eis conferre statuerit, per quæ prævidebat eos pro sua libertate (aut aliorum, si essent parvuli) perventuros in vitam æternam, ulla datur causa, ratio, aut conditio, etiam sine qua non, ex parte usus liberi arbitrii ipsorum, aut aliorum, prævisi, ob quam illos prædestinaverit, voluerit illis ea media per quæ prævidebat perventuros illos in vitam æternam, aut cur potius hæc ipsa voluerit eis, quam alii, sed id totum in solam liberam ac misericordem voluntatem Dei est referendum, qui pro solo suo beneplacito id ita voluit. Itaque dicimus, præscientiam usus liberi arbitrii prædestinatorum, futuræque talis libertæ cooperationis eorum cum donis & auxiliis Dei, ut ad vitam æternam in hoc ordine rerum, quem Deus creare statuit, pervenirent, non fuisse causam, rationem, aut conditionem, quare vel prædestinatione in genere hi essent prædestinati, aut hi potius quam alii, vel quare ea ipsa numero prædestinatione, qua re ipsa prædestinati sunt, fuerint prædestinati, quasi Deus voluisset ex sua parte

illis conferre ea ipsa media, quæ donare illis statuit, per eaque eos prædestinare, quia prævidit illos ita pro sua libertate cooperaturos, ut ea via ad vitam æternam pervenirent, aut quasi id fuerit conditio, qua existente, aut qua prævisa id Deus erat factururus, & sine qua id non erat volutus; sed pro sua tantum libera voluntate ea media illis conferre voluisse, per quæ eos prædestinavit. Licet enim Deus nulli adultorum denegerit auxilia ad salutem necessaria, non tamen pro ratione usus liberi arbitrii prævisi, sed pro sua tantum libera voluntate distribuit sua dona, quibus vult, quando vult, quantum vult, atque eo modo quo vult, pro eademque sua libera voluntate ex sua æternitate eo pacto illa distribuere statuit, quo in tempore ea distribuit. Quod si adultis non distribuit dona sua pro ratione usus liberi arbitrii ipsorum prævisi, multo minus parvulis eadem distribuet, vel pro ratione usus arbitrii quem habituros eos conspiciebat, si ad usum rationis pervenirent, vel pro ratione usus arbitrii aliorum. Hæc omnia satis perspicua sunt ex dictis tam hoc membro, quam aliis præcedentibus, neque alia indigent probatione.

Septima conclusio: Licet prædestinationis adulti quoad actum voluntatis divinae per quem completur ratio prædestinationis, nempe quoad propositum consensendi illi ea media, quibus Deus altitudine sui intellectus prævidit illum pro sua libertate perventurum in vitam æternam, nec ratio, nec conditio modo explicato, detur ex parte prædestinati, præscientiæ tamen, qua Deus ante eum actum id prævidit, ex hypothesi quod ex sua parte conferre illi vellet ea media, datur conditio & ratio ex parte usus seu cooperationis libertæ talis prædestinati, sine qua ea scientia non præexistisset in Deo, quod multi non attendunt. Probatur conclusio, quoniam res, quæ est integer effectus prædestinationis adulti, tum quoad latitudinem totam, & singulas partes boni usus liberi arbitrii, quo se disponit ad gratiam, promeretur post illam adeptam, resistit tentationibus, & libertæ usque ad finem vite in lethale peccatum non prolabitur, tum consequenter quoad dona, quæ ab ejusmodi bono usu pendunt, sive tanquam a dispositionibus prærequisitis, sive tanquam a meritis, sive tanquam a conditione sine qua gratia & alia dona non perseverarent; res, inquam, illa quoad

Septima conclusio. Præscientia, quam prædestinatio ex parte intellectus includit, datur conditio ex parte usus liberi arbitrii sine qua non præexistisset in Deo.

quoad omnia commemorata, pendet ut sit in rerum natura, non solum a Deo volente ea omnia ex sua parte illi præstare, ad eaque cooperari, sed etiam a cooperatione libera arbitrii prædestinati, adeo ut si arbitrium, ut pro sua libertate potest, non cooperetur, nihil eorum re ipsa foret, ut duobus membris præcedentibus satis aperte offensum est. Cum ergo, quod prædestinatus ita ex illa hypothesi sit cooperaturus, non ideo sit futurum, quia Deus ex eadem hypothesi id futurum prævidit, sed e contrario, quia ita ex arbitrii libertate esset futurum, Deus id præviderit, præfaturusque fuisset contrarium, si, ut potest, contrarium ex eadem hypothesi pro eadem adulti libertate esset futurum, ut quæst. 14 art. 13 disp. 48 & duabus sequentibus dilucide est explicatum, affirmatque communis Patrum sententia, quam ibidem disputat, 52 retulimus; consequens profecto est, ut conditio sine qua non præexistisset in Deo ea præscientia, fuerit quod adultus ipse in tempore ita pro sua libertate esset cooperaturus, ut ad vitam æternam per ea media perveniret, cum, si vellet, posset contrario modo cooperari, & non pervenire, nihil omnino impediens voluntate illa divina eo pacto ex sua parte illi opitulandi, & cum eo cooperandi.

Octava conclusio: Sumpta in particulari prædestinatione cujusque adulti, quæ re ipsa jam ex æternitate fuit in Deo, sane sicut præcedente conclusione est ostensum, rationem seu conditionem, sine qua in Deo non fuisset prædicta præscientia, esse quod adultus ipse pro sua libertate ita sit cooperaturus per suum arbitrium, ut ad vitam æternam perveniat: sic etiam ab hoc ipso simili modo fuit dependens, quod reliquum, quod eadem prædestinatio includit, vel sortiretur rationem prædestinationis, vel retineret solum rationem providentiæ circa illum in beatitudinem. Probatur conclusio, quoniam reliquum sine illa præscientia, nempe ratio eorundem numero mediorum cum proposito mandandi eam executioni ex parte Dei, non est prædestinatio, sed providentia solum circa illum ad beatitudinem: prædestinatio vero addit præscientiam illam: ergo si, quod adultus pro sua libertate sit ita cooperaturus, ut ad vitam æternam perveniat, est ratio & conditio sine qua in Deo non fuisset ea præscientia,

erit etiam id a quo fuit dependens quod reliquum, quod eo prædestinatio includit, vel sortiretur rationem prædestinationis, vel retineret solum rationem providentiæ circa illum in beatitudinem.

Hinc jam facile intelligitur, cum Deus prædestinatus adultis non prædestinatis, tam hominibus quam Angelis, ex sua parte providere auxilium & mediis, quibus, si per ipsorum arbitrium non staret, revera ad beatitudinem pervenirent; quin & aliquibus eorum providere longe majoribus & potentioribus auxiliis & mediis, quam multis ex prædestinatorum ordine: utique quemadmodum sumpta in particulari ratione providendi alicui prædestinato per ea media, per quæ Deus providebat perventurum illum pro sua libertate in vitam æternam, cum proposito eam ex parte sua executioni mandandi, integrum illi manet non ita cooperari, ut ad eam perveniat; si vero id, ut potest, esset futurum, nunquam ratio illa providendi illi eo modo, voluntasque mandandi eam executioni, rationem habuissent in Deo prædestinationis, sed duntaxat providentiæ; eo quod adjunctam non haberent præscientiam, quod ea via perventurus ille esset in beatitudinem: sic sumpta in particulari ratione providendi alicui non prædestinati, verbi gratia, Judæ, per ea media per quæ Deus providebat illum pro sua libertate in æternam vitam non perventurum, cum proposito eandem mandandi executioni, integrum profecto illi mansit, ita cooperari, ut ad vitam deveniret æternam; si vero id, ut poterat, esset futurum, sane ratio illa providendi illi eo modo, voluntasque divina mandandi eam executioni, rationem habuissent non solum providentiæ, sed etiam prædestinationis circa Judam; quia conjunctam habuissent præscientiam quod ea via perventurus ille esset in beatitudinem. Quo fit, ut libertas arbitrii adultorum non prædestinatorum, veraque facultas perveniendi, si velint, ad beatitudinem, ad quam a Deo, non ficit, sed verè conditi sunt, non minus consentiant cum providentiâ qua Deus ex sua parte in vitam æternam providere illis statuit, & cum præscientia quam de illis habet, quam libertas arbitrii prædestinatorum, facultasque descendi ad extremam miseriam, cum eorundem prædestinatione conveniant: neque minus non prædestinati, quam prædestinati,

Octava
concl.
Quod ratio
mediorum,
& propo-
situm suo
conferendi,
rationem
habuerint
in Deo præ-
destinatio-
nis adulti,
pendens
fuit ex
præscientia
quod ille eis
perventu-
rus esset
in vitam
æternam:
hæc vero ex
usu &
cooperatio-
nis arbitrii
futura.

Prædestina-
te inter-
grum manet
non perva-
nire in bea-
titudinem.
& reproba
perventum.

destinati, positi sunt in manu consilii sui, ut utrique ad quod voluerint porrigant manum, & vel ea efficiant, quæ si fecerint, in vitam pervenient æternam, vel ea per quæ in extremam miseriam dilabuntur. Etenim sicut utrique non secus ad quod voluerint porrigere possunt manum, ac si in Deo nulla præcelsisset quorundam prædestinatio, & non aliorum: ita ratio providentiæ in particulari circa unumquemque eorum indifferens est de se, ut conjunctam habeat præscientiam in Deo, quod ita pro sua libertate sint cooperaturi ut ad vitam æternam perveniant, vel ita ut eam non assequantur; quod vero Deus altitudine sui intellectus habuerit potius eam præscientiam, quam prædestinatio addit supra illam numero rationem providendi potius, quam contrariam, ideo fuit, quia ipsi pro sua libertate uno potius modo, quam altero, erant cooperaturi: non vero, quia Deus id præcivit, idcirco ipsi eo pacto sunt cooperaturi.

Possumus confirmare, unam & eandem rationem Dei æternam providendi cuicumque adulto, sive is de numero sit prædestinatorum, sive non, pendere a qualitate usus liberi arbitrii ejusdem prævisi, vel quod rationem prædestinationis illius habeat, vel providentiæ duntaxat circa illum in beatitudinem, facta quadam quasi inductione in Angelis, primis parentibus, in statu innocentie constitutis, atque in aliis etiam adultis. Ut vero ab Angelis incipiamus: Quis, salva fide Catholica, libertateque arbitrii Angelorum, negare queat, Angelos, qui corruerunt, quibus cum donis & auxiliis in statu viæ a Deo constituti atque adjuti sunt, nihil omnino impediante ea ratione illis providendi, decretoque Dei æterno quo ita eos ex parte sua adjuvare constituit, potuisse non consentire in peccatum ob quod perierunt, atque adeo perseverare in gratia in qua conditi sunt, pervenireque in vitam æternam, in quam a Deo sunt conditi? Quis item, salva eadem Catholica fide ac libertate, negare poterit, Angelos qui in gratia persisterunt, vitamque æternam consecuti sunt, quibus cum auxiliis in statu viæ a Deo adjuti fuerunt, nihil omnino impediante ea ratione illis providendi, decretoque Dei æterno quo ita ex parte sua eos adjuvare constituit, potuisse pro sua innata libertate consentire in peccatum,

sicut cæteri consenserunt, atque adeo decidere a gratia, amittereque sempiternam felicitatem? Plane status viæ utrorumque id postulabat, ad meritumque & demeritum eorum utrumque erat necessarium, neque salva fide Catholica video posse negari. Cum ergo si piores, ut re ipsa potuerunt, non consensissent in peccatum, pervenissent utique in vitam æternam, illaque eadem ratio illis providendi & decretum, quæ solum habuerunt rationem providentiæ circa eos in beatitudinem, habuissent rationem prædestinationis, eo quod fuissent ratio & decretum conferendi media, per quæ, sicut ipsi pervenirent in vitam æternam, ita Deus eos beatitudine donandos præcivisset: cum item si posteriores, ut re ipsa potuerunt, consensissent in peccatum, utique a gratia decidissent, & a sempiterna beatitudine exclusi fuissent, illaque eadem ratio & decretum providendi illis eo modo, quæ rationem habuerunt prædestinationis, habuissent solum rationem providentiæ in beatitudinem, ad quam per ea media non essent perventuri; fit, ut ab usu liberi arbitrii Angelorum in unam aut alteram partem pro sua innata libertate futuro, ut fuit dependens quod Deus altitudine sui intellectus unam potius quam alteram partem certo præciperet; ita fuisse dependens, tanquam a conditione sine qua non, quod ratio & decretum providendi illis eo modo, vel haberet rationem prædestinationis, vel solum providentiæ singulorum in beatitudinem.

Quis item, salva fide Catholica, atque tanta illa libertate primorum parentum in statu innocentie, de qua cum Augustino quaest. 14 art. 13 disp. 4 & 22 dictum est, quam etiam vel Lutherani ipsi non inficiantur, negare audeat, Adamum cum illius status donis, atque adeo sine præjudicio rationis providendi, decretive divini quo ex æternitate eum taliter adjuvare constituit, potuisse non peccare, ac proinde potuisse perseverare in gratia, vitamque æternam consequi? Cum ergo, si, ut potuit, non consensisset in peccatum, ex statu innocentie pervenisset in vitam æternam, ac proinde ratio illa providendi, decretumque æternum quo Deus illo tantum modo constituit eum in statu innocentie adjuvare, quæ solum habuerunt rationem providentiæ in beatitudinem, habuissent jam

rationem

rationem prædestinationis; fit, ut ab usu arbitrii Adami in unam aut alteram partem pro sua libertate, tanquam a conditione sine qua non, fuerit dependens quod ratio & decretum eo pacto illis providendi, vel permanserint solum intra limites providentiæ, ut re ipsa manserunt, vel sortita fuerint rationem prædestinationis.

Denique ut ad adultos post lapsum naturæ deveniamus, utamur in primis exemplo illo Augustini 12 de civitate Dei cap. 6: Sint duo homines iusti, animo & corpore, cæterisque adjunctis per omnia pares, ponamusque Deum constituisse eodem prorsus modo utrique ex parte sua opitulari ac providere. Tunc oblata utrique eadem peccandi occasione ex aspectu ejusdem mulieris pulchræ, pro sola innata libertate utriusque fieri potest, ut unus in peccatum consentiat, alter minime, sed seipsum cohibeat, ut eo loco affirmat Augustinus, probans inde solam liberam voluntatem causam esse peccati: quod si ponamus insuper, utrumque subito, vel ruina domus collapsæ obrutum fuisse, vel alia de causa, ut sæpe evenire solet, interiisse, inveniemus simile omnino Dei decretum conferendi utrique media ad salutem, eandemque prorsus rationem providendi, respectu ejus, quem Deus prævidebat non consenturum in peccatum, sed in gratia discessurum, habuisse rationem prædestinationis; respectu vero alterius, de quo contrariam habebat præscientiam, habuisse quidem rationem providentiæ, non vero prædestinationis: cum ergo quod Deus de utroque non idem, sed contraria præciverit, dependens fuit ex eo, quod uterque eorum pro sua libertate erat facturus, qui, si vellet, possent re ipsa, quod fecerunt, non facere; fit, ut quod decreta illa rationesve providendi, vel prædestinationis rationem habuerint, vel solum providentiæ circa vitam æternam, dependens fuerit tanquam a conditione sine qua non ex eo, quod unusquisque eorum pro sua innata libertate erat facturus: quod Deus ideo altitudine sui intellectus prævidit futurum, quia pro eorum libertate ita erat futurum, & non e contrario.

Eodem quoque modo possumus argumentari de quoquoque alio adulto, qui vel vitam æternam consecuturus est, vel eam sua nequitia amissurus. Etenim cum is, qui beandus

est, non obstantibus auxiliis juxta æternum Dei decretum, rationemve illi providendi, conferendis, possit illis uti, vel non uti, aut etiam in fine vitæ consentire in peccatum, & ab illo non resurgere, vitamque æternam amittere; contra vero, qui damnandus est, possit facere quod in se est, ut beatitudinem consequatur, cui Deus, quantum satis sit ut eam assequatur, opitulabitur: fit, ut quemadmodum, nihil impediente decreto Dei æterno uno aut altero modo illis opitulandi ac providendi, in potestate cujusque eorum est eo modo re ipsa operari, ut beatitudinem assequatur, vel non consequatur; ita ex operatione eorum futura, tanquam ex conditione sine qua non, pendeat, quod decretum Dei æternum circa unumquemque eorum, ratiove illis providendi, vel rationem habuerint prædestinationis, vel solum providentiæ, Deo altitudine sui intellectus certo ex æternitate providente quid futurum esset; cum tamen secundum se esset omnino incertum, pendensque a libertate arbitrii.

Quo loco illud admonendum censui, nos non majorem dependentiam prædestinationis ab usu arbitrii adultorum constituere, quam numerosa illa Doctorum multitudo, quos quæst. 14 art. 13 disputat. 51 retulimus, constituerit; de quorum numero erant multi ex iis, qui cum communiori Scholasticorum sententia nullam causam rationemve prædestinationis ex parte usus liberi arbitrii adultorum prævisi esse volunt, ut Scotus, Driedo, & plerique alii: imo multo minorem ponimus. Etenim illi, ut libertatem arbitrii nostri cum divina præscientia, prædestinatione ac reprobatione conciliarent, dicebant, in his rebus quæ ab arbitrio creato pendent, quod Deus ex æternitate unam partem contradictionis, potius quam aliam, præciverit, & hunc potius prædestinaverit, quam reproboverit, ita ab usu arbitrii cujusque futuro pendere, ut arbitrio creato eligente unam potius partem contradictionis, quam aliam, Deus, cujus liberi actus interni sunt indivisibiles & semper in egressu, sit effecturus ut eandem ex æternitate præciverit, eligente vero aliam, effecturus sit, ut hanc ipsam, & non illam aliam, præciverit; atque adeo cooperante quovis adulto ita cum Dei auxiliis, ut usque ad finem vitæ in gratia perseveret, quod in

manu consilii sui est collocatum, Deum effecturum ut ex aeternitate fuerit semper praeordinatus; operante vero contrario modo, terminanteque vitam in peccatis, quod eodem jure in potestate ejus situm est, effecturum ut ex aeternitate fuerit reprobatus.

Nos vero asserentes praescientiam & praedestinationem ita certas & determinatas ad alteram contradictionis partem, ac fixas esse, ut contradictionem jam modo implicet aliud in mente ac voluntate divina vel esse vel ex aeternitate fuisse circa quodcumque particulare objectum, ut loco citato demonstratum est; collocantes praeterea certitudinem totam divinae praedestinationis, non in decreto quo Deus ei, quem praedestinat, providere instituit de iis mediis quibus libertate sua perventurus in vitam aeternam praevidebatur, neque etiam in ratione ipsa providendi, sed in praescientia qua id praevidebat, ratione cujus tale decretum ac providentia sortita sunt rationem-praedestinationis, asseveramus; sicut praescientia illa, esto originem habuerit ex altitudine & perfectione divini intellectus, qua quod incertum ancepsque omnino in se est, certo cognovit futurum, pendet tamen, tanquam a conditione sine qua non fuisset in Deo, ex eo quod arbitrium creatum eo pacto pro sua libertate sit cooperaturum, ut ad vitam aeternam perveniat; quandoquidem non quia Deus id praescivit, futurum est, sed quia pro libertate arbitrii est futurum, cum possit esse contrarium, Deus id praescivit; ita etiam quod decretum illud, providentiaeque illa rationem praedestinationis fuerint sortita, ex eo fuisse dependens, tanquam a conditione sine qua illam non fortiterentur, quod arbitrium eo modo pro sua libertate esset cooperaturum, Deusque altitudine sui intellectus certo id praevideret. Atque ex hoc capite conciliamus facile libertatem arbitrii nostri, tam cum divina praescientia, quam cum divina auctoritatis praedestinatione. Etenim sicut, si arbitrium, ut potest, non esset taliter cooperaturum, non fuisset in Deo praescientia quod adultus ille mediis illis perventurus esset in vitam aeternam; sic neque decretum, quo Deus ex aeternitate statuit per ea media illi ex parte sua opitulari & providere in vitam aeternam, habuisset rationem praedestinationis.

Ut adhuc melius perspicias quantum libertas arbitrii horum praedestinatorum ac reprobatorum, ac facultas utrorumque perveniendi re ipsa in vitam aeternam, aut ab ea descedendi in extremam miseriam, cum ea ipsa numero praedestinatione, & providentia circa eos, quae ex aeternitate in Deo est, consentiat, sige: In Deo optimo maximo non esse praescientiam illam mediam, qua altitudine sui intellectus penetrat quid pro arbitrii libertate sit futurum, sed quam incertum id in se est, tam incertum & incognitum esse Deo, & nihilominus Deum perscientiam omnino naturalem, qua naturas omnium rerum, fines earum, & media ad eos accommodata penetrat statuisset ex sua parte eodem modo providere utrique in vitam aeternam, quo re ipsa eis providet, interim exitum cujusque futuri contingentis ignorando. Sane ea hypothesi data, nullus dubitaret libertatem arbitrii utrorumque, facultatemque eorum vel perveniendi in beatitudinem, vel incidendi in supremam miseriam, prout in hujus vitae stadio pro sua libertate excurrere velent, consentiva optime cum ea ipsa providentia, quae circa eos ex aeternitate est in Deo: quippe cum eventus omnino esset incertus, pendensque, ut in unam aut alteram partem eveniret, ex sola arbitrii utrorumque libertate. Cum ergo quod Deus eminentia, illimitataque sui intellectus perfectione, praesciat quid pro cujusque arbitrii libertate sit eventurum, nihil de libertate illius adimat, sed perinde indifferentem illum relinquit ut in quam maluerit partem se flectat, ac si praescientia in ipso non praexistisset; eo quod non, quia id praescivit, ideo arbitrium se flectere debeat in eam partem, sed quia sua libertate se est inflexurum, Deus id praescivit, praescivissetque contrarium, si pro eadem libertate esset futurum; profecto nihil hac praescientia impediens, eadem libertas ac facultas perveniendi in vitam aeternam, aut ab ea descedendi, inconcussa perseverat. Punctum vero praedestinationis, abyssusque inscrutabilis divini consilii, in eo sunt posita, quod cum Deus infinitas alias providendi non praedestinati rationes noverit, quibus servatilibus pro eadem ipsorum libertate in vitam deventurum aeternam; fuissentque proinde praedestinati, itemque infinitas alias noverit rationes providendi praedestinati, quibus sua

*Praedestinati
sunt
pro
servatilibus
providendi
rationibus
con-*

sua libertate beatitudinem amitterent, fuissentque reprobi; pro sua tantum libera voluntate, & non pro qualitate usus liberi arbitrii pravi, ne ut conditione quidem sine qua non, cum providendi modum utrisque elegerit, per quem praevidit, illos in vitam aeternam pro sua libertate non perventuros, hos vero deventuros esse, atque adeo illos futuros reprobos, hos vero praedestinatos existeret: neutris illorum interitum injuriam irrogando, praesertim cum utrisque de iis providerit mediis per quae, si per ipsos non staret, ad vitam aeternam devenirent, & cum posteris omnibus Adami, in ipso eorum parente, de iis mediis providerit, per quae, si per illum non stetit, summam cum facilitate aeternam beatitudinem essent assecuti.

actum voluntatis praevidet perventurum, simpliciter illum in vitam aeternam, esse absolute, & absque ulla jam hypothese. Atque ad eiusmodi liberam Dei praescientiam, quae, nostro intelligendi modo cum fundamento in re, est in Deo post completam praedestinationem, tanquam ad signaculum superveniens praedestinationi jam peractae, reduxit non obicere Paulus 2 ad Timoth. 2 certitudinem nostrae praedestinationis, dicens: Firmum fundamentum Dei stat, habens signaculum hoc (quo scilicet firmum ac certum redditur) Novit Dominus qui sunt ejus: per praedestinationem videlicet ac electionem aeternam, qua conferre eis ea media voluit, per quae perventuros illos providebat in vitam aeternam.

Illud magnopere est deinde advertendum, longe diverum esse querere, an praexistente in Deo (ut re vera fuit ante omnem actum liberæ suæ voluntatis) plenissima illa praescientia qualitatis usus liberi arbitrii in quocunque rerum ordine futuri, de qua haecenus locuti sumus, praedestinatio Dei aeterna ex parte divinae voluntatis in hoc sensu fuerit secundum praescientiam usus liberi arbitrii futuri, quasi pro qualitate aut propter qualitatem usus pravi constituerit Deus, vel distribuere uno aut altero modo sua auxilia ac dona, vel praedestinare hos potius quam illos; ac querere, an illius praescientia (a qua pendet ut reliquum, quod se tenet ex parte divini intellectus & voluntatis, rationem habeat praedestinationis, aut providentiae duntaxat ad beatitudinem) detur aliqua ratio seu potius conditio ex parte qualitatis usus futuri, sine qua non praetstitisset in Deo, quasi licet praedestinatio non fuerit facta propter praescientiam qualitatis usus pravi, fuerit tamen facta non sine tali praescientia; & quasi habitae fuerit ratio qualitatis usus arbitrii futuri; non quidem ut ullo pacto esset mensura aut quali mensura donorum Dei, etiam tanquam conditio, qua pravi fuissent conferenda, & qua non pravi fuissent deneganda, sed tanquam ejus, ut a quo, quemadmodum in tempore pendebat quod adultus cum his vel illis auxiliis ac donis in particulari perveniret aut non perveniret in vitam aeternam, ita etiam pendebat, ut voluntas illi opitulandi ac providendi per hac ipsa auxilia ac dona, rationem haberet

Nullus efficere valet ut sit praedestinatus.

Duo observa. Primum est ejusmodi: Licet juxta haecenus dicta, data quacunque providentia in particulari comparatione cujuscunque adulti, sive ea, ratione praescientiae adjunctae, praedestinatio sit, sive adjunctam habeat rationem reprobationis, in potestate talis adulti sit, facere ea, quae si esset facturus, talis providentia esset praedestinatio, quia adjunctam haberet praescientiam, quod perventurus ea via esset in beatitudinem; nihilominus in potestate nullius praedestinatus est efficere, ut fuerit praedestinatus; quoniam in potestate ipsius non est efficere, ut Deus ex infinitis rerum ordinibus, quos eligere poterat, cum potius eligeret, in quo providebat illum pro sua libertate perventurum in vitam aeternam, quam alium; in quo tamen consistit praedestinari talem adultum. Quare praedestinare, aut non praedestinare, a solo Deo pro sua tantum libera voluntate pendet. Quod vero hac aut illa providendi ratio taliadmodum in particulari, rationem habeat, aut non habeat, praedestinationis comparatione illius, ex eo etiam pendet, quod ipse uno vel altero modo per suum arbitrium sit cooperaturus.

Secundum est. Certitudinem, quod adultus praedestinatus in vitam aeternam perveniet, esse quidem in scientia illa media, quae antecedit liberum actum divinae voluntatis; attamen quodammodo tanquam in radice, & solum ex hypothese, si Deus ea media velit concedere, eoque modo velit providere: ac vero in scientia libera, qua Deus post eum

Certitudo praedestinationis solum ex hypothese est in praescientia media absolute & omnino in scientia libera quae

beret vel prædestinationis, vel solius providentiæ ad beatitudinem.

Prædestinatio in quo sensu non fuerit secundum præscientiam usque ad arbitrium.
 Prima harum duarum questionum est, quam Patres ac Doctores Scholastici ad hanc usque diem controverterunt. Quod vero ad eam attinet, cum Augustino, D. Thoma, & aliis, adversus Doctores memb. 4. relatos affirmamus, prædestinationem non esse secundum præscientiam qualitatis usus liberi arbitrii, ut tum hoc membro, præsertim con. 6. tum 4. & aliis ostensum est.

De secunda autem questione parum aut nihil tam Patres, quam Doctores Scholastici, locuti sunt: cum tamen a præscientia illa media, quam nullo refragante, comparatione determinationis arbitrii creaturarum in unam aut alteram partem in Deo ante omnem actum liberum suæ voluntatis constitutum, pendeat legitima conciliatio præscientiæ, providentiæ, & prædestinationis cum arbitrii nostri libertate, legitimaque intelligentia scripturarum sanctarum: atque (quando est cooperationis, qua in vitam æternam pervenitur) ea sit, quam prædestinationi adulti addit supra providentiam circa eundem in beatitudinem.

Nona conclusio. Prædestinatio ad ultimum in quo sensu fuerit secundum præscientiam, habensque usque ad arbitrium.

Sit ergo nona conclusio in ordine: In secundo sensu explicato prædestinatio ad ultimum seu secundum præscientiam boni usus liberi eorum arbitrii, habuitque Deus, modo explicato, rationem illius in eis prædestinandis. Probatur conclusio. Primo ex illo ad Rom. 8: Nam quos præscivit, & prædestinavit conformes fieri imaginis filii sui; quos autem prædestinavit, hos & vocavit, & quos vocavit, hos & justificavit, &c. Quia enim ad ultimum prædestinatio fuit modo explicato secundum præscientiam usus liberi arbitrii futuri, estque proinde præscientia, de qua Paulus ibi loquitur, prævia & necessaria ad prædestinationem, ut Dionysius Carthusianus recte ad eum locum adnotavit: Paulus alia forma loquendi nequit prædestinationem cum præscientia, alia vero vocationem cum prædestinatione, & justificationem cum vocatione: id quod Cajetanus ibidem, tametsi ad longe diversam expositionem, observavit. Quod ut melius intelligatur, animadvertendum est, Paulum præmisisse: Diligentibus Deum omnia cooperantur in bonum, iis qui secundum propositum vocati sunt sancti. Ad

explicationem vero seu probationem subiunxit: Nam quos præscivit, & prædestinavit, &c. Juxta duas autem expositiones illorum verborum; iis qui secundum propositum vocati sunt sancti; diversimode exponuntur verba sequentia, quibus Paulus rationem reddidit. Chrysostomus namque, Theodoretus, Theophylactus, & plerique alii Augustino antiquiores, priora illa verba exponunt, non de proposito & voluntate Dei, sed de proposito & voluntate eorum qui sunt vocati, quasi vocatio facta fuerit propter præscientiam propositi, seu boni usus liberi arbitrii eorum qui vocantur. Et tunc in hunc modum exponunt sequentia verba; Nam quos præscivit, bene scilicet usus suo arbitrio, conformesque propriorum libertate futuros imaginis filii sui, illos prædestinavit ut tales fierent, &c. Juxta hanc ergo expositionem longe majori cum ratione dicendum esset, prædestinationem factam esse secundum præscientiam in secundo sensu, de quo in nostra conclusione est sermo. Hæc tamen positio non probatur: quoniam, ut merito post Augustinum Doctores communiter affirmant, innuitque aperte contextus Pauli tam ibi, quam alibi, vocatio sit secundum propositum Dei, qui dona gratiæ distribuit prout vult. Paulus ergo rationem redditurus, illorum priorum verborum, ut more suo doceret simul, non proinde excludi arbitrii nostri libertatem, sed rationem illius haberi, tam in prædestinandis, quam in vocandis secundum Dei propositum hominibus, subiunxit; Nam quos præscivit (futuros videlicet pro sui arbitrii libertate conformes imaginis filii sui, ex hypothesi quod ex parte sua eos adjuvare constitueret auxiliis, quæ eis misericorditer impendere decrevit) & prædestinavit, id est, etiam prædestinavit ut tales forent, constituendo ea ipsa auxilia illis in tempore donare. Deinde enumerat effectus æternæ prædestinationis ita secundum præscientiam, id est, non sine præscientia boni usus liberi arbitrii constitutæ, dicens: Quos autem prædestinavit, &c. ac sane de nulla alia præscientia commodius exponi potest locus ille Pauli, quam de ea quæ (ut Dionysius recte adnotavit) prævia ac necessaria est ad prædestinationem: neque hæc est alia quam illa media, qua Deus prænotavit, quid pro liber-

libertate arbitrii cum his vel illis donis in hoc vel illo ordine rerum esset futurum, ex hypothesi quod ea donare statuerat. Expositiones alie istius loci, ut violentæ ac peregrinæ sunt, sic adeo variantur, ut vix duo reperias, qui in eadem conveniant. Consonat ex parte Augustinus, aut quicunque alius ejus operis auctor, Hypognost. lib. 6. in principio, ubi ait: Prædestinatio a prævidendo, & præveniendō, vel præordinando futurum aliquid dicitur, & ideo Deus, cui præscientia non accidens est, sed essentia fuit semper & est, quicquid antequam sit, sic præscit (intellige ut præordinet) prædestinat. Et propterea prædestinat, quia, quale futurum sit, præscit. Ideo & Apostolus: Nam quos præscivit, inquit, & prædestinavit. Sed non omne quod præscit, prædestinat: bona vero & præscit, & prædestinat; mala vero præscit, & non prædestinat. Quod ergo bonum est, præscientia prædestinat, id est, priusquam sit in re, præordinat. Hoc cum ipso auctore esse coeperit, vocat, ordinat, & disponit. Unde & sequitur: Nam quos prædestinavit, hos & vocavit, &c. Hæc auctor illius operis.

Secundo, probatur ex illo ad Romanos 11: Non repulit Deus plebem suam quam præscivit, id est, eos ex Judæis qui secundum electionem gratiæ salvi fiunt, ut se paulo inferius exponit. Etenim quia ad prædestinationem cujusque adulti duo necessaria sunt, nempe & Dei electio secundum suum propositum per gratiam, hoc est, voluntas conferendi ea auxilia gratiæ, quibus prævidet prædestinatum pro libertate sui arbitrii in vitam æternam perventurum, & ipsa præscientia quod talibus auxiliis pro sua libertate ita sit usus, ut ad beatitudinem perveniat, idcirco scripturæ sanctæ, modo ex uno capite, prædestinationem appellant electionem secundum Dei propositum; modo ex alio, eam nominant præscientiam: & prædestinatos appellant præscitos a Deo, quod videlicet in beatitudinem pro libertate sui arbitrii pervenient.

Tertio, ex illo primæ Petri 1: Petrus Apostolus JESU Christi, electis advenis secundum præscientiam Dei Patris, in sanctificationem spiritus, in obedientiam, & cætera. Ubi eadem ratione dicit electionem fuisse secundum præscientiam Dei Patris.

MOLINA.

Quarto, ex illo secundæ Petri 1: Sætigate fratres, ut per bonâ opera certam vestram vocationem & electionem faciatis. Quibus verbis apertè docet, ex usu arbitrii electorum in unam aut alteram partem pro eorum libertate futuro pendere, quod certa sit aut non sit eorum electio ac vocatio. Quamvis autem sermo videatur esse de vocatione & electione ad gloriam per pignora fidei & gratiæ, quibus jam ad illam jus habebant, & ad eam certo pervenient, nisi sua negligentia & culpa ea amitterent, horteturque eos Petrus, ut ita operentur, ne pignora illa amittant, quatenus ea ratione eorum vocatio certa sit, finemque, ad quem ita vocati sunt, assequantur; id tamen institutum nostrum efficaciter probat: inde enim habetur, ab usu liberi arbitrii eorum in unam aut alteram partem futuro pendere, quoad existentiam, effectum prædestinationis eorum, atque adeo ut in Deo ex æternitate existerit præscientia, quod per eum usum vitam æternam consequerentur, fuerintque ex æternitate prædestinati.

Quinto, quia eo modo prædestinavit nos Deus justificandos & salvandos, quo in tempore justificamur & salvamur, ut D. Thomas hoc loco in argumento, sed contra, affirmat, meritoque Dominicus & Soto sæpe repetit in cap. 9 epistolæ ad Romanos: at adulti justificamur, vitamque æternam consequimur, dependenter ex eo quod libere velimus, ita ut integer effectus prædestinationis simul pendeat a libera voluntate Dei, & a libero influxu arbitrii nostri, in potestateque nostra situm sit, nec justificari, nec salvari, ut fides docet: ergo quod ex æternitate fuerimus prædestinati per ea media, quibus re ipsa prædestinati fuimus, vitamque æternam consecuti sumus, non pendet solum ex divina voluntate, qua Deus ad hæc ipsa media nobis opitulari constituit, sed simul etiam ex libera cooperatione & influxu nostri arbitrii præviso, neque voluntas divina ita nobis opitulandi rationem haberet prædestinationis, nisi præscientiam de libero influxu nostri arbitrii futuro adjunctam haberet.

Postremo, quia cum auxiliis ex parte Dei, cum quibus unus justificatur & salvatur, alius pro sua libertate nec justificatur nec salvatur, & e contrario, ut patet ex illo Matth. 11: Si

Bbb

in

in Tyro & Sidone, & cætera, neque dubitandum est multos torqueri apud inferos, qui multo maioribus auxiliis ad salutem a Deo donati fuerunt, quam multi qui in coelo divino conspectu fruuntur, de quorum numero videntur esse Iudæi, qui Christum Dominum prædicantem & miracula facientem viderunt, de quibus, referente Paulo ad Roman. 10, conqueritur Deus per Isaiam dicens: Tota die expandi manus meas ad populum non credentem, sed contradicentem mihi, & Christus Matth. 23 Quoties, inquit, volui congregare filios tuos, quemadmodum gallina congregat pullos suos sub alas, & noluisti! sed quod hi cum maioribus auxiliis prædestinati & salvi non fuerint, illi vero cum minoribus prædestinati ac salvi fuerint, non aliunde fuit, nisi quia illi pro innata libertate noluerunt uti ita suo arbitrio, ut salutem consequerentur: hi vero maxime: ergo quod voluntas illa Dei æterna, qua adultis ea media ex sua parte conferre statuit, quibus in beatitudinem perveniunt, rationem prædestinationis habuerit, tanquam a conditione sine qua eam rationem non habuisset, ex eo fuit dependens, quod adulti ipsi eo modo pro sua innata libertate usuri erant suo arbitrio ut ad eam pervenirent, idque Deus altitudine sui intellectus prævidit.

Illud addendum est: Quamvis Deus allegatus non fuerit usui liberi arbitrii prævisio, aliisve circumstantiis ex parte adulti prædestinandi, ut hoc vel illo modo illi providere ac opitulari constitueret, potuisse tamen ad circumstantias & ad usum respicere, deinceps ac rationi valde consentaneum fuisse, ut id ita faceret, in multisque re ipsa ad multa respexisse, constituendo aliqua propter circumstantias & usum prævisum, quæ alioquin non constituisset, ut ex scripturis sacris aperte colligitur. Dum enim inter effectus prædestinationis computatur, quod Deus morte cum iusto præveniat, qui, si diutius viveret, pro sua libertate damnaretur, sane in eo iusto prædestinando rationem habuit Deus qualitatis usui liberi illius arbitrii prævisi: consonatque illud Sapientiæ 4: Raptus est, ne malitia mutaret intellectum ejus, aut ne fictio deciperet animam illius. Placita enim erat Deo anima illius, propter hoc prope- ravit educere illum de medio iniquitatum.

Dum etiam Paulus primæ ad Timoth. 1 de se ipso ait: Qui blasphemus fui, & persecutor, & contumeliosus, sed misericordiam Dei consecutus sum, quia ignorans feci in incredulitate mea; manifeste docet, non fuisse eam ita consecuturum, nec fuisse tam magnifice adjuvandam, si peccata illa fuissent ex malitia profecta. Propter illud Saulis peccatum, quod 1 Regum 13 commemoratur, dixit illi Samuel: Stulte egisti: quod si non fecisses, jam nunc præparasset Dominus regnum tuum super Israël in sempiternum, sed nequaquam regnum tuum ultra confurget. Genes. 22 propter insignem illam obedientiam dixit Dominus ad Abraham: Quia fecisti hanc rem, & non pepercisti filio tuo unigenito propter me, benedicam tibi, & benedicentur in semine tuo omnes gentes terræ, quia obedisti voci meæ. Cornelius Actorum 10 propter orationes & elemosynas vocatus fuit ad Christi fidem. Atque ex scripturis sanctis constat, quo iusti magis strenue in Dei obsequio se gerunt, eo solere a Deo abundantioribus & potentioribus auxiliis adjuvari, tum ut in gratia accepta perseverent, tum ut in ea crescant. Matth. namque 25, & Lucæ 19 talentum, quod ab eo aufertur, qui ignaviter se gessit, tribui jubetur illi, qui plus omnibus laboraverat, & cæteris ditior erat, ac subiungitur: Omni habenti dabitur, & abundabit: ei autem qui non habet, & quod videtur habere, auferetur ab eo. Ut interim alia testimonia omittam. Quin sicut unum peccatum permitti solet in poenam alterius peccati: sic propter elemosynas, & alia opera moraliter bona, facta ab existente in lethali peccato, consuevit sæpe Deus opitulari citius, ac magis uni quam alteri, ut a peccato resurgat: eaque ratione ejusmodi opera non immerito appellari consueverunt dispositiones remotæ ad gratiam. Porro ut universim quoad hæc tenus dicta quasi minorem quandam propositionem subsumamus, unde nostrum institutum concludamus; quæ auxilia & dona confert Deus in tempore propter aliquem bonum usum liberi arbitrii antecedentem, & quæ peccata permittit, aut quam poenam aliam infligit propter malum arbitrii usum antecedentem, eadem ex æternitate conferre, permittere, aut infligere statuit, propter eundem bonum aut malum usum

Deum in prædestinandi rationem aliquam habuisse usui liberi eorum arbitrii.

sum prævisum futurum ex hypothesi quod hunc vel illum ordinem rerum condere velle.

Illud etiam, quod ad exaltationem, laudem, & honorem Christi, sanctissimæque illius matris spectat, mihi videtur admodum verisimile; sacratissimis eorum duorum animabus non solum excellentiora dona Deum conferre decrevisse, sed etiam easdem prævidisse melius, quam cæteras, pro sua innata libertate usuras suo arbitrio, eaque ratione in tantam dignitatem potius, quam cæteras, electas fuisse.

*Prædestinatio-
nem Christi
ut esset filius
Dei, & præ-
destinatio-
nem aliorum
discrimen,
& conse-
quentialia.*

Ex dictis facile erit intelligere, tum maximum quoddam discrimen inter prædestinationem Christi, quatenus secundum humanam naturam prædestinatus est ut per unionem hypostaticam simul esset filius Dei, & prædestinationem cæterorum hominum adultorum in Christo & per Christum; tum etiam convenientiam quandam. Discrimen est, quod cum natura humana perducenda non esset ad unionem hypostaticam per usum sui arbitrii, sed omnino a solo Deo; utique in prædestinatione Christi, quatenus homo est, ut simul esset filius Dei, nulla omnino habita fuit ratio usus liberi arbitrii Christi prævisi, ut ita prædestinaretur: at cum homines adulti ita in Christo & per Christum prædestinantur in vitam æternam, ut per suum arbitrium, gratia & auxiliis ex meritis Christi collatis suffultum, in eum, si & ipsi vellent, pervenirent, ratio usus liberi arbitrii eorum habenda fuit, ut explicatum est. Convenientia vero est, quod cum auxilia & media omnia supernaturalia, per quæ a Deo prædestinati sunt, collata fuerint per Christum, atque adeo a prædestinatione Christi, quatenus homo est, velut a fonte fuerint derivata, utique sicut prædestinatio Christi, quatenus homo est, ut scilicet simul esset filius Dei, non fuit ex meritis, aliquove usu liberi arbitrii Christi; ita prædestinatio cæterorum hominum, quoad integrum effectum prædestinationis, atque adeo quoad collectionem auxiliorum & gratiar, quæ ex illa prædestinatione & meritis Christi in unumquemque prædestinatorum derivata sunt, non fuit ex meritis bonove aliquo usu liberi arbitrii eorum antecedente dona illa, sed mere gratis ex sola voluntate Dei. Augustinus de prædestinatione sanctorum cap. 15

a nobis membro 6 relatus, docet quidem convenientiam hanc inter prædestinationem nostram & Christi; non tamen negat, neque negare potest, discrimen illud tradidit.

Sit denique postrema conclusio: Id unde *Postrema conclusio.* fuit dependens quod rationem prædestinationis parvulorum haberet ratio illis providendi, voluntasque divina ex sua parte illis conferendi ea media quibus beantur, est; non solum ipsa libera parentum conjunctio ad prædeterminationem, & cætera, ex quibus proli generationem, & cætera, ex quibus proli conservatio usque ad susceptionem remedium contra peccatum originis pender, sed etiam libera ipsa ejusdem remedium applicatio, quodcumque ea fiat. Probatur conclusio, quoniam si illi nascituri aut conservandi non essent quousque remedium eis contra originis peccatum applicaretur, utique quemadmodum nunquam pervenirent in vitam æternam, ita neque prædestinati fuissent: cum ergo quod nascantur, & conserventur, eisque applicetur remedium contra originis peccatum, pendeat a libera operatione aliorum, quæ se ipsa potest non esse in rerum natura; sit, ut id unde fuit dependens quod voluntas divina conferendi illis talia media, eoque pacto illis providendi, rationem haberet prædestinationis, sit ipsa libera aliorum operatio. Hac eadem ratione, cum ad adulti prædestinati beatitudinem necessarium sit ut prius nascantur, utique libera eorum omnium operatio, a qua pender ejus ortus, est etiam id unde fuit dependens quod voluntas divina conferendi illi, quantum est ex parte sua, media quibus perveniet in vitam æternam, rationem prædestinationis fuerit sortita.

APPENDIX PRÆCEDENTIS.

MEMBRUM XII.

Non desuere qui propter ea, quæ membro præcedente, §. Illud addendum est, dixi, mihi tribuere voluerint, me asserere dari causam prædestinationis ex parte boni usus liberi arbitrii, non quidem necessariam, quasi bono usui liberi arbitrii prævisio Deus ita alligaverit suam voluntatem, ut universum, ubicunque illum præviderit, prædestinaverit per hæc aut illa media; & ubi illum non præviderit, universum non prædestinaverit; sed tamen causam congruentem propter

*Quid mihi
tribuat.*

quam regulariter quosdam prædestinaverit, alios vero non item.

*Unde id
conferunt.*

Id autem confirmant, quoniam memb. 4 sententiam eorum, qui asserbant, bonum usum liberi arbitrii prævisum causam esse prædestinationis, impugno si intelligatur, quasi Deus usum arbitrii tanquam menturam & velut regulam elegerit, ut pro ratione illius auxilia & media ad salutem ex æternitate statuerit, ita ut ex parte Dei fuerit æqualitas in auxiliis & mediis ad salutem cuique homini exoptantibus; inæqualitas vero tota ortum habuerit ex inæqualitate seu æqualitate usus liberi arbitrii prævisi, & ob id tanquam ratio, radix, & origo, quare hi, & non illi, fuerint prædestinati, reddi possit usus liberi arbitrii prævisus.

Non possum non vehementer mirari, eum, qui integrum nostrum opus legit, mihi eam tribuere opinionem: cum frequentissime in eo clamem, efficaciterque ostendam, prædestinationem non esse propter bonum usum liberi arbitrii prævisum, & ob id tanquam conditionem quidem sine qua non, sed pro sola libera voluntate Dei, qui sua dona distribuit prout vult, & quibus vult: si autem prædestinatio regulariter fuisset propter bonum usum liberi arbitrii prævisum, sane, quamvis non omnes prædestinationes ita a Deo fuissent constitutæ, sed quædam ab ea regula fuissent exceptæ, falsum simpliciter esset affirmare prædestinationem non fuisse propter bonum usum liberi arbitrii prævisum.

*Ad confir-
mationem.*

Ut vero a confirmatione ordiamur, certe membro 4 & 5 sententias omnes eorum retulimus, qui bonum usum liberi arbitrii, rationem aut causam prædestinationis constituebant; easque validissime impugnavimus. Et membro 5 expresse cum Divo Thoma atque ex professo retulimus sententiam eorum, qui bonum usum liberi arbitrii causam prædestinationis congruentem constituebant, eamque tanquam a scripturis sacris alienam, & in fide plus quam periculofam, rejecimus. Ac præter rationes quibus id ibi ostendimus, diximus eisdem etiam argumentis expugnari, quibus membro 4 præcedente, sententias, de quibus in confirmatione mentio fit, tanquam in fide plus quam periculofas rejecimus. Quod si membro 4 citato, antequam rationes conficere-
mus, quibus efficacissime eas sententias impu-

gnavimus, verba illa subjecimus, quæ in confirmatione referuntur: id in primis fuit, quia sine dubio auctores illi eo pacto suas sententias intelligebant. Deinde, quoniam rationes nostræ id probabant, eoque pacto appositæ magis ac dilucidior erat disputatio. Item præcipue, quia non intendebamus improbare, prædestinationem factam nihilominus fuisse non sine præsentia usus liberi arbitrii, habitaque illius consideratione, modo præcedente membro explicato, tanquam ejus qui, nihil impediens donis, a libertate arbitrii pender, necessariusque est adeo ut dona, per quæ Deus ex sua parte prædestinat, effectus sint prædestinationis, & per consequens ut voluntas Dei æterna ea dona conferendi rationem prædestinationis sortiatur. Porro in illis nostris verbis regulam & mensuram sumptimus indistincte atque universim, sive ea uteretur Deus sine ulla exceptione ad prædestinandum, vel non prædestinandum, sive solum regulariter & frequenter, atque adeo cum exceptione. Unde tam ibi, quam ubicunque ea de re loquimur, universim exclusimus, ad inæqualitatem usus liberi arbitrii prævisi tanquam ad rationem, radicem, aut originem reduci posse, quod quidam fuerint prædestinati, alii non item, sed ad solam liberam Dei voluntatem; quantumque illud membrum post nostras omnes rationes hisce verbis conclusimus: Quæ omnia aperte sonant, Deum non pro qualitate usus liberi arbitrii prævisi, sed pro sua voluntate ac beneplacito effectum prædestinationis conferre statuisse. Profecto auctores opinionum; quas ibi resistavimus, nunquam negassent, Deum multas fecisse exceptiones ab ea regula, sæpeque dona sua distribuisse non pro qualitate usus liberi arbitrii prævisi, ut in Domina nostra, Joanne Baptista in matris utero sanctificato, & vocatione Pauli; id quod Gabriel & Divus Bonaventura expresserunt, ut in eodem membro quarto retulimus; & nihilominus eorum sententiam circa prædestinationis radicem & causam ex parte boni usus liberi arbitrii, nos ibidem impugnavimus. Certe si eo loco in particulari non expressimus, prædestinationem neque tanquam in causam congruentem, propter quam Deus regulariter quosdam prædestinaverit, alios non item, reduci posse

posse in qualitate usus liberi arbitrii prævisi, id non fuit quia contraria essent opinio- nis, ut immerito nobis imponitur, sed quoniam nec suspicavimus id quinquam posse de nobis arbitrari.

*Ad id quod
ex membro
precedente
nobis præ-
buitur.*

Quod ad ea attinet, quæ membro præce- dente diximus: Ante nonam conclusionem duplicem sensum hujus propositionis distin- ximus: Prædestinatio est secundum præsci- entiam usus liberi arbitrii futuri. Unum, id est, propter præscientiam qualitatis usus futuri, ex hypothesi quod homines in uno aut alio rerum ordine cum his vel illis auxiliis & circumstantiis collocarentur. In hoc autem sensu dixi (ut perpetuo asserueram) prædestinationem non fuisse propter quali- tatem usus prævisi: ut autem a principio dixi, qui negat fuisse propter qualitatem prævi- sam, sane omnem qualitatem prævisam negat, propter quam fuerit prædestinatio: eo quod negatio illa totum, circa quod fer- tur, ita excludat, ut si aliqua esset qualitas propter quam modo aliquo fuisset prædesti- natio, etiam velut ob causam congruentem, falsum absolute esset, prædestinationem non fuisse propter qualitatem usus liberi arbitrii prævisam. Alterum vero ejusdem propo- sitionis sensum distinctimus, id est, non sine præscientia qualitatis usus liberi arbitrii ex quacunque hypothesi futuri. In eo vero sensu a nona conclusione ostendimus, præde- stinationem fuisse secundum præscientiam qualitatis usus liberi arbitrii futuri, habita- que consideratione illius.

Ut vero ad §. Illud addendum est, deve- niamus: certe ibi non doceo, prædestina- tionem esse propter qualitatem usus liberi arbitrii, etiam tanquam ob causam congru- entem, ut luce clarius constat: sed exemplis ex scriptura sacra de promptis ostendo, Deum, quando homines prædestinabat, rationem aliquam habuisse circumstantia- rum, usque liberi arbitrii prævisi, ut ali- qua constitueret, non vero ut propter talem usum aut qualitatem prædestinaret. Pri- mum est, quoniam dum inter effectus præ- destinationis computatur, quod Deus morte eum iustum præveniat, qui, si diutius vive- ret, pro sua libertate peccaret lethaliter ac damnaretur, sane eo ipso asseritur, Deum, quando ex æternitate illum per ea media prædestinavit, rationem habuisse usus illius mali prævisi futuri, non quidem ut propter

eum, etiam tanquam ob causam congruen- tem, illum prædestinaverit, quod assertu esset stultum, sed ut misericorditer præpro- pera morte, tanquam prædestinationis effec- tu, malum eum usum impediret, juxta illud Sap. 4: Raptus est ne malitia imitaret infel- lectum ejus, aut ne fictio deciperet animam illius. Placita enim erat Deo anima illius, propter hoc properavit educere illam de medio iniquitatum. Secundum est, quo- niam dum Paulus 1 ad Timoth. 1 de seipso ait: Qui blasphemus fui, & persecutor, & contumeliosus, sed misericordiam Dei con- secutus sum, quia ignorans feci in increduli- tate mea; manifeste docet, ita eam miseri- cordiam non fuisse consecuturum, neque fuisse tam magnifice juvandum, si peccata illa fuissent ex malitia profecta; & subinde docet, neque Deum fuisse id statuturum ex æternitate, dum misericorditer ipsum prædestinabat, ac per consequens etiam docet, Deum, dum inter effectus prædesti- nationis Pauli id statuit, attendisse ad quali- tatem illam ignorantia, quæ malum usum arbitrii Pauli excusabat, tanquam ad condi- tionem, non propter quam, etiam tanquam ob causam congruentem, illum vel prædesti- naret, vel etiam magnifice vocaret, ut ex se est notissimum, sed sine qua non statuisset illum ita mirifice vocare, ut satis aperte ex verbis Pauli colligitur. Tertium exemplum ex illo 1 Reg. 13: Stulte egisti; quod si non fecisses, jam nunc præparasset Dominus regnum tuum super Israel in sempiternum, sed nequaquam regnum tuum ultra consur- get; docet propter malum illum usum liberi arbitrii Saulis prævisum, statuisse Deum deji- cere illum, sobolemque illius, a regno Israel. Quartum docet, propter insignem Abrahami obedientiam bonumve illum usum liberi arbitrii ejus prævisum futurum, cooperante ad illum gratia ipsius, statuisse Deum replere illum benedictionibus, & inter alias, assu- mere carnem humanam ex illius progenie. Quintum docet, propter bonos similes usus liberi arbitrii Cornelii, statuisse vocare illum peculiari modo ad fidem Christi. Cætera docent, propter strenuum unum bonum usum liberi arbitrii, cooperante ad illum auxilio gratiæ, Deum statuisse conferre alia majoraque dona & auxilia, quæ re ipsa in tempore conferret: hoc vero, si in homine

fit prædestinato, non est prædestinare propter illum bonum usum, neque tanquam ob causam congruentem, sed est statuere unum particularem effectum prædestinationis propter alium, tanquam ob causam dispositivam & meritoriam illius, quos nullus Doctorum negat. Ecce in toto eo §. nullam mentionem facio de causa prædestinationis, etiam congruente, ut mihi imponitur.

Quia vero in principio illius §. dico: Quamvis Deus alligatus non fuerit usui liberi arbitrii prævisio, aliisque circumstantiis ex parte adulti prædestinandi, ut hoc vel illo modo illi providere ac opulari statueret; potuisse tamen ad circumstantias & usum respicere; decensque ac rationi valde consentaneum fuisse, ut id ita faceret; in multisque re ipsa ad multa reflexisse, constituendo aliqua propter circumstantias & usum prævisum, quæ alioquin non constitueret, ut ex scripturis sacris aperte colligitur: id quod continue exemplis ex scriptura depromptis, quæ proxime retuli, ostendo. Quia id, inquam, ita dico, colligunt me asserere, Deum alligari ad prædestinandum propter bonum usum liberi arbitrii tanquam ob causam congruentem: cum tamen exempla mea de causa prædestinationis, ut ostendi, non loquantur: & cum potius ex verbis meis colligi deberet contrarium. Qui enim dicit, quamvis Deus non alligetur usui liberi arbitrii prævisio ad providendum, statuendumve opulari hoc vel illo modo; potuisse tamen ad illum respicere, decensque fuisse, ut habita consideratione illius aliqua statuerit; certe docet, in iis ipsis, quæ habita consideratione usus prævisi eo modo statuit, non alligari usui ita prævisio ad illa eo pacto statuenda: sed potuisse statuere, non provenire eum iustum, quem misericorditer præpropere morte prævenire statuit, vellegere permittere ut laberetur in peccatum, & ut sempiternam amitteret beatitudinem. Potuisse etiam statuere vocare Paulum eo modo quo illum vocavit, etiam si prævideret ex malitia persecutorum Christianos, ut ea ratione in ea vocatione splenderet magis infinita ipsius misericordia. Et, nihil impediens peccato Saulis, potuisse statuere confirmare illi regnum: sicut, nihil impediens adulterio & homicidio Davidis, regnum illi & soboli confirmare statuit. Itemque non obstan-

tibus Abrahami obedientia, & operibus bonis Cornelii, potuisse statuere neque Abrahamum tot benedictionibus cumulare, neque Centurionem peculiarari illo modo ad Christi fidem vocare. Hinc jam patet quam sinistre eadem verba mea quidam alii fuerint interpretati.

Membro præcedente, conclusione 2 dixi, certitudinem, quod adultus prædestinatus vitam æternam consequetur, non esse ex parte mediorum, effectusve prædestinationis; eo quod possint re ipsa non esse, si talis adultus pro sua libertate ad ea non cooperetur: sed esse ex parte divina præscientiæ, quæ prævidet Deus ita illum pro eadem sua libertate cooperaturum, ut illa existant, & per ea ad beatitudinem perveniat.

Quibusdam hæc nostra doctrina non placet. Censent namque, certitudinem, quod effectus totus prædestinationis futurus sit, atque adeo quod per eum prædestinatus in vitam æternam deveniet, provenire etiam ex nuda voluntate Dei, quæ auxilia in ea temporis circumstantia dare voluit, quæ sine præiudicio libertatis prædestinati efficacia futura erant. Id vero solum probant auctoritate D. Thomæ, quem dicunt in hoc art. §. certitudinem prædestinationis referre expressè ad electionem voluntatis, ut constat ex iis quæ dixit in fine corporis articuli, & in responsione ad 3, & art. 6. Hoc idem discrimen, dicunt, statuit, inter prædestinatorum certitudinem, & reproborum, & quæst. 6 de verit. art. 3. Non potest, inquit, dici, quod prædestinatio super certitudinem providentiæ nihil addit, nisi certitudinem præscientiæ: sic enim, inquit, non diceretur prædestinatus differre a non prædestinato ex parte ordinis, sed ex parte præscientiæ eventus. Et deinde ostendit hoc libertatem arbitrii non impedire.

Si, qui hoc ita affirmant, de numero eorum essent, qui præfinitiones per concursum aut auxilium Dei ex se efficaciæ constituunt, necesse non esset aliud dicere, quam quæ quæst. 14 art. 13 disp. ult. dicta sunt. Quia tamen nobiscum consentiunt auxilia non esse ex se efficaciæ, sed dependentia a libero arbitrii nostri consensu; fierique posse, ut e duobus, qui æquali auxilio gratiæ prævenientis a Deo moventur, unus convertatur, liberum suum consensum & cooperationem adhibendo,

Primum D. Thomæ testimonium, cui quidam inniuntur.

do, & alter non, sua etiam libertate consensum & cooperationem non exhibendo; aliquid hac de re dicendum erit: quamvis fortasse multi superfluum id non immerito indicabunt post ea omnia, quæ a nobis hæcenus dicta sunt: præsertim cum ii, quibus cum disputamus, tam debilibus fundamentis ad nobis repugnandum innitantur. Nos

Prædestinatio quid dicatur ex parte divini intellectus, & divine voluntatis.

(ut ex dictis sæpe in superioribus liquet) dicimus, prædestinationem adulti duo includere. Unum, ex parte divini intellectus, nempe rationem mediorum per quæ Deus prævidet perventurum illum pro sua libertate in vitam æternam, cum possit pro eadem libertate non cooperari, eaque media impedire ac destruere, & ad vitam æternam non devenire. Alterum, ex parte divinæ voluntatis, propositum scilicet, absolutamve voluntatem eo pacto ex sua parte illi opitulandi, conferendive illi ex sua parte ea media. Sicut autem illud primum, quod se tenet ex parte divini intellectus, non habet simpliciter rationem prædestinationis sine hoc secundo: ita hoc secundum, nempe voluntas Dei eo pacto ex sua parte opitulandi, rationem non habet prædestinationis sine præscientia illa, quod talis adultus eo pacto ex parte Dei adjutus, ita per suum arbitrium cooperabitur, ut illa media existant: quoniam tunc non esset voluntas exequendi rationem ex parte intellectus, quæ vim &

Prædestinationis effectus certus non est, si secludat divinam præscientiam.

essentiam prædestinationis retineret: eo quod sine ea præscientia esse non possit formalis ratio prædestinationis ex parte divini intellectus: id quod profecto satis esse debebat, ut intelligeretur effectum prædestinationis adulti certum non esse per computationem ad voluntatem Dei ita ex parte sua illi opitulandi, si præscientiam illam secludas.

Item membro 9 & 11 satis dilucide ostendimus, totum bonum usum liberi arbitrii prædestinati adulti, & singulas illius partes, pendere, ut existant, non solum a libero influxu & voluntate Dei prædicto modo ex parte sua opitulandi, sed etiam a libero influxu & voluntate adulti, qui potest non influere, efficereque ut non sint. Itemque pendere, ut tam ipsæ, quam reliqua, quæ in effectu prædestinationis includuntur, usque ad finem vitæ perseverent, atque adeo ut rationem prædestinationis retineant, illisque ad sempiternam beatitudinem devenia-

tur, ex eo quod talis adultus lethalius usque ad finem vitæ non peccet, cum tamen in potestate ipsius situm sit lethalius peccare, quoties libuerit, destruereque & impedire effectum prædestinationis, neque ad id divigo indigeat auxilio.

In primis autem quod talis adultus peccaturus non sit lethalius usque ad finem vitæ ut potest, nihil impediens auxiliis, cum quibus re ipsa non peccabit, profecto certum non est; si secludas præscientiam, qua Deus prævidet cum eis auxiliis pro sua libertate non peccaturum: ergo si eandem præscientiam secludas, certum non est effectum prædestinationis talis adulti esse futurum.

Deinde si singulæ partes totius boni usus arbitrii adulti prædestinati, pendunt, ut existant, non solum a voluntate Dei opitulandi illi ex parte sua eo pacto, quo re ipsa opitulabitur, sed etiam a libero consensu ipsius adulti; atque in Concilio Trident. sess. 6 c. 5 & can. 4. definitum est, tangente ac movente Deo cor hominis per auxilium gratiæ prævenientis, ut cooperetur & exerceat actus, quibus se ad gratiam disponat (idemque est de cæteris, quibus deinceps gloriam, aut etiam gratiæ augmentum meretur) posse re ipsa nihil impediens tali motione & auxilio, & per consequens nihil impediens voluntate qua ex æternitate statuit ita illi opitulari, non consentire, suspendendo suum influxum seu consensum & cooperationem, imo vero posse etiam dissentire, cassumque quovis ex his duobus modis reddere tale auxilium & voluntatem Dei eo pacto illi opitulandi, ita ut partes illæ boni usus liberi arbitrii, effectusque prædestinationis, non sequantur: qua, precor, ratione sine manifesto periculo erroris in fide potest asseverari, certas esse partes illas boni usus liberi arbitrii, effectusque prædestinationis, per comparisonem ad solam divinam voluntatem eo modo hic & nunc tali adulto opitulandi, si præscientiam secludas, qua Deus prævidet, ex hypothesi quod eo modo veller illi opitulari, arbitrium pro sua libertate adhibiturum consensum, cum sub eisdem numero circumstantiis posset, si veller, assensum atque influxum suspendere, & etiam dissentire.

Fortè dices: Etiam non obstante ea præscientia, æquale liberum est arbitrio talis prædestinati

destinati suspendere influxum & consensum, atque etiam dissentire: ergo sicut hoc non tollit, quin partes illæ boni usus liberi arbitrii, effectusque prædestinationis certo sint futura, certitudine divinæ præscientiæ; ita non tollit, quin futura sint certo per comparationem ad divinam voluntatem eo pacto opitulandi tali adulo.

*Responsio.
Corrumpo
effectus
prædestina-
tionis, com-
paratione
præscientiæ,
cur non tol-
lit libera-
tem, sicut
colleret
comparati-
one volunta-
tis.*

Neganda tamen est consequentia: quoniam præscientia illa provenit ex illimitata perfectione divini intellectus, qua, quod incertum est in se, & per comparationem ad arbitrium nostrum a quo emanat libere, ipse certo penetrat ac cognoscit: neque quia id præcognovit, idcirco futurum est; sed e contrario, quia ita futurum est pro arbitrii libertate, id præcognovit, quod, si futurum non esset, ut reipia potest, nunquam extitisset in Deo ea præscientia, sed contraria. Voluntas vero eo pacto ex parte sua opitulandi, nihil tale habet: & cum non sit tota & integra causa earum partium boni usus liberi arbitrii, effectusque prædestinationis, sed simul etiam pendeant concursu alterius causæ liberæ, utique ex sola illa opitulatione ex parte Dei, voluntateque eo modo auxiliandi, non est certum futuris eas partes boni usus liberi arbitrii, effectusque prædestinationis. Etenim, existente in duobus æquali auxilio gratiæ prævenientis ex parte Dei, atque adeo voluntate æqualiter eo modo illis hic & nunc opitulandi, potest unus eorum pro sua libertate converti, & alius non converti, ut, si in fide errare non velimus, tenemur fateri. Imo, tangente Deo majori auxilio unum quam alterum, potest, qui minori auxilio tangitur, pro sua libertate converti, quando alius cum majori pro sua etiam libertate non convertitur, sed manet obstinatus. Quia ergo si bonus usus liberi arbitrii, effectusque prædestinationis, certo esset futurus per comparationem ad solam Dei voluntatem eo modo opitulandi, certitudo illa esset certitudo effectus per comparationem ad causam, quatenus futura est causa talis effectus: nunquam autem effectus est eo modo certus, nisi quando causa est integra, aut talis, quæ ita moveat alias ad eundem effectum, ut in potestate earundem non relinquat non influere ad eundem

effectum: efficitur, ut, nisi errare velimus in fide, arbitriique negare libertatem ad eos actus de quibus disputamus; solam spontanei rationem cum Lutheranis ad eos relinquendo, dicendum omnino sit, in ejusmodi partibus boni usus liberi arbitrii, effectusque prædestinationis, non esse certitudinem per comparationem ad solam Dei voluntatem eo modo opitulandi. Quia ergo certitudo per comparationem ad præscientiam non est certitudo effectus comparatione causæ, quatenus causa est talis effectus, sed est certitudo proveniens ex illimitata perfectione divini intellectus, qua certo cognoscit, quod in se est incertum, inde proficitur, quod ea certitudo libertatem nostri arbitrii non tollat aut minuat.

Illud admonuerim, cum quidam actuum ac effectuum, ad integrum prædestinationis effectum pertinentium, ab aliis præcedentibus de lege ordinaria pendeant, ut a dispositionibus ad gratiam pendens gratia ipsa, & virtutes infusæ, atque actus meritorii, qui post justificationem comparatam exercentur, Deum optimum maximum, prævidentem ante omnem suæ voluntatis determinationem hunc vel illum adultum, ex hypothese quod cum his vel illis auxiliis gratiæ prævenientis vellet eum adjuvare, convertendum, & deinde cum his vel illis auxiliis perseveraturum in gratia usque ad finem vitæ, atque elicitorum pro sua libertate hos vel illos actus meritorios tantæ gloriæ, & tantæ augmenti gratiæ, simul prædestinasse illum ad ea omnia media, ad eam gloriæ quantitatem, præordinando quosdam effectus prædestinationis, quos, cooperante libero arbitrio, prævidebat futuros, ad alios, tanquam dispositiones, aut etiam merita ad illos, eo pacto, quo in tempore dispositiones aut merita sunt comparatione eorum. Quo fit, ut voluntas æterna adjuvandi ad posteriores actus, posterioresque bonos usus liberi arbitrii, non fuerit nisi præsupposita præscientia bonæ cooperationis libera cum præcedentibus auxiliis & donis.

Licet hæc tenus dicta satis superque sint ad nostram firmandam doctrinam, contrariamque evertendam; inde etiam sufficienter falsitatis arguitur, quod, si ex sola voluntate Dei

Dei

Dei æterna ita ex parte sua opitulandi, auxilioque ipso divino, certus esset bonus usus liberi arbitrii, quo prædestinatus in vitam perduceretur æternam; confitendum sane esset, ex natura ipsa auxiliorum prævenientis gratiæ provenire quod efficacia sint, aut non sint; non vero ex libera cooperatione, qua adultus pro suo arbitrio indifferenter potest vel præstare suam cooperationem, influxumve ac consensum, eaque ratione efficere efficax quodcunque auxilium, vel suspendere suum influxum, cooperationem, ac consensum, aut etiam dissentire, suaque nequitia & culpa efficere illud inefficax. Quamvis autem it, cum quibus disputamus, id velle videantur verbis illis; provenire etiam ex nuda voluntate Dei, qua auxilia in ea temporum circumstantia dare voluit, quæ sine præjudicio libertatis prædestinati efficacia futura erant; sane non video, quo pacto cum definitione Concilii Trident. sess. 6 c. 5 can. 4 consentiat: neque quo pacto explicare atque ostendere possint, salvam arbitrii nostri libertatem in ea temporum circumstantia manere, si comparatione nuda voluntatis Dei, ita in ea ipsa temporis circumstantia opitulandi, necessarium est arbitrium consentire esseque bonum usum illius, ita ut suspendere non possit suum influxum, aut etiam dissentire, cassumque in ea temporum circumstantia auxilium Dei reddere: ratio quidem spontanei poterit cum Lutheranis salva manere; rationem vero libertatis vel contradictionis, vel etiam contrarietatis, ut vocant, profecto non video posse salvam consistere.

Illud addamus, posita necessitate boni usus liberi arbitrii prædestinati, effectusque prædestinationis ac singularum partium illius per comparationem ad solam liberam voluntatem Dei, qua tali adulto eo pacto ex æternitate opitulari statuit, secusa præsentia qualiter arbitrium illius pro sua libertate deberet se determinare, nos non intelligere qua ratione ejus sententiæ assertores evadere possint fatalem necessitatem in eo effectu, humanæque libertatis eversionem. Etenim cum Deus pro sola libera voluntate eo modo, & non alio, opitulari decreverit, neque, ut ita decerneret, ullam rationem habuit qualitatibus futuræ usus liberi arbitrii, sed quod voluit in suo modo cooperandi & auxiliandi statuit; &

MOLINA.

inde tangente Deo liberum adulti arbitrium juxta eum opitulandi modum gratiæ prævenientis auxilio, necessario futura est talis cooperatio voluntatis humanæ, ut sequatur effectus totius prædestinationis, ad quam ipsa efficienter cooperando concurret, quæ, precor, ratione dicere possunt, illam hic & nunc sub hac temporum circumstantia non esse determinatam ad unum, atque æque actum ipsius hic & nunc fatali necessitate non evenire? Fatum namque non est aliud, quam ordo causarum ita in agendo subordinatarum, ut effectus, stantibus causis ita dispositis, non possit non evenire. Inde vero arbitrii humani libertas omnino quoad eum effectum perit, tolliturque proinde ratio virtutis ac meriti. Neque juxta opinionem, seu potius errorem, quem impugnavimus, video, qua ratione relinquatur recursus ad sensum compositum & divinum, asylum ad quod confugere solent, qui similia affirmant. Etenim non relinquitur locus, quod, si arbitrium facturum esset contrarium, ut potest, non præexistisset in Deo ea voluntas opitulandi eo modo. Negatur namque arbitrium sub ea temporum circumstantia posse facere oppositum; alioquin non esset necessitas talis effectus seu usus liberi arbitrii in ea temporum circumstantia comparatione voluntatis divinæ, quæ ex æternitate eo modo opitulari statuit. Negatur insuper, Deum id statuisse habita ratione ejus quod per arbitrium futurum erat pro ejusdem arbitrii innata libertate, asserturque pro sola libera voluntate Dei, nulla ratione habita qualitatibus usus liberi arbitrii humani futuri, id fuisse statutum. Etenim vero affirmare in sensu diviso potuisse arbitrium humanum oppositum, quia si Deus constituisset non eo modo, sed alio opitulari, arbitrium humanum posset aut faceret oppositum; sane non est, constituere libertatem in nobis, sed in Deo, ut nos unum aut aliud faciamus. Sicut, quod ego possum movere lapidem, aut ducere jumentum capistro in unam aut alteram partem, non est libertas in lapide aut jumento ad eos motus, sed in me, ut latius in appendice diximus.

Licet D. Thomæ auctoritas gravissima sit, propter eam tamen recedendum non est a nostra sententia tot solidissimis fundamentis corroborata. Veruntamen eis in locis nobis non adversatur. Hoc enim art. 5 optime affirmat,

Ccc

*Ad primum
D. Thomæ
testimoni-
um.*

affirmat, totum bonum usum liberi arbitrii prædestinati, etiam quo se ad gratiam disponit, effectum esse prædestinationis; eo quod nulla illius pars emanet a solo libero arbitrio, sed simul ac præcipue a gratia, ac proinde a Deo tanquam a primo movente prædestinati arbitrium per gratiam. Hinc vero merito vult, integrum prædestinationis effectum nihil habere antecedens ex parte nostri arbitrii, cui tanquam causæ, etiam congruenti, tribuatur, sed referendum esse solum, tanquam in causam, in solam liberam suam voluntatem, ea ex parte qua effectus est prædestinationis, ex qua misericorditer voluit illum conferre, & in quam tanquam in finalem causam esse referendus, eo quod ad ostendendum misericordiam suam in prædestinationis, voluit illum conferre. Hac D. Thomas ibi. Hinc vero non negat ad rem quæ est effectus prædestinationis, nempe ad totum bonum usum liberi arbitrii, & ad singulas illius partes, concurrere etiam arbitrium ipsum: quin potius in ipsumet corpore articuli id affirmat. Neque negat concurrere libere, ita ut, quando concurrit, possit non concurrere, efficereque ut non sit in rerum natura res illa, quæ ab ipso etiam emanat partialiter dependenter a suo libero influxu, & quæ est pars effectus prædestinationis. Et quamvis D. Thomas merito neget, Deum propter præscientiam cooperationis liberi arbitrii, quam prævidebat futuram, ex hypothese quod eo pacto vellet illi opitulari, dedisse illi effectum prædestinationis; non tamen negat, neque negare potest, non sine illa præscientia statuisse illi eo modo opitulari, conferreque illi ex parte sua effectum prædestinationis. Neque item negat, existentiam illius effectus non esse certam ex sola sua voluntate eo modo illi opitulandi, seclusa præscientia quod arbitrium consentiet, cum possit, si velit, non consentire, ut est de fide in Concilio Tridentino definitum. Neque intendit asserere, Deum ita movere per gratiam liberum arbitrium ad cooperandas singulas partes boni sui usus, effectusque prædestinationis, ut integrum illi non relinquatur sub ea temporum circumstantia, in qua cooperatur, non ita cooperari: id namque error esset in fide, qui D. Thomæ nullatenus est tribuendus: præsertim cum quæst. 6 de

veritate artic. 3 & alibi contrarium aperte doceat.

Ex responsione vero ad tertium nihil aliud habetur, quam causam finalem prædestinationis fuisse, ut ostenderet divitiis misericordiae suæ in prædestinatis, sicut reprobationis causa finalis fuit, ut in reprobis ostenderet iustitiam suam vindictivam. Nihil tamen docet unde colligatur, ex sola voluntate, modo ve opitulandi prædestinatis, necessario sequi bonum usum liberi ipsorum arbitrii.

Ex art. 6 in corpore, juncto argumento, sed contra, potius colligitur oppositum, quam propositum. Conjungit enim D. Thomas in argumento, sed contra, præscientiam: & in corpore articuli talem certitudinem & infallibilitatem tradit, quæ contingentiam ad utrumlibet ac libertatem relinquat. Præterea remittit lectorem ad ea quæ dixerat quæst. 22 art. 4 de infallibilitate ordinis divinæ providentiæ: id quod nos ibidem art. 1 disp. 2 §. Quando ergo, diximus quo pacto esset exponendum, ut cum doctrina ex quæst. 6 de veritate art. 3 consentiat.

In responsione vero ad tertium ejusdem articuli loquitur de necessitate immutabilitatis actus divini, quæ Deus prædestinavit: non vero de necessitate qua effectus sequatur præcipue ex voluntate eo modo opitulandi, præscientia seclusa. Est autem universum servandum, ex D. Thomæ sententia, prædestinationem præcipue includere actum intellectus, atque adeo præscientiam: unde quando de certitudine prædestinationis loquitur, non excludit præscientiam, qua prævidet consensum liberi arbitrii futurum.

Ut ad id, quod ex quæst. 6 de veritate art. 3 refertur, veniamus: D. Thomas eo in loco illud constituit discrimen inter providentiam & prædestinationem, quod nos quæst. 22 art. 1 disp. 2 constituimus. Nempe de ratione providentiæ non esse, quod media, quæ per divinam providentiam in finem particularem ordinantur, semper eum finem assequantur. Addit D. Thomas, quando tamen deficiunt a finis illius assecutione, defectio ipsa ordinatur a Deo per suam providentiam in finem alium; atque ita fit, ut quod egreditur unum finem ac ordinem divinæ providentiæ, in alium ejusdem providentiæ finem & ordinem relabatur, nihilque omnino sit, quod

Ad secundum.

Ad tertium.

Ad quartum.

quod ordinem divinæ providentiæ subterfugiat. De ratione vero prædeterminationis esse, quod media finem particularem assequantur, ad quem per prædeterminationem ordinantur, nempe vitam æternam. Sic namque definitur prædeterminatio: Est ratio mediorum, per quæ ad vitam æternam devenitur; & quod per ea media ad vitam æternam deveniatur, addit prædeterminatio supra providentiam ad beatitudinem, quæ latius patet quam prædeterminatio, & ad quam prædeterminatio comparatur tanquam pars subiecta ad totum universale. Hinc vult D. Thomas, præter certitudinem ex parte præscientiæ, quæ Deus prævidet ex mediis, quæ per suam providentiam ad finem aliquem particularem ordinantur, quænam eum assequantur, & quæ non (ut ex virtutibus seminum animalium, quæ per divinam providentiam ad membrorum formationem ordinantur, quænam earum integra & perfecta membra formabunt, & quæ deficient, ac producent monstra) dandam esse certitudinem aliam in effectu prædeterminationis, quod per eum ad beatitudinem deveniatur: quandoquidem non sicut providentia indifferens est, ut finis sequatur, aut non; & per præscientiam certo cognoscitur quando sequetur aut non sequetur; ita res habet in prædeterminatione, de cuius ratione est, ut propter eam prædeterminatus ad beatitudinem perveniat. Hanc autem certitudinem (ut in fine corporis articuli patet) eatenus vult D. Thomas esse in ordine ipso mediorum prædeterminationis, quatenus, licet arbitrium ipsum in singulis possit deficere, & contrario modo operari, Deus tamen præscius quid futurum esset per liberum arbitrium cum quocunque auxilio & dono, de talibus auxiliis illi providit, ut, si cum minori esset defecturus, haberet majus, cum quo, licet posset, non tamen deficeret; & si in aliquo deficeret, providit de aliis mediis, quibus tandem pro sua libertate resurgeret: unde non negat D. Thomas sub quacunque circumstantia temporum & auxiliorum integrum arbitrio esse deficere, ac proinde certitudinem, quod tunc non deficiet, esse ex præscientia, quæ Deus prævidet arbitrium, cum possit, non defecturum. Imo, si bene attendatur, certitudo totius effectus prædeterminationis, de qua ibi D. Thomas loquitur, non est certitudo singularum partium in se per comparisonem ad voluntatem

divinam præcise spectatam, quæ voluit eo modo opitulari prædeterminato; sed est certitudo totius effectus per comparisonem ad finis assecutionem; quia valet hæc consequentia; Hoc est effectus prædeterminationis, ergo per eum prædeterminatus assequitur beatitudinem: hæc tamen consequentia non valet; Hoc est effectus divinæ providentiæ ad talem finem in particulari, nempe ad perfectam membrorum formationem, ergo sequetur perfecta eorumdem membrorum formatio. Quod si D. Thomas in eo articulo (ut ejus verba redolere videntur) voluit, ante prædeterminationem præcessisse in Deo electionem quorundam in particulari absoluta voluntate, & postea secutam fuisse prædeterminationem eorumdem; esse vero necessitatem, non quidem in singulis partibus effectus prædeterminationis, ut aperte ibi docere videtur, sed in effectu prædeterminationis toto, sive his sive aliis partibus constet, quatenus recte sequitur; Deus hunc elegit voluntate absoluta antequam eum prædeterminaret, ergo tandem illi quæret & tribuet talia subsidia, quibus vitam æternam assequetur; quia si quædam fuerint inefficacia, tribuet illi alia, quibus tandem a peccato resurgat & salvetur: si hoc inquam, D. Thomas eo loco voluit, sine eatenus nobis non repugnat, quatenus nullam partem effectus prædeterminationis constituit certam per comparisonem ad eam absolutam electionem: & tamen sententiæ illius non adharemus, juxta ea quæ membro 6 & alibi dicta sunt. Adde multos ex iis, qui doctrinam D. Thomæ profitentur, affirmare, mutasse in prima parte sententiam in aliquibus, quæ eo articulo docuerat.

Nemo mihi vitio vertat, si aliquibus objectionibus satisfeci, quas merito poteram silentio obvolvère, eaque de causa nonnulla sæpius inculcavi: res enim, de qua agitur, adeo est profunda, controversa, seuque necessaria, ut facile mihi venia debeat condonari: præsertim cum, addito unico solo verbo, soleat interdum in ejusmodi difficultibus rebus ejus intellectus illustrari, qui, cæteris lectis, in quibus alii lucem copiosam inveniunt, adhuc jacebat in tenebris. Quæ causa me etiam impulit, ut sequentem hujus materiæ epilogum adjungerem.

Epilogus, quo dilucidius auctoris opinio explicatur.

MEMBRUM XIII.

UT, quasi ad epilogum redigentes quæ hæcenus dicta sunt, paucis disertisque verbis nostram proponamus sententiam: meditatur, Deum optimum maximum (ut revera fuit) ante omnem actum liberum suæ voluntatis, per scientiam mere naturalem, atque mediatam illam inter liberam & mere naturalem, comprehensione suæ essentiae prævidentem omnia universus quæ sub ipsius erant potestate, inter quæ erant infinitæ creature mente præditæ, quas condere poterat, infinitique ordines rerum, auxiliorum, & circumstantiarum, non solum in quibus varias hujusmodi creaturas, sed etiam illas solas, quas creare constituit, poterat collocare: prævidentem insuper quid in illis omnibus ordinibus pro arbitrio singularum creaturarum mente præditarum futurum erat, ex hypothesi quod hunc vel illum ordinem, cum his vel illis auxiliis ex parte sua, & cum his vel illis circumstantiis condere vellet.

Prædestinationis explicatio.

Tunc vero ex illis omnibus ordinibus, inscrutabili judicio & sapientia sua, unico simplicissimoque actu suæ voluntatis statuissæ simul totum eum ordinem, tum aliarum rerum, tum hominum & Angelorum, qui a prima rerum constitutione coepit, & usque ad consummationem sæculi decurrer, cum auxiliis & donis, quæ tam Angelis quam hominibus ex parte sua conferre statuit, ut in manu consilii cujusque in tali ordine constituti liberum foret, vel ad vitam æternam pervenire, vel ab ea in æternam miseriam deflectere, atque adeo ut in eo ordine rerum pro arbitrio suo eas circumstantias variare posset, quas in arbitrii sui potestate situm est variare.

Eo autem actu divinæ voluntatis, eaque electione totius illius ordinis rerum & auxiliorum potius quam alterius, prout talis ordo a Deo emanat, prædestinati fuerunt, tum Angeli, & homines adulti, quos Deus prævidebat, sive cum majoribus, sive cum minoribus auxiliis & occasionibus suæ salutis, pro libertate sui arbitrii in gratia finituros tandem terminum viæ sibi præscriptæ: tum etiam hi parvuli, quos Deus in eodem ordine rerum & viæ discessuros prævidebat suscepto prius

remedio contra originis peccatum, atque adeo in gratia ex Christi meritis collata. Reliquos vero homines & Angelos, quos in eodem ordine rerum, vel propria, vel primi parentis libertate, diem obituros in culpa lethali prævidebat, actu illo suæ voluntatis, electioneque illius ordinis rerum, non prædestinavit; tametsi illo eodem actu omnibus providerit sufficienter, ut, si per ipsos primumve parentem non sciret, vitam æternam consequerentur; imo statuendo conferre nonnullis eorum abundantiora & præclariora auxilia, quam multis ex prædestinatis, longe melius circa vitam æternam consequendam illis providit, ac proinde majori sua culpa eam amittunt.

Quod vero Deus eum ordinem rerum, circumstantiarum & auxiliorum, quo quidam solum in particulari fuerunt re ipsa prædestinati, reliqui vero minime, potius elegerit, quam quemcumque alium ex infinitis in quibus prævidebat rem longe aliter eventuram, atque adeo quod eligendo eum ordinem voluerit his in particulari (sive constitutis in parte ordinis apriori, sive minus apta ad salutem) conferre ea auxilia ex parte sua, majora aut minora, quibus prævidebat eos beatandos, reliquos vero, sive in parte ordinis apriori aut minus apta ad salutem constitutis, sive cum majoribus sive cum minoribus auxiliis, voluerit ea tantum auxilia donare, cum quibus licet potuissent vitam æternam consequi, & multi eorum longe facilius, quam multi prædestinati, prævidebat tamen, vel ipsorum, vel primi parentis libertate, futurum esse, ut viam in culpa lethali terminarent, essentque de numero reproborum: nulla profecto fuit, tam ex parte eorum qui prædestinati, quam eorum qui non prædestinati fuerunt, causa aut ratio, quæ eos ita differerit, ac impares fecerit, sed id totum in liberam Dei voluntatem referendum est, qui providens omnibus sufficienter, & aliquibus ex reprobis abundantius quam plerisque prædestinatorum, eligere voluit potius talem ordinem rerum, quam alium, suæque dono eo potius modo quam alio voluit distribuere. Quare autem cum prævideret tantam hominum & Angelorum multitudinem ipsorummet aut primi parentis libertate perituram, id ita voluerit, exclamandum est cum Paulo: O altitudo divitiarum sapientiæ & scientiæ Dei, quam

quam incomprehensibilia sunt iudicia ejus, & investigabiles viæ ejus! &c. Ex hoc capite spectata hominum prædestinatio, merito in scripturis sanctis dicitur fuisse secundum propositum & liberam electionem Dei, qui quos voluit elegit, ut eos potius, quam alios, prædicto modo prædestinaret; merito enim, qui ita electi & prædestinati sunt, quasi sorte vocati & prædestinati sunt.

Dicimus nihilominus, eligente Deo ex sua æternitate eum ordinem rerum potius quam alium, quod hi adulti potius, quam illi, fuerint talis ordinis electione ac providentia prædestinati, atque adeo electio illa & providentia rationem habuerint prædestinationis potius comparatione horum adultorum quam illorum, rationem seu conditionem, a qua utrumque dependebat, fuisse, quod cum utrique ita in eo ipso ordine rerum uti possent suo arbitrio ut viam in gratia finirent, ac beati evaderent; hi tamen, & non illi, id erant præstituri, idemque Deus altitudine sui intellectus, supra id quod libertas arbitrii contingentiaque ipsa rerum postulabat, prævidit. Snamque, ut te vera potest, res non esset ita eventura, eadem electio talis ordinis haberet quidem rationem providentiæ in beatitudinem, non vero prædestinationis, comparatione eorundem adultorum, quorum modo prædestinatio existit.

Si ergo per impossibile ponamus, Deum, dum hunc ordinem rerum ac auxiliorum elegit, habuisse quidem plenissimam scientiam naturalem, qua naturas omnium rerum, complexiones earum necessarias, etiam eas quæ ex dispositione causarum fatali quadam necessitate tales sunt, & habitudines mediorum ad fines plenissime cognoverit, qua denique rebus omnibus, etiam libero arbitrio præditis, de mediis omnibus ad fines, tam naturales, quam supernaturales, juxta naturam ejusque accommodatis providere perfectissime noverit; at non habuisse scientiam illam mediam inter liberam & mere naturalem, qua altitudine sui intellectus determinationem liberi arbitrii creati, ac proinde complexiones contingentes quæ ab eo pendunt, penetraret: utique illa eadem electio talis ordinis rerum, habuisset quidem rationem providentiæ in beatitudinem comparatione creaturarum omnium rationalium; attamen, quemadmodum Deus tunc nesciret

quamnam earum in eo ordine rerum pro libertate sui arbitrii in vitam æternam essent perventura, sed quam incertum id in se esset, tam incertum esset Deo; ita electio illa & providentia nullius creaturæ comparatione adjunctam habuissent rationem prædestinationis, quæ certitudinem assequenda beatitudinis, ex certitudine divinæ præscientiæ provenientem, in se includit. Quo fit, ut quemadmodum ratio prædestinationis cujusque adulti pendet a præscientia, qua Deus prævidit eum per certam quædam media beatitudinem, eamque addit prædestinatio supra providentiam; ita certitudo tota, quod prædestinatus in vitam æternam sit perventurus, ab eadem præscientia pendat, in eamque solam referenda sit; non vero in electionem ordinis rerum, in divinamve providentiam, quæ circa homines & Angelos in beatitudinem dirigendos versatur.

Hinc jam facile patet, quamnam ratione libertas arbitrii nostri & Angelorum cum divina prædestinatione cohareat, perindeque integrum fuerit cuique Angelorum, & eisdem modo cuique hominum adultorum, in vitam æternam pervenire, aut non pervenire, ac si electio ordinis rerum, quem Deus ex æternitate elegit, rationem prædestinationis adjunctam non habuisset. Etenim si ab electione illius ordinis secludas præscientiam, qua Deus novit quid in eo toto futurum erat per liberum arbitrium hominum & Angelorum, solumque relinquant præscientiam mere naturalem ad eum ordinem eligendum, providendumque rebus accommodate ad suos fines necessariam, atque adeo ab electione illa secludas rationem prædestinationis, relinquantque eam intra limites solum divinæ providentiæ in beatitudinem, facile patebit coherere cum ea libertatem arbitrii nostri & Angelorum, quippe cum quam liberum est unicuique nostrum pervenire aut non pervenire in beatitudinem, & quam incertum in se est quid horum sit futurum spectata solum libertate arbitrii nostri, tam incertum esset in Deo, essemusve ita pro libertate arbitrii nostri cum mediis suæ providentiæ cooperaturi ut ad beatitudinem perveniremus, an non. Cum ergo non quia Deus præscivit nos cooperaturos hoc vel illo modo, perventurosque aut non perventuros in vitam æternam, id taliter futurum sit;

sed e contrario, qui futurum erat pro libertate arbitrii nostri, id Deus altitudine sui intellectus præcisevit; præcisevitque contrarium, si, ut potest, contrarium esset futurum: fit, ut præscientia, quam prædestinatio supra electionem illius ordinis rerum divinamque providentiam addit, nihil omnino libertatis a nobis adimat; sed perinde liberos ad operandum hoc vel illo modo, & ad perveniendum in beatitudinem, aut ab ea deflectendum, nos relinquat, ac si in Deo non esset prædestinatio, sed sola providentia. Licet enim hæc duo non cohereant, quod sumus prædestinati, & non sumus in vitam æternam perventuri; vel quod Deus præciet nos ita cooperaturos ut in vitam æternam perveniamus, & non ita cooperemur, & idcirco in sensu composito fieri omnino nequeat, quin prædestinatus in vitam æternam perveniat; quia tamen si nos, ut possumus, non essemus ita cooperaturi ut in vitam æternam deveniremus, prædestinatio illa & præscientia non fuisset in Deo; fit, ut in sensu diviso tam liberi maneamus, & tam fieri possit modo, prædestinatum non beari, ac si prædestinatio non esset.

Verum non arbitramur ita a Deo prædestinationem esse factam, quasi prius ex his, quos creare decrevit, nulla ratione habita arbitrii cujusque, constituerit hos solum in particulari prædestinare, perducereque in vitam æternam, reliquos vero minime, sed eos reprobare propter peccata, quæ, eo ipso quod non sunt prædestinati, sciebat illos habituros, constituisseque id eo fine, ut simul haberet, in quibus, tum suam misericordiam & munificentiam, tum suam iustitiam vindicativam in æternum manifestaret; ut vero decretum illud suæ voluntatis executioni mandaret, quasi insidiatum fuisset libero arbitrio, tam eorum quos prædestinare, quam eorum quos in numero reproborum relinquare intendebat; prioribus quidem querendo media, modos, ac circumstantias quibus in quocunque eventu vitam æternam consequerentur; posterioribus vero de industria ita abstulisse auxilia (relinquendo tamen semper necessaria) & tales quævisse modos ac circumstantias, ut tandem a regno exclusi, æternis suppliciis damnarentur. Neque item arbitramur bonum usum liberi arbitrii, inflectere in eam partem, quæ ad

salutem conducit, pendere a sola prædestinatione, & effectibus illius, quasi prædestinatus non possit flectere arbitrium suum in partem oppositam, non secus ac si non esset prædestinatus; & quasi reprobis non possit ita uti suo arbitrio, ut vitam æternam assequatur, perinde ac si esset prædestinatus: quod plane errorem in fide existimamus. Prædictaque omnia indigna esse censemus maiestate & bonitate divina, redderentque excusabilem fatis decursum vitæ reproborum, & cum scripturis sacris, ut in superioribus est ostensum, minime consentiunt, multisque erroribus occasionem in Ecclesia præbuerunt.

Quod arbitramur, est: Deum omnia omnino quæ futura erant providentem, ita sua sapientia, bonitate, misericordia, ac iustitia unico electionis actu simul elegisse ex parte sua totum cum ordinem rerum, quia prima rerum constitutione cepit, & usque ad consummationem sæculi decurret, ac si, non existente in eo præscientia de rebus per arbitrium creatum futuris, eundem per partes, prout res successu temporis evenissent, elegisset. Unde credimus, Deum tam ex animo ab æternitate statuisse condere in suam beatitudinem, in temporeque condidisse Angelos omnes & homines in statu innocentia, ac si de casu & ruina quorundam Angelorum ac primorum parentum nihil prævidisset. Id quod attestantur abundantissima ac præclarissima dona & auxilia cum quibus omnes condidit, & de quibus singulis, ut summa cum facilitate, proprio arbitrio ac meritis in vitam æternam devenirent, providit. Consentitque cum divina veritate ac bonitate, significantque aperte sacræ licetæ. Neque arbitramur Deum ex sua æternitate ruinam Angelorum & hominum (ut haberet quos iuste puniret) intendisse, aut ea fuisse delectatum: quin potius præter ipsius intentionem, atque, ut ita dicam, contra ipsius velleitatem accidisse, quæ sicut contrarium intendebat, ita etiam, si per ipsos non steterisset, contrarium expetebat. Quia vero ita eos in suam beatitudinem condere constuebat, ut propria libertate ac meritis facilius & gloriosius in eam deducerentur, ad ipsius providentiam pertinebat, velle permittere ea peccata, quæ tam Angeli quam homines, ita feliciter conditi, perpetrare vellent, per suamque

que sapientiam, iustitiam, bonitatem, ac misericordiam, maiora bona inde elicere, quosdam peccatores in aeternum puniendo, ut in eis ipsius vindicativa iustitia eluceret, quorundam vero miserendo, eisque per filium suum, aequitate ac rigore suae iustitiae vindicativae servatis, mirabiliter subveniendo, &c.

Arbitramur ergo, Deum in aeternitate sua praevidentem, ex hypothesi quod Angelos & homines in statu innocentiae condere vellet, futuram ruinam quorundam Angelorum, & totius generis humani, perinde sua infinita bonitate ac misericordia motum, simul cum ea parte ordinis rerum quae fuit a prima rerum conditione usque ad lapsum primorum parentum ex eadem aeternitate redintegrationem generis humani per Christi adventum ac merita, reliquumque ordinem usque ad consummationem saeculi decurrentem elegisse, ac si, ignorans quid futurum esset, eandem post lapsum primorum parentum reparationem generis humani elegisset. Quia vero reliqua generis humani peccata ex lapsu primorum parentum tanquam ex radice sunt secuta, utique sicut lapsus ille non fuit ex intentione ac voluntate Dei, ita neque peccata & perditio ceterorum, quae in reliquo ordine lapsum parentum insequente cernuntur, ex intentione & voluntate Dei, sed potius contra ipsius velleitatem eveniunt. Quo fit, ut universum verum sit, Deum ex parte sua velle omnes absque ulla exceptione salvos fieri, & nolle mortem peccatoris, sed magis ut convertatur & vivat. Quia tamen tantum malum est offensisse infinitam Dei maiestatem & bonitatem, expediebatque propter alios optimos fines, quos alibi ex parte explicavimus, genus humanum in hac vita non reparari per Christum ad felicitatem status a quo deciderat, sed relinqui his miseriis animae & corporis obnoxium, quas experimur, ut vel ea ratione in effectibus ac poenis gravitas illius peccati eluceret, tum propter alios egregios fines; inde effectum est, ut licet Deus ex aeternitate reparationem generis humani per filium suum hominem factum constituerit, quod beneficium omnibus mortalibus voluit esse commune, sua tamen sapientia, inscrutabilique iudicio construerit, ut neque alio tempore, aut aliter Chri-

stus in mundum veniret, neque promulgatio adventus illius, ut homines per fidem fructu redemptionis potirentur, aliter in lege naturae scripta, & gratia ex parte sua fieret, quam sit facta, totusque decursus militantis Ecclesiae hominum arbitrio, constitutionique universi committeretur, sapientia innovando vocationem ad fidem, promulgationemque adventus Christi in variis mundi aetatibus, variisque aliis modis misericorditer suppetias suae Ecclesiae ferendo ac providendo.

Quod itaque asserimus, est: Deum, electione totius ordinis rerum, qui usque ad consummationem saeculi decurrit, quantum est ex parte sua, salutem omnium expetivisse. Deinde vero constituisse quemlibet adultum in manu consilii sui in eo ordine rerum, ut, ad quod vellet, libere porrigeret manum, atque adeo beatus, vel miser, prout mallet, evaderet, ac si nulla in Deo esset praescientia de rebus per arbitrium creatum futuris, quive in eo rerum ordine perventuri aut non perventuri essent in vitam aeternam, atque adeo perinde ac si nulla in Deo esset praedestinatio, sed sola providentia, qua eodem modo ex aeternitate constituisset providere hominibus circa beatitudinem, quo in tempore post agnitionem successum quarundam rerum idem constituisset, ac proinde non minus liberos manere adultos post praedestinationem, ut ad quod voluerint porrigant manum, atque adeo ut beati vel miseri evadant, quam si nulla in Deo praecessisset praedestinatio, sed ita cuiusque salus incerta esset Deo, atque secundum se incerta existit.

Hac ergo conclusione comprehendi potest nostra sententia: Quod Deus hunc ordinem auxiliorum & ceterarum rerum, in quo praevidebat, tum quosdam adultos pro sui arbitrii libertate, tum quosdam parvulos sine sui arbitrii libertate perventuros in vitam aeternam, reliquos vero minime, potius elegerit, quam quemcumque alium in quo res aliter evenisset, atque adeo quod electione potius huius ordinis, quam alterius, hos praedestinaverit potius, quam illos, nulla fuit causa aut ratio ex parte praedestinatorum, sed id totum in liberam Dei voluntatem referendum est. Quod vero electio huius ordinis rationem habuerit praedestinationis comparatione horum adultorum, & non

*Conclusio
auctoris
sententiam
comple-
tens.*

& non illorum, ratio sen conditio ex parte adulatorum, a qua id pendebat, fuit, quod pro sua innata libertate hi, & non illi, ita per suum arbitrium essent cooperaturi, ut ad terminum viæ in gratia pervenirent, Deusque altitudine sui intellectus id præviderit. Licet autem, ut Deus unum potius ordinem quam alium eligeret, alligatus non fuerit usui liberi arbitrii prævisio, in multis tamen rebus constitutis rationem illius habere potuit, atque id decens fuit, in eo vero re ipsa habuit, ut membro 12 ante postremam conclusionem ostensum est. Quod si quis contendat, vel D. Thomam, vel quemcumque alium ex Scholasticis a nostra hac sententia minime dissentire, certe ego illi non succenscam: opto enim magis patronos omnes, quam vel unum adversarium habere, nedum D. Thomam, cujus iudicium & doctrinam tanti facio, ut tunc me securius pedem figere arbitrer, cum illum consentientem comperio.

Traditur ratio conciliandi aliqua ex parte Patres, exponendique sacras scripturas, quæ de prædestinatione loquuntur, sententiaque auctoris magis adhuc explanatur.

MEMBRUM ULTIMUM.

Prædestinationem esse secundum præscientiam usus liberi arbitrii quousque possit intelligi.

QUOD ad antiquiores Patres attinet, ut melius intelligantur, & quoad fieri possit ad concordiam adducantur, sciendum est: Cum duo, ut hæcenus explicatum est, necessaria sint ut adultus in vitam æternam perveniat, a Deoque sit prædestinatus; unum ut Deus ea auxilia ac media ex parte sua constituerit ei conferre cum quibus præviderit illum pro sua libertate ita cooperaturum, ut ad terminum viæ in gratia perveniat: alterum ut adultus ipse pro sua libertate sit re ipsa ita cooperaturus; primumque a Deo pendeat, secundum vero ab ipso adulto: eos sanctos Patres, qui tempora Pelagii & Augustini præcesserunt, ad hoc secundum attendentes, unanimi fere consensu asseruisse, prædestinationem fuisse secundum præscientiam boni usus liberi arbitrii, meritorumque ejusque, ad eumque sensum fuisse conatos interpretari scripturas sacras.

Orta vero hæresi Pelagiana, cum Pelagius contra scripturas sacras omnia tribueret libero nostro arbitrio, illudque solum sufficere affirmaret ad salutem, & quamvis do-

num gratiæ postea admisserit, asseveraverit tamen, neque necessarium esse, neque confecti ad incipiendum (initium enim salutis esse a nobis per nostrum arbitrium contendebat) sed confecti ad perficiendum, non quasi sine illo perficere non possemus, sed quia non ita facile, nec tam bene; insuper addiderit, conferri unicuique pro qualitate boni usus arbitrii præcedentis: cum hæc, inquam, Pelagius doceret, Augustinum & alios Patres, huic hæresi se opposcentes, ex scripturis sanctis ostendisse, initium nostræ salutis esse a Deo per gratiam prævenientem & excitantem, & tam incipere quam perficere pendere a gratia Dei quæ per Christum nobis datur, donaque & auxilia gratiæ, non pro qualitate usus arbitrii, sed juxta Dei beneplacitum conferri.

Credens autem Augustinus, cum iis, quæ de gratia adversus hæresim Pelagianam ex scripturis rectissime docuerat, conjunctum esse, prædestinationem Dei æternam non fuisse secundum merita qualitatemque usus liberi arbitrii a Deo prævisi, sed solum secundum Dei electionem & beneplacitum (quod in quo sensu verissimum sit, membro 12 explicatum est) juxta eam sententiam Paulum ad Rom. 9 multis in suorum operum locis interpretatus est, restringitque illud primæ ad Tim. 2: Vult omnes homines salvos fieri; ut non de omnibus universum hominibus, sed de solis prædestinatis intelligeretur. Quæ doctrina plurimos ex fidelibus, præsertim ex iis qui in Gallia morabantur, non solum indoctos, sed etiam doctos, mirram in modum turbavit, ne dicam illius occasione salutem eorum fuisse periclitatam. Ne enim ejusmodi doctrinæ adhererent, hæresi potius Pelagianæ ex parte assentiendum putabant, variosque alios errores circa parvulorum prædestinationem consuebant. Id quod inter alia testantur duæ illæ Epistolæ a Prospero & Hilario Arelatensi Episcopo ea de re ad Augustinum missæ, quæ inter opera Augustini ante librum de prædestinatione sanctorum habentur. Prosper autem postquamurbationem & periculum multorum explicavit, inter alia, quæ explananda ab Augustino efflagitat, ad eos qui turbati fuerant sedandos, atque ad sanam doctrinam reducendos, adjungit: Illud etiam qualiter diluatur, quæsumus patienter nostram insipientiam

D. Aug. de prædestinatione sententia ut prædestinentur, seu salva-

tiam ferendo demonstres, quod retractatis priorum de hac re opinionibus, pæne omnium par invenitur & una sententia, qua propositum & prædestinationem Dei secundum præscientiam receperunt, ut ob hoc Deus alios vasa honoris, alios contumelia fecerit, quia finem uniuscujusque præviderit, & sub ipso gratiæ adjutorio, in qua futurus erat voluntate & actione præciverit. Hilarius etiam commemoratis objectionibus, quæ adversus Augustini doctrinam ab iis, qui commoti fuerant, afferebantur, eos etiam conquestos fuisse in hunc modum affirmat: Quid opus fuit, inquit, hujusmodi disputationis incerto tot minus intelligentium corda turbari? Neque enim minus utiliter sine hac definitione tot annis a tot tractatoribus, tot præcedentibus libris Catholica fides fuit deïensa. Sententiam vero Augustini secutus est Divus Thomas, & post eum plerique Scholasticorum.

Quæ sequuntur, fuerunt semper sine controversia, tanquam in fide orthodoxa ex scripturis sanctis luce clarius manifesta, inter Catholicos receptissima: In nobis esse arbitrii libertatem. Nullum, sive adultum, sive parvulum, posse in vitam æternam pervenire, nisi per gratiam ex meritis Christi collatam. Nullum adultum ex suis solis viribus, sine auxilio supernaturali gratiæ, posse justificari, vitam æternam promereri, atque ad eam pervenire. In Deo esse præscientiam futurorum omnium, ac prædestinationem honorum in vitam æternam per gratiam, dona, & auxilia supernaturalia. Arbitrii libertatem cum his omnibus coherere, minimeque per ea auferri aut impediri. Illud etiam video inter Patres omnes receptissimum, ut ex eorundem testimoniis quæst. 14 art. 13 disp. 32 membro ultimo, & disputatione 52 ostendimus, non quia Deus præcivit hoc esse futurum, ex iis quæ ab arbitrio creato pendent, ideo futurum esse; sed e contrario, quia ita pro arbitrii libertate erat futurum, Deum id præcivisse; præsciturus oppositum, si oppositum, ut pro arbitrii libertate esse posset, foret futurum. An vero initium salutis adultorum ad credendum, sperandum, poenitendum, ac diligendum ut ad salutem oportet, esset ab adultis ipsis per proprium arbitrium, ita ut gratiam Dei prævenirent; an vero a Deo per gratiam prævenientem &

• MOLINA.

excitantem, ut rei veritas habet, antequam occasione hæresis Pelagianæ res esset diligentius discussa, non erat quicquam inter eos omnino certum & constitutum; qua de causa mirandum non est, si Chrysostomus, aut alii ex iis, qui ante illa tempora scripserunt, contrarium asseruerint, & de eadem re in initio Pelagianæ hæresis, Galli, de quibus paulo ante habitus est sermo, adversus Augustinum contenderent.

Licet semper in prædictis fuerit concors sententia, unanimisque, non solum Patrum, sed etiam virorum omnium Catholicorum consensus; unum tamen e difficillimis ab Augustino & ab aliis fuit semper judicatum, veram invenire rationem & modum, qui arbitrio, qui intellectu pacatum omnino redderet super coherentia libertatis arbitrii cum divina gratia, præscientia, & prædestinatione, ita ut adultus, nihil his tribus impediens, suam, ut maluerit, operetur aut non operetur salutem, vitamque æternam assequatur, aut non assequatur. Ac quamvis hi hæretici, qui vel divinæ gratiæ, vel libertati arbitrii præjudicium asserere moliti sunt, ex scripturis sanctis, principisque fidei efficaciter sint expugnati, haud tamen scio, an explicata penitus, & abunde reddita ratione integra conciliandi libertatem arbitrii cum illis tribus, & hæreticis aditus, quo facilius ad pacem unitatemque Ecclesiæ redirent, sit patefactus, & concertationes quæ ante mille annos inter viros Catholicos obortæ sunt, quantum par est, sint compositæ. De quarum numero una, eaque antiquissima, semper fuit, an prædestinatio adultorum fuerit secundum præscientiam usus liberi arbitrii: an vero pro sola Dei voluntate ac beneplacito. Quidam enim, tam Patres quam Scholastici, ad cooperationem, nihil divina gratia, præscientia, & prædestinatione impediens, in cujusque arbitrio positam, atque ad salutem necessariam, respicientes, indignumque divina bonitate, justitia, & aequitate reputantes, ut absque ulla prorsus consideratione usus arbitrii cujusque, maxime ut haberet quos puniret, hos prædestinaverit, illos vero rejecerit, asseverant prædestinationem secundum præscientiam usus liberi arbitrii, meritorumque cujusque, fuisse factam. Alii vero attendentes ad auxilia & dona gratiæ, quæ

Ddd

Deus

Apud antiquos Patres, quæ fuerint certa, & quæ non satis explorata.

Fundamenta conciliandi præscientiam & gratiam cum libero arbitrio.

Deus absque cuiusque injuria, non pro ratione usus arbitrii cuiusque prævisi, sed pro suo beneplacito, æterna sua providentia distribuere constituit, dixerunt prædestinationem non secundum præscientiam usus arbitrii meritorumque cuiusque, sed solum secundum Dei voluntatem ac beneplacitum esse factam: dumque neutri ad duos illos sensus a nobis membro 9 explicatos attendunt, nempe, aliud esse prædestinasse secundum præscientiam usus liberi arbitrii, quasi pro qualitate aut propter qualitatem illius statuerit distribuere dona & auxilia, ac prædestinaverit; aliud vero quasi non sine præscientia, habitata ratione usus prævisi prædestinaverit; plurimique ex sectatoribus prioris sententiæ limites affirmationis posterioris sensus, aliqui vero ex sectatoribus sententiæ posterioris limites negationis prioris sensus transgrediuntur, sibi invicem non immerito adversari arbitrantur.

Nos pro nostra tenuitate rationem totam conciliandi libertatem arbitrii cum divina gratia, præscientia, & prædestinatione, quam toto articulo 13 quæst. 14 & art. 6 quæst. 19 quæst. 22 & tota hac quæst. tradidimus, sequentibus principiis, ex quibus eam deduximus, quæque variis in locis tradidimus, inniti judicamus: quæ si data explanataque semper fuissent, forte neque Pelagiana hæresis fuisset exorta; neque Lutherani tam impudenter arbitrii nostri libertatem fuissent ausi negare, obtendentes cum divina gratia, præscientia, & prædestinatione coherere non posse; neque ex Augustini opinione, concertationibusque cum Pelagianis, tot fideles fuissent turbati, ad Pelagianosque defecissent, facileque reliquæ illæ Pelagianorum in Gallia, quarum in Epistolis Prosperi & Hilarii fit mentio, fuissent extinctæ, ut patet ex iis in quibus homines illos cum Catholicis convenisse, & ab eis dissensisse, eadem Epistolæ testantur; concertationes denique inter Catholicos facile fuissent compositæ.

*Primum
fundamen-
tum.*

Primum principium ac fundamentum est, modus ille divinitus influendi, tam per concursum generalem ad actus liberi arbitrii naturales, quem per auxilia particularia ad actus supernaturales, qui quæst. 14 art. 13 a disputatione 8 a 25 & a 37 explicatus est.

*Perseve-
rantia do-
ctrina quo*

Secundum est, legitima, seu potius orthodoxa, de modo doni perseverantiæ expli-

catio. Etenim ostendimus, nullum quidem adultum perseverare posse diu in gratia sine speciali auxilio Dei, ob idque perseverantiam in gratia esse Dei donum: at nulli Deum denegare auxilium quod ad perseverandum sit satis. Præterea cum auxilio, quo cum unus usque ad finem vitæ perseverat, posse, si velit, non perseverare: & cum auxilio, quod Deus conserit, præstare est conserre ei qui non perseverat, posse perseverare, per eumque stare quod non perseveret. Quo sit, ut ad donum perseverantiæ duo sint necessaria. Unum ex parte Dei, videlicet ut ea auxilia conferre statuerit, cum quibus prævidebat adultum pro sua libertate perseveraturum. Alterum ex parte arbitrii adulti tanquam conditio sine qua voluntas conferendi talia auxilia non habuisset rationem voluntatis conferendi donum perseverantiæ, nempe ut adultus pro sua libertate ita sit cum eis cooperaturus ut perseveret, quod in potestate ipsius est collocatum. Quare non ita intelligendum est donum perseverantiæ esse a Deo, quasi per illud potestatem auferat ad non perseverandum, aut quasi per Deum stet, quominus si perseveret, qui in peccatum labitur. Hæc omnia manifesta sunt ex dictis, præcipue quæst. 14 art. 13 disputat. 14 & a disputatione 17. Atque ex his duobus principiis satis dilucide, ni fallimur, artic. 13 citato libertatem arbitrii nostri cum divina gratia conciliavimus.

Tertium est: Præscientia illa media inter scientiam Dei liberam & mere naturalem, qua, ut eodem art. disp. 50 & tribus sequentibus ostensum est, ante actum liberum suæ voluntatis cognovit Deus, quid in unoquoque rerum ordine per arbitrium creatum esset futurum, ex hypothesi quod hos homines aut Angelos in hoc vel illo ordine rerum collocare statueret, qua tamen cogniturus erat contrarium, si contrarium, ut potest, pro libertate arbitrii creati esset futurum. Atque ex hoc principio ibidem ostendimus libertatem creati arbitrii cum divina præscientia coherere.

Quartum est, quod Deus hunc potius ordinem rerum, quam alium voluerit creare, & in eo hæc potius auxilia, quam alia, conferre, cum quibus prævidebat hos, & non illos, pro libertate sui arbitrii perventuros in vitam æternam, nullam fuisse causam aut rationem

*posse a no-
stra libera
arbitrio
pendere.*

rationem ex parte adultorum prædestinatorum & reproborum. Atque ex hoc capite hæcenus diximus prædestinationem non habere causam aut rationem ex parte usus liberi arbitrii prædestinatorum & reproborum, sed in solam liberam Dei voluntatem esse reducendam. Quod vero voluntas creandi eum ordinem rerum, & in eo conferendi hæc & non alia auxilia, rationem prædestinationis comparatione horum adultorum, & non illorum, fuerit sortita, pendens fuit ex eo, quod unus potius usus, quam alius, pro libertate arbitrii eorum esset futurus, atque adeo ex eo quod Deus futurum eum præviderit, quia pro eorum libertate erat futurus. Atque ex hoc capite diximus dari rationem prædestinationis adultorum ex parte usus liberi arbitrii prævisi. Ex eodem etiam capite offendimus libertatem arbitrii eorum ad operandum prout oportet ad vitam æternam assequendam, aut contrario modo, perinde consentire cum prædestinatione per ea ipsa media per quæ ex parte Dei ab æternitate prædestinati sunt, ac si in Deo non esset prædestinatio, sed tantum providentia per eadem media, tamque incertum Deo esset an per ipsorum arbitrium ita essent cooperaturi ut in vitam æternam pervenirent, quam incertum id secundum se est. Denique ostendimus non aliam esse difficultatem in concilianda libertate arbitrii nostri cum divina prædestinatione, quam in eadem ipsa cum divina præscientia concilianda reperiatur.

Juxta hæc, distinguimus duos illos sensus, in quorum altero negandum erat cum Augustino prædestinationem fuisse secundum præscientiam usus arbitrii cujusque prævisi. In altero vero id ipsum sine scrupulo cum aliis Patribus omnino concedendum erat. Modo addimus duo. Primum est, scripturas sanctas ita exponendas esse, ut neque juxta primum sensum affirmemus prædestinationem fuisse secundum præscientiam usus liberi arbitrii meritorumque cujusque adulti; neque juxta secundum sensum id negemus. Secundum est, Patres quodammodo eatenus ad concordiam posse reduci, si, qui negant prædestinationem fuisse secundum præscientiam meritorum ac boni usus liberi arbitrii futuri, accipiantur in priori sensu, quatenus

eorum dicta id patientur; in quibus est Augustinus, & ejus sectatores. Qui vero fuisse affirmant secundum merita & bonum usum prævisum, exponantur in sensu posteriori, quatenus eorum dicta id ferent, de quorum numero sunt, Origenes, Athanasius, Chrysostomus, Ambrosius, Theodosius, Theophylactus, omnes in cap. nonam epistolæ ad Rom. Hieronymus in illud ad Galat. 1. Cum placuit ei qui me segregavit ex utero matris meæ. Et ad Hedibiam in expositione quæst. decimæ. Faustus (non Manichæus; sed in Gallia episcopus) libro primo de gratia & libero arbitrio cap. 4, & lib. 2 c. 6 tom. 5 bibliothecæ Patrum, & plerique alii. Neque vero dubito quin ab August. & cæteris Patribus unanimi consensu comprobata fuisset hæc nostra de prædestinatione sententia, ratioque conciliandi libertatem arbitrii cum divina gratia, præscientia, & prædestinatione, si eis proposita fuisset. Illud etiam addam, multa August. variis in locis docuisse, in quibus cum modo loquendi aliorum Patrum videtur omnino consentire. Atque inter alia, in libro responsionum ad articulos sibi falso impositos, in responsione ad duodecimum articulum, & refertur 23 q. 4. cap. Nabuchodonosor, Augustinus, aut quicumque alius ejus operis auctor, ita inquit: Illi de quibus dicitur; Ex nobis exierunt, sed non fuerunt ex nobis: si enim fuissent ex nobis, mansissent utique nobiscum; voluntate exierunt, voluntate ceciderunt. Et quia præciti sunt casuri, non sunt prædestinati: essent autem prædestinati, si essent reversuri, & sanctitate ac veritate mansuri: ac per hoc prædestinatio Dei multis est causa standi, nemini causa labendi. Hæc ibi.

Longior fui in hac disputatione, quam optarem, verèorque ne aliquarum rerum repetitio lectori molestiam attulerit: quia tamen res est magni momenti ac valde lubrica, & hæc nostra ratio conciliandi libertatem arbitrii cum divina prædestinatione a nemine, quem viderim, hucusque tradita, ideo satius hæc duxi paulo fusius explicare, ne forte eorum pressior explicatio efficeret quominus mens nostra ab his, qui minus ingenio polent, perciperetur.

Utrum Christus per sua merita causa fuerit nostre prædestinationis.

DISPUTATIO II.

*Part. negat.
suadetur.
primo.*

PARS quæ negat, suaderi potest, primo, ex illo ad Ephesios 1: In quo & nos sorte vocati sumus, prædestinati secundum propositum ejus, qui operatur omnia secundum consilium voluntatis suæ: ergo quod in Christo & per Christum fuerimus prædestinati, neque Christus quatenus homo, neque merita ipsius, sed sola Dei voluntas, quæ, quos voluit, in Christo prædestinavit, tanquam causa constitui debet.

Secundo.

Secundo: Augustinus de prædestinatione sanctorum cap. 15 ait: Ea gratia fit ab initio fides, siue homo quicumque Christianus, quæ gratia homo ille (Jesús nempe quatenus homo) factus est Christus: sed homo ille sine ulla suis aut alienis meritis ex sola Dei gratuita voluntate, & prædestinatione, factus est Christus, ut eo capite late ostendit Augustinus: ergo quicumque Christianus neque meritis propriis, nec alienis Christi, vocatur a Deo, aut perducitur ad fidem, sed ex sola Dei gratuita voluntate & prædestinatione: non ergo Christus suis meritis fuit causa prædestinationis nostræ, saltem quoad donum fidei, quod radix & fundamentum est cætorum donorum, quæ in justificatione, integroque effectu prædestinationis nostræ sequuntur.

Tertio.

Tertio: Si Christus per sua merita causa fuisset prædestinationis nostræ, maxime quia meruisset nobis primam gratiam, Deusque prædestinatione æterna constituisset eam nobis propter merita Christi conferre: id autem dici non potest; quia tunc non essemus gratis a Deo justificati, contra illud ad Rom. 3: Justificati gratis per gratiam ipsius; neque prima gratia esset gratia, quippe collata esset nobis a Deo tanquam debita nobis propter merita Christi, atque adeo non gratis: ergo Christus per sua merita non fuit causa nostræ prædestinationis.

*Prima conclusio.
Prædestinationis nostræ ut comprehendit etiam naturales effectus, non fuit causa Christi*

Sit nihilominus prima conclusio: Christus per sua merita non fuit causa prædestinationis nostræ, quoad integrum illius effectum, quatenus comprehendit non solum dona supernaturalia, sed etiam naturalia, qualia sunt nactum esse complexionem ad virtutem propensam, natum potius esse sub

gratia, atque inter Christianos, eosque bene morigeratos, quam in alio tempore, aut inter improbos educatum. Hæc est Driedonis de redemptione & captivitate generis humani tractatu 2 cap. 2 part. 3 art. 4. Probatur, quoniam Christus non promeruit nobis dona naturalia, sed supernaturalia, quibus in vitam æternam perducimur, quæque in primo parente amisimus: ergo non meruit nobis effectum prædestinationis quoad mere naturalia quæ ad vitam æternam adjuvant. Hæc enim ex sola dispositione universi, quam Deus pro suo beneplacito ante ruinam generis humani constituit, eveniunt. Quamvis autem, si Adamus non peccasset, atque adeo sibi & posteris donum justitiæ originalis non perdidisset, alium cursum ex constitutione ipsa universi, donoque justitiæ originalis, atque ex paradisi habitatione tenuisset generationes hominum, ab eo quem post eundem lapsum tenuerunt; nihilominus non alium multo diversum tenent, ab eo quem servassent, esto Deus constituisset non reparare genus humanum per Christum, sed illud in peccato, totumque cursum universi suæ naturæ relinquere decrevisset.

Sit tamen secunda conclusio: Naturalia aliqua originem traxerunt ex meritis Christi. Probatur, quoniam multa naturalia justis suis orationibus ac meritis a Deo obtinuerunt. Isaac enim preces Rebæccæ ex sterili fecundam reddiderunt, Anna Samuelem filium, Zacharias Joannem Baptistam, & pleraque alia naturalia justis orationibus a Deo impetrarunt, impetrabantque in posterum, quorum multa ad salutem plurimorum maxime conferunt: cum ergo merita, & orationes quæ Deo gratæ fuerint, vimque obtinendi habuerunt, totam eam vim ex gratia meritis Christi comparata habuerint; fit, ut multa naturalia originem traxerint ex meritis Christi. Eaque de causa paulo ante diximus, generationes hominum, post peccatum primorum parentum, non alium multo diversum cursum tenuisse ab eo, quem servassent, si Deus reparare genus humanum per Christum minime decrevisset.

Tertia conclusio: Christus per sua merita non fuit causa prædestinationis nostræ, quoad integrum supernaturalem effectum ejusdem prædestinationis. Probatur, quoniam

non

integrum
suum esse
sua super-
naturalem,
Christus per
sua merita
non fuit
causa.

non fuit causa incarnationis, per quam effectum est, ut ipse simul esset homo & Deus, ut ex se est notissimum, ostenditque Augustinus de prædestinatione sanctorum cap. 15. neque item per propria merita fuit causa suorum meritorum: cum ergo inter effectus supernaturales nostræ prædestinationis primum locum teneant Christi Domini incarnatio, merita & passio ipsius, a quibus reliqui supernaturales effectus originem habuerunt; sit, ut Christus per sua merita integri supernaturalis effectus nostræ prædestinationis causa non fuerit.

Quarta
conclusio.
Fuit tamen
quoad primam
gratiam &
omnem aliam
dispositionem
supernaturalem, &c.

Quarta conclusio; Christus per merita sua fuit causa nostræ prædestinationis, non solum quoad primam gratiam qua iustificamur, & reliqua supernaturalia quæ illam usque ad assecutionem vitæ æternæ consequuntur, sed etiam quoad fidem & omnem aliam dispositionem supernaturalem qua ad primam gratiam præparamur, imo etiam quoad miracula, & reliqua omnia supernaturalia, quibus ad vitam æternam iuvamur (si modo Christum ipsum, ejusque merita excipias) quo pacto causa fuit meritoria orationum Stephani, & beatæ Monicæ, quibus adductus Deus, Paulam & Augustinum in viam salutis reduxit. Imo multa naturalia ex meritis Christi nobis donantur, quibus in vitam æternam adjuvamus, ut conclusio secunda aliqua ex parte explicatum est.

Driedonis
& quorundam
aliorum
sententia
impugnatur.

Conclusio hæc est adversus Driedonem loco citato, Ruardum Tappet tomo 1 art. 6 de satisfactione fol. 242 & Capreolum in tertio, d. 18 quæst. 1 ad argumenta contra quartam conclusionem; qui affirmant, Christum fuisse quidem causam meritoriam primæ gratiæ, & donorum quæ illam consequuntur, non tamen fidei, cæterarumve dispositionum fidem antecedentium. Consent namque, supernaturales omnes motus ac dona, quibus ea ratione ad primam gratiam disponimur, quia per ea tales reddimur, quales Christus nos esse vult juxta leges circa merita suæ passionis nobis applicanda institutas, non cadere sub merito Christi, sed esse effectus prædestinationis Dei æternæ, qui absque ullo merito, vel suscipientium, vel etiam Christi, a sola libera voluntate Dei emanant: primam vero gratiam, quæ confertur, non nisi jam prius dispositis, aptis-

que ut meritum Christi applicetur, ex meritis ipsius Christi conferri. Unde vult Driedo, inter ea quæ in integro prædestinationis effectu includuntur, adoptionem filiorum, quæ sit per gratiam gratum facientem, ex meritis Christi emanare, juxta illud ad Eph. 1: Qui prædestinavit nos in adoptionem filiorum per Jesum Christum in ipsum: et vero quæ ejusmodi adoptionem antecedunt, sine meritis Christi, pro solo Dei beneplacito prædestinati conferri: eaque ratione exponit illud Joannis 6: Nemo potest venire ad me (per fidem videlicet) nisi Pater meus traxerit eum: id est, nemo potest sociari mihi per fidem, ac participes esse meritorum meorum, nisi Pater meus sua gratuita motione pullaverit cor ejus, ut in me credat.

Sententiam hæc nec scripturis sanctis, nec dignitati Christi consentaneam esse arbitror. Unde quoad dona omnia supernaturalia probari potest nostra conclusio, primo, quia quemadmodum per peccatum primum parentum amisit genus humanum ius totum quod ad vitam æternam habebat; ita etiam omnibus subsidiiis, quibus supra suam naturam ad eam evehi adjuvare poterat, indignum effectum est; neque quicquam in finem supernaturalem recuperat nisi per Christum, tantæ ruinæ per sua merita perfectum reparatorem: usque adeo vero genus humanum per peccatum corruit, indignumque evasit subsidiiis omnibus ad vitam æternam, ut nisi Deus reparare illud per Christum constituisset, non secus primi parentes, commisso peccato, una cum cæteris donis, habitibus, etiam fidei & spei, supernaturalibus spoliati fuissent, ac dæmones, simul atque peccarunt, spoliatos remansisse credimus. Etenim quia dæmones reparandi non erant, continuo supernaturalia omnia dona amiserunt: in primis autem parentibus, quia per Christum reparandi erant, ex meritis ejusdem Christi futuri, supernaturalis fides & spes, quas cum natura ipsa acceperant, permanserunt; continuo tamen revelatus est illis mediator futurus, atque adeo eorum fides ac spes, non solum in Deum, sed etiam in mediatorem futurum, sese extenderunt; neque post lapsum primorum parentum aliter cuiquam mortalium contigit salus, nisi in fide mediatoris saltem implicita, neque aliud nomen fuit sub cælo datum hominibus, in

Christus
Dominus
ruinae gene-
ris humani
perfectus
reparator.

quo oporteat eos salvos fieri, ut Petrus Acto-
rum 4 testatur. Quia ergo genus humanum
per lapsum primorum parentum jus ad
vitam æternam omnino amisit, atque sub-
sidiiis donisque omnibus, quæ in Adamo acce-
perat, destituit meruit; eaque de causa Chri-
stus omni ex parte perfectus nostræ ruinæ
reparator constitutus est: fit, ut nullum
donum, quod supra mortalium naturam ad
vitam æternam modo aliquo adjuvet, sive sit
fides, sive quæcunque alia dispositio ad gra-
tiam, nisi ex Christi meritis recipiamus.

Secundo: Sacramenta novæ legis a Chri-
sto instituta sunt, & ex meritis illius vim ha-
bent, per eaque tanquam per dispositiones
meritum Christi applicatur, ut gratia conse-
ratur: ergo quod fides & cætera supernatu-
ralia dona, quæ ad primam gratiam dispo-
nunt, dispositiones sunt quibus meritum
Christi applicatur, & confertur prima gratia,
non tollit, imo probat, meritis Christi ea
ipsa conferri. Eodemque argumento aperte
adversus Driedonem convincitur, in effectu
integrali prædestinationis aliquid, quod pri-
mam gratiam, adoptionemque filiorum ante-
cedat, nempe sacramenta ipsa, a meritis
Christi habere vim, & propter Christi merita
hominibus conferri.

Tertio: Ad Ephesios 1 ait Paulus: Bene-
dictus Deus & pater Domini nostri Jesu
Christi, qui benedixit nos in omni benedi-
ctione spirituali in cælestibus in Christo, sicut
elegit nos in ipso ante mundi constitutio-
nem, ut essemus sancti & immaculati in con-
spectu ejus in caritate: sed fides, & cætera
dispositiones supernaturales ad primam gra-
tiam, comprehenduntur nomine omnium
benedictionum spiritualium; cum spiritua-
les benedictiones sint: ergo ex meritis Chri-
sti nobis conferuntur. Quod confirmari
rursus potest, tum ex eo quod in eodem
capite subiungitur: In quo nos (inquit)
forte vocati sumus: vocatio autem fit per
motus gratiæ prævenientis, quæ primam
gratiam antecedit: tum etiam quia Eccle-
sia conversionem infidelium, & hæc omnia
a Deo suis orationibus petit nobis donari per
Christum Dominum nostrum. Unde Bern-
ardus sermone 13 in Cantica: Quicquid
sapientiæ, quicquid virtutis te habere con-
fidis, Dei virtuti & Dei sapientiæ deputa
Christo.

Quarto: Christus, quatenus homo, est
caput totius Ecclesiæ, non solum triumphan-
tis, sed etiam militantis, meritis suis influens
in totum corpus illius, sensum & motum
omnem spiritualem, atque adeo mortua
membra ad vitam revocatis, corporique Ec-
clesiæ rursus uniens per fidem, atque effici-
ens membra, cum antea membra non essent:
unde ad Ephesios 4 ait Paulus: Qui est caput
Christus, ex quo totum corpus compactum
& connexum per omnem juncturam secun-
dum operationem in mensuram uniuscujus-
que membri, augmentum corporis facit in
ædificationem. Et paulo ante præmiserat;
Christum ascendente in altum dedisse dona
hominibus, & quosdam quidem dedisse
Apostolos, alios Prophetas, alios Evangeli-
stas, alios Pastores & Doctores, ad consum-
mationem sanctorum in opus ministerii, in
ædificationem corporis Christi, donec occur-
ramus omnes in unitatem fidei & agnitionis
filii Dei. Quo loco aperte docet, etiam ædi-
ficationem & constructionem corporis Chri-
sti mystici, insitionemque hominum in eo
per fidem, ad Christum tanquam ad caput
pertinere: fit ergo, ut fides & cætera dona
supernaturalia a Christi nostri capitis meri-
tis, in totum corpus Ecclesiæ descendant;
non vero sola gratia qua in filios Dei ado-
pantur.

Quinto ex sequentibus scripturæ locis
eadem veritas colligitur. Ad Philip. 1:
Vobis datum est pro Christo non solum ut
in eum credatis, sed ut etiam pro illo patia-
mini: ergo fides ex meritis Christi conser-
tur. Ad Hebr. 12: Aspicientes in auctorem
fidei, & consummatorem Jesum. Unde
Augustinus de prædestinatione sanctorum
cap. 15 Ille nos fecit credere in Christum,
qui nobis fecit in quem credimus Christum:
ille fecit in hominibus principium fidei, &
perfectionem in Jesu, qui fecit hominem
principem fidei, & perfectorem Jesum.
Citatur eundem locum Pauli. Item Joan 1:
Vidimus eum quasi unigenitum a Patre ple-
num gratiæ & veritatis, & de plenitudine
ejus nos omnes accepimus: porro veritas,
quam ab eo accepimus, donum est fidei.
Esa 53: Si posuerit pro peccato animam
suam, videbit semen longævum, & voluntas
Domini in manu ejus dirigetur: id est, quic-
quid

Christus
caput Ec-
clesiæ.

quid circa homines in vitam æternam supernaturaliter perducendos fieri constituit, meritis ejus executioni mandabitur. Unde Hieronymus in eum locum: Voluntas, inquit, Domini in manu ejus dirigitur; ut quicquid Pater voluit, illius virtutibus impleatur. Et paulo inferius subdit: Quia laboravit, videbit Ecclesiæ in toto orbe confluere, & earum saturabitur fide. Et infra: Vult ei Dominus ostendere lucem, ut omnes per se videat illuminatos. Consonat etiam cum loco citato Esaiæ, illud Joan. 13: Sciens quia omnia dedit ei Pater in manus.

Postremo ex Concilio Milevitan. cap. 4, ubi habetur: Cum dicat Apostolus, Scientia inflat, caritas vero ædificat, valde impium est ut credamus, ad eam, quæ inflat, nos habere gratiam Christi, ad eam quæ ædificat non habere; cum sit utrumque donum Dei, & scire quid facere debeamus, & diligere ut faciamus; ut ædificante caritate, scientia non possit inflare. Sicut autem de Deo scriptum est: Qui docet hominem scientiam: ita scriptum est: Caritas ex Deo est. Denique in Concilio Trident. sess. 6 cap. 5 habetur: Declarat sancta Synodus ipsius justificationis exordium in adultis a Dei per Christum Jesum præveniente gratia sumendam esse, hoc est, ab ejus vocatione. Ubi expresse definitur prævenientem gratiam, qua adulti ad fidem vocantur, atque ad justificationem disponuntur, a Deo conferri per Christum Jesum, hoc est, ex meritis illius. Et cap. 6 docetur, Dispositionem totam ad justificationem per fidem, spem, &c. esse per redemptionem quæ est in Christo Jesu, atque adeo ex meritis Christi. Et cap. 7 dicitur: In ipsa justificatione, cum remissione peccatorum, hæc omnia simul infusa accipit homo per Jesum Christum, cui inferitur, fidem, spem, & caritatem. Quare sententiam Driedonis errorem esse in fide, non videtur dubitandum.

Illud etiam vehementer displicet, quod Driedo loco citato affirmat. Videlicet, non fuisse ex meritis Christi præparationes, quas longe ante Christum natum Deus in Iege, in Prophetis, & in Psalmis præparavit, & revelavit populo suo, missurum se Christum filium suum futurum redemptorem, lumen Gentium, virginemque electam quæ pareret Emanuelam, sed esse solum gratuita

quædam dona Dei. Hoc, inquam, vehementer displicet. Etenim certissimum est, Deum Patrem ex meritis Christi cooperante Spiritu sancto corpus & animam Beatæ Virginis, ut dignum filii sui habitaculum effici mereretur, præparasse: gratia namque, qua anima illa sacratissima ita aptata fuit, ex meritis Christi collata fuit. Gratia item, qua Abrahamus proprium filium immolare tentans ita Deo jubenti placuit, ut Messia promissionem accipere mereretur, utique ex meritis Christi etiam profecta est. Denique fides & revelatio Christi venturi, qua fideles ante Christi adventum justificati sunt, & Ecclesia ad Christum facilius suscipiendum præparata fuit, meritis etiam Christi attribuenda est. Novit namque sua infinita sapientia Deus, ita quæ ad adventum Christi necessaria erant præparare, ut non solum in Christum tanquam in finem, ut Driedo vult, ea ordinaret, sed etiam ex meritis Christi venturi, aut omnia, aut certe plurima diserneret, atque Ecclesiæ suæ donaret.

Quinta conclusio, Simpliciter est concedendum atque affirmandum, Christum causam esse nostræ prædestinationis, quoniam est causa, tum suorum meritorum ac miraculorum, tum etiam eorum omnium quæ meritis Christi in nos emanarunt, quibus in vitam perducimur æternam, estque in seipso finis & exemplar nostræ in sempiternam beatitudinem perductionis: quod vero incarnationis, sui que ipsius non sit causa, id non tollit quominus simpliciter nostræ prædestinationis, quoad effectum, causa dicatur: præsertim cum is nostræ prædestinationis effectus in ipsomet Christo includatur: & cum, quando simpliciter dicitur, Christum causam esse nostræ prædestinationis quoad effectum, semper intelligatur, præterquam ipsiusmet, ut ex se est satis perspicuum.

Pro solutione ergo argumentorum quæ initio disputationis proposita sunt, sciendum est, quod latius 3 parte quæst. 1 art. 2 ostendimus, nempe, ita Christum Dominum pro peccatis totius generis humani satisfecisse, donaque omnia gratia, quæ illi post lapsum primorum parentum conferuntur, infinitaque alia, promernisse, ut nihilominus applicationem effectuum suorum meritorum certis quibusdam legibus alligatam relinquerit. Atque inde est, ut infinitum quod ille meruit, finite

Quinta conclusio.

Applicatio meritorum Christi quibus legibus sit alligata.

Driedonis assertio alia consiliatur.

finite atque eo tantum modo generi humano applicetur, quo ille suis legibus applicandum distribueundumque constituit. Licet autem, inter alias, lex una tam ex Patris, quam ex Christi, quatenus homo est, voluntate fuerit, ut cuique, facienti quod in se esset, nunquam sufficiens supernaturale auxilium denegaretur, quo ad gratiam perveniret, vitamque æternam consequeretur; quia tamen æquillimum erat, ut omnia sua merita Patris voluntati Christus per omnia* subjiceret, cujus humana voluntas paternæ quoque voluntati omnino conformis erat; in multis quidem, prout Pater voluit, certas quasdam leges constituit, ut circa effectus sacramentorum, & quod absque ullo sacramento pro qualitate ac quantitate contritionis gratia conferretur, &c. at in plerisque aliis arbitrio Patris distributionem donorum, quæ promeruit, reliquit. Eaque ratione, ita Pater omnia Christo dedit in manus, ut nihilominus voluntas Patris in manu Christi, hoc est, meritis & virtutibus Christi, dirigatur & impleatur, ut supra ex Esaia explicatum est. Nihil ergo pugnat, neminem venire ad Christum per fidem, nisi Pater motione ac dono suo gratuito eum traxerit, ut habetur Joan. 6. & nihilominus motionem illam ac donum semper a Patre propter merita Christi conferri.

*Ad primam
argumentum
tamen patris
applicat.*

*Prædestina-
ti in Christo
quo pacto
sumus.*

*Ad secun-
dam.*

Ad argumenta igitur initio proposita, quatenus cum nostris conclusionibus pugnare videbuntur, dicendum est: Primum quidem probare optime, Christum non fuisse causam prædestinationis nostræ quoad integrum ejus effectum; eo quod sicut soli Deo, quatenus Deus est, convenit prædestinare, ita ipsius est proprium causam esse totius effectus prædestinationis, eo modo quo disputatione præcedente est explicatum. Id vero non tollit quominus sumus a Deo prædestinati in Christo, & per Christum, cujus meritis nobis conferre consuevit cætera omnia dona supernaturalia, quibus in vitam æternam perducimur; atque adeo non tollit, quod Christus sit etiam causa meritoria effectus prædestinationis quoad cætera supernaturalia omnia dona quæ integer prædestinationis effectus in se includit.

Ad secundum, quo Driedo suam confirmat sententiam, dicendum est: Augustinum verbis illis, totoque eo capite, hoc solum velle,

quod sicut Christus, qui caput & principium est nostræ prædestinationis, quoad fidem, & dona omnia supernaturalia quæ ex meritis ipsius nobis conferuntur, non accepit merito suo, ut per incarnationem simul esset homo & Deus; ita nos donum fidei & justificationis, aut regenerationis in Christo, non merito nostro, sed Christi accipimus: non vero eam facit collationem, quod sicut Christus id non accepit ex meritis alienis, ita nos ex meritis Christi fidem & regenerationem in Christo non accipiamus; quin potius contrarium eo capite docet. Unde mirandum est, quod ex citato Augustini testimonio ausus fuerit Driedo sententiam suam confirmare.

Ad tertium, concessa majori, neganda est minor. Ad probationem pro contraria parte, dicendum est, ideo homines dici justificari gratis, & primam gratiam propriissime comparatione eorum fortiori rationem gratiæ; quia quando nobis confertur, nulla ratione nobis debetur, nec ea sumus digni, neque Christus adhuc ullam rationem debiti in nos transtulit, sed mere gratiæ, quod ad nos attinet, ea confertur. Quod autem Christus eam meruerit, rationeque meritorum ipsius nobis tribuatur, non tollit quominus comparatione nostri donum mere gratuitum dicendum sit.

*Ad tertium.
Gratia
prima licet
Christi me-
ritis nobis
conferatur,
est tamen
donum gra-
tissimum
conspira-
tione nostri.*

*Quæ gratia præveniens simpliciter dicenda sit
major, datæ Luciferi, an infimo ex Angelis
prædestinatis.*

DISPUTATIO III.

A Viro quodam docto interrogatus sum, quæ gratia simpliciter sit dicenda major & melior, illane quæ quamvis in genere entis & qualitatis sit minor, a Deo tamen præcognita est futura efficax atque idonea ad salutem ex libera cooperatione & perseverantia voluntatis ejus cui confertur: an vero illa, quæ quamvis in genere entis & qualitatis sit longe minor, a Deo tamen præcognita est futura inefficax ad salutem ex defectu liberæ cooperationis ac perseverantiæ voluntatis ejus cui confertur, ut in proposito exemplo de gratis collatis Luciferi & infimo Angelorum prædestinatorum liquet.

In titulo hujus disputationis, nomine gratiæ prævenientis, comprehendimus etiam gratiam gratum facientem, & cætera supernaturalia

*Gratia
præveniens
quæ late
sumatur.*

naturalia dona habitualia, quæ, ut quæst. 14
art. 13 disp. 41 dictum est, rationem gratiæ
prevenientis fortiuntur comparatione se-
quentium operum, quatenus homini ut
Angelo jam iustificato adiumento sunt, ut
facilius bona opera eliciat, temptationibus re-
sistat, atque a peccatis se contineat.

Vir ille doctus in eam partem, quod minor gratia entitative præcognita futura efficax & idonea ad salutem, sit dicenda simpliciter melior ac major gratia, argumentabatur.

Primo, quoniam nemo sapiens non illam
praeligeret, triphi, futurorum conficio, opte
ex duabus illi gratis daretur. Nemo item
non exultaret, si plus a Deo diligi, si a Deo
futurorum praeficio hanc potius quam illam
impetraret. Nemo denique non mallet sibi
a Deo conferri gratiam praeventem collatam
bono Latroni, aut minimo Angelorum
beatorum, quam illam quae Judae aut Luciferi
collata fuit.

Secundo, quoniam alioquin vix apparet qua ratione Deus ex parte sua plus amaverit prædestinatos, quam non prædestinatos: & quomodo non ex nobis, saltem aliquo modo, pendeat prædestinatio in esse prædestinationis. Quomodo item plus Deo debeat electus, quam reprobis: & denique qua ratione Deo peculiare gratiarum actionem debeamus præ gratia nobis idonea, futuraque efficaci ad salutem.

In partem vero contrariam argumentabatur: Primo, quoniam quaecunque gratia secundum se totam, & secundum omnes suos gradus est gratia: ergo quæ fuerit emittitive major, erit melior & major in esse gratiæ, atque secundum moralem æstimationem.

Secundo, quia licet Deus quando dat ejusmodi gratiam entitative & secundum fe majorem, praevidet eam ex defectu accipientis futuram inefficacem, ipse tamen illam non selegit, quia futuram inefficacem, si enim saluti hominum infidiaretur, nec sincere cuperet omnes salvari; sed eam selegit, quia majorem tam sincere, tamque ex animo, quam si ignoraret eventum futurum: si autem eventum futurum ignoraret, nemo dubitaret quin absolute majore illum amore, gradat, ac beneficio prosequeretur, quem gratia majori entitative atque intensive (tamen si culpa accipientis futura inefficaci) donaret, quam illum alium: ergo idem nunc

quoque judicandum est, quando Deus,
præsciis futurorum, eas gratias confert.

Tertio, quia vix alias apparet quomodo ex parte sua tam sincere voluerit saluare & iuvare reprobos, quam electos, & quae ratione electio absoluta ad gloriam, non sit facta ante provisionem meritorum, & electionem absolutam ad gratiam. Nam si ab aeterna ante omnem praescientiam visiois magis dilexit Deus electum, quam reprobum, verbi gratia, Angelum Raphaëlem, quam Luciferum (ut omnino dicendum videtur juxta priorem sententiam) non apparet in quo plus eum dilexerit, quam quod hunc absolute vellet ad gloriam, non item illum.

Respondet: Gratiam prævenientem Lucifero collatam, cum qua a peccato non se continuit, longe maiorem fuisse, quam quæ Angelorum minime donata fuit, cum qua in gratia perseveravit, vitamque æternam obtinuit, simpliciterque appellandam esse maiorem gratiam. Quoniam & gratia revera est, habuitque in Lucifero non solum rationem gratiæ prævenientis comparatione sequentium actuum, quos elicit, atque ut se ab illo peccato contineret, a quo non abstinuit, sed etiam gratiæ gratum facientis: & major in se gratia fuit, licet minus cum ea, immo nihil, quando in peccatum lapsus fuit, libertate sua ac nequitia cooperari voluerit. Neque est existimandum, in illis rerum circumstantiis, si gratiæ illæ præventives fuissent commutari, & quæ infimo Angelo fuit præstita, collata fuisset Lucifero, & e contrario, quæ exhibita fuit Lucifero, concessa fuisset infimo Angelo, hunc lapsurum fuisse, & Luciferum fuisse in gratia permanens; aut gratiam, quæ data fuit Lucifero, fuisse a Deo illi largitam ut corrueret, seque ipsum damnaret, sed potius donatam a Deo illi fuisse ut potentius ea a peccatis abstineret, intensiusque operaretur bene, atque ad maiorem gloriam perveniret.

Ad quaestionem vero, quis eorum fuerit *Lucifer*
a Deo magis dilectus, dicendum est: Si lo- *voluntate*
quamur de gratis solum praeveniente *ex procedente*
voluntateque absoluta Dei eas illis confendi- *voluntate*
tis, atque adeo de dilectione, qua, statuendo *quomodo infimus*
eas illis conferre, reque ipsa in tempore eas *angelus*
conferendo, ipso dilexit, longe plus dilexisset *angelus*
Luciferum, quam infimum Angelorum præ- *angelus*
destinatorum: eo quod longe majus bonum *secus con-*
sequente.

Ee

Lucifero.

Argumentum pri-

Secundum.

Gratia
præcuiens
major enti-
tative sim-
plicior me-
lior, ac
majus be-
neficium.

Lucifero, quam infimo Angelorum, ea ratione præstiterit. Si vero non sistamus in sola gratia præveniente, sed simul consideremus, Deum elargiendo infimo Angelorum minorem eam prævenientem gratiam, prævidendoque illum in eo ordine rerum pro sua libertate ac strenuitate perseveraturum usque ad ultimum vite terminum in gratia, voluisse simul illi absoluta consequenteque voluntate perseverantiam illam in gratia, atque augmentam in ea, & præmium vite æternæ; quæ tria, prævidendo Luciferum pro sua libertate lapsurum in peccata, eidem Lucifero voluntate consequente denegavit: dicendum est, absolute plus dilexisse infimum Angelorum, quam Luciferum, tamen si voluntate antecedente, dependenterque a libera cooperatione Luciferi, atque adeo si per illum non staret, plus eum dilexerit quam infimum Angelorum: eo quod majora merita, majoremque gratiam & gloriam ea voluntate illi expetierit, ad eaque sua providentia vere, & non fictæ, cum præordinaverit.

*Ad primam
argumentum.*

Ad primam partem argumenti primi, negandum est antecedens. Neque enim, quod auxilium prævenientis gratiæ futurum sit, aut non sit, idonea gratia ad salutem, vitamque æternam obtinendam, provenit ex auxilio ipso, ut argumentum videtur supponere, sed provenit ex nostro arbitrio volente aut non volente cooperari: ut ad vitam æternam oportet. Neque certum est, imo est omnino ambiguum, an, si commutata fuissent gratiæ illæ prævenientes, quæ Lucifero, & infimo Angelorum collatæ sunt, res e contrario essent eventuræ, ut supra dictum est; quin potius verisimilius est, infimum Angelum cum supernaturalibus donis Lucifero collatis intensius ac melius cooperaturum fuisse perventurumque ad majorem gloriam, quam cum donis ipsi collatis: Luciferum vero cum minori auxilio gratiæ, existentibus naturalibus eodem modo, sub eisdem circumstantiis, similiter aut forte citius ac sedius peccaturum; cujus contrarium argumentum etiam supponit. Quare nemo sapiens non eligeret potius majus auxilium Lucifero, quam minus infimi Angelorum, sciens potentius ac magis adjuvari majorem quam minori, & penes ipsum esse cum utroque corruere, aut usque ad vite terminum in gratia perseverare.

Ad secundam vero partem, negandum si-

militer est antecedens. Quivis enim merito existimaret, se magis diligere Deo, majusque ab eo beneficium accipere collatione majoris auxilii, quam minoris, sciens illo se magis sub quibuscunque circumstantiis adjuvari, quam minori, a soloque suo arbitrio pendere quodvis illorum efficax aut inefficax efficere. Et saltem nullus sapiens dubitare posset, sistendo intra solos limites gratiæ prævenientis, se magis a Deo diligere collatione majoris ejusmodi auxilii, quam minoris.

Ad tertiam vero partem similiter negandum est antecedens; supposit enim quoddam falsum, nempe, si cuiusdam tertio exhibita fuissent auxilia infimi Angeli ac Luciferi, vel Latronis ac Judæ, ruiturum cum auxilio Luciferi, aut Judæ, & perseveraturum usque ad ultimum vite terminum in gratia cum auxilio infimi Angeli, aut Latronis: de quare nihil omnino constat, sed utrumque a libero illius arbitrio pendere, faciliusque stare ac proficere semper posset cum majori quam cum minori auxilio.

Ad primam partem secundi argumenti dicendum est, facile jam ex dictis constare, quamvis ratione Deus voluntate absoluta & consequente magis amaverit prædestinatos, quam non prædestinatos: prædestinatis enim tribuit simul perseverantiam, ac præmium vite æternæ, dependenter tamen a libera eorum cooperatione, quam prævidit futuram; quæ duo non prædestinatis non voluit eo voluntatis genere: majus autem bonum est perseverantia ac præmium vite æternæ, quam incrementum gratiæ prævenientis, quod quibusdam non prædestinatis voluit. Voluntate autem antecedente & conditionata, si per utrosque non staret, necesse non est Deum plus dilexisse minimum prædestinatorum, quam omnes reprobos, ut de Lucifero comparatione infimi Angelorum prædestinatorum dictum est.

Ad secundam partem dicendum est, ea ratione prædestinationem in esse prædestinationis non pendere ex nobis, sed ex sola Dei misericordia: quoniam, quod Deus elegerit eum rerum ordinem, circumstantiarum, & auxiliorum, sive majorum, sive minorum, in quo prævidebat eos pro sua libertate salvandos, qui electione ejus ordinis eo ipso prædestinati sunt, vitamque æternam pro sua libertate consequuntur, potius quam alium
ex in-

ex infinitis, in quo res aliter pro eadem ipsorum libertate habuisset, non fuit ex nobis, aut pro meritum & cooperationis nostræ qualitate, sed ex sola misericordia Dei. Quod autem in hoc ipso ordine salvemur, atque adeo quod is ipse ordo, quem Deus re ipsa elegit, rationem prædestinationis comparatione cuiusque nostrum sortiatur, & non solius providentiæ adjunctam habentis reprobationem cuiusque nostrum, pendens fuit a cooperatione nostra prævisa pro nostra libertate tali futura, ut vitam in gratia in eo ipso ordine finiremus, cum pro eadem libertate cooperatio potuerit aliter esse futura, & utrumque supra late est explicatum.

Ad tertiam simul & quartam partem jam facile patet, qua ratione plus Deo debeat prædestinatus, quam reprobis. Cum enim, quod ipse prædestinatus sit, pendeat ex misericordia Dei electione ejus ordinis potius, quem re ipsa elegit, quam cuiusvis alterius, in quo res aliter habuisset; facile constat, plus Deo prædestinatos ea parte ac simpliciter debere, quam reprobos, neque unquam pares gratias pro tam ingenti beneficio posse percipere. In eo autem multorum reproborum ingratitude maxima in Dei bonitatem ac misericordiam, eorundem nequitia, ac iustissima Dei adversus illos ira & indignatio elucet, quod, cum de majoribus auxiliis gratiæ in eo ipso ordine eis providerit, quam multis ex prædestinatis, quibus facilius ad multo majorem gloriam in eo ipso ordine pervenire potuerunt, quam multi ex prædestinatis, atque adeo cum longe plus antecedente voluntate, non ficta, sed vera, eos reipsa dilexerit, ad majoremque beatitudinem per suam misericordiam eos præordinaverit, libertate sua, nequitia, ac culpa, ab eadem ad extremam deflexerint miseriam.

Utrum ex parte reprobi detur causa reprobationis.

DISPUTATIO IV.

*Partis neg.
argumenta.
Primo.*

Quod ex parte reproborum nulla detur reprobationis causa seu ratio, sed in solam liberam voluntatem Dei eorum reprobatio referenda sit, probari potest primo, ex illo ad Rom. 9 ubi Paulus de Jacob & Esau loquens ait: Cum nondum nati fuissent, aut aliquid boni egissent aut mali (ut secundum

electionem propositum Dei maneret) non ex operibus, sed ex vocante dictum est, quia major serviet minori: sicut scriptum est (Malachiæ videlicet primo:) Jacob dilexi, Esau autem odio habui. Ecce, quemadmodum Paulus de Jacob docet, non propter opera, sive merita sua, fuisse a Deo dilectum & prædestinatum; ita quoque de Esau affirmat, non fuisse propter opera odio habitum ac reprobatum: ergo reprobatio non est propter peccata prævisa, atque adeo nec causam nec rationem ex parte reprobi habet.

Secundo, quia subjungit Paulus, Deum *Secundo.* Exodi 33 dixisse Moyse: Miserebor cuius misereor, & misericordiam præstabo cui miserebor: hoc est, utar misericordia cum quocunque voluero, & prout mihi placuerit. Concluditque Paulus: Igitur non voluntas neque currentis, sed miserentis est Dei. Additque: Dicit enim scriptura Pharaoni: Quia in hoc excitavi te, ut offendam in te virtutem meam, & ut annuncietur nomen meum in universa terra. Rursusque infert: Ergo cuius vult misereor, & quem vult indurat. Ecce, ex his omnibus perspicue habetur, Deum misereri cuius vult, & indurare quem vult; & non esse volentis aut currentis, sed miserentis Dei; excitatumque esse Pharaonem, ut Deus in eo repugnante divinis præceptis ostenderet virtutem suam, & mirabilia signa essiceret quæ in universo orbe prædicarentur: ergo sicut prædestinatio non est propter merita prævisa, ita neque reprobatio, sed in solam liberam voluntatem Dei ea reducenda est.

Tertio, quia addit Paulus: Dicis itaque *Tertio.* mihi; Quid adhuc quaeritis? Voluntati ejus quis resistit? Et quasi huic quaestioni annuens Paulus, negotium non minus reprobationis, quam prædestinationis, ex sola libera voluntate Dei pendere, respondet: O homo, tu quis es, qui respondeas Deo? Nunquid dicit figmentum ei, qui se finxit, quid me fecisti sic? An non habet potestatem sigulus luti, ex eadem massa facere aliud quidem vas in honorem, aliud vero in contumeliam? Quod si Deus volens ostendere iram, id est, justitiam suam vindictivam, & notam facere potentiam suam, sustinuit in multa patientia vasa iræ apta in interitum, ut ostenderet divitias gloriæ suæ in vasa misericordiæ, quæ

Ecc 2

præpa-

præparavit in gloriam, supple, Quis cum culpabit? aut quid habet homo quod incuset? Ecce, Paulus innuere videtur aperte, negotium reprobationis pendere totum ex sola libera voluntate Dei, in cuius potestate non minus fuit, absque cuiusquam injuria, facere ex eadem massa per prædestinationem quosdam vasa honoris, quosdam in contumeliam vasa contumelie, quam in potestate figuli sit ex eadem massa luti quædam vasa in honorem, quædam in contumeliam effingere. Causam præterea reprobationis eam fuisse affirmat, ut in reprobis splenderet in æternum divina iustitia, quemadmodum in prædestinatis divina misericordia elucebit: fit ergo, ut reprobatio non fuerit propter mala merita prævisa, sed ex sola libera voluntate Dei fuerit dependens.

Triplex voluntatis divina effectus circa quemlibet reprobaturum.
Ad huius rei intelligentiam sciendum est; Circa unumquemque reprobum adultum triplicem actum voluntatis divinæ, nostro intelligendi more, esse distinguendum. Primus est, voluntas permittendi ea peccata, propter quæ ille excludendus est a beatitudine, supplicisque æternis mancipandus. Quem actum, tanquam effectus, sequitur ipsa permissio eorundem peccatorum in actu. Secundus est, voluntas obdurandi peccatorem usque ad finem vitæ in eisdem peccatis jam commissis, hoc est, voluntas non conferendi illi ea auxilia cum quibus resurgeret. Hunc actum consequitur similiter in tempore, tanquam effectus illius, obduratio ipsa. Tertius est, voluntas excludendi eundem reprobum a regno cœlesti tanquam eo indignum, deputandique illum suppliciiis æternis propter peccata in quibus ad viæ terminum prævidetur perventurus. Quem actum consequitur in tempore, tanquam effectus illius, exclusio ipsa a regno cœlesti, mancipatioque suppliciiis æternis quando hæc fiunt.

Hi omnes tres actus in eo conveniunt, quod singuli supponunt prævisa esse a Deo ea peccata pro libertate talis adulti futura, tanquam radicem quod circa illum versentur diversis tamen modo. Voluntas namque permittendi peccata supponit Deum ea prævidere futura pro libertate talis adulti, non simpliciter, sed ex hypothesi quod ipse ea non impediat. Nec voluntas permittendi peccata est aliud, quam voluntas ea non impediendi. Ut enim Deum permittere pec-

cata, non aliud est, quam ea non impedire, cum possit, ac prævideat futura, quæ de causa ratio permissionis posita est in illo primo, præexistentibus illis aliis duobus, ut art. 3 hujus quæst. & q. 19 art. 12 explicatum est: ita voluntas divina permittendi eadem peccata, nihil aliud est, quam velle ea non impedire, cum possit, & prævideat pro libertate arbitrii creati esse futura, nisi ipse impediat. Quo fit ut tam permissio peccatorum adulti, quam voluntas ea permittendi, tanquam radicem supponant, Deum ipsa prævidere futura pro libertate talis adulti, non simpliciter, sed ex hypothesi quod ipse, ut potest, ea efficacioribus aliis auxiliis non impediat. Quia ergo sine his majoribus auxiliis potest adultus ea vitare, tum quia Deus nunquam denegat auxilia ad id necessaria, tum etiam quia, si non possit ea sine illis vitare, eo ipso peccata non essent: consequens est, ut quando Deus peccata permittit, perditio peccatoris non sit ex Deo ea permittente, sed solum ex ipsomet peccatore, cui semper subditus manet appetitus peccati, eique ita dominatur, ut, si velit, ea possit evitare.

Voluntas vero obdurandi peccatorem, tanquam radicem, supponit, Deum prævidere, tum peccatorem futurum re ipsa in peccatis, quæ ipse fieri permittit, tum etiam, ex hypothesi quod, post commissis talia peccata, velit illi conferre certa quædam auxilia, cum quibus, si vellet, posset resurgere ab illis, & non alia majora, aut diversa, quibus ad resurgendum non indiget, futurum omnino esse nequitia talis peccatoris, ut non resurgat. Et tunc voluntas divina non conferendi illi majora illa alia aut diversa auxilia, cum quibus Deus prævidet eum resurrecturum, est voluntas obdurandi. Obdurare vero non est aliud, quam, post commissum ab eo peccatum, Deum non conferre auxilia cum quibus prævidet eum resurrecturum. Quo fit, ut Deus peccatorem non obduret, aliquam apponendo duritiem, sed propriam ipsius peccatoris non tollendo, juxta illud ad Rom. 2: Secundum duritiam tuam, & impenitens cor tuum, thesaurizas tibi iram. Duobus vero modis obdurare dicitur; uno, si non tribuat majora aut alia auxilia, quibus cum prævidet peccatorem emolliendum ac sanandum: cum tamen semper relinquat ea cum quibus emolliiri & converti possit, si velit,

Voluntas permittendi peccata quid sit in Deo.

Perditio peccatoris.

Obduratio quid sit.

Deus peccatorem duobus modis obdurat.

velit, juxta id quod ante testimonium citatum præmiserat Paulus: An divitias, inquit, bonitatis ejus, & patientiæ, & longanimitatis contemnis, ignorans quoniam benignitas Dei ad penitentiam te adducit? Ubi consequenter subiungit: Secundum duritiam tuam, & impenitentem cor tuum, &c. Altero, cum subtrahit de auxiliis, permittitque tentationes & occasiones graviore peccandi, quibus & propria durities majores vires assumit, & difficilior redditur conversio, id quod esse solet in poenam justissimam præcedentium delictorum. Porro quando hoc

Quid sit extremum poenarum omnium ob antecedentia delicta.

secundo modo Deus obdurat, non solum obdurare & obsecare peccatores dicitur, quod etiam obduratis primo modo commune est, sed etiam tradere eos in desideria cordis eorum, eosque derelinquere, aut etiam despiciere. Id quod extremum est poenarum omnium, quas Deus ob antecedentia delicta in hac vita infligit. Nunquam tamen Deus ita obdurat, excecatur, tradit in desideria cordis, despicit, aut derelinquit, ut non relinquat auxilia, cum quibus, si peccator vellet, efficeretur totum quod potest, converteretur, misericordiamque ab eo obineret, ut quæst. 14 art. 13 disp. 10 late demonstratum est. Id etenim & status ipse viæ postulat, ad providentiamque Dei circa omnes in vitam æternam spectat, & Christus Dominus tanquam omnium universalis redemptor posteris omnibus Adami obrinnit, unaque ex legibus, quas ex Patris voluntate, ut merita passionis suæ mortalibus applicarentur, condidit, ea sunt, ut cuique facienti quod in se esset, tantum cum minimum auxiliorum conferretur, quantum ad ejus justificationem ac salutem esset necessarium, ut sæpe dictum est.

Voluntas autem excludendi peccatorem a regno cœlesti tanquam eo indignum, deputandique illum supplicii æternis, veluti radicem, supponit, tum peccata quæ prævidet Deus talem adultum pro sua libertate & nequitia commissurum, tum etiam in eisdem ipsius reprobi perseverantiam usque ad terminum vite, quam, posita obduratione juxta sensum explicatum, prævidet ex libertate & nequitia ejusdem futuram. Ut enim Deus in tempore nullum adultum excluder a regno cœlesti, mancipabitque cruciatibus æternis, nisi propter delicta propria, in quibus vitam terminabit, ita neque ex æterni-

tate aliter voluit quemquam eo pacto punire, quam propter eadem peccata, & perseverantiam in illis usque ad finem vite, quæ ex propria ejusque libertate futura prævidit. Quo fit, ut omnes illi tres actus voluntatis divinæ, tanquam radicem quod circa adultum versentur, supponant peccata libertate ipsis, modis paulo ante explicatis, prævia futura.

Interest vero, tum inter tres actus propositos inter se, tum etiam inter effectus eorum. Quod voluntas permittendi peccata, permittitque ipsa, esse potest non propter culpam, aliquam, quasi in poenam, sed ex sola libertate voluntate Dei. Etenim quod Deus Adam, aut cujusvis alterius adulti, primum peccatum ex æternitate voluerit permittere, ac tandem in tempore permittit, non fuit propter aliquam culpam, atque adeo neque in poenam. Quamvis enim prius sit, Deum prævidere justum libertate sua raurum in peccatum, ex hypothesi quod ei aliis majoribusve auxiliis non subveniatur, quam Deum, voluntate non conferendi illi ea auxilia, velle ejus peccatum permittere; nihilominus prius est, Deum denegatione eorundem auxiliorum permittere peccatum, quam peccatorem in illud incidere: quandoquidem conditio antecedens, sine qua peccatum illud non esset, easit, quod auxiliis non impediatur. Cum ergo Deus, neque sine culpa, neque ante culpam commissam, poenam infligit, ut disputatione 1 membro 5 ostensum est; fit, ut neque permisso primi peccati Adami, aut cujusvis alterius just, neque voluntas Dei æterna illud permittendi, fuerint in poenam propter aliquam culpam, sed solum ex libera voluntate Dei profecta sint. Permissio autem peccatorum, quæ post gratiam amissam committuntur, esse solet in poenam præcedentium delictorum: eaque de causa dici consuevit, unum peccatum posse esse poenam alterius peccati præcedentis.

Voluntas vero obdurandi peccatorem, atque obduratio ipsa, semper potest esse in poenam propter culpam. Cum enim peccator non dicatur obdurari quando primo peccat, & a gratia decidit, sed postquam peccavit, si ei non conferatur auxilia, sine quibus sua negligentia non resurget, dicatur obdurari in peccato jam commissio; fit, ut semper obdurationem antecedit culpa lethalis.

Permissio peccati quod potest esse post non in poenam propter culpam.

Poenam Deus nec ante culpam commissam nec sine culpa infligit.

Obduratio semper esse potest in poenam præcedentis culpæ.

lis, in cuius iustam poenam possit infligi; atque adeo sit, ut voluntas Dei æterna ita obdurandi semper esse possit in poenam propter eandem culpam. Hoc modo Pharaos maiori ac maiori auxiliorum subtractione in poenam antecedentium delictorum, magis ac magis fuit in peccatis obduratus; eodemque modo in poenam præcedentium delictorum consueverunt peccatores tradi in desideria cordis sui, ut de Gentibus, quæ cum Deum agnovissent, non sicut Deum glorificaverunt, docet Paulus ad Rom. 1. & derelinqui a Deo, ac despecti. Dixi, obdurationem posse semper esse in poenam antecedentis delicti, & non dixi semper ita evenire. Quoniam, cum auxilia gratiæ mere gratis a Deo conferantur, poterit Deus conferre peccatoribus pauciora auxilia uno tempore, quam alio; & pauciora iis qui minus, quam iis qui magis peccaverunt, non habita ratione, ut id fiat in poenam præcedentium delictorum, sed pro sue tantum voluntatis beneplacito.

Proprie dicta obduratio quamvis sit.

Sunt vero hoc loco nonnulla animadvertenda. Primum est, quando peccator casu aliquo statim incidit in peccatum, quo a gratia decidit, & vita discedit, non proprie dici obdurari in peccato commissio: neque Paulus affirmavit, Deum universum vel misereri singulorum peccatorum, vel eos indurare, sed solum misereri, cuius vult, & indurare quem vult.

Secundum est, quando commissio peccato, Deus non solum non subtrahit de auxiliis, sed etiam misericorditer vocat, & peccator renuit, potius esse dicendum peccatorem perseverare ex se ipso durum adversus Deum invitantem, ac emollire nitentem, quam a Deo obdurari. Quamvis in eo etiam sensu Deus, admodum tamen improprie, dici possit eum obdurare, quatenus non ea multiplicat & auget auxilia, quibus eum prævidet esse emolliendum, ac tandem convertendum. In quo sensu dici etiam potest, peccatorem, de quo in præcedente §. loquebamur, indurari a puncto peccati commissi usque ad primum, non esse animæ in corpore.

Tertium est, fieri posse, ut ex duobus in lethali peccato constitutis, pulsante Deo unum majoribus auxiliis gratiæ prævenientis, quam aliud, pro libertate arbitrii, utrius-

que is resurgat qui minoribus, is vero perseveret durus qui majoribus auxiliis excitatur & invitatur. De fide namque est, in facultate arbitrii cuiusque positum esse, consentire Deo excitanti, & invitanti, ut in concilio Trid. sess. 6 c. 5 & can. 4. definitum est. Confirmari etiam potest, quoniam Tyrii & Sidonii conversi fuissent, si eis data ea auxilia fuissent, cum quibus habitatores Corozain, & Bethsaida converti noluerunt, id quod quadam ex parte nostram assertionem confirmat.

Postremum est, existentibus duobus in lethali peccato, atque adeo indignis auxilio & gratia Dei, quod Deus subveniat uni ea auxilia largiendo, cum quibus prævidet illuminandum, emolliendum, ac convertendum, ac proinde quod Deus ea ratione illius mereatur, eumque re ipsa educat de miseria peccati; alteri vero vel subtrahat de auxiliis, semper tamen illi relinquendo sufficientia, vel non tribuat ea, cum quibus prævidet sanandum, sed eum in propria duritia ac miseria peccati derelinquat, non esse ex eorum meritis, sed ex mera libera voluntate Dei, qui absque cuiusquam injuria distribuit sua dona prout vult, & cuius vult miseretur, & quem vult indurat.

Denique voluntas divina excludendi aliquem tanquam indignum a regno cœlesti, eumque cruciatibus æternis mancipandi, semper est in poenam propter culpam, in qua Deus prævidet illum e vita discessurum: quemadmodum etiam exclusio ipsa, atque mancipatio, cum in tempore sit, semper est propter culpam commissam, in qua peccator e vita discedit. Ut enim Deus non conferat præmium vite æternæ nisi propter bona merita antecedentia; ita neque poenam æternam, nisi propter mala merita antecedentia.

His ita constitutis, sit prima conclusio: *Prima conclusio. Reprobationis datur causa meritoria ex parte reprobis, videlicet lethalis culpa, in qua prævidetur e vita discessurum, sive ea sit originalis tantum, sive actualis tantum, sive utraque simul, ut in infidelibus adultis solet evenire, probi.* Reprobationis datur causa meritoria ex parte reprobis. Probatur conclusio, quoniam licet reprobatio exigat, tanquam conditionem sine qua non esset, voluntatem divinam permittendi, vel peccatum actuale reprobis, propter quod damnandus est, vel peccatum primi parentis, ex quo originis peccatum, propter quod a regno

regno excludendus est parvulus, initium habuit; requirit præterea voluntatem obdurandi peccatorem usque ad finem vitæ in peccato, propter quod est damnandus, quatenus nisi Deus permittere vellet tale peccatum, in eoque obdurare peccatorem usque ad finem vitæ, quemadmodum in vitæ termino careret peccato, ita reprobus non esset; nihilominus reprobatio in nullo illorum actuum est posita, sed solum in actu voluntatis divinæ excludendi talem peccatorem a vitæ æternæ, tanquam ea indignum, aut etiam mancipandi simul cum suppliciis æternis, si in actuali peccato prævideatur e vita discessurus, ut art. 3. late ostensum est: cum ergo voluntas ita puniendi peccatorem sit propter culpam, in qua prævidetur e vita discessurus, ut paulo ante ostendimus, omnesque fatentur; sit, ut quoad effectum reprobationis hoc modo sumpta, nempe quoad exclusionem a vitæ æternæ, aut etiam deputationem ad supplicia æterna, causa meritoria ex parte reprobi inveniamur.

Nostra conclusio est etiam Scoti in primo, d. 41. Hervæi d. 40 qu. 1. Cajetani hoc loco, Ferrar. tertio contra Gentiles, c. 161. Nicolai Grandis in cap. 3 epistolæ ad Hebræos, Majo, in primo, d. 41 quæst. 1. Syl. in confiato, Sori in cap. 9 Epistolæ ad Rom. quamvis ad calcem quarti Sententiarum, ex eo capite fuerit anceps, quod non improbabile iudicaverit, reprobationem includere actum voluntatis divinæ permittendi peccatum reprobi, atque adeo permissionem ipsam includi in effectu reprobationis. Est etiam Augustini in locis quæ disp. 1 memb. 8 citavimus. Unde Epistolæ 105 ad Sixtum, Quærimus, inquit, causam prædestinationis, nec invenimus, reprobationis autem causam quærimus, & invenimus. Augustinus tamen causam reprobationis esse voluit peccatum originis, ut membro citato explicatum est. Illi etiam omnes in conclusione præposita consentiunt, qui prædestinationis causam aut rationem dari affirmant ex parte prædestinati, & perique alii. Imo Magister Sententiarum in primo, d. 41. D. Thom. & quotquot negant dari rationem reprobationis ex parte reprobi, nobiscum conveniunt, si reprobatio id solum sit, quod paulo ante diximus: dissentiant vero, quod nonnulli, in quibus est D. Thom. & quidam alii, arbi-

trantur reprobationem includere etiam voluntatem divinam permittendi peccata; propter quæ quis est reprobandus, atque adeo permissionem ejusmodi peccatorum computandam esse inter effectus reprobationis, ut art. 3. explicavimus. Cæteri verò confingunt, Deum ante omnem prædestinationem, etiam antequam quicquam de bonis vel malis meritis hominum cogitaret, elegisse quosdam, ut eis vitam æternam conferret, alios vero omnes rejecisset, ut in eis iustitia divina vindicativa splenderet, atque in eo actu refutationis ac reiectionis positam esse affirmant rationem reprobationis. Nos vero art. 3. aperte, ni fallimur, ostendimus, reprobationem in eo solo actu esse positam, quem omnes causam meritoriam ex parte reprobi habere confitentur.

Secunda conclusio: Si reprobatio includeret non solum voluntatem divinam excludendi reprobum a vitæ æternæ tanquam ea indignum, deputandique eum suppliciis æternis, sed etiam voluntatem permittendi ipsius aut primi parentis peccata, propter quæ est damnandus, obdurandique in eisdem usque ad finem vitæ, utique, quoad integrum effectum reprobationis, non daretur causa ex parte reprobi, sed conditio duntaxat, sine qua, sicut ipse vitam non finiret in peccatis, ita neque in Deo præcessisset ipsius reprobatio.

In priori parte hujus conclusionis convenimus cum D. Thomæ. Cum enim voluntatis permittendi primum peccatum Adami, aut cujusvis alterius iusti, hoc est, non conferendi illi auxilia quibus Deus prævidebat peccata illa fore impedienda, nulla detur causa ex parte eorum, sed id solum in liberam Dei voluntatem referendum sit, ut paulo ante ostensum est; sit, ut si reprobatio includat voluntatem divinam permittendi reprobi aut primi parentis peccatum, propter quod reprobatur, non detur causa ex parte reprobi, quoad integrum reprobationis illius effectum. Etenim eo dato, permissio peccati primi parentis, aut cujusvis alterius, propter quod reprobus a gratia decidit, ac damnatur, includetur in integro effectu reprobationis illius, talisque permissionis nulla erit causa ex parte reprobi.

Posterior vero pars probatur, quoniam non solum voluntas excludendi reprobos a regno

Qui auctor
res suas
sententia.

Secunda
conclusio.
Reprobatio-
nis, quoad
integrum
effectum, an
detur causa
reprobi.

a regno celesti pender ex eo, quod eorum propria aut primi parentis libertate habituri sunt in termino via peccata, propter quæ digni sunt ut ita excludantur, sed etiam voluntas permittendi tam peccatum primi parentis, quam peccata propria reproborum, pender ex eo, quod tum primus parens, tum etiam ipsi, nisi aliis auxiliis adjuventur, innata sua libertate sint commissuri illa, Deusque id præciat: voluntas item obdurandi adultos in peccatis, usque ad finem vitæ, pender, cum ex eo quod ipsi sua libertate sint peccaturi, tum etiam ex eo, quod cum auxiliis, quæ Deus statuit illis conferre, sanandi non sint, & utrumque Deus præciat, ut paulo ante explicatum est: ergo quod primus parens, aut reprobis ipse, commissuri essent peccata, propter quæ reprobis est dammandus, & quod reprobis adultus cum auxiliis, quæ Deus statuebat illi conferre, non deberet resipiscere, cum utrumque pro libertate arbitrii eorum posset non evenire, fuit conditio, sine qua sicut reprobis non finiret vitam in peccatis, ita nec etiam actus illi in Deo præcessissent, atque adeo neque ipsius reprobatio.

*Tertia conclusio.
Reprobationis certitudo unde.*

Tertia conclusio: Cum voluntas Dei permittendi, tum peccatum primi parentis, tum etiam cetera peccata reproborum, pendeat ex divina præscientia, qua ex hypothesi quod hunc ordinem rerum veller condere, nec conferre alia auxilia, per mediam scientiam inter liberam & mere naturalem, prævidit futura ejusmodi peccata: cum item voluntas obdurandi adultum in peccatis, usque ad finem vitæ, ex simili præscientia pendeat, qua ex hypothesi quod constitueret non conferre illi jam lapsio in peccata alia auxilia quam quæ conferre decrevit, prævidit eum in peccatis discessurum: cum denique non quia Deus præciat ea omnia ita futura, ideo futura erant, sed e contrario, quia pro libertate arbitrii humani erant futura, ea altitudine sue scientiæ præciat: fit in primis, ut in effectibus voluntatis divinæ, tum permittendi ea peccata ob quæ reprobi ex æternitate sunt reprobat, tum obdurandi in peccatis jam commissis reprobos adultos usque ad finem vitæ, tum denique in effectibus totius reprobationis divinæ quocunque modo spectata, nulla alia sit certitudo, quam divinæ præ-

scientiæ, per quam, ob ejus illimitatam omnibus modis perfectionem, certo in arbitrio creato penetravit Deus, quod in se omnino ambiguum ac incertum est: fit deinde, ut in concilianda libertate arbitrii nostri cum æterna Dei reprobatione nulla alia sit difficultas, quam in eadem concilianda cum æterna Dei præscientia; non secus ac de prædestinatione dictum est.

Reprobatio cum arbitrii libertate conciliatur.

Ex dictis facile erit intelligere, decretum voluntatis divinæ, quo (posita præscientia eorum omnium quæ futura erant) hunc totum ordinem rerum & auxiliorum, qui a constitutione rerum, usque ad consummationem sæculi decurrit, ex æternitate elegit, comparatione Judæ reprobi, verbi gratia, quatenus fuit voluntas creandi eum in beatitudinem, conferendique illi ea media, cum quibus, si per eum non flaret, ad eam perveniret, habuisse rationem providentiæ circa illum in beatitudinem dirigendum: quatenus vero Deus, prævidendo ejus ruinam, nihil impediens auxiliis & mediis quæ illi constituit conferre, noluit ei conferre alia cum quibus prævidebat non ruiturum, habuit rationem voluntatis permittendi eandem ruinam, sive peccata: quatenus autem in poenam quorundam delictorum (maxime gravissimæ illius reprobationis) iustissime statuit auferre de auxiliis, quæ alias illi fuerat collaturus, gravioresque tentationes permittere, prævidendo illum non resurrecturum, quin potius peccata peccatis additurum, ac eandem de salute desperaturum, habuit rationem voluntatis eum obdurandi, excæcandi, deserendi, atque despicendi: quatenus denique, prævidendo eum terminaturum viam in peccatis, iustissime statuit eundem excludere a regno celesti, propter eadem peccata, ac punire cruciatibus æternis, habuit rationem reprobationis.

Ad tria ergo illa argumenta ex Paulo ad Rom. 9 proposita, in primis in genere dicendum est, Paulum loqui quidem illis in locis de reprobis; at non semper, quoad eum actum, in quo propria reprobationis ratio est posita, sed quoad duos priores actus voluntatis divinæ antecedentes, quos una cum præscientia usus liberi arbitrii hominis reprobat, tanquam conditiones omnino necessa-

Ad tria arg. ex D. Paulo desumpta respondentur in genere.

necessarias, ut explicatum est, præexigit reprobatio: nempe quoad actum voluntatis permittendi peccata, propter quæ sunt reprobari, tum etiam quoad actum obdurandi adultos usque ad finem vite in peccatis commissis.

Ad primum.

Deinde ad primum dicendum est, disp. 1 membr. 9 ante quintam conclusionem non obscure explicatum esse, Paulum eo loco nomine Jacob & Esau, intellexisse ex una parte synagogam cum suo stirpe: ex alia vero populum ex Esau propagatum cum suo capite: dilectionemque Jacob positam fuisse in voluntate conferendi synagogæ, & stirpi illius, tot ac tam præclara subsidia in vitam æternam, quot illis donavit; quorum intervntu Jacob, plurimique ex ejus posteris, qui ad Ecclesiam synagogæ pertinerunt, prædestinati persisterunt, quia prævidebat eos talibus auxiliis erectos accedente propria libertate adepturos vitam æternam. Quod vero ad rem præsentem attinet, dicendum est, odium Dei erga Esau nihil aliud esse hoc loco, quam Deum tam illi, quam posteritati ejus, noluisse conferre similia subsidia: quare nomine odii intelligit Paulus tum voluntatem permittendi eorum peccata, tum voluntatem eos obdurandi in peccatis, propter quæ, & soboles in servitutem erat redigenda, & tam parens quam posteritas justè erant damnandi, cum in potestate ipsorum fuerit, tum ea vitare, tum ab illis resurgere per auxilia a Deo collata, & alia, quæ præstare erat paratus, si illi, quod in se erat, facere voluissent; non vero intelligit voluntatem excludendi eos a regno cœlesti, ac deputandi poenis æternis, in qua sola, ut explicatum est, ratio reprobationis illorum est posita. Quemadmodum autem non fuit ex bonis meritis Jacob, aut synagogæ, quod Deus conferre illi voluerit majora illa subsidia, quibus Jacob, plurimique posterorum fuerunt prædestinati; ita non fuit ex malis meritis Esau, & posterorum, quod noluerit illis conferre similia subsidia, sed alia, quibuscum vel non peccare, vel, si peccarent, a peccatis resurgere potuissent, & vitam æternam obtinere; cum tamen Deus prævideret libertate, atque nequitia eorum nihil illorum esse futurum. Itaque non velle Deum Esau bona, quæ voluit fratri Jacob, maxime cum prævideret, nolendo illi similia bona, futurum,

MOLINA.

ut corrueret in peccata, propter quæ soboles justè servire deberet, & justè cum progenitore damnanda esset, appellat Paulus odium Esau. Quia in re non solum D. Thom. hoc loco art. 3 in responsione ad primum, nobiscum ex parte consentit, dum ait: Deum non velle alicui bona beatitudinis, quæ vult alteri, esse illam odio habere; sed etiam frequens est usurpatio vocabuli, odium, in scripturis sacris in eadem significatione, ut idem sit, ac non velle unibonum, quod alteri volumus, quem magis diligimus. Matth. enim 6 ait Christus: Nemo potest duobus Dominis servire: aut enim unum odio habebit, & alterum diligit, &c. quo loco præferre unum alteri in dilectione ac obsequiis, appellat habere odio, & contemnere alterum, cui ille alius præfertur. Luc. 14: Si quis, inquit, venit ad me, & non odit patrem & matrem, &c. non potest meus esse Discipulus; quo loco sane non præcipio odium patris ac matris, contra jus nature, quantumque præceptum decalogi; sed præferre Christum in dilectione patri ac matri, est odio habere patrem ac matrem. Eadem phrasi dicitur quis odio habere animam, hoc est, vitam corporis, quando propter Deum, vitamque æternam, se periculum obijcit, juxta illud Joan. 12: Qui odit animam suam in hoc mundo, in vitam æternam custodit eam. Exodietiam 22: Visitans, inquit, Deus iniquitatem in tertiam & quartam generationem eorum qui oderunt me, id est, qui peccando voluntatem suam mex prætulerunt, eaque ratione me spreverunt. Ut missa faciam alia scripture testimonia.

Ad secundum dicendum est, solum probare, quod e duobus peccatoribus ope divina ac misericordia indignis, Deus miscereatur unius, præordinando ex æternitate ea auxilia, cum quibus prævidet illuminandum, emolliendum, ac perducendum in gratiam, eademque in tempore conferendo (misericordiamque proprie est conferre subsidia, quibus peccator a miseria, in qua est, eruat: quare misericordia, æqua Paulus loquitur, supponit peccatorem, cui Deus eam impertitur, esse in miseria peccatorum propria sua culpa.) Quod vero alterum obduret non conferendo auxilia, sine quibus prævidet, eum sponte sua a peccatis non surrecturum, aut etiam in penam auferendo partem auxiliorum,

Eff

liorum,

liorum, non esse volentis, neque currentis, sed miserentis Dei, qui cuius vult miseretur, & quem vult indurat. Etenim id, ut supra ostensum est, non aliam habet causam, quam liberam voluntatem Dei, qui absque cuiusquam injuria, distribuit sua dona prout vult; maxime cum nulla antecedant merita, sed demerita, semperque relinquat auxilia, quæ, si peccator velit, ad salutem sufficient. Quare quod Deus ea media præordinaverit Davidi, quæ futura prævidebat efficacia, ut ab adulterii atque homicidii peccatis per suum arbitrium, cum per Nathan fuit oburgatus, converteretur, ea ratione illuminare ac emollire eum voluerit, non fuit Davidis volentis, & currentis, sed Dei miserentis. Nihilominus quod eisdem auxiliis converteretur, dependens fuit a Davidis arbitrio, qui potuit inefficacia ea reddere, si nollet converti. Quod etiam Deus præordinaverit Sauli ea media, quæ per liberum illius arbitrium prævidebat futura inefficacia, eo quod prævideret, dum Samuel peccatum objiceret, eum præ superbia excusationes adhibiturum, non veniam petiturum, fuit ex libera voluntate Dei, qui absque injuria potuit denegatione majorum, aliorumve auxiliorum, eum obdurare, illum in sua propria duritie relinquendo. Non ergo in illis verbis Pauli mentio ulla facta est actus reprobationis, sed solum obdurationis. Quo fit, ut nulla ratione inde colligatur, reprobationem non fuisse propter peccata reprobatorum prævisa. Illud vero quod additur, Deum excitasse Pharaonem, ut in eo ostenderet virtutem suam, per ea signa, quæ exhibuit ad egressum filiorum Israel, & ut nomen Dei annuntiaretur in universa terra, solum significat; Deum in eos fines, inter alios, constituisse creare Pharaonem, & si prævideret futurum eum talem per suum arbitrium, deflexurumque a fine alio sempiternæ felicitatis in quem condebatur; in eosdemque fines constituisse permittere peccata illius, cumque ita iustissime obdurare. Adeo enim bonus est, juxta Augustinum in Enchiridio cap. 100, ut non sineret fieri mala, nisi ut inde sua omnipotentia eliceret bona.

Ad tertium dicendum est, Paulum in iis, quæ in eo argumento adducuntur, supponere, quæ in præcedenti argumento explanavimus. In primis tam enim, qui obdura-

tur, quam eum cujus Deus miseretur, esse in peccatis propria sponte & libertate commissis, Deumque neutri denegare auxilium, quod, ut respiciat & convertatur, sit sufficiens: id quod non solum de Pharaone colligitur aperte ex ipsamet scriptura Exodi, ut quæst. 14 art. 13 dñp. 10 late ostensum est, sed de obduratis omnibus, de quibus Paulus loquitur, est manifestum, ex iis verbis quæ subjungit: Sustinuit in multa patientia vasa iræ apta in interitum: id est, expectavit in multa patientia respicientiam & poenitentiam, quam utique non expectasset, nisi in illorum esset potestate, Deusque præsto esset conferre illis auxilium sufficiens. Deinde supponit, Deum uni ex peccatoribus, qui sponte propria in peccata inciderunt, misericorditer velle ea auxilia, cum quibus prævidet convertendum; alteri vero non velle ea, cum quibus prævidet convertendum, quod est velle eum obdurare: atque inde oriri quæstionem, de qua sermo est in argumento: quæ plane hominum est superbe ac irreverenter præsumptionem disceptare cum Deo, nec secure bonitati ac dispositioni illius se committerent, quæ eo ipso, quod a Deo est, non potest non esse iustissima & æquissima, esto supra captum sit nostrum.

Quæstio itaque eorum est: Si Deus ei, quem obdurat, non vult ea auxilia, cum quibus prævidet convertendum, sed alia, cum quibus re ipsa non convertetur, eritque obduratus: quid adhuc quæritur? Voluntati ejus quis resistet? Huic quæstioni respondet Paulus, retundens primo eorum superbiam & præsumptionem, quod cum Deo ita audent loqui, æquissimæque ejus judicia ac dispositiones examinare, dicens: O homo, tu quis es, qui respondeas Deo? numquid dicis figmentum ei, qui se finxit, quid me fecisti sic? An non habet potestatem figulus luti, ex eadem massa facere aliud quidem vas in honorem, aliud vero in contumeliam? Quasi dicat: Si figulus ex eodem luto, absque ulla vel alterius injuria, vel nota sua, faciat aliud vas in honorem, aliud vero in contumeliam; quanto magis Deus ex duobus peccatoribus luto vilioribus, qui se tales propria culpa & libertate effecerunt, poterit absque ulla injuria aut nota facere unum illorum vas in honorem, conferendo illi auxilia quibus prævidet sanandum; & relinquere alterum

Quæstio circa reprobationem.

Uti a D. Ponte solvatur.

vas contumeliaz, qualem se ipse effecit, non conferendo illi auxilia, quibus prævidet emolliendum, sed eum obduratum relinquendo! Deinde satisficit plenius quæstioni, ostendens clarius misericordiam, æqualitatem, & bonitatem Dei, ac dicens: Si Deus in optimum finem, nempe, ut ostenderet iustitiam suam in obduratis ac malis, atque ut ostenderet divitias gloriæ suæ in vasa misericordiæ, quæ præparavit in gloriam, sustinuit in multa patientia (expectans videlicet & invitans ad penitentiam, paratus adjuvare, & sæpe pulsans offerensque auxilium sufficiens ad salutem) vasa iræ apta in interitum (aut ut alia litera habet, aptata in interitum, id est, quæ se ipsa propria libertate in interitum aptaverunt) supple, quid est, quod conquærat; & opponas Deo? & non potius misericordiam, bonitatem, atque sapientiam illius, etiam circa malos & reprobos, admittis?

Finis permittendi peccata reproborum.

Quo loco, antequam ulterius progrediamur, nonnulla sunt animadvertenda. Primum est, finem permittendi peccata reproborum, eosque sustinendi, non fuisse solum, ut Deus in eis ostenderet iustitiam suam, sed etiam ut ostenderet divitias gloriæ suæ in vasa misericordiæ, quæ præparavit in gloriam, ut aperte docet hoc loco Paulus, neque aliter contextus cohereret. Et enim nisi Deus iniquorum peccata permisset, non fuisset mors Christi, & redemptio generis humani, nec certamina, & victoriæ iustorum, & præcipue martyrum coronæ: quare in eum etiam finem Deus reproborum peccata permittit ac sustinuit, ut in electis tam multipliciter ostenderet divitias gloriæ ac misericordiæ suæ, præter alios etiam fines, ob quos art. 3 & alibi ostensum est ea etiam permisisse, ac sustinuisse.

Similitudo figuli exponitur.

Secundum est, exemplum illud, ac similitudinem figuli, non ita esse accipiendam, quasi quemadmodum figulus ex luto facit vasa in contumeliam, ita etiam Deus ex hominibus vasa in contumeliam efficiat, quæ plane non sunt alia, quam vasa iræ apta in interitum æternum. Hæc vero non sunt alia, quam peccatores in lethali peccato existentes, ratione cuius vasa sunt contumeliaz, obiectumque odii atque iræ Dei, & interitus æterni dignissimum: ut autem

Deus non effecit homines peccatores, ita neque efficit illos vasa contumeliaz, iræ atque interitus, sed ipsi sua libertate seipsos efficiunt, possuntque seipsos mundare, interitum dom sunt in via, auxilioque Dei (quod nulli unquam deest) efficere vasa in honorem, & sanctificationem: neque enim alia sunt vasa, de quibus loquitur hoc loco Paulus, quam illa, de quibus secundæ ad Timotheum 2 ait: In magna domo non solum sunt vasa aurea & argentea, sed & lignea & fictilia, & quædam quidem in honorem, quædam autem in contumeliam. Si quis emundaverit se ab istis, erit vas in honorem, sanctificatum, & utile Domino ad omne opus bonum paratum. Duplex igitur est status, tam vasorum iræ, quam sanctificationis. Alter in hoc seculo, in quo integrum est cuique vasorum commutari, & ex vase honoris & sanctificationis fieri vas iræ & contumeliaz, & e contrario, ut aperte docet Paulus secundæ ad Timotheum 2, & hoc loco non negat: quin potius idem illis verbis, Sustinuit in multa patientia, &c. asserit. Alter est status seculi futuri, in quo nulla omnino potest esse commutatio. Quia vero Paulus 2 ad Timotheum 2 loquebatur de magna domo Dei, vel Ecclesiæ militantis solum, vel ut utranque Ecclesiam comprehendit, asseruit vasa iræ posse se mundare, & fieri vasa in honorem. Hoc vero loco de Pharaone cæterisque reprobis, qui obdurati æternum interitum incurrerunt, asseruit sustinuisse illos Deum in multa patientia, dum erant in via, ut vasa fierent misericordiæ, & non iustitiæ. Exemplum ergo & similitudo Pauli hoc loco, inter figulum & Deum, solum est: Quod sicut figulus, absque ulla injuria aut nota sua, habet potestatem efficiendi ex eadem massa luti aliud vas in honorem, aliud in contumeliam: ita multo magis, absque cujusquam injuria, aut indecentia ex parte Dei, est potestas in Deo ex duobus peccatoribus luto ob sua peccata vilioribus, efficere unum vas in honorem, tribuendo auxilia, quibus prævidet convertendum & sanctificandum; relinquere vero alterum vas in contumeliam & interitum (qualem is seipsum effecit) non tribuendo illi subsidia, quibus prævidet convertendum, maxime cum eadem offerat ac

relinquat ea, quibus cum (si vellet) posset se ipsum convertere, vasque misericordiae ac honoris reddere.

Juxta dicta, ad argumentum negandum est, Paulum annuere, negotium reprobationis pendere ex sola libera voluntate Dei, quasi ex parte reprobatorum non detur causa meritoria. Negandum item est, pro causa reprobationis reddidisse solam ostensionem justitiae vindicativae. Etenim, ut explicatur est, pro causa meritoria reddidit peccata praevia, in quibus eos sustinuit in multa patientia; neque solam causam finalem permissionis peccatorum reprobatorum, obdurationisque eorum in illis, expressit ostensionem justitiae divinae, sed simul etiam ostensionem divitiarum gloriae atque misericordiae Dei infinitae in vasa misericordiae, fueruntque multa alia partes unius integrae causae finalis ob quam permittere voluit ea peccata, in eis-que obdurare reprobos, ut dictum est.

*Lectione Ec-
clesiastica 7
expontur.*

Circa locum illum Ecclesiasticae 7: Considera opera Dei; quod nemo possit corrigere, quem ille despexerit; animadvertendum est,

non omnes reprobos despectorum nomine comprehendi; sed illos tantum, ut supra dictum est, qui ob multa & gravia peccata, subtractione maxima auxiliorum, ac permissione tentationum, in desideria cordis sui traditi sunt, atque a Deo sunt derelicti. Quoniam autem difficillimum est, ejusmodi hominem, qui ita in profundum malorum venit, seipsum convertere, & multo magis solis suggestionibus & consiliis aliorum ita permoveri, ut convertatur; dicitur, neminem posse illum corrigere. Quod enim difficillime, & nunquam, aut fere nunquam fiet, impossibile ut fiat, moraliter loquendo dicitur. Adde, quem Deus praevideret, admonitionibus, facienteque ipso totum quod potest, fore tandem convertendum, utique quantacunque auxiliorum pars esset ab eo in poenam praeteritorum peccatorum sublata, dicendus non esset despectus a Deo. Quo fit, ut neque despectio libertatem arbitrii a reprobo auferat, ut converti, vitamque aeternam obtinere, si velit, possit.

*Reprobos non
quos de-
spectorum
nomine in-
telligimus.*



INDEX

LOCORUM SACRÆ SCRIPTURÆ, QUORUM EXPLICATIO INTELLIGI EX HOC OPERE ALI- QUA EX PARTE POTEST.

Numerus paginam indicat; A, primam illius columnam, B, secundam.

- Cenſ. 1. **D**ixit Deus, Fiat lux: & facta eſt lux. pag. 308. b
c. 3. **P**recepit nobis Deus ne comedemus, & ne
tangamus illud 49. b
Vidit mulier quod bonum eſſet lignum ad reſcen-
dum, putebrum oculis, aſpectuque delectabile
132. a
Ecce Adam quaſi unus ex nobis factus eſt 144. b
c. 4. **N**onne ſi bene egeris, recipies? ſi autem male,
ſtatim in ſeribus peccatorum tuorum aderis? ſed ſub
te erit appetitus ejus, & tu dominaberis illius 91. b
Major eſt iniquitas mea quam ad veniam merear 37. b
c. 6. **T**actus dolore cordis intrinſecus, Delebo, inquit, ho-
minem quem formali 280. a
c. 22. **T**olle filium tuum quem diligis ſuas, &c. 279. a. b
381. b
Quia ſeciſti hanc rem, & non peperciſti filio tuo uni-
genito propter me, benedicam tibi, & benedicen-
tur in ſemine tuo omnes gentes terre, quia obedisti
voci mee 378. b
c. 37. **A**ccidit quoque & oſum ſomnium, &c. circa Hiſto-
riam Joſeph 266. a
c. 38. **I**n ipſa eſſatione infantum unus protulit manum, &c.
266. b
c. 48. **P**oſuit Ephraim ad dexteram ſuam, &c. Expoſi-
tio myſterium in ea benedictione latens. 323. b
c. 50. **N**olite timere, num Dei poſſumus reſſilere volun-
tati? &c. 282. a
Exod. 7. **I**ndurabo cor Pharaonis, & multiplicabo ſigna mea.
Et infra: Induratum eſt cor Pharaonis, & non
audivit eos, ſicut preceperat Dominus. Et infra:
Induravit Pharaon cor ſuum 34. a
c. 9. **A**lbus retinet populum meum, & non vis eum dimit-
tere? Et infra: Peccavi etiam nunc: Dominus
juſtus, & ego & populus impius. Et infra: Vi-
dens autem Pharaon quod eſſaſſet pluvia, & gran-
do, & tonitrua, auxit peccatum, & ingravatum
eſt cor ejus, & ſervorum illius, & induratum ni-
miſ, nec dimiſi filios Iſrahel, ſicut preceperat Do-
minus 34. a
c. 10. **U**ſquequo non vis ſubiſci mihi? Dimitte populum
meum, &c. 34. a
c. 22. **V**iſitans iniquitatem in tertiam & quartam genera-
tionem eorum qui oderunt me 409. b
Deut. 30. **M**andatum, quod ego precipio tibi, non ſupra te eſt.
Conſidera quod hodie poſuimus in conſpectu tuo
vitam & bonum &c. Elige ergo vitam, ut vivas
91. b
Joſua ult. **O**ſio vobis datur, eligite hodie quid placeat, ſi ſer-
vire poſſumini debentis 92. a
1 Reg. 13. **S**ulte egreſſi: quod ſi non ſeciſtis, jam nunc prepa-
raſſet Dominus regnum tuum ſuper Iſrahel in ſem-
piternum: ſed nequaquam regnum tuum ultra
conſurget 378. b. 381. b

- c. 23. **C**onſulit David Dominum, num Saul deſcenderet in
Ceilan, Reſpondit: Deſcendet. Num tradent
me viri Ceile? Tradent 207. b. 241. a. 249. a
2 Reg. 12. **E**cce ego ſuſcitabo ſuper te malum de domo tua, & tol-
lam uxorem tuam in oculis tuis, & dabo proximo
tuo, & dormiet cum uxore tua in oculis Solis
hujus 142. b
c. 16. **D**ominus precepit ei ut malediceret David, & quis
eſt qui audeat dicere, quare ſic fecerit? Dimitte
eum ut maledicat juxta preceptum Domini 144. b
c. 24. **P**rimo tibi datur opſio, elige unum, quod malueris
ex his, ut faciam tibi. Et infra: Nunc ergo deli-
bera, & vide quem reſpondeam ei, qui miſit me.
ſermoneſ 92. a
3 Reg. 8. **N**on eſt bonus qui non peccet 61. b
c. 12. **N**on acquieſcit rex populo: quoniam averſatur ſue-
rat eum Dominus, ut ſuſcitaret verbum ſuum,
quod locutus fuerat, &c. 142. b
c. 22. **A**ſcende, & vade proſpere & tradet Dominus in ma-
nus regis 144. b
c. 22. **Q**uis decipiet Achab? Egreſſus ſpiritus dixit: Ego
decipiam illum. Cui Dominus: In quo? Tunc
ille: Egrediar, & ero ſpiritus mendax in ore
omnium prophetarum ejus. Et dixit Dominus:
Decipies, & prevalebis. Egredere, & fac ita.
Nunc igitur ecce dedit Dominus prophetarum menda-
ciorum in ore omnium prophetarum tuorum, qui hic
ſunt, & Dominus locutus eſt contra te malum.
144. a
Elther. 7. **V**iſtaſ eum diluculo, & ſubito probas illum 281. b
Job 7. **V**iſtaſ eum diluculo, & ſubito probas illum 180. a
c. 9. **S**i veneris ad me, non video eum: ſi abigeris, non in-
telligam. Et infra: Si ſimplex fueris, hoc ipſum
ignorabit anima mea 180. b
c. 10. **M**anus tue fecerunt me, & plasmaverunt me totum
in circuitu. Nonne ſicut lac miſiſti me, &c.
107. b
Viſitatio tua cryſtophori ſpiritus meum 180. a
c. 12. **I**mmutatus cor Principum populi terra, & decipit eos,
ut fruſtra incendant per injuriam. Palabunt quaſi
in tenebris, & non in luce, & errare eos faciet
quaſi ebrias 143. b
Pſalm. 1. **E**rit tanquam lignum quod plantatum eſt ſecus
decuſus aquarum, quod fruſtum ſuum dedit in tem-
pore ſuo. Non ſic impii, non ſic: ſed tanquam pul-
vis quem proſicit ventus a facie terre 63. b
Pſalm. 4. **S**ignatum eſt ſuper nos lumen vultus tui Domine 17. b
Pſalm. 5. **M**ane aſtabo tibi, & videbo, quoniam non Deus vo-
lens iniquitatem tuam. Neque habitabis juxta te
malignus, neque permanebunt inſiſti ante oculos
tuos 128. a
Pſalm. 10. **Q**ui diligit iniquitatem, odit animam ſuam. Plures
ſuper peccatores lagueſ, ignis & ſulphur & ſpiri-
tus procellarum, pars calceis eorum: quoniam
juſtus
Fif 3

INDEX LOCORUM SACRÆ SCRIPTURÆ.

- justus Dominus, & justitias dilexit, aequitatem vidit vultus ejus 128. a
- Psal. 16. Perfice gressus meos in semitis tuis, ut non moveantur vestigia mea 65. b
- Psal. 17. Saluum me fecit, quoniam voluit me 324. b
- Psal. 18. Exultavit ut gigas ad currendam viam 272. a
- Psal. 22. Misericordia tua subiequitur me omnibus diebus vite mee 174. b
- Psal. 26. Adjutor meus esto, ne derelinquas me, neque despicias me, Deus salutaris meus 64. b
- Psal. 30. Quoniam magna multitudo dulcedinis tue Domine, quam abscondisti timentibus te: 178. a
- Illustra faciem tuam super servam tuam. Et infra: Abscondes eum in abscondita faciei tue a conturbatione hominum, proteges eum in tabernaculo tuo a contradiotione linguarum 180. a
- Psal. 32. Ipse dixit, & facta sunt: ipse mandavit, & creata sunt 1. a. 112. a. 308. b
- Psal. 33. Accedite ad eum, & illuminamini, & facies vestre non confunduntur. Et infra: Gustate & videte quoniam suavis est Dominus 178. a. 180. a
- Psal. 50. Incerta & occulta sapientie tue manifestasti mihi 237. a
- Psal. 58. Misericordia ejus preveniet me 174. b
- Psal. 98. Adjura nos Deus solutaris noster 64. a
- Psal. 88. Beatus populus qui scit jubilationem, Domine in lumine vultus tui ambulabunt 178. a
- Psal. 93. Consolationes tue lætificaverunt animam meam 178. a
- Psal. 94. Hostie si vocem ejus audieritis, nolite obdare corda vestra 61. a
- Psal. 104. Convertit cor eorum ut odirent populum ejus & domos facerent in servos ejus 143. a
- Psal. 113. Deus noster in celo omnia quæcumque voluit fecit 281. b
- Psal. 118. Tu mandasti mandata tua custodiri nimis: utinam dirigantur viae meae ad custodiendos justificationes tuas. Tunc non confundar, cum perpexero in omnibus mandatis tuis 65. b
- Psal. 118. Viam mandatorum tuorum cucurri, cum dilatasti cor meum 178. a
- Voluntaria oris mei beneplacita fac Domine 92. b
- Anima mea in manibus meis semper 92. b
- Psal. 126. Nisi Dominus edificaverit domum, in vanum laboraverunt qui aedificant eam. Nisi Dominus custodierit civitatem, frustra vigilat ac custodit eam 64. b
- Psal. 138. Intellexisti cogitationes meas de longe semitam meam & funiculum meum investigasti. Tu cognovisti omnia novissima & antiqua 227. a
- Psal. 138. Quo ibo a spiritu tuo? & quo a facie tua fugiam? Si ascendero in caelum, in illic es, &c. Etenim illic manus tua deducet me, & tenebit dextera tua 107. b
- Psal. 147. Non fecit taliter omni nationi, & judicia sua non manifestavit eis 323. a
- Proverba. Quia vocavi, & non respondisti: extendi manum meam, & non fuit qui appliceret: despectistis omne consilium meum: ego quoque in interitu vestro ridebo 37. b. 61. a. 105. a. 170. b
- c. 16. Hominis est animam preparare, & Domini gubernare linguam 66. a
- Cor hominis disponit viam suam, sed Domini est dirigere gressus ejus 65. b
- Prov. 21. Cor regis in manu Domini: quæcumque voluerit, inclinabit illud 86. a
- Eccles. 7. Considera opera Dei: quod nemo possit corrigere, quem ille despectavit 412. a
- Non est homo justus in terra, qui faciat bonum, & non peccet 61. b
- Fecit Deus hominem rectum 12. b
- c. 9. Sunt justi atque sapientes, & opera eorum in manu Dei: & tamen nescit bonum utrum amare vel odio dignus sit, sed omnia in futuro reſervantur incerta 180. b
- Cant. 1. Trabe me pesti te, curruis in odorem unguentorum tuorum 41. a
- c. 2. Sonet vox tua in auribus meis: vox enim tua dulcis est 41. a
- Sapient. 1. Deus mortem non fecit, nec letatur in perditione vivorum. Creavit enim ut essent omnia: & sanabiles fecit nationes orbis terrarum. Injustitiam, mortis est acquisitio: impii autem manibus & verbis accerserunt illam 280. a
- c. 4. Rapta est me malitia mutaret intellectum ejus, cui ne scire deciperet animam illius, &c. propter hoc properavit educere illum de medio iniquitatum 207. b. 241. a. 249. a. 281. a. 309. b. 324. a. 326. a. 378. a
- c. 7. Omnium artifex docuit me sapientia 1. a
- c. 8. Attingit a fine usque ad finem fortiter, & disponit omnia suaviter 107. b. 297. a
- Signa & munera sciti antequam fiant, & eventus temporum, & seculorum 227. a
- Sciri quoniam aliter non possem esse continens, nisi Deus det 65. a
- c. 9. Cogitationes mortalium timide, & incerte providentiae nostrae 295. a
- c. 11. Nihil altius eorum quæ fecisti 128. a
- c. 14. Similiter autem odio sunt Deo impii, & impietates illius 128. a
- Eccles. 7. In omnibus operibus tuis memorare novissima tua, & in aeternum non peccabis 73. a
- c. 15. Ne dixeris. Per Deum abest: quæ enim odit, ne fecerit. Non dicas, ille me implanavit: non enim necessarij sunt ei homines impii. Omne execrationum erroris odii Dominus, & non erit amabile timentibus eum 128. a
- Deus ab initio constituit hominem, & reliquit illum in manu consilij sui: obsecit mandata & precepta sua, &c. 91. b
- c. 17. Deus de terra creavit hominem, & secundum imaginem suam fecit illum, & secundum se vestivit illum virtute 12. b
- c. 23. Oculi Domini lucidiores sunt super Solem, circumspicientes omnes vias hominum, profundum abyssus, hominum corda intuentes in absconditis partibus. Domino enim Deus, antequam crearentur, omnia sunt agnita 227. a
- c. 31. Qui potuit transgredi, & non est transgressus: facere mala, & non fecit 92. a. 105. b. 279. a. 318. a
- c. 39. Opera omnis carnis coram illo, & non est quicquam absconditum ab oculis ejus. Ascendo usque in seculum respiciat, & non est mirabile in conspectu ejus 227. a
- Isaie 1. Heu, vindicator de hostibus meis 280. a
- c. 6. Excava cor populi hujus, & aures ejus aggredere, & oculos 280. a

INDEX LOCORUM SACRÆ SCRIPTURÆ.

- oculus ejus claudet, ne forte videat oculis suis, & auribus suis audiat, & corde suo intelligat, & convertatur, & faciem eam 34. b
- c. 26. Omnia opera nostra operatus es in nobis Domine 107. b. 331. a
- c. 40. Qui sperant in Domino, mutabunt fortitudinem, assument pennas sicut aquile: current, & non laborabunt: ambulabunt, & non deficient 178. a
- c. 41. Annuntiate quæ ventura sunt in futurum, & sciemus quia Dñs estis vos 227. a
- c. 45. Ego Dominus creans malum 141. b
- c. 46. Consilium meum stabit, & omnis voluntas mea fiet 281. b
- c. 48. Predixi tibi ex tunc, antequam evenirent indicavi tibi, ne forte diceret, Idola mea fecerunt hæc, & sculpitilia mea & consilia mandaverunt ista 227. a
- c. 53. Si posueris pro peccato animam suam, videbit semen longævum, & voluntas Domini in manu ejus dirigetur 398. b. 400. a
- c. 63. Quare errare nos fecisti de viis tuis Domine? Indurasti cor nostrum, ne timeremus te 143. b
- c. 65. Ita dñs expandi manus meas ad populum non credentem, sed contradicentem mihi 34. b
- Jerem. 8. Eligent magis mortem, quam vitam omnes qui residui fuerint de generatione hac pessima. Et infra: Dices ad eos: Hæc dicit Dominus: Nunguid qui cadit, non resurget? Et qui averfus est, non reverteretur? Quare ergo averfus est populus iste aversione contentiosa? 92. a
- c. 10. Scio Domine, quia non est hominis via ejus, neque viri est ut ambulet, & dirigat gressus suos. Corrripe me Domine: veritatem in judicio, ne forte ad nihilum redigas me 66. a
- c. 18. Si penitentiam egerit gens illa a malo suo, egam & penitentiam super malo, quod cogitavi ut facerem ei. Si fecerit malum in oculis meis, ut non audiat vocem meam, penitentiam egam super bono, quod locutus sum, ut facerem ei 220. a. 225. a
- c. 26. Sta in atrio domus Domini, & loqueris ad omnes civitates Juda universos sermones, quos ego mandavi tibi ut loquereris ad eos. Noli subtrahere verbum, si forte audiant, & convertantur unusquisque a via sua mala: & peniteat me mali, quod ego cogito facere eis propter malitiam & stultitiam eorum 92. a
- c. 31. Convertite me, & convertar, &c. 164. a
- Thren. 1. Peccatum peccavit Hierusalem, propterea instabilis facta est 63. b
- c. 5. Convertite vos Domine ad te, & convertemur 164. a
- Ezech. 14. Homo qui posuerit immunditiam in corde suo, & venerit ad prophetam interrogans per eum me, ego Dominus respondendo ei in multitudine immunditiarum suarum, ut capiat. Et infra: Ego Dominus decepi prophetam illum 144. b
- c. 18. Projicite a vobis omnes prævaricationes vestras, quibus prævaricati estis, & facite vobis cor novum, & spiritum novum: & quare moriemini domus Israel? quia volo mortem morientis, dicit Dominus: reverterimini, & vivite 32. a. 61. a. 92. a
- Nunguid voluntatis mea est vis suis, & vivat? Et infra: Quare moriemini domus Israel? quia volo mor-

tem morientis, reverterimini, & vivite 32. a. 61. a

- c. 36. Dabo vobis cor novum, & spiritum meum ponam in medio vestri, & auferam cor lapideum de carne vestra, & dabo vobis cor carneum. Et spiritum meum ponam in medio vestri: & faciam ut in præceptis meis ambuletis, & iustitiæ meæ custoditis, & operemini 331. a

Ofes 13. Perditio, tua Israel: tantummodo in me auxilium tuum 126. a. 311. b. 405. b

Joelis 2. Convertimini ad me in toto corde vestro 61. a

Amos 3. Si erit malum in civitate quod Dominus non fecerit 141. b

Jonæ 3. Adhuc quadraginta dies, & Ninive subvertetur, &c. 76. a

Habac. 1. Mandi sunt oculi tui ne videant malum, & respicere ad iniquitatem non poteris 128. a

Zach. 1. Convertimini ad me, & convertar ad vos. Ne sitis sicut patres vestri, ad quos clamabam propheta priores dicens: Hæc dicit Dominus, Converterimini de viis vestris malis: & non audierunt 31. a. 61. a. 92. a. 163. b

1 Mac. 9. Orabat hic scelestus Deum, a quo non esset misericordiam consecraturus 35. b

Matt. 6. Fiat voluntas tua sicut in celo, & in terra 278. b

Et ne nos inducas in tentationem 142. b

Nemo potest duobus dominis servire: aut enim unum odio habebit, & alterum diliget, &c. 409. b

c. 7. Non potest arbor bona malos fructus facere 128. a

c. 10. Nonne dno passeris affli vinctum? & unus ex istis non cadet super terram sine Patre vestro 263. a

c. 11. Qui habet aures audendi, audiat 41. a

Ve tibi Corozaim, ve tibi Betsaida, quia si in Tyro & Sidone factæ essent virtutes, quæ factæ sunt in vobis, olim in cilicio & cinere paenitentiam egissent. Veritatem dico vobis, Tyro & Sidoni remissus erit in die judicii, quam vobis 37. a

40. a. 165. b. 169. a. 207. b. 224. b. 241. a.

Venite ad me omnes qui laboratis & onerati estis, & ego reficiam vos 33. b. 61. a

c. 13. Sæpe in parabolis loquitur eis: quia videntes non vident, & audientes non audiunt, neque intelligunt: ut impleatur in eis prophetia Isaiæ dicens: Auditis auditibus, & non intelligitis: & videntes videbitis, & non videbitis: intransitum est enim cor populi hujus, & auribus graviter audierunt, & oculos suos claustrunt, nequid viderent oculis, & auribus audiant, & corde intelligant, & convertantur, & faciem eam 35. a

c. 16. Caro & sanguis non revelavit tibi: sed Pater meus qui in celis est 25. a

c. 18. Necessè est ut veniant scandala: verumtamen ve boniti illi per quem scandalum venit 84. b

c. 19. Sicut emachi, qui se ipsos castraverunt propter regnum celorum: qui potest capere, capiat 65. a

Si vis ad vitam ingredi, serva mandata 47. b

92. b. 348. a

c. 20. Simile est regnum celorum homini patrifamilias, qui exiit primo mane conducere operarios in vineam, &c. exponitur parabola 323. a. 348. a

c. 23. Decimatis mentiam, & rutam, & omne olus 273. a

Quoties volui congregare filios tuos, quemadmodum gallina

INDEX LOCORUM SACRÆ SCRIPTURÆ.

- gallina congregat pullos suos sub alas, & noluisse!
Ecce relinquitur vobis domus vestra deserta 35. a
92. b. 230. b. 378. a
- c. 24. Nisi breviori fuissent dies illi, non serres salva omnis
cava, sed propter electos abbreviantur 326. a
- c. 25. Uni dedit quinque talenta, alii autem duo, &c.
160. b. 378. b
- Venite benedicti Patris mei, possidate paratum vobis
regnum a constitutione mundi: esurivi enim, &
dedistis mihi, &c. 31. a
- c. 26. Et si omnes scandalizati fuerint, ego nunquam scan-
dalizabor. Etiam si oportuerit me mori tecum,
non tenebo 50. a
- Cecis contristari & mestus esse, &c. 271. b
- Spiritus promptus est, caro autem infirma 271. b
- Veruntamen non sicut ego volo, sed sicut tu 281. a
- Negavit coram omnibus dicens, Nescio quid
dicit, &c. 63. b
- c. 27. Deus meus, Deus meus, ut quid dereliquisti me?
271. b
- Marci 4. Ulivo terra fructificat, primo herbam, deinde spi-
cam 106. a
- c. 13. Dedit eis potestatem cujuscunque operis 93. a
- Lucæ 7. Moysi quidem multa operari autem parci: rogare
ergo Dominum missi, ut mittat operarios in inef-
fem suam 29. a
- Remittuntur ei peccata multa, quoniam dilexit
multum 268. a
- c. 10. Beati oculi qui vident que vos videtis. Dico enim
vobis, &c. 323. b
- c. 11. Dacimavitis mentem, & ruitam, & omne olus 272. a
- c. 12. Baptismo habeo baptizari, & quomodo coarctor
usque dum perficiatur! 271. b
- c. 14. Si quis venit ad me, & non odit patrem & ma-
trem &c. non potest meus esse discipulus 429. b
- c. 19. Vocatis decem servulis, dedit eis decem minas
378. b
- c. 21. Videte ficulneam, & omnes arbores, cum producant
jam ex se fructum 106. a. 372. a
- c. 22. Tecum paratus sum in carcerem & in mortem ire
50. a
- c. 23. Domine, memento mei dum veneris in regnum tuum
267. a
- Joann. 1. Sine ipso factum est nihil
Illuminat omnem hominem venientem in hunc mun-
dum 272. b
- Dedit eis potestatem filios Dei fieri 31. b. 92. b
- Plenum gratia & veritatis 398. b
- c. 3. Spiritus ubi vult spirat, & vocem ejus audis: sic
est omnis qui natus est ex spiritu 41. b
- c. 4. Qui biberit ex aqua, quam ego dabo ei, non sitiet
in eternum: sed fiet, &c. 164. b
- c. 5. Pater meus usque modo operatur, & ego operor
107. b
- Opera qua ego facio, testimonium perhibent de me
22. b
- c. 6. Amen amen dico vobis, quæritis me, non quia vidistis
signa, &c. Et, Hoc est opus Dei, ut credatis in
eum, quem misit ille 25. a. 93. a
- Ego sum panis vite: qui venit ad me, non esuriet:
& qui credit in me, non sitiet in eternum 39. a
- Omne quod dicit mihi Pater, ad me veniet, &c. 39. a
- Nemo potest venire ad me nisi Pater, qui misit me,
traxerit illum 24. b. 38. b. 397. b. 400. a

- Est scriptum in prophetis. Erant omnes docibiles Dei
38. a
- Omnis qui audit a Patre, & didicit, venit ad me
27. a. 38. b. 40. b
- c. 10. Si mihi non vultis credere, operibus credite 22. b
- Propterea me diligit Pater, quia ego pono animam
meam. Nemo tollit eam a me, sed ego pono eam
a me ipso. Postquam habeo ponendi eam, & pote-
statem habeo iterum sumendi eam. Hoc manda-
tum accepit a Patre meo 269. b
- c. 12. Propterea non poteram credere, quia iterum dicit
Ihsais: Excceavi oculos eorum 35. a
- Qui edis animam suam in hoc mundo, in vitam eter-
nam custodit eam 409. b
- Si quis mihi ministraverit, bonificabit eum Pater
meus 41. b
- Sciens quia omnia dedit ei Pater in manus 399. a
- c. 14. Qui habet mandata mea, & servat ea, illa est qui dili-
git me: qui autem diligit me, diligetur a Patre
meo, & ego diligam eum, & manifestabo ei mi-
sericordiam 46. a. 47. b. 179. b
- Si quis diligit me, fratrem meum servabit 46. a
- Sicut mandatum dedit mihi Pater, sic facie. Surgite,
eamus 269. b
- c. 15. Ego sum vitis, vos palmites: qui manet in me,
& ego in eo, hic fert fructum multum, quia sine me
nihil potestis facere 20. b
- Sicut & ego Patris mei precepta servavi, & maneo
in ejus dilectione 269. b
- Si non venissem, & locus eis non fuisset, peccatum
non haberent, nunc autem excusationem non ha-
bent de peccato suo 22. b
- Si opera non fecissem in eis, que nemo alius fecit,
peccatum non haberent 22. b. 34. b
- Act. 4. Neque enim est aliud nomen sub celo datum homini-
bus, in quo oportet nos salvos fieri 397. a. 398. a
- Convenerunt vere in civitate ista adversus sanctum
puerum Iesum, quem unxerunt, Herodes, &
Pontius Pilatus, cum Gentibus, & populo Israel,
facere que manus tua & consilium tuum dave-
rant fieri 282. a
- In eo quod manum tuam extendas ad sanitates, &
signa, & prodigia fieri per nomen sancti filii tui
Iesu 166. a
- c. 5. Nonne manens tibi manebat, & venundatum in tua
erat potestate? 93. a
- c. 9. Ecclesia Dei edificabatur in timore Domini, & con-
solatione Spiritus sancti replebatur 178. a
- Subito circumfulsit eum lux de celo, &c. 366. a
- c. 10. Orationes tue & elemosine tue ascenderunt in me-
moriam in conspectu Dei 378. b
- In veritate comperi, quia non est personarum accep-
tor Deus: sed in omni gente, qui timet Deum, &
operatur iustitiam, acceptus est illi 327. b
- c. 13. Crediderunt quotquot erant preordinati in vitam
eternam 305. a
- c. 16. Vir Macedo quidam erat stans, & deprecans eum,
dicens: Transiens in Macedoniam advenas nos
29. a
- Cujus Dominus aperuit cor intendere iis que dice-
bantur a Paulo 25. a
- c. 17. In eo vivimus, movemur, & sumus 107. a
- Rom.

INDEX LOCORUM SACRÆ SCRIPTURÆ.

- Rom. 1. *Qui predestinatus est filius Dei* 327. a
Propter quod tradidit illos Deum in desideria cordis eorum, in passionem ignominie, in reprobam sensum, ut faciant quæ non oportet, repletos omni iniquitate 63. b. 141. b. 143. b. 404. b. 406. a
- c. 2. *An divitias bonitatis ejus, & patientie, & longanimitatis contemnis, ignoras quoniam benignitas Dei ad patientiam te adducit? Secundum divitiam tuam, & impatiens cor tuum, thesaurizas tibi iram, &c.* 404. b
- Cum Gentes, quæ legem non habent, naturaliter quæ legis sunt faciunt, ejusmodi legem non habentes, ipsi sibi sunt lex: qui ostendunt opus legis scriptam in cordibus suis* 18. a
- c. 3. *Iustificati gratis per gratiam ipsius: & per fidem* 190. b. 396. a. 400. b
Quem posuit propitiorem per fidem 189. b
- c. 4. *Vocas ea quæ non sunt, tanquam ea quæ sunt* 309. a
- c. 5. *Misti spiritum filii sui clamantem, Abba pater* 273. a
- c. 6. *Cum servi essetis peccati, liberi facti estis iustitie* 7. b
- c. 7. *Video aliam legem in membris meis repugnantem legi mentis meæ, & captivantem me in lege peccati* 61. b
- c. 8. *Spiritus testimonium reddit spiritui nostro, quod sumus filii Dei* 178. a
Quia ipsa creatura liberabitur a servitute corruptionis in libertatem gloria filiorum Dei 7. b
Diligentibus Deum omnia cooperantur in bonum 309. b
- Quos reprobovit, & predestinavit, conformes fieri imaginis filii sui, ut sit ipse primogenitus in multis fratribus* 304. a. 318. b. 350. a
- Quos reprobovit, & predestinavit, hos & vocavit: quos autem vocavit, & iustificavit* 304. a. 309. b
376. a
- c. 9. 10. 11. *Non omnes qui ex circumcisione sunt Israel, si sunt Israelite, &c. summam exponitur totum caput, & duo sequentia* 367. b
- c. 9. *Cum nondam aliqui boni egissent aut mali, &c. non ex operibus, &c.* 367. a. 392. b
Cum nondam nati fuissent, aut aliqui boni egissent aut mali, ut secundum electionem prepositum Dei maneret, non ex operibus, sed ex vocante dictum est, quia major serviet minori: sicut scriptum est, Jacob dilexi, Esau autem odio habui 266. b. 267. a
324. b. 344. a. 367. a. 403. a. 409. a
- Jacob dilexi, Esau autem odio habui, &c.* 367. b. 409. a
- Misereror ejus misereror, & misericordiam prestabo cui misereror. Igitur non volentis, neque currentis, sed misericordie est Dei. Dicit enim scriptura Pharaonis Omnia in hoc excitavi te, ut ostendam in te virtutem meam, & annuncietur nomen meum in universa terra. Ergo ejus vult, misereror, & quem vult indurat* 324. b. 403. b. 409. a. 410. a
- Non est volentis neque currentis, sed Dei misericordie* 175. a. 176. a. 324. b. 409. b. 410. a
- Dicit itaque mihi: Quid adhuc queritis? Voluntati ejus quis resistit? O homo, tu quis es qui respondeas Deo? Nunquid dicit haec nomen ei, qui se finxit, quid me fecisti sic? An non habet potestatem signis tui ex eadem massa facere aliud quidem vas in honorem, aliud vero in contumeliam? Quod si Deus volens ostendere iram & notam facere potentiam*

- suam, sustinuit in multa patientia vasa ira apertam in interitum, ut ostenderet divitias gloriæ suæ in vasa misericordie, quæ preparavit in gloriam* 312. a. 318. b. 403. b. 410. a. 411. a
- Quos vocavit, non solum ex Judeis, sed etiam ex Gentibus, sicut in Osæ, &c.* 318. b
- Voluntati ejus quis resistit?* 281. b
- c. 10. *Quomodo credent ei, quem non audierunt? Quomodo autem audient sine predicante? Et infra: Ergo fides ex auditu* 22. a. 28. b
- Tota die expandi manus meas ad populum non credentem, sed contradicentem mihi* 34. b. 378. a
- c. 11. *Non repulsi Deus plebem suam, quam præselevis* 377. a
Si autem gratia, jam non ex operibus: alioquin non esset gratia 400. a. 403. b
- O altitudo divitiarum sapientiæ & scientiæ Dei, quam incomprehensibilia sunt judicia ejus, & investigabiles viæ ejus!* 224. b. 388. b
- c. 13. *Qui diligis proximum, legem implevit. Et si quod est aliud mandatum, in hoc verbo insinuat, Diliges proximum tuum sicut te, ipsum. Plenitudo ergo legis est dilectio* 46. a
- c. 15. *Etenim Christus hoc non placuit: sed sicut scriptum est, Impropria improprietatibus illi occiderunt super me* 277. b
- 1 Cor. 4. *Nihil mihi conscius sum, sed non in hoc justitiam sum* 180. a
- Quis enim te discernit? quid habes quod non accepisti? Si autem accepisti, quid gloriaris quasi non accepisti?* 41. b. 164. a. 166. a. 169. a. 330. a. 332. a
- c. 7. *Qui statuit in cor suo firmas, non habens necessitatem, potestatem autem habens suæ voluntatis* 92. b
- Volo omnes vos esse sicut me ipsum. Sed unusquisque proprium donum habet a Deo, alius quidem sic, alius vero sic. Dico autem non nuptis, & viduis, bonum est illis, si sic permanserint, sicut & ego. Quod si non se continent, nubant: melius est enim nubere quam uri* 65. a
- c. 9. *Nunquid Deo cura est de vobis?* 298. a
Castigo corpus meum, & in servitutem redigo: ne forte, cum aliis predicaverim, ipse reprobus efficiar 312. b. 318. a
- c. 10. *Fidelis Deus, qui non patietur vos tentari supra id quod potestis* 75. b
- c. 12. *Nemo potest dicere, Dominus Jesus, nisi in Spiritu sancto* 21. b. 25. a
- Qui operatur omnia in omnibus* 106. a
- c. 13. *Si linguis hominum loquar, & Angelorum, & si habuero prophetiam, & noverim mysteria omnia, & omnem scientiam, & si habuero omni scientiam, ita ut montes transferam, caritatem autem non habuero, nihil sum* 20. b
- Si distribuero in cibos pauperum omnes facultates meas, & si tradidero corpus meum ut ardeam, caritatem autem non habuero, nihil mihi prodest* 77. b
- c. 14. *Si conveniente universa Ecclesia in unum, omnes prophetent, inviet autem quis infidelis, vel idiota, convincitur ab omnibus, disjunctatur ab omnibus, occulta enim cordis ejus manifesta fiunt: & ita*

INDEX LOCORUM SACRÆ SCRIPTURÆ.

- cadens in faciem adorabit Deum, pronuntians
quod vove Deum in vobis sit 166. a
- o. 15. Gratia ejus in me vacua non fuit, sed abundantius
illi: omnibus laboravi, non ego, sed gratia Dei
mecum 42. a. 65. a. 172. b
- 2 Cor. 1. Non volumus ignorare vos, fratres, de tribulatione
nostra que facta est in Asia: quoniam supra modum
gravi sumus supra virtutem, ita ut taderet
nos etiam vivere 75. b. 77. a
- c. 3. Non quod sufficientes simus cogitare aliquid a nobis,
quasi ex nobis, sed sufficientia nostra ex Deo est
21. b. 25. a. 106. a
- Ubi Spiritus Domini, ibi libertas 7. b
- c. 5. Omnes nos manifestari oportet ante tribunal Christi,
ut referat unusquisque prout gessit, sive bonum,
sive malum 126. a
- Ephes. 1. Benedixit Deus, & Pater Domini nostri Jesu
Christi, qui benedixit nos in omni benedictione
spirituali in caelestibus in Christo, &c. 398. a
- Elegit nos in ipso ante mundi constitutionem, ut essen-
tiam sancti & immaculati in conspectu ejus in cari-
tate. Qui predestinavit nos in adoptionem filio-
rum per Jesum Christum in ipsum secundum pro-
positum voluntatis sue, in laudem gloriæ gratia
sue, &c. 304. a. 307. b. 310. b. 350. a. 306. a. 397. b
- In quo etiam nos sorte vocati sumus, predestinati secun-
dum propositum ejus, qui operatur omnia secun-
dum propositum voluntatis sue 1. a. 396. a. 398. b
400. b
- c. 2. Gratia ejus salvati per fidem, & hoc non ex vobis:
Dei enim donum est, non ex operibus, ut ne quis
glorietur 325. b
- Ipsi facturi sumus, creati in Christo Jesu in ope-
ribus bonis, que preparavit ut in ipsis ambulemus
328. a
- Propter quod memores estote, quod aliquando vos, qui
eratis Gentēs, &c. usque ad illud, in habitaculum
Dei in Spiritu sancto 128. a
- c. 3. Cujus rei gratia ego Paulus victus, &c. usque ad
illud, Premissionis in Christo Jesu per Evangelium
328. b
- c. 4. Quidam dedit Apostolos, &c. usque ad illud, in edi-
ficationem sui in caritate. 31. a. 398. b
- Qui est caput Christus, ex quo totum corpus compa-
ctum & connexum per omnem juncturam secun-
dum operationem in mensuram uniuscujusque
membris augmentum corporis fecit in edifica-
tione 398. b
- Philip. 1. Qui capitis in vobis opus bonum, perficiet in diem Cri-
sti Jesu 174. a
- Vobis datum est pro Christo, non solum ut credatis
399. b
- c. 2. Cum metu & tremore vestram salutem operamini:
Deus est enim qui operatur in vobis, & velle, &
perficere, pro bona voluntate 64. a. 174. a. 176. a
- Humiliavit semetipsum factus obediens usque ad
mortem, mortem autem Crucis 268. b
- Colos. 1. Qui dignos nos fecit in partem sortis sanctorum 324. b
- 1 Thess. 2. Qui & Dominum occiderunt Jesum, & Prophetas, &
nos persecuti sunt, & Deo non placent, & omnibus
hominibus adversantur, prohibentes Gentibus lo-
qui, ut salve fiant, ut implantur peccata sua: per-
venit enim ira Dei super illos in finem 34. b
- c. 4. Scitis que precepta dederim vobis per Dominum Je-

- sum. Hec est enim voluntas Dei, sanctificatio ve-
stra, ut abstineatis vasa a fornicatione 278. b. 351. a
- 2 Thess. 2. Et quod caritatem veritatis non receperunt, ut salvi
ficerent, ideo mittet illis Deus operationem erroris,
ut credam mendacio 143. b
- 1 Tim. 1. Qui blasphemavit sui, & persecutor, & contumeliosus:
sed misericordiam consecutus sum, quia ignorans
fecit in incredulitate mea 381. b. 384. b
- c. 2. Hoc enim bonum est & acceptum coram salvatore no-
stro Deo, qui vult omnes homines salvos fieri, &c.
31. b. 94. b. 272. b. 274. a. 334. a. 345. a. 351. a. 391. a. 392. b
- 2 Tim. 1. Qui nos liberavit, & vocavit nos vocatione sua san-
cta, non secundum opus nostrum, sed secundum pro-
positum suum, & gratiam que data est nobis in
Christo Jesu 324. b
- c. 2. Firmum fundamentum Dei stat, habens signaculum
hoc: Novit Dominus qui sunt ejus. Discedat ab
iniquitate omnis qui invocat nomen Domini, in
magna autem domo non solum sunt vasa aurea &
argentea, sed & lignea, & fictilia, & quedam qui-
dem in honorem, quedam autem in contumeliam:
si quis ergo emundaverit se ab istis, erit vas in ho-
norem sanctificationis, & utile Domino, ad omne
opus bonum paratum 224. b. 363. b. 369. b. 411. b
- Tit. 1. Non ex operibus iustitie que fecimus nos, sed secundum suam
misericordiam salvos nos fecit 325. b
- Philemon. Sine consilio tui, sive volui facere, ut ne velis ex necessitate
bonum tantum esse, sed vel voluntarium 92. b
- Hebr. 2. Dicebat enim, per quem omnia, & propter quem omnia, qui
multos filios in gloriam adduxerat, ostendit salutem
eorum, per passionem consummari 350. a
- c. 4. Non habemus Pontificem qui non possit compati infirmitati-
bus nostris, tentatum per omnia, pro similitudine obique
peccato 271. b
- c. 5. Cum esset filius Dei, didicit ex iis que passus est obedienciam
269. b
- c. 6. Terra proferens spinas & tribulos, reproba est, & maledicta
proxima 312. b
- c. 12. Aplicantes in aulam in fidei & consummationem Jesum 398. b
- Jacob. 1. Nemo enim tentatur dicat, quoniam a Deo tentatur: Deus enim
tentator malorum est, ipse autem nemo tentatus 127. b
- c. 2. Fides sine operibus mortua est 190. a
- Videbit quoniam ex operibus iustificatur homo 189. a. 194. a
- Abramam pater noster nomen ex operibus iustificatus est,
offerens Isaac filium suum super altare 279. b
- c. 3. Qui verbo non offendat, hic perfectus est vir 66. b
- 1 Petri 1. Petrus Apostolus Jesu Christi electis advenit secundum pre-
servationem Dei Patris, in sanctificationem spiritus, in
obedienciam, &c. 377. a
- c. 1. Si ramen possiditis quia servus est Dominus 178. a. 180. a
- 2 Petri 1. Satagite fratres, ut per bonam ad certam vestram vocationem
& electionem facientes: hoc enim facientes non pecca-
bistis aliquando 61. a. 377. b
- 1 Joan. 2. Qui dicit se nosse Deum, & mandata ejus non custodit, menda-
cans est, & in hoc veritas non est. Qui autem servat ver-
bum ejus, in hoc caritas Dei perfecta est 46. a
- c. 3. Si diximus quoniam peccatum non habemus, ipsi nos seduci-
mus, & veritas in nobis non est. Qui autem dicitur
scire Deum, & mandata ejus non custodit, non agnoscit
Deum, & qui agnoscit Deum, custodit mandata ejus. Hæc est enim ca-
ritas Dei, ut mandata ejus custodiamus 46. a
- Apocal. 2. Dedit illi tempus ut paenitentiam ageret, & non vult peni-
tere a fornicatione sua 93. a
- c. 3. Suaevis illi credere a me aut non ignitum probatum, ut locu-
tus fuit 92. b
- Ecces, sta ad ostium, & pulsus. Si quis operaveris mihi jona-
nem intra abeo ad illum 32. a. 92. b. 181. a. 185. b
- c. 20. Qui non est scriptus in libro vite, missus est in stagnum ignis
238. b
- c. ult. Qui iustus est, iustificetur adhuc. 187. b

INDEX PRÆCIPUARUM RERUM QUÆ IN HOC OPERE EXPLICANTUR.

Numerus indicat paginam; A, primam illius columnam; B, secundam.

A *Acceptio personarum.*
Acceptio personarum in quibusdam prædestinandis, alius non item, nequaquam cernitur 327. a.

Accidens.
Accidens Eucharistiæ, quæ ratione fiant substantia in se 269. b.

Actio.
Actio immanens est actus secundus: non ita actio transiens 121. b.

Actio si a Deo auctore non sit, neque passio 142. a.

Actio moraliter mala non potest esse voluta a Deo, sed solum permessa: passio vero non mala, cum ea actione conjuncta, potest esse a Deo voluta 142. a.

Actiones supernaturales liberi arbitrii, etiam spectatæ præcise ut ab eo emanant, quo pacto in Deum referantur 330. b.

Actiones variæ ac termini ad imaginem depingendam 116. a.

Actuum humanarum triplex genus 258. b.

Actus.
Actus mali moraliter, materialive peccati naturalis bonitas, quatenus in Deum naturæ auctorem, primamque rerum causam, reduci debeat 141. a.

Actus arbitrii supernaturalis non solum quantitati auxilii gratiæ cooperantis responderet quoad intentionem, sed simul etiam quantitati influxus arbitrii 160. b.

Actus intellectus & voluntatis actiones sunt, terminorum sunt qualitates, ab eis formaliter solum distinctæ ac dependentes in conservari 152. b.

Actus supernaturales fidei, spei, & charitatis, eminenter continent actus naturales de eodem objecto, ac proinde habitus naturales producunt 153. b.

Actus supernaturalis quoad omnes suos gradus est talis, tamen quoad quosdam per accidens 153. b.

Actus supernaturalis ab una causa habet quod sit liber ab alia, quod sit supernaturalis, cum tamen sit totus ab unaquaque causarum: & quid in eo influxus illarum, qui sola ratione inter se distinguuntur 154. a.

Actus supernaturalis & naturalis de eodem objecto, unde distinguuntur specie 154. a.

Actum & habitum differentie, licet sint habitudines ad eadem objecta, cur differant 154. b.

Actus ejusdem potentie unde specie distinguuntur 155. b.

Actus apprehensivi potentiarum cognoscentium, pro diversitate materialium objectorum, distinguuntur specie 156. a.

Actus assensendi intellectus, unde specie distinguuntur 156. a.

Actus dilectionis, qui ultima dispositio est ad gratiam, num ejusdem speciei sit cum eo qui emanat postea a charitatis habitu 157. a.

Actus virium appetentium, ut immediate per actus, & mediate per objecta distinguuntur 157. b.

Actus voluntatis unde specie distinguuntur 157. b.

Actus voluntatis liber dicitur, non a libertate quæ in ipso sit, sed quasi denominatione extrinseca a libertate voluntatis 337. b.

Actus supernaturales nostri arbitrii a nobis habent quod liberi sint, & a gratia cooperante quod sint supernaturales 318. a.

Actus, quo influxu Dei & liberi arbitrii producitur in genere naturæ, producitur in genere moris 339. a.

Agens, & agere.
Agens liberum & naturale quid 8. a.

Agens actione immanente perfectior est dum est in actu secundo, quam dum est in actu primo: id vero locum non habet in agente actione transeunte 121. b.

Agente Deo necessitate naturæ eo præcise universali concursu, quo re ipsa agit, contingentia rerum salva maneret 146. a.

Agere nullo coadjuvante, cur virtutem omnem creatam excedat, sicut Dei proprium 108. b.

Agere Deum ex necessitate naturæ, & esse omni omnino ex parte omnipotentem, contradictionem implicat 145. b.

Æternitas.
Æternitati omnia simul coexistere, quo pacto defendi possit 201. b.

Æternitas ut temporis correspondeat, exemplo explicatur 209. b.

Affectio.
Affectio ad objectum, quatenus est voluntatis, & non liberi arbitrii, in nobis & in Angelis liberam volitionem solet antecedere 182. a.

Amens.
Amentes, & pueri aliqua efficiunt libere, & cur neque ad culpam, neque ad meritum eis imputentur 8. a.

Amentibus quando usus rationis adveniat, & num circa omnia objecta adveniat simul 10. b.

Amor.
Amor. Vide Dilectio, & Caritas.

Angelus.
Angelis integra remanserunt naturalia post peccatum 12. b.

Angelis & primis parentibus collata sunt supernaturalia, quibus vitam æternam promereri possent 19. b.

Approbatio.
Approbatio ad intellectum spectat, ac sæpe includit actum voluntatis 310. a.

Approbatio divina comparatione beatitudinis quid 310. b.

Approbatio prædestinationis est posterior 310. b.

Arbitrium.
Arbitrium. Vide Liberum arbitrium.

Assensus.
Assensus intellectus unde specie distinguuntur 156. a.

Attritio.
Attritio, quæ cum sacramento ad justificationem est satis, bonus est actus, ac Dei donum 55. a.

Attritio eadem evecta esse debet ad esse supernaturale, saltem per supernaturalem Dei timorem 55. b.

Attritio supernaturalis cum sacramento ad justificationem sufficiens quæ, & quomodo fiat 55. a. 185. a.

INDEX RERUM NOTABILIUM.

Augustinus.
 Augustini error, antequam ad fidem converteretur 4. b.
 Augustinus qua occasione scripsit libros de natura & gratia, & de correptione & gratia 5. b. & 6. a.
 Augustini error circa prædeterminationem, fideique initium, quem factus Episcopus retractavit 28. b.
Auxilium.
 Auxilium efficax ex se, & inefficax, qui constituent 239. b.
 Auxilia ex se efficacia constituenda non sunt, quæ inter prædestinatos & non prædestinatos discernant 255. a. & 329. a.
 Auxilia gratiæ quod efficacia sint, pendere ab arbitrio, quo pacto intelligendum 331. b.
 Auxilium sufficiens Deus nunquam denegat 405. a.
 Auxilia gratiæ conferunt Deus semper conantur ex suis naturalibus facere quod in se est 31. a.
 Auxilia gratiæ nulli, quantumvis scelerato, denegantur omnino 32. b.
 Auxilio aequali fieri potest ut unus vocatorum convertatur, & alius non 37. a.
 Auxilia gratiæ liberatæ non tollunt 38. a. 39. b.
 Auxilia gratiæ adultæ præstata, quod efficacia sint, habent dependentem a libero influxu arbitrii ejus cui præstantur 40. a. 329. a.
 Auxilium particulare, quo homo naturæ lapsæ eget ut efficaciter diligat Deum super omnia, diversum est ab eo quo justificatur, quotidianumque appellatur 48. a.
 Auxilia majora vel minora conferre consuevit Deus iustis, prout cautius & majori cum submissione se gerunt 64. a.
 Auxilia gratiæ nomine quid Patres adversus Pelagianos intelligant 15. b. 77. a.
 Auxilium particulare gratiæ preventivæ ad supernaturales actus, & concursus generalis, in quo differant 122. b. 171. a.
 Auxilio gratiæ preventivæ prius, scilicet natura, movet Deus, quam liberum arbitrium consentiat & cooperetur; secus autem concursu universalis 127. a. 171. b.
 Auxilia particularia quamquam gratiæ proprie dicantur 147. b.
 Auxilia per Angelos præstata, an inter gratiæ auxilia sint computanda 148. a.
 Auxilia sufficientis in efficax & inefficax divisio 165. a. 329. a.
 Auxilium sufficiens, quod efficax aut inefficax sit, pendet ab ejus arbitrio, cui præstatur 165. a. 166. b. 167. b. 329. a.
 Auxilia ad conversionem non sola gratiæ auxilia continent; tamen sine gratiæ auxilio nullus possit converti 165. b. 169. a.
 Auxilia majora vel minora, prædeterminationisque effectus, non pro qualitate usus liberi arbitrii prævisi, sed pro suo beneplacito conferunt Deus 322. b.
 Auxilia majora in lege scripta quam naturæ, & in lege gratiæ quam scripta, collata sunt 323. a.
 Auxilium efficax & inefficax ex ipsa auxilii natura quidam non recte constituent 328. b.
 Auxilio gratiæ minori potest quis adjuvus resurgere, quando alius majori non resurgit, durusque perseverat 406. b.
 Auxilium quotidianum, quo ad perseverandum in gratia indigemus, quod includat 148. a.
Beati.
 Beati ex solo intuitu divinæ essentiae, & determinationis voluntatis divinæ, cognoscere nequeunt ea futura, quæ pendunt ex arbitrio creato 231. b.
Bonum, & bonitas.
 Bonum opus morale, quod fini naturali sit accommodatum,

efficere potest homo naturæ lapsæ cum solo concursu Dei generali 17. a. b.
 Bonum, morale mere naturale commensurationem non habet ad beatitudinem supernaturalem 19. a.
 Bona opera, quæ meritoria non sunt, citò sint supernaturalia, interdum nihil, & reputantur, & dicuntur apud scripturam sacram 20. b.
 Bonum non reputat interdum Augustinus, nisi quod cum charitate est conjunctum, aut in suo ordine & gradu commensurationem cum beatitudine habet 20. b. 59. a. 71. a.
 Bonum opus morale difficile, an in uno temporis momento præstare possimus sine speciali auxilio Dei 67. a.
 Bona nostra opera, quæ a nostro pendunt arbitrio, ut Deus velit, tum conditionata, tum absoluta voluntate 140. b.
 Bonitas naturalis actus mali moraliter, materialiter peccati, quatenus in Deum naturæ auctorem, primamque rerum causam, reducenda sit 141. a.
 Bonus usus liberi arbitrii primam gratiam antecedens, neque causa, neque ratio est prædeterminationis 322. b.
 Bonus usus gratiæ jam acceptæ non est causa aut ratio prædeterminationis 325. a.
 Bonus usus liberi arbitrii totus, qui in effectu prædeterminationis includitur, duas causas partiales ac libera habet, a quarum quavis ita pendet, ut ea pro sua libertate non influente, omnino non sit 357. a.
 Bonus usus liberi arbitrii, etiam ut præcisè ab arbitrio emanat, quo pacto in Deum ipsum etiam referatur 357. b.
 Bonus usus liberi arbitrii simul est donum Dei, & dispositio, aut meritum nostrum 360. a.
 Boni usus liberi arbitrii singulæ partes a Deo & a nobis pendunt 360. a.
 Boni usus liberi arbitrii singulæ partes totæ sunt a Deo, & totæ ab arbitrio 360. b.
 Boni usus liberi arbitrii singulæ partes effectus sunt prædeterminationis, sed non ut præcisè spectantur quatenus a libero arbitrio emanant 360. b.
 Bonus usus liberi arbitrii, etiam quatenus ab arbitrio emanat, ut in Deum referatur 361. a.
 Bono usui liberi arbitrii quæ convenient propter influxum arbitrio proprium 362. a.
 Bona opera, quæ scripturæ & concilia fieri posse negant sine speciali auxilio Dei, quæ sint 20. b.
Caritas.
 Caritas vita est spiritualis animæ 189. b.
 Caritas qua ratione uniat perfectè Christo ut homini 189. b.
 Caritas unio per actum, quæ 189. b.
 Caritatis & gratiæ habitus operativus est, idque naturæ necessitate, quantum est ex se 192. b.
 Caritatis & gratiæ habitus non concurret efficienter ad ultimam dispositionem ad gratiam, hoc est, ad contritionem, & dilectionem 191. b. 193. b.
 Caritatis & gratiæ habitus cur contritionem meritoriam reddant gloriæ, non vero gratiæ, in primo justificationis instanti 194. a.
 Caritatis actus, qui ultima dispositio est ad gratiam; num distinctus specie sit ab actu, quo postea a caritatis habitu emanat 197. a.
 Caritatis actus ab habitu supernaturali emanans, distinctus est specie ab actu charitatis naturalis de eodem objecto, estque in objecto diversæ ratio sub qua, comparatione utriusque actus 358. a.
 Caritas. Vide Dilectio, & Gratia.

Castitas.

INDEX RERUM NOTABILIUM.

Castitas.
Castitatem servare non possumus absque speciali auxilio Dei 65. a.

Catharinus.
Catharini de prædestinatione sententia 377. a.

Causa.
Causæ secundæ cum Deo cooperantur ad suos effectus 106. b.
Causa prima immediate operatur cum omni causa secunda 107. a.
Causæ primæ proprium a nulla alia pendere in productione & conservatione suorum effectuum 108. a. b.
Causa prima per concursum generalem, & secunda per particularem, agunt eadem numero actione, utriusque concursus rationem habente 108. a.
Causa secunda, ut ignis, sine sui mutatione calorem inducit 108. b.
Causarum instrumentalium duo genera: unum quod non agit immotum; aliud quod sine sui mutatione agit 109. a.
Causa prima generali concursus, non insluit in secundam, sed cum secunda in effectum 109. b.
Causæ primæ concursus generalis a particulari causæ secundæ determinatur ad speciem actionis, & effectus, neuterque superfluit 110. b.
Causa prima per concursum generalem, & secunda, quodammodo partes, & quodammodo integræ causæ sunt effectus 112. b.
Causa prima & secunda partiales causæ sunt, partialitate causæ, non vero effectus 112. b.
Causæ essentialiter subordinatæ non semper ita sunt affectæ, ut superior moveat inferiorem 113. a.
Causa nulla secunda, etiam supernaturalis, producere potest actionem aut effectum sine concursu Dei generali 108. a. 112. a.
Causa prima cur Deus dicatur comparatione effectuum causarum secundarum 127. a.
Causam peccati non esse Deum demonstratur 127. b.
Causa peccati cur Deus non sit, quam rationem plerique antiquorum reddiderint 130. a.
Causa peccati cur Deus non sit, legitima ratio 132. a.
Causa prima quatenus Deus sit earum actionum, & effectuum, qui necessitate nature producuntur, propriæ sunt causarum secundarum 135. a.
Causarum subordinatarum quædam eodem influxu, aliæ diverso agunt 119. a.
Causæ influxus in effectum, quid 136. b.
Causæ agentis sine ullo suo proprio influxu, & cum suo peculiari influxu discrimen 136. b.

Certitudo.
Certitudo divinæ scientiæ circa contingentiā futurā unde proveniat 236. a. b.
Certitudinis fidei prima radix quæ 151. b.
Certitudo qua ratione sit in fide naturali hæretici circa ea in quibus non errat, qua non item 151. b.
Certitudo quid 152. b.
Certitudo non est differentia essentialis fidei supernaturalis 152. b.
Certitudo quæ ex parte subiecti, & quæ ex objecto 153. a.
Certitudo divinæ scientiæ quod creatum arbitrium peccabit, unde proveniat 248. b.
Certitudo futurorum contingentium ex hypothesi, seu sub conditione, est mediæ scientiæ in Deo constituendæ 249. a. b.

Certitudo divinæ scientiæ circa futura contingentiā, unde proveniat 261. b.
Certa non sunt futura contingentiā, quæ ab humano arbitrio pendent, ex solo ordine divinæ providentiæ, si scientiam mediam secludas 262. b.
Certitudo quod confirmatus in gratia lethaliter non peccabit, ad certitudinem divinæ præscientiæ reducitur 268. b. 318. a.
Certitudo effectus prædestinationis, quæ est comparatione præscientiæ, cur non tollat arbitrii libertatem, ut colligeret si esset comparatione divinæ voluntatis 384. a.
Certitudo, & inevitabilitas effectus, non item sunt; neque ex certitudine recte inevitabilitas colligitur 302. b.

Christus.
Christus promeruit, & obtinuit, ut nulli, facienti quod in se est, denegaretur auxilia sufficientia 32. a. 33. a. b.
Christus ruinæ generis humani perfectus reparator 397. b.
Christus caput Ecclesiæ 398. b.
Christi meritis ex dispositiones in Ecclesiā effectus sunt, quæ ad ejusdem Christi adventum spectabant 399. a. b.
Christi meritis legibus quibusdam a Christo, quoad eorum applicationem, ex patris voluntate alligata sunt: in multisque applicationem eorum solo patris arbitrio reliquit 399. b.
Christi Redemptoris necessitas 19. a.
Christus prædestinatorum primus 339. b.
Christum, dum viator erat, peccare, contradictionem implicabat, & tamen libere non peccabat 269. b.
Christi opera unde meritum habebant infinitum 270. a.
Christus præcise spectatus cum gratia unionis, seclusis aliis donis, similis cæteris hominibus fuisset, quoad libertatem, motus, & rebellionem sensualitatis, ac cæteras humanas miseras 270. a.
Christo, interim dum erat viator, cur relicta fuerit libertas ad transgredienda præcepta, & ad nonnulla alia 270. b.
Christi voluntas capax fuit doloris & tristitiæ 270. b.
Christus liber fuit ad transgredienda præcepta, certus quod transgressurus ea non esset 270. b.
Christus qua ratione spectatus peccare nullo modo potuit 271. a.
Christi mors in præcepto illi fuit, & non solum spontanea, sed etiam libera, contradictionis aut etiam contrarietatis libertate 271. b.
Christus prædestinatorum fuit primus, prædestinatioque ipsius prior fuit cæterorum hominum prædestinatione 350. a.
Christus simpliciter est dicendus causa nostræ prædestinationis 399. a.

Chrysostomus.
Chrysostomi error (sine sua culpa) circa gratiam 176. b.

Cognitio.
Cogitationes, quæ illustrationes sunt gratiæ prævenientis, ab intellectu ipso, tanquam a parte causæ, efficiuntur 181. b.

Cognitio.
Cognitio intellectus qualis sufficiat ad libertatem, & ad peccatum ac meritum 197. b.
Cognitio qualis in brutis sufficiat, ut in eis sit libertatis voluntas 197. b.

Compositus sensus & divisus.
Compositus sensus & divisus quales inserviant ad arbitrii suam libertatem tuendam, quales non item 248. a. 252. b. 385. b.
Compositus

INDEX RERUM NOTABILIUM.

Compositus sensus & divisus quando locum habeant 169. a.

Comprehensio.

Comprehendatur ut res aliqua, necesse non est cognoscere id esse futurum quod sub potentiam illius cadit 247. b.

Conciliatio.

Conciliandi liberum arbitrium cum gratia, praescientia, providentia, praedestinatione ac reprobatione, quae ratio probanda 2. b.

Concilium.

Concilia antiqua, & Patres, de quibus credendi, sperandi, diligendi, ac penitendi ritibus cum Pelagianis contrebant 57. a. 59. b.

Conciliis assuit Spiritus sanctus, ne in definitionibus errant, cooperationem tamen & industriam Ecclesiae exigit: Et cur definitiones uno tempore, quam alio, exactiores ac dilucidiores sint 59. a. b.

Conciliorum est interpretari, atque exactius definire, quae in prioribus aliis definita sunt 59. b.

Concurfus.

Concurfus generalis cum causa secunda in effectum, non est influxus in causam, ut mota agat, sed in effectum immediate 109. b. 122. a.

Concurfus Dei generalis ad omnem actionem & effectum, quae necessitas 109. b.

Concurfus neque generalis Dei, neque particularis causae secundae, superfluit 110. b.

Concurfus Dei generalis a particulari causae secundae determinatur ad speciem actionis & effectus 110. b. 124. a. 132. a.

Concurfus generalis sine particulari causae secundae nihil producere valet, aut e contrario: mutuoque hi duo influxus, ut existant, ex se dependent 111. a.

Concurfus generalis & particularis non sunt duae actiones, sed una numero 111. a. 133. a.

Concurfus generalis quid 111. a.

Concurfus generalis Dei, & universalis Solis, in quo differant 111. b.

Concurfus Dei generalis qualis in se sit, & quo pacto a Deo emanet 111. b.

Concurfus Dei generalis usque adeo causis secundis ad agendum est necessarius, ut nulla, etiam supernaturalis, sine eo quiequam possit producere 122. a. 149. b. 168. b.

Concurfus Dei generalis cum causa operante actione immanente, non est concurfus in causam, quia agens est, sed quatenus suscipit in se actionem & effectum 122. a.

Concurfus generalis, & auxilium particulare, quod preveniens gratia ad effectum supernaturalem nuncupatur, in quo, praeter alia, differant 122. b. 171. a. b.

Concurfus generalis non est influxus in causam secundam, sed cum illa in effectum; neque efficax est, ut sine causa secunda producat effectus: contrariaque assertio multis erroribus animum praebuit 123. a. b.

Concurfus Dei generalis cum libero arbitrio quo exemplo perperam explicetur 125. b.

Concurfus generali non prius Deus concurrit ad effectus, quam causa secundae, aut e contrario: secus dicendum est de auxilio gratiae prevenientis 157. a. 171. a.

Concurfus generali cum quo viribus arbitrii producit materialis actus boni moraliter, aut peccati, producit actus ipse bonus moraliter, aut peccatum 135. b.

Concurfus tantum generali, quem nunc adhibet, agente Deo ex necessitate naturae, rerum contingentia salva maneret 146. a.

Concurfus Dei generalis, praeter influxum liberi arbitrii & gratiae prevenientis, requiritur ad actus ad justificationem necessarios 149. b.

Concurfus Dei generalis ad quamcunque actionem non malam non est duplex, ut quidam arbitrantur, sed simplex duntaxat 113. b.

Concurfus Dei generalis, si esset influxus in causam, igitur commoveretur quando calefaceret 115. a.

Concurfus Dei generalis diversus numero est ad diversas numero ejusdem agentis actiones 115. b. 117. a.

Concurfus generali agens Deus, & particulari causa secunda, recte parciales causae comparatione effectus possunt appellari 119. a.

Concurfus efficacem ex se & inefficacem qui constituent 239. b.

Confirmatio in gratia.

Confirmatio in gratia & praeservatio ab omni culpa in quo sint posita 268. b.

Confirmatus in gratia.

Confirmatus in gratia peccatum non esse lethalius, ad certitudinem divinae praescientiae reducitur 268. b.

Confirmatorum in gratia certitudo, quod non peribunt, unde proveniat 318. a.

Consensus liberi arbitrii.

Consensus liberi arbitrii Deo excitanti & vocanti, quid 42. a. 163. b. 167. a.

Consensus gratiae prevenientis actus est supernaturalis 164. a. 167. b.

Consensum nostrum determinat influxus gratiae ad actum supernaturalem, ac proinde ad distinctam speciem 339. a.

Conservatio.

Conservat Deus effectus omnes immediate 167. b.

Consilium.

Consilium quale in Deo 307. b.

Contingentia, & contingens.

Contingentia rerum lato aufertur 3. b.

Contingentia rerum salva maneret, licet Deus eo tantum concursu universalis, quem nunc adhibet, ex necessitate naturae influeret 146. a.

Contingens duobus modis dici potest complexio aliqua: posteriori fatalem necessitatem excludit 196. a.

Contingentiae radix totius universi, earumque ejusdem partium, quae a solo Deo productae sunt & conservantur, in solam Dei liberam voluntatem referenda est: tamen si Deus contingens horum causa dicendus non sit 196. b.

Contingentia qua ratione tolleretur, si fatali necessario effectus causarum secundarum evenirent 198. b.

Contingentiae radix proxima & remota effectuum causarum secundarum, quae 199. a.

Contingentes non omnes effectus immediate emanant a proxima radice contingentiae 199. a.

Contingentiae an dari possit alia proxima ratio 199. b.

Contingentiae effectuum ad ordinem gratiae spectantium quae sit radix 200. a.

Contingentium futurorum esse in Deo certam scientiam ex rationibus idealibus, crediderit ne D. Thomas 205. b.

Contingentia futura non prius existunt in aeternitate, quam in tempore: neque ex eorum existentia in aeternitate colligi potest praescientia de illis divina 209. b. seq.

Contingentia rerum ut cum praescientia concilietur, triplex scientia distinguenda est in Deo 227. a.

Contia-

INDEX RERUM NOTABILIU M.

Contingentia rerum & præscientia Dei qua ratione coher-
ant 234. a

Contingentia futura. Vide, Futura contingentia.

Contingentia futura ex hypothesi seu conditionata quæ a
Deo cognoscuntur, quomodo ex quorundam sententia, &
quomodo juxta veritatem 241. a. 248. b. 249. a

Contingentia futura non sunt determinate vera 230. b. 242. b

Contingentium futurorum ex hypothesi seu ex conditione,
certitudo est præscientiæ mediæ 249. b

Contingentiæ radicem quæ divinum solum liberum arbitri-
um habeant 257. b

Contingentiæ radicem propriam quæ habeant divinum arbitri-
um, & simul ab alia radice pendent 258. a

Contingentiæ radicem propriam quæ habeant arbitrium
creatum 258. b

Contingentia futura ab humano arbitrio pendentia certa non
sunt ex solo ordine divine providentiæ, si scientiam me-
diam seculas 262. b

Contritio.

Contritio & attritio ut a Deo & a libero arbitrio simul effici-
antur 30. a. 150. a. 163. b

Contritionem & attritionem elici posse, quoad solam actus
substantiam, cum solo concursu generali Dei, affirmat
communior Scholasticorum sententia, & an sit amplecten-
dum 43. b. 78. b. 79. b

Contritio, etiam supernaturalis, non includit dilectionem
Dei super omnia efficacem, propositumve efficacem non pec-
candi lethaliter, sed absolutum duntaxat 51. a

Contritio, etiam supernaturalis, non indiget tali proposito
non peccandi lethaliter, quod, si tunc difficiles tentationes
occurrerent, peristeret 51. b

Contritio & attritio, etiam supernaturales, conditionale
quodammodo propositum non peccandi lethaliter requi-
runt, divino videlicet auxilio innitendo 52. a

Contritio ab influxu arbitrii habet quod sit dolor, a Deo vero
tanquam a particulari causa habet quod sit dolor speciei
supernaturalis 136. b. 150. a

Contritionem solet antecedere timoris affectus 56. a

Contritionis actus, præter influxum gratiæ prævenientis &
liberi arbitrii, indiget concursu generali 150. a

Contritionis actus, & quivis alius supernaturalis liberi nostri
arbitrii, non soli gratiæ cooperanti respondet quoad inten-
sionem 160. b

Contritionis motus, qui ultima dispositio est ad gratiam, quis
sit, & quomodo fiat 184. b

Contritio cur interdum minus ab eo percipiatur, qui illustri-
orem eam habet 179. a

Contritionem cur habitus caritatis ac gratiæ meritoriam red-
dat vitæ æternæ, & non gratiæ in primo justificationis in-
stanci 194. a

Conversio.

Conversio infidelium multum pendet a qualitate ministri-
um Evangelii 29. a

Conversio infidelis, aut peccatoris adultæ, non soli gratiæ
prævenienti tribuenda est 37. b. 38. a

Credere.

Credendi initium, aut saltem oportet, a solo Deo est per
gratiam prævenientem 28. a

Credendi, sperandi, diligendi ac penitendi actus, de quibus
concilia & Patres cum Pelagianis contendeant, quales
erant 57. a. 58. b. 59. b

Credendi, sperandi, ac penitendi actus, præter influxum

prævenientis gratiæ, & liberi arbitrii, indigent concursu
Dei generali 149. b

Credere. Vide, Fides.

Culpa.

Culpa, Vide, Peccatum.

Deliberatio.

Deliberatio qualis præcesserit omnem actum liberum volun-
tatis divinæ 345. b

Deliberatio est notitia quanta sufficit ex parte intellectus ad
actus voluntatis liberos 9. a

Deliberatio intellectus quanta sit necessaria ac sufficiens ad
lethale peccatum & meritum 197. b

Deserere.

Deseri peccatorem a Deo quid 404. b

Despectio, & Despectus.

Despectio, qua Deus despicit, quid 404. b

Despectus a Deo an corrigi possit 412. a

Despectio libertatem arbitrii a reprobo non auferit, ut con-
verti, vitamque æternam, si velit, assequi possit 412. b

Determinatio voluntatis.

Determinat voluntas seipsam ad actum 337. b. 338. b

Determinat voluntatis ad actum quid 349. a

Devotio.

Devotio essentialis, & vera, quæ 179. b

Devotio sensibilis quæ, & quantum adjuvet 179. b

Devotionis sensibilis donum cur sapie, etiam a iustis & dile-
ctis, auferatur 107. b

Deus.

Deus operatur immediate cum omni causa secunda 107. a

Deus cur causa prima dicatur computatione effectuum cau-
sarum creaturarum 127. a

Deus non esse causam peccati demonstratur 127. b

Deus cur peccati causa non sit, quam rationem perique an-
tiquorum reddiderint 130. a

Deus non potest precipere peccata, neque ad malas actiones
inclinare, aut eas suadere, vel prædestinare 129. b. 130. b

Deus cur peccati causa non sit 131. a

Deus ut comprehendat sapientes in astutia sua 282. a

Dilectio.

Dilectio efficax Dei super omnia exigit observationem man-
datorum omnium sub lethali culpa obligantium 46. a

Diligere Deum super omnia efficaciter dilectione, etiam natu-
rali, non potest homo naturæ lapsæ sine speciali auxilio
Dei 46. b

Dilectio efficax Dei super omnia, naturalis una, supernatu-
ralis altera, & quam observationem mandatorum earum
quæque includat 47. b

Dilectione efficaci, etiam supernaturali, potuerunt homines
status innocentie cum solo concursu generali diligere
Deum super omnia 47. b

Diligere efficaciter Deum super omnia non potest homo na-
turæ lapsæ absque speciali auxilio Dei, etiam si in gratia
sit constitutus 48. a

Dilectio efficax Dei super omnia diverso auxilio eget in ho-
mine naturæ lapsæ ab eo, quo is justificatur 48. a

Dilectio efficax Dei super omnia non est simplex actus 48. b

Dilectio Dei efficax in statu innocentie a solo libero homi-
nis arbitrio pendebat: in statu autem naturæ lapsæ simul
pendebat particulari auxilio Dei 49. a

Dilectio absoluta & inefficax Dei super omnia, etiam super-
naturalis, concedenda est media inter efficacem dilectio-
nem & velicetatem 49. a

Diligendi

INDEX RERUM NOTABILUM.

Diligendi & penitendi actus, de quibus concilia & Patres cum Pelagianis contendeant, quales erant. 57.a. 58. a. 59. b
Dilectio. Vide, Caritas.

Dispensare.
Dispensare in præceptis decalogi, in quo sensu Deus non possit 131. a

Dispositio.
Dispositio tam in mente artificis, quam in rebus quid 289. a

Ecclesia.
Ecclesie regimini ac conatui, usus arbitrii nostri, ut Deus magna ex parte accommodaverit leges distribuenti gratie dona 22. a. 30. b. 183. a
Ecclesie Evangelice ministrorum qualitas multum conducit ut infideles ac peccatores convertantur 29. a
Ecclesia a lapsu primorum parentum unum corpus mysticum, cuius caput Christus qua homo 189. a

Efficacius.
Efficacius, etiam supernaturales, quos Deus facere potest per causas secundas, non conseruit efficere per seipsum solum 163. a

Effectum esse certo, & esse inevitabiliter eventurum, non idem sunt: neque ex certitudine illius inevitabilis colligi recte potest 302. b

Effectus parciales prædestinationis quo pacto sibi invicem sint causæ 326. b

Effectus prædestinationis sunt partes singule boni usus liberi arbitrii, sed non ut præcise ab arbitrio emanant 360. b

Effectus prædestinationis certus non est per comparationem ad id quod prædestinatio dicitur ex parte divine voluntatis, si secludas quod dicitur ex parte divini intellectus 383. a

Effectus prædestinationis certitudo comparatione præscientie cur modo non tollat arbitrii libertatem, ut eam tolleretur esset comparatione divine voluntatis 384. a

Effectus prædestinationis dicitur aliquid comparatione Dei, non vero cuiusvis alterius causæ 359. a

Effectus fortuiti, ut comparatione Dei tales non sint, satis est ab eo esse prævisos. 297. b

Electio.
Electio prædestinandorum non antecessit rationem mediorum in finem, quam prædestinatio ex parte divini intellectus dicitur 307. a

Electio non antecessit prædestinationem 307. b

Electio duplex in Deo meditando: una, quæ in prædestinatione includitur; alia quæ prædestinatione est posterior 310. b

Electio.
Electio ad beatitudinem non est in Deo ante prædestinationem 307. b. 353. a

Error.
Error quid 310. a

Error I' ulli circa præscientiam & divinationem futurorum contingentium 3. a

Error facti auserentium arbitrii libertatem 3. a

Error Manicheorum circa arbitrii libertatem 4. b

Error Pelagianorum 5. a. 57. a

Error Lutheri & aliorum asserentium Deum esse causam peccati 127. b

Eucharistia.
Eucharistia accidentia qua ratione fiant subsistentia in seipsis 269. b

Evitabile.
Evitabile & inevitabile medium non habent comparatione ejusdem effectus 302. b

Existentia.
Existentia rerum omnium simul in æternitate quo pacto defendi possit 201. b
Existentia rerum non prius est in æternitate, quam in tempore 209. b

Faciens quod est in se.
Faciens continere ex suis naturalibus facere quod in se est, semper Deus præstat auxilia gratiæ prævenientes 31. a. 405. b
Fatum, fatalisque necessitas.

Fato libertatem arbitrii qui abtulerint 3. a

Fatum, fatalisque necessitas, quid 3. a

Fato providentiam qui abtulerint 3. b

Fati assertio in qua acceptione errorem non contineret: verum neque in ea fati nomen usurpandum 3. b

Fatali necessitati Plato & Stoici omnia, præter humanam voluntatem, subicere 3. b

Fatum qui heretici asseruerint 4. a

Fati assertio adversus quos damnata 4. a

Fatalem absolutamque necessitatem qui asseruerint 5. b

Fatum neque consequentia certitudinem habet comparatione divine providentiæ, si præscientiæ secludas certitudinem 296. a

Fides.
Fidei catholice rebus ut, tanquam revelatis, quocunque actu assentiamur, necesse est doceamur revelatas esse 21. a

Fidei actus quoad substantiam, id est, mere naturalis, elici potest cum solo concursu Dei generali 22. b

Fidei assensus licet quoad actus substantiam elici possit sine speciali auxilio Dei, sepe tamen speciale auxilium confert, non solum ut assensus qualis ad salutem oportet eliciatur, sed etiam omnino ut eliciatur 25. a

Fidei supernaturalis assensus qua præveniente & excitante gratia ex parte intellectus & voluntatis indigeat 26. a. 182. b

Fidei actus & vocationem & trætationem divinam exigit, & liberum arbitrii influxum 26. a

Fidei supernaturalis habitus quam dispositionem consequatur 26. a. 184. a

Fidei habitus in intellectu residet; adjunctumque habet alium habitum infusum in voluntate, & cur eo indigeat 26. a. 27. b. 184. a

Fidei supernaturalis habitus satis est cum solo concursu Dei generali ad actum credendi supernaturalem eliciendum 26. a. 184. a

Fides gratia præveniente indiget ex parte voluntatis, quæ in ipsa recipiatur 27. a

Fidei habitus supernaturalis qua necessitate constituitur 27. b

Fidei initium a solo Deo est per gratiam prævenientem 28. a

Fidem ut infidelis fuscipiat, quantum a qualitate ministrorum Evangelicorum, conatibus Ecclesiæ pendeat 29. a

Fidem cur ordinariæ non fuscipiant, qui de ea nihil audierunt: cum tamen facienti, quod in se est, Deus gratiam non denegat 29. a

Fidei promulgatori diversis temporibus facta 29. b

Fidem licet nullus comparare possit, nisi a Deo præveniens, & interior vocatus, cur tamen peccent, qui audientes Evangelium, nec sentientes se interius vocatos, illud non amplectuntur 36. a

Fidem cur quidam ex audientibus Evangelium fuscipiant, alii non item 36. b

Fides quibus auxiliis gratiæ egeat 25. b. 37. b. 39. b. 183. a. b

Fides opus Dei & nostrum 38. b. 39. b

Fides

INDEX RERUM NOTABILIUM.

Fides Dei donum 39. a
Fides ut fuscipitur, cur multum adjuvent miracula 165. b
Fide mystice unimur Christo tanquam membra in corpore 189. b
Fidei quæ ratione iustificatio tribuitur 190. b
Fidem initium, ac fundamentum esse justificationis, explicatur 190. b
Fidei, spei, caritatis & gratiæ insuli habitus operativi sunt, idque necessitate nature, quantum ex ipsis est 192. b
Fide & spe supernaturalibus ipsiati sunt demones simulatque peccaverunt 397. b
Fides Adam statim post peccatum extensa est ut esset fides in Christum 397. b
Fidei certitudinis prima radix quæ 151. b
Fides hereticis naturalis circa ea, in quibus non errat, quæ ratione certa, quæ non item 151. b
Fides supernaturalis ob influxum Dei particularem distinguitur specie a fide naturali de eodem objecto 152. a
Fide naturali cur tam firmiter adherere potest aliquando hæreticus, quam aliquis Catholicus fide supernaturali adherat 152. a
Fidei supernaturali non est differentia intrinseca certitudo 152. b
Fidei supernaturalis actus a naturali de eodem objecto quo pacto distinguatur specie per habitudinem ad objectum sub alia ratione sub qua 157. a
Fidei actus primus, qui est dispositio ad habitum, supernaturalis est ex peculiari influxu Dei: & non specie distinctus ab acta qui postea ab habitu emanat 157. a
Fides. Vide Credere, & Vocationem ad fidem.
Fortuiti effectus.
Fortuiti effectus, ut comparatione Dei tales non sint, satis est a Deo esse prævidos 297. b
Futurum contingens.
Futurorum contingentium esse in Deo certam scientiam ex rationibus etiam idealibus, crediderit ne D. Thomas 205. b
Futura contingentia ante eorum existentiam quo pacto cognoverit Deus, prius ex hypotheli, postea ab solute 207. a
Futura omnia contingentia cognosci a Deo in sola determinatione libera suæ voluntatis, tanquam in radice unica contingentia, ut error adversus Scotum improbat 213. b
Futura contingentia quomodo cognoscantur a Deo ante determinationem suæ voluntatis, & post illam 216. a
Futura contingentia cognoscendi, idcas, essentiamque divini esse rationem objectivam, in quo sensu sit verum 217. a
Futura contingentia quo pacto certa & immutabili scientia cognoscatur a Deo, libertate arbitrii & contingentia rerum illarum: eo quod certitudo non ex objecto, sed ex altitudine eminentiæque cognoscentis proveniat 223. a
Futurorum contingentium præscientia est in Deo 226. b
Futura contingentia non quia sciuntur a Deo, ideo sunt futura, sed e contrario; & quomodo a Deo præsciuntur 232. a
Futura contingentia sciuntur certo a Deo certitudine proveniente, non ex objecto, sed ex nobilitate cognoscentis 236. b

Gratia.

Gratia major collata est per Christum, quam fuerit in statu innocentie 170. a
MOLINA.

Gratia præveniens & excitans ad fidem quæ 27. a. 183. a
Gratia præveniente ad fidem indiget voluntas, quæ in voluntate ipsa recipiatur 27. a
Gratia præveniens ad credendum non habirus, sed illustratio est intellectus, & motio ac affectio voluntatis per auxilia particularia, nec permanet 27. a. 183. a. 184. a
Gratia præveniens ex solis Christi meritis & liberalitate Dei confertur 28. a
Gratia non tollit, sed supponit ac perficit naturam 28. b. 183. a
Gratiæ dona licet Deus distribuat ut vult, leges tamen ordinatas eadem distribuendi nisi liberi arbitrii hominum, regimini quæ Ecclesiæ, magna ex parte accommodavit 28. b. 183. a
Gratiam prævenientem ad credendum Deus ordinarie non tribuit, nisi prævia aliunde notitia eorum quæ fides docet 28. b. 183. a
Gratia ad poenitentiam præveniens quantum ab arbitrio ejus, qui iustificatur, & a ministris Ecclesiæ pendet 30. a
Gratia præveniens ad contritionem & attritionem, quæ 30. a. 64. a. 184. b
Gratiæ prævenientis auxilia confert Deus semper conanti facere ex suis naturalibus quod in se est 31. a
Gratiæ auxilia nulli, licet scelerato, denegantur omnino 32. b
Gratiæ fidei prævenienti tribuendum non est, quod ex duobus audientibus Evangelium unus convertatur, alius non 37. b
Gratiæ auxilia libertatem non tollunt 38. b. 39. a. b
Gratiæ auxilia, quod efficacia sunt, habent dependentem ab arbitrii libertate 40. a
Gratiæ & caritatis habitus sine alio auxilio cur non sufficiant ad perseverandum sine culpa lethali 74. b
Gratiæ auxilii nomine quid Patres adversus Pelagianos intelligent 15. b. 77. a
Gratiæ non potest dari tantum incrementum in homine, quin ad majorem gratiam possit devenire 85. a
Gratiæ prævenientis ac cooperantis morus libero arbitrio necessitatem non imponunt, ut se ad Deum convertat 147. a
Gratiæ auxilia quæ proprie ex particularibus dicantur 147. b
Gratiæ præveniens, liberum arbitrium & concursus generalis Dei, includuntur in integra causa actuum qui ad justificationem sunt necessarij 149. a. b
Gratiæ præveniens res est realiter distincta ab actibus ad quos liberum arbitrium excitat 149. b
Gratiam prævenientem potest Deus suo immediato influxu in æquus justificationis supplere 150. a
Gratiæ præveniens cum solo libero arbitrio & concursu Dei generali sufficit ad credendum, sperandum & poenitentiam 159. b
Gratiæ præveniens & cooperans seu coadjuvans sunt una & eadem diversimode spectata 159. b. 162. b. 167. b. 168. a. 171. b
Gratiæ præveniens est instrumentum Dei, quo cum arbitrio cooperatur actus quibus iustificamur 162. a
Gratiæ præveniens, ut cooperetur actus justificationis, pendet a cooperatione liberi arbitrii 162. b. 170. a
Gratiæ prævenienti consentire quid 163. b
Gratiæ prævenienti consentire, est actus supernaturalis 164. a. 167. b
Gratiæ præveniens non potest habere rationem gratiæ cooperantis, quin arbitrium convertatur: & tamen in sensu diviso, quando habet rationem cooperantis, potest arbitrium non converti 170. a. b
H h h
Gratia

INDEX RERUM NOTABILIUM.

Gratia præveniens quid: liberum relinquit arbitrium ad
consensum 257. a
Gratia præveniens quæ majus beneficium ac major simpli-
citer, datane Luciferi, an data minimo prædestinatorum
Angelorum 401. a
Gratia præveniens quam late sumatur 401. a
Gratia præveniens major entitative simpliciter melior, ac
majus beneficium, esto culpa accipientis inefficax red-
datur 401. a
Gratis, quoad id unde rationem prævenientis fortitur, præ-
venit influxum liber arbitrii ad actum supernaturalem:
quoad id vero unde rationem cooperantis nanciscitur, non
item 171. b
Gratie cooperantis rationem habent habitus fidei, spei, &
caritatis, comparatione actuum, qui ab ipsis & ab arbitrio
emanant 172. b
Gratie prævenientis, operantis, cooperantis, & subsequen-
tis variz acceptiones 173. a
Gratia operans & cooperans quo pacto ab Aug. accipiuntur
173. a
Gratia subsequens & præveniens, quæ 174. b
Gratiam non prævenire nostrum arbitrium, sed subsequi,
falso, sed sine culpa, credidit Chrysostomus 176. b
Gratie motus interdum experientis deprehenduntur 177. b
Gratie motus cur sæpe non deprehendantur ab illis, qui eos
recipiunt 178. b
Gratie motus cur interdum sint admodum debiles 178. b
Gratie motibus aliquando solum intellectum ac voluntatem
tangit Deus, non autem partem sensitivam devotionis
dono efficit 178. b
Gratie devotionis sensibilis donum, atque etiam devotionis
essentialis, quid 178. b, 179. b
Gratia ac verus professus unde judicanda 179. a
Gratie motus cur facile credi possint, qui tales non sunt:
esto autem tales essent, cur inde non sumitur signum cer-
tum gratiæ gratum facientis 180. b
Gratie prævenientis motus efficienter etiam sunt ab intel-
lectu & voluntate in quibus resident 181. b, 260. a
Gratie prævenientis affectus quo pacto concurrente simul
voluntate fiant 182. a
Gratie prævenientis motus, totusque justificationis diseu-
sus, ut a Deo & a nobis procedat 182. a
Gratie prævenientis motus actiones sunt vitales: qui ita
sunt, & quo pacto fiant 182. b, 183. a
Gratie prævenientis motuum ac justificationis ordo 183. a
Gratie præveniens ad actum spei, quæ 184. a
Gratia non concurret ad actum liberi arbitrii, qui ad eam est
dispositio 185. b
Gratia gratum faciens unde dicta 183. a
Gratia vita spiritalis animæ 189. b
Gratia prima submeritum non cadit 190. b
Gratia a confirmatis in ea non aufert libertatem ad peccan-
dum: sed certitudo, quod non peccabunt, est a divina
prescientia, quæ de confirmatis revelatur 318. a
Gratia prima licet Christi meritis nobis conferatur, est tamen
donum simpliciter gratuitum comparatione nostri 400. b
Gratie auxilio minori potest unus pro sua libertate resur-
gere, quando alius pro sua etiam libertate majori auxilio
perleverat durus 406. a

Gubernatio.

Gubernatio quid 289. a

Habitus.

Habitus qualitates sunt re distinctæ ab actibus, quibus pro-
ducuntur, atque illorum sunt veri effectus 152. a
Habitus supernaturales fidei, spei, & caritatis, neque quoad
augmentum ab actibus attinguntur 151. b
Habitus naturales producant, supernaturales actus fidei,
spei, & caritatis 151. b
Habituum & actuum differentie, licet sint habitudines ad
eandem objecta, cur diverse 154. a, b
Habitus principiorum in eadem disciplina unde specie
distinguantur 156. a
Habitus naturalis, etiam per accidentis infusus, cur diver-
sitate in actu potentie non efficiat 156. b
Habitus supernaturalis, seu per se infusus, diversitatem spe-
cificam in actu potentie efficit 156. b
Habitus supernaturalis charitatis influens cum potentia,
distinctum specie actum efficit a naturali, cerniturque in
objecto distincta ratio sub qua comparatione utriusque
actus 158. a
Habitus Theologalium virtutum satis fiant cum concursu
Dei generali ad supernaturales actus efficiendos 26. a
Habitus Theologalium virtutum per illustrationes & auxilia
transcendentia donorum sapientie, intellectus, consilii, pie-
tatis, &c. ad suos actus ferventius efficiendos adjuvantur
27. b
Habitus gratiæ & caritatis, sine speciali alio auxilio, cur non
sufficiant ad perseverandum sine culpa lethali 75. a
Habitus Theologalium virtutum operativi sunt, idque natu-
ræ necessitate, quantum est ex se 292. b
Habitus, sive naturales sunt, sive supernaturales, pendunt
in agendo a cooperatione potentiarum in quibus resident
193. a
Habitus proprius agendi ac influendi modus, quis 193. a
Habitus cur utamur quando volumus, seu pro nostri arbi-
trii libertate 193. a
Habitus, in quo instanti primo est, potest concurrere ad
actum, modo natura antecedit influxum potentie ad
eundem actum: secus si potentie influxus natura an-
tecedat 193. a
Habitus Angelis & primis parentibus infusi, actus in primo
instanti elicerunt 193. a
Habitus acquisiti non cooperantur in instanti, in quo primo
generantur, sed in continuatione postea actus 193. b
Hæreticus.
Hæretici fides naturalis circa ea, in quibus non errat, qua
ratione certa, qua non item 151. b
Hæreticus cur fide naturali possit aliquando tam firmiter
adherere, quam aliquis Catholicus infusa fide adherent
152. a

Homo.

Hominis quadruplex status 11. b
Homo in puris naturalibus constitutus qualis esset 11. b
Homo cura recta ratione quam sapientissime recedat, cum alia
suos fines ut plurimum assequatur 12. a
Hominis post peccatum & ante gratiam status 12. b
Hominis vires in statu naturæ lapte ante gratiam tales
remanerunt, quales essent in puris naturalibus 12. b
Hominis lapsante gratiam, & ejusdem in solis naturalibus
conditi discrimen 13. a
Homo qua ratione per peccatum dicatur spoliatus in gra-
tuitis, & vulneratus in naturalibus 13. a

Homo

INDEX RERUM NOTABILIUM.

Homo in innocentie statu cum solo concursu generali im-
 plere poterat totam legem naturalem 14. a
 Homo in statu innocentie cum Theologalium virtutum
 habitibus & comuni Dei auxilio suam operari poterat
 salutem, & vitam eternam promereri 14. b
 Homo in statu naturae integre plenissimam habuit libera-
 tem ad declinandum omnia quae a naturali & supernatu-
 rali sine poterant avertere 14. b
 Homo naturae lapsus cum solo concursu Dei generali efficere
 potest opus bonum morale, quod naturali fini, non vero
 supernaturali, sit accommodatum 17. a. b
 Homo naturae lapsus, nec naturali dilectione efficaci, potest
 Deum diligere super omnia absque speciali auxilio Dei
 46. b. 48. a
 Homo in statu innocentiae efficaci dilectione naturali &
 supernaturali poterat cum solo concursu generali Deum
 super omnia diligere 47. b
 Homo naturae lapsus, etiam constitutus in gratia, servare non
 potest absque speciali auxilio Dei legem particularem,
 quae notabilem contineat difficultatem, & saepe servanda
 occurrat 48. a. 65. a
 Homo naturae lapsus, quo diutius in tentationibus sine pec-
 cato perseverat, eo potentior redditur ad resistendum in
 futurum 82. a
 Homo naturae lapsus cur vitare non possit peccata omnia,
 cum tamen possit singula 82. b
 Homo, ut ad eternam vitam efformetur, salva ipsius liber-
 tate, iure in manu sigilli ad Deum merito comparatur 85. a
Idea.
 Idea quo pacto res praesent 243. a
Illustratio.
 Illustrationes intellectus gratiae praevenientis quid 181. b
Imperium.
 Imperium intellectus ad executionem, quod a prudentia
 monastica vel arte proficiunt, non datur, sed est actus
 voluntatis 308. a
 Imperium intellectus, quod lex sit & praeceptum aliis ex
 civili aut economica prudentia profectum, conceden-
 dum est 308. a
Impotentia.
 Impotentia ad resistendum gravibus tentationibus qualis ex
 Anselmi sententia 69. b
Incarnatio.
 Incarnationem futuram non fuisse, si Adamus non peccasset,
 quia ratione adversus Scotum defendatur 348. a. 351. b
 Incarnationis ordinem praesupponere in mente divina ordi-
 nem gratiae, impugnat adversus Cajet. 349. b
 Incarnationem antecedentiam, tanquam dispositionem in Ec-
 clesia ad Christum venturum, ejusdem Christi meritis col-
 lecta sunt 329. a. b
 Incarnatio qualiter facta 269. b
Induratio.
 Induratio & execratio nunquam est in hac vita per omnimo-
 dam subjectionem auxiliorum gratiae 32. b
 Indurat Deus, & obcecat, non apponendo duritiam ac cecita-
 tem 33. a
 Induratio Pharaonis qualis 34. a
 Induratio Judaeorum qualis 34. b
 Induratio Antiochi qualis 35. b
 Induratio. Vide, Obduratio.
Inevitabilitas.
 Inevitabilitas, & certitudo effectus; non idem sunt: neque
 ex certitudine inevitabilitas recte colligitur 302. b

Infidelis.
 Infidelium conversio quantum a qualitate ministrorum Evan-
 gelii, constatque Ecclesiae pendeat 29. a
Influxus.
 Influxus causae in effectum quid 361. b
 Influxus Dei & nostri in actibus supernaturalibus quid, sola,
 quae ratione inter se distinguuntur 353. b
Innocentia status, & naturae corruptae.
 Innocentiae status qualis 12. a
 In statu innocentiae homo cum habitibus Theologalium vir-
 tutum & generali Dei concursu operari poterat suam
 salutem, & vitam eternam promereri 14. b
 In eodem statu homo plenissimam habuit libertatem ad de-
 clinandum omnia quae a naturali & supernaturali sine
 poterant avertere 14. b
 In statu etiam naturae corruptae, quo pacto Deus velit omnes
 homines fieri salvos per Christum 345. a
Insomnium.
 Insomnia qualiter sunt 21. a
Instantis.
 Instantis, quibus aliquid a Deo fit prius vultum, aut praecog-
 nitum futurum, quam aliud, quodque admittenda,
 aut explodenda 342. b. 352. b
Instrumentum.
 Instrumentorum duo genera: unum, nisi moveatur, non
 agit: alterum immotum agit 109. a
Intellectus.
 Intellectus & voluntatis actus actiones sunt, terminum vero
 eorum qualitates ab eis formaliter solum distinctae, atque
 in conservari ab eisdem dependentes 153. a
Intelligere.
 Intelligere & velle efficienter emanant ab intellectu &
 voluntate 6. b
Iustificatio.
 Iustificatio, & beatitudo, etiam in Angelis, & in primis pa-
 rentibus cum iustitia originali, praecisa a gratia, exigunt
 media supernaturalia, quae vitibus suis habere non pos-
 sunt 19. b
 Iustificationis tres actus, tanquam ab una integra causa,
 simul efficienter sunt a libero arbitrio, a Deo influente im-
 mediate per concursum generalem, & ab eodem influente
 per gratiam praevenientem 149. b
 Iustificationis actus, sine praevio concursu gratiae praevenien-
 tis, potest Deus, solo suo immediato in eosdem actus
 influxu, de potentia absoluta efficere 150. a
 Iustificationis actus ut emanant simul ab arbitrio & a Deo
 162. a
 Iustificationis discursus, incipiendo a gratia praeveniente,
 quibus modis Deo opitulante, & libero arbitrio influente,
 fiat 182. a
 Iustificationis variae acceptiones 187. b
 Iustificatio quid 187. b
 Iustificationem quam definiit concilium Tridentinum 187. b
 Iustificatio non est sola peccatorum remissio 187. b
 Iustificationis, quae causa 188. a
 Iustificare, & iustificatio, quid 188. a
 Iustificationis cuiusnam baptismus sit causa instrumentalis 188. b
 Iustificatio per gratiam & caritatem completur 190. a
 Iustificatio quae ratione fidei tribuitur 190. b
 Iustificatio prima vel meritum non cadit 190. b
 H h h 2 Iustifica-

INDEX RERUM NOTABILIUM.

Justificationis exordium, atque initium & fundamentum, diversa sunt in concilio Tridentino 190. b
 Justificatio appellari proprie non possit prævis ad eam dispositiones: neque is qui cooperante Deo, se ita disponit, dicitur se justificare, sed Deus est qui justificat 191. a
 Justificationis ultima dispositio non fit ab habitu caritatis & gratiæ 191. b. 193. b
 Justificationis ultima dispositio cur gloriæ meritoria, non vero gratiæ, advenit habitus caritatis reddatur 194. a
Justitia originalis.
 Justitia originalis effectus, & cur originalis dicta sit 12. a
 Justitiæ originalis & aliorum supernaturalium carentia, rationem privationis & poenæ habent comparatione naturæ lapsæ: secus si in puris naturalibus fuisset condita 13. a
 Justitia originalis, præcisa a gratia & virtutibus Theologalibus, solum tollit defectus humanæ naturæ imatos 13. b
 Justitia originalis eodem modo spectata, qua ratione inter naturalia dona interdum computetur 13. b
 Justitia originalis qua ratione hominis naturalia pene Angelorum naturalibus consequatur 19. b
Justus, & Justitia.
 Justus in totam vitam vitare potest peccata omnia lethalia cum quotidiano auxilio: difficilior vero id potest injustus 62. a. 63. b
 Justus sine quotidiano auxilio Dei vitare non potest dum peccata omnia lethalia 64. a. 74. b
 Justitia, qua formaliter justus sumus, est habitus caritatis & gratiæ 183. a
Letitia.
 Lætitia & tristitia non sunt volitio & nolitio, sed affectus & motus voluntatis 67. b
Lex.
 Legem totam naturalem implere poterat homo in statu innocentie cum solo concursu generali 14. a
 Leges gratiæ dona distribuendi, ut Deus usu liberi arbitrii, regiminiq; Ecclesiæ magna ex parte, accommodaverit 28. b. 37. a
 Legem totam sub culpa lethali obligantem potest justus per totam vitam cum quotidiano particulari auxilio, quod Deus præstitit est illi conferre, servare 62. a
 Legem totam sub culpa lethali obligantem minus potest dum servare existens extra gratiam, quam existens in gratia 63. b
 Legem totam sub culpa lethali obligantem non potest dum justus servare sine speciali auxilio Dei 64. a. 74. b
 Legem aliquam particularem, si sæpius servanda occurrat, notabilemque continere difficultatem, servare non potest, etiam justus, absque speciali auxilio Dei 74. b
 Lex æterna est in Deo, qua ipsimet dicitur, quid rectum sit, ut ab eo fiat, & quid turpe, si a se fieret 130. b
 Lex est imperium intellectus verbis aut literis expressum 308. a
 Legis gratiæ tempore longe majores auxilia, quam tempore legis naturæ & scriptæ, collata sunt 323. a
Libertatem arbitrium, & libertas.
 Liberi arbitrii conciliandi cum gratia, præscientia, providentia, prædestinatione & reprobatione, quæ ratio probanda 2. b
 Libertatem fatò auserunt error 3. a
 Libertatem arbitrii qui hæretici negaverint 4. a
 Libertatem qua ratione abstulerint Manichei 4. b
 Libertatem arbitrium creatum mali culpæ causa est & origo 4. b

Libertatem arbitrium negavit Lutherus 6. b
 Libertatis tres acceptiones 7. b
 Libertatem arbitrium qualiter in nobis velint esse Lutherani 7. b
 Libertatem arbitrium quid 7. b
 Libertatem arbitrium est voluntas prævisi judicio rationis 8. a
 Libere efficiunt aliqua pueri & amentes, & cur ad culpam aut meritum eis non imputentur 8. a
 Libertas non est in voluntate comparatione omnium forum actuum 8. a
 Libertas quoad exercitium, & quoad speciem actus, quid 8. a
 Libertatem arbitrium per peccatum attenuatum & inclinatum atque immutatum est quoad libertatem 13. b
 Liberti arbitrii rationem habet voluntas, etiam comparatione actuum supernaturalium quibus ad gratiam disponitur, & quibus promeretur augmentum gratiæ 31. b. 61. a
 Liberti arbitrii vires in statu innocentie 14. a
 Libertatem plenissimam habuit homo status innocentie ad declinandum omnia quæ a naturali & supernaturali fine poterant avertere, & ad præstandum necessarii ad eos fines 14. b
 Libertatem arbitrium, sine speciali auxilio aut dono Dei, nihil potest nisi supernaturali quoquo modo commensuratum 19. a
 Libertatem arbitrium, etiam in Angelo in puris naturalibus, & in Adamo cum sola justitia originali, absque gratia & alio supernaturali dono, nihil potest efficere ad beatitudinem aut justificationem commensuratum 19. b
 Libertas arbitrii, & vocatio, ac tractio divina ad fidem necessaria, ut se non impediatur 26. a
 Libero nostro arbitrio sum locum relinquunt ordinariæ leges, quas Deus in distribuendis gratiæ donis statuit 28. b. 30. b
 Libertas ad utrumlibet auxiliis gratiæ non impeditur 38. a
 Liberti arbitrii nullus datur actus ad justificationem necessariis, neque ratio illius formalis, quæ non sit præcipua a Deo 41. b
 Liberti arbitrii consensus Deo excitanti & vocanti, quid 42. a
 Libertas arbitrii sufficit, ut e duobus vocatis interiori aequali auxilio, unus convertatur, alius non item 37. a
 Liberti arbitrii inclinatio & attenuatio ad diligendum Deum super omnia, qualis 50. b
 Libertas arbitrii a calumniis Lutheri vindicatur 65. b. 85. 86
 Libertas ad ulterius perseverandum sine peccato, non minuitur, sed augetur, mandatorum observatione, & continentia a peccatis 82. a. 84. b
 Libertatem arbitrium non potest in tota vita efficere collectivè totum, quod divine in ea potest facere 85. a
 Libertate arbitrii salva, homo, ut ad æternam vitam efformetur, luto in manu figuli merito ad Deum comparatur 85. a
 Libertatem arbitrii non negavit Augustinus, ut Lutherus petulantur voluit 86. a
 Libertas ad bonum, quæ apud Augustinum 21. b. 59. a. 86. b
 Libertatem arbitrii unde dictum 88. a
 Libertatem arbitrium quam ex donis gratiæ nanciscatur libertatem, & quam habeat ex se 21. a. 89. a
 Libertas per peccatum a primo parente amissa, quæ 21. b
 Libertas arbitrii demonstratur 59. a. 70. a. 89. a
 Libertatem arbitrii prædicari quique Philosophi asseruerunt 91. a
 Libertatem

Liberum arbitrium in quo instanti aliquid vult, potest illud
idem nolle, aut non velle 104. b
Liberum arbitrium non cooperari ad suos effectus, error est
in fide 106. a
Liberum arbitrium facultas est indeterminata ad unum, at-
que adeo libera ad determinandum concursum Dei gene-
ralem ad actum vitii aut virtutis, aut continentium omnem
actum 126. a
Liberum arbitrium gratia præveniente motum, manet libe-
rum ut consentiat, ac se convertat, vel non 174. a
Liberum arbitrium, ac gratia præveniens, & Deus influxus
concursu generali, una sunt integra causa actuum qui ad
justificationem sunt necessarij 149. a. b
Liberi arbitrii supernaturalis actus non solum quantitati au-
xilli gratiæ cooperantis responderet, quoad intentionem, sed
simul quantitati influxus arbitrii 160. b
Libertas arbitrii, per Dei concursum ad supernaturales actus,
non tollitur 161. a
Liberi arbitrii influxum ad summum supernaturalem actum an-
tecedit gratia, quoad id unde prævenient gratiæ ratio-
nem forsitur: secus quoad id unde rationem cooperantis
gratiæ habet 172. a
Liberum nostrum arbitrium prævenire, & gratiam subsequi,
falsa, sed sine culpa credidit Chrysostomus 176. b
Liberum arbitrium, non quia tale, sed quatenus voluntas &
natura quædam est, insit in motus gratiæ prævenientis
182. a. 183. a
Libertatis vestigium concedendum in brutis quoad aliqua
ipsorum opera, non libertas 197. a
Libertas arbitrii tollitur, si dicatur, prius res in æternitate,
quam in tempore, existere 210. b
Liberum arbitrium cum præscientia, & prædestinatione, qua
ratione quidam perperam conciliant 218. a
Liberum arbitrium creatum non ideo efficit hoc vel illud,
quia Deus id præcivit: sed ideo Deus præcivit, quia ita
libere erat futurum. 223. a. 228. b. 232. a
Libertas arbitrii rerumque contingentia quo pacto cum di-
vina præscientia coherant 223. b. 234. a. 238. b
Libertas arbitrii ut cum divina præscientia concilietur, tri-
plex scientia distinguenda est in Deo 227. a
Liberi arbitrii ac providentiæ coherentia ostenditur 300. a
Libertatis arbitrii cum providentiæ conciliatio non aliam
continet difficultatem, quam contineat ejusdem arbitrii
conciliatio cum præscientia 301. a
Liberi arbitrii supernaturales actiones, etiam spectatæ ut ab
ipso præcise emanant, quo pacto in Deum referantur
330. b
Liberum arbitrium determinat se ipsum ad malum & ad bo-
num, tamen ad bonum, præsertim supernaturale, au-
xilio supernaturali simul indiget 332. b
Liberi arbitrii totus bonus usus, qui in prædestinationis effe-
ctu includitur, duas partes habet causas liberas, Deum
scilicet & nos, a quarum quavis ita pendet, ut ea pro sua
libertate non influente, omnino non sit 357. a
Liberi arbitrii usus supernaturalis qua ratione in effectu præ-
destinationis includatur, qua item se teneat ex parte præ-
destinationis 357. a
Libertas arbitrii & prædestinatio quo pacto coherant.
364. a
Libertas arbitrii, & facultas perveniendi in beatitudinem,
aut ab ea desistendi, ut consentiant cum prædestinatio-

ne, & providentia, ac præscientia circa reprobos 371. b
374. a
Libertatem arbitrii cum prædestinatione, præscientia &
gratia conciliandi ratio quibus fundamentis nitatur 393. b
Libertatis arbitrii cum reprobatione conciliatio 408. b
Libertatis arbitrii, & vocatio ac tractio divina ad fidem ne-
cessaria, ut se non impediunt 26. a
Libertas formaliter est in voluntate, non in intellectu 9. a
Libertati arbitrii præjudicatur concursu Dei generali, quo
præmoveatur & applicetur ad operandum 114. b
Libertas ad lethalem culpam, ac meritum, qualem cogniti-
onem intellectus requirit 197. b
Libertatis vestigium ut sit in brutis, qualis cognitio in illis
necessaria 197. b
Libertatem determinationem suæ voluntatis non cognovit
Deus antequam ea se determinaret 227. b. seq. 244. b
Libertas ad peccatum & meritum necessaria quæ 251. a
Libertatem qualem requirant meritum & actus moraliter
bonus 251. b
Liberi arbitrii creati actus non mali, effectus sunt divini
providentiæ in singulari spectati 262. b
Libertas ad actus meritorios, & ad non peccandum, qualis
in Beata Virgine, & in aliis confirmatis in gratia 268. b
Libertas ad transgredienda præcepta, & ad nonnulla alia,
cur relictæ fuerint in Christo interim dum simul erat via-
tor 270. b
Liberum nostrum arbitrium non determinat Deus ad con-
sentium, vel dissentium, sed seipsum determinat 337. b
Liberi dicitur actuum voluntatis, non a libertate quæ in ipso
sit, sed quasi denominatione extrinseca a libertate volun-
tatis 337. b
Libertas quid: estque in voluntate formaliter 337. b
Libertas voluntatis conditio est, atque radix, quod actus illi-
us humanus sit, & virtutis aut vitii, laudis aut vituperii, &
premio aut poenæ dignus 338. b
Liberi arbitrii bonus usus simul est donum Dei, & dispositio,
aut meritum nostrum 360. a
Liberi arbitrii boni usus singule partes effectus sunt prædes-
tinationis, sed non ut præcise a libero arbitrio emanant.
360. b
Liberi arbitrii bonus usus, etiam quatenus præcise ab arbi-
trie emanat, ut in Deum referatur 361. a
Liberi arbitrii bono usui quæ convenient propter influxum
arbitrii proprium 360
Lutheri.
Lutheri de libero arbitrio error 6. b
Lutheri & aliorum error, asserentium Deum esse causam pec-
cati 127. b
Lutheri de prædestinatione & reprobatione error 315. b
Malum.
Mali causa juxta Manicheorum errorem 4. b
Mali culpæ causa non Deus, sed nostrum arbitrium 4. b
Mali poenæ Deus est auctor 142. a. b
Mandata.
Mandata. Vide Legem, & Præcepta.
Manichei.
Manichei qua ratione arbitrii libertatem abstulerint 4. b
Martyr.
Martyr ut sit, qui in gratia non existeret, non facit est pati
mortem sine optimo, sed requiritur ut ex particulari super-
naturali auxilio, quod faciat quod in se sit nunquam
deest, id fiat 77. b
Media

INDEX RERUM NOTABILIUM.

<i>Media prædeterminationis.</i>	
Media prædeterminationis quæ	360. a
<i>Meritum & demeritum.</i>	
Meritum & demeritis, quæ nunquam erunt, neque præmium neque poena debetur	326. a
Meritum quomodo liberatorem requirit	251. b
Meritum infinitum unde habeant Christi opera	270. a
<i>Miracula.</i>	
Miraculum cur multum adjuvet conversionem ad fidem	165. b. 169. a
<i>Misereri Deum.</i>	
Misereri Deum alicujus, quid	409. b
Misereri Deum uniuius peccatoris, tribuendo illi auxilia quibus prævidet convertendum, alterius vero non ita misereri, sed illum cum sufficienti auxilio, majori vel minori, durum relinquere, non est ex ipsorum meritis, sed ex libera voluntate Dei, qui cuius vult miseretur, & quem vult indurat	406. a
<i>Mors Christi.</i>	
Mors Christi fuit in præcepto, & non solum spontanea, sed etiam libera contradictionis aut etiam contrarietatis libertate	271. b
<i>Natura, & naturalia.</i>	
Naturale & liberum agens quid	8. a
Naturalia in nobis & in Angelis post peccatum integra remanserunt	12. b
Naturalia commensurationem non habent ad sempiternam felicitatem	19. b
Natura lapsæ ante gratiam, & in solis naturalibus conditæ, discernit	13. a
Naturam supponit, perficit, ac exigit gratia in nostris operibus ad salutem necessariis	28. b
Naturæ opus cur intelligentiæ opus dicatur	135. a
Naturæ opus cur intelligentiæ a Philosophis dictum	114. b
Naturæ aliquid & supernaturale comparatione diversorum	158. b
<i>Necessitas.</i>	
Necessitas fatalis quæ	3. b
Necessitate absoluta omnia evenire, qui hæretici asseruerint	6. a. b
<i>Notitia.</i>	
Notitia intuitiva non est perfectior in Deo, quam simplicis intelligentiæ notitia: secus in nobis, & in Angelis	205. b
<i>Obduratio.</i>	
Obduratio adulci in peccato usque ad finem vitæ conditio est sine qua non esset reprobis, & quid ea sit	311. b
Obduratio, obdurandique voluntas, quid	404. b
Obdurat Deus non opponendo duriciem	404. b
Obdurat Deus duobus modis: secundus dicitur etiam traditio in desideria cordis, desertio, atque despectio peccatoris	404. b
Obduratio, voluntasque obdurandi, esse semper potest in poenam ob præcedentem culpam	405. a
Obduratio proprie dicta quæ	405. b
Obduratio. Vide Induratio.	
<i>Obsecratio.</i>	
Obsecratio. Vide Induratio.	
<i>Obiectum.</i>	
Obiectorum rationes sub quibus sumuntur per comparationem ad potentias & principia actuum	154. b
<i>Odiū.</i>	
Odiū Esau quid	409. a
<i>Omnipotens.</i>	
Omnipotentem omnino esse Deum, & agere ex necessitate nature, contradictionem implicat	145. a. b
<i>Opera & operatio.</i>	
Opus bonum morale, quod fini naturali sic accommodatum, efficere potest homo nature lapsæ cum solo concursu generalis Dei	17. a. b
Opera quæ scriptura & concilia fieri non posse affirmant sine speciali auxilio Dei, quæ sint	20. b. 68. b
Opera quæ meritoria non sunt, esse sint supernaturalia, interdu nihil reputantur ac dicuntur apud sacras literas	20. b
Opus bonum morale difficile an in uno temporis momento præstare possimus sine speciali auxilio Dei	78. a
Opera mere naturalia commensurationem non habent ad beatitudinem supernaturalem	19. b
Operatio inmanens est, quæ dicitur actus secundus; non ita actio transiens	121. b
Opus nature cur dicatur intelligentiæ opus	114. b
Opera Christi unde habeant meritum infinitum	270. a
Opera nostra bona moralia Deo tanquam auctori & primæ rerum causæ tribuuntur: non sic mala opera & peccata	117. a
Opiniones & scientiæ, etiam in eadem disciplina, unde speciei distinguantur	156. a
<i>Oratio.</i>	
Orationes multos supernaturales effectus a Deo impetrant	356. b
<i>Ordo.</i>	
Ordo duplex in rebus	289. a
<i>Origines.</i>	
Origenis & Priscilliani error circa prædeterminationem.	315. b
<i>Originalis iustitia.</i>	
Originalis iustitia. Vide, Iustitia originalis.	
<i>Originale peccatum.</i>	
Originale peccatum in solis gratuitis nobis nocuit	12. b
<i>Passio.</i>	
Passio non est a Deo auctore, si non sit actio	142. a
Passio non mala conjuncta cum actione mala moraliter, potest esse a Deo volita, licet actio volita ab eo esse non possit, sed solum permixta	142. a
<i>Peccatum, & peccator.</i>	
Peccata sati ratione qui Deo tribuuntur	2. a
Peccatum nullum est, quod per poenitentiam non possit deleri	33. b
Peccata omnia lethalia vitare potest constitutus in gratia cum quotidiano particulari auxilio, quod Deus præstare est paratus	62. a. 63. b
Peccata omnia lethalia minus potest devitare existens extra gratiam, quam existens in gratia	67. b
Peccata omnia lethalia sine speciali auxilio Dei non potest iustus diu vitare	64. a
Peccata omnia ab homine nature lapsæ cur vitari non possint, cum singula possint, exemplo non omnino accommodato solet explicari	82. a
Peccata quo longiori tempore ab homine nature lapsæ vitantur, eo ille robustior fit ad eadem in posterum evitanda	82. a

Peccata

INDEX RERUM NOTABILIUM.

Peccata omnia cur ab homine naturæ lapsæ vitari non possint, cum possint singula 82. b
 Peccata quæ impossibilitate diu vitari non possint 83. b
 Peccata omnia vitari non posse, cum possint singula, accommodatissimo Aristotelis exemplo explicatam 83. b
 Peccatorum cur semivivus dicatur relictus 88. b
 Peccati causam Deum non esse, demonstratur 127. b
 Peccati cur Deus non sit causa, quam rationem plerique antiquorum reddiderint 130. a
 Peccata non potest Deus præcipere, neque ad malas actiones inclinare, aut eas suadere, vel prædestinare 130. b
 Peccati quia ratione Deus non sit causa, quam rationem Sotus & Canus reddiderint 131. a
 Peccati cur Deus non sit causa, legitima ratio 132. a
 Peccati actionem malam Deo per concursum generalem influenti non imputari, accommodato exemplo explicatur 134. a
 Peccata nostra neque tanquam causæ, quæ illa potuit impedire, Deo imputantur 134. b
 Peccatum, & actus bonus moraliter, cum eodem concursu generali vitibus arbitrii producuntur, cum quo eorum materiale producit 135. b
 Peccata nobis abutentibus arbitrio nostro ad id, ad quod collatum non est, tribuuntur; non vero Deo rerum omnium auctori & causæ 135. b
 Peccatorum nostrorum actus, non Deo, sed nobis tribuendi sunt 137. b
 Peccati materialiter sumpti, actusve mali moraliter, naturalis bonitas quatenus in Deum, ut in naturæ auctorem, primamque rerum causam, reducenda sit 141. a
 Peccatum unum interdum poena alterius 141. b
 Peccatum unum, quo Deus aliud peccatum punit, non aliter est a Deo, quam permissive, influenteque per solum concursum generalem 141. b
 Peccata filiorum, quin & semper eorum interitum, permittit aliquando Deus ob peccata parentum 142. b
 Peccator dum transgrediendo præcepta ab ordine divine voluntatis recedit, relabitur in alium ejusdem voluntatis ordinem 283. a
 Peccatorum, ut sint, non habet Deus voluntatem absolutam, sed solum ea permittendi: vult tamen ea concurrere influxu universali 283. b
 Peccatorum permissione quæ bona Deus elicitur 292. b
 Peccatorum poenæ ad ordinem quasi secundarium divine providentiæ pertinent 293. b
 Peccata, peccatorumque permissio, quomodo sub divinam providentiam cadant 294. a
 Peccata quod formale & materiale quousque divine providentiæ subiaceant 297. b
 Peccatorum actus non sunt divine providentiæ effectus 297. b
 Peccata non sunt effectus prædestinationis; tamen illorum permissio esse possit prædestinationis effectus 301. a. 310. a
 Peccata cur effectus reprobationis non sint 311. b
 Peccandi facultas a confirmatis in gratia non aufertur: sed certitudo, quod non peccabunt, est a divina præscientia circa confirmatos revelata 318. a
 Peccatum primum poenæ rationem habere non potest 405. b
 Peccatoris unius misereri Deum, tribuendo illi auxilia qui-

bus prævidet convertendum, alterius vero non ita misereri, sed illum cum sufficienti auxilio, majori vel minori, durum relinquere, non est ex ipsorum meritis, sed ex libera voluntate Dei, qui cupis vult miseretur, & quem vult indurat 406. a
 Peccata iniquorum in quos fines permittit Deus 411. b
 Peccata efficiunt peccatores vasa in contumeliam, objectum odii atque iræ Dei, interitusque æterni dignum 411. a
 Peccatum etiam materialiter sumptum, cur Deo non sit tribuendum 113. b
 Peccatorum comparatione neque præfinitio, neque concursus Dei ex se efficax, sunt constituenda 246. a
 Peccati permissio quid & quæ exigat 248. a
 Peccatum quam libertatem exigat 251. a
 Peccaminose actiones quam præfinitionem requirant, & cur Deus non dicatur eas prædefinire 261. a
 Peccare quia ratione spectatus Christus nullo modo potuit 271. a
 Peccati materialiter Deus non potest dici simpliciter causa, sed solum universalis; neque in eum actum, ut ab arbitrio reali influxu emanat, potest Deus complacere, aut cum velle, sed solum permittere 286. a
 Peccatum originis.
 Peccatum primi parentis solum in gratuitis nobis nocuit 12. b
 Peccatum veniale.
 Peccata omnia venialia nullius, sine singulari privilegio, quale patri Dei fuit concessum, vitare potest 61. b
 Peccata singula venialia vitare possumus in statu naturæ corruptæ 62. a
 Peccata venialia non impediunt quin justus sit is, qui illa committit 62. b
 Peccata venialia cur cum communi speciali auxilio vitari omnia non possint 62. b
 Peccata venialia eo plura majorique vigilantia quisque evitat, quo sanctior est 63. a
 Peccatum veniale. Vide Peccatum.
 Pelagius.
 Pelagianorum error 5. a. 57. a
 Pelagii errorum origo 20. a
 Pelagii error circa prædestinationem 316. a
 Perditio.
 Perditio cur ex peccatore, etiam dum Deus illi vult permittere peccatum 405. a
 Permissio.
 Permissio dumtaxat a Deo quia ratione in scripturis ab eo fieri dicuntur 142. a
 Permissio, qua Deus unum peccatum permittit ut alterum puniat, interdum in modum præcepti exprimitur 144. a
 Permissio quid sit, quid supponat, & in quo sit posita, & cur valeat hæc consequentia; Deus vult permittit hoc peccatum, ergo erit 276. b. 283. b
 Permissione peccatorum quæ bona Deus elicitur 292. b
 Permissio peccatorum ad divinam providentiam quo pacto spectet 294. a

Permissio

INDEX RERUM NOTABILIVM.

Permiffio peccati ob quod quis reprobat, licet caufa non fit talis peccati, eft tamen conditio fine qua reprobatio propter tale peccatum non effer
311. b

Permiffio primi peccati non habet rationem pœnæ
312. a
405. b

Permiffio peccati reprobi, & obduratio in illo, aliquo modo concedi poffunt effectus reprobationis in genere caufæ finalis
312. b

Permiffionis peccati in reprobis, neque integra neque fufficiens caufa eft fplendor iuftitiæ divinæ
313. a

Permiffionis peccatorum multæ aliæ præcipui fines præter fplendorem iuftitiæ divinæ
313. a

Permiffio peccatorum, & obduratio in eis, fimpliter funt effectus divinæ providentiæ; reprobationis vero non, nifi tanquam partis integri finis, ob quem funt volitæ
313. b

Permittere peccatum, permittendique voluntas, quid
404. b

Permiffio peccati, divinæque voluntas illud permittendi, effe poteft non propter culpam, quafi in illius poenam
405. b

Permiffio peccati quid, & quæ exigat
411. a

Permittendi peccata reprobatorum fines
411. a

Perfeverantia.

Perfeverare potuerunt primi parentes cum gratia quam acceperunt abſque alio peculiari auxilio
14. b. 16. a

Perfeverare poterat facilis homo in ftatu innocentie cum æquali gratia, quam poſſumus modo
17. a

Perfeverantia fine culpa lethali, aut in gratia, in ftatu innocentie, a libero hominis arbitrio pendebat: In ftatu vero nature lapſe, etiam a particulari auxilio Dei
49. a

Perfeverantia Dei donum, a libera tamen cooperatione arbitrii pendet
49. a. 62. b. 65. a

Perfeverare fine nova culpa lethali minus poteft exiſtens extra gratiam, quam exiſtens in gratia
63. b

Perfeverare fine lethali peccato non poteft etiam iuſtus abſque ſpeciali auxilio Dei
64. a

Perfeverantia fine peccato in homine nature lapſe reddit illum robuſtior ad ulterius perfeverandum fine peccato
82. a

Perfeverantia donum quid, & quod pendeat a concuſſu noſtri arbitrii, tanquam a conditione fine qua non erit perfeverantia donum
394. b

Phærao.

Pharaonis obduratio qualis
34. a

Plato.

Plato & Stoici omnia, præter humanam voluntatem fatali neceſſitati ſubiecerunt
3. b

Pœna.

Pœnæ & privationis rationem habent carentia iuftitiæ originalis & aliorum donorum ſupernaturalium in natura lapſa: ſecus ſi in ſolis naturalibus fuiſſet condita
13. a

Pœna peccatorum ad quaſi ſecundarij divinæ providentiæ ordinem pertinent
293. b

Pœna non debetur demeritis, quæ nunquam erunt
326. a

Pœnarum extremum in hac vita ob antecedentia delicta quid
405. a

Pœnam Deus, neque ſine culpa, neque ante culpam commiſſam infligit
405. b

Pœnitendi actus.

Pœnitendi & diligendi actus, de quibus concilia & Patres cum Pelagianis contendebant, quales erant
57. a. 58. b. 60. a

Pœnitendi actus, præter influxum gratiæ prævenientiæ & liberi arbitrii indiget concuſſu Dei generali
149. b

Potentia.

Potentia ad vitandum ſingula peccata, cohæret cum impotentia ad vitanda omnia
84. a

Potentia divinæ meſura, libera Dei voluntas
112. a

Potentia divina non agit eorum, quod poteſt, neque egere illud poteſt
112. a

Potentiam ad præteritum in ſcientia & volitione divina comparatione futurorum contingentium qui admittant
219. a

Potentia non datur ad præteritum
220. b. 223. b

Potentia quo ſenſu diſtinguantur immediate per actus & mediate per objecta
155. b

Potentia naturales ex ſe ſunt determinatæ ad ſuas operationes: libere ſeipſas determinant
328. b

Precepta.

Precepta Decalogi in quo ſenſu neque divina potentia diſpenſari queant
131. a

Prædeſtinatio, & prædeſtinatus.

Prædeſtinationem effe demonſtratur
304. a

Prædeſtinatio unde diſta: & de acceptionibus verbi, deſtino
304. a

Prædeſtinatio juxta Divum Thomam, & alios, quid
304. b

Prædeſtinatio juxta alios, quid
304. b

Prædeſtinationis acceptiones aliæ apud Patres
305. a

Prædeſtinationis variz definitiones
305. a

Prædeſtinationis legitima definitio
305. b. 363. a. 368. b. 369. a

Prædeſtinatio quaſi pax providentiæ ſubjecta
305. b

Prædeſtinatio eſt in Deo: excurſio vero & effectus illius, in prædeſtinatis, & in aliis rebus creatis
306. a

Prædeſtinatio actum intellectus & voluntatis divinæ requirit
306. a

Prædeſtinatio cum actum intellectus & voluntatis ſignificet, præcipue tamen intellectus
306. b

Prædeſtinatio, quoad id quod ex parte divini intellectus dicit, non fuit poſterior electione prædeſtinationum
307. a

Prædeſtinatio non fuit poſterior electione
307. b

Prædeſtinatio ex parte divini intellectus non dicit imperium, ſed iudicium atque inſuitum mediocum ad finem
308. a

Prædeſtinationis effectus quæ comprehendat
309. a

Prædeſtinationis ne quippiam ſit effectus, eſſe debet a Deo, & conducere ad beatitudinem re ipſa aſſequendam, vel eſſe debet beatitudo ipſa
309. b

Prædeſtinationis effectus non ſunt peccata; tamenſi illorum permiffio prædeſtinationis effectus eſſe poſſit
310. a

Prædeſtinationi cur nullus actus divinus quaſi contrariè opponatur
310. b

Prædeſtinatio an habeat cauſam, in quo ſenſu diſputetur
315. a

Prædeſtinationis quoad partialis effectus datur cauſa
315. a

Prædeſtinationem & reprobationem qualem varii heretici conſtituerint
315. a

Prædeſtinati ſunt omnes quotquot vitam æternam aſſequuntur
317. b. 318. a

Prædeſtinationis radicem quinquam ex parte uſus liberi arbitrii præviſi conſtituant
319. b

Prædeſtinationem qui ita conſtituunt, multum a Pelagianis diſtant
321. b

Prædeſtinatio

INDEX RERUM NOTABILIUM.

Prædeterminatio non est propter bonum usum liberi arbitrii primam gratiam antecedentem 322. b
 Prædeterminatio non est propter bonum usum liberi arbitrii, qui gratiam gratum facientem sequitur 325. a
 Prædeterminatio & reprobatio parvulorum non est ob qualitatem usum liberi ipsorum arbitrii, qui futurus esset, si ad rationis usum pervenirent 326. a
 Prædeterminationis effectus partialis quomodo sibi invicem sint causæ 326. b
 Prædeterminationis, quoad integrum effectum, non datur causa ex parte prædeterminati 326. b
 Prædeterminationis Adami posterorum quod non datur causa, præclarissimum lumen exemplum in prædeterminatione Christi, ait Aug. 327. a
 Prædeterminatio quorundam, & non aliorum, ut ratione careat acceptionis personarum 27. b
 Prædeterminationis & reprobationis radicem constituent quidam in voluntate conferendi auxilium, quod ex ipsa auxilii natura sit efficax 329. a
 Prædeterminationem non ita habere ut communior Scholasticorum sententia asseruit 335. a
 Prædeterminationis & reprobationis progressum quibus instantibus perpetam Scotus medietur 342. b. 390. a
 Prædeterminationem & reprobationem fuisse post præscientiam peccatorum, Augustinus & multi alii existimant 342. b
 Prædeterminationem fuisse sine ulla ratione ex parte prædeterminatorum, reprobationem vero ob originis peccatum, affirmat Aug. 344. a
 de Prædeterminatione communiori Scholasticorum sententiam quo pacto quidam interpretentur, ut cum Augustino omnino consentiat 344. b
 Prædeterminatio an præsupponat præscientiam futurorum contingentium, atque adeo peccatorum, expenditur 346. a
 Prædeterminationem, etiam Christi ut hominis, antecessit cognitio futurorum omnium contingentium, ex hypothesi duntaxat 346. a
 Prædeterminationem ac reprobationem, & universim actum omnem liberum divinæ voluntatis, qualis deliberatio antecesserit 346. b
 Prædeterminationis & reprobationis progressum nulla ratione esse medicandum introductis instantibus, in quibus Deus voluerit aut præviderit unum ante aliud 347. a
 Prædeterminationem non antecessit prævisio absoluta peccati, & ruinæ generis humani, sed solum ex hypothesi 347. a
 Prædeterminationem & decretum circa ordinem gratiæ & incarnationem non antecessit prævisio peccatorum inesse futuro absolute 349. a
 Prædeterminatorum primus Christus 350. a
 Prædeterminatio, & reprobatio, una cum volitione cæterarum rerum, quo pacto in Deo sint consideranda 350. b
 Prædeterminationis ac reprobationis parvulorum & adultorum discernim 354. b
 Prædeterminatio adulti ut intelligatur, duo ante oculos habenda 355. b. 357. a
 Prædeterminationis affectus quid 355. b
 Prædeterminationis adulti effectus supernaturalis, & simpliciter, quantum a libero ipsius arbitrio pendat, & quantum a Deo 356. a. 358. a
 Prædeterminationis effectus qua ratione bonum usum supernaturalem liberi arbitrii complectatur, & qua teneat se ex parte prædeterminati 357. a

MOLINA.

Prædeterminationis effectus solum dicitur aliquid comparatione Dei: non vero cooperatione alterius causæ 359. a
 Prædeterminationis certitudo non est ex parte mediorum per quæ quis est prædeterminatus, sed ex parte divinæ præscientiæ 363. a
 Prædeterminatio facultatem ac libertatem ad contrarium non tollit 363. b
 Prædeterminatus in sensu diviso dampnari quo pacto possit, & in composito, sine præiudicio libertatis, non possit 363. b
 Prædeterminatio & libertas arbitrii quo pacto coherereat 364. a
 388. b
 Prædeterminatio non aliam certitudinem habet, quam præscientiæ 364. a
 Prædeterminationis parvulorum certitudo non est ex certitudine mediorum in se, sed præscientiæ duntaxat 364. a
 Prædeterminatio adulti, quoad integrum effectum nullam habet causam ex parte prædeterminati, sed in solam Dei voluntatem reducenda est 364. b
 Prædeterminatione ac dilectione Jacob, & odio Esau, quid Paulus ad Rom. 9. intellexerit 367. b
 Prædeterminationis parvulorum, quoad integrum effectum, non datur causa seu ratio ex parte ipsorum, sed in Dei voluntatem est reducenda 364. a
 Prædeterminatio completur per decretum voluntatis, quo Deus conferre statuit media per quæ prævidet prædeterminatum perventurum in vitam æternam; sed supponit atque includit ex parte intellectus præscientiam, per mediam scientiam inter naturalem & liberam, qua id ex hypothesi prævidet 369. a
 Prædeterminatio quam prævidentiam addat supra providentiam in commune 369. a
 Prædeterminationem & providentiam ex parte decreti voluntatis divinæ, quæ ratio mediorum præcesserit ex parte divini intellectus 369. a
 Prædeterminationis an datur causa vel ratio aut condicio, contraveniunt Doctores quoad decretum divinæ voluntatis per quod completur 370. a
 Prædeterminationis qua ratione ex parte usum arbitrii prævisi, nec ratio, nec condicio sine qua non, datur: sed in liberam Dei voluntatem sit referenda 370. a. 388. b
 Prædeterminationis rationem habere eam mediorum rationem, ac propositum æternum eadem prædeterminato adulto conferendi, pendens fuit ex præscientia, qua Deus vidit, eam pro sua libertate illis perventurum in vitam æternam: hæc vero pendens fuit ex usu & cooperatione arbitrii talis adulti futura 371. a. 389. a
 Prædeterminato ut integrum maneat non pervenire in beatitudinem, & reprobo ad eam devenire 371. b. 390. a
 Prædeterminatorum ac reproborum libertas, facultasque perveniendi ad beatitudinem, aut ab ea descendi, ut consentiant cum prædeterminatione, & providentia, ac præscientia circa reprobos 371. b. 390. a
 Prædeterminatio non fuit, ex præiudicio conferendi auxilia ex se efficacia 254. b
 Prædeterminatio qualis juxta communem Doctorum sententiam 223. b. Impugnatur 305. a
 Prædeterminatio qualis Augustini & D. Thom. sententia 314. b
 Prædeterminatio in Deo posterior non est electione ad beatitudinem 307. 353. a
 Prædeterminatorum prius fuit Christus, fuitque prædeterminatio illius prior cæterorum hominum prædeterminatione 370. a
 352. b
 Prædesti-

INDEX RERUM NOTABILIUM.

- Prædestinatus quid 360. a
 Prædestinationis media quæ 360. a
 Prædestinationis effectus sunt singula partes boni usus liberi arbitrii, sed non ut præcise ab arbitrio emanant, sed ut sunt a Deo 360. b
 Prædestinationis non datur causa neque congruentia ex parte usus liberi arbitrii 380. a
 Prædestinatio quid dicitur ex parte divini intellectus, & quid ex parte divinæ voluntatis 383. a
 Prædestinationis effectus certus non est per comparationem ad id, quod prædestinatio dicitur ex parte divinæ voluntatis, si secludas quod dicitur ex parte divini intellectus 383. a
 Prædestinationis effectus certitudo, quæ est comparatione præscientiæ, cur non tollat arbitrii libertatem, ut tollerit si esset comparatione divinæ voluntatis 384. a
 Prædestinationis nostræ Christus simpliciter dicendus est causa 399. b
 Prædestinatus, minori gratia præventus fuit voluntate antecedente minus dilectus, quam reprobis præventus majori gratia; secus voluntate consequente 401. b
 Prædestinationis punctum, abyssusque divini consilii 385. a
 388. b
 Prædestinatus ut esset, nullus potuit efficere: tamen quicumque adultus ea efficere possit, quæ si faciat, perveniet in vitam æternam; ratione providentiæ circa ipsum habuisset rationem prædestinationis 375. a
 Prædestinationis certitudo, tanquam in radice, est in præscientia media, quam prædestinatio supra providentiam addit, formaliter vero & omnino est in præscientia libera, quæ prædestinationem in Deo consequitur 375. a
 Prædestinationem fuisse secundum præscientiam, sensus duplex 375. b. 395. a
 Prædestinatio in quo sensu non fuit secundum præscientiam, verique id cum Augustino & D. Thom. communis sententia affirmat 376. a. 395. a
 Prædestinatio adultorum in quo sensu fuerit secundum præscientiam, habitaque fuerit ratio arbitrii ipsorum prævisi in eis prædestinandis 376. a. 395. a
 Prædestinationis Christi, ut esset filius Dei, & prædestinationis aliorum, discrimen & convenientia 379. a
 Prædestinationis rationem sortitam esse eam providendi rationem & decretum quibus parvulis prædestinatis est provissum, unde fuerit dependens 379. b
 Prædestinationis explicatio in Epilogum redacta 388. a
 Prædestinationem esse secundum præscientiam boni usus liberi arbitrii, quorū modis possit intelligi: & ut Patres possint aliquo modo ad concordiam reduci 392. a
 Prædestinationem explicandi modus, quo Augustinus est usus, ut multos, Massilienses præsertim, turbaverit 392. b
 Prædestinationem, præscientiam, & gratiam conciliandi ratio cum libero arbitrio, quibus fundamentis nitatur 393. b
 Prædestinationis nostræ, ut comprehendit etiam naturales effectus, non fuit Christus causa suis meritis 396. a
 Prædestinationis effectus aliquos naturales a Christi meritis trahere originem 396. a
 Prædestinationis nostræ, quoad integrum effectum supernaturalem, Christus suis meritis non fuit causa 396. b
 Prædestinationis nostræ, quoad omnem ipsius effectum supernaturalem, fuit Christus suis meritis causa, si Christum ipsum, meritaque ipsius excludas 397. a
- Prædestinati in Christo quo pacto simus 400. a
Prædictio.
 Prædictiones quales conentur quidam invehere 419. a
 Prædictiones per concursum ex se efficacem comparatione actum peccatorum non constituent idem 426. b
 Prædictiones ad actus non malos per concursum efficacem excluduntur: certitudo vero in Deo horum actuum liberi arbitrii creati est ex scientia media 249. b
 Prædictiones quales necessariae sunt, ut creata existant, omniaque universim divine subdantur providentiæ 258. a
 Prædictio qualis necessaria ad ea, quæ solum arbitrium divinum radicem suæ contingentie habent 258. a
 Prædictionem omnem quæ scientia præcesserit in Deo 258. a
 Prædictio qualis necessaria ad ea, quæ, cum radicem propriam suæ contingentie arbitrium habeant divinum, simul ab alia radice pendunt 257. b
 Prædictio qualis necessaria ad actiones indifferentes & bonas moraliter, sed faciles 259. b
 Prædictio qualis necessaria ad supernaturales & difficiles bonas actiones 260. b
 Prædictio qualis ad actiones peccaminosas necessaria, & cur Deus non dicatur eas præferre 261. a
 Prædictæ conversiones Pauli, Magdalene, & latronis fuere 267. a. b. 266. a
 Prædictio quousque fuerunt, quæ circa Josephum, quæ in nativitate Pharez & Zaram, & circa Jacob & Esau acciderunt 265. b
 Prædicti quousque fuerint actus B. Virginis, & aliorum confirmatorum in gratia 268. a
- Præscientia.*
 Præscientiam Dei futurorum contingentium & divinationem negavit Tullius 3. a
 Præscientia rerum in quo sensu possit negari in Deo, & in quo sit omnino concedenda 201. b
 Præscientiam futurorum crediderit ne D. Thom. esse in Deo, etiam ex rationibus idealibus 205. b
 Præscientia Dei futurorum contingentium colligi non potest ex ipsorum existentia in æternitate 209. b
 Præscientiam & prædestinationem quæ ratione quidam cum libero arbitrio perperam conciliant 218. a
 Præscientia, quæ Deus scit quodcumque futurum contingens, tam necessaria iam nunc est, ut contradictionem implicet, Deum efficere, sed id nescivisse 220. b
 Præscientia, & liberi arbitrii libertas, contingentiaque rerum, quo pacto cohererant 223. a. 234. a. 238. b
 Præscientia futurorum contingentium est in Deo 226. b
 Præscientiam peccatorum antecessit prædestinationem & reprobationem hominum, Augustinus & multi alii existimant 243. b
 Præscientiæ, quam prædestinatio ex parte intellectus includit, datur conditio ex parte usus liberi arbitrii sine qua non præexistisset in Deo 368. b
- Præteritum.*
 Præteritum quo pacto necessitatem contrahat 236. a
Præveniens gratia.
 Præveniens gratia. Vide Gratiam prævenientem. *Premium.*
 Præmium beatitudinis non prius vult Deus creaturis quam media: neque pius futurum unum prævidet quam aliud 307. b

INDEX RERUM NOTABILIUM.

Principium.
 Principia in scientiis unde specie distinguantur 16. a
Propositio de preterito.
 Propositio de preterito quo pacto necessitate contrahat 236. a
Providentia.
 Providentiam fati qui abutitur 3. b
 Providentia divina quid 289. a
 Providentia actus Dei internus: creatio vero & gubernatio actus externi, quibus executioni mandatur 289. a
 Providentia proprie est actus intellectus divini, completur vero per actum voluntatis 289. b
 Providentia monarchica, qua cuncta in suos fines dirigir & gubernat, est in Deo 290. a
 Providentia pars præcipua prudentiæ 290. a
 Providentia divina neque includit neque exigit affectionem finis, ad quem res per eam ordinatur 291. a. 302. a
 Providentia divine vari fines, & ordines, pulchraque illius contemplatio, & explanatio 292. a
 Providentia divine quasi prima intentio in Angelis & hominibus condendis 292. b
 Providentia quasi secundarius ordo poenas peccatorum respicit 293. b
 Providentia divine qui ordinem unum peccando egreditur, in alterum ejusdem providentiæ relabitur 293. b
 Providentia ordinem non semper vult Deus exequi absoluta voluntate finis, sed interdum conditionata 294. a
 Providentia qua ratione circa peccata, eorumque permissionem veretur 294. a
 Providentiam qua ratione insignes Philosophi multum ignoraverint, circa eamve cæcaverint 294. b
 Providentia divina ob sui perfectionem nunquam fallitur 295. a. 369. b
 Providentia divina, præcisa a præscientia, neque consequentis neque consequentiæ necessitatem effectibus liberi arbitrii imponit 295. a
 Providentia certitudinem Boëtius & D. Thom. quam intellexerint 295. b
 Providentia non includit præscientiam eventuum, sed ad sola providentiæ perfectionem ea præscientia spectat 296. b. 369. b
 Providentia pars est subiecta prædestinationi, & quid prædestinatio supra providentiam addat 297. a
 Providentiæ divine omnia subjacent 297. a
 Providentiæ divine peccata quoad formale & materiale quousque subjacent 297. b
 Providentiæ divine subjacent effectus fortuiti 297. b
 Providentia divina cur se extendat ad effectus naturaliter necessarios 298. a
 Providentia solum est circa ea quæ aliquo modo sunt in potestate provisoris 298. a
 Providentia divina quarundam rerum dicitur esse peculiariter 298. a
 Providentia divina immediate est de omnibus: illius vero executio interdum causarum secundarum interventum non excludit 298. b
 Providentia divina quibusdam effectibus necessitatem imponit, aliis non item 298. b
 Providentia & prædestinationem cum rerum contingentia libertateque arbitrii quo pacto coherere velit Cajet. 299. a. 302. a
 Providentiæ & liberi arbitrii coherentia ostenditur 306. a

Provisi non sunt effectus omnes ut essent, ac ita fierent, neque Deus illis preparavit causas ut eo pacto evenirent, neque eos esse voluit voluntate absoluta & efficaci, sed solum voluit eos permittere 300. b
 Providentiæ, licet a providendo dicta sit, longe tamen diversa est a præscientia 301. a
 Providentiæ divine effectus solum sunt, vel fines a Deo intenti, vel media ad eosdem fines a Deo præparata 301. a
 Providentiæ divine effectus non sunt actus peccatorum, sed sola eorum præmissio 301. a
 Providentiæ cum arbitrii libertate, cum evitabilitate peccatorum, nec non poenarum, quæ illa consequuntur, conciliatio, non aliam difficultatem continet; quam præscientiæ cum his conciliatio 301. a
 Providentiæ divine effectus non sunt mortes injuste, aut fortuito evenientes, sed solum earum præmissio; & unde certitudinem habent 301. b
 Providentiæ & prædestinationis non alia certitudo, quam divine præscientiæ 302. a
 Providentiæ præscientiæque divina, unde cum arbitrii libertate conciliatur 303. b
 Providentiæ qualis ex parte divini intellectus præcessit determinationem liberam voluntatis 369. a
 Providentiæ circa beatitudinem quid 369. a
 Providentiam non impedit, sed adjuvat scientia media, tanquam notitia ad exactissimam providentiam necessaria 262. a
 Providentiæ & præfinitio divina intendit actus non malos arbitrii creati, suntque in singulari effectus illius 262. b
 Providentiæ divine quo pacto omnia in singulari tam bona quam mala subdantur 263. a
 Providet Deus cuique rei accommodat ad illius naturam, ac proinde rebus liberis servata earum libertate 262. b
Puer.
 Pueri ante usum rationis aliqua efficiunt libere; & cur ad culpam aut merium eis non imputentur 8. a
 Pueros aliquos petire nemine valente eis remedium afferre, non tollit quod Deus conditionata voluntate veller omnes salvos fieri 275. b
Punitio.
 Punitio ad quasi secundariam divinæ providentiæ ordinem pertinet 293. b
Quotidianum auxilium.
 Quotidianum auxilium, quo ad perseverandum in gratia indigemus, quæ includat 148. a
Ratio recta.
 Rationem rectam cur homo semper deferat; cum reliquæ res ut plurimum fines suos assequuntur 11. a
Rationis usus.
 Rationis usus quid, quando pueris amentibus & vigilantibus adveniat 10. a. b
 Rationis usus non est perfectus in semirigilantibus: ac proinde quæ tunc efficiunt, non eis ad culpam imputantur 10. a
Redemptor.
 Redemptoris necessitas 19. a
Reprobatio, & reprobus.
 Reprobatio approbationi quomodo opponatur 310. a
 Reprobatio creaturarum comparatione vitæ æternæ quid 310. b

INDEX RERUM NOTABILIUM.

Reprobatio, non predestinationi, sed approbationi, quae
predestinatione est posterior, directe opponitur 310. b
Reprobationis effectus qui 311. b
Reprobationis cur peccata non sint effectus 312. b
Reprobatio, juxta Divum Thomam, includit voluntatem
permittendi peccatum reprobis: eaque permissio, atque
obduratio in eo, effectus sunt reprobationis 312. a
Reprobatio proprie neque est voluntas permittendi pecca-
tum reprobis, neque illam includit 312. a
Reprobatio pro refectione & restitutione rei prius in se
indigna, usurpatur semper in Scripturis 312. a
Reprobationis effectus in genere cause finalis aliquo modo
concedi possunt permissio peccati reprobis, & obduratio
in illo 313. a
Reprobi, quod in peccatum cadere permittantur, neque
integra, neque sufficiens causa est splendor justitiae divinae
313. a
Reprobationis effectus sunt permissio peccatorum, & ob-
duratio, tanquam partis integri finis ob quem dunt vol-
lunt, longeque aliter atque Dei dona sunt effectus prae-
destinationis 313. b
Reprobatio qualis a quibusdam consideretur 314. a
Reprobatio est in Deo 314. b
Reprobationem fuisse ob originis peccatum, qua ratione
assimilatur August. 314. a
Reprobo ut integrum maneat pervenire in beatitudinem
317. b
Reprobis efficere non potuit ut esset praedestinatus; tam-
en ea efficere possit, quae si faceret, perveniret in vitam
aeternam; ratioque providentiae circa illum habuisset
rationem praedestinationis 375. a
Reprobationem comparatione est triplex divinae voluntatis
actus, nempe, permittendi peccatum illius, cum in illo
obdurandi, & excludendi cum propter illud a regno coe-
lesti 404. a
Reprobationem comparatione iidem actus praesupponunt pec-
catum praevium ipsominet reprobationem libertate ac-
nequitia, diversimode tamen 404. a
Reprobationis datur causa meritoria ex parte reprobi
408. a
Reprobatio requirit, tanquam conditionem sine qua non
esset, voluntatem divinam permittendi peccatum ob
quod reprobatur, & obdurandi in illo: nullus tamen horum
actuum est, sed est voluntas excludendi peccatorem a
vita aeterna, tanquam ea ob tale peccatum indignum
406. b
Reprobationis, quoad integrum effectum, si voluntatem
includeret permittendi peccatum ob quod est reprobatio,
non daretur causa ex parte reprobi, sed solum conditio
sine qua non praestitisset in Deo. 407. b
Reprobationis certitudo tota est in divina praescientia 408. a
Reprobationis conciliatio cum arbitrii libertate 408. b
Reprobationem peccata permittendi fines 411. a
Reprobi non omnes nomine despectuorum in hac vita com-
prehenduntur 412. b
Reprobatio non antecedit voluntatem permittendi peccata,
& in eis obdurandi usque ad finem vitae 406. b
Reprobatio majori gratia praeventus magis fuit dilectus vo-
luntate antecedente, quam praedestinatus minori prae-
ventus gratia: secus voluntate consequente 422. a
Scientia.

Scientia naturalis in Deo antecedit actum liberam suae vo-
luntatis 1. b
Scientia Dei libera, qua cognoscit haec aut illa contingentia
esse futura, consequitur liberum actum voluntatis divinae,
ab eoque pendet 1. b
Scientia naturalis Dei est causa rerum, habetque rationem
artis: non vero scientia libera 2. a
Scientia intuitiva perfectior non est in Deo, quam scientia
simpliciter intelligentiae: secus in nobis, & in Angelis
208. b
Scientia Dei eorum quae nondum existunt, an rationem
habeat scientiae visionis, vel simpliciter intelligentiae
211. b
Scientia Dei naturalis ad quae se extendat 213. a
Scientia, qua Deus scit quodeunque contingens futurum,
tam necessaria jam nunc est, ut contradictionem implicet,
Deum efficere se id nescivisse 220. b
Scientia futurorum contingentium est in Deo 226. b
Scientia triplex distinguenda est in Deo ad arbitrii libera-
tem cum praescientia conciliandam 227. a
Scientia mere naturalis in Deo quae 227. a
Scientia mere libera in Deo quae 227. b
Scientiam edia inter liberam & naturalem in Deo quae 227. b
Scientia media cur ita appellanda, & qualis ea sit 227. b
Scientia media ita Deo est propria, ut neque anima Christi
possit communicari 228. b
Scientia media indiget non solum comprehensione cause
libere, sed etiam altissima & eminentissima illius com-
prehensione, qualis est in solo Deo 228. b
Scientia media non est in Deo comparatione sui liberi arbi-
trii 228. b
Scientia sola mere naturalis, accedente libera determina-
tione voluntatis, fuit in Deo causa rerum quae a creato
arbitrio, & a vestigio libertatis brutorum, non pendet
231. b
Scientia, tum mere naturalis, tum media inter liberam,
& mere naturalem, una cum determinatione volun-
tatis, fuit in Deo causa rerum quae ab arbitrio creato
pendent 232. a
Scientia libera, qua post determinationem suae voluntatis
scivit Deus res futuras, non est causa rerum 232. a
Scientia divina certo scitur, quod in se est incertum, certitudo
proveniente non ex objecto, sed ex Dei eminen-
tia & nobilitate 236. a. b
Scientiae & opinionibus, etiam in eadem disciplina, unde
specie distinguuntur 236. a
Scientiam mediam qui impugnent 239. a
Scientiam mediam esse constituendam 241. a. 242. b. 244. a
Scientiam media non est in Deo comparatione sui liberi arbi-
trii 245. a
Scientiae divinae certitudo, quod arbitrium creatum pecca-
bit, unde proveniat 248. b
Scientiam mediam, qua Deus cognovit peccata per arbi-
trium creatum ex quacunque hypothese futura, esse con-
stituendam 248. b
Scientiam mediam esse comparatione futurorum contin-
gentium ex hypothese seu conditione 249. a
Scientia media non ideo rejicienda, quia libertas ar-
bitrii cum aliis rebus facile ex illa conciliatur 253. a
Scientia media necessaria non est ad ea quae radicem suam
contin-

INDEX RERUM NOTABILIUM.

contingentia habent solum liberum arbitrium divinum 257.b
 Scientia quæ præcæsit omnem prædeterminationem 259.a
 Scientia divina certitudo circa futura contingentia, unde proveniat 261.b
 Scientia media est in Deo ante actum suæ voluntatis, sed ex hypothesi, si hoc vel illo modo velit præsumere, aut hoc vel illo modo velit providere 261.b
 Scientia media non impedit sed adjuvat divinam providentiam, tanquam notitia ad exactissimam providentiam, necessaria 262.a
Sensus compositus.
 Sensus compositus & divinus ubi locum habeant 235.a
 Sensus compositus & divinus in præcognitione & prædeterminatione quo pacto usurpandus, ut duo extremi errores videntur 235.a
 Sensus compositus & divinus quales inserviant ad humani arbitrii libertatem tuendam, quales non itum 248.a
 252. a. 266. b
Spes.
 Speculum quod solum substantiam, elicere possumus cum solo concursu generalis Dei, posita ex parte intellectus notitia ad id necessaria 43. a
 Speculum qualiter gratia præveniente fiat 184. a
 Spe & fide supernaturalibus spoliati sunt demones simul acque peccaverunt 397. b
Status.
 Status quadruplex in quo humana natura potestur 11. b
 Status hominis in puris naturalibus qualis 11. b
 Status innocentie qualis 11. a
 Status hominis post peccatum ante gratiam 12. b
 Status hominis lapsi duplex, ante gratiam scilicet, & post gratiam recuperatam 13. a
 Status ante gratiam duplex consideratio 13. b
 Supernaturale aliquid duobus modis 158. b
 Supernaturale aliquid, & naturale, comparatione diversorum 158. b
Supernaturalia.
 Supernaturalia sola commensurationem habent ad beatitudinem supernaturalem 19. b
 Supernaturalia nostra opera, non a nostro arbitrio, sed a Deo tanquam a particulari eorum causa habent speciem supernaturalem 136. b
 Supernaturales actiones liberi arbitrii, etiam spectant ut ab eo præcise emanant, quo pacto in Deum referantur 330. b
Tentationes.
 Tentationes difficiles an in quocunque temporis momento superare possimus absque speciali auxilio Dei 67. a. 78. a
Timor.
 Timor, ut seta, amorem Dei introducit 76. b
Tractatio.
 Tractatio & vocatio divina ad fidem necessaria, arbitriique libertas, ut non se impediunt 26. a
Tristitia.
 Tristitia & læticia non sunt volitio & nolitio, sed affectus & motus voluntatis 67. b
 Tristitia ut sit in voluntate, facit est nolentiam, quæ id, unde tristimur, nollemus esse, esto absolute id esse velimus 67. b
 Tristitia & doloris capax fuit voluntas Christi 270. b

Tallius.
 Tallii error circa præcognitionem & divinationem 3. a
Velle.
 Velle & intelligere efficienter emanant ab intellectu & voluntate 6. b
Venialia peccata.
 Venialia peccata. Vide Peccata venialia.
Verbum divinum.
 Verbum divinum in Christo, quo verbum, non influit in naturam humanam, sed solum terminat dependentiam illius 269. b
Viator & comprehensor.
 Viatoris simul & comprehensoris ratio in quo fuerit in Christo posita 270. b
Virtus.
 Virtutem ac bonum non reputat interdum Augustinus nisi quod conjunctum est cum caritate, aut in suo ordine & gradu commensurationem habet cum beatitudine 26. b
Vocatio.
 Vocatio & tractio divina ad fidem necessaria, arbitriique libertas, ut non se impediunt 26. a
 Vocatio ad fidem, illuminatio, ac inspiratio, ad intellectum pertinent 26. b
 Vocatio interna ad fidem multum pender a conatu Ecclesie, & qualitate ministrorum Evangelii 29. a
 Vocatio interna ad fidem quantum ab arbitrio ejus, qui vocatur, pendet 29. b
 Vocaturum aequali auxilio fieri potest ut unus convertatur, & alius non 37. a
Voluntas.
 Voluntas non quoad omnes suos actus est libera 8. a
 Voluntas humana libera est ad supernaturales actus, tam quibus ad gratiam disponitur, quam quibus augmentum illius & glorie meretur 14. a
 Voluntas, cum prius natura sit in quocunque instanti, quam in eo eliciat actum prius in eo est libera ut cum eliciat vel non eliciat, quam vel actu eliciat vel non eliciat 103. b
 Voluntas Dei ex æternitate libere determinata, causa est rerum & circumstantiarum earundem pro ratione talis determinationis 111. b
 Voluntas libera Dei, mensura divine potentie 112. a
 Voluntas signi an aliquam voluntatem, saltem conditionatam significet in Deo 273. a
 Voluntas antecedens & consequens ex mente Damasceni explicatur 274. a
 Voluit vere Deus Angelos omnes, & homines, dum condere eos in suam beatitudinem statuit, salvos fieri, si per ipsos non laret 275. a
 Voluit Deus vere toti generi humano, dum illi lapsu Redemptorem confere decrevit, beatitudinem sub conditione 275. a
 Voluntas conditionata, qua Deus vult omnes salvos fieri, actus est divini liberi arbitrii 276. a
 Voluntas antecedens & consequens ex Damasceno quid 276. a
 Voluntas antecedens & consequens circa quæ a Damasceno constituntur 277. a
 Voluntas Dei absoluta quænam sit, quam Damascenus consequentem appellat 277. a
 Voluntas antecedens & consequens quid, & unde ac curia appellata 277. b
 Voluntas

INDEX RERUM NOTABILIUM.

Voluntatem conditionatam, videlicet, si & nos velimus, dari in Deo probatur	278. a	Voluntatis consensum determinat influxus gratiæ, ut sit distinctus specie	319. a
Voluntas conditionata, quæ non impletur, velleitas est nuncupanda	280. b	Voluntatem quatenus necessitare possit Deus: illam tamen regulariter non necessitat	324. b
Voluntas Dei absoluta semper impletur, & quando proprie dicatur efficax	281. a	Voluntatis determinatio ad actum quid	339. b
Voluntas quædam Dei est absoluta, quæ conditionem, si & nos velimus, non excludit, semper tamen impletur	281. b	<i>Ufus liberi arbitrii.</i>	339. b
Voluntas Dei conditionata non semper impletur	283. a	Ufus bonus liberi arbitrii primam gratiam antecedens, neque causa neque ratio est prædestinationis	324. b
Voluntatis divinæ non omnem ordinem egreditur peccator, dum transgrediendo præcepta, a divinæ voluntatis ordine egreditur	283. a	Ufus bonus gratiæ jam acceptæ non est causa aut ratio prædestinationis	335. a
Voluntatem absolutam non habet Deus, ut sint actus peccatorum, sed solum illos permittendi: vult tamen ad eos influere solo concursu universali	283. b	Ufus totus liberi arbitrii bonus qui in prædestinationis effectu includitur, duas causas liberas partiales habet, Deum videlicet, & nos, a quarum quavis ita pendet, ut ea pro sua libertate non influente, omnino non sit	357. a
Voluntas divina exequendi ordinem suæ providentiæ, non comparatione cujuscumque finis est absoluta, sed interdum est conditionata	294. a	Ufus bonus liberi arbitrii, etiam ut præcisè ab arbitrio emanat, quo pacto in Deum quoque ipsum referatur	357. b
Volendo finem & media, non prius vult Deus finem quam media	343. a	<i>Ufus rationis, liberique arbitrii.</i>	357. b
Voluntas actus liberi, qualem deliberationem ac notitiam intellectus requirant	9. a	Ufus rationis quid, quando pueris, amentibus, & vigilantibus adveniat	10. a. b
Voluntatis & intellectus actus actiones sunt, termini eorum qualitates ab eis formaliter solum distinctæ, atque in conservari ab eisdem dependentes	152. a	Ufus rationis non est perfectus in semivigilantibus: ac proinde quæ tunc efficiunt, ad culpam eis non imputantur	10. a
Voluntatis actus unde specie distinguantur	157. b	Ufus bonus liberi arbitrii simul est donum Dei & dispositio aut meritum nostrum	360. a
Voluntatis suæ determinationem liberam non cognoscit Deus antequam voluntas se determinet	244. a. 228. b	Ufus boni liberi arbitrii singulæ partes a Deo & a nobis pendunt	360. a
Voluntas prius natura est indifferens ut se determinet, quam libere operetur; neque prius se determinat, quam operetur	265. b	Ufus boni liberi arbitrii singulæ partes totæ sunt a Deo, & totæ ab arbitrio	360. b
Voluntatem nostram non determinat Deus ad assensum vel dissentium, sed ipsa seipsam determinat	338. b	Ufus boni liberi arbitrii singulæ partes effectus sunt prædestinationis, sed non ut præcisè a libero arbitrio emanant	361. a
Voluntas seipsam determinat ad operandum	338. b	Ufus bonus liberi arbitrii, etiam quatenus præcisè ab arbitrio emanat, ut in Deum referatur	361. a
Voluntatis consensum determinat influxus gratiæ, ut sit distinctus specie	339. a	Ufus bono liberi arbitrii quæ convenient propter influxum arbitrio proprium	362. a



APPENDIX
AD
CONCORDIAM
LIBERI ARBITRII

CUM
GRATIÆ DONIS, DIVINA PRÆSCIENTIA,
PROVIDENTIA, PRÆDESTINATIONE,
ET REPROBATIONE

DOCTORE LUDOVICO MOLINA,
PRIMARIO QVONDAM IN EBORENSI ACADEMIA
THEOLOGIÆ PROFESSORE E SOCIETATE JESU
AUCTORE.

* * * * *

OLYSSIPPONE,
APUD EMMAN. DE LYRA TYPOGRAPHUM,
M. D. LXXXIX.
CUM FACULTATE SUPERIORUM.

*l. ad cap. 3.
lib. 2.*

Nostra de libero arbitrio cum gratia donis, præscientia, prædeterminationeque *Concordia* vix in lucem prodierat; cum de sanitate nostræ doctrinæ aliqua ex parte a quibusdam, quos proforsus ignoro, dubitatum est. Ratio vero dubitandi erat, quoniam interpositis nonnullis consequentiis videbatur *Concordia* recidere in alias quorundam propositiones, de quibus ferebatur tribunal sanctæ Inquisitionis in regno Castellæ cavisse ne docerentur, donec re maturius considerata de eis censeretur. Et quamquam dubitationem excitatam, ne invalesceret, comprimerebat approbatio gravissima, quam tria suprema tribunalia, Inquisitionis in Lusitania, regique Senatus Castellæ & Aragoniæ tulerant; ne tamen veritati deesse, objectionibus oppositis ita respondi, ut responsionibus accurate examinatis, Senatus supremus pronuntiari, nihil prorsus esse, cur liber impediatur. Quo iudicio contentus rem totam sibi silentio obmissem, nisi duæ me causæ prorsus coëgis- sent ad responsiones has in lucem producendas. Prima est, quoniam aliqua difficilia, & digna, quæ sciantur, circa materias intrincatas, & valde controversas copiosius in eis declarantur, corroboranturque. Altera est, quia vereor ne ea ipsa, quæ contra *Concordiam* in Lusitaniam delata sunt, per alias provincias disseminantur, & nostrum laborem suspectum reddant apud eos, qui defensionem nullam videriat. Eum porro inter respondendum servabimus ordinem, ut prius quæ objecta sunt proponamus, deinde vero eis satisficiamus.

OBJECTIO I.

IN hac objectione referuntur in principio tres propositiones: Prima scilicet, quarta, & quinta, ex his quæ ad Castellæ tribunal delatæ dicuntur.

Prima propositio: Deus non omnes actus bonos morales providit in singulari, nec prædestinavit, ut fierent hic & nunc; sed solum providit Deus illos determinandos a libero arbitrio creaturæ.

Quarta propositio est: Aliqua bona sunt in tempore a nobis, quæ non sunt provisæ a Deo.

Quinta propositio: Deus non providit, nec

determinavit numerum omnium rerum singularium, verbi gratia, bonum & formicarum, &c.

Deinde sic additur: Harum propositionum doctrinam docet libri auctor 9. 22 art. 4. pag. 300, ubi ait: Illud igitur in primis nulla ratione admittendum est, effectus omnes, qui in hoc mundo eveniunt, provisos esse a Deo, ut ita fierent, preparasseque illis causas, ut ita evenirent, voluisseque voluntate, vel efficaci, vel absoluta, ut ex certis causis evenirent. Propositionum, inquam, doctrinam his verbis docet: nam qui asserit non omnes effectus provisos esse a Deo, asserere videtur, non omnes actus bonos morales providisse, ut habetur in prima propositione, & aliqua bona fieri a nobis, quæ non sunt provisæ, ut habetur in quarta: nisi dixerit, se locutum de aliis effectibus, qui actus morales, aut bona opera non sunt: quod apparet, non esse auctoris mentem, ex ejus doctrinæ intentione, librique contextu. De actibus enim moralibus præcipuus sermo est, & de operibus bonis; & cum effectus aliarum quoque rerum videatur comprehendisse, & hoc dicat non esse provisos a Deo, consequitur sensisse, numerum omnium rerum singularium non esse provisionem, nec determinatum a Deo, ut habetur in quinta propositione.

RESPONSIO.

IN primis verba mea nullam harum propositionum continent sub terminis, quibus referuntur, ut liquido constat; nec etiam sub aliis, ut statim patebit.

Non possum deinde non mirari, quod nobis tribuatur ea propositio, quæ asserit, aliquid esse in rerum natura, quod in singulari non sit provisum a Deo: cum eadem ipsa quæst. 22 art. 1 disp. 2 præsertim a pag. 392 explicatis variis ordinibus divinæ providentiæ, copiose ostenderim, omnia universum, tam bona quam mala, etiam in singulari, cadere sub divinam providentiam; & id quod unum ordinem egreditur, relabi in alium ejusdem divinæ providentiæ. Atque ut aliqua recitarem, pag. 294. b. §. Tertium, hæc habeo. Cum ex una parte divina providentia tam copiose ac dilucide splendeat in toto hoc universo; atque in singulis quibusque minutissimis illius partibus. Legatur ea disputatio. Accedit, quod art. 2 sequenti pag. 297 satis manifeste idem cum D. Thoma docui,

docui, explicavi, & de fide esse ostendi. Et art. 3 sequenti cum eodem S. Doctore asserui, Deum immediate providere omnibus universim rebus, si divina providentia spectetur quoad rationem ordinis rerum in suos fines, in quo ratio formalis divinæ providentiæ consistit. Si vero spectetur quoad executionem ejus ordinis (quod ad gubernationem spectat) non ita immediate, quasi causas secundas excludat; quin potius causarum secundarum interventu multa producere ac gubernare, ut inferiora per superiora; quod ad splendorem divinæ majestatis, bonitatis potentiaque spectare dicitur.

Præterea, ad rem magis accedendo, fatetur auctor objectionum, si de actibus peccatorum ibi loquar, & non de actibus bonis moraliter, cessare omnia quæ mihi per consequentias imponit. Ad prorsus, quidquid causetur, luce clarius constat, me non de bonis actibus moralibus, sed de peccaminosis, & effectibus quibusdam fortuitis, qui in poenam peccati primi parentis, aut aliorum peccatorum in hoc mundo a Deo interdum permittuntur, fuisse locutum: tum quia id est de quo art. 2 præcedente pag. 298. a. §. penultimo promiseram me dicturum eodem illo art. 4 quem citat: tum etiam quoniam, post illa mea verba quæ retulit, pag. 300. b. subjeci continuo quæ sequuntur: quæ omnia Cajetanus hoc loco ponit tanquam certa & indubitata. Etenim cum providentia non aliud sit, quam ratio ordinis mediorum in finem in mente divina ex æternitate existens, cum proposito talem ordinem exequendi, ut art. 1 ex D. Thomæ communique Doctorum sententia diximus; effectum aliquem provissum esse a Deo, ut ex suis causis eo modo eveniat, quo re ipsa evenit, nihil aliud est, quam Deum sua providentia illum intendisse ut finem; atque ut eo modo eveniret, præparasse illi media & causas ex quibus ita emanaret: id autem asserere de actibus peccatorum, quos inter effectus reales qui in hoc mundo sunt computandos esse constat, plane blasphemum, errorque esset manifestus in fide, ut qu. 14 art. 13 a disput. 30 aperte est demonstratum. Ubi cum Augustino dicebamus, ea ratione actus peccatorum non tribui Deo, quia licet ad eos cooperetur tanquam causa universalis, suæque providentiæ contulerit homini liberum arbitrium, a quo

MOLINA.

emanant; non tamen eo sine hominem liberum fecit, aut cum eo cooperatur, ut peccaret; sed ut studioso ageret, manente tamen libertate ad peccandum: Idque, tum quia id natura ipsa rerum habebat; tum etiam, ut studiosa operatio illi in laudem, honorem, & meritum cederet, ut sæpe dictum est. Unde quia actus peccatorum abusivi sunt liberi arbitrii, deviatioque ab eo fine ad quem nobis Dei providentiæ collatum est; idcirco non Deo, sed nobis tamquam effectus proprii tribuuntur. Nullo ergo modo dicendum est, actus peccatorum effectus esse divinæ providentiæ, a Deo esse provisos ut ita fierent, aut Deum præparasse illis causas ut ita fierent. Licet enim causam eorum præparaverit, nempe arbitrium ipsum a quo sunt; non tamen ut ita fierent, sed potius ut fierent contrarii actus: nos vero his abutimur causis ad actiones, quæ nostra nequitia est, ad quas nobis a Deo non sunt collatæ, & ob eam causam peccamus. Ecce continuatam orationem post verba illa, quibus ductus auctor objectionum, ut tres illas propositiones nobis imponat, asseverat loqui me de actibus bonis moraliter. Legatur etiam quæ sequuntur usque ad initium pag. 302 & comperietur de nullis aliis actibus aut effectibus me fuisse locutum, quam de iis de quibus paulo ante dixi: idque disputationi quam cum Cajetano susceperam inferrebat, ut ex iis, quæ circa sequentem propositionem dicam, apertum erit. Unde prorsus ignoro, quo veritatis colore adjecta fuerint, quæ sequuntur: Quod apparet non esse auctoris mentem, ex doctrinæ intentione, librique contextu: de actibus enim moralibus præcipuus sermo est, & de operibus bonis.

Denique quamvis quæ hæcenus dixi sine satis, illud adhuc adjiciam, latum discrimen esse inter hæc duo, divinam providentiam non esse circa aliquem effectum, aut de aliquo effectum; & divinam providentiam non intendisse aliquem effectum: itemque longe diversa esse, aliquos effectus non esse provisos a Deo; & non esse provisos a Deo, ut ita fierent, præparasse illis causas, ut ita evenirent, aut voluisse voluntate, vel efficaci, vel absoluta, ut ex certis causis orirantur. Secundum enim significat, Deum sua providentia eos effectus tamquam fines suarum

Kkk

causarum

causarum intendisse, atque ex intentione, ut illi in particulari fierent, condidisse causas ex quibus fiunt; primum vero id non significat, sed abstrahit a quovis modo divinæ providentiæ. Rursus primum est erroneum, cum nullus prorsus sit effectus, qui divinam providentiam subterfugiat; secundum est orthodoxum, cum impium sit asserere, actus peccatorum intendi a divina providentia. Attendere ergo debuit auctor objectionum, me art. 1 disp. 2 & art. 2 & 3 paginis supra citatis, quibus in locis ad omnes omnino effectus actusve, sive bonos sive malos, divinam providentiam extendi docui, locutum fuisse de Dei providentia absolute, sive ea res provisas intenderit tamquam fines, illisque preparaverit causas eo fine ut essent, sive non: at in loco unde ea verba desumpsit, quæ illum offenderunt, me non examinasse, utrum omnes effectus provisi essent a Deo absolute, sed utrum provisi essent ut ita fierent, quasi sua providentia intenderit ut fierent, atque eo fine, ut illi in particulari essent, causas ex quibus orientur preparaverit; quo in loco ex hoc genere providentiæ cum Augustino excepti actus peccatorum, itemque nonnullos effectus fortuitos, qui in poenam peccati primi parentis, aut etiam aliorum peccatorum a Deo interdum permittuntur, non vero actus bonos morales. Quæ omnia perspicua sunt, tum ex iis, quæ de ejusmodi fortuitis effectibus art. 2 pag. 298 §. penult. dixi, ubi ad art. 4 copiosorem distuli sermonem; tum ex iis ipsis verbis meis, quæ ab ipso referuntur: cum enim dixissem: Illud igitur in primis nulla ratione admittendum est, effectus omnes, qui in hoc mundo eveniunt, provisos esse a Deo, non ibi substitui, sed ulterius progressus, continenter addidi; ut ita fierent, preparasseque illis causas, ut ita evenirent, &c. Auctor vero objectionum sic adversus me est argumentatus, quasi sola illa priora verba protulissem, nec per sequentia ea contraxissem. Adde quod idem constat ex iis quæ continuo postea ipsa verba subjunxi, & paulo ante retuli.

OBJECTIO II.

Tertia propositio: *Deus præscivit me locuturum, non quia prædixit, ut ego loquerer; sed quia ego eram locuturus, ideo præscivit me locuturum.*

Hujus propositionis doctrina habetur q. 14 art. 13 disputat. 49 pag. 208. Ubi sic scribitur: Non ideo liberum arbitrium creatum facturum esse hoc potius quam oppositum, quia Deus id præscivit; sed e contrario, ideo Deum id præscivisse, quia liberum arbitrium pro sua innata libertate, id erat facturum. Et in margine scriptum est clarius: Liberum arbitrium creatum non ideo effectus hoc vel illud, quia Deus id præscivit, sed ideo Deus præscivit, quia ita libere erat facturum. Et in quest. 22 art. 4 pag. 303. cum loqueretur de conciliatione evitabilitatis effectuum liberorum cum Dei providentia, caput ejus rei esse dicitur: Quia non ex eo quod Deus præsciret effectus ita eventuros esse, ideo evenirent; sed e contrario, quia illi pro libertate arbitrii ita sunt eventuri, Deus id præsciret. Inter propositionem & libri auctorem hoc tantum est discriminis, quod auctor libri in communi loquitur de quovisque liberi arbitrii opere, cum in propositione de opere locutionis sit sermo, veluti particulari adducto exemplo, ad explicandum, quod generaliter in libro scriptum est.

Et cum auctor providentiam, quæ conjunctum habet velle seu voluntatem, excludit ab actibus moralibus: non enim credit (V. G.) me loqui, quia Deus providit me locuturum: consequitur, ut non credat me loqui, quia Deus me loqui voluit, ut habetur in 2 propositione.

Et cum ita excludatur Deus ab operatione libera, ut eam per providentiam non velit, excluditur etiam, ut ejus operationis causa non sit neque determinet voluntatem humanam ad operandum, ut habetur in 6 & 7 propositione. Et re bene perspecta, ex auctoris sententia omnes simul propositiones facili opera deduci possunt, cum vere eandem doceant doctrinam.

RESPONSIO.

Antequam ostendam multum discriminis esse inter meam doctrinam, & tertiam propositionem, quæ mihi etiam immerito imponitur, alium locum libenter proferam, ubi id ipsum, quod ex meo libro refertur, multo copiosius assero, atque ex suis principiis deduco. Locus vero est eadem ipsa q. 14 art. 13 disp. 51 statim sequenti, quam totam cum duabus præcedentibus ut legat, rogo lectorem precorquere. Ego enim brevitati consulens solum huc transferam partem eam in qua meum pronuntiatum auctoritate Patrum,

Patrum, Doctorumque gravissimorum firmavi. Ea autem sic habet. pag. 232. seq.

Hoc vero, quod ultimo loco diximus, affirmant etiam omnes illi Doctores, quos disputatione precedente citavimus. Dum enim asseverant, libero arbitrio hoc, vel ejus oppositum, indifferenter pro innata sibi libertate in futurum eligente, Deum effecturum, ut non aliud ipse ex aternitate præciverit; manifeste docent, non ideo res esse futuras, quia Deus id præcivit; sed e contrario. In eadem sententia videntur esse ceteri Doctores scholastici, quamvis, ut verum fatear, contrarium innuere videatur D. Thomas supra art. 8 in responsione ad primum, dum exponit, atque in contrarium sensum reducere conatur testimonium Origenis mox referendum, quo idem aperte docet.

Idem perspicue affirmat communis sanctorum Patrum sententia: Justinus enim martyr in expositionibus questionum a gentibus Christianis propositarum, in expositione quæst. 58 de proditione Judæ & præscientia Dei agens, ait: Non causa ejus, quod futurum est, prænotio; sed quod futurum est, prænotio. Neque enim prænotationem sequitur, quod futurum est; sed quod futurum est, prænotio. Ita fit ut non Christus proditionis causa sit, sed proditio causa est Domini prænotationis. Idem dicit esse de præscientia peccati Angelorum & primorum parentum. Quare non loquitur de sola prænotatione Christi, quia homo est: hæc enim non antecessit peccata Angelorum & primorum parentum; sed etiam de prænotatione Dei, quia Deus est. Non sumit tamen causam pro vera causa: res namque non sunt causa præscientiæ Christi: neque enim increata præscientia, quam habet quatenus Deus est; nec creata futurorum contingentium, quæ præditus est quatenus homo, a rebus ipsis defumitur: sed loquitur de ratione quare illa sit, quatenus respectus rationis, quem scientia divina habet ad res quas novit esse futuras, pendet ex eo quod illæ ex suis causis sint futuræ, ut explicatum est.

Origenes. Origenes in quoque libro 7 in Epistolam ad Romanos, in illud cap. 8 Quos præcivit & prædestinavit, ait: non propterea erit aliquid, quia id scit Deus futurum; sed quia futurum est, scitur a Deo antequam fiat. Nam est (verbi gratia) fingamus, Deum non

præscire aliquid, futurum sine dubio erat, quod ita, ut puta Judas proditor factus est, & hoc ita futurum Propheta prædixerunt. Non ergo quia Propheta prædixerunt, idcirco prodidit Judas; sed quia futurum esset proditor, ea quæ ille proposito sui nequitia gesturus erat, prædixerunt Propheta: cum utique Judas in potestate habuisset, ut esset similis Petro, aut Joanni, si voluisset; sed elegit pecunie cupiditatem magis quam Apostolici consortii gloriam: & hanc ejus voluntatem prævidentes Propheta, librorum tradiderunt monumentis. Ut autem scias non in præscientia Dei unicuique salutis causam poni, sed in proposito & actibus suis, vide Paulum verentem, ne forte cum aliis prædicaverit, ipse reprobis efficiatur, macerare corpus suum, & subjiere servituti.

Damascenus in Dialogo adversus Manichæos: Quod præscientia (inquit) diabolo minime causa fuerit, cur malus fuerit, hinc constat: nam nec medicus, dum futurum morbum prænoscit, morbo causam affert. Verum morbi quidem causa in præposita, & immorata vita ratione consistit: at medici prænotio eruditionis ipsius argumentum est: prænotationis autem causa hæc est, quod ita futurum erat.

Chrysostomus homil. 60 in Math. super illud Math. 18 Væ mundo a scandalis: Non quia futura (inquit) scandala prædixit, idcirco evenient; sed quoniam omnino ventura erant, idcirco prædixit. Non enim fierent, si nolent ea excogitare nequam homines, atque pestiferi; quod si ventura non fuissent, nec ipse futura prædixisset. Ventura vero erant, quia multi erant graviter ægrotantes qui noluerunt non agere maligne, & ipse, quod futurum erat, prædixit. Sed si illi curati fuissent, quispiam diceret, ac nemo esset qui scandala faceret, nonne hic sermo falsitatis crimine teneretur? Certe si curati, sanarique omnes voluissent, non dixisset: necesse est scandala venire. Sed quia sua Sponte incurabiles futuros prospiciebat, ideo ventura omnino prædixit.

Hieronimus in illud Isaia 16: Hoc verbum quod locutus est Dominus ad Moab. Non (inquit) quod præscientia Dei causam vastitatis attulerit, sed quod vastitas futura Dei majestati prænotata sit. Et in prim. cap. 26 Hieremias. Non ex eo quod Deus scit

Kkk 2 futurum

D. Bonaventura.
Richardus.
Scotus.
Ockham.
Gabriel.
Gregorius.
Sylvesterus.
Dionysius.
Albertus.
Pignus.
Andreas.
a Vega.
Alfonsus.
Gilbertus.
Quidam.
Angli.
Anthonius.
Cordubensis.
& alii locis
p. 219. a. cit.

Justinus
Martyr

Damascenus.

Chrysostomus.

Hieronimus.

futurum aliquid, idcirco futurum est: sed quia futurum est, Deus novit, quasi præscius futurorum. Item in illud Ezechiel. 2: Et dices ad eos &c. sic ait: Non quia illa ventura cognoscit, necesse est nos facere quod ille præcivit; sed quod nos propria voluntate sumus facturi, ille novit futurum, quia Deus est. Tertiò quoque libro dialog. adversus Pelagianos: Non ideo peccavit Adam, quia Deus hoc futurum noverat: sed præcivit Deus, quasi Deus, quod ille erat propria voluntate facturus.

Augustinus. Augustinus 5 de Civitate Dei, cap. 10 Neque enim (inquit) ideo peccat homo, quia Deus illum peccatum præcivit: imò ideo non dubitatur ipsum peccare, cum peccat; quia ille, cujus præscientia falli non potest, non fatum, non fortunam, non aliquid aliud, sed ipsum peccatum esse præcivit, qui si nolit, omnino non peccat; sed si peccare noverit, etiam hoc ille præcivit. Et de prædestinatione & gratia cap. 15: Si dicitur jam Pharaonem non potuisse mutari, quia cum præciverat Deus non esse mutandum: Respondetur, Dei præscientiam non cogere hominem ut talis sit, qualem præcivit Deus; sed præscire talem futurum, qualis futurus est, quamvis eum non sic fecerit Deus.

Cyriillus. Cyriillus lib. 9 in Joannem cap. 10 Quoniam (inquit) ita nonnulli sponte facturi erant, idcirco præscius Spiritus sanctus futura prædixit.

Leo prim. Leo primus, sermone 16: Non impias furentium manus immisit in se Dominus, sed admisit; non præsciendo, quod faciendum esset, egit ut fieret.

Ex dictis, tam hoc quam præcedentibus disputationibus, satis, ut credo, est manifestum, quamquam ratione libertas arbitrii nostri, contingentiaque rerum cum divina præscientia cohereant: cum enim res, quæ a nostro arbitrio emanant, aut ab eo pendent, non ideo sint futurae, quia a Deo præcognoscuntur futurae; sed e contrario, ideo a Deo præcognoscuntur hoc vel illo modo futurae, quia ita pro libertate arbitrii sint futurae; quod si contrario modo, ut possunt, essent futurae, contrario etiam modo, & non eo quo re ipsa sciuntur, præcognoscerentur ex æternitate futurae; imò vero cum scientia, quia Deus absolute novit has vel illas res esse futuras, non sit causa rerum; quin potius,

posita ex libera determinatione voluntatis divinæ hoc ordine rerum quem cernimus, perinde a suis causis (ut Origenes, & alii Patres adnotarunt) effectus eveniant, a naturalibus quidem naturaliter, a liberis libere & in utramvis partem contingenter, ac si in Deo nulla esset præscientia circa eventus futuros; sit plane, ut præscientia Dei, per quam ob infinitam omnique ex parte illimitatam perfectionem & acumen sui intellectus certo penetrat quid causæ liberæ posite in quocumque ordine rerum sint facturae, cum re ipsa, si velint, possint contrarium efficere, nullum omnino præjudicium libertati arbitrii & contingentia rerum afferat; sed perinde, existente etiam eadem scientia, libertas arbitrii, rerumque in utramvis partem contingentia salva mancant, ac si talis præscientia non esset. Id quod, præter Boëtium quinto de Consolatione Prosa ultima, & multos alios, Augustinus tertio de libero arbitrio cap. 4 cum Evodio disputans egregie docet. Cum enim Evodius ab Augustino peteret, quam ratione præscientia Dei & liberum arbitrium humanum consentirent; quandoquidem quod Deus futurum præcivit, id utique necessario fieri debeat, ait Augustinus: unde tibi videtur adversum esse liberum arbitrium nostrum præscientia Dei? Quia præscientia est, an quia Dei præscientia est? Evodius: Quia Dei potius. Augustinus: Quid ergo, si tu præscires peccatum esse aliquem, non esset necesse ut peccaret? Imò necesse esset ut peccaret. Non enim aliter esset præscientia mea, nisi certa præscirem. Augustinus: Non igitur quia Dei præscientia est, necesse est fieri quæ præciverit; sed tantummodo quia præscientia est, quæ si non certa prænoscat, utique nulla est. Evodius: Consentio; sed quorsum ista? Tunc Augustinus: quia, nisi fallor, non continuo tu peccare cogeres quem peccatum esse præscires; nec ipsa præscientia tua peccare eum cogeret, quamvis sine dubio peccaturus esset: non enim aliter id futurum esse præscires. Sicut itaque non sibi adversantur hæc duo: ut tu præscientia tua noveris, quod alius sua voluntate facturus est; ita Deus neminem ad peccandum cogens, prævidet tamen eos qui propria voluntate peccabunt.

Cur ergo non judicet iustus, quæ fieri non cogit præscius? Sicut enim tu memoria tua non

Augustinus.

non cogis facta esse, quæ præterierunt; sic Deus præscientia sua non cogit facienda, quæ futura sunt. Et sicut tu quædam, quæ nosti, meministi; nec tamen quæ meministi, omnia fecisti; ita Deus omnia, quorum ipse auctor est, præcitat; nec tamen omnium, quæ præcitat, ipse auctor est. Quorum autem non est malus auctor, iustus est ultor. Hinc ergo jam intellige quæ iustitia Deus peccata punit: quia, quæ novit futura, non fecit. Nam si propterea non debet retribuere supplicium peccantibus, quia prævidit peccaturos; nec recte facientibus debet præmia retribuere, quia & recte facturos nihilominus prævidet. Imo vero fateamur ad præscientiam ejus pertinere, ne quid cum lateat futurum; & ad iustitiam, ut peccatum, quia voluntate committitur, ita iudicio ejus impune non fiat, sicut præscientia non cogitur fieri. Hæc Augustinus.

Legerat hæc omnia auctor objectionum, viderat propositionem nostram non modo sententiam esse Doctorem, quos supra in margine citavimus; sed a Justino etiam Martyre, Origene, Damasceno, Chrysostomo, Hieronymo, Augustino, Cyrillo, & D. Leone verbis disertissimis asseri, & tamen huic veritati sese opposuit. Illum ego iudicem compello, æquumne sit contendere, ut propter propositionem unam, de cuius veritate in Regno Castellæ est dubitatum, damnetur tot Doctorum, & gravissimorum Patrum sententia, nullo interim aut ex Scripturis sacris, aut ex Ecclesiæ definitionibus allato testimonio: maxime cum hoc Patrum assertum tum cum experientia ipsa, tum cum Dei potentia ac sapientia mirabiliter conveniat. Cum experientia quidem; quoniam quivis experitur, divina præscientia nihil obstante, in sua potestate esse non agere id quod agit, atque adeo efficere ut, quod agit, non existat. Cum divina vero potentia ac sapientia, quoniam quemadmodum ad Dei omnipotentiam spectat posse condere creaturas libero arbitrio præditas, suarumque actionum dominas; ita ad ejusdem sapientiam magnitudinem pertinet eas, ob illimitationem sui intellectus, eminentissimamque cognoscendi modum, sic comprehendere, ut ex omni æteraitati in seipso, & in illis penetret quid illæ pro sua libertate sint facturæ ex hypothesi quod eas velit condere in hoc vel illo rerum ordine, cum his vel illis auxiliis,

in his vel illis occasionibus, aliisve loci, temporis, ac rerum circumstantiis, futurus tamen oppositum, si quemadmodum pro sua libertate possunt, oppositum essent facturæ. Jam vero negata hujus nostri pronuntiatum veritate, tollitur omnino modus conciliandi liberi arbitrii libertatem, rerumque contingentiam cum divina præscientia; quod fuit in causa, ut non aliunde id sancti Patres præstare tentarint, quam ex hoc ipso capite, ut patet ex eorum citatis testimoniis, atque his, quibus eodem art. 13 disputat. 23 copiose arbitrii libertatem demonstravimus. Adde, non aliter, quam retenta hujus pronuntiatum veritate, defendi posse, peccata nostra vere esse peccata ac iuste a Deo puniri: itemque nostra bona opera sic Dei dona esse, ut simul sint merita nostra, in illisque præmio afficiendis una cum misericordia iustitiam quoque elucere. Profecto si a communi Patrum pronuntiatum discedatur, periculum erit ne hominis libertas ruat. Nam eo sublato, nec arbitrium liberum cum Dei præscientia, providentia, prædestinatione, & reprobatione congruenter componetur sine magno errandi in fide periculo, nec quisquam aliquid adducet, quo sibi ipsi, nedum aliis satisficiat.

Ut autem objectionum auctor intelligat, quam immerito mihi tribuat tertiam propositionem; attendat, inter meum, imo sanctorum Patrum pronuntiatum, & prædictam propositionem non hoc tantum esse discrimen (ut ad augendum, si qua in me esset, culpam, ipse subjungit) quod ego in meo libro de quavis actione liberi arbitrii loquar, in tertia vero propositione de solo actu locutionis sit sermo; sed hoc aliud, idque apertissimum, quod in præfata propositione sunt hæc verba: *Non quia prædefiniit, ut ego loquerer, quæ in causa sunt, ut ea male sonet, & de ejus in re gravi veritate merito possit dubitari: falsum enim procul dubio asseruit, qui illam protulit, si existimavit, (quod ipse viderit) non esse necessariam Dei prædestinationem ut quis loquatur.* At ego dum commune sanctorum Patrum pronuntiatum affirmavi, nequaquam negavi, quin potius apertissime asserui, prædestinationem seu prædeterminationem liberam voluntatis divinæ ad singulas actiones causarum secundarum, non modo supernaturalium, sed etiam naturalium, necessariam esse, vereque esse causam

causam juxta modum statim explicandum, ut constat tum ex toto nostro libro, tum ex iis, quæ dixi disput. 50 paulo ante citata, quæ legenda est præsertim §. His ita explicatis, & §. sequenti: ubi propositis tribus effectuum seu actionum creatarum generibus, manifeste assero, ad omnes prorsus, ut sint, requiri liberam divinæ voluntatis prædefinitionem, seu prædeterminationem.

Quanta autem & qualis prædefinitio, determinatione voluntatis divinæ necessaria sit ad singulos effectus, actionesve, quæ in hoc mundo fiunt, definitum quidem non est a sancto officio regni Castellæ: quare operæ pretium erit, si nonnihil de hoc dicamus (facit enim ad rem nostram) quando id præstare possumus sine ullo inobediendi periculo, maxime cum illius tribunalis mandata nos hic nequaquam obligent.

Et quidem Doctores Hispani qui a viginti annis scripserunt, cum rerum difficultates merito plus perlegui voluerint, quam ante nostra tempora fieri consueverat; nec tamen invenerint modum, quo Deus ex sua æternitate, salva arbitrii nostri libertate rerumque contingentia, certissimam de futuris scientiam habuit; tales Dei Opt. Max. ad ejus præscientiæ certitudinem, nec non prædeterminationis, quæ ex eadem præscientia, quam includit, certa est, tales, inquam, prædefinitiones, prædeterminationesve ad singulos actus voluntatis humanæ exercendos invexerunt, ut libertatem nostram de medio tollerent, ac rem de solo titulo facere videantur.

Porro ut ab exemplo tertiæ propositionis non recedamus, triplicem, quod ad rem præsentem attinet, distinguere possumus locutionis actum; primum, indifferentem, aut simul etiam moraliter bonum; secundum, peccaminosum, qualis fuit trina Petri negatio; tertium, supernaturalem ac simul meritorem, qualis est fidei confessio in tormentis ad finem usque vitæ, quæ martyrem efficit.

Et quidem si de indifferente locutione sermo sit, esto illa moraliter bona reddatur ex relatione ad honestam recreationem per quemdam alium actum voluntatis, in quo tamen eliciendo parva aut nulla sit difficultas; confitebitur profecto auctor objectionum, ad illam exercendam satis omnino esse prædefinitionem eam, qua Deus prævidens

per suam naturalem ac mediam scientiam me ad honestam recreationem hic & nunc pro mea libertate locuturum ex hypothesi quo me creare velit in eo rerum ordine, quæ ipsa creavit; ex sua æternitate statuit ac definivit, & prædictum rerum ordinem condere, & me ipsum in eo creare, conferre item arbitrii libertatem, ac ceteras omnes vires ad ita loquendum necessarias, denique concursum suum generalem, quo hic & nunc mecum ipse cooperaretur. Cæterum his omnibus nihil obstantibus (nisi velis libertatem humanam negare) integrum mihi est in illo ipso instanti constituto, vel non loqui, vel his omnibus donis Dei abutendo, ad malum finem loqui, vel me ad aliud quidpiam longe diversum agendum applicare. Jam vero quia loqui honeste recreationis gratia, cum sit actus moraliter bonus opusque virtutis, continetur in fine ad quem liberum arbitrium, ceteraque locutionis instrumenta condita sunt; sane dum Deus prædicto modo prævidit, me hic & nunc locuturum, statuitque mihi, quæ diximus, præstare; simul etiam voluit voluntate beneplaciti me ita loqui, & in hunc ipsum bonum finem mihi prædicta omnia conferre: semper tamen mihi integrum relinquendo, non ita operari; alioquin nec locutio ista virtus esset, nec meritoria, etsi ab homine in gratia existente emanaret.

Si autem sermo sit de locutione, quæ est peccatum, ut de trina Petri negatione; satis proculdubio est ea prædefinitio, qua Deus misericorditer Petrum creare voluit in eo rerum ordine, in quo usque ad vitæ finem vixit, conferreque illi potentias omnes, concussus, auxilia, & dona alia, quæ contulit prævidendo, per mediam scientiam, antequam illum ita creare statueret (ex hypothesi tamen quod eum sic creare vellet) Petrum dum ad ea temporis momenta deveniret pro sua libertate, tentationis difficultate pressum, magistrum suum negaturum, cum posset non negare. Porro quamvis concedendum sit, Deum præsinivisse conferre illi suum generalem concursum, sine quo elicere non potuit liberos illos negationis actus, atque adeo cum eodem Petro ad tales actus tamquam causam universalem cooperari; itemque statuisse prædictos actus in fines optimos permittere, & quod hinc sequitur, hanc ipsam actuum

actum negationis permissionem, & superiora omnia ut a me explicata sunt, Deum ex æternitate in fines optimos voluisse: nequaquam tamen dici potest, Deum ad hos actus peccaminosos voluntatem Petri determinasse; sed illum suo libero arbitrio, & generali Dei concursu abutendo ad finem longe diversum ab eo, ad quem dona illa accepit, seipsum ad eos actus & peccata determinasse. Hæc quippe est causa, quam D. Augustinus ubique reddit, cur non Deus, sed nos ipsi, per nostrum liberum arbitrium peccatorum nostrorum causa simus. Neque item dici potest, Deum præfinivisse prædictos peccati actus, aut voluisse, ut essent: cum hæc sine errore in fide affirmari nequeant, ut constat ex dictis art. 13 disput. 31 pag. 127 seq. ubi, præter Scripturæ plurima testimonia, scripsimus quæ sequuntur.

Pag. 128 b. in Concil. Araus. cap. 25 Aliquos ad malum divina potestate prædestinatos esse, non solum non credimus, sed etiam si qui sunt, qui tantum malum credere velint, cum omni detestatione illis anathema dicimus. Ibi autem prædestinare, idem est, quod prædefinire & ordinare. Leo 9 Epist. decret. ad Petrum Antiochenum: Credo Deum prædestinasse solum bona; præcivisse vero bona, malaque. In Concil. Trid. sess. 6 can. 6: Si quis dixerit, non esse in potestate hominis vias suas malas facere; sed mala opera ita, ut bona, Deum operari, non permissive solum, sed etiam proprie & per se, adeo ut sit proprium ejus opus, non minus proditio Judæ, quam vocatio Pauli, anathema sit.

Pag. 129. a. Chrys. homil. 8 in Epist. 2 ad Timoth. Hoc solum scito, quod Deus omnia providet, quod liberi arbitrii conditi sumus, quod alia quidem operatur, alia vero permittit, quod nihil mali vult fieri, quod non ex sola ipsius voluntate fiant omnia, sed ex nostra quoque: mala omnia ex nostra tantummodo sunt, bona omnia ex voluntate nostra & ipsius adiutorio: quod nihil ipsum later; non tamen quia nihil ipsum laet, idcirco omnia operatur ipse. Augustinus de spiritu & littera cap. 31: Nusquam legimus in sanctis Scripturis, non est voluntas nisi a Deo. Et recte non scriptum est, quia verum non est: alioquin etiam peccatorum, quod abest, auctor est Deus, si non est voluntas nisi

ab illo: quoniam mala voluntas jam sola peccatum est, etiam si desit effectus. Ecce, de actu voluntatis loquitur.

Pag. 129. b. August. aut alius ejus operis auctor de articulis libi falso impositis art. 10: Detestanda & abominanda opinio est, quæ Deum cujusquam malæ voluntatis aut malæ actionis credit auctorem, cujus prædestinatio numquam extra bonitatem, nunquam extra justitiam est: universæ enim viæ Domini misericordia & veritas. Adulteria enim matronarum, & corruptelas virginum non instruere novit sancta divinitas, sed damnare; nec disponere, sed punire. Non ergo casus ruentium, nec malignitatem iniquorum, nec cupiditates peccantium prædestinatio Dei aut excitavit, aut suavit, aut impulit; sed plane prædestinavit judicium suum, quo unicuique retributurus est prout gessit, sive bonum, sive malum. Quod judicium futurum non esset, si homines Dei voluntate peccarent: & omnis homo, quem discretio divinæ sententiæ in sinistra constituerit parte, damnabitur, quod non Dei, sed suam executus est voluntatem. Et art. 13: Nescis est Deo ascribere causas talium ruinarum: quia etsi æterna scientia præcognitum habet quid unus-cujusque meritis retributurus sit; nemini tamen per hoc, quod falli non potest, aut necessitatem aut voluntatem intulit delinquendi. Si ergo a justitia & pietate quis deficiat, suo præceptis fertur arbitrio, sua concupiscentia trahitur, sua persuasionem decipitur. Nihil ibi Pater, nihil Filius, nihil Spiritus sanctus; nec in tali negotio quidquam divinæ voluntatis intervenit, cujus ope scimus multos, ne laberentur, detentos, nullos autem ut laberentur impulsos. Hypogn. lib. 6 ejus operis auctor inquit: Mala Judæ, ut dixi, præcivit, non prædestinavit Deus, vel fecit: & tamen in quibus præcivit, judicio justo tradens eum in reprobum sensum, ut imple-ret permisisit. Et post multa. Tenenda est inconcussæ hujus disputationis regula, quæ divinis testimoniis claruit: peccatores in peccatis propriis, ante quam essent in mundo, præcitos esse tantum, non prædestinatos: peccata autem eis esse prædestinatum secundum quod præciti sunt. Legatur quoque pag. 137. a. §. septimum: pag. 137. b. §. Opinio hæc pag. 140. a. §. hæc itaque, & pag. 140. b. §. nonum. §. decimum, & §. undecimum.

Nunc

Nunc paulisper sermonem convertam ad auctorem objectionum, eumque interroga- bo, num peccatorum etiam actus ideo fieri velit, quia Deus prænovit illos futuros ex hypothesi quod eum rerum ordinem creare vellet, quem re ipsa creavit; an e contrario, ideo Deum illos ex eadem hypothesi præcivisse, quia ita pro hominum & Angelorum libertate erant futuri, ut Patres affirmant? Item num aliam prædeterminationem, aut voluntatem divinam circa ejusmodi peccatorum actus invehere contendat, quam quæ a nobis explicata est? Aut contra Scripturas, & Ecclesiæ definitiones, ac Patrum apertissimam sententiam affirmandum simpliciter censent, Deum prænovisse, ut peccatorum actus fierent, aut, ut ita fierent, liberum peccantium arbitrium in tempore determinasse, vel ex æternitate voluisse ut ita fierent, nisi permixtissimum, ut Concilium Trident. definit, & Patres docent? Profecto nihil horum dicere audebit.

Quare cum non omnes actiones, quæ in hoc mundo fiunt, ita sub divinam providentiam cadunt, ut eas omnes intenderit, vel esse voluerit, aut prædeterminaret, nisi id intelligatur modo a me explicito; sed ea solum ratione, quia nonnullas earum in fines optimos sua providentia permittere voluit, causasque unde esse poterant præparavit, non quidem ut illæ essent, sed ut essent res longe diversæ, si per creatum arbitrium non flaret: cum item ex ejusmodi peccatorum actibus multa alia reahæ entia ortum habeant, aut variationem in hoc universo recipiant: facile namque quivis intelligit, quot homines ex adulteriis, sacrilegiis, incestibus, aliisque fornicationibus geniti sint; qui tamen futuri non essent, nisi illa flagitia præcessissent; & quantam variationem generationis hominum ex primorum parentum peccato suscep- perint; rursus quot homines ac bruta in- justo bello, & aliis flagitiis perierint, atque adeo quot generationes tum hominum, tum etiam brutorum ea de causa in hoc mundo impeditæ sint: cum, inquam, hæc omnia ita se habeant, attendat jam objectionum auctor, singula quidem entia realia, & minutissimas quasque illorum partes atque futurum eorum numerum non solum prævisum esse a Deo, sed etiam mirabili quodam modo provisum; ita tamen, ut quædam eorum intenderit, &

alia tantum permiserit, qualia sunt peccato- rum actus: neque mihi deinceps imponat, asseruisse me unquam, aliqua, sive in singu- lari, sive quoad eorum numerum, in rerum natura esse posse, quæ divinam providentiam subterfugiant.

Denique si sermo sit de supernaturali ac simul meritorio locutionis actu, ut de con- fessione illa fidei, quam ponamus factam ab infideli, qui simul tunc justificetur; sane ultra prædeterminationem eorum omnium, quæ ad actum bonum moralem necessaria esse dixi- mus, necessaria quoque fuit prædeterminatio, decretumve æternum divinæ voluntatis, quo eum tunc vocare voluit & adjuvare, non solum egregie prævenientis gratia auxiliis, sed etiam cooperantis: ita tamen, ut ista Dei prædeterminatio in eo ipso instanti, in quo infi- delis hic convertitur ac justificatur, liberum illum reliquerit, ut, si vellet, posset, non modo non converti, sed tentationi etiam succumbere, fidemque negare. Illud præterea dicendum est, voluisse Deum ex æternitate voluntate beneplaciti eam ipsam liberi arbitrii cooperationem, quam prædictus infidelis ad sui conversionem justificationemque ad- hibuit, quamque Deus ipse (ex hypothesi quod eum ita vellet, & creare, & adjuvare) prævidebat pro illius libertate futuram; quinimo eandem cooperationem, integrum- que effectum sua providentia intendisse; quandoquidem, ut isthæc essent, prædicta omnia media ordinavit.

Itaque, quod sancti Patres suo illo pronun- ciato asserunt, nosque illorum doctrinæ ad- hærentes libenter amplectimur, ita habet. Ea, quæ a cooperatione nostri liberi arbitrii pendent ut existant, aut non existant, sive illa naturalia sint, sive supernaturalia; sive bona, sive mala; quatenus præcisè a nostra coope- ratione pendent, non ideo futura esse, quia Deus ea præcivit; sed e contrario, ideo Deum ex æternitate per scientiam mediam ea futura præcivisse, ex hypothesi scilicet, quod hunc rerum ordinem creare vellet, quia pro nostra libertate erant futura; scilicet tamen oppositum, si ex eadem hypothesi pro eadem libertate illud esset futurum: id quod omnino necessarium est, tum ut tueri possi- mus hominis libertatem, Deumque neque causam peccati esse, neque voluntatem nostram ad malum aut determinare, aut inclinare;

inclinare; tum ut nostri actus virtutis ac vitii, meriti que ac demeriti rationem habere possint. Ceterum, cum dicimus, Deum ideo scivisse peccata nostra, aut quamvis aliam actionem nostram futuram, quia ita pro nostra libertate erant futura, verba *ideo*, & *quia*, non denotant causam, sed conditionem ex parte objecti, sine qua ea scientia in Deo non præexistisset quoad respectum rationis, quem solum supra se ipsam addit quatenus est talis objecti creati. Rursus, quia scientia divina, tam naturalis, quam media, liberum actum voluntatis divinæ antecedunt, continentque totam rationem artis divinæ ac providentiæ, quoad id, quod divina providentia dicit ex parte divini intellectus; nec aliter sunt causa rerum, quam determinata per liberum decretum voluntatis divinæ, ut qu. 14 art. 8 cum D. Thom. explicatum est; hinc profecto sequitur, ut cum Deus suo decreto hominem creare & ordinare decreverit, eique ita providere prædefinierit, ut liberam nobis semper cooperationem nostram reliquerit; non aliter divina præscientia causa sit liberæ nostræ cooperationis, quam quatenus determinata per decretum voluntatis divinæ causa est totius nostræ substantiæ, nostri liberi arbitrii, aliarum potentiarum, concursuum, & auxiliorum, ac reliquorum, quæ necessaria sunt, ut arbitrium nostrum cooperari possit, libereque se inflectere in unam, aut alteram partem, cooperante simul Deo ad quoscumque actus effectusve, ut explicatum est. Quod vero Deus scientia illa, ante suæ voluntatis decretum præcognoverit in quam partem homo per suum arbitrium sese determinaturus esset pro sua libertate, ex hypothesi quod in tali rerum ordine crearetur, inter tales occasiones, cum talibus auxiliis, aliisque circumstantiis, ortum sane habet ex eminentia, altitudine, illimitataque intellectu divini perfectione, qua certissime cognovit id, quod in se incertum erat, aliterque evenire re ipsa poterat, utpote pendens a libero arbitrio ad utrumque indifferente, sciturus tamen oppositum, si in oppositam partem homo, uti poterat, sese inflectere deberet. Ex quibus intelligit, regium Vatem non secum pugnas se dum incertum appellavit quod divina sapientia erat cognitum; quin potius paucissimis verbis nostram sententiam expressisse, cum de iis agens, quæ

MOLINA.

a libertate humana in futurum pendebant; dixit: incerta & occulta sapientiæ tuæ manifestasti mihi; incertum appellans quod certissima Dei sapientia erat cognitum. Etenim, cum incertum dixit, quid objectum in se, ac ex se haberet expressit: dum vero addidit, sapientiæ tuæ, altitudinem, ac illimitatam divini intellectus perfectionem significavit, qua de re tam incerta scientiam divinam habere potuit, de cuius intrinseca ratione est certitudo. Jam vero scientia illa, qua Deus post decretum suæ voluntatis absolute, & absque ulla jam hypothesi certissime quod futurum est cognovit, cum sit post completam ex parte Dei integram rerum causam, quæ per tale decretum completur, sane non est causa rerum; illiusque certitudinis divinæ voluntatis decreto, tum certitudinis scientiæ mediæ innititur.

Et quamvis, quæ hæcenus diximus, pro tertia propositione sufficientem, neque necesse sit ad oblatas objectiones respondere; ad singulas tamen descendam. Atque in primis, jam est manifestum, pronuntiatum quod duobus illis locis, quæ mihi objecta sunt, asserui, non meum tantum esse, sed sanctorum etiam Patrum, & communem Scholarum sententiam, multumque distare a tertia propositione.

Deinde, cum de conciliatione evitabilitatis effectuum liberorum cum divina providentia meminit auctor objectionum, videat, num ex alio capite conciliari id valeat; ita scilicet, ut nihil obstante divina præscientia providentiæque, non secus evitare possimus peccata, quam si ea futura Deus certo non prænovisset; quod tamen necesse est, ut præexistentibus divina scientia ac providentia, quæ re ipsa ex æternitate extiterunt, liberi tamen maneamus, quemadmodum de fide est nos liberos manere. Nisi forte totam nostram libertatem, facultatemve ad utrumlibet, rejicere velit in solam Dei voluntatem, qua ex æternitate uno aut altero modo res humanas libere providere voluit; itemque in ejus præscientiam, qua, sublata omni prorsus dependentia ab eo quod homines libere hoc vel illo modo essent cooperaturi, libere præcivit, quod voluit, neque nobis integrum reliquerit facere contrarium: quod profecto nihil aliud est, quam libertatem nostram tollere,

LII

tollere, Deum causam peccati facere, omnemque rationem meriti ac demeriti ab humanis operibus ablegare. Enimvero si quis hæc admittat, non in nobis libertatem nostram constituit, sed in ipso Deo, ad eum prorsus modum, quo cum lapidem in hanc vel illam partem moveo, aut potius brutum animal (ipso non retinente) in unam aut alteram partem defero, tota libertas est in me, & non in illis, etsi brutum sponte sua moveatur, ac ad eum motum cooperetur. Ejusmodi autem affectionem quis est, qui non videat errorem esse in fide, parum aut nihil ab eo differentem, quem illi hæretici docuerunt, quos quaest. 14 art. 13 disp. 1 retulimus? Eo autem semel admissio, necesse est, cum hæreticis affirmare, inevitabilia esse omnia, quæ per nostram voluntatem in hoc mundo fiunt, aut cum Cajetano, communiter reprobato, dicere oportet, aliquid aliud, quam evitabile & inevitabile, ex præsentia, & providentia sequi.

Ubi vero ad reliqua dilucidius respondeamus, illud notandum est; in ea sepe fæbra prædictum auctorem hæere videri, quod cum Cajetano arbitretur, rem, mediumve omne, quod per divinam providentiam in finem aliquem ordinatur, semper illum assequi, atque adeo ea omnia, ad quæ per divinam providentiam ex æternitate media aliqua ordinata sunt, semper infallibiliter sequi. Atque hinc Cajetanus existimavit, omnia, quæ per nostrum arbitrium in hoc mundo eveniunt, sive per ea tendat quis in beatitudinem, sive in interitum æternum (cum nihil eorum divinam subterfugiat providentiam) inevitabilia esse, vel certe (quia id videbat de medio tollere arbitrii libertatem) aliquid aliud evitabili & inevitabili inde sequi, quod nostrum intellectum in hac vita effugiat omnino, & in patria tantum agnoscatur.

Illud obiter hoc loco dicam, hinc jam melius intelligi illa mea verba pag. 299. ex quibus immerito idem auctor primam, quartam & quintam propositiones mihi attribuit. Etenim cum posteriorem hanc Cajetani doctrinam, quam ex sua opinione inferi, prædicto loco impugnarem, dixi admittendum non esse Cajetano, omnes effectus, qui in hoc mundo eveniunt, ita provisos esse a Deo, quasi illos intenderit, aut media illis & causis præparaverit, ut in

rerum natura essent tamquam fines per suam providentiam intenti: quia tales non sunt actus peccatorum, & effectus quidam fortuiti de quibus ibi fuit sermo: atque adeo quamvis Cajetano suam illam opinionem ut veram concederemus; non inde tamen sequeretur ejusmodi effectus esse inevitabiles: præsertim, cum licet Deus per suam providentiam actus peccatorum permiserit, non tamen finis permissionis fuerit ut peccata ipsa essent; sed ut liberos homines ad bonum & ad malum relinqueret, & ut ex tali permissione longe majora bona eliceret, quam sit peccatorum malum, quæ quaest. 22 art. 1 disp. 2 & alibi explicavimus. Non ergo eo in loco sermo nobis erat de actibus bonis moralibus. Verum ad Cajetani opinionem jam redeamus.

Certe a sancto officio regni Castellæ sanctum non est, ut nihil contra hanc Cajetani opinionem dicatur, quæ tamen ab auctore objectionum tanquam vera & indubitata supponitur. Adde quod oppositum illius affirmant communiter Doctores, qui id in controversiam vocant, nempe Durandus, Ægidius, Marsilius, Ferrariensis, Silvester, & D. Thomas de veritate, quaest. 6 art. 1 & in 1 distin. 40 art. 2. id quod firmissimis rationibus quaest. 22 art. 1 disp. 2 a pag. 291 nos etiam ostendimus. Legatur integra disputatio. Profecto data Cajetani opinione, inter alia absurda sequeretur, Deum per suam providentiam non ordinasse Adamum in statu innocentie, & in eo totum genus humanum, in vitam æternam: quandoquidem per media, quæ in eo statu accepit, ad beatitudinem non devenit. Dicendum etiam esset, Deum per suam providentiam non creasse omnes homines, & omnes angelos in supernaturalem finem beatitudinis; nec malos sua nequitia deflexisse a supernaturali fine, ad quem a Deo essent creati, cum non omnes beatitudinem assequantur. Item Deum non habuisse providentiam ad beatitudinem circa reprobos, sed solum circa prædestinatos; atque adeo providentiam circa beatitudinem non latius patere quam prædestinationem, contra commune Doctorum assertum. Dicendum præterea esset, falsum continere celebre illud pronuntiatum: Homines dum peccando ordinem unum divinæ providentiæ egrediuntur, re-

labi in alium : quando juxta Cajetanum, omnis divinæ providentiæ ordo, & omne medium illius finem assequitur. Hæc vero & his similia adeo absurda sunt, ut nemo, ne quid amplius dicam, ea affirmare audeat. Nunc ad reliqua quæ obijciuntur veniamus.

Necio profecto unde colligatur me providentiam excludere ab actibus moralibus, Siquidem ex meo & Patrum pronuntiato, de quo sermo erat, præfatus auctor id colligit, videat ne idem concludat adversus Justinum martyrem, Damascenum, Chrysostomum, Hieronymum, Augustinum, Leonem, & reliquos Patres, quorum pronuntiatum illud erat. Si vero ex verbis, unde primam, 4 & 5 proportionem supra intulit, satis offensum est inde rem eam nequaquam colligi, præsertim cum contrarium in toto meo opere perspicue eluceat.

Addit, *Providentiam consilium habere velle, seu voluntatem divinam*. Sane quæst. 22 art. I disp. 2 legerat quam copiose & efficaciter ostenderim, in primis providentiam includere ex parte intellectus divini rationem ordinis rerum in suos fines, & ex parte voluntatis addere propositum, seu voluntatem cum ordinem ex parte sua executioni mandandi, relinquendo tamen causas liberas, ut pro suo arbitrio declinare possent a finibus ad quos a divina providentia ordinantur; itemque finendo, ut non solum illæ, sed etiam naturales se invicem ab affectione suorum finium impedirent: quoniam id etiam ad eandem providentiam spectabat. Deinde legerat, voluntatem divinam (id quod nobis satis offensum ibi fuit) comparatione affectionis finium, ad quos per providentiam media ordinabat, non semper esse absolutam & efficacem, sed respectu multorum finium solum conditionatam; videlicet, si liberæ creaturæ vellent, aut per ipsas non stare. Legatur ea integra disputatio, itemque quæst. 19 art. 6. ut interim loca alia omittam, in quibus idem ostendi. Quod si aliud velit auctor objectionum, plane hæret in salebra illa, de qua paulo ante dixi.

Addit deinde, *Me non credere quempiam loqui, quia Deus providit illum locuturum*, atque inde ulterius infert, me asserere secundam propositionem in Castella doceri prohibitam: nempe, non quia Deus voluit quempiam loqui, ille loquitur; sed quia ille loquitur,

Deus voluit eum loqui. Certe nihil horum legitur in meo opere; quod si mihi tribuere velit, quempiam posse loqui sine prævia divina providentia ac voluntate circa talem locutionem, id plane mihi imponit: cum contrarium in toto meo opere perspicue doceatur, præsertim in locis supra citatis. Etenim ad peccaminosam etiam locutionem necessarium esse diximus, ut præcedat divina providentia ac voluntas, qua ita loquenti de iis omnibus providere voluerit, quæ supra ad eam locutionem necessaria esse ex parte Dei explicavimus: non tamen eo fine divina providentia de iis rebus illi providit, ut peccaminosa illa locutio sequeretur; sed alio longe diverso, ut cum Augustinus ostendimus: neque vero ipse contrarium affirmabit. Præterea necessarium quoque fuit præcederet divina providentia ac voluntas, quæ eam locutionem permittere illi vellet ob fines alios optimos. Si autem is auctor contendat, ideo in hoc mundo unumquemque loqui, quia Deus providit, ac voluit ex æternitate ut ita in tempore loqueretur; quasi ex solo ordine divinæ providentiæ, non ita loqui; sane & in salebra Cajetani hæret, & periculose in fide loquitur, non solum si de peccaminosa locutione, sed etiam si de bona moraliter, aut supernaturali ac meritoria illi sermo sit.

Attendat item qua probabilitatis specie mihi attribuat 6 propositionem, quæ sic habet: Deus non est causa operationis liberæ, sed tantum causat esse causæ. Et septimam, quæ habet: Dei providentia non determinat voluntatem humanam, aut quamlibet aliam particularem causam ad bene operandum; sed potius particularis causa determinat actum divinæ providentiæ.

Obijcit etiam mihi, *Et cum ita excludatur Deus ab operatione libera, ut eam per providentiam non velit, excluditur etiam, ut ejus operationis causa non sit*. Ubi, quæso, legit, me excludere providentiam divinam ab operatione libera, etiam a flagitiosissima? Addit (forte restringens priora verba) *Ut per providentiam non velit*. Sane si flagitiosas etiam operationes comprehendat, contendatque illas quoque Deum per suam providentiam vel intendere, vel velle, nisi permissive solum,

ut Concilium Tridentinum ait, manifeste errat. Si vero de solis bonis loquatur, quæso nobis explicet ubi legerit me excludere Deum ab operatione libera; ut per providentiam eam non velit? Apertissime namque docui, eam per suam providentiam & intendere & velle, sed velle dependenter, hoc est, conditionate, nempe si & nos libere velimus; idque ne a nobis libertatem ac meritum excluderet: & cum omnem operationem, quæ in rerum natura divina sua providentia nobiscum cooperante sit, præviderit futuram ex hypothese quod hunc ordinem rerum eadem providentia exequi vellet; sane hoc ipso quod eam exequi ex æternitate decreverit, simul complacuit sibi, ut, nobis libere cooperantibus & consentientibus, illa esset. Quod si idem auctor contendit, ita illam voluisse, ut sua providentia inevitabiliter nobis eam reddiderit, in salebra Cajetani hæret, ac graviter errat: cum ab homine liberum arbitrium tollat. Hinc jam patet perperam mihi imponi, negare me Deum per suam providentiam causam esse nostrarum operationum: ita tamen assero causam esse, ut non sit tota earum causa, sed nos etiam cum illo sic easdem bonas operationes efficiamus, ut similia nostra libera cooperatione pendeant, quam cooperationem, nihil impediente divina providentia, in potestate nostra est non impendere, efficereque ut tales operationes in rerum natura non existant, quod negari non potest de fide esse.

Consequenter obijciens infert, me negare Deum per suam providentiam determinare voluntatem humanam ad operandum. Cum autem antecedentia, unde id infert, eversa sint, necesse non erat respondere. Ceterum non intelligit, determinare Deum voluntatem humanam ad operationes malas, quoniam id error esset in fide. Quod ad bonas vero attinet, si determinare intelligat cooperando ad talem determinationem, arbitriumque nostrum alliciendo & invitando, atque, cum actus supernaturalis est, illum ad esse supernaturale evehendo, verum dicit, & id copiose satis in meo opere explicatum sæpe legit. Si vero ita intelligat, quasi arbitrium ipsum, Deo per media suæ providentiæ coadiuvante, seipsum etiam non determinet, quasi integrum illi non sit, in quo temporis puncto se determinat & cooperatur bonam operatio-

nem, non se determinare, nec Deo invitanti atque alliciendi cooperari, error sane est in fide, ut ex definitionibus Concilii Tridentini sess. 6 cap. 5 & can. 4 est manifestum.

OBJECTIO III.

Decima propositio. *Ex duobus hominibus injustis cum equali auxilio Dei unus agit penitentiam, seu convertitur & iustificatur, & alter manet in peccato.*

Hoc docet libri auctor quest. 14 art. 13 disp. 12 pag. 37. a. Nam est prius loquatur de conversione hominis infidelis, deinde hoc etiam docet de conversione peccatoris fidelis ad penitentiam. Quare, inquit, fieri potest, ut duorum, qui equali auxilio interius a Deo vocantur, unus pro libertate sui arbitrii convertatur & alter in infidelitate permaneat. Et in margine sic scriptum est: *Vocatorum equali auxilio fieri potest, ut unus convertatur, & alius non. Et cum hanc doctrinam supius explicæ, in iis, quæ sequuntur, tandem ait pag. 37. b. Idem quoque dicendum est de conversione peccatoris jam fidelis ad penitentiam.*

Duodecima propositio. *Auxilium quod sufficiens dicitur, illud idem aliquando ea ratione vocatur efficax, quod homo illo preveniente utens cooperatur ad effectum: unde fieri potest, duos præveniri homines equali auxilio, quorum alter nihil cooperetur, quia non vult; alter vero cooperetur, cujus cooperatio principaliter reduci-
tur in gratiam.*

Hujus propositionis sententia scribitur in libro quest. 14 art. 13 disputat. 38 pag. 185. a. *Edi. Ant. disp. 40. q. 1. Nostra.* Quo fit inquit, ut divisio sufficientis auxilii in efficax & inefficax, nostra sententia ab effectu, qui simul ab arbitrii libertate pendet, sumatur. Illudque auxilium sufficiens, siue majus, siue minus in se sit, efficax dicatur, cum quo arbitrium pro sua libertate convertitur. Et paulo post, eandem doctrinam præsecutus in margine scripsit: *Auxilium sufficiens efficax aut inefficax esse, ab arbitrio ejus, cui præstatur, pendet. Et ex hac sententia sequitur, quod in undecima propositione asserum est. Nam cum de auxilio sufficienti loquatur, ait: Nec ut tale auxilium recipiatur semper in homine, oportet quod sit efficax secundum peculiarem effectum. Videtur enim his verbis, auxilii efficacitatem seu efficientiam non in Deum conferentem referri, sed in hominis eo bene utentis arbitrium. Et quidem hoc aliqua ratione moderatius, quam ab auctore,*

auctore, assertur in propositione duodecima; cum dicatur cooperatio cum auxilio cooperantis principaliter reduci ad gratiam, quod tamen in ultima propositione minus bene docetur, cum dicitur ad justificationem impii non esse maiorem prae determinationem ex parte Dei, quam ex parte voluntatis humane.

Tam est similis omnium illarum propositionum doctrina ei, quae in libro docetur, ut eadem prorsus censenda videatur, ex eademque officina produsse.

RESPONSIO.

PLacuit ad haec omnia simul respondere, quoniam ex eisdem fundamentis diluuntur.

Advertendum igitur est, ex auxiliis, quibus peccator indiget, ut convertatur, quaedam dici gratiae praevenientes ac excitantes; alia gratiae cooperantis & coadiuvantis. Auxilia gratiae praevenientes non solum natura, sed saepe etiam tempore antecedunt peccatoris conversionem: nec sunt influxus (ut ita dicam) cum arbitrio ad conversionem, V. G. ad contritionem, sed in arbitrium; quibus, ut ad conversionem cooperetur, excitatur, allucitur atque invitatur. Auxilia vero gratiae cooperantis sunt immediatus influxus cum libero arbitrio in conversionem ipsam, puta in actum contritionis, qui simul immediate ab ipso arbitrio & influxu illo gratiae cooperantis elicitur seu efficitur.

Utrum autem una & eadem numero gratia, quatenus habet duos re ipsa distinctos effectus, nempe allicere seu invitare liberum arbitrium ad conversionem, & ulterius per distinctum realiter influxum immediate cum eodem arbitrio conversionem efficere, gratia praeveniens & cooperans dicatur, an vero sint gratiae realiter & omnino diversae; nihil horum a sancto officio regni Castellae prohibitum est doceri. Certe Concil. Tridentinum eandem esse gratiam, quoad duos illos tamen effectus distinctam apertissime docet. Sessione namque 6 cap. 5 sic ait: Declarat sancta Synodus, justificationis exordium in adultis a Deo per Christum praeveniente gratia sumendum esse, hoc est, ab eius vocatione, qua, nullis eorum existentibus meritis, vocantur, ut qui per peccata a Deo averfi erant, per eius excitantem atque adjuvantem gratiam ad convertendum se ad suam ipsorum

justificationem, eidem gratiae libere assentiendo & cooperando, disponantur: ita ut tangente Deo cor hominis per Spiritus sancti illuminationem, neque homo ipse nihil omnino agat inspirationem illam recipiens, quippe qui & illam abicere potest, neque tamen sine gratia Dei movere se ad justitiam eorum illo libera sua voluntate possit. Ecce, gratiam, qua dixit sumendum justificationis exordium, & quam appellavit praevenientem, vocantem, & excitantem, dixit esse adjuvantem adultum ad convertendum se ad suam justificationem, eidem gratiae libere assentiendo & cooperando. Quo loco observandum, eidem gratiae dixisse, & non alteri numero; illique eidem assentiendo & cooperando; cum autem cooperans cum cooperante secum sit cooperans, manifeste docuit, sicut arbitrium ipsum cooperatur cum gratia quando se disponit ac movet ad justitiam: ita etiam gratiam ipsam cum ipso arbitrio cooperari eosdem actus quibus ad justitiam disponitur ac movetur: qui sane non alii sunt, quam actus credendi, sperandi, diligendi, ac poenitendi ut ad salutem oportet. Idem apertissime significant illa alia verba ejusdem Sessionis canone 4. si quis dixerit liberum hominis arbitrium a Deo motum & excitatum nihil cooperari assentiendo Deo excitanti, atque vocanti, quo ad obtinendam justificationis gratiam se disponat ac praepraret, neque posse dissentire si velit, anathema sit. Ecce definitur, liberum arbitrium a Deo motum & excitatum (utique per gratiam praevenientem & excitantem) cooperari cum Deo excitante, atque adeo Deum ipsum per eandem gratiam cum libero arbitrio consentiente cooperari dispositionem, qua ad justificationis gratiam se disponit ac praepraret; posseque idem arbitrium dissentire & non cooperari cum Deo, si velit. Hac de re, praeter ea quae disp. 40 citata dicuntur, legantur quae dicta erant disp. 33 & quae adduntur disp. 41 & 42: Congruit etiam doctrina D. Thomae 1. 2. q. 11 art. 2 & 3.

Illud obiter addam, habitus supernaturales nobis infusus, ut fidei, spei, & caritatis seu gratiae, per quos Spiritus sanctus in nobis, etiam dormientibus, habitat, quique in nobis sunt velut fons quidam aquae vivae salientis in vitam aeternam, ex quo quod ad supernaturales actus eliciendos, & reliqua nostra bona

opera meritoria efficienda, nobis collati sint, rationem habere gratiæ prævenientis, quatenus arbitrium nostrum alliciunt & inclinant ad supernaturales actus eliciendos; & simul adjuvantis & cooperantis, quatenus ulterius cum eodem arbitrio cooperando eosdem per distinctum influxum efficiunt, ut disput. 38 pag. 153. b. & disput. 41 pag. 172. b. atque disp. 8 pag. 26. a. & 27. b. ostensum est.

His iactis fundamentis, imprimis dicendum est, si sermo sit de solo auxilio gratiæ prævenientis, quatenus præcise gratiæ prævenientis auxilium est, integrum esse peccatori, qui tali auxilio, siue majori siue minori, pulsatur, allicitur atque invitatur, vel consentire & converti (cooperante simul eodem auxilio per distinctum influxum, atque sortiente jam rationem auxilii gratiæ cooperantis) vel non consentire, aut etiam dissentire, callumque reddere tale auxilium gratiæ prævenientis. Quare potest unus cum æquali, aut minori ejusdem gratiæ prævenientis auxilio converti, quando alius cum æquali, aut majori ejusdem prævenientis gratiæ auxilio non convertitur. Et certe nihil horum salva fide Catholica potest negari, nec credo ab objectione negabitur: sunt enim apertissime definita in Concil. Trid. Sess. 6 cap. 5 & can. 4 citatis, ut omittam pleraque alia, quibus disp. 12 pag. 37 & sequentibus, disp. 8, 39, 40 & 41 & aliis confirmata sunt. Quo fit, ut quod auxilium gratiæ prævenientis efficax sit ut conversio sequatur, pendens sit ex eo, quod arbitrium eo motum & excitatum consentire velit, libere influere ad suam conversionem, cooperante simul influxu gratiæ cooperantis & adjuvantis, qui ex auxilio gratiæ prævenientis eo ipso sequitur, quod arbitrium consentit, libere cooperatur, ut explicatum est, definitionesque Concil. Tridentini citatæ perspicue docent. Nemo ergo nobis jam molestus erit, si de solo auxilio gratiæ prævenientis loquentes, illudque dividendes in ita efficax ut ex illo sequatur conversio, & ita inefficax, ut ex illo conversio non sequatur, dicamus: quod auxilium gratiæ prævenientis efficax aut inefficax eo pacto sit, pendere ex eo, quod arbitrium nostrum cum eo ulterius, modo explicato cooperari velit; ac proinde, quod dicamus, divisionem illam sumi ab effectu, non vero explicare varias naturas, quas diversa auxilia gratiæ

prævenientis, qua talia sunt, ex se habeant. Quod multis confirmavimus, atque a calumniosis vendicavimus quasi. 23 art. 5 disp. 1 memb. 6 a pag. 328. Legantur illa. Nec vero, dum hoc dicimus, alligere volumus, arbitrium nostrum suo consensu & cooperatione vim aliquam, robur, aut efficientiam tribuere auxilio gratiæ prævenientis, à quo potius arbitrium ipsum adjuvatur, & vim roburque accipit; sed solum significare volumus auxilium illud liberum nobis relinquere consensum nostrum ad conversionem, nec tale esse in se, ut ullam necessitatem, etiam consequentiam, arbitrio ad talem consensum aut conversionem ponat: quia ex suavi Dei dispositione id provenit, qui cum fecerit nos sine nobis, salvare tamen non vult nos sine nobis libere cooperantibus, eaque de causa talem naturam auxilio illi prævenienti contulit, ut sine libero nostro consensu & cooperatione non sequeretur ex illo effectus conversionis nostræ.

Deinde dicendum est, si sermo sit de auxilio integro gratiæ ad peccatoris conversionem necessario, atque adeo ut complectitur simul auxilium gratiæ prævenientis & auxilium gratiæ cooperantis, implicare contradictionem adesse utramque auxilium, & peccatorem non converti: conditio tamen, sine qua non erit auxilium gratiæ cooperantis, est, quod arbitrium nostrum simul cooperetur, & consentiat gratiæ prævenienti; cum tamen integrum illi sit non cooperari & non consentire quando cooperatur & consentit, ut Concilium Tridentinum definit, salvaque fide Catholica negari non potest.

Si ergo sit sermo de integro auxilio gratiæ ad conversionem necessario, fieri non potest, ut unus cum eo convertatur, & alius cum eodem, aut simili non convertatur. Ineptæ præterea est divisio ejusmodi auxilii in efficax & inefficax: quoniam eo præsentē, semper adest conversio, ac proinde semper auxilium est efficax. Utrumque assertum, meque in ea divisione locutum non fuisse de auxilio gratiæ, ut comprehendit gratiam coadjuvantem, sed de solo auxilio gratiæ prævenientis, notissima sunt, tum ex aliis, tum præcipue ex disp. 40 pag. 169. b. §. ad secundam. Ubi sic dico.

Ad secundam vero probationem dicendum est, quando dicimus, datis duobus æqualibus auxiliis ex parte Dei, fieri posse, ut unus
pro

pro sua libertate convertatur, & alter non, solum esse nobis sermonem de auxiliis gratiæ prævenientis & excitantis, qua gratiæ prævenientis & excitantis auxilia sunt: quia tamen auxilia gratiæ cooperantis distincta non sunt, quoad principium efficiens cooperationem, ab auxiliis gratiæ prævenientis & excitantis, sed unum & idem omnino cum illis, ut ostensum est; quod vero cooperentur cum nostro arbitrio, tum dispositionem ad gratiam, hoc est, contritionem, & actus credendi & sperandi, tum etiam comitanter consensum quo consentimus gratiæ prævenienti, influxumve nostri liberi arbitrii ad eosdem actus, pendens est a cooperatione ipsa arbitrii nostri cum eadem gratia præveniente; inde est, quod non solus consensus liberi arbitrii ejus, qui justificatur, hoc est, contritio ut a libero ipsius arbitrio emanat, cum discernat a non justificato, sed etiam influxus ille gratiæ prævenientis, a quo sortitur rationem gratiæ cooperantis, hoc est, contritio ipsa ut partialitate causæ emanat efficienter a gratia præveniente. Quare, si in summo rigore sit loquendum, quando in duobus adultis dantur æqualia auxilia gratiæ prævenientis, neque absolute est affirmandum, cum æqualibus auxiliis unum illorum converti, & alterum non converti, nisi addatur, ac dicatur, gratiæ prævenientis. Etenim quando unus illorum pro sua libertate convertitur, jam auxilium gratiæ prævenientis ipsi collatum habet in eo novum influxum gratiæ cooperantis cum ipsius arbitrio, quem non habet in alio. Neque item affirmandum est, existentibus in duobus adultis æqualibus auxiliis gratiæ prævenientis, unum eorum pro sola sua libertate converti, & alterum non: quoniam licet conversio illa a libertate pendeat, fiatque ab arbitrio pro sua libertate, non tamen fit pro sola sua libertate: sed cooperante simul auxilio gratiæ prævenientis per influxum a quo sortitur rationem gratiæ cooperantis: quamvis, cum hic prælo sit, gratiamque prævenientem dependenter a cooperatione arbitrii comitetur, solum exigatur cooperatio libera arbitrii nostri. Quia tamen molestum esset loqui semper in illo summo rigore, obscuramque redderet orationem adhibendo restrictiones minime ad id, de quo agitur, intelligendum necessarias; quando in sequentibus dicitur, unum cum æqualibus, aut etiam

cum minoribus auxiliis pro sua libertate converti, aut salvari, quando alius neque convertitur, neque salvatur, intelligendum id est de auxiliis gratiæ prævenientis, & de aliis, quæ ad salutem conducunt: non vero de influxu illo gratiæ prævenientis, a quo sortitur rationem gratiæ cooperantis justificationem ac salutem: quando enim hic adest, gratiæque præveniens rationem sortitur gratiæ cooperantis justificationem, semper peccator convertitur & justificatur: quod tamen influxus ille adestet, pendens fuit a libera cooperatione arbitrii nostri, ut sæpe dictum est.

Hinc patet merito affirmandum esse in sensu composito fieri non posse ut adit influxus gratiæ cooperantis, seu (quod idem est) auxilium cooperantis gratiæ, quatenus est cooperans conversionem, quin peccator per suum arbitrium convertatur: nihilominus tamen in sensu diviso, atque simpliciter, in eo ipso instanti, in quo peccator convertitur, esse in facultate arbitrii ipsius non converti, atque adeo ita libere adhibere consensum, influxum, & cooperationem ad credendum, sperandum, & ponendum, ut possit tunc eam continere & non converti, quin & dissentire. Ratio horum est, quoniam licet gratia præveniens, qua præveniens est, antecedit consensum nostri arbitrii & cooperationem ipsius ad actus credendi, sperandi, & ponendi, quibus ad Deum convertitur; influxus tamen & cooperatio ejusdem gratiæ cum nostro arbitrio ad eosdem actus, a quo gratia præveniens rationem sortitur gratiæ cooperantis, non antecedit liberum nostrum consensum & cooperationem ad nostram conversionem, sed concomitatur, & ab ea dependet: non secus atque concursus & influxus habituum virtutum ad nostras operationes pendet a cooperatione ipsarum potentialium, ut supra fuit explicatum: id quod in causâ est, ut habitibus utamur ad nostras operationes quando pro arbitrio nostro volumus operari, eisque non utamur quando ab operatione pro eodem arbitrio cessare volumus. Quare sicut in sensu composito implicat contradictionem eos habitus, qui in nostris potentialibus resident, operationem habere, quin de potentia cooperentur, & nihilominus in sensu diviso ac simpliciter, potentia, quæ libero arbitrio subsunt, libere tunc operantur, possuntque non operari; quia non prius est habitus

habitus cum illis cooperari, quam ipsæ cum illis libere cooperentur: ita in re proposita, licet contradictionem involvat, esse influxum illum gratiæ prævenientis cum nostro arbitrio, a quo gratia illa sortitur rationem gratiæ cooperantis conversionem nostram, quin arbitrium ipsum eandem cooperetur, ac convertatur: quia tamen influxus ille gratiæ cooperantis non antecedit consensum, determinationem, & cooperationem arbitrii nostri ad eandem conversionem, quin potius ab ea pendet ut sit in rerum natura, nullam omnino necessitatem, nisi tantum consequentiam, imponit arbitrio nostro, neque ab illo facultatem aufert non cooperandi, si velit, in eo ipso instanti, in quo conversionem ipsam cooperatur. Quo fit, ut necessitas illa in sensu composito non proficiatur ex efficacia, qua auxilium gratiæ cooperantis moveat ad conversionem arbitrium nostrum, ita ut in instanti, in quo convertitur, integrum illi non sit converti, aut ita ut existente æquali influxu gratiæ cooperantis, non possit unus pro sua libertate majori conatu, intentioneque actu converti, quam alius. Hæc ibi.

Nunc ad ea, quæ nobis objecta sunt, respondeamus. Ad primum dicendum est, me ibi locutum fuisse de solo auxilio gratiæ prævenientis, ut ex titulo disputationis patet, qui sic habet. Num a sola præveniente gratia proveniat, quod & duobus alter convertatur, & alter non. In 10. autem propositione, & reliquis quæ sequuntur, sermo est de integro auxilio gratiæ, cum quo aliquis convertitur, ut cooperans etiam auxilium complectitur: quod patet, quoniam juvenina seu auxilia omnia gratiæ cum solo libero influxu arbitrii in prædicta propositione conferuntur. Et quamvis res non adeo perspicua esset, certe esto sanctum officium regni Castellæ Concilium universale esset, quod errare non posset, & in hunc modum definitivisset: Si quis dixerit, & duobus hominibus injustis, cum æquali auxilio Dei unus agit poenitentiam seu convertitur & justificatur, & alter manet in peccato, anathema sit; integrum mihi erat dicere, intelligendam esse definitionem hanc de omni universum auxilio ad conversionem necessario, ut etiam auxilium coadjutus gratiæ complectitur: non vero de solo auxilio gratiæ prævenientis. Idemque intelligatur de reliquis propositionibus. Judicet præterea

objectionum auctor, cum ea omnia, quæ de auxiliis docui, ex Concilio Tridentini definitionibus ita deprompserim, ut qui a mea doctrina discesserit; continuo necesse illi sit Concilii Tridentini definitionibus discedere, cujus rei magis habenda sit ratio, propositio-numne quas ipse asserit sanctum officium regni Castellæ doceri prohibuisse, eo quod eas magis examinari velit, an Concilii Tridentini definitionibus?

Ad 2. constat me locutum fuisse in ea divisione de solo auxilio gratiæ prævenientis, non vero de integro auxilio cum quo quis convertitur; neque de eo auxilio, salva fide Catholica & definitionibus Concilii Tridentini, posse meam divisionem, ut a me est explicata, negari. In propositione vero 12 sermo est de toto sufficiente & necessario auxilio gratiæ, ut præveniens & cooperans auxilium complectitur.

Quantum vero mea doctrina ab 11 propositione distet, nemo est qui non videat. Illa habet: Omnis homo, dum est in via, sufficiens per Christum auxilium habet, quo in Deum converti possit, neque ut tale auxilium recipiatur semper in homine, oportet quod sit efficax secundum peculiarem effectum; sed satis est, Deum speciali gratia assistere. Ego vero nihil tale doceo. Licet enim disput. 10 art. 13. cum communi orthodoxaque sententia docuerim, atque disp. 40 pag. 165 summam repetiverim, Deum numquam peccatori denegare auxilium sufficiens, tam præveniens, quam cooperans, quo, si ille id totum facere voluerit, quod in se est, convertetur, præstoque esse ad osium cujusque peccatoris, ut utrumque præstet, si & ille cooperari velit, sæpeque arbitrium torpens pulsare; auxilium tamen gratiæ prævenientis & cooperantis in homine ipso, qui vocatur & convertitur, esse doceo. Præterea auxilium prævenientis gratiæ, cum in peccatore receptum est, divido in efficax & inefficax.

Non video autem ubi auctor legerit verba illa, quæ ut mea refert: neque ut tale auxilium recipiatur semper in homine, oportet quod sit efficax secundum peculiarem effectum. Hæc namque verba non sunt ubi ille citat; neque, ut mea illa agnosco quousque illa ostendat, eaque conferam cum antecedentibus & sequentibus, neque, credo, in toto meo opere reperitur. Unde evanescit, quæ

quæ ex illis verbis mihi ulterius imponit. Legantur pag. 165, 166 & 167 & nihil tale reperietur. Objectionum vero auctor p. 166 citat, ubi illa legitur.

Quod ad 13 propositionem attinet, quæ sic habet: Non est major prædeterminatio ex parte Dei in justificatione impij, quam ex parte voluntatis humanæ. Quantum doctrina mea ab ea propositione distet, præter hæcenus dicta, comperietur ex quæst. 14 art. 13 disp. 37 pag. 149. §. His ita, & p. 150 §. Cum autem, & disput. 45 & 46. pag. 181. ubi late motus omnes gratiæ prævenientis & cooperantis explico, progressumque totum justificationis, & quantum quicumque motus aut actus ab arbitrio nostro, & quantum a Deo per suam gratiam pendeat, ac determinetur ad esse supernaturale, competentisque dispositionis in suo ordine ac gradu ad gratiam.

SATISFACTIONES QUARUNDAM ANIMADVERSIONUM.

ONus mihi injunctum id solum postulabat, ut propositiones, de quarum veritate in Castella fertur dubitatum, in meo libro, ut mihi objiciebatur, non reperiri ostenderem. Quod cum præstiterim, necesse non erat ad animadversiones, quæ in altero papyro continentur, respondere. Præsertim cum earum auctor pauca quædam mea verba referat, quæ aliquam dubitationem legenti poterant ingerere, omittat vero antecedentia & sequentia, ex quibus orta dubitatio prorsus evanescit. Maxime vero, quia nostra omnia, prævio diligenti ac diuturno examine, magna cum laude fuerant approbata trium, ut vocant, Conciliorum auctoritate, nimirum Castellæ, Aragoniæ, & sancti Officii regni Lusitaniz, nihilque in animadversionibus adversus ea objiciatur, vel ex eis inferatur. Sed nonnihil etiam de his dicam, idque brevissime.

ANIMADVERSIO I.

Pag. 2 circa principium, sic ait: *Interim ex traditis in hoc articulo, illud solum ante oculos velim habere, sententiam liberam, quæ Deus scit contingentia aliqua esse futura, non esse causam rerum.*

SATISFACTIO.

Cum triplex genus scientiæ in Deo distinxerim, ut constat ex quæst. 14 art. 13 disp. 52 & ex iis, quæ ante verba illa præmi-

MOLINA.

seram, quæ animadversionum auctor ex p. 2 nostri libri refert: duoque priora genera, & antecedere determinationem divinæ voluntatis, & continere rationem totam agibilem ac facibilem, ac proinde artis, prudentiæ & providentiæ ex parte divini intellectus perspicue docuerim: atque D. Thomas art. 8 (ubi verba illa habentur) doceat, divinam scientiam non nisi accedente libera determinatione voluntatis divinæ, causam esse rerum: mirum profecto est, quod prædictus auctor tanquam falsum primo loco notarit, quod dixerim, tertium genus scientiæ (quæ libera jam est in Deo, & quam nulla determinatio divinæ voluntatis consequitur) causam non esseretur, sed solas priores scientias, quæ per liberam divinam volitionem determinantur.

ANIMADVERSIO II.

Pag. 14. b. sic ait: *Quod ex eo confirmatur, quoniam nos, comparato habitu fidei, spei, aut caritatis supernaturalis, possumus cum communi auxilio Dei, unum aut alterum actum fidei aut caritatis supernaturalis elicere &c.* Hoc ipsum docet pag. 26 & pag. 27 & pag. 28.

SATISFACTIO.

Cum jam supra, & in locis ibi citatis, ostensum sit, habitus hos supernaturales rationem sortiri prævenientis & cooperantis gratiæ ad suos actus eliciendos, eosque suo influxu supernaturales efficere, non est cur ea in re, quæ communiter asseritur, quinquam hæreat.

ANIMADVERSIO III.

Pag. 37. a. sic ait: *Quare fieri potest, ut duorum, qui equali auxilio interiori a Deo vocantur, unus pro libertate sui arbitrii convertatur, & alter in infidelitatem permaneat: sæpe etiam accidit, ut cum quo auxilio unus non convertitur, alius convertatur.* Et pag. 37. b. loquens de hac ipsa doctrina ait: *Idem quoque dicendum est de conversione peccatoris jam fidelis ad penitentiam.*

SATISFACTIO.

Sermo est de auxiliis gratiæ prævenientis: id quod verissimum esse jam ostensum est.

ANIMADVERSIO IV.

Pag. 141 & sequenti docet: *Deum non concurrere ad actionem materiale peccati, neque esse causam illius.* Et pag. 300. b. ait: *Non omnes effectus, qui in hoc mundo eveniunt, esse provisos a Deo, & statim probat hoc in particulari de actione materiali peccati.*

Mmm

SATIS-

SATISFACTIO.

LEgantur quæ pag. ipsa 141 & sequenti dixi, & comperietur me affirmasse Deum concurrere ad actionem materiale peccati; non tamen illi esse attribuendum peccatum, etiam materialiter sumptum, tamquam propriæ illius causæ, aut quasi illud sua providentia & cooperatione intenderit. Memoria etiam retineantur, quæ hac de re circa 3 propositionem dicta sunt, disputationesque ibidem citatæ legantur. Verba ex pag. 300 supra circa primam propositionem examinata sunt.

ANIMADVERSIO V.

Pag. 164. b. seq. docet: *Libertatem nostrum arbitrium per suum consensum efficere quod auxilium divinum sit efficax ad conversionem: & non e contra auxilium Dei efficax efficiat quod ipsum liberum arbitrium consentiat: dicit enim hæc verba: Quo fit, ut divisio sufficientis auxilii in efficax & inefficax, nostra sententia ab effectu, qui simul ab arbitrii libertate pendet, sumatur; illudque auxilium sufficiens, sive majus sit minus in se sit, efficax dicatur, cum quo arbitrium pro sua libertate convertitur. Et paulo inferius subdit alia verba idem significantia.*

SATISFACTIO.

Hæc paulo ante satis examinata sunt; quamque vera sint, ostensum est.

ANIMADVERSIO VI.

Pag. 216 & seq. docet: *Quod Deus non determinat liberum nostrum arbitrium ad aliquam partem contradictionis, scilicet, ut velit hoc aut illud; sed ipsum liberum arbitrium seipsum determinat pro sua libertate; unde ait: quod Deus non cognoscit certo actum futurum liberi arbitrii ex eo quod Deus determinavit illud ad talem actum; sed quia Deus libera sua determinatione voluit creare liberum arbitrium in tali ordine rerum.*

SATISFACTIO.

Pag. 216 & ubique doceo, semper Deum liberum relinquere arbitrium nostrum, ut consentiat gratiæ prævenienti, & non consentiat: neque ideo Deum cognoscere, in quam partem pro sua libertate se sit arbitrium determinaturum, quod sua cooperatione necessitatem aliquam in sua determinatione sit ei illaturus, non solum quæ spontaneo, sed etiam quæ libertati vel contrarietatis, vel contradictionis opponatur, ut etiam est de fide; sed quia altitudine sui intellectus in se ipso, &

in arbitrio ipso ex æternitate prævidit in quam partem pro sua libertate cum hic vel illis auxiliis & occasionibus se esset inflexurum, cum posset opposito modo seipsum, si vellet, inflectere.

ANIMADVERSIO VII.

Pag. 223 dicit: *Se convenire cum aliis auctoribus in hoc, quod non ideo liberum arbitrium facturum est hoc potius quam oppositum, quia Deus id præscivit; sed e contrario, Deum id præscivisse, quia liberum arbitrium pro sua innata libertate id erat facturum.*

Pag. 228 a. ait: *Item quod res libero arbitrio prædita, si in certo ordine rerum & circumstantiarum collocetur, in unam aut alteram partem se stent, non provenit ex præscientia Dei; quin potius id præscit, quia ipsa res libero arbitrio prædita, libere idipsum agere debet; neque provenit ex eo quod Deus velit id ab ea fieri, sed ex eo quod ipsa libere hoc velit facere. Et hæc eandem sententiam repetit pag. 232. a. dicens. Non quia Deus cognoscit aliquid esse futurum, ideo illud futurum est; sed e contrario, quia illud futurum est ex suis causis, ideo Deus illud cognoscit: Idem etiam repetit pag. 236.*

SATISFACTIO.

Quod ex pag. 223. refertur, verum esse ostendimus supra, cum egimus de 3 propositionibus. Idem dicendum est de eo, quod refertur ex pag. 228, 232 & 236.

ANIMADVERSIO VIII.

Pag. 283 docet idipsum quod superius dixerat, scilicet: *Deum non esse causam actus peccati quoad materiale. Ait enim, Quod Deus non vult voluntate absoluta quod actus peccatorum sint. Et postea subdit: Quo fit ut Deus non omnes entitates reales, quæ præveniunt in rerum natura, velit esse voluntate absoluta.*

SATISFACTIO.

Ex iis quæ dixi circa primam & 3 propositiones, itemque ex iis, quæ paulo ante dixi in §. qui incipit: legantur, quæ pag. &c. vindicata sunt a calumniis quæ ex pag. 283 referuntur.

ANIMADVERSIO IX.

Pag. 295. b. ait: *Si loquamur de ordine ipso causarum ac mediorum divina providentia constitutorum, sublata præscientia quod futura sint, quæ nullo modo est causa rerum, ut qu. 14 art. 8 & 13 late ostensum est, utique effectus neque*

neque necessitatem consequentia habent comparatione illius, nullumque omnino absurdum sequeretur, si illis ita existentibus, eveniret contrarium ejus quod re ipsa eventurum est.

Pag. 296. a. sic ait: Quare non omnis ordo divine providentiæ est certus, immobilis, & indissolubilis, quoad effectus affectionem.

SATISFACTIO.

IN periculosa illa Cajetani falebra hæret hic auctor, nempe de ratione ordinis mediorum divine providentiæ esse, ut semper finis ad quem ordinantur sequatur; neque possit liberum arbitrium alio se flectere, si velit. Itemque supponit scientiam liberam, quæ post determinationem voluntatis divine in Deo est, & ab hac determinatione pendet, causam esse eorum. Fatalem deinde videtur invertere necessitatem posita præscientiæ & providentiæ divine. Denique legantur quæ illis in locis dixi; quoniam truncate referuntur.

ANIMADVERSIO X.

Pag. 297. b. ait: Effectus fortuitos non esse intentos a divina providentiâ, sed esse prævisos in particulari, & esse permissos a divina providentiâ. Unde videtur loqui de illis sicut de peccatis. Et pag. 298. a. subdit: Hinc patet necesse non esse concedere, mortem illius, qui præter ipsius intentionem, dum natæ voluit, suffocatus est, esse intentam ac politicam a Deo; sed permissam duntaxat.

SATISFACTIO.

NON de omnibus fortuitis effectibus, sed de quibusdam loquor: de illisque, sicut de actibus peccatorum, dico, non esse intentos a divina providentiâ; sed permissos, ut circa primam & tertiam propositiones dictum explicatumque est.

ANIMADVERSIO XI.

Pag. 300. b. sic ait: Illud igitur in præmissis nulla ratione admittendum est, effectus omnes, qui in hoc mundo eveniunt, prævisos esse a Deo ut ita fierent, preparasseque, ut ita evenirent, voluisseque voluntate vel efficaci vel absoluta ut ex certis causis ita evenirent.

SATISFACTIO.

ISdem in locis fuerunt expensæ, verissimamque esse ostensa sunt.

ANIMADVERSIO XII.

Pag. 303. b. ait: Quod non ex eo quod Deus præficeret effectus ita eventuros esse, ideo

evenirent; sed e contrario, quia illi pro libertate arbitrii ita sunt eventuri, Deus id præficeret.

SATISFACTIO.

CIRCA tertiam propositionem ostensum est, & verissimum esse, & esse communem Patrum & Doctorem assertionem.

ANIMADVERSIO XIII.

Pag. 328. b. refert sententiam quorundam Theologorum circa materiam de prædestinatione, & sic ait: Nonnulli sententiam hæc descendunt, ut duplex auxilium divinum consistant, quoddam efficax, quoddam sufficiens, verumtamen inefficax; quod vero auxilium efficax sit, aut inefficax, censent nulla ratione tribuendum esse libero arbitrio, quasi ex eo auxilium quodcumque sive magnum sive parvum, efficax aut inefficax sit, &c. Et post pauca ait ita: Sed ipso auxilio, sive Deo efficaciter, aut inefficaciter illud moventi tribuendum esse, quod liberum arbitrium consentiat aut non consentiat, &c. Et post pauca pag. 329. a. subdit: Ea vero ratione dicunt Deum ex adultis hos potius quam illas pro libera sua voluntate prædestinasse, quodingere voluit eis conferre auxilium efficax, &c. Et post pauca subdit: Certe non dubitarem sententiam hæc, hoc ultimo modo explicatam, erroris in fide appellare. Et hi alii auctores censent, quod sententiam esse adeo veram, ut erroris in fide. Videtur quid horum sit verius.

SATISFACTIO.

DE auxilio gratiæ præventivi loquor, censeoque, neque auxilium gratiæ cooperantis ullam libertatem ab arbitrio nostro sufferre in eo ipso temporis momento, quod impeditur, & peccator convertitur. Verissima vero compertitur, quæ ibi a me dicta sunt, sicut a tribus examinatoribus verissima sunt respecta.

ANIMADVERSIO XIV.

Pag. 304. sic ait: Licet adultis ita prædestinatus, hoc est, absque ulla Dei deceptione, vitam æternam consequatur; certitudo tamen non est ex parte mediorum, effectusque prædestinationis, sed ex parte divine præscientiæ, quia Deus alititudine illimitatæ perfectionis sui intellectus supra id, quod naturæ rei habet, certo cognoscit prædestinatum taliter pro sua libertate cooperaturum, &c. Videtur hic auctor tollere certitudinem divine prædestinationis, quatenus ordinem prædestinatum consenturum vitam æternam per talia media, &c. Et pag. 354. a. circa principium, hoc ipsum iterum videtur asserere, cum ait: Ut enim explicatum est, in æterna prædestinatione non est alia certitudo, quod prædestinatus sit æternam beatitudinem consequeturus, quam quæ est in divi-

na præscentia, qua Deus certo cognoscit: &c. Et post pauca subdit: Idem dicendum est de parvulis, scilicet, quod certitudo prædestinationis eorum, non est ex certitudine mediocrum, &c. sed ex certitudine divine præscentia.

SATISFACTIO.

Hæret iterum in falebra Cajetani, qui arbitrat, in mediis divine providentiæ, per quæ adulti dependent a libera sui arbitrii cooperatione ex aternitate est prædestinatus, certitudinem aliam esse, quam præscentia, qua Deus altitudine sui intellectus prævidit, ex hypothesi quod illum in tali rerum ordine creare, & talibus auxiliis adjuvare vellet, futurum, ut illa media pro libertate arbitrii illius re ipsa essent, & consequenter per ea perveniret in vitam æternam; cum tamen, si vellet, posset a beatitudine desistere, efficereque ut ea media, quatenus ab arbitrio ipsius pendent, non sint. Porro prædestinatio supra providentiam ad beatitudinem per ea numero media, addit præsentiam illam, quod ita cooperabitur. Item dum ea, & similia notat, discedere conatur a communi illo Patrum pronuntio, de quo circa 3 propositionem dictum est, & sine quo libertas arbitrii nostri non potest salva consistere. Error autem est in fide, ex divina providentiâ, aut prædestinatione, vel præscentia, quæ ex æternitate in Deo sunt, quasi fatalem necessitatem, inevitabilitatemve invchere; ita ut arbitrium nostrum alind re ipsa efficere jam non possit, quam quod provissum, aut præscriptum est, libertasque arbitrii de medio tollatur quoad ea, quæ per comparationem ad vitam æternam assequendam ab eo pendent.

ANIMADVERSIO XV.

PAG. 370 docet hic auctor: Quod quamvis ex parte prædestinati non detur causa, aut ratio, aut conditio, sine qua non, totius effectus prædestinationis, quantum ad propositam, & voluntatem Dei in ordine ad media, & finem ipsius prædestinationis, præsentia tamen incipit in prædestinatione, qua præscentia Deus prævidit ex hypothesi quod vellet conferre ea media, &c. datur conditio, & ratio ex parte usus sive cooperationis libertatis prædestinati. Et hoc ipsum loquens in particulari de prædestinatis: Petri aut Joannis. Et pag. 374. a. ibi: Nos dicunt: Quod præscentia Dei erga me, ita dependet ab ipsi meritis. Et cum juxta sententiam hujus auctoris, prædestinatio completur per præscentiam: sit, ut prædestinatio juxta ejus sententiam dependeat ex meritis prævisi. Et pag. 375. a. hoc ipsum asserit; ait enim: Quod vero hæc aut illa providendi ratio tali adulti in particulari, rationem habeat, aut non habeat prædestinationis comparatione illius, ex eo etiam pendet, quod ipse uno vel altero modo per suum arbitrium sit cooperaturus.

SATISFACTIO.

IN iis, quæ hic truncate referuntur, id tantum volo cum communi Patrum pronuntio, de quo circa

Potest imprimi esta Apendix.

En Lisboa, 25 de Agosto, 1589.

JORGE SERRANO. ANT. DE MENDOÇA. DIEGO DE SOUSA.

Imprimase, 30 de Agosto, 1589.

CHRISTOPHORUS.



tertiam propositionem dixi, merita nostræ, ceteraque prædestinationis nostræ media, prout præcise ab arbitrio nostro pendent ut sint aut non sint, non quia Deus illa ex hypothesi, quam sæpe fecimus, per scientiam mediam prævidit futura, ideo futura esse; sed e contrario, quia pro nostri arbitrii libertate erant ita futura, Deum id præcivisse, atque adeo præscentia illius (qua in prædestinatione per illa numero media includitur) dari conditionem ex parte objecti, sine qua talis præscentia in Deo non extitisset. Quod autem Deus ea numero media ex parte sua conferre voluerit, per eaque ex æternitate prædestinare, nullam dari causam, neque rationem ex parte nostri, sed in nudam libenter ac misericordem Dei voluntatem id esse referendum.

ANIMADVERSIO XVI.

PAG. 378. a. ait: Sed quod hi cum majoribus auxiliis prædestinati & salvati non fuerint, illi vero cum minoribus prædestinati ac salvati fuerint, non aliam dedit sibi, nisi quod illi pro innata libertate noluerint uti suo arbitrio, ut salutem consequerentur, hi vero maxime.

SATISFACTIO.

LEGANTUR antecedentia & sequentia in eodem argumento, ubi illa apponuntur, nec non nona conclusio, in cujus confirmationem illud & alia argumenta confecta sunt, compertique nihil absonum, aut falsum in eis contineri.

ANIMADVERSIO XVII.

PAG. 391. b. ait: Quod Deus hunc ordinem adultorum & ceterarum rerum, in quo prævidebat, cum quosdam adultos pro sui arbitrii libertate perventuros in vitam æternam, reliquos vero minime, potius elegerit quam quemcumque aliam, in quo res aliter evenisset, atque adeo quod electione potius hujus ordinis, quam alterius, hos prædestinaverit potius quam illos, nulla fuit causa aut ratio ex parte prædestinatorum, sed id totum in liberam Dei voluntatem referendum est: quod vero electi hujus ordinis, rationem habuerit prædestinationis comparatione eorum adultorum, & non illorum, ratio seu conditio ex parte adultorum, a qua id pendebat, fuit, quod pro sua innata libertate, hi, & non illi, ita per suum arbitrium essent cooperaturi, ut ad terminum vite in gratia pervenirent. Ubi ipse autem videtur docere, bonum usum liberi arbitrii prævisum fuisse rationem prædestinationis adultorum.

SATISFACTIO.

IN his nihil vituperabile continetur. Et tam in antecedentibus quam in sequentibus fulsissime explicata sunt, ab omnique calumnia vindicata. Nec de aliis eis volumus, quam quod paulo antea §. Hæret iterum, & §. sequenti dictum est. Auctor animadversionum illa quidem legit, sed fultum ea fragmenta truncate asserit curavitque in rebus, ex se diffusissimis, effugit aliquam absurditatis offerre his possent, qui antecedentia & sequentia non legissent.

